


續修四庫全書

《續修四庫全書》編纂委員會編

續修四庫全書



上海古籍出版社

八〇一・史部・政書類

欽定大清會典事例一千二百二十卷（卷一百七十八至卷二百四十五）〔清〕崑岡等修 劉啟端等纂…

2673/08

欽定大清會典事例卷一百七十八

戶部

屯田 新疆屯田

新疆屯田。乾隆二十一年奏准。巴里坤至濟爾瑪台濟木薩烏魯木齊羅克倫瑪納斯安濟哈雅精河等處。俱有地畝可資耕種。伊犁附近地方。約有萬人耕種地畝。空格斯珠勒都斯等處。可耕之地亦多。現在伊犁有回人三千餘名。令巴里坤辦事大臣及甘肅撫臣。派出綠旗兵一百名。委員酌帶籽種農具耕牛。於明年正月內前來。分別按地酌給耕種。俟試看一年。再行辦理。○又

諭。回人與額魯特等。素如敵讎。若令回人屯種伊犁。或受額魯特等欺陵。轉恐滋事。不若仍令回人各歸原處。令其輸納貢賦。似較妥協。伊犁等處可種之地既多。酌量遣派內地兵民前往屯種。照安西地方之例辦理。既可支給屯兵糧餉。而於鎮守地方。更屬有益。○二十二年奏准。吐魯番地方直通伊犁。兼與各處回城聲息相通。即於吐魯番派兵屯種。現在額敏和卓已駐紮此處。尚有闡展地方。地勢

寬展可資屯種。即將所帶綠旗兵丁派令屯田。交與副將督率管轄。並令額敏和卓父子嚴密防範管束。協同辦理。○又奏准。雍正年間。巴里坤駐紮大臣時。奎素石人子。以至尖山子一帶地方。俱經開墾。茲復勘得尖山子起至奎素一帶百餘里內。從前地畝舊迹俱存。係取用南山之水。共有正渠九道。自山口以外。多滲入沙磧。必須木槽接引。方可暢流。其三道河以北。自鏡兒泉三墩起。至奎素止。亦有開墾地畝。正渠三道。及支渠形迹。荒蕪日久。渠身湮塞。現在工多人少。且工料必須撥運。應於甘涼肅三處。先派種地官兵一千名。於來年正月前往。疏濬水泉。開引渠道。需用工匠物料田器牛隻等項。均由內地辦運。至二三月間。土膏萌動。即分布巴里坤駐紮滿兵三千名。綠旗屯田兵一千五百名。於可墾之地。翻犁試種。巴里坤一帶。氣寒霜早。惟宜青稞。令各兵於青稞外。如糜穀之類。少為試種。儻或有收。再行加增。其官兵整裝銀兩。照例給發。○又

諭。烏魯木齊等處。亦須漸次屯種。接濟兵食。其如何相

度水利。測驗土脈。及派兵前往一切口糧牛具籽種等項。豫為料理之處。著黃廷桂詳悉具奏。○又奏。准吐魯番現在耕種屯田之綠旗兵八百名。移往哈喇沙爾伊拉克等處耕種。一面查明吐魯番現種熟地若干頃。此外有無可墾之土。共需兵若干。酌定數目。派出兵丁。辦給籽種器具。遣往吐魯番接種。○二十三年奏。准闡展魯克察克吐魯番。除官兵及回人屯種外。因水乏無可開墾。吐魯番西百餘里。通哈喇沙爾。托克遜城。水頗充足。再哈喇沙爾通庫車阿克蘇大路。舊係額魯特回人墾種。海都河水甚足。烏魯木齊水亦足用。現於哈喇沙爾派兵二千四百名。烏魯木齊原派兵五百名。增派五百名。托克遜與闡展魯克察克相近。量增兵五百名。闡展仍派兵四百名。共需兵四千三百名。除現在兵丁外。已移咨黃廷桂。於奏派八千名內。先派三千名。攜帶牛具口糧。前赴魯克察克。於三月前趕到。計需籽種一千六百石。有奇。除動用闡展存儲外。移文巴里坤大臣。速為運送。○又

諭。昨因軍需羊隻。道遠多致倒斃。諭永貴等於屯田處

所。廣為墾種。以裕軍食。今據永貴定長等奏稱。本年。在烏魯木齊闡展托克遜哈喇沙爾等處。共派屯田兵三千六百名。墾地二萬九千二百畝。計布種一千四百餘石。可收穀三萬六百石。較去年吐魯番闡展之數。加增三倍等語。多種地畝。於軍食有益。現派兵數。尚覺其少。或伊等計抽調留候成熟。僅得此數。耶。抑或難於多得耶。但添派綠旗兵丁。其後隊尚未起程者。多係閒住。不妨暫令乘時布種。再陸續前往。至永貴等辦理屯田。當親往察看。董勸兵丁。其勤於力作。多種地畝。著即量加賞賚。以示鼓勵。○又

諭。屯田為軍食所關。凡墾種地畝。收支穀石。俱宜豫行籌畫。可傳諭永貴等。將現在墾種若干。收糧若干。較去年多增幾倍。足敷兵丁若干人。幾日之食。來年亦照此加增。覈計具奏。至平定回部後。屯田兵丁。若同征兵撤回。則將來又煩跋涉。自應留住彼處。來年墾種地畝。應添兵丁。或於征兵內酌量存留。伊等口糧。即在現收穀石內支給。但足敷幾月之食。能及收穫之期否。俱著籌酌奏聞。○又奏。准巴里坤至伊犁。分駐官兵屯田。由近及遠。漸以舉行。凡阨塞諸處。一切修建城堡。分別營站。仍聽將軍兆惠辦理。

至屯田需用牲隻現由太僕寺解羊萬頭極為充裕其鑄造農具秋冬酌量運送計由巴里坤至烏魯木齊南路一帶如闢展托克遜哈喇沙爾等處今歲俱已種植自烏魯木齊以內察罕烏蘇穆稟北路一帶未設臺站舊係噶爾藏多爾濟部落地多砂磧難於開墾由穆稟至烏魯木齊一帶則可墾之地最多近因哈薩克貿易派員承辦並遵

旨揀選副將一員帶兵二百名管押貨物乘便遊委道員同往彈壓即於經過之處將曾否開墾地畝及氣候寒暄土脈肥瘠水泉多寡繪圖貼說再加酌議○又

諭永貴等奏稱前與雅爾哈善會商無分進勒屯田兵丁隨到即令開墾地畝續因耕牛農器不能全到先就闢展等處所有畝錫令其開溝築隄又哈喇沙爾之海都河水勢湍急必須渠深岸固方免衝溢等語看來今年播種之期似稍遲誤但將進勒兵丁後隊截留人力有餘或可將烏魯木齊等處俱行墾種可傳諭永貴等現在籌議屯田處所交秋以後成熟穀石若干來年伊犁等處屯田能以次興作否並將伊

等奏摺錄寄黃廷桂閱看俾得酌量豫備○又奏准昌吉距烏魯木齊六十餘里羅克倫距昌吉四十里舊係噶爾藏多爾濟之一千六百餘戶游牧地平水足有河渠舊址修理亦易丈量得昌吉可墾田八萬餘畝羅克倫可墾田七萬餘畝應於昌吉羅克倫各駐兵一千五百名更番開墾種植以休地力○又

諭勞三前奏請查勘烏魯木齊屯田時朕即謂雖為期尚早亦當先事籌備隨諭黃廷桂來年穆稟烏魯木齊屯田派兵七千名及辦給農工器具今昌吉等處既又可駐兵三千可傳諭黃廷桂照數添派兵丁合之前派七千即得萬人為數雖多但屯田兵惟取其習於耕作不必盡皆精壯黃廷桂宜酌量辦理如有不便即停其添派亦可仍與勞三永貴等會商定議具奏○又

諭據永貴奏稱將軍兆惠所議屯田收成分數每人墾田二十五畝所收穀石可給八九人之食詢問官兵等俱稱必係成熟之地一家有四五人助力方如前數若一人墾田即盡力不過十四五畝可食三四人等語此特據綠旗官兵之飾詞遂以為實不但與兆

惠所奏不符。即以內地情形而論。四民之中。農居其一。尚能積貯有餘。流通出糶。永貴等豈未聞知。或因初墾之地。收成歉薄。若將來由近及遠。以漸增加。仍執此定數。安足以給軍食。可傳諭永貴等。加意勸課兵丁。務如農民治田。不留餘力。視其所收分數。再行定議具奏。○又奏。本年開展等五處屯田兵三千六百名。今屆收穫之期。看得地有肥磽。穀分豐歉。米麥合算。通計實屯田二萬二千三百三十五畝。每畝收穫一石九斗至一石四斗不等。共收穀三萬七千三百四十餘石。以去年每畝一石四斗計之。增出五斗至三斗六升不等。共多收六千七十餘石。所收穀石。次年自開展至哈喇沙爾。烏魯木齊。新舊兵丁。又烏魯木齊附近額林哈畢爾噶羅克倫。昌吉至西托摩楚克等處新兵。共需籽種一千五百二十石。餘穀三萬五千八百二十六石。碾米一萬七千九百十三石。共數官兵跟役九千一百九十人口糧七箇月有奇。其不足之數。次年所種小麥青稞。六月內即可收穫。以資接濟。奉旨。永貴等所奏開展等處屯田收穫分數。看來止數屯

兵口糧。其伊犁駐防官兵。仍舊籌畫。可傳諭兆惠。遵照節次諭旨辦理。至從前屢諭永貴等確查收成分數。除新舊屯田兵丁外。尚足敷幾千人之食。伊等遲久方奏。微覺難於籌辦。不思內地農民。何以畝有餘糧。蓋由家長善於勸課。且食用樽節。毫無欺隱。兵民雖異。其理則同。永貴其悉心經畫。於軍需自有裨益。○二十四年諭。屯田糧石。關係軍需。定長等所報碾出數目。有較上年加增者。皆承辦之員實心經理所致。著加恩將都司瑪呼等交部議敘。嗣後各處屯田。除收穫較多者。准其奏請議敘外。如較原報之數虧缺無多。著暫行登記。准以下次贏餘抵補。儻再有虧缺。即照所缺之數分別議處。庶承辦各員。知所勸懲。可傳諭令其遵照辦理。○又奏。准烏魯木齊增墾屯田。擬於凱旋綠旗官兵內截留五千名。以四千分墾地畝。以一千豫備差遣。明年收穫。即可供伊犁糧餉。俟伊犁屯田又可接續。其巴里坤有屯兵八百名。應將西安提督移往駐紮。此時農具籽種。最為緊要。上年冬月。辦過籽種二萬八千石。運到開展一萬一千餘石。農具一萬三千副。現存哈密農

具六千餘副。今於肅州雇得商駝四百餘隻。將應送烏魯木齊等處農具籽種口糧。按程給值。源源轉運。至耕田牲畜亦屬要需。甘省各提鎮原有孳生兒騾馬匹。即於此內挑選一二千匹。七八月間送往巴里坤收放。以備調用。○又奏烏魯木齊新舊屯田兵一千名。舊兵除差遣外。實屯田兵六百七十四名。種地一萬五千一百餘畝。收麥黍一萬二千二百四十餘石。新兵二百名。種地一千五百餘畝。收麥黍二千二百四十餘石。舊兵所種較上年加倍。其收穫亦如之。

○又

諭定長等將本年闢展托克遜烏魯木齊哈喇沙爾喀喇和卓等處屯田收穫分數具奏。又稱除烏魯木齊外。其他地畝較之初種時。漸覺歉薄等語。此等田畝雖不能如內地人工奠治。可以常年耕種。但地頗寬。彼此遞年互調耕作。自有餘力。著楊應琚會同舒赫德定長悉心講求。酌議具奏。○又奏准烏魯木齊屯地兵丁墾種在二十畝以上。而收數多者。官弁議敘。如差繁墾地及數。因被災收數中平。或差繁墾地不及數。又被災傷。以致收數減少。與

事故耽延墾地不多。而每畝收數不減者。均予免議。其墾地不及數。收數不大減。及差調以致地畝收數俱少者。將墾收數目註冊。留給下年積算扣抵。○二十五年

諭安泰奏稱奉巴里坤綠旗兵可否調往烏魯木齊。諭旨。現在烏魯木齊糧石頗屬饒裕。內地所辦農器多在巴里坤。所有兵丁九百名。與其在彼守候。即可調來烏魯木齊屯田等語。烏魯木齊增兵開墾。既有益屯田。而哈薩克貿易往來。昨尚諭派索倫兵數百名駐紮防範。今增調此項兵丁。更足以壯聲威。即照所奏辦理。○又

諭阿桂奏稱伊犁河以南。有地名海努克。與固勒扎相隔一日程。途水土沃行。請於此處先行屯種。相其形勢。分立卅莊等語。所辦甚是。俱依議行。果能實心奮勉。次第辦理。則屯田一事。當錄伊經始之功也。至卅莊居住回人。需兵防護。非尋常屯田處所可比。必固其堡寨。勤其瞭望。庶藏匿之嗎哈沁及哈薩克等不敢滋事。至所奏起程以前。派回人修理穆索爾嶺道路。及將來安設臺站。行文舒赫德酌辦等語。從前準噶爾與回人往來。俱由穆索爾嶺一路。今既屯田伊

犁。自應時加修理。其酌派回人。及安設臺站。俱傳諭舒赫德知之。○又

諭。安泰等奏屯田以漸開拓。直通伊犁。自烏魯木齊至羅克倫。擇水土饒裕之地。立四邨莊。每莊屯兵八百餘名。委遊擊一員。都司一員。分派雜職等督課耕種等語。所見甚是。可即勉力善為經理。至設立邨莊。尤宜防範盜賊。不可輕忽。所奏官兵四五百人。間有疾病。乞賞給醫士及藥材等語。著傳諭吳達善於甘肅選良醫二名。並各種藥材。送至烏魯木齊備用。○又諭。伊柱奏稱屯田兵丁。已抵伊犁之海努克。現在安設

邨堡。修理溝渠等語。看來伊犁屯田。俱有舊蹟。將來漸次開拓。更於軍食有裨。著傳諭伊柱。於一切應辦事宜。先時相度。加意奮勉。督策回人盡力耕耘。毋為偷惰。其地畝數目。收穫情形。可遇便陸續奏聞。○又諭。據阿桂奏稱本年伊犁屯田。以播種計之。上地所獲二十倍。中地所獲十倍。足數千餘人來年麥熟前之食。將來增墾益多。則需人益眾。並請於開展廢員內遣原任副都統圖克善劉揚前來效力等語。今年數百回人甫經耕墾。即收穫豐裕。覽奏殊為欣悅。伊犁地廣。屯田以多為善。其圖克善等。俱照所請發往。若

仍需人承辦。則烏魯木齊效力官員頗多。著一函具奏。一面調遣。亦傳諭烏魯木齊大臣等知之。○又議

准。前因進勒回部。開展等處。俱係衝要之地。故屯田以接續口糧。供備調遣。今軍務告竣。所有屯田兵丁。或發往伊犁。或遣歸營伍。應酌議開展等處。某處係屬要地。仍應存留官兵外。其年久老疾之人。遣歸原營。餘俱陸續發往伊犁屯田。至從前所墾地畝。酌量留給兵丁耕種。餘俱賞給本處回人。所有現收糧石。既敷臺站屯田兵丁數年之食。亦即照各處所需之數儲備。每年出陳易新。毋使微變。○二十六年

諭。據定長等奏烏魯木齊屯田兵丁。較常人所食頗多。照例支給。尚覺不敷等語。已諭於常數之外。每人日加米麵五合。至伊犁屯田回人。亦與綠旗兵丁同事耕作。自當一體加恩。著傳諭阿桂。將伊等應否加給。或一二年後。視其效力如何。再行辦理之處。酌議具奏。○又

諭。阿桂奏稱葉爾羌喀什噶爾阿克蘇烏什等城。有舊在伊犁耕種回人二三千名。今聞開設屯田。願來效力者甚多。若悉駐回人。即可裁減綠旗兵丁。但該伯

克等。或以錢糧缺額為詞。惟停止協助之費。並照派出回人戶口。減其糧額。則眾皆樂從等語。所奏甚是。伊犁再增回人千餘。生齒更覺繁盛。亦於伊等生計有益。且裁減綠旗兵丁。既省內地之力。而回人田作亦較勝綠旗兵。可將阿桂奏摺。錄寄舒赫德等閱看。定議具奏。○又奏准。瑪納斯庫爾喀喇烏蘇精河等處。在伊犁烏魯木齊之間。地可屯田。應設立邦堡三處。以次經理。來春先派兵五百名往瑪納斯。以一百名起蓋倉廩房舍。四百名屯田。續派兵五百名往庫爾喀喇烏蘇。即以瑪納斯餘糧辦給。其精河亦照此續辦。再由烏魯木齊至伊犁。道遠地廣。若安設臺站。以馬兵五百名往來巡查。則外藩貿易人等。觀瞻既肅。於牲畜亦有裨益。今烏魯木齊有索倫兵三百名。來春辦理瑪納斯屯田時。即先派索倫兵五十名同往。分卡巡查。○又奏准。瑪納斯庫爾喀喇烏蘇精河三處安設邦莊。駐兵屯田。原以省額林哈畢爾噶一路臺站。輓運口糧之力。續因一時難以盡舉。暫停安設臺站。瑪納斯距昌吉羅克倫不遠。酌派屯田兵二百名。庫爾喀喇烏蘇精河。距伊

犁烏魯木齊俱遠。每邦派兵三百名。每人各墾地十五畝。所需籽種農具駝隻。由烏魯木齊巴里坤取用。○又奏准。巴里坤有屯田綠旗兵一千名。雖經墾種。而地寒霜早。僅收青稞一種。故屯田兵亦照駐防例。支領鹽菜銀兩。兼以粟麥。共需銀五萬二千三百兩有奇。安西兵丁三千餘名。計日遷移。俱係折給糧價。更不需支食青稞。所有屯田兵丁。概行撤回。即將安西兵派出屯田。以節冗食。○又題准。烏魯木齊等屯。每兵收穫糧十一石以上至十四石。官弁議敘。署把總外委兵丁。俱賞給一月鹽菜。○二十七年

諭。楊應琚奏請將開展屯田收穫之芝麻菜子。分借回人種植。俟收穫後扣還籽種。其餘量為交官。以抵應輸額賦等語。開展所種芝麻菜子。上年已試有成效。自應借給回人種植。以省運油之費。但回地向未有此。若令其分種。恐非所素習。著傳諭德爾格酌量辦理。或伊等不願承種。即毋庸拘泥該督來咨。勉強從事。再烏魯木齊地畝廣遠。現在開墾三屯。或即於該處播種。以濟日用。亦無不可。並傳諭楊應琚知之。○

又

諭達桑阿奏稱玉古爾庫爾勒回人等今歲屆升科之期派員查勘收成分數據報玉古爾大小麥俱已成熟共收穫八千一百餘石庫爾勒所種因蝗蝻傷損僅收三百餘石等語回人所種地畝俱資灌溉之利雖不虞旱澇而蟲鼠為耗致成偏災亦所不免雖不必盡照內地蠲賑之例辦理而視其被災分數酌量減免伊等自感出望外且實與生計有裨此次庫爾勒回人等升科伊始既被偏災其作何蠲免之處著速議具奏將來各城回人所種地畝有成災者著各該駐紮大臣詳悉查勘收成分數定議辦理俾回眾咸知朕軫念新附之意即其中有捏報災傷希圖免賦者因此履畝確勘亦得杜其傲幸之端著傳諭永貴等知之○二十九年

諭伊犁田土肥潤如數多人耕作莫若令滿洲官兵分種既得勤於力農而於養贍家口餼養馬匹均屬有益著交明瑞查明地畝俟滿兵到齊住後酌量分給耕種欽此遵

旨議奏附近伊犁二百里以內可種田地甚多俟官兵到齊再行妥議辦理○三十一年議准嗣後新

疆種地兵丁每名收穫細糧十一石者停其議敘十八石者照例議敘二十八石者加倍議敘○三十二年議准新疆塔爾納沁額地六千畝開墾餘地一千三十畝按秋收分數確計所收糧石儘數報官種地遺犯應支籽種農具各項一併覈實官為給發所有地畝正餘名目概行刪除力薄之地准其暫行休歇另開貼近地畝輪番樹藝以息地脈至屯糧所需籽種農具隨時體察照例撥給○四十年議准嗣後伊犁每兵收穫細糧至十八石烏魯木齊收至十五石者官員議敘兵丁賞給一月鹽菜銀兩伊犁收穫細糧至二十八石烏魯木齊收穫至二十五石者官員加倍議敘兵丁賞給兩月鹽菜銀兩伊犁屯田收穫十五石以上烏魯木齊收穫十二石以上者均准功過相抵如不及者官員議處兵丁量加責處仍留屯督種次年收穫足數議敘准其開復不准敘賞其收穫之數例應加倍議敘者照尋常收穫之例議敘若次年收穫糧石仍不及分數官員分別議處兵丁責處至伊犁屯田兵丁如收穫不及十三石烏魯木齊

收穫不及十石者。官員分別降革。兵丁重加責處。伊犁屯田遣犯。每名收穫細糧九石。烏魯木齊遣犯。收穫細糧六石六斗者。遣犯每名日給白麩半斤。該管各官。照該處屯田兵丁收穫細糧十八石十五石之例。減半分別議敘。伊犁屯田遣犯。收穫十二石。烏魯木齊遣犯。收穫十石者。遣犯每名日給白麩一斤。該管各官。照該處屯田兵丁收穫細糧十八石十五石之例。分別議敘。如伊犁遣犯。收穫六石以上。烏魯木齊遣犯。收穫四石以上者。准其功過相抵。如不及數。遣犯重責。該管官降一級留任。兼管官罰俸一年。其次年收穫成數。分別多寡黜陟之處。悉照屯田兵丁之例辦理。又塔爾巴哈台。烏什。古城。吉布庫察。把什湖。牛毛湖。各屯種地兵丁賞罰。官員功過。均照伊犁議定分數一例辦理。其哈喇沙爾。巴里坤。照烏魯木齊分數分別勸懲。塔爾納沁一屯。地勢饒薄。每兵收細糧十四石以上。照伊犁收至十八石之例。敘賞。收糧二十四石者。照伊犁收至二十八石之例。加倍敘賞。如收至十二石者。功過相抵。不及十二石者。照伊

犁不及十五石之例。官員議處。兵丁量責。收穫不及十石者。悉照伊犁議定之例。官員降革。兵丁重責。該處兵丁。向無鹽菜。應賞鹽菜一月者。即給一月口糧。再巴里坤。哈密。二處。雖派有遣犯耕種地畝。其收成分數。皆與該處兵丁一例交糧。所有勸懲之處。俱照現定該處兵丁分數一例辦理。○四十三年奏准。伊犁屯田兵丁三千名。俱係陝甘兩省各綠營兵丁內戍守。五年一次更換。給予收使銀兩。每月復給鹽菜銀。甚屬煩費。哈密。巴爾庫勒。烏魯木齊。至瑪納斯。各處屯田綠營兵丁。已俱改為攜眷駐防。甚為妥便。今伊犁屯田綠營兵丁。亦應仿照哈密等處。攜眷兵丁之例辦理。以期一勞永逸。其該管總兵各員。亦照伊犁現有官員數目。出派。伊等既得攜眷永居。不但有裨屯田實效。將來子弟繁多。添設土戶。亦復有益邊疆。而各項費用。可歸節省。應即移咨陝甘總督。酌量分別移紮。再庫爾喀。喇烏蘇。屯田綠營兵丁。現在亦係五年一次更換。俟伊犁駐防兵丁辦竣後。再行酌照新定章程。一併辦理。○四十五年奏准。伊犁頭起

綠營攜眷兵一千五百戶內。伊等有情願分戶認地墾種者九十一戶。擬於所居之綏定城東北。並察漢烏蘇東南地方。查勘水泉充足之地。每戶撥地三十畝。令其墾種。照例六年升科。並將分戶人丁編入民籍。其每戶應賞種地農具一分。庫中現存者即為撥給。無者飭令伊犁同知。照依官價採辦分給。所需籽種。一併賞給。至每戶應借房價銀二兩。耕田牛一隻。作價銀八兩。在於官廠內共撥給牛九十一隻。並將麥收以前所需口糧。亦按戶分別大小口數借給。所借各項。俟六年升科時。分作三年交庫還項。四十七年奏准。伊犁屯田兵丁。原由三千兵內派出五百名。充當雜差。每年令二千五百名。耕田納糧。前曾將綠營兵裁汰。由內地更換三千攜眷兵居住。仍照前以五百名充當雜差。以二千五百名耕田。但伊犁亦屬要疆。兵丁自應演習技藝。此數年間。俱屬豐收。現存糧五十餘萬石。足敷支放三年。每年綠營兵民回子等交納糧米。大約十八萬餘石。除每年支放外。尚餘二萬餘石。應將二千五百名內裁撤一千名操演。

以習武備而重邊防。四十九年議准。烏魯木齊鎮迪道屬各府州縣。每年民借籽種口糧。於本年秋收後徵收全完。報部銷案。如有未完。飭催徵不力之地方官。如數賠補。並照例分別議處。五十四年奏准。伊犁綠營兵丁三千名內。派出五百名。應付各工及看守庫倉碾磨等差。每年將二千五百名。分為二十五屯。耕田交糧。前曾撤回一千。裁汰十屯。以一千五百名耕田。一千五百名操演。現統計每年所收。以二十四分為常。可收四萬二千餘石。再撥在綠營屯田為民罪犯。應交糧米二千餘石。以至回民應交糧九萬六千石。並各倉斛面羨餘三千餘石。一年共得十四萬三千餘石。伊犁一年支放。共需十六萬六千餘石。所有不敷二萬三千餘石。於倉存五十萬餘石糧米內。照數補放外。止存三十萬餘石。應將現在充當各差之一千五百兵丁內。留八百名習技當差。撤出七百名。添設七屯。自次年為始。令其耕田。照一年二十四分覈算。可得一萬九千餘石。並回民情願增輸之四千石。足敷每年支放糧餉。並將現在所餘倉儲。

按年出陳易新。庶無匱乏。○五十七年

論。向來哈密地方所屬屯田。俱於發往伊犁烏魯木齊兩處遣犯內截留種地。年滿後再行分別送往原定配所為民。及當差為奴。但該遣犯等原犯情罪。輕重不同。若不定以區別。則情罪較重之犯。俱可就近截留。一經種地年滿。即可傲幸安插為民。未免啟避重就輕之弊。不足以示懲儆。嗣後該處應留種地道犯。如原犯情罪本輕者。方准截留。其情罪較重者。概不得截留。○又奏准。北路科布多。西路伊犁烏魯木齊吐魯番。巴里坤。烏什。塔爾巴哈台。喀什沙爾等

處布種地畝。每年收糧分數。或有十分以上。亦有僅三四分者。向例均攤合算。如收在八分以上者。將官兵議敘。若在四分以下者。將官兵議處。嗣後將收糧分數。均照各分內收糧分數。分折獎罰。凡十分以上者。官兵奏請議敘。九分者。該處自行酌量獎勵。如在五分以下者。重責四分以下者。具奏交部議處。其總管官。仍按所管一切地畝總算。如在八分以上者。交部議敘。四分以下者。議處。○嘉慶四年奏准。伊犁屯田綠營兵丁三千名內。以八百名操練當差。以二千

二百名耕田交糧。數年以來。均屬豐收。除每年

放給官員兵丁外。仍餘一萬餘石。並現在各倉所存。共有三十六萬餘石。足敷二年支放。應將現在耕地之二千二百名內。暫撤出四百名。專練技勇。以一千八百名耕田。輪換演習。俾得各歸實效。○又覆准。烏什種地屯兵四百名。裁撤一百五十名歸操。其餘二百五十名。仍留屯糧。所裁屯兵熟地三千畝。撥給回民耕種。免其交糧。俾回民生計益臻寬裕。○七年奏准。錫伯部落官兵人等。專意務農。生計充裕。而伊犁滿洲

兵丁六千名。駐防年久。戶口孳生。家計窮乏。不若令伊等照錫伯之例耕種。其食餉兵丁內。有革去馬甲及前鋒之閒散。或身體羸弱。未能當差者。交領隊大臣等。酌選可種地畝。派出三百六十名閒散佃種。俟次年添人耕種之時。再行酌量數目。更換辦理。○又奏。伊犁居住之八旗人等。生齒日繁。曾酌量近水可耕之田。由惠遠惠甯兩滿城。酌派閒散三百六十名。分地試種。秋收通計尚獲十分有餘。本年兩城秋麥業已播種一千餘石。因即酌派委員。於惠遠城東相

度地勢。自伊犁河北岸濬開大渠一道。逶迤數十餘里。儘可引用河水。又於城之西北草湖中。覓得泉水甚旺。設法另開渠道。益資灌溉。新春修築隄岸。廣開支渠。一俟工程完竣。春水暢流。計可澆灌地畝甚廣。即於渠畔揀擇好地。分給惠遠城八旗耕種。其惠甯城八旗。係於該地就近從前綠營裁屯地耕種。原有渠水足資灌溉。兩城種地所需器具等項。酌交各協領。於伊等公設官鋪息銀內動用。三五年內即可全行歸還。惟種地必須牛力。即於官廠內借給惠遠城八旗。每旗牛八十隻。惠甯城八旗。每旗牛四十隻。俾得藉資耕作。所借牛隻。僅有倒斃。毋庸撥補。均著落各該旗自行買補。以示限制。奉

旨。伊犁駐防滿兵耕種所需器具等項。准其於公設官鋪息銀內動用製備。按限歸款。其應用牛隻。即照所請於官廠內賞借。並責成各該協領督率盡心耕作。以收兵農並習屯守兼資之效。○九年奏准。伊犁綠營兵丁所耕十八屯地畝。又須輪流歇種。覈計倉儲餘糧。共有四十餘萬石。足敷支放。現裁撤三屯。照原定十五屯地畝之數辦理。其歇種年

限。俟五年期滿。照舊添種。所有撤出三屯兵丁。照例操演。修築垣牆。俾歸實用。○又奏。伊犁錢局。設立採銅廠。夫。向派遣犯等於喀什河南屯田。以給各夫口食。總須收穫小麥二千石。方足一年之需。惟遣犯不習耕作。大半有名無實。向來伊犁種地回子六千戶。每戶交糧十六石。通共每年交糧九萬六千石。迨後添墾地畝。又共續增交糧四千石。是六千回戶四十餘年。生齒倍加。遣屯地畝極多。莫若撥給回子耕作。俾應納官糧。贏餘即可養贍家口。又春稽地方有田二千餘畝。亦准回子耕種。每年所交納小麥二千石。足供銅鉛廠夫口食。所有種地遣犯數十名。歸廠充當苦差。以期便於管束。其內稍有不法。立予嚴懲。奉

旨。著照所請。將喀什河南遣屯地畝。改撥伊犁種地之六千回戶耕種。仍將本年回子借種額魯特之地一併撥給。其春稽地方有田二千餘畝。亦准回子耕種。每年交納小麥二千石。以供銅鉛廠夫口食。所有撥往之遣犯數十名。即著撤回歸廠當差。○十年具奏。伊犁塔爾奇地方。向設水磨一座。係綠營各屯

攤撥弁兵。輪流應役。該弁兵等由倉領麥。每年磨麪十餘萬斤。以為出差官兵及各項當差違犯口食應用。惟新陳相接。不無發變。今官兵等情願各領小麥。自行易麪食用。應裁撤水磨。支放小麥。俾得均霑實惠。此項糧石。本係伊犁回戶每年交糧十萬石。每石加納三升斛面餘糧。至嘉慶八年。舊存餘糧。儘數支放。所有步甲月支口糧。自九年後。皆於正項糧內支給。年復一年。必致存倉正項虧短。自明年秋收為始。將裁撤綠營磨麪運麪弁兵。分撥各屯。加給籽種耕種。每年共可增交小麥六百石。所有回戶交糧。每石既有斛面三升。並令屯工每石加交斛面三升。每年又可增交小麥九百餘石。合之每年回戶所交餘糧。計共得四千五百餘石。通計足敷支放惠遠城滿營烏槍步甲及出差官兵各項差役。應領口食一年之需。飭糧餉處按年查明報部備案。再回戶交納。不獨每石加交斛面三升。其每斛足敷七十斤外。尚有鼠耗。至綠營各屯交糧。從前止交鼠耗。並無斛面。而其每斛斤秤。竟至不如回糧斤秤足數支放。今雖增交

斛面。其所有不敷斤秤。仍令補交。以足兵食而歸實儲。奉

旨。據松筠奏稱裁撤水磨。將綠營磨麪運麪兵丁。分撥各屯種地納糧。於官兵等較有裨益。所奏似尚可行。惟令綠營屯工於納糧時。一體加交斛面。並補足鼠耗斤秤之處。雖係比照回戶一律辦理。但亦需體察綠營各屯。是否力能加納。並恐開藉端勒索浮收之弊。保甯在伊犁有年。於該處情形。素為熟悉。著悉心詳覈妥議具奏。欽此。遵

旨。議定伊犁塔爾奇地方水磨。准予裁撤。該官兵等情願領麥易麪。暨撤出此項兵丁。分撥各屯耕種。每年又可增交小麥六百石。於倉儲更有裨益。均如所奏辦理。至加交斛面餘糧。屯兵等力量未必充裕。不若即於原撤屯兵四百名內。量為派撥分屯耕種。每年所收糧石。自可逐漸加增。不惟官兵口食足敷支給。而倉儲亦日臻饒裕。嗣後屯兵交糧斤重。照原定每斛七十斤之數。交足外。其每石加增斛面三升之處。應毋庸議。

○又奉
旨。伊犁駐防滿洲兵丁。生齒日繁。松筠相度屯地。疏濬

泉源設法制備器具借給牛隻耕種兩年以來試有成效茲該將軍猶恐滿洲兵丁公同夥種久而生懈請照伊犁錫伯營屯種之例按名分給地畝各令自耕永為世業係為旗人生計起見其事本屬可行惟是新疆重地設兵駐防武備最為緊要此項田畝分給官兵若令其親身力作有妨操練轉致技藝日就生疏至閒散餘丁內老弱殘病者豈能令其耕作勢必仍須壯丁幫助其強健者一概驅之南畝自必不能專心練習武藝即充數入伍亦難資得力殊非慎重邊防之道此事惟在該將軍妥協經理既使旗人有田可耕永資養贍而於新疆重鎮設兵防守事宜無少窒礙始為盡善至該官兵等將來生計寬裕家有儲蓄即不便照錫伯之例停止口糧亦當將借支款項量為撙節○又奏准伊犁旗屯地畝陸續分給官兵止交閒散餘丁代為耕種斷不令妨武備至惠遠城需地八萬畝惠甯城需地四萬畝惟期兩城駐防滿洲官兵漸次立有世產如耕作閒散不敷仍可雇人佃種現在渠水既足飭屯鎮總兵等業將地畝如數辦就酌量每名放給倉存小麥三石按限歸款至於耕種稻田及備

雇回子一切工本該協領等以所獲糧石變價辦理其將來復有贏餘如何養贍貧乏設立公倉交糧之處應視收成多寡隨年酌辦俟耕種數年之後照錫伯立倉儲糧成法辦理至口糧及借支款項之處一併再俟察看情形具奏○二十五年定伊犁滿營屯田種植雜糧已分田二萬四千畝續分田二萬餘畝分授八旗閒散餘丁自行耕種如有違禁租佃以及私行典賣情弊將該旗人及典買之民人一併治罪○又定伊犁商民墾種地三萬九千六百一十八畝六分每年額徵銀一千九百八十兩九錢三分又戶民共種地三千三十畝額徵銀一百五十一兩五錢又綠營春兵分戶子弟種地三千四百二十畝每畝收小麥八升八合九勺共額徵小麥三百四石又安插種地編入民籍戶民種地八十四畝每畝徵糧八升共額徵糧六石七斗二升○又定塔爾巴哈台屯兵共種地一萬四千畝每年收糧約一萬五千餘石商民開墾地三千三百九十三畝三分四釐每畝每年交租銀一錢○又定阿克蘇兵丁屯種地一百五

十畝。每年共收稻穀五百三十餘石。○又定烏什屯兵。共種地五千畝。收糧五千七十餘石零。○又定烏魯木齊商戶民人墾種地九千五百二十五頃八畝五分。每年共徵糧七萬四千九十四石零。○又定吐魯番屯兵種地一萬四千七百畝。每年收糧一萬一千六百餘石。○又定哈密所屬沁城屯所。每年約交糧二千餘石。○把什屯所。每年約交穀麥二千餘石。○道光八年

諭。喀什噶爾大河拐一帶空地。前據長齡等奏撥回兵

先行試墾。俟有成效。再行添設屯兵。當經降旨。交那彥成詳勘籌辦。茲據查明該處濱臨大河。水源甚遠。本年春閒派撥回兵等。播種雜糧。均已一律成熟。交納糧石。著俟明年麥熟。再定歲賦科則。惟防兵專事操練。未便仍派屯田。所有該處空地。著即責成伊薩克。廣募無業窮回。及情願試墾之人。陸續認種。逐年加增。照額納糧。以期經久。○十二年奏准。屯田招民。必須得人而理。現已委員在喀拉赫伊地方興辦。倡率商戶捐借窮戶牛具籽種。俟試種一年後。自道光十四年起。輕定科則。再令按畝納糧。

○又

諭。玉麟等奏。籌辦伊犁旗地佃種收租。作為養贍公用。並嚴禁弊端一摺。伊犁土宇寬廣。惠遠城可種地約計六萬畝。巴燕岱可種地約計一萬三千餘畝。該將軍等所請惠遠城分析地畝。租給回民耕種。歲收地租。抵放兵丁口食。節省銀兩。添補孤寡養贍。壯丁差操。俱著照所議辦理。其巴燕岱地畝。得水較難。著該將軍等督同該領隊西朗阿分投履勘。開挖水道。俟招佃得租。亦照惠遠城貼補養贍差操。以收實用。並著責成各協領隨時稽查。取具各佐領並無典賣侵肥切結。如有前項情弊。即將該佐領參革治罪。並將該協領嚴參懲辦。○十四年

諭。長清等奏。屯田試種有效。請定則升科一摺。巴爾楚克之毛拉巴什賽克三一帶荒地。前經奏准開墾。茲據長清等奏。查明該處統計開田二萬四千餘畝。共招種地民人三百六十餘名。水暢土肥。夏秋二禾。收成均在九分以上。請自十四年起。按畝升科。所辦甚好。著照所請。所有巴爾楚克新墾地畝。准其仿照北路升科則例。及民屯認墾各成案。酌中輕定科則。同喀什噶爾屯田。均自道光十四年起。徵以供兵糈。並

著造具新招屯民年歲籍貫認種地畝總數清冊咨部備查。○又

諭長清等奏查明巴爾楚克喀什噶爾屯田應升科則酌定章程辦理。據稱巴爾楚克喀什噶爾兩處屯田自開辦以來設法招徠認墾之民源源踵至。試種屯民急公嚮義請自十四年起納糧升科。惟回疆距口內較遠茲當創辦之始止有民人到屯認墾尚無攜眷而來者。若仿照北路招民開墾成案辦理每畝糧額輸納八升科則稍重未免無所區別非所以廣招徠而示體恤。所有該處屯田應升科則著照所請每畝徵收小麥三升俾屯民易於輸將倍加踴躍該參贊等督飭委辦各員認真經理不得於額外浮收。如查有弊端即行嚴參懲辦並出示曉諭認墾屯民廣為招集如有內地無業貧民攜眷踵至者撥給地畝令其開墾妥為安撫其喀什噶爾屯田即著該城大臣一體照辦。○又

諭蘇清阿等奏覆查巴爾楚克等處屯田實在情形請分別辦理一摺前因巴爾楚克喀什噶爾兩處屯田為籌邊要務疊經降旨令該大臣等體察情形務須計及久遠斟酌妥辦茲據覆查具奏巴爾楚克屯田

原屬荒地距回莊較遠與回民毫無妨礙現於毛拉巴什賽克三引用玉河之水墾種二萬餘畝已於本年升科納糧如於馬尾巴沙虎爾引用渾河之水則開地益多招墾愈眾不惟屯糧可供兵糈且於邊防有裨所有該處屯田著即照舊辦理毋庸裁撤。○十五年

諭興德等奏覆查喀什噶爾屯田情形請照舊興辦一摺喀什噶爾屯田地畝據興德等通盤籌畫悉心體察無礙回民生計於邊防實有裨益著即照舊辦理毋庸更張其原招屯民未回籍者尚有二百三十餘名俱准照常耕種其餘屯地陸續招民認墾口外地方率多游民良莠不一著興德等督率辦理各員稽查約束務俾各安本業經久無弊以收屯田實效其原換入官叛產地畝著准其撥給回民耕種以昭體恤。○二十二年

諭布彥泰奏籌辦開墾地畝一摺惠遠城東三顆樹地方經該將軍親往履勘派委各員辦理開墾事宜計可得地三萬餘畝就本地民戶選擇種地輸糧又阿勒卜斯地方亦經勘明計可得地十七萬餘畝即責成阿奇木伯克等籌計戶口之數酌量勻撥。○二十

四年

諭布彥泰等奏。墾復荒地。勘估興工一摺。開墾地畝。必先講求水利。來源暢旺。則灌溉有資。現在惠遠城東。阿齊烏蘇廢地。據該將軍親往周歷相度。可以墾復十萬餘畝。擬引哈什河之水。以資貫注。將塔什鄂斯坦回莊舊有渠道。展寬加深。即接開新渠。引入阿齊烏蘇東界。並開段酌挖支渠。俾新墾之田。便於澆灌。所議均屬合宜。該將軍等即飭承辦各員。認真妥辦。務在因地制宜。順流利導。以期經久有益。仍著該將軍等隨時前往查驗督催。毋任稍有怠玩。○光緒九年奏准。新疆一隅。每年兵餉不下七百餘萬。各省關頻年協濟。竭蹶不遑。嗣後應於南北兩路。大興屯田。方於餉項有裨。請飭新疆各路統兵大臣。剋期興辦。該管營官。以本營收穫之多寡。為殿最。各統兵大臣。即以各營收穫之多寡定考成。庶幾餉不虛糜。可資補救。如開辦稍有端倪。即為籌撥款項。續行奏明辦理。○又定興辦屯田章程。一屯田地方。宜豫為籌畫。一各營承種地畝。宜分任責成。一農具等項。宜分別購買修補。一收穫糧石。宜分別扣抵存儲。一分別賞

罰。以示勸懲。○十年奏准。乾隆嘉慶年間。新疆開辦屯田。久著成效。現在各統兵大臣。務當不畏其難。督率將弁。令兵勇於駐營之所。揀擇地畝。擇完之暇。盡力耕種。以習勤勞。一二年後。收穫豐盈。自可佐餉需之不足。○十六年奏准。伊犁塔勒奇上游屯田八千餘畝。阿齊烏蘇屯五萬四千餘畝。闐里沁水磨渠。迤南阿齊烏蘇。迤北屯地五千餘畝。均交綏定甯遠兩縣。招戶屯墾。又綏定城。迤東牛綠灣。紅山背。新舊惠遠城。紅柳灣。並城東北一帶。及通惠渠地一萬七千餘畝。稻地通惠渠中渠南渠地九千餘畝。惠甯城。引用闐里沁英霍圖。阿里太圖。河水灌溉地三萬五千餘畝。均撥歸旗屯耕種。○又奏准。塔城協標漢隊。分隸新疆巡撫管轄。該營屯田事宜。嗣後由該撫辦理。

欽定大清會典事例卷一百七十九

戶部

屯田 北路屯田 西路屯田 東三省屯田

北路屯田○康熙五十四年

命於額德爾齊老圖近推河處所屯田駐兵令將軍費

揚古等與喀爾喀汗王等會議○又議准蘇勒

圖喀喇烏蘇拜達里克河明察察罕格爾庫爾

奇勒扎卜罕河察罕度爾布拉罕口烏蘭古木

等處俱可耕種現在駐兵察罕托輝扎卜罕河

特斯河一帶地方應撥土默特兵善種地者一

千每旗令台吉塔布囊一人率往屯種遣大臣

一人監管○又奏准烏蘭古木在新設汎界之

外地並山坡山溝不便耕種其科布多布延圖

郭勒等處耕種收穫甚多應豫備籽粒田器給

予公傅爾丹率土默特人一千及出兵歸化城

之土默特兵一千令往耕種○五十五年議准

土默特人一千往烏蘭古木等處耕種所需牛

種田器應令都統穆塞等支帑購買發往軍前

贖罪人等有願耕種者許其耕種俟收成後以

未數具奏酌加議敘○六十年奏准遣官兵在

烏蘭古木之特里河邊耕種每麥種一斗收麥

二石有餘烏蘭古木地暖土肥來年可以多墾

○六十一年奏准於烏蘭古木等處平治田畝

開墾溝渠乘時播種復派屯種五百官兵於烏

蘭古木等處設立營伍謹汎防守乘農事畢引

水入地來春凍開及時播種可以增闢田畝○

又奉

旨據祁里德所奏在科布多烏蘭古木等處開墾耕種

因土沃水裕今年所得麥子一倍收有六倍爰請明

年添種麥石及詢問齋呈麥麩之阿禮等據云科布

多烏蘭古木地方廣闊開墾之處頗多原係額魯特

等耕種好地今應將歉收之茂岱察罕度爾等處耕

種人力移至科布多烏蘭古木耕種可以多收再種

地所用犁鋤鐮子鐵鍬等器每年給發不少何以一

年之間即俱損壞鐮鋤鐵鍬俱係鐵器軍前或難於

備辦犁係木器何地茂有若隨伊所請概行給發路

途遙遠著人送往頗費錢糧再軍前種地人員稟報

所收糧數一倍有數倍等語甚不明晰應照內地或

一畝一晌收得米石若干如此稟報方得明晰其科

布多烏蘭古木地方添種田畝所給犁鋤鐵鍬等物

之處者。議政大臣詳加議奏。欽此遵。

旨議定。今年種麥多收。來年於科布多烏蘭古木及坤都倫河諸處可耕之地。以今年所收。用為籽粒。增種。僕不足用。更以鄂勒哲依圖郭勒等處所收糧。給予增種。至茂岱察罕度爾種地。數收。即以所用人力器具。悉移為科布多烏蘭古木耕種之用。茂岱察罕度爾地。分與發配罪人開墾。鐮鋤鐵鍬諸器。皆須用鐵。行文山西巡撫。令即行製造。購駝付侍讀學士阿禮等。攜往秋收後。以時收儲。所用之犁。軍前有木可造。令伊等自製。更行文將軍傅爾丹等。將開墾地丈量項畝。計算籽粒。及秋收糧數。詳報。今科布多烏蘭古木。有種地兵及駐紮兵五百。值農隙時。令多伐林木。為修築大城及室廬倉庫之地。○雍正二年。

諭。喀爾喀地方駐兵年久。每年由京城運送軍糧。路途遙遠。一時不及。恐兵丁至於乏食。鄂爾坤圖杜一帶。甚為寬闊。若開墾屯田。實為永遠之計。著確議具奏。欽此遵。

旨議定。鄂爾坤一帶。尚有昔人耕種處。及故渠灌田蹤。

欽定大清會典事例 卷一七九

迹。圖拉等處。現有大麥小麥。非不可墾之地。但霜降早晚不一。樹穀宜否不齊。俟擇屯長中十餘人。於明年三月遣往耕種。屆秋收後具奏。○四年。

諭。前議於鄂爾坤圖拉地方種地時。曾有人奏稱。喀爾喀人等未必情願。朕思喀爾喀地方。原被噶爾丹抄掠。窮困已極。我皇考聖祖施恩收養。各按伊等品級。封為汗王貝勒貝子。公札薩克。加以重惠。令食俸祿。數年間遂至充裕。安居原游牧地方。今復安插戍兵。令其種地。亦係特為喀爾喀護成久遠之計。伊等聞之。定各欣喜。有何不願之處。朕曾降此諭旨。今土謝圖汗旺扎爾多爾濟副將軍王丹津多爾濟等。感戴為伊等安插兵丁之恩。復因先於額爾得尼招地方開種地畝。較不甚長。遣人從俄羅斯處。尋得與伊地方相宜之穀實。請令按時耕種。又情願幫助耕種之人口糧等因。具奏。與朕前旨相符。喀爾喀汗旺扎爾多爾濟王丹津多爾濟等。實係感激深恩。為國家竭誠效力之人。殊屬可嘉。著交與理藩院議奏。○十年。

諭。從前應行發遣黑龍江等處罪犯。曾改發扎克拜達。

里克。彼時所有罪人。跟隨官兵守護城垣。竭力捍禦。甚屬可憫。朕已加恩。除其罪名。令充綠旗兵丁。入伍效加。續據順承郡王等奏稱。伊等深知感戴。朕恩共思。龜勉。可見有罪之人。予以自新之路。仍可望其改惡從善。若發黑龍江三姓諸處。不過終身為人奴僕而已。朕意嗣後將黑龍江等處人犯。遣往北路軍營附近可耕之地。令其開墾。效加。在伊身可以努力自新。而於屯種亦甚有益。○十三年奏准。鄂爾坤地雖寬平。然近山高下不一。雖二河環繞。其去水遠者。亦不能徧溉。必須引水試看。方可定議。方今積雪徧地。河冰盡堅。其水土之肥瘠。與沙石所在。難以立驗。且穀種收穫所宜。必俟明年試種後始知。又募民耕種。不能一時遽集。暫於此間撥綠旗兵一百。守營綠旗步兵二百。家選兵二百。自湖克新至齊爾瑪臺。擇水土佳處開墾。試種小麥豌豆等。又都統銜董相緯。現在察罕托輝開渠。此處引水灌田。及督率兵丁耕種一切。即令董相緯辦理。所需耕牛。給喀爾喀副將軍等銀。令其採買。鋤犁農具等物。察罕度爾有收存者。即令領取應用。未備者。令戶部辦理。其所

解送各種籽粒。除所在已有者取用外。餘悉行令歸化城都統由臺遞送。試種一年有效。再據實以土宜何穀。收穫之數若干。堪種田畝可得若干。種地人日用所需若干。器械牛種所需若干。並當於何處築堡以居種地人等。動支何項。一一合計收穫之數。果於

國計有益。可行久遠。俟將來詳細確議具奏。○乾隆元年

諭。現軍營貯米甚多。足供數年食用。又經通智等運致數萬石。將來彼處駐戍兵丁。為數無多。不必需用如

許米石。若收貯日久。恐有微爛之虞。軍興以來。喀爾喀等頗為出力。近又習慣粒食。若將軍營所貯之米。搭放支給。則米石既不致微爛。於喀爾喀亦屬有益。再綠旗兵每年種獲新糧。入倉收貯。更可留新出陳。其如何通融辦理之處。著詳細籌議具奏。欽此。遵

旨。議定。鄂爾坤等處。現存米二十萬餘石。中有青稞麥子大麥小黃米二萬餘石。軍營所有將軍大臣官員兵丁以至僕從等。凡五萬餘人。每月需米七千餘石。至五月青草出時。令所撤兵丁起程。又需辦給行糧。自五月至八月。共需五萬餘石。

開除前項仍存米十四萬餘石。前議撤兵事宜。應留兵一千五百名。喀爾喀兵及守卡倫兵。並酌支米石。近又議每年夏秋時。用喀爾喀兵三千名。於鄂爾坤附近屯駐。亦每月賞給羊價米糧。自將軍以下至僕從等。凡一萬六七千人。一年需米約五萬石。計軍營存米十四萬餘石。再益以通智范毓。積運致米石。足供四年食用。至每年收穫新糧入倉存儲。出其陳者。務令不致霉爛。又奏准鄂爾坤地界寬廣。大可耕種。若撥兵三千人。人各種二十五畝。計可墾田七百五十頃。以畝收五六斗計算。多可得數萬餘石。少亦二三萬石。現在軍營所存。尚足支數年之用。至數年後所需。令軍營將軍參贊大臣等。按可墾之田。詳細定議。更用專官辦理屯務。二年奏准鄂爾坤可耕地畝。實可給三千人耕種。令軍營綠旗兵六百。並罪人計一千有餘。惟現在遵

旨議運軍糧。不必另議添撥兵丁種地。○二十六年諭。願會持回部湯平。烏里雅蘇台事務。較前甚簡。雖有供應哈薩克來使及照管續貯糧餉。止項酌留官兵。

不必多為駐紮。以省浮費。現在該處所貯糧石雖多。但不豫籌接濟。必又煩內地之力。烏里雅蘇台雖不便屯田。而科布多向屬可耕之地。若令成衮扎布仍駐紮烏里雅蘇台。另派參贊大臣在科布多屯田。數年後將官兵移駐。將來塔爾巴哈台額爾齊斯等處。駐兵便成犄角之勢。著將烏里雅蘇台現在糧石若干。足敷官兵若干人之食。或裁兵。或折價。又可省出若干。及科布多駐兵屯田之處。詳議具奏。欽此。遵旨議定。派參贊大臣一員。領綠旗兵一百名。前往科布多屯田。領喀爾喀兵一百名。以備差遣。本年收穫後。再將喀爾喀等揀選派往。將來積儲日豐。則烏里雅蘇台官兵。俱可漸次移紮。以展喀爾喀游牧。與塔爾巴哈台額爾齊斯互為犄角。○二十七年議准。上年奏派綠旗兵一百名。往科布多屯田。試有成效。再酌量派兵增墾。札薩克圖汗部落公品級札薩克阿喇卜坦屬人。曾於扎卜堪耕種。現在閒散居住。派出二百名。於科布多附近卡倫內耕牧。以裨生計。遇有差務。輪班行走。其月支鹽菜口糧。照屯田綠旗兵例。從烏里雅蘇台月支鹽菜銀九錢。米二斗四升九

合。至上年所派一百人。農具多係舊時存儲。殘缺者多。酌為換給。並青稞籽粒。於播種前送往。

○又

諭。科布多新開屯田。特派扎拉豐阿前往。伊至彼處。即應將一切情形。一而報知將軍。一而具奏。迄今數月。雖將墾田二十頃之處。呈報一次。此時地土肥饒。雨澤應時與否。及禾苗若何滋長。並未奏及。伊係參贊大臣副都統。又專辦軍屯事。自應入告。著成衮扎布等傳諭扎拉豐阿。令將前項情形。明白具奏。○又

諭。據扎拉豐阿奏稱。科布多屯田。約計大小麥收穫在

七分以。上。惟所種之粟。因氣寒霜早。秀而不實。等語。杜爾伯特人等。在烏蘭古木耕種。烏梁海人等。在布拉罕察罕托輝耕種。俱獲豐收。科布多相距不遠。從前扎哈沁等亦曾開墾。收成尚好。看來此次或播種稍遲。或霜雪早降。又或土性不宜種粟。著傳諭扎拉豐阿。詳詢該處舊日居人。酌量辦理。其青稞一種。既係蒙古地方所宜。來年自當廣為播種。毋致失時。○二十八年議准。科布多屯田。已派喀爾喀兵一百名。綠旗兵一百名。試有成效。再於烏里雅蘇台綠旗兵二百名內。派撥一百名。其缺額。即以

咨爾喀兵丁充補。並所需木石鐵匠人數。修補農具。亦在該處酌派。○五十七年

諭。科布多每年種地收穫分數。如核算獎罰。於勤勉出力之人。不能獎勵。而懶惰之徒。更加懶惰。不肯出力。反仗此又可免罰。嗣後科布多所收分數。照各分內種地收穫分數。分析獎罰。其總管官議敘查議。仍攬算辦理。新疆各處種地收穫分數。俱照此辦理。○又奏准。嗣後科布多種地兵丁收穫分數。不必總算。十分以上者。官兵議敘。九分者。獎勵。五分以下。重責。四分以下。議處。總管官總算所管地畝。八分以上。議敘。四分以下。議處。○嘉慶二十五年。定。科布多共種屯田十分。每年的收穫四千餘石。○道光十年

諭。科布多每歲應放兵糧。向於屯田所獲糧石內支放。該處蒙古兵人數雖多。不諳耕種。全賴綠營兵丁教引播種。該大臣因值弁兵操班之期。恐全行更換。有誤屯田。自係實在情形。著照所請。准其將應換弁兵一百六十九員名內。酌留管屯官弁三員。屯兵六十名。以資熟手。俟下屆換防時。將此次所留弁兵全行更換。該大臣即將新到換防官兵。挑撥屯田學習農

務○十四年

諭孝順岱奏科布多屯田緊要請寬留弁兵以資熟手一摺。科布多承種屯田弁兵。該大臣因值弁兵換班之期。恐全行更換。該處情形。難以遽易生手。有誤屯田。自應豫為籌畫。著照所請。准其將此次應換弁兵一百六十六員名內。將上屆留駐兩班弁兵六十三員名。全行更換。將現駐一班兵一百名內。酌留六十三名。應換官弁六員內。擇其熟悉農務者。暫留三員。教引新換官弁耕種。俟一二年間。教引熟悉。即將該弁等全行撤回。所留兵丁。仍不得過兩班。以符定制。該大臣即將新到換防官兵。挑撥學習。嗣後不得藉詞再留。

西路屯田○康熙五十四年議准。哈密地方。可以耕種。令將軍席柱。尚書富甯安。將西吉木布隆吉爾等處。勘明具奏。○五十五年議准。勘明哈密所屬布魯爾圖古里克接壤之處。並巴里坤。都爾博勒。金喀喇烏蘇。及西吉木。達里圖。布隆吉爾附近之上。浦下。浦等處。俱可耕種。應各令人耕種。給予口糧牛種。再兵丁有願耕種者。亦令耕種。俟收成後。以米數奏請議敘。現在富

甯安駐紮肅州。所有肅州附近之西吉木。達里圖。布隆吉爾等處。即令富甯安酌量耕種。圖古里克。都爾博勒。金喀喇烏蘇等處。耕種之事。令大臣一人管理。○又

命副都統蘇爾德前往都爾博勒。金圖古里克。喀喇烏蘇屯田。○又奏准。布隆吉爾等處所種田禾。俱可豐收。應造倉廩。及收存農器房屋。遣官豫為修理。○又議准。自嘉峪關至達里圖。可耕之地尚多。肅州之北口外。金塔寺地方。亦可耕種。應徧行踏勘。募民耕種。並令甘肅陝西文武大臣。及地方官捐輸耕種。無論官民。有願以己力耕種者。令前往耕種。俟收穫之後。人民漸集。酌立衛所。○又奏准。肅州迤北。可以開墾之處甚多。度量河水所溉田。金塔寺可種三百石。自嘉峪關至西吉木。可種一百三十石。達里圖可種一千一百餘石。方城子等處。可種五百餘石。今歲西吉木。達里圖。布隆吉爾三處耕種。已收穫一萬四千餘石。明年請處應用正帑。遣官募民耕種。○五十七年議准。侍郎海壽將軍富甯安。新舊所墾都爾博勒。金圖古里克。及回子札薩

克額敏所種塔勒納沁地所餘青稞悉令備倉收存。今巡撫噶爾圖緯奇充給軍糧。○五十八年奏准西吉木等三處定設疆界。現經傳集額魯特貝子阿喇卜坦等會同西吉木等三處官示以設立疆界情狀。據貝子阿喇卜坦等云青海人等荷

聖主恩甚厚。可惜隙地地可耕者。聽兵民悉耕之。但留我等游牧處所足矣。按西吉木等三處故為西喇郭勒蒙古部人游牧所在。兵民先已耕種。其隙地令蒙古人等游牧。如故達里圖地有車臣

貝勒屬人與兵民依水道相雜耕種。以西吉木水源並淖泥草墩地不可耕。蒙古人等游牧其間。循水而下。則兵民與貝勒額爾德尼額爾克及貝子阿喇卜坦等屬人悉在兩岸交錯種地。現於交錯耕種處立界。令不得逾越。○六十年

諭吐魯番現駐官兵其可種之地甚多。總督鄂海按察司永泰著往吐魯番地方種地效力。○雍正元年議准布隆吉爾駐紮官兵俸餉由內地轉輸。多費不便。前者赤金衛柳溝所等處常募人種地。今於每營撥餘丁二百。每丁官給牛二頭。籽種四

石。口糧三石。次年給半。三年但給籽種之半。嗣後毋給。其田即為耕者恆產。無論米麥青稞計收三石。以為兵丁月餉。布隆吉爾增設一衛守備。沙州增設一千總。今專管種地事務。布隆吉爾沙州故蒙古地赤金衛柳溝所常為蒙古部人游牧所出入。若官兵撤後仍聽諸蒙古游牧往來。恐致爭競生事。布隆吉爾南山中隙地頗多。若遣大臣一人率賢能章京往山中分地居之。庶令內外地界明晰。○二年

諭策妄阿喇布坦求吐魯番之地。曾諭從前內附諸酋長。令其遷入內地。今將軍穆克登奏言吐魯番處共有一萬餘人。若但遣首領數人而不遷其所屬之人。則伊等生計必致艱難。且伊所屬內願移入內者不下四五千。人等語。朕思瓜州沙州地方甚寬。亦必用人耕種。若有願移者。即在此居住。給予一二年養贖。令其耕種。羅布諾爾地方亦照吐魯番例。有願移來者。亦隨所部酋長一併移來。不願者仍留本處。○四年議准甯夏阿拉善山前勘得自察罕托輝至石背子一百里。土脈肥潤。籽種易生。其地性較暖。可引之水。如西河六洋河並古渠大溝黑

龍口倒流河。新河黃泥河董家河。悉前人引水分水故道。今若更修建渠壩及放水牐。其兩岸可以墾田萬頃。又甯夏東北五十里曰察罕托輝。其地南北延袤百餘里。東西廣四五十里。或二三十里。東界黃河。西至西河。其地平行。可以開墾。自鄂爾多斯遷後十餘年。民間有私墾者。若令開渠通水。築隄建牐。以時啟閉。用資灌溉。則曠土可盡為沃壤。今相度地勢。自雙廟墩至六洋河可百餘里。仿漢唐諸渠法。開渠一道。建正牐一。攔水牐。稍牐各一。迎水湃一。又六洋河口近黃河處。亦建正牐。攔水牐。稍牐一。以資蓄洩。又自上泗墩至六洋河岸。東距黃河五里許。築堤一道。約長百里。可以永禦黃水。墾田六十餘萬畝。現今總督岳鍾琪赴布隆吉爾相視地勢。令大理寺卿通智。同岳鍾琪至察罕托輝等處。照圖驗實。覈議具奏。○七年奉

旨。安西屯墾地畝。今年人力既勤。天時復稔。各種糧穀俱獲豐收。朕心深為慰慶。今查郎阿禁止姦徒與販射利。辦理甚是。惟是飭令民戶多餘之穀。止許在本處糶賣。尚未妥協。朕思民戶贏餘之穀。原期糶價以

為日用之資。若本地糶穀者少。則糶賣未免艱難。不可不為計及。著該地方官酌量本地情形。不必相強。若有將贏餘之穀。情願出糶者。著動支官銀。照時價糶買。存貯公所。明年僅有需用之處。聽辦軍餉。大臣及該督撫行文支撥。安西現有備用銀兩。即可動用採買。再於西安藩庫撥補還項。此朕體恤民戶。俾糶穀得價。用度豐裕之至意。著地方官善於奉行。不可勒令糶賣生事滋擾。○八年

諭。安西沙州等處招民屯墾。原為惠養邊民之計。是以累年以來。備極籌畫經營。期其得所。今從雍正六年民戶到齊之日。計算至辛亥年。例當輸賦之期。但念小民甫經安插。公私兼顧為難。著寬期二年。於癸丑年升科。俾民力寬裕。俯仰有資。以副朕格外加恩之至意。○又

諭。據甯遠大將軍岳鍾琪奏稱。吐魯番回目額敏和卓屯田種地。恭順效力。甚屬可嘉。朕聞之深為喜悅。額敏和卓賞緞二十四匹。其種地效力之回民。賞銀二千兩。著提督紀成斌差遣弁兵。前往吐魯番會同額敏和卓秉公賞給。以示朕加恩外番之至意。○九年

諭。西路兵丁口糧。從前議定。每名日支粟米八合三勺。

或炒麪一斤。駐紮之時。本無不足。惟有事行走及對敵之際。晝則追奔攻擊。夜則防範巡查。非駐紮之時。可比。恐舊數稍有不敷。嗣後凡遇此等日期。著每名日支粟米一升。其應支炒麪之印。每名日支一斤四兩。俾兵丁等口糧寬裕。以昭朕格外加恩之至意。至分派屯種各兵。耕耘播耨。胼胝為勞。其耕種之一月內所支口糧。亦照行走攻戰之兵。米麪一體增給。著即傳諭大將軍岳鍾琪等知之。○十年

諭。從前著大將軍查郎阿摺奏。請將吐魯番回眾。在肅州所屬王子莊安插。經廷議令署總督劉於義等確勘詳查。妥協辦理。朕思回民等輸誠嚮化。自應選給水土饒行氣候和煦之地。俾得樂業安居。肅州之王子莊。水泉甚少。可墾之地。不敷回民耕種。查瓜州地上肥饒。水泉滋潤。氣候亦和。與回民原住地方風景相似。且現在開墾。所種之地。甚為寬闊。足資回民耕收。由塔勒納沁遷至瓜州。路不甚遠。可免跋涉之勞。著署總督劉於義。巡撫許容。將吐魯番回眾。即於瓜州安插。其築堡造房。給予口糧牛種等項。亦即行估辦。交原任潼商道王全臣料理。再令查郎阿。即於軍營派一武職大員。先赴瓜州。會同王全臣悉心妥辦。

回來自塔勒納沁遷移之時。著提督顏清如沿途照看。至瓜州安插事畢。顏清如仍回軍營辦事。○十二年

諭。據哈密貝子額敏奏稱。所屬回民等。有可種四百石殺之地。現在軍營屯田界內。願將此作為官地。等語。哈密地方。悉皆朕土。無俟伊等獻納。且大兵既撤之後。皆可留與哈密。亦斷無因其獻地。另行安置民人之理。但此地現與官地交錯。若不允其所請。照舊令回民耕種。難免互相爭角。儻收為官地。又係回民生計所資。朕意或另賞伊等地項。及牛具籽種。或每歲將應得殺石折給銀兩之處。著署大將軍查郎阿就近察議。○乾隆元年議准。哈密回人。每年官給籽種五百石。收穫時納米四千石。每石賞銀一兩。現今大兵既撤。哈密止駐兵五千。從前運到米。尚存二十萬石有零。自今年為始。免令回人納糧。○十二年

諭。肅州金塔寺安插吐魯番回子。內有不服水土。至於生計艱窘者。一百餘戶。經大臣等議奏。請移於哈密種地居住。此項回眾。向被準夷陵虐。情願移入內地。迄今二十餘載。因水土不宜。積蓄者少。窮迫者多。若

將伊等移於他處。究不能於生計有益。哈密吐魯番雖部落各異。其教則一。情性相宜。且哈密貝子玉素富。自伊曾祖額貝都拉塔爾罕伯克以來。數世受國家恩澤。竭誠報效。奮勉急公。教養所屬之人。亦屬妥協。現在哈密地方。尚有可種餘地。著將安插金塔寺回衆。交貝子玉素富。併入伊所屬旗分佐領。加意撫恤。令新舊回衆和好如一。撥給餘田。令其耕種。俾永遠不致失所。將此傳諭貝子玉素富知之。○二十一年

年
諭黃廷桂奏據哈密貝子玉素富呈稱。從前哈密回人

所種德都摩城圖古里克等處地方。仍請賞給耕種等語。哈密回人生齒日繁。現在準噶爾全部底定。毋庸於此等地方更設卡倫。著施恩將德都摩城圖古里克地方。仍賞給回人耕種。○又奏准。瓜州回人遷移魯克察克所遺地畝。共計成熟地二萬四百五十畝。就近招民承種。借給籽種。照例於收成後扣除。其糧石仍按官四民六徵收。存儲廩倉。以備供支。駐防兵丁口糧。○二十二年奏准。前派兵二百名。赴塔勒納沁開墾屯糧。從前約有地三千餘畝。自乾隆七年停種之後。歷今十五

六載。渠道淤塞。開完修築。諸費人工。現在上緊開闢。止可種地一千五百畝。布種青稞一百五六十石。餘地俟一二年內漸次修復。○二十六年奏准。肅州威魯堡安插吐魯番回人。現有二百五十戶。一千五十餘名口。承種熟地一萬五千三百六十餘畝。戶口日增。地畝有限。伊等聞瓜州回人遷回故土。俱各思歸。應准其遷回吐魯番故里。交與該督等酌量附近開闢之吐魯番。可以耕牧之地。於今年秋收後遷往。並即於千戶如拉。百戶伊明和卓二人內。揀選一員。

授為伯克。以一員副之。其將來賦稅。即由開闢大臣徵收。並沿途照料。毋令失所。○又奏准。威魯堡回人。於八月內遷居吐魯番附近開闢之處。連木齊木。現有栽屯熟地六千畝。開闢洋赫兩處。俱有熟地一千餘畝。應令千戶如拉。領前往魯克察克之回衆。住連木齊木。百戶伊明和卓。領前往開闢之回衆。仍居舊地。按戶撥給地畝。如尚不敷。仍有近水之地。可以開墾。請將如拉。伊明和卓。俱授為五品伯克。將回衆公舉之瑪瑪古爾班呼岱。巴爾氏。授為六品副伯克。

各居分地管轄回衆其應輸租稅俟成熟後酌定升科○又

諭楊應琚奏遷居吐魯番回人現已自肅州起程出關沿途料理護送等語前據該督奏將來回人起程後所遺熟地肅州民人俱願認墾升科經軍機大臣議覆令於回人起程後文明確數按則升科該督此時自應遵照前奏確勘妥辦其從前瓜州回人所遺熟地現在作何辦理之處著一併查明具奏○二十七年議准開展屯田兵五百名裁汰二百四十名遣回本營所遺地畝原派吐魯番伊明和卓所屬六十戶住開展九十三戶住連木齊木威魯堡如拉所屬六十戶住連木齊木二十七戶住洋赫每戶給田五十畝今酌將伊明和卓人戶全歸開展如如拉人戶全歸連木齊木以便約束仍有餘田三千畝令素賚瑞派給莽噶里克沙呼里回人墾種至裁汰兵丁所餘牲畜量估價值給予威魯堡回人使用其各項農具亦俱作價分給回人於二年內交納糧石抵銷○嘉慶十三年

諭塔爾巴哈台屯兵每年收穫糧石既不敷支放而烏

魯木齊一帶官兵為數尚多且距該處較近自應量為調撥著於烏魯木齊提屬各營撤屯歸操兵內調撥二百名赴塔爾巴哈台屯種○道光二年奏准吐魯番滿營每年徵收地租內環城陸續開墾地一千五百六十八畝計收租銀六百二十餘兩牙木付陸續開墾地七千三百七十六畝計收租銀七百三十餘兩○十七年

諭中福奏稱宜禾縣歲需供支滿洲營官兵並過往官兵遣犯等項口糧及戶民春借籽種共計京石小麥三萬二千九百八十石零除舊存新收小麥全數備抵外尚不敷小麥一萬四千九百三十石零請按時價採買以備支發等語因思該處地方寬廣可耕田畝諒自不少果能勤於開墾則該處一歲所入自可供一歲之用著該都統體察情形通盤籌畫該處地方業經開墾已報升科者若干項歲收糧石若干此外未經開墾尚堪耕種者確切查勘奏明飭屬招來勤加勸課使地無曠土田不汙萊庶歲入之數自增兵精之供自足較之頻年採買更足以節經費而垂久遠○二十年

諭烏魯木齊所屬各州縣報墾地畝經該都統查丈共

計地三萬五千六百九十餘畝。現已招集戶民認種。所有宜禾縣從前墾成熟地九千三百三十餘畝。即於本年按則升科。其餘新墾各地。准照例試種三年。自道光二十年。起。扣至二十二年。再行升科。○二十四年。奏准甘肅省荒地較多。現各屬履勘完竣。共查出荒熟地一萬九千四百餘畝。又番貢地。以段折畝一千五百餘畝。又甯夏鎮馬廠歸公地一百餘畝。俱分別差等酌量升科。奉

諭。甘肅省各項成熟地畝。甫經查獲。未便遽予徵收。著加恩統於道光二十五年。再行一律升科。○光緒十

二年。奏准。贛金一帶地方。不獨為晉省緊要邊防。實亦中外喫重關鍵。自宜及時籌議屯政。以裕兵食。擬於大同鎮屬額兵內。挑兵千名。作為屯軍。歲需薪費及加練餉乾銀二萬八千餘兩。即由遠撤樹軍餉項八萬四千餘兩內撥用。下餘銀五萬六千餘兩。即作為屯費。毋庸另籌。如將來屯務得手。屯餉等項均有所出。即將節省樹軍全餉。報部備撥。○十三年。奏准。烏魯木齊吉布庫地畝。現歸綠營承種。其頭二三等屯。向為綠營屯地。自遣兵墾地畝。查荒。光緒三年始

招集流亡。給資承墾。迄今陸續增添。已安插百數十戶。若以此項地畝撥歸滿營。遷移改撥。徒滋勞費。查古城東灣中渠地屬上中。接引山水澆灌。得地一萬餘畝。如歸各滿營耕種。不敷地畝。可由附近之大板河西岔撥給大板河。約有地三四千畝。西岔約有地四五千畝。該二處曾有戶民墾種。為數尚少。遷移較易。毋庸將頭二三屯地撥歸滿營。如此辦理。兵民似屬兩便。惟東灣中渠等處地畝。修理各渠。非急切所能成事。應請展緩三年。再行屯墾。以紓兵力。

東三省屯田。○嘉慶十九年

諭。富俊等奏。豫議試墾章程。請先於吉林等處開散旗人內揀選屯丁一千名。每丁給銀二十五兩。籽種穀二石。於拉林東南夾信溝地方。每名撥給荒地三十畝。墾種二十畝。留荒十畝。試種三年後。自第四年起。交糧貯倉。十餘年後。移駐京旗蘇拉時。將熟地分給京旗人十五畝。荒五畝。所餘熟地五畝。荒五畝。即給原種屯丁。免其交糧。作為恆產。並將屯田出入各數。屯丁用款。及設官管理章程。開單呈覽。此項試墾地畝。需帑無多。將來開墾成熟後。移駐京旗間散。與本

處旗屯衆丁錯處。易於學耕。粳種不致雇覓流民代耕。啟田為民占之弊。所議似屬可行。其單內合計十年用銀四萬零五百兩。其試墾之第一年。止需銀二萬八千餘兩。即可興辦。著即照富俊等所議。挑選屯丁一千名。由該處備用銀兩內撥給牛價等項。公倉內撥給穀種。如法試墾。○二十年

諭富俊等奏。詣勘分荒試墾事。竣一摺。拉林西北雙城子一帶。地土沃衍。經富俊親往查勘。派員履丈。現擬每旗設立五屯。共屯丁一千名。一切農具耕牛等項。已分別採買。於本年備齊。明春一律開墾。並據繪圖進呈。朕詳加披覽。所擬開屯試墾章程。尚為周妥。著照所奏辦理。該將軍等。惟當隨時督察。以期漸有成效。○二十三年

諭富俊等奏。大凌河馬廠曠地試墾期竣。酌擬章程一摺。大凌河牧廠餘地。試墾期竣。勘丈於原墾續墾十一萬餘畝外。尚浮多地五千八百餘畝。均地近海濱。其中硯薄沙鹼者多。不能按原議照直隸旗租之例升科。著加恩即照養息牧試墾地畝之例。每畝徵租銀四分。作為定額。現存已徵穀一千七百八十餘石。准其減價十分之三出糶。價銀解交盛京戶部存庫

備用。○又

諭富俊奏。議吉林站丁地畝章程一摺。吉林站丁私將地畝典賣。若將該丁等自墾地畝。普行勘丈。每名僅留給十晌。餘俱入官徵租。丁力必驟形竭蹶。著仍照松甯原議。循舊辦理。至查出典賣與民地一萬三千五百六十三晌五畝。著照富俊所議。均勻賞給額設站丁八百五十名。每名十五晌九畝零。即作為隨缺工食養贍津貼。其當差窮苦站丁。各按典賣之民種滿十年。照該部屯租地寬減二成。給該丁納租。不准該丁奪地。另佃。如民抗不交租。照例撤地交站丁

自種。嗣後如再有越界私墾。及私相典賣者。丁民俱一體治罪。地價全行入官。以示懲儆。○道光十七年
諭向例雙城堡三屯官兵。由盛京吉林兩省額缺內裁撥派往。定於大封堆外展圍荒地一段。遇有退差兵丁。每名擬給荒地八晌。作為恆產。其大封堆外圍禁開荒。係留備將來接濟京旗。及本地屯丁之用。相沿已久。何以歷年經手各員。少圖多報。私墾之弊。顯然。茲據祥康等查明實在情形。並將派查含混具報之員。據實參奏。所有原任協領現以佐領告休之圖薩。並歷任夫察之協領佐領駙駙校等。均著交部查取

職名分別議處。至私墾地畝之官兵民人等。本應計
賄我追花利。惟念該處甫經成熟。尚未收穫。著加恩
止將地畝追出拋棄。其花利一概免追。以示體恤。

二十四年

諭前據斌良等奏。籌議調劑雙城堡移駐京旗一摺。當
交該部會同各該旗妥議具奏。茲據將籌議章程分
析彙議。該處太封堆外圍存荒地。該侍郎等請撥三
萬畝。令附近納丁陳民來春開種。惟念此項地畝。雇
民代墾。或私行租佃。將來必至悉為流民所據。移駐
旗人。轉至無地可耕。現在該處附近納丁陳民。有無
外省流民。錯雜其間。應如何設法布置之處。亦未據
切實陳明。著經額布悉心訪察。再行妥議。毋使胥吏
沃壤。任民佃種。稍有侵欺。尤不可敷衍一時。致京旗仍
虞貧窘。所有抽撥甲兵。添設義學。及一切未盡事宜。
著俟奏到時。另行覈議。欽此。遵

旨議定章程。一近屯荒地八千餘畝。准給三屯屯丁及
官兵子弟領種。每畝交京錢五百文。每年共收
京錢四千三百餘串。為賞給工本農具之用。一
未種之地。令屯丁認佃代種。一到屯京旗。無論
貧富。一律調劑。分三月十月分給。五年停止。一

封堆外。除奉處陳民均有房屋外。其拉林阿勒
楚客陳民。有至彼墾地者。今自蓋窩棚棲止。一
調劑京旗。唯於八里荒租錢撥給。無需另議籌
款。一唯於阿勒楚喀等處伐木額兵內抽撥四
十缺。歸雙城堡中屯批選。以資調劑。一滿漢義
學。照舊添設。○同治二年

諭恩合奏稱錦州牧馬之區。名為西廠。水草豐茂。足敷
牧放。此外則廣甯所屬之閭陽驛。小黑山等界。名為
東廠。地勢平坦。內有窪陷。於牧放不甚相宜。若將東
廠裁撤。一律開墾。可得田一百萬畝。惟東邊一帶。近

有流民在彼私墾。聚集日眾。查辦甚難。請派封疆大
員。詳酌籌辦等語。閭陽驛。小黑山等界。舊設牧廠。既
據恩合奏稱地勢低溼。於牧馬不甚相宜。而大凌河
西岸。地勢寬廣。即官馬多至一萬餘匹。亦足敷用。即
著照該副都統所議。將東廠裁撤。歸併西廠牧放。遵
照舊章。妥為經理。其應墾廠地。即照恩合所擬。今歲
京六十六位領下甲兵。按名分領。招佃取租。除交升
科租銀外。餘資津貼當差。其按年應徵租銀。即責成
各該佐領。備交造報。以收裕餉便民之效。○七年
諭戶部奏吉林請開闢荒宜防流弊。並愿年報墾尚未

升科地畝及欠交租項請飭查追一摺吉林圍場原為長養牲畜以備狩獵之用設堆置卡封禁甚嚴乃該處游民借開荒之名偷越禁地私獵藏牲斬伐樹木迨林木牲畜既盡又復竄而之他。有招佃之虛名無徵租之實效數百年封禁之地利遂至蕩然無存。即如景綸前於咸豐十一年奏稱尚有圍場二十一處而此次富明阿奏稱該處南北七十八里東西八十餘里皆無樹藏牲其為游佃偷越已可概見。此次該將軍辦理開墾事宜自當嚴防流弊即著親往履勘嚴定界限毋任委員弊混並將新墾各地造具畝數四至佃戶花名清冊以及如何挪移卡倫添設封堆暨布置員弁逐處巡查各事宜詳細妥籌迅行覆奏以杜弊端。其前任將軍景綸奏請開墾夾信溝涼水泉荒地二十五萬餘畝現有佃認領徵租者十三萬畝零未報升科地尚有十二萬畝續墾之土門子並省西圍場阿勒楚喀等處地畝共三十萬畝應交押荒地捐兩項錢文共一百二萬餘吊除交過錢六十二萬餘吊尚有未交錢四十萬吊其交過押租地畝既有佃戶認領何以僅將雙城堡佃戶認領地三萬三千一百六十畝遲延不報。至此外未交押租地

十一萬餘畝何以數年之久並不招人承領著富明阿確切查明將土門子等處已交押租之佃戶造具清冊迅速送部並追出歷年地租錢文以充兵餉其餘土門子等處未交押租並夾信溝涼水泉未報升科地畝即著詳細履勘予限一年招佃認領按畝升科毋再延宕。僕查有已墾未報及認多報少情弊並著從嚴參辦以昭覈實。○十一年

諭都興阿等奏旺清門外渾江迤西地段經都興阿等督飭協領崇善等前往查勘西自邊柵東至渾江南接前查地段北至哈爾敏河口二蜜等處共查出生落六十九處已墾熟地十萬三千一百餘畝現已查勘完竣即著照鳳毅二邊門外奏定章程於同治十三年起科以昭畫一。

欽定大清會典事例卷一百八十

戶部

權量 尺秤 法馬 升斗斛

尺秤○順治十五年題准各關量船秤貨務使秤尺準足不得任意輕重長短○康熙元年題准直省尺斗戥秤均照部頒前式畫一遵行違制者究處○乾隆五十七年議准小販赴河東買鹽與坐商自相交易毫無憑準易起爭端應令仿照舊式由河東道印烙另製官秤三杆給發中東西三場斗級收執凡商販交易以此秤為準原秤存庫備較○道光三十年奏准奉天省添設官秤二十四杆○同治十三年奏准奉天省添設官秤五杆

法馬○順治十一年

諭徵收錢糧各督撫嚴飭有司務遵部頒較定法馬有私自增加者不時稽查○十七年覆准凡起解錢糧令管解官面驗部頒法馬左右分兌以杜私弊○康熙元年題准較準新造法馬通行內外衙門遵用○雍正五年奉

旨福建總督奏稱布政使司庫止有部頒法馬一副彈

兌紛繁將銅日久消磨分數漸輕以致各屬收解錢糧輕重不等請將部法一樣頒給二副一副存庫一副應用循環繳換朕思部中所頒法馬乃輕重合宜之式樣與頒發鐵斛事同一例各省布政使司領到自然照式較準不失毫釐製成法馬日日彈用並令各屬地方畫一遵守其或有出納之際加重減輕者皆當嚴察參處此乃經常之道豈有錢糧總匯之布政使司出入繁多專以部法一副日日彈用以致銅質消磨輕重失實之理且部中循環更換亦不勝其煩著通行各省儘有如閩省常用將銅磨輕與原頒

分兩不符者即行咨部更換○十一年議准法馬由部審定輕重工部鑄造各布政使司遣官赴領戶部司官與工部司官面加詳較將正副法馬封交赴領官齋回各布政使將部頒副法馬收存行用正法馬如正法馬年久與副法馬輕重不符即用副法馬彈兌以正法馬送部換鑄虛捏不符者交部議處部頒法馬由一分至九分二十兩三十兩五十兩一百兩一百兩二百兩三百兩五百兩正副各一副○又議准各布政使司錢糧解部者將部頒法馬封交解官齋部庫官將庫存原法馬較準合一然後兌收

如有短少。將解官參處勒追。償將法馬私行鑄者。按律治罪。或庫官故為輕重。任意勒索。亦查明展參。○又議准各省布政使將州縣鑄造正副法馬。與部頒法馬較準。呈巡撫驗明發回州縣錢糧解司時。將副法馬印封齋司較對。兌收如有故為輕重。任意勒索者。即行題參。○又議准各處雜項銀。均以市平交納。每千兩較庫平少三十六兩。應照依庫平折算兌收。○十二年奏准。八旗收發銀。照戶部庫平製造法馬。分給其各佐領下。亦照庫平設立準數。以發兵餉。

○乾隆四十一年議准。直省各營發餉法馬。由督撫提鎮布政司會較鑄記。飭發行用。以杜輕平。○五十三年覆准。各省司道鹽政關差等處。請領部頒正副法馬。償正法馬日久不符。將不符之正法馬。委員送部換鑄。以副法馬彈兌。不得將正副法馬一同請換。○嘉慶十年奉

旨。據緞布奏平兌撥解盛京銀兩。並無短缺情形。一摺。此項部庫廣儲司兌發銀兩。富俊等因不知部庫每銀千兩。例扣平餘銀二兩。及盛京銀庫法馬每銀千兩。較部庫廣儲司加重二兩。是以疑有短缺。並誤認

此項銀兩作為永遠存貯。礙難交代。奏請派員平兌。尚係為慎重帑項起見。現經緞布等彈兌覈算。並無短缺。所有此項銀兩。即交該將軍等留為支放兵餉之用。毋庸入於永遠存貯項下。至法馬分兩原應輕重一律。平兌方無舛錯。今盛京銀庫法馬。較部庫法馬。每千兩重至二兩。且聞吉林黑龍江法馬。較盛京尤重。似此參差不齊。於出納句稽。殊有關繫。所有盛京黑龍江吉林等處法馬。著即撤回工部查銷。該部另將較準法馬頒給。以歸畫一。○道光十五年

諭。八旗月支錢糧。例應較準法馬。彈兌平允。毋許絲毫短少。嗣後各該旗錢糧。應如何支領彈兌之處。著戶部堂官管理。戶部三庫事務大臣。八旗都統。會同妥議章程。具奏欽此。遵

旨。奏定工部趕製一千兩大平一架。四百兩小平二架。查照戶部祖法式樣。一律鑄造頒發。八旗都統派委參領會同庫官。並戶部司員較準。交與戶部印庫。每月放餉時。監放官會同鑲黃正黃二旗參佐領到庫。將平法領出。分置庫門以外。南北門以內。八旗參領等。按應領銀數。抽查數分。親身較兌。果皆足數。具結領回。如有短少。會同

稽查御史及監放官。三面兌准。責令補足。仍將庫官參處。錢糧放竣。其法馬仍須加封。應令開放東四旗兵餉。由鑲黃旗起。輪流攜帶印花。西四旗兵餉。由正黃旗起。輪流攜帶印花。俟抽查完竣。將法馬封固。仍由監放官送回印庫。下月開放錢糧。該章京驗明印花。再行領出。○二十四年。管理三庫事務衙門奏。收兌各直省地丁正賦錢糧。惟直隸所解旗租元寶。平準色足。應即以直隸旗租元寶作為法馬。奉

旨。所奏作為法馬之直隸元寶。著多備數十箇。作成記號。以憑兌收。每遇應以元寶兌收之款。先以法馬將銀法眼同覈對後。再行兌收。

升斗斛。○順治五年定。戶部較準斛式。照式造成。發坐糧廳收糧。○又定。工部鑄鐵斛二張。一存戶部。一發倉場侍郎。再造木斛十二張。頒發各省。○十二年題准。較準倉斛容積之數。鑄造鐵斛。存戶部備式。頒發倉場侍郎。漕運總督直省布政使司各一。布政使照式轉發糧道各倉官。較準收糧。○康熙六年覆准。徵收漕糧。務遵順治十二年部頒鐵斛。如年久口面凹損。即請

重鑄新斛頒發。仍將舊斛送部。如有參差互異。若累軍民者。將經管官指參。解送舊斛遲延。及破損遺失者議處。○四十三年

諭。朕見直隸各省民間所用戥秤。雖輕重稍殊。尚不甚相懸絕。惟斗斛大小迥然各別。不獨各省不同。即一縣之內。市城鄉村。亦不相等。此皆牙僧評價之人。希圖牟利之所致也。又升斗面寬底窄。若稍尖量。即致浮多。若稍平量。即致虧額。弊端易生。職此之故。於民間甚屬未便。嗣後直省斗斛大小作何畫一。其升斗式樣底面一律平準。以杜弊端。至盛京金石金斗關東斗。亦應一併畫一。著九卿詹事科道詳議具奏。欽此。遵

旨。議定。直省府州縣市廩鎮店馬頭鄉村民人所用之斛。均令照戶部原頒鐵斛之式。其升斗亦照戶部倉斗倉升式樣。底面一律平準。盛京金石金斗關東斗。皆停其使用。鑄造鐵斗三十。鐵升三十。發盛京戶部順天府五城倉場直隸各省巡撫令轉發甯古塔黑龍江等處。及各布政使司糧道府州縣倉官。通行曉諭地方民人。一例遵行。○四

十五年覆准陝西徵收糧米支放兵餉均用永豐倉斗較之部頒斗斛每石浮多三斗應令照依舊斗之數以部斗收支停用舊斗○雍正八年題准各糧道樣斛原與部頒鐵斛較準飭發但用木板製造日久朽敝不無參差亦照布政使司之例將部頒鐵斛頒發各糧道永遠遵行○乾隆八年議准嗣後有漕各省兌收漕糧及漕艘抵通起卸並京通各倉收放米石俱一律遵用新頒小口斛式毋得參差互異以昭畫一○九年

高宗純皇帝得東漢嘉量圓形較其度數中今太簇又考唐張文收作嘉量方形乃仿其遺制用今律度

御製嘉量方圓各一范銅塗金掌之工部陳之殿廷其上為斛其下為斗左耳為升右耳為合倫其重二鈞聲中黃鐘之宮

親為之銘曰

皇予

聖祖建極憲天度律均鐘洞契元聲微顯闡幽何天衢亨小子績緒寰區撫臨協時月正日同律度量衡製

茲法器列於大廷匪作伊述

大猷敬承遵鐘得度率度量成量為權輿律諧六英猗

聖合

天

天心

聖明七政是齊為萬世法程如衡無私如權不凝如度

制節如量祇平律得環中紹

天明命永寶用享子孫繩繩我日斯邁而月斯征中元

甲子乾隆御銘○三十一年議准各倉所用木斛放

米之日每晚封存廩內次早驗封給發通倉由

倉場侍郎查驗京倉由都統御史查驗務使木

斛與鐵斛相準稍有贏絀隨時修整○道光三

十年奏准奉天省添設官斗七百八十七面○

同治二年奏准奉天省添設官斗一百五十八

面○十三年奏准奉天省添設官斗七十七面

欽定大清會典事例卷一百八十一

戶部

庫藏 總理庫務 管庫官役 選補庫官

總理庫務

國初設立戶部三庫。一曰銀庫。在部。一曰緞疋庫。

在東一曰顏料庫。在安門內。順治初年定。三

庫統歸戶部管理。嗣分屬各部寺收支。兼設巡

庫科道。尋。康熙三年定。三庫仍歸戶部管理。

○雍正元年。

特命王公大臣總理三庫。鑄給印信。○八年奏准。更鑄

管理戶部三庫衙門印信。○嘉慶六年

諭。向來管理戶部三庫事務大臣。並無年限。但究係特

派差使。自應仿照管理崇文門稅務之例。按年更換。

所有戶部三庫事務。嗣後即於每年具奏實存飯銀

摺內。聲明請旨派員更換。不必另行具題。著為令。○

十四年奉

旨。向來簡派三庫大臣。俱係一年更換。於庫貯利弊未

能盡悉。嗣後著定為三年更代。每屆三年之期。即著

派出之管庫大臣。奏請簡派大臣數員。將庫貯各項

會同盤驗。再行交替。用昭覈實。

管庫官役。○順治初年題准。設後庫滿洲郎中

四人。員外郎二人。司庫六人。筆帖式十人。○十

二年定。銀庫。緞疋庫。顏料庫。三庫。設理事官二

人。掌庫印。增設司庫三人。筆帖式二人。○康熙

二十五年定。管庫官分隸三庫。各按所司掌稽

出納。滿洲掌印郎中。每庫各一人。員外郎。每庫

各一人。司庫。每庫各二人。筆帖式。每庫各八人。

庫使。銀庫十有二人。緞疋庫。顏料庫。各十人。經

制書吏。每庫各一人。顏料庫內監六人。樓軍八

人。匠役四十二人。銀庫匠役三人。○雍正二年。

設大使。每庫各一人。增設員外郎。每庫各一人。

銀庫。銀匠三人。阜役三人。庫丁四十人。緞疋庫

庫役二十一人。顏料庫。庫使一人。樓軍二十八

人。其大使書吏。每庫各一人。阜隸。每庫各二人。

裁銀庫司庫一人。筆帖式二人。庫使六人。緞疋

庫。筆帖式五人。庫使一人。顏料庫。筆帖式四人。

匠役一人。內監六人。設三庫掌案主事一人。筆

帖式二人。書吏二人。阜隸四人。素銀庫現設銀

十七人。緞疋庫。庫役四十人。顏料。西什庫。庫吏八人。○乾隆三年。奏准。增

設銀庫大使一人。經制書吏二人。○十三年。奏

准看守三庫官兵。銀庫旗員五人。兵十人。緞疋庫旗員四人。兵五十人。顏料庫旗員八人。兵四十二人。均令上三旗選委賢員。遇換班之日。前往稽察。仍令所委稽察官。在庫投遞職名。以備註冊。如有空班不到。該旗立即題參。僅稽察官。徇隱姑縱。經庫官查出。除將守庫官參處外。稽察官亦交部議處。○十四年奏准。銀庫緞疋顏料二庫。每庫郎中一員。員外郎二員。銀庫司庫一員。緞疋顏料二庫司庫各二員。將銀庫官分為四班。緞疋顏料二庫分為五班。每日一員在庫直宿。銀庫內庫每日章京一員。護軍校等十員。進庫直宿。又護軍十名。留於庫門外巡邏。外庫直宿之郎中員外郎司庫等員。酉刻前赴內庫看視。進庫後將門封閉。再回外庫直宿。次日卯刻仍往內庫放出。將門封鎖。至十月十一月十二月。於申時放進。辰時放出。○又奏准。戶部銀庫額設庫役二十七名。內頭役四名。散役二十三名。緞疋庫庫役四十名。內頭役六名。散役三十四名。顏料庫庫役二十八名。內頭役八名。散役二十名。如遇頭役缺出。即擇散役內之勤

慎年久老成者。遴選充補。遇有散役缺出。令該頭役等出具互保各結。呈該管庫官批准。始准承充。○道光十三年議准。銀庫書吏設立號簿。每月由御史點卯。遇有濫充。即行究辦。至書吏除例設經承二人外。其餘貼寫定准額內五人。額外五人。經承缺出。於額內貼寫中挑補。額內貼寫缺出。於額外貼寫中挑補。均將人數名單。知照步軍統領。順天府五城。隨時嚴查。如有在外生事者。按名拏辦。僅遇單內無名之人。假名冒充。亦即拏究。○又定。經承役滿。經手冊檔稿件。責令逐一交代。由接役經承。出具並無遺失。未清甘結備查。○又議准。御史庫官。或任一年。或任三年。前後交移各項。必須收銀時。悉為標記。銀款入庫。每袋鈐用年月。並御史庫官戳記。以便交代時。按款稽查。即旋收旋放。亦可憑銀袋戳記。以防混淆。○十六年

諭。御史成觀宣奏。三庫解物。請一體咨報都察院一摺。前據給事中那瑪善等奏。各省批解庫銀。請先咨都察院。當經降旨准行。茲據該御史奏稱。三庫解物。情形相同。請飭一體咨報。外省解庫銀物。絲毫皆關緊

一五八
冊
續修四庫全書
4
反文內

要查覈弊竇。均宜周密。著各省督撫監督鹽政。嗣後批解三庫銀物。於委員起解之時。將所解銀物數目。及領解職名起程日期。一體具文咨報都察院衙門。以憑劄知查庫科道一體遵辦。以杜弊混而重庫物。

○二十三年。裁撤稽察三庫滿漢御史。○又奏准庫官接任及交代之員。按照庫存印冊逐款彈兌。出具盤交無虧甘結。呈堂存案。○又

諭

裕誠等奏戶部銀庫章程一摺。嗣後外庫著隔一年奏派王大臣盤查一次。其內庫及緞疋顏料二庫著隔二年盤查一次。均著會同管理及兼管庫務之大

臣認真稽覈。○二十五年奏准八旗滿洲蒙古漢軍各揀選強壯妥實閒散十名。取具參佐領印甘各結。造具年貌清冊咨送三庫衙門。掣定旗分。每旗選留一名。共留十二名。作為庫兵。襖衣出入庫門。三年更換。先期咨取掣旗選留。所有從前庫丁名目。即行除去。至庫兵庫內應穿衣服。亦豫置十二分備用。○又奏准驗匠二名。庫兵十二名。歲需工食獎賞銀三千一百九十九兩九錢九分八釐。其每季米折工食。戶部停給。○又奏准庫兵遇有事故更換。由三庫衙門籤掣

旗分。咨取頂補。仍按前接算統計三年一律更換。○又奏准庫兵由八旗閒散在庫當差。仍准出任考試。與從前庫丁賤役不同。其江南道按季點卯。應行停止。○又奏准庫兵如有私弊。送交刑部治罪。怠惰者隨時咨駁。毋許復送當差。三年無過。遇有本佐領下馬甲缺出。即行扣補。凡有事故。頂補之人接充。一年半無過。年滿更換。遇有本佐領下養育兵缺出。即行扣補。未及一年半者。年滿撥回本旗。毋庸獎勵。○又奏准銀庫驗匠二名。在於庫兵內揀選能辨銀色者充補。三年更換一次。其庫兵另行挑補。○二十八年定銀庫放銀之期。派司官一員。在庫內按平單令庫兵盤運。一員在庫門內監視過平計數。一員在庫門外覈對劄後黏單數目。並派筆帖式庫使二員。在庫樓門外彈壓。承領員役依次進領。毋許攙越。○又定捐項上兌銀面戳記。年卅並傾銷鋪號。該庫司員督飭驗匠。以樣銀比兌。抽翦低潮。將該號懲辦。驗匠故意挑駁。將驗匠斥革。如傾銷銀號。與該庫吏役庫兵驗匠人等。私相往來。查出嚴懲。○又定銀庫收發之

期管庫兵役。嚴守庫外大門。並垂花門等處。如有已革丁役及咨回庫兵驗匠人等。出入窺探。即拏稟庫官。回堂究辦。其直班兵役。擅放出入。一併懲辦。現充庫兵驗匠。與咨回庫兵驗匠。往來交結公事。即無通同舞弊重情。亦拏交刑部治罪。○同治三年奏准。嗣後遇有庫兵缺出。除在庫當差庫兵所隸之各旗毋庸咨取外。其餘滿洲蒙古漢軍各旗。一併咨取。將年力強壯。妥實可用之閒散。無論十名至一名。限十日內。取具參佐領印甘各結。造具年貌清冊。咨送三庫衙門。毋庸掣旗。統歸挑選。○光緒六年奏准。各旗保送庫兵。向由參佐領等出結送庫備挑。嗣後保送。仍照向章。出具保甘各結。挑選時。原保章京親身帶領。以便識認。儻原保章京不到。即將備挑兵扣除。○又奏准。庫兵向由八旗滿蒙漢挑選。年壯閒散送挑。每固山挑選一人在庫當差。年滿時。再由無人在庫當差。旗分咨取。挑選。嗣後每固山務須保送三名以上。至十名為率。不得以無人挑選。藉詞推諉。○又奏准。庫兵向章以三年期滿。嗣後該庫兵遇有期滿。先一

月呈報。以便行文咨取挑補更換。該管司員亦不得率行請留。○又奏准。八旗揀選送挑年壯閒散。不得以曾經在庫當差年滿及因事咨回兵丁。重複保送。○十年奏准。嗣後庫兵缺出。由三庫衙門。按二十四固山各備籤一支。當堂公同掣出某旗。即行文某旗。令於閒散內挑選一名。送庫充補。並取具參佐領各結。造具年貌清冊。一併送庫。儻有賄冒濫保等情。即將該庫兵照例治罪。原保之參佐領。交部嚴加議處。○又奏准。庫兵挾帶。而司員能拏獲者。予以紀錄。儻經旁人指獲。而司員失察者。即於司員養廉項下。照其挾帶之數。罰出充賞。○又奏准。常人赴有司衙門控告庫兵挾帶等弊。及他案牽涉。必須庫兵到案者。應備文到三庫衙門。由衙門送案。審實曲在庫兵。應比平民加一等治罪。如審虛。則誣告亦應加等反坐。○又奏准。裁去庫兵二名。驗匠一名。即以所裁三名應得之項。津貼當差之庫兵十名。驗匠二名。其本旗應得之錢糧。仍准照舊支領。○十三年奏准。除現在庫兵旗分暫行扣除外。其餘備籤掣定十旗。各令於

閒散內挑選十名。照章造具清冊印結送庫。由管庫大臣當堂挑取。每旗一名。掣定次序。開單存記。如遇缺出。按次傳補。俟補贖二名。再行咨取。挑選至掣定名次存記傳補時。仍由原保參佐領帶送赴庫。責成銀庫司員隨時查看。如有代替非該旗原送之人。即將假冒者。交部治罪。選補庫官。康熙四十四年。

諭銀庫緞疋庫顏料庫郎中員外郎。向係將本部官斟酌選補。嗣後將各部院官員保舉引見。○乾隆三年奏准。三庫郎中員外郎。在庫行走三年滿後。於

各部院衙門滿洲郎中員外郎內遴選保送引

見調補。司庫五年一更。期滿以應升主事即用。司庫

員缺。於三庫筆帖式庫使內遴選題補。○又題

准增設銀庫大使一人。於三庫筆帖式內遴選

題補。五年期滿。照例以應升之官即用。○九年

奏准。三庫掌案主事。並三庫司庫大使筆帖式

庫使。均三年更代。主事年滿。於部院滿洲主事

內遴選保送引

見調補。司庫年滿。於各部院滿洲正七品從七品小

京官內遴選保送引

見調補。庫大使年滿。於各部院滿洲筆帖式內遴選保送引

見調補。各以原銜食俸。停止五年期滿。保題升用之

例。三庫筆帖式年滿。於各部院滿洲筆帖式內

保送。每員缺。遴選二人保送引

見調補。三庫庫使年滿。於各部寺庫使內遴選保送

引

見調補

欽定大清會典事例卷一百八十二

戶部

庫藏銀庫 緞疋庫

銀庫○銀庫為天下財賦總匯。出納均有常經。各省歲輸田賦鹽課關稅雜賦。除存留本省支用外。凡起運至京者。咸入焉。田賦由各州縣運赴布政使司。由布政使司解部。鹽課或場官經徵。申解鹽運使司。或鹽運使經徵。均由鹽政委官解部。關稅由各關監督按例徵課。分季解部。雜賦解部與田賦同。直省贓罰銀。彙解按察使司。除解刑部公用外。餘亦解部。均入庫收存。寶泉局鑄出制錢。亦入庫收存。以待度支。○順治初年定。直省起解本色物料折色銀到部。各該司察驗。移文掌庫官。照數兌驗收存。出給庫收付覆各司。○十二年題准。掌庫官司庫。每歲終將出納銀錢造冊呈堂覈算。○十六年題准。直省起解錢糧。徑投各部。免赴京畿道挂號驗批。○康熙十四年議准。管庫官將庫內物件。不行固守。以致庫司等偷盜者。降一級調用。罰俸一年。○四十五年

論凡庫內錢糧。皆有交代。所以易於盤查。惟戶部銀庫

貯銀甚多。盤查甚難。其出入數目。必不能清楚。若將每年新收銀別行收貯。至用銀時將舊銀換用。則易於盤查。而數目亦得清楚矣。○雍正二年題准。各省將解送銀緞顏料。限定日期。或差官某人。或差役某人。某項銀緞顏料若干。木鞘包箱若干。均用印封封固。於某日起程。幾日到部。豫行知會大使。文到令大使呈報總理三庫大臣及庫官。俟銀物解到之日。將批文登記號簿。送承發科。即令該司司官公同監收。呈報總理大臣。至劈鞘時。令大使看劈。如有補交短少銀者。令大使公同該司官到庫驗收。將點鞘承辦之處。專責大使門官不得干預。○八年覆准。嗣後凡解銀及顏料香木等項到部。均限一月內驗收。給發批迴。○十年奏准。頒給各省正副法馬。嗣後解銀。將副法馬封交解官。齎領到部。與庫存原法馬較準合一。然後兌收。如有短少。將解官參處。儻有將法馬私行改鑄者。查出參奏。按律治罪。庫官故為輕重。查實嚴參。○十二年奏准。解部銀如有短少。將原銀交解官看守。行令兌發官

親身赴京到部。自看彈兌。令其對證明確。若無短少。將庫官從重議處。如果短少。將兌發官及解官分別議處。所缺銀著落兌發官賠補。○又奏准。嗣後地丁銀。解交元寶。關鈔鹽課漕項。悉解散碎銀。以便給發。○又議准。外解贓罰銀。除原文投刑部外。銀批徑投到部。由部收足後。知會刑部。覈案完結。○又奏准。八旗支領兵餉。務令參領佐領。驍騎校等赴庫。眼同庫官彈兌收領。領回親身散給。以免扣剋。○又奏准。各省元寶輕重不等。令該督撫等轉飭州縣。於領鎔時驗足成色。兌準分兩。入鑪鎔鑄。出鑄之後。如輕重適符部頒法馬。毋庸更加滴珠者。文內聲明。別鞘裝載。如有輕短者。毋庸回鑪重鑄。亦毋庸更加滴珠。但將應加滴珠之銀。數准數目。另封入鞘。戶部彈兌之時。係足數者。如數驗收。以備給發官軍俸餉。其不足者。即用所封滴珠之銀。加平彈兌。其元寶入於碎銀內給發。○乾隆三年奏准。兩淮鹽課。均令傾成元寶解交。○十六年

諭鑾儀衛有向戶部當領銀兩之案。該部始定章程。不

兼清漢者。竟行駁回。嗣後支領文移。遇有不兼清漢。及應駁事件。俱令收文之員。即時回明堂官。移查本處。並將投文之人。留待咨覆。收文處不得隨收隨駁。無可稽考。如此。則查覈尤為周密。而作偽者自無所容。著為例。欽此。遵

旨奏定。凡暫舉之工程。與不常支領之款項。雖來文清漢兼全。仍於收文後。將是否某日具文請領。移咨原領衙門查覈。俟覆文前後相符。再行給發。所有在京各衙門來往文移。除理藩院察哈爾領侍衛內大臣等處。向無漢文。順天府等衙門向無清文。均免兼寫清漢外。其餘各衙門文領到部。如有不兼清漢者。照例駁回。○二十六年奏准。各省解部漕項。關稅鹽課等項。散碎銀兩。於起解時。關稅鹽課。每千兩加銀十五兩。漕項。每千兩加銀五兩。每鞘按數添入。如到庫兌收。每千兩短少在十兩以內者。准解員即時補足。儘短少數多。即行指參。並飭行補解。仍令將短少緣由。查明覆奏。○又

諭直隸被水各屬。收成稍歉。現有應行賑恤之處。著撥部庫銀五十萬兩。以資分給。但聞銀庫舊例。凡遇應

撥銀兩。除俸餉外。俱有應扣平餘。此在工程等項需用銀兩。原不必悉照部法支放。若地方遇有災歉。特發帑銀賑恤。惟期間閭閻實被恩膏。毋許不肖官吏絲毫扣剋。豈可於部庫撥給時。分兩稍為輕減。此次所發五十萬兩。著該部於庫貯元寶內。如數發往。嗣後如遇賑恤之項。俱照此行。著為令。○三十一年奉

旨。銀庫所奏月摺內。地丁款下。開寫絲毫忽微等細數。緣各省徵收之時。必須先有散數。方可合併計算。但此等名目。既已極其纖悉。而稱兌時。並不能將此絲毫忽微之數。分析彈收。徒屬有名無實。嗣後各省徵

收錢糧。及一切奏銷支放等事。俱著以釐為斷。不必仍開細數。○四十一年覆准。各直省地丁元寶。於鑿鑿州縣銀匠姓名之外。再行鑿鑿年月。以昭慎重。○又議准。福建正雜錢糧。係傾鎔十兩小錠。亦令於錠面上。鑿鑿年月州縣及銀匠姓名。以憑稽覈。○又議准。外省解到錢糧。或有成色青潮。甚至底面迥異。有意蒙混。將該省督撫查參。仍令將承辦官員據實參究。所解銀兩。著落原解官自行看守。由該省改委委員赴庫領出。另傾交納。其經手雜項市平銀兩。俱按庫平折實

兌收。○又議准。銀庫經放買賣人辦買物料。直隸歲修河工。顏料緞疋。二庫折價。暨凡應以市平扣發銀兩。每庫平千兩。扣平銀三十六兩。作市平支放。至兵部鹽菜。刑部醫藥。光祿寺備用各銀。及買辦草豆物料。各役米折月銀。各寺廟喇嘛口食等銀。各每千兩。搭配成色銀三十兩。該承辦司分。於劄內聲明劄發。○又議准。凡餉鞘到部。不論遲早。庫大使照數點明。督令原解官役投批。將鞘運入銀庫大門堆儲。至夜責成在庫人役加謹巡邏。其搬運餉鞘。令原送人夫經手。不准濫雇應役。若門役包攬需索。當月司員。及大使廳官嚴拏究治。○又議准。收放一切銀兩。由承辦司分。分別出具印劄。印付投庫。劄付內各開監收監放官職名。簽押花字。赴庫親監收放。務令交銀領銀本員役。親身投納承領。不得任聽在部書吏領催包攬交領。僅收庫以前。款項或有舛錯。冒混等事。責在監收監放官。若吏役故違禁令。嚴拏究治。○又議准。撥解賑濟軍需。暨外藩蒙古俸銀。專以元寶驗放。其支發八旗兵餉。月選官請借養廉。暨一切零星支

款專以散碎銀兩驗放。若零星支款為數較多，仍准以元寶散碎通融搭放。○又議准八旗月支錢糧一時平兌不及，該承辦司分一面出劄，一面將原領冊檔付庫磨對。由庫豫平臨期驗領換發。其八旗外藩蒙古俸銀及各衙門人役米折銀俱按劄發款項數目挨次造送平單。俾銀平單前三日送庫。米折銀平單前一日送庫。由庫豫平驗放。凡遇急需銀兩不及辦劄者，庫官公同該司員驗明文領先行給發，仍補劄存案。○又議准凡解部銀緞顏料原衙門出具印批咨文其解批由大使廳呈堂簽到轉交承發科查明挂號即開具張數於三日內付庫收銀。其咨文徑投該司該司照咨出具二付送庫。對俟照數驗收將批付均填收訖字樣一付存庫一付發司並將解批鈐蓋庫印移付總檔房呈堂鈐印即傳該解員役赴領不得以該庫付批無多留待彙發。儘管解員役或別有事故不能赴領者該司將情由移明總檔房存案稽查。至八旗批交銀兩其批迴由承辦司分呈堂鈐印給發仍行文知照。○四十六年奏准各省餉

鞘投批後按其解到先後隨時彈收。如解員有短平銀兩不能即時補交者量其道路遠近定予限期令各該省即速補交完項並按解員人數多寡酌留一二員候給批迴其餘概令回省。至餉鞘到庫及劈鞘收兌起止日期並因平兌收發不能兼收餉鞘日期俱逐日登記按月造冊由三庫檔房移送戶部承辦司分轉送江南道查覈。○嘉慶十四年議准銀庫支發各衙門及八旗承領俸餉等項銀兩均令各該衙門於咨行文領內註明承領官銜名戶部專設支發總檔令該員親身赴部畫押與監放官到庫眼同支領其工程銀兩解工大臣知照戶部文內註明承修司員銜名該司員親身到部畫押會同監放官赴庫關支其雜項並例給盤費等項該大臣官員不能親身赴領由戶部承辦司員赴庫支領付給按月造冊報銷。○十九年

諭御史富勒禮奏外省解部餉鞘並不隨到隨收輒先寄存銀號轉交並部庫收放銀兩請令稽查該部御史眼同收放等語各省鞘銀解部自應隨到隨交若輒轉控延難保不滋弊竇著步軍統領衙門隨時密

查餉鞘一經解到。即派員押送赴部呈報。毋令稽遲。其江南道御史本有稽查戶部之責。遇有部庫收發銀兩時。即知會該道輪流前往。眼同收放。以專查察。

○道光元年議准。解官投文後。承辦司分付庫。毋得過十日。付庫後。毋得過五日。如有遲延。稽察科道參奏。○又定。餉鞘付庫。定限五日。內劈兌。如遇放俸。放餉不能兼收。餉鞘日期。准其扣展。○又議准。外省餉銀。及在京捐項。戶部承辦司分。於付庫印付內。均須填寫日期。方准付庫。銀庫收銀後。亦即於原付上填寫月日照

數收訖字樣。方准送回。○又奏准。五城批交糶賣成色土米麥石錢文。限每月逢一逢六投批。逢五逢十交錢。統以糶竣後。限兩月內全數交清。逾限不交。及投批後不於五日內交納者。將司坊官查參。如交納錢文。有攙雜短數等弊。亦即參處。該司坊官赴部投文。三庫檔房胥吏人等藉端勒措。不即會到發司。承辦司分收到批文。不即付庫交收。及既經發司付庫。而銀庫書吏。不即稟請查收。以致遲逾兩月例限。查明究辦。○二年

諭賽沖阿等議覆給事中陳鴻條奏銀庫書吏丁役舞

弊一摺。著照所議。嗣後戶部北檔房於每月初旬。將上月收銀總稿。移送該科道。與收冊分款覈對。用印時止許二人。毋得仍前雜沓。交銀批付內。填寫該科道銜名。送交畫押。再行用印。各生捐冊。著稽察科道攜帶所立捐冊。會同江南道御史。互相磨對。如有不符。聯銜參奏。其冊檔文移。俱鈐用該科道印信。官生報捐。仍照向例。由銀號傾鎔交納。如有銀號包攬。額外需索。及胥吏串通舞弊。一經捐生指名首告。立即嚴拏治罪。至所稱開放銀兩。關繫緊要。應令該科道設立放銀冊檔。將放過銀款數目。逐一登記。一體鈐用印信。以防弊混之處。俱著照所議行。○九年

諭者英等奏酌議稽察餉鞘一摺。向來各省解京餉鞘。一入京營交界。該營汛撥兵接替護送。迨進城歇店。並派兵守護。交納完竣後。僅據該委員告知。即將汛兵撤回。稽察恐難周密。嗣後凡餉鞘到京。其進城及入店出店日期。著各該委員結報該營。該營即稟報步軍統領衙門。每屆一月。由該衙門彙總分析清單具奏一次。以憑查覈。○十一年議准。各省解交鹽課關稅漕項等。加平銀兩。於正項外另裝成鞘。隨解交納。並於解批上註明加平若干。○十二年

諭御史徐培深奏解庫銀兩。應令官解官交。不得假手吏胥。以杜弊端一摺。各省解庫銀兩。如皆係官解官交。何至有截留在外。虛出實收之弊。嗣後各省及各關解項交庫時。著查庫科道飭令解官。眼同劈鞘兌收。如解官不自到庫。而他人代交者。即指名參辦。並查係何人代交。即送交刑部究辦。○又議准。銀庫驗收日期。務令先期知照戶部。派令監收官親身赴庫。眼同兌收。儘監收司員不親身赴庫。或銀庫不先期知照。自行兌收者。分別參辦。驗收後。付回承辦司分實收。及庫大使廳批迴。均於三日內給發。○又議准。餉鞘進城。步軍統領衙門接到該營稟報。即行知照戶部。並三庫檔房。如戶部接到知照。三日內。大使廳不將文批轉發到部。由該省司回堂查催。○又議准。各省解餉文批到司。限三日付庫。付內填寫日期。該庫收到印付。即於原付內標到。以備查覈。若該司付庫逾限。由查庫御史查催。查催因應。即行參處。如解官不遵例限赴庫交納。亦即指參。○十三年議准。凡遇開庫之期。所有解官捐生。並各衙門承領員弁。及各項隨人。由該御史庫官按名

點入。兵役嚴守庫外大門。有濫行出入者。即行拘責。兵役擅放閒人。一併究治。○又議准。常捐均收足色銀兩。經驗匠看後。仍令庫官以樣銀比對。隨時抽較。剪驗。設有低潮。令銀號賠補。如遇短平添數。亦須驗匠看明。方准補交。如銀號藉銀庫為詞。向捐生勒索。即將銀號究辦。設銀庫書役果有勒索等弊。亦令該御史庫官隨時嚴查。並准捐生呈告。○十四年

諭捐吏棍徒。以及銀號人等。包攬承交。吏役從中分肥各弊。著順天府五城步軍統領衙門。一體出示禁止。儘有前項情弊。即嚴拏治罪。如稍有徇隱。必將該府尹等一併嚴懲。嗣後各省解員。如被胥吏勒索。及庫內多索添平銀兩。准其據實呈首。以憑究辦。○又議准。各司處每月收發錢糧存稿。於次月初五日以前。徑付稽察銀庫科道。該科道按庫冊逐款磨對。於初十日以前。將上月實收實發款數。是否相符。及庫存數目。移送北檔房備查。○又議准。戶部印付填寫日期。及庫上填註收訖日期。均令大書。以杜延壓勒索諸弊。○又議准。各省解到餉鞘。步軍統領衙門知照。戶部銀庫外。並

知照查庫御史。即責成查庫御史。限催解官於三日內赴三庫大使廳投具文批。大使廳於三日內將咨文付部。如有延壓。即行參辦。○又議准。零交一項。承辦各司。均於收到文呈三日內付庫。並聲明何日投文。何日具呈。以備稽查。司付到庫後。限五日內驗收。三日內付覆。○又定。收放銀兩。凡係緊急款項。於文到後即時呈堂。劄庫收放。尋常支領款項。於文到十日內呈堂。劄庫給發。其各司交領劄付內。俱填註日期。銀庫亦俱按日簽到。○十五年議准。嗣後支放八旗錢糧。三月至八月定於卯刻。九月至二月定於辰刻。開庫。每月各該旗參佐領章京領銀等官。東四旗由鑲黃旗起。西四旗由正黃旗起。輪流攜帶印花。會同戶部監放司員。向派部親赴印庫。取出部頒平法。中二員。分置銀庫南北門內。於給發時。各按旗分佐領將應領銀數。親身抽兌。如有短少。管理三庫大臣及監放官三面較兌。責令補足。仍將庫官照例參處。如抽兌足數。具結領回。僅有短發。將旗員參處。若旗員領銀後攜入銀鋪。及入飯館酒肆者。步軍統領衙門拏究。所有平法。用畢黏貼。

印花同監放官送存印庫。以備下月驗明取用。○十六年

諭御史耆綱等奏稽察解餉文批請歸畫一一摺。著戶部議奏。欽此。遵

旨奏定。各省解部銀物。概飭出具文批。徑赴江南道衙門投遞。俟戶部兌收後。即持戶部收批赴道查驗。由道鈐印給照。以專責成。仍令該道於收批查驗後。即行當堂給發。毋得假手書吏。致啟延閣需索之弊。○十八年定。在京衙門交納現審贓罰銀兩。如原贓費用無存。追徵足色。交戶部

查收。○二十年定。現審有關贓罰銀錢什物變價等項。定案時鈔錄全案。並贓罰銀錢。立即咨送戶部。如勒追未交者。隨案聲明。戶部查催。交納後。知照刑部完結。○又定。現審入官贓銀。成色低潮。傳經紀當堂鎔化。足色成錠。折實分兩。送部交納。不准折變錢文。入官人口變價。數在十兩以上者。隨時送部交納。亦不准折交錢文。○二十三年

諭現在戶部銀庫查有虧短。歷任稽查銀庫御史。不能糾察弊端。直同虛設。除聽候欽派王大臣查明懲辦。

外。所有稽察三庫滿漢御史均著即行裁撤。五見管庫官役
門。○又定稽察銀庫科道裁撤後所有各省解到餉鞘承辦司分印付到庫定限五日內劈兌。儘有遲逾改由管理三庫大臣奏。○又定各項銀款入庫每袋仍鈐年月改用庫官戳記。○又定銀庫經收一切銀兩由承辦各司分別出具印劄印付劄付內監收官簽押投庫。外省各庫已有印批投庫由司出具印付在京各衙門移交登赴部呈交之項並無印批由司出具印劄俟銀庫知照驗收日期親身赴庫管理三庫大臣督同庫官及交銀員役三面眼同劈鞘折封兌收。○又定餉鞘到京進城及入店出店日期該解官結報巡捕營由營轉稟步軍統領衙門該衙門據稟知照戶部及三庫總檔房仍儘令該解官於三日內赴三庫大使廳投具批文大使廳亦於三日內將原文付送戶部承發科呈堂簽到若戶部接到知照後或解官投文遲延或大使廳付庫逾限改由該司回堂分別查參。○又定開庫之期所有解官捐生及各衙門承領員弁該管官員隨從人等改由庫官點名。○又定交銀批內填註收訖字樣再行用印務使

印色鮮明篆文清楚。○又定每月十二日銀庫庫官攜帶捐生冊檔送戶部捐納房會同江南道眼同磨對如有不符即由江南道奏。○又定銀庫設立放銀冊檔將放過銀款數目逐日登記鈐印每月與戶部所存放銀總稿覈對。○又定各省解交三庫銀兩緞疋顏料等項將銀物數目領解職名起程日期一體咨報都察院並另具文批令解員赴戶科江南道投遞俟收庫後即持戶部收批赴科道查驗鈐印給照以杜弊混。○又定銀庫經承貼寫每月由庫官點卯。○又定戶部各司處每月收發錢糧存稿於次月初五日以前徑付銀庫由庫官按庫冊逐款磨對仍於初十日以前同庫存數目移送北檔房備查。○又奏准八旗俸餉平單仍於劄發前三日送庫其餘平單均於劄發前一日送庫豫平。○又奏准銀庫每遇平做放項銀兩須按照戶部送到平單覈准數目應需銀若干兩計需若干袋令匠役由桶內扛銀一袋庫官給算一根俟扛完時仍將此桶封儲再行平做至發放時與戶部送到劄付印領覈對後方准放給

○又奏准。如有交項。盤查期內。暫行緩收。如有放項。應由未經查過銀內動用。○又奏准。銀庫收納各款。詳加籌畫。該委員所領規費。概行收庫。彌補虧短。除直隸旗租及地丁銀兩外。其餘各項。每千兩。以收平餘銀二十五兩為率。其應累加增減者。不過數款。所收銀兩。年終奏歸正項。計定太平關。粵海關。蕪湖關。滬墅關。贛關。九江關。鳳陽關。江漢關。浙海關。閩海關。南北新關。龍江關。揚州關。淮安關。臨清關。天津關。各關稅銀。兩淮鹽課銀。長蘆鹽課銀。山東鹽課銀。兩浙鹽課銀。河南齋糧銀。河南七釐飯銀。均每千兩加平二十五兩。山東臨德二倉銀。多倫諾爾烏蘭哈達塔子溝。八溝。三座塔各稅銀。各處零交雜項銀。均每千兩加平二十兩。廣東錫價銀。每千兩加平三十兩。各省監餉銀。每千兩加平三兩。山海關稅銀。每年加平四百兩。歸化城稅銀。每年加平三百兩。殺虎口稅銀。每年加平六百四十兩。天津道海稅銀。每年加平六百兩。福建坵折銀。每年加平一百二十兩。○又

諭給事中扎克丹等奏。現在拏獲偽造假銀之劉二。供

稱曾在傾銷鑪房夥做假銀。並聞已革庫丁等有密雇匠人偽造銀兩等語。上庫銀兩。向由鑪房傾鎔成錠。蓋用該銀號戳記。原以防詐偽之弊。乃該鑪房竟敢勾串匪徒。通同夥做假銀。並有已革庫丁雇令匠人偽造之事。實屬不法已極。現當清釐庫款之時。必應嚴密稽查。庶不為其蒙混。著管庫大臣飭令司員於銀兩上庫時。率同能辨銀色之匠役。認真查察。如遇有假銀。即從嚴根究來路。不得僅令其更換了事。稍存寬縱。並著步軍統領衙門。順天府五城一體嚴密訪拏。以靖根株。○又奉

旨。嗣後戶部銀庫用贖殘廢口袋。每屆盤查外庫之年。由派出王大臣查驗抖運出庫。○二十四年奏准。開放八旗內務府三旗及五旗包衣兵餉。隨甲養育兵孤寡錢糧庫銀。趕領餉銀。及前鋒護軍火器等營應領兵餉。隨甲錢糧。各按旗分。改為總數支領。開放之日。卯刻開放。午刻放竣。辰刻開放。未刻放竣。一律逐袋覆較。驗明印領後。取具該旗營所領銀兩。並無短少。低潮假銀。甘結存案。○又奏准。開放五營錢糧。同一切零星放項。俱在庫抽查過平。驗明給領。取結存案。○又奏

准開放八旗滿洲蒙古漢軍五旗包衣內務府三旗外三營官員俸銀。各按旗營總數。於二八月初一日。儘一日開放後。取具各旗營所領銀兩並無短少。低潮假銀甘結存案。戶部都察院及各部院衙門漢堂司各官俸銀。亦各按總數開放。○二十五年奏准。外省解部錢糧。緞足顏料。其解批徑交該庫。其咨文由三庫大使應送部簽到。給發承辦司分。該司照咨出具印付二張付庫。該庫覈對收足。將批付俱填照數收訖。字樣。蓋用庫印。一付存庫。一付發司。該司憑付具稿呈堂。行知各該省。所有給發司印實收。永遠裁撤。其原批由庫轉交三庫總檔房。填具批迴字樣。呈堂鈐印給發。至管解員役投文領批等事。均由三庫檔房辦理。以歸簡易。○又定刑部現審案內。追出入官贓罰銀錢。飭發各坊。該坊詳報本城察院。由城移部。赴庫交納。毋庸再給司印實收。至大宛二縣。追交一切贓罰銀錢。俱令詳報順天府咨呈轉解。以昭慎重。○又奏准。銀庫一切收項。俱用比子彈兌。務令平均。○三十年奏准。嗣後管解員役投文後。大使廳付

承發科。承發科付各司。各司付銀庫。均以二日為限。○又奏准。解官赴大使廳隨鞘投文。如鞘已進署。延不投文。管理三庫衙門嚴究。僅查有部書留難勒索等弊。送交刑部治罪。若解員甘心濫與。與受同科。兌收時詢明該解員。銀庫吏役實無勒索等情。出具甘結。黏連批後。齎回原省備查。○又奏准。嗣後收兌。循照舊例。關稅鹽課銀。每兩加庫平一分五釐。漕項每兩加庫平五釐。捐款每兩加庫平四分。所有二十三年彌補庫虧規費加平各名目。一概刪除。○咸豐四年奏准。順天府屬各州縣徵收旗租銀兩。解交部庫。由府尹給解員批文一張。赴部呈驗。俟銀庫收訖後。將所收數目。於原批內註明。鈐蓋戶部堂印。並各州縣原詳。統交該委員領回。呈繳備案。○十年定。各省解到銀兩顏料緞足等項。該解官將文批徑赴戶部司務廳投遞。該廳即日簽到。一面付知大使廳。一面令承發科掛號填註時刻。發交承辦司分付庫兌收。儻該廳吏等需索稍延。一經查出。或被解官首告。即送交刑部治罪。該廳員徇庇積壓。發司遲誤。一併參

餉銀庫銀二成錢折銀初一日錄黃正白二旗

初三日正黃正紅二旗○光緒四年奏准嗣後

初四日錄紅錄藍二旗各直省督撫並各路統兵大臣如遇有赴部領

解餉項必須遵照向章投遞印領以憑給發如

查無印領概行駁回令該委員回取印領到部

方准給發以杜流弊而重庫儲

緞疋庫○凡各省解到細緞絹布皮絲綿綾麻

等項均付庫收存○順治初年定三處織造錢

糧事宜均隸戶部○八年改隸工部○十六年

覆准解到絲綿絹疋等項已經委員選驗堪用

者該庫不許覆驗耽延抑勒多收違者治罪○

康熙三年定織造事宜隸工部錢糧歸戶部報

銷○又定江甯蘇州杭州三織造應解大蟒緞

小蟒緞金綾蟒緞暗蟒緞三等蟒緞立蟒緞大

閃緞小閃緞雜花緞寸蟒雜緞次雜緞中錦草

錦金字緞補緞補服料羅緞片金羅片金倭緞

帽緞次帽緞滿水緞裙蟒緞蟒紗五蟒紗雜花

紗裙蟒紗紗片金金字紗補紗大緞次大緞亮

花緞衣素緞次衣素緞各色光素緞次光素緞

揚緞次揚緞彭緞次彭緞宮綉各種紗羅紡絲

綾西絹杭綉三梭布三綫布油墩布疋布白疋

布夏布絲緯絲絨繡綾絹綫生絲手帕以上各

項如庫中應需某項酌量均派於豫年八月內

具稿呈堂移付江南浙江二司轉行各該織造

辦解定限於次年八月內解部如派後再有缺

少不敷者隨即加派酌量限期辦解其價值均

由各該司覈銷○又定山東布政使司應解棉

布二千三百疋山西布政使司應解生絹一千

五百疋舊解一千二百疋農桑絲絹二百疋遇

閏加四十四疋三梭棉布二千四百九十八疋

一丈八尺有奇舊係江蘇辦解雍正三年改歸山西江蘇布政使

司應解五色三梭布五千疋棉布二萬七千三

百六十七疋安徽布政使司應解麻三萬四千

一百五十八斤江西布政使司應解疋布五千

四百九十六疋二丈浙江布政使司應解白綿

二百斤白絲八千五百斤以上採辦價值皆由

者直隸山東花絨綿布河南衣絨山東河南綉

棉布江蘇黃白絹黃絲絹白麻安徽狐皮稅絲

絹土絹江蘇安徽生絹農桑絹布安徽疋布

浙江杭綉白棉黃絲價銀扣存布政使司庫按

旨嗣後如用絲綉著內務府出給印文委官到部取用

事完仍令原取之官親身赴部繳明。○五十八年覆准。緞疋庫照銀庫例。動支舊存物料。將新收者別行收存。○乾隆二十八年奏准。蘇州織造解青藍三梭布。每疋准銷銀三錢七分。水脚銀二分二釐。○四十一年議准。各織造解到緞疋。其分兩輕重。合總稱驗。若合稱而分兩不足。方准駁換。不准逐件稱計。○又議准。江甯蘇州杭州三處織造需用花本。十年准其更換一次。扣足年限。報部更換。錢價於司庫銀內撥給。江甯額定銀六千八百一十三兩。蘇州額定銀五千六百八十七兩七錢。杭州額定銀四千四百二十八兩。○五十九年奉

旨。大蟒緞令改織蟒袍料龍緞。仍照大蟒緞價值覈銷。○嘉慶四年議准。江南布浙江絲綿山東布江西寧布。庫存均足數用。於嘉慶五年為始。停其解交。○十年

諭。向來各省例解緞疋等項到京。於崇文門查驗後。其赴庫投文驗收及給令批迴。均未定有定期。以致不肖書吏。從中嚇詐勒索。各該解員日久守候。賠累滋多。殊非杜弊之道。嗣後崇文門監督於各省年例解

京物件。無論何項。驗明後。即速移會戶部及管理三庫衙門。各該堂官接准移會。即傳令解員投文驗收。限五日內交收全竣。即行面給批迴。飭令毋許稍有延閣。儻仍任聽胥吏私向解員索詐使費。故違定限。即將該管之員。分別懲辦。○十四年

諭。戶部內務府各庫。存貯緞疋等名目。往往舊時所有。而近日所無。遇有頒賞事宜。各該處仍開舊時名目。將所缺之項。用他物抵補。以致名實不符。非覈實之道。嗣後頒賞緞疋等件。就庫中現有之物。擬用何項。即開何項名目。不得沿襲舊名。再行抵換。致有歧異。

○又議定。緞疋庫支發物料。各衙門支領文內。先將承領官姓名註明。由戶部簽到。發庫後。由本庫呈明管理三庫堂官簽到。令該員先於冊檔印領畫押。親身赴庫給領。○道光七年議准。各省解交緞疋數目少者。限五日收完。即行面給批迴。數目多者。亦不准過十日。如有數目斤兩丈尺不足。俟交收全完。再行給批。儻庫丁吏役有勒索刁難等弊。查出嚴懲。○又議准。崇文門監督遇有各省解物到京。查驗後。即令解員赴部投遞文批。一面將進城日期。知照戶部三

庫務令填明發文日期。以憑稽覈。○又議准。庫存緞疋等項。按架排列字號。分儲各項。並箱篋物件。一併造具清冊。於支放時。按冊出陳留新。其樓存布疋絲絨等項。亦俱分別新陳。依次收儲。按冊查對支放。○又議准。各處領取緞疋等物。於行文到庫之日。起限三月。

東陵

西陵並

盛京

三陵黑龍江等處。限半年。如逾限不領。即將前行印文註銷。仍令將遲延緣由。詳細聲明。另備印文赴庫支領。○十七年議准。各省解交緞疋顏料。二庫各項物料。應照餉鞘到京。不准在外逗遛。自抵通後。令該州並該營員弁一體飭催委員赴崇文門查驗。限三日將物料運至該庫。倘有稽遲。查明參處。其批文令該委員隨即赴廳投遞。該大使不得逾三日之限。呈堂簽到。該庫於司付到庫。限五日內驗收。如有應放各工緊要物件。不克監收。准照銀庫一體扣展。○十九年奏准。蘇州。江甯。杭州。三織造交部緞疋。永著司庫

代運。○二十三年奏准。緞疋庫隔二年盤查一次。○三十年議准。各省解交緞疋顏料。二庫各項物料文批。赴廳投遞。該廳大使於二日內呈堂簽到。○咸豐元年

諭緞疋庫現存物料。分別應抵應停。該部隨時察看。妥善辦理。○同治十二年議定。各省額解部庫及內務府。隨時添派紬緞布疋各件。均以奉到部文之日起。勒限六月起程。倘逾限不解。將各該督撫織造等知照吏部。照

欽奉事件遲延例議處。如各省情形不同。實在未能依限起解。准由該督撫等聲明奏咨展限。

欽定大清會典事例卷一百八十三

戶部

庫藏 顏料庫 威京戶部銀庫 各處將
 糧道庫 驛道庫 河道庫 鹽運司鹽法道
 庫 關稅庫 道府直隸州及苗疆分防廳
 州縣衛所庫 盤查 留儲 分儲
 寄儲

顏料庫○凡各省解到銅鐵鉛錫硃砂黃丹沈
 香降香黃茶白蠟黃蠟紙桐油並花梨紫檀等
 木均付庫收存又專辦成造香燭以供祭祀以
 備內用○直隸布政使司應解黃楸木二千四
 百三十斤芝麻一百石○山東布政使司應解

黃丹一萬斤舊解五千斤今添解五千斤黃蠟三千斤牛筋
 一千斤○山西布政使司應解平鐵八萬四百
 九十八斤舊係江蘇辦解雍正三年改歸山西
 舊解七萬斤今添解一萬四百九十
 斤好鐵十萬斤毛頭紙四十萬張呈文紙一萬
 張○河南布政使司應解黑鉛七萬六千八
 百三斤黃蠟三千斤牛筋四百四十七斤○江蘇
 布政使司應解烏梅一千斤明礬一萬斤舊解
 斤今添解黃熟銅二千九百九十三斤有奇黃
 蠟三千斤銀硃一萬一千九百四十四斤有奇桐油
 一萬七千九百七十一斤有奇銓草六百斤紅

飛金二千塊黃飛金一千二百塊○安徽布政
 使司應解紅熟銅九千六百二十五斤有奇黃
 熟銅二千一百七十三斤有奇銅一萬有六百
 六十一斤好鐵十萬斤黃蠟三千斤桐油一萬
 六千一百七十七斤有奇舊解一萬二千五百四
 十三斤雍正三年以福
 建原解之四百八十三斤改歸安徽共解一萬
 三千二百六十六斤今添解三千九十一斤有奇
 銀硃七千七百四十斤有奇舊解五千八百十
 斤有奇今添解一斤有奇今添解
 二十九斤○江西布政使司應解銀硃七千五
 百八十九斤有奇舊解二千五百八十九
 斤有奇今添解桐油
 一萬二千五百一十一斤有奇舊解二千五百十八
 斤雍正三年以福

建原解之四百八十三斤改歸江西共解二千
 五百四十一斤今添解九千九百七十九斤有奇
 紫草一百六十二斤有奇五倍子七百九十七
 斤有奇舊解二百九十七斤
 有奇今添解五百斤○福建布政使司
 應解紅熟銅八千六百有八斤有奇舊解四千
 六百二十
 二斤雍正二年以河南江西原解之
 三千九百八十六斤有奇改歸福建黃熟銅三
 千一百二十七斤有奇黑鉛十萬五千一百五
 十七斤有奇沈速香六百斤○浙江布政使司
 應解黃熟銅一千有六十五斤桐油八千三百
 二十九斤有奇芽茶五千斤黃茶九十二簍計
 九千二百斤黃蠟三千斤定元子五十斤○湖

分批彙送。○又題准。各省所解顏料。該督撫計路程遠近。酌給水脚。以杜濫派。○三十一年覆准。豫省不產牛角。將增辦之一千五百副。改令廣東太平關粵海關及揚關。每關辦解五百副。揚關每年限十一月內到部。太平關粵海關限次年二月到部。○三十三年

諭。各省解送各項物料內。或有無用者。亦有京師可以辦買者。令該部將應解送應停止款項。確議具奏。欽此。遵

旨議定。各省解送黃楸木等九十九項。令照舊解送。白

銅無應用之處。將此項停解。青粉等三十八項。外省價值並腳價合算。比在京時價轉貴。停其外解。如有應用之處。在京照時價採買。或遇時價騰貴。京中缺少。由部具題。再令出產省分解送。○三十八年議准。各省辦解物料。均照賦役全書開載辦解。其辦買價值路費。均動正項。○五十一年議准。各省應解顏料等項。如不堪應用。將監辦官照侵蝕入己例。嚴加究處。該撫照不行。遴委能員例議處。其辦買價值。著落監辦官及該撫分賠。○五十八年覆准。顏料庫照銀

庫例動支舊存物料。將新收者別行收儲。○雍正三年奏准。直隸山東原解牛角弓面。停其解送。俟庫存牛角將用完時。改令出產之江南湖北湖南三省分解。陝西所解紫草。暫停解送。俟庫內所存將用完時。令其起解。山西增解之毛頭紙一百有五萬張。停其解送。每年但將原解十有五萬張解送。數年之後。酌量足用。再停額解。○乾隆二十八年奏准。每年江蘇安徽福建等省。額解紅銅一萬四千二百六十餘斤。庫存如不敷支放。各該省於額解外。每年添辦一萬四千斤。以備給發。○三十四年奏准。戶局洋銅足供顏料庫各處支用。所有江蘇安徽二省。每年添辦洋銅。即行停止。○三十九年奏准。各處製造細巧器皿。取洋銅供用。滇銅雖不及洋銅純淨。而鍊至十成。亦可成造。鑄重器皿。嗣後江蘇安徽福建每年額辦紅銅。行令停止。如遇需用。令造辦等處。覈明非洋銅不可用者。再咨該省支取。○四十一年議准。各省解到物料。限二十日覈收給批。如不可收。呈堂方准駁回。無故遲延逾限。將該管官議處。○四十四年奏准。每

年應需京製各料。令庫員嚴飭妥商。豫為辦造。以備給發。所用錢糧。按照定價覈算。○六十年覆准。雲南每年額辦加辦毛青七千餘斤。於每年四月內。飭商赴藏販運來滇。於次年八月起程。十月到部交納。其商人赴藏運青。道路費繁。令地方官各捐廉俸。量給花紅銀牌。以示獎勵。並責成土守備千總幫同青商代雇馬脚。毋得勒派地方。以免滋擾。○嘉慶四年議准。沈香降香。沈速香。銀硃。天青。二青。擡連紙。毛頭紙。呈文紙。紫草。庫存均足敷用。於嘉慶五年為始。停其解交。○五年奏准。

盛京將軍請領嘉慶六年分豫備

三陵等處紙張。內有綠花白地倭子紙四萬張。庫內向無存者。令該庫員等飭商採買。按照時價。每百張價銀三錢。嗣後各衙門咨取各項物料。有定價者。照例開銷。無定價者。即訪查時價酌量辦理。○十四年議定。顏料庫支發物料。各衙門支領文內。先將承領官姓名註明。由戶部簽到。發庫後。由本庫呈明管理三庫堂官簽到。令該員先於冊檔印領畫押。親身赴庫給領。○二十一

年奏准。各省採辦物料。及運省解京各日期。酌中定限。山東省額解黃丹牛筋。限十一月內起程。山西省額解平好鐵。限十一月內起程。毛頭紙。限十月內起程。呈文紙。限九月內起程。牛筋黃蠟。限九月內起程。安徽省額解桐油銀硃黃熟銅。限六月內起程。江蘇省額解銀硃桐油黃熟銅。限八月內起程。江西省額解銀硃桐油五倍子紫草。限八月內起程。擡連紙。限三月內起程。浙江省額解桐油黃熟銅芽茶黃蠟定元子。限八月內起程。黃茶。限十一月內起程。福建省額解黑鉛黃熟銅錫斤。擡連紙。限四月內起程。廣東省額解白蠟廣膠。沈香。沈速香。降香。檀香。高錫。限五月內起程。湖北省額解白蠟。每年附解。湖南省額解白蠟。每年附解。雲南省額解天大青。天二青。石礪。限七月內起程。如逾限一月以外者。領解官罰俸一年。督催不力之上司。罰俸六月。○道光三年奏准。廣東省每年額解沈速香六百斤。檀香四百斤。不敷

太廟

奉先殿等處供用。嗣後添解沈速香二百斤。檀香一百

斤。於道光三年為始。每年共解沈速香八百斤。檀香五百斤。以供應用。○十二年定。嗣後各省額解並添辦物料。均按照湖南省額解白蠟硃砂之例。一律派委幹練正解丞倅一員。副解佐貳一員。幫同運京交納。通行各省。一體遵辦。○二十三年奏准。顏料庫隔二年盤查一次。○又定。山西省每年辦解好鐵二十萬斤。議減五萬斤。自癸卯年起。每年採辦十五萬斤。至應解部飯食銀一千二百五十兩。書吏飯銀七十五兩。按照道光二年停解錫斤成案。仍全數解部。○

同治七年奏准。浙江應解黃茶。前因被兵以來。產茶地方。舊樹所存無多。新株甫種。難期適用。部議仍令儘收儘解。不足之數。仿照黃茶之式。暫可抵用者。先行辦解。惟查黃茶一項。獨產紹郡。並無暫可抵用之茶。現在已交夏令。本年無從設法。應俟同治八年委辦解交。○十三年定。凡起解錢糧顏料物件。其解員按批更換。不准長年遞委。違者將委解之上司議處。○又定。各省每歲額解銅。鐵。鉛。錫。硃砂。黃丹。沈香。降香。黃茶。白蠟。黃蠟。紙。張。桐油。並花梨。紫檀等項。皆儲

顏料庫。○光緒元年。恭修

善陀峪萬年吉地工程。添辦平鐵一百萬斤。好鐵四十萬斤。○九年奏准。山西每年例解平鐵八萬四百九十八斤。好鐵二十萬斤。農桑絹三百疋。生素絹一千二百疋。遇閏加四十疋。呈文紙四萬張。毛頭紙一百萬張。通計積欠截至本年。除戶部議免平好鐵十五批外。尚有未解平鐵一批。好鐵四十四批。農桑絹十一批。生素絹三十二批。呈文紙六批。毛頭紙十三批。今若新陳並辦。價腳太重。止可暫行緩解。俟該省元氣大復。物產豐盈。再由該撫設法補解。至嗣後年額應解之款。即自光緒十年為始。按年解足。毋再帶欠。○十年議准。山西已領素絹例價。共銀一萬一千九百五十兩有奇。飭即批解部庫。以備各處領取素絹者。按照例價發給。至現應繳還緩解之平好鐵。毛頭紙。價腳。暨先已繳還光緒三四五等年免解之平好鐵。價腳。共銀十萬一百五十兩有奇。應即列入本年秋撥冊內。報部聽用。○十一年議准。山西每年添辦毛頭紙一百萬張。自同治二年起。至光緒十年止。二十餘年。一

無報解。徒有添辦之名。不如免其添辦。俾得專顧年例。應解各款。嗣後將歷年欠解毛頭紙二千二百萬張。並光緒十一年後。每年添辦毛頭紙一百萬張。准其概行免解。以紓餉力。所有十一年後額解紙張。必須年清年款。毋得再有帶欠。

盛京戶部銀庫。○庫存金銀幣帛顏料等物。供

三陵祭祀及東三省

盛京。吉林。黑龍江。

官兵俸餉各項

賞賜之用。每歲

盛京戶部豫疏請撥。由部劄庫發給。委官運往存

庫。按期分發。次年入奏冊覈銷。庫設掌關防郎中一人。協領一人。司庫二人。庫使八人。○乾隆四十二年奉

旨。由京撥給銀一千萬兩。永遠存儲。作為五年撥運。

四十四年奉

旨。盛京戶部銀庫。令將軍兼管。欽此。遵

旨。議定。嗣後

盛京將軍即令兼管銀庫。垂為令典。以昭慎重。

又議准。

盛京每年委員赴部。請領東三省俸餉銀一百二

三十萬兩。令協領同副關防攜帶該處平法。赴

部兌領。運到時。將軍會同戶部侍郎。督率該庫關防等。同領餉各員。秉公平兌入庫。倘有侵用虧短。據實參奏。其緞布花紅等物。所需車腳。均由部庫發給。作正開銷。○又議准。

盛京備存雜項銀兩。令將軍侍郎鈐印封箱。編號登簿。以備稽查。其開放俸餉。該庫官先將數目報明。豫行平安。分別旗部。定期出示。以免擁擠。放給後。庫官出具四柱清冊聯名印結。報明各衙門查覈。每年將軍侍郎等會同到庫。將一年原存放出實存各數。盤查報部。○又議准。開庫

收放銀兩。點定上庫樓軍姓名。其餘不准到庫。即令續派官員。協同該庫員。督率看庫兵丁。於樓軍出入庫時。按名嚴行捺檢。稍有夾帶。將樓軍等從重治罪。庫官不實力稽查。將庫官嚴行參處。並揀派直宿官兵。嚴查出入。晝夜巡邏。圍牆外添設巡兵輪查。以資防守。

各處將軍副都統庫。○

盛京將軍庫 吉林將軍庫 甯古塔副都統庫 吉林副都統庫 伯都訥副都統庫 三姓副都統庫 拉林副都統庫 乾隆三十四年 阿勒楚喀副都統庫 黑

龍江將軍庫黑龍江副都統庫齊齊哈爾副都
 統庫墨爾根城副都統庫呼蘭城守尉庫呼倫
 貝爾總管庫熱河都統庫山海關副都統庫貴
 州副都統庫今德州城守尉庫綏遠城將軍庫
 察哈爾都統庫綏遠城城守尉庫西安將軍庫
 江甯將軍庫京口副都統庫福州將軍庫杭州
 將軍庫乍浦副都統庫荊州將軍庫廣州將軍
 庫成都將軍庫各儲該處官兵俸餉及雜稅官
 莊糶賣糧價按年造冊申報查覈。黑龍江設銀
 庫主事一人
 綏遠城設庫大使一
 人餘無額設庫官 ○同治十年奏准江甯駐

防旗庫恩濟一款計銀一萬八千餘兩咸豐三
 年以後此款無存現時存調官兵僅額設四分
 之一按照從前之數籌給四分之一計銀四千
 五百兩在地丁款內放解。○光緒二年奏准京
 口八旗向有存庫接濟官兵銀九千四百餘兩
 留備出差入都等項之需各按等第借給分作
 二年扣還年終造報咸豐三年鎮城淪陷存款
 遺失茲當善後大定兵數足額照甯防成案酌
 撥銀二千四百兩以資周轉在江蘇藩庫地丁
 款內動支。

各省藩庫○藩庫為一省財賦總匯各州縣歲
 徵田賦雜賦除存留支用外餘悉起解布政使
 司儲庫庫設大使一人司啟閉掌平衡布政使
 司稽收支出納之數彙冊申巡撫達部查覈○
 按察司庫○臬司庫專收贓罰銀錢按例報解
 刑部除公用外俱解部庫○乾隆四十三年議
 定各省按察使庫歲存各州縣驛站夫馬工料
 銀兩或由布政使移解或由部撥鄰省各照數
 存庫○五十一年議准各省州縣自行留支驛
 站等項概行禁止其應需驛站錢糧均行提解
 藩庫由臬司按季領存給發○嘉慶五年議准
 各州縣額徵驛站錢糧凡夫馬工料等款准令
 全數留支餘贖銀兩提存藩庫報撥僅額徵不
 敷及向無應徵之各州縣所需夫馬工料等銀
 准於地丁內扣支入存留項下造報臬司會同
 藩司覈實題銷
 糧道庫○督糧道庫專存漕項銀凡漕項編入
 地徵者州縣隨地賦徵解布政使司布政使按
 數移解糧道在本省則收存道庫運糧抵通則
 解納通州戶部分司坐糧廳糧道掌稽出納造

冊申送漕運總督咨部考覈。

驛道河道庫。○驛道庫。專存驛站夫馬工料。乾隆四十二年改驛按察使司庫存儲。河道庫。專存河餉。兵備道庫。

專存兵餉。或由布政使司照數移解。或由部撥

鄰省。運往備用。各道專稽出納。造冊申督撫河

道總督。分咨兵工二部。及戶部查覈。

鹽運司鹽法道庫。○鹽運司鹽法道庫。專存正

雜鹽課。凡場大使徵解商人按引輸納。悉入馬

庫。設大使一人。鹽運司鹽法道專稽出納。造冊

申鹽政。今裁管鹽督撫咨部考覈。

關稅庫。○由部差者。有監督庫。專存關鈔。按例

分四季解部。如係道府廳州縣等官經管者。則

存經理之該員庫內。年終報解部庫查收。

道府直隸州及苗疆分防廳庫。○凡各省衙門

地方。分巡道員。及各府直隸州。並分駐苗疆之

同知通判等衙門。無額設庫官。惟按照地方大

小。距省遠近。酌撥司庫銀。分存各庫。以備急需。

每歲布政使造入春秋季報冊。咨部查覈。

州縣衙所庫。○凡州縣衙所收存本色正雜賦

銀。存留者照數坐支。起運者徵解布政使司庫。

按催徵限期。造具完欠數目冊。隨時申報司撫入奏銷考成。

盤查。○康熙十五年題准。各省布政使司。管糧

守道。或有升降。將一應經收經放。並實在錢糧

令其逐一造具清冊交代。至所造交代文冊。若

布政使司升任本省巡撫者。令本省總督確查

具題。如無總督省分。該撫不便自行具題。令新

任布政使司覈明具題。如升調別任。並降革事

故離任者。均令本省巡撫確查具題。其交代錢

糧。有侵欺透冒挪移墊解等弊。均照例處分。督

撫不行覈明。蒙混徇庇具題者。事發將督撫一

併嚴加議處。○二十四年議准。各省藩司遇升

任降調交代時。必將其任內收放錢糧。令督撫

親身確查。如有侵挪虧欠者。即行題參。如無虧

欠。即具並無侵挪甘結。送部查覈。○二十八年

議准。各省藩司交代之時。雖令督撫親身盤查。

具結送部。但未有逐歲盤查之例。嗣後令各巡

撫於每年奏銷時。將司庫錢糧親身盤查。如無

虧空。於奏銷本內保題。僅仍有虧空。將巡撫照

例治罪。○五十年議准。各省鹽運司庫存鹽課

責任與藩司相同。嗣後運使交代亦照藩司交代之例。將舊官任內收放錢糧。新官交盤出結。造具四柱清冊。呈詳巡鹽御史。具題分送部科稽查。如查出徇隱情弊。一併議處追賠。○雍正八年議准。各省驛道升轉離任時。交代錢糧。令造具四柱款冊。該督撫具題報部查覈。○十一年議准。各省糧驛二道庫存錢糧。向於奏銷時。責成藩司盤查出結保送。未將出入數目。隨時移會藩司覈對。嗣後凡有收支款項數目。均令隨時知會藩司存案。每年奏銷時。仍將本年出入款項支存各數。及各年各款支存銀數。備細造冊移司。該布政使逐款覈對。出具盤查清楚印結。送部查覈。其每年奏銷奉部題覆之後。該督撫仍行知該布政使。存案覈對。○又議准。嗣後各省糧道。如有升轉離任。新舊交代之例。將任內經手錢糧。仿照各省驛道交代之例。造具細款四柱清冊具題。送部查覈。○乾隆四年議准。各省鹽道庫。止存正雜鹽課。向無盤查之例。通行管鹽督撫鹽政。將道庫鹽課錢糧。於每年奏銷時。親臨盤查。虧則題參。足則出結題報。

如有隱匿扶同等弊。一經發覺。照例參處。○五年題准。直隸霸昌口北二道庫。有豫備軍需銀。天津通永大名三道庫。歲有搶修及豫備要工銀。均應不時盤查。嗣後各道庫內。有原存河工錢糧。例應河督盤查者。將分儲兵餉。並由河督就便盤查結報。其餘道庫。令藩司委官盤查結報。○二十年

諭。藩司為錢糧總匯。庫貯銀兩。向成弊藪。歷經釐剔。仍未肅清。其各省藩庫銀兩。當徹底清查。著該督撫秉公盤驗。如平色虧缺。即著落照數賠補。將有無情弊具摺奏聞。嗣後有青潮不足等弊。一經發覺。惟督撫是問。○二十四年奏准。西藏糧員所管餉銀。由駐藏大臣每年盤查一次。造冊咨送總督查覈。○二十六年議准。各省糧驛二道庫。存儲錢糧。每年奏銷。由同城督撫盤查。其每歲支存款目。仍責令藩司覈明。於督撫未經盤查之先。出具保結詳送。如盤查之後。有虧空等弊。照例分賠議處。至督撫接任盤查藩庫時。糧驛二道。如駐紮同城。亦一體親往盤查。將有無挪移虧缺。附摺具奏。○二十七年議准。各省道庫。遇有新舊交代。

督撫親驗盤查。○三十二年奉

旨。傳諭各督撫。於年終將各屬有無虧空之處。彙奏一次。以重責成。著為令。○又奏准。烏魯木齊提督庫。巴里坤總兵庫。分儲銀兩。凡遇提鎮新舊接任。覈實題報。其平日統歸提督不時查覈。至總督巡查提鎮營伍時。一體覈實查辦。○四十三年奉准。直省按察使庫。存驛站錢糧。每遇交代。造具冊結。會同藩司查覈詳題。其鹽道庫錢糧。奏銷交代。責成同城督撫及鹽政。今盤查出結題報。督撫鹽政新任受事。亦一例盤查。兩廣總督所

轄廣西鹽道錢糧。屆盤查之期。就近交廣西巡撫盤查揭報。○又議准。山西巡撫兼管鹽政。凡運司交代接管到任。及奏銷之時。委道員代盤。每年不拘何時。該撫親赴運署盤驗一二次。其餘再委道員盤查。不得每年全委道員。以免滋弊。乾隆五十七年。河東鹽課。入地丁項下徵收。運司缺。○四十七年

諭。各省遇有臬司委署藩篆者。其交代驛站錢糧。統俟新任藩司到任後。再行詳細盤查。出結申送督撫查覈。以專責成。毋庸另委道員。著為令。○嘉慶十一年諭。督撫到任及每年錢糧奏銷後。例須盤查藩庫一次。

自當將各項款目及收支實數。詳細句稽。方為有益。近來督撫等視為具文。不過到庫略為抽驗。虛應故事。日久釀成弊端。即如本年直隸湖北俱有藩庫侵虧重案。不可不詳定章程。以資釐剔。嗣後督撫到任及奏銷時。盤查司庫。均當實力清查。並著於每年封印後。親赴藩庫。將本年收支款項。逐一詳查。取結送部。如將來款項不清。將加結之督撫。一併懲治。其運庫河庫地方。亦照此辦理。○十七年

諭。各省州縣倉庫。絲毫不容虧短。定例新舊官交代。如查有虧短。該督撫立時嚴參究治。近皆相率彌縫。以致倉庫多有不實。著通諭各督撫藩司。於所屬新舊交代時。認真糾察。如前任官虧缺。即據實將前任官嚴參。勒追治罪。不可稍存袒護瞻徇之見。若後任不行舉報。私行接受。既已具結申詳。將來別經查出。則惟後任官是問。務須覈實稽查。以杜侵欺。而重帑項。○二十四年

諭。御史邱家煒奏請除藩庫積弊一摺。藩司為錢糧總匯。句稽出納。款目繁多。於各州縣支銷抵撥等款。察覈未周。易啟書吏蒙混之弊。該御史所奏。於藩庫實收實支簿冊外。添設各州縣支解冊。以憑磨對。於防

弊較為周密。著各該督撫飭知藩司。嗣後每年皆令
 造各州縣應支應解清冊二分。一存藩署。遇有收支
 各款。隨時填註。一發州縣。於年終將已未支解數目。
 分款登載鈐印。送司磨對。如有不符。立即究辦。以杜
 侵欺而慎庫貯。○道光十一年。定盤查甘肅倉庫豫
 杜虧空章程。一省書盤踞。加重懲辦。一吏胥勒
 索。實力查拿。一採買兵糧。責成道府。一倉穀短
 絀。不准折價移交。一攤銷名目。永遠禁止。一交
 流無著各款。設法彌補。一考棚墊修銀兩。不准
 作抵庫項。一應解司庫各款。嚴密守提。一司庫
 扣存抵虧款目。不准冒領。一有虧各員。停其升
 調。○二十八年

諭。劉韻珂等奏遵旨清查通省倉庫。並限結交代勒提
 存庫銀兩。認真清釐一摺。福建省倉庫。自乾隆六十
 年清查。至今款目繁多。倍形膠轄。亟應徹底句稽。著
 予限兩年。由該督等督同藩司。遴委幹員。分別設局。
 將司庫款項。先行查明。其各屬倉庫銀穀各款。限三
 箇月。查造確冊。加結彙送。一律清查。並勒限嚴催。各
 屬未結交代。趕緊結報提解。僅查有捏飾挪移侵虧
 入己情弊。及結報遲逾各員。均即據實嚴參。所有清

查條款。並以後籌補考覈章程。著悉心妥議具奏。欽
 此遵

旨議奏。請自嘉慶元年始。至道光二十八年止。司庫屬
 庫及各屬倉穀。一體清查。分別籌補。一面將各
 屬未結交代。並查明實缺銀穀。造冊結報。應參
 追者。立予參追。應賠補者。勒限賠補。○同治十
 三年奏定。正署官如倉庫本無虧短。而署任官
 故為遲延。希圖卸責者。該監盤上司揭報題參。
 其署任官有虧空錢糧者。除本員照例治罪外。
 仍著落遊委之督撫司道知府等官。分賠議處。
 留儲。○雍正五年議准。各省布政使司庫存錢
 糧。悉令造入春秋二季報冊候撥。至冬季大撥
 時。又將各省應存及次年額徵。悉行撥充兵餉。
 司庫幾無餘贖。僅有急需。鞭長莫及。應按地方
 之遠近。存贖之多寡。酌留數十萬兩。令該督撫
 公同封存藩庫。如有動用之處。題明動用。除直
 隸近京無用留儲外。山東藩庫留儲十萬兩。山
 西河南湖北陝西廣東各二十萬兩。江蘇安徽
 江西福建浙江湖南甘肅四川廣西雲南貴州。
 各三十萬兩。封存備用。每年造入季冊報部查

數。○乾隆三十六年奏准。江蘇江甯蘇州兩司庫各添儲銀三十萬兩。○四十一年議准直省各藩司封存銀數。直隸三萬一千四百兩。山東二十五萬兩。山西三十一萬兩。河南三十五萬兩。江甯四十八萬兩。蘇州四十八萬兩。安徽四十萬兩。江西三十七萬兩。福建四十萬兩。浙江三十萬六千兩。湖北四十萬兩。湖南三十二萬三千兩。陝西三十一萬兩。甘肅三十八萬兩。四川一百五萬兩。廣東二十萬兩。廣西三十八萬四千兩。雲南四十八萬五千三百四十二兩。有奇。貴州四十五萬九千兩。俱由該督撫公同封存。如有急需。題明動支。於撥餉時請部照數撥補。違者將該督撫藩司照擅動錢糧例治罪。○道光二年

諭。江甯藩庫封貯尚未足額。請仍收捐監生。並令江蘇一律報捐。歸補江甯藩庫封貯銀兩等語。江蘇兩藩庫動用銀兩。係各歸各處報銷。現在蘇州藩庫既經封貯足額。自應即行停止。何得以蘇州仍行開捐。將銀兩歸補江甯藩庫。實屬轉轄。所有該撫請將江蘇兩藩司。合計歸補江甯之處。不准行。至江甯封貯尚

未足額。應令照舊報捐。俟收足十萬兩。先行解部。續收五萬兩。歸補封貯。俟歸補足額。即行停止。○二十七年奏准。福建布政司庫。每年於閩海關徵收洋稅內劃出銀一萬兩。同時零尾數。一併另款封儲。作為豫籌兵餉。年終將收存銀數造冊送部。如有急需。奏明支用。不准擅動。○同治十二年

諭。戶部奏部庫空虛。應行存儲款項。請照初議另款封存一摺。四成洋稅銀兩。前經總理各國事務衙門奏明解交部庫。另款存儲。近因各衙門奏支之款。絡繹不絕。正項不敷。隨時挪借。殊與初議不符。著該部遵照奏准原案。全數封存。以後各海關報解四成洋稅。隨到隨封。連前所存。一概不准擅動。如庫存正項一時不敷周轉。惟八旗兵餉。及神機營經費。暨隨時緊要軍需。准由該部奏明。暫借四成洋稅開放。仍俟正項充裕。照數撥還。其餘一切放款。概不准奏借此項。致啟挪移之漸。

分儲。○雍正八年

諭。向來大宛二縣。常有速辦之公事。不得不挪庫銀以濟用。上司察知。每以虧空題參。至於罷黜治罪。實為

可憫用沛特恩於大宛二縣各發帑銀萬兩存貯該縣。僅遇有速辦之公事。准其稟明府尹動支。近思辦理軍需之州縣。其急切應付之處。刻不容緩。而該州縣並無存貯備用之項。朕意欲於辦理軍需及事務繁劇之州縣。亦仿大宛之例。酌留帑銀。以備急切之用。其如何舉行。俾辦公有賴。而弊竇不生。著大學士等悉心定議具奏。欽此。遵

旨議定。按省分之大小。直隸山東山西河南各存留十萬兩。浙江湖北湖南各十萬兩。陝西甘肅四川各三十萬兩。廣東十萬兩。廣西十有五萬兩。雲南貴州各二十萬兩。均分存府庫直隸州庫。如有急切公務。具文請領。該府州立即給發。該州縣辦理之後。據實開報。該府州轉申布政使督撫覈實。歲終造冊咨部查覈。○乾隆五年議准。各省分存急需銀。有因軍需動用者。亦有始終未經動用者。若不隨時酌宜。或久存不加查覈。恐日後漸啟侵虧。於急切需用時。轉多貽誤。令該督撫酌量地方情形。是否仍應分存。抑或歸併司庫酌留項下備用。妥議報部。○又覆准。直

省分存府州庫內急需銀。經各該督撫就地地方情形定議咨部。直隸原分存銀十五萬兩。仍分存道府庫十一萬兩。餘四萬兩。提回司庫候撥。山東原分存十五萬兩。均歸入司庫酌留項下封存。山西原分存十五萬兩。仍分存各府四萬兩。餘十一萬兩。提回司庫。河南原分存十五萬兩。仍分存府州二萬兩。餘十三萬兩。歸入司庫。江蘇原分存十萬兩。仍分存府庫二萬兩。道庫運司庫六萬兩。餘二萬兩。歸入司庫。安徽原分存十萬兩。仍分存府庫五萬兩。餘五萬兩。歸入司庫。江西原分存十萬兩。仍分存府庫三萬兩。餘七萬兩。歸入司庫。福建原分存二十萬兩。浙江湖南廣東原分存十萬兩。均仍分存各府州庫。湖北原分存十萬兩。仍分存府州庫五萬兩。餘五萬兩。歸入司庫。陝西原分存三十萬兩。仍分存府州庫十萬兩。餘二十萬兩。歸入司庫。甘肅原分存三十萬兩。仍令分存府州庫二十二萬兩。餘八萬兩。歸入司庫。四川原分存三十萬兩。仍分存府州庫敘永松潘二同知庫二十萬兩。餘九萬三千兩。歸入司庫。廣西原分存

十五萬兩。仍分存府庫六萬六千兩。餘八萬四千兩歸入司庫。雲南原分存二十萬兩。仍分存各府庫一萬八千兩。餘十有八萬二千兩歸入司庫。貴州原分存二十萬兩。仍分存道府庫台拱八寨同知庫。都江丹江清江通判庫共三萬六千兩。餘十有六萬四千兩歸入司庫。各開造酌留項下封存備用。每年造入季冊。報部查覈。
○二十七年覆准。直隸道府庫分存銀十五萬三千六百七十三兩有奇。山西府庫分存五萬兩。江蘇府縣庫分存八萬兩。江西府庫分存三萬兩。福建府庫分存十萬兩。浙江府庫分存九萬四千兩。湖南府州庫分存七萬七千兩。陝西府州庫分存五萬兩。甘肅道府庫分存二十二萬兩。新疆提鎮庫分存七萬兩。四川府廳庫分存五萬兩。廣東廳州庫分存十萬兩。廣西府庫分存六萬六千兩。雲南府庫分存一萬八千兩。貴州道府廳州庫分存四萬一千兩。○三十四年議准。駐防官兵。遇有官差及勢不得已之事。各准請借官項。免其起息。其備借銀數。
盛京定以六萬兩。熱河五千七百兩。古北口五百

兩。圍場八百兩。俱存熱河副都統衙門。吉林定以三萬四千兩。黑龍江定以三萬五千兩。寶坻等九駐防。共定以四千兩。 <small>寶坻一千兩。保定一千兩。青里一百五十二兩。三錢三分。固安一百五十二兩。三錢三分。霸州一百五十二兩。三錢三分。東安一百五十二兩。三錢三分。雄縣一百五十二兩。三錢三分。滄州一百五十二兩。三錢三分。山海關等八駐防。共定以五千兩。<small>山海關二千四百七十七兩。喜峯口六百二十四兩。六錢。羅文峪三百一十三兩。八錢。冷口四百七十二兩。二錢。盧龍三百一十六兩。八錢。五田三百一十六兩。八錢。三河三百一十六兩。八錢。順義張家口等四駐防。共定以三千兩。<small>張家口二千五百兩。獨石口二百五十兩。千家店一百兩。昌平一百五十兩。</small></small></small>
各存儲都統衙門。及州縣庫。青州定以七千兩。德州一千兩。太原一千五百兩。綏遠城右衛定以九千兩。河南省二千四百兩。江甯京口共定以二萬八千四百兩。福州六千兩。杭州七千兩。乍浦六千兩。荊州一萬六千兩。西安二萬兩。甯夏一萬兩。涼州莊浪共定以九千兩。廣州及水師營共定以一萬兩。成都定以六千兩。所有各官兵應借之銀。於應得俸餉內坐扣。限二年扣結。如原借官兵遇有事故。無俸餉可扣者。於各官兵內分別攤扣。仍於歲底將出借扣回各數。

造冊送部查覈。○五十一年議准。新疆分存烏魯木齊提督庫銀三萬兩。巴里坤總鎮庫銀一萬六千六百三十五兩。哈密協副將庫銀一萬兩。○嘉慶十八年奏准。密雲駐防存儲銀兩。備添支新補官兵俸餉馬乾。婦周年半餉等項之用。其古北口。昌平州。玉田。三河。順義等五處。應支孤寡養贍官學公費兵丁獎賞暨署任副都統養廉等項。亦在此項銀內。每歲以三千兩作為該駐防春秋二季撥領定額。每季專案支領銀一千五百兩。存儲該處。隨時支應。統於年終造冊報部覈銷。不敷再行裁給。如有餘贖。即於次年春季請領文內聲明扣除。○十九年奏准。裁撤陝西鳳翔府庫額儲銀八千兩。分撥漢中興安兩府庫各四千兩。合漢中府庫原額備儲銀六千兩。共一萬兩。興安府備儲銀三千兩。共七千兩。延安府庫存七千兩。榆林府庫存二萬兩。綏德郡州庫存各三千兩。○二十五年奏准。湖南辰沅道庫原儲備銀二萬兩。茲將道屬採買穀石餘贖銀五百八十兩。一併作為存儲。遇有要需。非覈實奏明。不得擅動。毋得於動用

後補奏。每遇年底及新舊交代時。該撫遴委隔屬道府親往盤查。取具切實印結。移送藩司。加具保結。報部查覈。○道光六年議准。臺灣開闢噶瑪蘭地方。設立文武官兵彈壓。應行留備公用銀兩。在於司庫撥銀一萬兩解臺。存儲淡水廳庫。以備緩急。○十三年覆准。湖南藩庫撥交辰沅道庫存儲銀一萬兩。如遇屯防經費不敷。暫行湊支。即於次年歸足原數。不准稍有短絀。年清年款。造冊送部查覈。○十四年

諭程祖洛等奏酌籌撥解臺灣道庫儲備銀兩一摺。福建臺灣一府。孤懸海外。必須庫儲充裕。方可緩急足恃。據該督等查明。請由收捐監生銀兩。歸補本省封儲項下。酌撥十萬兩。發交道庫。以為備公要需。著照所請。准其如數酌撥。此項銀兩。著責成臺灣道專款加謹封儲。不得與府庫糾纏。致滋弊混。如遇重大緊要事件。著該道一面酌撥。一面自行具奏。並報明督撫藩司存案。事竣分別歸補。此外尋常事件。及墊放官兵俸餉等項。照舊由臺灣府自行籌撥。概不准擅動。遇有新舊交代。責令後任盤查結報。造冊詳報咨部。僅有挪移短絀。據實參追。如遇將軍督撫提督渡

臺巡閱。照督撫年終盤查司道庫款例。覈實盤查。於奏報巡閱事竣摺內。聲明有無虧短。分別究辦。○又定前項封儲銀十萬兩。每年春秋二撥。造冊送部備查。○十五年奏准。湖南永州府庫分儲銀八千兩。內酌撥二千兩。交江藍同知收儲。一千兩交永桂通判收儲。以備犴疆要需。計湖南省府廳州縣共分儲銀七萬七千兩。內衡州府庫五千兩。永州府庫五千兩。江藍廳同知庫二千兩。永桂廳通判庫一千兩。寶慶府庫五千兩。靖州庫八千兩。常德府庫二萬兩。辰州府一萬五千兩。永順府庫八千兩。沅州府庫八千兩。○二十六年奏准。前於閩省收捐監生歸補封儲銀內。撥銀十萬兩。解存臺灣道庫。嗣節次動撥銀九萬二千八百餘兩。實儲不及萬兩。復於閩省現存收捐監生歸補封儲銀內。酌撥銀十萬兩。解儲道庫備用。

寄儲。○雍正十年議定。各省官兵領餉。除直隸貴州二省仍按季支給。山東河南二省分撥附近州縣。按月支給外。其山西之潞安澤州大同等營。江南之潛山徽州等營。及河標各營。江西

之吉安等營。福建之臺澎南澳延平建甯等營。浙江之象協各營。湖廣之穀城彝陵等營。陝西之固原等營。四川之松潘等營。廣東之瓊州鎮及水師營。廣西之永甯等營。雲南之昭通永北永順各鎮營。均離省窵遠。所需兵餉。准赴藩庫總領兩季。領回之日。寄儲同城府州縣庫。交武弁撥兵看守。仍照例按季按月散給。○乾隆四十二年議准。凡各省額設應領未支之款。未便久寄司庫。應於奏銷後。勒限一年。飭領清楚。逾限不行赴領。概行提歸原款。報部撥用。至軍需工程。應領未支銀兩。與俸餉等項之歲有定額者不同。均應於本案准銷後。除覈明有無別案應繳之項。劃抵還款外。並行知本員新任原籍。統以該員奉文之日起。勒限二年。飭領清楚。報部查覈。至升遷他省者。由該員本任備文。移行接任官加結請領。事故回籍者。呈報本籍地方官出具印領。仍由後任官加結領付。逾限不行請領者。即行報撥充餉。

欽定大清會典事例卷一百八十四

戶部

倉庾 京通倉廩 倉場職掌 坐糧廳職掌 大通橋監督 各倉監督 內倉監督

京通倉廩

京師十有三倉 祿米倉五十七廩 南新倉七十六

廩 除年久坍塌外 舊太倉八十三廩 除年久坍塌

外 今存五十五廩 富新倉六十四廩 除年久坍塌外 興平倉

八十一廩 除年久坍塌外 均在朝陽門內海運

倉百廩 除年久坍塌外 北新倉八十五廩 均在

東直門內太平倉八十六廩 咸豐十年拆卸四

廩 今存 在朝陽門外 均 國初建太平倉舊

三十八廩 本裕倉三十廩 在德勝門外清河 康熙

四年所 萬安倉九十三廩 在朝陽門外 雍正元

年 儲濟倉百有八廩 同治五年裁四十 裕豐倉

六十三廩 均在東便門外 雍正六年 豐益倉三十

廩 在德勝門外安河橋 雍正七年 咸豐十年

大通橋號房四十八間 除坍塌外 今存三十八間 朝陽

門號房五十八間 朝陽門號房二十八間 雍正

五年 朝陽門增建十四間 又移大通州二倉西

倉一百四十二廩 年久坍塌 同治十二年 重

新城 初建中倉一百有八廩 年久坍塌 同治年

二廩 在舊城南門內 一廩 乾隆十八年 奏裁

通州石壩號房百有六間 年久坍塌 同治五年

元年 增建三十八間 土壩號房二十五間 舊城南

門外號房十間 新城南門外號房二十五間 均

坍塌 康熙五十四年 覆准凡修造倉廩 照一應

修建例 三年內 如有坍塌 滲漏 木料損壞 著落

原建造官賠修 雍正三年 奏准 通倉向有席

片鋪墊 例無板木 京倉以板木鋪墊 十年一換

應將京倉木板展限 至十六年一換 所餘木板

鋪墊通倉 四年題准 京倉舊例 每廩用松板

五十塊 楞木五根 給鋸板工價銀八兩四錢 嗣

後每廩滿鋪用松板百有十塊 並將松板鋸一

為四 以代楞木 應用松板五十二塊 鋸板工價

每廩給銀十二兩九錢三分七釐 十年定建

造京倉 看守章京兵丁等堆房 共四十一處 定

限三年保固 並令倉場隨時驗明修補 十二

年 覆准 建造京倉 看倉旗員兵丁等房 鋪共四

十一處 定限三年保固 並令倉場侍郎隨時查

驗修補各倉置造木料每張例給工料價值銀七錢限三年一過。乾隆六年奏准各倉廩鋪墊板木定例十六年一換今皆屬堅固整齊毋庸拘定十六年之限。統俟每季放空之後查有朽壞者動用每年所收板木隨時修理每廩抽換數片至數十片不等其工價照滿鋪之例覈算於輕濟項內給發。又奏准倉中竹席板木向係收儲各倉空廩今積存充實並無空廩收放應於各倉相間之處依兩邊廩牆下用柱腳上加椽椽蓋瓦前檐砌牆後檐用插板每倉修蓋三五處以資收存。又奏准各倉監收監放學習監督建蓋瓦房一間以便居處。又題查富新倉失火燒毀倉廩用過建蓋銀兩該倉官吏四六分賠。七年奏准各倉廩上設氣樓窗隔每致鳥雀出入傷耗糧米嗣後均用竹篾編成隔孔釘於窗牖之上。又奏准京城內外各倉有安設博縫者惟富新等倉向未安設照式加增。又奏准學習監督收放米石暫時居處毋庸建蓋瓦房仍照舊搭棚棲止。八年奏准各倉歲抽換板木例應工部委官查驗覈銷每

因新糧到通需廩儲米不及候驗嗣後抽換廩板新糧未到之先及糧務完竣之後仍咨工部委官查驗如遇新糧到通之時由倉場侍郎委官就近查驗咨部覈銷。十八年奉

旨嗣後各倉遇有應修工程著工部倉場該旗各派司官一員會同料估修理。又議准修理京倉數在百兩以上者由查倉都統移咨工部查估咨覆該都統奏明興修工竣仍由工部查銷修理通倉即令查倉御史倉場侍郎造冊彙題由工部覈議興修。又奏准各倉新收漕米向例深秋上

板封固嗣後於新儲之廩門上檐空出數尺宣通蒸氣以下所上廩板即行加封至深秋全行上板封閉。二十五年奏准歲修倉廩務於春三月勘估動工玩視者查叅若監督已報而都統御史不即查辦一併議處。三十年議准修理倉廩銀數在百兩以上者由工部查估送查倉大臣具奏辦理銀數在四百兩以上者由工部知會內務府派員同修在四百兩以下者由工部專員修理本倉監督隨工查驗仍令查倉大臣不時稽查工竣後查倉御史查收將承修

官職名及修理年月銀數造冊收存再遇興修
啟明入奏。○三十五年定嗣後報修倉廩於二
十日內造送估冊以便題請修理如估冊逾期
查明分別叅處。○三十六年議准通倉一切工
程向係通永道協承修嗣後照修理京倉之例
由工部揀派諳練司員辦理。○四十年定京通
各倉廩座每年於秋令拔除茅草由工部派員
帶領工匠前往妥協修理毋庸交各該倉自雇
匠役至太平萬安二倉地形稍窄遇有應修工
程其拆下渣土工竣後照各工之例隨工出運
仍將用過銀兩造冊送工部覈銷。○四十一年
奏准京倉十五倉廩座拔草拘抵共需工料銀
三千二百八十餘兩向在倉茶果項下開支嗣
後倉茶果遇有不敷即在廳茶果銀內動用。○
又定京通十五倉拔草拘抵令倉場於每年七
月初十日以前造冊送部即行派員辦理務於
七月內辦完。○四十五年議准通州石壩號房
傾圮於經紀等應得腳價內豫借銀一萬六千
兩修理毋庸另請開銷分作十年扣還。○四十
六年奏准蠲免漕糧年分廳倉茶果銀徵收較

少各倉拔草拘抵銀兩在輕齋項下支給。○五
十年定各倉拔草拘抵添補瓦片動用輕齋銀
兩每年不得過三千五百兩又各倉歲修京倉
由戶部撥給銀兩交倉場衙門存儲動用通倉
則於通庫輕齋項下領銀興修每年通共不得
過一千兩。○五十七年奏准石壩空號房因民
房失火延燒除借項賠建所借銀兩在車戶應
領腳價內限八年扣繳並將看房及巡役人等
加責外其土壩州同於失火之夜並未在署照
倉庫失火杖徒律杖八十徒二年至配折責坐
糧廩不能先事豫防罰俸一年倉場侍郎罰俸
六月。○嘉慶五年奉
旨向來京通各倉每年秋閒有拔草拘抵工程工部所
派司員因係歲修往往偷減草率毫無實際嗣後此
項工程即著分交各倉監督自行辦理仍照定例每
年不得過三千五百兩之數並責成倉場侍郎切實
查驗毋任稍有偷減草率。○又定太平倉並無原設
官房照各倉之例在朝陽門外南河沿河陽汛
守備後身空地添蓋官房十間。○六年議准各
倉監督報修一切工程如動用戶部銀兩者照

在京工程之例銀數在千兩以上者奏請

欽派大臣查估承修在千兩以下及二百兩以上由

工部派員估奏輪直堂官督率司員修理在二

百兩以內者亦照在京工程之例由工部派員

查估承修工竣取具該倉監督銜押造冊呈遞

派員查驗咨銷如動用坐糧廳庫存銀兩者由

倉場飭該倉監督自行修理工竣造具冊結送

部派員查驗咨銷○十四年奏准在京祿米南

新舊太海運北新富新興平太平萬安裕豐儲

濟本裕豐益等十三倉拔草拘抵由各倉監督

自行估計每年動支銀不得過五千兩在於坐

糧廳茶果等銀內領給造報工部題銷○十八

年

諭昨降旨文步軍統領衙門將各倉廠地面添設堆撥

妥議巡察章程因思各倉廠周圍牆垣之上均增棘

刺更足以資防範著交工部會同倉場衙門將各倉

廠外牆逐細勘丈應增棘刺若干尺中並限年修補

之處詳議具奏欽此遵

旨裁奏祿米等倉圍牆尺丈並需用棘刺斤數酌分緩

急分作初次二次苦蓋○十九年議准各倉拔

草拘抵令其保固一年次年不准報修至第三
年方准再行拘抵○道光四年

諭各倉鋪墊板木編造氣筒每歲由糧船解交備用在

倉各員果能遵守成法認真經理何至收貯米石轉

有潮溼陳朽之虞近來各倉氣筒廠板均屬有名無

實花戶經紀於各幫船帶交竹木往往折價肥己並

每年各倉拔草拘抵工程復不認真修葺一遇大雨

即多滲漏殊非慎重倉儲之遠著倉場侍郎嚴飭各

倉監督查驗放空之廠有板木朽壞者即行抽換務

使一律堅固整齊各倉氣筒編造足數照例安置俾

令廠氣深通至秋季拘抵必須工歸實用毋任稍有

虛報該監督等儻奉行不力致有前項弊端著即據

實嚴參懲辦並著查倉御史嚴密稽查毋得視為具

文○咸豐十年奏准豐益倉因土匪滋擾米石無存

廠座暫交營汛看守該倉監督暫行裁撤各旗

營應領米石改歸本裕等倉支領○同治十二

年奏准豐益倉自裁監督後營汛看守不力殘

廠木植間有遺失且外營米石改由本裕倉開

放進米較多每遇陰雨泥淖難行致稽運務嗣

後將豐益倉廠座擇要修補南嚮三廠拆蓋西

密三殿揭官廳龍門修蓋整齊仍照舊章派
進新糧由戶部劉旋

倉場職掌○總督倉場戶部右侍郎順治十五
年定滿漢各一人駐紮通州新城總理京通各
倉糧務其漕運總督各該督撫及沿河文武衙
門凡漕運文冊應報倉場者均照報部體式應
舉劾者照例舉劾各項應行事宜倉場造冊報
部查數○又復准每年春開出巡閱看牘河點
驗石土兩壩經紀車戶利船督令坐糧廳催置
布袋以備新糧到壩起運○又復准漕白糧船

抵天津督率沿河文武官弁往來催運並查驗
北河淺阻令坐糧廳督夫疏濬深通毋致糧艘
阻滯○又議准重運糧船到通督令坐糧廳起
卸過壩騰空漕船頒給限單催令回空○又復
准各倉收糧完竣分析各幫完欠數目造冊具
題交部查數○又復准輕齋由牘等銀倉場侍
郎督催各省糧道按年越漕先解歲終將收放
銀數造冊題請各省未經解完者將巡撫糧道
題參仍催補解○康熙二年題准倉場督收各
省清糧除帶運米不算外其扣收餘米抵欠并

入正運數內總作十分考覈未完五釐以上至
一分者罰俸一年三年連欠五釐以上至一分
者降一級督催○雍正三年復准漕白糧船抵
通日期及起過糧數回空船數並石壩外河水
勢深淺五日一次具奏○七年題准漕白二糧
及通濟庫錢糧奏銷向未定有限期酌定於次
年五月內造冊具題○乾隆三十一年議准席
竹到倉定於五日內查收即將實收移會坐糧
廳按期送驗儻有勒索遲延倉場查明究參○
四十四年奏准通漕辦理糧務向設漕運通判

一員駐紮張家灣專管內河修防外河挑濬各
事宜其關涉漕務事件徑行呈報倉場及坐糧
廳辦理至北河雇備利船委楊村通判稽查漕
船剝貨委務關同知會同嚴查悉照張家灣通
判之例徑行申報倉場○嘉慶十五年奏准各
省漕船行至北運河一帶由務關營通州協催
趨每致倉場呼應不靈嗣後歸倉場衙門兼轄
以重漕運○道光二年

諭定例各衙門書役人等於役滿後不准復充原以杜
積蠹把持之弊嗣後著倉場侍郎將所管各倉花戶

胥役督同各監督等隨時認真稽查役滿者即照例飭令退役毋許逗遛滋擾

坐糧廳職掌○坐糧廳滿漢各一人管理北河

挑挖淤淺修築隄岸插壩催趕漕船抵壩回空

督令經紀車戶轉運交倉兼管通濟庫銀出納

抽收通州稅課事務由各部揀選賢能司官送

部引

見差委二年更代差滿倉場總督將其經管錢糧收

支數目造冊具題送部查覈坐糧廳所屬石壩

州判一人土壩州同一人通濟庫大使一人通

流慶豐插官各一人經管石壩軍糧經紀百名

白糧經紀二十五名土壩車戶二十名舊設五

照二十五年歲二十五名雍正十二年又裁五

名嘉慶十五年全裁通倉轉運事務統歸石壩

經紀普濟插官下插軍糧水腳各二十六名平

上插慶豐插各十有三名白糧水腳每插二名

舊設石土二壩外河和戶三十五名康熙二十

九年歲併白糧經紀土壩車戶又有石壩表河

水脚二十六名雍正各役十年踐更由通州知

州選殷實良民承充不許旗人充役並不許父

子兄弟同充○康熙二年題准坐糧廳經管漕

糧除帶運米不算外其扣收餘米抵欠算入正

運數內總作十分考覈未完六釐以上不及一

分者罰俸六月一分以上不及二分者罰俸一

年○乾隆五十年奏准每年巡漕查倉均派御

史而坐糧廳一官為北漕總匯漕糧抵通驗看

成色抽掣轉運並管理通濟倉收放錢糧均關

緊要若於科道內揀派恐稽查者瞻顧同寅於

倉儲無益嗣後坐糧廳缺出停止保送科道○

嘉慶五年奏准通州石壩額設經紀一百名接

運八省漕糧交米一石例給箇兒錢二十二文

遇漕幫跋接到壩或陰雨連綿多添人夫該經

紀等未免拮据應於原定外每石加制錢五文

在旗丁調劑項下扣給儻不肖經紀仍把持勒

賄有意耽延一經查稟告發即將現加之項停

止並將經紀頭目按律治罪○十五年奏准坐

糧廳經管通濟庫錢糧向不辦理交代嗣後新

舊更替時照例委員查驗依限造具冊結咨部

○十八年奏准坐糧廳軍白糧經紀辦公竭蹶

照大通橋車戶之例承買奉豆二萬石應交例

價即於應領腳價內按數扣解嗣後不得援以

為例○二十年

輸坐糧廳經紀等承領脚價除應扣款項外辦運不無
拮据加恩著照大通橋車戶之例承買黑豆二萬石
先由倉派領一萬石俟秋閒奉天黑豆運通再給領
一萬石所賣價銀存貯通濟庫將例價按數扣繳餘
項酌發該經紀俾資津貼嗣後不得援以為例

大通橋監督○大通橋監督滿漢各一人管理
石壩運到清白二糧抽驗斜面督催車戶分運
京倉兼收隨糧松板經管軍糧車戶三十二名
水脚十有三名舊設軍糧車戶二十八名白糧
車戶十三名水脚二名雍正十
年裁白糧車戶水脚增軍
糧車戶四名併著從○乾隆五十一年議

准大通橋額設車戶置備官車二百輛每輛贏
馬四匹車轅上烙印官車字樣以備稽查於大
通橋附近地方買空曠民地分設棚廠四處每
廠蓋馬棚四十間房屋三十間並馬槽等項以
為安放車馬之用令大通橋監督專司其事又
大通橋額設車戶三十二名令大宛二縣慎選
殷實良民報充並擇勤慎車戶八名充當頭役
分理四廠至運糧脚價照例分別各倉遠近給
發毋庸另給馬乾工食儻遇車戶疲乏另選充
當以免貽誤又於漕糧未到之先酌發漕銀二

千兩按車勻給以為添買牲口修理車輛之用
如臨時貽誤即將該車戶責革另選充補又車
戶等承領官車如遇漕船閒有脫幫及陰雨連
綿不能行運之日在於脚價內扣存銀六千兩
發交該監督按車給銀一兩添補車戶之用完
糧之後聽其自赴車行攬載以資養贍毋許州
縣擅行封雇以免擾累務於新漕到關以前先
期調齊入廠儻臨時遲誤缺少即在該管車戶
名下賠補足數並將車戶從重治罪○五十三
年議准大通橋置辦官車二百輛共需牲口八

百頭照八旗官馬買豆之例每頭每月准買豆
一石除空閒月分不准買外每年自三月起至
十一月止作為九箇月支領每石以一兩一錢
承買於車戶脚價內扣交部庫○五十五年議
准大通橋置備官車應餵養牲口豆石照八旗
五營官馬之例以七錢二分五釐交價於車戶
脚價內扣交○六十年定大通橋車戶餵養牲
口豆石不敷每月即以粟米抵給按照例價在
該車戶應得脚價內扣留歸款俟豫東豆石全
數徵收運通照舊令其承買○嘉慶五年奏准

大通橋排造剝船向來每船止給料價銀一百三十兩實不敷用酌增銀七十兩又挑挖護城河如大挑一次需用銀一千數百兩每年歲修用銀六百兩在橋壩辦公銀內動給○十四年奏准大通橋官車牲口所需料豆由車戶每年交價承買卯豆一萬石並認買官豆一萬石每石例價銀七錢二分五釐變價存公由官按卯給發津貼添雇長車脚之用○十五年奏准大通橋監督辦理運務經手脚價署內設有庫座嗣後新舊更替時照例委員查驗依限出結造冊咨部○又議准大通橋運米官車虧短無存改雇長車一百輛不敷辦運嗣後雇備長車俟運務緊急察看情形飭令車戶隨時添雇或三四十輛或五六十輛所雇車輛由巡漕御史隨時赴橋查驗備有短少即行奏○二十二年諭本年軍船回空迅速明歲漕運抵通較早轉運事宜亦應早為籌備該車戶等承買豆石准其將現到之牛莊黑豆五千四百石先為撥給俟奉省續運豆石到日再撥給一萬四千六百石以符原額所有應交價銀循例坐扣歸款○二十四年

論大通橋車戶承運漕糧所領脚價向應扣出津貼各倉箇兒錢以為橋壩公用本年連次大雨道途泥濘該車戶等添備車輛修整道路所領運脚不敷辦公准其將本年應扣津貼各倉箇兒錢計銀二千六百兩暫免坐扣以紓役力○道光四年諭前經戶部奏請將大通橋車戶承買豆石畝連停止茲據博啟圖等奏稱車戶每歲於新漕未到之先豫雇長車小車共二百八十輛向准承買豆石除交例價外餘銀雇給車價及臨時添車加價之需近因各項價值倍增辦運已形竭蹶若再停止運務不無阻滯自係實在情形著照所請准該車戶等照舊承買官豆二萬石於奉省運通豆內照數截撥應交例價銀兩即按卯坐扣通濟庫歸款其石土兩壩單白糧經紀因脚價不敷屢經奏辦承買奉豆二萬石有案現在辦運拮据亦著照車戶等一律准其承買二萬石俾資津貼此係朕加恩調劑該侍郎等務當認真經理杜絕弊端不得再有所藉口也欽此遵旨議准奉天豆石業已籌備搭放其車戶經紀承買豆四萬石由本年豫東二省黑豆內照數截撥所有酌給安車銀兩應即停止其應交價銀並歲

餘銀兩即飭坐糧廳查收解部嗣後仍不得援以為例。同治四年奏准大通橋例設官車運糧嘉慶年間因官車無存改雇長車每年准車戶承買官豆二萬石俾資津貼咸豐三年後因倉存豆石不敷停止今酌復舊制仍准承買黑豆千石俟奉天例運豆石抵通時照數撥給其每石應繳例價於腳價內扣清歸款贏餘銀兩存公作為雇車津貼之用。

各倉監督○京通倉監督在京十三倉通州二倉每倉設滿漢監督各一人管理漕白二糧交

納上倉及收儲支放祿米倉看倉旗員四人兵七十名經制吏二名攢典二名卓隸五名花戶二十九名小甲二名南新倉看倉旗員四人兵四十名經制吏二名攢典二名卓隸四名花戶二十九名小甲二名舊太倉看倉旗員六人兵四十名經制吏二名攢典二名卓隸六名鋪單二名花戶二十四名小甲二名海運倉看倉旗員二人兵四十名經制吏二名攢典二名卓隸六名鋪單二名花戶二十四名小甲二名北新倉看倉旗員二人兵四十名經制吏二名攢典

二名卓隸六名鋪單二名花戶二十六名富新倉看倉旗員四人兵四十名經制吏二名攢典二名卓隸七名花戶二十名小甲二名興平倉看倉旗員四人兵四十名經制吏二名攢典二名卓隸六名鋪單二名花戶二十六名小甲二名太平倉看倉旗員四人乾隆二年因添設水門二座添派旗員二人兵四十九名經制吏二名攢典二名卓隸四名花戶二十八名小甲二名萬安倉看倉旗員四人兵三十九名經制吏二名攢典二名卓隸六名花戶二十四名鋪單二名小甲二名乾隆四年

將儲濟倉原屬歸併管理添派旗員四人兵四十名花戶六名共旗員八人兵七十九名花戶三十名本裕倉看倉旗員四人兵六十名經制吏二名攢典二名卓隸四名鋪單花戶小甲均以在京八倉各役輪流承直乾隆十七年因改設典各一在卓隸鋪單花戶小甲共三十名仍以在京八倉各役輪流承直裕豐倉看倉旗員二人兵四十名經制吏二名攢典二名卓隸六名鋪單二名花戶二十四名小甲二名儲濟倉看倉旗員四人兵八十名經制吏二名攢典二名卓隸六名鋪單二名花戶三十名小甲二名乾隆四年將原座分撥萬安倉管



名豐益倉看倉旗員四人兵六十名經制吏二
 名攢典二名早隸鋪軍花戶小甲均與本裕倉
同堂益倉舊係內務府長官管理乾隆三十七
 年奏改倉場管鹽設書櫃二名早隸花戶小
 甲鋪軍共三十四名通州西倉看倉旗員二人兵百名經
 制吏三名攢典三名雇長六名花戶十有八名
 甲斗二十四名中倉看倉旗員二人兵七十名
 經制吏二名攢典四名花戶九名甲斗十有二
 名○順治元年定通倉監督一年更代○康熙
 三年題准京通各倉監督二年更代○乾隆元
 年覆准大通橋及京通各倉滿漢監督向係任
 滿之時行各部院保送引
 見補授未免有需時日恐致貽誤倉務嗣後豫行內
 閣揀選滿漢官各二人吏禮兵工四部大理寺
 滿漢官各一人戶刑二部滿官各二人漢官各
 三人宗人府理藩院國子監太常寺太僕寺鴻
 臚寺滿官各一人光祿寺滿漢官各一人中書
 科漢官一人送部引
 見候
 旨記名註冊遇有員缺掣籤補授○又覆准大通橋
 監督員缺令倉場總督於各倉監督內揀選引

見調補○又覆准京通各倉監督任滿之期向
 年二年三年不等嗣後均以二年為滿滿漢一
 年一人更代如二年內有俸滿應升者照常升
 轉仍俟差滿更代○又覆准各倉監督差滿向
 例按歲餘未多寡議敘應行停止如二年之內
 出入公平糧儲無虧倉廩不致滲漏米色不致
 微變任滿時倉場侍郎即保題議敘加級如有
 虧空題參議處○又覆准京通各倉額設滿漢
 監督各一人每逢收支糧米之時不能兼事稽
 查嗣後收支之時由倉場移各戶部於記名候
 補監督人員內撥赴倉場分委各倉監督並不
 時撥委收支事務仍回本衙門辦事○四年議
 准各倉花戶經管起閉倉廩收支糧米出入量
 免非誠實良民充役難免需索竊盜之虞且恐
 積年占據習久弊生應限五年役滿別擇土著
 良民充補取具里鄰甘結及連名互結報倉場
 咨部存案○十七年奏准各倉監督嗣後改為
 三年更代○二十七年奏准各倉滿漢監督同
 時任滿准倉場侍郎於各監督內歷任一年以
 上者選調一員仍接算三年更換不得更請留



任○三十二年奏准通倉監督缺出於京倉監督歷任一年以上者揀選各部調補仍接扣三年差滿○三十七年奏准豐益倉改歸倉場管理一切事宜悉照本裕倉之例○四十三年定各倉監督如遇穿孝百日並不扣除任事日期其署事監督將來得補監督實缺不准接算署事日期仍令扣足三年報滿其養廉銀兩署事之員與本任監督各半支食○五十四年奏准各倉監督調補中西二倉照大通橋之例於調補後另扣二年報滿○嘉慶二年咨准通政司知事經歷欽天監五官正一體保送倉差○三年咨准國子監漢監丞助教博士典簿典籍一體保送倉差○五年奏准通州中西二倉監督改為簡缺於記名人員內掣補海運北新二倉定為繁缺於各倉監督內揀選調補其歷任一年以內之員前後扣滿三年更替如歷任一年以外之員另扣二年報滿其餘各倉同時任滿缺出者應由別倉揀調熟手一員坐補但揀調之倉如滿漢監督內有一員到任未過半年者亦不得將該倉已屆一年以上之員揀調再各

倉滿漢監督於引

見記名後查明食俸深淺依次坐補○七年奏准都察院都事經歷翰林院典簿待詔中書科滿中書

起居注滿漢主事詹事府滿漢主簿國子監學正學錄嗣後一體咨取送部引

見候

旨記名註冊遇有各倉監督挨次坐補○九年奉

旨嗣後著該監督等每閱數日在附近之官房輪班住宿一次仍常川周密巡查認真防範以昭慎重而絕

弊端○十四年

諭倉監督職司典守必須精明強幹方為無忝厥職乃

近來各衙門保送監督率以年老之員充數遂致到任不能留心稽查一任甲斗花戶無弊不作嗣後各衙門保送倉監督務擇京察一二等之員年力富強才具幹練者保送若仍以年逾六旬才具平庸者充數於引見時經朕看出必將原保官嚴加懲處○又定各倉監督如遇緊要辦公之時一人患病毋許私相兼攝應申報倉場侍郎派員署理照例一員在官廳檢查米檔一員在廠口監察如有

同坐官廳。但委胥役在廠口收放者。查倉御史糾參。○十五年奏准通州中西二倉。本係簡缺。因支放三品以上俸。改為繁缺。從前海運北新二倉。因兼儲白糧。由簡改繁。近年俸米甲米各倉分存。輪流支放。仍將海運北新二倉改為簡缺。○道光四年

諭。近來各倉監督。俱不能實力整頓倉務。甚或通同舞弊。致花戶等。執法營私。益無忌憚。屢次懲辦。尚不悛改。嗣後各衙門保送監督。應如何定立章程。方可得人。著軍機大臣大學士會同戶部堂官。悉心妥議具奏。欽此。遵

旨議奏。向例京察。止准保舉四員。今酌添一員。共計五員。一次保滿員三員。漢員二員。一次保滿員二員。漢員三員。遞相輪保。奉

諭。本日據軍機大臣大學士會同戶部議奏。保送倉監督。勸諭章程一摺。所議甚是。各倉花戶。執法總由監督約束。不嚴自應慎加遴選。明示勸懲。不可虛應。故事務從其實。以收得人之效。嗣後各衙門保送監督。欽天監太常寺鴻臚寺鑾儀衛各衙門司員。俱著毋庸保送。其餘各衙門。仍照向例。令各該堂官擇其明

白體面。兼有才具者。秉公保送。其結實可靠之員。准其奏留再任三年。儻始終奮勉。隨時奏請。即予升途。至京察之年。並著添保一員。滿漢相間輪保。務擇才守俱優者。列為一等。不得先儘坐糧廳大通橋監督。以昭公允。各倉監督。除舞弊得贓。隨時嚴辦。將原保堂官文部議處外。其不實心任事者。著該侍郎隨時參處。庸懦無能者。咨回原衙門行走。並著停升三年。雖俸滿。亦不准保送外任。至花戶舞弊。係監督自行查出者。即專治花戶。以應得之罪。監督失察處分。概予寬免。向例倉監督。給予養廉。止領半俸。嗣後並賞給全俸。用資辦公。即自本年春季為始。其萬安海運二倉事務。本繁著該侍郎於各監督內。揀員調補。自此次定立章程之後。務各秉公選擇。實心整頓。以祛積弊。而慎倉儲。○咸豐元年

諭。吏部等衙門。奏遵議慎保倉員一摺。各倉監督。有整頓倉務之責。果能釐剔弊端。著有成效。自應優予升途。以示鼓勵。嗣後各監督。期滿保奏到部。即照此次部議酌予升途。該監督等。既膺甄敘。自當知感。知奮益加勤勉。而各該衙門之堂官。尤應慎選其人。不可開奔競之風。除貪婪枉法。將原保堂官。從重懲處外。

至所議原保之上司於未經發覺之先協同訪聞參辦仍照例免議等語亦應候旨定奪不可為例。○同治四年裁汰萬安倉監督。○七年奏准六部實缺並候補及學習期滿奏留之滿漢郎中員外郎主事等官均准保送倉差。至各倉監督初次任滿如果倉務整飭顆粒無虧三年中無一叅案者無論實缺候補准其酌保升銜頂戴留任三年始終如一者准其酌保升階班次其養廉銀兩由倉場侍郎籌給十成實銀。○又定各倉監督由倉場侍郎認真考覈遇有闕茸之員隨時甄別其花戶名數按照例額召募不准空缺每遇五年報滿更替年分照監督交代之例將該花戶經手收放糧數查明具結報部。○又定各倉收放米石日期該監督等將倉內外閒雜人等概行禁止不准進倉如有攪亂倉務及身後把持之人由該監督查拏懲辦。○光緒十一年

諭嗣後各衙門保送倉差務各慎選明幹廉正之員不得以才具平庸者濫等充數致滋弊竇監督花戶如有串通勾結以致虧短倉儲著該侍郎隨時

認真訪查分別從嚴參辦

內倉監督。○內倉在戶部大門外監督戶部滿洲司官二人司其出納之事每年糧船到通由總督倉場侍郎撥運漕白二糧進倉又直隸布政使司歲解芝麻屯豆由部交倉供支內務府太常寺光祿寺理藩院會同四譯館白糧欽天監太醫院宗學旗學內監等杭米並內務府油房芝麻賓館牧馬黑豆專隸戶部不屬倉場設經制吏一名阜隸四名斗級十名。○順治初年定專委戶部廣西司滿漢司官經管。○康熙三十二年題准內倉監督在應除小差之滿洲蒙古漢軍年久司官內挨次除用一人管理任滿照京通各倉之例新舊交代考覈。○雍正元年奉

旨內倉監督於戶部滿司官內委用二人。○十一年覆准內倉滿監督二人向係二年更代若一時並更接任之人恐未諳練嗣後內倉監督錯綜更代以慎倉儲。○乾隆五十九年議准內倉監放米石款目甚雜支放無定時毋庸一律籤派科道。○嘉慶十四年奏准內倉通倉於白糧轉運

抵倉隨到隨收勒限十日給發回照○同治元年

諭著倉場侍郎飭令大通橋監督嗣後發運內倉恩豐倉米石務須查明米石堪以起運再行知照該倉並將米樣一併檢送各該衙門於文到日即飭該倉監督認真驗收毋得稍逾例限至倉場侍郎本有糾查內倉之責恩豐倉係內務府司員經理未便遠隸倉場該抽查漕糧御史請將內倉恩豐倉均歸倉場兼轄之處著毋庸議

欽定大清會典事例卷一百八十五

戶部

倉庾稽察倉儲 收糧上倉

稽察倉儲○雍正二年定各倉人役取具連環保結每人給以腰牌一應出入責令監督逐名查驗儻不實力奉行以致偷帶糧米事發將該監督一併叅處其牆上偷盜之弊責令看倉章京督率坐堆兵丁不時巡邏如有疏虞即將該章京交部議處○五年

論在京各倉每倉或都統或副都統各一人御史中不

論滿漢每倉各委一人專任稽察之責其支放奏銷等事不必經管惟倉房滲漏牆垣損壞與倉內鋪墊及匪類盜竊各弊察出即行文倉場侍郎知之若倉場侍郎等遲延不及時辦理妥協即據實奏聞儻不能察出弊端以致虧損倉糧著落稽察之都統副都統御史與倉場監督等官分賠其通州三倉即照此例文與通永道通州副將稽察其夫察分賠之例亦與京倉同○又覆准各倉積弊每於收米發米之時胥役串通家人少進多出監督失於覺察漸成虧空嗣後如虧空發覺將胥役照侵盜錢糧例

比監督減一等治罪其虧空之米著落監督賠
六分書攢賠二分頭役花戶合賠二分照例勒
限一年全完限內不完著地方官將家產變賠
○又定頭役作弊許書攢稟明監督監督作弊
許書攢立行稟阻如不聽從許赴倉場衙門首
告○十二年奉

旨巡倉都統御史定為三年一次更代○乾隆元年奉
准向例各倉監督三年差滿題請

欽點王公大臣會同倉場逐廠查驗今監督差滿定
以二年錯綜更代嗣後限以四年奏請查驗一

次○三年奏准各倉存儲糧米向例以算法二
五覈算每多錯誤嗣後以積方之法酌定二年
以內見方一尺照三斗一升六合之法三年以
外者每見方一尺照三斗四升之法其二年以
外三年以內者每見方一尺照三斗二升八合
之法丈算鑄造鐵尺分交戶部倉場並各倉嗣
後均照此尺丈量折算如違參究○十六年奉
准新漕進倉收一廠即封一廠如恐米質蒸變
即於廠門上檐空出廠板四五尺宣通蒸氣以
下所上廠板即行加封以防弊端統俟深秋風

高物燥之時即全行上板封閉嚴密○十七年
諭巡視通州漕務向例止差科道一人專司催督漕運

而倉場事務則概不與聞但通倉積弊甚多現委大
臣盤驗著增差科道四人前往巡視漕務凡收兌新
漕支發倉米皆著就近稽察至在京各倉雖經委有
專員亦著一同留心稽察務期諸弊肅清以副委任

○又奏准京倉向係都統一人御史一人專司
稽察惟不能每日赴倉稽察未為周密嗣後除
都統直班御史在城理訟日期外仍酌量輪流
到倉稽察如或疏略令巡漕御史糾參○又覆

准京通各倉每倉差御史一人稽察年終更代
將一年內並無短收多發攙越廠座之弊據實
奏明交部存案如奏報不實別經察出將御史
一併交部議處其各倉收漕整廠倉場總督標
封封固稽察御史加封各廠鑰匙交倉場衙門
收存於點廠發米時發倉啟廠封固之廠每於
夏冬兩季驗看一次重加封條新舊監督交代
時整廠驗封零廠抽盤如有攙雜短少即指定
某廠攙雜某廠短少揭報倉場總督及御史公
同盤驗虧缺果實治罪勒賠其監督新舊交代

限兩月交完出結出結之後經倉場總督及御史盤出虧缺即將新監督指名叅處○十八年覆准嗣後新漕進倉每年四五六七八月間將各廠鑰匙暫給監督收執一遇大雨時行通倉呈請總督御史京倉呈請都統御史如有一人到倉即行開封及時查看修補後即時封固以謹防範餘月仍交倉場總督收存儻該監督等不即時查看滲漏致有沓爛等弊各在監督○二十年奏准嗣後查倉大臣如有出差升轉原派官員仍留倉門令其稽察俟另派大臣到任後將所查事務再行交代○二十五年定各倉整廠責令都統御史等查驗貼封其殘廠亦俱由都統御史等查驗封識其開報成色米石於接准部文之日即行傳城支領並令都察院轉飭各指揮作速領糶如有遲延照例查叅○二十六年定京通各倉每年收放漕糧另派大臣隨時稽查將各倉收放贏餘各數逐年奏聞由戶部開列各部院滿漢大臣名單奏請欽派二三員稽查如有出差等事止有查倉大臣二員戶部即行奏請添派○三十三年議准各倉

監督交代時如有未放完之米令將任內原儲各年米數及已放尚存各數冊報倉場侍郎委員查驗整廠驗封零廠抽盤出具印結報部○三十八年奏准各旗支領米石該旗都統不能前往令副都統代往監放如副都統無暇令本旗蒙古漢軍都統代往○三十九年奏准八旗領米之日該都統不能前往令各旗派賢能參領與稽察大臣御史等悉心查察設有違例滋弊稽察大臣查出而御史失於覺察將御史一併叅處如御史查出而稽察大臣失於覺察將大臣亦一併嚴叅議處○五十九年議定米商鋪戶人等有將兵丁米石違禁豫買者除將應領之米令該兵丁自行赴倉關支外將兵丁責處其用過鋪戶銀錢不准償還如姦商等仍敢索討或參佐管領等為之調停完結許兵丁等自行出首將索債之人從重治罪該參佐管領嚴行叅處○又奏准每月部定倉口後即行知都察院衙門籤派滿漢科道各一人將該倉儲米廠座查驗標封至放米之日責成該科道率同該監督眼同領米旗員揭去氣頭移存空廠

再將應放之米一律放給仍令各該倉監督將各旗所領米樣送部覈對各該旗於領米完竣之日亦將米樣送部儻不相符戶部據實查叅其所存氣頭廩座仍令該科道即時標封俟出糶廩底時再令該科道查驗開封以防偷換其查倉御史毋庸奏派所派監放之科道扣除本衙門差使用專責成○又奏准如遇文武鄉會試月分不論滿漢科道每倉籤派一人其餘月分仍照前定章程派往○又奏准通州中西二倉除春秋二季支放大員俸米籤派科道監放外其支放看守通倉兵丁米石為數無多毋庸一律籤派○又奏准監放科道有與監督同旗籍者例應迴避惟值文武鄉會試月分人數少時免其迴避○又奏准監放科道於標封廩座鈐用本科本道印信親身驗貼啟封時細加查驗儻有移換等弊立即嚴查究辦○又奏准各該旗赴倉領米儻該倉監督與花戶人等以低潮之米任意攙和或短少米數以及勒索錢文等弊許兵丁等自行首告其領米旗員等亦即稟明各該都統將監放之科道及該倉監督一

併嚴和花戶等從重究治如領米旗員領催及食米兵丁在倉生事有意需索該倉監督亦即呈明該科道將該都統及領米官員一併嚴叅領催及兵丁等亦從重究治○又奏准各旗都統副都統既在倉口監放甲米又有科道專司稽察所有向來另派都統副都統查倉之例應停止○又奏准各旗應領甲米令各該旗都統先期覈明所屬各佐領管領下應領米數人數造具清冊送部轉行倉場俟開倉之日即令該旗都統於一月限內將各該旗應領米石無論滿洲蒙古漢軍包衣共分作十五起每起約領十餘箇佐領管領之米陸續前往以免擁擠又於每起內更番調派賢能章京一員領催四名並於應食米之兵丁內挑派三四名令其赴倉眼同領米以防攙雜剋扣之弊如限內不完將監放之都統副都統及該科道並該倉監督均照支放官員俸米遲延例罰俸一年○又奏准八旗領出米石責成本旗都統或副都統會同查旗御史公同驗明米色米數即將領出之米籤掣佐領次序分給各兵丁約同原車分送交

却仍先期傳知各該佐領下食米之兵丁等於領米之日齊集倉門等候俟米出倉即刻驗放以免擁擠並將一旗放竣日期報部查覈○又奏准祿米倉開放緊急零檔米石即派妥員眼同該倉監督啟封監放放竣後用倉場印封封固責令該倉監督將放過米數若干尚存若干造具清冊出具並無攙和情弊印結送部○又奏准八旗官馬並各項官兵拴養馬匹及五營差馬等項每年應領豆石照支放甲米之例令承領豆石之人眼同該監督一律勻放儻有任意攙雜等弊准領豆拴馬之人回明該管衙門查叅究辦○又奏准宗室王公及公侯伯世職並文職三品以上武職二品以上官員俸米照舊赴通支領外其文職自四品以下武職自三品以下世職自子男以下俸米即於祿米等十倉就近開支派滿漢科道各二人輪赴各倉率同該監督等照支放甲米之例一體稽察○六十年議定各倉所儲江南省青腰白臍米石每月開放甲米時先將各該倉廩座字號逐廠書籤封固臨期該都統與監放科道眼同闔定

幾廠再行開放其闔定某廠及米樣仍令該旗該倉報部查驗俟青腰白臍之米放竣後即按定本倉年分最陳兩三年之米亦照此例臨期闔掣並令各該旗內務府繪各倉廩圖一分存旗隨時覈對○嘉慶四年議准京通各倉及內倉查倉御史仍循舊例
欽派科道分往稽查按年更換以昭慎重其每月籤掣監放之科道應停止○六年議定驗收各倉進米事宜專設御史稽察毋庸奏派查倉大臣○又議准新任倉監督接收交代將所管米石整廠驗封零廠抽盤如有攙雜短少即指廠揭報倉場侍郎及查倉御史公同查驗虧缺屬實將舊任監督治罪勒賠凡新任交代限兩月出結出結後經盤出虧缺即將新任監督指名叅處○七年奏准城外太平倉隨倉之五堆至六堆相隔一百七十四丈七堆至八堆相隔一百十四丈有餘議於折中添設堆撥二座照各堆撥丁名數撥用防守再內城七倉向不專派大臣稽查嗣後照城外各倉
欽派王大臣夜間稽查以資防範○八年定嗣後禁

止番役親屬充當花戶倉場侍郎仍不時稽查如有番役子弟充役致滋困積回漕諸弊即行嚴辦又各倉關米時如有串通花戶挑竈好米加增斛口者責成各倉監督及查倉御史嚴行查禁儻不能查出別經發覺除將花戶從重治罪外仍將該監督及該御史照例分別議處○九年

諭嗣後著該監督等每閱數日在附近之官房輪班住宿一次仍常川周密巡查認真防範以昭慎重而絕弊端○十三年奏准安河橋豐益倉前係八旗官兵防守惟該倉離城較遠嗣後撤回八旗官兵照朝陽門外太平等五倉之例就近改歸中營每班派營官四員精壯汛兵一百名在該倉門及原設堆撥五處十日一換即責成該管之副將等官晝夜稽查如有代替或該班不到一經查出即行嚴辦○又奏准看守各倉庫該班章京兵丁恐有冒名頂替進班之弊嗣後何旗直班即由何旗儘數派委官兵其不派官員止單派一二名兵者徑行裁汰儻該班官兵屆時患病或有事故即時報旗更換再內倉著落正白旗

看守原定有兵無官難以管束嗣後照各部院看庫之例添官一員帶兵看守○十四年

諭現在倉儲正當積弊之後立法宜周所有城外各倉支領俸米之文職四品武職三品以下各官並兵丁月米均皆自本年八月為始屆期奏派御史二員再由步軍統領衙門派司官二員於朝陽門外專司登記每十日具奏一次如有出城售賣等弊立予嚴懲並著於兩月內全行領完如逾限不領即行參辦仍責成倉場及該管各衙門一體嚴查毋懈○又定各倉監督如遇緊要辦公之時有一人患病者即

申報倉場侍郎派員署理若但委胥役在廢口收放者由查倉御史糾參○十六年奉

旨綿課等奏會議查倉章程一摺朝陽門外太平等五倉於嘉慶五年改定舊例由步軍統領衙門派撥北左二營弁兵看守仍照向例分派王大臣每月夜開輪流出城稽查數次原以防範該弁兵等偷安誤班情弊但稽查之日豫先知照該衙門委弁前往割門則看倉官兵自必早得查倉之信不難豫作準備迨查畢後仍可抽減人數懈怠曠班於防範之遺殊屬有名無實且城門黃夜啟閉該王大臣隨從多人看

門官兵勢不敢逐名盤詰恐姦究得以夾混出入非所以昭慎重著照所請嗣後毋庸欽派王大臣夜出查倉即照依豐益倉之例由步軍統領衙門添派北左二營將官在該倉廩等處上夜認真稽查如查有曠誤即稟報祿康等嚴叅究辦儻徇隱不報當並治以重罪其城內七倉查倉大臣著派綿課哈迪爾奕紹明亮瑚圖禮恭阿拉巴特瑪扎郎阿等八人輪班晝夜不時稽查如看守之旗員旗兵等稍有偷安情事亦即嚴辦示懲毋稍疏懈○又

諭各倉額設巡邏弁兵為數不多如果實力巡查何至屢有偷竊之案嗣後責令管旗大臣派撥弁兵按照定數飭令親身到倉每日派員點查如有人數不足以及雇人代替一經查出從嚴懲辦○道光四年

諭京通十五倉各設有滿漢監督公同經理責任綦重該監督等向不在倉直宿未免疏於防範以致花戶經紀等乘機舞弊無所畏忌嗣後各該倉滿漢監督俱著親身駐倉分班輪流直宿飭令晝夜周歷巡查以冀肅清諸弊該倉場侍郎等仍隨時密行稽察母任有名無實儻查有曠誤立即嚴叅懲辦○二十年定倉存米石花戶有攙和情事一經查出即送

刑部治罪飭令分別賠補並將該監督從嚴叅處○咸豐元年奏准朝陽門外太平等五倉由步軍統領衙門添派北左二營將官在該倉等處上夜認真稽查如弁兵等看守曠誤稟報叅辦太平倉大萬安倉西面附城東面臨河添安堆撥太平倉舊設堆撥五處添設十四處大萬安倉新設八處加派兵丁分班住宿巡邏看守每屆五日輪派都司一員住宿稽察如遇弁兵曠誤徇隱不報一併治罪其城內七倉由查倉大臣等輪班晝夜不時稽查如看守之旗員旗兵等稍有偷安情事嚴辦示懲○同治七年奏准各倉存儲米石必俟盤查清楚然後派進新漕如某倉查有虧短未經奏結即毋庸再進米石以杜掩挪仍由倉場將某倉存米實數咨報戶部○又奏准各倉額設章京披甲由各該旗都統揀派妥實之人親身到班認真巡守每遇收放米石之日即著直班章京披甲等協同緝拏竊米匪徒查倉御史不時到倉稽查如有偷安曠誤即行嚴叅○又奏准各倉收放米石之日該倉官役將倉內外閒雜人等概行禁止不准進倉如有攙亂倉務及身

後把持之人該監督隨時嚴拏懲辦

收糧上倉。○各省糧船到通正兌米於石壩交兌。改兌米於土壩交兌。坐糧廳察看米色呈總督倉場侍郎驗定。起斛上袋。用剝船轉運。正兌米由石壩裏河。經普濟平下平上慶豐四舖。每舖換船至京城東便門外大通橋。掣袋驗米。應交太平倉者。仍水運。應交內倉及裕豐儲濟東萬安倉者。換車陸運。應交西萬安祿米南新舊太北新海運富新興平本裕豐益各倉者。水運至朝陽門外。換車陸運。均分送各倉。掣驗交收。

改兌米由土壩裏河。應交通州西倉者。至新城南門外換車。應交通州中倉者。至舊城南門外換車。均陸運至倉。掣驗交收。其石土兩壩起斛。大通橋掣驗。京城朝陽門通州新舊二南門換車。皆暫存號房。石壩至京倉。水運以經紀承領。陸運以車戶承領。土壩至通倉。水陸運皆車戶承領。今過壩過舖落屋上船。皆雇夫負運。白糧運送內倉及通倉亦如之。○正兌米一石原帶耗米二斗五升。石土兩壩斛量起卸過壩運進京倉。內除給運役五舖顛抗折耗米二升。實進

倉正耗米一石二斗三升。倉中收受入廩。除正米一石外。收耗米七升。尖米四升二合。又耗上加收尖米二合九勺四抄。盤折作正新耗米三升。共收正耗平斛米一石一斗四升四合九勺四抄。如改進通倉。除耗尖米同京倉外。多收盤折耗米二升。京倉謂之三升。盤折作正新耗米。通倉謂之五升。撥兌新耗米。共收正耗平斛米一石一斗六升四合九勺四抄。其餘八升五合六抄。以三升八合為旗丁餘米。四升七合六抄。作倉中篩颺折耗。○改兌米一石原帶耗米一

斗七升。土壩斛量起卸過壩運進通倉。除收正米一石外。加耗米四升。尖米四升二合。又耗上加收尖米一合六勺八抄。共收一石零八升三合六勺八抄入廩。如改進京倉。將正米一石內照例窵出二升。以作五舖顛抗折耗。實收正米九斗八升。耗米四升。尖米四升二合。又耗上加收尖米一合六勺八抄。共收一石零六升三合六勺八抄入廩。其餘米八升六合三勺二抄。照依前款正兌之例遵行。○順治初年定起卸漕糧。遵照定例。平斛下攜。禁止淋尖踢斛。除每石

給錢二十二文外。僅有多收情弊。倉場侍郎訪實。擊支刑部按律治罪。仍刊置一單。頒發各幫運官。如運糧進倉。不挨次序。故為攙先。挪後。押勒索詐。許據實填報。從重懲處。如運官捏填容隱。事發。一併題參。○十三年題准。京通各倉收受漕米。以坐派紅單即印到日為始。京倉定限十日收完。印給倉收。移送坐糧廳轉發運員。寫驗完呈。通州倉限七日收完。如過期不完。不印給倉收。倉場侍郎查明題參。○康熙二十三年題准。白糧自本地包裹。抵通過壩。若開包量兌。恐致拋散。向例用秤交兌。應定限以正耗米一百六十斤為一石。米色不淨。加重十斤。令旗丁赴倉親納。短少賠補。有餘給還。○雍正二年題准。經紀運米到橋。車戶運米進倉。舊例每米五十袋。抽掣一袋。一袋短少。餘袋照數均賠。於各役腳價內扣抵。嗣後酌定數目。不許多欠。經紀係船運。每十萬石。定掣欠二百石。大通橋車戶係陸運。每十萬石。定掣欠二百五十石。通倉車戶係水陸並運。每十萬石。亦定掣欠二百石。每石秬米作價銀七錢。秠米六錢。准於腳價內扣

抵。若此外再有多欠。除不准將腳價扣抵外。仍照盜賣漕糧例治罪。每秬米一石。作價銀一兩四錢。交與地方官著落家產變賠。○又定各倉有虧折餘米者。照議定老米七錢。秠米六錢。粟米五錢例。交與該旗該地方官勒限一年。將滿漢監督等嚴追。如限內不完。即行題參。從重治罪。著落家產賠補。○四年題准。白糧過壩。坐糧廳每十包秤驗一包。以一百六十斤為一石。如斤數不足。鈐印包上。報倉場移知倉監督。至該倉交收之時。倉場侍郎親詣倉內驗明過斛。如有短少。責令運軍補足。○又覆准。石土兩壩堆存糧袋。責令經紀車戶鋪墊席箔。以防微爛。儻奉行不力。致有微爛。查出。將布袋糧米勒令賠補。並將該役責革。如倉場及御史不能查出。一併交部議處。○又覆准。漕糧卸載。拋散米粒。責令坐糧廳率大通橋監督設法埽收存儲。俟漕糧運竣之日。通計埽收數目。由倉場侍郎具奏。以為冬月煮飯賑貧之用。○又定埽收數目。倉場侍郎具奏後。由太平倉驗收。與該倉成色米一律待糶。○又奏准。改兌秠米二十三萬從

前原存通倉今通倉稜米數多廠座不敷應令
統進京倉○五年題准失風挂欠曠賜耗米免
其賠補其失風挂欠正米照數追補○六年覆
准各省交兌漕糧監兌官每船各兌一石封存
鈐印到淮總督查驗加封抵通時倉場侍郎率
坐糧廳照樣驗封起卸僅有攙和等弊將弁軍
一併究處○又題准交收漕糧將秬稷粟米配
搭均勻令各倉輪流籤掣分撥○又議准交兌
白糧責令地方官將徵收樣米封存運通倉場
照樣比對驗收○又題准內倉需用白米次白
米令各幫掣籤輪流運送○七年覆准內倉交
收白糧於弁軍投文之後照十日定期收竣給
發完呈詳報倉場察覈○又奏准各倉收受漕
糧舊例收竣之後開具揭帖呈送倉場侍郎察
覈嗣後增設連三編號印單於收米十日內一
送倉場侍郎一移坐糧廳一留倉存案其各倉
所送揭帖挨次編號填註經承姓名毋許洗補
倉場侍郎按照號數黏連鈐印以備稽察○又
覆准白糧交倉餘米照漕例顆粒不許出倉先
儘挂欠之弁軍買抵如無欠白弁軍照秬米價

值給發○又覆准漕糧抵壩令坐糧廳驗明米
色方許經紀車戶運送各倉交收○八年題定
收完糧米舊例限五日內給發完呈嗣後統限
十五日給發僅有藉端勒指者即行參處○十
二年覆准京通各廠雍正七年以後之米准報
氣頭一二百石廠底三十五石惟裕豐儲濟兩
倉係七年新建各廠米隨收隨放存儲未久止
准氣頭廠底數十石○又奏准每開放一廠米
石通完之後令監督查明氣頭廠底米數若干
估定成色並將該廠收存年分逐一聲明仍委
員查驗確實如果所報成色屬實並與各倉應
有氣頭廠底之數相符即行咨部發糶其有年
分未久氣頭廠底為數過多與現在各倉實屬
不符立即指參○乾隆元年奏准裕豐儲濟二
倉米有陳積六七年不等者照京通各倉之例
准報氣頭廠底惟儲濟倉內乾隆二年增建之
廠仍照數十石之例開報俟乾隆十二年後照
各倉一例辦理○三年奏准通倉舊存稜米支
存無幾不敷支放嗣後將改兌稜米每年撥存
通倉十三萬石其餘仍進京倉○又題准通州

土壩車戶每年掣欠數多。扣追難償。嗣後每石准其掣欠八合。照七錢六錢之例。買餘米抵補。此外若再多欠。仍照一兩四錢之例。於腳價內扣抵。○又覆准。向例內倉歲進白糧二萬餘石。今禁城兵丁及內監人等白米。改給秬米。應改進漕糧萬五千石。抵進白糧七千石。其一應收受遞減。曬颺折耗。運軍餘米。並收米之連單。倉收完呈。以及腳價茶果等項。統照京通各倉之例。○又奏准。各倉收儲糧米。向例每廩以萬一千六百石為額。今各倉所存之米。或多或少。且有奇零尾數。難以覈算。應酌定每廩以紅斛正米萬石。定為常額。毋許贏縮。如有零數。別儲一廩。○又覆准。通倉抽掣米數。如有書攢人等。向通經紀。將掣欠之數。以多報少。折價侵肥。春總督倉場侍郎查究。○又奏准。各倉收儲黑豆。向照米石之例。遞減。惟黑豆質本堅硬。隨收隨放。並無消耗。嗣後遞減之數。不准開銷。○四年奏准。通倉稻米不敷支發。將應運京倉秬米二萬石。改撥通州。以抵不敷稻米。○又奏准。豐益倉向例

每歲進米十五萬石。今積積數多。應減半撥運。每年減收腳價茶果銀三百五十餘兩。於坐糧廳衙門支取。○七年議准。內倉每年約放秬米二萬四五千石不等。今倉場僅撥浙江各衛所額解紅斛秬米一萬五千石。合平斛米一萬七千八百九十四石。一斗每年不敷米五六千石。至七八千石不等。於額撥米數之外。增撥紅斛秬米五千石。以供支發。○十二年奏准。豫省漕糧豆石。向來均以二五收受。外有每石三升邊耗米豆。並不起卸。在各丁進倉三升八合餘米。豆內照數扣抵。其原運三升邊耗。皆歸旗下。嗣後該省隨正邊耗米豆。照數起卸。三升八合餘米。照例給予價值。○十三年題准。豫省漕糧改徵麥石。總以乾圓潔淨為準。無論黃白大小。一律兼收。僅有攙和等弊。即行指參。至進倉時。照收受漕米之例。抽掣驗看。計算折耗。將原備篩颺麥石抵補。如有餘贖。一律作正開銷。○十四年議准。各倉每廩儲正米一萬石。除去掣欠減耗等數。為數仍屬零星。嗣後每廩派米以一萬一千石為準。○十六年議准。旗丁運米到通例

白倉場衙門坐派而

圓明園沙子營及薊州易州等處道里稍遠守候需時以致鑽營規避嗣後輪幫挨派勒石永遠○又議准河南山東運京黑豆擇廠座最多之儲濟為安舊大海運等四倉酌量派儲各倉既經儲豆應少儲米數萬石則積儲均而存倉年分可以相等○十七年復准嗣後兌漕之際令稽察御史會同監督掣驗嚴禁胥役需索務期米色明潔斛面平足如有賄屬濫收等弊即將監督參處並令步軍統領多差幹役嚴行緝訪如有胥役舞弊即嚴拿治罪○又覆准各倉儲米每廠以正米萬石為常額毋許或多或少又新糧不得攙入舊米廠內進米時務令倉場總督分定廠座一面將陳廠封固俟進米完日與稽察御史親赴倉內丈算數足開明所收米數並驗收監督經管吏攢姓名收存年月標置廠門封固註冊報部○又奏准各省起運漕糧總漕派發全單開明船米數目抵通交卸完日領運千總齋赴部科查驗以稽完欠向未立有限期守候需時嗣後完糧之後於三日內將全單

呈明倉場倉場於三日內移送戶科查驗戶科於五日內移送戶部戶部於五日內驗明鈐印令該弁赴部當堂給發至造寫大小完呈並架冊概行停止○二十二年奏准京倉收存米石原係按月遞減銷算其氣頭廠底米石發城糶賣今北倉兌收米石已有加耗二升不便照京倉遞減開銷自應責令經紀照掣欠逾額例於該役腳價銀兩內扣補○二十五年議准漕糧起壩過牘掣欠數目石壩每百石不得逾二斗大通橋不得逾二斗五升其欠在額內者照收買餘米例折銀交庫即於現年著追不得俟次年如逾額在三斗以內者著落各經紀於當年買米交倉不准折銀三斗以外者除追米交倉外仍嚴行責處若多至五斗以上者除追交米石外仍照盜賣漕糧例治罪土壩運米逾額米石亦照石壩大通橋之例辦理○又定通倉所存米石已八九倍於所放之數嗣後所進米石以二十萬石內外為率其餘儘數俱進京倉○三十年定漕糧抵壩日起米數本以三萬石為率其或陰雨難以起運不足三萬之數總於天

晴路乾之時上緊趕運務於八月內竣事○三十三年定每年新漕到通倉場將各色米石均勻派儲○三十六年定通倉從前每歲派進漕米四十八九萬石而兩季所放俸米止需三十五六萬石積至乾隆二十五年存米過多經倉場奏明嗣後每歲止派進通倉二十萬石俟陳積疏通再行照舊辦理今陳米業已疏通向後每年派進通倉漕米三十餘萬石以供支放○又奏准通惠河修築漫口雨水之後車輛難行所有應進本裕豐益二倉米石暫存太平倉俟道路稍乾令大通橋再行轉運○三十七年奏准大通橋車戶掣欠逾額米石向例責令買米交倉不准折銀交庫如一時實難如數買足但以一兩四錢折交名為加倍折銀較之市價實屬減少應將該役等逾額掣欠米石按照五城所報時價量為加增每抗米一石現在市價銀一兩七錢者以一兩八錢折交每後米一石現在市價銀一兩三錢者以一兩四錢七分折交即於該役等應領腳價銀內扣繳凡有掣欠逾額米石一時未能買米交倉者均照此例

辦理○三十八年奏准通倉歷年積儲共米一百五十餘萬石三十五六年直隸散賑動用甚多嗣後於例進三十餘萬石之外多進十數萬石以裕倉儲○四十五年定本裕豐益二倉坐派漕糧嗣後頭進漕糧於四五月間果能依期到通所有派運遠倉米石仍遵舊例辦理僅漕船抵通較遲或坐派遠倉後適遇陰雨難以運送即將米石改儲近倉俟三進南糧再行派撥遠倉不必拘定頭進幫船內輪派○四十八年定本裕豐益二倉距大通橋三十餘里每年應存米二十餘萬石本年因漕船趕緊回空所有到橋米石就近先儘京倉運進以便迅速起卸將該二倉之米照乾隆三十六四十六等年舊儲太平倉之例酌存數萬石於運務更可迅速○五十九年奏准每年新漕進倉時令倉場酌量舊存本色米石多寡均勻派儲並將某倉存儲某年分各色米石若干造冊先期咨部以便分別新陳割放○六十年奏准麥石一項體質本嫩思豐倉地面狹隘難以掀晾仍照舊例分派祿米等十倉收儲聽內務府陸續取用○嘉

慶五年定嗣後遇有向係平米復經分析改兌名目者仍照平米之例正耗全數進倉不准開銷折耗亦無給丁餘米。○又奏准六七兩月雨水較多道路泥淖車輛難行大通橋分進各倉漕糧查照向例於太平倉暫儲米十萬餘石俟運務告竣再令大通橋監督按照應進倉口轉運支卸應用抗價廠費即於車戶應領腳價銀內通融辦理毋庸另議開銷。○十一年定石壩露因米石仍應裝運原派倉口收儲所有人工繩席等項費用該經紀等自行備用毋庸另議開銷。○十二年定西中二倉存儲白米粟米係例應留儲通倉支放王公大臣俸米其多儲稅後二色共米四十六萬餘石除酌留數萬石以資看倉官兵等項之用其餘米石概令趕緊分運在京十一倉均勻派儲。○十四年奏准嗣後總漕咨送過淮糧船數目清冊到日於各幫未過津關以前即由倉場衙門籤掣倉口檄行各該糧道及總運等遵照俾各丁豫知派定倉廠無所用其趨避。○又定幫船抵通倉場侍郎督率坐糧廳親身查驗秉公辦理其經紀止令起

卸米石不得干預查驗米色之事如旗丁與經紀串通舞弊或以醜米夾混或短收斛面希圖彌縫虧缺宜嚴密防閑儘經查出併送部治罪。○十五年奏准每年糧船抵通起卸石壩有軍糧經紀專運漕糧白糧經紀專運白糧其土壩運進通倉漕糧向係車戶經理現在著役二十名乾隆五十九年將官員俸米改歸京倉支領通倉放米不多每年應派之數遂亦無幾車戶等原無可用莫如全行裁汰以昭覈實嗣後遇有轉運通倉事務統歸石壩軍糧經紀一手經理。○十七年議准米質潮潤不堪久儲尚可食用者由倉場查驗實在七成以上准其奏明收兌另廠存儲先行搭放仍將糧道等查叅並將米石不敷成色令糧道等分別賠補於下次帶運。○二十年議准大通橋監督於運進內倉米石存儲號房致有微變內倉監督於運倉米石驗收遲延均屬怠玩大通橋及內倉監督俱交部議處其微變米石責令車戶賠補。○二十二年定中西二倉每年派儲稅後二項米石新陳接算不得逾一萬石之數。○道光二年議准

京倉存儲米石。以放代盤。將本年新糧暫儲於未經放米之興平祿米太平南新萬安等五倉。黑豆仍照四倉分放。粟米麥豆與杭稜體質迥殊。不礙盤查。所有派儲東豫粟米麥豆照舊分儲。○三年

諭每年各省漕糧抵通交卸分運進倉。有壩橋倉三處。逐加盤驗。立法本屬周密。無如因循從事。均未能實力稽查。以致米石多有微變。嗣後漕糧抵通。即飭令坐糧廳與經紀等認真細驗。如有攙雜潮溼之米。押令幫丁等灑颺曬晾。一律乾潔。方准起卸。至到橋後。經該橋監督驗有潮溼之米。即著該廳督率經紀灑颺曬晾。再行轉運。所需經費。即罰令該坐糧廳賠交三成。經紀賠交七成。其由橋運倉。責在該橋監督運米車戶。已運進倉。責在該倉監督花戶。僅有攙潮之米。分別令其灑颺曬晾。將經費著落該管官役等。按三成七成分賠。以示懲儆。該倉場侍郎等。仍當隨時嚴查。毋任各倉員稍存將就。務期米色純淨。以資積貯。○又奏。米車出入各倉。本有兩路。重車須俟空車行走。接踵進倉。不得空重堵塞。○又奏。准城外關米車輛。若值城內進運新糧之時。空重同

走一門。恐有擁擠。嗣後朝陽門外四倉支放米石時。適遇新糧抵京。在護城河西之倉領米。車輛改進東直門。在護城河東之倉。改走東便門。進崇文門。○四年

諭向來豆石抵通。止於舊大海運萬安儲濟四倉存貯。每月割放豆石。亦於該四倉併割。該花戶等。每於舊豆未完。新豆已收。致滋勒索。攙和壓陳。放新等弊。自應將新豆另行派倉存貯。俾免新舊牽混。現在南新北新二倉。空廢足數。收貯嗣後。著於南新舊大海運北新萬安儲濟六倉內。何倉先行放竣。即於何倉收貯新豆。其割放豆石。按定倉口次序。以兩倉併割。俟一倉放竣。再按次接放一倉。並令該監督等。出具並無顆粒陳豆印結。報部查覈。由倉場侍郎派委委員查驗屬實。再貯新豆。以清積弊。○又

諭橋倉各監督。因驗收慎重。車船轉運。不能迅速。以致米石積壓甚多。易受潮溼。嗣後著仍照舊例。驗米之責。專歸坐糧廳。務令查驗乾潔。再行起卸。該侍郎等。隨時赴壩抽查。以防攙混。轉運之責。專歸大通橋。分別天氣陰晴。道路遠近。以覈其運數之多寡。毋任車戶稍有積壓。兌收之責。專歸倉監督。遵照該侍郎等

坐派處隨到隨收。毋得藉故留難。任意高下。○七年議准。驗收漕糧。遇有潮溼夾雜米石。驗收之前。專責旗丁運員。驗收之後。專責經紀。○又議准。運米迅速。原在車輛齊全。口袋足數。令坐糧廳。大通橋監督認真點驗。務令車輛口袋一律齊備。仍由抽查御史。督同監督。嚴計每日進米多寡。呈報倉場。分別勸懲。○又議准。各倉收受漕糧。例限紅單到後十日完竣。惟內倉收受漕白米石。於紅單到後。復催該幫投遞文冊。交納席片米樣。該監督驗看後。始能收米。以致遲延。嗣後由倉場飭令坐糧廳。於發給紅單時。即催幫丁將文冊席片米樣。一併交納。照例十日內驗收。倘有需索遲延。即由部將該役等嚴懲。監督叅處。○又議准。由橋入倉。監督不認真掣量。車戶漫不經心。口袋破裂。米多狼藉。易致偷漏。應令各倉監督認真掣量。如有潮溼短欠。即着車戶賠補。至口袋破裂。飭令隨時收拾。如有車戶偷漏。花戶含混收受等弊。即行照例嚴懲。如該監督怠玩。即查明嚴叅。○八年

諭內倉收貯漕糧。限紅單到後十日完竣。嗣後內倉收米。務照議定章程。不准稍逾限制。倘再有不遵者。該部堂官查明。如係該倉監督遲延。即行叅處。如係該倉書吏花戶勒指延緩。即照例嚴懲。如旗丁交納遲誤。即將該押運官叅處。毋稍徇縱。○又奏准。紅單文冊到倉。有米石尚未抵通者。未免參差。嗣後總於米石到後。再發紅單。給發紅單時。即嚴飭幫下。將文冊席片米樣。一併交納。令該倉於十日內驗收。毋得遲延。○又奏准。二進漕糧。紅單文冊若隨頭進。先後到倉。大通橋向不能兩進。並運自應於頭進運竣後。再行起限。其三進漕糧白糧。亦一律辦理。○又奏准。運米多寡。視車輛有無。向來車戶運米。可以一日運至四五千石。嗣後運米。應以三千石為率。不得稍減。倘有車輛短少。無故藉延。即將該車戶嚴懲。大通橋有督催之責。若不嚴催。任其遲緩。一併分別查辦。○又奏准。遇陰雨之時。飭令車戶添雇車輛。以便運送。如遇大雨阻止。及內倉有急須開放之米。並甲日不開倉。由大通橋內倉彼此移會。暫緩一二日。毋庸計限。○又奏准。內倉原設有查倉御史。其收放米石。向有書吏逐日稟報。嗣後

於每進漕白糧石收竣後即由內倉將紅單文冊於何日到倉該倉於何日進米某日收米若干何日完竣詳細揭報如有展緩一二日者亦俱隨時報明以備稽覈○咸豐八年奏准內倉收受白糧該倉監督等酌派筆帖式等二員會同倉場委員於開倉進米時在倉門首親身查驗不做胥役之手儻有偷漏狼瀆等弊即行從嚴懲辦如米色與坐糧廳先期封送之樣不符即令該監督隨時報部覈辦

欽定大清會典事例卷一百八十六

戶部

倉庾發米出倉
虧米分賠進倉收耗 平較斗斛

發米出倉○順治十六年覆准各倉發米時挨次支領如有車輛擁擠及偷盜等事拏送刑部治罪○又覆准各倉發米時不許在倉買賣儻有串通倉役包攬糧米者拏送刑部從重治罪○康熙元年覆准每季發米部差司官二人並旗員一人到倉與監督一同監放有通同攪和糠土溼米等弊倉場侍郎題參一併議處若監督不嚴查下役致有攪和糠土溼米並少糧索錢等弊將經管官交與吏部從重議處作弊下役交與刑部從重治罪至領運米之佐領領催並家人若將好米攪和糠土偷盜者亦送刑部從重治罪○又奏准八旗俸餉及上三旗米冊每季限上月初十日以內送部轉咨倉場照例兩月內支發全完如每季上月初十日以內米冊不送部該旗即將造冊遲延之官題參交部議處○又議准官兵俸餉米既已造入冊內雖有升轉不計增補告休物故者停其裁扣仍給

原人其項補之人於下月支給如獲罪革退者仍行裁扣○雍正元年奉

旨將八旗米冊送部各日期記明奏聞其舛錯駁回者從再送冊之日扣算○又覆准鄉會場供給米內倉

應用米滿漢廩糧兵丁行糧禮部支取內監食

米光祿寺飼鷄米象房飼象米及散給囚糧內

管領下口糧均支老米其五城賑貧兵部箭匠

工部作管織染局匠役等食米均支稜米○又

奏准俸米兵餉舊例春秋二季關支限三月發

完將兵米分作三季俸米分作兩季限兩月發

完○二年奏准上駟院及各王府飼馬鹿羸等

處米舊例係各倉監督運送嗣後覈定應給米

數由部劄知各倉別給印票付領米官役持票

赴倉支領各倉監督查對米數相符照數支給

不必著令監督頭役押送如有需索加米等情

許該監督揭報題參○三年奏准八旗兵米向

例分京內八倉支領今增設萬安一倉後將護

軍校驍騎校應領米別分一倉同八旗兵米分

作九處支領○五年奏准嗣後內倉每年所收

芝麻百石除各處支發外將餘積芝麻過三年

後照例變價交庫免致久儲變色○六年奏准各倉設立循環二簿舊例止記糧米收發數目嗣後將支發糶賣之數按照部咨及五城司坊官通州知州各印簿逐一磨對毋許舛錯○七年

諭支發兵米之時如遇雨水稍多即寬限一月永為定

例○又奏准漕米儲倉向例按年挨陳支放凡有交

受零數新米各儲一處不許入於舊米之內將

放過米數並經手監督攢典姓名於某年月日

收儲開明黏貼廩門仍於循環簿內註明報部

嗣後挨陳應發之廩並令掣籤開發儻不掣籤

致家人開放新廩者事發照知縣失察家人犯

贓例參處○又覆准各倉鋪設供給不得絲毫

索派倉役違者計贓科罪其監看放米旗員日

用均令自備儻與倉役勾通需索領米之人參

革計贓科罪監督任聽倉役需索不查拏者照

州縣失察衙役犯贓例議處○又覆准八旗官

員支領俸米每一佐領給票一張倉場驗明給

發○又覆准守衛

圓明園八旗官軍俸米月米東四旗於本裕倉西

續修四庫全書 史部 政書類

四旗於豐益倉支領。○八年奏准新增裕豐儲濟二倉。將護軍校驍騎校米仍隨八旗支領。其鑲黃正黃正白等三旗米別為三分。同八旗甲米分十一倉闡發。仍將所限各倉及支發米數開列。廢名年分五日一報。○九年覆准八旗支領米冊。於各佐領總數下覈算兵米分註。稅後粟米各若干。俸米分註白稅後粟米各若干。送部轉行各倉。按色給發。○乾隆元年奏准監督失察攢典混領倉米。希圖多賣價者。照府州縣書役侵欺錢糧不能察出例。以徇情論降二級留任。○二年奏准兵米分為四季。於二五八十一等月支給。或遇有閏之年。或值米價昂貴。後季米不能接濟。前季或南米抵通。需廢感儲。隨時奏准酌定先期開支。○又奏准向例太常寺光祿寺及會同四譯館需用白糧二千餘石。王公百官俸白米十五六萬石。內務府禁城兵丁及內監食用等項。需白糧萬石。今白糧減徵。應將王公百官白糧酌減一半。以稅米抵給。禁城兵丁及內監白糧全改稅米。禮部支領各國

貢使及太常寺光祿寺支領祭祀等項白糧。內務府元宵糯米。理藩院所領札薩克王貝勒貝子公台吉各來使公主郡主額駙等白糧。均照舊支給。欽天監太醫院月糧。宗學讀書宗室八旗讀書覺羅。左右兩翼教習。

盛京吉林甯古塔索倫八旗額魯特等處。送物米京人員。

欽安殿道士內監各處喇嘛。以及匠役口糧。全改稅米。薊易二州。每年截留白糧米亦減半。以稅米抵給。○三年奏准黑豆質堅多。係隨收隨發。並無消耗。遞減之數不准開銷。○又奏准旗人領得粟米。糶賣不得過銀五六錢。今米價昂貴。應將兵米內借撥代粟。稅米十八萬石。交五城十廠平糶。所賣之錢。易錢解部。將來兵丁應支粟米內酌量豐收之年。於秋冬二季。每石折銀八錢。陸續分年扣還。○又題准八旗兵丁四季領米。每季所有零尾抄勺。佐領總領分給。每多折耗。應將每年春夏秋三季所領三色米總數。以斗為止。散數以升合為止。其抄勺零數歸入第四季支領。○又奏准

禁城兵丁及內監應支白糧改給秬米有折耗碾
確之費。按原給白米一石改給秬米一石二斗
五升。○又議准每季領米時。旗員查驗米質。如
果不堪食用。令於倉中封固。即報倉場侍郎。都
統查明具奏。○又奏准倉場侍郎於進米時分
定廠名。將陳廠封固。進米完日。赴倉將新米丈
算數足。更換封條。如進米之際。適逢發米之期。
該監督將挨陳應發之廠。開報倉場侍郎。委官
拆封監看。倘有不遵挨陳發給者。將監督題參。
倉役究治。○又奏准每年春秋二季支發俸米。
多有在通售賣者。以致米局鋪商賄託倉役。有
撞斛多量之弊。應令倉場侍郎於發米時。嚴行
訪察。如有前弊。送刑部治罪。儻查拏不力。別
經發覺。交部嚴加議處。○四年奏准開倉時。每
旗委押旗參領於發米前一日。將應領米數。及
領米人數。開單交與監督。按數起票三張。於領
米後一日。一交滿監督。一交漢監督。一交監放
監督。稽察出倉。其領米兵丁花名。各旗開單。鈐
用佐領圖記。帶赴倉內。交與押旗參領點驗。進
倉。仍令嚴行稽察。如監督所屬人等作弊。押旗

參領查出。呈該管都統奏究處。押旗參領所
屬人等作弊。監督查出。呈倉場侍郎。參奏究處。
至米車出倉。除參領與監督等一同查對紅號
外。其間散驍騎校等。仍在倉門巡查。令米車挨
次排行。嚴禁爭擠。○又奏准向例官俸米內。有
粟米一項。以採買直隸營田稻米抵支。但直隸
或遇歉收。停止採買。即不敷支發。應以秬米抵
稻米支給。如直隸稻米豐收。採買運通。仍支稻
米。○又奏准各衙門筆帖式俸米。向例在通倉
關支。但所領米數無多。赴通往返。腳費頗重。嗣
後改於京倉支領。○七年奏准通倉節年存積
白米數多。所有王公官員俸米內。應放秬米。以
白米抵給。俟陳米將完。奏明停止。○八年奏准
嗣後八旗官兵馬駝。應需料豆。應於河南山東
二省粟米內。改徵黑豆。撥運京倉。於每年九月
馬駝回廠。每匹月給黑豆一石。以資芻秣。至次
年四月出廠之日。停止毋庸給銀採買。○又奏
准恭遇
巡幸之年。各旗馬駝留養
京師。自四月以後。仍酌量支給本色黑豆。其豆價

照例扣除。九年奏准各倉現存米內。杭米數多。稔米數少。不敷支給。自九年十一月開放頭季甲米起。至十年七月開放四季甲米。全支一色杭米。一年後仍照舊以三色搭放。十年奏准嗣後八旗關支馬豆。定於每月初十日以內支給。前月之稅。先行造冊送部。創倉如限內冊不送部。照造冊遲延例議處。十一年奏准內倉餘存米石。日久恐致紅朽。所有在京滿漢文武官員俸米。改赴內倉關支。放完之日。再行停止。十二年奏准八旗官冊俸米。總以十二月十五日。六月十五日。兵丁米總以上月十五日。作為過冊定限。各旗送冊。或因遲速不齊。或因外錯駁回。校正以致逾限。總以月之十五日為准。分別關支裁扣。如官兵升轉。在定限以前。准其支領新任俸餉。在定限以後。不准支領新任俸餉。其告休物故。在定限以後。准其支領銀米。在定限以前。不准支領銀米。其開倉發米。總以每季孟月初一日。作為定限。如官兵降革。在每季初一日以前。其米概行追繳。如在初一日以後者。免追。至各旗兵丁逃亡。將應交米折銀暫

存旗庫。於次年三月彙總交納。十四年定儲濟倉。廠座最多。創放甚少。嗣後每年應創零檔米石。儲濟倉照各倉之例一體分割。十五年奏准儲濟倉。歷年收存杭米最多。嗣後本倉應放稔粟二米。全以杭米抵給。並將領米最少之包衣三旗。停其於儲濟倉。闔擊以資疏通。十七年

諭。向來八旗兵米。皆按四季支發。但發完之後。因去下

屆發米之期尚遠。鋪戶得以乘機囤積。米價日漸昂貴。若將兵米陸續支發。俾源源接續。殊有裨益。但就一季之中。再為分次支發。未免紛繁。其應如何酌分旗分。按月輪發。著妥議具奏。欽此。遵

旨議定。兵米既按月輪發。應分別旗分。將鑲黃正黃二

旗分於四孟月。正白正紅鑲白三旗分於四仲月。鑲紅正藍鑲藍三旗分於四季月。各旗依酌定月分赴領。則辦理不致紛繁。米糧時得接濟。於兵民均有裨益。又覆准各倉發米時。滿漢監督皆在官廳檢閱米冊。從不親至廠口。一任家人倉役在廠支發。易滋弊端。嗣後務令一人。在廠口監看。儻仍前偷安。查倉御史即行糾參。

○又奏准向來各倉整廢係倉場總督封識其發過殘廢即交該倉監督自封自開嗣後凡係殘廢皆由都統御史封識發米之時驗封啟鑰○又奏准各倉廢米務令揆陳開發報部查覈如王公等所差領米之人揀選新廢許監督稟報倉場侍郎及御史指名參奏交部治罪監督如違成例越廢支發一併參處○又覆准嗣後京通各倉監督發米務照總票數目令該旗全運出倉聽其自行售賣價領催及領米之人串通舞弊聽稽察御史指名題參將該領催等從重治罪並曉諭官民米局如有於總票中私分小票或於封倉後私赴支領者經步軍統領等衙門查出將賣米之人無論王公大臣官員皆即指名題參其倉役及賣米人等照偷盜例究處所賣之米全數留倉○又奏准京倉米雖屬揆陳支領但每季兵米各倉均開廢支發而新漕運京又須分派兌收是一倉之中有新有舊有發有收牽混不清錯雜難覈應將京倉八旗兵米及官俸役食等米每月止開一倉先儘一倉發完再開一倉以次開支其空出之廢揆次

收儲新漕俟各倉支發全完之後仍照收漕先後揆陳發米再京倉既定先儘一倉以次支發則現在發米之倉即應委官稽查其餘各倉毋庸各差御史一人應以本年為始每年差滿漢御史二人專查京倉凡遇收發之時該監督先期知會該御史等輪流稽察監看儻有違例出入等弊將該監督題參治罪○十八年議准八旗甲米既按月輪放每月止開放兩倉必須一旗放完接放一旗雖定限兩月總不能如期放完若多開一倉令一倉開放一旗則定限一月已可按限完竣至補領零檔陸續劄倉支放應以劄倉之日起定限十日放完○二十三年諭京師米價較上年稍為昂貴向來京官俸米例於八月支放著提早一月即於七月開倉支放俾京城內外米糧充裕價值自可平減○二十四年諭今歲京師因夏閒得雨稍遲降旨分廠平糶通融調劑現在時近年節糧價未能即就平減著將在京三品以下滿漢文武各官准其豫支半年俸米於來年春秋兩季應領俸米內分扣即准於京倉內按數支放○又定本年秋季俸米內應支粟米以黑豆抵給

其扣存粟米備五城糶賣。○二十五年議准王公名下之藍白各甲以及下五旗包衣又民公侯伯及各大臣等名下坐甲米石移於通倉支領俟通倉陳積漸疏再行照舊辦理。○二十六年定各倉開放米豆無論該年所收米豆已未放完即將本年現放過若干按廠數明盈虧數目詳細開報查倉大臣稽覈於年終彙奏。○二十七年

諭舊例王公等甲米原在京倉支放後因通倉糧石陳積部議改赴通倉關支第往返運費必多虛糜其中或將糧石就通糶賣於八旗口食轉無裨益所有今年五旗王公等甲米及八旗佐領坐甲米石俱著在京倉支放嗣後每年通倉貯米酌量數用倉場侍郎等即奏明多運京倉俾王公等甲米支領既不需跋涉而於日用益為饒裕。○又議准京倉開放八旗甲米須查明倉口米石之新陳挨陳挨倉輪流接放不得先後越次其割倉旗分於每月初一日令應行派放之該監督親身赴部籤掣旗分開放。○二十八年奏准各倉發米務於即日全放或緣陰雨車輛短少不能悉行領出將應領米

票呈繳次日由倉驗放不得持票歸家。○二十九年議准西中二倉白米存積過多前將官員俸米內抵粟稜米改支白米又從前俸米內以杭抵白之米仍以本色支給今西倉白米現存十二萬餘石中倉白米現存二十四萬餘石自明年春季為始除割中倉應放旗分外其割西倉旗分俟杭稜糯米放竣後將應領白米冊檔移交中倉開放以疏陳積再中倉白米存積既多應於到通白糧照所進漕糧配算收儲使二倉漕白二色不致多寡相殊。○三十一年議准

官員應得糯米一項前因江浙二省白杭糯米酌半改徵漕糧故減半以杭抵給今西中二倉糯米存積已久應將從前抵給之糯米全行支給本色俟陳米疏通仍以杭米抵給。○三十三年議准漢官應支俸米以該監督知照開倉之日為始定限四十日逾限不領者倉場侍郎報部註銷。○又議准各色米石均按本色挨陳支放務將所開廠座逐廠見底如有不能放竣之處歸入下月支放仍按月分析各數咨報戶部。○又定京通各倉一年所收米石全數放竣倉

場會同查倉都統御史將原儲收放贏餘各數逐廠詳查確數造冊具題戶部覈對題覆。又定各倉監督遇有升遷事故及任滿交代時未放完之米將原儲各年米石放過若干尚存若干照例呈報倉場委員查驗仍按照整廠驗封零廠抽盤之例報部。○三十五年定各倉放米務遵舊定章程平斛支放不得以贏餘米數無關考成不加慎重並不得藉口贏餘有意剋減如花戶人等稍有情弊立即送部治罪。○四十一年議准八旗王公漢官俸米以及官員隨甲坐甲餉米均在通倉支領驍騎校親軍校前鋒校護軍校米石同護軍領催等一例在於京倉開放。○四十三年奏准開放八旗兵丁閏月甲米令倉場侍郎照四季甲米之例豫期查明倉口報部辦理。○四十四年定各倉開放土米時務令各城司坊官親身赴倉關領並令查倉都統御史前往監看如領出之米與所估成色間有不符許該司坊官即時稟明查究仍將所領米樣照例封送巡城御史暨監糶部員稽查辦理。○四十八年奏准祿米等十一倉粟米不敷

應照例以稜米抵給但各倉後米存儲無多。杭米甚屬充裕自四十八年十二月起至次年七日止每月應放稜米以杭米暫行抵給本年新收江蘇杭米閒有青腰白騰難以久儲八旗應支杭稜米石即以此項杭米儘數先行支放俟放竣後仍照例以舊存杭米抵給統俟四十九年新漕抵通後仍按本色關支。○五十二年議准倉存麥石如麥賤於米之年抵作俸米支放如麥貴於米之年抵作甲米支放。○五十四年議准每月三旗應領甲米將城內之祿米等七倉並附近關廟之太平倉分為二旗城外之萬安等三倉分為一旗揆陳支放如城內米石一倉不敷支放即於附近之倉支領不得以城外遠倉找給城外萬安等倉亦照此辦理仍將各倉存儲各色米石查明報部。○五十七年諭旗員應支俸米自當赴倉支領何得將米票擅交鋪戶領賣致啟包攬情弊嗣後著八旗都統徧行傳知無論大小官員俱令自行赴倉支領如有仍將米票私給堆房米局包領者一經查出即行叅處以示懲儆。欽此遵

旨議定八旗並內務府官員應領俸米各旗都統仍出給本旗總領交押旗參領章京先赴通倉換票該倉即按照各佐領官員數目每員各換給米票一張交該參領等領回發交各該佐領散給應領俸米官員令其自行赴倉關支則隨到隨領可杜包攬代領之弊。五十九年奏准每月三旗輪放甲米毋庸倉場坐派倉口徑由戶部按照在京祿米等倉挨定次序於每月初一日豫定三倉令該三旗分往關支俾一旗之甲米統在一倉承領或三色米內間有一色不敷即可按成抵給總不得赴別倉找補。又奏准廩座次序以所儲之米新陳為定令倉場豫為數明派定挨陳廩座字號將應放米數造具清冊於上月二十五日以前送部仍將每月放過米數出具並無攙和情弊切實印結送部查覈。又奏准各監督每月放米全完即將零廩空廩米數申報並將存儲米石造冊報部仍將零廩米樣送部以便下次接放時較對。又奏准火器營官兵米石向在海運北新二倉支領殊屬寫遠嗣後改歸本裕豐益二倉酌量道路就近

支領。六十年議准閏月甲米按照祿米倉例以最陳之三倉割放。又議准武備院匠匠應領米石在本裕倉就近關支。嘉慶元年

諭向來各省運京漕糧俱係交貯通倉嗣因文武微員遠赴通州關米不無糜費因加恩交部酌議改運京倉收貯給發原以示體恤之意惟是改貯京倉後運丁又須赴京交米雖津貼之費原在該丁等餘米之內並非另有增添但多一周折未免多一番勞費嗣後江浙白糧俸米應仍舊運貯通倉至他項俸米或可仍照新例就近在京倉關支或一併照舊均行改歸通倉之處著交戶部會同倉場悉心詳議具奏以期經久無弊欽此遵

旨議定江浙白糧仍舊運貯通倉其旗丁津貼經紀車戶之米應即停止外至文武官員應領俸米內有白糧粟米概行劃歸在通領米之王公大員支領其在京之領米文武官員應領白糧將王公大臣應領杭米照數抵給。又定各倉開放大檔三色米關掣時先儘最先儲米之廩數計米數令四固山關掣滿洲所餘之廩即令包衣接領蒙古漢軍遞次接支其餘賸零廩下屆輪

放時另書一籤令該旗都統副都統眼同科道先行闔掣後再將應放最陳一年之整廠闔掣關支。○二年定五營兵丁餉米內中營米石劄豐益倉就近支領其四營兵米按文冊到部月分於本月輪放甲米三倉內數計米數多寡以領米各二千餘石合計約五千餘石之左右二營並劄米數最多之一倉南營領米四千餘石劄米數次多之一倉北營領米二千餘石劄米數較少之一倉。○三年定各旗支領俸米令各旗各倉一體封送米樣以憑查覈其領竣日期一併報部。○又定各倉開放豆石向係隨時傳放未定期嗣後照支放俸米之例自呈報開斛之日為始定限六十日完竣逾限不完該監督照俸米例覈議如領豆官兵違限不領將應領豆石停給其豆價於馬乾銀內坐扣不准領回。○四年奏准各倉埽收零星米石飭令倉役隨時曬颺潔淨歸入贏餘項下作正關支。○六年奏准每月三旗甲米於城內祿米等七倉內輪劄二倉開放二旗於城外太平等四倉內輪劄一倉開放一旗。○又議准廠馬到京應領餼

馬豆石以兵部傳知領馬之日起限十五日內造冊送部各倉於五日內呈報開斛於兩月限內一律完竣違者叅處。○又

諭嗣後關領俸米如有逾定限不獨將該員應領米石照例扣留存倉並當治以遲延之罪欽此遵

旨議定支放俸米春季自二月起秋季自八月起逾限不完監督並監放官一併議處如領米官員無故違限將米石停給仍分別議處。○又議准八旗滿洲蒙古漢軍並內務府官員應領俸米戶部於開斛時行催各旗源源支領並令各倉按五日一次報部以備查覈。○又定朝陽門外開倉放米該監督將米車挨次逐輛放出倉外不准齊放自倉門至朝陽門交該營弁兵逐段稽查不許爭先搶越其朝陽門至城內大街責令左翼翼尉該城門官及步營官員管束如遇三倉一齊放米之日多派官兵按段稽查開通道路不得擁擠尋常車輛各分上下車轍逐段隨行車戶人等不違約束立即加號示衆至通州二八月開放俸米令該營自朝陽門外東嶽廟之東管轄進城設過城外五倉有開倉之日買

責輕車俱令由東直門行走。以免擁擠。○七年議准各倉開放俸米。令倉監督先將應領各員具冊送查倉御史。事竣後即將所收領票於五日內照冊註銷。仍將領票呈送倉場衙門。以備查覈。○又議准萬安東西兩倉開放米石。先儘年分最陳之米。闕放如此。倉陳米足數。開放不許再開彼倉。致滋弊竇。如一倉陳米不敷。必須在彼倉找放。仍照按陳之例辦理。不得越次關支。○又議准升調人員。趕領俸米。向係移咨倉場侍郎。臨時飭倉覈放。是以未經定限。嗣後趕領米石。旗員以倉場侍郎劄倉之日起。漢員以部文到倉之日起。均定限三十日。逾限不領。扣米存倉。仍將春季趕領之米。歸春季俸米之倉。覈放。秋季趕領之米。歸秋季俸米之倉。覈放。毋得另劄別倉。統俟領竣。報部查覈。○八年定閏月甲米。向係查明年分最陳之米。覈劄三倉。近年倉儲之米。年分相等。並無陳米。可劄議將下月輪放甲米三倉。作為閏月開放。以後每月旗分倉口。挨次遞推。○十年定八旗支領甲米。如有不肖領催等將兵丁米石。擅行強責者。除將

約束不嚴之領米參領。奏議處外。並將抑勒賣米之領催等。嚴行懲辦。其賣出米石。責令該領催加倍償還。○十三年議准。嗣後倉場將下月應放之倉口。廠名米數清冊。務於上月二十日以前送部覈劄。戶部即於二十七八等日。發檔到倉。該倉於初三日以前。闔廠開放。仍以定限一月完竣。倘有遲延。照例參處。○十四年

諭天庾正供。理應出陳貯新。不容任意支放。向來王公大臣官員等。於領米時。往往挑索好米。甚至有請託支領之事。實屬可鄙。其八旗兵丁等。有能給予花戶錢文者。尚得關支好米。否則以潮溼米石充數。致令兵丁等不堪粒食。稟請都統參奏。而倉場等則又以倉中應放此米。為詞紛紛爭論。殊屬不成事體。因思各倉貯米。原不能盡屬鮮新。王公大臣等所得米石較多。若概索新米。則陳米不能支放。日久必多紅朽。而兵丁等所支。全屬醜米。亦非甘苦與共之道。嗣後王公大臣及官兵等。應領米石。著倉場侍郎按照米數多寡。將陳米新米。均勻搭放。庶王公大臣等。無從過事挑索。而兵丁食米。不致偏枯。行之日久。倉貯米石。出陳貯新。自無腐變之虞。儻或王公大臣及兵丁

等因不能全得好米在倉壞爛即將挑剔之米概行扣除不准支領以息爭競設該倉米石均屬朽變強令支領准領米之人首告該查倉御史及該旗都統等奏參辦理○又奏准各倉所放俸甲米票該監督呈送查倉御史查閱當堂截去左角塗銷收竣後彙送倉場衙門存案○十七年

諭各倉支放甲米時如本係好米實無攙和微變情弊旗人故行挑斤米色者著該監督報明倉場侍郎據實參奏或倉米果係低潮該旗人毋庸在倉爭論即將米樣包呈該旗都統副都統據實參奏朕派員

赴倉查勘如米石實不堪食用定將監督懲治若米石並無不好旗人妄行呈瀆者亦必加以懲處○十九年奏准

圓明園三旗營房人員每季米石就近在豐益本裕二倉支領○二十一年覆准通倉遞年積存白米二十四萬餘石腐耗堪虞所有京倉領俸滿漢官員文職四五品武職三四品及四品以上世職本年秋季應放抗後米石暫移通倉以白米抵給○又覆准王公大員每年應領粟米三萬二千餘石以通州中西二倉支贖白米二

萬七千餘石中西二倉每年收白米八萬八千餘石除運交內務府九千餘石支

米仍以本色找足其餘粟米概行運儲京倉以備支放甲米圖粟之用○二十三年奏准內倉

遇有積存米石由戶部查明具奏改放八旗滿洲蒙古漢軍文武職任暨世職官員俸米並將

所存米色量為配搭○二十五年奏准各旗零

檔補領俸甲米石官員升遷兵丁拔補日期在

准其補領新缺之米又八旗世職補領該旗冊造

何人補領何季之米由部查明徑劄該季原劄

之倉開放其存倉俸米不止一季者徑劄該首

季所存之倉按應領之季照數開放各倉自接

奉部文之日起限五日傳旗關領均按三十日

放完漢員補領俸米限期同仍將傳旗放完各日期報部

查覈逾限不完將該監督議處如係領米官兵

無故違限米石停支○道光二年

諭倉儲為天庾重地欲杜虧挪立法必臻妥善大學士

等議請隨時派員抽查不為無見朕思剔姦釐弊之

法總須按照倉廩實貯清冊逐廠查驗見底俾新陳

不能牽混難於掩飾自不如以放代盤事歸簡易著

仍照戶部原議自本年七月為始務使盤放之三倉陳米顆粒不存。驗明再進新糧。以後挨次盤放。遞至三年即可全竣。果能實力奉行。不特目前挪移可杜。即後進新糧冊檔可稽。眾目共睹。如有虧缺。責有攸歸。如此立定章程。於倉儲實有裨益。○又奏准內倉應放各項米石。除各國貢使及年班蒙古應領口糧。毋庸定限外。其在京衙門及各該處應領俸米。口糧。按季支領者。予限六月。按月支領者。予限三月。如逾定限不領。將米豆存倉。歸入正項支用。○三年

論嗣後各倉收米時。令監督將各廩貯米。按廩包取米。樣鈐印送部。將來各旗赴倉領米。如果米色平常。即報明查倉御史。並將米樣專案送部。該部提取原送米樣覈較。如有不符。即行照例參辦。○又定外火器營烏槍馬甲錢糧。係入城外檔內關支。而應領米石。仍在城內。殊多未便。嗣後烏槍馬甲三百五十三名。並有米養育兵五十七名。一併入於外營錢糧檔內。由本裕豐益二倉。按季支領。○四年奏准各倉豆石充餘。其王公大員應領江次粟三色俸米。均以黑豆抵給。白米全支本色。

文武官員應領稜米。全以黑豆抵放。秬米抵放。二成黑豆。仍給八成本色。○五年奏准各倉開放滿漢俸米。責成各倉監督。於開斛五日之先。報部行文八旗及領俸各衙門。換票支領。並令各倉按五日一次報部。倘不遵辦。致逾限未能領竣。即將該監督參處。○又議准開放俸甲各米。由部按季割放。所有割倉事宜。開列清單。豫行咨明倉場。分別米數。均勻派儲。各倉現在收存之米。即當豫計明年割放之數。俾秬稜粟三色米石。按旗開放。有贏無絀。不得米色參差。並

令倉場於進米之先。所有氣筒席片松板楞木。嚴飭照數交倉。各倉監督認真鋪墊。如花戶人等有偷賣等弊。立即嚴懲究辦。查倉御史一體稽察。○又定稜粟抵通。按照祿米等十一倉。均勻分儲。並令各倉另留粟米一千二百石。以備上駟院園粟之用。按倉分割。其支領豆石。每年以兩倉並割。○又定開放八旗養育兵稜米。仿照甲米之例。三倉並割。兩黃旗共割一倉。兩紅旗並正藍旗共割一倉。兩白旗並鑲藍旗共割一倉。每年按定倉口次序輪轉。周而復始。不得攙

越稜米抵通時並令應放養育兵倉口各留稜米一萬五千石以備割放○九年

諭外倉領放甲米著倉場侍郎飭令外倉監督務須遵照定限米車每日於巳刻到門不得過午每逢放米之日先將本日定放米若干石片行稽查御史以便覈對每日進城與出倉之數並著各旗領米參佐領督飭領米領催親身到門投票毋許差人代遞○十二年奏准王公以下及八旗世職並滿漢文職三品以上武職二品以上應領江白次粟四色俸米文職四品以下六品以上應領杭稜二色俸米均於每員名下各覈減一成支領凡支江白次粟四色俸米者統於次白米項下扣除支杭稜二色俸米者統於稜米項下扣除其餘應領各色米石仍令照舊定數目開造並將覈減次白米及稜米若干在於俸檔內分析註明其武職三品以下支職七品以下官員及支領半俸之孀婦毋庸減放○二十五年奏准二十六年春季俸米王公以下三品以上大員應領通倉俸米內每石搭放稜米二成即於白米項下照數抵扣文職四品以下武職三品以下官

員應領京倉杭米內每石搭放稜米一成甲米自正月起每石五斗杭米內亦搭放一斗稜米均於杭米項下抵扣其內務府三旗包衣家口米石向係一色杭米亦照甲米章程每石搭放二成稜米俟來年新漕各色米石全數進倉仍復舊制○又定各倉每月收放米麥豆均於每月底將原存新收放過實在何項何色各細數分析註明造具印冊呈送倉場倉場彙總開單同原送印冊於下月初五日以前送部稽覈其並無收放之倉亦於單內聲明○二十九年奏

准河南省歲運白麥除內務府光祿寺等處支用外餘賸麥次年仍加謹存倉留備蠲緩年分應用至次年新運到通即將最先餘賸之麥與漕麥一律搭放○咸豐三年奏准內倉尚餘杭米三萬二千餘石黑豆五千餘石未便久儲向食本裕豐益二倉之

圓明園健銳火器等營兵丁甲米內每石四斗杭米即在內倉積存餘米內照數開放統放三箇月足敷支用俟三箇月後仍復舊章辦理至積存黑豆應於各旗營馬豆項下覈實放給以免

折耗。○同治元年覆准鑲黃旗兵丁應領十月季甲米每石內二斗秬米仍由北新倉以私米抵給。○六年覆准各衙門應領米石除向由坐派倉口關領者仍照舊辦理外其向無派定倉口者由戶部堂官臨時親自派劄毋庸由承辦司分按次擬派。○七年奏准各倉開放甲米以部文到倉為始該倉無論有無未放款項均令即時開放各清各款不得藉詞積壓儲米廢糜務令公同關掣不得指廢關領其各倉各旗放領米石統令依限報竣儻敢稽延即由戶部將該倉監督從重奏參花戶送部治罪旗員由本管都統查明參辦。○又奏准各倉存儲米數放至來年三月即有不敷應自八年正月起將兵丁甲米每石內本色二斗秬米改放一斗本色其餘一斗按秬米例價每石以一兩四錢實銀折給。○八年奏准覈計倉儲足數一年之用所有八旗甲米自本年正月起仍開放本色秬米二斗五營兵米亦即仿照辦理。○十二年定圓明園暨外火器營健銳營官兵關領俸甲米石向在本裕豐益二倉支領除

圓明園照舊辦理外分左右兩倉其外火器營坐落藍靛廠健銳營坐落香山均距本裕倉較遠夏秋多雨脚價倍增所有外火器營並健銳營官俸無分兩翼春季在本裕倉支領秋季在豐益倉就近支領至外火器營兵米無分兩翼夏秋兩季在豐益倉就近支領春冬兩季在本裕倉支領健銳營兵米無分兩翼夏秋二季按月在豐益倉就近支領春冬二季按月在本裕倉支領遇閏均准隨季關支。○光緒五年奏准太平儲濟二倉業經修復進米嗣後八旗甲米及漢員俸米一體輪劄。○八年議准自光緒九年春季起將滿漢俸米按祿米南新舊太海運太平北新富新興平儲濟等九倉依次輪劄並令倉場衙門於新漕到壩時均勻派進務使存米倉口皆敷劄放不得稍有偏枯

進倉收耗。○各省正兌漕糧抵通每石耗米二斗五升進倉時每正米一石收倉耗七升尖米四升二合又尖上加耗米二合九勺四抄又節省盤插耗米三升內除尖米四升二合作三年遞減外仍存三項米一斗二合九勺四抄均作

正開銷其餘一斗五合六抄米內五觔盤運折耗米二升。曠颺折耗米四升七合六抄。給運軍回船食米三升八合。改兌漕糧抵通每石耗米一斗七升。進倉時每正米一石收耗米四升。尖米四升二合。又尖上加耗米一合六勺八抄。以上三項米內除尖米四升二合作三年遞減外。仍存二項米四升一合六勺八抄。均作正開銷。其餘米八升六合三勺二抄內曠颺折耗米四升八合。給運軍回船食米三升八合。○順治十六年覆准京通各倉所收漕米不及一月者不准遞減一月之外每石每月於尖米內遞減折耗米一合一勺六抄。以三十六月為止。此外不准遞減。至內倉白秬米糯米如耗米四升九合九勺七抄八撮八圭者每石每月准遞減二合七勺七抄七撮七圭。如耗米二升九合九勺九抄八撮八圭者每石每月准減米八勺三抄二撮三圭。通州倉白秬米糯米每石每月准遞減二合八勺三撮三圭。糙秬米每石每月准遞減三合七勺七撮。餘均作正支發。各倉收儲黑豆照米例遞減。○雍正五年題准交收漕米停止

曠颺將原備折耗米四升七合六抄。令各監督於漕米進倉之時。抽掣一二袋驗看。如有潮溼計其折耗。將未驗看之米。照此計算。餘米歸入正項支銷。○乾隆十七年議准漕糧到通自停止曠颺將原備曠颺米四升七合零儘數交納。是此項米石既已作正交納。若又儘力曠颺。則原備之米已皆折耗。自不應額外重出。若累旗丁嗣後除攙和微變者。照例參處外。其餘抵壩米石。如果乾潔毋庸曠颺者。即照例起卸收受。將原備曠颺之米一併交納作正支銷。如米色潮溼過甚。倉場會同巡漕等官。驗看曠颺計其折耗。將原備之米補足。免其額外交納。仍有不敷。責令買補。如抵補有餘。仍歸正項交倉。○十八年議准潮溼米石。責令旗丁自行曠颺。按數買別幫食米賠補。如不足額。即照起欠例。將弁丁參處。所欠米石。下年搭解完交。○又議准潮溼米石。責旗丁自行曠颺。按數買補。此專指抵壩時言。並未將入倉驗耗之例。指明停止。嗣後抵壩曠颺進倉抽驗。應二例並行。毋致花戶人等暗中滋弊。○嘉慶五年議准山東河南二省

原備曠颺米石除劃付旗丁及曠颺折耗外尚有餘曠自應儘數作正。至麥石及江南等省杭稔米除劃出給丁外無可作正。應將劃曠米麥儘數准其折耗尚有不敷。令其在於三升八合餘曠米內撥出八合量為抵補。並令倉場實力稽查。飭各倉將抽驗折耗確數切實結報。如遇折耗過多至二升以外。准其將八合餘米通融撥抵。不得再逾此數。如或無須撥抵。仍將備抵之米歸入原款報銷。

平較斗斛。○順治初年定。凡搭運無耗平米到

壩起交。

如搭運節省脚米一項原係耗和是以謂之無耗平米。

石土兩壩

概以加二五紅斛折算正數。起運京通各倉。給

發脚價。倉中仍照平斛收受入廩。又起運德州

倉糧。改兌平粟米到通。

應運德州倉粟米改如運到通亦係無耗。

於石壩起斛。照例以加二五紅斛折算正數。起

運京倉。給發脚價。如於土壩起斛。照例以加一

七紅斛折算正數。起運通倉。給發脚價。倉中仍

照平斛米數。收受入廩。○五年題准。供用庫

額料舊存紅斛與通州鐵斛較擊。紅斛甚大。鐵

斛甚小。酌量將紅斛減改。永為斛式。○十二年

題准。製造鐵斛。頒發倉場。永遠遵行。○康熙四

十三年題准。頒發倉場總漕。及有漕各省。部存

祖斛一張。祖斗一箇。祖升一箇。○又題准。各衙

門發出倉糧。均應照部頒鐵斛。其坐糧廳收兌

漕糧進京倉者。每石加耗二斗五升。進通倉者

每石加耗一斗七升。向用加二五加一七紅斛

連正耗米同收。以省量算之煩。應仍照舊例。○

雍正八年題准。每省糧道添鑄鐵斛一張。○乾

隆三年奏准。每倉造具鐵斛一張。作為樣斛。各

旗委放米之員。以木斛較對樣斛。兌發以木橫

打平。嚴禁簸箕歪量之弊。○又奏准。修造斗斛

均令呈報倉場侍郎。較準記烙火印。倘有不呈

報較對烙印。即行私用者。題參究治。○五年奏

准。各倉木斛。三年一次建造。於解通板木內取

用。工匠鐵葉。每張給銀七錢。於通濟庫內支用。

○又定。各倉收放糧石。應用木斛。升斗。照部頒

格式。成造所需木料。向係隨漕板木內動用。每

斛一張。工匠鐵葉。共計價銀七錢。三年更換一

次。京通十五倉內。惟通州二倉及本裕一倉所

需工價。於輕齋銀內支用。造入通濟庫奏繳冊

內報銷其京城祿米等十一倉前項工價係監督等自行捐墊例不畫一。照例將十一倉成造木斛需用工價銀兩一體歸於通濟庫內支銷。○八年題准改鑄小口鐵斛頒發倉場並有漕各省照式鑄造遵用舊存鐵斛繳銷。○嘉慶六年議准各倉所用收放米斛每晚隨廠封儲次早驗封給發通倉由倉場侍郎查驗京倉由查倉御史查驗如與部頒鐵斛稍有贏縮飭令隨時修整。○道光九年

諭易州斛斗一套由倉場衙門如式製就較準烙印並

咨行工部製備斛斗一套一併送交戶部與部存祖斛三面較準分頒易州及承辦事務衙門以昭畫一其存貯舊斛均即送部折毀自此次製備之後各宜加意收貯不得損裂以致斛面增添該州不得仍以米石不敷為詞致虧倉貯。○十五年定戶部印庫附儲鐵斛一張鐵斗鐵升各一箇。嘉慶十二年由工部照倉場鐵斗鐵升鐵火印一柄由道光十五年由工部鑄造共四件凡遇工部新製各處應需木斛斗升派員赴部會較戶部亦派司員同當月官於印庫內取出鐵斛斗升三面較對如無參差將新製木斛斗升包

裹鐵葉眼同烙用火印給發領用該司員仍將鐵斛斗升火印一併封妥附儲印庫。○二十四

諭倉場衙門向來設立官斛不容顆粒短少此次祿米倉花戶膽敢擅設私斛減放甲米似此營私舞弊恐各倉均所不免著倉場侍郎會同查倉御史嚴密訪查如有花戶另造私斛即拏交刑部治罪並將該倉監督指名奏經此次飭查之後若再有前項弊端一經發覺惟該侍郎等及查倉御史是問毋得視為具文日久生懈

虧米分賠。○光緒十三年奏准查漕運全書載辦理倉虧章程勒限一年按照市價折銀賠補除以應領本折俸米及指借俸票存倉抵交清款並限內交清之員毋庸議處外其完不足數及顆粒未交各員初次展限暫免議處再予限一年責令完交至遞次展限賠繳五成以上免其議處未及一成之員先行交部議處顆粒未交各員交部嚴加議處仍遞展期限一年勒令埽數賠繳等語。歷經照辦上年祿米倉虧短米石未將成案奏明以致歷任監督皆議革職恐

追賠徒託空言。於倉儲終無裨益。嗣後倉糧虧欠。除扶同舞弊者。立即參革外。其廉謹之員。暫緩參革。准將應領廉俸銀米。扣抵賠款。如有不敷。勒令三年一律交齊。儻限滿交不足數。按照成數。議以降調。如顆粒未交。再行革職。庶為平允。

欽定大清會典事例卷一百八十七

戶部

倉庾

運米脚價
置辦運袋

北河淺淺

東河剝船

運米脚價。漕糧運京。運通水陸運費。過壩過牕。負運脚價。各有成例。按數支發。順治初年。定土石兩壩。起運京通各倉漕米。內除失風漂流米。扣出不給脚價外。凡實起過壩進倉糧米。均按石數給脚價。十年題准。石壩經紀。自壩由裏河五牕。剝運至大通橋。每糧一石。給脚價二分四釐。又覆准。普濟。平。下。平。上。慶。豐。等。四牕。負運漕米。過牕。每牕。每石。給脚價三釐。大通橋。負運漕米。落厓。堆儲號房。每石。亦給脚價三釐。又覆准。白糧。經紀。於石壩裏河。負運白糧。上船。每石。給脚價三釐。五毫。土壩裏河。脚價同。又覆准。白糧。經紀。由石壩裏河。五牕。剝運白糧。至大通橋。每石。給脚價一分八釐。又議准。普濟。平。下。平。上。慶。豐。四牕。負運白糧。過牕。每石。共給脚價八釐七毫三絲七忽六微。又覆准。大通橋。負運白糧。落厓。堆儲號房。每石。給脚價二釐一毫八絲四忽四微。康熙三十九年。覆

准漕白二糧抵石土兩壩向由外河船戶負米落屋堆儲號房漕糧每石各給腳價三釐白糧每石給腳價二釐五毫今外河船戶裁革歸併經紀每石給銀一釐由土壩裏河負米上船剝運至新舊兩城南門號房裝車陸運進通州倉每石各給車戶銀二分九釐。四十一年覆准大通橋車戶運米進祿米南新舊大海運北新富新興平等倉每石給腳價四分九毫。四十四年題准白糧經紀由土壩裏河剝運白糧至新舊兩城南門落屋車運進通州倉每石共給腳價一分。又覆准通州倉運送白米並紫老米至內務府倉戶部內倉每石給車價六分。雍正五年覆准漕糧於石壩起斛之後向用水脚由號房負運上船今石壩裏河水脚裁革歸併軍糧經紀每石給銀一釐。八年奏准五城領賣通倉米每石腳價七分。自倉用小車推出裝載大車脚價一分二釐米到麻杜大銀一釐貨用布袋銀四釐均按石給錢其大車價銀五分領米人役飯食銀三釐。又覆准五城領賣通倉米向例自通至京程途四十里計程覈給其運送四鄉八廠出糶照例按程覈給。九年奏准京城各局廠領

運京倉米每石給腳價錢三十五文本裕倉每石給錢七十文通州二廠領運通倉米每石給錢二十文解錢車價每串四文。十一年奏准五城領運通倉米每石定腳價七分其米錢解運部庫及一應席片紙張等費每糶米萬石銷銀三十兩。十二年覆准大通橋車戶運米進祿米南新舊大海運北新富新興平等倉每石給腳價三分四釐運進太平倉每石給腳價一分五釐運進萬安倉每石給腳價二分五釐九毫運進裕豐倉每石給腳價二分二釐運進儲濟倉每石給腳價二分六釐運進豐益倉每石給腳價一錢二分四釐。又覆准運進本裕倉由石壩裏河五牖剝運至大通橋轉交車戶起車陸運每石給經紀石壩外河負米落屋腳價一釐裏河負米上船腳價一釐五牖剝運至大通橋腳價二分四釐普濟平下平上慶豐四牖水脚負運過牖上船共銀一分二釐大通橋水牖負米落屋堆儲號房腳價三釐大通橋車戶陸運至倉每石給腳價九分四釐以上每石共給銀一錢三分五釐。又題准京通各倉收

糧舊例雇夫負米入廩包圍名曰雇長每石給銀八釐負米到圍名曰小甲每石給銀四釐鋪廠打捲抱籌棹斛京倉名花戶通倉名甲斗每石給銀七毫共給銀一分二釐七毫今每項減半實給銀六釐三毫五絲其本裕一倉每年進米無多仍照舊例發給○又題准大通橋車戶運送白糧進內倉每石給銀二分八釐○十三年覆准在京各倉運送廣惠局米每石給車價銀三分五釐○乾隆三年奏准山東河南二省運到黑豆自通至京入廩每石給負運腳價一分七釐車運銀五分八釐倉役腳價六釐三毫每石二石給席價銀一釐七毫○又奏准內倉每年改進漕米每石給腳價六釐三毫五絲石運至大通橋每石給腳扛銀四分一釐大通橋轉送內倉每石給銀三分四釐○又奏准京通各倉進廩米石倉役腳價及支放米石倉役箇兒錢文照數給發不得剋扣○又題准通州倉向有白糧飯銀及變賣麻袋銀二項給監督作為用度今監督改給養廉前項銀裁交通庫以充開放白糧並一應辦公之用○四年題准

大通橋車戶向例運米萬石扣銀千六百二十五兩以作買餘抵補掣欠如有餘騰併入節省歸公今將車戶扣除銀除買補掣欠之外餘騰給還免其歸公○七年議准京倉運送內務府米糧每石給腳價三分五釐○八年覆准漕糧抵通運進京倉於普濟等四舖及大通橋各設水腳頭役負運上船每石給銀二釐七毫○十三年題准各倉運送內務府麥石照運送米石之例每石給車腳銀三分五釐口袋銀五分在於輕齋項下動給○二十一年奏准北倉

轉運糧石例係先期豫備布袋斛隻等項由該役等支領腳價辦理俟糧船抵通於所領腳價內按卯勻扣上年江浙二省漕米除截留蠲免外統計抵通漕糧止有一百三十餘萬石其先漕豫備布袋等項業已支辦在前本年應領腳價暫行緩扣予限四年勻扣歸款○二十三年議准五城領米車腳每石原給錢三十五文今酌議增減東城每石減為三十二文南城每石減為三十三文中城每石減為三十四文北城每石增為三十七文西城每石增為三十九文

如赴本裕豐益二倉支領米石車價仍照舊例每石給錢七十文。通州支領通倉米石車腳每石給錢二十文。三十年定。

上駟院各園粟米向係倉役自行運送。嗣後照西中二倉運送內務府白米之例。每石給銀六分。○三十九年定。奉天餘豆運倉裏河業已冰凍。照乾隆三年豫東二省採買黑豆船隻凍阻。令經紀陸運之例。每石腳價銀三分九釐五毫。由大通橋車戶運倉。其牘河運腳於大通橋車戶腳價內。每石撥出四釐。津貼陸運。○五十年定。

奉天運到牛莊洪斛黑豆五千七百六十石。因裏河冰凍。飭令經紀陸運至朝陽門。交大通橋車戶接運進倉。仍照水運腳。每石價值給發經紀。每石領價銀二分四釐。裏外河扛價銀二釐。四牘並大通橋水腳。扛價銀一分三釐五毫。大通橋車戶運倉腳價。每石撥出津貼銀四釐。又白糧經紀運京白糧。亦因裏河冰凍。陸運過白糧。正米一千四十二石。除應領水運腳價。並裏外河扛價。照例給發。所有四牘並大通橋水腳。扛價。每石一分九毫二絲二忽。一併覈給。○嘉

慶四年奏。准大通橋車戶腳價定例。每石扣存銀四釐。作為辦公之費。嗣因各項支用繁多。量加裁減。每年足敷支用。若全漕之年。約可節省銀四千餘兩。歸入運腳正項。添給車戶。並令該監督按卯稽查。毋任再有浮費。○五年奏。准大通橋車戶與石土壩經紀車戶。自康熙雍正年間。節酌減腳價。初時尚可支持。迨後漸形疲乏。兼之排造船隻。修理號房。以及挑挖護城河等項費用。向未定有開銷款項。俱係借支通濟庫項。通融辦理。統於運米腳價內。分年扣還。頻年積壓。欠項日增。嗣後於豫米南新舊太海運。北新富新興平。太平萬安。裕豐儲濟等十一倉。應領茶果項下。放米制銀。每石二釐之數。停其支給。每年約銀四千兩。又大通橋車戶。有津貼各倉收米箇兒錢一項。亦停其給發。即於大通橋應領銀內。按數扣出。約銀二千餘兩。連前項制銀。共可得六千餘兩。一併留儲通庫。作為橋壩辦公之款。毋庸車戶經紀等借款坐扣。以免拖累。○又奏。准石壩經紀接運漕糧。從外河雇備船隻。起運到壩。扛至裏河。轉盤五牘。運赴

大通橋交卸向例旗丁交米一石給箇兒錢十二文。經紀得以藉資貼補。今陋規革除。經紀拮据。令旗丁於調劑項下。每石加給箇兒錢五文。以資辦公。○七年議准。中東南西四城赴本裕豐益。二倉領平糶米石。向無例價。查北城赴該二倉道路六七十里不等。每石車價例係制錢七十文。今中東南西四城赴該二倉領米里數。自八十餘里至一百餘里不等。道路較遠。應量為加增。中東二城最遠。每石酌增制錢十五文。南城次遠。每石酌增制錢十文。西城稍遠。每石酌增制錢五文。○八年定奉天存倉粟米起運到通。並無箇兒錢文。又無顛扛折耗。所有經紀腳價銀兩。照該省黑豆之例。每石按二分六釐支給。○九年

諭。此次露囤米石所用銀兩。著准於扣存橋壩辦公銀內動支。其陸運通倉米石。准照祿米等七倉腳價。每石銀三分四釐之例支給。○十四年定派儲通倉漕糧。因土壩車戶運送不能迅速。另派軍糧經紀。由石壩陸運中倉。每石支腳價銀三分四釐。土壩車戶運送西倉。腳價每石支給銀二分二釐。

○十五年奏准。通倉漕米運儲京倉。每米一萬石。花戶人等向有應支腳價銀六十三兩五錢。書役飯食銀十八兩。嗣後京倉通倉各給一半。以昭平允。○二十三年咨准。山東河南二省運送直省賬贖米石。照奉天豆石給腳價二分四釐。扛價銀二釐。○道光四年奏准。軍白糧經紀轉運漕糧。歷有長支腳價之案。皆由腳價與公費不分。一切各項支用。俱出腳價之內。在全漕年分扣出。各項支用。每米一石。覈得腳價銀一分五釐一毫。如漕糧減少。而一切公費仍照前數。每米一石。止得銀九釐一毫。嗣後無論抵通糧數多寡。每米一石。比照全漕年分扣贖腳價一分五釐一毫之數。實支實放。永為定例。以減漕與帶交。抵算統計。全漕三百二十九萬五千石。每石減去腳價五釐一毫。共節省銀一萬六千八百餘兩。足敷各項開銷。所有油艙席片船頭工食。仍在輕齋節省。腳價項下支給。至題定書役等飯食及各項公費。即照數在茶果項下開銷。○又奏准。五廂水腳扛價。每石酌減三毫。遵行已久。近年漕糧減少。腳價不敷辦公。暫復

每石三釐舊制俟一二年役力稍舒即行裁減
○七年定油艙席片船頭工食題定書役飯食
等銀仍於經紀腳價內發給

北河濬淺○康熙三十九年題准通州至天津
沿河州縣各分汛地每年額解挑淺銀兩向係
通惠河分司經收專司挑兌今通惠河分司裁
革各州縣所解挑淺一項節省解部嗣後將通
水道稅務歸併坐糧廳徵收所得贏餘即充挑
河兌淺及修築隄岸之用○雍正二年奏准天
津至通州一帶河路向係坐糧廳管理修濬每

多淤淺阻滯之患今添設通判一員駐紮張家
灣專司疏濬並設把總二員外委四員聽通判
調遣遇有淺阻報明通判在坐糧廳衙門領取
錢糧督率挑兌仍協同沿河兵弁催遣空重漕
船如通判有防範疏忽並剋扣失察等弊即行
參革治罪把總外委怠惰偷安報部斤革○三
年題准漕船運近北河之時坐糧廳豫飭各汛
官弁先期疏濬若漕船接續而來即於前船既
過後船方來之際立加疏導如坐糧廳所用人
役不聽各汛應用立即申報倉場究處儻各汛

官弁夥同人役虛冒錢糧及督率不加致稽漕
運者倉場題參○又題准坐糧廳滿漢二員經
管糧務不能親歷河干督率兌淺嗣後各汛之
淺即令各汛官弁督率人役挑兌其造辦器具
委用人役開銷錢糧仍令坐糧廳經管以專責
成○乾隆二年奏准楊村以上至通州河流灣
曲最易淤阻坐糧廳向設刮板四十副重運到
時設有淺阻立用刮板開通每副需夫二十五
名俱係臨時雇募今裁去十副設刮板三十副
每副設夫頭一名令其隨時雇夫挑兌淤淺按
時定價給發夫頭每名日給工食銀八分○十
三年議准各省漕船抵天津遇淺起剝向於漕
糧項下編徵銀一萬四千五百餘兩解交通濟
庫發給運軍詳見漕運嗣後於北河六汛增造堡船
六十召募奴夫百八十名長設淺夫三百名每
月各給工食銀一兩二錢令沿河汛弁上下游
巡督率奴夫淺夫隨時疏濬其造船及置備器
具並夫役工食皆於通濟庫收存紅剝銀內動
支如有餘贖仍照數派給運軍以為遇淺起剝
之用○二十二年議准北河水程三百六十二

里原設漕快船六十隻。每船給歲修銀二兩。不敷辦理。嗣後蔡村以上五里造船一隻者。改為十里。蔡村以下十里造船一隻者。改為十五里。共船三十二隻。足敷催趨疏濬之用。其節省銀兩。每船加歲修銀二兩。○二十三年議准北河六汛內除楊村一汛近海通潮。墊淺無多。設刮板三副。其餘五汛各設五副。每副設淺夫二十名。除將楊村所餘淺夫二十名撥入五汛。再添八十名。每名每月給工食銀一兩二錢。在紅剝項下支給。令通水道並漕運通判管轄。按名給予年貌籍貫執照。遇有更換隨時報部。如有冒充缺額。臨時雇應等弊。即將該管各官查參。○又議准北河六汛原有淺夫四百八十名。再添設八十名。所需工食照例於紅剝銀內動支。○四十一年議准六汛外添張灣中汛並蔡村一汛淺夫各一百名。○四十三年議准裁去張灣蔡村兩汛仍留淺夫一百名。刮板五副酌幫各省隨時應用。○五十三年議准楊村至通州北河一帶淤淺較多。額設六汛之外添設二汛。加淺夫二百名。刮板十副。令原設游巡千總二

員督同把總專司其事。並責成坐糧廳及通水道實力查察。儘仍舊淤淺著倉場侍郎等參處。○又奏准通州上下二汛中間一帶河面寬闊。空重糧船。每於此處阻滯。今於該二汛交界處所安設一汛。作為通州中汛。添設汛弁一員。刮板五副。淺夫一百名。又南北蔡村等處河道一段。每遇水落多露橫沙。今於蔡村地方安設一汛。添設汛弁一員。刮板五副。淺夫一百名。於附近河標內調撥把總一員。外委一員。分派各管各汛。以專責成。○嘉慶四年定通州溫榆河為石壩樓前起卸糧石空重鱗集之所。每歲於糧竣後九十月間。漕運通判親赴河干。按次查勘淤塞處所。即行估報。於年前興工。挑挖完竣。以備次年新漕到通。運行無阻。如不照例及早查辦。臨工規避。將該通判參奏。○十二年奏准張家灣為漕運首要之工。今將正河挑復。並於康家溝河口建築攔水草壩。加添裏戩。接築土埝。堵截沙河之流。共估銀一萬九千八百七十餘兩。在於部庫撥給。○十八年

諭南糧首幫行抵楊村。因河水消落。起未七成。方能前

進向來軍船即遇水淺之年亦不過起六存四今南糧首幫起七存三計大船存米無幾而河西務及張家灣一帶水勢尚慮淺阻不得不儘數起剝除已飭令由楊村起剝回空外所有北運河之淺阻各處著即飭令天津通永二道率領委員多募人夫隨處刮空務期水勢停蓄不再消耗俾幫船不致積壓停阻

○道光四年挑空通會河淤積一千五百二十丈○同治五年奏准倉場挑空溫榆河工程動用銀四十一百餘兩令該侍郎將承辦挑河道廳各員職名送部備河道復淤即由戶部照案將承辦各員嚴參罰賠

裏河剝船○石壩裏河軍糧經紀運米剝船百隻石壩二十四隻普濟船二十隻平下船十有五隻平上船二十二隻慶豐船十有九隻白糧經紀運米剝船二十五隻分撥五船各五隻土壩裏河車戶運漕白糧剝船二十隻均十年修造一次每船給銀七十八兩一錢三分○順治十三年題准成造剝船每船給價銀二百九十八兩三錢九分六釐在通濟庫給發○康熙八年題准每年各役豫請支給腳價自行修葺於

各役腳價內限六年勻扣還庫又土壩裏河白糧經紀自備剝船五隻不支造船銀○三十七年題准大通橋至朝陽門護城河剝船二十八隻朝陽門至東直門護城河剝船十有四隻定限十年一造每船給修造銀一百八十六兩六錢六分於車戶腳價銀內六年勻扣還庫○三十九年議准石土兩壩外河向設有白糧船戶三十五名共剝船七十隻內石壩四十隻土壩三十隻每船給船價銀百四十兩今負運落屋事務歸併白糧經紀土壩車戶經營經紀車戶外河各有吊載剝船一隻或租或買係自行備用毋庸支給腳價○四十七年題准朝陽門至東直門護城河剝船十有四隻撥給會清河剝運本裕倉漕米○雍正三年題准本裕倉漕糧改為陸運其朝陽門撥給會清河剝船一併裁革○四年題准萬安倉開設東門疏濬護城河將舊設剝船改小仍給予八船料價改造十四船剝運在各役腳價內分八年扣還○八年題准萬安倉運道鋪墊石路仍改車運將前項剝船移於朝陽門外濟運○乾隆五年奏准

漕糧到通由五船轉運進京例由經紀置造剝船往回剝運各有代役一名名曰船頭向係經紀自雇聚散自由不聽約束嗣後即令通州及大興縣各按所屬地方召募殷實良民承承五船共船頭一百二十五名每名每年於經紀腳價銀內扣給工食銀三十五兩。○七年奏准五船船頭偷盜米糧計所偷米數以監守自盜論為數無多罪止杖懲者如責完結其犯徒罪以上計贓照例治罪。○又題准大通橋至朝陽門護城河剝船二十八隻原定造船價銀每船一百八十六兩六錢內有贏餘嗣後每船給銀一百三十兩。○二十五年議准裏河剝船定為十年排造一次其船價銀兩分作十年勻扣務須採買堅厚木料僅有攬用舊料者即將該經紀等治罪仍著落賠造將監造之員照例議處大通橋剝船亦照此辦理。○嘉慶三年定裏河剝船二十隻十年排造一次每隻例給銀二百九十八兩三錢九分六釐。○又奏准軍糧經紀裏河五船運糧剝船一百隻十年排造一次每隻於例價之外增借銀一百六十兩於該役等應

領腳價內按十年勻扣還款。○五年奏准裏河排造剝船料價銀兩向於通濟庫內動支在經紀應領腳價內分作十年勻扣歸款嗣於調劑經紀車戶案內將祿米等十一倉放米制銀及大通橋車戶津貼各倉收米錢文每年共銀六千餘兩均停其支給為橋壩排造剝船修理號房及挑它護城河等項辦公之用今排造剝船五十隻仍在輕齋項下墊放於扣存辦公銀內歸款。○又奏准大通橋剝船向來每隻止給料價銀一百三十兩近年物料昂貴實不敷用酌增銀七十兩在於橋壩辦公項下支銷。○道光元年奏准大通橋車戶朝陽門外剝船二十八隻每隻應領排造例價銀二百兩因料價昂貴援照石壩經紀排造五船剝船成案每隻酌借銀一百二十兩於應領運米腳價內分作十年勻扣。○同治四年奏准城河朽壞剝船六隻向給例價銀二百兩加價銀一百二十兩現因工料昂貴每隻除例價加價外又借給銀九十兩仍由車戶應領腳價內分十年扣還。○五年諭倉場現在排造船四十隻每隻於例價加價外准其

增領銀三百二十一兩五錢即著戶部於該倉場年前借撥銀十萬兩內先行撥給銀五萬兩為排船並先漕各事之需此項銀兩向由該經紀等分作十年攤扣歸款實形竭蹶著准其分作十五年均攤以紓役加其排造城河船隻價值著仍照上年成案辦理不准加增借支銀兩仍由車戶分作十年與前款接併攤扣○六年定排造牯河剝船十六隻照上屆成案每隻銷例價銀二百九十八兩三錢九分六釐其加價銀一百六十兩加增銀三百二十一兩五錢在於通濟庫輕齋項下先行發給仍分十五年由經紀腳價內扣還歸款所造船隻按照例限保固十年○八年議准排造裏河剝船經費工價銀兩向由通濟庫給發加價由經紀車戶應領辦公款內分扣今排造剝船四十五隻經紀車戶辦公竭蹶萬難扣抵此項船費於江廣三省隨漕輕齋江浙二省減漕輕齋項下按年批解部庫另款存儲作為造船經費俟南省漕糧規復本色後仍由通濟庫籌款辦理以符舊制○十年奏准定例大通橋五牯額設剝船一百二十五隻每隻排造價銀二百九十八

兩二錢九分六釐加價銀一百六十兩大通橋城河額設剝船二十八隻每隻排造價銀二百兩加價銀一百二十兩十年滿料排造銀兩先於通濟庫動支由經紀車戶腳價內分作十年歸還同治四年以後因通庫存款支絀疊次奏請動款興修工料價值均有增加現在通庫入款漸增即應規復舊制嗣後排造剝船確遵定例排造所有從權辦理之案不得援以為例○十一年奏准排造剝船查照同治四五年成案每牯河船一隻發給例價銀二百九十八兩三錢九分六釐加價銀一百六十兩加增銀三百二十一兩五錢共銀七百七十九兩八錢九分六釐城河船一隻發給例價銀二百兩加價銀一百二十兩加增銀九十兩共銀四百十兩均令工堅料實保固十年限內損壞照例懲辦所有此項剝船除例價作正開銷外其加價及加增銀兩仍由經紀車戶名下分期扣還以後排造船隻不得以此為例○十二年奏准牯河剝船四十隻除賠修補運三十一隻未動官款毋庸議賠其排造船九隻原支作正開銷之例

價銀二千六百八十五兩五錢六分四釐。扣除六運銀一千六百一十一兩三錢三分八釐四毫外。應攤賠例價銀一千七十四兩二錢二分五釐六毫。又原支加價加增兩款銀四千三百三十三兩五錢。除經紀已扣銀一千七百三十兩四錢外。應攤賠加價加增銀二千六百兩一錢。共應賠銀三千六百七十四兩三錢二分五釐六毫。城河朽壞船十二隻。除賠修補運十一隻。未經動款。毋庸議賠。其排造船一隻。原支作正開銷之例。價銀二百兩。扣除六運銀一百二十兩。應攤賠例價銀八十兩。又原支加價加增兩款銀二百十兩。除車戶已扣銀一百二十六兩外。應攤賠加價加增銀八十四兩。共攤賠銀一百六十四兩。此項攤賠銀兩。仿照倉虧成案辦理。令原派商造船之倉場侍郎攤賠二成。其牘河八成。令石壩州判暨商人及經紀三股勻攤。城河八成。令大通橋監督暨商人及車戶三股勻攤。以上攤賠銀兩。均限一年赴部交清。逾期不交。官則參處。役則治罪。

置辦運袋。雍正二年奏准石壩需用米袋向

於糧船未到之先。照依時價發銀。令軍糧經紀自置袋十有五萬條。白糧經紀自置袋萬條。其支過袋價。仍於各役本年腳價內照數扣除。還庫嗣後每歲動茶果銀。增製官袋四萬條。四年奏准前增置米袋四萬條。用殘將袋變價。仍歸茶果項下。以為次年置袋之用。又覆准土壩車戶每年共置布袋四萬條。今改兌稜米全進京倉。土壩車戶腳價無多。在於石壩官置袋內通融借給一二萬條。運竣仍還石壩應用。乾隆元年奏准通濟庫收放餘贖銀。嗣後酌留二萬二千四百餘兩。置買次年新漕米袋。如有餘贖。悉行解部。三年奏准內倉改進漕糧。應需運米布袋。在於通漕借用。十三年奏准石土兩壩每年起運漕糧。經紀車戶等已置米袋十六七萬條。每日轉運周而復始。足以敷用。其每年增置米袋四萬條。停其置造。以省浮費。儻不敷運轉。照例自行製備。又定運送內務府麥石麻布口袋等項。每石五分。照例於輕齋銀內給發。二十五年議准石壩每年置備口袋一十八萬條。土壩一萬六千條。於新漕未到之

先豫發官銀借給置備於應得脚價銀內扣還。變賣舊袋每條約可得五分。殘袋十八萬條可得銀九千兩。添置次年新袋每年止須發銀一萬六千二百兩。其土壩口袋亦照此辦理。○二十七年定車戶經紀每年置口袋十九萬六千條。備用所需袋價向在各股脚價銀內扣還。歸款今到通漕糧較少。不須全用。按年存留未用之袋於次年湊足應用。○三十六年定口袋係坐糧廳專管。嗣後飭令該廳將存廠未用口袋數目造冊移送巡漕御史。撥稽數辦理。○五十一年議准通壩軍糧經紀車戶。每年起運漕糧額設米袋十八萬條。即於軍糧經紀應得運米脚扛價銀內。每石減去銀六釐。定例。給脚扛價銀二分。給脚扛價銀四分。白糧經紀脚扛價銀內。每石減去銀四釐。定例。給脚扛價銀二分。給脚扛價銀四分。車戶脚價內。每石減去銀八釐。定例。給脚扛價銀四分。給脚扛價銀八分。計每年可節減銀一萬八千六百四十兩。又殘袋每條變價銀五分。可得銀九千八百兩。共銀二萬八千四百四十兩。即為置袋之用。尚不敷銀一萬四千兩。於通濟庫輕齋項下照例報銷。○又定通州運京米石由通會河用船剝載。

經歷五牘則用脚夫盤運。牘間兩岸散米極多。總由米袋破損之故。通州額設米袋十八萬條。每歲換造支領錢糧時。恐書吏暗中剋扣。經紀等有意侵漁。將舊抵新。等弊。嗣後於每歲換造時。坐糧廳報明戶部。選派滿漢司官四員前往。將新製之袋逐一點驗。出具甘結。僅額數不敷。攙雜舊袋。即呈明將經管官吏分別參處。所派司員。或扶同徇隱。別經覺察。一併從重議處。仍於袋內印用某年製造字樣。戳記以杜弊混。○嘉慶五年議准置辦運袋。既有滿漢坐糧廳專司其事。復有倉場滿漢侍郎暨巡漕御史。眼同查驗。過數並重疊戳印號記。已足以昭慎重。所有戶部派員驗袋之例。即行停止。以節浮費。未經用過之袋。於冊內註明。令巡漕御史稽查。具結送部。○十三年奏准石壩運米口袋。連經雨水。揀買通州商民舊袋。給石土兩壩分用。仍用戳記。以防弊混。於輕齋銀內動支。糧竣照殘袋之例變價歸款。○十四年議准通壩經紀口袋例價不敷。將殘袋變價銀九千餘兩。一半繳存通庫。一半津貼經紀。以資辦公。仍俟該經

紀積欠扣清即行停給。○十五年奏准通埔北倉兩處分投造辦所需口袋不敷轉添買商袋一萬條以資接濟每條給價銀一錢二分八釐。○十八年奏准石壩袋廠經紀承管口袋如當趕運糧石之時隱匿新袋捏報發出除將經紀治罪外並將失察之石壩州判各處。○十九年議准近來布價昂貴該役等承辦口袋統計每年應賠銀數千兩不得不量為調劑除十八年殘袋變價一半銀照舊扣存外所有本年變價銀兩全數撥給以資辦公仍俟該經紀積欠

扣清即行停給。○同治三年奏准車戶運米回袋由倉場侍郎派委員二人協同大通橋監督專司稽查每日每倉回袋若干隨時登簿不准車戶擅自借用如實有口袋破損須倒換者會同監督驗明酌給即於簿內記明借數以便稽覈自明定章程後如係花戶短少即責成花戶賠補如係車戶借用短少即責成車戶賠補。

欽定大清會典事例卷一百八十八

戶部

倉庾 採買米石 糶賣倉儲 官役公費

採買米石 ○雍正六年

諭直隸地方新營水利開墾稻田產米甚多直隸百姓不慣食稻米發帑採買利益民間將所買稻米運交通倉以抵粟米支放。○十年奏准直隸州縣採買稻米運通凡在本地採買者該地方官盤驗豫將盤過實數速報倉場存案仍封儲米樣上鈐印信隨船呈驗儻有虧折短少不得在通買補照

漕糧例於次年搭運交倉。○乾隆三年奉

旨八旗牧養馬駝黑豆在所必需今戶部因倉貯豆少請每月減半支放朕念兵丁等若自行增買不免多費且在京收買恐市價益復高昂今年山東河南二省收成尚好應於山東採買五萬石河南採買三萬石共八萬石足敷支放之用著該部行文山東河南二省巡撫酌量地方情形動支正項錢糧分令各州縣採買嚴禁短價病民及胥役侵蝕等弊務須於河東之先委官運送抵通毋致有誤臘月以後支放之用其豆價並腳價等項仍造冊報部覈銷。○八年題

准古北喜峯等口。如果收成豐稔。米多價賤。奏明動藩庫銀。委官按時採買。以四萬七千餘石。運交前運等倉。供應。

陵寢支放。餘均運通收儲。其豫東三省應運。

陵指之四萬七千餘石。仍運通倉備用。○十年題。豫

省祥符等九縣。採買黑豆四萬石。運至通倉。連

運價雜費。每石合銀九錢一分二釐三毫。由通

運京脚費。計程四十里。每石加車價銀五分二

釐。統計價費在一兩以內。限十一月內辦起。務

於來春三月全數抵通。自通運京。兌交倉場。侍

郎代收轉運。需用布袋等項。就近借撥。○嘉慶

九年

諭。漕糧為天庾正供。積貯本宜寬裕。明春新漕。因災蠲

緩。共有一百餘萬石。其實在抵通者。計算止數。支放

至嘉慶十一年三月之間。而是年糧船到通。總須在

五六月間。此數月內。俸米甲米。必須百萬餘石。方足

以供支放。亟應早為籌備。以免臨時缺誤。本年四川

湖南收成。均屬豐稔。四川本係產米之鄉。著該督統

計所屬收成分數。共可採買米幾十萬。由水路運

至湖北。或交湖北軍船。澀帶。或由漢口。以裝載。徑

行運送通州。其湖南收兌本年漕糧外。著該撫酌量

仍可採買若干石。如能於本年漕船未經開行之先。

採辦齊備。即交令均勻搭運。至江蘇浙江江西安徽

湖北。雖有被水州縣。嗣據該撫等具奏。晚稻均各豐

收。著各該督撫悉心體察。各省除交兌新漕。此外每

省尚可收買米石若干。以備京倉之用。不可令地方

官減價抑派。致令米價騰貴。有妨民食。該督撫等各

按地方情形。酌定數目。即各先行由驛具奏。等因。欽

此遵

旨。議奏山東採買米二十一萬七千一百四十六石零

河南碾動倉穀米十萬石。江蘇採買米十二萬

石。安徽採買米七萬石。浙江採買米十二萬五

千石。江西採買米十萬石。湖北採買米六萬石。

湖南採買米二十萬石。四川碾動倉穀米三十

萬石。陸續運送到通。○又奏准各省每年額運

到通計米三百七十餘萬石。除支放俸甲等米

外尚贏餘米六十萬餘石。嗣後偶遇偏災。蠲緩

若在六十萬石以內。則抵通之米。仍可足敷支

放。毋庸籌辦採買。致滋糜費。○十年

諭。各省採辦米石。如係雇用民船裝運赴通者。於經由

各關有應納船料地方。加恩免其完納。○又定。湖北搭運採買米六萬石。又湖南採買米二十萬石。內糧船帶運米五萬石。州縣長運米十五萬石。每石貼給經紀箇兒錢二十七文。俱免其交納。動支通濟庫輕齎銀兩。官為給發。○又定。山東採買米石。各州縣運赴德州。俟幫船回空。由德州裝糧運赴京倉交卸。應支潤耗行月食米席片運隨各官養廉等項。照例開銷。惟三修一項。毋庸照正漕支給。○又奏。在四川碾運通倉米三十萬石。委員分作十運。以州縣一員為正運。佐雜二員為協運。妥為照料。楚省亦派道府大員分段料理。所需起剝等費。照例報銷。○又定。四川湖南採買運通米石。委員管押。其過淮渡黃。出入江南。山東直隸各境。俱照漕糧重運例。隨時具奏。儻有不遵約束。及脫空散漫之運員。船戶。暨催護不力之漕務備弁。地方文武各官。一體查叅。○又定。各省採買米船。到通全完。並無挂欠等事。倉場將押運協運總催督催各員。按照運道遠近。分別奏請議敘。如有應行叅處各員。亦據實開叅。○又定。山東採買運通米內。

有濟甯州收存淮商協濟大米四萬八千四百八十石。豫行運儲德州水次。俟糧船回空。交幫運通。委員盤量。徽折米三千八百八十一石。該州現無大米可買。准將小米買抵。同原盤大米一併運赴德州水次。交幫兌運。再回空軍船。復運米石。應給經紀箇兒錢文。照湖北採買米石之例。在通濟庫輕齎項下動支。官為給發。以紓丁力。○又定。湖南採買米石。糧船帶運米五萬石。並無外加耗餘米石。過淮抵通。照平米籤盤交收。○又定。山東採買米石。到通除席片一項。本無編徵銀兩。毋庸交倉外。其餘均照帶運漕糧之例。每正米一石。交倉茶果銀五釐一毫零。不給羨餘紅剝等銀。○又定。山東採買米石。原係平米。本未奏明給餘加耗。仍按平米收受。○十一年議准。湖南委員督運採買米內。沿途起剝折耗。及露囤氣頭囤底徵變米石。令押運之員。照數賠補。○又定。江蘇籌辦採買運通米石。運費銀兩。照搭運支贖行月舊例辦理。甯屬每運米一石。給贈銀五分。負重銀五分。席片銀八毫五絲。贈米五升。每石折銀一兩九錢。所給銀

兩在江安道庫漕項銀內動支。蘇屬每運米一石給贈銀一錢。負重銀五分。贈米五升。每石折銀一兩九錢。蘇、松、常、太四府州屬每運米一石給席片銀一釐二絲。鎮江府屬每運米一石給席片銀八毫五絲。所給銀兩在蘇、松、道庫漕項銀內按幫給領。○又定江西、江蘇、三省搭運採買並河南碾動倉穀雇船運通米石。照湖北搭運採買之例。薑夫銀兩毋庸支給。茶果席片等銀毋庸交納。並令有漕各省搭運採買米石。畫一辦理。以免參差。○又定浙江搭運採買米石。

照正漕之例。每石交納箇兒錢二十七文。○十三年定山東買補八年分截留漕糧。每米麥一石各給銀一兩二錢。每豆一石給銀八錢。事竣覈實造報。如有不敷。再行找領。所需價銀在徵存地丁銀內動支。○又定江西、湖南等幫漕米在淮揚等處卸儲平糶。湖南應分買米十萬石。因收成歉薄。分作兩年。每年買米五萬石。於長沙等六府州屬附近水次州縣酌量地方情形。按數勻買。每石先發銀一兩三錢。統俟辦竣後查明於何月收買。即照是月糧價覈算。少則補

給多則追還。如米石不敷採買。即以一米二穀覈計收買。官為碾運。毋許減價剋扣。致滋貽累。並勒限九月內買齊。十月全數運抵岳州水次。撥給糧船帶運赴通。其搭運事宜及一切需用均照成例辦理。○又定江西採買運通米十萬石。照乾隆五十五年。兩年採買搭運米石給軍運腳之例。每石給銀八分八毫四絲六忽二微七纖六抄。其幫丁溢領覈減運費銀兩。飭令扣繳歸款。○道光四年

諭閩省臺灣米多價賤。應如何招商給照。或糖船裝載。或另船販運。務期糖稅仍無偷漏。米運並無留難。並覈計該處時價。及運津水腳。每石應得價銀若干。分折議定章程。該撫一面據實奏聞。一面即督飭迅速購運。並知照直隸總督。飭天津海口一體遵照。以平市價而裕民食。欽此。遵

旨議奏。在臺召募商民運米十四萬石。用糖商各船七十四隻。陸續開放。其鹿耳門鹿子港兩處米價。每石二兩六七八錢不等。淡水一處米價。每石二兩四五錢不等。脚價每石俱六七錢不等。按船給予免稅印照。聽各自投行。○又奏准本年

直隸秋收一律豐稔。糧價已平。臺商等自備資本。遠涉重洋。若仍令其自行投行。按照市價難賣。必致賠累。自應酌量變通。官為收買。所有應給價值。即照福建巡撫所報米價運費。每石以庫平紋銀三兩六錢為率。除該商等零星銷售米石不計外。著發價先行收買米十萬石。計價銀三十六萬兩。於部庫撥銀二十萬兩。通濟庫撥銀三萬兩。長蘆運庫天津道庫並天津關稅各項下。通同撥用銀十三萬兩。所動部庫銀兩。即在福建積存俸餉建曠工程平餘等款銀內。湊足二十萬兩。解部歸款。並令直隸總督揀派明幹大員。前往天津督辦。所撥銀兩。交該員一手給發。運米原船帶回貨物。官給印照。所過關津一律免稅。至各該商急公應募運米至十四萬石之多。即分別生監民人。給予頂戴職銜。以示鼓勵。○六年奏准山東買補嘉慶二十四年截留漕糧。除初二兩限業經買補搭運。其米麥豆三萬三千四百二十七石零。本年屆買補之期。惟各屬未能一律豐收。所有應買三限截漕。緩至來年秋稔。再行派買搭運。○七年奏准嘉

慶二十四年山東濮范等州縣被水成災。截留漕糧賑恤。奏分三限於附近水次距運河二百里以內州縣。均勻採買搭運。所需價銀於地丁項下。先按米麥每石給銀一兩二錢。豆每石給銀八錢。支領買運。如有不敷。事竣再行找發歸款。其陸路運赴水次脚價。每石每里給銀一釐。於耗羨銀內動支。○二十六年諭。江省招商買米。由海道運至天津售賣。米船抵津。已有數隻。白米銷售甚形踴躍。杭米一項。議定官為收買。現已籌款辦理。所有此項米石。即著倉場侍郎派委坐糧廳監督一員。帶同經紀斛隻速赴天津。按船驗明米色。再由天津道按照市價公平收買。委員分運解通。以重儲備。○又奏准江省商販到津米船八隻。計米一萬一千四百石。議定官為收買。因河道凍阻未能運通。先行按照市價發給計高白米每石價銀二兩九錢。次白米每石二兩八錢。糙米每石二兩六錢。由派出大臣前赴天津督同地方官照數收買。俾免商船守候。○又奏准籌備京倉。招商承辦米石。運津付價。蘇省商人認買杭米十萬石。每石連耗沙船水脚等項共

合銀二兩二錢。應需米價於運津兌卸後由津照數發給。內五萬石。因資本不敷。在本省每石先借運本銀一兩。所借銀兩在海關洋稅項下借撥。動用米石運津。按數覈扣。○二十七年奏准善裕京倉。由蘇省招商採辦。杭米十萬石。每石按二兩四錢價值。由該商墊辦。採買運津後。再行給價。內八萬石。照按在津領價。其二萬石。據稱無須在北置貨。所有價銀四萬八千兩。即於到津兌卸後。給發收照。回南呈繳。在南省關庫洋稅項下。按照發給。作正開銷。○三十年定

江西採買米一萬三千石。鹽義倉穀碾米八千石。常平倉穀碾米五萬石。捐輸米五萬一千九百餘石。共米十二萬二千九百餘石。分給十三幫軍船。均勻搭運。捐輸米石脚耗。由各捐員自行捐給。所有鹽義倉穀碾米及採買米。每石給運脚銀三錢五分。耗米二斗。折銀二錢。動碾常平倉穀。除令州縣量給耗米外。每石給運脚銀三錢五分一釐。均由司庫動放。按船散給。造冊請銷。○咸豐元年定。安徽奏開米捐濟賑。除放給工賑外。餘米一萬七千三百五十六石。當即

糶濟民食。嗣因糧價平減。將所糶銀兩採買米二萬六百二十石。由各幫軍船灑帶運通交納。○四年奏准江蘇徵收漕糧減少。將應徵地丁按數解司。委員採買米五萬石。並同金山等縣漕米。由海運津。○七年議准奉天米價平減。動撥山海關稅銀四萬兩。在錦州一帶陸續買粟米四萬二千四百石。按照市價。每石八錢四分及九錢八分不等。覈計淨需米價銀三萬七千五百六十二兩。其餘銀兩除開銷陸運車脚鋪船席片押船官兵飯食等項應用外。餘贖照例呈交。其由海運津。由津運通。一切費用由直隸總督飭令天津道照奉天年例運通米豆之案。覈實開銷。○十一年議准江蘇採買米石。各商陸續認買米十一萬三千石。杭私並辦。計杭米每石銀三兩三錢五分。私米每石銀二兩九錢五分。其沙船經撥食耗等米。照海運漕糧辦理。費入米價內。由該商自行備帶給發。所需米價以二兩平銀覈給。先由本省每石發價銀一兩。其餘應找米價。驗收後由天津道照數發給。所有應找米價。即於部庫所存漕折項下。並直隸

藩運兩庫。籌款墊發。其不敷米價。照實運米數。飭令商船回滬。劃領。○又奏准。此次江蘇採買米石。實運抵通。九萬四千六百九十石。短運米石。並未領價。免其補運。○同治元年。咨准江蘇採買秬秠米石。運津。其黑色細碎米石。行令駁回。換米補運。原領米價銀兩。暫免覈扣。由天津道按船給予咨文。飭令回南。照數易換乾潔好米。運津交兌。○二年。奏准天津採買米石。動用漕折項下銀十萬兩。於長蘆運庫應解京餉銀內劃撥。由三口通商大臣。督飭天津道設局。

按照時價委員採買。計實運通杭米三萬石。每石庫平銀三兩一錢七分。至三兩三錢九分不等。共支米價庫平銀九萬七千六百五十四兩二錢七分五釐。其由津運通水脚。照案每百石准銷銀八兩一錢。○六年

諭前因畿輔亢旱。曾經截撥漕糧等項。以備賑濟。並諭直隸總督順天府府尹。妥議救荒之策。猶恐糧價增昂。民食缺乏。江蘇浙江等省。既屬豐稔。即著該省督撫。迅各籌款採買米糧數十萬石。由海船運赴天津。一切經費。准其作正開銷。並著盛京將軍奉天府府

尹。察看該處情形。能採買粟米若干石。即行奏明。由戶部籌款撥給。趕緊購運。仍均准其免稅。○又定浙江動撥釐金項下銀兩。採買米三萬石。由海運津。應需水脚。仿照起運正漕之例辦理。米石運津後。責成天津道兌收。毋庸坐糧廳攜帶經紀前往。其由津運通。剝價等項。照道光二十七年成案。每米百石。銷銀八兩一錢。此項銀兩。仍由該撫籌解赴津。交天津道收用。○七年。咨准江蘇採買洋米一萬三千七百五十四石。計每石價銀二兩二錢七分。所有抵津米石。兌交三口大臣查收。用過洋銀。在輪船變價項內開銷。○九年。奏准閩省採辦京米十萬石。全數運津。交收。按時價據實報銷。計臺灣採辦秬秠米六萬石。連耗每石一兩九錢六分。上海採辦秬秠米四萬石。連耗每石二兩零七分。雇用火輪夾板船裝運赴津。由臺灣雇用火輪船。每石給水脚銀八錢七分。夾板船。每石給水脚銀八錢二分。由上海雇用火輪船。每石給水脚銀八錢。夾板船。每石給水脚銀七錢五分。由津運通。剝價經費。照案每百石。給銀八兩一錢。所有需用米價船

費及運米雜支各款銀兩由閩海關四成洋稅及福建稅釐項下撥用作正開銷○十一年奏准閩省購米四萬石運津濟賑按照市價採購計臺灣採辦秈米一萬石連耗每石一兩九錢六分上海採辦秈米三萬石連耗每石二兩一錢雇用輪船分批運津所需米價船費及運米雜支等項統共用銀十一萬八千五百一兩內撥閩海關四成洋稅銀五萬兩不敷之銀在稅釐項下支用作正開銷

糧遇有附近地方米價騰貴挨陳發往平糶仍照所糶價值依限交部○雍正八年覆准五城設廠發糶成色米委部院衙門官各一人協同地方監糶止許零星糶賣以防囤積仍將所收銀錢按月造冊送部察覈○九年題准各倉發糶十成老米每石作價一兩後米八錢粟米六錢成色米每石照十分米色按成遞減五分其盤糧虧折由京倉領糶每石准銷耗米一升由通倉領糶每石准銷耗米二升○十一年奏准各倉變色米按成估報酌減糶費○十二年奏

准每放完一廠米石令該監督查明氣頭廠底米數估定成色並將該廠收存年分逐一聲明仍委員查驗確實與應有氣頭廠底之數相符即行咨部發糶○乾隆二年奉

旨撥米五城各廠平糶○又奏准於近京東南西北四鄉增設八廠撥米平糶以濟民食各部院揀選司官八員內務府揀選司官八員

乾清門侍衛八員每廠計官三員每日二員在廠監糶一員輪流察訪如有囤積等弊即行擊究每廠書吏二名斗級八名夫役四名令地方官

撥給工食每官一員跟役三名共給銀五錢夫役每名日給銀六分書吏每名日給銀八分以為日用之費各倉運米到廠令倉場撥車並順天府雇車運送發糶米每石准折耗二升糶價銀錢兼收十日一次解部○三年奏准五城十廠平糶原係城外四廠城內六廠嗣因發糶米石加多鄉民入城不無守候將城內原設六廠移於城外開廂設立每城派御史一員監糶○六年奏准各倉發糶氣頭廠底米向係各監督直撥五城領糶並不移會御史嗣後令各倉監

督將米數移會五城御史酌委司坊官領糶○又奏准五城十廠並通州糶賣各倉氣頭廠底米定例每月之一日六日投批逢月之五日十日交錢嗣後每廠頒發循環簿二本令其逐日登填糶賣米數錢數並實存米數按月交部換給仍以一六投批五十交錢多寡儘數交納倉場侍郎於發糶文到之日就各廠近地將倉米按十一分均分令各廠領糶如一倉米多即分兩廠米少一廠併領二倉本裕豐益二倉米石酌令北城領糶通州米除通廠支領外勻給東南二城○七年題准五城糶米錢年終報銷務以十二月三十日為止截定數目造報○九年奏准京通各倉每季支領俸米兵餉均有氣頭廠底向例隨報隨發各城按成減價發糶嗣後每年分作兩次京倉夏秋二季並通倉春季留於十月以後發糶京倉冬春二季通倉秋季留在三四月間發糶○又奏准京師糧價增長四鄉設廠平糶照乾隆二年之例遣侍衛等官前往查辦○十三年奉

旨照乾隆八年之例將京倉米石給發各旗並五城米

局減價出糶以平市價○又奏准通州米價亦未平減照京城減價平糶糶價照部定數目易銀解部○又議准河南漕糧改徵小麥一萬石除內務府應用之外所餘不便陳積嗣後新麥運到即將餘贖舊麥交各城照市價糶賣○十五年議准埽收土米不能煮賑與各城額領成色米一例發糶○十六年奏准現在米價稍昂將春季俸米通倉放贖氣頭廠底米石移前數月於四月內即行糶賣以濟貧民○十七年議准各倉餘存黑豆在京滿漢官員可以認買按品定以數目其豆價即在各員俸銀隨甲錢糧內坐扣一二品職任官每員每月買豆十石一二品閒散官每月五石三品每月四石四品每月三石五六品每月二石○十八年議准親王認買黑豆定以每月三十石郡王每月二十石貝勒貝子每月十五石宗室公每月十石○二十三年議准五城領糶成色米令監糶部員同御史親赴稽查領米時司坊官親身赴倉如有公務慎選妥幹書役赴領並呈報巡倉御史查明應領米數按色驗放司坊官仍將米樣封送巡城

御史監糶官於開糶時比對。○又奏准各城糶賣土米報銷文冊。責成該城御史。覈明加結。分送戶部都察院查覈。如遇領米開糶日期。監糶各員協同該城御史赴廠稽查。○二十四年奉

旨。將河南山東二省運京麥石。分發五城米廠平糶。除雜糧行戶不准領買。令五城麵舖赴廠領票買麥磨麵。賣給民食。以五石為率。○又議准平糶錢文支給挑挖河道工程處八萬四千餘串。糶賣錢文發給舖戶領買。每制錢八百八十文。易庫平紋銀

一兩。解交部庫。○二十七年奉

旨。將豫東二省運京麥石。交五城糶賣。○又定平糶錢文。一面招商易換。一面於土道工程處照例交步軍統領衙門。每該工給錢一千文。易銀一兩。二錢。仍照南市錢平解交部庫。○又定通倉成色米石。在州城及適中之鄒縣城內。分廠糶賣。○又定豫東二省採買運京平糶麥石。業已停止。所有糶贖麥石。照運送內務府餘贖麥石之例。在其撥倉發城。按照時價變賣。○四十一年議准內倉所存芝麻。已屆三年。按時價遞年酌

減。交象草商人承變。限四箇月交銀。如不能完。即於應領象草銀內。如數坐扣。○四十三年奉

旨。將御膳房等處額用麥麵。裁減一半。發交五城平糶。○四十四年定。各倉於車道等處。埽收米豆。並不在歲報贏餘土米之內。其七成以上者。篩颺潔淨。實數歸倉。照贏餘事例。作正關支。六成以下者。發城照土米之例領賣。○四十五年定。陝西採買運京麥五萬石。留儲通倉。照四十三年發給在京舖戶領買之例。令五城司坊官查明。殷實舖戶。報明戶部認買。先交麥價。由戶部發

給執照。聽其自赴通倉支領。來京發賣。照現在市價。每石一兩八錢之數。減去一錢。以一兩七錢發糶。○四十九年奉天採買麥石運京。奉

旨。交五城設廠平糶。○五十年定。奉省二次採買麥三萬石。運到京師糶賣。以平市價。仿照王公官員承買黑豆之例。准令官員承買。定為武職一二品。閒散三品以下等官。文職七品以下等官。承買。每石比時價減銀二錢五分五釐。以二兩三錢賣給。令各衙門出具印領。赴倉承買。所賣價銀。在各該員俸廉等項銀內。依限照數坐扣完

項○五十二年撥京倉米五萬石交五城殷實鋪商糶賣○又

諭前因京師米糧市價昂貴特降旨於京倉內撥米五萬石分給五城地方發交殷實鋪商減價平糶並派監糶大臣率同五城御史專辦其事並令會同步軍統領順天府各衙門嚴密查察以平市價自平糶以來雖覺糧價漸減但恐糶竣之後又復漸次加長非朕軫念民依隨時調劑之意著再撥發京倉米五萬石交與五城地方減價平糶○五十三年議准平糶麥四萬四千石磨麵發糶小民易於買食若每

城止設一二鋪恐居址較遠者糶買未便今將倉存麥石責成五城正副指揮赴倉支領於所屬地方內查明遠近各適中之地有磨麵殷實鋪戶十家按鋪散給承領仍令該指揮等造具各該鋪戶花名清冊及坐落地方呈送各衙門以備稽查○又定平糶麥石定日開糶起令五城正副指揮豫期赴倉支領按每員應領麥四千四百石限五日起赴倉支領一次每次各領麥二百石其應需腳價照五城赴倉支領平糶米石之例於麵價錢文內按數扣除○又定平糶

麥麵每人承買自半斤至十斤為止不得過十斤以外令各該指揮各就所屬鋪戶嚴密稽查儻有多買及私行囤收情弊即行查拏究治○又定承買麥石各鋪戶務照官價出售毋得多收錢文短少斤兩如有將次白頂替頭白黑麵攙雜白麵等弊一經查出即於該鋪門首加號示衆○又定平糶麵麵必須斤兩平準令五城鋪戶各製十六兩秤一杆註明姓名交該指揮持赴戶部較準烙印發給應用如仍用鋪中私秤售賣者查出治罪○五十五年定撥出糶米三萬石令五城設廠即將粗米糶賣每人每日准買三五升至八九升總不得過一斗之數○嘉慶六年議准豐益倉既改歸倉場經營其發糶成色米石暨倉役腳價悉照本裕倉之例辦理○七年

諭現值青黃不接之時京城米價不無昂貴閭閻口食維艱自宜量為調劑著加恩減價平糶其應如何分廠並撥用何項米石及派員經理之處著該部妥議具奏欽此遵

旨議准各倉溢額糶粟二項約計二萬六千餘石尚可

減價平糶按照市價每石酌減錢四百文每石
米一石糶錢一千六百文每粟米一石糶錢一
千四百文至篩颺土秬米較市集秬米相去甚
遠每石糶錢六百文土秬米每石糶錢一千文
土粟米每石糶錢六百文○十一年議准撥給
五城秬米四萬石麥六萬餘石分設十廠減價
平糶米每人每日准買一二升至二斗止麥一
二升至二斗止如市價遞平官價亦奏明酌減
並請

欽派監糶大臣滿漢各五員各司一廠以專責成各
城御史每日在廠嚴查步軍統領選派員弁督
役訪查如有姦商影射偷糶及胥役藉端需索
從重究治糶費錢文解部搭放兵餉工程之用
○十六年議准於存倉秬米內撥出四萬石後
米內撥出四萬石分給五城十廠按現報糧價
減價平糶○十七年

諭嗣後各倉出放土米時著該查倉御史親往眼同驗
放實力稽查如有攙和掩覆等弊立即據實參辦毋
得視為具文○十八年議准於本年新收倉麥內撥
出四萬石分給五城十廠糶賣○二十三年撥

京倉麥一萬石交順天府領運於城外四鄉按
村莊遠近分設廠座減價平糶○又

諭順天府屬自四月下旬以來雖已陸續得雨究未十
分深透朕已優加恩恤蠲緩兼施並給發米麥交順
天府設廠平糶因思近畿各州縣窮黎居住稍遠者
恐覓食較難著加恩再賞給粟米六千石在於燕郊
夏店三河一帶地方分廠減價平糶以三千石在於
南石槽懷柔一帶地方分廠減價平糶○又議准五
城司坊各官承買米麥豆石在部交錢後本官
親身赴部領取實收附卷存案不得私自收存

並令該員於離任時將所領實收與現存米麥
豆石數目列入交代文冊暨有無已解未交之
項分析具文詳城轉呈都察院咨部查覈如有
不符即行參辦○二十四年

諭著再撥麥五千石粟米五千石交順天府領運接續
平糶統俟甘霖大沛之日停止○又奏准現在京城
內外已得透雨前項米麥減半各給二千五百
石平糶○道光元年奏准各倉氣頭廠底米石
例限於五日內派員勘估該委員於五日內估
定成色結報倉場仍於十日內知照都察院劄

知五城司坊於一月內領竣。僕司坊官遲延。由查倉御史參奏。如倉監督勒捐不行。開放。由巡城御史參奏。再各城領糶成色米豆。變價銀錢。隨時解部。不得遲逾。至平糶米麥錢文一項。出糶完竣。限兩箇月照數解完。並將報銷清冊。送部覈題。逾限參辦。○二年奏准。各倉贏餘土米。及車道等處。掃收米石。在七成以上者。篩颺潔淨。實數歸倉。作正關支。六成以下者。發城糶賣。價值照雍正八年以十成數計。糶米每石一兩。稜米八錢。粟米六錢。按成作價。每石減銀五分。每成照例價減錢二十文。○三年奏准。於海運倉酌撥秬米三萬石。稜米二萬石。分給五城出糶。每人每日糶買米石。仍不得逾數。多買糶賣錢文。陸續解部。車腳等項。仍照舊章辦理。○又議准。各倉米石。分別存儲。年分揭除氣頭。廢底。仍照舊章發坊糶賣。除不及二年者。不准揭除。外。其儲廢二年以外者。揭除氣頭。毋過一百石。廢底。毋過二十石。儲廢三年以外者。揭除氣頭。毋過一百五十石。廢底。毋過三十石。至四年以外。雖歷年多者。不得過定例二百五十石之數。

責成查倉御史。於國庫開放時。據實查驗。率同該監督。眼同領米旗員。照例揭除氣頭。移儲空廠。每放竣一廠。將廢底。一併另廠移儲。即時標封。俟出糶時。查驗開封。以防偷換。○又定。五城領糶土米。令司坊官親身赴倉承領。如不及親往。准選妥役赴領。並呈報查倉御史。查照驗放。凡土米出倉時。責成查倉御史。督同監督。確實驗明成色。給發如花戶人等。有需索使費。攙和米色等弊。立即嚴行究辦。各城領到土米之後。將樣米封送巡城御史。暨監糶司員。於開糶時。比驗。並責成巡城御史。監糶司員。親赴米廠一體覈查。○四年議准。於北新倉撥給秬米三萬石。稜米二萬石。分給五城出糶。○又撥平糶米四萬石。每人以一斗為限。○咸豐十一年定。嗣後五城領糶各倉土米。統以實銀糶賣。毋庸折交錢文。仍照舊例。按十成數計。糶米每石七錢五分。稜米五錢五分。粟米三錢五分。所糶銀兩。解部充餉。統限年清年款。逾限不交。除嚴追外。以侵挪公項。論查取職名。分別議處。○官役公費。○倉場滿漢侍郎。每年各給銀二千

四百兩舊例千四百兩雍正六年加給千兩坐糧廳滿漢二人每年各給銀二千二百兩舊例千二百兩雍正六年加給千兩又通濟庫餘不分給銀均於茶果銀內動支大通橋滿漢監督每年各給銀五百兩倉場衙門筆帖式四人每年共給銀千八百兩○雍正元年議准坐糧廳茶果銀漕白二糧每船納銀十兩小米每船納銀七兩除各幫頭及有事故船不納外按到通船實數交納多寡無定如全漕抵通約收銀六萬餘兩以為各官公費吏役飯食苦蓋黃船疏濬塢河修理插壩及催漕快船收買各幫交贖餘米豆價等項之用○四年奏准各倉茶果銀每米一廩納銀六十兩七分作放米修廩之用三分給吏役以備造冊刷卷等費仍令坐糧廳徵收其不足一廩者按米遞減封儲通濟庫俟驗明各倉放米數目開報倉場照數批給○七年奏准白糧進倉向例每船各項需銀三十五六兩嗣後將各船陋規銀裁減十分之六存四分為雇募倉役之用其漕船抵通每起米一石運軍貼經紀車戶制錢二十二文每大米一石經紀貼大通橋各役制錢一文小米二石

亦貼制錢一文至漕糧運進京倉每大米一石小米二石大通橋車戶貼倉役亦如之其倉場並坐糧廳衙門各書役舊有飯銀酌量存留餘悉裁革○八年奏准將應存應革各款均勒石昭示以杜額外需索之弊○又奏准白糧運進內倉每船津貼大通橋車戶等銀七錢水腳銀六錢書吏銀一兩令車戶代為轉運○十三年定通濟庫大使一人每年給銀二百兩庫吏一名給工食銀百二十兩庫役四名共給工食銀六十兩均於茶果銀內動支○又奏准各倉腳價每領銀百兩向給倉場書吏紙筆飯食銀八兩應行裁革另於茶果銀內按各倉應領腳價數目酌量撥給五成之數每廩給銀五兩四成之數每廩給銀四兩以次遞減○乾隆三年奏准京通十五倉滿漢監督每年各給銀三百兩於坐糧廳茶果項下動支通倉監督每年既給銀三百兩所有應得變價麻袋白糧飯銀不得收受○又奏准內倉向收白糧茶果銀一千六百餘兩以為監督筆帖式吏役飯食一應雜費之用今白糧議減改進漕糧所收茶果等銀僅

六百餘兩不敷支給。每年撥給運米口袋萬條。聽該倉變價應用。○四年奏准。插夫工食。每年例給銀十二兩。因通流插夫十九名。內香河縣應解一名。工食額編止銀五兩。每年短銀七兩。於坐糧廳茶果項下照數補給。○又題准。運易州糧船。經由之苑家口永濟橋看橋人役二名。每名每年給工食銀六兩。在坐糧廳茶果項下動給。○五年奏准。各省糧船到通。應交茶果銀。向係運軍自行交納。往往交不足數。除山東河南三省糧船不過淮。仍照舊交納外。其各省皆令糧道於各軍應領耗贈項內。每船扣茶果銀十兩。封交押運廳官。到通覈算。批解坐糧廳衙門交納。如遇中途截留。仍行散給運軍。以為起米回空之費。○十三年奏准。向因內倉應得腳價茶果等銀。不敷辦公。將每年殘袋。准給萬條。令其變價。以資公用。今官袋既停製造。應於坐糧廳茶果銀內。照殘袋變銀八百兩之數。給發。以為辦公之用。○又奏准。倉場及坐糧廳衙門書役人等。得受各項陋規。查明分別應留。應革細數。勒石永遠遵守。如有另立名色婪索者。

許受害人等首告。照例治罪。計經紀腳價飯銀二百一十兩。內減去銀十兩。白糧經紀腳價飯銀二百六兩。四錢。內減去銀二十兩。四插水脚。扛價飯銀二百六十兩。內減去銀四十兩。土壩車戶脚價飯銀三十六兩。四錢。內減去銀六兩。四錢。布袋每萬條。飯銀五十兩。內減去銀十兩。經紀載錢飯銀三百兩。內減去銀二十兩。經紀頭役給飯銀四十兩。各倉脚價飯銀每倉四兩。車戶脚價。每倉飯銀四兩。各倉書攢。每年給裝釘循環簿銀。每倉二兩。四錢。各倉書攢。給磨對奏繳飯銀。每倉六兩。四錢。各倉給釘奏繳黃冊銀三兩。二錢。各倉給年規飯銀。每倉六兩。四錢。坐糧廳節規。每年給銀八兩。出巡回巡。給銀八兩。大通橋。每年給銀八兩。新放監督到任後。給銀一百六十兩。內減去銀三十兩。各倉進米報單。每倉給銀二兩。四錢。經紀。每年給掣欠飯銀六十兩。○又定。每收米一廩。給倉場衙門書吏飯銀五兩。各倉書攢飯銀十八兩。未滿廩座。按米計算。每米一石。給倉場書吏銀五毫。書攢銀一釐八毫。○二十六年議准。四插項下插夫工

食銀兩充抵河兵月餉其不敷銀兩即以茶果
項下插夫工食銀兩補給其插夫應領工食銀
兩改歸各州縣所解銀兩項下支給○二十八
年定恩豐倉監督養廉照豐益倉之例歲支銀
三百五十兩○三十四年定茶果銀兩係按船
徵收每大米船一隻徵銀八兩小米船一隻徵
銀四兩六錢全漕之年計收銀四萬七千餘兩
以為司漕各官養廉

清漪園

今改名為頤和園

水手並插夫工食河兵月餉暨

撥運薊米脚價公費等項之用歷年動支三萬

餘兩其餘銀儘數收買各幫餘米今江蘇湖廣
等省輪免漕糧止收銀二萬八千餘兩應放各
項銀兩不敷支給於輕齋銀內暫行墊放俟明
歲漕船抵通將新收茶果銀兩歸還○嘉慶十
三年奏准河汎兵內添設管押船隻額外委
十二員差委巡緝照漕運八汎外委之例每名
每日給催漕飯食銀一錢水手銀一錢於茶果
項下動支○十四年

欽

派滿漢御史在朝陽門外稽察俸甲米石進城所撥
書吏捕役應需公費照抽查漕糧之例移咨倉

場等衙門報銷

諭民生本計。足食為先。歲之豐歉無常。惟在平時豫為籌備。遇有偏災。方足以資接濟。向來各直省州縣設立常平倉。以外復設義倉。原以廣積儲而備災荒。立法本為至善。自軍興以來。地方被賊擾害。舊有義倉。每多廢棄。亟應及早興復。以備不虞。著各直省督撫。即飭所屬地方官。申明舊制。酌議章程。勸令紳民量力捐穀。於各鄉村廣設義倉。並擇公正紳耆。妥為經理。不准吏胥干預。該督撫等務當實力奉行。不得視為具文。

常平穀本。○順治十二年題准。各州縣自理贖

錢。春夏積銀。秋冬積穀。悉入常平倉備賑。置簿登報。布政使司彙報督撫。歲終造報戶部。其紳富民樂輸者。地方官多方鼓勵。毋勒以定數。○康熙十八年題准。地方官整理常平倉。每歲秋收。勸諭鄉紳士民捐輸米穀。○三十一年議准。山東每畝捐穀四合。除原有可儲倉廩外。其無倉廩之州縣。交地方官酌量建造。○三十二年覆准。浙江產麥無多。所收不敷民食。鄉紳士民捐輸。夏秋併作一次。每畝捐穀四合。○三十四年議准。令直省督撫飭各州縣衛官。勸諭鄉

紳士民。每歲收穫時。量力捐輸積儲。遇穀貴之時。將米來貸於乏穀之人。俟收穫。照原領米麥之數交還。如不肖有司。有抑勒多收情弊。照私派錢糧例處分。○三十六年覆准。湖廣三十五年分。各官捐輸之穀。儲各屬常平倉。以備賑濟。○四十三年題准。陝西人口眾多之州縣。增儲米三千石。其次州縣三千石。又次州縣千石。交與地方官採買存儲。動西安司庫兵餉銀十四萬兩。以十萬兩照時價買米增儲。以四萬兩於各州縣蓋造倉廩。其甘肅地方。既無倉廩。即於常平倉糧內。十分之中。動用一分蓋造。將用過糧米缺數。照原定數目補還。再陝西甘肅二處。照依應徵地丁銀一錢米一斗輸納者。令其捐輸糧三合。以為備災之用。如遇歉年。停其捐輸。○又議准。福建現在捐輸穀二十七萬餘石。常平倉穀約五十六萬餘石。其內地積穀。仍按原存州縣之額數存留。常平穀照時價儘數發糶。至臺灣一府三縣。遠在海外。現在捐輸穀八千六百餘石。常平倉穀十一萬石有奇。除每縣應存之數。加謹收儲。以備每歲出陳易新之用外。

其餘穀石盡行發糶儲銀。遇荒年賑濟。○四十九年奏准湖南鎮算地方。自改協為鎮之後。兵民聚處。生齒日繁。酌借帑銀三千兩。買穀儲倉。穀貴平價發糶。穀賤買補還倉。○五十四年題准浙江平糶漕米十萬石。存儲仁和錢塘等九縣倉廩。開徵新糧之日。難以並存。現於省城廣豐倉之舊址。建廩二百四十間收儲。○又覆准湖北撫司道府州縣等官。共捐輸穀三萬五千七百石。分撥大中小州縣衛所收存備用。○五十九年覆准河南截留漕米內撥十萬石運至

西安存儲。○雍正元年覆准動浙江庫帑買米三萬石。運廈門收存萬石。漳泉二府各存六千石。餘八千石。運赴福建省城。設遇米價稍貴。一面奏請。一面平糶。○又覆准豫省河北三府。麥苗稀少。秋禾未種。小民艱於粒食。將康熙六十年一年漕糧六萬二千五百九十石。截留衛輝府存儲。將陝州收捐米內酌撥二萬石。運送懷慶府存儲。以備需用。○四年議准江南地廣人稠。需用米穀。倍於他省。動帑買運。以濟民食。恐稽時日。暫照河工議敘貢監之例。將銀改為本色

米穀。每銀一兩收米一石。或穀二石。鄰省之人亦准捐輸。不論稜舩紅白兼收。行文督撫一面動支正項錢糧。委官於產米地方。照依時價採買運送。其採買若干。運送何地。該督撫同商酌。妥議具奏。一面行文鄰省。並出示曉諭本省生監。令其急公赴輸。且分別府州縣之大小。酌量應輸米穀之多寡。俟各該處應儲米穀捐足之日。即行停止。其所收米穀。加謹存儲。按季造冊報部。如有私自收取折銀。及勒索包攬情弊。即指名題參。從重治罪。此項存儲米穀。有應用

平糶散賑出借者。該督撫即具題動支。將動用數目報部查覈。○又覆准江南蘇松常三府。買穀八萬石收儲。○又覆准浙江甯波金華等府。買穀五萬五千餘石分儲。○又覆准浙江杭嘉湖等府。動司庫銀十萬兩。買穀分儲。○又議准福建臺灣。於常運平糶米五萬石之外。動正項錢糧運米十萬石。存邊海地方。若遇臺灣豐收之年。再酌量加增運儲。仍令臺灣商販。得至福泉等府貿易。○五年議准湖廣鹽商。捐穀銀十萬兩。分發湖北六萬兩。湖南四萬兩。交各府飭

令就近採買存儲。九年議准江蘇屬十一府州地廣人稠需用米石甚多。今照雍正五年所定大縣一萬五千石。中縣一萬石。小縣八千石。穀則倍之。凡遇青黃不接之際酌量糶賣。不必拘定存七糶三。仍令秋成領買運倉。至江蘇常鎮四府戶口尤多。令於水陸衝要之地另建府倉。各存五萬石。以備轉運。又議准川省除現存米穀四十二萬石外。再買儲六十萬石。分作三年。每年買穀二十萬石。每石約價三錢。需銀六萬兩。於夔關及鹽茶贏餘銀內動支。○十一年議准順天等十府冀州等五州。現存各項並應買還本色。共穀二百一十五萬餘石。酌量大小治勻撥備儲。仍令動項添建倉廩。○十二年議准奉天錦縣甯遠州戶口殷繁。且係沿海地方。米石接濟鄰省。令各存米十萬石。蓋平復州海城等處濱海潮溼難以久儲。各存米四萬石。金州現存米六千餘石。毋庸議增。其不沿海之承德鐵嶺開原三縣各存米四萬石。遼陽州廣甯縣各存米五萬石。亦毋庸多儲。致滋潮濕。永吉州現存倉穀一萬石。仍令照舊收儲。義

州新設。每年徵收地米陸續蓋倉。俟有成數。再議存留。長甯縣雖地僻民稀。未便並無積儲。酌令建倉儲穀五千石以上。凡現存米石不足。議存之數。飭令買補。易換一併儲倉。有逾額者。悉行糶賣。將價銀解部充餉。至黑豆一項。供應驛站外所需無多。除向無儲豆之永吉長甯復州甯海均毋庸議外。其餘錦縣甯遠等九州縣量為存留三千石二千石不等。贏餘不足者。亦照米石例辦理。○乾隆元年議准江西動用存公銀買穀十萬餘石。分儲各府州縣。以備緩急。○又奏准甘肅平涼慶陽二府所存食糧不敷。於陝省撥種八萬石。以六萬石接濟平涼。二萬石接濟慶陽。○五年

諭地方積穀備用。乃惠濟窮民第一要務。而州縣有司。惟恐貯穀過多。平時難於照料。難任難於交盤。瞻顧遲延。實為通病。朕知之甚悉。已屢降諭旨矣。今年直隸山東河南江西等省。皆獲豐收。而各省奏報年穀順成者頗多。况江西湖廣原係產米之地。皆當乘時料理積貯之政。如捐監一事。宜竭力勸導。多方鼓舞。將抑勒阻撓胥吏苛索等弊。悉行革除。其他凡可以

積之於官。藏之於民者。皆當於此時悉心籌畫。並切諭小民。樽節愛惜。毋糜費於無益之地。如造酒造麴之事。尤宜禁約。庶不有虛

上天之賜。夫豐年不知積貯。一至歉年。束手無策。各將誰歸。各督撫有司。均有父母斯民之責。應視民事如己事。毋得徒奉具文。仍蹈苟且偷安之習。○十年

諭。今年直隸宣化府所屬。被旱歉收。恐附近州縣所貯米穀。未必處處充裕。可以分撥濟用。來歲青黃不接之時。或致米糧不敷。此時應當計及。著撥通倉米五萬石。聽該督酌量分發。缺米州縣。存貯備用。○十一年

年

諭。上年宣府所屬。被旱歉收。今春雨澤。又復稀少。若將通倉粟米。撥運十萬石。分發所屬州縣。以備撥給。儻今歲秋成豐稔。即將此項補實倉儲。其如何陸續搬運。著倉場侍郎會同該督妥議辦理。○又議准福建福興漳泉四府。民食向藉臺灣運濟。今臺灣各廳縣。於本年二月內。買足四十萬石之穀。永為定額。遇有內地需用。即於此內動撥。仍發藩庫銀交臺屬。隨時買補。○十三年議准。收捐監穀。原以實倉度而備荒歉。各省現在俊秀報捐。除

山東江南福建四川。停其在內收捐。山東賑恤用繁。兼准在外收捐折色外。其餘各省。悉照在外收捐本色。在內收捐折色之例辦理。今各省常平積儲。既經定額。則收捐監穀。自無容於額外增存。除不敷定額之省。仍以收捐補足外。其額外有餘各省。所收本色。即令別案存儲。遇有賑恤於此內撥用。或平糶倉穀不能買補。即將此項倉穀撥抵所存糶價。造冊報部酌撥。○五十七年

諭。各省常平社倉。係仿照周官荒政而設。原以備水旱偏災。難借放賑之用。乃各省督撫。每年俱彙奏倉庫無虧。遇有偏裒。歉收。並未據奏。聞動撥倉穀。以濟飢民。即如本年直隸畿南一帶。因旱歉收。經朕降旨詢問。何不將倉貯穀石。先行動撥。據該督奏。各該處額儲穀石。除連年出借籽種。及本年平糶外。所存無多。不敷散賑等語。可見各省倉貯。並不能足數收儲。此皆由不肖官吏。平日任意侵挪虧缺。甚或借出陳易新為名。勒買勒賣。短價剋扣。其弊不一而足。以古人之良法。轉供貪賈之侵漁。而該督撫等。並不實力稽察。惟以盤查無虧一奏了事。以致各省倉儲。俱不免

有名無實。備荒之義安在乎。該督撫等向來因循怠玩。此後務當認真整飭。實力稽查。使倉穀豐盈。以期有備無患。若再仍前怠忽。任令州縣侵挪短缺。將來朕特派大臣前往抽盤。一經查出。參奏恐督撫不能當此重戾。若因有此旨。復任地方官藉詞採買。有勒派短價情弊。將該上司及州縣一併從重治罪。決不寬貸。毋謂教之不早也。○五十八年覆准。雲南常平倉穀。借放囚犯口糧。應需買補。令原有存儲捐監穀。收各州縣。按例支放囚糧。其州縣內有不敷支放者。即將借放穀。買補價銀。准其在於糧道庫存平糶溢額兵米價銀內。按數動支。仍將動支銀兩。買補穀石。入於倉穀奏銷。題報查覈。○道光四年

諭。甘肅各營道光五年分兵糧。除估倉貯外。尚有不敷。向於年前購買。惟本年歲收歉薄。市糧較少。若全行採買。恐價值益增。有妨民食。除三岔州判西固州同肅州州同仍照數採買。皋蘭縣一半發銀一半動用採買外。其餘各屬。著照原派糧數。准其先行發價二成。飭令採買。其餘之數。即在各屬採買常平二項糧內。暫為撥用。所有八成糧價銀兩。著存貯司庫。來年

糧集價平。即照數買補還倉。

常平積儲。○康熙三十年覆准。常平積儲米穀。隨宜。惟直屬捐米。內秣黍一種。春氣一動。即易發紅。亟宜糶賣。易粟還倉。○三十一年覆准。福建沿海之地。民間多種稻穀。不比北省多種麥粟。嗣後止令勸輸稻穀。○又議准。江西常平倉糶米。易穀。春間概行出陳。秋成買米一石。收買穀二石還倉。○又議定。各省常平倉。俱照直隸分儲。各州縣有升遷事故。離任者。照正項錢糧交代。有短少者。以虧空論。○雍正三年

諭。積貯倉糧。特為備荒之用。但南省地方潮溼。米在倉一二年。便致紅朽。改貯稻穀。似可長久。著詳議具奏。欽此遵。

旨議定。江蘇安徽江西福建浙江湖廣四川廣東廣西。雲南貴州各省內。惟安徽但有稻穀。原無儲米。及福建浙江倉米有限。毋庸改易。其江西湖北湖南四川存儲米。皆五萬石內外。令於一年內改易稻穀。江淮漕漕米。廣東存倉米。皆八萬餘石。廣西存倉米十萬餘石。分作二年改易稻穀。雲南米五十七萬餘石。貴州米四十萬餘石。一

二年內不能盡易。每年雲南應給兵餉十有四萬九千六百餘石。貴州兵餉九萬五千六百餘石。即將二省存倉之米支給。至秋成時徵收稻穀補倉。雲南存倉米限以四年。貴州限以三年。儘可改易。令各地方官增建倉廩。以備積儲。○又覆准江蘇安徽江西福建浙江湖廣四川兩廣雲貴各省所存之米。俟易穀既完之後。每年額徵兵餉。仍收米給兵。餘悉改徵稻穀。各省均照此例。其有虧空倉米者。亦令悉以稻穀追補。還倉。凡有需用。挨年先碾舊穀支給。儻需用米多。一時礱碾不及。應給米一石者。折給穀二石。○又覆准山西存儲倉米。悉照奏銷兵馬錢糧成例。每穀一石。抵米六斗。易穀入倉。其民欠及虧空米糧。亦令照例改折交倉存儲。至糜子蕎麥等項。各處出產不同。令該撫嚴飭各屬確訪時價。易穀入倉。不得故為低昂。至偏僻小縣。暫令米穀兼買。陸續易穀入倉。○又覆准河南存倉米麥糶賣後。秋收即將米價糶穀。分儲穀少之州縣。至民欠未完。虧空買補各項。亦以一米二穀徵收。追補還倉。○又覆准四川富順等縣

倉米改易稻穀。茂州素不產米。向儲米二百石。今易蕎麥六百石。其建昌之左所米。令搭放兵米。徵稻穀還倉。松潘衛存儲軍需米。勻作兩年平糶。仍買新米儲倉。五年更換一次。○十一年覆准安徽鳳陽亳州等處。地產粟穀。稻非本地所出。嗣後凡產粟穀之處。每逢糶三。即准其買粟補倉。挨年易換。其多餘價銀。增買粟穀。俟買足之時。分別報部查覈。○乾隆四十一年議准直省常平倉。凡米麥豆穀高粱。按各處出產折算穀數。山東省豆收雜糧一石。麥六斗。河南省黑豆高粱一石。麥七斗。江蘇省大麥一石。黃豆小麥五斗。安徽省大麥粟穀秫一石。粟米黃豆小麥五斗。陝西省小麥黃豆五斗。四川省小麥五斗。菽子九斗。青稞八斗。貴州省小麥菽一石。均各准折穀一石。甘肅省存儲雜糧。粟米小麥。准互抵。青稞青豆亦准互抵。莞豆准抵小麥。大豆青稞青豆亦准抵大豆。歸入雜糧項下報部。○五十一年奏准貴州威甯鎮標兵米。向因威甯州秋糧不敷。支給撥運大定府水城廳畢節縣秋糧。並令該州領價採買補足供支。查該州

倉積存米七千九百九十餘石。恐致有微爛。虧
挪等弊。將現存米動撥一千石。備支本年兵糧。
暫停採買。餘米六千九百九十餘石。以一米二
穀合計。易穀一萬三千九百八十餘石。內酌留
一萬石。作為儲備。責成該州照常平之例。每年
出陳易新。以資緩急。其餘穀三千九百八十餘
石。作為碾放兵米之用。俟支放完竣。再行領價
採買。○嘉慶四年題准。四川秀山縣存積軍米
二萬石。內撥支一千石。歸還碾動常平倉穀二
千石。餘米易穀。作為加儲。造入奏銷報部。○道

光四年

諭。高溥奏查辦各屬倉穀一摺。江西省各屬額貯常平
倉穀。除報部之清查等案未買缺穀外。共應實存穀
一百二十萬一千九百八十八石零。該護撫飭屬查明。南
昌等十二府州所屬各廳州縣缺穀。自數百石至一
萬餘石不等。共計二十四萬石有零。其致缺之由。或
出借籽種。民欠未完。或歷任交代。盤折微變。作價流
交。歷久相沿。官非一任。現在缺數。幾及額貯十分之
二。若不徹底清查。及早歸補。必致折耗。久而逾多。且
啟掩飾虧挪之弊。著交新任巡撫成格。即飭各府督

率該州縣將歷任缺穀。乘時採買報盤。其由原交價
銀。係民欠錢漕作抵者。即同民欠籽種。一律嚴限催
徵買補。自本年十月為始。缺穀一萬石以上者。勒限
三年。五千石以上者。勒限二年。一千石以上至數百
石者。勒限一年。埽數買補完足。該州縣果能依限買
完。其從前徇隱折價之咎。尚可寬免。如再逾限不能
買補足數。即著一併叅辦。自此次查辦之後。儻再有
續缺倉穀。即以侵虧例從重治罪。接任之員。徇隱收
受者。一體究叅。以挽積習。而重倉儲。○又奏准。甘肅
奇台縣屬之古城地方。於濟木薩常平倉存糧

石內酌撥四萬石俾資儲備。○二十三年

諭。劉重麟奏請飭查倉儲一摺。各直省州縣設立常平
社倉等原。以備水旱緩急不時之需。豈容稍有虧短。
其有因微變等情。不能不出陳易新。亦應隨時買補。
以歸實貯。若如該副都御史所奏。近來州縣倉廩多
成虛設。交代之日。即將所短穀米等項。算作價值。輒
轉移交。以致存價不買。或致挪移混抵。雖此項價銀
或經該上司提存司道各庫。而請領到手。或仍挪解
別款。虛出倉收。或支吾推卸。不肯領解買補。是現在
各省倉儲。竟係有名無實。著各督撫。即將所屬各州

縣常社諸倉。應存穀米實數。確切查明。務令實貯在倉。其有存價未買者。即飭令趕緊買補。不准再以價值移交後任。或其價現已提存司道各庫者。亦即飭令具文請領。買補歸倉。毋許藉詞推諉。其有領價後。挪解別款。虛出倉收者。即著嚴行參辦。經此次訓諭後。該督撫如再有瞻顧徇庇。並不認真查察。以致仍有虧缺。遇有緩急。辦理掣肘。除將該州縣嚴懲外。必將該督撫等一併懲處不貸。

常平倉存糶定例。○康熙三十四年題准。江南積穀。以七分存倉備賑。以三分發糶。俟秋收買

穀還倉。○三十五年覆准。江南於各屬糶三銀內。酌提四萬石價銀解省。俟秋成時收買新穀存省。為下年存七糶三之用。○四十三年覆准。河南現存倉穀。每年將一半存倉備賑。一半借給窮民。○四十九年題准。陝西甘肅存儲之米。日久恐致泥爛。令該管官於糧貴之年。存半糶半。糧賤之年。存七糶三。○雍正三年議准。州縣倉糧。凡遇出陳易新之時。令佐貳官同收放。如州縣私自糶賣。佐貳官不據實通報。扶同隱匿。一併參處。○四年覆准。陝西倉糧。久未糶賣。

令於每年二三月內。存七糶三。至八九月買補還倉。○六年題准。陝西存儲倉糧。准其一米二穀。易穀積儲。每年於二三月間存七糶三。秋後買補還倉。○九年議准。江蘇所屬倉穀。凡遇青黃不接。出陳易新。酌量糶賣。不必拘定存七糶三。○乾隆元年覆准。湖南各屬。地有高下燥溼之不同。常平倉穀存糶之數。因地制宜。列為三等。長沙等四十五府州縣。地勢乾燥者。仍存七糶三。永州等三十一府廳縣衛。地勢稍溼者。存半糶半。龍陽等四縣。地勢尤溼者。糶七存三。儻

民間有不須糶買。或不能糶半糶七。聽該管官隨時斟酌。○又覆准。四川龍安甯遠三府。並茂州所屬。及雷波衛。嶺南黃螂所等處。地居邊荒。風土較異。兼之積儲雜糧。性不耐久。令每年糶半存半。餘循例存七糶三。偶遇歉收。不拘成例。酌量借糶。○又議准。廣東平糶倉穀。將沿海卑溼之廣州等七府。南海等三十九州縣。新安等二縣。丞所管。准其存半糶半。其糶三之穀。全支兵米。無可減糶之嘉應清遠等十四州縣。亦令存半糶半。南雄等三府。羅定三水等三十六州

縣既非沿海卑溼之區。照例存七糶三。○二年題准安徽地土高燥之滁州等七州縣及鳳陽潁州二府石埭等十二州縣常平儲穀照例存七糶三。其臨近江湖地形卑下。溼氣最重之安慶等十府州懷甯等三十八州縣減價糶半存半。○七年

諭各省常平倉穀。每年存七糶三。原為出陳易新亦使青黃不接之時。民間得以接濟。當尋常無事之際。自然循例辦理。若遭值荒歉。穀價昂貴。小民難於謀食。而仍存七糶三。則閭閻得穀幾何。大非國家發穀平糶之本意也。嗣後凡遇歲歉米貴之年。著該督撫即飭地方官交出倉儲。減價平糶。務期有濟民食。毋得拘泥成例。○二十二年覆准各州縣出糶倉穀。將價

銀造冊送司報部。○二十三年

諭各省倉儲。向例春借秋還。青黃不接之時。貧民既得資其接濟。而秋收後。即照數徵收穀石。可以出陳易新。兼不致侵蝕懸欠。至次年又可查覈待借貧戶。再行借給。若不如期催令完納。而以舊欠作新領。則借出之項。年復一年。不肖書役。即從中影射侵蝕。更有欠戶逃亡事故。日久遂致無著者。且舊時領借之戶

尚欠。而現在待借之戶甚殷。倉儲既虛。勢不能另為籌給。是雖設倉備借。仍屬有名無實。大非慎重儲積賑恤困乏之意。嗣後各督撫務當嚴飭所屬實力奉行。除緩徵州縣外。所有民欠倉穀。各令依限還倉。其有捏欠作完。以欠作領。即查明叅處。庶俾借欠不致久懸。囊弊可清。而緩急有備。○二十九年奏准各省州縣存倉米穀。除實遇歉收之年。米價過昂。非糶三可濟民食者。准其據實具詳。酌量多糶。其尋常歲稔價平之年。不必拘定糶三之例。或竟可全數停糶。或止需酌糶十分之一二。總看各處情形。臨時的辦。○四十四年奏准嗣後豫籌平糶倉糧。每石不得過三錢。其果有必須大加酌減情形。各督撫臨時確切奏

聞請

旨裁奪。○四十五年議准各省平糶除數在例內者。仍循舊例辦理。如遇歉收糧貴。或接濟他省。必須逾額多糶。數在五分以上。該督撫聲明緣由。先行報部查覈。數在五分以上。該督撫奏明辦理。其空倉全糶於地方儲備有關。永行停止。○五十三年奏准烏魯木齊所屬迪化府。改昌吉。

阜康綏來宜禾。裁奇臺六州縣並濟木薩呼圖壁二處。現存儲十年以上之糧。有六萬三千餘石。若不急為籌辦。恐致紅朽。應令分作三年出糶。每年春季所糶之糧。責令該州縣於秋季買補還倉。儻買補不足。照虧空例參處。嗣後如有逾十年之糧。即照此辦理。○嘉慶四年奏准奉天所屬九廳州縣存倉米穀。陳陳相因兼之地。方潮溼。恐致霉爛。嗣後各倉存儲米穀一萬石者。每年出糶二千石。約共出米穀十萬石。除額徵地米。每年約共入四萬餘石。不必買補還倉外。其餘糶價。照例減市價五分買補時。亦照原糶之數。不許增加。儻春間穀賤。不能糶賣。秋收不敷採買。准其次年補辦。○又奏准各省常平倉。積久弊生。即無須接濟之年。亦以出陳易新。藉詞支放。染指分肥。出倉既已短發。還倉又復浮收。良民未受其益。官倉已被其虧。嗣後無災年分。不准出借。以除民累。○六年

諭各省州縣設立常平倉。存貯穀石。定有額數。原以備本處水旱偏災平糶賑濟之用。若倉儲實充。取之裕如何。至民食難於接濟。總由各州縣平日不能實心

經理。或出糶後。並未隨時買補還倉。或竟任意侵挪。虧缺以致積貯空虛。猝遇偏災。茫無所措。嗣後各督撫等。總當於各州縣倉貯根本要務。悉心講求。實力整頓。務使倉穀實貯。方為有備無患。經朕此次訓諭之後。或隔一二年。不拘何時。特派大臣親往盤查。若再有短缺。惟該督撫是問。○道光十一年

諭御史下士雲奏請飭直省嚴覈常平倉儲。以備緩急。一摺。各直省州縣設立常平倉穀。原以豫籌民食。果使倉儲充實。偶遇水旱偏災。急需賑濟。何難取之裕如。乃近日存倉穀數。多不按時據實報部。或因公動撥。領價後仍未買補還倉。或交代有虧。接任時止憑虛帳報數。迨至上司查辦。則按照部價。將銀貯庫。輾轉流抵。謂之穀價。又復不免侵用。聞有聲請平糶。名為存七糶三。而不肖州縣。每至影射格外多賣。如遇水患。甚或捏報淹浸。種種積弊相沿。是以各直省遇有偏災。鮮有以撥放常平倉賑濟為請者。大率動支藩庫銀兩。易錢散給。即如本年江蘇安徽湖廣等省被災。現請免稅招商。並齎銀至鄰省採買。此後請帑辦賑。無非以銀錢易穀。始敷災黎口食。推原其故。總由倉儲不足所致。雖此時急切救災。不得不如此辦

理然終非先事豫籌之道必應力加整頓著各直省督撫嚴覈各州縣常平倉實貯數目令其加具印結申送按時報部查覈如遇緩急之需即由該督撫隨時聲請動用務將交代虛收存銀流抵等弊永遠禁止所有舊缺倉穀亟行賠補完足

欽定大清會典事例卷一百九十

戶部

積儲 常平穀數

常平穀數○康熙三十年覆准直隸所捐米穀大縣存五千石中縣四千石小縣三千石備遇荒歉即以此項散給其留倉餘贖者均於每年三四月照市價平糶五月初旬將平糶價銀儘數解存道庫九月初旬各州縣領出糶新穀還倉○四十三年議准各省府州縣積儲米穀大州縣存萬石中州縣八千石小州縣六千石其餘按時價易銀解存藩庫其存倉米穀每年以三分之一出陳易新○又覆准直隸各屬現存米穀惟南宮南樂長垣三縣過二萬石其餘州縣所存不多仍令照舊存儲每年出陳易新備遇歉歲詳明題請發糶○又議准山東倉額大州縣存穀二萬石中州縣萬六千石小州縣萬二千石○又覆准山西之民別無他業惟資田故恐積儲穀少一時需用購買維艱每大州縣令存穀二萬石中州縣萬六千石小州縣萬二千石○又覆准江西州縣大者止存穀二萬一

千石暫停糶三。○又覆准江蘇所屬大州縣存米五千石。中州縣四千石。小州縣三千石。○又覆准四川大州縣存穀六千石。中州縣四千石。小州縣二千石。毋庸糶三。○又覆准盛京地方與各省不同。毋庸分別州縣大小定數。其九州縣積儲米糧有多寡不同。錦縣現積儲六萬石。甯遠州現積儲五萬餘石。為數頗多。承德等七州縣止各存萬六七千石不等。自四十年起將錦甯二州縣應徵米豆改為徵銀解交承德等七州縣買糧建倉積儲。○又覆准貴州各府州縣常平倉現存米千二百餘石。穀及蕎麥共十有八萬餘石。內惟貴安等地方均係衝要且官兵駐紮。自宜多存。貴陽府存穀萬有一千餘石。貴筑縣存穀萬有四千餘石。安順府存穀八千石。其餘各府屬有六千石及三四五千石不等。皆不足大中小州縣應存之數。俟捐儲贏餘之印再行糶買。○五十一年覆准山東將捐穀分存大縣萬石。小縣八千石。仍於沿河等處酌留數十萬石。以備鄰省撥運。○雍正三年議准廣東於通省府州縣存倉穀數多者開

倉平糶即將價銀付穀少之州縣糶穀收存。其有虧缺者嚴追完補。再廣西桂林等府捐穀糶三價值不必糶穀運倉。仍買穀運交廣東分存。○十三年議准福建福州府倉存穀二十一萬石。為數繁多。分撥福糧廳萬石。閩縣侯官二縣各二萬四千石。○乾隆九年覆准陝西西安所屬常平穀二百七十三萬三千有十石。按州縣大小分存。咸甯長安二縣各存穀七萬五千石。葭州神木等七州縣各存穀五萬石。綏德膚施等十二州縣各存穀四萬石。富平臨潼等七州縣各存穀五萬石。乾州三原等八州縣各存穀四萬五千石。華州藍田等十一州縣各存穀四萬石。邠州耀州等七州縣各存穀三萬石。商州鄜州等十七州縣各存穀萬七千二百餘石。同官麟游等七州縣各存穀八千石。興安洵陽等七州縣地氣潮溼多存恐致紅朽。仍以現存舊穀四萬四千五百四十石作為定額。○十三年諭。邇年以來各省米價日見加增。反覆推究。莫知致此之由。常平積貯所以備不虞而衆論頗以為採買過多。致米價益貴。因思生穀止有此數。聚之官者太多。

則留之民者必少。固亦理勢之自然。考之康熙雍正年間各省常平已有定額。直省常平積穀之數應悉準康熙雍正年間舊額。其加貯者以次出糶。至原額而止。或鄰省原額不足。即就近撥運補足。所需運費照例報銷。其如何彼此撥運並酌定原額及原額存糶之法。著大學士會同該部悉心妥議具奏。欽此。遵旨議定。直省常平倉所存米穀康熙年間或未經定額

或定額無多。難以稽考。應照雍正年間舊額。惟雲南地處極邊。不近水次。陝西所屬沿邊積儲兼備軍糶。雍正年間倉儲多寡亦屬無定。應以

乾隆年間所定之額為準。雲南積穀七十萬五千五百石。陝西積穀二百七十三萬三千有十石。甘肅積穀三百二十八萬石。福建環山帶海。商販不通。廣東嶺海交錯。產穀無幾。貴州跬步皆山。不通舟楫。倉儲均宜充裕。現在米穀以乾隆年間定額計之。或尚有不敷。或僅可足額。較之雍正年間已覺有餘。酌量三省情形。即以現存之穀作為定額。福建積穀二百五十六萬六千四百四十九石有奇。廣東積穀二百九十五萬三千六百六十一石有奇。貴州積穀五十萬七

千十石有奇。其餘直隸

盛京山東山西河南江蘇安徽江西浙江湖北湖南四川廣西均以雍正年間舊額為準。直隸積穀二百十有五萬四千五百二十四石。

盛京百二十萬石。山東二百九十五萬九千三百

八十六石有奇。山西百三十一萬五千八百三

十七石有奇。河南二百三十一萬九千九十九

石。江蘇百五十二萬八千石。安徽百八十八萬

四千石。江西百三十七萬七百十三石。浙江二

百八十萬石。湖北五十二萬九百三十五石有

奇。湖南七十萬二千一百三十三石有奇。四川

百有二萬九千八百石。廣西二十七萬四千三

百七十八石。通計直省共積穀三千三百七十

九萬二千三百三十石有奇。較之乾隆十三年

以前定額四千八百十有一萬六千八百八十

石計減積穀千四百三十一萬八千三百五十

石。令各該督撫視所屬府州縣之大小。均勻存

儲。其間有轉運難。出產少。地方衝要。以及提鎮

駐紮各省犬牙相錯之處。彼此可以協濟。均應

分別加儲。○十五年題准安徽各屬常平倉定

額

額

額

額

額通省九十四萬二千石為準每大州縣額存米萬二千七百石至萬八千石中州縣額存米萬四千石至萬七千石小州縣額存米萬一千石至萬四千石府倉自八千石至萬五千石不等○四十七年議准甘肅各屬額存倉糧府倉改歸首邑經管毋庸更設府倉之額蘭州府屬之皋蘭縣府倉歸併糧十萬石平涼府屬之平涼縣府倉歸併糧八萬石鞏昌府屬之隴西縣府倉歸併糧八萬石慶陽府屬之安化縣府倉歸併糧六萬石甯夏府屬之甯夏縣府倉歸併糧八萬石西甯府屬之西甯縣府倉歸併糧六萬石涼州府屬之武威縣府倉歸併糧十萬石甘肅府屬之張掖縣府倉歸併糧十萬石鎮西府額收倉糧十萬石一併刪去府倉額糧名目仍令將額存倉糧首列原額倉斗糧數註明折合京斗數即以憑查覈○四十九年議准陝西興安州改為興安府漢陰縣改為安康縣西安府之孝義川添設分防同知五郎關改設通判令將興安漢陰二州縣所存常平倉糧統歸安康縣經管其孝義川五郎關二處各添設常平

倉京斗穀萬石○又議准河南儀封縣改為撫民通判令將原額常平倉穀二萬四千石漕穀一萬石薊穀一萬石改儲常平倉額存萬二千石漕倉額存穀六千石薊倉額存穀六千石其溢額穀石變價報撥○又議准河南儀封縣北岸撥歸考城南岸撥歸睢州及考城封邱二縣考城縣常平倉原額穀二萬四千石今改定額穀萬九千石漕倉原額穀一萬石薊倉原額穀一萬石今漕薊兩倉仍照舊額又睢州常平倉原額穀二萬四千石今改定額穀二萬九千石漕倉原額穀五千石今改定額穀六千石薊糧原無額存毋庸添設○五十二年議准福建諸羅縣改為嘉義縣常平倉仍額存穀五萬石○五十四年議准山西潞安府存倉穀萬八千八百一十七石零改歸首邑長治縣經管○又議定奉天府屬承德縣米四萬石遼陽州米五萬石復州海城蓋平二縣米各四萬石開原鐵嶺二縣米各三萬石甯海縣今改為州屬岫巖廳今改為州屬米各二萬石新民屯撫民同知米三萬石錦州府屬錦縣甯遠州米各五萬石義州廣甯縣米

各四萬石。○江蘇省江甯府屬上元。江甯句容
 三縣穀各三萬石。溧水縣穀二萬石。江浦六合
 二縣穀各萬六千石。高瀋縣穀二萬石。淮安府
 屬山陽阜甯鹽城清河安東桃源六縣穀各二
 萬石。揚州府屬江都甘泉二縣穀各二萬石。高
 郵州儀徵興化二縣穀各三萬石。泰州寶應東
 臺二縣穀各二萬石。徐州府屬銅山縣穀三萬
 石。蕭陽山豐沛四縣穀各二萬石。邳州穀三萬
 石。宿遷睢甯二縣穀各二萬石。海州穀三萬五
 千石。贛榆縣穀二萬一千石。沭陽縣穀二萬石。
 通州穀三萬石。如皋縣穀二萬石。泰興縣穀三
 萬石。蘇州府屬吳縣穀三萬石。長洲元和崑山
 新陽常熟昭文吳江震澤八縣穀各二萬石。松
 江府屬華亭奉賢婁金山四縣穀各二萬石。上
 海南匯二縣穀各萬九千石。青浦縣穀三萬石。
 川沙廳穀二千石。常州府屬武進陽湖無錫金
 匱四縣穀各二萬石。江陰縣穀三萬石。宜興荆
 溪靖江三縣穀各二萬石。鎮江府屬丹徒丹陽
 金壇溧陽四縣穀各三萬石。太倉州穀二萬石。
 鎮洋崇明嘉定寶山四縣穀各二萬石。○陝西

省西安府屬長安縣穀七萬五千石。府倉歸併
 穀萬三千五百六十三石。咸甯縣穀七萬五千
 石。府倉歸併穀萬一千三百十八石。四升。咸陽
 縣穀五萬石。府倉歸併穀八千石。興平縣穀四
 萬五千石。府倉歸併穀四千石。臨潼縣穀五萬
 石。府倉歸併穀六千石。高陵縣穀三萬石。府倉
 歸併穀千二百石。鄠縣穀四萬石。府倉歸併穀
 五千石。藍田縣穀四萬石。府倉歸併穀四千石。
 涇陽縣穀四萬石。三原縣穀四萬五千石。府倉
 歸併穀四千石。藍屋縣穀五萬石。府倉歸併穀
 四千石。渭南縣穀五萬石。府倉歸併穀六千石。
 富平縣穀五萬石。府倉歸併穀四千石。醴泉縣
 穀四萬石。府倉歸併穀六千一百十八石。九斗
 六升。同官縣穀八千石。府倉歸併穀二千八百
 石。耀州穀三萬石。孝義廳甯陝廳穀各萬石。同
 州府屬潼關廳穀萬七千二百四石。大荔縣穀
 四萬石。府倉歸併穀二萬四千石。朝邑縣穀四
 萬五千石。府倉歸併穀萬石。郃陽縣穀五萬石。
 澄城縣穀四萬五千石。府倉歸併穀四千石。韓
 城縣穀四萬五千石。府倉歸併穀六千石。白水

縣穀三萬石。府倉歸併穀一萬石。華州穀四萬石。府倉歸併穀六千石。華陰縣穀四萬石。府倉歸併穀六千石。蒲城縣穀五萬石。府倉歸併穀萬四千石。鳳翔府屬鳳翔縣穀四萬五千石。府倉歸併穀萬二千二百八十六石五升二合六勺。岐山縣穀四萬石。府倉歸併穀一萬石。寶雞縣穀四萬石。府倉歸併穀一萬石。扶風縣穀四萬石。府倉歸併穀一萬石。郿縣穀三萬石。府倉歸併穀七千七百十三石九斗四升七合四勺。麟游縣穀八千石。汧陽縣隴州穀各一萬七千二百四石。漢中府屬留壩通判穀萬石。南鄭縣穀四萬石。府倉歸併穀三萬石。褒城縣穀萬七千二百四石。城固縣穀三萬石。洋縣穀三萬五千石。西鄉鳳甯羌 <small>今州</small> 沔略陽五縣穀各萬七千二百四石。定遠廳穀萬石。延安府屬膚施縣穀四萬石。府倉歸併穀五萬石。安塞甘泉保安安定宜川延長延川七縣穀各四萬石。定邊縣穀五萬石。加增穀五萬石。靖遠縣穀五萬石。榆林府屬榆林縣穀五萬石。府倉歸併穀五萬石。加增穀五萬石。葭州神木府谷懷遠三縣穀各
--

五萬石。各加增五萬石。興安府屬平利縣穀二千三百石。加增穀萬七千七百石。洵陽縣穀萬一千二百五十五石。加增穀八千七百四十五石。白河縣穀二千五百五十四石。加增穀萬七千四百四十六石。紫陽縣穀二千十八石二斗七合。加增穀萬七千九百八十一石七斗九升三合。石泉縣穀三千四百石。加增穀萬六千六百石。安康縣穀萬九百石。加增穀二萬九千一百石。漢陰廳穀萬二千一百十三石。加增穀七千八百八十七石。商州穀萬七千二百四石。鎮安縣穀八千石。雒安縣穀萬七千二百四石。山陽商南三縣穀各八千石。乾州穀四萬五千石。武功縣穀三萬石。永壽縣穀萬七千二百四石。邠州穀三萬石。三水縣穀萬七千二百五石。淳化長武二縣穀各萬七千二百四石。邠州穀萬七千二百四石。洛川縣穀萬七千二百四石。中部宜君二縣穀各八千石。綏德州穀八萬石。米脂清澗吳堡三縣穀各四萬石。○甘肅省蘭州府屬循化同知京斗糧五萬七千一百四十二石。八斗五升七合一勺。皋蘭縣京斗糧十四
--

萬二千八百五十七石一斗四升二合九勺紅
水縣丞京斗糧二萬八千五百七十一石四斗
二升八合六勺金縣京斗糧五萬七千一百四
十二石八斗五升七合一勺狄道州京斗糧十
一萬四千二百八十五石七斗一升四合三勺
沙泥州判京斗糧二萬八千五百七十一石四
斗二升八合六勺渭源縣京斗糧五萬四千五
百七十一石四斗二升八合五勺靖遠縣京斗
糧八萬五千七百十四石二斗八升五合七勺
河州京斗糧十四萬二千八百五十七石一斗
四升二合九勺平涼府鹽茶同知 <small>今京</small> 斗糧八
萬五千七百十四石二斗八升五合七勺平涼
縣京斗糧十一萬四千二百八十五石七斗一
升四合三勺華亭縣京斗糧五萬四千五百七
十一石四斗二升八合六勺固原州 <small>今直京</small>
斗糧十一萬四千二百八十五石七斗一升四
合三勺靜甯州京斗糧八萬五千七百十四石
二斗八升五合七勺隆德縣京斗糧五萬四千
八百五十七石一斗四升二合八勺莊浪縣丞
京斗糧五萬四千五百七十一石四斗二升八

合六勺鞏昌府洮州同知京斗糧七萬一千四
百二十八石五斗七升一合四勺隴西縣京斗
糧八萬五千七百十四石二斗八升五合七勺
安定縣京斗糧十一萬四千二百八十五石七
斗一升四合三勺會甯縣京斗糧八萬五千七
百十四石二斗八升五合七勺通渭縣京斗糧
五萬四千八百五十七石一斗四升二合九勺
漳縣 <small>今京</small> 斗糧五萬四千五百七十一石四斗
二升八合六勺甯遠縣京斗糧五萬四千五百
七十一石四斗二升八合六勺伏羌縣京斗糧
八萬三千一百四十二石八斗五升七合二勺
西和縣京斗糧五萬四千五百七十一石四斗
八升八合六勺岷州京斗糧五萬七千一百四
十二石八斗五升七合一勺慶陽府屬安化縣
京斗糧八萬三千一百四十二石八斗五升七
合一勺合水縣京斗糧五萬四千五百七十一
石四斗二升八合六勺環縣京斗糧五萬四千
八百五十七石一斗四升二合九勺正甯縣京
斗糧五萬四千五百七十一石四斗二升八合
六勺甯州京斗糧五萬四千八百五十七石一

斗四升二合八勺甯夏府屬甯夏縣京斗糧十
一萬四千二百八十五石七斗一升四合三勺
甯朔縣京斗糧十一萬四千二百八十五石七
斗一升四合三勺平羅縣京斗糧五萬七千一
百四十二石八斗五升七合一勺靈州京斗糧
十一萬四千二百八十五石七斗一升四合三
勺花馬池州同京斗糧十一萬四千二百八十
五石七斗一升四合三勺中衛縣京斗糧八萬
五千七百十四石三斗八升五合七勺西甯府
巴燕戎格通判京斗糧五萬七千一百四十二
石八斗五升七合一勺西甯縣京斗糧十四萬
二千八百五十七石一斗四升二合九勺貴德
同知京斗糧二萬八千五百七十一石四斗二
升八合六勺碾伯縣京斗糧八萬五千七百一
十四石二斗八升五合七勺大通縣京斗糧五
萬七千一百四十二石八斗五升七合一勺涼
州府屬武威縣京斗糧十一萬四千二百八十
五石七斗一升四合三勺鎮番縣京斗糧五萬
七千一百四十二石八斗五升七合一勺永昌
縣京斗糧八萬五千七百十四石二斗八升五

合七勺古浪縣京斗糧五萬七千一百四十二
石八斗五升七合一勺平番縣京斗糧十一萬
四千二百八十五石七斗一升四合二勺甘州
府撫彝通判京斗糧七萬一千四百二十八石
五斗七升一合四勺張掖縣京斗糧十一萬四
千二百八十五石七斗一升四合三勺東樂縣
丞京斗糧四萬二千八百五十七石一斗四升
二合九勺山丹縣京斗糧八萬五千七百一十
四石二斗八升五合七勺鎮西府 <small>咸豐五年改直隸廳今屬</small>
<small>新置</small> 宜禾縣 <small>咸豐五年</small> 京斗糧十四萬二千八百
五十七石一斗四升二合八勺奇臺縣 <small>今屬新</small>
<small>布</small> 京斗糧十四萬二千八百五十七石一斗四
升二合階州京斗糧五萬四千八百五十七石
一斗四升二合八勺西固州同京斗糧八萬一
千石文縣成縣京斗糧各五萬四千五百七十
一石四斗二升八合六勺秦州京斗糧十一萬
一千四百二十八石五斗七升一合四勺禮縣
京斗糧五萬四千八百五十七石一斗四升二
合九勺徽縣京斗糧五萬四千五百七十一石
四斗二升八合六勺秦安縣京斗糧八萬三千

石三岔州判京斗糧二萬八千五百七十一石
四斗二升八合五勺清水縣京斗糧五萬四千
五百七十一石四斗二升八合六勺兩當縣京
斗糧五萬三千一百四十二石八斗五升七合
一勺肅州京斗糧二十萬石肅州州同京斗糧
四萬二千八百五十七石一斗四升二合八勺
高臺縣京斗糧二十萬石毛目縣承京斗糧二
萬八千五百七十一石四斗二升八合五勺安
西州敦煌玉門二縣京斗糧各二十萬石涇州
京斗糧十一萬四千二百八十五石七斗一升
四合二勺靈臺縣京斗糧五萬四千五百七十
一石四斗二升八合六勺鎮原縣京斗糧五萬
四千八百五十七石一斗四升二合八勺崇信
縣京斗糧五萬四千五百七十一石四斗二升
八合六勺迪化州 <small>後升為府今屬新疆</small> 京斗糧十四萬
二千八百五十七石二斗四升二合八勺昌吉
縣京斗糧七萬一千四百二十八石五斗一升
七合四勺綏來縣京斗糧七萬一千四百二十
八石五斗七升一合四勺阜康縣京斗糧七萬
一千四百二十八石五斗七升一合四勺口

外濟木薩縣丞 <small>今屬新疆</small> 京斗糧七萬一千四
百二十八石五斗七升一合四勺○廣東省廣
州府屬南海縣穀九萬六百石四斗五升七勺
府倉歸併穀四萬八千四百四十石七斗一升
四合六勺番禺縣穀九萬九千二百九十七石
四斗八升二合七勺府倉歸併穀四萬一千石
順德縣穀九萬二千五百八十一石六斗八合
二勺東莞縣穀九萬七千三百八十八石五斗
八升從化縣穀六千九百六十七石七斗八升
七合龍門縣穀萬一千八百七十三石二斗三
升新甯縣穀九千三十九石一斗四合六勺增
城縣穀萬九千七十一石四斗八升八合香山
縣穀五萬二千三百十九石二升七合新會縣
穀四萬二千六百六十二石四斗八升二合三
水縣穀七萬三千四百十九石三斗七升八合
有奇清遠縣穀萬三千八百八石三斗三升七
合三勺新安縣穀二萬六百十七石五斗三升
六合縣承倉穀千七百石花縣穀九千七百二
十七石九升四合一勺韶州府屬曲江縣穀二
萬四千六石二斗九升四合八勺府倉歸併穀

一第... 册續修四庫全書第 2 版反勺

萬四千三百六十五石八斗三升八合樂昌縣	穀九千六百二十三石八斗八升七合三勺仁	化縣穀萬四百五十九石一斗八升乳源縣穀	萬三千七百六十石九斗翁源縣穀二萬八千	四百七十石三斗四升四合五勺英德縣穀萬	三千九百石九斗九升二合七勺南雄府屬	<small>直隸</small> 保昌縣穀萬七千八百十三石三斗七	升九勺府倉歸併穀二萬一千七百九石七斗	七升九合五勺始興縣穀萬六千五百十五石	五斗惠州府屬惠防同知穀八千石歸善縣	穀萬八千六百十六石三斗六升八合八勺府	倉歸併穀萬五千七百六十九石二斗四升六	合五勺博羅縣穀四萬四千四百八十一石六	升一合六勺長甯縣穀二萬二千七十一石五	斗三升六合三勺永安縣穀三萬九千七百十	六石六斗六升連平縣 <small>今州</small> 穀萬七千五百九	十三石八升八合海豐縣穀四萬七千五百五	十一石七合二勺陸豐縣穀三萬四千六百七	十九石七升五合二勺龍川縣穀四萬一千五	百十七石一斗三升四合一勺河源縣穀八萬
--------------------	--------------------	--------------------	--------------------	--------------------	-------------------	-----------------------------------	--------------------	--------------------	-------------------	--------------------	--------------------	--------------------	--------------------	--------------------	-------------------------------------	--------------------	--------------------	--------------------	--------------------

一千五百三十石二斗一升八勺和平縣穀萬	三千三百二十五石三斗六升四合潮州府屬	南澳同知穀萬三千一百五十八石九斗海陽	縣穀六萬八千六百八十四石四升二合八勺	府倉歸併穀二萬八千一百十五石三斗三升	豐順縣穀五千二百八十九石九斗八升四合	潮陽縣穀六萬八千一百二石二斗七升七合	三勺揭陽縣穀六萬五千四百四十八石四升	五合三勺饒平縣穀二萬七千六百五十八石	七升三合惠來縣穀二萬六千六百六十七石	七斗七升大埔縣穀萬七十九石一斗四升五	合六勺澄海縣穀三萬一千六百四十四石四	斗八升五合二勺普甯縣穀四萬八千一百六	十六石二斗八升肇慶府屬高要縣穀六萬九	千五百四石四斗五升四合府倉歸併穀四萬	八千一百七十二石六升四合六勺四會縣穀	萬六千四百五十二石六斗四升九合新興縣	穀三萬三千八百四石五升六合四勺有奇陽	春縣穀二萬七百二十五石三斗五升陽江縣	<small>今升直隸</small> 穀萬五千二百十九石五斗七升縣丞
--------------------	--------------------	--------------------	--------------------	--------------------	--------------------	--------------------	--------------------	--------------------	--------------------	--------------------	--------------------	--------------------	--------------------	--------------------	--------------------	--------------------	--------------------	--------------------	-------------------------------------

倉穀七百石。高明縣穀萬三千四百二十三石
三升四合。恩平縣穀萬一千二百九十三石二
斗六升三合八勺。廣甯縣穀萬九千二百五十
九石七斗四升。開平縣穀萬五百五石二斗六
升五合二勺。鶴山縣穀九千九百二十八石三
斗一升五合三勺。德慶州穀萬一千六百八石
七斗三升九合一勺。封川縣穀萬八百十七石
五斗八升。開建縣穀九千三百五十七石七斗
七升五合七勺。高州府屬茂名縣穀四萬一千
四百九十石一升四合二勺。府倉歸併穀五萬
四千八百三十石六斗七升四合。電白縣穀三
萬八千八百八十一石七斗六升。信宜縣穀二
萬二千八百六十七石二斗二升。化州穀三萬
二千三百七十九石二斗五升八合。吳川縣穀
三萬一千三百七十一石九斗五升二合五勺
石城縣穀二萬九千八百六十石八斗九升。廉
州府屬合浦縣穀二萬一千三百六十五石六
斗。府倉歸併穀二萬八千八十石八斗三升。欽
州 <small>今升直隸州</small> 穀萬六千四百九十五石九斗。靈山
縣 <small>今屬欽州直隸州</small> 穀萬五千三百二十九石三斗二

升七合。雷州府屬海防同知穀九千五十石。海
康縣穀三萬四千一百六十六石七斗三升九
合五勺。府倉歸併穀三萬二千七百七十石八
斗六升三合九勺。遂溪縣穀三萬二千一百五
十石二斗四升九合。徐聞縣穀萬六千三百九
十石七斗一升。瓊州府屬瓊山縣穀七萬七千
六百九石五升。府倉歸併穀二萬六千一百六
十二石七升二勺。澄邁縣穀九千六百八十四
石三斗四升八合。文昌縣穀萬一千七百四十
石二斗七升。會同縣穀萬一千五百九十二石
六斗。樂會縣穀萬二千七百二十石三斗八升
六合六勺。臨高縣穀七千九百六石一斗。定安
縣穀萬八百九十三石二斗二升。儋州穀萬一
千二百十石五升三合九勺。昌化縣穀八千三
百五十九石八斗六升。萬州穀八千二百四十
二石六斗九升一合六勺。陵水縣穀六千八百
四十八石八斗七升八合八勺。崖州穀萬一千
五百五十二石六斗六升六合一勺。感恩縣穀
七千九百二十八石一斗七升八合九勺。連州
穀萬六千四百二十三石六斗。陽山縣穀七千

四百四十二石八斗五升。理徭同知穀萬二千二百五十七石六斗五升。嘉應州穀三萬一千六百四十三石五斗二升八合七勺。長樂縣穀三萬六千一百五十一石一斗三升。興甯縣穀萬二千九百十三石七升七合八勺。平遠縣穀萬二千八百七十八石九斗二升。鎮平縣穀七千八百二十八石五斗九升七合六勺。羅定州穀萬九千五百石六斗七升四合八勺。東安縣穀萬六千九百三石一斗八升四合。西甯縣穀萬六千一百九十七石一斗九升四合。○廣西

省。桂林府屬臨桂縣穀二萬石。府倉歸併穀萬五千石。永甯州穀萬二千石。全州穀一萬石。府倉歸併穀一萬石。興安縣穀二萬石。府倉歸併穀五千石。靈川縣穀二萬石。府倉歸併穀五千石。陽朔縣穀萬六千石。府倉歸併穀五千石。永福縣穀萬四千石。府倉歸併穀五千石。義甯縣穀萬三千石。灌陽縣穀萬四千石。府倉歸併穀五千石。柳州府屬馬平縣穀萬六千五百三十九石八斗五合。府倉歸併穀萬九千石。象州穀萬二千石。府倉歸併穀一萬石。雒容縣穀萬四

石八斗七升五合。府倉歸併穀四千石。柳城縣穀萬二千石。府倉歸併穀八千石。羅城縣穀萬二千石。懷遠縣穀萬三千石。來賓縣穀一萬石。融縣穀萬二千石。府倉歸併穀八千石。慶遠府屬宜山縣穀二萬二千三百四十石九斗五升。六合一勺。府倉歸併穀七千五百石。河池州穀一萬五千石。東蘭州穀二千石。天河縣穀萬四千石。思恩縣穀萬五千石。府倉歸併穀三千石。理苗同知穀三百四十四石二斗五升。思恩府屬思恩府同知穀二萬石。武緣縣穀萬六千

石。府倉歸併穀四千石。賓州穀萬八千石。遷江縣穀萬一千石。上林縣穀萬四千石。泗城府屬西隆州穀九千石。凌雲縣穀二千八百五十二石三斗七升六合。府倉歸併穀五千石。西林縣穀六千石。平樂府屬平樂縣穀萬七千一百三十三升五合三勺。府倉歸併穀七千石。永安州穀九千七百七十六石四斗七升五合。恭城縣穀一萬石。府倉歸併穀二千五百石。富川縣穀萬二千石。賀縣穀萬六千三百五十三石一斗。府倉歸併穀四千石。荔浦縣穀一萬石。府倉歸

併穀二千五百石。修仁縣穀八千石。昭平縣穀萬四千六百十九石六斗五升。府倉歸併穀四千石。梧州府屬蒼梧縣穀二萬五千六百五石二斗二升。府倉歸併穀五千七百四十石。藤縣穀萬六千石。府倉歸併穀七千石。容縣穀二萬六千石。府倉歸併穀六千石。岑溪縣穀萬九千一百八十四石五升。府倉歸併穀六千石。懷集縣穀萬七千四百六石五斗五升。府倉歸併穀七千石。潯州府屬桂平縣穀二萬石。府倉歸併穀一萬石。平南縣穀萬三千一百五十石。府倉歸併穀五千石。貴縣穀二萬二百八十三石九斗一升二合六勺。府倉歸併穀一萬石。武宣縣穀萬五千石。府倉歸併穀五千石。南甯府屬宣化縣穀三萬八百三十三石三斗三升三合四勺。府倉歸併穀二千六百六十石。新甯州穀萬六千石。府倉歸併穀一萬石。橫州穀二萬石。府倉歸併穀五千石。上思州穀萬二千石。隆安縣穀一萬石。府倉歸併穀七千石。永瀆縣穀二萬七千石。府倉歸併穀七千石。太平府屬明江同知穀五千石。崇善縣穀萬七千五百石。

府倉歸併穀八千石。養利州穀萬三千九百十三石一斗。左州穀萬四千九百五十八石一斗。府倉歸併穀三千石。永康州穀萬四千四百十三石一斗。府倉歸併穀四千石。鎮安府屬天保縣穀萬二百六石五斗五升。府倉歸併穀萬一千六百七石六升三合。奉議州穀五千一百七十二石一斗二升五合。歸順州今州直穀九千四百十三石一斗。鬱林州穀二萬八千石。博白縣穀萬五千石。北流州後改州為縣穀二萬石。陸川縣穀萬四千石。興業縣穀萬二千石。雲南省雲南府屬昆明縣及府倉歸併穀四萬五百石。嵩明晉甯安甯三州富民宜良呈貢羅次祿豐昆陽易門七縣穀各九千石。大理府屬太和縣及府倉歸併穀一萬石。趙州雲南縣穀各一萬石。鄧川賓川二州穀各九千石。浪穹縣雲龍州穀各八千石。臨安府屬建水縣及府倉歸併穀一萬石。石屏河迷甯三州通海河西晉甯蒙自四縣穀各九千石。楚雄府屬楚雄縣及府倉歸併穀一萬石。定遠縣穀八千石。廣通縣南安州穀各

九千石。硿嘉州判。穀三千石。鎮南州。穀收九千	石。姚州。穀一萬石。大姚縣。穀八千石。白井。穀三	百二十三石。琅井。穀百二十四石。六斗。阿陋井。	穀百五十一石。九井。激江府屬。河陽縣。穀一	萬石。路南州。江川縣。穀各八千石。新興州。穀一	萬石。廣南府屬。寶甯縣。穀一萬石。順甯府屬。猛	緬通判。穀九千石。順甯縣。穀二萬石。雲州。穀萬	五千石。曲靖府屬。南甯縣。及府倉歸併。穀收一	萬石。霑益。陸涼。馬龍三州。平彝縣。穀收各九千	石。羅平州。穀九千石。尋甸縣。穀一萬石。宣威州。	穀收一萬石。麗江府屬。中甸同知。青稞。七千五	百七十五石。四斗。四升。四合。三勺。維西通判。穀	收四千石。麗江縣。穀九千石。鶴慶州。劍川州。穀	各一萬石。普洱府屬。他郎通判。穀六百三十六	石。一斗。威遠同知。穀四萬石。思茅同知。穀四千	石。甯洱縣。穀四千石。永昌府屬。龍陵同知。穀二	萬石。保山縣。穀四萬石。永平縣。穀三萬石。騰越	州。 <small>後改州</small> 。穀四萬石。開化府屬。文山縣。穀一萬	石。東川府屬。會澤縣。穀一萬石。昭通府屬。大關	同知。魯甸通判。鎮雄州。永善縣。穀收各四千石。
------------------------	--------------------------	-------------------------	-----------------------	-------------------------	-------------------------	-------------------------	------------------------	-------------------------	--------------------------	------------------------	--------------------------	-------------------------	-----------------------	-------------------------	-------------------------	-------------------------	--	-------------------------	-------------------------

恩安縣。收四千石。景東。蒙化。永北。三直隸廳。穀	各一萬石。廣西州。穀收一萬石。師宗縣。收九千	石。邱北縣。丞。穀三千石。彌勒縣。穀九千石。武定	州。穀一萬石。元謀縣。祿勸縣。穀各八千石。元江	州。穀九千三百六十三石。九斗。新平縣。穀一萬	石。鎮沅州。 <small>後為直隸廳</small> 。恩樂縣。穀各四千石。○貴	州。省。貴陽府。穀五萬七千二百五十九石。五斗	八勺。長寨同知。 <small>今為長寨州判</small> 。穀萬五千六百五十四	石。五斗。六升。四合。開州。穀二萬七千九百三斗	七升。定番州。穀萬七千六百四十八石。九斗。二	升。四合。六勺。廣順州。穀萬四千二百一十一石。二	斗。三升。九合。二勺。貴筑縣。穀八萬二千四百一	十石。貴定縣。穀三萬二千一百五十五石。四斗。四	升。六合。四勺。龍里縣。穀三萬五千七百六十七	石。七斗。修文縣。穀二萬七千一百八十三石。七	斗。七升。羅斛州判。 <small>今為羅斛同知</small> 。穀萬一千一百三十	九石。二斗。九升。四勺。大塘州判。穀七千九百十	一石。思州府。穀二萬三千四百三十三石。九斗	三升。六合。清溪縣。穀萬九千六百七十一石。一	斗。六升。二合。玉屏縣。穀萬八千一百九十一石。
--------------------------	------------------------	--------------------------	-------------------------	------------------------	---	------------------------	---	-------------------------	------------------------	--------------------------	-------------------------	-------------------------	------------------------	------------------------	--	-------------------------	-----------------------	------------------------	-------------------------

四斗五升三合八勺	思南府穀二萬二千六十
三石九斗六升	安化縣穀萬一千六百一石二
斗六升七合八勺	印江縣穀萬四千四百八十
三石八斗六升六合八勺	婺川縣穀萬一千八
百七十五石九升八合四勺	鎮遠府穀三萬五
千七百六十三石一斗八升四合八勺	台拱同
知穀三萬五百八十九石九斗一升八合二勺	
清江通判穀三萬五千八百十三石二斗一升	
鎮遠縣穀二萬一千一百五十五石三斗一合	
六勺	施東縣穀二萬六千五百二十一石二斗
六升七合	天柱縣穀三萬一千六百九十八石
七斗三升六合四勺	黃平州穀三萬九百二十
一石八斗二升六合四勺	勝秉縣承穀八千
四十五石七斗六升六合四勺	邛水縣承穀萬
一千一百五十八石三斗一升一合六勺	石阡
府穀萬七千四百九十九石二斗六合二勺	龍
泉縣穀萬三千二百十八石四斗九升四勺	銅
仁府穀二萬九千八百三十一石三斗六合二	
勺	銅仁縣穀二萬二千六百八十六石三斗七
升八合四勺	黎平府穀二萬五千四百三十三石三

斗九升三合	古州同知穀三萬三千三百九十
五石七斗二升	下江通判穀萬五千七百五十
一石七斗	永從縣穀萬六千八百十石三斗三
升	開泰縣穀二萬二千五百五十五石六斗三升三
合八勺	錦屏縣 <small>今為錦屏</small> 穀萬五千九百十八石
三斗三升七合四勺	朗洞縣承穀九千四百六
十三石一斗二升	丙妹縣承穀四千八百五十
五石五斗八升八合八勺	安順府穀四萬三千
六百三十九石四斗	郎岱同知穀萬九千四百
七十四石一斗	歸化通判穀萬九千四百八十
二石二斗二升八合三勺	鎮甯州穀三萬六百
七石六斗六升	永甯州穀二萬五千五百二十
五石八斗六升	普定縣穀四萬九千三百三十
五石九斗九升六合八勺	安平縣穀三萬二百
九十石三斗	清鎮縣穀萬六千八百七十五石
七升	興義府穀三萬四千三十八石六斗二合
八勺	興義縣穀萬一千三十八石二斗一合八
勺	貞豐州穀萬九千三百四十二石二斗三升
七合六勺	普安縣穀二萬二千八百九十九石
一斗五合	安南縣穀二萬八千七百四十七石

五斗。冊亨州同。穀八千三百三石四斗二升。都	勻府。穀二萬九千一百三石六升四合。八寨同	知。穀萬九千三百八十二石七斗一升六勺。都	江通判。穀二萬四千七百三十三石三斗六合	四勺。丹江通判。穀二萬八千一百石一升二合。	獨山州。穀二萬二千七百十六石七斗六升二	合四勺。麻哈州。穀二萬四千三百九十石九斗	二升七合二勺。都勻縣。穀二萬三千六百五十	六石三斗九升四合八勺。清平縣。穀三萬一千	二百九十一石九斗二升二合。荔波縣。穀萬八	千六百三十六石九斗七升五合二勺。三腳壘	州同。穀三千三十一石九斗一升五合。凱里縣	丞。穀萬二千五百九十四石二斗九升四合四	勺。大定府。穀二萬九千二百五十八石一斗五	升八合。水城通判。穀二萬九千五百七十三石	五斗七升二合。威甯州。穀二萬七千二十六石	一斗一升六合六勺。平遠州。穀三萬三千一百	五十七石四斗九合。黔西州。穀四萬八百五十	一石八斗。畢節縣。穀萬一千八百石。遵義府屬	遵義縣。穀五萬一千四百六十九石八斗四升。
-----------------------	----------------------	----------------------	---------------------	-----------------------	---------------------	----------------------	----------------------	----------------------	----------------------	---------------------	----------------------	---------------------	----------------------	----------------------	----------------------	----------------------	----------------------	-----------------------	----------------------

正安州。穀萬三千七百九十一石四斗五升。桐	梓縣。穀萬五千七百五十七石七斗六升。綏陽	縣。穀二萬三千九百四十石三斗。仁懷縣。穀萬	六千三百七十三石二斗四升二合八勺。平越	州。穀六萬四千一百八十七石二斗二升九合	八勺。餘慶縣。穀二萬八百三十七石五斗六升	八勺。甯安縣。穀二萬六百八石二斗三升三合	八勺。湄潭縣。穀萬八千八百十石六斗。普安廳	穀二萬六千七百二十五石四斗三升六合。松	桃廳。穀萬二千七百七十二石六斗一升九合	四勺。仁懷廳。穀萬七千二百二十八石八斗五	升四合。○又議定。江西省。南昌府屬。南昌縣。穀	三萬七千八百五十六石九斗三升八合。新建	縣。穀三萬八千二百五十一石一斗三升八合。	豐城縣。穀二萬五千石。進賢縣。穀二萬六百八	十四石一斗三升二合五勺。奉新縣。穀萬六千	石。靖安縣。穀萬二千二百四十石。武甯縣。穀萬	二千石。義甯州。穀萬六千石。饒州府屬。鄱陽縣	穀三萬三千石。餘干縣。穀萬六千石。樂平縣。穀	萬六千四百八十石。浮梁縣。穀萬六千石。德興
----------------------	----------------------	-----------------------	---------------------	---------------------	----------------------	----------------------	-----------------------	---------------------	---------------------	----------------------	-------------------------	---------------------	----------------------	-----------------------	----------------------	------------------------	------------------------	------------------------	-----------------------

縣穀萬二千石。安仁縣穀萬六千石。萬年縣穀
萬二千石。廣信府屬上饒縣穀二萬八千石。玉
山縣穀萬二千石。弋陽貴溪鉛山廣豐四縣穀
各萬六千石。興安縣穀萬二千一百十五石。八
斗五升。南康府屬星子縣穀二萬二千石。都昌
縣穀萬六千石。建昌縣穀萬六千八十三石。八
斗一升。安義縣穀萬二千石。九江府屬德化縣
穀二萬六千石。德安瑞昌二縣穀各萬二千石。
湖口彭澤二縣穀各二萬石。建昌府屬南城縣
穀二萬四千五百五十石。新城縣穀萬六千一
百九十五石。南豐縣穀萬六千石。廣昌縣穀萬
六千四百七十五石。八斗。瀘溪縣穀萬二千石。
撫州府屬臨川縣穀三萬三千四百五十五石
六斗五升。宜黃金谿崇仁樂安東鄉五縣穀各
萬六千石。臨江府屬清江縣穀二萬二千石。新
淦新喻峽江三縣穀各萬六千石。瑞州府屬高
安縣穀二萬二千四百八十石。銅鼓廳同知穀
八千石。新昌縣穀萬六千石。上高縣穀萬三千
五百五十七石二斗。袁州府屬宜春縣穀二萬
石。分宜縣穀萬六千八百八十三石六斗。萍鄉

縣穀萬二千二百二石五斗。萬載縣穀萬二千
石。吉安府屬廬陵縣穀三萬三千石。蓮花廳穀
八千八百石。泰和縣穀萬六千石。吉水縣穀二
萬石。永豐安福二縣穀各萬六千石。龍泉縣穀
萬六千四百三十石六斗。萬安縣穀萬六千石。
永新縣穀萬二千三百八十四石六斗。永甯縣
穀萬二千一百二十六石七斗。贛州府屬贛縣
穀三萬三千石。興國長甯二縣定南廳穀各萬
二千石。會昌縣穀萬六千一百四十三石六斗
五升。安遠縣穀萬六千七百十九石九斗。龍南
縣穀萬九千二百八十三石一斗七升。雩都縣
穀萬六千八百八十五石。信豐縣穀萬六千石。
南安府屬大庾縣穀二萬四千二百四十石。南
康縣穀萬六千石。上猶縣穀萬二千石。崇義縣
穀萬二千八百十四石。甯都州穀二萬六百四
十六石三斗。瑞金石城二縣穀各萬二千石。
陝西省漢中府屬佛坪廳穀一萬石。興安府屬
甄平廳穀一萬石。順天府北路廳屬懷柔縣
穀萬二千石。直隸省承德府屬平泉州穀萬一
百三十三石二斗八升。安徽省安慶府屬懷

甯縣米萬九千五百石。府倉歸併米萬八千五百石。太平府屬繁昌縣米萬四千石。○河南省開封府屬蘭儀縣穀三萬六千石。滎澤縣穀三萬九千石。歸德府屬睢州穀二萬九千石。懷慶府屬陽武縣穀二萬九千石。○浙江省倉常平永濟二倉穀三十二萬九百七十二石五斗五升七合二勺二抄。

欽定大清會典事例卷一百九十一

戶部

積儲買補倉穀 豐年備儲 買補運費 嚴禁囤積違趨

買補倉穀。○雍正十一年議准。廣東每年糶三倉穀。自九月以後。數在四千石以下者。定限兩月內買補足數。四千石以上者。三月內買補足數。九月以前有能先買者。聽其便宜買補。○十三年議准。直省各州縣秋成買補倉穀。如遇穀價騰貴。即將所糶價銀解交府庫。俟次年秋收價賤。照數買補。又本地買補。恐有短價派員抑勒富戶里民等弊。務令於鄰近州縣購買。以杜弊端。○乾隆元年議准。秋收買補倉穀。務擇好穀。照原糶之數買足還倉。其買補價值。照各地方時價。有餘不足。通融撥補。足數給發。不得稍有短少。致有官賄。並派累里民等弊。○二年議准。被災州縣。如有倉糧散給無存者。務於秋收豐稔之時。題明撥銀買補。以實倉儲。○又議准。各州縣平糶倉穀。務於本年秋收。及時照數買補。如逢水旱。本地鄰境價值皆昂貴難買。令該管官查覈確實。將存價緣由咨部。俟次年秋收。

無論價值貴賤。即行採買。如次年仍延緩不買。照玩視倉儲例題參。又凡遇水旱災傷。次年買補價昂。察其實在不敷之數。統計該省糶價有餘不足。通融撥補買足。如該省並無贏餘。即動支藩庫存公銀買補。仍造冊題報查覈。○三年議准。買補倉穀。嚴禁派累小民。及發短價低銀。抑勒交糧。或斗秤以大易小。以重易輕。有蹈此者。或被告發。或被訪聞。即詳揭參究。督撫徇隱一併參處。○又議准。直省倉穀。春糶秋糶。若秋成穀價仍昂。則就鄰近價平之處。於春月購買補足。如鄰近價亦未平。即察其積儲之多寡。酌量緩急。暫停買補。或俟次年麥收豐稔。買麥收儲。秋成易穀還倉。或竟俟次年秋成買穀。隨時酌量辦理。至倉穀無多地方。不便虛懸。令州縣確訪鄰省價平之處。詳明該管上司。委官採買。其原糶價值不敷採買。於通省糶價內通融撥補。僅再不足。即將糧價運費腳費。在於藩庫存公銀內酌量撥給。造冊題報。○又議准。州縣赴鄰封及產穀地方採買時。將應買數目。報明督撫。行知受買地方。如係隔省。即知會彼省督撫。

轉行知照。俟買足運回之日。取具地方官印結。將米穀數目價值。書明結內。於申報採買收倉時。一併送府驗報查覈。如有情弊。即行參處。○五年議准。浙江倉穀。除偶有偏災收成歉薄者。暫停買補外。豐收之地。將乾隆三年四年糶穀照數買足。其餘各屬。飭令將三年所糶之穀。全行買補。四年所糶之穀。在四千石以下者。亦全半。隨時辦理。○七年議准。江西湖廣。素產米穀。於有收之歲。自七八月以至十二月。將本地附近水次各屬米穀價值。每月據實咨報各省。以便採買。若各省已赴採買。而江廣等處適值價貴。即於存倉穀內酌量撥運。將鄰省價銀留儲。俟秋成照數買補還倉。○又

論從前廷臣議買補倉穀。以本邑之贏餘。為本邑之撥補。其他州縣。不得通融。如歲歉穀價昂貴。不敷採買。准其展限。朕思地方積穀。原以備民間緩急之需。必及時買足。方於儲蓄有益。若一概不許通融。而無贏餘之州縣。或又值歲歉價昂。咨部請展。則倉儲必致久懸。非濟民利用之道也。嗣後如州縣當秋成之時。

穀價高昂。不能買補。而該處存倉穀石。尚可接濟者。照例展限於次年買補。僅穀價既屬不敷。而儲倉穀石。又係不足。准其詳明上司。以別州縣穀價之贏餘。添補採買。為酌盈劑虛。挹彼注茲之計。該管督撫一面辦理。一面奏聞。又前奏請減價糶穀。於成熟之年。每一石照市價覈減五分。米貴之年。每一石照市價覈減一錢。此蓋欲杜姦民賤糶貴糶之弊。但思尋常出陳易新之際。自應遵此例行。假若荒歉之歲。穀價甚昂。止照例減價一錢。則窮民得米仍屬艱難。不能大霑恩澤。嗣後著該督撫臨時酌量情形。將應減若干之處。豫行奏聞請旨。如有姦民賤糶貴糶之弊。嚴拏究治。○八年議准。買補倉穀。如果一時買難足數。本地有穀之家。情願出售於官者。議定價值。必見穀交銀。官為經理輓運。毋得豫發價銀。強行派買。亦不得勒令賣戶上倉交納。以致愆期捏報。擾累民生。○九年

諭積貯乃民食所關。從前各省倉儲。務令足額。原為地方偶有水旱。得資接濟。是以常平之外。復許捐貯。多方儲蓄。無非為百姓計。後因糶買太多。市價日昂。誠恐有妨民食。因降旨暫停採買。俾民間米穀自在流

通。價值平減。亦無非為百姓計也。乃近聞各省大吏。竟以停止採買為省事。不思常平之設。不特以備荒歉。即豐稔之年。當青黃不接之時。亦得藉以平糶。於民食甚有關係。從前所降諭旨。總在督撫大吏奉行之時。將實在情形。籌酌妥協。其間因時制宜。原不可執一定之見。今因停止採買之令。遂任倉廩缺少。置而不理。將來必致糶借無資。固非設立常平本旨。又豈朕停止採買之本意乎。各省督撫。務須斟酌地方情形。留心辦理。應買則買。應停則停。總在相機籌畫。不可膠執定見。希圖省事。○十一年

諭各省積貯。原以備地方荒歉之用。今歲豐稔之處尚多。正宜趁此時留心籌畫。豫為積貯民食之計。俾不致穀賤傷農。但必以本地之穀。補本地之倉。恐收成分數不齊。產米多寡不一。或因一時採買。米價又致昂貴。有妨民食。著各該督撫酌量所屬地方情形。有二麥既豐而秋成又稔者。動撥屢年所存穀價。分路採買。亦不必迫期足額。務須妥協辦理。使倉儲可以漸充。而米價不致增長。○二十二年

諭地方水旱不齊。國家所藉以撫恤。災黎所待以仰給者。惟倉儲是賴。一有缺額。自應亟為籌補。然籌補之

法不待更立章程。惟在督撫實心整飭而已。前因各省爭議採買。一時米價翔湧。是以議立定額。邇年以來。市價不致過昂。此其效也。然額定而缺者不補。則緩急其奚恃焉。督撫身任封疆。民瘼所關。自當詳加覺察。時時留意。豈可因循玩視。而不為先事計耶。截漕出自特恩。原不為例。非可屢邀也。可將此通行傳諭各督撫知之。○二十八年奏准。各省督撫每月奏報糧價之時。將各州縣米穀麥豆各項糧價細數。造冊咨部存案。凡遇糶買報銷。按照成例。參酌時價。覈實辦理。○三十一年

諭各省倉穀積貯。務須籌備充裕。儻有缺額穀石。俱即動項如數買補。嗣後如有本省庫項不敷。應行請撥之處。該督撫等確覈情形。隨時據實奏聞。候朕酌量撥給。○三十七年議准。各州縣春糶秋買穀石。或因時價昂貴。例得緩買。致通案不能報銷。嗣後報銷現年買補倉穀之時。將節年緩買項下。續買若干。動用腳價若干。仍未完若干。分別年限。彙造清冊。同現年買補之冊。專案咨部報銷。○四十七年議准。浙江各州縣。春閒平糶之後。該管知府將糶價銀兩。提儲府庫。秋禾登場之後。即

責成知府。督飭州縣。領價買補上倉。盤驗結報。如實有災歉價昂。不敷購買情形。由府覈實。加結通報。始許暫緩。其腳價稍需添補。不難通融籌辦。總不得濫請緩買。儻玩視倉儲。即行一併揭參。分別議處。○四十八年議准。山東糶存穀價。俱令寄存司庫。至應行買補之時。即將原銀發還。由該管道府。出具實在買穀存倉甘結。送司查覈。○五十一年奏准。採買缺額穀石。令該管知府直隸州。確查地方產穀豐嗇。及市價低昂。詳明督撫。出具印結領價。遴委委員監視採買。隨買隨收。立限交倉。不許轉發該州縣自行買運。買竣之日。該府州驗明確數。具結通報。仍由該管道員覆驗。加結移司。彙送督撫查覈。儻有虛捏未買。混報已收。將該州縣照虧空例。揭參治罪。該管府州。一併嚴參。○嘉慶五年

諭採買一事。遠赴鄰封。自需運腳。若地方官以運費無出為詞。因之派累閭閻。巧為駁削。是便民而轉致累民。嗣後除各省附近水次舟楫可通地方。著即於鄰境採買外。其不通水路者。仍准其在本地採買。不必遠赴鄰封。該督撫等惟當督飭所屬。公平採買。以期

民無擾累而倉歸實貯。儻有短發價值。以及勒派折收等弊。經朕訪聞。或科道糾參。則惟該督等是問。○道光十九年議定。湖北採買常平倉穀。地方官自赴產穀之處買補。不准向民間浮派需索採買。其採價不敷。除該省按年自行籌捐銀一萬兩外。其借動地丁銀四萬兩。發商生息。歲收息銀。以二千兩歸還成本。造入撥冊。以二千兩提存司庫。酌量津貼。免其造冊報銷。其成本歸清後。每年息銀二千兩。另款收入撥用。遇有交代。結內聲明實儲存倉。不准以穀價流抵。儻有虧缺。即照時價買補還倉。不准以例價折交。如遲延不買。虛出倉收。以及浮收折派。短發價銀。捏報價昂。浮銷津貼等弊。嚴參懲辦。○二十六年議准。直省州縣採買常平倉穀石。領價後。勒限六箇月買補。逾限不買。即由藩司查取職名咨參。罰俸一年。再限三箇月買完。儻限滿仍有未完。革職留任。如查有虧缺。即行嚴參。○二十七年議准。州縣買補倉穀。未完捏報全完者。革職。該上司徇庇不參。降三級調用。失察者。罰俸一年。○又議准。州縣採買倉穀。如有勒派具領。暗

收折色及短發價值者。俱降三級調用。○同治三年

諭。為政之要。首在足食。各直省州縣。設立常平社倉。國家承平。留以備凶荒之用。一旦有事。恃以為緩急之需。所以為未雨綢繆之計者。法至善也。近來軍務繁興。寇盜所至地方。每以糧盡被陷。推原其故。總由各州縣恣意侵挪。忍令米粟空虛。遇變無所倚賴。又或聞警逃遁。齋盜以糧。以致守禦無資。生民塗炭。興言及此。罪有攸歸。嗣後各省常平社倉。責成督撫大吏。認真整頓。廢者復之。缺者補之。隨時稽查。凡官倉民倉未動之穀。不得變價提用。至於倉穀已缺。紳民捐貲彌補者。尤應加意保全。務使倉穀豐盈。以期有備無患。此旨著該部迅即通行各省。即著各該督撫將各該州縣倉儲實存若干。有無虧缺。查明據實覆奏。儻復因循玩忽。任聽州縣侵漁虧缺。定將該上司及州縣一併從重懲處。用示朝廷貴粟重農之意。

豐年備儲。○康熙十九年

諭。浙江動支庫銀四萬兩。往湖廣江西糶米平糶。建備米倉廩。奉天等處城守徵收雜稅。令於米價賤時購貯。名曰備米。遇有緊急。以資撥用。○二十年奉

旨。閩省被災。准其赴潮州等處買米接濟。如有藉端通海者。事覺將該督撫及押運官一併治罪。○二十四年

論山海關古北口張家口等處積貯米穀。以備蒙古飢荒。令戶部官監視運送。蓋造倉廩。○二十九年議准奉天錦州二府地丁錢糧。每年存贖銀五千餘兩。酌量米價賤時。陸續採買。其部員所收牛馬稅銀三千餘兩。交與倉官。亦酌量買米收儲。其倉內出陳易新。交與奉天將軍管理。並盛京戶部侍郎。稽察收儲米穀。每年仍將出入數

目報部。又

諭足民之道。宜裕蓋藏。從來水旱靡常。必豐年恆有積貯。庶歉歲不憂飢饉。如康熙二十七年。頗稱歲稔。誠使民間經營樽節。早為儲待。何至二十八年。偶遇旱稔。室皆懸磬。總因先時無備。遂至餬口維艱。比蠲除正賦。特發帑金。分行賑濟。被災之眾。始獲安全。今霖雨時降。可望有秋。惟恐愚民不知愛惜物力。狼藉耗費。止為目前之計。罔圖來歲之需。應行各督撫飭令及時積貯。庶終歲所食。常有餘儲。用副朕軫念民依。綢繆區畫至意。○又議准山東秋成豐熟。不論高粱

穀石。每畝捐出三合。合省計得二十五萬餘石。在各州縣適中大鄉之內。各保殷實敦厚之人。加意收儲。以備荒年。○三十年

論山西平陽等處麥田大熟。著遣堂官一人前往。照時價採買積貯。○三十一年

論去歲陝西西安等處。年穀不收。罔有積貯。以致閭閻困苦。已遣官賑濟之矣。直隸所轄地方。素有儲蓄。或州縣稍有不登。即以所貯米穀賑給。是以民生獲濟。今年豐歉尚未可知。陝西省府州縣現存米穀之數。應行查明。先行豫備。至各省府州縣。皆令積貯米穀數千石。則裨益黎庶者大矣。○四十三年

論山東昨歲歉收。江南乃產米之地。又水陸易於輓運。著總河等從江南買穀。運至東省交倉。○雍正三年

論湖廣為產穀之鄉。運往別省。皆為近便。今歲收成豐稔。著該省督撫動支庫銀十萬兩。買穀於省倉及府州縣應貯之處。加謹收貯。但須陸續採買。不可致穀價騰貴。設民間穀價稍昂。即行停止。以待來歲秋收。江南浙江。今歲均獲豐收。著各該撫就近商酌。若買穀有益。即動項採買。定數奏聞。○四年

論聞山東登萊青三府連年豐稔。商販自東而西者。絡

繹不絕。著該撫酌量動帑採買。分貯於濟南等屬米少之州縣。著勸諭各商販。多運至濟南等三府。俾民間得以收買存貯。則明歲青黃不接之時。米價不致騰貴。○七年

諭奉天地氣乾燥。不比南方潮溼之區。正當乘此豐收之時。以為儲蓄之計。著該地方官通行曉諭勸導。若有穀之家。果能留心積貯。至於穀多價賤難於出糶者。著即奏聞。朕當發官價糶買。或從海道運至京師。俾積穀之家。實獲利益。必不使有穀賤傷農之歎也。

○又奉

旨。民戶贏餘之穀。原期出糶以為日用之資。若本地糶穀者少。則出糶艱難。不可不為計及。著該地方官酌量本地情形。不必相強。若有將贏餘之穀情願出糶者。著動支官銀。照時價糶買。存貯公所。明年僅有需用。聽辦軍餉之大臣。及該督撫行文支撥。西安現有備用銀。即可動用採買。再於西安藩庫撥補還項。此朕體恤民戶。俾糶穀得價用度豐裕之至意。著地方官善於奉行。不可勒令糶賣。生事滋擾。○九年議准。山東被水州縣。賑濟所用之穀。於通省現存新收粟米。撥十五萬石。揀派科道官二人。動支

帑銀。往天津等處。率地方官買粟五萬石。共二十萬石。發與同空糧船。帶至山東。令於德州常豐臨清等倉收儲。再於奉天撥粟二十萬石。由海運至天津。再雇民船運至德州。交與山東地方官運送。其東昌以下之近水州縣。將江西湖廣漕運截留三十萬石。令該撫分撥存儲。○十一年議准。浙江每年令該督撫酌定米數。於秋收時。動項赴湖廣等處採買。分儲省城永濟倉。及杭嘉湖所屬州縣。以備歉歲平糶之用。○又議准。福建臺灣鳳山縣積穀。酌撥十萬石。赴福興漳泉四府分儲。來歲將平糶銀發交臺灣。秋成採買還倉。○又議准。直隸於永平府屬。量撥穀八千石。運送喜峯口建倉存儲。添設巡檢一員。以專責成。○十三年題准。直隸二麥豐收。以奏准司庫存公銀內。給清河道二萬兩。天津道萬兩。大名道三萬兩。霸昌道萬兩。河間府二萬兩。分發各屬。麥多價平之州縣。儘數採買。收儲本處倉內。每年易穀積儲。於年終造冊報部查覈。○乾隆元年題准。江西早穀豐收。酌動存公銀買穀十萬餘石。分儲各府州縣。以裕本省之

蓋藏兼備鄰封之緩急。○三年

諭

今歲山東河南二省麥秋大稔。但恐小民於有餘之時。不知撙節。耗費於無用之地。如躡麴耗麥地方。更當嚴禁於斯時。毋以二麥豐收。遂可稍弛其禁。至於鄰省需麥之處甚多。以本地之有餘。濟他省之不足。而貿易之利。亦在其中。務使商販流通。彼此均受其益。如果再有餘糧。即著地方官動支庫帑。照時價糶買。存貯公所。以為餘蓄。不使有穀賤傷農之慮。但不可繩以官法。勒令交易。致滋擾累。著該撫善為經理。○又議准。江南各屬麥收豐稔。小民有餘之麥。

必將急於糶賣。既恐價賤傷農。兼恐姦商富戶。囤積射利。或販賣出境。均於民食有關。應令各屬詳察本境情形。如果二麥有餘。價值平減。或將平糶米穀價銀。或於司庫撥項。在麥糧聚集處所。照市價收買存倉。不必拘定數目。若麥少價昂。即行停止。所有麥石。俟秋禾一有定局。或易穀存倉。或動撥濟用。○又奏准。今歲口外收成豐稔。八溝等處。民間雜糧甚多。難於出糶。乘此糧多價賤之時。令地方官按市價給發官銀採買。○四年

諭湖北今歲麥秋豐稔。又豫省河以南麥已大熟。當此有餘之時。必須酌盈劑虛。始於民生有益。直隸江南

上年歉收。今歲麥秋。雨又愆期。可行文直隸總督。會

同河南巡撫。酌量市價民情。委官採買存貯。俟直隸

需麥之時。以便撥運。湖北與江南鄰近。其應否採買

接濟。有便民食之處。亦行文江南督撫。會同湖北巡

撫商酌辦理。○又議准。川省秋收豐稔。米價平減。應

動藩庫乾隆八年分雜稅銀三萬兩。地賦銀十

二萬兩。委官於成都等六府州縣附近水次。出

產米穀最多處。分行採買。交該地方官。於沿江

州縣空出倉廩內。加謹收儲。其採買不拘額數

限期。但遇米價加增。即行停止。○十年

諭准徐海三屬州縣。倉儲多缺。現存糶價。積至十四萬

兩之多。未曾買補。朕思三屬乃係常被水患之處。積

貯尤關緊要。何以存貯銀兩。不豫於豐收之地買補。

及至被災。仍欲於本地採買。徒增時價。於民何益。已

降旨諭令於所屬豐收地方。或麥或穀。委員採買。○

五十一年奏准。四川本年秋成豐稔。糧價平減。

酌於附近水次各州縣。分買穀三十萬石。平買

實儲。以為接濟鄰封之用。○嘉慶四年

諭國家設立常平倉穀。原備民間緩急之需。若不照額存貯。僅將穀價貯庫。猝遇需米之時。豈銀兩所能濟用。日久挪移。並有穀價亦屬虛懸者。有名無實。均屬不成事體。著通諭直省各督撫通行所屬一體稽查。據實具報。如有缺額及存貯穀價之處。以本年秋收為期。除被災州縣酌量情形。另行勒限買補外。其餘各州縣。務令及此豐收。買補實貯。不得仍前僅存穀價。或恐市價增昂。惟當臨時調劑。不得藉詞搪塞。並嚴禁各衙門書吏剋扣抑勒諸弊。儻敢虛應故事。並不實力整飭。一經發覺。必將各督撫及原虧各員。分別治罪。毋謂誥誡之不豫也。○五年

諭各省倉儲。關係各省民食軍糈。若於地方年歲豐稔之時。不行買補足數。設遇一隅偏裨。或他省有需用之處。何以接濟。此皆守土大臣所應隨時經畫者。儻經此番訓諭之後。各督撫等於倉儲仍不肯實力整頓。一經查出。必當重治其罪。○又

諭向來各省採買穀石。原應按限補足。以實倉儲。然各省收成分數。豐歉不一。亦須分別辦理。即如本年四川陝西湖南廣西等省。有得雨較遲州縣。浙江江西福建等省所屬。間有被水州縣。各該處收成未免歉

薄。若將倉穀一律採買。轉於民食有妨。著通諭各督撫等。除秋收豐稔省分。均當及時買補報部查覈外。其各省內有收成稍減之州縣。不妨暫緩採買。俟穀多價賤之時。再行採辦。嗣後各省辦理買補。均須各按年歲情形。分別查辦。以期民食倉儲。兩無妨礙。

買補運費。康熙三十一年

諭聞西安米價仍貴。流民還原籍者稀少。朕為陝西地方民生。常縈於懷。聞自湖廣襄陽至陝西商州。水路可達。應將目下運到襄陽米二十萬石。水路運至商州。自商州運至西安。照湖廣價值。加算所運腳費。與之貿易。則米價即平。於百姓大有裨益。所得價。齎至湖廣。復買米糧。依法轉輸平糶。俟陝西流民悉還本籍。米價既賤之後。方行停止。○雍正十三年。覆准倉穀春糶秋還。其折耗並腳價等費。在所不免。如遇秋糶價賤。除諸費外。果有贏餘。應聽該州縣自行據實詳明。以備地方平糶賑濟之用。該管上司不得藉端要挾。勒令多報。○乾隆三年。覆准平糶糧米。既令運米至鄉糶賣。又令四鄉分路採買還倉。應酌量道里遠近。給予腳價。覈明應需銀數。在於藩庫存款項內。先行借給。仍於

糶糧贏餘價內照數還項。○又覆准買補之時。時價或有不敷。及赴鄰邑並江廣產米處購買。其盤費運腳。如州縣自有贏餘。即於贏餘內動用報銷。若本郡邑並無贏餘。則申請於別屬贏餘內通融撥用。儻別屬亦無贏餘。則於藩庫存公銀內給發。○又覆准運穀到鄉平糶腳價。即於米價內支銷。○又覆准動撥湖南倉穀十萬石。運往閩省備用。委總運官二人。協運官四人在岳州賃船。編列字號。分別抵蘇。其運穀水腳。湖南至江南。每石給水腳銀一錢五分。貴時加增。每石外加耗穀五合。每石酒錢三釐。神福三釐。舵工一釐。自湖南至漢口。沿途剝淺。官給半費。餘出船戶。由漢口以東。直至鎮江進插至蘇州。凡有剝淺。官為給費。經過關插。船料穀稅。咨明該監督。概免收稅。各船由雇定之日起。以開帆之日止。中間放水守空。船戶水手日給米一升。各府州縣。由小河運至湘潭及長沙岳州。除貼近水次大船。不給運費外。其餘每百里。每石給銀一分。由府州縣倉運至水次上船。需用腳費。酌量遠近給發。至會齊處盤上大船。每石給

銀一釐。總運官每人日支飯銀五錢。協運官每人日支三錢。跟隨僕役及所雇照看人夫。每名日支五分。均自收穀上船之日起。赴江回楚之日。止。至官役同時。別雇船費。每人酌給銀十兩。僕役每名酌給銀三兩。○七年議准。江蘇倉糧運費。凡係官塘大河。及內河寬深舟運易行者。每米穀一石。每百里給水腳銀八釐。內河小港淺窄之處。給水腳銀一分。陸路擔運。每里給腳價銀一釐五毫。○又覆准。本色運鄉平糶所用腳價。照例在於存公銀內給發。儻存公銀不敷。臨時酌量。於正項內。報部撥給。○八年覆准。廣西大河舟楫相通之府州縣。每站百里。不分米穀。每石給水腳銀一分五釐。小港支河之府州縣。每站給銀二分。再搬運上倉下船。每石每里給腳價銀二釐。不通水路之府州縣。遇山路險峻。每石每里給腳價銀二釐。平坦之路。給銀一釐。○又議准。四川所儲水次米穀。若遇鄰省需糧接濟。凡碾運各費。令該省交給委官。齎帶赴川。自行領運。應還糧價。亦令該省照數解川歸款。○又覆准。四川撥運米穀。大江運價。三四九

十等月。水勢停緩。每石每百里。順水。給銀七釐。逆水。給銀一分四釐。正二及十一。十二等月。水稍乾涸。順水。給銀九釐。逆水。給銀一分六釐。小港。每石每百里。順水。給銀一分六釐。逆水。給銀三分二釐。陸路平坦處。每里給銀一釐五毫。半坦處。給銀二釐二毫。崎嶇處。給銀三釐。自五月至八月。大江水勢汎濫。止可隨時辦理。難以酌定章程。○又議准。直隸撥運米穀。水運。每石每里。給銀一毫五絲。陸運。每石每里。一釐。運送陵糈米豆。因無回頭載運。每石每里。給銀一釐四毫。○

又覆准。山東運糶米穀。陸路。每石每百里。給銀一錢。水路。二分。○又議准。奉天運糧。每石每里。給銀一釐二毫。○又覆准。浙江撥運倉糧。陸路。每石每里。七毫。險路。一釐五毫。水運。官塘大河。每石每十里。一釐。小港淺窄處。每石每十里。一釐五毫。○又議准。山西撥運米穀。不分平險。每米一石。每百里。給銀一錢。穀一石。每百里。給銀六分。○又議准。江西撥運糧米。凡河內水窄。下水。每石每站。給銀一分。上水。一分二釐。大江寬路。每石每站。下水。五釐八毫。上水。六釐九毫。六

絲。○又覆准。河南水運米麥。每石每百里。給銀一分。陸路。一錢四分。水運穀稻。每石每百里。給銀八毫。陸路。八分。○又覆准。湖北撥運米穀。如水路易者。每石每百里。給銀七釐。難者。一分二釐。陸路易者。每石每里。給銀一釐。難者。一釐五毫。○又覆准。湖南撥運米穀。大河。每石每百里。順水。給銀五釐。逆水。七釐。小河。順水。每石每六十里。給銀七釐。逆水。一分。險灘。順水。給銀一分。逆水。一分二釐。其陸路平坦。每夫。擔穀六斗。米四斗。每六十里。給銀五分。山路。給銀六分。山路難行。給銀七分。○又覆准。安徽撥運米穀。凡係濱江大河。每石每站。給銀六釐五毫一絲。內河小港。水淺狹小之區。每石每百里。給銀一分。溪河水淺。每石每站。給銀一分八釐。溪江沙灘。每石每站。給銀二分。其陸運平坦大路。每石每里。給銀一釐。路稍崎嶇。每石每里。給銀一釐五毫。山路崎嶇。每石每里。二釐。山嶺紆折之區。每石每里。給銀三釐。○九年覆准。陝西撥運米穀。水路。每石每百里。給銀四分。陸路平坦大道。每石每百里。一錢。山路崎嶇。邊方荒僻。每石每百里

一錢六分。○又覆准甘肅撥運倉糧。無論河東河西。每石每百里。概給銀一錢三分。○又覆准雲南運送米穀。平路每石每站給銀一錢二分。道路崎嶇者。每石每站給銀二錢。○又覆准貴州輓運米穀。陸路平坦程途。每夫每里給銀一釐。險峻道路。每夫每里給銀一釐八毫。○又覆准廣東撥運米穀。平坦陸路。每石每里給銀三釐。崎嶇之路。每石每里給銀四釐。車載每石給銀一釐。水程下水。每石每百里給銀七釐。上水一分。海運七分。○又議准福建水路運送溪灘淺窄順流之處。每十里。每穀一石給銀八毫。米一釐。深通寬暢之處。每百里。每穀一石給銀六釐。米八釐。上灘逆流。每十里。每穀一石給銀一釐。米一釐五毫。其陸路每石每里銀七毫。平坦道路。每石每里擔夫銀一釐。山路險峻。銀一釐五毫。○二十三年

諭陝西省延安榆林沿邊一帶。米價昂貴。現撥甯夏倉糧。以資協濟。而雇車領運。若照定例給以官價。窮民往返未免拮据。著加恩將靖邊定邊榆林懷遠四縣領運車畜。除官價外。每石每百里加銀五分。回空仍

給半價。其將來甯夏軍需各項運竣。仍令運糧前往協濟。所有車輛牲畜。亦照此例一體賞給腳價。以示優恤邊氓之意。○四十一年議准。奉天採買撥運倉糧。陸路每石每里給銀一釐二毫。水路每石每里給銀一毫四絲。由海運至直隸天津內河。每石給銀一錢四分。直隸採買糧石。在本境買回者不給。如賑糶撥運。有赴鄰近採買。自外運至本境。又自本境運至倉廩及設廠處所者。准給腳價。其自通至津出口。及運至北倉米石。又自奉天等省由海運回米石。內河運脚。概照水程。每石每里給銀一毫五絲。江西採買撥運米石。陸路過山過嶺。每百斤每里給銀一釐。如一時急需撥運。水遠陸近者。亦准陸路給發腳價。又上倉下船。每石每里給銀二釐。照里數加減。水路凡大江大河大湖。上水下水。俱以一百里為一站。其灘河下水。亦以一百里為一站。若溯流而上。灘險難行。以六十里為一站。小河阻淺盤剝。無論上水下水。每石每站。俱照正運水脚。算里數給發。大河阻淺盤剝。亦無論上水下水。每石每站。給銀三釐。照里數給發。福建採買撥運

米穀海運自江南上海至閩。每米一石。給銀九分。每穀一石。給銀六分。自浙江乍浦至閩海。每米一石。給銀七分。四釐八毫。每穀一石。給銀五分。一釐。浙江採買米穀。陸路平坦挑運。每石每里給銀一釐。過壩盤塘。每石給銀五毫。水路如係外江撥運。每石每里給銀五絲。遇有剝淺。按時酌給。山溪狹運。每石每里給銀二毫。湖南採買撥運米穀。水路上倉下船。每石每里給銀二釐。雲南採買撥運米穀。陸路通衢大道。夫運每石每站給銀一錢三分五釐。馬運每石每站給銀一錢八分。僻處山陬。夫運每石每站給銀一錢六分五釐。馬運每石每站給銀二錢。水路寬處。每石每里給銀四毫。溪河淺窄。每石每里給銀五毫。貴州常平米穀。俱在本境採買。不給運費。○又議准。奉天海運豆石至天津。押運官員每員日給飯食銀一錢。每兵役一名。日給飯食銀五分。陸路同省。日給車腳銀一兩。又每豆一百石。准銷席片六領。秫秸二十束。以作裝船鋪墊。直隸由口外採買糧石至省。准給口袋。每條賃價銀四釐。山東撥運鄰省糧石。押運官。每員

日給盤費銀一錢。跟役每員四名。每名每日給飯食銀五分。江西撥運外省米石。押運官役。盤費飯食。分別水陸。隨時酌給。凡走長江船戶。水手放水守空。每名按日給米一升。以雇定日起。開幫日止。其本省零星採買撥運。隨雇隨裝者。不給。若於本省鄰境僻地。遇有急需應用數多者。小船溯流盤灘而上。准給腳價。如撥運數多。小船難雇。需用原船循環裝用。凡回空行走之日。全給食米。浙江永濟倉。無額設筓斛等夫。凡遇運米出倉。每石給筓夫銀一釐。斛夫銀一釐。張縷夫銀二毫五絲。攪肩夫銀二毫五絲。馱夫銀二釐八毫。口袋賃價銀五釐八毫。以庫平紋銀九三折給。○又奏准。撥借鄰邑穀石。仍令運還本邑。殊覺拘泥。糜費運腳。嗣後各州縣遇有應還鄰穀。可以劃抵者。隨時籌辦。報部查覈。嚴禁囤積造麴。○康熙三十二年

諭今歲畿輔地方歉收。米價騰貴。通倉每月發米萬石。比時價減少糶賣。止許貧民零糶數斗。富家不得多糶轉販。又蒸造燒酒。多費米穀。著戶部速移咨該撫。將順永保河四府屬蒸造燒酒。嚴行禁止。○四十八

年

諭湖廣江西之米。或浙江富商。或土著人民。某人於某處買米石若干。清查甚易。應行文湖廣江西督撫。委賢能官。將有名馬頭大鎮店。買賣人名姓。及米數一併查明。每月終一次奏聞。並將奏聞之數。即移知江浙督撫。湖廣江西之米。不往售於江浙。更將何往。此米眾所共知。則買與賣不待申令。而米之至者多。即大有利於民也。○五十五年覆准。山東河南兩年大熟。

京師麥價未見平減。皆由商賈豫行收買久儲。不得均糶所致。行文山東河南巡撫。查明由水路北來賣給商賈米穀數目。每月奏聞。仍知會直撫。凡本處商賈有多買久儲者。嚴行禁止。其已至直隸麥穀數目。亦令直撫查明。每月奏聞。

除沿途照常買賣外。富商人等有多買久儲。亦令嚴行禁止。沿途地方不肖官役。或有藉名稽察。留難勒索者。該撫題參治罪。○六十年

諭京師禁止買米居積。係府尹專職。並交與八旗都統步軍統領等。一同嚴行禁止。○雍正四年覆准。平糶

之時。如有姦商勢豪。居積射利者。即時訪拏。按律治罪。該州縣官不嚴行查禁。該督撫題參。交部議處。○乾隆二年議准。燒鍋一事。各省情形不同。應令各該督撫。就近省情形。因時制宜。以觀成效。躉麴一項。係燒鍋盛行之源。躉麴多則私燒廣。有損蓋藏。嗣後違禁私燒者。照違制律。杖一百。廣收新麥。躉麴開燒鍋者。杖一百。枷兩月。失察地方官。每一案降一級留任。失察至三案。降三級調用。如官吏有賄縱等弊。照枉法律計贓論罪。○又議准。嗣後五城發糶官米。如有姦民串買囤積至四五十石。及買作燒鍋之用者。俱嚴行查拏治罪外。其餘肩挑背負。不過數石者。概免查究。○三年

諭直隸山東河南等省。上年秋成歉薄。穀價昂貴。今春山東河南得應時雨澤。二麥可望有收。則本省鄰省皆可資其接濟。無如小民愚昧。往往不知樽節。而耗費麥之最甚者。莫如躉麴一事。朕聞每年麥秋之際。地方有富商大賈。挾持重貨。赴各區大鎮水陸通衢。販賣新麥。專賣與造麴之家。以圖厚利。而造麴之家。蓋成邱房。廣收新麥。惟恐其不多。小民無知。但顧目

前得價售賣。不思儲蓄為終歲之計。而此輩姦商。惟以壅斷為務。不念民食之艱難。此實閭閻之大蠹。不可不嚴禁重懲者。如山東之臨清。江南之鎮江。此弊尤甚。中外共知。朕思商民販麥。則糧食疏通。於百姓有濟。不必稽察。致有阻滯。惟查明躉麵之家。嚴行禁止。違者從重治罪。則有用之麥。不致耗費於無用之地。於本省鄰省均有裨益。著該督撫等轉飭各地方官。實心奉行。毋得視為具文。苟且塞責。僅稽查不力。仍有違禁私躉者。經朕訪聞。必將地方官從重處分。不稍寬貸。即督撫亦不得辭其咎。○十五年

諭近來京師米價稍昂。時屆隆冬。小民艱於餬口。著將八旗米局。現在收買存貯米石。照時價酌減發糶。如有不敷。著於京倉支領。五城由京倉各領米一千石。照八旗定價。一體設廠平糶。交該御史等嚴行稽察。毋令囤戶乘機射利。查出從重治罪。○二十四年

諭燒鍋躉麵。例有明禁。邇來屢經降旨。令地方官嚴行查禁。毋使糜費米糧。乃有司視為具文。奉行不力。遂致鄉邑愚民。違禁私燒。竟成利藪。向來例禁。或以收成豐稔之年。如苦澁高粱。細碎糠粃。原無關於小民粒食之需。然不力為禁止。則苦澁細碎之不已。必至

及於精鑿。其為耗穀累民。甚有關繫。司民牧者。正當及時加意實查。實力禁防。以重民依。而平市價。儻因有此旨。而姦胥蠹役。因之苛索滋擾。則惟於辦理不善之地方官是問。○二十五年

諭上年因得雨稍遲。糧價易致增長。是以節次酌設五城各廠米豆草束。多方籌畫出糶。以平市價。而麥麵一項。至今源源接濟。現在河南麥石。將次糶完。而山東五萬石。已經續到。江南十萬石。亦已連艘北上。且商販以時轉運流通。當此冬雪優霽。春膏疊沛。秋苗青葱暢茂。所有現在麥價。尤當日就平減。乃據順天府尹奏報。現今時價。較上半月每石加增三錢。此必其中姦商市販。巧為牟取。以致翔貴若此。國家立法調劑。原屬因時制宜。非可援為定例。且前經降旨。將官員俸祿。先行借放。原期米石倍為充裕。而商販等乘時落價。收買存積。及至支放已停。則乘機昂貴。京城重地。設官糾察彈壓。至為詳備。顧任一二刁民。乘閒居奇。甚至齊行把持。累及閭閻口食。而莫之懲儆。可乎。著步軍統領衙門。會同五城御史。順天府嚴行飭禁。如有藉此多收囤積。高擡市值者。即行查拏究處。以為逐利病民者戒。○二十六年議准。向例地方

官辦理平糶。赴糶者俱限以升斗。止許零星糶買。雖有巨商挾重貨以圖倍利者。亦無所施其技。立法甚嚴。惟是不肖行戶。聞有誘買無賴窮民。給予零星價值。令行赴糶。糶得之米。仍入行鋪之手。聚少成多。重利可致。糶係貧民。而利歸商販。狡獪之術。禁遏宜嚴。至若串通經手胥役。蒙混官司。以致冒濫。尤不可不防其漸。應由直隸總督嚴飭地方官。於平糶時。查出前項情弊。照例治罪。○三十四年奏准。通州人民不得於通州及近京地面。私立米局。囤積俸米。若地方官不切實查拏。照例議處。至各該處賣米行店。不係囤積俸米者。胥役仍不得藉端滋擾。○嘉慶元年議准。倉穀出糶之時。該督撫轉飭地方官嚴禁囤戶。地方官若不嚴行查禁。照溺職例議處。○嘉慶十九年

諭給事中楊懌曾奏請禁商囤積米糧以濟民食一摺。本年安徽省缺少雨澤。糧價增昂。前據巡撫胡克家奏。動撥藩庫銀二十萬兩。委員分赴鄰省採買米石。運至該省備用。業經降旨允准。今據該給事中奏。該省廬州六安毗連之雙河鎮三河鎮一帶。有呂姓

米商修蓋倉房。沿河七十餘里。盤踞多年。每歲積穀百餘萬石。賤買貴賣。倉名有二十八豐號數。其餘分戶囤積者。尚復不少等語。從來通商所以便民。若當市糧昂貴之時。貧民需食孔殷。豈可任令姦商居奇牟利。著胡克家即委員查明該商囤積糧石數目。官為平定價值。開倉出糶。俾穀石流通。窮黎得資接濟。如該商等抗違隱匿。即將糧石入官平糶。仍治以應得之罪。○道光二年

諭京城鋪戶囤積米石。私運出城。例有明禁。著步軍統領衙門順天府五城一體嚴密稽查。如有米店碓房違例囤至五百石以上者。即行照例懲辦。並嚴飭該管員弁於各城內實力訪拏。毋任稍有偷漏。○咸豐六年

諭本年京官俸糶及八旗兵米。均按季按月支放。京師民食。本屬足敷周轉。何至旬日之間。米價驟長。幾至加倍。雜糧亦復昂貴。顯係市僧姦商把持行市。射利居奇。實於小民生計。大有妨礙。必應嚴加懲創。以儆刁風。著步軍統領衙門順天府五城先行出示曉諭。米鋪各商人等。於米石雜糧。務均糶糶。僅查有私行囤積。擡價居奇。把持行市。以致妨礙民食者。即著各

該衙門嚴拏交部治罪。亦不得任聽吏胥藉端需索。致多擾累。○十一年奏准。嗣後各商。僅有逾數囤積。並遲至三月不行糶運者。照違制律治罪。所囤之糧。酌量平糶。○光緒七年奏准。四川省太平縣亢旱歉收。查獲違禁燒鍋多名。照例各擬枷杖。其已燒酒麪。作值銀六十五兩零。變價充公。

欽定大清會典事例卷一百九十二

戶部

積儲 裕備倉儲 倉儲耗折 盤查倉糧

裕備倉儲。○康熙三十年議准。直省捐穀。每州縣再加儲一倍。其捐米內有高梁。交春易於紅朽。令即出糶。買粟補倉。以備賑濟。○三十一年議准。山東夏秋二季。每畝應捐米麥。秋成後即令易穀。併作一次。每畝共捐穀四合。除省有倉廠外。其無倉廠之州縣。地方官酌量修蓋。加謹收儲。陝西西安鳳翔二府。及福建浙江。均照此

例捐輸。○三十三年奏准。山東運至

盛京之糧。由金州等處海岸經過。酌量截留。減價發賣。再遼陽岫巖鳳凰城三處之人。向來俱在牛莊買米。亦照金州等處。將糧米截留。○又奉旨。發霸州文安等處貯倉米穀十萬石。除散賑外。皆減價平糶。並截留山東漕米。於景州等處發糶。以平米價。○三十四年

諭。北地寒冷。米穀多至失收。今河水方盛。著將通倉米運至密雲順義各一萬石。令貯倉備用。○四十二年諭。山陝不通水路。若稍遇災歉。即至艱窘。今值糧米充

裕之時。無有急於各地方積貯者。令督撫等將豫備之處。盡心究議。欽此。遵

旨議定。陝西人口衆多之州縣。儲米三千石。次二千石。又次一千石。交與地方官採買存儲。動西安司庫兵餉銀十四萬兩。以十萬兩照時價買米。以四萬兩蓋造倉廩。甘肅所屬。向無倉廩。動用常平倉糧內十分之一蓋造。將此項糧石。照數填還。再陝甘二處。照依應徵地丁銀一錢米一斗者。令捐輸糧三合。以為備災之用。歲數停捐。○四十三年覆准。江甯倉捐米八萬七千餘石。久儲必致沓爛。照常平倉每年存七糶三。秋成買補。○四十四年議准。豫省河南府。居數省之中。積穀以備賑濟。山陝之需。今將四十三年漕米。每米一石。易穀二石。共穀四十六萬五千六百八十二石。於河南府收儲穀二十三萬五千六百八十二石。造倉廩二百九十三間。其餘二十三萬石。於近汴近洛之祥符縣儲三萬石。中牟縣儲二萬五千石。汜水縣儲二萬石。鞏縣儲二萬五千石。澠池縣儲二萬石。偃師縣儲二萬八千石。陝州儲二萬七千石。靈寶縣儲二萬八千

石。閔鄉縣儲二萬七千石。共造倉廩三百六十四間。嚴飭加謹收儲。每年於青黃不接之時。出陳易新。照依三分之一。借給農民。秋後還倉。○雍正元年議准。截留漕米六萬二千五百九十石。於河南衛輝府倉存儲。撥運陝州。收捐米二萬石。於懷慶府倉存儲備用。○四年議准。福建臺灣。除常運平糶米五萬石外。動正項錢糧運米十萬石。存邊海地方備儲。若遇臺灣豐年。酌量加運。廣東通省府州縣存儲數多者。開倉平糶。即將價銀交數少之州縣買儲。再將廣西捐穀糶三價值。仍令採買穀石。運交廣東分儲。○五年奏准。浙江常平倉。於前定捐數七十萬石外。加倍捐至一百四十萬石。按大中小縣分別存儲。○又

諭。設米穀倉六所。於江南泰州通州如皋鹽城海州板浦附近商竈地方。以備賑濟。○七年奏准。臺灣粟石。止可存備全臺並廈門金門等處兵糧。茲將官莊現存粟四萬九千餘石。價銀七萬三千四百餘兩內。抽撥採買。運到漳泉二府。永為定例。○又奏准。浙省溫處各屬。舊存穀石。有一二萬三

四萬不等。嘉湖甯紹等處。少者四五千。多亦不過七八千。惟省城旗營駐防。更為緊要。永濟倉捐納補漕案內。應購米四十四萬餘石。除分儲金衛嚴三府。及備借兵米外。餘悉儲本倉。今酌定應儲穀四十萬石。抵米二十萬石。其餘共應買穀四十八萬石。於通省中按縣分大小。水陸衝僻。或僅為本地之儲積。或可備鄰境之轉輸。酌定數目。除原存外。少者添撥。每年存七糶三。秋成補還。○又議准。山東各府並附郭首縣。儲穀二萬石。大州萬八千石。中州大縣萬六千石。中縣萬四千石。小縣萬二千石。大衛萬石。中衛五千石。小衛二千五百石。大所三千石。以此定額。其地要民稠。或積窪易潦者。酌加二三千石。如有缺額。動帑買補。○九年覆准。江蘇所屬十二府州。備儲倉糧。動支藩庫銀。委官赴產米地方。分頭陸續採買。大縣儲米萬五千石。中縣萬石。小縣八千石。穀則倍之。凡遇緩急。於存七糶三之外。酌量平糶。即將原銀解存府庫。秋收後報明。俟米價平時。即行領買。或有贏餘銀。多購米穀存儲。○十年覆准。江南崇明縣孤懸海外。

即於前項買米案內。買撥萬石。收儲崇明縣倉。遇米價昂貴。該縣平價出糶。俟米價平減。隨即買補足數。○乾隆十一年議准。福建福興漳泉四府。民食倉儲。不能不仰藉臺灣運濟。今臺灣各廳縣。於本年三月內。買足四十萬石之穀。永為定額。遇有內地撥用。即於實儲四十萬石內。動撥。將藩庫現存銀。隨時發交臺灣。買補足額。仍將買補穀數價值。分析造報。至運穀搭運商船。已至內港。因駕駛不慎。船被閤損。漂失米穀。及雖在外洋遭風。其船無實在擊碎形迹。舵工水手皆存。牌照無失者。概不准豁免。仍著落行保船戶。照時價賠補。其有在外洋遭風。舵工水手漂失無迹。及在外洋橫礁擊碎。有實在形迹可驗者。即具切實供情印甘各結。先將商船遭風失水情形。米穀數目。逐案咨部查覈。仍俟歲終。將應豁各船米穀。彙案報題豁免。永為定例遵行。○十三年覆准。常平倉穀之外。別有儲穀如河南之漕穀倉。儲穀七十七萬五千一百四十三石有奇。江甯省倉。現儲穀萬二千石。乾隆七年奏明。請動銀五萬兩。採買補倉。因價昂未

買福建之新設臺灣倉。奏請備儲四十萬石。現存三十九萬六千七百十有六石有奇。浙江永濟倉。儲米八萬七千四百三石有奇。玉環同知倉。儲穀六千石。廣東廣糧通判倉。存穀九萬二千七百八十五石。平糶穀六千三百四十五石。存價銀三千三百八十四兩有奇。均因地制宜。以資接濟。皆不在常平額內。令各省督撫照舊存儲。又江南崇明縣倉。儲米抵穀二萬石。因孤懸海外。特加儲備。亦照舊存留。○十八年議准。湖北為江浙上游。界連秦豫。各省偶有缺乏。俱藉資於楚米。而湖北額穀止五十二萬石有奇。較之各省。尚不及額多者三分之一。應於舊額之外。加儲四十萬石。存為鄰省協撥之用。○二十四年奉

旨。景州以北水次州縣。二次截留漕糧共四十萬石。酌量分貯。○二十七年議准

盛京旗倉。除支用外。所存不過十餘萬石。民倉不過三十萬石。照例糶賣。所存無多。令各州縣加儲粟米二十萬石。價貴則發糶以濟民食。價賤則糶補以免傷農。並令沿海各倉。加儲黑豆五

萬石。以備運通之用。○又議准。山西大同府屬之豐鎮廳。朔平府屬之甯遠廳。係衛所改設。其常平倉未經設立。查豐鎮廳。每年應徵米一千四百七十石。甯遠廳。每年應徵米五千一百六十七石。以十年計之。共得米六萬六千餘石。即以勻儲二廳。作為常平額糧。動用耗羨。添建倉廩存儲。○四十二年奏准。安徽鳳穎二府屬。添建豫備倉廩。不拘豆麥雜糧。增儲二十萬石。分儲鳳陽壽州鳳臺亳州阜陽霍邱蒙城太和穎上等州縣。以備鳳泗二屬就近撥協賑濟。如遇

無需動用年分。照常平糶易之例。於糧價昂貴時存七糶三。減價平糶。若遇儲穀年久。亦一律出陳易新。其有無動用。均照常平倉穀。於每年歲底一律盤查。奏銷結報。○五十五年奏准。四川附近水次各州縣。加儲穀三十萬石。現在穀價平減。再分買穀五十萬石。以備本省平糶及接濟鄰封之用。○嘉慶二年覆准。四川秀山縣常平倉穀。按照例價。加買穀一二萬石。用資儲備。○道光二年

諭。黔省各屬額貯倉穀。前經該省奏明分年買補。茲據

糜奇瑜奏稱。向來穀價一項。有已提存藩庫者。亦有僅存各道府庫。並存留各廳州縣庫者。請一併提至司庫。以歸畫一等語。所議章程俱是。著照所請辦理。如有延不批解者。該撫即嚴參究辦。仍察看秋成豐稔。發價買補。以地方之大小。定採買之多寡。其應買穀數。在二三千石以內者。勒限一年買足。五六千石以內者。勒限兩年。七八千石以上者。勒限三年。一萬石以上者。勒限四年。如穀數較多。於年豐穀賤時。酌量加買補足。總不得逾五年之限。儻各該員於限內離任。務須以實穀貯倉交代。概不准將例價折支。嗣

後如再有以例價流抵。及後任徇情濫接。該撫查明一併參辦。以除積弊而實倉儲。○十五年

諭。戶部奏查覈常平倉穀額貯虧短。現存未買各數目。按各省冊報。開單呈覽。朕詳加披閱。各省現存穀僅止二千四百餘萬石。歷年動缺穀一千二百五十餘萬石。虧缺徵變穀二百七十餘萬石。糶缺借缺穀三百十餘萬石。雖尚存有糶價銀一百十餘萬兩。並未隨時買補。統計缺短穀一千八百餘萬石之多。幾及額貯之半。節經該部逐案逐年行催。並不詳細登覆。實屬疲玩。積貯為民食所關。國家設立常平倉。為有

備無患之計。各該省遇有動用。必須隨時買補。顆粒無虧。以期緩急有恃。近年各省倉穀動缺如此之多。總由各州縣玩視倉儲。既不慎重出納。該管上司復不實力稽查。若不亟加整頓。已缺者永無歸補。現存者任意侵移。尚復成何事體。除因公動缺穀石較多。一時全行買補。恐於民食有妨。責成各督撫另籌陸續歸補外。其存貯穀價銀一百十餘萬兩。著各該省督撫迅飭各該屬察看情形。即行買補還倉。如有藉端勒索。剋扣等弊。惟該督撫是問。至各員虧缺徵變穀石。著查明按限追繳。如仍前延宕。即指名嚴參治罪。毋稍寬縱。糶缺借缺等項穀石。除現存糶價外。借缺穀石。有無徵還。糶價銀兩。有無存貯。曾否提解司庫。著即逐細查明。報部備覈。現存穀石。著飭屬加謹收貯。遇有因公動用及出陳易新之處。詳明該管上司。即專案報部查覈。仍飭隨時籌買歸倉。儻有虧缺。即嚴參示儆。若扶同徇隱。查出一併治罪。如動用後不專案報部。查出即著落擅動之員賠補。以歸覈實。所有各省倉糧奏銷案內動缺虧缺。未據造冊報部。及歷年倉糧奏銷。未經題報者。著速行分別造報。毋再延宕。並查取造報遲延職名。送部覈辦。以儆玩延

而重積貯。○同治三年

諭。為政之要。首在足食。各直省州縣設立常平社倉。國家承平。留以備凶荒之用。一旦有事。恃以為緩急之需。所以為未雨綢繆之計者。法至善也。近來軍務繁興。寇盜所至地方。每以糧盡被陷。推原其故。總由各州縣恣意侵挪。任令米粟空虛。遇變無所倚賴。又或聞警逃遁。齋盜以糧。以至守禦無資。生民塗炭。興言及此。罪有攸歸。嗣後各省常平社倉。責成督撫大吏。認真整頓。廢者復之。缺者補之。隨時稽查。凡官倉民倉未動之穀。不得變價提用。至於倉穀已缺。紳民捐資彌補者。尤應加意保全。務使倉穀豐盈。以期有備無患。此旨著該部迅即通行各省。即著各該督撫將各該州縣倉儲實存若干。有無虧缺。查明據實覆奏。僅復因循玩忽。任聽州縣侵漁虧缺。定將該上司及州縣一併從重懲處。用示朝廷貴粟重農之意。○八年

諭。常平倉為積儲良策。自軍興以來。各省倉穀率多空虛。亟應及早籌補。以備災歉。著各直省督撫督飭該管道府按屬查報。應如何籌款分年買補。並嚴杜州縣侵挪之處。即行妥籌辦理。

倉儲耗折。○乾隆四年議准。浙江永濟倉。建設

省會。地方潮溼。所儲米糧。嗣後除春糶本年買補新米及已經易穀者。不議耗折外。其餘米糧存儲一年之後。准其每石銷耗一升。至次年每石銷耗五合。遞年照次開銷。陝西甘肅各州縣收捐之糧。及常平倉收儲之糧。除本年所收者不准開耗外。至收儲次年以後。三年之內。每石每年准其開耗一升。作正報銷。三年之後。不准再減。其延安府徵收本色糧米。准其每石收耗三升。留充折耗之用。雲南稅秋糧米。有耗之府

廳州縣。每石收耗三升。正耗之外。復收鼠耗三升。於民有累。應將正耗三升。減出作為鼠耗。其外收之鼠耗三升。概行豁免。無耗之州縣。仍准徵收鼠耗三升。以備折耗。其餘直隸各省。地勢有燥溼不同。積儲米糧。亦有多寡不一。因地制宜。毋庸開耗。○七年覆准。陝西西安。延安。鳳翔。同州。榆林五府。邠州。乾州。綏德。鄜州。四州。風土高燥。所屬州縣倉糧。從無微變。毋庸開報氣頭。厥底。其漢中府屬之甯羌。南鄭等九州縣。興安州。及平利。石泉等六縣。商州所屬之雒南

等四縣地既卑溼所產又多稻穀性不耐久。遞年挨次出易。地僻民稀不能照數易新。自應仿照京倉開報氣頭廠底之例酌定成規。以免賠累。其儲倉已過五年者照京倉例酌減十分之三。若儲倉未過五年及已開報氣頭廠底一次者均不准開報。○八年題准浙江各倉除臨安於潛嶧縣泰順等縣毋庸置議外其餘各屬倉穀如甲年買儲之穀於乙年糶三糶四尚有存七存六於年終盤查時照存儲一年例每石開報氣頭穀三合廠底穀一合其存七存六穀於丙年又經糶三糶四尚有存四存二於年終盤查時照存儲二年例每石開報氣頭六合廠底二合其存四存二穀於丁年全數出糶毋庸開報氣頭廠底糶半之縣將甲年存儲穀於乙年歲終盤查將存半之數每石開報氣頭三合廠底一合總計穀一石第一年開報四合第二年開報八合共開報穀一升二合年終報部查覈。○九年覆准廣西平樂府屬恭城等十五州縣尚屬高燥所存倉穀自可毋庸開報氣頭廠底桂林等府所轄之廳及州縣六十有四屬除三

年之內已將存倉穀按數出易其未易之穀為數無多並碾運古州兵餉以及有別案撥用等項不准開報氣頭廠底外如三年之內全未出易存倉之穀自乾隆八年為始將十分之三開報每千石內以三百石開報氣頭廠底每百石開報氣頭穀一石廠底穀四斗如存儲未及三年者不准開報。○十一年覆准江南地勢最卑溼之常熟等二十州縣每年每石開報氣頭廠底一升地勢潮溼之長洲等二十四州縣每年每石開報氣頭廠底五合其存儲未及一年者毋庸置議米麥粟穀雜糧等項照數開報三年之後不准再請開銷統以乾隆十一年為始扣數開報至上元等二十三縣毋庸開銷氣頭廠底再氣頭廠底穀照浙省之例九成八成者每石減價銀七分七成六成者每石減一錢五成者減一錢四分委官勘明照減價發賣造冊報部查覈。○四十一年議准地糧項下額徵存倉米石奉天省地糧每石徵收加一耗米作為存倉折耗及鋪墊修倉等項之用。盛京戶部所屬之錦州甯遠鳳凰城岫巖復州等

旗倉每石徵耗米三升。以備折耗。黑龍江齊齊哈爾墨爾根三城官屯米石每石徵收耗米三升。存倉米石三年之後每石開耗一升。吉林官莊米石每石徵耗米三升。以備折耗。直隸永平宣化二府暨易州屬之廣昌縣屯糧每石徵收加一耗米。以三升留為鼠耗之用。七升變價歸公。山西額徵米豆大同朔平二府官運者每石收耗四升。以二升為沿途折耗。二升為存倉鼠耗。太原等府州屬理事通判州判倉官巡檢經管者每石收耗三升。同知通判州縣經管者每石收耗二升。忻州每石收耗三升。定襄縣每石收耗二升七合。靜樂縣每石收耗二升八合。均留倉備用。福建額徵秋屯糧米每石加一收耗。又併餘二升。共一斗二升。內一升為支放折耗。餘為各官養廉。湖北武昌襄陽均穀城東湖等七倉南糧每石收耗三升。以補折耗。陝西延安府豫備倉額徵糧石每石收耗三升。以補折耗。廣西額徵米石每石加一收耗。以為鼠耗運脚修倉等費。雲南額徵秋糧每石收耗三升。以備折耗。又議准常平倉米穀雜糧奉天承德遠

陽海城蓋平鐵嶺復州開原錦州甯遠廣甯等十州縣。凡四萬石以上米逾五年穀逾十年及廠座建造五年以外者。每一萬二千石。開銷氣頭一百石。廠底二十石。直隸天津北倉。凡收儲在三年以內。每月每石減耗米一合一勺六抄。三年以後。一萬石以上。開報氣頭一百五十石。廠底四十石。江西甯州武甯靖安宜春萍鄉萬載廬陵吉水永豐永甯臨川金谿崇仁樂安東鄉南豐新城廣昌上饒玉山廣豐鉛山弋陽貴溪興安樂平浮梁安仁德興萬年星子都昌建昌安義瑞昌大庾南康上猶崇義甯都興國瑞金會昌龍南安遠石城等四十六州縣。倉穀儲及三年以外者。每一萬石。開除氣頭穀四十石。廠底穀一十石。南昌新建豐城進賢清江新喻新淦峽江泰和鄱陽餘干德化德安湖口彭澤等十五縣。倉穀儲及三年以外者。每一萬石。開除氣頭穀六十石。廠底穀十二石。南昌袁州臨江吉安撫州廣信饒州南康九江南安等十府倉。俱照附郭首邑南昌等縣。一體開報氣頭廠底。福建除臺灣四縣。並屏南連城福安大田德

化等縣不惟開報氣頭廠底外。其餘各府州縣收儲已過三年。數在二萬石以上者。每石報氣頭八合。廠底二合。湖北驛鹽荊州二道倉。並武昌漢陽黃州安陸荊州等五府。及江夏武昌監利等各州縣倉。收儲三年以外。每穀一萬石。開報氣頭四十石。廠底一十石。湖南相陰瀏陽益陽。永州府及所屬之零陵祁陽東安道州甯遠。永明。江華新田。岳州府及所屬之巴陵岳州衛。常德府及所屬之武陵桃源辰州府及所屬之沅陵溆溪辰溪溆浦永綏廳。沅州府及所屬之芷江黔陽麻陽。永順府屬之永順保靖龍山桑植等三十二府廳州縣衛。收儲三年以外者。每倉穀一萬石。開報氣頭四十石。廠底一十石。龍陽沅江華容安鄉等四縣。每倉穀一萬石。開報氣頭六十石。廠底一十二石。廣東廣州府及所屬之南海番禺東莞順德新會惠州府及所屬之歸善海豐陸豐潮州府及所屬之海陽潮陽揭陽饒平惠來澄海廉州府及所屬之合浦等縣。並廣糧通判經營之省倉。共二十處。地屬最溼。肇慶府及所屬之高要廣州府廣糧通判經

管之三水廣益倉。惠州府屬之河源博羅永安潮州府屬之普甯嘉應州。及所屬之興甯長樂等縣。共十處。地屬次溼。最溼之處。有收儲二年之外。次溼之處。有收儲三年之外。全未出易。及出易未及糶半糶三之數者。均每千石內。以三成開報氣頭廠底。每百石。開氣頭穀一石。廠底穀四斗。○又議准。哈密堆儲糧石。一月後每月每石。開報折耗糧一升。巴里坤開展。托克遜喀喇沙爾烏魯木齊伊犁烏什北路科布多。收儲糧石。於收儲一月後。每月每石。開耗糧八勺三抄三撮。俱三年後停止。○四十四年議准。兩金川各屯。收穫糧石。存儲在倉。及本屯支放兵糧。每石開耗五合。撥運各屯。開耗一升。每年開耗確數。造冊報部覈銷。○四十五年議准。川省打箭鑪裏塘巴塘各倉存儲米石。出倉支放。每石開銷鼠耗五合。撥運別臺。每石開銷沿途折耗一升。○嘉慶七年議准。福建額徵秋屯糧米。每石加一收耗。又併餘二升。共一斗二升。內一升為支放收耗。餘俱行令易穀收倉。另廠存儲。僅有官吏浮收折收情弊。即行參辦。奏銷考成。每

年同糧米冊籍併案具題。新舊交代。另冊結報。如因公動撥。隨時奏明辦理。○道光六年

諭。那彥成奏被水淹浸倉穀。分別出借售變。豁免著賠一摺。直隸成安縣地方。夏間猝被漳河漫水下注。倉穀間被淹浸。前據該督飭令搬運曬晾。茲盤量確數具奏。除常平倉盤出乾穀。照數加謹收貯外。其受潮曬晾乾穀二千八百五十二石。被浸難以久貯。著照所請。飭該縣照依時值變價。秋後易買好穀還倉。不准派買派賣。社義二倉乾穀二千七百三十六石五斗。並義倉受潮曬乾穀一千四百五十六石。共穀四千一百九十二石五斗內。以一千二百石作為籽種。二千九百九十二石五斗作為口糧。均勻出借。秋後查看收成分數。分別加免息穀。催追還倉。至常社義三倉徵變穀九百一十四石五斗。係因曬晾不善所致。著落該縣照數賠交。秋後買補還倉。不准以價作抵。其折耗穀一千四百八十七石三斗零。猝被水衝致有損失。加恩准其豁免。仍於奏銷案內。分別覈實造報。

盤查倉糧。○康熙三十九年覆准。凡州縣收儲米穀。遇颶風大雨等災。輒運江海飄流。並微爛

者。該督撫題參革職離任。限一年內賠完。免罪復職。別補。如逾一年之限。賠完者。止免罪。不准復職。二年之內。如不賠完。仍照例治罪。著落家產追賠。○四十一年覆准。凡官員將存倉米穀。虧空微爛者。該督撫題參。照例革職留任。限一年賠補。賠完。仍准復職。如逾限不完。解任。再限一年賠完。仍准復職。如二年外不賠完者。照定例擬罪。著落家產追賠。○四十三年覆准。各省州縣虧空微爛倉糧。實在賠補完日。令該道府即出實在補完印結。報明督撫藩司存案。償再有虧空之事。發覺。將該道府一併議處。○四十七年議准。州縣官於額儲積穀之外。買穀儲倉。照盤查贏餘之例議敘。或州縣官捐穀本管倉內。捐少報多。或將現儲之米。捏作捐輸。以邀議敘。後本官任內。復有虧空事發。除知府照例分賠外。原報之督撫。一併議處。○五十二年

諭。徽爛倉穀官員。限內賠完。仍以原官補用。不得別補。○六十年

諭。古人云。三年耕則有一年之蓄。九年耕則有三年之蓄。言雖可聽。行之不易。如設立社倉。原屬良法。但從

前曾經舉行。終無成效。至於各省積貯穀石。俱報稱數千百萬。實在存倉者無幾。即出陳易新之法。亦不為不善。第春間僅有所出。秋後並無所入。州縣官侵蝕入己。急則以折銀掩飾。此等積弊。朕知之甚詳。其報荒之真偽。虛實。朕亦無不洞悉。如熱河所積穀石。每年減價平糶。秋收糶補還倉。數目無多。稽查頗易。所以每有餘糧。著大學士等詳議具奏。欽此。遵

旨議定。各省州縣現在存倉米麥穀石。令該督撫嚴查。如有虧空。勒限補足。○雍正元年奏准。各省存倉米石。雖有司道知府盤查。不能保其一無徇

私。當責之督撫。嚴加覈實。造冊具奏。督撫離任。將冊籍交代新任。限三箇月查覈奏聞。如有虧空。即行題參。徇庇者議處。仍令分賠。○二年議准。直省督撫。將各州縣積儲倉穀。孰係本色。孰係折色。並實存本折數目。稽查明白。分析題報。如果無虧缺。及以折色作本色等弊。照元年議准之例。歲終出具印結送部。僅有此等情弊。即行題參。一面買補還倉。一面著落本人追賠。至於道府州縣。有當穀貴之時。私將倉穀發賣。或販往穀貴之所糶賣。希得重價肥己者。以及地

方大員。有將捐穀不收本色。擅自折銀。或以所收銀每石短價散給州縣。抑派里民買補運送者。或被旁人首告。或被科道糾參。將督撫等官。交部從重議處。○三年議准。凡州縣虧空倉穀。即令接任各官。於秋成穀賤之時。申詳督撫藩司。酌動何項錢糧。照時價先行買補。該州縣出具倉收。該管道府加具印結。一面報部。一面於虧空官名下。勒限一年。將動用帑銀。照數追補還項。如逾限不完。照侵挪倉穀定例治罪。仍著落本人家產變抵還項。○四年

諭。凡虧空錢糧。猶可勒限追還。無損國帑。若虧空倉糧。則一時早潦無備。事關民瘼。是虧空倉穀之罪。較虧空錢糧為甚。自宜嚴加處分。著大學士九卿確議定例具奏。欽此。遵

旨議定。倉穀虧空處分。以穀一石。比照錢糧五錢定罪。嗣後虧空倉穀。係侵盜入己者。千石以下。照監守自盜律擬斬。准徒五年。千石以上。擬斬監候。秋後處決。不准赦免。將侵盜穀數。動支正項買補。著落本犯妻子名下嚴追。係挪移者。除數止千百石。照律准徒。五千石至萬石。照律擬流外。

萬石至二萬石。發邊衛充軍。二萬石以上者。照
侵盜例擬斬。其虧空之數。動正項銀買補。於各
犯名下。勒限一年追賠。○五年議准。各省常平
倉。每年春閒出借。秋後徵還。務於十月內全完。
造冊送部。歲底令知府直隸州盤查。逾限不完。
或捏造冊收。俱行叅處。仍照數追賠。如有影射
作弊。冒借入己者。紳衿黜革。牙蠹拏究。所欠穀
石。加倍追還。鄉保有無受贓。分別治罪。再倉穀
出糶之時。姦商勢豪。串通捏名零星糶出。囤積
射利者。地方官嚴行查禁。州縣以糶為借。掩飾
虧空者。分別侵挪定罪。其盤查之道。府州。並該
管之督撫。隱匿徇庇。照例處分。仍將虧空倉穀
著落分賠。○又

諭。福建通省倉穀。虧空甚多。朕特遣大臣等前往盤查。
但恐不肖有司等。聞欽差將至。向紳衿富戶挪移借
貸。以掩飾其虧空之項。而紳衿富戶等。或畏其威勢。
或迫於情面。不得已代為應付。以圖掩飾。彌縫於一
時。均未可定。朕此番之差遣。大臣清查。斷不容有絲
毫之蒙混隱匿。僅將資財穀米借出。便為官物。斷斷
不能退還。用是明白曉諭。俾毋墮貪官劣員之術中。

使地方積弊永除。而後任官員亦共知儆戒。不致仍
蹈前轍。著將此通行福建郡縣鄉村。咸使聞知。○九
年奏准。湖南各屬常平倉。雍正五年存七糶三
者。三十八州縣。儘數減糶者。二十五州縣。歲終
冊報買補者。僅有其半。並無府結到司。嗣後應
將平糶價銀。解府州儲庫。秋閒具領買補。僅遇
穀賤。領價贏餘。令其儘數買儲。若秋歉穀貴。買
補之價。浮於減糶之價。州縣不能賠墊。亦令報
明具題。委員盤查。如果顆粒無虧。具結詳報。僅
有缺少虧挪。或折價抵穀。及將行戶領狀。混行
掩飾者。立即揭叅。仍令解任賠補。至該管道府
亦定限於十月內盤明。加結詳司。年終據實總
冊彙送。逾十月不行詳揭者。照徇庇例叅處。○
乾隆四十一年議准。常平出借糧石。每年奏報
倉糧時。除去因災停緩數目外。彙數未完各數。
凡統計不及穀一百石者。經徵之員免其開叅。
百石以上者。照雜項錢糧未完例。開叅。因災停
緩。倉糧歸入應徵年分。統數完欠。分別叅處。○
五十一年奏准。各營借碾兵米。責成該管府州
就近嚴查。如該州縣將新存之價。存儲不買。及

秋冬仍在常平借碾。即照私挪倉穀例嚴參究辦。該管府州徇隱不揭。一併參處。○又奏准。各州縣實存倉糧等項。開具四柱清冊。每月報明本府。查覈無缺。按月出具印結。報明本道。該管道員。按季出具無虧印結。移司加結。轉送督撫存覈。儻州縣有私行挪動之事。立即親往盤查。將侵虧之員。與出結之府州。一併嚴參治罪。如督撫查出弊竇。而司道未經舉發。並將司道以贍徇參處。○嘉慶元年議准。州縣以糶借為名。掩飾虧空。該督撫即行指參。嚴審是侵是挪。分別定罪追賠。該管道府直隸州。有不時盤查之責。如有徇隱失察等情。亦即題參。照州縣官侵挪錢糧。知府徇隱失察例。分別辦理。所虧倉穀。著落賠補。如道府直隸州已經揭報。督撫不行題參。將督撫亦照徇庇例議處。所虧倉穀。亦照例分賠。○道光四年

諭。戶部奏湖南省各屬常平倉穀。共計短缺二十九萬餘石。據該撫查明致缺之由。並無官侵吏蝕情弊。分別有著無著。勒限追賠。著照所議。其有著項下。除本員經放穀價。民欠未完。應由現任催追。又因市價昂

貴。本員領價未買。並前任短缺倉穀折價移交兩項。均勒限十日內。令各本員將原領原文銀兩。解交司庫外。其餘各本員應賠己身交代盤折。及認賠無著民欠。並歷任盤折等數。著落各本員完繳。數在三千石以下者。勒限半年。將穀價解交司庫。數在三千石以上者。展限半年。總不得過一年之限。自道光四年秋季起。至五年夏季底止。一律掃數完繳。如仍前延玩。著即分別撤參。照例究擬監追。其無著項下。如遠年民欠。並歷任盤量折耗。以及虛款作抵等項。即著落此次盤查以前。通融出結各員。勒限賠補。數在一

千石以下者。勒限半年。一千石以上至二千石者。勒限一年。二千石以上至四千石者。勒限兩年。四千石以上者。統限三年。自道光四年秋季起。至七年夏季底止。將穀價按限完解。儻延不批解。或繳不足數。積壓一半年者。停其升轉。兩年者。分別撤參。逾違統限三年者。即究擬監追。以上限追各員。遇有升調及事故離任。均勒限完繳清楚。再行給咨。並將有著民欠佃欠。即飭現任人員。於秋成後。一律追齊收倉。以本年十月內為率。如追不足數。著照承追之員賠補。其巴陵桂陽二縣書役所欠之穀。應飭查提監追。限半

月內完繳。如有逾違者。即分別治罪。至各員應補倉穀。從前不即買補。民佃欠繳。又不上緊催追。以及歷任通融接收各員。與失察之該管各上司。本有應得之咎。經該撫查明前項缺穀。究與侵挪不同。且自盤查以來。合計已繳穀一十二萬三千餘石。各員尚知

愧奮。所有此等歷時既久。人數較多。應得處分。俱著加恩寬免。仍著該撫嚴飭各屬上緊催追。如再有逾限不完。及完不足數者。除將本員嚴參懲辦外。仍將從前失察之該管各上司。從重議處。並著該撫督飭該道府州。將所屬存倉穀石。隨時查察。如有虧挪情弊。立即嚴參究辦。毋稍徇隱。○五年

諭。李鴻賓等奏查明各州縣歷年盤折倉穀。勒限買補一摺。湖北漢陽等府屬二十州縣。額貯常平倉穀。因歷任交代盤折。及氣頭廠底鼠耗。共缺穀三萬七千六百九十餘石。俱將穀價流交。存貯州縣各庫。尚未買補。據該督等查明。將交存前項價銀。提貯司庫。請勒限採買足額。著照所請。即飭將漢陽漢川孝感黃岡蘄羅田鍾祥京山江陵石首監利松滋枝江襄陽棗陽宜城南漳均光化穀城二十州縣。盤缺倉穀。察看本年秋成豐稔。即飭該州縣勒限三箇月。如數買

齊。以實倉貯。如再逾限未能買補。即行指名嚴參。從前違例折價各員。姑念官非一任。事非經手。免其追究。自此次盤查清釐之後。僅再將盤缺倉糧。擅行折價接收。容隱不報。一經查出。著即將前後任各員。一併嚴參究辦。毋稍寬貸。○七年

諭。高子奏查明各州縣盤折徵變穀石。勒限賠繳。並請免參處一摺。湖北省額存倉穀。經該督盤查。共虧缺二萬二千九百七十四石零。內除盤折穀石。已據該州縣繳存價銀。尚未買補外。其氣頭廠底徵變穀石。顯係該州縣經理不慎所致。乃以濱臨江湖。地處卑

溼。倉穀易致沓爛為詞。請免處分。各省沿江沿湖州縣甚多。若皆以此藉口。豈能概從寬貸。著該督即查明各該州縣徵缺之多寡。開送職名。交吏部分別議處。並勒限追賠價銀。此內除大治京山二縣。已將價銀解繳司庫。孝感黃岡東湖歸州巴東各州縣。並沔陽衛六處價銀。已分別解貯府州縣庫外。其孝感黃岡二縣。及沔陽衛三處。係每石以銀六錢五分作價。恐不敷買補。著責令一律按每穀一石。價銀一兩。分別補足。同解存價銀。一併提解司庫。至咸甯通山漢陽黃陂沔陽五州縣。未繳穀價。亦著按每穀一石。解

銀一兩。一千石以上者。勒限三箇月。二千石以上者。勒限半年。解交司庫。僅延不批解。或繳不足數。即着撤參。所有提存司庫銀兩。着該督察看秋收豐稔。飭發買補還倉。仍責成該管道府。分往盤驗結報。此後各州縣存貯倉穀。如再不妥慎經理。致有折耗。又不立時補足。或交代時虛款作抵。及以例價折交。致有虧缺。著即嚴參治罪。毋得稍事姑容。

倉儲交代。○雍正元年議准。州縣存倉米穀。令各該督撫嚴飭該管各官。覈實詳查。於年終造冊具題。至督撫升轉離任。將案卷交代新任。督

撫限三月查覈疏奏。如有虧空。即行題參。僅新任督撫徇隱不參。後經發覺。一併照例議處。仍令分賠。○五年

諭。直隸各省倉穀。若有前任官折價存庫者。不許新任官接受交代。仍令前任官如數買穀交倉。其該管上司。亦不得徇情寬縱。如有故違者。將本官及該管上司。分別從重治罪。○八年議准。倉穀五萬石以上。照例多展限一月。如二萬五千石以上者。多展限十五日。或一人而有兩縣交代者。則多展限一月。○乾隆二年題准。新舊交代現存米穀。接任

官於一月內。先行盤收。其採買續交米穀。以報明運到之日起。五日內盤收。統於正限滿日截算。如未足數。別無開銷。又無存價。赴產米地方採買。則係虧空。覈實參追。如有贏餘。亦據實冊報。如限內必不能運到者。即就採買地方遠近。所買各數多寡。隨時隨地酌量定限。俟運到交倉。再行報部。若前官虛立文案。捏報採買者。查出參追議處。○又題准。出借倉項。如前官各役。有私借捏冒。扣剋不實等弊。即行詳參。若查明借放無弊。欠戶的實。後官勒限認追完報。○又議准。交代倉穀。既經碾試。或果有泥沙攪雜。止須颺淨。或實係潮溼不堪。止須曬乾。監盤官公同驗看。毋得抑勒。其盤量夫工鋪墊等項。令新任官料理。○二十一年覆准。各省州縣交代倉糧。令於定限內上緊辦理。僅各屬倉糧過多。不能依限結報。於交代案內聲明。量加展限報部。毋庸於例限之外。復加展限。○三十八年議准。凡府州縣交代。州縣升任本府。及本府升任本道。所有任內經管錢糧等項。飭令接任之員。一面遵照例限。盤清結報。一面遣委鄰封廉幹道

府。前往徹底清查。具結咨部。儻有虧挪。而委員不實力盤查。通同弊混。捏結詳報者。查出一併嚴叅究處。○又議准。各省督撫藩司到任。委盤倉穀。勒限三箇月盤清結報。不准另扣程途日期。廣東甘肅統照三箇月例限盤查。其地方道路遠近。按日扣除程限。福建臺灣一府。遠隔重洋。藩司委盤該府屬倉糧。亦准扣除程限。奉天並未設有藩司。即責成該管上司實力盤量。按照倉穀多寡。程途遠近。定限一箇月兩箇月。盤量結報。至藩司到任。或與督撫莅任同時。或相隔未久。或值年例盤查之際。均令併案辦理。藩司到任。甫經盤查。即遇升調。新任藩司到任。以及暫時遞行委署。在三箇月以內。毋須再盤。令新任藩司出結詳報。督撫報部查覈。○四十年議准。交代倉穀。每穀一石。驗春米五斗者。新任按數接受。不准節貶。其以穀價交代者。數明舊任原係奉文出糶。糶價無虧。遲買有案者。令新任詳明接受。俟價平採買。毋得勒指推諉外。其係舊任私糶短價。及雖係奉文出糶。而於應買時。因循不買。價值存庫者。新任即據實揭報。舊

任照例叅處。仍留任所。勒限買還報部。○五十年奏准。各州縣交代。凡遇缺穀。查係前任官私行盜賣者。立即揭叅治罪追賠。即或盤量折耗。亦必於交盤限內。令舊官買交清楚。方許結報。儻值青黃不接。難以驟買。令新官覈明確數。按照時價。繳存府州庫內。並一面通報。毋許彼此通融。一俟秋成。立即發買補額。由該管府州驗明結報。儻逾期不買。後任官扶同接收。訪查得實。即將新舊官一併叅辦。該管府州知情徇隱。一併嚴叅。○道光二十三年

諭。劉重麟奏請飭查倉儲一摺。各直省州縣設立常平社倉等。原以備水旱緩急不時之需。豈容稍有虧短。其有因微變等情。不能不出陳易新。亦應隨時買補。以歸實貯。若如該副都御史所奏。近來州縣倉廩。多成虛設。交代之日。即將所短穀米等項。算作價值。轉移交。以致存價不買。或致挪移混抵。雖此項價銀。或經該上司提存司道各庫。而請領到手。或仍挪解別款。虛出倉收。或支吾推卸。不肯領解買補。是現在各省倉儲。竟係有名無實。著各督撫即將所屬各州縣常社諸倉。應存穀米實數。確切查明。務令實貯在

倉。其有存價未買者。即飭令趕緊買補。不准再以價值移交後任。或其價現已提存司道各庫者。亦即飭令具文請領。買補歸倉。毋許藉詞推諉。其有領價後挪解別款。虛出倉收者。即著嚴行叅辦。

欽定大清會典事例卷一百九十三

戶部

積儲 社倉積儲 義倉積儲 營倉積儲

社倉積儲。直省社倉義倉。春則支借。秋成還倉。設正副社長司其出納。每歲報該管地方官查覈。○康熙四十二年

論直隸各省州縣。雖設有常平倉收貯米穀。遇饑荒之年。不敷賑濟。亦未可定。應於各村莊設立社倉收貯米穀。直隸有旗下莊頭。可合數村立一社倉。其管理社倉事宜。令莊頭內有情願經營者。交與收貯。百姓村莊。公設社倉。百姓有情願經營者。交與收貯。以備饑荒。傳諭直隸巡撫。如設立社倉。果有益於民生。著各省亦照例於各村莊設立社倉。收貯米穀。大學士會同九卿詳議具奏。欽此。遵

旨議定。設立社倉。於本鄉捐出。即儲本鄉。今本鄉誠實之人經營。上歲加謹收儲。中歲糶借易新。下歲量口賑濟。○四十五年覆准。直屬社倉。四十一二三年勸捐米穀。共七萬四千九百七十石有奇。出借窮民。得息米千有五十一石。又四十四年。保永二府陸續捐穀四百三十五石有奇。

皆儲各屬社倉。係本鄉捐出者。即儲本鄉。令本鄉誠實之人經理。○五十四年議准。直省社倉勸諭之例。富民能捐穀五石者。免本身一年雜項差徭。有多捐一倍二倍者。照數按年遞免。至紳衿捐穀四十石。令州縣給扁。捐穀六十石。令知府給扁。捐穀八十石。令本管道給扁。捐穀二百石。督撫給扁。其富民好義。比紳衿多捐二十石者。亦照紳衿例。次第給扁。捐至二百五十石者。咨吏部給予義民頂戴。照未入流冠帶榮身。凡給扁民家。永免差役。○雍正二年

論社倉之設。原以備荒歉不時之需。用意良厚。然往往行之不善。致滋煩擾。官民皆受其累。朕以為奉行之道。宜緩不宜急。勸諭百姓。聽民便自為之。而不當以官法繩之也。近時各省漸行社倉之法。貯蓄於豐年。取資於儉歲。俾民食有賴。而荒歉無憂。朕心深為嘉悅。但因地制宜。須從民便。是在有司善為倡導。於前留心照應。於後使地方有社倉之益。而無社倉之擾。督撫當加意體察。○又覆准。社倉之法。原以勸善興仁。該地方官務須開誠勸諭。不得苛斂以滋煩擾。至收儲米穀。先於公所寺院收存。俟息米已

多。成造倉廩收儲。設立簿籍。逐一登明。其所捐之數。不拘升斗。積少成多。若有奉公樂善。捐至十石以上。給以花紅。三十石以上。獎以扁額。五十石以上。遞加獎勵。其有好善不倦。年久數多。捐至三四百石者。該督撫奏

聞。給以八品頂戴。其每社設正副社長。擇端方立品。家道殷實者二人。果能出納有法。鄉里推服。令按年給獎。如果十年無過。該督撫題請給以八品頂戴。徇私者即行革懲。侵蝕者按律治罪。其收息之多寡。每石收息二斗。小歉減息之半。大歉全免其息。止收本穀。至十年後。息已二倍於本。止以加一行息。其出入之斗斛。均照部頒斗斛。公平較量。社長豫於四月上旬。申報地方官。依例給貸。定日支散。十月上旬。申報依例收納。兩平較量。不得抑勒多收。臨時願借者。先報社長。州縣計口給發。交納時。社長先行示期。依限完納。其簿籍之登記。每社設立用印官簿。一據二本。一本社長收執。一本繳州縣存查。登記數目。毋得互異。其存查一本。夏則五月申繳。至秋領出。冬則十月申繳。至來春領出。不許遲延。以

滋弊竇。每次事畢後。社長州縣。各將總數申報
上司。如有地方官抑勒挪借。強行糶賣侵蝕等
事。社長呈告上司。據實題參。○三年題准。河南
社長。豫造排門細冊。將姓名年貌住址。以及官
紳士庶商賈。逐一註明。送官用印存案。日後借
貸。悉以此為準。其游手好閒者。不許借貸。於正
副社長外。再公舉身家殷實者一人。總司其事。
令其不時稽察。如有欺隱。令其賠償。果能使倉
儲充牣。題請加

恩。以示激勸。此項積儲。無論官員不得撥用。即同邑
之社。亦不得以此應彼。如有官員抑勒挪借。許
社長呈告上司。據實題參。其所需紙張筆墨。以
及人役工食。或行勸輸。或撥罰項。以充其用。不
得濫行科斂。致滋擾累。至積米既多。於夏秋之
交。平糶秋成。照時價採買還倉。○七年

諭。朕惟國家建立社倉。原令民間自行積貯。以百姓之
資糧。濟百姓之緩急。其春貸秋償。及滋生羨息。各社
自為經營登記。地方有司。但有稽查之責。不得侵其
出納之權。此社倉之古法也。是以各省有請立社倉
者。朕皆令其聽從民便。毋得強勒捐輸。繩以官法。以

致便民之舉。轉為民累。所以曉諭各省督撫者。不啻
至再至三矣。從前於通省加二火耗內。應行裁減。每
兩五分之數。且暫行徵收。發與民間採買穀石。分貯
社倉。俟採買數足。即行裁減。是於暫收耗羨之中。隱
寓勸輸之法。實則應行酌減之耗羨。即小民切己之
資財。而代民買貯之倉糧。即小民自捐之積貯。此藏
富於民之良法。最為切實而易行。乃陝省官員。不知
此項穀石本係民資。以為收貯在官。即是公物。不肯
付民經營。而胥吏司其出納者。遂有勒借之弊。殊非
數年以來。朕之周諮詳畫。多方生養斯民本意矣。今
特降諭旨。明白曉示。刊石頒布。俾各州縣鄉社小民。
咸知朝廷經營設法之蓋藏。實百姓自為斂散之資。
用。僅地方官有於社倉穀石。創議交官不交百姓。或
指稱原係官項。豫為公事侵挪之地者。俱以擾撓國
政貽誤民生論。從重治罪。○十三年題准。雲南省設
立社倉。通計一省所捐穀麥七萬餘石。其中千
石以上者。僅二十餘處。此外皆數百石數十石。
亦有全無社穀者。民間緩急之需。終不能免。按
各屬皆有常平倉及官莊等穀。存儲尚多。可以
酌量暫撥。以作社本。將社倉存儲未及千石者。

按地方之大小。計存儲之多寡。在於該處常平官莊等穀內。動撥五百石。或八百石。作為社本。令社長一併經營。出借窮民。秋成加一還倉。小款免取其息。歸於社倉項下積儲。俟積有千石。社本。仍將原動常平等穀歸還原款。○乾隆三年。覆准。社倉積穀。將息穀十升。以七升歸倉。以三升給社長。作修倉折耗。如有逃亡故絕之戶。無可著追者。令社長報明地方官。查明確實。取結通詳。於七升息穀項下開銷。○又題准。四川省糶賣倉糧。除買補正項外。所賸餘價。均買作社糧。以為民倡。而士民等隨各相率樂捐。自乾隆二年秋後。買儲穀二千九百七十餘石。捐儲穀二萬五千六百餘石。又達州內江等三十餘處。舊存儲穀二萬一千石。以上川省新舊社穀。共四萬九千五百石有奇。令加謹收儲。按年題報。社穀既多。必須倉廩。照前建常平倉例。每穀四百石。建廩一間。其工料銀。咨部於存公銀內動支。○四年題准。江西省社倉穀。每石收息一斗。仍循舊例。○五年覆准。陝西甘肅兩省所屬社穀有二項。一係百姓公捐。自行議定倉正倉

副經理出入。報官存案。不入官之交代。仍聽民料理。一係加二耗糧內。留五分為社糧。責成地方官經理。○六年題准。山西省社倉獎勵之法。捐十石以上至三十石者。照例聽地方官給予花紅。三十石以上至五十石者。地方官給扁。捐至百石者。府州給扁。二百石者。本管道給扁。三百石者。布政使給扁。四百石者。巡撫給扁。捐至五百石以上者。具題給以八品頂戴榮身。其連年捐輸者。仍許積算捐數。照現定等次分別獎勵。地方官勸輸有方。大州縣每年勸輸至千五百石以上。中州縣至千石以上。小州縣五百石以上者。均於計典內據實開明。分別考覈。○又覆准。地方官勸輸社倉。每鄉設立印簿一本。聽原捐之戶。不拘米麥雜糧。及數之多寡。自登姓名。捐數於簿。繳官以備稽查。並將一人連年報捐。先後積算至十五石以上。亦准遞加獎勵。○又題准。社倉捐至三百石者。給以八品頂戴。四百石以上者。給以七品頂戴。○七年題准。江南安徽兩省社倉。能捐穀五石者。免本身一年雜項差徭。十石以上者。照例給獎。捐小麥粟米大

米。算作二穀。諸雜糧均作穀數計算。○十年議准。各省社長。三年更換一次。選擇殷實良民充補。令將經手社穀。同鄉保互相交代。取結報官存案。如有虧缺。責令賠補。經管三年。毫無弊竇。同社公保。再留三年。○又議准。社穀行令澈底清楚。如有實屬逃亡故絕。取具里鄰甲保結狀。地方官加具印結。題請豁免。實有著落者催還。至豐年不能全行借出者。轉飭各屬。即以實借實還。按穀收息。毋得虛捏。以致開報不實。其息穀充贏者。有貧無依倚之人。准其量借升斗。以資接濟。○二十三年奏准。浙江省社倉。所需紙筆人工飯食之費。勢所不免。但向來未有支銷成例。以致社長慮及賠墊。憚於承充。應於每年所收息穀內。每穀一斗。收八升交倉。二升交與社長。以備費用。仍飭各州縣於勸捐時酌量情形。各該地方紳衿。願隨捐穀並輸倉費。即就所捐之數。量建倉廩。如無捐費之人。即擇各村莊寺院餘房。或殷實富戶寬閒房屋。暫賃一二間。將所捐穀石。交社長收儲。俟一年之後。計有息穀若干。先酌量建倉一二間。以資收儲。餘俟息

穀寬餘。陸續再行添建。○二十四年奏准。江蘇省社穀。有倉者歸倉。無倉者暫就庵觀閒房存儲。俟息穀充裕。動用建倉。不許存於社長之家。其社倉雜費頗繁。歷年不無賠累。嗣後每息穀一斗。以七升歸倉。三升支用。○又奏准。江蘇省地方。每充社長。不無賠累。且招勞怨。均不願充。願充者多係漁利之徒。樂於久充。易於侵挪。其公正者。又恐久充賠累。嗣後一社中擇其殷實公正數人。輪流充當。一年一換。為時不久。不致賠累。一年一次。新舊交代。難滋侵混。○又奏准。雲南省社倉。行於雍正二年。至今三十餘載。子母相生。數逾十倍。自應因時定制。且此項穀石。止供農民籽種之需。非同常平倉穀。以備平糶。宜多為積儲者比。著照常平額數七分為率。其已經足額及較額有餘者。自乾隆二十四年為始。儘數存儲。按年斂散。永不收息。每石止收耗穀三升。其未經足額之處。仍照例收息。俟足額之日。一體免收。止收耗穀。儘不肖社長。及該州縣等私行收息。挪移侵虧。立即嚴參究處。分別追賠治罪。至官紳士民好義樂輸者。仍聽赴倉

捐輸。歲底另冊報部。以備修建社倉之用。○二十五年覆准。廣東省社倉。所收息穀。責成州縣稽查。每年每石准銷耗穀一升。其鋪墊造冊紙筆等費。以及看守曬晾之人。應需工食。准於息穀內酌量支給。如遇倉廩損壞。亦准動支息穀變價修理。分別報銷。所餘息穀。查明該州縣捐積數目。如在五千石以上者。變價解繳存儲。以為本地賑恤之用。原額不及五千石之數者。即將餘息併入額穀之內。以充儲備。仍分別列入奏銷詳題。僅社長等有於息穀之外。另有加耗名色。以及額外需索等弊。即行究治。○二十八年覆准。湖南省社倉。斗級工食。向係在於所收加一息穀內。三升給社長盤量之費。其倉夫工食。每年銀六兩。在於七升息穀內動支。但盤量折耗。實不須三升之多。倉夫止須夜宿看守。日間仍可備趨工食。止應酌量給予。不比官倉斗級。必須工食六兩之多。且各省社穀。均無另議看倉工食之項。應於七升息穀內撥出一升。加給社長。連前共給四升。為盤量折耗及看倉工食之用。餘息六升。歸倉作本。若偶遇歉歲。許社

長於舊存餘息內。通融支給。○三十七年議准。山東省社倉穀石。責令新舊州縣盤查交代。取具印結送部查覆。仍於年底將收支各數造冊題報。其有實欠在民。力不能完。及逃亡無著者。確查屬實。即於年底題報案內。取結豁免。庶內外俱有考察。而積儲益昭謹嚴。各省一律辦理。○三十九年奏准。安徽省各屬社倉穀石。定以四十萬石為額。其餘穀石。於青黃不接之時。儘數出糶。糶價解存司庫。遇有民間必須工作。奏明動用。如息穀復充。過十萬石以上。隨時照此辦理。○四十年奏准。山西省社義兩倉。本穀共四十八萬八千五百餘石。息穀共四十五萬八千七百餘石。酌存息穀十萬石。其餘三十五萬八千七百餘石。各州縣於糧價稍昂時。酌量出糶。價銀解儲司庫。遇有地方農田水利公事。奏明動用。嗣後息穀積至十萬石以上。酌勘情形。奏明數辦。○又奏准。福建省原額加捐社穀三十五萬七千石。留存儲備息穀積至五萬石以上。飭屬出糶。糶價易銀解司。遇有地方必須速辦之工。奏明動用。每年將動存各數。分析造報。

○四十一年議准。陝西省正副社長。經管一年。公慎無過。賞息穀一京石。二年無過。賞息穀三京石。三年無過。賞息穀五京石。如不願賞穀。即以此五京石之數。令地方官置給扁額。○又議准。直省社長經手倉糧。一年無過。給以花紅。三年無過。給以扁額。五年無過。免一身差役。○四十四年奏准。江西省各屬社倉。額設本穀四十一萬一千九百二十一石零。節年所收息穀三十二萬三千八百五十六石零。額設本穀。照舊存留。其餘息穀。按時價糶銀解司。遇有地方農田水利等務。奏明動用。嗣後收息穀至五萬石以上。照此辦理。○四十六年奏准。湖南省社倉本息穀石。除本穀儲備借糶外。所有歷年積儲息穀。變價存司。以為民田水利隨時撫恤之用。○五十六年議准。陝西省社倉穀石。係耗羨銀兩買儲。與他省不同。如社長有侵蝕虧空穀石。先於社長名下勒追。如一年內不能全完。社長治罪。未完穀石。著落該州縣賠補。○嘉慶四年諭。社倉原係本地殷實之戶。好義捐輸。以備借給貧民之用。近來官為經理。大半藉端挪移。日久並不歸款。

設有存餘。管理之首士與書吏。亦得從中盜賣。僅遇儉歲。顆粒全無。以致殷實之戶。不樂捐輸。老成之首士。不願承辦。是向來良法。徒為官吏侵肥。亦應一律查禁。並著各該督撫等。將各省社倉。仍聽本地殷實富戶擇其謹厚者。自行辦理。不必官吏經手。以杜弊竇而裕民食。○又覆准。各省社長。於歲底將出入儲欠數目。造冊結報一次。地方官轉報上司。造冊報部。一切出納。聽民自便。○又議准。各省公舉正副社長。止令呈官存案。如辦理妥善。照例獎賞。如有侵蝕。經鄉民告發。照例治罪。經理不善。仍聽同社自擇妥人請換。毋許官吏指名充補。及藉端為難。違者查出究辦。○又議准。各省社倉。如有應須修葺。即由同社鄉民。報明社長。公同勘估修理。在於息穀項下糶變。具結報官存案。毋庸官為經營。以免書役從中滋弊。如社長辦理不善。或有侵蝕。許同社之人。公同報官究辦。俟修竣之日。將用過工料銀兩。並糶變穀石數目。造冊呈明地方官。歲底造冊申詳督撫存案。毋庸報部覈銷。○道光六年題准。陝西廣西二省社倉穀石。每歲出入數目。造報督撫。年終

具題。如實欠在民。力不能完。及逃亡無著。准督撫查明取結。於題報案內請豁。凡州縣交代。彙同常平倉一律盤查。造冊結報。至各直省社倉項下民欠未完穀石。實係力不能完。及逃亡無著者。亦一律取結題豁。○又議准。廣西省社倉穀石。係由常平倉息穀作本。並非出自捐輸。所有潯州。慶遠。鎮安。思恩。四府社倉。均照常平倉例。令桂平。宜山。天保。武緣。四縣經營。該府就近稽查。如社長有侵蝕虧空等弊。百石以上者。將該管官降二級留任。無論勒追代賠。完日俱准開復。○同治十年奏准。前令各省常平社倉。認真整頓。福建省以倉儲無多。議請分投採購。連同現存之穀。以二十萬石為度。遂於同治六七兩年。陸續購運足數。○光緒七年奏准。河南省臨潁縣紳士。捐社倉穀一千石。濬縣捐一千五百石。○九年奏准。四川省山多田少。戶鮮蓋藏。酌撥鹽釐。發給綿州。三臺等十一州縣。採買倉斗穀二萬七千六百三十八石零。又捐集倉斗穀一百一十八萬一千三百石有奇。分別存倉。以資備禦。

義倉積儲。○康熙十八年題准。地方官勸諭官紳士民捐輸米穀。鄉村立社倉。市鎮立義倉。照例議敘。○雍正四年題准。兩淮眾商公捐銀二十四萬兩。鹽政繳公務銀八萬兩。奉

旨以二萬兩。賞給兩淮巡鹽御史。以三十萬兩。為江南買貯米穀。蓋造倉廩之用。所蓋倉廩。賜名鹽義倉。即著兩淮巡鹽御史。交與商人經理。欽此。遵

旨於揚州府治。建倉積儲。每年於青黃不接之時。照存七糶三之例。出陳易新。或於米貴之時。開倉平糶。總至秋成糶補。俟地方有賑濟之用。該撫一

面具題。一面動支。管理之商人。每年將出易糶補動支之數。呈報巡鹽御史覈實奏報。其出陳易新平糶平糶之內。或有贏餘。增買米穀。○五年議准。兩淮近窳之地。酌立數倉積儲米穀。以備貧苦窳戶一時緩急之用。○乾隆七年議准。山東省行銷票鹽地方。共十有三萬七千五百有七票。分上中下三等。照票輸穀。章邱。濟陽。萊蕪。淄川。新泰。德平。鄒平。商河。臨邑。惠民。十縣。列為上等。每票輸穀二石。共穀八萬九千八百五十八石。陵縣。濟東。陽信。長山。博山。樂陵。青城。臨

淄蒙陰臨朐益都高苑沂水費縣十四縣。列為中等。每粟輸穀一石五斗。共穀七萬六百二十六石。莒州新城博興濱州蘭山海豐樂安蒲臺日照濰化利津壽光昌樂濰縣鄒城十五州縣。列為下等。每粟輸穀一石。共穀四萬五千四百九十四石。通計輸穀二十萬五千九百七十八石。分限二年交倉。僅遇本處歉收。仍准展限。於下年買足。給發章邱等三十九州縣。每年照社倉例。於春夏之交。查明實在乏食窮民借給。照例加一收息。應建倉廩。令該商出資。在於城內

及鉅鄉大鎮構造。每處立社長。社副各一名。二千石以上。設斗級一名。四千石以下。斗級二名。六千石以下。三名。八千石以下。四名。萬石以下。五名。萬二千石以下。六名。萬四千石以下。七名。社長社副。每年各撥給息穀二十四石。斗級每年各十二石。以資養贖。出借收領。責成地方官稽查。○十二年覆准。山西省義倉。士民捐穀。分別獎勵。照直省社倉之例。其所收雜糧。按照米穀時價。折算獎賞。其州縣能捐俸急公。首先倡率捐五十石者。記功一次。百石者。記功二次。百

五十石者。記功三次。三百石以上者。別行註冊。每逢奏報案內。並別有政績卓越。遴選升調。別作一條事實。彙冊送部察覈。先予記功三次。三百石以上者。於現任內紀錄二次。至義穀照直省之例。分鄉收儲。春借秋還。照社倉例。每石加息一斗。所需倉費。亦照直省於息穀內動用。僅士民情願捐資建倉。或捐倉屋地基木料等物。准其計價合算穀數。彙入捐穀內。分別獎賞。再慎選倉正倉副。分別勸懲。游惰民人。禁其濫借。均照社倉例辦理。所有義穀。每遇州縣官交代

時。照例盤查。如有私借挪移。分別參處。至儲穀之鄉。附近村莊。如猝遇冰雹。例不成災。農民有缺乏口糧籽種者。准其將穀借給。每年春借秋還。先儘雜糧出易。俟本息充裕之日。再照存七糶三辦理。其義倉出穀。每百石。收息穀十石。內一石為倉正倉副紙張飯食之需。一石為倉穀折耗。一石為賃房之費。如遇歉收。免息之年。所需費用。於上年餘贖息穀內借給。俟下年收有息穀。照數撥還原款。○十八年覆准。直隸士民捐輸義倉積穀及數。應予獎賞者。照例具題。其

捐穀數目。每年一次專摺具奏。凡上年報捐及出借動用之數。於次年二月內。奏明存案。以備稽查。○嘉慶六年議准。各省社義二倉糧石。俱係民間捐儲。以備借放。今社倉既已奉

旨歸民經理。所有義倉。即照社倉之案。一律辦理。○又議准。近京五百里以內。旗民捐輸義倉穀石。獎勵與民同。○又議准。各省義倉。聽民間公舉端謹殷實士民二人。充當倉正倉副。一切收儲出納事宜。責令經理。其公舉呈換賞罰年限。歲底報部。照社倉例辦理。○又議准。義倉穀石。非本地農民。概不准借。其已借常平社穀者。不准再借。直隸收成八九分者。加一收息。收成六七分者。免息。每石止收耗穀三升。收成五分以下。緩至次年秋後還倉。凡原借雜糧。按糧價易穀交還。應加息者。照穀數加息。河南山西廣西。每石收息一斗。歉年止收本穀。免其收息。湖北江西。出借不收息穀。○嘉慶十九年議准。吉林八旗左右兩翼義倉。額儲本色穀三萬四千石。如有逾額之糧。春閒糶於旗人。所糶價銀。作為修理義倉。買補牛具費用。○道光五年

諭。陶澍奏勸設義倉章程一摺。國家養民之道。足食為先。而裕民之原。積貯尤重。前年安徽偶遇荒歉。賑撫兼施。該撫請設立義倉。為未雨綢繆之計。所議章程。如州縣中每鄉村公設一倉。秋後聽民捐輸。歲歉酌量散給。出納悉由民間經手。不假官吏。防侵蝕以禁騷擾。矜貧寡而杜爭端。各條著即移交新任巡撫照議妥為經理。仍督飭各州縣實心實力。勸導有成。總期經久無弊。不必另立倉名。○咸豐二年

諭。上年陸建瀛奏。勸捐鄉穀。上元江甯二縣。各捐穀二三萬餘石。辦理已有成效。當經降旨。令該督轉飭各屬。按照章程。廣為勸導。並著各省督撫。一體妥辦。原以義倉之設。最為便民善政。封疆大吏。果能飭屬實力奉行。圖匱於豐。自能有備無患。現在江蘇省續捐鄉穀。共有若干。及各省如何舉行。均未據詳細奏聞。著再行申諭各督撫。體察地方情形。年歲豐歉。飭屬勸諭紳民。妥為籌辦。據實具奏。○同治六年

諭。向來各直省州縣。設立常平倉以外。復設義倉。原以廣積儲而備災荒。立法本為至善。自軍興以來。地方被賊擾害。舊有義倉。每多廢棄。亟應及早興復。以備不虞。著各直省督撫。即飭所屬地方官。申明舊制。酌

議章程。勸令紳民量力捐穀。於各鄉村廣設義倉。並擇公正紳耆。妥為經理。不准吏胥干預。該督撫等務當實力奉行。不得視為具文。○光緒十年

論各省捐積倉穀。原為思患豫防之至計。惟存積過久。消耗必多。借借商民。亦滋流弊。著各督撫妥定章程。由地方公正紳董。酌價平糶。按時買補。備遇天災。並准地方官一面詳報。一面開倉散放。拯救災黎。以收備荒實效。

營倉積儲。○直省提鎮駐紮之地。及凡屬沿海邊沿海與離省遙遠者。皆設倉儲穀。以備軍士借糶。委營弁經理。○康熙三十年

論江甯京口等處官兵駐防之地。著將漕米各截留十萬石。建置倉廩。以備積貯。○四十年題准。楚省漕糧二十萬九千餘石。儘數截留。存於江南江甯省倉。以六萬四千石充給兵餉。將採買兵米價值。照數扣留。以四萬五千石。分撥淮安等處平糶。以濟民食。俟秋成後。將糶賣米價。並兵米扣留價值。照數買補還倉。其餘存贖之米。如不動用。仍俟下年循例給兵發糶。○四十九年議准。湖南省鎮算地方。僻處苗邊。改協為鎮。兼駐道廳。

兵民日增。若遇歲歉。恐食有不敷。撥司庫銀三千兩。買穀備儲。○雍正四年題准。廣東省邊海之南澳鎮右營。澄海海門達濠等營。儲穀五千二百石。潮州鎮標三營。黃岡協潮陽營。共儲穀五千三百石。碣石鎮標三營。惠來平遠。大鵬等營。儲穀六千二百石。提標五營。儲穀五千石。督標並水師六營。肇慶城守營。共儲穀七千石。計每兵一名。存穀一石。以備借貸。秋收免息徵還。其買穀動支羨餘銀。造倉運儲。盤查交代。均取結報部。侵挪虧缺。指名題參。○七年題准。廣東

潮州城守饒平平鎮三營。捐資買穀三千石。分給三營。於青黃不接之時借給。俟散餉時。照數扣除。概免加息。令各營將備經管。儻有侵挪缺少。照正項錢糧例追賠治罪。○九年題准。廣東省瓊州鎮瓊協龍門協虎門協香山協廣海寨。共穀萬六百石。分儲各協營。其買穀價銀。並建倉銀。在於鹽政節省銀內動支。○十一年奏准。四川省潘州達建寺二處。新設官兵。應支米折銀。照普安營之例。將次年應支四季運折米價。於本年秋成後全數領出。買儲散給。並於潘州

協標儲米二千石。達建寺營儲米五百石。每於青黃不接。酌量平糶借支。秋成買補還倉。○又題准。四川省新設苗疆。西河七兒筆建造倉廩。儲米二千石。交與該同知會同營員收儲。○又題准。四川省潘州達建寺二處。修建倉廩。潘州協標儲米二千石。達建寺營儲米五百石。交營員收儲。○乾隆元年議准。廣東省左翼鎮。逼近邊海。人稠穀少。若穀價稍昂。兵丁難於買食。宜照各營置倉。以濟不給。動用鎮標現存公糧銀一千一百餘兩。買穀三千石。設倉存儲。於青黃不接之時。均借兵丁。秋收買補。其應設倉廩。即查營中空閒房屋改造。○二年奏准。湖南省辰州府屬永綏協營。於司庫三分公項內。動銀二千兩。令同城駐防永綏同知。赴產米州縣採買。運儲高巖倉。交營員收儲。遇有缺食兵丁。酌量接濟。所需米值腳價。在於該兵應領季餉內扣存。彙交同知買運。循環供給。○又議准。浙江省溫州鎮所轄樂清等九營。於公糧銀內動支。買穀分儲。以濟兵食。每兵一名。備穀二石。共買穀一萬三千三十八石。令都司各官盤收監管。遇

青黃不接。每名按月借穀六斗。分作六月扣存。共建倉二十三間。每間儲穀六百石。所需工料。亦在公糧銀內動支。○四年題准。四川省成都駐防兵米。均係折色。每遇價昂。艱於採買。將司庫現存生息餘贖銀。飭發附近州縣。及時採買。遇青黃不接。支給各兵。在餉銀內分三月扣還。如有浮冒剋扣者。題參。其應需倉廩。即在協領佐領空房二所存儲。如有滲漏。該地方官估修。○又題准。福建省海壇金門澎湖閩安烽火銅山等六鎮協營。共買穀二萬石。存儲各鎮協營。遇青黃不接。酌借兵丁。免其加息。秋收散餉。扣除買補。共建倉四十三間。所需工料。在於正項銀內動支。○又題准。浙江省溫州鎮標中左右三營。及城守營。共計儲穀五千九百二十八石。合計倉廩每間儲穀六百石。應建倉廩十間。每間工費銀二十兩。共需銀二百兩。樂清營儲穀千六百十有六石。應建倉廩三間。共需銀六十六兩。瑞安營儲穀千六百六十二石。應建倉廩三間。共需銀六十六兩。平陽營儲穀二千八十八石。應建倉廩四間。共需銀八十兩。大荆營儲穀千

二百有八石。應建倉廩二間。共需銀四十兩。磐石營儲穀五百三十六石。應建倉廩一間。需銀二十兩。均於公糧銀內動支。○五年奏准。四川省提標五營。將存積公費銀。動支買穀存倉。自乾隆六年為始。遇青黃不接。按名借給。照原買穀價。於夏秋季餉銀內扣除。買穀還倉。營中現有倉廩。毋庸別建。○又奏准。河標四營。已於元年建設營倉。以資兵丁接濟。而黃河南北兩岸。河兵堡夫。未經設有倉儲。應動用河營生息銀六千兩。收買麥穀。交蘭陽縣知縣經營出入。開歸河北兩道。同按季盤查。於每年春閒糧價昂貴之時。具詳借給兵夫。秋收催令照數歸還。免其加息。○九年奏准。河南省駐防營所需糧餉草豆。向係折色。嗣後於兩翼各設常平倉一座。將駐防營息銀。於麥熟秋收價平之際。無論米豆二麥。均行買儲。遇青黃不接。照依原價糶給兵丁。仍俟麥熟秋收。再行買補。其倉廩令城守尉酌定閒數建造。○十二年咨准。湖南省永綏協營兵米。在南路高巖增建倉廩四間。以備存儲。今置買苗田八畝。四圍高築牆垣。改增房

屋。其工料銀。在於公項內動給。○又題准。四川省成都駐防兵丁口糧。與其全行折銀。不如按月酌給米糧。計兵丁每年應領銀四萬五千六百五十五兩。內將二萬石米價銀。豫先扣存藩庫。俟秋收後。令各州縣分買。存儲駐防倉廩。令副都統酌給兵丁。其各州縣用過米價腳價。據實報部。○又覆准。山東河標兵丁。以標營生息銀買穀四千石。設倉存儲。令城守營都司經營。河標副將盤查。春閒借給兵丁。秋收免息徵還。僅有侵挪等弊。即將經營各弁究參。其倉廩舊有四門城樓。空閒高燥。足敷收儲。毋庸別建。○二十八年議准。盛京戶部內倉。錦州蓋州牛莊甯遠廣甯遼陽義州熊岳復州甯海岫巖鳳凰城開原等十三城倉。額儲米石。每年於青黃不接之時。照民倉米石借給旗民之例。按存七糶三。酌量借給兵丁。秋收徵還。○又議准。拉林阿勒楚喀二處額儲糧石。每年收官莊所交新糧一千八百石。亦行入倉。除備支二處俸祿口糧。約需三百石外。其餘積糧石。照數於額儲陳糧內換出。每石照時

價減銀一錢。賣給兵丁。價銀留為公用。如遇青黃不接之時。酌撥額儲糧石。借給官兵。秋後照數徵還。○二十九年奏准。齊齊哈爾城儲穀二十萬石。墨爾根城黑龍江各儲穀十萬石。齊齊哈爾墨爾根二城倉儲尚未足額。黑龍江較原額餘穀萬五千五百餘石。又呼蘭地方額儲糧七萬石。每石照時價減銀五分平糶。其尚未足額之齊齊哈爾墨爾根如有陳穀。以十分之一照時價減銀五分。糶給兵丁。均於餉銀內分作二季坐扣還項。值豐收之年。照時價買補還倉。

○又定。凡旗倉額儲倉糧。每年出陳易新。將額儲變色糧石。照時價減銀平糶。吉林甯古塔三姓。伯都訥。拉林。阿勒楚喀等五處。每石照時價減銀一錢。黑龍江齊齊哈爾墨爾根呼蘭地方等四處。額儲倉糧。以十分之內劃出一分。每石照時價減銀五分。糶給兵丁。其價銀於兵餉內分作二季坐扣還項。價銀留存各本處公用。按年造入倉糧奏銷報部。○五十八年議准。西藏糧石。難以多儲。已經買儲青稞一千五百石。小麥五百石外。再添買小麥青稞共一千石。以足

三千石之數。作為定額儲倉。以備軍儲。仍每年酌量情形。出陳易新。毋致徵變。○嘉慶十年議准。湖南省鳳凰乾州永綏古丈坪保靖五廳縣添建倉廩一百間。採買穀四萬石。分儲鳳凰廳二萬五千石。乾州廳三千石。永綏廳一萬石。古丈坪五百石。保靖縣一千五百石。如遇歲歉。及青黃不接之時。詳明借濟屯兵練勇。秋後免息還倉。仍令各廳縣將分儲穀石。年終造冊送部備查。○又議准。湖南省鳳凰乾州永綏古丈坪保靖等五廳縣。碯卡駐兵案內。土民均出田一萬八千畝。每年約收租息穀一萬八千石。除支給練勇口糧穀七千二百石外。餘穀一萬八千石。照依時價變賣。為兵丁鹽菜口糧之用。至各苗寨繳出強佔田三萬一百餘畝。並逆產田地五千餘畝。約計歲收租籽二萬二千餘石。今各苗寨擇地建倉收儲。公舉殷實苗弁二三名。專司收放。歲給苗兵口糧米一萬八千餘石。計餘米四千餘石。積存苗倉。以備撥補。並閏月口糧之用。年終造冊送部備查。○十九年議准。吉林官兵。每年春閒應借糧石。在該處八旗左右兩

升有奇。江西三十五萬一千六百八十三石九
 斗六升有奇。浙江六十二萬一千四百七十三
 石九斗一升有奇。湖北九萬三千六百七十六
 石二斗八升有奇。湖南九萬五千五百四十六
 石三斗三升有奇。○改兌漕糧。運通各省原額七十萬
 石。山東九萬五千九百五十九石。河南十一萬石。江
 蘇九萬三千九百五十九石。安徽二十萬石。四
 十五石。江西十有七萬石。浙江內除永折米改
 徵黑豆米。並節年荒缺開墾報升不足原額外。
 以光緒十三年計之。共米二十七萬二千六百
 五十石有奇。內山東七萬八千二百三十三石
 二斗有奇。河南一萬五千五百一十石有奇。江
 蘇十三萬一千八百四十九石四斗有奇。安徽
 一萬八千一百五十二石有奇。浙江二萬九千
 三百六十五石五斗有奇。謹案嘉慶十七年米
 數共四十二萬六千
 五百六十二石七斗一升有奇。內山東四萬二
 千九百二十二石五斗二升有奇。河南九千五百四
 十六石五斗四升有奇。安徽十萬四千五百一十七
 升有奇。江西十有五萬一千八百八十二石三
 斗三升有奇。浙江二萬九千三百五十三石二
 斗有奇。○白糧。分運京倉。江蘇蘇州松江常州三府。
 太倉一州。原額十有五萬四百三十八石四斗
 七升。除改徵漕糧外。實徵六萬九千二十五石。
白糯米六萬五千六百五十一石。白糯米三萬三千三百七十四石。浙江嘉興湖州
 二府。原額六萬六千二百石。除改徵漕糧外。實

徵二萬九千九百七十五石。白糯米二萬五千
 三百四十九石。白
 糯米四十六石。共實徵白糧九萬九千石。○小麥。
 運京山東正兌麥九千九百一十五石七斗六
 升。耗麥二千四百七十八石九斗四升。改兌麥
 九千三百九十一石七斗。耗麥一千五百九十
 六石五斗九升各有奇。河南正兌麥二萬四千
 六百五十二石七斗八升。耗麥六千五百八十
 八石七斗一升。改兌麥一萬二千七百六十六
 石九斗六升。耗麥二千一百七十石三斗八升
 各有奇。共實徵正兌改兌正耗麥六萬九千五
 百六十一石八斗四升有奇。○黑豆。運京山東
 倉。正兌豆八萬二千一百一十四石三斗一升。耗
 豆二萬五百二十八石五斗七升有奇。改兌豆
 三萬一千八十二石二斗四升各有奇。耗豆五
 千二百八十三石九斗八升有奇。河南正兌豆
 六萬七千九百三十四石三斗二升有奇。耗豆
 一萬八千二百二十石三斗八升有奇。改兌豆
 二萬八千二百三十五石五斗三升各有奇。耗
 豆四千八百石四升有奇。共實徵正兌改兌正
 耗豆二十萬八千一百九十九石三斗一升有

奇。山東。河南。二省起徵黑豆。均係東米改徵。向無定額。視京倉米黑豆何項不敷。戶部倉場侍郎酌量情形。○永折漕糧。山東七萬石。河南七萬石。均每石折銀六錢。八錢不等。江蘇十萬六千四百九十二石六斗九升。每石折銀六錢七錢不等。安徽七萬五千九百六十一石三斗一升。每石折銀五錢六錢七錢不等。湖北三萬二千五百二十石六斗。湖南五千二百十有二石五升各有奇。均每石折銀七錢。共永折米三十六萬一百八十六石六斗六升有奇。○灰石改折。江蘇三萬九千四百二十四石二斗二升。浙江一萬八千六百五十三石一斗八升。共改折米四萬八千七十七石四斗。遇閏加折四千十有五石三斗。每石連耗折銀一兩二錢。

隨漕正耗。隨正起運。以爲各倉通各倉。○山東每正兌米一石。加耗二斗五升。內以一升七合六抄。在水次給丁。其餘二斗三升二合九勺四抄。隨正起交。每改兌米一石。加耗一斗七升。隨正起交。麥豆如之。河南每正兌米一石。加耗二斗五升者。內以一升七合六抄。在水次給丁。其餘二斗三升二合九勺四抄。隨正起交。加耗二斗八升者。內以一升七合六抄。在水次給丁。其餘

二斗六升二合九勺四抄。隨正起交。每改兌米一石。加耗一斗七升。隨正起交。麥豆如之。蘇州糧道所屬之蘇州。松江。常州。鎮江。四府。並太倉州屬。每正兌米一石。加耗四斗。除一斗五升隨船作耗外。二斗五升內。以二升七合六抄。在水次給丁。其餘二斗二升二合九勺四抄。隨正起交。每改兌米一石。加耗三斗。除一斗三升隨船作耗外。一斗七升內。以二升七合六抄。在水次給丁。其餘一斗四升二合九勺四抄。隨正起交。淮安。揚州。二府。通海。二州屬。並徐州府屬之邳州。宿遷。睢甯等三州縣。每正兌米一石。加耗三斗。除五升隨船作耗外。二斗五升內。以二升七合六抄。在水次給丁。其餘二斗二升二合九勺四抄。隨正起交。

每改兌米一石。加耗二斗五升。除八升隨船作耗外。一斗七升內。以二升七合六抄。在水次給丁。其餘一斗四升二合九勺四抄。隨正起交。縣無改兌米。徐州府屬之銅山豐沛蕭碭山五縣。每正兌米一石。加耗二斗五升。內以二升七合六抄。在水次給丁。其餘二斗二升二合九勺四抄。隨正起交。每改兌米一石。加耗二斗二升。除五升隨船作耗外。一斗七升內。以二升七合六抄。在水次給丁。其餘一斗四升二合九勺四抄。隨正起交。安慶甯國池州太平廬州五府。並六安州屬。每正兌米一石。加耗四斗。內二斗五升。隨正起交。一斗五升。隨船作耗。廬州府。並廣德州屬。每改兌米一石。加耗三斗。內一斗七升。隨正起交。一斗三升。隨船作耗。廣德州無正兌米。安慶池州太平甯國四府。並六安州。均無改兌米。鳳陽潁州二府。並泗州屬。每正兌米一石。加耗三斗。內二斗五升。隨正起交。五升隨船作耗。每改兌米一石。加耗二斗五升。內一斗七升。隨正起交。八升隨船作耗。江西每正兌改兌米一石。加耗四斗。內正兌米。除一斗五升隨船作耗外。二斗五升內。以二升七合六抄。在

水次給丁。其餘二斗二升二合九勺四抄。隨正起交。改兌米以二斗三升。隨船作耗。一斗七升。隨正起交。浙江每正兌改兌米一石。加耗四斗。內正兌米。除一斗五升隨船作耗外。二斗五升內。以二升七合六抄。在水次給丁。其餘二斗二升二合九勺四抄。隨正起交。改兌米以二斗三升。隨船作耗。一斗七升。隨正起交。湖北每正兌米一石。加耗四斗。除一斗五升隨船作耗外。二斗五升。隨正起交。湖南每正兌米一石。加耗四斗。除一斗五升隨船作耗外。二斗五升內。以二升七合六抄。在水次給丁。其餘二斗二升二合九勺四抄。隨正起交。湖北湖南均無改兌米。○嘉慶四年議准。江蘇省漕糧耗米項下。原備節賜耗米四升七合六抄內。撥出二升七合六抄。開兌時劃付旗丁。所贖二升。隨糧交倉。○又議准。浙江江西湖北湖南等省。俱照江蘇之例。原備節賜米內。劃給二升七合六抄。惟山東江南糧船運通程途較近。照浙江等省津貼之數。減去一升。各劃給旗丁米一升七合六抄。○五年定。江蘇浙江江西湖廣山東河南等省。正兌項下。原備節

賜米石內。既經分別劃付旗丁。所餘二升三升之數。不得全作折耗計算。應由倉場於漕米進倉抽驗時。將各倉折耗確數。切實查報。其中實有折耗過多。不敷作正之處。倉場親查確實。取具監督等印結。報部題銷。改兌項下。並未劃給旗丁。仍照舊例辦理。○又議准。江南省改兌米石。原備節賜耗米四升八合三勺二抄。除常州府無改兌米石外。其餘各屬。有正兌米多而改兌米少者。有改兌米多而正兌米少者。若將改兌米劃出。不敷運費。嗣後將改兌節賜耗米內。一體劃給旗丁米二升七合六抄。○又奏准。原備節賜折耗。除劃付旗丁外。不敷進倉折耗。將三升八合餘米。撥出八合。量為抵補。○又奏准。各省劃給旗丁節賜耗米。於水次兌漕時。令各州縣按照市價。代為售變。所變價銀。交給各丁。一經兌完開幫。毋許顆粒上岸。○又奏准。河南省改兌項下。應交節賜米石。到壩時。誤行劃付旗丁。於倉場應得養廉內。按例價扣繳歸款。○又定。撥運薊易米石。向係覈計平米派截。正兌項下。原備節賜。既經扣給旗丁。其撥運項下。另

用正項米石。照數抵補。○又定。河南省額徵正耗白麥一萬石。內正兌白麥五千八十六石四斗。每石應劃給旗丁節賜麥一升七合六抄。於該幫所裝耗米內劃給。以抵正兌白麥應給節賜之數。○六年定。河南省額徵白麥內。應給旗丁節賜麥石。在耗米內劃給。不敷米石。在耗豆內抵給。○又定。山東省應給旗丁節賜耗米。照江西之例。通省幫船。將正兌項下應劃付旗丁一升七合六抄耗米。均勻分給。○七年奏准。湖北省帶徵正兌項下。應給節賜米石。照江蘇之例。一體支給。○十一年奏准。河南省帶運漕糧。向不劃給節賜耗米。嘉慶十年帶徵八年漕糧。其率行劃給節賜米麥豆折銀兩之糧道。照例降一級調用。其各幫委係糧道飭催。遵照具領。並非自行濫支。運弁職名。免其開送。○十五年奏准。浙江省漕白幫船。在途節節淺阻。守候日久。丁情竭蹶。將每石應交節賜米二升七合六抄。比照緩交餘米之例。緩至下年帶交。○十九年奏准。大河前幫。因東省牯河阻淺。行走稽延。又奉起截易糧。雇撥交卸。需用較繁。所有應交

節賜耗米。緩俟下運搭解。以紓丁力。○道光三年奏准。安徽省池州幫漕糧被雨。米質受傷。起卸進倉時。內有不堪交納米四百餘石。照數易換賠補。所有應交節賜耗米。因幫丁疲乏。緩俟下年帶交。○又奏准。浙江省杭嚴等十六幫。因在楊村起撥米石。被雨受傷。責令儘數易換賠補。所有應交節賜耗米。緩俟下年帶交。其杭三紹前兩幫。除耗米抵補外。尚有不堪交納正米二千六百餘石。一併准其帶回。緩俟下運。同應交耗米。照數完納。○七年奏准。浙江省台前等十二幫。因上冬起運漕糧。不能一律飽綻。米石折耗較多。無力賠補。所有應交節賜耗米。暫緩交倉。自道光七年冬運起。勻分三限搭解還款。○咸豐八年定。漕南水腳及隨漕等項銀兩。現因漕船停運。均解交道庫報撥。並暫濟兵餉。○同治四年奏准。嗣後浙江漕截銀兩。併入地丁統徵分解。毋庸隨漕另徵。以歸簡易。至此項銀兩。每米一石。徵銀三錢四分七釐。較之江安糧道所屬。每米百石徵銀五兩。蘇松糧道所屬。每米百石徵銀十兩。米五石。多寡實相懸殊。應如

何量為覈減。俾利民生。仍不致有妨海運之處。應令該撫通盤斟酌情形。奏明辦理。○又奏准。漕截一項。原為給幫濟運而設。浙省漕截。雖較重於他省。然既減漕額。又禁浮收。自不致再以賦重藉口。若一經覈減。海運經費恐不敷用。况漕截既與地丁並徵。愚民無知。必謂杭嘉湖三府。不僅減漕。並減錢糧。勢必妄生希冀。殊多窒礙。所有浙省應增漕截銀兩。仍請照舊辦理。毋庸覈減。並照例令有漕州縣。於隔歲年底。刊刻易知清單。將地丁加耗若干。漕截加耗若干。逐一註明。俾花戶照單完納。

隨漕輕齋易米折銀。○每正兌米一石。山東河南又徵耗米一斗六升。謂之一六輕齋。江蘇安徽二斗六升。謂之二六輕齋。江西浙江湖北湖南三斗六升。謂之三六輕齋。每改兌米一石。又徵耗米二升。謂之二升易米折銀。均每升折徵銀五釐。解倉場通濟庫。山東河南並江蘇徐州府屬之銅山豐沛蕭縣

山五縣。每改兌米一石。加耗米二斗二升。俱係交納本色。不徵易米折銀。湖北湖南二省。無改兌米石。亦無

○康熙五年議准。輕齋等銀。例應先漕解通。以濟運務。令各省巡撫就近督催糧

道依期完解。如有遲誤。聽倉場侍郎題奏。○十三年定。江安等府州。每年起解輕齋。又搭解輕齋銀兩。照蘇松等府州。每兩支給三分水脚。造入奏銷冊內覈銷。○四十七年題准。嗣後各省額解輕齋銀。山東。河南。湖廣。江西。浙江。五省。及江南。江安糧道所屬。解存通濟庫應用。蘇松糧道所屬輕齋銀。解交部庫。如倉場不敷應用。咨部支發。○六十年題准。蘇松糧道所屬額解部庫之輕齋銀。十有三萬兩。仍分撥五萬兩。解通濟庫備用。其餘均解部庫。○乾隆五年覆准。湖南省起解輕齋銀兩。需用盤費等項。向於該省公捐備用銀內給發。嗣因停止公捐。將起解輕齋銀兩。需用盤費等項。於地丁額編解費銀內動給。○二十六年奏准。通濟庫所收輕齋銀兩。不敷支放。將蘇松每年解部輕齋銀內。撥銀四萬兩。以備支用。嗣後倉場奏銷。務遵定例。於每年歲底。覈明實用數目報銷。如有餘賸。按款解部。以清年款。○二十九年題准。浙江省輕齋銀兩。統限歲內全完。於次年起解輕齋時。悉行委員解送。如有未完。即行分別參處。○嘉慶十七

年議准。蘇松糧道所屬。每年額解輕齋席木等銀一十四萬七千八百九十九兩零。除例解通濟庫六萬九千四百七十七兩零。餘賸銀八萬六千一百四十一兩零。在雍正年間起。歸入漕項報撥。嗣後循照舊章。仍由糧道歸於奏銷報撥。免其起解報部。○同治四年覆准。輕齋一款。向係隨漕徵解。上年奉

旨。覈減浙江漕糧。漕項銀兩並未議減。所有減漕項下輕齋席木等三萬二千四百餘兩。另列專款。徵解部庫。至隨漕輕齋席木等銀。仍令按年徑解倉場。以濟先漕要需。○五年奏准。浙江省減漕項下輕齋席木等銀。另列專款。委員解部。所有江蘇減漕輕齋。照浙江一律辦理。○十二年奏准。江西兩湖三省。應解輕齋銀兩。務須恪遵定例。越漕先解。總以通壩開運之先解到。儻藉口動用。或遲延拖欠。即由倉場照例參辦。隨漕席木板竹。○每正兌改兌漕糧二石。山東河南徵長席一領。縱六尺四寸。廣三尺六寸。江蘇安徽江西浙江湖北湖南徵方席一領。縱廣皆四尺八寸。其應改折色者。江蘇之鎮江安徽

江西浙江湖北湖南。每領徵銀一分。蘇松常三府。太倉一州。每領徵銀一分二釐。應解本色者。山東河南及江安糧道所屬。均徵本色席片。給運軍解交。蘇松糧道所屬。並江西浙江湖北湖南。均徵銀給運軍辦買。赴通交納。江安糧道所屬之寧甯池太各府。蘇松糧道所屬之蘇松常鎮太倉州。江西浙江湖北湖南。每正兌正米二千石。徵楞木一根。長一丈四尺九寸。圍圓二尺五分。松板九片。闊一尺三寸五分。厚五寸五分。其改徵折色者。每楞木一根。徵銀五錢至五錢五分。松板一片。徵銀四錢至四錢五分。各不等。

江蘇安徽浙江江西湖北湖南。正兌米俱有楞木。松板。改兌米並無楞木。松板。山東河南及江安糧道所屬之廬鳳淮揚徐穎各府。江蘇安徽六安泗海通各州。均不徵楞木。松板。江西浙江湖北湖南。糧艘到通。每船帶大竹一根。中竹三根。蘇松糧道所屬各府州。大竹長二丈一二尺。圍圓一尺一二寸。每根價銀二錢四分。中竹長一丈一二尺。圍圓六七寸。每根價銀一錢二分。江安糧道所屬寧甯池太淮五府。廣泗二州。大竹長三丈五尺。圍圓一尺八寸。至長一丈二尺。圍圓八寸。每根價銀一錢五六分至

五六分不等。中竹長一丈六七尺。圍圓一尺二寸。至長一丈。圍圓四寸。每根價銀一錢二分至八釐不等。江甯府及海通二州。毛竹向無定價。悉照時價造報。江西大竹長二丈。中徑五寸。每根價銀六分。中竹長一丈二尺。中徑二寸。每根價銀五分。湖北湖南大竹長二丈。中徑五寸。每根價銀湖北一錢。湖南九分。中竹長一丈二尺。中徑二寸。每根價銀湖北八分。湖南六分。○順治十三年題准。各省隨漕帶運本色席片板木。倉場侍郎數明隨糧完欠。造冊按年奏銷。○又

題准。席片板木。各有長短闊狹尺寸。隨糧解交。務照定式。不許短少充數。亦不得濫收濫罰。致滋弊竇。○十五年題准。京糧廳裁缺。所有楞木松板。改歸大通橋監督交納。○又題准。正兌米例進京倉。應解楞木松板。改撥通倉。即照改通米數扣留。以供鋪墊。或有河兌。其板木仍於大通橋交納。○十七年題准。席片板木。以供倉廩鋪墊。如運弁挂欠不完。總漕倉場侍郎限年追補。雖漕糧全完。不准議敘。○康熙八年定。應徵楞木。照江南折色定例。每根折銀五錢。松板每

片折銀四錢五分。○九年定。存騰年久松板。每片變銀四錢二分。楞木每根變銀五錢三分。○二十五年題准。各省應徵隨糧席片。舊例係三分本色。七折色。嗣後將三分本色內。再改折五釐。○雍正元年定。天津固米。將席片交地方官隨糧運通。其楞木松板。仍照舊由大通橋交收。○二年定。奉天採買米石。准照漕糧席片之例。於通濟庫內動用輕齋銀兩。辦買鋪墊。仍將用過銀兩。造入奏銷冊內。具題查覈。○三年定。舊例鋪廠需用松板五十塊。楞木五根。今改為滿鋪。應用松板一百一十塊。楞木十根。將松板以一鋸四。以代楞木。每板一塊。可抵楞木根半有餘。雍正四年為始。將十分松板。全徵本色。十分楞木。覈算價值。俱徵松板。○又奏准。各倉需用氣筒毛竹數目。令每船帶大毛竹二根。長二丈。中徑五寸。中毛竹十根。長一丈二尺。中徑二寸。除山東河南二省外。其餘有漕各省。隨糧運交。○四年題准。各省應徵楞木松板。舊例係三分本色。七折色。江安甯池太。各府屬。將應徵本色。徵給運軍。蘇松常鎮四府。太倉一州。浙江

江西湖北湖南將應徵本色。徵銀給運軍辦交。嗣後將松板全解本色。楞木改徵松板。亦全解本色。○六年定。裁大通橋額設板木書辦一名。板木車戶十三名。嗣後板木到橋。令旗丁現雇車輛運送各倉。至板木長短寬窄。向有部定尺寸。即由該監督照式查驗。登記收受。○八年

諭。向因鋪墊倉廠。需用松板。令各省糧船隨帶到倉交納。續經該部議定。產木之省。如江西湖廣及江安糧道所屬地方。則全解十分本色。其不產木之浙江蘇松等屬。則解三分本色。七折色。此便民利用之意也。乃朕聞該地方所交三分本色。亦於抵通之時。始行採辦。以致通州木商。與胥役勾通包攬。每板一片。用銀至二兩餘。或一兩七八錢不等。較折色之數。多至四五倍。運軍不免苦累。今京通各倉。一年支放俸米兵米。空出廠座。應鋪墊百五十餘座。其湖廣江西安徽三省所解松板。已足備用。即有應需採辦者。諒亦無多。所有不產木之浙江及蘇松等屬。應解三分本色松板。二千五百四十片。著改徵折色。令各該糧道彙解通濟庫。以備採辦之用。其湖廣江西安徽等處全解十分本色者。著倉場侍郎嚴加稽查。不許收

板官吏勒索使費。俟各倉廩鋪墊完日。將應徵本色若干。具奏請旨。○又奏准。山東。河南二省。派徵長席。江南。江西。浙江。湖廣四省。派徵方席。每米二石。徵席一領。以二分五釐徵本色。付運軍交倉。以七分五釐徵折色起解。其應交本色席片。均以茶席二領。作為長席方席一領。惟各倉所用席片。每年多有餘賸。嗣後以一分七釐扣算。徵收本色起運。以八分三釐計算。徵收折色附解。○又奏准。蘇松等屬應解三分本色松板。改徵折色。所有原編三分楞木改徵松板。自應一律折徵。隨同輕齋銀兩。一併解部。○九年議准。湖北省幫船漕糧。截留東省。應交席片木竹。難以運通。令帶回水次。俟新運搭解。○十年議准。山東省臨清德州二處。建造倉廩。截留漕米二十萬石。所有隨漕席片。在東交納。以資鋪墊。○十二年奏准。江南。江西。浙江。湖廣各省糧船運通。舊例。每船運軍自備大竹二根。中竹十根。解交各倉編造氣筒。嗣後每船大竹仍帶二根。中竹減去四根。止帶六根。○又奏准。各省運丁所解席片。定例將狹小茶席投交者。一概駁換。嗣後以

茶席二領。作原派方席斜席一領。查明收納。不得留難勒措。○乾隆二年奏准。每船再減中竹二根。止帶大竹二根。中竹四根。給以價值。於各道庫先期給發。以便採辦。○三年奏准。糧船隨帶席板毛竹。向例於抵通交米後。雇車運送到倉。經由大通橋查驗。各軍雇費艱難。嗣後各幫於起米之後。將板木席竹。在東嶽廟堆卸。由坐糧廳督令經紀雇車。改從陸路運送。由石道至朝陽門。不由大通橋經過。監督於朝陽門隨到隨驗進倉。中途遺失短少。責令經紀賠補。仍嚴禁經紀不得藉端勒索。其應投橋倉文冊。各弁軍俟經紀知照起車之日。自赴投遞。掣獲倉收。○又覆准。江西省糧船帶解毛竹價銀。於裁兵米折項下動支。○五年奏准。江南。江安各屬隨漕席片。例係州縣備辦本色交軍。因各州縣從前私自折交。以致運軍藉端勒索。嗣後辦交本色。毋許折銀。運軍毋得勒索。○六年奏准。現存木板。足敷四五年之用。所有江西。湖廣產木之鄉。每年應徵之數。改徵折色一半。其江安所屬每年應解松板。全數改徵折色。彙解通濟庫。俟

將來別有需用。隨時酌辦。○又奏准。毛竹逐歲陳積。不無朽裂。應再減二根。每船各帶大竹一根。中竹三根。○又覆准。湖北省買辦毛竹。在於南糧抵兌。節省水腳銀內動支。○十一年覆准。各省幫船帶交毛竹。令糧道驗明是否合式。造冊咨送。令坐糧廳轉飭各幫。將現坐某倉船若干隻。應交大小毛竹若干。長徑丈尺若干。先期移倉查收。如有與冊開不符者。即令更換。其有冊開原屬與例不符者。亦准收用。不必駁回。統俟糧竣。彙冊咨送查覈。○十二年議准。河南省隨漕應辦一分七釐本色席片。向無徵款。係運軍自辦交倉。今酌定席交本色。席銀於節省耗羨銀內動支。隨漕交軍。赴通交納。○十四年奏准。湖廣江西各省。應徵松板。一半解交本色。一半改折銀兩。今每年解收松板。已足敷用。所有應徵板竹。全交折色解通。俟將來徵解本色時。隨時計算。照舊辦運。○三十一年議准。嗣後席竹運交各倉。該倉於五日內查收。即移會坐糧廳。以便按期送驗。僅有勒索遲延。由倉場查明參究。○三十六年奏准。湖南江西等省。額徵松

板。於三十七年為始。照數徵解。隨漕解通。以供鋪墊。○四十二年定。薊糧裁減之後。並無席折銀兩收存。即每年薊糧粟米所收席折。不過一兩有零。其奉天黑豆各倉。應用席片鋪墊。每年所領席折銀二十餘兩。不敷支放。統歸輕齋項下開除。嗣後所收薊糧席折。亦入輕齋項下造報。○五十五年奏准。湖廣江西等省。應徵本色松板。於乾隆五十六年為始。暫行停徵。俱令全交折色解通。俟將來應需本色時。奏請辦運。○嘉慶五年奏准。湖廣江西等省。額徵松板。照數全徵本色。即於次歲隨漕解運。以供鋪墊。○六年覆准。湖北省正運松板。因商賈稀少。帶解雜木交納。與例不符。飭原船帶回。易換松板。於下運搭解。○七年定。湖南省漕糧內截撥陝西兵糧米八萬石。陝西省並無兌收本色蘆席。飭令湖南糧道。將截漕項下蘆席。搭運赴通交納。○九年定。各幫漕糧全單內應交席竹。令坐糧廳遵照定例。於交糧後。督令經紀。立即轉運到倉。並令各倉監督。照例於五日內收受明白。出具倉收。徑行移會坐糧廳查覈。○十三年議准。湖

南省辦解本色蘆席松板等項。向在漕項銀內動支。巴陵等縣應徵漕項。因災緩徵。應辦本色蘆席松板等項。無從扣價採辦。應令分年帶徵辦運。○又定。湖北省止徵漕米。緩徵隨漕各屬。應買本色蘆席松板價銀。為數無幾。飭令各屬先行通融墊辦。給弁丁隨糧解通。俟各州縣帶徵初限隨漕銀兩。扣還歸款。○又定。湖北省通山當陽二縣漕糧。向係徵收折色。另派江夏等縣餘漕耗米代兌。江夏等縣漕糧耗米。隨正緩徵。俟帶徵時分年代兌。所有通山當陽二縣隨漕錢糧內。徵存應辦席板價銀。亦俟代兌時分年辦交。隨糧帶解。○又定。江西湖南二省。截卸淮揚等處各幫應交席片。彙同毛竹松板。一併緩俟下年搭運。○十四年定。江浙各幫搭解緩交餘米項下。毋庸交納席片。有旗丁自行辦交者。准於各該幫下年額漕項下應交席片內。照數劃抵。○又定。截撥荊州兩年兵米。除支放外。尚須囤儲一年。所有運丁應交席片。隨糧兌交該處備用。○二十三年覆准。湖南省搭運米石。照湖北搭運之例。一體免交席片。○又奏准。湖

廣江西等省。每年隨漕辦解十分本色松板。帶運到通。派儲京通各倉。以為鋪墊廠座之用。定為十六年抽換一次。自嘉慶六年辦解以來。除各倉鋪墊外。現存松板。數尚逾萬。樽節抽換。可數十年鋪用。嗣後湖廣江西等省。應徵本色松板。於嘉慶二十五年為始。暫行停徵。全交折色解通。俟將來板片不敷應用。再行照舊辦運。○道光二年奏准。修整各倉廠座。需鋪板片甚多。所存之數。恐不敷用。飭令江廣二省。於道光三年為始。仍按年全徵本色。於次年隨船交納。○三年奏准。嗣後糧船到壩。該旗丁應交方席。責成坐糧廳。每米一萬石。交席八百五十領。如係茶席。加倍交納。逐一驗明。令旗丁交與經紀等代為雇車。運至大通橋廠內堆儲。責令該橋監督點驗清楚。出給該經紀印票實收。再令大通橋車戶。就其運米車內。每米千石。分帶席片八十五領。同漕米一併運倉。交該倉監督點明收受。一體出給該車戶印票實收。所有兩處印票實收。每日彙繳坐糧廳。按十日一次。彙送倉場衙門查驗。如到橋席片短少。責令旗丁與經紀

賠補。如到倉短少。責令車戶賠補。儻該倉官役有折收情弊。查出嚴叅究辦。其運米車戶搭運席片。每方席一領。酌給腳費銀一釐。即於坐糧廳庫存各役運腳項下。作正開銷。○六年覆准。山東省任城徐河前後等幫。截撥大通橋黑豆。應交斜席。每領折銀一分。交納通庫。與例不符。飭令於辦理新漕時。將上年各該幫未交斜席。按數購買齊全。搭解來通交納。至已交折席銀兩。俟交席完竣。再行給發領回。○二十七年奏准。江廣漕船重運。例帶免稅竹木。天蓬上准高二尺。不計寬長。以天蓬為度。兩旁跨木各寬二尺。不計深長。以船身為度。令各該督撫及漕運總督。責成各該糧道督飭幫弁。於漕船未經開行之前。按照額定尺寸數目。實力查驗。如有違例多裝。勒令起卸入官。仍出具查驗無浮甘結。呈報總漕。如查驗不實。經各關監督查出多帶。除按則科算外。仍揭報總漕。將丁商從重治罪。員弁嚴加叅處。至押運員弁坐船。如違例私帶貨物。由該管督撫指名嚴叅懲辦。○同治九年覆准。江蘇省隨漕席竹二項。向按起運米數辦

解本色。所有減漕米石。既不起運。前二項銀兩。並非額編之款。嗣後免其起解。

欽定大清會典事例卷一百九十五

戶部

漕運餘米 薑羨銀 廳倉茶果

餘米。凡正兌米麥豆每石交倉耗米二斗五升。內除運通運京共耗二斗一升二合。詳見餘倉廩給運軍同空食米三升八合。改兌米麥豆每石交倉耗米一斗七升。內除運通運京共耗一斗三升二合。詳見餘倉廩給運軍同空食米三升八合。○雍正元年奏准。各幫運弁運軍。有在倉交贖三升八合餘米。本軍如有舊欠。照數全扣。本幫有欠。三七扣留。節年皆有舊欠。將扣留之米。按年分交銷。如願賣與別幫抵欠。即於冊內開晰米數。如抵賣之外。再有餘贖。杭米每石作價七錢。稔米每石六錢。粟米每石五錢。動用茶果銀。給予運軍。顆粒不許出倉。如茶果銀不敷。即於通濟庫銀內給發。所有餘米。通行留倉。作正支放。○四年題准。運軍應得餘米。或本幫有欠。抵補本幫。或別幫有欠。賣補別幫。賣抵之外。仍有餘米。准令經紀車戶買抵掣欠。至尾幫有願赴坐糧廳領價者。仍照例給發。○乾隆三年題准。

各省糧船抵通起卸。如有不足。不准買餘米抵補。即照例參處著賠。其失風失火等船。事出意外。准其照例買抵。○六年題准。富新倉失火燒毀成色米石。著落滿漢監督賠六分。書攢賠二分。花戶賠二分。於次年糧船抵通。收買各幫餘米賠補。○七年奏准。漕船抵通起卸完日。驗明飯米缺乏之幫。將應得每石三升八合餘米。三分交倉給銀。七分給米。以濟同空之用。○十七年覆准。舊太倉冒領米石。著落該倉收買各倉餘米賠補。○三十六年奏准。後進幫船沿途稽阻。抵壩較遲。所有應交餘米。暫免交倉。俟下運照數搭解。○又定。運河水勢未充。轉漕較為費力。二三進幫船餘米抵通後。准其售賣。○四十年奏准。微湖水淺。浙江各幫。閒有起撥。應交餘米。先交一半。其餘緩至次年帶交。不得援以為例。○四十三年

諭湖南江西各幫。因清黃交匯處。閒有淺淤。守候日久。迄今始得渡黃北上。且起剝需費。丁力未免拮据。各漕船向有餘米。例隨正米交倉。折價收買。今年江廣各幫旗丁輓運。為日較多。其餘米須留充食用。所有

應交餘米著加恩暫緩交倉。俟下運照數搭解。以示體恤。欽此。遵。

旨議奏。湖南頭幫先已渡黃。不在緩交餘米之內。應自湖南二幫起。緩至下年搭解。○五十年覆准。長淮四幫。應行搭解。上年一半緩交餘米。係屬杭米。本年輪兌徐州府屬漕糧。例係粟米。難以抵杭。俟下年輪兌常州府屬南糧。照數購買杭米搭解。○五十一年。

諭。上年早歉之後。米價昂貴。本年沿途河道。仍多淺阻。幫船起剝。丁力未免拮据。浙省本年應帶交四十九年未完一半餘米。緩至五十二年。其五十年緩交餘米。遞緩至五十三四兩年搭運交倉完納。至江南漕船。所有帶交四十九年未完一半餘米。著照浙省之例。一併遞緩。以紓民力。○又。

諭。江西漕船。較別省幫船。程途稍遠。今歲因江境漫口阻滯。抵直較遲。各該丁等將來回空。日食無餘。丁力不無拮据。所有各該丁等應交三升八合餘米。著加恩今年免其交納。竟於五十二三兩年內。每年分交一半。以示體恤。○五十二年。

諭。江蘇省領兌華亭。婁縣。奉賢等三縣。浙江省領兌海

甯臨安新城於潛昌化嘉興海鹽嘉善平湖秀水石門桐鄉歸安烏程等十四州縣漕米。各幫米色黴變。不堪交納。將行月耗米抵補。再加交倉贈耗。行糧外。若令買補餘米。分年帶交。恐近年丁力疲乏。轉行支絀。所有江蘇省華亭等三縣。浙江海甯等十四州縣。各幫應交三升八合餘米。著加恩寬免。以示體恤。○五十三年。

諭。各省漕船到通後。例有餘米交倉。近來屢經該督奏請緩徵。因其為恤丁起見。是以准行。但此等旗丁。既屬疲乏。即使准其將餘米分年帶運。而年復一年。更形拮据。豈能按限交納。除前次緩交餘米。仍令按年帶交外。至此次河南漕船。行走遲滯。皆因河水淺阻。守候耽延。而該管各官於簽丁時。既未能慎加遴選。及開兌後。又不能督飭催趲。以致稽遲時日。丁力疲乏。不能交納。所有本年兌運豫省米石各幫船。應交餘米。竟免其交納。著落總漕巡撫糧道及府州縣衛等賠交。其東省各幫。有無似此疲丁。不能交納餘米。應行寬免。著賠之處。並著倉場侍郎就近查明。照此辦理。據實具奏。欽此。遵。

旨議奏。查明應賠餘米七千石。計價銀九千八百兩。按

十分攤賠。總漕攤半分。德州等五衛共賠半分。河南巡撫賠半分。山東河南糧道共賠兩分半。豫省有漕之開封等七府共賠半分。各按所屬漕數計算。下贖五分半。再按豫省該年徵運漕糧之祥符等五十二州縣額徵糧石多寡。均勻分攤。解還歸款。○嘉慶元年

諭。向來南糧餘米。俱准在通變賣。以資食用。今南糧現已抵通。旗丁於交足正供之外。所有多餘米石。著加恩准其就近於通州糶賣。○五年定。江浙各幫餘米。無論運京截撥。每正米一石。均准其交納一升

九合。存船一升九合。入於到通銷算案內。分析造報查覈。○又奏准。江浙二省應交餘米。先交一半。其餘一半。緩至次年搭運交納。其先經到壩之鳳中二等幫起卸。均係在部文未到以前。其餘米照常起卸外。至六月初六日接准部咨以後。續到各幫。即以江淮九幫起。餘米先交一半。其餘一半。緩至次年搭運交納。仍令倉場將各幫緩交米數。造冊報部查覈。○六年奏准。浙江尾後八幫應交米石。情願自用剝船。並另雇民剝。俾大船及早回空。其應交餘米。並箇兒錢

文。從今冬起。量分二年帶交。○又奏准。浙江各丁。在北守水耽延。回空趕趨。一切經費。較之常年。不下兩倍。今冬除例應交倉餘米外。又有挂欠失風。及初二兩限餘米。再加應扣剝價。並箇兒錢文等項。丁力益致疲乏。所有本運應行交倉餘米。今冬先交米八千餘石。其餘一萬六千餘石。分作二限。均勻搭運。例給旗丁餘米價銀。亦按限折扣。○十年奏准。湖南三幫。程途最遠。進江口後。運河水大。插壩溜急。兼值清口淤淺。較久。一路人工飯食。倍於別幫。且搭運採買米石。並無加耗。又比他省幫船較苦。所有應交三升八合餘米。緩至明後兩年。分作二次搭解補交。○十七年

諭。浙省幫丁。上運嘉屬船糧。因衛河水淺。用費較多。又湖杭二屬。歉收。糧價昂貴。本年甯後等幫。應帶交嘉慶十三年。並加裝九年餘米一萬一千三十餘石。又本年回空各幫。借支宿州頭二兩幫截貯米六千七百八十餘石。若令一併買米帶交。不但丁力難支。並恐有妨民食。除該幫丁借支宿州頭二兩幫截貯米六千七百八十餘石。令其如數購買帶交。其有歉減

輪造之船。俟下次出運再行帶交外。所有應交嘉慶十三年並加裝九年分初限餘米一萬一千三十餘石。著加恩再遞緩一年。以紓丁力。○二十年

諭上年浙江省杭嘉湖三府。因旱歉收。米價昂貴。各幫丁應交積年緩帶米五萬七千餘石。內本運應買一萬八千餘石。甯後等幫尚有應交十九年失風沈溼米二千三百餘石。為數較多。若令同時並買。丁力未免拮据。著加恩將浙省各幫應交積年緩帶餘米。及篩颺米五萬七千餘石。分限八年。自二十年冬運起。每運帶交七千餘石。以紓丁力。○又

諭本年南糧尾後各幫。因淺阻起剝。耽延時日。食米較多。內江西吉安幫。尤稱疲乏。現在回空南下。沿途口食。均須接濟。除該幫本年應交餘米照數交納外。所有帶運上屆餘米一千四百石零。著加恩緩至來年帶交。○道光五年奏准。江西湖廣兩省幫船。因運道淤阻。守候日久。盤壩接運。諸多折耗。所有應交餘米。自本年冬運起。分作三限。搭解還款。○董羨銀。○各省漕船到通。除山東河南路近不給董羨銀外。其江蘇安徽江西浙江湖北湖南六省漕糧。按實過壩正米數算。每石給董羨夫銀

一分。又按到通漕船實數。山東河南。每船給羨餘銀一兩。江蘇安徽。每船二兩。江西浙江湖北湖南。每船四兩。凡有挂欠漕糧者。按所欠米數。以通幫董羨銀均派扣除。其中途失風漂沒損壞不到通者。按船扣除。○順治十五年題准。董羨等銀。本幫如有挂欠。照定例。粳米每石一兩四錢。粟米每石一兩二錢。作價扣留。折抵挂欠。並查明本幫上運舊欠丁名。如有相同。將該丁應給銀兩。一併扣抵。扣除之外。再有餘銀。坐糧廳出結給發。○十七年題准。應給董羨夫羨餘銀。

務令運官親到坐糧廳。唱名給發。如有買照代領情弊。即行參究。○乾隆二年奏准。江西省漕船。每船例給羨餘銀四兩。惟九江前後兩幫。從前運送京口糧船。並不到通。向照江蘇之例。每船止給羨餘銀二兩。今既運通交卸。照例每船給銀四兩。○三年議准。江浙二省白糧。改徵漕糧。每年到通之時。董羨腳扛等項。悉照漕糧例辦理。○又咨准。山東省自備船應領董羨等銀。於具領之日。坐糧廳設一印票。填明銀數。連銀封固給發。回衛時。將銀票並呈各衛所驗明。按

名勻給。仍取具領狀與原發印票。一同申繳。送部查覈。○又咨准。買補及雇募船。停給蠶羨等銀。其山東省運軍自備雇募船。與各省風火失事買補雇募不同。仍照舊給予羨餘等銀。○九年奏准。欠米漕船。例將副軍回空食米。起作正項。回空未免拮据。嗣後將運軍應得蠶羨等銀。全給副軍。以資回空之費。如運軍不能交納茶果。行南比追。於次年附解交通。○十年咨准。蠶羨餘米等銀。例係按照到通船數米數覈給。其中途截留漕船。概不准支。至抵壩之後。派剝轉運各船。應交茶果銀。又經照數交納通濟庫。其蠶羨餘米等銀。即照到通之例辦理。○十七年奏准。各省幫船。應領餘米價值。並蠶夫羨餘銀兩。例係交糧後。由坐糧廳唱名給發。惟完糧後。旗丁急需回空。未能久候。嗣後給領羨餘等銀。除山東省自備船隻。仍由坐糧廳於印票填明銀數。連銀封交運弁帶回外。其餘各省幫船。應領餘米等銀。俟各丁完糧後。限五日內。該廳即唱名給發。令巡漕御史不時稽查。如有剋扣違限情弊。立即查叅。○二十二年定。浙江省台州

諭。先到漕糧。於天津截留四十萬石。糧數雖有截存。船仍到壩。其羨餘銀兩。照例全給。至蠶夫銀兩。照例賞給一半。○二十七年奏准。浙江松江等幫。餘米緩交。其蠶夫銀兩。向係按米支給。今米未進倉。停其支給。至羨餘銀兩。例係按船支發。該船既已抵通。仍行給領。○三十一年奏准。通州等處額徵紅剝銀兩。除給淺標各夫工食等項外。餘賸銀兩。向例覈明到通船數。留於次年均勻派給。嗣後照餘米蠶羨之例。本年由坐糧廳覈明。交領運千總散給各丁。並交巡漕御史嚴切稽查。○嘉慶五年議准。山東省自備丁船。向不回空。每船應領羨餘銀一兩。毋庸赴衛候領。即在每船應交茶果銀內扣抵。其不敷茶果銀。仍行找交。○七年議准。河南省自備漕船。應領羨餘銀兩。照山東省之例。在應交茶果銀內扣抵。○八年奏准。豫東二省幫船。應領紅剝銀。每船不過五

六錢。為數零星。應在茶果銀內扣抵。以歸簡易。
○十四年議准。江南淮安二等幫米石。不堪入倉。所有蠶夫羨餘銀兩。不准支給。○咸豐五年。奏准。江浙兩省蠶夫銀兩。並江浙豫東羨餘紙劄。餘米價銀。向於輕齋茶果等銀內扣解。嗣後。應按八折放給。酌扣二成銀兩歸公。○十年議准。倉場籌辦先漕經費。所有蠶羨等銀。按七成折放。扣減三成。留存通濟庫備辦先漕。贏餘銀兩解部。統令列入通濟庫奏銷案內。覈實報銷。○同治十一年議准。江北河運漕糧。截留天津放賑。查照乾隆二十二。二十四等年天津截卸成案。蠶羨銀兩賞給一半。
廳倉茶果。○雍正四年奏准。漕船交倉茶果銀。每米一廩。計六七十兩。或五六十兩不等。嗣後。每廩以六十兩為定額。七分交官。作放米修廩等項之用。三分給書攢頭役。備造冊刷卷等費。仍令坐糧廳計廩徵收交倉。其不足一廩者。按米遞減。並封存通濟庫。俟驗明各倉放米數目。開報倉場。照數批給。永為定例。○乾隆三年定。內倉向收白糧。所交茶果銀一千六百餘兩。係

備官吏飯食等項之用。前因白糧議減。改進漕糧。茶果銀兩。不敷支用。以每年撥給運米口袋一萬條。聽該倉變價應用。○十三年奏准。內倉殘袋。停其撥給。於茶果項下提銀八百兩。給發該倉。以資公用。○十四年定。茶果銀兩。每年收支數目。向例坐糧廳於年底繕摺奏明。嗣後。令該廳詳報倉場。覈明具奏。○二十四年議准。各省漕船應交坐糧廳茶果銀兩。山東河南二省。每船額交銀七兩。旗丁自行交納。江浙白糧。每船額交銀一十兩。各糧道在各丁應領耗贈銀內。按船按數扣留。封交押運廳員。批解坐糧廳衙門。其餘江南浙江江西湖廣等省。每船額交銀一十兩。在到通應領蠶羨紅剝銀內照數扣抵。如有餘賸。仍行找給。不敷銀兩。於餘米折價銀內找足。○三十一年議准。各省漕船應交各倉茶果銀兩。每糧一石。交銀五釐一毫有奇。為各倉收放米石之用。令坐糧廳於應給餘米折價銀內扣抵。○同治十一年議准。江北河運漕糧。截留天津放賑。其廳倉茶果箇兒錢等銀。除將蠶羨抵扣外。下餘應解銀兩。即行全數交通

上均本折各半。江西各衛千總於俸廩外兼支行糧三石。運軍每名行糧三石。月糧九石六斗。湖北、湖南各衛千總於俸廩外兼支行糧三石。運軍每名行糧三石。月糧九石六斗。以上均折銀徵給。○順治初年定直隸省通津等衛。今改通津所協運豫省漕糧。通州所月糧向係部撥本色。今半本在中南倉支給。半折每石折價八錢。赴坐糧廳支領。天津所月糧向在天津倉全支本色。今改在河南糧道本折均平支給。○三年議准行月二糧。載入全單。務同漕糧並免。如正糧已完而行月不給者。官以誤漕叅處。吏以侵剋究罪。○九年題准額徵南屯二米原編給運軍安家月糧。順治二年因兵馬雲集。漕運未定。將南糧改充兵餉。今漕運復舊。月糧失額。應將漕項歸漕。南米先儘支給。運軍餘贖米留充該省兵米。○十年題准官軍行糧務派現兌水次。不足方派貼鄰州縣運船一到。如數給發。如有違誤過期及遠派隔府隔縣者。由總漕題叅重處。○十一年欽奉

恩詔。運糧官軍月糧。各地方本折不等。多有偏枯之弊。

著漕督通行籌酌具奏。務令本折均平。以恤運軍。○十二年題准運軍行月糧。向例扣除三月折銀。解京以防挂欠。嗣後將全數給軍。毋得扣留短發。致累弁軍。○又題准浙江省行糧。舊例全支本色。派於杭嘉湖三府屬。月糧本折不等。派於通省十一府。今本折均平。除半本照支外。折色行糧。每石定價一兩二錢。折色月糧。每石定價一兩。○十三年題准山東省衛所行月。舊例原係全支本色。今本折均平。克濟之屬。仍於舊編州縣本折均派各半。東昌三衛原編本色。仍歸漕用折色。每石定價八錢。河南領運官軍。例係直隸、山東、江北幫船協運。月糧向於本處地方支領。行糧於臨德諸倉支領。惟臨清後幫。平山前後二幫行糧。在於河南全支本色。今改給本折。每石定價八錢。不敷之銀。於清理人丁銀內撥補。江南蘇州、太倉、鎮海三衛及金山、松江二衛所。舊例行糧。全支本色。月糧全支折色。今行月二糧。改為本折各半。蘇鎮太三衛。每石原折銀五錢。今半折行糧。每石一兩二錢。半折月糧。每石一兩。於屯糧充餉及軍儲扣充兵局二糧。

內湊支。金松二衛所。每石原折銀一兩。今半折行糧。每石一兩一錢。減米徵銀。半折月糧。照依原折。每石一兩。編徵支給。鎮江衛。舊例行糧。全支本色。月糧。全支麥折。每石原折銀三錢五分。今行月二糧。改為本折各半。半折行糧。每石八錢。減米徵銀。半折月糧。每石酌改五錢。編徵支給。安徽甯太四府所屬。安慶。新安。宣州。建陽四衛。舊例行月本折不等。今本折均平。行糧。每石折銀一兩二錢。月糧。每石折銀一兩。安慶衛。行月本色。除將萬億安糧二項儘數支給。不敷之米。於懷甯。桐城等縣南糧米內找支。折色。除撥給屯糧。操餉。新墾等銀。不敷之銀。於皖屬縣衛成熟田地編徵。新安。宣州。建陽三衛。一半本色。在原派徽甯太三府屬南米內支給。不敷折色。亦於民屯田畝內扣徵。淮安。大河。邳州。泗州等衛。舊例行糧。坐派淮倉。月糧。在於濟漕四稅。及屯糧內支給。均係全支折色。今行糧。於解倉折色內。分出半本。半折。月糧。原在屯糧支給者。照例改為半本。其在四稅項下。應支半本。每石給銀八錢。於各衛所減存銀內通融支給。半折仍

照舊額支給。壽州衛。改併長淮衛。武平衛。改併宿州衛。行糧。坐派徐州倉。德州倉。支領。月糧。坐派鳳常二府屬。並江安道庫。及所屬鳳倉項下支領。舊例全係折色。今改徵一半本色。其一半折色。原係三四五錢者。仍舊支領。江甯衛。行糧。舊例全支本色。月糧。本折各半。折色。每石五錢。今本折均平。除一半本色。照支。其一半折色。行糧。每石折銀一兩二錢。月糧。每石折銀一兩。江西行月。向例全支折色。行糧。每石折銀五錢。月糧。每石折銀四錢。今不分本折。每石增銀一錢。行糧。改給六錢。月糧。改給五錢。於過湖屯糧倉米等項。銀內。哀增。又題准。江南省上江各府所派本色月糧。照依時價徵銀。赴省買米。給軍。十五年題准。江西省加增不敷行月。無款可動。每船原設一軍九散。十散。十一散者。概作一軍九散。即以扣除軍散行月。抵補加增。尚不敷銀。於屯田籽粒內。每石加增銀一錢。支給。又題准。江南省揚州府屬各衛。幫行糧。坐派淮倉。向係全支折色。每石折銀四錢。月糧。係在揚屬。並蘇松常鎮協濟米折銀內。動支。每石徵銀六

錢三錢給運軍三錢給操軍。今行糧於淮倉項下改徵半本月糧於原給運軍三錢之內。分出半本半折。本色月糧額派蘇松鎮三屬並揚通二屬支領。折色月糧額派蘇松者聽蘇松糧道派給。派鎮揚通三屬者解江安糧道支給。又題准浙江行月二糧本折各半。除行糧每石一兩二錢已足支用外。月糧每石原議一兩之內。扣補兵餉三錢。仍給運軍七錢。又題准山東省衛所本折行月酌量地方遠近派徵。所有原編本色麥米之歷城等二十五處並原編折色麥米之濟陽等二十六處均係臨河州縣一例。派徵本色給軍。其原編折色之鄒平等十一處。又原無額編漕項之新泰等十三處皆離水次。寫遠照例派徵折色。每石折價八錢。又題准運軍月糧遇閏之年按月本折均平支給。○十八年題准江甯衛月糧每石扣銀三錢給銀七錢。其加增折色銀於嘉定等縣漕折加徵。並草廠首着裁省工食銀內支給。○康熙五年題准江西省漕船缺額一時不能補足勢必雇船裝運。每石給銀四錢。今軍船於原派一錢之外加

載糧米照給行月每石止給銀一錢六分五釐。較雇船水腳節省甚多。實屬經久可行。○七年咨准徐州衛河南幫。今分徐州衛河南前後二幫。協運河南漕糧。行月二糧向在徐倉支給。行糧折色每石四錢。月糧折色每石三錢。今行月折色每石應改折銀八錢。○九年議准河南省應解臨清德州二倉運軍行月改解糧道衙門隨糧支放。所有德左任城平山天津等幫行月二糧及通州幫行糧均改赴河南糧道照依本折兼支。其臨清衛一半行月糧仍在臨清倉支給。○十年題准浙江省甯紹等八府一半月糧本色照灰石折漕。定一兩二錢徵給運軍。杭嘉湖三府屬州縣仍徵本色支給。○又議准湖廣省每年十軍原支行糧三十石。月糧六十八石。每石折銀四錢。此外尚有安家糧銀多寡不一。安家贍田概不支給。每名行糧三石。月糧九石六斗。仍以每石四錢折給。於糧道隨漕項下支給。○十一年覆准江甯省衛無贍運屯田遇有減存。同出運之船一體支給安家月糧。○十五年

議准江南省壽州武平二衛改併長淮宿州二衛。月糧原派河南省屬者改歸鳳陽倉支給。又題准江南省江甯衛行月糧本折統歸江安糧道管理。十六年咨准各省運軍月糧遇閏一例停止。十八年題准山東河南浙江及江南江甯鳳陽等衛運軍月糧遇閏照例支給。二十一年題准行月糧務當堂按名支給。若不照數給發糧道揭報漕運總督指名題參。二十四年題准臨清倉額徵米麥除將臨清濟甯二處仍徵本色其餘米麥折徵解倉運軍月糧。將麥折銀支給。二十五年咨准蘇松等衛閏月錢糧乃計日授食全書額編之款各軍春出冬回多此一月難以枵腹此項閏月月糧仍准支給。又題准各省運軍名數參差不齊江浙二省每船十一二軍不等應畫一裁扣每船概以十軍配運按名支給行月。二十六年議准山東省德州等衛自雇民船裝運漕糧應領行月糧均照軍船支給。又題准山東省濟寧二屬額解德州常豐二倉本色米就近兌支各營兵米衛所行月在額解德州倉麥內動支。二

十七年題准江南省行月減存等項錢糧舊例解存淮庫嗣後照山東江西浙江湖廣之例徑解蘇松江安糧道支用餘者解部。二十八年題准江南省江甯衛應支一半本色月糧內有徽甯池滁廣和等府州縣不通水道每石折徵銀八錢解交道庫支給。又題准行月等項錢糧設立易知小單列明應給各數每軍各給一張如有官役剋扣需索許本軍於過淮時陳控審實題參治罪。三十年題准徐鳳淮三倉米麥豆照漕折例折徵米每石折銀九錢麥每石折銀五錢各衛幫有於三倉應支全色米麥者均照折徵定價於江安糧道庫支給。三十三年題准行月二糧均係冬兌時給發各軍料理運務勢難分赴支領令將一幫行月就近歸於一處給發。三十四年題准安慶衛運軍舊例係按漕用軍按名派給行月原與別衛不同自二十五年畫一裁減後每船止用十軍漕糧則加倍載運嗣後仍按糧支給行月。又議准江西省缺額漕船原撥江南減船協運仍支江南行月錢糧嗣將江南協船停運原運米於江西

軍船加增載運亦應按米計算每石給銀一錢六分五釐永為定例。四十一年題准江南省江淮興武二衛無贍運屯田原減駕軍二名照舊復設。雍正元年覆准各省運船到次本色行月定限三日內照額給發折色銀解道驗明一半給軍開船一半封固糧道隨帶到淮總漕監發各軍收領如本色給發愆期折色解送遲延照誤漕例題參議處。二年題准隨漕行月銀由衛守備出具印領交與領運千總加具戳記赴道投遞照額給發仍取該衛並無豫借印結申送總漕查數。又題准各省漕船停運舊例月糧全給運軍嗣後減半給發。四年議准江南省徐州幫協運河南百有六船分為前後兩幫派定前幫在江南支行糧二十船在河南支行糧三十三船後幫在江南支行糧二十一船在河南支行糧三十二船。五年題准運軍月糧山東浙江蘇松所屬之蘇太等衛遇閏各有額編加徵銀江安所屬江興等衛無額編加徵銀遇閏之年於道庫減存銀內動支江西湖北湖南係按出運船米數目支給並無加增河

南亦無額編加徵銀遇閏之年向照山東等省一例支給康熙五十四年以後經部駁追嗣後仍准照例支銷。六年題准運船減歇給予一半月糧民船減歇減半之中再減半支給。十年議准上下兩江每年應徵行月糧定限十月內完解十分之六解不足數州縣官罰俸六月勒限三月催完如仍徵解不全再行咨參罰俸一年。十二年議准宿州二幫每船加增本折行糧二石月糧二十四石行糧在德州請支月糧在江安糧道庫鳳倉項下支給。十三年咨准江南省徐州幫協運河南糧船因該幫運軍有正衛併衛之別每年兩幫找算分給不清應將徐州前幫內派四十一船在江安支領行糧其餘十二船並後幫五十三船均在豫支領行糧。又題准江南省淮揚海郡各府州屬應徵月糧例於次年徵解各幫例應本年支領向在道庫減存銀內通融給發其太平廬州等府州屬豫徵行月糧應照淮屬於起運之年開徵先於道庫減存銀內動給按年徵解還項。乾隆元年題准各省停運漕船應給減半月糧均應

酌定款項支本支折以歸畫一。湖北湖南本折各半折色照該省定價每石折銀四錢於漕項內支給本色於減存貼贈二耗米內動支儻無本色米可支即照該省定價四錢折給。○四年奏准湖北湖南兩省行月本折每石向折價四錢因該省為產米之鄉當年米價平賤是以定價較少近年該省米價昂貴所有一半折色仍照舊例折給其一半本色照兵糧例湖北每石七錢湖南每石六錢於解道隨漕銀內支給。○又題准浙江省本色行糧照出運船數每船給食米十有五石外其餘支贍之米每石折銀一兩二錢解部向均隨漕十月開徵嗣後將應支本色行糧照常年出運船數隨漕開徵其餘支贍折色銀併入地漕二月統徵設遇出運增船一隻於折色銀內支銀十有八兩買米給軍減船一隻於本色米內支米十有五石易銀彙解。○五年題准各省漕船回空時每因資斧缺乏不能及時抵次嗣後令江浙江廣等省於解淮驗給一半行月糧內多者扣留三分之一少者扣銀八兩令各糧道另封於過淮時送總漕驗

發運弁及隨弁收受俟抵通交糧後給發各軍以資回空之用山東扣銀三十兩封交運官沿途遇有支用之處稟明支用河南扣銀十兩以作回空之資。○六年題准江南省揚州衛頭幫儀徵衛幫向在蘇屬實徵揚倉項下找支月糧銀米不敷支給大河衛二三幫淮南衛頭二幫泗州衛長淮衛各幫向在常鎮二屬實徵揚鎮等倉項下找支行月銀米除支給外每年存贍數目儘數支給前項本折應將各幫統歸蘇松糧道一處支給至大河衛前幫及輪兌淮糧一幫揚州衛二三四幫既兌淮揚二屬漕糧應支行月本折應統歸江安糧道於額編減存銀淮屬山鹽阜三縣實徵月糧米夏麥改米揚通二屬實徵月糧米並准屬餘存米內通融撥給其餘各幫本折行月均照舊例遵行江安糧道協運蘇松道白糧負重銀例係蘇松糧道支給至協運漕糧負重銀轉赴江安糧道支領例未盡一嗣後將協運蘇松漕船負重銀統歸蘇松糧道於減存項下照數給發江安糧道毋庸按數解交徑造入季冊內報撥。○又議准江南省江

甯衛各幫分運江甯及蘇松等屬漕米行糧月糧向係江安蘇松兩糧道互相派給應將兌運江屬漕糧行月安家加給折色等項歸江安糧道派給其兌運蘇松常鎮漕糧每船安家月糧四十八石豫支月糧銀三十六兩原在上江州縣屯衛屯糧及租銀裁扣內動支亦應歸江安糧道派給惟行糧並水手米共四十二石加給行月折色銀共三十六兩既在蘇松常鎮四府南糧及嘉定等縣加漕內動支應歸蘇松糧道派給總以兌糧州縣水次就近派支不敷方於

鄰邑協撥。又題准江南省江安宿鳳長徐等衛月糧例在徐鳳淮三倉全支折色外其江淮興武安慶新安宣州建陽等衛幫廬州衛頭二三幫長淮衛三四兩幫宿州衛頭幫揚州衛頭二三四幫儀徵衛幫滁州衛蘇州幫凡遇截留停運船應支減半月糧照例本折均平分別支給儘再將給軍本色動款折銀應徵本色易銀解道照例題參如因災緩停運所需減船半本月糧不敷支給將上年額徵行月餘贖米通融撥補俟下年照數徵收還項江蘇各衛幫截留

停運船應給減半月糧本折均支浙江停運漕船應支減半月糧甯紹等八府幫船並無本色仍照舊例支給折色杭嘉湖三府本折各半均平支發江西並無本色遇有截留停運漕船按裝載一淺計算於月糧內減半給銀二十四兩山東遇有停運減歇之年淺船減半月糧自備丁船四分之一月糧本折均平覈給如本年隨漕米遇災減緩照江安餘贖米內動支之款一例辦理。又奏准浙江省糧道每年於州縣額解漕項銀內每兩收餘平銀五釐又給丁行月等銀內每兩收餘平銀五分作為該道養廉嗣後該道養廉於司庫備公項下支給其放給旗丁錢糧每兩五分餘平於乾隆七年為始永行革除如有仍行私收者嚴參治罪。七年題准各省停運漕船應給減半月糧定例由總漕覈明應給之數具題戶部覈明覆准然後給發仍照舊例辦理。又題准各省帶運緩漕負重銀例與行月等項一同支給惟山東向來先題後給嗣後照行月之例及時支給造入奏銷具題。八年題准江南省徐州衛河南省前後兩幫

協運豫省漕船一百六隻。向例月糧一項。在江安糧道支領。其行糧一項。在江豫三省分支。恐致牽混。嗣後月糧仍在江安糧道支領。行糧統歸豫省給發。又定豫東二省。截留撥運江南省備賑船糧。各丁領運行月等項。照運通之例全支。九年奏准。淮放銀除重運二分發交運弁散給各軍外。其回空一分。交督運之同知通判等官收帶到通。於各幫起米後面同隨幫散給各軍。仍將給過日期。在倉場等衙門報數。又奏准。淮放扣留回空銀。嗣後令總漕交與領運隨幫二弁收帶。毋庸交督運之同知通判。俟漕船抵通之日。報明坐糧廳。於驗米時。按船照數給發。仍將給銀日期。報部查覈。僅有先行給軍及沿途私自挪移者。倉場侍郎查明題參。又奏准。江安額徵行月。均有減存米石。糧道將州縣存儲細數造冊。移明藩司。俟青黃不接之時。彙同倉糧平糶。仍照部價解道。造報候撥。十一年議准。江西省淮放銀。交押運丞伴帶至淮安驗放。江安蘇松浙江淮放銀。令糧道封給領運千總解淮。呈報總漕驗給。十三年議准。

江南省江興二衛裁減漕船。應得行月銀米。分給存運各船。每船加給行月米七石二斗七升九合。銀十有一兩三分三釐九毫。又議准。滁州衛蘇州幫行月米。舊在六安州屬支領。米七百二十三石五斗有奇。因水路繞道難支。將江興三八兩幫裁船行月米六百五十二石三斗二升。撥抵該幫行月。不敷米七十餘石。在附近州縣額徵減存米內撥補。二十年咨准。將浙江省杭嘉湖等府屬餘存本色米石。支給嚴紹等幫一半月糧。以昭畫一。二十二年定。鳳陽長淮等衛各幫行月糧石。均照通漕之例。本折兼支。在蘇松糧道餘贖減存本折項下撥給。其原支倉項折色銀兩。歸入減存解部。二十三年定。江淮興武二衛。兌運松江府屬漕糧幫船。原領折色月糧銀兩。循照新宣等衛幫復給之例。每石內以一兩折給。又淮安四幫協運蘇糧丁船。應支月糧。統於乾隆二十四年為始。本折兼支。在江安蘇松二道減存銀米內支給。原編江安糧道折色銀兩。歸入減存解部。二十五年

諭上年江浙二省蠲緩漕糧其應行減歇船隻運丁例支一半月糧但念貧丁餬口未免拮据著加恩於應支一半月糧之外再賞給一分以示體恤○二十八年定淮安三幫額支半本月糧四十石內止給實在本色九石零餘悉折給不敷辦運循照淮安四幫之例改支本色在淮大等幫裁船減存本色行米石內支用原編漕倉折價銀兩歸入減存解部○又定江淮興武二衛兌運松江府屬漕糧各船應支行糧米石在蘇松糧道所屬之省倉揚倉米內抵換支給其不敷之米仍照例於江常鎮等屬額編省倉米內撥足即歸江安糧道派給奏銷至協運蘇糧之揚儀淮大等幫應支行糧在江安糧道項下太倉溧陽額編省倉南米內劃撥歸蘇松糧道派撥奏銷○三十年

諭朕因巡幸江浙前經降旨於江浙二省冬兌漕糧內各截留十萬石豫備臨時平糶之用此項減歇漕船向例止給一半月糧該丁等生計未免拮据著加恩於應給月糧之外再賞給十分之二○又定鳳陽長淮等幫額支本色米石不敷支派按照江興等

幫閏月月糧支派暫行折給之例每石均以一兩在道庫減存銀內折給下年倉儲存積仍派支本色以免歧誤○又定大河前幫各丁應納屯糧以各船應領月糧照數抵兌如遇減存即以苦蓋月糧內劃抵奏銷○又定建陽衛甯太幫加一裁船行月銀兩照江興鳳常等幫之例停運船隻准其一體支給減半裁增銀兩以資苦蓋○三十一年議准湖南湖北兩省出運旗丁每船例給行糧三十石月糧九十六石向俱每石四錢折給嗣後將一半四錢折色行月糧價每石概以七錢折給以紓丁力○又定山東省蠲漕之年自備雇募各船隻給四分之一月糧即在各屬所徵銀米內動給○又定大河二三兩幫額完屯糧以該二幫每年原支蘇松糧道項下月糧米內劃出抵兌均聽江安糧道於實徵及奏銷各冊內造報備屯田被災奉文按分蠲免將除蠲應完之數抵兌其餘應行找給月糧即於劃抵米內照數動支又淮安頭二兩幫及分歸船隻額完屯糧應一例抵兌該二幫均係四年之中輪兌淮海等屬漕糧一次應在

江安糧道衙門抵兌報銷。輪兌蘇常等屬漕糧三次。係在蘇松糧道衙門支領月糧。應空抵江安糧道造報。以上淮大各幫。每年抵兌米數。於從前撥出抵換松江府屬各幫行月之溧陽縣月糧米內劃完。聽江安糧道撥派別幫支領。易出淮大。二衛編款抵兌。應支月糧。其淮安頭二兩幫。如有減存。應支。苦蓋月糧。及屯田被災。獨缺。悉照大河二三兩幫事宜。一例辦理。○三十二年

諭上年春特頒恩旨。將各省漕糧。按年普免一周。本年

輪屆江蘇省應免蘇太等衛之年。漕艘概行停運。旗丁等閏月銀米。例應扣除。第思此次幫船全數減歇。出自朕蠲免特恩。非若年滿輪減及截漕派減可比。今閏閏既得普裕。蓋藏旗丁等亦應一體均霑。渥澤。著加恩將本年蘇太鎮等衛幫船旗丁閏月錢糧。照月糧例減半給予。以示體恤。○三十三年定。湖南省借給湊支。出運幫船行月糧價銀兩。原應另行籌補歸款。嗣值該省漕糧輪免。毋庸給發行月。即於隨漕銀兩歸補。造報撥用。○三十四年定。湖南省蠲漕之年。成造賠造船隻。應支減半月

糧等項銀米。按照登水之日起。分析覈明。照數支給。○三十六年定。江西省行月二糧。俱係折色。每石概准以七錢折價。於每年存贖漕屯。及南糧米折銀內動支。○四十年定。山東省額徵行糧奉文緩徵。出運官丁不敷支給。在德州等州縣存儲。薊米內借動支領。仍俟下二年徵歸還項。○又定。江安蘇松各屬行月米石。因災緩徵。無款可撥。在各屬熟田漕糧內撥抵支給。俟來歲起徵。歸還漕糧起運。○四十一年議准。官丁行月錢糧。遇災停徵。缺額請補者。均先行撥

補。歸入現運項下支給。○又定。鳳陽長淮等衛各幫。應支四十一年本色月糧。因係遇閏年分。江興幫船分給閏月米。實無存贖可撥。以每石一兩折給。俟下年米有餘存。仍派支本色。○四十二年題准。山東省支給行糧。並扣存宿州二幫行糧米石。搭運交倉。○四十四年題准。泗州前後兩幫本色行月二糧。名本實折。嗣後改支本色。原編漕倉折價銀兩。歸入減存造報酌撥。○又定。山東河南二省薊糧。撥運直隸密雲縣兵米。每船支給行月折色銀兩。並本色米石。東

省在積存漕耗並前糧項下動支。豫省一半本色米石。每石八錢折給。同一半折色銀兩。於臨倉項下動支。來年徵存薊米。如有餘贖。即於此內支給一半本色。○四十八年議准大河前幫。每船名本實折行月糧四十一石五升八合零。共糧一千五百六十石二斗四合。援照淮安泗州等幫之例一體改支本色。即於淮安大河各幫餘贖減存米麥豆二千五百八十六石五斗一升七合九勺之內支給。其原編漕糧折價歸入減存報部。○四十九年奉

旨。戶部議覆漕運總督奏請增給鎮江衛行月糧價一摺。仍行議駁。固屬照例辦理。但該衛兩幫與蘇州太倉等衛俱在大江以南。壤地毗連。今昔糧價不同。生齒浩繁。買食不敷。丁力未免拮据。該督所奏請循照蘇州等衛行糧每石一兩二錢月糧每石二兩之例一體支給。係屬體察該衛實在情形。因時調劑。期於運務有濟。所有鎮江衛前後兩幫行月折色價銀。著加恩照蘇州等衛准其一體支給。以示體恤。運丁一視同仁之至意。○又定廬州三幫漕船。免運蘇屬漕糧。旗丁應支月糧。復往上江合肥英山二縣零

星兌支。道路遙遠。嗣後在蘇屬徵存餘贖米內支給月糧米石。○五十年議准浙西杭嚴頭二三四海甯所嘉興所湖州所嘉興白糧湖州白糧等九幫。援照江南新安等幫並浙江甯波等幫之例。半折月糧。每石照舊折給銀一兩。即於月糧本款折色項下動給。○又議准浙江省湖州幫。應領孝豐縣一半本色月糧。向係每石一兩二錢徵給。今以各州縣應行變價米石。儘數撥給本色。該幫應領孝豐米折銀兩。按數劃抵報撥。其不敷米石。於南糧項下。每石隨徵耗米

三升。例以一升五合。作為省倉折耗之用。留一升五合。糶支公用。此項米石。本無動支額款。即以湊足該幫月糧。○又定江蘇省所屬歙收額徵漕南兵米。分別蠲緩。江安糧道衙門下江各衛。不敷行月糧二萬六千五百餘石。蘇松糧道衙門不敷行月等米四千一百餘石。均在附近各縣應徵熟田漕米內撥抵。俟下年徵完緩帶之米。歸漕搭運。○又定山東外河九幫內德州正濟甯左兩幫月糧。向在德州倉支領。其餘七幫月糧。向在各州縣編徵。月糧內支領。嗣後將

該二幫所支德倉月糧六千五百二十八石。按九幫均勻派支。德州正濟甯前後臨東後東昌濮州東平等七幫。共船一百八十六隻。每船派支米二十石。濟甯左右二幫。共船一百四十四隻。每船派支米十九石五斗。其各州縣編徵行月米內。令德州正等七幫。每船找支米二十八石。濟甯左右兩幫。每船找支米二十八石五斗。以足應支月糧之數。○又奏准江西省每年應給各幫丁造船料價及行月等項銀兩。因各州縣催徵。未能於歲內埽數完解。難資濟運。嗣後

於江西道庫解儲餘存銀內撥銀八萬兩。永存道庫。以備支放船料行月等項之用。仍俟漕屯餘租等項徵解。至日歸款。○五十二年奏准江南省江淮興武二衛十八幫。浙江省甯紹台州溫處金衢嚴十二幫。因不通舟楫。將一半本色月糧。按米折給銀兩。近年米價昂貴。幫丁竭蹶。將一半改折月糧。仍按本色支給。查江南江淮興武二衛十八幫。漕白船。應支一半名本實折月糧米二萬九千六百七十五石零。將京口旗營裁兵項下歲餘米二萬八千六百四十石。武職

名糧改給養廉內餘贖兵米四百六十四石四斗。儘數撥抵。其不敷米五百七十一石四斗二升一勺。在鎮江高資二營裁兵充賞變價米內找給。按各幫兌漕府分。由江安蘇松二糧道隨漕派支。原支折色月糧銀兩。由江安糧道扣存報撥。浙江甯波等十二幫船。每船應給本色月糧米四十八石。除原支本色米九石六斗五合。尚應找米三十八石三斗九升五合。共計米二萬六千七百九十九石七斗一升。將嘉興等五縣解省倉米內截存米六千三百石。就近給丁。

其不敷米石。在省倉積存米內湊給支放。應支折價銀。解繳藩庫歸款。○又定長淮三四兩幫名本實折行月糧米。改支本色二千石。將合肥縣餘贖月糧米一千一十六石五斗。儘數撥給。再將懷遠定遠二縣餘贖月糧米。麥內撥給九百八十三石五斗。自乾隆五十二年新漕為始。改支報銷。以資運務。○五十三年定山東省補運截留糶借等米十九萬餘石。所需運通行月銀米。因隨漕本款。不敷支用。在德倉並薊糧項下動給。○又定浙江省五十二年凍阻各幫。應

運本年新漕撥留閩省平糶其停運減存行月米一萬二千餘石內以四千石給拮据特甚之杭嚴頭二四海甯所等四幫支領其餘米八千餘石分派本年出運之甯波等五幫均勻撥給其應扣米價統於新運錢糧內扣還○五十四年議准江西省行月二糧向係全支折色今於脚耗項下酌減一半銀一萬二千五十二兩零又各屬徵解漕糧耗米內動給縣倉扒夫等項米內酌減一半米九千六百九石八斗零並裁減各屬運漕准銷盤撥折耗米二千七百二石八斗零計共節省米一萬二千三百一十二石零分給十三幫船增補行月之用每船可得銀十八兩八錢零米十九石二斗零其餘行月折價照舊支領○又定安慶等衛幫因乾隆五十二年安慶各屬被災除緩缺行月米一萬四千三百八十三石五斗零於江甯揚州二府屬借撥外尚有獨缺行月米五千一百二十石八斗零在宿松望江等五縣帶徵原緩行贈米穀內撥補○又定甯波等衛十二幫名本實折月糧改支本色米二萬六千八百餘石遇閏再加米

二千七百餘石查明省倉積存耗米七萬一千餘石及常年歲餘南米六千三百餘石堪以撥抵自五十四年為始按年支給其幫丁應支一兩二錢一石之折色價銀解司歸款○五十五年定鳳陽各幫向係兌運蘇常二府漕糧其應支月糧米石每歲遠赴上江支領往返千餘里零星寫遠不能及時濟運嗣後將安慶等府州屬額徵行月米除坐派本次幫船外其餘順道州縣存騰米四千一百餘石仍坐派鳳陽各幫支領所有寫遠不便之行月米二千六百餘石自乾隆五十五年為始歸入漕糧項下加裝搭運給予負重銀兩另於揚州府屬沿河順道州縣內照數易出漕贈米石派給鳳陽各幫數計兌運安慶等府州屬之幫每船加裝米不過數斗數石至十餘石為數不至過多而兌運揚州府屬之幫每船不過減裝米十餘石亦與起運正漕數目無虧至鳳陽各幫除順道支領本色月糧外尚不敷米八百餘石如遇各幫船隻減歇自有減存米石可以通融派給儻無減存米石之年或遇行月因災緩徵即按每石一兩折

給。五十七年咨准浙江省處州前等十一幫輪造漕船。本非產木之鄉。除例價外。並無別項添補。恐滋賠累。應照甯波及嘉湖白糧等幫一例復給行月銀米。資貼造費。五十八年定湖州所幫。應支本色月糧。在處前等幫輪減行月。並南糧耗米內湊給。今處前等幫既經復給本色行月。所有該幫米石。在南糧正耗米內支領一千六百石。並原支耗米三百石。儘歸該幫年支本色月糧之款。五十九年議准甯波等幫改本月糧。所撥省倉積存耗米支竣。止有常年

歲餘米六千三百石。內除撥湖州所米一千六百石外。僅存四千七百石。連舊有例搭月糧。每船止本色米十五石零。計不敷米三十餘石。今將五十三年省倉支贖米。並五十八年水師裁兵糧及省倉積存耗米。共五千七百三十四石零。以之派給。每船可添撥米七八石。但此項存米。因各屬未完南米甚多。尚須留為兵糈之用。應於嘉興等縣五十八年徵解南米內。支給各幫米五千七百三十四石。嘉慶元年定湖北省輪減船隻。應給一半本色等項米石。於常平

倉穀按照一米二穀給發。其各屬帶徵二耗米石。變價解司。照穀價分別買補還倉。二年奏准蘇松等屬編徵行月。各幫應支米石需用較多。若減年不即酌留。則全漕起運年分。必須籌補。應將蠲贖隨漕米石。照上江蠲漕無船起運贈米毋庸給丁。儘數留存撥抵給丁行月之案辦理。又覆准臨清河南後幫軍船。內派運保雄兵米船隻。並無起運正糧。應支行月銀米。僅有例支閏耗銀米。並負重銀兩。辦運甚為竭蹶。嗣後將裝運密雲兵米之例。扣除負重銀兩。照舊支給閏耗銀米。加給本折行月銀米。所需本色米石。因支贖行糧業已照時變價。每石以一兩九錢九分之數。按石折給。四年題准浙江省甯波前等十二幫。應支本色月糧。尚有不敷。以南糧零戶折價之每石餘銀四錢。添給幫丁。以資買食。此項銀兩。如無災減船隻之年。按船攤派。五年奏准浙江省甯波等十二幫。改支本色月糧。於南糧餘米項下。全給本色。嗣將常年餘米四千七百石。並乾隆五十九年裁兵餘米八百石。加給各幫。查甯波等十二幫軍丁奉

改月糧。同原支本色米石。每船共支米十六石。零數之應給各船實數。僅止十分之三。其餘仍支折色銀一兩二錢。不敷買食。應照同時奏准改本之江淮與武兩衛一體全支本色。將杭州府屬縣零戶折價等米共一萬七千五百餘石。每石原徵價銀一兩六錢。除去原支銀一兩二錢。其餘四錢。添給幫丁。按船均派。俾資買食。其常年尚不敷米五千四百八十九石零。遇閏加增共米七千九百五十一石零。遇有餘米。再行議給。○又奏准。江蘇安徽浙江省各幫丁。應領一半本色行月米石。令州縣向百姓仍收本色。至兌給時。每石以一兩九錢作為定數。由州縣代為售變折給。不許增減。俾旗丁置備器具。沿途買食糙米。亦有贏餘。○又奏准。各省運軍行月二糧折色銀兩。解送糧道驗明。將一半扣留。解准給放。其餘一半。並應領別款銀兩。令糧道覈計每丁應領新舊錢糧共有若干。開行應需若干。買辦器具應需若干。沿途提溜打牘應需若干。節節計算。按段支放。所餘銀兩。通壩全行散給。○又議准。運糧千總。應支俸工養廉。仍照

乾隆五十二年章程。在道庫漕耗項下支領。其漕耗銀兩。徵解道庫。查收造入漕項奏銷冊內。覈計考成。○又定。浙江省嘉慶三年。蠲漕項下額徵行月米石。除停運各幫額支。蓋月糧並輪減停雇等米外。餘贖行月米石。均勻撥給。漕白各幫支領。在起運錢糧內照例扣報。○六年。定。江浙各幫本色行月等米。所折價銀。不敷買糧。仍照定例。兌領本色。○七年。

諭。明歲江西等省。緩徵抵通米石較少。旗丁行月等米。每船撥出三十石。照原定一兩九錢價值。買留在倉。其餘行月米石。准該丁等照現在市價。在水次售賣。俾資運務。所有官發價值。即於道庫留撥漕項內報銷。其運脚。即照支贖行月之例辦理。○十一年。定。江蘇省各州縣被災。蠲緩派減船內輪減免雇船隻。照例全支行月。○十二年。議准。江南省各屬閒被偏災。各幫行月米石。暫緩收買。如遇年歲豐稔。糧價平減。仍酌量收買。灑帶運通。○十五年。定。浙江省嚴州所幫。每船額給月本款內。有未經改本米三十餘石。在南糧存耗內。改米支給。每運劃給嚴州所幫米一千六百石。該幫應

領月本每石銀一兩二錢由道扣解司庫造報入撥。又定江南省徐州鎮標各營改支銅蕭二縣粟米江興各幫加裝江甯等縣暨撫鳳米還漕案內長淮三四兩幫應支本色行月二糧六十二石照揚州二幫加裝淮安三幫裁船米石之例將應支本色行月以銀一兩抵米一石。又奏准湖南省各幫未經回次空船應支行月二耗銀米全行給領暫緩坐扣所雇民船應需口糧並無耗米可支照收買節廳米價之數每石以一兩七錢折給所需水腳按各船應得行月銀數按程覈給於司庫借撥分作二年扣還。十七年定山東省成造漕船向係甲年購料乙年成造應支一年造船月糧如遇閏月在購料成造一年限內者方准支閏月月糧在一年限外不准支領。又咨准湖南省各幫減歇船隻應支減半月糧內一半本色米石及丁舵水手食米因緩徵二耗米石不敷仿照出運丁船行月二糧折給之例每石概以七錢折給。二十二年奏准浙江省甯紹台溫處各前後並金衢等十一幫每船額給月糧本色米四十八

石除於南米餘贖等款內支給本色米十六石零外其餘每石折給價銀一兩五錢零近年市價較昂不敷買食每石添給銀一兩二錢零共折給銀二兩八錢在裁減丁船節省款內動支自嘉慶二十二年冬運為始照數添給。二十三年覆准漕船遇有裁減將漕糧灑帶本幫或分灑別幫加裝帶運者裁船原支行月銀米照額發給加裝各船濟運。二十五年覆准浙江省漕糧蠲減徵存本色行月米石除支給丁船苦蓋外其餘減存米石撥幫支領由各幫每石繳價銀一兩二錢於奏銷銀米項下分別報撥。道光四年奏准浙江省白糧等幫應支本色行月米石因災蠲緩不敷撥給每石折給銀二兩八錢在糧道庫白糧車夫經費及本色行糧銀款項下動支又嘉湖二白幫改漕丁船遇閏月糧每石概以二兩八錢折給。又定山東省濟甯前等幫嘉慶十九年裝運直省兵米在臨清截留起卸應追未行程途行月閏耗等項米石因丁力難支准援照乾隆二十八四十四十九等年成案每石折銀八錢完繳免其按照時

價。○六年咨准江淮興武滁州儀徵揚州淮安廬州泗州大河鳳常鳳中長淮鎮江太倉鎮海金山蘇州松江常州白糧等幫。因蘇松常鎮太漕糧改由海運。該軍船截留北河。接運別省漕糧。僅得水腳銀兩。未免苦累。將月糧一款全數支給。以資津貼。其節省行贈銀兩。造報入撥。節省米石。派幫撥運。赴通交納。○又奏准江西省漕糧盤撥運通。所有未經渡黃各幫旗丁額給行月銀兩。照舊全給。○又咨准浙江省甯波前後紹興後三幫。永灑灑減等船。應運糧米。向係出運船隻分灑加裝。其行月等款銀米。統歸現運支給。因該三幫軍船。截留河北接運。所得運腳食米無幾。灑船行月銀米。照舊給領。○又奏准湖南湖北兩省各幫漕船。盤撥運通。坐守日久。丁力拮据。所領行月銀米。照額全支。免其計程劃扣。○又咨准興武二揚州二三長淮三徐州衛江北等幫九運減存各船。加修派撥接運。僅得水腳銀兩。未免苦累。援照蘇省海運各幫接運別省漕糧之案。全支月糧。○七年咨准浙江省甯前等三幫。道光五年。截留河北船隻。仿

照江省成案。全支月糧。其每船應支折色月糧銀四十八兩。於減存折色本款內。按數動給。○又定湖南省醴陵等州縣漕糧。被災緩徵。守減各船。應支減半月糧內。一半本色米石。及舵水食米。援照嘉慶十二年成案。每石以七錢折給。內有輪應大造船四隻。係無船在次。守減援照嘉慶元二每年成案。給予四分之一。全折月糧。每石概以七錢折給。在南糧驢腳銀內動支。○二十四年奏准上年江蘇等屬歉收。緩徵計緩缺不敷。行月米三萬一千四百十七石零。於熟田漕糧米內。照數撥補。俟各屬屆限徵完。統歸緩漕搭運還款。○同治四年咨准浙江省杭州嘉湖三府屬徵收漕糧項下。內有應徵月糧米石。河運之時。係為豫給各幫津貼養贍之用。各州縣徵收甲年漕米。即並徵乙年月糧。以濟支放。現當兵燹之後。試辦新漕。本屆徵運漕米。即並徵本屆月糧。以後按年並徵。毋庸照從前遞年豫徵月糧辦理。○光緒九年奏准近年河南漕項奏銷冊。開支幫丁月糧。一半本色米一萬二千餘石。一半折色銀一萬三千餘兩。該省漕

糧改折已歷二十餘年。前項銀米應以銷冊到部之年為斷。嗣後不准開支。

欽定大清會典事例卷一百九十七

戶部

漕運 贈貼銀米 白糧耗米 白糧經費

贈貼銀米。各省漕糧。舊係軍民交兌。運軍需。索多為民累。後改為官收官兌。因酌定贈貼。隨漕徵給。各省名目不同。多寡不一。山東河南謂之潤耗。江蘇安徽謂之漕贈。浙江謂之漕截。江西湖北湖南謂之貼運。山東河南及江安糧道所屬。每米百石。徵給銀五兩。米五石。蘇松糧道所屬。每米百石。徵銀十兩。米五石。嘉慶五年奏。均由州縣

代為售變。每石以浙江每石徵銀三錢四分七

釐。江西每石徵銀三分。徵米三升。嘉慶五年奏。以十分計

集內七分。由州縣代為售變。每石以一分計。又徵給

兩九錢折給。其餘三升。留為回空食。用。又徵給

副耗米一斗三升。湖北湖南無加贈銀米。於四

耗之外。加耗二升。隨糧徵給。康熙九年題准。

漕糧贈耗銀米。刊刻易知單。隨漕徵給。催徵

各官。不得私派挪移。違者糾參。○二十九年題

准河南漕糧。向以山東等省漕船協運。自康熙

二十二年改折之後。各船有撤回本省者。亦有

年久沈溺。底板變價。解部者。現在缺少漕船。令

各軍暫行雇募裝運。給以腳價。行月錢糧。並潤耗銀米。扣除解部。○四十六年題准。仍將潤耗銀五分米五升。照數給軍。○乾隆元年咨准。江蘇省溧陽縣漕糧。向係派兌江淮衛三六兩幫。每石民貼湖米三升。以為漕船赴次剝淺修船之用。此後勒石遵循。○三年題准。浙江省杭嘉湖三府漕糧。有貼贈一項。每石徵八九色銀三錢四分七釐。名曰漕截。按數給軍濟運。又每兩加耗二分。雍正八年奏明。抵給運弁養廉。例於每年十月開徵。勒限兩月全完。為期甚迫。今酌定正耗通扣攤算。總計正耗一兩。以九錢八分給軍。以二分解司。為運弁養廉。每年於二月徵收。秋後先儘漕截九八折淨之數。以紋銀給發。儻有額外加耗。及缺誤剋扣情弊。即行揭參。○又題准。浙江省漕糧項下。有灰石一項。白糧項下。有食米折銀一項。向係解道。同漕截並徵。今漕截正耗統徵分解。並改期間徵。嗣後亦同漕截一同派徵。將灰石及食米折銀徵收足色解部。其耗羨併入地漕項下解司。○四年題准。江南上下兩江。額徵漕糧漕項外。有漕費銀米一

項。乃里民願輸。以為州縣修倉。及運軍募雇擔夫剝船之用者。今酌定上江漕米。每石收耗米一斗。以五升給軍。以五升留給州縣。下江漕米。每石收銀六分。折錢五十二文。以二十七文給軍。二十五文留給州縣。外收水腳錢五文。水次離倉遠者。每十里加錢二文。其餘陋規。盡行革除。責令監兌各官嚴查。如運軍額外需索。即計贓。以枉法論。州縣額外多收。照因公科斂律治罪。○又題准。江南江蘇所屬。錢價增長。漕費錢每石減去六文。止收錢四十六文。以二十四文給軍。二十二文留縣。概令州縣隨時出易。毋得堆積。至兌漕時。將銀給軍。以三分為率。有餘不足。統於留縣銀內通融酌補。錢價消長無常。由督撫隨時損益辦理。○七年

諭。前據漕運總督奏。江南漕米耗贈請免停支一案。朕交大學士會同該部議奏。據議稱。停支之例。相沿有年。應仍照浙省之例。辦理。今該督摺奏。浙江與江南情事不同。江省此項。始以軍興而議裁。繼以欠糧而議復。自復之後。三十餘年。現在全支。尚多拮据。若行裁減。則軍力既絀。轉運維艱。等語。運軍輓運辦公。朕

所軫念。此漕耗一項。既有積年支領之成規。著照舊支領。永免停支。俾軍力寬紓。轉漕無誤。他省亦不得援以為例。○又題准。江南上江。潛山等二十州縣。離次遙遠。輓運漕米。需費浩繁。向於酌定漕費米外。每石加收水脚銀二三分至五六分。錢十餘文。至四十餘文不等。定遠縣收錢百文。准其照舊徵收。○又題准。浙江省漕糧改兌米。應支漕截銀。例應按照抵壩起交一七米數給發。因該省誤照正兌之例。按照二五之數支給。今改正。照一七之數支給。○又題准。漕截銀每兩。止應徵火耗二分。白糧項下。每完糙米一斗。應徵耗米三升。向係攤算應徵數內徵收。嗣因各項銀米。歸於地丁統徵分解。內有將耗銀耗米。照依地丁一例徵耗者。應令有漕各屬。於易知由單內。載明地丁加耗若干。白糧加耗若干。漕截加耗若干。其有均攤勻扣。逐一註明。該戶照單完納。如有多派私折等弊。立即嚴參。從重治罪。○八年題准。各省收漕州縣。除徵給隨正耗米。並運軍行糧月糧本折漕贈等項銀米之外。別收漕耗銀米一項。河南。每正糧一石。收漕耗米一

斗五升。內津貼運軍運費銀三分。米二升。其餘留為州縣兌漕雜費。山東。每正糧一石。收漕耗米一斗五升。內津貼運軍運費銀三分。米二升。又別給領運隨官盤費銀六釐。其餘留為州縣幫補運米不敷脚價之用。蘇松糧道所屬。每正糧一石。收漕費錢五十二文。以二十七文給軍。二十五文留為州縣修倉鋪墊飯食。又外收水脚錢五文。以為自倉擔剝上船之用。江安糧道所屬。每正糧一石。收漕耗米一斗。內以五升給軍。五升留為修倉鋪墊飯食。江西。每正糧一石。津貼州縣脚耗銀三分九釐六毫。米七勺六抄。協濟運軍銀一分三釐七毫。浙江。每正糧一石。收漕費錢八文至二十一文不等。白糧每石。收取置備米袋錢五十文。湖北。每正糧一石。收漕耗米七升。漕費銀七分。湖南。每正糧一石。收漕耗米六升。漕費銀自五分至一錢三四分不等。皆給發官軍辦公之用。此項若遽議裁革。非但運軍無以濟運。必更啟勒索之端。即州縣修倉鋪墊。無項可動。亦必藉辦公名色。暗派浮收。轉滋弊竇。應令因時調劑。無濫無苛。照舊遵循。辦

理。○十年題准。州縣遇有蠲免地丁之年。將蠲免地丁錢糧內。應徵漕項每畝若干。逐細數明。列款開入易知單內。照數徵收。○又題准。各省漕耗銀米。如遇截留之年。隨正徵收。分別支解。如遇折徵之年。該督撫因時調劑徵收。以資辦公。○十六年奏准。浙江省原定漕費。每石收錢自八文至二十一文不等。不敷辦公。嗣後仿照江省之例。酌量加增。仁和錢塘海甯富陽餘杭安吉歸安烏程長興德清武康等十一州縣。加收錢二十文。嘉興秀水嘉善海鹽平湖石門桐鄉等七縣。加收錢三十文。均於原定腳費錢之外。分別加增。以上隨漕輕齋席木板片行月漕贈等項。山東徵銀九萬五千三百三十三兩四錢六分九釐。米四萬六千三百七十二石三斗三升六合各有奇。河南徵銀四萬五千八百三十九兩四錢五分八釐。米二萬三千六百九十九石四斗三升二合各有奇。江蘇徵銀四十三萬九千六百六十八兩五錢二分五釐。米十六萬五千一百六十一石七斗五合各有奇。安徽徵銀二十六萬一千三百三十八兩二錢一分七釐。米十

九萬二千六百七十二石二斗五合。麥一萬九千六百八十二石八斗五升九合。豆五百三十二石八斗五升三合各有奇。江西徵銀二十一萬一千二百八十五兩七錢四分二釐。米十萬九千一百五十九石三斗八升六合各有奇。浙江徵銀六十九萬五千七百六十三兩八錢三分一釐。米四萬三千四百二十石九斗九升各有奇。湖北徵銀四萬八千八百五十八兩八錢六分三釐。米一萬八千九百二十一石二斗三升六合各有奇。湖南徵銀三萬五千八百二十一兩六分一釐。米一萬九千九十九石四斗七升六合各有奇。共實徵隨漕銀一百八十二萬九千一百九兩一錢六分六釐。米六十一萬七千八百七十六石七斗六升六合。麥一萬九千六百八十二石八斗五升九合。豆五百三十二石八斗五升三合各有奇。除給運弁運軍並解通濟庫為運米腳價之用。餘均造冊報撥。水次六倉徵收銀米。山東德州倉徵銀六萬六千九百七十七錢五分。米三萬五千七百二十二石七斗五合各有奇。臨清倉徵銀八萬三千七百二十

五兩九錢二分二釐米三千一十六石七斗三升八合各有奇。江南淮安倉徵銀一萬三千一百八十六兩五錢一分米二千五百七十一石五升九合。麥二萬五千一百石八斗二升四合各有奇。徐州倉徵銀二萬一千五百一十六兩五錢六分七釐。麥一萬五千六百三十九石九斗五升九合。豆四千三十七石四斗一升六合各有奇。鳳陽倉徵銀七萬九千一百八十七兩九錢八分七釐。米一萬一千七百七十石四升三合。麥一萬三千六百四十二石八斗三升四合各有奇。江甯倉徵米二萬九千一百六十六石四升七合有奇。共實徵銀二十六萬三千六百二十六兩七錢三分六釐。米七萬二千二百四十六石五斗九升二合。麥五萬四千三百八十三石六斗一升七合。豆四千三十七石四斗一升六合各有奇。除補給運弁運軍沿途行月等項之用。餘均造入撥冊。送部酌撥。○三十一年議准。江西省有漕州縣。惟濱臨大河漕船可通者。專設縣倉。其沿近山溪。漕船所不能到。於縣倉之外。復設省倉。運儲候兌。縣省各倉。皆係

民建民修。向例於漕項腳耗內。定有歲修倉費。按糧均攤。隨漕徵收。惟是按糧出費。既無定數。臨時攤派。未免滋弊。嗣後如有縣省兩倉者。每石統徵銀四釐。止有縣倉者。每石統徵銀二釐。以十分之三留為歲修。七分解存道庫。以備大修。○四十四年奏准。湖南省運兌湖北廣濟等州縣漕糧各船。修脩船備器。應給公費津貼等項。於湖北墊發。湖南解還歸款。○又議准。旗丁應領銀兩。務須隨時給發。儻有遲逾。將該管各官。交部嚴加議處。○嘉慶五年奏定。江南上江正改兌耗米。分給州縣米五千六百餘石。以時價折值銀八千五百餘兩。又下江正改兌耗米。隨徵耗銀。分給州縣銀五萬七千餘兩。照例八折徵錢四萬五千六百餘串。又白糧隨徵盤耗。分給州縣米六千九百餘石。以時價折值銀一萬三百餘兩。以上各項。嗣後均撥貼旗丁。令州縣向百姓仍收本色。至兌給旗丁時。以一兩九錢定數折給。旗丁不許增減。俾旗丁置備應用器具。○又定。浙江省杭嘉湖三府屬。每收米一石。例徵漕費錢數十文不等。嗣後將此項隨徵漕

一第... 丹... 8

費。照例一體給丁。統計漕幫。每丁可得銀二十餘兩。以資濟運。○又奏准。江西省每兌米一石。例給旗丁米三升。名為贈軍。江浙各幫贈米。已令州縣每石以一兩九錢折給。江西應照原定。每石一兩九錢之數。折給十分之七。以資運費。其餘三成。留備該幫回空食用。○又奏准。山東。河南兩省。隨漕耗米一斗五升。內州縣所得辦漕公費米三升五合。全數撥出給丁。每船以正米五百石計算。可多得米十七石五斗。連交倉曬廳米內。續給米七石零。共增米二十五石有奇。以時價計算。約值銀四十兩。幫貼旗丁。○又題准。隨漕輕齋席木板片行月漕贈等項。山東徵銀九萬二千五百九兩二錢八分。米四萬七千一百四十二石六斗九升有奇。河南徵銀四萬五千三百六十七兩六錢九分七釐。米二萬二千五百八十八石三斗九升有奇。江蘇徵銀六十一萬九千六百一十六兩四錢七分三釐。米二十萬四千二百七十六石九斗有奇。安徽徵銀二十六萬三千六十三兩三錢二分六釐。米二十萬一千六十八石九斗六升。麥一萬二

千二石二斗九升。豆三百九十四石三升各有奇。江西徵銀二十四萬八百一兩四錢二分五釐。米四萬三千六百六十七石二斗八升有奇。浙江徵銀六十八萬四千三百九十四兩五錢八分四釐。米四萬一千四百六十六石九斗三升有奇。湖北徵銀四萬八千八百四十五兩九錢七分九釐。米一萬八千九百三十三石三斗有奇。湖南徵銀三萬五千八百一十八兩七錢九分三釐。米一萬九千一百一十石四斗九升有奇。共徵隨漕銀二百三萬四百七十七兩五錢三分七釐。米五十九萬八千二百二十四石九斗四升。麥一萬二千二百二十二石二斗九升。豆三百九十四石三升各有奇。除給運弁運軍。並解通濟庫為運送京通各倉腳價之用。餘均造入撥冊。送部酌撥。水次六倉徵收銀米。山東德州倉徵銀六萬五千四百二十五兩八錢五釐。米二萬六千三百五十二石一斗一升各有奇。臨清倉徵銀八萬二千八百六十兩六分三釐。米二千八百六十七石六斗一升各有奇。江南淮安倉徵銀一萬四千六百八十七兩一分。麥二萬二千四百

二十一石四斗一升各有奇。每石折銀五錢。徐州倉徵銀二萬七百七十七兩四錢三分八釐。麥一萬五千二百四十二石二斗八升各有奇。每石折銀五錢。豆四千二十八石一斗九升有奇。每石折銀七錢五分。鳳陽倉徵銀七萬六千五百二十兩二錢九分九釐。米一萬一千七百四十五石六斗一升各有奇。每石折銀一兩二錢及九錢不等。麥一萬三千四百二十四石二斗有奇。每石折銀五錢。江甯倉徵米二萬六千五百五十三石九斗九升有奇。共實徵銀二十六萬二千七百七十兩六錢一分五釐。米六萬一千六百一十九石三斗二升。麥五萬一千八十七石八斗九升。豆四千二十八石一斗九升。各有奇。除補給運舟運軍沿途行月等項之用。餘均造入撥冊。送部酌撥。○六年議准。江西省漕糧項下。民貼官運腳耗銀米。原定劃出一半給丁濟運。一半留給州縣辦公。此內應再劃出一半銀六千二十六兩零。米四千八百四石九斗零。分給每船。可多得銀九兩四錢零。米七石五斗零。俾丁力益臻寬裕。○七年覆准。山東省協運豫省

漕糧撥船赴豫交卸。仍應放空回次。照直隸省楊村起剝之例。每米百石。給食米一石二斗。按照時價折給錢文。不准顆粒上岸。以杜影射偷盜之弊。○八年議准。湖北省頭二三幫。每船於應領幫費內。扣存銀四十兩。留俟船抵田家鎮。放銀二十兩。餘銀二十兩。至瓜洲口放給。○又議准。湖南省頭二三幫。每船於應領運費內。酌扣銀一百兩。留俟船抵漢口。田家鎮二處。陸續放給。○又議准。江蘇糧道所屬漕白各幫。下江江興等衛幫。每船於米折價內提銀六兩。發交本幫運舟。俟船抵臺莊時給放。再於原給三分兌費錢文。江蘇各幫每船十七八千至二十千文。不兼下江各幫每船十三四文。不儘數扣留。俟到通全行散給。○又議准。上江安慶前後。池州宣州甯太廬州頭等六幫。每船於續增耗米價內提銀二十兩。解淮發交本幫運舟收存。俟船抵濟甯放銀八兩。楊村放銀六兩。通壩放銀六兩。宿州頭幫二幫。每船於原支耗米內扣留十石。易銀存儲。並於新增耗折內提銀六兩。由本幫運舟帶北放給。○又議准。江西省十三幫。每船扣存七成米折一半銀三十

五兩有奇。糧道帶赴臨清。發交押運廳員。俟船抵楊村。放銀二十兩。其餘抵通給領。○又議准。浙江省漕白二十一幫。每船於行月項下提銀五十兩。俟船抵鎮江。放銀十兩。過淮後呈解總漕。放銀十兩。其餘銀三十兩。至山東直隸一帶。放給。○又議准。山東省德州正等十幫。每船扣存銀二十兩有奇。俟船抵楊村。放銀五兩。餘銀十五兩有奇。抵通放給。○又議准。河南省協運豫糧。通津等十幫。應領錢糧。每船先於在次給發十分之四。其餘扣存辦公銀。每幫自六百兩。九百兩。一千二百兩。一千四百兩。二千兩不等。分作三次放給。德州開行。每幫放銀二百兩。至七百兩不等。楊村起卸。每幫放銀自二百兩。至七百兩不等。抵通。每幫放銀自二百兩。至六百兩不等。○九年奏准。各省津貼旗丁曬曬耗米。江蘇。正兌改兌項下。每石給丁二升七合六抄。浙江。江西。湖廣。三省。正兌項下。每石給丁二升七合六抄。山東。河南二省。正兌項下。每石給丁一升七合六抄。按照應得米數。數給折色。粳米。每石一兩九錢。秈米。每石一兩七錢。粟米。麥。豆。

每石一兩四錢。於糧道庫存贖漕項銀內。通融支放。如糧價賤於所定之數。仍按兌漕月分時價數給。以歸節省。給過米價銀兩。於兌漕完竣後。造冊數銷。○十五年奏准。豫省徵收漕糧。每石隨徵耗米一斗一二升。至一斗四五升不等。節次議給旗丁耗米八升。尚餘五六七升不等。向係留為各州縣。鋪墊倉廩等費之用。茲因撫恤窮丁。將餘贖耗米。再撥給旗丁一半。每船又可得津貼二十餘兩。計其沿途支用。尚有贏餘。此外不准再有需索。○十八年奏准。湖南省出運軍船。同軍公幫銀兩。荊州。荊左。二衛。每船的幫銀一百四十兩。荊石。沔陽。二衛。每船的幫銀一百六十兩。岳州衛。每船的幫銀一百五十兩。由衛給牌。聽丁豫行收取。如有不完。許赴官稟追。○二十年奏准。浙江省漕白糧船二十一幫。自嘉慶二十年起。在道庫報撥項下。提銀十萬兩。分別借給。於下年運費內扣還。按出借六箇月計算。以一分輸息。年借年還。俟收足息銀十萬兩。即將原本歸還報撥。仍以息銀作本出借。以紓丁力。○二十一年奏准。湖南省各幫運道。

綿長費用繁多。在司庫備儲項下賞借銀五萬兩。發給漢鎮岸商承領。按月一分行息。每年息銀六千兩。以二千五百兩解司還款。其餘三千五百兩。均勻散給各丁。俟二十年後。本款全數歸還外。所有岸商承領銀五萬兩。永存作本。長年生息。每年息銀六千兩。儘數分給各幫。○道光三年奏准。江甯歲需運造兩費。經該縣紳士捐銀七千二百九十兩。請借庫銀二萬兩。江浦歲需運造兩費。經各快丁捐銀二萬三千兩。請借庫銀二萬兩。一併發商。按月一分生息。分給各快丁。為額徵歲貼之費。所借庫銀。分作十年。提本歸還原款。即將餘息。並同捐款。永遠作本存典生息。○五年奏准。江南省全椒縣額僉快船四十三隻。每年需運造各費銀六千一百三十兩。近因丁情疲困。積欠日多。該縣民快人等。共捐本銀五萬一千一百兩。零援照江甯等縣成案。發交典商。按月一分生息。抵交運造兩費。○六年奏准。江南省上元縣額僉快船二十三隻。除已捐產貼運各船外。尚有自運十三船。向無贍運之資。該縣紳士丁民等。公捐銀一萬二

千六百兩。發典生息。又該縣快丁等。前捐本銀一萬一千二百兩。按年一分生息。今改為按月計閱。一分行息。每年可增息銀三百四十七兩三錢。又道光三年。調劑江邑快丁案內餘贍息銀。酌提一半。銀一百三十一兩五錢。協濟上元。以上每年。共可得息銀一千九百四十一兩二錢。足敷運造兩費之用。所捐本銀。分交上江二縣各典收領。自道光七年為始。按季繳息。濟運。○七年奏准。浙江省幫船素稱疲累。近年運道阻滯。益形支絀。在運庫京協餘平項下提銀三萬兩。分別借給。以資辦運。自八年冬運為始。分限四年扣還。

白糧耗米。○蘇松糧道所屬。每白糧一石。加耗三斗。以五升三升。隨正米起交。文內倉通倉加耗五升交光祿

未加耗二斗五升。二斗七升。隨船作耗。共耗米二萬七百七石有奇。○浙江糧道所屬。每白糧一石。加耗四斗。以五升三升。隨正米起交。三斗五升。三斗七升。隨船作耗。共耗米一萬三千四百八十八石七斗五升有奇。共實徵耗米三萬四千一百九十五石七斗五升有奇。

白糧經費○順治二年覆准糧長僉解白糧受累無窮宜改為官解之法路費腳價額派之外不許多索民間分毫○十二年覆准白糧既照舊官解從前題請加派耗米經費加增水手夫役名數皆應照該督所請行蘇松常三府白糧除原額正米耗米春辦米三項外每正糧一石加派耗米二斗四升水腳添置提溜腳價銀一兩三錢每船加舵夫水手十二名每名給米三石看糧夫役二名擔運夫役二名各照船數一例均派總部協部公費工食就糧米多寡哀益酌定足以供用○康熙元年覆准蘇松常三府白糧雇用民船水腳銀編載全書計包給發均從米數科算並無別設雇船私貼之項惟至丁字沽每石應用雇剝銀一錢二分今漕船可直抵通此項應裁省解部至於額編看船糧夫每名工食銀十二兩擔運夫每名工食銀七兩二錢南北艱辛僅充口食毋庸裁減○二年覆准浙江省白糧照江南之例將丁字沽雇剝銀每石一錢二分照數減扣解部○三年覆准浙江省民船運白與漕船帶白費用多寡裁然可按

漕帶之法亟當舉行其協濟船併入漕幫僉運應支經費行月公費廩工等項銀米亦應於白糧加貼經費內照數徵給其漕運項下行月糧米裁扣解部永著為例○十一年覆准浙江省白糧一項從前嘉屬每正米一石徵糙平米一石八斗額設夫船等費每石銀八錢湖屬每正米一石徵糙平米一石五斗五升額設夫船等費每石銀一兩五分今經費銀已按船一例派給並無多寡若耗米仍照全書徵糙恐運軍春辦稽延嗣後兩府正項白米一石各給白耗米四斗五升在軍有盤剝之費進倉之耗在民減徵糙米亦可抵其春折之數○十四年覆准江蘇省白糧照浙江例分於漕船帶運計白糧十五萬一千餘石每船裝米五百石約用船三百有二隻每船原派行月照支給經費銀三百三十兩八錢六分之例共應給經費銀九萬九千九百十九兩七錢有奇共節省經費等銀十三萬一千二百六十七兩八錢米一萬八百六十九石八斗有奇○又題准江蘇省白糧抽選漕船裝運應用三百有二船其三百二船之漕米

分灑於各漕船帶運。每船帶運米六十餘石。米多船重。每石給銀五分。約算每船給銀三兩。又題准江蘇省白糧。選糧船裝運。每船議給經費銀三百三十兩有奇。係由插鋪墊與備辦包索添置提溜等項。均屬必需之款。應照原議給發。○十五年覆准。白糧已經倉場具題。河下兌放。改進通倉。蘇松常等府。每船經費銀三百三十兩有奇。內除交通濟庫。由插銀四十兩外。其餘河下兌放。每船覈減銀四十二兩八錢六分。改進通倉。覈減銀二十二兩八錢。扣存道庫。報部充餉。○十七年定。白糧改折經費銀兩。原係白糧項下應徵之款。與白糧一例考成。○三十年定。白糧項下減存經費銀兩。係解部之項。如不豫行詳請。擅自動用。將擅動之官題參。銀兩著令賠完。○四十三年覆准。江浙二省起運白糧。照依漕幫支給行月贈貼銀米。將經費銀兩概行裁減。運白各軍應領行月。仍在合幫給發。應支贈貼銀兩。均於經費銀內。照漕例支給。餘贖聽候彙解。各幫船俟五年運白之後。更換接運白糧抵通。照依漕糧一例交收。○四十五年定。

白糧船隻遇閏之年。不給閏月銀米。○四十九年覆准。運白軍船。除行月應支米六十三石。補給米三十四石三斗。每石折銀一兩二錢。於道庫減存銀內。照數給發。○五十六年覆准。蘇松常三府白糧經費。先經民運。每船需銀七百餘兩。後於康熙十四年。照浙省例。改為漕船裝運。每船給經費銀二百九十兩有奇。為沿途盤剝添置提溜抵通堆囤看守交倉鋪墊等費。又給行月銀米。以為運軍安家之費。二十七年。於奏銷案內。停其支給行月。四十二年。因停支行月。於經費之外。給飯米銀五十四兩。四十三年。以運漕運白均屬一例。將經費盡裁。照漕例支給行月贈銀米。但浙江白糧。除行月外。每石給漕截銀三錢四分七釐。飯米七升二合。江南除行月之外。每石止給贈銀一錢四分五釐。比浙江少給銀二錢二釐。應准其照浙江白糧漕截之例。每石補給銀二錢二釐。以為沿途盤剝堆囤交倉鋪墊諸費。在道庫減存銀內支給。○五十七年覆准。起運白糧。每石人夫工食。米七升二合。浙江省現在支給。蘇松常等府。均有額編。多在

民欠應於原編七升二合民欠未完米內速徵
濟運。雍正六年覆准。浙江省白糧。聽民自春
於完漕後。別納零星升合。米色終難純一。嗣後
照江南之例。隨漕統徵。每斗加春白折耗三升。
該州縣雇夫運米春交。○八年

諭。浙省白糧。係民間奏辦。江省百姓輸納糙米。官為春

白。一應捆包搬運。皆屬官辦。其所有耗米。並束包人
夫工食等項。著准其開銷。○乾隆二年覆准。江南省
蘇松常太四府州。白糧減額。改徵漕糧。現運白
糧項下。徵收支解經費銀三萬八千三百八十

九兩一錢四分。米六萬一千一百二十三石五
斗四升各有奇。改徵漕糧項下。徵收隨漕支解
銀三萬三千七百八兩七錢三分。米三萬八千
六十五石九斗八升各有奇。應減徵銀二萬七
百七十七兩六錢七分。米一萬九千六百五十
二石一斗七升各有奇。永免料徵。尚餘減存經
費銀二萬九百五兩有奇。照數徵解。○又題准。
浙江省杭嘉三府額徵白糧。原編每正米一石。
加耗米四斗五升。又每正耗白米一石。外加春
耗米三斗。今白糧減改漕糧。每正米一石。止加

耗四斗。其加三春耗。按歲減免。給丁耗米減去
五升。共免春耗米一萬五千五百六石五升。耗
米一千七百八十二石各有奇。一應經費。改歸
漕糧支給。每歲減徵給軍食米折銀二千五百
九十一兩有奇。其餘經費銀。仍照白糧舊例徵
收。不准減免。至應解輕齋楞木松板蘆席等銀
六千六百四十六兩。在應解道庫由插銀內扣
抵。如有不敷。在車夫款項支贖銀內動給。以上
白糧經費銀。米江蘇徵銀十八萬六千九百八
十五兩八錢一分九釐。米一萬八千八百八十
九石五斗八升四合。春辦米三萬一千三百九
十九石八斗六升各有奇。浙江徵銀四萬五千
七十五兩一錢八分八釐。米三千九百六十九
石。春辦米一萬三千二百九十石五斗五升各
有奇。共實徵銀二十三萬二千六十一兩七釐
米五萬七千五百四十八石九斗九升四合。除
給各省運升運軍。並解通濟庫。為運送京通各
倉腳價之用。餘銀並未拆。均造入撥冊。送部酌
撥。○三十二年題准。浙江白糧抵通。每正米一
石。解由插銀八分。為石壩等五插。至大通橋進

京倉各項人役腳費。○四十一年定。蘇常二府屬額運白糯米三千七百九十六石。改徵漕米四百二十二石。各按縣額驗算。自一十餘石至三十餘石不等。所餘耗費銀米。難以按田蠲免。將所減白糯米耗運飯盤用春辦等項。統入漕糧起運。隨漕應支贈銀。各就本款餘銀支放。毋庸再於給軍經費款內改編。其原編白糯米所餘銀兩。統入餘存經費款下報撥。○又定。浙江省白糯米改漕。止五百七十八石。嘉湖二幫勻改。不過二百餘石。額運漕白二船。毋庸改易。其經費食米折銀。亦係照額支給。至解通由插輕齋席。木稍有改易。但統係車夫項下。於道庫支解。亦未在縣改易。應照江省一體辦理。惟白糯米項下。每正米一石。原徵兌軍五升耗米。及縣春辦耗米四斗三升五合。應一併改徵漕糧起運。以歸一律。○五十四年議准。蘇松等屬起運白糧項下。應給束包人夫。歲給工食銀一千九百五十八兩四錢。又鎮海衛金山幫。月糧銀二百八十八兩。贍運銀七百五十一兩六錢九分五釐。向係各縣衛存留徑給。嗣後按款起解道庫。應支銀

兩。赴道支給。○嘉慶元年定。江浙二省白糧運儲通倉。毋庸貼交經紀耗米外。其改運海運。北新二倉米石。於到壩時。令經紀車戶代為交倉。每石旗丁貼交經紀車戶米三升六合。作為顛扛折耗之用。○五年題准。白糧經費銀米。江蘇徵銀六萬九百五十三兩二錢八分。米一萬八千七百七十四石八斗。春辦米一萬七千九百四十六石五斗。各有奇。浙江徵銀五萬三千五百六十五兩四錢四分八釐。米三千九百六十九石。春辦米二萬三千三十九石一斗二升。各有奇。共實徵銀十一萬四千五百一十八兩七錢二分八釐。米五萬三千七百二十九石四斗二升。除給各省運弁運軍並解通濟庫。為運送京通各倉腳價之用。餘銀並米折。均造入撥冊。送部酌撥。

欽定大清會典事例卷一百九十八

戶部

漕運 轉輸薊易 截撥兵米

轉輸薊易。康熙三十四年議准。

陵寢官兵人役及綠旗兵丁。一年所需粟米。共三萬六

百餘石。將山東漕糧粟米。照數截留。以原船自

天津衛運至新河口。自新河口撥天津紅剝船

百五十隻。運至薊州五里橋。每船載米百石。每

百里。給腳價銀一兩二錢二分。於過插入倉脚

價銀內撥給。舊例係各該地方官採買給發。○三十六年覆准

陵寢官兵匠役俸餉。嗣後將各省協運通州等衛所船

內。選不搭運輕小之船。將一年所需之米。足數

裝載。委押運官以原船運至薊州五里橋。照抵

通交兌限期。交與該管地方官。即押船速回。仍

將回空日期。申倉場侍郎題報。所收正耗米數。

直隸巡撫。今改總督造冊報部。○又題准

陵寢官兵匠役所需粟米。令山東河南二省分年輪運

即以原船運送。節省脚價。其支放出倉。每石准

銷補斛遞減等米三升九合。○雍正二年題准

令坐糧廳協同通水道驗明米色。即令地方官

收受。○七年

論

三陵俸工米。從前撥運漕糧。不敷支給。經直督題請將

不敷之米。每石給銀一兩。令遵化薊豐潤三州縣採

買支放。州縣委之吏胥。遂至串通折銀。私相授受。其

實在運送本色者。車脚之費。不免賠墊。且領銀採買

或值米貴之時。一時難以購辦。官員兵役。未免守候

時日。是折銀採買。官民均屬未便。著總理

三陵事務大臣。將每年需給米。分析造冊咨部。戶部行

知倉場。豫行照數截留。於雍正八年為始。均以本色

給發。○八年題准。撥運薊糧。增截白杭。次白糯米。三

色。其支放出倉。每石准銷折耗遞減等米一升

九合。○又題准。撥運薊糧。令千總及正軍赴次

交兌。守取倉收。隨幫及副軍押空回南。○又議

准。撥運薊糧。自天津雇募剝船。每船量給銀八

兩。於坐糧廳茶果銀內動給。○乾隆元年題准

易州

泰陵駐防官兵人役歲需俸餉米。准於天津地方截留

漕糧。由白溝河轉運供支。○又題准。交兌易州

漕米各船。封存樣米。呈送

陵部驗明。由坐糧廳及該管道委官監收。○又題准。截運易州兵米。由天津至白溝。計程三百二十里。每年起運時。由該管道。遴委管河同知一員。確加探量。遇有淤淺處所。督同該地方官確估挑濬。所需人夫工價。動支存公銀兩。○又題准。截運易州兵米。除向來設有營汛之韓家樹等營。照例催趲外。其霸州苑家口。任邱縣藥王行宮。東西雄縣王家房。及雄縣至白溝河處所。酌量安設汛防。每汛設兵五名。催趲巡查。所需汛兵。於附近各營抽撥。○二年題准。泰甯鎮兵餉。截撥漕米支給。其撥運事宜。悉照駐防官兵之例。○三年奏准。易州兵米。糧船運至雄縣亞谷橋停泊。該縣選募堅固民船。撥至白溝河交卸。定限七日收兌。○四年題准。易州糧船。經由之苑家口。永濟橋。守橋地方二名。每名歲給工食銀六兩。在坐糧廳茶果項下動給。○又奏准。截撥薊糧。州縣收受。如有曬颺撞斛撒漫。及令運軍津貼車腳費銀之弊。即行指參。運軍如有攪和糠土。一併參處。○又議准。薊糧到次。例限七日交清。如遇天雨連綿。不能裝運。許州縣按日計

算。接扣七日。○八年奏准。直隸省古北口外。墾地日廣。產米日多。於豐收之年。廣為採買。以四萬七千餘石。運赴薊遵等倉。以供
 陵糶。餘皆運通。其山東河南二省。應運薊糧。照舊運通倉備用。如價貴停買。仍令二省運送
 陵糶。○又奏准。撥運易糧漕船。自天津至雄縣亞谷橋。於每年糧船將到之前。豫行探明淤淺處所。及時挑濬。如水小船重。酌量起剝。每船酌增剝價一兩。○十六年議准。運米到通。例由倉場坐派而
 圓明園沙子營及薊州易州等處。較京通各倉道里稍遠。守候需時。以致鑽營規避。嗣後輪幫挨派。勒石永遠。○十九年奏准。霸州豐潤等處營田。稻米六七百石不等。例係運交通倉。代粟支放。霸州去易州較近。豐潤即係本處。該州縣解通稻米。就近徑解易州。豐潤支給俸餉。仍將每歲稻米若干。豫行查明。即於應撥薊易粟米內。照數扣除交通。○二十三年奏准。易州
 泰陵員役應需米石。例應截撥南漕。惟天津北倉。尚存撥贖漕米。可以就近改撥供支。所有本年應截

南漕悉運通倉收儲。三十年奏准。東豫二省

薊運

陵糶粟米。暨馬蘭鎮屬官員兵役人等。應領粟米。輓運維艱。悉行改支折色。每石統以一兩四錢折給。令兵役人等。隨宜買食雜糧。所有豫東二省。應徵米折銀兩。徑行解存直隸藩庫。由藩司查明實數。同俸餉銀兩。一併發給。遵薊豐三州縣領回給放。其馬蘭鎮標兵丁米折銀兩。亦照此例。按月支放。俾得隨時買食。至應運薊糧白米粳米糯米三項。仍徵本色支給。其如何運交薊倉

聽倉場侍郎妥協辦理。薊運漕船。即行停止。挑築薊運河歲修銀兩。一併節省。毋庸動撥。○又

諭。昨因薊運米石。海河輓運維艱。是以停止豫東二省船運。即徵折色。該省漕米。現在既已收竣。毋庸復令變價。致涉紛煩。著即存貯水次地方倉內。作為該省常平之用。或直隸間遇米少年分。亦可資其協濟。況此項米石。為數原屬無多。小民踴躍輸將。相沿已久。今忽改徵折色。民間或有未便。嗣後仍照數收兌本色。留貯備用。既可省臨時採買之煩。而將來或有改徵豆石之年。即可以此項作抵。更免另為籌畫。○三

十一年議准。

圓明園沙子營及薊易等處米石。該倉場務於二月內豫為派定。即咨明總漕及巡漕御史存案。並出示曉諭。倘有不按幫輪派之處。令巡漕御史指參。○嘉慶五年議准。每年派撥薊易等處應需粳稷粟米。向在各幫起運漕糧內。不拘正改。統為派撥。仍按二五一七耗米覈計平米。以符各該處應需之數。今將正兌曬颺米內劃出。津貼旗丁。另用正項米石撥補。○十二年奏准。

東陵兵役並馬蘭鎮兵丁應支粟米。向係截留豫東漕米。運存薊倉。交遵化等州縣按季運供。乾隆三十年議改折色以後。糧價歷年有增無減。折色不敷糶食。自十三年夏季起。於山東省到通粟米內。按年撥給一半本色米二萬七千餘石。令遵薊豐三州縣陸運供支。所需運費八千餘兩。覈計漕糧改徵折色定例。每石合銀一兩。酌給一半本色米石。按一兩四錢折色覈算。每石節省銀四錢。計節省銀一萬一千一百餘兩。所需運費銀八千餘兩。即在此內抵支。○又議准。薊

州兵米。例銷運脚不敷。每石再加銀一錢。統交地方官。作為津貼之用。事竣據實報銷。○十三年

論

東陵兵役秋冬米石。著仍支折色。以資買食。嗣後並著照易州兵米之例。由豫東漕船截撥。即令各該兵役自行轉運。毋庸由通倉給領。俾免守候支放。以示體恤。○十四年奏准。豫東二省額徵薊糧除截撥薊州兵丁一半本色粟米每年二萬九千八百三十餘石外。尚有餘騰。自十五年起。按年交幫搭運赴通。以補截撥漕糧數目。豫省分運米石。雇備民船裝運。一切應支潤耗行月銀米。照密雲兵米之例辦理。其折色銀兩。在漕項內動支。本色米石。在倉存薊糧內支領。東省分運米石。照嘉慶十年起運採買薊米。每船五百石。添雇船隻裝運。隨同正漕赴通交納。照例支給行月潤耗本折及津貼等項銀米。○十六年咨准。薊州兵米。遇閏月之年。米數較多。該處受撥插內米石。委員及一切人役。在通守候。不無糜費。嗣後山東省撥運米石。派撥插外船隻。俾得迅速收兌。

○十八年咨准。豫省薊糧項下。截至嘉慶十七年冬運。實騰穀一萬七千八百餘石。米二百餘石。應留備災緩之年。湊運保雄等處兵米。所有東陵一半本色兵米二萬九千八百三十餘石。遵照奏案。在到通漕糧內截撥。○十九年咨准。應截二十年夏秋冬及二十一年春季分

東陵兵役等應支一半本色米二萬九千八百餘石。並補截十九年閏二月米一千五百石。原在豫東二省漕糧內截撥。本年東省應運兵米。業於漕糧內撥運。而豫省漕糧蠲緩截留。並無起運米石。此項兵米。應由東省正漕內全數指撥。其豫省應運密雲兵米一萬一千六百石。亦於東省到通漕糧內撥給。○二十一年奏准。山東薊糧並薊穀碾米。僅騰米七千八百八十餘石。不敷應運

東陵兵米之數。應全數留備災緩之年。湊搭保雄等處兵米。所有薊州兵米。在抵通漕糧內截撥。○二十二年咨准。易州應需粟米。向在河南山東幫船內截撥。今河南幫船。據稱每船僅裝米六十餘石。為數零星。難以派撥。所有

西陵每年應需粟米七八千石。在江南幫船粟米內照

數截撥。○道光六年咨准。易州應截白糧米石。

本年輪應蘇幫。已歸海運嘉白幫。又輪劄薊糧。

應在湖白幫內截撥。運至白溝河倉兌收。○七

年議准。易州每年應需粟米。因南糧盤壩接運

較遲。恐江南粟米趕辦不及。所有應截粟米。即

在山東幫船內派撥。○八年咨准。易州應需粟

米。前因東省幫船分裝米麥豆三項。若俟船到

北河。始行飭知湊撥米數。勢必將各船粟米歸

併過載。不無耽延拋撒。應仿照撥運密雲等處

兵米成案。派定外河先進之德正濟左濟右臨

前臨後五幫。又東昌濮州東平作為一幫。共成

六幫。照依酌定幫次。周而復始。輪流派運。以免

臨時周章。如遇災緩年分。應派之幫。粟米不敷。

隨時改派。下年補運。又派撥易州粟米。向有由

倉場酌派山東河南江南等省之案。今東省既

以六幫派運。應俟輪派兩周之後。再行改撥江

南河南。屆期咨商覈定。○咸豐四年奏准。本年

豫東漕糧。因運道梗阻。改辦折色。所有應撥

陵寢米。暫將直隸常平倉穀動碾撥解。俟庫款稍裕

再行買補還倉。○又奏准。直隸省常平倉穀不
數撥用。所有

陵寢官兵應需稜粟米石。一律改放折色。在八項旗租

銀內動撥。○同治四年奏准。薊易官兵米石。自

同治五年為始。撥給四分之一本色米石。其餘

仍放折色。所有官員俸米內。應領江白粳三色

米石。在江浙海運漕糧內撥給。官俸內粟米。及

兵役應領粟米。在豫東兩省起運米石內撥給

○八年奏准。

陵寢官兵苦累異常。所有官員三色俸米及官兵粟米。

自同治九年。均按四分之一放給本色。

截撥兵米。○雍正六年題准。滄州駐防兵米。若

秋冬截漕。春夏採買。恐價有不敷。轉致遲延。嗣

後仍照舊例。每歲截撥江西漕米七十石。以三

千五百石。作本年秋冬二季之需。以三千五百

石。作次年春夏二季之用。○又定。三河縣駐防

兵米。歲需二千五百餘石。令地方官捐納腳價。

按季赴通領運。原估米價。扣存司庫。○八年議

准。天津水師營兵米。每歲截撥漕糧萬五千石。

每石每月准銷遞減米二合。計一年減米三百

六十石。於正項內開除。○又題准撥兌天津滄
薊各米。照通倉之例。限七日內交收清楚。○乾
隆元年題准。天津增建倉廩。截撥兵米。將隨漕
席木板片。隨糧交納。○二年題准。截撥天津漕
米。將豫備正兌曬颺米四升七合。改兌曬颺米
四升八合。一例交倉。揀廉幹道府官赴倉監收。
抽驗曬颺。覈算折耗外。餘賸曬颺米。皆作正數。
按照年月遞減。此外再有虧缺。參追究治。○三
年奏准。截撥天津漕米。向例每百石運軍加耗
米一石。嗣後免其交納。○又奏准。截撥天津水
師營。並易州漕米。停止曬颺。照北倉之例。抽掣
辦理。如有勒索等弊。即行題參。○五年題准。漕
糧截撥滄州。天津及薊易等處。較之抵通費用
減省。將原備三升八合飯米內。運易船糧。每石
給運軍一升。運薊船糧。每石給運軍一升九合。
照抵通例。給予價值。以濟回空。其餘賸之米。仍
令交倉。至截撥天津滄州等處。原備三升八合
飯米。責令一併交倉。作正開銷。○六年題准。截
撥滄州漕米。令承收之官同旗員驗看。如係好
米。即行收受。毋許遲滯留難。儻有攪和糠土者。

承收官及旗員。詳報委官驗實。照例報參。並將
攪和米色。面同運官裝袋封印。隨交呈驗。其折
耗之米。於運軍回空食米內賠補。或不足數。別
於後幫截補所欠之米。咨南著追。次年搭運赴
通。如並無攪和。將呈報不實之官。以有意勒索
參處。○八年題准。通倉撥運天津兵米。雇募民
船。剝價。照直隸各屬領米之例。每石每百里。陸
路給銀一錢。水路給銀一分五釐。○二十六年
定。嗣後截留滄州船隻。一俟漕米起完。即令隨
幫管押回空。先行赴次。抵通船隻。仍令運弁照
料前進。俟交糧事竣。即管押丁船南下。○四十
五年定。密雲駐防兵米。仍給一半本色。在豫東
二省每年徵存薊糧項下撥運。令該縣於三四
月間。赴通領運收倉。毋庸會同駐防人員。赴通
領米。仍令該督酌看情形。如遇雨水乾潦。及水
大之時。由陸路運至該縣。照例報銷運腳。若河
水平順。仍由水路運送。以省糜費。應需腳價等
項。於地糧銀內給發。至本年豫東。二省漕船。已
經開行。所有乾隆四十五年夏秋冬。並四十六
年春季。應需一半本色米二萬三千石。應於山

東省現運四十五年漕糧內截撥。令漕運總督山東河南巡撫俟次年兌運新漕。即於該二省存儲薊糧米內撥米二萬三千石。搭運來通。以還倉儲。○四十六年奏准密雲駐防兵米。在豫東二省存儲薊糧項下撥運米二萬三千石。自通州運至密雲。水陸輓運。一切盤量折耗氣頭。廢底。照易州兵米之例。每石撥給耗米一升九合。自四十七年為始。令豫東二省各添撥米一百石。以備支銷折耗之用。各處駐防。不得援以為例。○五十六年議准。山東省每年撥運保定雄縣兵米六千四百餘石。於牘內各幫漕船內撥出船十二隻。內濟甯前後兩幫船各四隻。東昌幫船二隻。濮州東平二幫船各一隻。專裝運赴北倉交卸。其原裝米石。分灑通幫帶運。其行抵北倉交卸事宜。於濟甯等五幫千總內遴委一員辦理。外河船隻。即令總運廳員督辦。以專責成。○五十七年議准。薊糧項下。撥運保定雄縣二駐防兵米一萬二千八百五十石。截至西沽地方。就船受兌。以節耗費。令領米州縣。先期備船停泊西沽候兌。如漕船已到。無船交兌。即

就近移明天津道。仍運北倉交卸。所有扛夫口袋耗費。責令貽誤之州縣認賠。○六十年議准。良鄉霸州昌平東安順義玉田大興之采育遷安之冷口等八處駐防。歲需採買兵米一萬一千三百石。在豫東薊糧項下按年動撥。運赴天津通州水次。兌交良鄉等州縣領回供支。所需運脚。即在津貼米價項下動支。每石不得過二錢五分之數。○嘉慶元年奏准。良鄉等處歲需兵米一萬一千三百石。向在豫東二省截存薊糧內撥給。本年因東省輪免漕糧。先令豫省兌運。除撥運天津等處兵米外。不敷米石。准動支節年倉存薊米。並動碾薊穀湊運。○二年奏准。良鄉等八處駐防歲需兵米。自嘉慶三年春季起。令豫東二省各半分運。山東省嘉慶二年冬閒應需兌運兵米。先儘新徵薊米照數撥運。如有不敷。即在存儲薊米內找撥。○三年奏准。固安寶坻二處駐防。歲需兵米各一千一百五十石。照良鄉等處駐防兵米。在餘贖薊糧項下動支。固安縣距天津較近。應領米石。令該縣自赴天津兌運。寶坻縣應領米石。俟漕船行抵北運

河附近該縣水次。令該縣兌領。○八年奏准。豫省每年撥運保雄密雲良鄉固安寶坻等處米二萬七千七百四十二石零。本年祥符等州縣被災。僅止洧川一縣徵收。薊糧正耗潤耗等米七百九十四石零。尚不敷米二萬六千九百四十八石零。照乾隆五十七九兩年之例。在洧川等縣薊倉現存米內。及薊倉現存穀內碾動。其碾運穀石。照豫省倉穀之例。每穀一石。碾正米五斗三升。事竣造入漕薊各奏銷案內。報部覈銷。○十一年奏准。山東省德州駐防滿營兵餉。

每年所領折色銀兩。不敷買食。即將德常二倉支贖運通米石。撥放本色。仍有不敷。再將積存薊糧酌撥。如遇災緩不敷。照青州滿營兵餉碾動常平倉穀。一律辦理。至免支折色銀兩。每年按數解部。以清款項。○十八年

論。東省每年額運兵米。於新徵薊米內起運不敷。及遇有災緩。例於大漕內撥補。本年額運及津貼兵米。並不敷行月米共四萬七千二百八十餘石。除實徵米一萬七千一百八十餘石外。計不敷米三萬餘石。著於漕糧內撥運動支。○十九年議准。保定等十二府

州縣駐防官兵。應需嘉慶十九年俸餉米二萬七千三百九十九石零。內山東應運米一萬三千八百八石。在漕糧內撥運。河南應運米一萬三千五百九十一石零。該省薊糧緩徵。並截留備賑。不敷撥運。照數在通倉撥給。○又咨准。本年直隸省廣順太三府屬被災。所需展賑及賞借口糧。即將東省應行運津兵米。就近在臨清水次起卸。令大名道監收。分撥省南各州縣。以備賑借。其保定等處應需兵米。即將俸米供支。至東省應運保雄等處兵米。向有牘內外河之分。牘內三幫。在臨清迤南。赴臨順便。至外河四幫。除臨清一幫係在次兌運外。其濟左濟右濮州三幫。兌糧水次。皆在德州。距臨較遠。應將牘內各幫。應運漕米。撥出運臨。其濟左等三幫。應運兵米。仍歸漕糧運通。○二十一年議准。滄州駐防兵米。由直隸總督咨部轉咨倉場派撥。於幫船運抵滄州之日。就近截留。以供支放。○道光五年奏准。良鄉駐防兵米。由通州陸運。經行石道。折耗太多。自道光六年為始。所有良鄉兵米。照霸州東安之例。改於天津水次兌收。水運

至琉璃河。再由陸運至縣。運腳較省。且免折耗。
○同治四年。奏准。密雲等處。駐防兵丁。自同治
五年起。應領米石。放給四分之一本色。在山東
漕餉糧內截撥。

欽定大清會典事例卷一百九十九

戶部

漕運 截留事例 漕糧徵收

截留事例。○康熙三十三年題准。截留武清水
平等處漕米。每石收耗米一斗八升三合九勺
四抄。○又題准。直隸省永平等處。截留漕糧。每
石耗米。皆以一斗八升三合九勺四抄。作正兌
收。○三十八年題准。江西湖廣兩省漕糧。截留
江南山東等處。每石耗米。均以二斗五升。作正
交兌。○三十九年定。截留平糶。所賣錢文。係漕
項錢糧。或易銀交部。或搭放兵餉。將原給款項
扣解。以抵留漕價值。○四十一年題准。江南山
東。截留漕米。出入交收。每石加耗米三升。○五
十八年題准。江西湖廣兩省漕糧。截留江南安
慶等處。將加四耗米。全數作正交兌。○六十年
題准。江西省糧米。截留直隸大名等處。照三十
八年之例。每石以二斗五升。作正交兌。應交席
木板片。行文扣追。並停給簞羹紅剝等銀。○雍
正三年題准。截留漕糧。仍照舊例。正兌以加二
五。改兌以加一七耗米。作正交收。○又題准。江

西省糧米。截留直隸保定等處。每紅斛米一石。給耗米一斗。其平斛米。每石原有耗米二斗五升。均令運通交倉。所有水腳。計運程遠近給發。○六年題准。江西省截留漕米十萬石。存儲本省備用。出入盤量。照江南旋收旋糶之例。每年加耗三升。於截漕贈軍耗米內扣抵。其糶過米價銀。存儲司庫。俟秋收照數買補還倉。○七年咨准。直隸省天津水師營截留漕米。照薊滄之例。每正兌正米一石。外加耗米七升。尖米四升二合。尖耗米二合九勺四抄。又新耗米六升九合。改兌正米一石。外加耗米四升。尖米四升二合。尖耗米一合六勺八抄。又新耗米四升四合。折正兌交。○九年題准。截留天津北倉漕米四十萬石。從前截收之時。未有正兌耗米及曬颺入倉。嗣後照天津水師營截留漕米之例。每月每石遞減米二合。二年統計共減耗米九千六百石。○又題准。天津截留漕糧。每百石給地方官耗米一升。以作折耗。○又題准。湖廣江西兩省截留山東漕米。除耗米二五。一七。作正截留外。將所餘盤耗米。按程計算折耗。給還運軍。其

餘作正截留。○又議准。截留直隸山東河南三省豫備賑濟漕米。隨到隨收。不得稽遲時日。致誤回空。其一應水陸運費。及苫蓋露囤等費。均動用公項錢糧。○又定。截留漕米。落涯進倉等費。概令旗丁自備。○十二年題准。截留山東省漕糧。每石除原給加耗一升外。每月每石仍遞減米二合。至一年後再有虧折。令各官照數賠補。○乾隆元年題准。各省截留漕船。介於起運停運之間。行糧月糧。應給應追。向未定有成例。嗣後江蘇安徽浙江截留漕船。應支本折月糧三修銀。准其照數全給。至行糧盤耗。贈銀負重等項。各隨多寡。分作十分。自水次抵通。按程途遠近。亦作十分計算。行一分程途。給一分銀糧。如行一兩站。未及一分者。即按一兩站扣算支給。贈米一項。如未到州縣。半月放清者。按已行之程扣給。其未行之程。追繳半月以外。每石給米一升。滿一月者。給米二升。滿二月者。給米四升。滿三月者。全給。若幫船截留本次。或旋兌旋卸。或數月後收清。贈米亦按月計算。江西漕船較大。裝米數多。每年額領三修銀不敷。取辦於

行月。兼之水次開行。逐節淺阻起剝。長江守風。過淮修船。一應費用。較江浙不同。遇有截留。將原領折耗。行月。贈銀。贈米。斛面米。均免扣追。又每米一石。徵耗米四斗。為交通倉及沿途折耗之費。副耗米一斗三升。為水次開行抵淮折耗。如在淮安以南截留者。將四耗米令其隨正交納。一三副米免其追繳。如過淮截留者。將四耗米內。正兌米隨交二斗五升。改兌米隨交一斗七升。並每石別交一升。贈米外。其餘米按由淮到通程途。作為十分計算。行一分程途。即給一分耗米。湖北湖南漕船。灣泊岳州府。濱臨洞庭。風波不測。截留漕船。於例給一半月糧之外。每船酌留頭舵水手四名防護。每名自給口糧一升。減去水手人等。每名每站。給盤費銀三分。米一升。均照時價折給。○二年

諭。各省截留漕船。例有應追銀米。但念運軍近年以來。尚屬急公效力。其從前挂欠之項。事隔數年。此時責令完補。未免艱難。著漕運總督詳細數明。將雍正十二年以前。各省截留漕船。應追行糧。漕贈盤耗等項。除已完外。其未完者。一概寬免。○又奏准。山東省截

留漕船。應支三修月糧。及任城幫貼運銀。仍照舊支給。其本折行糧及潤耗銀。各按多寡。准作十分。水次抵通程途。亦作十分計算。行一分程途。准銷一分銀米。如行未及一分者。按程扣算。支給潤耗米五升。即如江南之五米。嗣後米到截留州縣。半月內收清者。按已行之程扣給。其未行之程。追繳。如過半月。給米一升。滿一月者。給米二升。滿二月者。給米四升。滿三月者。全給。其截留在本次者。雖船未開行。而糧已裝載。與中途截留者。折耗相同。潤耗米亦按月支給。河南漕船。皆係別省協運。除不議三修外。僅遇漕留之年。月糧一項。全數支給。如船雖抵次。尚未裝載者。河南亦毋庸議給。至潤耗。行糧。銀米。各隨多寡。計作十分。其程途亦作十分計算。行一分程途。給一分銀米。如行一兩站。未及一分者。即按站支給。官役俸工。亦照額支給。如本船開行。已及十數站。奉文截留。仍回原次交卸者。往返程途。皆照重運程途計算。將所領前項銀米。按程扣給。其不足十分程途之數。按程計追。潤耗米一項。亦照東省例支給。至盤剝銀。截留船

糧已抵臨清者。全數支給。如未抵臨清。將所領盤剝銀。作為十分。自衛輝水次至臨清。亦作十分程途。扣算計給。○又咨准。湖北省撥賑漕米。應需撥運水腳銀兩。在餘贖漕費銀內。動支給發。○三年定。直隸省北倉截留備賑漕米。照京通各倉之例。將豫備節賜米石。一體交倉。○又議准。嗣後截留北倉之漕米。每百石。免交耗米一石。以恤軍丁。○四年題准。湖北。湖南兩省運軍所領錢糧。比別省較少。截留漕船。所領三修行月二耗。並州縣津貼京腳銀米。均免扣追。惟所領四斗耗米。視其船未出境。在本省截留者。均令隨正交收。若已出境者。內一五耗米。按已行未行程途。分別追給。○五年題准。各省截留漕船。有到次尚未受兌。及已兌未開行者。嗣後未兌之船。照停運例。給予減半月糧。已兌未開之船。於減半月糧之外。將三修一項。照數全給。各省畫一辦理。○又奏准。截留船糧。應給薑羨銀兩。一概停止。○六年題准。各省漕船。截留北倉暨滄州者。應將領過行程。漕贈盤耗銀米。一例按照程途。分別扣追。惟運剿軍船。由天津海

口入薊。綿長九百餘里。又運易軍船。自天津抵次。水程三百餘里。領過銀米。一概免追。再各省凡遇截留。如已兌開行之船。所領一半月糧。同行糧等項。應勻作十分計算。一律按程扣追。○七年題准。各省截留漕船。已兌開行。按照定例扣追。運軍多有苦累。嗣後酌量加給。分別程途遠近。船糧多寡。山東河南。每船給銀五十兩。江南浙江。每船給銀六十兩。江西湖廣。程途均遠。於江浙。江西裝載正糧。每船又較湖廣多至二百石。湖廣。每船給銀七十兩。江西。每船給銀九十兩。以敷各軍在次修船置備什物。及雇募船頭水手安家養贍之用。其應給之銀。即於行月折色銀內扣給。所有存贖行月等項銀米。山東河南。江南浙江。仍照舊按程分別追給。江廣二省。程途遙遠。其未經過江以前截留者。除在次酌量給銀外。其餘贖餘米。一律照程途分別追給。如已過長江。尚未渡河截留者。應給予四分之三。至渡河以北。至臨德等處截留者。將各項銀米。照抵通例。全給。○八年題准。湖南省截撥廣東漕米。每石折耗四合。○又題准。湖南省

截撥廣西漕米。每石加耗米三合。於截漕減存
 里納二耗米內克給。又題准。江西省截留本
 省漕糧。每石加耗米三升。在贈軍斛面等米內
 支給。○九年題准。江西省截撥湖南漕糧。每石
 折耗米四合。江浙二省截撥福建漕糧。每石加
 耗米五合。○又題准。截留平糶所賣之錢。係漕
 項錢糧。或易銀解部。或搭放兵餉。將原給款項
 扣解。抵留漕費。○十四年覆准。各省漕船。遇有
 災緩。及在本地截留。將出運船隻減存在水次
 者。其減存船數。由糧道造冊報部。○十八年

諭。凡截留省分。俱著該督撫專派大員稽查。不得委之
 州縣佐貳。以致滋弊。○二十二年奏准。漕米截留北
 倉及天津露囤各米。現在輪流派運。賞借旗丁
 剝價一半。俾得迅速回空。運通脚價。令旗丁自
 出一半。賞借一半。應交茶果箇兒銀錢及席片
 毛竹。均照例交納。至在津糧船。自岸起米至北
 倉。每扛米一石。給制錢六文。每船約需扛價四
 五千文不等。應於在津囤儲米石之幫丁出給。
 每百石照例加耗二石。准於來歲新漕內搭運
 補交。再經紀各役。代丁運送抵壩。既有每百石

加耗二石之數。再有短少。即照掣欠例。責令經
 紀等賠補。於旗丁無涉。其扛米脚價。於通濟庫
 輕齋銀內暫行墊發。亦在各丁新漕內扣還。並
 移咨總漕照例催追辦理。○又奏准。本年漕米
 暫儲北倉。軍船未經抵壩。例給運丁羨餘銀兩。
 酌給一半。○二十三年奏准。江興等衛截留天
 津餘積米石。仍係運通。應追銀兩。免其扣追。○
 二十四年奏准。羨餘銀兩。定例給發。以濟回空
 之用。本年糧數雖有截存。船仍到壩。照例全行
 給發。○又咨准。現截北倉米石。應交茶果銀兩。

暫緩交納。俟抵通後再行覈計米數。移咨總漕。
 飭令補解。○二十五年奏准。漕糧截留北倉轉
 運。每米百石。旗丁交船價銀六兩。地方官會同
 坐糧廳雇募剝船。飭令經紀等親身押運。又自
 河至倉。每石交上倉人夫扛價制錢六文。又每
 百石。旗丁出米二石。內以一石。備補沿途折耗。
 五斗為經紀等飯食。五斗幫貼經紀等轉運雜
 費之用。每石給董夫銀五釐。一例支給。○四十
 三年奏准。江西省漕糧截留赴豫。其已歷長江
 尚未渡黃截留者。行月銀未。給予四分之一。如

至臨清等處截留者。各項銀米。即行全給。○四十七年奏准。北倉截留漕米。其斛斗口袋。今天津縣自行備辦。並舊存木斛。與部頒收漕鐵斛。逐一較準。以便兌收。○四十九年定。截留米石。自北倉剝運抵通。每百石。旗丁向交地方官剝價銀六兩。惟江西六幫。殷疲不一。內有實不能全行交價者。即將通濟庫銀。每船各借銀三十兩。令該省糧道。於來歲扣辦歸款。○又奏准。北倉現儲漕米。內賞留二十二萬石。為直省買補倉糧之用。其凍阻之杭。嚴頭四兩幫漕米。約七萬餘石。於北運河一帶附近州縣內。查其應買倉糧者。就近撥交領運。明歲於北倉漕米內。照數扣抵。所需席片扛夫等項。均照成案辦理。○五十年

諭。曹州東昌濟甯臨清各府州屬。雨澤稀少。麥收歉薄。現在未得透雨地方。未經播種者。尚有三十州縣。將米恐有應需接濟之處。著於南糧頭進在後各幫內。截留二十萬石。存貯濟甯聊城水次。以備應用。○又奏准。截留漕米。如三進尾後數幫。入直稍遲。在沿河水次。覈計程途。分別截卸。移咨總漕倉場。

轉飭將截留米色並旗丁運官姓名開單咨送轉發。俟漕糧收清。飭令各州縣將收過幫船米數造送。○又奏准。北倉截收漕糧。倉內鋪墊席片麻繩。例向旗丁取用。至氣筒等項。照例墊辦。事竣將墊製氣筒銀兩。造冊請銷。在司庫存公銀內撥給還項。○又奏准。安陵泊頭連鎮並滄州等處沿河水次截卸漕糧。照例先儘寺廟房屋。次賃民間屋宇。暫行收儲。統俟明歲春融。雇覓小船剝運赴通。○五十四年

諭。向來北倉截留漕船米石。所有轉運通倉水腳銀兩。俱係坐糧廳墊發。仍於該旗丁名下扣繳歸款。但思此項腳費。如係幫船行走遲延。不能依限赴通交兌。在北倉暫行留貯者。自應旗丁出資運送。若漕船本可如期抵通。因奉特旨截留北倉。以備撥用者。原與旗丁無涉。即當官為轉運。從前概令旗丁繳費運通。辦理未為允協。嗣後各省漕艘。有趨行未能迅速。抵通遲誤。恐致沿途阻凍。不能及早回空。在北倉截卸者。其運通腳費。自應照例扣繳。如係特旨截留。即著動支官項辦理。以示體恤。○五十七年議准。山東省協運豫漕各幫船。赴豫兌漕之時。順便帶裝截

留糧每站給行糧銀四錢五分四釐四毫。每船
緯夫四名。每名每里給腳價一釐。如係剝船專
裝截漕米石。赴豫交卸。仍應放空回次者。即照
直省楊邨起剝之例。每剝米百石。加給食米一
石二斗。在截留各幫未用食米內支給。○嘉慶
六年

諭。各省州縣設立常平倉。存貯穀石。定有額數。原以備
本處水旱偏災平糶賑濟之用。若倉儲充實。取之裕
如何。至民食艱於接濟。總由各州縣平日不能實心
經理。或出糶後並未隨時買補還倉。或竟任意侵挪
虧缺。以致積貯空虛。猝遇偏災。茫無所措。而該督撫
等為目前補救之策。大率奏請截漕。殊不思京通各
倉所貯漕米。以之頒給廩祿兵糧。無論歲收豐歉。俱
應按數支放。即太倉之粟。陳陳相因。亦屬昇平盛事。
焉有天庾正供。徒資外省截留之理。即如部庫帑銀。
為每年經費所需。豈以供外省請撥。而各省應存庫
項。不皆實貯。遇有緩急需用之處。動輒請發內帑。似
此積習相沿。則外省所設倉庫。竟係有名無實。豈國
家均平賦式之道乎。嗣後各督撫等。總當於各州縣
倉庫根本要務。悉心講求。實力整頓。務使倉穀錢糧。

皆歸實貯。方為有備無患。毋徒以撥餉截漕為事。
○又奏准。直隸省被水較廣。截留漕米六十萬石。
分儲鄭家口。泊頭。天津北倉三處。所有天津截
留之米。舊例截四存六。所存米石。尚須抵壩交
卸。有需時日。此次儘在後之江廣船隻整幫截
卸。俾空船及早南下。○又奏准。江廣七幫米石。
在天津北倉截卸。交經紀接運。浙江尾後八幫。
旗丁情願自用剝船。或雇民船剝運。俾大船及
早回空。不必另行露囤。○又奏准。湖北。江西。兩
省在後七幫。於楊邨全行起剝運壩。其飯米剝
價。照例由旗丁全給經紀。每百石加幫貼銀二
兩米二石外。再加幫貼銀五錢。○又議准。江西
省鉛山等四幫。在北倉截剝。一切剝價飯米。全
數貼給經紀。照例先在通濟庫項下撥給。共銀
二萬一千九百餘兩。應於該四幫船扣解。即將
每船新漕調劑半耗。並向領腳耗。斛面等三項
米石。以一兩九錢折變。共得銀八千一百餘兩。
又江西本年截留鄭家口。泊頭。兩處幫船。奏加
米石。令州縣一體扣存折變解道。以抵庫款。可
得銀六千餘兩。計兩項共得銀一萬四千一百

餘兩不敷銀七千八百餘兩。在鉛山等四幫冬運錢糧內扣銀三千兩。其餘銀兩令江西於道庫閒款內暫行湊還。仍於該四幫來年米折項下全數歸款。○十一年奏准。湖南省幫船行抵漢鎮。截留陝西原船回次二耗米石。照程途扣算數給。又每船防護舵水四名。每名自給米一升。又每幫看減千總一員。年給養廉米九十五石。以三百六十日數派。自歸次之日起。至年底止。按日數給。又守減船減半月糧內一半本色米石。均在二耗米內扣給。其一半折色月糧銀兩。在追還行月京腳銀內動給。又每出運船內。它出找截陝省米一百五十餘石。支過京腳銀兩。免其扣追。又截留船隻。准算一運。又軍幫運義津貼等項銀兩。照乾隆六十年蠲漕減歇全給之例一體支給。○十二年奏准。本年河口淺阻。以七月二十日為限。在後未渡黃之江西湖南並宿州二共十三幫船六百六十八隻。計米七十二萬餘石。一律於淮揚截卸。分撥江蘇二十萬石。安徽十萬石。委道府督飭起卸平糶。其平糶價值。解司報撥。仍令江西湖南各巡撫動

用司庫銀兩。按照市價採買足數。交幫搭運。其回空各幫。因重運節節起剝。諸形竭蹶。以歸次之遠近。定給借米之多寡。江浙每船借給米二十石。江廣每船借給米三十石。通共約借給米十萬石零。以作回空口食之需。仍於新運責成原借之丁。購買運通。至截留米內。除平糶及借給各幫米石。不必貼出耗米。仍扣留以備下年搭運之費外。所有截存米石。令旗丁每百石貼出米二石。來年搭運時准其開銷。如再有虧折。令該管備弁總運等分別貼出。儻有偷竊等事。致有短少。惟防範之地方文武是問。○十四年奏准。北倉截留米石。牆外堆撥。責成天津鎮派委弁兵晝夜防守。該鎮仍不時親身往來照料。楊邨寄撥事宜。向止通判一員經理。未能裕如。應令天津道暫駐楊邨。督率辦理。○十五年咨准。漕糧截撥陝省轉運米石。援照乾隆十六八年碾運浙江米石之例。每石給經費米五合。每船支給安家米二十石。免其追繳。應追程途行月京腳銀兩。分作三年。在各丁新運錢糧內照數扣繳。其四耗米內一五給丁米石。在交倉

耗米扣給。又領運千總。准於漕費銀內。按正米每石支給銀五釐。以為盤費之用。又隨幫千總給廉工銀五十四兩。養廉銀二十四兩。又守減每船回籍水手六名。每名每站給銀三分。米一升。每石折銀八錢。○又奏准。截却北倉米四十萬石。倉場侍郎等酌分一人前往督辦。俟次年冰泮。仍令豫東二省軍船裝運。○又奏准。石壩暫囤米三十萬石。楊邨寄撥米三十萬石。俟軍船埽數回空。自九月霜降日起。至十月二十五日小雪以前。全數起運進京。○十六年奏准。轉運北倉米石。每百石向給剝船雇價。飯米折色銀七兩九分有零。嗣後將應給經紀名下每百石津貼銀二兩五錢。及責令截留運丁每石分給食米一升。給予東豫幫丁二項一併劃出。轉給剝船船戶。俾資運費。仍飭文武員弁多帶兵役。沿途管押。儻有偷漏等弊。嚴拏懲辦。○十九年奏准。北倉截却湖北江西等幫米四十四萬九千九百餘石。米年運通。令豫東二省軍船於正漕完竣後。各添剝船。將前項截却米石。再運一次。所需船價飯米折色津貼等項銀兩。於通

濟庫墊發。在截留幫丁新運錢糧內歸款。其楊邨寄發之浙江江西等幫各船。一經騰空。即行催趨南下。○道光五年奏准。北倉截却杭嚴頭等十八幫計旗丁七百九十八名。每名借給銀二十兩。共需一萬五千九百六十兩。在天津海稅項下暫行動撥給發。咨照漕督。在各省新漕項下。分作兩年扣還。並飭各糧道先行籌項。解天津道庫歸款。

漕糧徵收。○順治九年題准。各省漕糧。向係軍民交兌。軍強民弱。每多勒索。嗣後定為官收官兌。酌定贈貼銀米。隨漕徵收。官為支給。民間交完糧米。即截給印串歸農。軍民兩不相見。一應浮費。概行革除。○雍正二年

諭。地丁漕米徵收之時。劣生劣監。遲延控欠。不即輸納。大干法紀。該督撫立即嚴查。曉諭糧戶。除去儒戶官戶名目。如再有抗頑不肖生監。即行重處。毋得姑徇。儻有瞻顧不力。革此弊者。題參治罪。○四年議准。蘇松二府所收倉糧交兌之外。果有贏餘。該州縣報明存儲公所。以為修理倉廩及賑濟之用。儻有藉贏餘名色。加收斛面。及該道扶同徇隱。查

出從重治罪。○六年

諭江浙徵收漕米。但擇乾潔。不必較論米色。准令赤白兼收。私杭並納。永著為例。○八年題准。州縣徵收糧米。豫將各里各甲花戶額數的名。填定連三版串。一給納戶執照。一發經承銷冊。一存州縣校對。按戶徵收。對冊完納。即行截給歸農。其未經截給者。印官摘戶追比。若遇有糧無票。有票無糧。即係吏胥侵蝕。監禁嚴追。○十年咨准。江南省句容縣。地處山陬。多產私糧。歲額漕糧四萬有奇。向來徵兌。悉係糶私易杭。於民未便。嗣後

即將土產私米完漕輸納。毋庸糶私易杭。○乾隆元年題准。農民完納漕米到倉。州縣驗明米色。隨到隨收。嚴禁蠹書留難等弊。違者來處。○二年題准。州縣漕糧原額田地。向有荒缺。凡遇報墾升科。於漕糧正耗內加入升科兌運。如無荒缺。漕糧足額。遇有升科漕米。皆解司充餉。儻有誤將足漕州縣升科漕米。應行解司之項。造入漕項奏銷者。題明改正。○三年題准。河南省漕糧。向止合邑總額。並無每畝應徵定數。今酌定祥符等州縣。各照現額漕米數目。按實在行

糧熟地。除原不徵漕之更名等地外。無論倉口新升一例均派。數明某則地。每畝徵米若干。徵銀若干。遇閏加增銀米若干。載在全書。遇有升除。按則增減。其改徵黑豆。全書內統以米數開造。○四年

諭湖北每年額徵漕米。運通倉者。名曰北漕。給荊州官兵者。名曰南漕。二項合收分解。永遠遵行。如有分項徵收。零星多取者。該督撫嚴參治罪。儻別省收漕地方。有分收者。該督撫酌量查禁。○五年覆准。各省漕耗等項。久經酌定成規。而不肖有司。竟有立名

需索。苦累民間者。應令督撫力為釐剔。道府密行訪查。州縣有不按定例。需索加派。私行改折。及縱容胥吏舞弊侵蝕。道府即行揭參治罪。儻有徇隱。督撫查出。將道府一併題參究處。○又題准。江南省蘇松糧道所屬漕糧。按照區圖派廠收納。河南江西浙江湖南。不分區圖。隨廠收納。江南江安糧道所屬。及山東湖北。糧多之處。按照區圖。糧少之處。不分區圖收納。毋致糧戶擁擠守候。○又咨准。江南省海州漕米。民折官辦。為數無多。令該州購買白色乾潔好米交兌。

不准紅白兼收。○六年

諭。江南下江地方。秋雨連綿。米色稍減。從前原有赤白兼收之例。該地方官酌量可收。即日收兌。抵通之後。或慮不能久貯。即發為俸餉之用。○七年議准。直省有漕各屬。於隔歲年終。刊刻易知單。將該戶田地若干。應完地丁漕截若干。漕白米若干。其地丁加耗若干。白糧加耗若干。漕截加耗若干。如何均攤勻扣。於單內逐一註明。分給各該戶。照單完納。如有多科情弊。督撫嚴參治罪。○八年題准。各省收兌漕糧斛式。向米底面尺寸相等。因口大邊闊。易於浮溢。應改鑄小口鐵斛。頒發倉場。並有漕各省。一例遵用。其從前原碩大口鐵斛繳銷。○又題准。徵收漕糧。令督撫嚴飭州縣。於開倉時。親詣稽查。若因公他出。暫委佐貳官監收。其州縣在倉看守之親戚人等。以及經手吏役。如有包攬浮收。交通舞弊者。即行揭報。嚴參究處。監收佐貳官。扶同隱匿。一併究參。○十年

諭。聞江南下江漕糧緊兌之時。印官不能處處親驗。吏胥等遂多方刁難。小民不能等候。情願議扣。自九五

折至九折不等。向來徵收漕糧。弊實甚多。江蘇之漕。甲於諸省。尤為積弊之藪。著有漕地方大小官員。嚴行釐剔。如有仍蹈故轍者。經朕聞知。或被御史參劾。必重加處分。○十三年題准。豫省粟米。向例黃白兼收。其額徵之麥。無論黃白淺深。籽粒大小。均許兼收。○二十四年

諭。上年江蘇浙江。偶有偏災州縣。曾經降旨。俱令紅白兼收。但該二省。比年以來。屢獲豐收。聞有收成稍歉之處。不過一隅偏災。該督撫等。遂照例陳請一律兼收。並納倉儲。關係重大。逾格邀恩。視同常事。將來勢必無所底止。嗣後漕糧米色。務須一律乾圓潔淨。不得濫行陳請。援例收兌。以致久貯折耗。方為慎重倉儲之道。○又奏准。收兌漕糧。例應乾圓潔淨。如實在水旱歉收。米色不能圓潔者。照例豫行題明。辦理。不得濫行收兌。○五十二年議准。各省漕糧。督飭各州縣。徵收乾圓潔淨之米。交兌運通。儻遇雨水。失調之年。亦必曬晾乾潔。取具監兌各官印加各結送部。至兌運上船以後。司漕各官。責令旗丁查看。隨時風晾。以免潮溼。○嘉慶十八年奏准。州縣徵收漕糧。務須慎選好米。按額

收足。儻有私收折色者。一經查出。或控告得實。即行照例嚴參。如刁生劣監收攬包交。甚或開漕滋事。及領運弁丁索取兌費。並違例折乾等事。由各上司及專管糧道。嚴查重究。○又定。各省州縣收納漕糧。糧戶到倉。隨時驗明米色。即令自行交納。儻有淋尖踢斛。或割去斛裏改換斛面。或額外收取樣米。或斛面餘下之米。作為席墊。不准業戶取回。或借米色為辭。私自增加。或蠹役刁蹬留難。包攬代完。侵蝕飛派等弊。州縣隨時查拏。嚴行懲辦。如有徇隱。糧道嚴參究

治。糧道徇隱。督撫查參。督撫徇隱。一併議處。儻該管上司收受陋規。照枉法贓科罪。○道光四年

諭。各省漕務。積弊相沿。土豪蠹役。壟斷把持。遂有以完作欠之弊。又收漕時。委員以查漕為名。實為調劑。候補人員起見。不過勒索陋規。均不可不嚴行飭禁。著各省督撫。嚴飭所屬州縣。每季徵收完解時。將實欠花戶姓名。送該管道府用印。仍發回本地張貼。如有以完作欠者。許該花戶指控究辦。其各省查漕委員。概行停止。○又奏准。州縣徵收漕米。截數之後。將欠

戶姓名。徧貼曉諭。如有包戶蠹役。以完作欠。許該花戶指控嚴究。其收漕在鄉倉者。先行示期。計日按鄉分收。在城倉者。將開倉日期。及早日示諭。收米時。每日將遠鄉窮民零星米石。先行量收。次及近倉各戶。不得刁難勒捐。致花戶守候。其有包攬匪徒。恃強把持者。仍隨時嚴拏究辦。○又奏准。浙江省禾苗。因風受傷。米粒未能飽綻。所有向徵稞米之海甯等州。准其紅白兼收。私種並納。仍飭各州縣。加意揀選。不得藉詞濫收。○二十六年

諭。近年漕糧運京。多有短少。本年尤甚。較之全漕。短至一百萬石。蘇松江安兩糧道。起運尤屬不敷。現屆開徵兌漕之時。著通諭有漕省。分各督撫。自今年為始。漕糧一經徵齊。即將該省額徵若干。本年起運若干。緩缺若干。逐一比較。上三屆數目。據實奏明。迅即造具清冊報部。俾得豫先覈計。不得沿向來舊習。於開兌以後。始行咨報。儻比較有減無增。即由該省設法。立將短數補足起運。方不致有誤支放。並著漕運總督一體遵照。悉心籌畫。實力稽查。總期前除積習。按額收倉。庶漕政可肅。而積貯常充矣。○光緒十一年

奏准江西省漕糧完納過遲積欠日甚嗣後應改為年內按限加徵以期完解迅速自開徵之日起初限一月內不加第二月為二限每石加錢三百文過此均為三限每石加錢五百文所加錢文解道府存儲充修理隄工之用

欽定大清會典事例卷二百

戶部

漕運 白糧徵收 漕糧詞緩

白糧徵收○順治初年定白糧米色責令糧道監兌等官公同親驗如有米色不純等弊指參治罪各該州縣交兌時即將白糧樣米封儲運通以憑查驗○十二年題准州縣官交兌白糧照漕糧之例冬兌冬開該督撫於開幫之日註明交兌月日列疏題報如有遲誤按例議處○
乾隆二年

諭聞得江浙兩省民間輸納白糧較漕糧費用繁重甚屬艱難朕心深為軫念諭令該部詳考據奏兩省歲運白糧二十二萬餘石太常寺光祿寺各賓館需用二千餘石王公官員俸米約需十五六萬石內務府禁城兵丁及內監食用等項需萬石尚餘五萬石存倉等語朕思光祿寺等處所支原以供祭祀及賓館之用在所必需其王公官員俸米應用白糧者可酌量減半以杭米抵給至賞給禁城兵丁及內監食米亦可將白糧裁減給以杭米如此則每年所需白糧不過十萬石仍照常徵收起運其餘十二萬石著漕

運總督會同該督撫酌行改徵漕糧。其經費銀米均照漕例徵收。以紓民力。○又題准江浙二省運京白糯米每歲應需九千石。均攤科算。浙江原辦運白糯米正米五千二百四石。照例採買辦運。江蘇常州府原辦運白糯米九百八十八石。九斗六升二合。今派九百七十七石。蘇州府白糯米原辦運四千二百六十八石。二斗八升四合零。今派二千八百十九石。以足九千石之數。餘均改徵漕糧。至松江府太倉州屬偏處海濱。採買艱難。將白糯米全改漕糧。○五年題准江南省崑山新陽二縣荒瘠田蕩。應徵白糧六百二十一石。有奇。於各縣南米內通融辦運。○七年題准浙江省杭嘉二府有應徵白糯米。浙地素不產糯。應隨漕統徵秈米。官為易糯。春辦兌運。○四十年奏准江蘇省編徵白糧。歲有定額。凡遇災年。例不蠲緩。今蘇松常太四府州屬收成歉薄。將額辦白糧於熟田應徵漕米內通融辦運。俟來年補徵。仍作漕糧起解。○又奏准江浙二省運京糯米。數計歲需尚有多餘。自乾隆四十一年起。該二省應運糯米酌減一千石。○道光三年

奏准江蘇省被災應徵白糧。次年帶徵搭運。因米數較多。船有定額。勢難一運。並裝將緩徵白糧米共四萬六千二百五十四石。勻分兩年搭運。各就各屬水次。按船灘帶分裝。此內有分三限催徵者。其未限應徵之米。先於徵收初二限緩漕款內撥解足額。屆期徵還。即作為緩漕起運。仍將應運應徵米數。分別造報。應給各款銀米。即照加裝米石。按數數給。○同治五年奏准浙江省嘉湖二府應徵白糧。被兵之後。新墾田地土性堅瘠。米質柔嫩。春白難於合式。按照成熟分數徵運。以紓民力。漕糧蠲緩。○順治初年定漕糧原有定額。凡荒地無徵者。該督撫勘實具題。准予豁免。仍責令各州縣招墾。毋致久荒。○又定災傷地方應徵漕糧。及改折漕價。當年不能完納者。酌量被災輕重。或全行緩徵。或緩一半。或分作兩年三年帶徵。○又定凡田地沿江沿海。坍沒水中。無從徵漕者。保題豁免。○康熙七年題准凡漕糧已經寬期帶徵。遇帶徵之年。復被災傷。其上年帶徵之糧。分年壓徵帶補。○九年題准漕糧寬期

帶徵漕項銀原無帶徵之例如有被災過重州縣該督撫題請寬緩者分年帶徵○十年題准荒缺田地題豁漕糧隨漕銀米一例蠲免○二十一年題准築隄占用民田應徵漕糧概予豁免○三十年

諭京通各倉累年積貯之糧恰足供用應將起運漕糧逐省蠲免以紓民力除河南明歲漕糧已頒諭免徵外湖廣江西浙江蘇安徽山東應輸漕糧著自康熙三十一年為始以次各蠲免一年○雍正八年

諭前因河南亦有被水州縣特降諭旨令該督按照歉收分數蠲免漕糧今據該督奏稱豫省州縣收成雖有不等實未成災且士民踴躍輸將今歲漕糧現在完交兌運等語士民等急公奉上甚屬可嘉但被水州縣雖未成災而收成分數既有不等著該督仍將歉收分數照例蠲免即將已兌漕糧准作雍正九年正供以示朕加惠豫民至意○十年題准凡水淹田畝例於每年冬底確勘一次涸則起徵淹則停免嗣後淹田漕米先於糧冊刪除照歷徵之例俟冬勘後涸則次年帶徵淹則題請豁免○十三年

諭雍正十二年以前民欠未完漕項銀全行豁免嗣後遇有恩詔均入於豁免內永著為令○乾隆二年題准漕糧係屬正供難容缺額即漕項銀亦辦漕之需其間遇有蠲免出自

特恩原非定例僅有被災地方令有漕督撫確勘實具題請在情形或應分年帶徵或按分數蠲免均臨時具題請旨進行○六年咨准各省凡遇災傷多將漕項彙入地下並請蠲緩以致牽混嗣後無論咨題案件有關漕項者專案造報○三十一年

諭朕統御萬方孜孜求治惟以愛育黎元為念自御極以來蠲賜所逮不下千億萬惟歲運漕米向以供給俸餉廩糈之用非水旱特蠲例不普免夫八政以食為先閭閻蓋藏尤資饒裕且連歲年穀順成庶物豐殖京通倉儲儘有餘粟所有湖廣江西浙江蘇安徽河南山東應輸漕米於乾隆三十一年為始按年分省通行蠲免一次○又

諭前經降旨將各省漕糧分年普免一次但聞漕糧款內尚有例徵折色及民戶輸銀官為辦漕者雖徵收銀米不同其為按田起漕之例則一若令其照漕項

一例輸將不得與交納本色民戶並邀曠典未免向隅者再諭辦漕各省州縣內有徵收折色者一體概予蠲免○四十三年

諭各省漕糧於乾隆三十一年普免一次茲蒙

吳蒼眷佑累洽重熙朕體

天心愛養億兆用是再沛恩膏著於庚子年為始復行普免天下漕糧一次俾咸富於民共享盈寧之福其如何分年輪免之處著戶部議奏欽此遵

旨議定乾隆四十五年免河南省並江蘇之江甯蘇州

揚州徐州淮安五府屬四十六年免山東省並

江蘇之松江常州鎮江太倉海州通州六府州

屬四十七年免浙江省之杭州湖州二府屬四

十八年免浙江省之嘉興府屬四十九年免安

徽省五十年免湖南省並江西省之南昌饒州

南康廣信四府屬五十一年免湖北省並江西

省之瑞州臨江吉安撫州建昌贛州六府屬其

各省隨漕等項銀米仍舊徵收以供停運丁船

減半月糧之用至各省情形不同一切條規均

令按照三十一年辦理○五十九年

諭朕臨馭天下五十九年仰蒙

吳蒼眷佑

列聖貽庥薄海昇平梯航向化重熙累洽惟日孜孜無時不以敬

天勤民為念行慶施惠錫祐延禧普免漕糧二次地丁錢糧四次而偶遇水旱偏裊隨時蠲租賜復賑貸兼施所以涵養生息子惠黎元至周且渥茲紹膺統緒明歲正屆六十年粵稽史冊前代帝王享國長久者未可多得朕春秋二十有五誕膺大寶迄今八旬開四五代同堂享國之年幸周甲子實為古今罕觀之盛事皆蒙

吳貺駢蕃克膺備福感荷之餘彌深兢業理宜覃敷恩

澤加惠閭閻俾海宇子民共臻樂利所有六十年各省應徵漕糧著再加恩普免一次○嘉慶二年

諭前因楚省軍務倥傯賊匪滋擾所有上年應徵漕糧

業經降旨加恩緩至本年開徵第念本年現有應徵

額漕若將此項緩漕一併完納民力恐未免拮据所

有湖北各州縣應徵上年漕糧著再加恩照向年緩

漕成例分年帶徵其隨漕一切應徵銀米亦著查照

向例一體帶徵漕運○又

諭湖北省本年應徵漕米南米並帶徵上年漕米及本

年隨漕水脚等項銀糧一併緩俟大功告成再行酌量分年帶徵以紓民力○四年

諭現屆長至

園丘大祀

高宗純皇帝

升配禮成後自應仰推

皇考恩慈用敷惠閭因思乾隆六十年以前各省積欠緩徵地丁耗羨及民欠籽種口糧漕糧銀兩並積欠緩徵民借米穀草束等項現在應徵者尚復不少著該部通行各省詳細查明將以上各款自乾隆六十

年以前普行豁免○道光三年奉

旨山東頻年災歉民力拮据著加恩將該省嘉慶二十三年至道光二年未完緩徵民欠錢漕等項均停緩二年以示朕格外施仁至意○二十六年奉准漕糧關繫兵糈民食非災傷過重不准率請蠲緩嗣後如有因災過重奏請蠲緩漕糧者該督撫查照舊例確覈情形於地丁摺外另行具摺不得與地丁籠統奏報並將州縣區圖村莊名目分晰開單候旨遵辦如缺額較多仍令該督撫設法補足起運○

同治二年

諭前因浙江省金嚴甯紹台等府地方均為賊踞百姓慘遭荼毒曾經降旨將浙東新復各府州縣均蠲免二年錢漕以蘇民困嗣因衢州一城雖未失陷而西安縣各鄉亦俱被匪焚掠復降旨將該縣錢漕照新復州縣一體蠲免茲據左宗棠奏稱同治元年分錢糧業於咸豐十一年冬開奉旨豁免所有前奉恩旨請飭遵行等語浙江被陷地方同治元年分錢漕既已有旨豁免即著將同治二年分應徵錢漕一體豁免並著於原降諭旨二年上添註同治二字以示區別而免牽混該撫其迅即頒發騰黃徧行曉諭○又

諭蘇松太三屬地方為東南財賦之區繁庶甲於天下而賦額亦為天下最重比諸他省有多至一二十倍者良由沿襲前代官田租額且自宋明兩代籍沒諸田皆據租籍收糧所致嘉靖中又令各州縣盡括境內官田民田分攤定額蘇松等屬田賦至比官田通額亦皆大有增加我朝順治年間即經明奉

聖諭以故明仇怨地方加糧甚重我朝何可踵行飭由地方詳查具奏嗣於雍正乾隆年間疊奉

恩旨以蘇松浮糧施恩議減將蘇州府額徵銀蠲免銀

三十萬兩。松江府十五萬兩。又江省糧額浮多之處。加恩免徵銀二十萬兩。仰見我

祖宗軫念民艱。至深且厚。國家承平百餘年。來海內殷富。江蘇自乾隆年間。辦理全漕者數十年。固由民力之充。亦屬民心之厚。暨道光年間。兩次大水以後。各州縣每歲荒歉。加恩蠲減。遂成年例。嗣是每年徵收之數。內除官墊民欠。率得正額之七八成。或四五六成不等。民力殆已難堪。及至粵逆竄陷該省。焚燒殺掠。民盡倒懸。幸自上年官軍克復松江。本年克復太倉。現方飭令統兵大臣等。進取蘇州。救吾民於水火。而各地方。經賊荼毒。彫瘵至極。若不將各該府州屬數百年來。浮糧積弊。仰體

列聖深仁厚澤。大為覈減。無論民力斷有不堪。即使勉强減成輸納。何以慰如傷之隱。而施浩蕩之仁。且令官紳胥吏。徒營中飽。尤為弊之甚者。亟宜因此時會。痛加掃除。所有蘇州松江太倉三府州屬糧額。著兩江總督江蘇巡撫。督飭司道設局。分別查明各州縣情形。折衷議減。總期與舊額本輕毋庸議減之常州鎮江二府。通融覈計。著為定額。先自松太創行。即以此後開徵之年為始。永遠遵行。不准再有墊完民欠。

名目。蘇州所屬。俟肅清後。一體辦理。嗣後非大水旱成災。實在荒歉者。並不准捏災請緩請蠲。至蘇松漕弊。尤莫如大小戶等名目。紳戶把持。州縣浮收。種種弊竇。皆出其中。著即永遠禁革。所有一切辦理章程。及應行裁革之浮收陋規。包戶等積弊。均著該督撫悉心妥籌。詳細具奏。○三年

浙東各屬錢糧。以紹興徵數為最多。而浮收之弊。亦最甚。經左宗棠查明覈減。除正耗仍照常徵解外。共減去錢二十二萬有奇。米三百六十餘石。民困諒可稍蘇。即著照所議辦理。嗣後並著為定章。永遠遵行。

○四年

諭戶部奏遵議江蘇減免漕糧章程數目一摺。江蘇蘇松常鎮太五屬編徵米二百二萬餘石。原係彙同漕贈行月南恤局糧等款。一串徵收。自應如李鴻章等所奏。無分起運留支。一體並減。至以科則之重輕。地土之饒瘠。為減成之多寡。辦理亦尚妥協。加恩著照所請。所有蘇州府屬額編米豆八十七萬七千五百六十四石零。著減三十二萬六千六百三十二石零。松江府屬額編米四十二萬七千四百六十一石零。著減十一萬六千五百四十四石零。太倉州屬額編

米豆十五萬三千四百三十二石零著減四萬二千八百七十七石零常州府屬額編米三十五萬五千九百八十石零著減三萬五千五百九十八石零鎮江府屬額編米二十一萬四千七百三十五石零著減二萬一千四百七十三石零統計原額編徵米豆二百二萬九千一百七十四石零共減米豆五十四萬三千一百二十六石零仍應徵米豆一百四十八萬六千四十八石零著自本年為始照減定數目徵收其各屬派減米豆數內尚有留為沿海瘠區加減之數並著照章分別覈派應減科則另行造報經此次派減後該督撫等務當督飭所屬認真徵解不准再有官墊民欠名目非實在旱潦為災不准請蠲請緩如有捏報災歉蒙混呈報者即著嚴參懲辦其把持浮收等弊並著永遠革除以裕民生而重賦課○

又

諭曾國藩等奏請將蘇松等屬地漕錢糧一體的減當經諭令戶部妥議具奏茲據奏稱漕項一款額徵正銀六十餘萬兩實為辦運要需應屆海運成案除動支漕贈等銀外尚須另提津貼若將漕項隨同正漕覈減必致運費不敷多提津貼湊用是減一分漕項

即增一分津貼於民生仍無裨益至地丁一款額徵正銀一百四十餘萬兩該省每歲支銷各項及一切水旱賑恤等款咸取給於此今若減去二成僅歲存一百十餘萬兩以蘇藩之財供蘇省之用猶虞不給而部庫提項鄰封協濟又難保其必無轉輸無術必致另設名目重困閭閻與其迫民間以額外之追呼何如還民間以分內之輸納等語所奏係屬實在情形蘇松田賦最重我朝酌中定則並兩次豁除浮糧六十五萬兩上年蘇省底定復永減漕額數十萬石所以軫恤黎元者無微不至今曾國藩等所請地丁

漕項併減二成之處如果損上益下有裨民生亦何忍屯此膏澤第國家制用有常總當通籌全局量入為出方可行諸遠久况恤民之政不在減定額而在截浮收上年左宗棠奏杭紹嘉湖四屬地漕銀一百八十二萬餘兩覈減浮收銀五十七萬餘兩之多可見該地方官平日違例取盈重為民困曾國藩李鴻章等惟當於蘇省地漕等款仿照浙省辦法斟酌情形敦實刪減浮收庶民力可望日舒而正供不致虧缺其如何酌量刪減之處即著該督撫等迅速籌辦妥議具奏再聞蘇省徵收銀米向有大小戶名目輕

重不均最為漕糧積弊。推原其故。總緣州縣官違例浮收。地方紳衿得以挾持短長。包完短交。流弊百出。而馴良之戶。則官吏任意抑勒。以為挹彼注茲之計。事之不均。莫此為甚。並著該督撫等督飭州縣各官。潔己奉公。不准絲毫妄取。儻仍有大戶包攬短交等弊。著該地方官執法嚴辦。毋稍姑容。○又

諭馬新貽奏數減漕南浮收。禁革陋規。以肅漕政一摺。浙省正漕。前經降旨分成數減。並准部議以漕項籌抵運費。皆所以軫恤民艱。茲據馬新貽奏稱。請將額外浮收。痛加裁汰。覈實酌留。耗餘辦公。以蘇民困。計

杭州府屬。共可減浮收米六萬四千六百餘石。嘉興府屬。共可減浮收米二十八萬五千三百餘石。湖州府屬。共可減浮收米十三萬六千八百餘石。杭嘉湖三府南米。共可減浮收折色錢二十四萬七千餘串。從前一切陋規。概行裁汰。各等語。即著照所請。將留裁各款。印造冊存案。並著該撫等明白曉示。勒石永禁。漕糧概完本色。其有情願完折者。按照市價收納。悉聽民便。至杭屬之新城。於潛。昌化等縣。漕糧向收折色。官為辨運。仍著照舊辦理。按照市價徵收。儻有不肖州縣。仍敢蹈從前勒折浮收陋習。即著該督撫

嚴參治罪。至所稱浙省大戶完漕。並不加耗。甚至把持包攬等弊。經此次改定新章之後。紳民一律徵收。不准有大小戶名目。再分軒輊。儻有紳士等恃勢把持。仍前包攬短交。著一併從嚴參辦。○又

諭劉卹膏奏蘇松等處減賦數目。間有參差。據實更正。檢舉一摺。據稱江蘇蘇松太等處。共應遞減米四十七萬七百餘石。惟松屬低薄。加科田蕩。有一畝四五分。或二三畝。始准熟田一畝者。前奏照原田頃畝作為中則派減。數與賦役全書不符。且與前奏蘇松太章程二條所開前項田蕩。仍照折實熟田科則一體

數減之處。亦未脗合。現已一律更正。該署藩司於前開總數內。未經查明實屬疏忽。請與該護撫一併交部察議等語。著交部察議。所有咨送部科減賦清冊。著郭柏蔭均著交部察議。所有咨送部科減賦清冊。著該部查覈辦理。○又奏准浙江省杭嘉湖三屬漕糧酌量數減。按原額三十分中。減去八分。除南糧並白糧春耗兩款。毋庸議減外。杭州府屬九州縣。額徵米十七萬八千一百十九石零。減米二萬五千七百三十五石零。嘉興府屬七縣。額徵米五十八萬七千四百七十五石零。減米十四

萬五千四百十六石零。湖州府屬除孝豐一縣向不科米。應免覈減外。其餘六縣額徵米三十萬八千四百石零。減米九萬五千六百十三石零。統計杭嘉湖三屬。共減米二十六萬六千七百六十五石零。○五年

諭前據李鴻章等奏。查明蘇松等屬裁撤浮收實數。禁止大小戶名目。當經降旨令該督等勒石遵行。茲復據李鴻章等將減定徵漕餘耗折價各數。查明具奏。開單呈覽。計蘇州府屬一廳九縣。減定賦額。應徵米五十五萬九百餘石。共減去浮收米十九萬二千八百餘石。減去浮收錢七十五萬三千五百餘串。松江府屬一廳七縣。減定賦額。應徵米三十一萬九百餘石。共減去浮收米十萬八千八百餘石。減去浮收錢五十萬五千七百餘串。常州府屬八縣。減定賦額。應徵米三十二萬三千三百餘石。共減去浮收米七萬三千石零。減去浮收錢二十一萬五千二百餘串。太倉州並所屬三縣。減定賦額。應徵米十一萬五百餘石。太倉鎮洋二州縣。共減去折價浮收錢九萬四千串零。嘉定寶山二縣。共減去折價浮收錢十萬七千六百餘串。以上蘇松常太四府州屬。共減去浮收米三十

七萬四千六百餘石。減去浮收錢一百六十七萬六千二百餘串。又蘇松常鎮太四府一州所屬各廳縣共額徵銀二百十五萬兩零。折收錢文。除鎮江府屬未定外。蘇松常太四府州屬。共減去浮收錢四十餘萬串。該署督等即將減去浮收實數。欽遵勒石。永遠奉行。至鎮江府屬四縣。減定賦額。應徵米十九萬三千二百餘石。共減去浮收數目若干。著該署督等於啟徵時。另行酌覈。奏明辦理。○十二年議准。江蘇省丹徒縣沙潮田地六萬五千五百三十三畝零。昔腴今瘠。一律照該屬蘆岸地科則徵收。數計實減米四千四百六十餘石。仍令該省查照向來漕南奏銷各案辦理。務使漕南分算。仍與三分減一。十分減一之數。各相符合。○光緒三年

諭江甯府屬上元江甯句容六合江浦五縣。應徵漕糧等。均著減免十分之三。以紓民力。○又議准。江蘇省高淳縣各鄉田地攤帶虛糧。一律豁除。照原則六升六合起科。以蘇民困。○六年諭江蘇溧水縣地方。開墾荒田無多。瘡痍未復。若將坍沈賦課。仍令照常攤賠。民力未免拮据。所有溧

水縣攤入實存田地賠完虛糧七百三十一頃零
即行豁免以紓民力。○又議准江蘇省嘉定寶山
二縣因漕折併入每畝最上科則須徵銀一錢
四分嗣後該二縣漕折銀數仍歸本色數入現
徵米內併算科則如在五升以上仿照常鎮二
屬成案數減十分之一。○七年議准江蘇省金
壇縣科則較重於前次普減一成外將該縣五
升三合零及四升四合零各則照額各減十分
之一分四釐以蘇民困。

欽定大清會典事例卷二百一

戶部

漕運 漕糧改折

漕糧改折○順治初年定起運漕糧例不改折
間有被災地方准其暫時折解○八年題准漕
糧改折後百姓有先期完納本色者准抵下年
漕米仍於下年應徵本色內照數扣徵折色○
又題准漕折銀即應起解如該地方官有意延
緩者按分數參處○又題准江浙兩省被災除
一二三分者不必議折外應以四五六七分為
輕災每石折本色六斗折色四斗八九十分為
重災每石折本色五斗折色三斗其折色漕米
每石折銀一兩四錢○九年題准各省因旱災
改折其江南江西浙江每石折銀一兩五錢山
東河南每石折銀一兩二錢○十年題准本地
被災改折糧額不必復於鄰邑撥補起運○十
七年題准漕糧內向有給軍辦運灰石之米因
停辦灰石米仍運通嗣後改折銀兩即徵解戶
部聽工部按年支取備辦灰石以應工程之用
○十八年題准漕糧改折止許照價徵收如仍

藉兌漕為名濫行科索者即行叅處○又題准
 漕運遇有改折其隨漕輕齋席木贈截等銀照
 數徵解○又題准起運漕糧正米一石例有耗
 米並給軍行月贈耗等米如遇改折一例按照
 時價折徵○康熙八年題准河南省漕糧遵賦
 役全書每石折銀八錢○九年題准浙江省嘉
 湖二府被災每米一石折徵銀一兩○十年題
 准江蘇省蘇松常等府被水糧米每石折徵銀
 一兩麥每石折銀四錢○十一年題准江蘇省
 沭陽海州地瘠民貧漕糧每石折徵銀八錢○
 十六年題准河南省粟米價賤每石於八錢內
 節省銀一錢五分解部餘銀六錢五分解運○
 五十八年議准河北附近水次等府州縣粟米
 每石令民間上納節省銀一錢五分其餘六錢
 五分即徵本色起運至不近水次之州縣仍照
 舊例八錢折徵○雍正元年
 諭浙省杭嘉湖所屬被災十四州縣額徵漕米三十二
 萬石朕恐荒歉之歲民間納米為難著令徵收一半
 改折一半其改折之價著照康熙九年例每米一石
 折銀一兩又念被災之後所交米色未能純一其十

六萬漕米著令赤白兼收○六年題准河南省去水
 次稍遠之府州縣均徵收本色惟南陽汝甯二
 府屬縣河南府屬盧氏嵩水甯三縣及光汝二
 州並屬縣又離水次最遠之靈寶閿鄉二縣額
 徵漕糧路遠難運共酌減米萬五千六十二石
 有奇均免辦解分撥內黃濬滑儀封考城等五
 縣協辦於五縣地丁銀內扣除完漕照部價每
 石八錢以銀六錢五分解運節省一錢五分徵
 解糧道補項其南汝等府屬每石折徵銀八錢
 解司以抵濬滑等五縣地丁銀數○七年題准
 江蘇省通州漕糧兌給狼山營兵米將附近水
 次州縣南米改抵通州漕糧○九年
 諭浙江杭嘉湖三府今歲小有蟲災米粒稍碎不能完
 漕應令減價折收以示體恤著照雍正元年四年之
 例每石以一兩折徵解部○十一年題准山東河南
 兩省額徵粟米內改徵黑豆十二萬石運供在
 京官兵並支應理藩院賓館等處牧馬之用一
 應起卸均照漕例遵行○乾隆二年
 諭江南淮揚一帶於今冬大濬運河自運口以至瓜洲
 計程三百餘里分隸淮安府之山陽揚州府之江都

甘泉高郵寶應五州縣管轄將來築壩開工之後舟楫難通民間輸納漕米需用車驢陸運未免竭蹶又淮安府之鹽城阜甯二縣與山陽接壤向於淮城內外交倉兌運則納漕與山陽等五州縣無異朕心深切軫念江南所屬漕糧雍正八年十一年有改徵折色每石納銀一兩之例著將今歲山陽等七州縣應納漕糧照此例改徵折色○又題准江蘇省昭文縣薛家沙地劃歸通州管轄應徵漕米三百八十石有奇照通州漕糧之例均留充狼山營兵餉其應運之米在於昭文縣南米內改抵補額○又題准河南省臨漳縣減徵黑豆統作米數折徵解部應需黑豆仍於應徵本色漕米內徵運○又題准江南省蘇常鎮揚太倉通六府州屬額徵之麥向給運軍行月二糧遇有餘贖易銀解部但各屬產麥稀少買交不便嗣後隨漕徵米給軍餘贖每石易銀九錢造報○又覆准豫省漕糧米豆向因各府州縣以水次遙遠運兌維艱酌給腳價今各州縣運至水次交兌但祥符等三十一州縣原給腳價多寡參差不敷所用嗣後每石每里給銀八毫一絲六忽於隨漕耗

米及原定腳價銀內動支若仍不敷於節省銀內增補餘贖節省銀解部其永城等十九州縣離水次更遠將額徵米豆折銀令州縣選役赴水次採買兌運○又題准江蘇省嘉定寶山二縣額徵漕米例係長折今起運白糧已改徵漕米四千九百二十六石其長折漕米亦照數改徵本色起運○又題准山東河南兩省改徵黑豆不敷支給於河南粟米內再改徵二萬石山東粟米內再改徵四萬石○三年題准江西省贛州府屬甯都縣原額起運漕米因距省稍遠兌運維艱先經題定留抵兵米將奉新等縣兵米解省抵作漕米今甯都縣新升漕糧正副米二石四斗七升二合照例徵解贛縣抵作贛縣應徵之兵米即於贛縣額徵兵米內如數扣米解省抵作甯都縣升增漕糧仍於奏銷各冊分折造報○四年

諭聞海州及贛榆縣素不產米漕糧皆採辦於鄰郡今年二州縣被水稍廣民力未免艱難其成災地畝應徵漕糧聽該督撫查勘題請蠲緩外至勘不成災之處民力亦覺艱難若將本年應納並上年緩徵漕糧

均准其折色。每米一石折銀一兩。按數交官起解。免其購運。以紓民力。○又

諭

聞贛榆縣地瘠民貧。又值連年被災。若將未被水之田。應徵漕糧。照本地交納粟米例。一併改徵折色。俾多留米穀於瘠邑。庶民食不致匱乏。○又題准河南省改徵黑豆。係於各州縣應徵粟米內派徵永城等十九州縣折徵粟米。購買維艱。採辦之米。於祥符等州縣徵解。以祥符等州縣應收之豆。於永城等州縣採買。○七年題准江西省瀘溪縣折徵漕糧。向定折價八錢。不敷採買。嗣後於每年八月。造司庫存公銀。發該縣及時採買。按照買價徵銀還項。○又題准江蘇省海贛榆二州縣應徵漕米。嗣後照江西瀘溪縣之例辦理。○又題准湖北省通山當陽二縣僻處山陬。不通舟楫。漕糧難於兌運。嗣後改徵折色。官為採辦。每石連腳耗定價一兩二錢五分。○八年題准江南省嘉定寶山二縣應輸漕白二糧。向係折徵。官為採辦。每年十月定價派徵。至十二月採買。時價長落不一。難免贏縮參差。改照江西瀘溪縣例。每年豫動庫項購買。覈明買價。出示

徵收。○又題准山東省附近青州州縣粟米。徵運青州支放兵糧。其改徵黑豆州縣。仍徵粟米。兌運。將扣存兵米價銀。採買黑豆運通。所需運費。不敷腳價。以及隨漕幫貼等費。統於米折銀內動給。○九年題准河南省粟米內。再改徵黑豆二萬九千三百五十六石六斗六升有奇。○又題准河南省改徵黑豆。頻年加增。其永城等州縣購辦之豆。不必於祥符等州縣改徵粟米。即照數徵豆起運。○十一年題准河南祥符等四十州縣額徵粟米內。每年改徵小麥萬石。同漕米黑豆一同徵收。運通交納。由倉場侍郎轉運內務府收用。其運赴水次。應需腳價。令該撫照舊每石徵收節省銀一錢五分。以資運費。自乾隆十二年為始。照數改徵起運。○十四年題准江南省沭陽縣完漕粟米。買自東省陸運。維艱。嗣後准其採買糙米兌運。○又題准江南省甯國旌德太平英山四縣漕糧。向係民折官辦。每年豫估派徵。官為措銀墊辦。於官民均有未便。嗣後照海贛二州縣之例。先動司庫銀及時採買。兌運。將用過銀數。按米計算。照數徵收。歸

款○十六年

諭京師官兵牧養馬駝需用黑豆甚多。豫東二省向為出產黑豆之地。自雍正十年以來。已於二省漕糧粟米內節次改徵。每年合計額解黑豆二十萬九千餘石。以供支放八旗馬駝之用。該省小民至今稱便。但現在豫東二省額徵運通粟米。尚有三十七萬餘石。計支放官兵俸餉外。每歲多有餘積。似可再為酌量改徵。以裨實用。著該撫等於額徵粟米內。各按地方情形。視其出產之多寡。分別實數。每歲再改徵黑豆一二萬石。同從前改徵黑豆一例兌運。在豫省多留此數萬石之粟米。既可以資民間口食。而京師黑豆價值。亦可不致昂貴。僅加徵黑豆。於閭閻完納漕糧實有未便之處。亦即據實陳奏。不必勉強從事。欽此。

遵

旨議定。東省臨河內外有漕州縣。向皆出產黑豆。前經改徵黑豆。完漕之時。以豆抵米。糧戶樂輸。應將泰安萊蕪肥城東平東阿甯陽金鄉濟甯汶上陽穀濟澤濮鄆城單范觀城朝城聊城博平在平章等二十一州縣。就其產豆多寡。區別定數。曉諭完糧五升以上之花戶。令其米豆兼收。共

改徵黑豆三萬石。同應徵粟米一例依限徵完。交兌運通。至豫省地方。粟豆兼產。豆多粟少之區。粟價常昂於豆價。今自本年為始。於應輸粟米內改徵黑豆二萬石。將額徵粟米照數除抵。至漕糧每石向有節省銀一錢五分。徵為運赴

水次腳價之用。亦仍照前徵收。以資運費。○十七年題准。湖北省通山當陽二縣折徵漕糧。向係連腳耗徵銀一兩二錢五分。近因米價日昂。歲加賠累。應照江西瀘溪之例。借動道庫隨漕銀兩採買。照價徵還歸款。○二十年議准。江蘇

省被災州縣。粳米每石折銀一兩。粟米每石折銀七錢五分。各州縣衛本折細數。造冊送部。○二十三年

諭豫省乾隆二十二年。緩徵漕項。米麥豆石均予折徵。以示體恤。○二十四年

諭浙江杭屬之仁和錢塘湖屬之烏程歸安長興德清武康等處。應徵乾隆二十年及二十三年。緩漕正耗米七萬一千餘石。准其改徵折色。○二十六年議准。江蘇省清河桃源宿遷沭陽四縣地不產米。嗣後照民折官辦之例。先動司庫銀兩。按照時價

採辦令民輸銀還款。○又議准浙江省於潛昌化富陽新城四縣地居偏僻辦漕零星小戶准其照十月時價按數徵銀官為辦兌並於易知單內開明時價不得絲毫浮冒。○三十四年奏准京倉存豆無多將豫東二省應運粟米改徵黑豆十二萬餘石。○三十六年議准江蘇省阜甯縣產米無多應令民折官辦其採買腳價悉照清河等縣成案辦理。○三十七年奏准京倉豆石足敷支放粟米一項覈計不敷自乾隆三十八年為始將舊徵豆十二萬餘石照例徵收其續徵豆十二萬餘石仍徵粟米起運將來倉儲豆少再為酌改。○又議准江蘇省海州贛榆清河桃源宿遷沭陽阜甯七州縣民折官辦漕糧嗣後無論時價低昂總以每石二兩作為定價一律徵收於秋成時令各州縣赴司領銀按照時價採買覈實報銷如有贏餘解存司庫留為下屆採辦價昂添補之用。○四十一年議准湖北省江夏嘉魚漢陽黃陂孝感雲夢應城七縣每年餘騰耗米一千七百八十九石零係易穀附入常平以之撥抵通山當陽二縣漕糧實

為妥便所有該二縣應徵折色酌定每石徵銀一兩四錢五分永遠遵辦銀兩解存司庫遇常平倉需用酌量市價買補。○五十一年議准江蘇省海州贛榆等七州縣照二兩一石之數民折官辦時多掣肘嗣後照嘉定寶山二縣之例每年十月內按照時價詳定由司領銀採買起運漕米照上米購辦行月照中米購辦同例銷牙用運腳一併覈實於民戶攤徵十一月內起徵次年二月以前徵完隨時解司歸款報銷。○五十三年議准河南山東二省照歷年採辦之例於附近水次州縣糧價平賤時各買豆三千六百石在起運漕船內均派搭運以備大通橋置辦官車餵養牲口之用儻遇價昂報明停止價平買補以符定額。○五十五年議准豫東二省續行改徵之粟米十二萬石復改徵黑豆運通所有大通橋車戶每年承買黑豆七千二百石即於改徵豆內承買其山東河南二省採買豆石即行停止。○五十九年

諭東省本年濟南武定等府州屬春雨愆期麥收歉薄今當秋兩優霑之後廣種二麥民間需用麥種較多

若將本年應徵麥石改徵米石俾小民便於輸納○
 嘉慶八年奏准江蘇省泰興縣地不產米且漕
 倉遠設泰州不通舟楫將該縣額徵漕贈兵月
 等米照阜甯清河桃源宿遷沭陽五縣之例改
 為民折官辦秋成時探明鄰境價平米多之處
 赴司領價採買兌運用過價脚等項據實報銷
 照數徵解還款○十六年奏准山東省麥收歉
 薄本年應徵麥石暫行徵收粟米以免責米易
 麥之艱俟來歲麥收豐稔仍照舊徵麥運兌○
 十八年奏准湖北省崇陽通城荊門沔陽江陵
 公安石首潛江天門江陵監利等州縣漕米向
 係解赴漢口交兌該州縣地處上游距兌漕水
 次較遠輓運不易嗣後與下游武昌興國蕪水
 蘄州廣濟羅田等州縣解京南米互相抵兌各
 就附近水次解交餘贖南糧仍令徑解京倉節
 省水脚銀兩報解充公其給旗截貼銀米及南
 糧鼠耗狼撤修倉鋪墊馱脚背夫並挑運脚價
 分別造報數銷○又奏准山東省歷城等二十
 五州縣麥收歉薄應徵麥石暫行改徵粟米○
 又咨准安徽省甯國旌德太平英山四縣漕糧

民折官辦照桃源等州縣成案採買漕價按年
 造冊報銷○十九年奏准豫省黑豆收穫短少
 所有額徵黑豆一十五萬五千九百五十石零
 暫行改徵粟米一半其餘一半照常徵收○二
 十一年

諭漕糧歲輸天庾為國家惟正之供例係徵收本色有
 漕州縣勒收折色向干嚴禁現值年豐穀賤若令小
 民以賤價雜穀交納折色是閭閻終歲勤劬所得升
 斗大半糶以輸官以有限之蓋藏供無窮之腹餉其
 為病民實相倍蓰著通諭有漕省分各督撫轉飭所
 屬徵收糧米概以本色交納毋許勒折滋弊如有專
 利虐民者即據實嚴參毋稍徇縱○道光二年

諭各省徵收漕糧禁止折色功令綦嚴若州縣官勒折
 買補米色必多撓雜著通諭有漕省分各督撫嚴飭
 該州縣於收漕時親自驗明米色隨時兌收僅查有
 開徵數目即行封倉勒折自用賤價買補及旗丁折
 兌濫收情弊即據實嚴參懲辦毋稍瞻徇至各省設
 立糧道督辦收兌是其專責若令兼署他缺轉致本
 任拋荒嗣後即責成該管糧道等專司稽查該督毋
 得另行委署別缺致有曠誤以專責守而重倉儲○

三年定安徽省甯國旌德太平三縣民折官辦漕糧於道光四年為始每年就附近產米地方按照時價於司庫正項內領銀採買漕米照上米行月照中米購辦兌運其運腳確計道里支給將米價及耗費運腳等項一併按米計算覈明每石應輸若干先行給銀採買以十一月為限出示曉諭按數起徵僅有浮收立即參辦次年二月徵完還款如逾限未解即將經徵接徵各職名分數隨同丁地錢糧奏銷時另冊開參按照未完分數議處○四年奏准江蘇省清河

桃源宿遷阜甯海贛榆沭陽嘉定寶山等九州縣並安徽省甯國旌德太平等三縣民折官辦漕糧兵米每年十月內按產地時價詳定漕糧照上米行糧月糧並甯旌太三縣兵米均照中米借領司道庫儲銀兩分別購買起運其買米價銀及例銷牙用運腳合計每石需銀若干由各該撫出示交縣徧諭民戶於十一月內照數攤徵次年二月以前分解還款如有浮開價腳並地方官扶同捏飾等弊分別究參○又奏准安徽省英山縣並江西省瀘溪縣漕糧亦准民

折官辦每年於開徵時由司道確訪時價先動公項銀兩給發購買兌運將用過銀兩按米覈明出示徧諭里民照價輸納歸款○五年

諭漕糧為天庾正供徵收本色由來已久改收折色易滋弊端所有江蘇安徽浙江湖廣折漕一節已降旨毋庸議並將該督撫變價歸公及本折兼收之議概予駁斥仍令江西省再行妥議尚未奏到現當秋獲登場各省將次徵收漕米喫緊之時若耽延時日不早定議恐不肖官吏藉端影射舞弊病民所關甚鉅著通行曉諭有漕省分各督撫所有應徵漕糧仍照

向例徵收本色毋得藉口折漕致滋擾累○六年奏准山東省歷城等二十七州縣麥收歉薄不堪兌運暫行改徵粟米○又奏准豫省惟南汝光等屬麥收豐稔其餘有漕之五十三州縣夏間被旱除應徵白麥照舊徵收外所有本年應徵並帶徵各年漕麥暫行改徵粟米○又奏准每歲運通粟米不敷支放而豆石積有贏餘本年豫漕項下應徵正改兌耗豆十一萬二千二百九十餘石內改徵粟米十分之二○七年奏准山東省額徵黑豆十三萬九千餘石酌改徵粟

米二成。二十九年

諭前據李星沅陸建瀛先後具奏南漕改折流弊易滋諸多窒礙各等語當交原奏王大臣等會部議奏茲據悉心覈議具奏應如該督撫所請毋庸議折本日適據者英奏到南漕暫緩改折一摺朕詳加披閱折漕之議原因外省州縣折色過重徒充私橐轉絀正供因力求變通今各就往年徵糧實數酌減徵收期於興利除弊既據該督等以種種格礙難行分析陳奏惟恐不肖州縣借折色之名抑勒倍取是便民之舉轉致病民亦不可不防其漸所有各省漕糧著准

其仍照舊章辦理毋庸分成議折。咸豐元年

諭御史張祥晉奏江蘇新漕請量地改收折色一摺據稱太倉等屬各州縣產米素少民間向納折色銀兩由地方官購米兌交請飭令毋庸購米即將折色銀兩解部等語著陸建瀛楊文定按照摺內所陳各情悉心體察是否可行籌議具奏欽此遵

旨議奏明年海運業已定議若僅將太倉州屬另行改折似多窒礙請將太鎮嘉寶四州縣本年新漕循舊徵辦一律歸於海運俟來年體察情形再行定議。三年

諭前據戶部議奏江廣等省咸豐二年應徵漕糧由官折價解京民間完納悉仍其舊不許以折銀之議向民間更改舊章藉口浮收勒折已降旨依議行矣第恐戶部原奏閭閻未能周知各屬州縣或藉口折價愚弄小民以為科斂地步致生事端著湖南湖北江西各督撫按照部議剴切出示曉諭俾窮鄉僻壤皆知此次新漕仍照舊章完納由地方官自行變價解京與民無涉僅不肖官吏有藉詞私改章程及浮收勒折等弊即行嚴參懲辦並著各督撫將此旨及戶部原奏一併刊刻徧行宣示咸使聞知。又

諭孫瑞珍慶祺奏海運米石尾數請折價交納一摺江蘇省漕白糧米由海運至天津除現已驗收八十萬五千四百餘石其未到漕米一萬八千四百餘石尾數無多該尚書等請照京倉折放米石杭米每石一兩四錢之數飭令蘇松糧道折價交納派員解部俾該糧道迅速回任趕辦來年新漕著即照所請行。又覆准江蘇省各屬徵存漕米其道途稍遠各州縣每石變價折銀一兩覈算以昭畫一惟正供之外仍有耗米及應徵漕項米銀各款仍應劃出另算責令各州縣按數徵解備充軍餉以

免牽混。○又議准江西、湖南、湖北、安徽等省漕糧。因河道梗阻，折價解京抵放。但計正耗米一石四斗，不計貼運。由官折解，其價以例載京倉折給之數為準。稜米一石折銀一兩三錢，梗米一石折銀一兩四錢。以貼運耗米及州縣津貼運丁幫費辦解。自屬有贏無絀。所有民間完納一切悉仍其舊。經徵官員不許以折銀之議向民間更改舊章。浮收勒折如有驚擾百姓致滋事端，將州縣參究。該管上司捏情掩飾，按例治罪。○又議准漕糧折銀解部所需解費即在貼運幫費之漕項內覈實支給。照地丁例作正開銷。仍應撙節動用。所餘銀兩隨時報部另案覈辦。○又議准應解漕折銀數及委員起程日期先行報部查覈。其折解銀兩分作兩起。頭起限於來年正月二起限於三月全數解部。逾限據實參辦。○四年

諭前據英桂奏河南省應運咸豐三年漕糧因運河梗阻請將粟米麥豆均按每石一兩二錢五分折銀報解聽候採買當經戶部以京倉米石不敷支放奏令運道稍通即速催運北上茲復據戶部覈議基溥等

所奏請將豫省漕糧折銀作為採買之本等語該省每年起運漕糧例限於三月初一日抵通現在時日已遲而河道仍多梗塞京倉支絀採買米石最關緊要著英桂鄭敦謹督飭糧道將本屆應運北耗米麥豆石按數折銀除薊糧項下應撥保定等處兵俸等米一萬五千餘石照例定每石八錢之數劃出徑解直隸藩庫外其餘並著按照戶部所議全數批解到部以備採買資本並將輕齎銀款一併照例解通該撫等務當迅速妥辦毋任稍有延緩致誤要需。○又奏准江蘇省江淮等屬應徵咸豐三年漕糧與

安徽省一律易米解銀由官糶變稜米每石折銀一兩三錢梗米每石一兩四錢粟米每石一兩二錢所需解費即以贈米漕費貼補不准另請開銷其折解銀兩按照奏定章程分作兩起頭起限來年正月二起限於三月全數解部違者據實參辦應徵漕項等款銀米除貼併辦解外其餘節省彙數解京其向係解道轉給者除有船在次准支減半月糧外其餘一併解部不得仍存道庫至海州贛榆沭陽桃源清河阜甯宿遷等七州縣漕糧仍令該督等查照舊定每

石二兩四錢之例一併徵收報解。○又奏准河南
南省應運上年漕糧無分粟米麥豆按每石一
兩二錢五分析銀報解聽候採買所有例定每
石節省銀一錢五分並輕齋等款仍循例報解
○七年

諭河南漕糧應徵粟米本年間有被旱受傷之處若令
照常徵收未能一律圓淨准其酌量改徵小麥數成
仍照定額兌運以昭覈實。○八年改定湖北漕務章
程。○有漕州縣向來本折兼收今明定折價每
石自四千文起至六千五百文止其水腳耗米
一併在內嚴飭各屬不准於此外多收分文以
示限制所有由單串票樣米差費等類概行革
除。○折收北漕照部定每石一兩三錢之數共
正耗銀二十一萬四千餘兩並津貼幫丁兌費
六萬八千餘兩均解交糧道庫暫行提充軍餉
。各州縣折解南糧每石酌定一兩五錢共應
解銀二十萬六千五百餘兩除支發滿漢各營
兵食外尚餘銀八九萬兩存留藩庫備災緩撥
補之用。○漕南折價民間輸將自易毋許各州
縣稍有帶欠至將來運河修復仍設法辦解本

色應令隨時體察情形覈辦。○又議准湖北省
旗綠各營兵米係由各州縣供支本折兼解現
在漕糧改折該二營亦應盡支折色所有各州
縣應解旗綠各營未折銀兩改解道庫由糧道
具報巡撫委員咨解荊州將軍衙門支放綠營
即由各營赴道具領至旗營兵米例定二百六
十日支本色一百日支折色現因旗營積欠未
清生計艱窘於二百六十日原支本色今改折
色者准於例價七錢外每石加銀二錢按九錢
覈給其向支折色及綠營兵米折銀均仍照例
定七錢之數折支。○十一年定山東省廂內五
幫漕糧變價照咸豐三四兩年成案無分粟米
麥豆每石折銀一兩四錢應將前項折銀並同
節省漕項銀米等款全數解部。○同治元年奏
准河南省有漕州縣多被匪擾所有應運漕糧
准其折銀完解嗣後不得援以為例其水程盤
剝等項銀兩並著一體報解不得短少勒限於
四月內全數解部。○又奏准河南省各州縣漕
糧每石改折價銀三兩三錢。○又議准河南省
折漕各州縣每石以銀三兩三錢解司由司以

二兩解部以一兩留充軍餉所餘三錢作該省辦公之用。○二年定各省收漕州縣將紳民應完糧額一律均收不得有大戶小戶名目印官親駐倉廩秉公監兌責成該管道府嚴密稽查儻有措紳巨戶包攬強交代納及官吏浮收折色等弊從重究辦道府瞻徇該督撫一併查參。○四年

諭前因曾國藩李鴻章奏請將江蘇太倉鎮洋二州縣漕糧改徵折色當交戶部妥議具奏茲據該部遵議覆奏漕糧為天庾正供定例不准輕議改折近來江西湖北等省雖有改徵折色之案亦出於一時權宜究非經久之法况江浙所運粳米堅緻耐久尤非江浙諸省之稔粟可比非此不足以供儲蓄且江浙漕額業經加恩分別酌減計每歲減運之米已不下七十萬石即使全漕起運京倉所入已大減於前自不應再議改折致倉儲復形短絀即謂太倉鎮洋二州縣產米較少而該二屬向徵正耗米九萬餘石今已減去賦額三分之一止徵耗米六萬餘石民力已經自應照常起運以符舊制所有該督撫請將太倉鎮洋二屬改徵折漕之處著毋庸議。○又議准江西省

漕糧一律折收制錢由官易銀解兌每漕米一石計正改兌正米及加四副米兩項內除貼補石各州縣一三副米外一律折收易銀解部折收足錢三千文萬安樂平二縣每石加錢二百文。○又奏准江西省折漕每石解部銀一兩三錢該省如有實在需用之捐款公費每漕米一石另提銀二錢在解部款外餘贖丁漕數內供支。○又奏准江蘇省蘇松常太四屬本色收漕每石餘耗以三斗為率折色收漕每石折價年內以四千五百文為率年外以五千文為率徵收地漕各款條銀每兩折價以二千文為率

該督撫務於每年十二月底將各屬年內徵收本色若干折色若干緩至年外徵收者若干截清數目專案奏報儻該督撫等並未奏報有案即悉令按每石四千五百文完納不准加收分文其收本色者每石加耗米三斗收條銀者每兩折價二千文亦令各屬永遠遵守不准絲毫浮溢至或交本色或交折色仍聽民便毋許任意勒折及故意挑剔挨延儻查有前項情弊即由該督撫從嚴參辦。○又奏准江西省漕糧改折自開徵之日起分限加價第一月為初限不

加第二月為二限每石加價銀五錢三限以後每石加價銀一兩○五年奏准本年蘇松各屬米價較平今屆冬漕應完折色每石折收制錢三千二百文加公費錢一千文其完本色者裁去餘耗米三斗亦改交公費錢一千文如遲至年外仍無分本折加收錢五百文○七年議准江西省折漕州縣以錢易銀解支不敷以向收制錢三千文者改收銀一兩九錢向收制錢三千二百文者改收銀二兩二分以一兩三錢解部以二錢七分提充本省捐款公費餘為各州縣辦公之用○又議准江西省完糧各戶率多疲玩非逾限加價催科實無把握應將加價數目改為二三兩限每限各加銀三錢仍將各屬開徵日期及每屆一限已收未收漕糧總數專案報部其按限加價銀兩酌提八成歸公二成給予州縣○又議准江西省隨漕徵收各款漕項錢糧與腳耗銀兩俱係循例另徵惟腳耗米石係與正耗統徵自改折以來除腳耗內坐支銀米仍歸州縣支用外其餘漕項腳耗等銀俱係節省報解充餉又給丁贈扣米石自同治五

年以後凡係節省一律報解充餉腳米每石折解銀一兩○又奏准江蘇省丹陽金壇溧陽三縣被災較重應徵錢漕按畝折收錢文除酌提各該縣辦公經費外其餘全數易銀解司以一半採買米石隨同正漕起運赴津交納運費等項悉於此內開銷以一半收入地下分別正耗撥餉支用○又議准江西省漕米軍興以後每石折收銀一兩九錢嗣因銀賤錢貴改為每石折收錢三千文萬安樂平二縣加錢二百文本年銀價漸長州縣收錢易銀不敷支解每石漕米仍折收銀一兩九錢萬安樂平二縣加銀一錢二分○又議准江西省徵收漕糧分限加價二三兩限每石各加銀三錢○八年奏准江蘇省丹陽金壇溧陽三縣應徵漕糧抵徵錢文以八成買米二成充餉○十二年議准江西省漕折照同治四年原定數目於每石收錢三千文及三千二百文之外酌量加收錢文毋庸徵收實銀其所加錢文即視地丁每兩加錢二百文之數覈計不准再有浮溢俟銀價平減即照原定錢數折徵至逾限加價一節照江蘇折漕案

內逾限加價章程年內毋庸加收年外加收錢
 五百文仍不得稍有浮多並令該撫仿照江蘇
 辦法將已徵未徵各數於年底截清奏報以憑
 查覈○十三年奏准江西省徵收折漕每石連
 留支公用改收錢三千四百二十文萬安樂平
 二縣加收錢二百十六文年外交納仿照江蘇
 成案每石加錢五百文

欽定大清會典事例卷二百二

戶部

漕運 漕糧運船 白糧運船

漕糧運船 謹案南省漕糧向由運河北上自咸
 符定限二年遂將江蘇蘇州府一州糧米
 由海運津其餘仍行河運乃重運船隻直至運
 河已凍尚未全數抵通於是浙江亦請改辦海
 運三年長江運河俱形梗阻有漕各省率皆改
 徵折色因之漕船漸次無存泊同治三年始有
 江北漕糧雇備民船運送通倉之議蘇省旋亦
 力圖規復河運第漕船經過山東地界一千數
 百里中多阻滯不能劃分成數河海並運其
 船隻則改由各糧道自雇民船運送抵通茲將
 嘉慶會典所載漕船數目詳識於左以備稽考
 ○各省漕船原數萬四千五百五十五號直隸三
 千二百四十二隻直隸三十七號

山東千五百四十四江南江安糧道所屬四千八百
 八十七蘇松糧道所屬六百四十八浙江千九
 百九十九江西千有
 二湖廣八百二十六內除漕糧折銀徵解及灰
 石改折並分載帶運及坍荒田地應蠲漕糧裁
 減船數外以嘉慶十七年實運船數計之共六
 千二百四十二隻直隸三十七號
 百八十七號內漕船三百六十一自備船一百
 運河南者二江南江安糧道所屬二千六百九
 百四十一蘇松糧道所屬五百二十二
 十六號內協運河蘇松糧道所屬五百二十二
 號浙江八百四十五號江西六百三十八號湖
 北一百八十號湖南一百七十八號河南無出

運衛所。係派撥直隸山東江南幫船就近協運。

○江南運白船一百三十八號。在通省漕船內三年抽調一次。

浙江百二十一號。乾隆七年題定。在於嘉興湖州二衛所幫內檢定長運白糧。

○順治初年定。奉委修造漕船各官。或詐報朽爛。或修造未竣。報稱已完。或將朽爛船冊報

掩飾者。皆降二級調用。承造官推諉不行監造。或不能依限完竣者。各降一級調用。該管官督

催不力。及朽爛船不估價申報者。均罰俸一年。

○十二年覆准。貼備造船。江甯各衛屯米。每石協濟銀三分。黃快船。每丁協濟銀五分。官舍餘

丁編為三則。上則納銀五錢。中則納銀三錢。下則納銀二錢。審定造冊徵收解廠。安慶衛以屯

田勻配上下兩運。公同貼造。新安宣州二衛。按屯田編徵貼造。建陽衛於屯丁銀內加徵貼造。

廬鳳淮揚徐滁等衛。蘇太等衛所及山東各衛。均按清出丁舍編徵貼造。浙江按清出閒丁每

丁徵銀四錢。江西每丁徵銀二錢五分。湖廣每丁徵銀二錢。以供貼造。若船多銀少。儘數勻攤。

○又覆准。僉造漕船。除額給料價外。將各衛所舍餘閒丁。按年編審納銀。為幫貼之費。○十四

年議准。成造漕船。例有軍三民七。造船料價。例於州縣民地

徵十分之七。衛所軍地徵十分之三。並減存行月等銀供用。東省

所增新糧。應需船載。仍於額設銀內撥補成造。

○十五年議准。湖北省修造漕船。所給料價。官役高下其手。竟非原數。不得不私派幫貼。嗣後

應令官修官造。以蘇軍困。○又題准。各省新升漕糧。運船不敷。例動輕齎銀雇募民船裝載。令

各省豫為題請補造。○十八年題准。各省新升漕糧。酌令每船灑帶外。其餘撥減船代運。○康

熙四年題准。漕船僉造之年。如有衛所官帶領運糧軍戶勒索幫貼等弊。該督撫嚴禁。有違犯

者。指名題參。○又題准。造船屯軍不僉不解。責在府廳衛所。解軍不造。責在糧道。該督撫指名

題參。○又覆准。嗣後漕船十年限滿。必須查驗確實。應造者造。應修者修。仍將每年修造船若

干。造冊題報。又須總漕親驗。實係不堪出運者。方許改造。儻有可用舊船。不驗明駕運。該督撫

查實題參。其有過號漕船。自行造買赴廠領銀者。概行禁止。○六年定。新船不能出運。雇募民

船。以致虧折米石者。旗丁杖徒。運官罰俸一年。

○七年題准。漕船改造。司漕之官親驗。如有仍可加修再運者。即於歲徵造船料價內量給加修銀。仍令載運。照年扣算。○九年覆准。楚省軍三料價。因漕不起運。裁充兵餉。今楚漕現在復運。自應照舊編徵為造船之用。毋得將別項動用。○十三年議准。漕船十年滿號。舊例照額船數目。凡額船十船。每年成造一船。嗣後如滿號之船。尚可加修出運。仍令其加修出運一二年。迨至朽腐不堪。准其成造。不必泥於加一之數。○十七年題准。漕船載米不過四百石。入水不過六捺。空船以四捺為度。○十九年題准。造船料價。既有額支之銀。其清出丁銀。概飭解部。○又覆准。定例。停運漕船。雖然限滿。未經運糧。仍令加修出運。○二十二年題准。各省漕船。載正耗米共五百石。土宜六十石。○二十六年題准。各省漕船。仍照各衛所現運船數。成造十分之一。○又題准。各省歲修銀多寡不同。今酌中畫一。通漕一例。每年出運一船。給修費七兩五錢。○二十七年題准。各省修船銀。定例在糧道庫內支給報銷。其江安蘇松等處修船銀。向係各

衛官軍。於過淮時。造報總漕批給。今酌議。停其解淮。統歸糧道給發。其天津通州二處三修銀。在通濟庫內支領。○三十二年定。漕船截留支過三修銀兩。已供修船之用者免追。○三十四年覆准。江西省漕船。每船隨帶百石小船一隻。過百石者不准隨帶。○又題准。運船不足。不早為僉丁補造。又不設法雇募者。降一級調用。經管僉造漕船不力玩誤者。罰俸一年。衛所官解送漕剝船遲誤朽爛者。罰俸一年。○又題准。各省升糧過多。停其灑帶。總漕將升科米數。豫先題明。撥船載運。○五十二年題准。回空船如遇煞壩濬淺。未經進口。給銀修船。俟開壩飛輓受兌。○又題准。江西湖廣兩省漕船。以十丈為率。短不得過九丈。其寬深丈尺。酌量合式。○雍正二年議准。各省漕船料價。安慶新安宣州建陽金山鎮江蘇太鎮海等衛。並江西各衛所船。向例給各軍料價。在本地方設廠成造。湖廣各衛所船。定例。糧道將料價分發武昌漢陽二糧廳。在於武漢二廠成造。其江淮與武廬州鳳陽滁州淮安大河徐州揚州儀徵等衛船。於江甯府

及淮安清江等廠成造。浙江各衛所船。於仁和錢塘二廠成造。山東各衛所船。於淮安山東廠成造。均隸船政同知管理。其料價銀。除動支額編民七軍三料價銀外。儻有不敷。或動關稅。或動減存漕項。並支贖行月銀。或動輕齋及蘆課銀。均漕臣臨時題請撥補。今船政同知既經裁革。應統歸糧道管理。令運軍支領料價。赴廠自行成造。所有不敷料價。即於道庫減存漕項銀內動支。其蕪湖淮安杭州等關額供造船銀。飭令解部。○又覆准。糧船到次。立即給銀修船。如運軍有事故者。即著該船舵工修船。儻有遲誤。以及虛領錢糧不修船者。總漕即將糧道監兌押運衛備等官。題參議處。所領修船銀。仍著落運軍賠補。○又定。各省漕船蓬桅矮小不堪者。監造各官題參議處。仍將不堪之蓬桅。勒令照式賠換。○三年覆准。漕船料價。令糧道如數親給。如有侵扣等弊。總漕將糧道等官題參議處。侵扣之銀。嚴追入官。○又定。配造漕船。仍用舊料。及灰船未密閉用雜木者。守備監造等官題參議處。所侵料價。追出另造。○四年題准。湖北

湖南兩省現運漕船。俟運十年。一例請造。其餘各省。仍每年照十分之一。咨部請造。○又題准。山東省不產極木。每年應造漕船。先期造冊報部。隨給價豫往南省購辦。如有木料不堅實者。令糧道賠造濟運。○又題准。各省現存漕船數目。准部行令徹底清查。今按江興廬鳳等衛。原額漕船三千六百六十五號九分。內灰石改拆分灑帶運。及減存船四百五十五號九分。此外尚有新安等衛。永減荒減積缺。暫減輪減等百八十三船。現運三千二百十船。江西十四幫。原額一千有三船。內除併造減淺七十四船。止存九百二十九船。又有減存積缺二百二十一船。實在現運七百有八船。蘇太等衛。原額六百四十八船。內灰石灑帶減存一百有四船。現在實運五百四十四船。浙江額船。照上年冊開。原奉單派千五百五十八船。內灰石灑帶減存三百四十三船。現在實運千二百十有五船。湖北漕船。現在實運二百二十八船。湖南原額一百八十二船。現皆實運。山東原額自備七百三十一船。內輪流減存二十三船。共實運七百有八船。

內自備船三百十有二號。又協運河南原額三百二十七船。內輪流減存三十九船。現在實運二百八十八船。天津右衛所原額自備旗船十九號。內灑減船二隻。實派出運自備十七船。通州右所自備船二十號。嗣後各省漕船將實在現運船數作為定額。內除運軍自備船例不給料價。及湖北湖南現運漕船俟運滿十年一例請造外。其餘各省現運漕船每年將滿號之船均照十分之一咨部請造。如有可以加修出運者。仍令加修出運。不得冒請成造。○五年奏准。

催漕船按汛成造。每船給銀三十七兩六錢三分三釐。於稅課銀內動支。又別於茶果銀內。每年歲支給小修銀二兩。十年期滿照例別造。○八年題准。排造漕船給過料價。取具各弁軍並無需索剋減印甘各結。送部覆覈。仍俟前項糧船過淮時。令總漕親驗。○又題准。山東及江南之廬鳳等衛成造漕船。定例將舊船解廠充作裏料。如並無底板解廠者。交銀五十一兩。○又題准。江西省滿號漕船不堪加修者。准其在北拆賣。改造剝船。將價銀解交糧道驗給親造。○九

年

諭。江南江淮興武二衛運軍名下。有應追鑽夫底料銀十萬八千一百餘兩。此項自康熙四十二年至雍正元年。前後共二十載。各軍僉替更換不一。現今著追之人。未必係當日領米之人。其力既不能完。未免有所掙累。且今承追接催各官。叅罰纍纍。有礙考成。亦可軫念。朕思雍正三年以前掙欠錢糧之各案。正在清釐豁免。而運軍效力漕儲。尤朕所加恩體恤者。著將江興二衛應追造船夫役及底料銀。悉行豁免。以示朕恩恤運軍之至意。○又題准。江興二衛因無贍

運屯田。又無什軍幫貼料價。不敷製造。造船夫役及底料銀。仍應照從前支給之數給發。除鑽夫銀五十兩原無增減。其底料銀以十分計算。每分銀五兩一錢。若無底料者。全給銀五十兩。有奇。或有底料不足。則照不足分數補給。在徵收餘丁協濟銀內動支奏銷。○又題准。河南山東兩省減存七十四船之內。量存三十船。以備各本省升科新漕撥補之需。其餘四十四船。停其製造。又揚州衛二幫減存六十六船之內。留三十二船。其餘三十四船。即行停造。每船追底

板銀五十一兩解部。○又題准。回空漕船無需雙桅。舊例令運軍賣桅木一根。雍正三年奏准禁止。嗣仍准賣桅木一根。以資路費。○又覆准。漕船蓬桅什物。嚴禁通州木廠。不許串通盜賣盜買。○十年覆准。初次出廠之年。概不支給修船銀。惟江南省累年獨支。嗣後停其支給。畫一遵行。○十一年覆准。各省滿號漕船。令糧道先期請造。豫備物料。原船到次。即時興工。儻隱匿不造。及請造遲延。將衛備參革。如將舊船掩飾。及造不如式者。將監造官衛備運軍究擬追賠。糧道不親驗。及徇隱不揭者。一併參處。○十二年覆准。湖北省漕船。將屆歲造之期。該撫將解部漕項銀。豫年於季報冊內酌定數目。登明留備。暫存道庫。按限盤查。至漕船輪造之年。糧道於豫年冬兌時。將各季報冊內存留數目。彙繕清冊。同該年應造軍船清冊。申送總漕。總漕於重運漕船過淮驗看後。即數明送部。數覆。該撫接准部覆之後。將所需物料先期完備。原船到次。立即興工。其動用銀。仍入各年漕項奏銷冊內。具題數銷。○又題准。修造漕船。擅自買補捏

報完工。及私雇民船出運者。將該衛備及運弁參革究擬。○又定。各省應造船隻。各該糧道將接頂丁名。並船隻數目。確查明白。咨部。如蒙混造冊遲誤。重運者。將糧道題參。總漕不行詳查。一併議處。○乾隆五年覆准。漕船遇有事故。應賠造者。回次之時。即遵例賠造。儻有藉辭減歇。違至次年興造者。將督催衛弁照例題參。○又覆准。歲造新船。當年不支三修銀。惟各省賠造之船。當年仍支。嗣後一律停給。○六年題准。湖廣糧船。向俟通幫限滿。一齊修造。運料鳩工。不免草率。易於朽腐。嗣後嚴飭衛備運軍。務遵定例。按式成造。並飭糧道詳驗。總漕於過淮時覆驗。如有造不堅固。出運七、八年朽腐者。據實題參。○七年題准。山東省自備船。係運軍雇募修船。兌運。不給三修銀。但各軍先期定船。修船無力。酌定每年雇船。先於該軍應領折色月糧內。每船先發銀八兩。以資修船。如遇減運。於各軍應支四分之一。苦蓋月糧內扣抵。○八年題准。湖北省適遇截漕減歇。所有減存九十餘船。於乾隆九年。按限配造。○又覆准。嗣後賠造之船。

務照軍船式樣成造。儻有短窄及板木不堅厚者。將監造官弁及糧道題參。○又題准。湖廣省漕船滿號之年。總漕於重運回空時。親加驗看。擇其堅固者加修。出運一次。准其留通變賣。五年事故賠造之船。於足運後細加查驗。如實係堅固。令其再運二次。咨部請造。舊船留通變賣。儻賠造足運之船。已經朽腐。該軍希圖二運之後。可以變賣。捏報堅固。該管官查驗不實。擅准出運。總漕即嚴叅究處。○又題准。山東省各幫。於額運漕船之外。向設量存船三十號。留備漕糧新升及不時撥補之用。今應裁汰。儻有新升漕糧。照自備運船之例。雇船運送。○九年題准。留通變賣之船。沿途遇有失風事故。旋已修造堅固。將米分於通幫代運抵通者。其船如即在途次變賣。將千總照例議處。○十年覆准。浙江省紹興前後兩幫漕船。向係加一成造。緣奉十年滿號一例報造之文。不能符合加一之數。嗣後每幫每年留歇八船。將米分各船加載。遞年輪運輪歇。以符歲造加一之數。其輪歇之船。即以滿號留存配造。不准支給三修。○十一年

議准。揚州衛二幫量存船二十四號。原屬虛糜曠設。理應裁汰。因江興二衛有貧疲軍船。將江興三七八幫。查明實屬貧疲軍船。照數裁減。即將揚州衛二幫應裁之船。留存抵補。○又覆准。湖北湖南兩省買補足運之船。俟抵通交糧之後。留通變賣。所賣價銀。令坐糧廳就近驗明。封交隨幫攜帶回次。由糧道驗給各軍。為增造新船之用。○又覆准。浙江省紹興前後甯波前後等四幫漕船。向係加一輪減。將米分灑各船加載。以符歲造加一之數。惟甯波後幫每年滿號船隻贏絀不一。未符加一輪歇之數。嗣後遇滿號過多之年。應加一輪減。在次配造。遇滿號不足加一。將未經滿號修費浩繁之船。暫減一年。下年仍行起運。年滿報造。○十二年覆准。江興二衛幫軍貧疲。將漕船千一百八十四號內。查明實屬貧疲不堪駕運者。按照加一裁減。裁船底料照例變價。並將裁船應得之行月漕贈銀米。分給存運各船。以蘇軍困。○又覆准。廬州衛三幫輪減漕船。與揚州衛二幫量存輪運船事屬相同。全數裁汰。以省糜費。將裁船照例變價。

○又定。向例賠造足運船隻。如係堅固。再運二次。滿號漕船實係堅固。再運一次。如有買補民船足運後請加修出運者。將違例之道衛等官查叅。○又定。向例漕船七八運有事故者。責令買補。如有例應買補之船。並不照例辦理。派入減存。將衛備罰俸九月。○又定。湖廣漕船。照例用樟樅等木。如十年滿號之船。混用柏木成造者。將所造之柏木船隻。本年暫令出運。責令下年賠造。將違例之衛備降二級調用。○十三年覆准。湖北省漕糧。比湖南省少八百餘石。漕船多於湖南四十六號。船多米少。每船應得耗米水腳等項較少。事例既不畫一。運軍未免偏枯。將湖北裁汰四十八船。存船百八十。均裝額運漕糧。仍將各船應運漕糧。應贈銀米各數目。造冊送部察覈。裁船底料。照例變繳報部。○又覆准。江廣二省失風漕船。如果不堪屏修。該地方官弁據實查驗。出具並無捏飾各結。呈報總漕咨部。准其拆板變價。其變價銀令地方官覈數封固。交該幫運弁呈明該省糧道驗發。○十四年覆准。徐州衛河南後幫歲造漕船。向在淮安

清江浦船廠成造。駕赴河南衛輝水次兌糧。惟程途遙遠。恐誤兌限。今酌定在臨清設廠成造。凡遇滿號之年。令各軍於歲前自備價銀。並飭弁軍先行購料。俟准造之日。照例於江安道庫銀內給料價成造。○又定。各省漕糧。遇有截留災緩暫減漕船。應將減存船數另冊造報。如有漏造者。將該道職名查叅。○十六年議准。河南省後幫船。在山東省臨清塢所成造。河南省前幫船。在江南省夏鎮地方成造。應需工料。令該丁自行購買。○十七年定。各省漕船僉造遲延。至開兌之時尚無丁無船者。經僉之員。降一級調用。同知罰俸一年。○又定。各省漕艘未經足運。遽詳請呈造者。糧道罰俸六月。○又定。各省減歇漕船。不及時詳請僉造。致逾限年久者。糧道罰俸九月。○十八年定。滿號漕船。例應裝運交糧回次後興工成造。如有以恐誤造船之期。遽行雇募者。將衛千總叅處。○二十年覆准。浙江省嘉興衛所幫額船四十九隻。杭州衛頭幫額船五十五隻。以船多糧少幫丁貧疲。照甯紹等幫之例。將滿號船隻加一輪減。留次成造。糧

灑通幫裝運漕截錢糧。按糧分給各丁。○二十一年覆准。各省滿號船隻減存之日。即令概行拆卸。聽候配造。○二十三年議准。湖廣滿號漕船。照江西之例。留通變賣。每船存銀六十兩。令倉場封付。隨幫帶交糧道驗給各丁。以資成造新船之用。○又定。嗣後各省成造漕船。其已滿出廠年分。因減歇未足十運。而木植朽爛。必須成造者。報部酌議。各該糧道毋得濫行詳請。○二十四年奏准。湖南省地處最遠。回空漕船。十二月歸次。已屆冬兌。冬開之期。領銀修脩。為時太迫。嗣後責令糧道於每年十月。將各軍應得運費。每船先給銀五十兩。委員迎至湖北之田家鎮等處。候給發。令其買補蓬纜等物。一至漢口。即鳩工沿途修船。赴次兌漕。○又定。湖南省漕船十年大造。及事故賠造。俱係衛備之責。但荆州等衛守備相隔寫遠。不肖旗丁得以自由。嗣後湖南各衛成造漕船。俱令各該幫千總監督。或不能堅固如式。將千總衛備一併參處。○又定。各省滿號漕船不堪修運者。即行報造。如果驗明尚堪加修。即取具修固各結送部。毋得濫

行詳請。○二十五年覆准。江西省南昌衛。凡遇運軍成造漕船。每船新造給銀六百五十兩。遇失風事故應賠造者。給銀三百兩。買補給銀二百兩。雇募給銀一百六十兩。袁州衛。新造給銀四百兩。賠造一百兩。買補八十兩。雇募六十兩。贛州衛。新造給銀一千兩。賠造三百兩。買補一百六十兩。雇募一百兩。如遇拆壘給銀三百兩。信豐所。新造給銀一千兩。賠造三百兩。買補二百兩。雇募一百二十兩。如遇壘造給銀三百兩。會昌所。新造給銀八百兩。賠造一百六十兩。買補一百兩。雇募八十兩。南安所。新造給銀九百兩。賠造三百兩。買補二百兩。雇募一百六十兩。吉安建昌兩所。新造給銀三百兩。賠造一百兩。買補八十兩。雇募六十兩。永新所。新造給銀四百兩。賠造八十兩。買補六十兩。雇募四十兩。安福所。新造給銀四百二十兩。賠造買補雇募於餘存屯租內分別酌給。撫州所。軍分城屯。屯軍每船新造給銀五百兩。賠造一百兩。買補八十兩。雇募六十兩。城軍。每船新造給銀四百兩。廣信所。新造給銀六百五十兩。弋陽貴溪二縣所

轄船隻。新造給銀八百兩。賠造一百兩。買補八十兩。雇募六十兩。鉛山所。新造給銀八百兩。賠造一百六十兩。買補一百二十兩。雇募八十兩。饒州所。新造給銀四百兩。賠造買補雇募於存贖屯租內分別酌給。○二十六年題准。湖北省荆州左右衛運田。沔陽衛運班二田。每逢漕船大造之年。均照運費按數加徵造費。荆州左衛。每船給造費銀六百兩。右衛。給造費銀四百八十兩。沔陽衛。給造費銀四百兩。如係赤丁。每船給造費銀四百五十兩。○二十八年議准。長淮

原宿州等衛幫。輪減船隻。雖係按年輪減。實屬閒運。應一體裁汰。安慶衛前後兩幫輪減船十二隻內。裁汰十一隻。仍存十一隻。以備僉造。浙江甯波衛前後幫。紹興衛前後幫。金華所輪減船隻。改為長減。杭州衛頭幫。海甯所嘉興衛輪減船隻。仍加一輪減。○二十九年奏准。江蘇浙江山東河南等省買補船隻。滿號之年。留通變賣。○三十一年議准。江南省徐州衛江北幫歲造漕船。向在江甯設廠成造。今改於夏鎮地方造辦。其料價及購買木料。悉照河南前後兩

幫成例辦理。○四十一年議准。岳州衛屯田。遇十年大造。加徵造費。每船撥給造費銀三百九十二兩三錢五分。○又議准。成造漕船。定有查驗九法。一驗木。毋雜惡質。毋間舊料。二驗板。康板厚五寸。塘浪底板厚二寸。挖泥腳棧棧板厚一寸七分。下墨時查驗鋸路。解板下鋸。如比較分寸不合程式。即行究換。三驗底。淺船底長不過五丈二尺。中間闊不過九尺五寸。鋪底驗量尺寸少差。即勒令改造。四驗梁。淺船龍口梁闊不過九尺。高不過一丈四寸。使風梁闊不過一丈四尺。斷水梁闊不過九尺。高不過五尺。一不合式。即勒減削。五驗棧。淺船棧長七丈一寸。深三尺六寸。六驗釘。用釘之法。一尺四釘。逐眼稽查。內外審視。如有匿釘不用。及虛派釘眼。而眼內無釘者。立即究治。七驗縫。合板時查驗板邊俱淨。縫口細合。不得稍有隙漏。八驗船。法以斧入鑿。以鑿入麻。縫滿然後固。以油灰。如有麻少縫闊。不能受灰。及油少灰生。旋上旋落者。立即究處。九驗頭梢。鐵葉扒鋸攀護頭梢者。不許短少。鋪頭鋪梢裏料。不許濫惡充數。監造各官。均

照成法詳加審驗。○又議准各省成造漕船。每船額給料價銀二百八兩七錢七分有奇。其江南之江淮興武二衛。仍給鑽夫銀五十兩。底料銀五十一兩。○四十二年議准。浙江省處後處前金衢杭三甯後台前湖州所等幫。均係糧少船多。每幫每年加一輪減。將滿號之船留存在次。以待配造。不給三修銀兩。應裝米石。於現運船內分派加裝。漕截銀兩。按糧分給。○又議准山東省德存任城二幫。共軍船六十七隻。改為自備。其變價底板銀五十一兩。即為備船之用。免其追繳。將來遇有事故。另僉別丁。於各丁應領津租贍軍銀十兩之內。每年每丁扣存銀五兩。如更換新丁。即將歷年扣存銀五十一兩。發交新丁。以作備船之用。如七八九年及九年以外。遇有易換。每船每年止扣銀三兩。扣足五十一兩之數。即行停扣。○四十六年議准。安慶衛現在丁民成熟屯田六百八十四頃。自本年為始。每年每畝貼造費銀五分。共貼造費銀三千四百二十兩。分給新造十一船。每船可得銀三百餘兩。以為助造工料之用。○四十七年

題准。徐州衛河南後幫。向於臨清塢所成造。其前幫獨遠在夏鎮。今改於臨清胡家灣設廠施工。如借用民地。每畝給賃價四錢。○四十八年議准。徐州河南前幫造船。其廠次支給減半月糧。以資造費。○五十年

論各省漕運船身高大。因為慎重天庾起見。但一遇暴風。往往有沈溺傷損之事。究因船身過於高大沈重。掉輓維艱。人力難施所致。即其尋常輓運。加絳過瓶。一切照料浮送。亦覺甚難。况幫船每隻運米不過五百餘石。商販船隻載米至千百石者。其船尚不及漕艘之半。現在豫東二省漕船尺寸。即較他省為小。南漕各船。自可量減船身尺寸。使行駛便利。雖一時未能全事換造。自可於各該船屆臨拆造時。將高寬尺寸。仿照民船量為減損。則船身便捷。既可少意外之虞。而行走並能迅速。於漕運實有裨益。著傳諭漕運總督。會同有漕省分各督撫。將各省漕船。或經行江湖。或僅由內河行走。酌量情形。悉心籌畫。酌定船式尺寸。詳悉妥議具奏。欽此。遵

旨議定。江浙漕船。船身長八丈。寬一丈五尺。底長五丈九尺。兩廂兩棧共深六尺。天蓬高二尺八寸。江

廣漕船。船身長九丈五尺。寬一丈六尺五寸。底長七丈二尺。兩康兩棧共深六尺九寸。天蓬高二尺八寸。大桅頭桅亦俱收低。至天蓬上安設牌樓樣檣欄杆等項。一概除去。並將喫水尺寸刊明棧板之上。俾易於查驗。於本年為始。將滿號船隻。照新式成造。每船給料價銀二百八兩零。船身殼與從前舊制並無減小。仍照向例支給。其未滿號船隻。俟十年運滿。如式成造。自願先行改造者。一律辦理。嗣後成造時。監造各員出具印結。道員加結送部。如違式成造。旗丁治罪。道衛各官嚴參議處。○五十五年議准。甯波前後紹興前後。杭嚴三四嚴州所。温州前等八幫。現屆十年改造。又雇募民船出運。丁力不無賠累。於本年冬運為始。免其雇募。米石分灑通幫。輓運。每船加裝五十餘石。其漕截負重等銀。隨糧灑派通幫。行月銀米。留給本丁。添作木價等費。○五十七年議准。處州前後嘉興湖州台州前後金衢溫州後。杭嚴頭二海甯等十一幫。年滿船隻。均多朽腐。於五十六年冬運為始。免其雇募。照甯紹等幫之例。一體辦理。○五十八

年議准。浙江省漕白各幫。按照加一輪減。惟嘉興衛一幫額船十七隻。遞年輪減二隻。統計十年之內。少船三隻。以本年冬兌為始。將應造之船輪減存次。未經年滿者。不准輪減。僅滿號船隻。係在加一之外。仍照定例加一輪減配造。如滿號僅止一隻之年。應輪減一隻。若無年滿之歲。毋庸輪減。○五十九年議准。湖南省荊州衛。加徵津銀二千六百四十兩。該衛漕船三十三隻。每年共需銀一千三百二十兩。統計十年。應積銀一萬三千二百兩。嗣後每屆造船一隻。於道庫積存銀內。給銀三百兩。在屯止徵造費銀一百八十兩。○又議准。浙江省成造漕船。於本幫額領錢糧內。貼公借銀三百兩六錢。春夏之交。先期請領。於各丁行月項下扣繳。○嘉慶元年奏准。山東省德州等幫。向無漕船。該丁自赴直隸雇船裝運。豫省漕糧輪免船二百七十一隻。減歇東省水次。除豫省應運密雲保雄兵米船三十二隻外。其餘船隻。儘數撥給東省兌運。如再不敷。仍令自雇。○又定。各省漕糧已奉蠲緩。無需糧船出運。旗丁等滿號應造船隻。俟下

年再行給料成造。其九運雇募等船亦俟下年照例雇船接運。○五年奏准。江西省屯田租銀。信豐所。每造船加給造費銀三百兩。每運每船加給銀六十兩。每船大修加給銀五十兩。通共每年加給銀一千四百二十五兩。並該所運船遇有風火事故。例應賠造者。加給銀三百兩。買補加給銀一百六十兩。雇募加給銀一百二十兩。所有加增新造大修銀兩。仍照原議缺溢流抵。造入奏銷。至該所歷年餘存銀三萬八千餘兩。自本年為始。將借墊南昌九江贛州會昌等

衛所銀兩。照例扣還。增給信豐幫船。○八年奏准。浙江省溫後等五幫成造漕船。自嘉慶七年冬運起。量為停造船一十八隻。其應運米石。照數按幫帶運。至各船應支行月等項銀米。按款攤給各丁。以紓丁力。其停造拆缺船隻。每船照例變價銀五十一兩。呈繳道庫。○十年奏准。江西省建昌所新造船隻。每船額給造費三百兩。不敷辦公。每造一船。加給銀五十兩。在該所歷年餘租銀內增給濟造。按年入冊報銷。○十一年議准。河南省每年額運白麥一萬石。需船二

十隻。在於平山前後。臨清前後。徐州前後等六幫。遞年專幫輪運。○十五年奏准。江西湖廣兩省軍船。船身笨重。喫水較深。原長九丈五尺。改為九丈。兩廂兩棧。原深六尺九寸。改為六尺六寸。上裝牌樓柱收低三寸。船底原長七丈二尺。改為七丈。並恐土宜運具等項。難以攜載。將每船原帶一百石小剝船。改為三百石剝船一隻。以資分裝。儻新造軍剝船隻。私放寬大。希圖多帶貨物。將成造之衛備領運之千總。參辦。失察之糧道。一併議處。○十七年

諭。浙省每年成造漕船。每船應得造費銀二百八兩零。今該省造船賠累。著加恩照江廣置造剝船之例。每船除例給銀二百八兩零外。再添給銀五百九十餘兩。計每船共領銀八百兩。即於裁船減存行月款內動撥。以紓丁力。○二十三年奏准。江興二衛十八幫額船九百六十一隻。運丁快丁各半分僉。其快丁捐貼運丁代辦者。逢造之年。貼造費銀三百兩。以助工料。共可領銀七百餘兩。足敷辦造。惟運丁自運之船。遇造領價銀四百餘兩。實滋賠累。嗣後每造一船。酌加銀三百兩。以資造費。○

又奏准。長淮頭幫額運漕白船四十九隻。每造船一隻。共支銀三百七兩零。不敷成造。每船酌給造費銀一百五十兩。即於江興等幫每年餘存息銀內動給。各幫不得援以為例。○道光三年覆准。山東省造船。向係南省購買木植。給予減半月糧。道光二年。該省請造漕船四十五隻。六船在本省採買。三十九船赴江甯購辦。所有就近購料之六船。支過減半月糧。飭令按船追繳。○又奏准。嗣後淮安頭二兩幫。每船酌給津造銀一百五十兩。天長縣。每船酌給津造銀二百四十兩。每年隨同料價。由江安糧道衙門覈給。○五年覆准。建陽衛甯太幫料價銀兩。業經放給。因屯田被淹。無力添辦。該幫應兌漕糧。因災蠲緩。將該九船派入災減。展至來歲成造。並將各該丁購買木植堆存處所。取結報部。其苦蓋月糧。一律給發。○六年覆准。揚州衛儀徵幫漕船。係道光五年輪造之艘。因糧歸海運。緩至六年成造。嗣後應造之船。毋得率行請緩。○二十七年

諭。江南大河衛前幫永兌淮糧。丁貧屯薄。造船本屬賠

累。雇造並舉。丁力更覺難支。所有大河前幫九運軍船。准其援照成案。免其雇募。按照加一留次配造。糧灑通幫裝帶。其應支行月漕贈等項銀米。分給造運各丁請領濟運。九運事故船隻。亦著照成案加一輪減免雇。以紓丁力。○同治三年議准。江北各屬停運有年。漕船久廢。現在清淮軍需捐款內。動銀購米二萬石。雇備民船。由河道運送通倉。○五年奏准。江北新漕辦理河運。雇募民船。必須優加體恤。船戶樂從。方可行之久遠。嗣後每米一石。給水腳及神福犒賞等款銀六錢。並於回空時裝載貨物。免交北稅。由漕督給照稽查。示以限制。○六年奏准。江蘇省辦理河運。雇備商船。酌加水腳。以恤商艱。

白糧運船。○順治十年覆准。漕糧有官造漕船裝運。而白糧每至臨期雇募民船。未免稽遲時日。嗣後照漕糧之例。撥廠造船。給發州縣兌運。○十一年欽奉

恩詔。白糧民解累民。官解仍以累民。今後於該省漕船分帶。以省官民之累。○十二年覆准。白糧令漕船灑帶。責之民則仍加苦累。責之軍則分身無暇。嗣

後照舊仍令官運。○十七年覆准。白糧運至丁字沽起剝。緣漕糧先行。白糧繼後。每年凍阻。故於丁字沽剝運。今漕白兼行。無分先後。自應與漕船一例原船抵通。不許仍於丁字沽換剝。永著為例。○十八年題准。將減存漕船解運。○康熙三年覆准。浙江省白糧用漕帶之法。需船百二十六號。除六十二號於漕幫內抽出裝運外。增造新船六十四號。併入漕幫僉運。○十四年覆准。江南省蘇松常等府白糧。照浙江之例。抽選漕船運送。每船裝運五百石。擇軍船殷實堅固者。抽選裝運。五年一次更換。○四十二年題准。蘇松常三府白糧。於回空無欠之江淮興武等十一幫內。無論已運未運。揀選殷實運軍。堅固漕船。五年一次輪運。毋致違誤。○五十六年題准。停止輪運。○雍正四年題准。白糧運費多於漕糧。仍照舊例。於通省漕船內抽選堅固者。並累年無欠殷軍。公同掣運。五年一次更換。如有挂欠。即捆打革運追賠。照監守自盜律治罪。○乾隆元年題准。江南運白糧船。例於通漕船內抽選。五年更替。但五年之內。運軍消長不常。

致有軍力漸疲。運船朽壞之弊。嗣後於每年未兌之先。責令糧道赴次察驗。如運軍力疲。船不堅固者。別選殷軍補運。○二年覆准。蘇太松常四府州原運白糧二百九十三船。今減徵白糧。改徵漕糧。應減白糧船百五十有七。仍令兌漕。實起運白糧船百三十有六。蘇州府前幫二十有九。後幫二十有六。共船五十有五。應歸併一幫。松江府四十五船。為一幫。常州府三十六船。為一幫。船數適中。應仍其舊。○又題准。浙江省原額白糧內改徵杭米。即以原運白糧之船。領運改徵之米。嘉興府屬白糧幫七十六船。以三十八船運白。三十八船運杭。湖州府屬白糧幫五十船。以二十五船運白。二十五船運杭。下次以運杭之船更換運白。運白之船更換運杭。各半分運。遞年輪換。○七年題准。浙江省白糧幫船。於康熙四十三年題定五年抽調。因該省運白各軍挂欠頻仍。別軍懼累不願抽調。以致累年並不遵行。至雍正十三年行令。仍照康熙四十二年之例。但漕白各幫。均不願紛更抽調。嗣後浙省白糧。照舊撥定軍船。永遠運送。免其抽

調。○十六年奏准。江南省運白各船。原議於通省漕船內抽選兌運。五年更換。但為期未免太久。嗣後江蘇運白船。定為三年抽調。仍照例於通省漕幫內遴選軍般船固。累年無欠。以及並未運過白糧者。抽換兌運。○四十二年議准。浙江省嘉白幫。每年加一輪減。將滿號之船留存配造。不給三修銀兩。其應裝米石。於現運船內分派加裝。漕截銀兩。按糧分給。○五十四年覆准。浙江省湖州白糧幫額船四十五隻。糧少船多。改照嘉興等幫之例。將每年滿號船隻。遞年加一輪減。存次配造。以免雇募賠累。所有輪減白糧。派令運白各船灑帶。改漕米石。派令運漕各船帶運。白糧經費。米折錢糧。照額給發。行月錢糧。全行節省。○五十六年議准。嘉湖二白幫運丁素屬疲難。年滿船隻。均多朽腐。雇募民船。賠累難支。於乾隆五十五年為始。免其雇募。米石分灑通幫。負重等費。隨灑派給。行月銀米。留給本丁添補成造。○道光三十年奏准。江蘇省蘇松常太三府一州。應徵本年白糧正耗米七萬二千石有奇。改由海運赴津。○咸豐元年奏

准。江蘇省蘇松常鎮太五府州漕白糧米。一律改由海運赴津。○二年奏准。運河現已凍合。浙江嘉白等幫。尚未報入東境。來年新漕受兌。必至貽誤。嗣後改由海運。以期迅速。○四年議准。浙江省杭嘉各幫。來歲不能出運。停泊東境空船共四百六十六隻。時經三年之久。自不能照常堅固。應將咸豐三年之修脩銀兩。發給各該幫丁。趕緊修理完整。一俟江路肅清。即行催令歸次。○五年議准。浙江省回空幫船。阻泊東境。久未歸次。與其停泊河干。虛費帑項。不若擇其年分較遠將次朽者。迅即詳細奏明。拆板變價。以節經費。

欽定大清會典事例卷二百三

戶部

漕運利船 帶運加給 雇募民船 總漕 職掌 糧道職掌

剝船○順治初年定漕船至天津起剝分運至通設紅剝船六百隻每船給田十頃收租贍船免其徵科○康熙三十九年題准紅剝船年久破壞不堪運糧裁革變價原給之田按畝起科歸入地丁奏銷仍照原收租數分派各省於漕糧項下編徵解糧道庫支發運軍漕船遇淺之時自雇民船起剝○四十六年題准紅剝銀照

實在抵通船數就近於通濟庫銀內支給倉場侍郎將給過銀兩造冊奏銷○雍正十年覆准漕船遇淺雇船剝運例係坐糧廳酌定雇價但船戶皆係州縣百姓不屬坐糧廳管轄恐有向運軍勒索情事嗣後令天津以北各地方官計道里之遠近酌定工食之多寡先期出示曉諭如船戶運軍不遵約束該地方官即行拏究僮地方官奉行不力巡漕御史後查明參處○乾隆二年覆准漕船到通每船例給紅剝銀二兩以為雇船剝淺之用向係漕船到通給發嗣後

於各幫將次抵通之日令隨幫千總先行赴領散給○又咨准北河起剝漕糧向係運軍自雇民船每多高價運軍苦累民船到通亦不免稅嗣後按照米數計程遠近定價多寡官為立契船戶不許額外勒索運軍不得橫奪裝載民船運糧到通免其徵稅如漕糧之外別攜貨物者仍按貨徵收○九年題准漕船起剝於楊村等四處設立船行所雇民船較前多有遲滯已將船行悉行裁革嗣後各省幫船在北河起剝飭令運軍遵照定價自行雇募並令該管官不時稽察僮有船戶任意多索或運軍短給價值致起爭端遲誤漕運者按律究治○十三年覆准紅剝銀每年額徵萬四千五百餘兩遇閏加增銀三百餘兩原給運軍為北河剝淺之用今議於河北增設堡船及稅淺夫不時濟淺使漕船未少起剝以免丁累其置造堡船器具及夫役工食等項於紅剝銀內動支餘賸之銀仍照數分給運軍以備剝淺之用○三十一年議准紅剝銀兩由坐糧廳覈明後即將領運千總散給各丁造冊移交巡漕御史後一律稽查如有剋

扣情弊。即行參處。○四十一年議准。漕船行抵楊村。地方官辦理剝船。總以裝載一百石以外者。量為封雇。以備旗丁剝運。如裝載不足百石之船。毋庸封雇。僮書吏藉端留難。有賣放營私。捐詐客商等弊。從重究治。○五十年

諭。向來南糧入北河後。俱係官為雇船剝運。而糧艘未到以前。封剝之船。即須先期豫備。不無守候之累。且船隻既經封剝於高鹽。輓運實屬有妨。自應設法調劑。以期鹽漕兩有裨益。今將此項剝船另行備造。則南糧一抵北河。即可隨到隨剝。不獨便於轉運。而民船得免官封。商引無虞壅滯。即旗丁等既有官船剝運。較用封雇民船。更可節省浮費。且南糧未到之先。及漕糧用竣之後。該船戶仍可攬載營生。以資貼補。是備造此項船隻。於商民軍衛各丁。均資利賴。船隻成造之後。著分交沿河州縣承管。遇有銅鉛及奉天河南麥豆等項。應需剝運。皆可隨時應用。並著該督嚴飭地方官。此後不得再行封雇民船。致滋擾累。該督及鹽政仍隨時稽查。如有藉端累民者。即行據實參奏。○又議准。官備剝船一千二百隻。交附近沿河之天津靜海青縣滄州南皮交河東光吳橋通

州武清香河文安大城任邱雄縣新安今改霸州安州等十八州縣。每船募船戶一名。每名給腰牌一面。填註姓名年貌住址船隻號數。造具花名清冊。以杜頂冒。舵工水手。聽船戶自行雇覓。每船以四五名為率。其空閒時。按派定州縣發回收管。如有商貨鹽斤。均准攬載。四月以後。不得攬載遠行。聽天津道行文調赴水次應用。僮臨期遲誤。該管州縣照例參處。如有銅鉛及奉天麥豆與南漕同時需剝。即將剝船撥給一百號。發交天津縣分別剝運。其餘一千一百號。專剝漕糧。除剝運銅鉛麥豆等項。令運員照舊給發工食。其剝運漕糧。自楊村至通州。每百石給船戶飯米一石二斗。剝價制錢六千文。酌以三千文給船戶。二千文給還旗丁。一千文扣存道庫。為歲修油艙之用。並令副丁親身押運。如運船至蔡村河西務一帶起剝。其應給飯米水脚。按照水程遞減。此後應須油艙。每歲酌給銀五兩。每屆三年。酌給小修銀二十兩。在於天津道扣存剝價內動用。由各州縣轉發。並令總漕將運船幫數遠近。豫行咨報直隸總督。徑行天

津道豫調剝船備用。起剝時。委楊村通剝務關同知親詣點驗。挨次輪剝。如頭進漕船起剝。則調至六百號為止。俟二進將到。再行增調。若有一船過期不到。著地方官查拏。其剝船到通。限五日内兌收。責成通水道查辦。至剝船十年排造。即將滿號軍船應行拆變者。照例給價買留。為改造剝船之用。至拆造船隻。應於第十年擇其損傷過甚者。分作三次。每年拆造四百隻。每船給料價銀二百五十兩。除動用節年存積剝價外。不敷銀兩。在商捐項下動給。如次年已屆拆造。則本年止准油驗。其小修銀兩。停其給發。以節糜費。○又議准。旗丁雇剝船價。於驛站留二小建項下動撥銀十萬兩。移交運司。將商人賣鹽錢文。隨時易換。運交楊村同知通判。按船散給。事竣在應給旗丁項內。照數扣還歸款。至剝船每年封河守候。約計四箇月。每船給津貼銀十八兩。於蘆商彌補帑項。按引隨課交銀二錢內動用。至十年排造。亦可以此項作為商捐。毋庸另籌經費。○五十一年

諭現在剝船一千二百隻。尚不敷用。添造剝船三百隻。

交江西湖廣動項趕造。於漕運事宜更為有濟。著照上年辦運剝船之例。就近動項趕辦。運送至津備用。○五十二年奏准。江西湖廣二省。添設剝船三百隻。仍歸直隸省。與原設剝船一體在楊村輪流備剝。一切章程。照原議辦理。○五十三年議准。清江重運糧艘。過牯渡黃。必須起剝。官造剝船三百隻。專為重運起剝。及河工運料之用。交河廳等官及清河縣就近分管。如遇撥漕之時。旗丁照例出費。以抵工食。○又

諭豫東二省漕船。皆因水淺阻滯。雇覓剝船。耽延時日。

東省剝船斷不可少。著於江西湖廣各造剝船一百隻。務於冬底春初。派員送到東省。以期應用。其如何分交收管。暨酌給經費之處。按照直省原定章程。妥議具奏。欽此。遵

旨議定。山東官造剝船三百隻。分為五站。每站安設六十隻。交附近德州。恩縣。武城。夏津。臨清等五州縣分管。責成糧道稽查彈壓。如糧道押運。即交德州經管。每隻船戶一名。撥漕時添雇水手二名。空閒時。每二船給看守船隻水手一名。水手船戶。每名日給工食銀八分。每剝米一筥斗。給

錢一文。令船戶收領。以為油艙繩纜之費。大修年分。由糧道估價。委員採料督辦。小修之年。酌給小修銀十五兩。○五十九年議准。北河剝船向於運船行抵楊村。照起六存四例。每幫酌給數十隻。近來河水充盈。所有到楊待剝各幫。改為起四存六。或起三存七。俾剝船更得轉運接濟。○嘉慶元年議准。直隸省運漕剝船一千五百隻。其津貼飯銀。每隻十八兩。原為封河及守候而設。今南漕銜尾北來。不須守候。減銀六兩。仍給冬月封河守凍銀十二兩。○三年定。山東省安設剝船。十年限滿。每船給銀二百兩。作為定額。責成德州等五州縣成造。仍由糧道督率稽查。所需工料銀兩。在於商捐剝船經費節省項下動支。○五年奏准。直隸省大城安州新安任邱雄縣文安霸州七州縣。原管剝船三百一十隻。改派沿河之通州等十一州縣承管。每年油艙。該管州縣實心經理。旗丁所給船戶食米。照價給錢。以杜影射偷米之弊。並令押空千總於本幫起剝。押令本幫剝船尾隨前進。遇有偷盜等事。將船戶照律治罪。短少米石。該管州縣

賠補。起剝米石潮溼。旗丁與州縣分賠。○六年奏准。直隸省剝船一千五百隻。除天津縣留剝銅船一百隻。其運漕剝船。改歸天津縣六百隻。武清通州各四百隻。就近經管。每十隻設小船頭一名稽查。每百隻設大船頭一名總管。船戶有棄船偷米情弊。惟大小船頭是問。剝船空閒。止許在北運河一帶攬載。不得越過天津通州二處。責令鹽政後裁隨時飭查。○又奉旨。旗丁於黃河口至臺莊一帶。自備剝船三百隻。於各該船調劑項下扣除興造。每船所扣無多。而輓運得以迅速。著即悉心妥辦。務期經久。○又奏准。江南省河口剝船。於重運過完後。攬載貨物。俾資養贍。一切器具。如有損失。責令該船戶隨時黏補。不得短少。另請開銷。至攬載貨物。酌定界限。上至邳州。下至揚州江口一帶。不得私行出境。違者究治。○又奏准。河口剝船。每隻給歲修銀四兩。每年共需銀一千二百兩。即在江南各幫存公款內提出修艙。遇有沈溺碰損。即著落該幫賠補。十年成造時。江蘇省即在備公一款。扣抵其餘各省。於扣滿造費之後。每年每船扣銀

八錢。存儲道庫。留為將來造費。○又奏准。河口
剝船。每隻額設船戶一名。令該管地方官。遴選
有身家之人。出結承充。給予腰牌。填註姓名年
貌住址。及船隻號數。以杜頂冒。並取具船戶十
人。連名互保。造冊送部存案。○又奏准。黃河口
至臺莊一帶。旗丁自備剝船三百隻。交山陽清
河二縣。各經管船一百五十隻。每年於開印後
聚集河口。漕督親率員弁。逐船查驗點收。聽候
剝運。事竣。仍交山陽清河二縣經管。此外不准
另撥差遣。以免損失。○又奏准。河口至臺莊一
帶。剝船起運之時。猝被風浪衝擊。人力難施。致
有沈溺損壞。報明地方官驗實。即著落該幫賠
修完整。僮船戶人等。視為官剝。並不小心駕駛。
以致沈溺損壞。即歸分管地方官。著落船戶賠
修。○十年奏准。河口一帶。添造剝船一百五十
隻。自足敷用。嗣後民間船隻。免其封雇。○十一
年

諭。准關捐辦剝船三百號。內除風損尚未補造船六十
一隻外。其應存船二百三十九隻。現在歸塢剝船五
十六隻。船身滲漏。不堪剝米。各工運料船一百零一

隻。其餘七十八隻。全行損壞。不堪應用。此項船隻。曾
經兩次大修。又每年領銀歲修。如果覈實辦理。何至
損壞如此之多。總由原修及接任各員。草率廢弛。所
致。自應著落賠修。以示懲儆。所有准關捐辦剝船三
百隻。除報明風損有案各船。准其照例修補外。其餘
船隻。勒限兩月。修補齊全。另委委員如數驗收。並著
妥立章程。將修造各船。或分地面。或分船數。派員經
管。以專責成。○又覆准。江西省分造北運河剝船七
百五十隻。分作四限承造。運送。每船舵工一名。
水手四名。每十船排為一幫。於舵工內選擇老

成曉事者一人。點為幫頭。責成稽查。每剝船二
百隻。選委丞倅一員。為總運。再委佐雜四員。每
員分押船五十隻。每船十隻。令承造官選撥妥
役一名。押送。僮有舵水滋事逃逸。總運官即提
押差並究。○十二年奏准。直隸省官剝船數過
多。天津武清通州三州縣。照料難周。仍分派沿
河十八州縣經管。至剝船空閒及攬載時。在水
次無故損失。即按各該州縣所管之船。分作十
成計算。自接收之日起。至十年保固限滿之日
止。其限內損失。止一二成者。責令賠補。免其議

處其剝運已八九年者。船用既久。遇有損失。免其議處。仍令經管之員買補足數。如剝運在六七年之內。損失至三四成者。經管之州縣。罰俸一年。該管道員。罰俸六月。五成以上者。經管之州縣。降一級留任。該管道員。罰俸一年。僅剝運未滿五年。損失至三四成者。經管之州縣。降一級留任。該管道員。罰俸一年。五成以上者。經管之州縣。降一級調用。該管道員。降一級留任。其損失船隻。俱責令該管州縣照數賠補。以示懲儆。○十五年

論江廣幫所帶五百石之大剝船。本干例禁。姑念該丁等業已造辦。力既不能另備。又急切難以售變。此次著准其攜帶。用示體恤。嗣後不得援以為例。○十六年

論直隸楊村額設官剝一千五百隻。該督奏請添造官剝一千隻。著准其添造。嗣後每年朕當特派京堂前往察驗。若仍不實力經管。致有短缺損壞。必當從重懲辦。○十九年定。楊村額設剝船。每年油艙一次。三年小修一次。十年滿料。每隻交變價銀三十兩。但滿料之後。未必全行虧折。如果查驗尚堪剝

運。即加以修艙。俟實在不堪應用。再行變價。○又奏准。嗣後每年三月內。將剝船修艙齊全。提集楊村。春夏二季。不准攬載商貨。漕竣後。方許攬載營生。南不得過臨清關。西不得過武強小乾。限以卸載地界。毋任遠行。致誤漕運。○又奏准。新舊剝船。每屆一年。由楊村通判查驗器具。僅止繩纜篙棹短少者。著落船頭船戶賠繳。至鐵錨桅木風蓬。價值不一。如有盜典盜賣。估贓以監守自盜論。船頭書役通同舞弊者。同罪。仍著落經管州縣賠繳。器具不全。至十隻以上者。經管官降二級留任。天津道暨楊村通判。隨時查出免議。僅失於覺察。通判降一級留任。天津道罰俸一年。○又奏准。船戶水手。如有不法等事。照漕船水手生事。並盜竊漕糧各律例辦理。○又奏准。十六年新造剝船一千隻。所有經管各員處分。照看守戰船例。損壞三隻者。承管官降二級留任。三四隻者。降二級調用。五六隻者。降四級調用。七隻以上者。革職。均勒令賠補完固。並責令天津道隨時稽查。如有損壞一二隻者。該管道員。罰俸一年。三四隻者。降一級留任。

五六隻者降二級留任。七隻以上者降三級留任。○又奏准。新舊剝船。經管州縣。並經管收放之北運河楊村通判。統歸天津道稽查。遇有損壞船隻。將經管收放之北運河楊村通判。照天津道之例。加一等議處。天津道應罰俸一年者。該通判降一級留任。天津道應降一級留任者。該通判降二級留任。天津道應降二級留任者。該通判降三級留任。天津道應降三級留任者。該通判革職留任。損壞船隻。將駕駛不慎之船戶。照損壞倉庫財物律治罪。如十年限滿。全無損壞。將該管各官分別獎勵。○道光元年

諭。淮安黃河口官剝船隻。現屆十年滿運。應行修造者。一百九十隻。照案交江西各幫承造。惟此項剝船。係備六省南糧公用。上屆成造不敷銀兩。專在江西幫丁調劑銀內撥出。未免偏枯。此次除扣存正價外。尚不敷增費銀四千五百八十兩零。著在江蘇安徽浙江江西湖南湖北等六省出運各幫內。每船扣銀一兩。其各幫減歇船隻。下運補扣。僅銀數尚不敷用。仍歸承造之江西各幫補足。該漕督即飭知各該糧道。將先經扣存正價及現扣增費。迅速移解江西。同江

西道庫新舊扣款。一併給發領辦。並准其先於江西司道庫內墊款興工。以免遲誤。嗣後令江安等六省糧道。於每年運船扣銀八錢外。加扣二錢。存留各道庫。以備將來成造剝船正價加價之費。○六年奏准。准開前捐官剝船身破壞。應成造船一百四十隻。需銀二萬五千六百八十七兩有奇。即動撥積存生息造費。並歷年節省歲修及舊剝變價銀成造。○又奏准。丁捐官剝。久逾年限。應成造九十七隻。需銀一萬七千四百六十兩。即在旗丁扣存造費本款內動撥。○二十七年奏准。直

隸省故城縣河道。界在山東武城恩縣之間。其剝船事宜。自果子口至白馬廟。歸武城縣經管。自白馬廟至孟家灣。歸恩縣經管。所需造船經費。由山東糧道籌給。其民剝添剝。由臨清州一手雇覓。隨時察看水勢大小。以定船數多寡。照插外五州縣例。官民添三項剝船。每州縣不得逾一百八十隻之數。官剝修理。及民剝添剝船戶工食等項。均由東省造報覈銷。至修防隄岸。撈淺催船。及漕船失風。並命盜疏防。地方一切事宜。仍歸故城縣照舊管轄。○咸豐二年定。浙

江省幫船入東過遲。如遇河道淤淺。調撥楊村官剝一千五百隻。赴臨清插剝運。以期輕便。僅阻凍難行。照道光五年守凍章程變通辦理。○同治五年議准。續增剝船一千隻。例應江廣排造。因木缺價昂。運道阻滯。酌提各該省漕折銀兩。由直隸招商代造。每隻開支工價。並盤費銀四百十六兩五錢九分九釐五毫。取具商人年限印結送部。所提漕折銀兩。仍於東網積欠生息銀內歸款。○七年奏准。剝船承運江浙漕糧。向章每運米一石。開支食米一升一合五勺。嗣後每石加給剝船耗米五合七勺五抄。○九年奏准。直隸省代造湖南湖北剝船一百隻。江西剝船四百隻。每隻照案給工價。並盤費銀四百十六兩五錢九分九釐五毫。○十年奏准。湖南湖北兩省自行排造船三百隻。每隻給例價銀二百三十四兩零。運費銀四十兩。所需造費。提解江廣等省漕項漕折銀兩。仍照道光三十年成案。在鹽漕項下籌款歸還。○又奏准。北運河剝船滿料。由直隸代造。開支工料價值。比照江廣自造銀數加增。現在軍務久靖。嗣後直隸母

庸代造。○又奏准。剝船承運江浙漕糧。無論正供籌備。每百石加給腳價銀五兩。○又奏准。剝船運米。每石給銀九分八釐八毫四絲八忽。腳價不敷。自同治十一年起。每石加給銀五分。○光緒八年奏准。湖北省新造剝船。運赴天津。照糧船回空之例。准帶二成竹木土產貨物。免完釐稅。俾得稍霑餘潤。其並非土產及違禁貨物。仍嚴禁私帶。○十二年奏准。官剝船戶。每年每船例領工食銀十五兩。嗣因蘆網東網生息不足。減為七兩五錢。剝船未免苦累。嗣後在江浙漕項內。每年每船酌貼工食銀五兩。帶運加給。○順治十八年題准。各省升糧。酌令每船分帶外。其餘撥減船代運。○康熙五年題准。江西省漕船缺額。原撥江廣幫船協運。其軍船於原派一淺之外。加載漕糧。應按淺加支行。月。每石給銀一錢六分五釐。○十四年題准。江南省蘇松常三府白糧。向來雇募民船受兌。嗣後抽選漕船運白各船。應載漕糧。分於餘船帶運。每加裝正米一石。給負重銀五分。○二十五年題准。浙江省帶運漕米。按裁缺船數。每船給

負重銀四十八兩。江南省每帶運米一石。給負重銀五分。浙江所給較之江南數多。嗣後照江南之例。每石給銀五分。○二十九年題准。山東河南湖廣三省。原係按米派船。向無加裝漕米支給負重之例。今湖北帶徵漕米。撥運減存船餘米。分派各幫帶運。其撥運減船行月席木等銀。照例支給。至加載漕米。不准支行月及貼運銀米。○三十三年題准。停止江廣協運。江西漕船原派漕糧。令本省運船加增載運。其加裝漕米行月。仍照舊例按石支給。○雍正四年題准。

山東省緩徵漕米。各軍雇募裝運。照依南漕搭運之例。每石給負重銀五分。○乾隆六年題准。湖廣程途獨遠。如重運已經過淮失事者。回次之時。業屆受兌新漕。賠造不及。即暫減一半。令從容修造完固。再行出運。其本年應運正耗漕米。即分於通幫附搭運通交納。若未經過淮失事者。去受兌之期尚遠。仍令於本年趕緊賠造。以濟新運。○十二年議准。江南江西浙江三省失事漕船。如果開兌期迫。實係不及賠造。將本年漕糧分於通幫帶運。即責成運軍賠造新船。

○二十年咨准。嘉興衛所一幫。杭州衛頭幫。加一輪減留次成造。其應裝米石。於現運船內勻裝。漕截銀米。按糧分給。○三十年議准。裁汰江蘇淮三大前幫運船七隻。應運米石。即於蘇屬幫船帶運。裁船行月銀米。按起運米數。分給各船濟運。○三十一年議准。裁汰揚州二幫撥抵江淮八興武三七等幫船二十三隻。應運糧米。分灑江興二衛兌運。裁船行月銀米。分給各船資運。○三十五年覆准。浙江省處州前後金衢所台州前後杭嚴二等幫漕船。照安慶衛之例。

加一輪減。應運米石。分派加裝。漕截銀兩。分給現運。行月三修等項銀米。全行節省。○嘉慶十七年奏准。江淮頭二四五九興武二四五七九鳳常鳳中二等十二幫九運船隻。例應雇募出運。迨運回之日。又屆大造一年之內。雇造並舉。丁力實屬拮据。嗣後免其雇募。按照加一留次配造。應運漕糧通幫灑帶。本船行月銀米添補造費。漕贈負重等項錢糧。分給灑帶之丁贍運。○道光二年奏准。湖南二幫運船三隻。因屯田被淹。暫停造運。糧米分灑南省二幫各船帶運。

應支京脚行月等銀。即令分給灑帶各船。俾資貼補。

雇募民船。○順治四年題准。各省漕船缺額。雇募民船裝運。運畢之日。不必催令回南。聽其自便。○九年題准。各省雇募民船水脚。江南蘇松安廬並江西浙江等處。每石自三錢至三錢五分。揚州每石給二錢五分。均於月糧耗米。並輕齋銀內動給。○十一年題准。雇船水脚。全動輕齋。儻有不敷。於減存行月內動給。○康熙十八年題准。山東省漕糧。若議裁別省協運船。責令一年兩運。儻遇水旱。難以轉回。令別省殷軍自備雇募船二百五十餘隻。共為一運。○二十年題准。浙江省雇船至淮。每石給脚費銀一錢。○三十四年題准。各省升糧。既多停其帶運。總漕將升科糧數。豫先題明。撥船載運。○四十四年題准。江西省募船到淮。每糧一石。給脚價一錢二分。米四升。○五十一年題准。回空遲延之船。不能依限到次者。應運新糧。由總漕稽查。將該省減存船兌運。如無減存船。於本省漕糧搭運。或本省船不能搭運。即捐雇民船。依限兌運開

行。回空阻滯之船。於來年開凍時。沿河文武官飛催迎淮受兌北上。如有不設法雇船依限兌開。將在南之糧道監兌州縣等官。題參議處。如回空遲滯。不能迎淮受兌。有誤北上。即將在北沿河催趨回空文武各官題參。按違限時日。分別議處。○雍正元年題准。各省回空漕船。若有凍阻者。雇募民船兌運抵通。不必迎船接換。○二年

諭。聞今春丹陽及常州府等地方漕船。沿途遇淺。概擊商船起剝。且藉名需索。貪暴公行。得賄者雖空船亦行釋放。不遂其欲者。抑勒當差。有將貨物行李拋棄河干。紛紛露積。或為風雨所損傷。或為盜賊所窺伺。該管漕運文武官弁。漫無約束。毫不經心。小民營販資生。何以堪此擾害。江南總督巡撫總漕。係地方大吏。皆當實心體恤。稽察周詳。奉諭之後。若再用起剝。當各嚴飭所屬官弁。申明約束。不得仍蹈前轍。○又題准。漕船並不照額數出運。各軍夥雇大船裝運。其糧道押運領運等官。不詳明少船情由。混報開幫者。照徇庇例議處。○乾隆元年題准。自備船。例不支三修料價。僅給重運銀。令其雇募

若令回空。未免拮据。嗣後每年於八月內責軍雇募。免其回空。○二年題准。各省雇募民船。抵通交糧之後。倉場侍郎按其回南水次遠近日期。每軍給以空身限單一紙。勒令及時回次。仍將限單彙送該管糧道查驗。○四年題准。山東省漕糧。於十二月初旬兌竣開行。自備船。於八月內雇募。運軍多費雇價。嗣後寬限一月。每年於九月內雇募候兌。令糧道查驗。僅有遲延。即行揭叅。○又奏准。各省重運漕船。凡經過地方。僅遇天旱水淺。萬不能通行之時。總漕總河一面奏明。一面飭地方官豫備民船剝運。將剝過各幫運軍姓名船米貨物數目。以及給過船價。呈報督撫漕河諸臣。及巡漕御史備案。其雇募剝船價值。官為酌定給發。如有運軍剝扣。及船戶額外勒索者。即行究治。○十二年議准。山東河南兩省漕船。不比江廣寬大。難以責令帶運。如失事漕船。臨兌賠造不及。應運漕糧。雇募民船裝運一次。仍令勒限賠造接運。○四十一年定。漕糧運至北河。雇船起剝。酌定官價。僅運軍越先搶雇。短發價值。船戶刁難勒索。即行究治。

天津至通州。如遇船多。每百石給銀五兩。飯米一石。船少。給銀六兩。飯米一石四斗。楊村至通州。船多。每百石給銀三兩七錢九分有奇。飯米七斗五升九合有奇。船少。給銀四兩五錢五分六釐。飯米一石六升三合各有奇。務關至通州。船多。每百石給銀二兩五錢一分三釐。飯米五斗二合各有奇。船少。給銀三兩一分六釐。飯米七斗三合各有奇。○又議准。山東省德州等幫。自備船隻。免其回空。其各省雇募民船。令押空官管押南下。倉場給予回空照票。經過關津驗放。地方不得掣裝別差。聽其早回受雇。○四十六年議准。山東省應雇船隻。由現運千總率領旗丁。先期領銀。至天津通州募船赴次。山東糧道將應雇船數價值。先期行知通州天津各州縣就近稽查。以昭慎重。○五十九年諭。豫省漕船既已停運。空出船隻。例應給予苦蓋銀兩。而山東新漕。又須赴天津雇用官設剝船。未免多此一番周折。今將減運軍船就近受雇。所有往來直省費用。及應發苦蓋銀兩。均可節省。而天津例應拆造之剝船。又可及早興工。豫備東省新漕起剝。可謂一

舉兩得。○嘉慶七年議准。直隸省雇募民剝船隻。及山東省協運豫糧剝船旗丁。其船戶食米。照官剝之例。一體折給錢文。以杜影射偷米之弊。○道光二十四年

諭。山東臨清州境衛河水勢微弱。下游又多淤淺。現在南糧重運。頭進首幫。即日抵境。剝船恐有不敷。著循照成案。添雇民船三百隻。責成該州一手雇覓。分別撥發存留。俾資輪轉。仍由司委員前往監收。隨時察看。如水勢增長。即行酌量減雇放還。以節糜費。○咸豐五年奏准。河南省徐河。平山。臨河等前後六

幫軍船被毀。裝運漕糧。係雇募民船轉運。經過臨清。關免納船料。其攜帶貨物。仍按則徵收。總漕職掌。○順治初年定。設漕運總督一人。駐紮淮安。○十二年覆准。漕運錢糧。盡歸糧道專管。其他省協運官軍。各該管官將支給行月雇募等項。造冊移送。彙報總漕。送部查覈。○康熙二十二年

諭。漕運總督管理船糧。是其專責。過淮及回空時。令漕督親身往來催趲。不致貽誤。○乾隆四年題准。籤算漕糧之法。其間伸縮盈虛。易滋弊竇。嗣後籤量

盤查。著漕運總督親率善算之人。赴船細覈。如有句引滋弊者。立即嚴拏究處。○四十一年奏准。漕運總督。專管運糧。督率各官疏通河道。如不豫行挑濬。以致誤漕者。議處。○又議准。漕運總督總理糧務。凡僉選運弁。修造漕船。派撥全單。兌運開幫。過淮盤掣。催趲重運。查驗回空。覈勘漂流。督追漕欠。諸務。均屬專理。所有漕運各項錢糧。尤宜澈底清覈。汰浮剔蠹。毋許所司蒙混隱沒。直隸。山東。河南。江南。江西。浙江。湖廣。七省文武官員。經理漕務者。咸歸管轄。如有官吏折乾盜賣。及胥吏需索官丁。並漕倉棍把持。兌運事務。與沿途文武官員。催趲不力。違誤漕務者。即行分別糾參。○嘉慶五年

諭。漕船經過地方。向有無賴棍徒。句串水手。勒加身工銀兩。甚至打船滋事。著沿途文武地方官。於漕船經過時。即多派兵役。認真查拏。務令棍徒。知所畏懼。豫為斂迹。儻此後仍行疏縱。致棍徒水手。再有句串滋事之處。著漕運總督。即將該處文武地方官。嚴參治罪。○道光四年

諭。琦善奏。臨清關章程一摺。嗣後重運糧船北上。於例

帶土宜之外。毋許任意攬載客貨。著漕運總督先於過淮時。查明各幫船喫水尺寸。造冊咨會該撫。派委道員前赴東昌一帶。照冊向水。如喫水逾制。即行懲辦。並著漕運總督於過淮盤驗後。將各幫丁隨帶剝船若干。裝米若干。知會東省臨時稽察。不准逾限多帶。○七年

諭嗣後東省各插漕夫。著照江南之例。一律由漕運總督轉飭地方官驗充。造冊申送。並令河廳隨時嚴查。不許插夫頭冒混兼充。○咸豐元年

諭近來重運漕船。不能如期抵壩。以致回空歸次。免收新漕。節節耽延。著漕運總督嚴飭起卸空船。即日連檣南下。不准片刻停留。○同治三年

諭吳棠奏東南軍務大定。擬試辦河運等語。具見該漕督心存大局。辦事認真。著照吳棠所請。即行採買米石。雇備民船。由河道運送通倉。所有轉運事宜。並江省應行經過河道。均著飭令該地方官妥速經理。

糧道職掌。○山東江安蘇松江西浙江湖北湖南各設糧道一人。河南以開歸鹽驛道兼理。康熙二十二年。河南漕糧改折。裁糧道官。二十九年。仍徵本色。以開歸鹽驛道兼理。○順治十年題准。各省糧道職掌漕務。別衙門不得干

預。有勢要把持。及不服鈐束者。指實奏。○十六年覆准。糧道專司漕務。督押過淮盤驗後。即令回任料理新漕。除山東河南糧道照舊押運。抵通外。餘省令總漕巡撫於本省管糧通判中遴選一人。督押抵通。○十七年覆准。糧道不得別委。俾專司漕務。毋誤職掌。○康熙十年覆准。荊州等四衛軍船。武昌左衛增補漕船。聽湖南糧道催運。武昌等六衛所軍船。聽湖北糧道催運。○雍正四年題准。糧道皆有公事辦理。若令押船過天津。諸事必多遲誤。嗣後令總漕於江

安蘇松二糧道內。每年委一人親押過山東入。俟江南糧艘儘數過淮。即回本任。○乾隆十八年奏准。豫省漕糧。糧道親押抵通。其回空船隻。另委通判一員。三月內抵通管押歸塢。俾糧道迅速過歸。○三十二年奏准。江南省糧艘。例於江安蘇松二糧道內。遞年輪委督押。至山東臨清地方。如遇運河水足。督押道員。毋庸專派。即代押之員。亦可不委。○三十七年奏准。糧道一官。以漕務為專責。當糧船開行。務須親身督押到淮。不得藉地方差務。委丞倅代押。如有經

辦軍需緊要事件。必先詳明督撫漕臣。方許委員代押。○四十一年議准。糧道總理遠省糧儲。統轄有司軍衛。遠委領運隨幫各官。責令各府清軍官。會同運弁僉選運軍。成造新船。修葺舊艘。督催州縣開徵漕白二糧。隨糧輕齎席木行。月廩工耗贈等經費錢糧。查驗米色。嚴禁倉棍。把持糧蠹包攬攙和糠粃等弊。並管束運丁。在次不得折乾。及需索私貼苛勒耗贈。兌竣之日。依限開行。督催漕欠諸務。一切漕運錢糧。盡歸糧道專管。各司府道不得分管混淆。督撫亦不得別行委用。致誤職守。○四十八年議准。浙江湖廣江西等省。令該糧道一體督押過淮。直抵臨清。始行回任。其自臨清抵通。概令山東糧道嚴查催趨。俟漕督總押尾幫抵臨清後。再行回任。至各該糧道內。或因路途遙遠。任內遇有要件。難以分身。及升遷事故離任。令於各該省道府大員內揀派一員。或道府乏人。再改委同知押運。○又議准。江西糧道。經管漕項銀米。僉丁送運事務。若令督押抵臨。約於九十月間。始能回任。嗣後於押運抵淮盤驗後。即回任辦事。臨

期酌量於通省知府同知內委派一員。督押抵臨。○五十三年諭。各省糧道每年押運抵淮。不過於各糧道中輪派一員。押幫前進。漕艘為數較多。一人耳目難周。照料難期。妥協宜何省糧船。令該糧道押送抵通。更為有益。其酌定章程。妥議具奏。欽此。遵旨議定。山東河南令該二省糧道管押抵通。江南於江安蘇松二糧道內。派一員直押抵通。浙江令糧道押運抵通後。速即回任辦理新運。江西湖南湖北三糧道。押抵臨清後。即行回任。其自臨清至通州。既有本幫丞倅。即可押運抵通。並交山東糧道就近催趨。○五十四年議准。河南糧道。有督銷鹽引。並辦漕前各倉等事。於押運時另委總運一員。隨幫管押抵通後。並令催趨回空歸塢。○嘉慶十四年奏准。江安糧道管轄四十九幫。蘇松糧道所屬五幫。每年僅派一員輪押抵通。非慎重漕儲之意。嗣後每年首進幫船。委江安糧道專押抵通。二進幫船。委蘇松糧道專押抵通。江安安慶等八幫。如能趕緊開兌。自應列入首進。或二進幫內。儻江湖風汛靡常。不能

趕入二進。責成浙江糧道督察催辦。○二十二年

諭。漕糧未兌以前。責在州縣。既兌以後。責在弁丁。其受兌之時。如有米色潮溼攙和者。准其稟報該糧道查驗參辦。○道光七年

諭。嗣後河運年分。所有各幫津貼。著責成該糧道覈實辦理。不准絲毫格外取與。如刁丁敢於需索。許該州縣稟揭。從重懲辦。儻州縣意存回護。暗中增加。即著糧道查明。一併詳參。○咸豐三年奏准。江蘇省漕白糧米尾數無多。照京倉折放米石。杭米每石一

兩四錢之數。飭令蘇松糧道折價交納。派員解部。俾該糧道迅速回任。趕辦來年新漕。○十年

諭。江浙兩省抵津米船。現已有二百三十餘隻。正在驗收喫緊之時。各該糧道既未抵津。亦未據報起程日期。此後米船連檣北上。辦理乏人。經費又無所出。著何桂清徐有壬王有齡。即飭各該糧道迅速兼程前赴天津。毋任稽留。致誤運務。○同治十一年

諭。延煦畢道遠奏。剝運白糧積久弊生。請事變通一摺。著張樹聲恩錫楊昌濬飭知各該糧道。來歲海運白糧抵津。即自雇民船剝運赴通。毋庸在津候驗。津貼

剝價等銀。由各糧道自行支給。此外起運押運事宜。及應用委員。均由各該糧道隨宜辦理。

欽定大清會典事例卷二百四

戶部

漕運監兌 押運 領運 白糧領運 催

監兌。○原定各省監兌漕糧官員。山東以武定府同知。東昌府清軍同知。濟南兗州泰安曹州四府通判。濟甯直隸州臨清直隸州州同。河南以歸德衛輝懷慶三府通判。江南以江甯府督糧同知。蘇州府督糧同知。松江府董漕同知。鳳陽府同知。蘇州揚州廬州太平池州甯國安慶常州八府管糧通判。鎮江徐州松江三府糧捕

通判。淮安府軍捕通判。太倉州臨時添委丞倅一員。浙江以湖州府同知。杭州府局糧通判。今裁嘉興府通判。江西以南昌吉安臨江三府通判。湖北湖南每年於通省同知通判內詳委三員監兌。○康熙六年題准。向來漕糧專以府推官監兌。凡米色之美惡。兌運之遲延。及運軍橫肆苛求。衙役需索。姦蠹包攬。攙和等弊。皆責令監兌官嚴行禁戢。今各省推官既裁。監兌事宜。委府同知通判。照推官例舉行。○二十二年定。河南省漕糧改折停運。監兌廳員。即行停止。○五

十一年題准。監兌官務令坐守水次。將正耗行月搭運等米。逐船兌足。親督到淮。聽總漕盤驗。○雍正元年題准。漕糧開倉將兌之時。委定監兌官。不得以別項公事差委。○七年覆准。漕糧開兌之期。監兌官親赴水次。驗明米色純潔。面交於押運官。糧船開行之後。仍令親押到淮。如有糧數不足。米色不純。照溺職例議處。○乾隆二十三年奏准。各省監兌之員。例應尾押漕船過淮。然後回任。江西湖廣遠涉江湖。押淮之員。即行停止。○二十六年議准。水次兌收漕米。或

攙雜潮潤。州縣及監兌官均有處分。該管道府廳不行揭報。照失察例議處。有意袒護。照徇庇例議處。○三十一年奏准。安徽省監兌押淮之員。照江西湖廣之例停止。○四十一年議准。山東省汶上等三縣。撥歸濟甯州管轄。漕糧由濟甯州同監兌。夏津等三縣。撥歸臨清州管轄。漕糧由臨清州同監兌。○四十五年議准。山東汶上縣仍歸兗州府屬。漕糧令兗州府通判監兌。金鄉縣改歸濟甯州屬。漕糧令濟甯州州同監兌。○嘉慶十二年定。各省監兌各官印結。

隨同開幫冊籍。一併送部。遲延議處。○道光二十年奏准。江蘇省揚州府糧河通判。例應監兌揚州府等屬漕糧。惟當州縣兌漕之際。正河工料之時。勢難兼顧。所有揚州府及通州直隸州所屬漕糧。自道光二十年冬漕始。改委揚州府同知監兌。○二十一年奏准。山東省曹州府屬漕糧。向歸該府糧河通判監兌。嗣因河漕未能兼顧。改委桃源督捕同知監兌。○二十八年奏准。漕糧交兌後。監兌官秉公查驗。兌竣。運弁即將通關文結。給該州縣轉送該管衙門查覈。儻遇州縣衛弁以米色爭持者。即將驗過米樣。眼同封固。各用印戳。馳送總漕。並委查之道員親往比驗。果有潮溼攙雜。監兌官徇私袒庇。一併通揭請參。

押運○原定。山東通判一人。河南通判一人。江南通判七人。浙江通判三人。江西通判二人。湖北通判一人。湖南通判一人。○順治十六年覆准。糧道在南董理運務。不能分身抵通。除山東河南路近。照舊遵行。其江浙各省糧道。止令督押到淮。盤驗後。即回本省。令總漕會同該巡撫。

於管糧通判內。每省遴委一人。專司督押。管束運軍。嚴加防範。以杜沿途侵盜。攙和等弊。○康熙二十九年議准。押運官不得攜帶侍妾優人。及多帶童僕。其餽送積弊。盡行革除。管押幫船。自開行日期。計程嚴督催趲。○三十四年。以通判官微職小。不能彈壓。復令糧道押運。○又題准。河南省漕糧。向係糧道押運。今改彰德衛輝懷慶三府通判輪流押運。謹案同治初年。河南漕糧改徵折色。此例○三十五年題准。嗣後漕糧回空。令通判管押。如徑從陸路回南。照差遣官枉道例。議處。押空過淮遲誤。照重運過淮違限例。議處。○雍正四年

論押運同知通判抵通之日。著總督倉場侍郎送部引見。○又題准。蘇松江寧二糧道。每年派委一員。輪流押過山東八牘。俟江南糧船儘數過臨。回任。○乾隆元年題准。江南省向設押運官五人。江西省向設押運官一人。船多人少。前後遙隔。未便稽察。嗣後於江西增委一人。江南增委二人。該督撫遴選委用。沿途稽察。議敘議處。悉照定例。○二年題准。山東省漕糧。於泰安武定曹州三

府同知通判內。遴委管押。凡插外先進糧船。插內抵通回空糧船。以及輪押蒞糧並監兌等事。與濟南兗州東昌三府管糧通判。一同辦理。○三年議准。押運官引

見後。部內給予限單。趕幫督同前進。到淮逾限。即行參處。○六年題准。山東省東昌府上河通判。向係專理運河河道工程。兼管聊城等十四州縣糧務。該員事務紛繁。難以兼顧。嗣後將聊城等十四州縣糧務。改歸東昌府清軍理事同知管理。○七年題准。重運過淮之時。令淮安府糧捕

通判。協同漕標營將東公籤驗。儻籤驗不實。有兵丁營役舞弊營私。該督即行題參。○九年題准。籤盤漕糧。營衛互用於籤盤之日。括闔勻分。著為定例。總漕及巡漕御史。後照此稽查。如有改易成規。即行參奏。○十年咨准。江蘇省松常二府糧船。即令各府監兌通判。押運抵通。蘇太二府州所屬之長洲元和吳縣吳江震澤五縣糧船。亦令監兌之管糧通判。管押抵通。其常熟昭文崑山新陽太倉鎮洋嘉定寶山等八州縣及鎮江府屬船糧。將應委增設押運官二人。先

期委一人。豫赴常昭等處水次。一人。豫赴鎮屬各縣水次。稽察船糧。催督開行。趨押抵通。其米色行月上船等件。仍責監兌經理。兌齊開行之時。將各官管押幫船數目。造冊報部。○十二年奏准。湖北省糧船無多。不需多官料理。於六府通判內裁減三人。○又定。各省糧道。例應督押重運船糧到淮。如遇升任調補不能督押者。令同知代為督押。○又定。總押同知通判管押空船回南。於到淮日。呈繳倉場限單銷差。以後各幫遇有事故。總押丞倅免其議處。○二十三年奏准。湖廣江西二省押准廳員。循例一行。無事可辦。所有監兌之同知通判。俾其委押到淮。設過淮時。驗有米色不純。查係何員監兌。即將該員題參議處。責令賠補。○二十五年定。各省押運廳員。各計所押幫數。於適中之幫坐押催趨。不時前後往來。稽查約束。仍令總漕不時察看情形。董率稽查。如有違誤。照例查參。○二十九年議准。糧船開行後。弁丁等不留心照料。勤看水艙時。加風晾。致有湖溼微變者。將押運領運官弁參處。立限賠補。○三十三年奏准。南漕二

進幫船。舊例於江安蘇松二糧道內。遞年輪委一員。押至臨清。然後回任。嗣後如遇運河水足。船艘可以浮送。不但道員毋庸專委。即代押之通判亦可不委。如遇運河水小。淺阻處多。需大員前往籌水接濟。並辦理剝船諸事。漕臣臨期酌量情形。於江安蘇松二糧道內。奏明派委一員。前往辦理。○三十六年定。總運丞倅。係總押漕務之員。例應隨時稽查。空運千總。在幫協同辦事。亦應互相稽查。如本幫重運千總。有虧挪官項之事。漫無覺察。除照例議處外。仍將虧缺銀兩。著落分賠。○三十七年定。糧船兌齊開行。各該糧道務須照例親身督押到淮。不得以辦理地方差務。轉委丞倅。如值督趨之期。果有經辦要件。實難分身督押者。必須先行具詳督撫。漕臣覈實。方許委員代押。○三十九年奏准。凡遇運河水小之年。江安蘇松二道應押幫船。直抵通州。○四十四年奏准。各省同知通判督運漕米。沿途有催趨稽查之責。向俱帶印起程。署事之員。由藩司領木戳以代印信。嗣後應專頒督運官印信。封存藩庫。臨時領用。有漕省分。畫

一辦理。○四十五年議准。江蘇省蘇松常鎮太五府州屬漕糧。向係蘇松常鎮四糧廳監兌押運。因船多員少。不敷照料。將太倉州一屬。添派丞倅一員。監兌押運。以重漕務而專責成。○五

十三年

諭。嗣後凡有押運官員。應送部引見者。倉場侍郎等務

於該員兌運事竣。即行給咨送部引見。毋得延緩。○

五十八年奏准。江蘇省蘇州太倉總運二員。一

管長洲。元和吳縣常熟昭文吳江震澤糧船。一

管太倉鎮洋嘉定寶山崑山新陽糧船。自水次

至通壩。一切兌運各事宜。責令一手經理。如米

色不純。及沿途盜賣。攙和等弊。惟該運員是問。

○嘉慶十年

諭。各省押運道員。均著該督撫照丞倅押運糧船咨部

引見之例。出具考語。給咨送部。如果沿途催趨認真。

並無過失。到通交糧完竣後。准其由倉場侍郎查明

送部引見。○十一年議准。山東河南江南浙江等省

糧道。如遇引

見之年。於抵通後。出具船米無虧切結送部。江西湖

南湖北三省糧道。如遇引

見之年。仍令親身督押抵通後。出具船米無虧切結送部。○又

諭嗣後湖北省及湖南江西兩省糧道押運已屆三次。如果催趨認真。並無過失。即著該督撫出具考語給咨。由倉場侍郎查明送部引見。此外豫東江浙等省糧道直押抵通者。亦著俟押運三次後。送部引見。以歸畫一。○十四年奏准。江蘇省江安蘇松二糧道共管六十一幫。每年僅委糧道一員。輪押抵通。於體制未協。嗣後首進幫船過淮。即委江安糧道專押抵通。二進幫船過淮。即委蘇松糧道專押

抵通。又江安糧道所屬之安慶等六幫。由大江行走。宿州等二幫。由洪澤湖行走。江湖風信靡常。不能如期出境。往往插入二進及三進浙江幫船內北上。應嚴催趕緊兌開。能列入首進或二進幫內行走。仍歸江安蘇松二道督押抵通。儻因江湖風信靡常。不能趕入二進。仍插入三進幫內。責成浙江糧道就近督察。如有脫空阻滯及舞弊情事。即一體催辦查參。○二十一年題准。湖北省武昌衛。每年輪派十船。撥入三幫行走。遇有提溜打插。以及風火等事。隔伍軍丁。

不能協力相助。應將武昌衛船隻統歸頭幫管押。以便約束照料。○道光七年覆准。山東省各幫。如遇災緩減歇。歸併代押裝運之案。向無限制。嗣後插內外河出運船數。如在十五隻以上。即令本幫丁船運官出運。不准歸併。如不及十五船之數。仍令各本幫丁船兌運。歸併別幫運弁兼押。儻遇各幫出運船隻不敷裝運。即用別幫減船抵裝。其或緩贖漕糧僅止數百石。即令別幫加裝帶運。毋庸專船裝運。以節糜費。

領運。○原定直隸省通州左所右所。天津左所右所。領運千總各一人。均領河山東省濟甯前後及前左後右漕船四幫。德州衛東昌衛濮州所臨清衛山東前幫後幫。每幫領運千總各二人。東平所一幫。領運千總一人。領本德州左衛東昌衛平山前幫後幫。臨清衛河南前幫後幫。每幫領運千總二人。領河江南省江安糧道所屬興武長淮二衛漕船各九幫。淮安衛漕船四幫。大河廬州二衛漕船各三幫。揚州衛漕船三幫。儀徵一幫。太倉鎮海鎮江安慶泗州五衛漕船各二幫。宣州建陽滁州新安四衛漕船各一

幫。鳳陽衛常州原鳳中。及鳳中常州漕船各一
 幫。長淮衛漕船三幫。宿州兩幫。徐州衛江北一
 幫。每幫領運千總二人。省領本徐州衛。河南前後
 兩幫。每幫領運千總二人。省領本浙江省杭嚴衛
 漕船四幫。嘉興衛湖州嚴州二所漕船各一幫。
 温州台州二衛漕船各二幫。每幫領運千總二
 人。甯波處州紹興三衛。領運守備各一人。漕船
 各二幫。前幫領運千總各一人。後幫領運千總
 各二人。海甯金衢二所漕船各一幫。領運千總
 各一人。江西省南昌衛漕船二幫。領運守備一
 人。前幫領運千總一人。後幫領運千總二人。袁
 州贛州二衛。領運守備各一人。漕船各二幫。領
 運千總各一人。九江衛漕船二幫。每幫領運千
 總二人。撫州饒州安福吉安廣信鉛山永建七
 所漕船各一幫。領運守備千總各一人。衛千總
 各一人。湖北省漕船三幫。湖南省漕船三幫。每
 幫領運千總二人。各省糧船。每幫隨幫效力武
 舉一人。謹案自咸豐三年河運停歇。後船隻無存。領運名目亦廢。○順治七
 年覆准。每年僉運職名。糧道於七月內呈報。遲
 至八月不報者。罰俸三月。九月不報者。罰俸六

月。十月不報者。降俸一級。俟運官糧完。再行開
 復。○康熙六年題准。運官挂欠漕糧脫逃者。將
 出結委用官議處。○八年定。運弁領運全單。不
 填註支領糧銀月日。照疏忽例議處。○十一年
 題准。衛官捏報運官侵欠漕糧。希圖奪運。違誤
 漕運者。將原告之官革職。其運官已經僉運。抗
 違規避。誤漕者。革職。又運官以私事不親押運。
 起卸後始行趕至。及運竣南旋。託故回籍者。皆
 革職。○又題准。衛所裁外委百總名色。改為隨
 幫官。江南江西浙江湖廣隨運三次。山東河南
 隨運四次。給千總劄。再隨運二次。以衛千總推
 用。○二十四年題准。本衛領運千總乏人。務於
 別衛揀選。不得濫委守備代運。○二十六年定。
 新運行月錢糧。已經給發。運弁不將全單送蓋
 印信。該衛備又不催提。各罰俸三月。○四十九
 年覆准。各省運弁。如係革職未復。毋得僉委領
 運。○五十一年覆准。揀選候選衛所千總。發往
 漕標效力。如有領運千總員缺。聽總漕委署押
 運。其抵通全完者。即行補授。○雍正元年覆准。
 凡大衛應補之備弁。務選才守兼長者調補。其

才幹平常者。移調軍船減少之幫。儻有徇情濫委者。照徇情例議處。若調補不得其人。以致沿途生事。並抵通欠糧者。將該督照濫委匪人例議處。○又覆准。運弁抵通無欠。給發完程限單。限一月到淮。其逾限不到者。照規避例咨革。如果因公逗遛。總漕即據實咨部。以憑稽察。○又題准。運弁隨幫領運回空。務親身管押。其有擅自離幫者。從重治罪。○又題准。領運各弁領到全單。督軍修船。公同驗米交兌。如有縱軍生事勒索折乾偷盜等弊。以及停泊耽延。致誤抵通定限者。參處。○二年題准。揀選武舉候推守禦所千總。有情願頂補隨幫者。赴部領給執照。發往總漕僉補。三運無誤。以衛千總補用。○三年題准。運弁挂欠漕糧。咨部解任。發南追比。即以完糧之效力武舉推補。其欠糧運弁。如限內全完。題請開復。○四年題准。江南等省江淮等衛均屬繁劇。總漕揀選才能並無事故之衛弁。題請調換所遺衛所。請發藍翎侍衛補授。○五年題准。運官不及早僉。迫近兌糧開船限期者。照漕船日久不完例議處。○十二年題准。發回漕

標效力武舉。定限五運給咨赴部。儻三四運以下。該員有情願赴部者。亦准咨部候推。○又題准。漕標武職遇有親喪。於聞訃之日。給假回籍葬親。報部察覈。近者不得過六月。遠者不得過十月。○乾隆元年定。領運委運守千武舉等官。遇有火毀逗遛脫幫等事。例應處分者。若果因公出境。於奉取職名之時。聲明邀免。若已議處之後。隔數月。或隔一二載。始以因公出境題請開復者。概不准行。將捏詞希冀開復之員。嚴參懲治。○三年題准。嗣後領運衛弁到境完糧。即按年咨部。按運議敘。不得遲延。○四年定。各省衛所守千。有徵收屯糧專司領運者。統歸知府管轄。其天津左右二所。歸天津府管轄。通州左右二所。仍歸通永道管轄。○九年題准。初任運弁。如有不諳漕務。未能領運者。酌量扣除一次。別選熟諳之間。運千總。或例應委用之武舉。出運。仍將出運之弁。調淮差委學習。至第二運。仍不諳練。據實題參。有藉此鑽營奪運。並遊委之該管各官。有徇私偏袒等弊。該督即指名題參。○二十一年議准。江蘇省淮安大河泗州等幫

撥運揚糧船隻。自揚至淮。歸揚州幫弁代押。到淮。仍歸本幫管押。淮安頭幫抽運蘇糧船隻。即歸本幫二幫兌運。蘇次之弁代押。以專職守。○二十三年議准。嗣後幫船遇停泊之夜。押運千總。輪流率領本幫丁舵人等。互相防護。如有被盜之事。將領運各弁。盜案每案罰俸一年。竊案每案罰俸三月。倘有抑勒隱諱。分別強竊。照例議處。○二十四年定。各幫領運千總。運滿時。令總漕秉公考覈。如人才出眾。踴躍急公。出具考語。送部引

見。准入即升班內先用。其循分供職。運滿無誤者。照舊帶領引

見。入於議敘班內升用。三等之員。運滿報部。照例加級紀錄。不准歸議敘班內升用。四等之員。各部革退。○二十八年覆准。各省領運守千。遇過淮。違限一月以上者。例議革職。戴罪督押。抵通完糧之後。題請開復。向由各糧道查詳。嗣後即以掣獲全單。繳驗為憑。彙案具題開復。以歸簡易。○二十九年定。各省領運千總。准其自用鈐記。毋庸造具幫名清冊。各部鑄給印信。其從前銜

守備用印。陋規。仍令漕督飭令各省糧道。嚴行禁止。查出。即將該員弁揭參。○六十年議准。山東省各幫運隨員弁。向無額設養廉。按起運米數。每石。運官支銀五釐。隨幫支銀一釐。如漕糧全行停運。找支十分之五。緩載過多之年。找支十分之七。在於兌漕州縣一五漕耗內支給。至蠲緩漕糧年分。除減運帶運各幫。按兌漕數目。覈計所支銀兩。尚足敷用。毋庸找給。其並未出運之幫。按兌漕州縣蠲緩米數。照停運例覈給。運隨員弁盤費十分之五。在於蒞糧漕耗銀內

動支。○嘉慶五年奏准。嗣後如有新選之弁。不諳運務。實有人缺相需。必得另行調委者。在本省各幫內揀派。或於候補標弁內委辦。不得將別省幫弁互調。○又奏准。委催漕運各弁。其有實缺廉俸者。毋庸給予盤費。如候補人員。在調劑江南旗丁項下。每船扣留銀四兩內。提銀一萬五千兩。交淮安府發典起息。以資候補各員。及隨漕兵役沿途薪水之用。○十一年定。各省運弁領運漕糧。如有中途截留及失風挂欠等事。即將本運次數扣除。其遠省三運。近省六運。

必俱抵通全完。由漕運總督分別等第造冊咨部。照例議敘。其保列一等二等應行升用者。題准後給咨送部引。

見。分別營衛升用。如有已因軍政卓異俸滿等項。業經引。

見。分別營衛升用者。毋庸再行送部。其列為一等者。照例先行升用註冊。列為二等者。入於議敘班內。照例升用註冊。十二年定。領運千總應追公館鋪墊銀兩。實無資財。無力完繳。出具甘結咨部。照例彙題豁免。十三年定。失察糧船水

手打死人命之領運千總。照例降一級留任。如有隨帶加級。抵免降級。又定。漕船失火。領運千總。照例降二級調用。如任內原有加一級。現有捐納加一級。覈其上庫日期。在該督撫未經具奏以前者。即予抵銷。十五年定。領運千總挂欠米石。分年抵補全完。原議處分。照例開復以示鼓勵。

白糧領運。○原定。江蘇省蘇州府太倉州運白糧船共一幫。松江常州二府各一幫。浙江省嘉興湖州二府各一幫。領運千總每幫各二人。隨

幫效力武舉各一人。○順治四年題准。白糧改為官運。以府通判為總部。縣丞典史為協部。吏典為押運。○十六年覆准。押運白糧。慎選丞簿。專委收解。將押吏盡行裁革。○康熙十四年覆准。白糧改令漕船帶運。裁去總協二部。蘇松常三府。每府增設千總二人。每年輪流領運。○又覆准。蘇松常三府白糧。每幫增設隨幫一人。押趙回空。○又覆准。浙江省增設領運白糧千總四人。隨幫二人。○雍正三年覆准。蘇州府太倉州運白糧船一百十有八號。船多軍衆。分為前後二幫。增設千總二人。隨幫一人。○乾隆二年覆准。白糧減徵。蘇太前後二幫。歸併一幫。從前增設千總二人。隨幫一人。悉予裁減。○又覆准。浙江省駕運白糧軍船。乃永久承運。今減徵白糧。改徵杭米。即以減出運白之船。運改徵之米。仍歸嘉湖二府運弁領運。

催趙。○康熙元年題准。淮北淮南沿河鎮道將領等官。均有趙重催空之責。漕船入境。各按汛地立即驅行。毋使停滯。如催趙不嚴。以致糧船停泊及縱運軍登岸生事。聽所在督撫題參。○

二十六年題准。江南省京口瓜洲渡江相對之處。令鎮江道董率地方文武官。遇有重運。亟催過渡。並令京口總兵官巡視河干。一同催護過江。如遇大風。督令標兵操舟豫備。遇有船及江心不能近岸收口者。設法輓收。○三十六年題准。京口總兵奉裁。催護漕船。即令副將管理。○四十五年題准。漕船至臨清德州等處。河水淺阻。山東巡撫揀委賢能官。自濟甯隨押督催。遇淺疏濬。催出山東地界。將出界日期奏報。○五十一年題准。各省空重漕船。有在淮揚以及蘇

松南河遲延者。江南巡撫取催趨不力。並押運領運官弁職名題參。其在淮安以至天津北河遲延者。總漕倉場侍郎行文各該督撫。取專催督催不力各官。並押運官弁職名題參。○又定。各省漕船進瓜洲儀徵河口至三岔河時。凡有一幫到齊。即催趨先行過淮。如有前幫船隻不全。總漕委員督令後幫全到之船。越過先行。其有停阻河道。爭相漫越者。嚴行約束。糧道嚴催尾押過淮。如有不依限兌運。催趨過淮。以致遲誤。將糧道監兌押運催趨各官。查明題參。照例

處分。○六十一年定。空重漕船一入境。文武印河各官。率領兵役。親往催趨出境。毋許停留生事。倘有丁舵水手生事為匪。專管各官。並不親往河干彈壓協拏。照溺職例議處。兼轄道府廳員。副參遊守等官。照失察例議處。○雍正二年定。山東省壽張營守備。移紮張秋鎮。自張秋至七級。插責令催趨。其魏家灣戴家廟。仍責該管把總專催。○又定。山東河南兩省糧船過天津日期。照南漕三日一報。○三年奏准。天津至通州。沿河各有汎地。遞相催趨。倘前汎不行力

催。有礙後船。及漕船到汎。不親赴河干。並坐視前船阻滯。不行申報者。倉場侍郎題參。○四年題准。天津關內舊設三十八汎。沿途趨運。今以蔡村以上。每五里造船一隻。蔡村以下。每十里造船一隻。令兵丁住宿在船。糧船來則催重。回則催空。○五年定。漕船遇風水平順。地方官遵照原限催趨出境。不得遲誤。若遇風色不順。並水勢浩大。與押運官弁公同計議。暫停守候。於入境出境冊內註明。如捏稱風色未便。停泊逗遛者。總漕該督撫。查參地方官及押運官弁均

照捏報兌開例降二級調用。○又定。催漕船隻。按汛成造。每隻給銀三十七兩六錢三分三釐。於稅課銀內動支。又另於茶果銀內。每歲支給小修銀二兩。十年期滿。照例另造。○七年奏准。北河壽張東昌等處。向無專駐大員。巡察不密。今遣派專員駐紮。各按河汛往來催趨。其臨清甄版二瓶。即令臨清副將催趨巡察。如不實心奉行。致空船重船停泊耽延者。倉場侍郎題參。○又題准。糧船回空到省。未經開兌之先。責成漕本省巡撫及糧道等官。開兌出境之後。責成漕運總督及沿途該管地方文武等官。到天津以後。即責成倉場侍郎坐糧廳。並天津總兵。通州副將天津通州等官。各按該管地方嚴行稽察。如有違犯。協同押運官弁。立即擒拏。按律懲治。○乾隆九年覆准。通州河郝家鋪以南。溫家莊以北。計河程二十里。責成通州州同管理。會同武弁催趨空重漕船。○十六年定。各營汛催漕弁兵。如遇漕船入境。不顧風信險急。因索詐未遂。混行催趨。以致折損者。立即參究。○二十二年奏准。北河水程三百六十二里。原設趨漕快

船六十隻。每船給歲修銀二兩。今工料不敷。應將五里造船一隻者改為十里。十里者改為十五里。計三十二船。足敷催趨。每船加添歲修銀二兩。在於減船節省銀內動支。照例十年拆造。○二十五年定。撥運薊易等處漕船。倉場侍郎直隸總督。即就近委員稽查。營汛沿途催趨。如遇阻滯。實緣人力難施。據實查報。儻有浮捏情弊。立即指名題參。○三十八年定。官員催趨漕船。無故容後幫之船前行。前幫之船後行者。其沿河地方。係有佐雜等官專管。將專管佐雜等官及專汛官。罰俸九月。兼管之州縣官。罰俸六月。如該地方並無佐雜專管。係州縣自行催趨。即將州縣官。罰俸九月。其漕船入境日期。該管官不行查明轉報者。罰俸六月。至前途州縣不行力催。有礙後船者。後次州縣及後汛之員。申報倉場。查明催趨不力之員。題參議處。如不親身赴河催趨。並坐視前船阻抵。不行申報者。亦照催趨不力之例議處。○三十九年議准。漕船過淮後。例按次序挨幫前進。如前幫船隻失風沈溺。搶救需時。即今後幫漫越先行。俟撈岸事

竣再行插接前進。或遇阻風淺閣。仍照例挨次
過行。儻藉詞搶越。將該員弁據實查參。○四十
年議准。湖北省漕船尾隨浙江幫船前進。每因
浙幫未齊。停讓守候。嗣後湖北漕船進瓜洲儀
徵河口至三岔河時。浙幫未到。即令越次先行。
過淮後於寬闊地方停讓。仍依序隨行。他省幫
船均照此辦理。○又定。湖北省糧船至瓜儀內
河。因浙幫糧船尚未跟艚。或因風阻。楚船先行
駕越過淮。在於清江插上千根旗杆。及雙荆插
等處河身寬闊地方停讓。俟浙幫進完後。即依
次尾隨北上。○四十一年定。山東省運河。每年
於十一月初一日熱壩挑濬。其開壩日期。以南
漕船隻頂臺莊為準。如有逾期不築。及糧船未
到臺莊。先行開壩。督撫將該管官查參議處。至
插座啟板。均俟漕船齊幫。始行開放。官商民船
隨漕過插。不許越漕啟板。插官瞻徇私啟致洩
水誤漕。將插官及廳員分別議處。糧船因守候
齊幫。耽延時日。准於單內註明。免其查參。再山
東運河各插。遇春夏水微之時。遵照漕規啟閉。
如糧船到插。必俟上下兩插插板緊閉。會牌俱

到。始行開插。如會牌已到。而插官尚未啟板催
漕員弁。即令插官開插放船。詳報總河總漕查
參。會牌未到。不得逼勒啟板。如河水充足。相機
啟閉。以速漕運。總不得兩插齊開。過洩水勢。○
五十六年議准。江西湖廣兩省重空漕船經由
繁昌地方。令該港巡檢為專催。繁昌縣知縣為
督催。設有遲誤及盜賣攬載等事。分別參處。○
五十八年

論。近年以來。各省催趨漕船。已復冬兌冬開例限。回空
船隻。自應趕緊抵次受兌。但沿途催漕文武各員。總
當察看風色水勢情形。量為催趨。如遇大江風帆難
以駕駛。亦可令其停泊港汊。暫時守候。若惟知促迫
為事。勢必冒險開行。軍船漂沒。未必不由於此。且回
空船隻。該管運員及運丁等。皆未免意存怠玩。或吝
惜雇價。將熟習水手散遣。止留不諳駕船水手數人。
遇有緩急。全不足恃。而押運員弁。甚或因思家念切。
先行回署。並不在船督率。以致有船隻失風之事。著
通諭各該督撫。嗣後漕船過境。務須飭令沿途各員。
酌量情形催趨。不可過於急迫。致令涉險失事。亦不
得因有此旨。任其逗遛。以致遲逾定限。其押送回空

船隻運員軍丁人等。如有前項情弊。即應嚴行參辦。庶漕運不致遲延。而行走亦昭慎重。○嘉慶四年

諭。重運漕船北上。雖應迅速趕行。然催趕過急。即遇風狂浪急之時。亦皆冒險開行。殊非慎重之道。本年江南幫船到通。屢據戶部奏報。較上年早到四十日至三十日不等。可見重運船隻。趕行未免過速。似此每年因有比較。總早數十日。則將何所底止。且旗丁各有例帶貨物。沿途原准售賣。若晝夜趕行。竟無銷貨之暇。於旗丁生計。亦有關係。嗣後各幫漕船。固不可任其脫幫停泊。而遇有險要河道。務須察看風色行走。與其因欲速致有漂失之患。何如略為停待。以昭慎重。所有渡黃及到通日期。止須較例限略早數日。交糧回空。已無誤冬兌冬開之限。不必過為催趕。○

五年

諭。糧船為天庾正供。自宜迅速輓運。不可稍令稽遲。其織造雜物船隻。裝載上用物件。固關緊要。然較之重運幫船行走。究可稍緩。至於銅鉛船隻及木排等項。亦非漕船可比。乃往往於運河內肆意橫行。不特令商民船隻避讓。甚至糧艘北上。亦恃強攔阻。押解之員。漫無約束。此等惡習。朕所深知。嗣後著責成巡漕

御史轉飭沿途文武員弁。將重運漕船催趕先行。其餘船排等項。令其尾隨在後。挨次前進。以期無誤。正供。儻該船排等不遵彈壓。恃強爭先。一經查明。即將押解之委員嚴行參辦。以示懲儆。○十三年

諭。故城縣鄭家口。地屬直隸。糧船停泊。不無遷延。著直隸總督每歲派委參遊大員。專駐該處催趕。○道光

八年

諭。本年新漕起運。前經降旨。務於四月初十以前全數渡黃。若船身笨重。趕渡遲延。致誤定限。自應豫為籌計。著該漕督等令該管河員。於各插多添開攬人夫。俟漕船到時。即加緊催趕渡黃。俾臻妥速。以符定限。

○咸豐二年

諭。向來江廣幫船經過九江蕪湖龍江等關。查驗納稅。開書人等往往藉端刁難。致稽時日。著九江蕪湖龍江各關監督。一俟江廣幫船到關。立即查驗放行。不准羈留。如各幫船於例帶土宜外。尚有應繳稅銀。即酌留伍丁。令其照數完納。俾幫船迅速前行。毋致貽誤。至各幫丁舵人等沿途售貨。任意逗遛。該漕督亦應嚴飭各糧道督率運弁。隨時實力稽查。催趕進行。毋任藉詞延宕。並著沿途各督撫。派員一律嚴催。以

速漕運。○又

論漕糧為天庾正供。近來重運漕船。不能如期抵壩。以致回空歸次。兌收新漕。節節耽延。本年幫船北上。開行已遲。沿途又不實力催趨。直至運河漸已凍合。尚未全數抵通。現將在後之江安重運。剝船。截卸天津北倉。浙省杭嚴三等七幫。由山東打冰剝運。並有嘉白等幫。尚未報入東境。似此任意延玩。實從來所未有。刻下節近大雪。水勢日消。若不趕緊趨令歸次。來年新漕受兌。必致貽誤。關係匪輕。除浙江各幫該撫請改海運。江蘇各幫明年仍分別海運外。其餘各省幫船。著漕運總督嚴飭起卸各幫。即日連檣南下。銜尾進行。不准片刻停留。並著東河南河總督及有漕各督撫。分飭各地方嚴切催提。及早歸次。來年新漕。尤當迅速辦理。按期兌開。統於四月初十日以前。催抵清江。剋期渡黃。毋得因本年回空較晚。又復藉口耽延。

欽定大清會典事例卷二百五

戶部

漕運會選運軍 漕糧交兌 沿途程限

會選運軍。○順治九年。獲准舊例。用黃快船。以運貨物。設運船。以稅漕糧。邇年運軍。苦於運糧。每多竄入黃快。下該管官嚴行清劄。○十二年。獲准軍丁。毋許竄入民籍。責令該管糧道。分別造冊。五年一編。審儻有蒙混不清。及受賄擾民者。指名題參。○康熙二年。定會派運丁。開下舍。餘同會。領運至護衛之軍丁。既係衛所內額軍。如果殷實。即當會報。備弁。倘庇不報。該督撫即指名題參。○三年。定湖廣各軍丁。不論城屯。與班營等軍。凡有殷實一併會選。○四年。題准衛所內。儻有不法強徒。強索民間富戶。與遠年絕軍同姓者。幫貼運費。總漕督。嚴查究治。○九年。定會報運丁。有衛弁巧借備運名色。訪本衙。殷實餘丁。百計需索者。令各糧道。嚴查。果有缺額。飭將殷實之丁。坐名會報。既會之後。不得妄報新丁。亦不得受賄更換。如有此弊。該督撫嚴查題參。○十九年。定運丁。赤貧無積。積年欠

糧者總漕查明革退另僉殷實之人頂運○二十二年題准運軍不許投竄別差儻有避運投旗隱漏不報者總漕即行題參○二十五年議准各省衛所運軍舊例每船自十名至十一二名不等今酌定每船額設十名各省一例僉差○二十六年題准運軍不親押運以子弟代運者定例將運軍及代運之人發邊衛充軍嗣後將該管官弁一併分別議處○三十五年覆准漕船出運每船僉軍一名其餘水手九名雇覓有身家並諳練撐駕之人充役如有濫充以致侵欠者將僉軍不慎之官題參○四十一年題准江南省江淮興武二衛無贍運屯田原減駕軍二名照舊增設○四十五年覆准全漕杜欠務在僉軍須用殷實誠厚之人僉軍之例親僉責在糧道舉報責在衛守備用舍責在運弁保結責在通幫衆軍一軍無保不准僉運一軍有欠衆軍同賠○五十一年題准每年於本軍子弟及兄弟之子再僉一人為副軍隨運如抵通欠糧留本軍追比令副軍駕空回南如重運到淮短少令本軍加運北上留副軍買米趕幫○

又覆准每幫十船連環保結互相稽查如有折乾盜賣等弊有能出首者酌量賞給如隱匿不首事發本軍照律治罪其餘九軍一同責懲所欠米數即令買補運通○又題准僉差運軍必須千總保結呈報衛備府佐等官驗看加具印結如有欠帳者將各官一併參處○五十二年題准湖廣僉軍責成衛備其道府府佐貳官照舊驗看加結○五十三年題准江西省屯田悉歸州縣管理其僉差運軍即責令州縣保結○六十一年題准糧船回空額設副軍務令親身押空其雇募頭舵工及水手取具互保各結報明該管官存案○雍正二年議准衛所等官僉差運軍差役擾害地方又或以徵收錢糧為名藉端科派者該上司題參照例議處○三年題准各省幫船雇募水手及頭工舵工責成衛備及領運千總令前後十船互相稽查並取本軍甘結十船連環保結一船生事十船連坐糧道及押運等官沿途稽查並許地方官會同查訊儻有隱匿不報者總漕查出併題參若不行題參別經發覺將總漕一併交部嚴加議處○

四年定。江南省安慶前後兩幫。每船十七丁。江
淮興武。十八幫。每船十二丁。其餘各省幫船。仍
照舊額。○六年奏准。舊制凡軍籍內身家殷實
堪充運者。概行勾兌。並以十名為率。舍二軍八
著為定額。其各衙門書吏承差及生員餘丁。皆
在兌運之內。嗣後除文學生員專攻舉業者。准
其優免外。其援納之俊秀貢監及武生。均一例
兌運。如武生遇歲試之年。呈明學政。運回補考。
○又題准。各省衛所於糧船未經抵次之先。務
選殷實運軍。驗看註冊。俟糧船回空。如領運之
軍有犯事故者。即將註冊軍名。僉補。儻有僉選
不實。或賣富差貧。將經僉看驗各官。照例題參。
○乾隆五年定。有頂戴之丁。干犯漕規。照運丁
例一體治罪。○七年定。運丁不正身。駕運者。將
僉丁之衛備。罰俸一年。運官不行查出。降一級
留任。隨幫知而不舉。照應申上。而不申。上律議
處。○八年題准。江淮興武。二衛運軍。每有竄入
黃快船內躲避。兌運之弊。嗣後黃快船丁。仍歸
民賦項下辦理。將現運及備僉餘軍。逐一勾考。
每戶下將子孫兄弟及兄弟之子若干。並住居

州縣都圖鄉鎮。逐一開註。五年一次造冊。送部
稽查。如有隱匿。查出。將該軍按律懲究。該管官
照例參處。○十四年定。各衛幫更換新丁。如在
回空抵次。未經開兌以前。該衛統於開兌時。將
額運船隻丁名。註明原甲。更僉之丁。於該丁名
下。摘敘更僉事由。聲明出廠年。第彙冊送部備
查。儻冊報之後。再有更僉。即隨時專案送部。○
十六年題准。江蘇省蘇州。松江。常州。三府白糧
運丁。三年抽調一次。○二十三年奏准。凡隸軍
籍富戶紳宦。如本幫有人駕運。原可暫緩。僉運。
如丁力已疲。實應另僉者。即富戶紳宦。徑行報
僉。敢有捏控狡辯。按律治罪。○又議准。江淮興
武。二衛運餘各丁。逃竄入快。嗣後遇幫缺。丁一
快一運。挨次輪僉。每遇僉快之時。州縣舉報。殷
實正副二人。具結送道。驗明發幫領運。○二十
四年議准。湖北省未歸運之班操等軍。照湖南
省之例。一體停其勾兌。○二十六年議准。凡軍
丁值僉選之年。無論衙門書吏官承。一體均僉。
如己身在公。即令子弟承運。不得藉詞抗避。如
有以衛籍冒稱民籍。圖避僉運。州縣官家混出

結照例議處。○又題准湖南省荆州荆左荆右沔陽岳州五衛並無城舍等軍名目。其岳州一衛軍丁運操一例。向令所有各老戶名下新生丁口及各屯業坐落坵段執業數目。責令荆安岳三府同知四年編查一次。○二十七年題准凡僉選新丁。止令千總結報衛備知府驗看。加結詳道定僉。其同知通判點驗之例。永行停止。○又奏准湖南省各衛如僉定之下。中途脫逃。將承僉之守備降二級調用。雖有加級。不准抵銷。○二十八年定旗丁捐納縣丞以下等官。俱係在籍候選人員。仍僉出運。不准更替。○又定各省需丁。俱於回空後更換。豫選開丁註冊之處。概行停止。○三十五年定旗丁須僉家道殷實之人。令千總保結呈報。府廳驗看加結。如有挂欠。將保僉官降一級調用。一幫挂欠。府廳等官罰俸一年。糧道罰俸半年。幾幫挂欠。照此遞加。如將丁冊無名之人。混行僉補。將僉補之州縣官罰俸九月。○三十八年議准湖南省岳州荆左沔陽三衛操軍與運赤二軍一例。向令而荆州荆右二衛操軍止幫運費。並不出運。嗣後

應照岳州等衛之例一體僉運。○四十一年定僉選運丁。責成衛備。每十船中擇有身家者立為什長。自領兌至抵壩。皆令監管。十船無欠糧道獎賞。如有不肖軍丁。許令出首免罪。通同作弊一體究處。○又議准湖北省江夏武昌嘉魚咸甯蒲圻崇陽通城興國大冶通山漢陽漢川沔陽黃岡麻城京山十六州縣。共清出徐州衛什軍七百七戶。即令徐州衛詳委千總一員赴楚會同編審。如各軍所住村落未滿百戶。附入民戶編查。其民戶雜差仍一體寬免。○又議准軍丁中有捐納中式各官生。於四年編審冊內姓名下註明捐納中式字樣。不許冒填民籍違者叅處。○四十二年議准僉軍責令伍長公報。將昔富今貧昔貧今富字樣。於四年編審冊內註明送部。儻有不實。將伍長究治。經僉州縣一併察議。又快運二丁。接頂疲丁船隻。如有舊丁積欠。勒令新丁接受。立即查明究治。又快丁新僉到幫。應領錢糧。統歸經管旗丁支領。糧道將銀米確數。按款刊單。給快丁照數支領。又江淮興武二衛運船。應令運快劈半分認。運丁之船

以運戶更僉快丁之船以快籍僉補其快丁未經僉足仍照向例輪僉俟僉足之日照此辦理如應換之船高下不等責成糧道秉公裁明如應大造者兩隻即一運一快分擊一隻則先運後快其非輪大造者無論年分遠近運快各半均分又快丁或係商販農工新僉到幫不善駕運情願捐貼運丁亦情願受貼者准令快丁貼費銀一百三十兩於漕糧未兌之先豫報糧道給丁代運逢大造之年再貼造費銀三百兩快丁之名仍留軍冊沿途風火事故若代運之丁辦理又殷丁最少之江淮頭幫興武三幫循照什軍之例一丁僉運九丁幫貼責成伍長據實查明公議備查辦不實伍長從重究治至快丁規避出費者即令倍加貼費以濟貧丁並令州縣於僉報快丁時隨報什軍備案糧道秉公查覈○四十八年議准各省州縣衛幫承僉運快各下均以奉文僉派之日起限兩月僉解詳報道府查驗後發幫管運並令該管道府查明該丁田地房產造具細冊送總漕衙門存案設有虧短挂欠查明賠補若僉派之後實係賣富差

貧誤公滋事或棄船脫逃或將已革之丁重僉或將軍丁改入民籍者將承僉之員實降二級調用不准抵銷並將該管上司議處○又議准江西省僉丁令州縣會同在次衛弁秉公僉解仍照例聽府道查驗僉有遲延脫逃等事該州縣與衛弁一體嚴加議處○五十二年議准江淮興武二衛快丁幫貼運費及造費銀兩責成該管州縣定限催徵解道轉解淮安散給各丁限內未完將經散各州縣按照分數指名查叅○五十三年

諭嗣後江以南各省運丁竟當專交總漕會同地方官慎選僉派江以北各省運丁即交該督撫慎選僉派以專責成不得仍前將疲乏之丁湊數充補著該部妥議具奏欽此遵

旨議定江以南之江蘇安徽浙江等省專交總漕江西湖北湖南並江以北之直隸山東等省交該督撫管理如州縣衛備以疲報殷僉貧賣富道府徇隱故縱責成專管之總漕督撫查辦其專歸總漕管理之省分仍准各督撫查叅交督撫管理之省分仍准總漕查叅○又定湖南省運漕

五衛除岳州衛屯坐本省岳州府境易於查察外其荊州荊左右沔陽等四衛屯坐湖北之荊州等府屬境內軍丁散處應統歸湖北查僉仍將該四衛僉定新下移咨湖南查照○五十四年議准各省編審軍丁如四年之內家產稍有消乏隨時另僉接運令糧道同各道府督率衛所實力查察○又議准各省編造軍丁僅有故縱殷富及竄入民籍等弊將營謀之本丁發往黑龍江給兵丁為奴該丁之弟兄子孫仍編軍籍僉派辦運○嘉慶四年

諭嗣後有漕省分各督撫當嚴飭糧道及州縣衛所各員於僉丁出運一節務將殷實軍丁僉派充當或一丁力薄即酌令數家幫貼定為正副軍丁不許無賴貧丁充數○道光三年議准嗣後造送編冊無論軍丁曾否及歲均行入冊造報如有更僉亦即聲明因何更僉緣由並註明原甲係屬何丁隨時專案報部以便稽覈○光緒五年奏准江淮興武二衛快下及海州隱軍軍興以後戶口蕭條暫免編審所有該二項籍貫仍應循照舊制毋任淆混

漕糧交兌○順治七年題准官丁兌米入船即將所載米數懸於船口聽糧道不時查驗以杜盜賣○九年題准漕船到次隨到隨兌隨兌隨開不許久懸水次不得守候全幫藉端遲延○十二年題准運軍兌糧交兌明白出有完糧通關過淮虧少責在運軍不得牽累糧戶違者嚴究治罪○又議准徵收漕糧定限十月開倉十一月兌完如州縣衛所等官船到無米或有米無船過十二月者罰俸半年過正月者罰俸一年過二月者降二級留任○十七年議准各州

縣漕糧總漕頒發全單糧道頒發號單開明船米數目刊定贈耗分發各州縣每兌完一單著令衛官填註收數一船兌足即出給水程勒令開幫○又題准漕兌首重米色其有倉蠹作姦攙和滋弊責成監兌官嚴驗究處如米色果係乾潔弁軍故意勒索按法重處○十八年議准收兌漕糧糧道先將各衛軍船分定前後臨兌之時州縣懸牌挨次輪兌不得陵越○康熙二十八年題准漕糧兌運事竣定例將兌完過淮日期並船糧細數奏報巡換不得過二月漕司

不得過三月。河道不得過四月。嗣後各省漕船開行之後。巡撫即具疏題報。如遲至二三月始題者。參處。○五十年議准。監兌漕糧。未經兌完。捏報兌完。漕船未經開行。捏報開行者。降二級調用。督撫不題參。一併從重議處。○五十一年議准。監兌官務。令坐守水次。將米逐船兌足。同糧道親押到淮盤驗。如有短少。審明題參。仍留運軍子弟或兄弟之子一人。交與監兌官購補足數。雇船趕幫。取具押運等官甘結。呈報總漕查覈。○五十四年題准。各州縣交兌漕米。舊例照取四升裝成二袋。用印封固。解送倉場驗收。嗣後水次兌糧。每船裝米一石。糧道親驗鈐印加封。到淮之日。總漕拆驗加封。抵通之日。倉場侍郎率坐糧廳驗明。起卸。其樣米仍作正收受。○雍正元年

諭。江西省產漕各州縣運糧到省。又自省倉運上軍船。故有脚耗扒夫修倉補墊等項。編載全書。歷來支給已久。自康熙二十三年。部中誤駁。不准支給。行令追還。嗣後一例駁追。究無完解。至三十四年。聖祖仁皇帝特頒諭旨。將從前已經支給者。均免追賠。

恩至渥也。至康熙三十八年。部議又以脚耗與扒夫等項。分析未清。仍令扣追。不知脚耗乃貼運之總名。扒夫等項乃支給之細數。其實一事。非兩項也。自康熙三十八年。至今已二十餘年。應追銀五十一萬餘兩。米六十一萬餘石。積累既多。究無完解。追比日久。官民均受其累。朕知之甚悉。若將從前積欠。盡免追賠。嗣後准其支給。以副朕加惠黎元體恤有司之意。○又議准。漕糧開兌開幫之日。總漕務將各糧道所屬糧船數目。運軍姓名。細數文冊。豫行送部。違者參處。○又議准。嗣後各幫務於冬兌冬

開。如船到無米。及有米無船。以致開兌遲延。誤漕。該督撫即指名題參。○二年覆准。湖南向例。七月開徵。及運赴岳州水次。每多遲至正月以後。嗣後務於十一月內運儲岳倉。遲至十二月中旬到者。照過十二月兌開例議處。過十二月到者。照過二月兌開例議處。若州縣漕米。運軍漕船。均到水次。監兌領運官弁。交兌稽遲。致過十二月者。亦即照過二月兌開例議處。如能依限過淮。該督撫據實題明開復。○又覆准。河南省開歸等府。辦買漕米。十有五萬餘石。由衛輝

至小灘經濟滑內黃大名四縣令分地分船米多之地多撥受兌船米少之地少撥受兌船各衛幫船到所撥之處交兌○又議准漕糧交兌之時監兌官驗明實米足額面同州縣官交兌漕船如有專覓巧手製斛飛色走橫等弊即嚴拏治罪如運軍額外勒索亦嚴拏治罪監兌領運官弁不約束者總漕題參○又議准漕糧過淮總漕按數查驗如正數有虧借水手所買包米及借別船米湊數抵補者總漕即驗明印記作為正米運過不得復歸水手別船仍將領押運官題參運軍治罪○五年題准漕贈行月本色米麥及副耗等米照數裝載入船開行之日糧道查驗結報至糧船到淮總漕細加盤驗如有缺額分別究參○又議准到淮之船米色潮溼微變其虧折之米運升出具米色結狀者著落該幫運軍賠補未出結狀者州縣及該幫運軍分半均賠○又覆准蘇松常鎮太五府州屬漕船無論土著協運皆就向年原兌府屬止調本省各色水次定以三年一調杜其久戀情熟盜賣鑽營之弊○十年議准交兌漕糧責令監

兌官秉公查驗米色如無潮溼攙和兌完即照例出具通關米結不得勒索推諉其有縣衛以米色爭持者將現兌米面同封固馳送總漕巡撫查驗並申送委驗道員親往驗看果係潮溼攙雜督令賠換歸廳仍將所兌米樣封送總漕俟過淮時盤查比對分別嚴參○又議准交兌糧米例應乾圓潔淨如有攙雜潮溼在未受兌以前責在州縣既受兌以後責在弁軍不得諉卸以專責成○又題准湖北省安陸府屬荊門今改直隸州沔陽天門潛江四州縣漕糧向例運省水次交兌計程六七百里輓運維艱盤剝多費其黃州府屬之黃岡等六州縣每年有解交荆倉兵糧計程千數百里輓運尤難應令彼此抵兌以省上下運剝繁費約抵兌米二萬一千一百餘石共節省水脚銀千七百餘兩解司充公至於給軍截貼解荆耗米修倉等費令各州縣自行給發○十三年題准山東省臨清牘外之船照定例冬兌冬開牘內之船定於次年二月兌開仍依定限抵通○乾隆十九年奏准抵通米石驗無微變惟質嫩受潮開或色暗未能一

律純潔。暫令收儲。先行搭放。將糧道及押運員。并交部照例議處。○二十三年議准。漕船一報開行。立即催督前進。如有報早開運。將運丁責處。糧道押運官。分別議處。○三十年議准。山東省漕船。由廂內受兌之幫。俱於二月初開行。廂外各幫。每年十月赴德州臨清受兌。方報開行。即已收凍。與春兌無異。即照廂內各船春兌春開之例。畫一辦理。○四十二年議准。湖南省附近荆州之巴陵等七州縣。漕米二萬六千九百十餘石。就近運交荆倉。劃作南米。其湖北省廣濟等十二州縣南米。即派給湖南省幫船。俟順流過北。交兌抵還原款。○四十四年奏准。湖南省兌運湖北廣濟等州縣漕糧。於過北時。截留四十隻。分派各州縣受兌。俟南省幫船到齊。銜尾前進。如遇此年不應出運之船。於別幫截留。以符四十隻之數。○又定。漕糧水次交兌。不足。領運千總。捏報兌足開行。希圖折乾分肥。其不行揭報之州縣。與聽許折收無異。與領弁一體科罪。管糧通判。照溺職例。革職。糧道照徇庇例。降三級調用。不准抵銷。○五十四年議准。湖

北省崇陽通城二縣額徵漕米五千九百八十四石零。改解荆州。抵補南米。以下游之蘄州等六州縣解荆南米。就近兌交運船。劃抵漕額。○嘉慶二年

諭。銅山睢甯二縣應運漕糧。向由黃河運至水次。兌交北上。現在豐汛漫口。下游未能疏消。間有淤淺。若由陸路稅運。需費浩繁。殊多未便。所有銅山睢甯二縣上年徵存米石。准其搭運。○四年

諭。向來東省漕糧。原於十月運赴水次。至次年二月交兌開行。並無貽誤。嗣經改為冬兌。冬開。雖為期較早。但兌運未免緊迫。米色不能一律純淨。而收漕州縣受兌。旗丁每因急促從事。藉端滋弊。且兌運雖在十月以內。趕出廂口。仍欲守凍。至次年二月方能前進。以重載停泊水次。米豆等項。既不免為水氣潮蒸。又數十百漕船。排列河干。火燭亦為可慮。而所在復須兵役巡邏。旗丁雇覓舵水人等。開養在幫。更不免徒增費用。而於冬兌。冬開。仍屬有名無實。嗣後東省漕糧。著仍照舊例。起徵。運赴水次。立春以後。受兌完竣。開幫。挨次北上。○五年

諭。山東漕糧。向係冬兌。上年奏改春兌。原為免幫船守

凍起見。但本年冰泮之後。甫行受兌。以致開幫遲至半月。實屬遲緩。若如此辦理。勢必有逾到通定限。而南省回空船隻。在後行走。必致轉受凍阻。殊非妥協。所有山東糧船。著改為冬兌春開。交巡撫督飭糧道妥為經理。毋致遲誤。○又奏准。山東省牘內各幫。隨微隨兌。一俟兌竣。即令開船。趕赴臨清。牘外停泊。守來明春冰泮開行。俾得依限抵通。其牘外幫船。仍照冬兌春開之例辦理。○又奏准。各省幫船全單。由漕運總督查明填註。飭發糧道。後即由道遞行押運。領運廳弁蓋印。仍歸糧道繳送總漕衙門。備文徑交坐糧廳。俟幫船抵通。交糧後。呈送倉場侍郎咨送戶部。照例覈驗。轉咨漕督衙門備查。以除需索捏報之弊。○又奏准。有漕省分。惟山東改作春兌。其餘冬兌。冬開例有定限。乃向來幫船捏報開行。往往遲至半月。有餘。應嚴飭有漕各屬。及早開倉。於例限內全行兌足。儻船已抵次。而米不兌交。及旗丁津貼各款。並不按糧給發。則誤在州縣。或船已報開。而各丁猶稱購備食米器具。逗遛水次。則誤在丁弁。俱責成糧道。府州監兌各廳。嚴密查察。何

處遲誤。分別揭參。過淮時。仍按幫查覈。如有遲逾。該管道府一併查參。○又諭。向例豫省糧船。跟東省各幫行走。今東省漕糧已改為春兌春開。而豫省仍係上年冬兌。自不必跟幫行走。致有稽延。所有豫省糧船抵通時。著倉場侍郎隨到隨收。毋庸拘泥舊例。○七年議准。嗣後盤驗漕糧。米色微變。經督撫奏明有案者。令州縣分賠六成。旗丁分賠四成。如兌漕時未經奏明者。仍照例著落弁丁賠補。○又定。各省收兌漕糧。經微監兌各官。務使米色一律純潔。不得稍有攙雜。各幫受兌以後。不時開倉風晾。毋致微變虧短。儻有前項情事。分別參辦。取具經微監兌各官印結。將米麥豆數。分析載明。隨同開幫冊送部。並取具弁丁隨時風晾結領。一併送部查覈。○十二年議准。安徽省池州甯太安慶等幫。在次開行遲延。將千總押運等官。降級革職。戴罪督押抵通完糧後。題准開復。○十五年諭。東省距通較近。向來漕船春兌春開。抵塘並不遲誤。自改為冬兌冬開之後。每年仍須在牘河守凍。而米豆存倉日久。轉不無微變之虞。又運河挑工。因軍船

在彼停泊。不能趨辦。多致遲誤。此外弊端尚多。自應仍復舊制。若自本年為始。將東省牘河內外幫船。照春兌春開之例辦理。但該管官務當督飭旗丁等。兌竣早開。沿途迅速趨行。毋誤抵通定限。○二十年覆准安徽省英山縣漕糧。向在六安州單家埠地方採買兌運。本年六安被災無米可買。即在沿江出米地方。買交安慶幫船受兌。其應給旗丁贈五銀米及加一耗米等項。概照英山縣向給宿州二幫之數兌給。所有一切通關文結及樣米布袋。即用安慶府通判銜名印信。以專責成。

○二十四年奏准江蘇安徽浙江三省。距淮較近。幫船皆係跟接兌開行走。嗣後過淮盤驗。如通幫米色俱好。止有一二船不能純淨。即責令旗丁將食米易換。仍治弁丁以應得之罪。與原兌州縣無涉。如查驗各船之米。均多灰暗潮溼。若非旗丁途次攙和。必係原徵之米。本係不純。弁丁扶同濫兌。應將州縣弁丁分別參辦。著賠惟過淮盤驗在後。通關米結在先。應仍責成弁丁認真受兌。不得恃有州縣分賠。濫行出結。如有需索貼費。含混出結。及疏於矚瞭等事。即將

監兌領運出結各官弁。嚴行參辦。○道光三年。諭江南蘇松常鎮太五府州屬漕糧。定例皆就向年原兌縣分三年一調。以杜久戀情熟之弊。乃遵行日久。姦丁蠹吏。勾串夤緣。弊端叢出。每以米色好而津貼優者為上。米色差而津貼少者為次。一縣或分兌三四幫。一幫或分兌三四縣。與整幫整縣之例。全不相符。似此壟斷營私。必致幫丁勒索日增。州縣徵收無節。不可不另籌妥辦。所有蘇松等屬漕船四十三幫。除白糧江淮鎮江等七幫無須更改外。其蘇太松常三十六幫。該督等會同藩司。秉公掣定整幫。餘幫分撥找補。自本年掣定水次後。每屆三年。毋庸再掣。即將上屆各幫。挨次輪流受兌。指明何年何幫。應兌何縣。漕糧造冊送部存案。至上屆找補各縣之散幫。下屆即併為整幫。儘先受兌。上屆在後之整幫。下屆作為散幫。分撥找補。遞相輪轉。以免偏枯。○七年覆准山東省牘內州縣冬兌冬開。或糧多收未足數。或車少趕運不及。准其水次就近買米墊兌。仍飭趕緊徵完。不得延至交代時。將漕尾作抵。尤不得藉墊兌為名。概行折徵。如查有勒令全折之弊。即由該撫奏參懲辦。○八年覆准江蘇省

各幫起運漕糧向係通幫分灘均裝自本年為始所有各縣額兌之糧即歸各次額運之船裝運嚴禁幫弁混行派灘並將均裝灘派名目永遠革除遇有推造免雇船隻除本次額船裝運外所餘米石於同幫鄰近水次騰出數船帶裝不得隔次派兌及通幫零星灘帶派撥兌竣仍於開幫冊內一併登造○二十四年

諭漕船各幫兌開遲早乃運行第一關鍵其沿途經過

各河橋自當豫為挑濬深通俾免淺滯至江南蘇松二屬素因米多開行較緩每致他省幫船被其阻壓

現屆新漕徵兌之期著江浙各巡撫一體通飭各縣幫趕緊兌開務遵黃定限僅其中稍有不齊即令兌竣之幫浸越開行毋庸停待如江廣各幫先至江口亦准提令插當過淮先行淮渡至各幫渡黃後是否仍須照依次序行走之處並著該漕督隨時體察情形督飭妥辦毋任稍有阻滯以利漕行而重儲備
○二十六年議准江西省南昌衛前後等十一幫掣拈廳縣倉漕糧遇有蠲緩即在本幫減派不得以極疲船隻減歇並革除疲船名目每屆兌運之先糧道豫將幫船應兌應帶漕糧並別

幫裝運撥歸本幫米石各就各幫覈計應兌應縣廠口米數均勻配搭按照船數配籤若干該幫如有蠲緩即按應減船數配入空籤若干統由糧道俾集弁下眼同籤掣該丁掣得空籤即令減歇掣得何應何縣何廠即令按照受兌無論頭船腰船尾船統隨衆下一體籤掣均不得假門下書吏伍長等之手仍令漕運總督飭造詳細清冊咨部查覈○咸豐元年

諭本年江蘇松江府屬漕船興武等幫延至四月上旬

尚未兌開離次總由該府縣及總辦幫弁等不能認真籌辦以致稽延著勒限即日兌竣離次晝夜趕行星速飛報跟接前進如再稽遲著即從嚴參辦○三年奏准河南省起運漕糧因被兵被災完報稽遲難照冬兌冬開舊制改為春兌春開○四年奏准河南省漕船改為冬兌春開○同治元年覆准河南省彰德等府漕糧改為春兌春開沿途程限○順治初年定催漕官弁無故容後幫船前行前幫船後行者罰俸一年漕船入境日期該管官不驗明轉報者罰俸六月○康熙二年題准各省漕糧總漕刊發全單開列本幫

兌糧軍船數目。行月修船錢糧。及到次開兌。開行過淮。到通。回空。違限日期。與驗米色。查夾販款項。靡不備具。各弁投到全單。嗣後依式填註。如有違誤。不填及填註不實者。在南聽漕運總督在北聽倉場侍郎查覈指參。○十七年題准。各省漕船重運北上。自淮安至天津沿途原有定限。再加酌定。如原限半日而違限一時。原限一日而違限兩時。原限一日半而違限三時。原限兩日以上而違限半日。原限四日以上而違限一日。原限六日以上而違限一日半。原限十日而違限兩日者。專催官罰俸一年。督催上司罰俸半年。如原限半日而違限三時。原限一日以上而違限半日。原限兩日以上而違限一日。原限四日以上而違限兩日。原限六日以上而違限三日。原限十二日而違限四日者。專催官降一級調用。督催上司罰俸一年。如違限之期與原限之期相等。專催官降二級調用。督催上司降一級調用。如違限之期逾於原限者。專催官革職。督催上司降二級調用。○又題准。各省漕船回空。自天津至淮安。向亦有定限。今回

空漕船。如遇逆流。設有牐壩蓄水之處。均照重運定期無牐壩之處。原限十二日者。改為九日。四日改為三日。三日改為二日。一日半改為一日。又順流有牐壩之處。亦照重運定期無牐壩之處。原限半日改為三時。一日改為半日。四日改為二日。五日改為二日半。如催行不力。以致違限。沿途文武官弁。並隨幫官。皆照催趨重運例議處。○又題准。天津至通州。重運係逆流。每二十里限一日。回空係順流。每五十里限一日。山陽至浙江。重運漕船順流。四十里限一日。逆流二十里限一日。回空漕船順流。五十里限一日。逆流三十里限一日。如有違限。照例議處。至鎮江過江。僅有因風守候。皆令地方官報明。免其議處。再有江西湖廣。並江南等處。糧船行長。江至儀徵者。皆由大江因風。艱運。難以逐程立限。應令地方官作速嚴催出境。其自儀徵至天津。如有違限者。亦照新定例議處。○又題准。押運官自受兌。以至交倉。逾限一二處。罰俸半年。三四處。罰俸一年。五六處。降一級調用。七八處以上。降二級調用。十處以上。革職。○二十二年

論漕運關係甚大。一切定例務期久遠可行。河道淺深風勢逆順各有不同。或遇積雨泥濘。障路阻壞。易致稽遲。若一概從嚴處分。恐經管各官徒被參罰。運軍人等亦受苦累。究於稅運無濟。漕運總督管理糧船是其專責。漕糧過淮及回空之時。應令總漕往來親催。不致貽誤。○五十二年題准。漕船受兌開幫。巡撫給以限單。填明開行日期。飭令沿河州縣挨註入境出境時。日抵淮盤驗時。呈繳總漕查驗。過淮之後。總漕亦給以限單。將經過州縣原定限日。刊入單內。飭令沿河州縣註明出境入境日期。俟糧船抵通。申繳倉場侍郎查驗。○五十二年題准。各省重運及回空漕船。舊例遇有非常風阻冰凍淺滯之事。難以副限者。報明免議。嗣後漕船抵壩。守候齊幫。及山水漲發。舖溜難行。並撞沈搶修。均准於單內註明。免其參處。○六十二年題准。重運及回空漕船。一入境。汛地方文武官及河官。率領兵役。親往催行出境。毋許停留生事。倘有運軍舵工水手生事。為匪專管各官。並不親往河干彈壓協擊。照溺職例處分。兼轄等官。照例議處。○雍正三年

論山東河南糧船過天津開日期。自雍正四年起。照依南漕三日一報。○七年題准。漕船過淮之後。經過阜河。濟甯臨清三處。定例係總河題報。今山東河南增設總河。嗣後重運糧船過濟過臨。令河東總河題報。其過阜河日期。仍令江南總河題報。○乾隆四年題准。各運官豫將出運船數。開單呈送總漕。轉發經過各汛。各汛弁兵候船入汛。即照驗放行。倘有勒索遲延者。覈明究參。○七年題准。山東省糧船不到淮。不由總漕給發程途限單。受兌之後。令運官即呈報總河及巡漕御史。以便稽查催行。○八年題准。脫幫遲誤降級督運之官。如題參未經部議以前。有完糧報部者。准扣除免議。已經題結者。題請開復。○十年題准。漕船應增緯夫。著運弁運軍自募。不能概令多增。如短緯人夫勒索運軍。各汛千總。拏送巡漕衙門懲治。汛弁拏送不力。及故行捆打運軍。勒加緯夫。並緯夫暗串兵役。朋比為姦者。照縱役例議處。其漕船入汛。運軍不遵催行。無故停留者。該汛會同運弁責處。○二十一年題准。江安江蘇浙江運船。給限單一張。到淮

呈驗實屬繁冗嗣後照江廣之例每幫給限單一張以歸簡易○三十八年定運官領運漕船脫幫一二日者雖因風阻修船但不嚴督運丁跟幫前進照例降二級戴罪督運如有沿途脫幫三日以外迨後又不趕幫前進以致抵壩脫空五日之久即將該運弁照溺職例革職押運通判照不行稽查致誤漕務例降一級留任○又定漕船過境沿河各州縣黏貼印花如有先期查照上站出境時日叢計本境限期豫行填給以致日時不符者照違令公罪例罰俸九月

又沿河州縣於本境兩頭出入之所選派親信家人一名書役二名給予印花每幫頭船入境尾幫出境即在印花內確填時日該州縣率同汛員稽查催趨將填過印花按次摺報該管各衙門查考其從前運弁持單赴署黏印並豫填時日之處永行禁止仍嚴禁書役人等不得藉端滋擾如有需索抑勒等弊該督撫等立即查拏從重治罪該管官一併嚴參究處○四十一

年定北河額設標夫三十名自重運入汛起至回空出汛止令其多置標竿指引糧船○四十

欽定大清會典事例 卷二〇五

八年定江都甘泉二縣運河水勢較淺急需挑濬現在熬壩興工漕船停泊俟啟壩開行係屬因公應於催趨限內扣除○五十四年議准江西省糧船開行巡撫及糧道遴委妥員帶領兵役於河溜兩旁分投插柳標記深淺船隻經由儻有走出標外以致淺閘者立時究處○五十五年

諭本年山東河南江南浙江船隻行走迅速較之上年抵通日期俱早至數十日不等固由運河水勢充裕而沿途輓運亦屬奮勉上年豫東船隻遲誤曾將該管官員等交部議處則此次抵壩較早之省分亦不可不加之獎勵所有山東河南江南浙江糧道及督運押運各員弁著該督撫查明咨部議敘其丁舵人等並著酌量加賞以示朕勸懲並用悉歸公當之至意○五十八年議准各省空重漕船經由直隸故城縣令專管之河道自孟家灣起至果子口止限一日催趨出境如有遲延照例參處○嘉慶十

五年

諭湖南三幫尾船在東境行走共計一百二十五日較上年在東行走日期雖少二十二日而比較上年七

三七一

月二十六日全出東境之期則又遲十八日若在直隸境內再有耽延。而到通後起卸不速。恐回空遲滯。沿途必致有凍阻等情。將來一切費手。著傳諭倉場侍郎於幫船抵壩各船。並著上緊趲行。毋使在途遲滯。如有閘淺之處。應行撈寬剝運者。均著隨宜妥為辦理。不可貽誤。

准通例限。○順治十二年

諭漕運至為重務。年來拖欠稽遲。弊非一端。漕督固應盡心料理。各處督撫亦當分任責成。除湖廣漕糧暫留充餉外。江南江北江西浙江等處漕糧。著該督撫督率所屬各種道州縣衛所等官。恪遵漕規。冬兌春開。務依限到淮。其到淮以後。漕督查驗催趲。抵通交納。河南山東漕糧。該督撫率所屬各官徵兌開行。知會漕督查催北上。係何地方遲誤者。自督撫以至州縣衛所等官。應擬何罪。屬何省分者。應限若干月日。戶部詳確議奏。欽此。遵

旨議定。各省漕糧過淮應限月日。均照議單開載。江北各府州縣限十二月以內。過淮江南江甯蘇松等處限正月以內。過淮江西浙江限二月以內。過淮山東河南限正月儘數開行。如有司無糧

軍衛船不齊備。以致過淮違誤者。違限一月以上。督撫罰俸三月。糧道監兌推官罰俸六月。違限二月者。督撫罰俸六月。糧道監兌推官罰俸一年。遲至三月以上者。督撫住俸。戴罪督催。俟糧船抵通。交明開復。糧道等官降一級調用。其領運等官。如兌糧及期開行。過淮違限十日者。總漕衙門捆打二十。違限一月者。捆打四十。革職戴罪督押。俟交糧全完開復。如經徽州縣衛所等官。船到無米。有米無船。過十二月者。各罰俸半年。過正月者。各罰俸一年。過二月者。各降

二級留任。至漕督管理通漕。催趲尤其專責。及過淮以後。總河星速催趲。如過淮及期。而到通遲誤者。河漕二督及沿河鎮道將領州縣等官。亦照督撫糧道監兌等官遲誤過淮例。嚴加議處。○十七年覆准。押運同知通判過淮抵通違誤者。照糧道例處分。○康熙十一年題准。山東河南限三月初一日到通。江北限四月初一日到通。江南限五月初一日到通。江西浙江湖廣限六月初一日到通。各省糧船到通。均限三月內完糧。如三月內不完。舊例不論月日多寡。各

罰俸半年。今議原限三月之外。押運等官。違限不及一月者。罰俸三月。一月以上者。罰俸六月。二月以上者。罰俸一年。三月以上者。降一級留任。○又題准。白糧過淮。抵通。違限。督運各官。皆照漕糧違限例議處。○三十四年。題准。漕白二糧。過淮。定例。總漕將船糧數目。陸續具題。嗣後每年。過淮。漕糧總數。繕造黃冊。專疏具題。○四十一年。題准。各幫過淮。違限。實因兌竣。開行。隆冬。水涸。之故。將過淮。展限一月。若再有遲延。照舊例。加倍處分。○四十三年。題准。運官過淮。違限。例應革職。戴罪督押者。停其升轉。俟該弁領運。漕糧全完。題請開復。准其推升。○五十一年。諭。凡事不求根本。止務枝葉。斷無實效。條奏漕糧一事者。止以途間。耽閣。開兌。遲誤。陳奏。其漕船稽遲。根原。從無一人言及。朕南巡。數次。河道。漕運。知之甚悉。如上江。漕船。皆入儀徵。河口。下江。漕船。皆入瓜洲。河口。因大江。泊船。不便。而四十餘艘。彼此相爭。入口。灣泊。必俟到齊。始挨次開行。則守候之間。甚至遲誤。若凡一幫全到在先。不必等候。各幫隨令起行。過淮。其續到者。亦照此。毋令守候。止以船到。即令起行。則前幫

得以早行。後幫船。慮其隔絕。自然奮勉。追行。如此。則回空重運。斷不致遲誤。將此情由。議奏。欽此。遵旨。議定。各省漕船。照常令進。儀徵。瓜洲。河口。至三汊。河時。凡有一幫到齊。即催趲。先行過淮。如有前幫船不全。總漕。委官。帶領。後幫。全到。船越過。先行。其有停阻。河道。爭相。漫越者。嚴行約束。該糧道。嚴催。尾押。過淮。如有不依限兌運。催趲。過淮。以致遲誤。將糧道。監兌。押運。催趲。各官。題參。照例處分。○又題准。過淮。違限。一二月者。仍照舊例處分。外。其違限。二月以上。或七十日者。督撫。降一級。戴罪。督催。糧道。監兌。等官。各降二級。調用。違限。八九十日者。督撫。皆降一級。留任。糧道。監兌。等官。各降三級。調用。○又題准。江南。省漕船。仍依原限。正月。以內。過淮。○五十七年。題准。江北。江西。浙江。湖廣。漕船。過淮。仍照舊例。扣限。至過淮。既不展限。一月。嗣後。如有違限。仍照舊例處分。停其加倍。議處。○雍正元年。奏准。部發。效力。武舉。委運。事竣。坐糧廳。勒限。一月。到淮。考覈。如有過淮。違限。革職。捆打。之案。總漕。照例。發落。題請。開復。○三年。題准。漕白。糧船。抵通。日期。及

到通起過糧數。騰卸回空船數目。並石壩外河水勢深淺。五日一次奏聞。○六年題准。過淮抵通。向例各按定限。扣算題參。嗣後江南。江西。浙江。湖廣。糧船過淮。違限已經議處者。於抵通完糧之日。將原參過淮。違限日期。准其扣除。免議道遠省分。以九月初十日為限。逾此限不完糧者。官弁從重治罪。○十一年題准。廬州。衛頭。幫向隸江北。原限十二月內過淮。今照江甯等幫。於正月以內過淮。○十三年題准。運官過淮。違限。部議革職之案。未經開復。不准議敘。加銜。○

乾隆元年題准。淮揚運河。河底加高。自應疏濬。將乾隆二年回空漕船。及早一月過完。乾隆三年重運。展限於三月進瓜洲江口。○二年奏准。開濬運河。增建壩壩。欲回空之迅速。必令重運之先期。將乾隆二年重運過淮之例。暫為變通。如領運千總。違限三日。監押督催等官。違限十日。一概題參。果能空重。依限過淮。加等議敘。若運軍空重。亦能依限抵通。全完者。准作五運前後。全算滿日。給以頂戴榮身。○又題准。蘇浙漕艘。照從前原限過淮。不照新例議敘。議處。其丹

陽以北。先期過淮者。仍加等議敘。○三年奏准。疏濬運河。以正月二十四日開壩之日起。限江北。江南。幫船。均限一月內全數過淮。江西。浙江。湖廣。幫船。再限一月內全數過淮。如有違限。照例覈參。○四年奏准。江南省大挑河道。丹陽。儀徵。二處築壩。糧船阻滯。蘇。松。常。鎮。太。五府州屬各幫。展限一月。江。廣。各幫。展限半月過淮。○九年題准。糧船過淮。限期。向按各省程途酌定。未分各府遠近。及道路難易。江南下江之松江府。與浙江道路相等。但松江必由蕪。淞。澱。山等湖。湖南經涉洞庭。江西必由鄱陽。不能造行前進。各幫到淮。均在浙江。湖北等省之後。應將江南。松江府。及江西。湖南。幫船。於過淮原限外。寬限十日。○十年題准。各省過淮。違限之運弁。例應捆打。除違限不及十日者。仍照例免議。違限十日。應捆打二十。亦仍照例。准其完糧。扣除免議。如違限一月。及一月以上者。該督按違限日期。即照例捆打發落。於題參案內聲明。○十八年題准。浙江省回空漕船。因高寶一帶水溜。抵次較遲。不能歲內兌開。展限一月過淮。○二十五

年定直隸省安陵汛起。至天津關止。計程五百七十八里。重運北上。每日限行五十八里。如遇守風淺阻。隨時報明。無故違誤者。參處。○四十二年覆准。漕船經過山東省臨清州境內河道。例限三日。本年奉辦臨甌三十萬塊。分作二年搭解。若照原定三日之例。不免遲延。應展限一日。糧船到境裝甌。不致逾限。○五十九年

諭各省糧船到通。每年排列原無一定。若必按本年某幫到通日期。與上年之某幫到通。比較遲早。設如上年出運之淮安二幫。本年並未出運。又將憑何比較。如此辦法。豈不太拘泥乎。著傳諭倉場侍郎。此後具奏。竟按到通幫船之次序。比較遲早。按次而稽。自可一目了然。不必拘泥向例。或致前後牽混。○又

諭本年漕船。因春夏之交。衛河水淺。行走不能迅速。節經派員分段寬淺。設法趨運。以利進行。原擬於全漕抵通時。將總漕及催押委派各員。交部議敘。但現在漕船抵通。比較上年遲至一月有餘。皆由該漕督等不能沿途催趨。行走耽延所致。本應予以議處。姑念此次全漕抵通。尚在白露以前。比從前遲到。在白露以後者。為期較早。著從寬免其議處。如明年漕運再

有遲延。必治以應得之罪。○六十年

諭本年因二月節氣較遲。所有漕船渡江渡黃。以及抵通日期。准其展限半月。計算比較外。遇無閏年。分仍照舊與無閏之年比較。不得再以有閏之年牽混。計算以致影射遲延。○嘉慶七年議准。嗣後漕船抵通。回空比較遲早。專交倉場侍郎查照向例五日具奏一次。毋庸戶部繕單。仍令報部查覈。遇有逾限遲誤。及奏報舛錯。戶部指參。○道光二十八年

諭現在海運兌米。未能計日完竣。河運南糧首幫。已抵津關。以後各幫陸續輓入直境。均已將次到津。若待海運尾撥。方准過關。恐後進幫船。挨次頂阻。且本年首幫入直之期。比上年已遲六日。再有耽延。致誤歸次限期。更於全漕大局有礙。所有現抵津關各幫。著該督按照舊章。隨到隨放。所有海運剝船。插當行走。兩無滯礙。即令稍滋弊混。尚可將海運米石。暫卸北倉。先令漕船北上。無誤回空。方臻妥協。豈有將重運軍船。暫免催提之理。著倉場侍郎於海運河運兼營。並收不得顧此失彼。儻軍船因阻止行走。以致回空未能依限歸次。有誤大局。惟該侍郎是問。懷之。○又

諭漕糧為天庾正供。節經降旨。令有漕各省督撫嚴飭所屬早兌。早開。剋期渡黃。毋稍延誤。乃近年重運漕船不能如期抵壩。以致到通歸次。兌受新漕。節節耽延。總緣各該督撫不肯破除情面。實力催趲。所致。况本年邳宿一帶。水漲溜激。十字河噴沙淤墊。江廣各幫即在安陵剝運。抵通更形遲滯。現已節逾霜降。水勢日消。若不趕緊催趲。及早歸次。儻誤新漕受兌。關繫匪輕。著漕運總督及沿途各督撫。分飭嚴催。務使連檣南下。銜尾進行。不准片刻停留。庶幾以速補遲。如期歸次。來年新漕。尤當趕緊辦理。按期兌開。統限於四月初十日以前。全數趲至清江。剋期抵壩。以便渡黃北上。毋許稍有延誤。儻豫存遲運之年。時日較寬。一味怠玩。視為具文。仍致臨時周章。有逾例限定。將該漕督及各該督撫嚴行懲處。

回空例限。順治初年定。河漕總督專管漕運。如回空船不力催。又不題參地方官者。降二級留任。又回空漕船。如後船已過。前船未到者。押空官照例參處。十二年題准。沿河督撫鎮道等官。遇回空糧船入境。立刻催行。將入境出境日期報部查覈。十六年題准。漕船回空到淮。

總漕將各船照重船過淮例。令押空官先期投驗限單。查明各幫原過淮船數。如有缺少。按律治罪。其山東河南二省不過淮者。專責糧道稽查。康熙四年議准。漕船到通。限十日內回空。倉場定立限單。責成押幫官。依限到淮。沿河各官立催過汛。如汛地官不力催。指名題參。五十一年題准。回空漕船。倉場侍郎給發限單。將經過州縣界址。照原定限日。列入單內。令沿河州縣註明出境入境時日。至淮申繳總漕查驗。別給抵次限單。亦令沿河州縣註明入境出境時日。各船抵次之限。不得出十一月終。將限單申繳巡撫稽查。五十八年奉

旨。回空漕船於限內到次者。不必具奏。限內不到者。著聲明題參。六十年題准。押運通判所押尾幫船糧。起卸完印。坐糧廳即將批回印。發送部查驗。令其押空南下。如通判及隨幫託故不親管押。回空以致水手生事者。照規避例議處。如坐糧廳留難不發批回者。亦照例議處。又題准。運弁交糧完印。坐糧廳立給完呈限單。勒限一月到淮投驗。如有逾限。照規避例議處。乾隆二

年題准山東省自備船於交糧之日除留船頭
一二人。在通候領董羨完呈等項外。其餘各軍
令倉場侍郎給予空身限單。勒令回次。將限單
繳送各衛所查驗。如有違逾。分別責懲。仍將限
單填明到次日期。彙送糧道考察。倘有違誤不
到。別詳僉補。仍將運軍嚴究。如沿途生事。發覺
後。該衙門詳報究治。留通運軍事竣回次。如有
違誤。一例究治。○又題准。淮揚挑濟運河回空
漕船抵次。趕早一月。○三年奏准。糧船起米後。
領運千總。督同正丁料理回空。身工飯米開船。
有不齊備者。隨幫回明倉場查究。坐糧廳監督
衙門。應給糧席完呈。俱限十日內。給發限單。星
飛趕幫南下。總押丞倅引。
見後部內亦與限單。趕歸大幫。督同前進到淮。漕運
總督查覈。如有違誤逾限。即行參處。○二十年
議准。嗣後令領運千總。協同押空之員。跟幫南
下。報明倉場。並沿途督撫。轉飭地方官。接幫稽
查。毋許逗遛。倘有藉故稽延。及私自回籍。押空
千總同地方官。據實申報。該管上司。嚴揭參處。
○又題准。過淮日期冊。由總漕咨部。抵次日期

冊。令糧道造報巡撫咨達。○二十二年定。丁船
回空。不跟幫前進。脫空者。運弁罰俸半年。○二
十四年定。回空糧船。偶遇淺阻。隨幫並不設法
推活。以致到次遲誤者。革職。○四十一年定。回
空漕船。限內不能到次者。照例參處。其應運新
漕。總漕查明。或派撥減船。或攤運雇募。依限兌
運。其遲到之船。來年開凍時。沿河文武官員。飛
催過淮。受兌北上。如不設法。依限兌運。將在南
之糧道。監兌州縣等官。題參治罪。如原船不能
過淮。受兌。有誤北上。即將在北沿河催趕回空
文武各官。題參治罪。○五十四年議准。江西省
回空糧船。每至正月到次。三月開兌。四月兌完。
應令各督撫。轉飭沿河文武員弁。務照重運一
體嚴催。以符冬兌冬開之例。○道光四年
諭。孫玉庭等奏。回空漕船。全數渡黃。一揭本年回空軍
船。停待日久。節經降旨嚴催。茲據該督等。將束清禦
黃兩壩。大加拆展。清水暢順。於本月初四日。軍船全
數渡黃。辦理尚屬妥協。現在節逾冬至。漕船歸次。已
不為早。該督等。務須節節催趕。俾銜尾前進。趁此天
氣融和。並無冰凍。晝夜兼行。以速補遲。及早歸次。無

誤冬兌冬開日期。至來年新運北來。尤為緊要。河口一帶。如有淤淺處所。必須及早籌疏。著孫玉庭張文浩督率河員趕緊妥辦。務令一律通暢。毋致臨時再有阻滯。致干重咎。

欽定大清會典事例卷二百六

戶部

漕運計屯貼運

計屯貼運。省衛官有名無實。初年改辦海運。各人所有計屯貼運名目。已不復存。所徵銀兩。或提充海運經費。或歸入漕項。款內解部。均詳見本門事例。茲將嘉慶會典所載。○直隸通州。天津二所屯地。每丁派給五十畝。節年裁減屯丁。現運各丁名下屯地。每畝原額新徵租銀。自二與原額多寡不符。

分至一錢不等。交與地方官按年徵收。闕解該幫所散給各丁。按該丁原領屯田租數。按名散給。山東屯田。除東昌衛之東昌幫。濮州幫。東平所之東平幫。係現丁執業收租外。其濟甯臨清平山三衛幫屯田。什軍一體領地。一軍駕運。九軍津貼。內濟甯衛之前後兩幫。臨清衛之山東前幫。河南前後兩幫。俱每畝徵租銀五分。以四分五釐給本幫各船贍軍之用。以五釐酌給濟甯衛左右二幫。臨清山東後幫。濟運東昌衛平山前後兩幫。承種無糧軍地。每畝津貼銀六分。有糧地畝。及軍民費有工本墾熟地畝。每畝津貼銀四分。德州正左二幫。及任城幫運船。俱每

船各給贍軍銀十兩。德州正左二幫於屯糧項下動支。任城幫於地丁項下動支。江南江安糧道所屬江淮興武二衛於州縣歸併省衛快丁屯田額徵錢糧內每銀一兩米一石。各徵津銀一錢。徐州衛屯運田除運丁自行執業外。民人典買及閒丁領種並衛田每畝徵津銀七分。正衛閒丁執種田每畝徵津銀二分。其籍隸湖北之什軍。每戶津貼銀自七八錢至四五六兩不等。共津銀一千六百八兩有奇。永定額數。官為徵收。解交淮安府庫給丁濟運。安慶淮安二衛並揚州衛之頭幫三幫儀徵一幫屯田。現丁自行管業收租辦賦。揚州衛二幫減丁津貼現運銀。每船十五兩。又按租銀一兩加銀二錢。新安宣州二衛屯田。不論軍民管佃執業。每畝徵津貼銀八分。建陽衛民典屯田。每畝徵津銀一錢二分。廬州衛屯田。每畝徵津銀六分。鳳陽衛糧田。徵津銀一分。運田。無論閒丁民戶執業。正衛常州頭幫。每畝徵津銀三分五釐。前衛二幫運田。每畝徵津銀三分七釐。後衛三幫運田。每畝徵津銀二分。懷遠二幫運田。每畝徵津銀六分七釐。中衛頭幫。不分軍執民

佃。每畝徵津銀三分九釐。左衛三幫。右衛二幫。並洪塘所。每畝網軍津貼銀自一分至八分三釐不等。其正衛頭幫。前衛二幫。後衛三幫。每畝加徵津銀二分五釐。各歸各幫支領。長淮衛糧田。每畝徵津銀一分。三幫運田。每畝徵津銀一分八釐。四幫運田。每畝徵津銀一分六釐。宿州頭幫運田。每畝徵津銀九釐六毫。有奇。糧田。每畝徵津銀一分。二幫屯田。原六安衛歸併者。每畝徵津銀三分。旗丁自行收取濟運。原武平衛歸併者。江南之亳州。河南之睢州鹿邑柘城太康。四州縣屯田。每畝徵津銀一釐七毫。有奇。泗州衛屯田。無論軍民執業。坐落泗州者。每畝徵津銀一分。坐落盱眙。天長。來安。高郵。寶應各州縣者。每畝徵津銀一分一釐六毫。典出運田。按錢糧一分徵津銀二分五釐。大河衛屯田。屯丁自行執業外。減丁執業田。每頃收津銀五錢八分一釐。蘇松糧道所屬蘇州太倉等衛屯田。現丁自行管業收租辦賦。其太倉衛屯丁自行執業田。每畝津銀一錢。運丁自行收取贍運。鎮江衛屯田。無論荒熟。每畝交租六斗。鎮江衛前後

二幫民人執業屯田。每戶津貼米五斗。又挂戶運田。每戶徵津銀二兩。又攤歸屯田。每畝津銀一錢。金山幫屯田。坐落上海等縣二十四堡民典地畝。每畝津銀五錢五分八釐。又民人執業屯田。每畝市平市色津貼銀四錢。又坐落南匯縣軍民典賣並屯丁原墾地畝。每畝津銀二錢。給軍濟運。浙江各衛所運船。每船給田一百二畝。八分六釐有奇。內除杭嘉湖三衛所俱係運丁自行執業完餉收租外。惟杭嚴衛坐落餘杭縣溪西白社等七莊屯田四千一十五畝零。按照上則田。每畝折收錢五百二十文。中則田。每畝折收錢四百七十文。下則田。每畝折收錢三百五十文。仍於每畝聽給佃戶修築塘費錢七十文。不論年歲。照額清納。責成餘杭縣官為徵解。給丁濟運。其甯波紹興衢州嚴州台州温州等處屯田。有因寫遠歸佃完餉輸津者。內衢州所屯田。以一百畝六分九釐七絲為一單。共派田一百一十六單七分。每單徵津銀九兩九錢五分。又本所改則田一千七百餘畝。加租銀四百石。折銀二百六嚴州所屯田。每畝徵津銀一錢五分九釐八毫。屯地每畝徵津銀六分九釐八毫。台州

衛上田。每畝徵津銀一錢。中田每畝徵津銀八分五釐。下田每畝徵津銀七分。温州衛屯田。並温州衛派給甯波紹興處州三衛屯田。上田每畝徵津銀七錢。中田每畝徵津銀五錢。下田每畝徵津銀四錢。每年均令衛所印官徵解道庫。給幫濟運。江西屯田。除南昌撫州二衛所地基山塘堰。並袁州贛州屯塘。不徵餘租。又吉安所撥給龍軍五船屯田。自管收租贍運外。其餘各衛所屯田屯地。除完正糧外。均分別議收餘租。官為徵收。按各衛幫餘租多寡分給各丁。餘贍銀兩。存公備用。內南昌衛一則上田。每畝徵租銀自四分五釐至二錢二分。二則中田。自三分五釐至二錢。三則下田。自二分五釐至一錢六分。一則上地。每畝租銀五分。二則中地。每畝租銀四分。三則下地。每畝租銀三分。運丁每船每運給銀五十五兩。袁州衛軍管屯田。每畝徵租銀一錢。民管屯田。每畝徵租銀一錢七分。軍民管種屯地。坐落宜春分宜二縣。每畝徵租銀八分。萬載縣每畝徵租銀六分。萍鄉縣每畝徵租銀四分。運丁每船每運給銀七十兩。贛州衛一

則上田每畝租銀自七分六釐至二錢八分。二則中田自六分二釐至二錢四分。三則下田自四分八釐至二錢。又新墾山頭地角及民人墾荒熟地每畝徵銀八分。其公田及民人首報墾熟地暨新墾額外新生等田。按上中下則每畝科租不等。共徵米一萬八千七百二十七石零。每石折徵銀五錢。運丁每船每運給銀二百八十兩。信豐所軍管屯田每畝徵租銀五錢。又閩省寄莊改歸贍運田每畝徵租銀八分。運丁每船每運原給銀三百五十兩。加給銀六十兩。嘉慶

五年奏准在於該所歷年餘租銀內加給會昌所屯田每畝徵租銀

三錢。又本戶及首墾田每畝徵租銀二錢。武平縣寄莊田每畝徵租銀八分。運丁每船每運給銀三百一十兩。南安所屯田每畝徵租銀二錢。給撫州所城軍濟運。九江衛一則上田每畝徵租銀二錢二分。二則中田每畝徵租銀二錢。三則下田每畝徵租銀一錢六分。一則上地五分。二則中地四分。三則下地三分。運丁每船每運給銀八十七兩。吉安所坐落廬陵縣屯田每畝徵租銀三錢三分六釐。坐落龍泉所屯田每畝

徵租銀一錢。又龍泉縣歸公屯田及清出開墾地。共計九十二頃六十四畝有奇。統徵租穀八千九百六十三石有奇。每石折徵銀四錢八分。運丁每船每運給銀五十兩。永新所屯田係以租科畝計田一百二十頃一十七畝有奇。共徵穀一萬七千四百石有奇。每畝折徵銀三錢二分。運丁每船每運給銀一百兩。安福所屯田係以租科畝計田一百三頃一十一畝六分有奇。實徵租穀一萬五百二十五石有奇。每石折徵銀四錢。運丁每船每運給銀一百兩。撫州所一則上田每畝徵租銀自四分五釐至一錢六分。二則中田自三分五釐至一錢四分。三則下田自二分五釐至一錢二分。四釐七毫有奇。該所軍分城屯。城軍每船每運給銀八十八兩八錢六分二釐。屯軍每船每運給銀一百二十兩。建昌所屯田每畝徵租銀一錢七分。又新墾屯地每畝徵租銀一錢。屯田統收租穀。按地肥瘠。每穀一石折銀自二錢四分至四錢。運丁每船每運給銀一百兩。廣信所一則中田每畝徵租銀二錢五分。二則下田每畝徵租銀自八分至二

錢。一則下田。每畝徵租銀四分。運丁每船每運給銀一百一十九兩。弋陽貴溪二縣所轄船二隻。每船每運給銀二百兩。鉛山所。一則上田。每畝徵租銀三錢。二則中田。二錢四分。三則下田。鉛山縣每畝徵租銀一錢六分。弋陽貴溪興安三縣。每畝徵租銀二錢。下則屯地。每畝徵租銀四分。運丁每船每運給銀二百六十兩。饒州所。一則上田。每畝徵租銀自四分五釐至一錢二分。二則中田。自三分五釐至一錢。三則下田。自二分五釐至九分。運丁每船每運給銀六十兩。

湖北各衛所屯田。除完正餉外。按糧多寡。官為徵收。幫費分給各船濟運。武昌武左二衛均按糧一石。運屯額徵幫銀五錢。絕屯徵銀三錢。黃州衛按糧一石。額徵幫銀三錢八分。蘄州衛按糧一石。額徵幫銀五錢四分。德安所按糧一石。額徵幫銀七錢三分二釐。襄陽衛計畝徵銀。每畝上則徵幫銀三分三釐。中則徵幫銀一分六釐。下則徵幫銀一分一釐。在乾隆四十年清屯案內。其典賣與民戶屯糧一千三百九十餘石。於原額正餉幫銀之外。加徵津費。凡坐落武昌武左蘄州德

安四衛所者。按每石加徵津銀一兩三錢。黃州衛每石加徵津銀一兩二錢。襄陽衛按上則每畝加徵津銀七分。中則四分。下則三分。每年隨同原額幫銀解交道庫。勻給丁船濟運。湖南岳州衛屯田。運軍操軍。按糧徵費。每運每船統給運費銀一百五十兩有奇。荊州衛運田。按正餉銀一兩。徵運費銀一兩四錢三分有奇。操田按正餉銀一兩。徵運費銀一兩二錢一分九釐有奇。赤丁八十名。按名派徵運費銀一兩七錢五分。枝江彝陵長甯遠安等四所軍丁。隸荊州衛

轄。向不出運。止幫衛丁銀六百六十兩。因勞逸不均。照岳州旱衛按田加津之例。再加津銀二千六百四十兩。每年共徵津貼銀三千三百兩。按田畝上中下率算。每畝徵銀二分六釐零。由屯坐州縣徵解湖南糧道。為荊州衛幫船濟運之需。每運每船統給運費銀一百九十九兩九錢八分。下賸銀兩。為造船及調劑幫務之用。荊州左衛屯田。按正糧一石徵運費銀六錢四分六釐三毫有奇。每運每船統給運費銀一百八十兩。荊州右衛運田。按正餉銀一兩。徵運費銀一兩四錢二分九毫。

有奇。操田按正餉銀一兩。徵運費銀一兩二錢七分五釐有奇。赤軍四百八十名。按名派徵運費銀一兩三錢三分有奇。每運每船統給運費銀一百六十兩。河陽衛運班二田。按正餉銀一兩。徵運費銀九錢二分至一兩七錢三分不等。赤丁每名徵運費銀二兩四錢。每運每船統給運費銀一百二十兩。各省屯田額數詳見田賦。○順治五年定。德州衛撥給德州左衛屯地五百七十一頃三十二畝零。給丁貼運。其地仍令德州衛承種。每畝輸賦外。津貼左衛運丁銀二分七釐。○十三年題准。德州正衛屯地。每丁勻種四頃七畝零。輪流出運。其不出運者。每歲輸正賦外。每畝公出銀二分一毫。津貼運丁。民種軍田者亦如之。○康熙十年題准。湖廣屯田。分衛分船。將各衛屯田。並附近之荊州等四衛丁船。及武左衛找補之四丁船。聽湖南糧道催運督徵。湖北武昌等六衛丁船屯田。聽湖北糧道催運督徵。○乾隆二年奏准。各省屯田。如有佃種不清者。令總漕各該省督撫酌量清理。○又題准。湖南省長沙等三十七州縣。統計開丁一千八百九十

五名。每丁徵銀二錢。共徵丁銀三百七十九兩。因各丁內有無產窮丁無力完納。議令照依人丁匠班之例。攤入各州縣地糧徵收。○三年諭。朕思惠養斯民之道。以輕徭薄賦為先。凡各省田糧稍有偏重之處。悉已陸續豁免。以紓民力。今安徽所屬懷遠衛軍田十三頃。每畝徵銀八分八釐有奇。較之民田未免稍重。著照蒙城縣民田之例。每畝徵銀二分一釐有奇。共免銀九十八兩八錢七分。又武平衛軍田五千二百九十一頃。每畝加徵銀七釐三毫有奇。除現在請禁衛田之私典等事案內。每畝應留贍運銀一釐七毫外。每畝著減去加徵銀五釐五毫有奇。共免銀二千九百六十二兩六錢五分。該部即遵諭行文該督撫。自乾隆三年為始。永著為例。○五年奏准。屯田租與民人耕種。該運軍止許得當年租銀。如加別年租銀立券私交者。照私典軍田例。與受皆行治罪。其田追入新運之軍。租價入官。○又題准。浙江省温州衛屯田三萬一千二百三十四畝。內撥派本衛二幫田萬六千二百九十三畝。該衛各軍均交親屬管收外。其餘田萬四千九百四十畝。找派甯紹處三衛之軍。

從前原因相隔遙遠。未經執業。未幾又遭兵燹。屯民墾熟為業。以致軍民爭訟。今議定按照上田一畝收穀三石。中田二石。下田一石六斗。各半平分之數。輸津給軍。其佃戶輸津完餉之處。令該衛徵比。該管府道催徵。分別解餉給軍。衛備徵解不全。照例叅處。佃戶不能完納。別召良佃耕種。私自典賣者。治罪。○又題准。各省屯田。徹底清釐。將實在數目。造具清冊送部。儘不實力奉行。該督撫一併題叅。○八年題准。湖北省武昌等衛所屯田。清出原額。有屯清屯。無屯清費。每年德安所額船三十三號。每船得幫銀百六十二兩。襄陽衛三十船。每船給銀百七十兩。武昌衛五十六船。武左衛五十五船。每船得銀一百四十七兩三錢。黃州衛二十六船。每船給銀一百二十五兩。蘄州衛三十二船。每船給銀一百三十五兩各有奇。○又題准。湖北省荆左衛成熟並新墾升科屯田二千二百五十五頃八十五畝有奇。荆右衛成熟運操屯田二千二百二十五頃三十二畝有奇。沔陽衛屯田千九十六頃三十畝有奇。又軍操田八十四頃有奇。

荆州左右中前後五所屯田六百十有二頃十有四畝。操田千三百十有五頃五十八畝各有奇。應令運軍民佃照糧一例分派。凡軍田典賣在民。及頂絕墾荒年久。造有房屋墳墓。願當軍差者。即將本人編入軍戶當差。軍置軍產。田差均去者。亦准其當差管業。其田不准回贖。如民買軍田不願當差。及軍買軍產。田去差存。而原戶貧乏。不能回贖者。分別津貼。以贍漕運。○九年題准。江西省屯田。清出原額新增田地。基石山塘堰。除豁除坍塌外。現在成熟者五千三百三十七頃七十八畝有奇。內南昌前左。撫州。鉛山。饒州等衛所隨田地。基石山塘堰。並建德縣補軍屯田。鉛山所運軍隱匿入官屯田。袁州屯田。塘五百七十六頃六十畝。不徵餘租。九江。廣信。鉛山等衛所成熟屯田二千四百二十七頃七十五畝有奇。應徵餘租。軍丁利於自取贍運外。其南昌等衛所軍民管業屯田二千三百三十三頃四十二畝有奇。每畝派徵餘租不等。每年徵租銀九千五百九兩有奇。吉安所坐落龍泉縣丈出餘屯改升民田六十一畝。每年徵租穀折

價銀四十兩九分有奇。均由縣徵收解道轉給各衛所運軍。勻分濟運。○十年題准。山東省衛所屯田。除東昌濮州東平三衛所並無什軍分種。均係現運之軍執業外。其濟甯臨清平山三衛所地畝。什軍一例領地。一軍駕運。九軍津貼。臨清衛貼運山東前幫。河南前後兩幫。每年每畝津銀三分。濟甯衛貼運濟甯前後兩幫。按地定肥瘠。照收成分數折給。東昌衛之平山前後兩幫。每年每畝津銀八分。其典賣地畝。逐漸贖回。歸輸運之軍。亦令同贖。田租輸收。嗣後若再典賣。與受一併治罪。追田給運。典賣地內葬有墳墓者。酌給畝數。永行津貼。什軍應贖地畝。未贖之前。一例津運。各幫永減船及閒運軍田。內有糧地畝。每年每畝津銀八分。以二分完糧。六分津運。每歲津銀。令各衛彙齊。按原減原畝幫次。勻給現運各軍。久荒屯田。軍民費本開墾者。給照執業議津。每年每畝津銀六分。以二分完糧。四分津運。○又題准。浙江省屯田。除康熙二十五年裁減駕軍田畝外。按各衛所出運千四百四十一船。每船給田百有二畝八分六釐有

奇。運軍有自能執業者。即令運軍完納收租。有因坐落遙遠。以及零星硤瘠。不能自執業者。歸屯佃管辦。完餉輸津贍運。其津銀數目。照依地土隨時酌定。令衛所印官徵解給軍。○又題准。德州正左二衛贍運屯田。坐落直隸山東二省。從前原係軍民承種貼租。各軍自討勦運。或有或無。有名無實。今清出地二千四百二十九頃有奇。每年每畝以一分起租。共銀二千四百二十九兩有奇。分給運軍五十六名。每名每年給銀十兩。什軍五百四名。每名每年給銀三兩七錢有奇。如隸本衛者。由衛徵租。如隸直隸者。每年造冊咨送直督轉飭州縣徵解衛備。一例分給各丁。任城幫四十七船。並無額產。仍照向例。每船每年給贍軍銀十兩。於地丁內動給。彙入漕項奏銷。○十二年題准。各省贍運屯田。典賣與民。照例備價回贖。由衛所移明州縣。飭令民人收價退田。儻地方官不即飭退。照承辦遲延。例參處。如該軍不備價。妄控退田。或實係民田。故作軍田。捏報詐冒者。將該衛所官弁分別議處。儻各衙門書識人等。有隱占屯田情弊。該管

官弁。皆照失察衙役犯贓例。議處。該役照侵盜官糧例治罪。○十三年題准。湖南省荆左荆右沔陽三衛。有貧乏赤丁。按照原派輸幫銀數。減免幫貼。枝壽長遠。四所。既隸荆州衛。其舊存成熟田地千二百頃十畝有奇。改照民田起科。雖非運產。究屬同衛運軍。亦令津貼。以重漕運。○又覆准。濟甯衛前後兩幫。臨清衛山東前幫河南前後兩幫。東昌衛平山前後等幫。所有裁船減丁原設運田。均派歸該幫現運各丁。以勸運務。○十八年議准。運軍以屯為伍。按伍當差。給田贍運。遇有裁減船隻所減之糧。分派現船裝運。並將減船屯田。給現運以資贍費。○又題准。浙江省温州衛。派給温州甯波紹興處州四衛幫丁屯田。於原定津貼外。上田每畝加津銀一錢。中田下田每畝各加五分。○二十二年定。德州正左二衛屯地。徵條充餉。徵屯勸運一地兩徵。民力偏枯。將租銀概免徵收。於額徵屯糧銀三千五百七十三兩之內。每船給銀十兩。其餘什軍毋庸議給。○二十三年定。屯田不得私相典賣。如有典賣。令照原價取贖。嗣後取贖屯田。

如原價在百兩以上者。令其分作三年交價。價足田即歸船。以資贍運。並將各省屯田已贖若干。未贖若干。造冊送部查覈。○二十四年議准。直隸省通州左右兩所。坐落三河等州縣原額屯地。共一百九十四頃二十三畝三分五釐六毫。每畝原租銀自一分至一錢不等。議令每畝加增自三五釐至一分三釐一分五釐二分及三分五釐不等。天津幫左右兩所。坐落青縣滄州二州縣原額屯地八十四頃四十畝八分二釐。每畝原租銀自三分至六分不等。議令每畝加增自五釐至一分不等。交地方官按年徵收。關解該所。散給各軍。以資贍運。○又覆准。山東省濟甯臨清二衛屯田。每畝津貼銀三分。東昌衛平山前後兩幫。無糧軍田。每畝津貼銀六分。有糧軍地及軍民自墾者。每畝津貼銀四分。○又議准。蘇州前後太倉前後鎮海前後金山州。蘇州儀徵等幫裁減船隻所遺屯田。悉歸現運。○二十五年議准。江西省屯田。除南昌撫州二衛所隨田地基山塘堰。並袁州贛州屯塘不徵餘租。又吉安所撥給龍軍五船屯田。自管

收租贍運外。現在各衛所成熟屯田。官為分別徵租。每畝自二分至三錢三分六釐不等。並米穀折銀自三錢二分至五錢不等。按各衛幫餘租多寡。分給各軍。餘銀存公備用。南昌衛運丁。每船每運給銀九十兩。袁州衛永新所安福所。建昌所饒州所運丁。每船每運給銀一百兩。贛州衛信豐所運丁。每船每運給銀三百五十兩。鉛山所運丁。每船每運給銀三百兩。會昌所運丁。每船每運給銀三百一十兩。南安所運丁。每船每運給銀一百四十兩。撫州所屯軍。每船每運給銀一百二十兩。吉安所運丁。每船每運給銀六十兩。城軍。每船每運給銀一百兩。廣信所運丁。每船每運給銀一百十九兩。弋陽貴溪二縣所轄船二隻。每船每運給銀二百兩。○又議准。浙江省杭嘉湖三衛所屯田。俱係運軍自行管業。辦餉收租。其甯紹處衛嚴台溫各衛幫屯田。均係輸津濟運。先經酌量加津。衢州屯田。以百畝六分九釐零為一單。共派運田百十六單。六分。每單徵津銀五兩四錢二分六釐。議令加增銀二兩五錢七分四釐。每單合銀八兩。嚴州

屯田。向無津銀。議令屯田。每畝輸津四分。屯地。每畝一分五釐。台州衛上田。原徵津銀六分。議令加津四分。中田。原徵津銀五分。議令加津三分五釐。下田。原徵津銀四分。議令加津三分。溫州衛上田。原徵津銀五錢。議令加津二錢。中田。原徵津銀三錢五分。議令加津一錢五分。下田。原徵津銀二錢五分。議令加津一錢五分。每年衛所印官徵解道庫。給幫濟運。○又定。建德縣原有撫州所屯田銀兩。東流縣原有南昌衛屯田銀兩。向係解江安道庫。該幫重運過江甯時。就便給領。嗣後俱解江西省道庫。分給濟運。○二十六年議准。湖南省荊州衛運田。按正餉銀一兩。徵運費銀一兩四錢三分有奇。操田按正餉銀一兩。徵運費銀一兩二錢一分九釐有奇。赤丁八十名。按名派徵運費銀一兩七錢五分。枝江彝陵長甯遠安等四所。按正餉銀一兩。徵運費銀三錢三釐五毫有奇。每運每船統給運費銀一百六十兩。荊州左衛屯田。按正糧一石。徵運費銀六錢四分六釐三毫有奇。每運每船統給運費銀一百八十兩。荊州右衛運田。按正

餉銀一兩。徵運費銀一兩四錢一分九釐有奇。操田按正餉銀一兩。徵運費銀一兩二錢六分八釐有奇。赤軍四百八十名。按名派徵運費銀一兩三錢三分有奇。每運每船統給運費銀一百六十兩。沔陽衛運班二田。按正餉銀一兩。徵運費銀九錢五六分至一兩七錢不等。赤丁每名。徵運費銀二兩四錢。每運每船統給運費銀一百二十兩。○又議准。荊州左衛屯田每正糧一石。徵造費銀二兩一錢五分四釐有奇。每船給造費銀六百兩。○又定。江西省清查屯田。令經徽州縣將境內屯田另造清冊。以地從丁。於某丁名下註明某項田地若干。應徵餘租若干。其坐落坵段。開明四至。造入交代。並分送該管上司衙門備查。各州縣按屯田民田分立界石。以垂永遠。軍民不得互相侵越。○二十九年議准。浙江省甯波紹興前後金衙所等幫裁減船隻。所遺屯糧悉歸現運。○三十年題准。鳳陽衛屯田分為糧運二田。糧田每畝徵津銀一分。運田每畝照舊徵綱軍銀二分三釐不等。由衛徵收解道。給丁濟運。○又題准。揚州衛減船屯田。

由高郵寶應甘泉夫長四州縣徵收解道。分給現丁濟運。○三十一年題准。揚州衛頭幫屯田分別上中下三等。每畝上田徵津銀一錢二分。中田徵津銀八分。下田徵津銀四分。其柴租。豆租。銀租。不計畝數。豆每石定價一兩。柴每束三釐。銀。豆。柴。三項每租銀一兩。徵津銀一錢六分。設有水旱。照正賦遞蠲。○三十二年題准。建陽衛執業各戶。歲獲租籽。每戶貼給各丁銀四兩。旗丁自行取討。以勸運務。歷年以來。未能全數清給。而旗丁應領之行月。仍照舊代抵編賦。實未平允。嗣後該衛屯餉改為隨田徵納。○又覆准。鳳陽衛鳳中常州幫鳳中二幫綱軍幫貼銀兩。向係官為徵收。惟綱軍散處十數州縣。赴衛完納。跋涉艱苦。嗣後仍照舊例。聽旗丁自行收取辦運。○又定。薊糧停運。東昌濮州。東平裁汰船隻地畝。仍令各丁管種。東昌濮州。二幫。每畝徵津銀六分。東平幫每畝徵津銀三分。由衛徵收。勻給現運。其裁汰德州。任城。二幫各丁贍運銀兩。並濟甯前後等幫津租。移解直隸藩庫報部。○三十七年議准。河南省武平衛班軍。自康

熙十六年裁汰後該衛屯田歸入江南亳州編
 徵者軍兵改隸宿州二幫僉差出運仍徵津貼
 銀兩其歸入河南睢州鹿邑柘城太康四州縣
 屯田與民賦一體編徵各丁亦俱改入民籍既
 無句僉出運亦無另議津貼較之亳州裁衛軍
 田苦樂不均嗣後照亳州例每畝加增贍運銀
 一釐七毫零徵解總漕衙門分給亳州現運宿
 州二幫運丁贍運。○三十八年奏准湖北省襄
 陽衛有掣留資役屯田二百九十四項零掣留屯
 丁向在鄖陽巡撫衙門充役巡撫缺裁又散歸
 道府廳衛衙門充役又有歸併竹山鄖均等衛
 所屯田八百六十項零屯丁於順治年間歸併
 襄陽衛以來亦係撥歸各衙門充役其田止完
 正賦並不幫貼運費此項屯丁悉在額外當差
 實係因循陋習嗣後將屯丁充役之處概行裁
 汰仍按屯田科則徵收津費。○又覆准浙江省
 衢州嚴州屯田較溫台等衛津租減少將衢州
 本所改則田一千七百餘畝加租穀四百石折
 銀二百六十兩派給甯波紹興處州三幫屯田
 按單普加租穀三石共三百四十九石八斗折

銀二百二十七兩零嚴州屯田每畝加津銀一
 錢一分九釐零屯地每畝加津銀五分四釐零
 ○三十九年議准清查山東軍田將濟甯衛之
 前後兩幫臨清衛之山東前幫河南前後兩幫
 軍田無論什軍承種與典賣之人承種俱每畝
 收津銀五分以四分五釐給本幫各船贍運以
 五釐酌給無田無津之濟甯衛左右兩幫臨清
 山東後幫濟運。○又議准江南省典賣屯田除
 安慶等衛各幫業經奏准借項回贖歸運滁州
 等衛各屯田現係運軍執業新安等衛各屯運
 田地均係舊有津貼無事更張外此外宣州衛
 遠年典賣屯田原定無論軍民執業每畝津銀
 五分六釐議令每畝加津銀二分四釐建陽衛
 典出屯田歷係民戶貼丁完賦餘銀給丁收用
 議令每畝徵津一錢二分鳳陽衛糧田屯田舊
 有津貼毋庸再議其正幫常州頭幫運田每畝
 津貼銀三分五釐零前衛兩幫運田每畝津貼
 銀三分七釐後衛三幫運田每畝津貼銀二分
 以上三幫有典與民者有閒丁自行執業者議
 令每畝加津銀二分五釐以五釐貼補造船餘

銀派給常州頭幫前衛二幫每船銀十兩後衛三幫銀二十兩又懷遠二幫運田每畝舊有津貼銀五分二釐議令每畝增津銀一分五釐中衛頭幫不分軍執民佃各丁自收津銀一分九釐由衛徵津銀一分議令加徵津銀一分鎮江衛屯田一千七百餘頃散處丹陽江都甘泉泰州泰興無論荒熟每畝交租六斗惟坐落泰州甘泉泰興等州縣屯田一百七十餘頃田土稍薄每畝減租一斗實交本色米麥豆五斗其坐落泰興縣之田土更薄者減租二斗實交本色米麥豆四斗其餘照舊輸納長淮衛糧田舊有津貼毋庸再議惟運田無論軍執民執業戶貼津濟運該衛三幫運田每畝舊止津銀一分一釐零議令每畝加津銀六釐八毫四幫運田舊止津銀八釐七毫議令每畝加津銀七釐三毫泗州衛屯田向有津銀毋庸再議惟典出運田向係旗丁自行收取每錢糧一分收至三四分不等應按每錢糧一分議令徵津二分五釐江淮興武二衛向無田產較有田各幫辦理竭蹶將快丁歸併省衛屯田照各州縣額徵糧賦每

銀一兩米一石各徵津銀一錢揚州衛二幫屯田除各丁自行執業外其減丁召佃所收租銀每船津貼現運銀十五兩又加租餘銀一千七百八兩按船分派濟運徐州衛屯運田除運軍自行執業外民人典賣及閒丁領種並衛田每畝舊收津銀五分議令加津銀二分正衛閒丁執種田向無津貼議令每畝徵津二分鎮海衛之金山幫坐落上海縣二十四堡民典地畝每畝徵銀五錢五分八釐已經充裕毋庸置議其坐落南匯等縣軍民典賣並屯丁原墾地畝議令每畝津銀二錢○四十年奏准湖北省各衛屯田自乾隆二十五年以後典賣屯糧一千三百九十餘石除額餉幫銀照舊完納外仍令從重加津將武昌左蘄州三衛德安一所按每糧一石俱加津銀一兩三錢黃州衛每石加津銀一兩二錢襄陽衛屯地每畝上則加津銀七分中則四分下則三分隨同徵解給丁濟運○又議准湖廣省各衛屯田典賣在民者如本軍無力許同伍之軍贖回同船者即為同伍各船者即為別伍僅有典賣屯田者不同船之軍丁取

贖。照民人從重加津之例。追給該衛各船資運。
○四十一年議准。屯坐湖南之岳州衛。田少船多。屯丁貧疲日甚。查岳州衛民賦之田。有每畝輕糧一分以上至四五分者。應將岳州旱衛屯田。照民賦較輕之數。減半量加津費。通計屯田九千九百六十三頃七十三畝有奇。共應徵幫銀九千三百九十四兩零。分派岳州衛贍運。每畝照議幫之數。給銀一百二十兩。○又議准。湖南省岳州衛軍丁。已得旱衛幫貼。一切運造等事。毋許牽涉旱衛屯丁。○又議准。江南省徐州衛籍隸湖北省之什軍。每戶津貼費銀自七八錢至四五六兩不等。共津銀一千六百八兩。永為定額。每年官為徵收。解交淮安府庫。給丁濟運。○四十二年議准。荊州衛屯田。坐落監利縣車灣地方。因芑菜月隄。開除地一項七十餘畝。應將運費銀四兩三錢零。一體豁除。按照三十船均勻攤減。每船歲給銀一百五十九兩八錢六分六釐。○四十三年議准。荊州衛軍丁。自首開墾屯田一項五十二畝一分八釐。應徵運費銀三兩七錢一分九釐。以三十三船攤派。每

船計增給銀一錢一分零。並原給銀一百五十九兩八錢六分六釐。統計每船歲給運費銀一百五十九兩九錢八分。○四十五年議准。鳳陽後衛三幫津銀。原因該衛運田綱軍津貼銀二百五十六兩零。以二十四船分派。每船止得銀十兩零。較之正衛頭幫前衛二幫。每船支津銀二十五兩。及二十三兩者。多寡不均。是以於此三幫新加津銀內酌撥。現查出後衛三幫綱津除由衛徵收外。仍有各丁未報銀四百五十餘兩。各丁自行徵收。是所得津銀。本與正衛頭前衛二兩幫不甚參差。若再將該兩幫屯田新加綱津撥給。則是所支銀兩。反多於該二幫之數。應將新舊津銀。各歸各幫支領。○四十八年奏准。江淮興武二衛出運漕船。向無贍運屯田。又無津貼銀兩。應將泰州等處入官地畝。派給江淮原頭原二。及江淮七興武三等極疲之幫承買。永為贍運公產。其所估價銀四萬四千五百九十五兩四錢零。自四十九年為始。分作四年解司。仍隨時查察。如有私行典賣情事。照例治罪。○五十年

諭江西省屯田應徵餘租酌減額數從前辦理屯田餘租因地土瘠薄疲丁不能完納積欠甚多勢不得不為減額而不籌款抵補又恐有礙濟運濟造之費著將兵米折色加增二錢是否價值尚輕於民無礙及此外有無款項可以抵補之處妥議具奏欽此遵

旨覆奏德安等州縣酌減餘租銀一萬五千三百二十餘兩仍在兵米折色款內加增共計銀一萬五千八百九十餘兩抵補乾隆四十八年應行加增之項於五十年帶徵四十九年應加之項於五十一年帶徵分年完解其每年加增兵米折

色除抵補減額餘租外尚餘銀五百六十餘兩解儲道庫充公奉

旨此事以該處兵米折色之有餘即抵補餘租減額之不足並非加賦而於丁有益於民無累事屬可行其中餘出銀五百六十餘兩不可解貯道庫充公仍著按畝除去以加增之折色抵補減額之軍費間間益覺寬紓用示朕惠愛黎元之至意○五十二年議准廬州衛頭二三幫典出屯田一千五百一十一項擇典出上則之田抽贖租四百餘石以資贍運共需抽出屯田四百四項零計租四萬四千

九百九十一石零每贖租一石折給庫平紋銀一兩三錢五分實共需贖價銀六萬七百三十八兩於江安糧道庫內漕倉減存項下動借官為取贖贖回之田按各丁應得項畝數目給子管業俟贖回後即於次年將所收田租先儘庫項分作六年繳還仍令該道衛實力稽查此次贖回之後僅仍有私相典賣軍民照例治罪道衛嚴叅究處至未經取贖屯田一千一百餘項責令有力殷丁隨時取贖以符原額○五十七年議准湖北省武左衛班軍報墾新淤屯田四項二十四畝一分四釐零該糧三十八石一斗七升三合一勺每糧一石加增幫銀五錢共增幫銀一十九兩八分七釐自五十五年為始入額徵解濟運黃州衛下則屯地一項六十六畝三分八毫零因潰臨大江逐衛坍塌其應完幫運費銀自五十六年為始一併豁免○五十八年議准揚州衛頭幫軍丁典出屯田二萬九千八百四十四畝四分四釐銀錢租田租銀三千一百六十七兩七錢九分四釐麥豆租四千二百一十七石二斗六升三合柴田三十畝秫

租田十石五升。按租給價。官為贖取。共需贖價銀七萬一千五百四十四兩六分二釐。於江安道庫漕倉等項銀內借給。俟贖回後。即於次年。將所收租價。分作六年歸款。儻仍有私相典賣情弊。軍民治罪。道衛叅處。至原議典戶津貼運銀四百餘兩。免其輸納。○五十九年議准。湖南省荆州衛枝壽長遠。四所軍丁。糧賦甚輕。運費更少。既無別項差徭。又未改歸民籍。若一體僉運。素於漕務不諳。原定徵銀六百六十兩。幫補荆州衛軍丁。銀數較少。照岳州早衛加津之例。再加津銀二千六百四十兩。以濟漕運。每年共徵新舊津貼銀三千三百兩。按照田畝上中下牽算。每畝徵銀二分六釐。蠲緩之年。不准並停。所徵銀兩。除歲給運費及大造給費外。其餘銀存儲道庫。為調劑幫務之用。○嘉慶三年議准。杭嚴衛坐落餘杭縣屯田四千一十五畝七分六釐八毫。酌定租額。按上則每畝折收錢五百二十文。中則每畝折收錢四百七十文。下則每畝折收錢三百五十文。仍於每畝聽給佃戶修塘錢七十文。不論年歲豐歉。照額清納。不許

帶欠。官為徵解。給丁濟運。○四年議奏。贍運屯田。每船每丁派田若干。每年例扣某某款項若干。及應支某某款項若干。刊刻易知由單。給發運丁親領。並將屯田老冊。造交各衛。以備僉丁查驗。奉

旨。旗丁每年應得租籽。刊刻木榜曉諭。其應領款項。亦刊刻由單。給發運丁。及照造老冊一分。發交各衛查驗。其原冊改歸糧道收管。著有漕督撫一體遵辦。○五年奏准。江淮興武二衛。向無贍運屯田。嗣後凡有入官沙洲田地。歸二衛承領濟運。○二十三年覆准。新安衛出典屯田。不論軍民執業。輕則田每畝原額津銀八分外。加徵津銀九分。新墾田每畝原額津銀八分外。加徵津銀八分。和州屯田。無論軍執民執。每畝科徵銀二分二釐零。內除江興二衛土著運丁。現執屯田。不增徵津貼外。其餘民快執產。應徵銀米。均勻攤增。每銀一兩。米一石。各增津銀三錢九分六釐零。含山縣屯田。無分快執民執。以原編銀米數目攤派。每畝科徵銀一分四釐四毫零。該二州縣增津銀兩。由道覈計完欠。如遇災緩之年。即於減

存銀內墊給。按限徵收還款。○二十四年奏准。廬州衛頭二三幫三次贖回屯田共九百餘頃。永遠隨船。以資運費。儻仍有私相典賣情弊。軍民治罪。該道衛等一併嚴叅究處。未贖屯田六百頃。仍令有力殷丁。隨時取贖。以符原額。○道光二年覆准。興武四幫旗丁。繳價承買江都縣境內新漲之裕興洲。劃給執業。以資濟運。○三年奏准。江南省葦蕩右營草地。向係撥給大河衛旗丁墾種。名為衛灘。內由各丁自種膏腴地二百七十八頃九十三畝零。其餘五百餘頃。由

廟灣營遊擊經營衛丁。歲得租錢二千五百串。嗣因柴質草細。不適工用。自是年為始。將衛灘地畝。仍歸大河衛旗丁領墾。其地租即令衛丁完納。○又奏准。湖北省屯田五千五百四十六頃五十八畝零。額徵津租銀三萬六千一百九十七兩零。內武昌衛應徵屯坐宜城襄陽鍾祥東陽四縣軍屯錢糧銀一千八百九十四兩二分八釐。改歸該四縣就近徵解。又武左衛屯坐京山縣屯糧津租銀五百一兩一錢五分二釐。歸京山縣徵解。又蘄州衛屯坐江西德化瑞昌

二縣民佃租課銀九百一十八兩二錢五分六釐一毫。歸德化瑞昌二縣徵解。餘皆歸各衛徵收。○同治二年定。各省屯田津租。有歸衛所徵收者。有歸州縣徵收者。現在江浙衛官。既已議裁。此項屯租。應統歸屯坐之各州縣管理。仍照徵收正項錢糧。年清年款。題報覈銷。其各衛旗丁。亦即改隸州縣。仍存屯籍之名。以便他日河運責其供役。至此項屯租銀兩。向係給丁濟運。目下河運暫停。令各該糧道另款存儲報撥。○五年奏准。江蘇省蘇州太倉鎮海三衛及金山

幫應徵屯田月糧米一萬四百一石零。又丹徒縣應徵屯米一百七十四石零。此項屯田。錯雜民田之內。徵米科則均在五升以上。甚至二三斗以上。重則十居其九。此時蘇省民田漕額。早經覈減定案。而各衛屯田。皆與民田相連。未便仍令完重。則仿照常鎮二屬漕糧。普減十分之一。自本年冬漕為始。即按減定數目徵收。如有帶欠。即照短徵正項錢糧之例。分別開叅。所徵銀兩。除奏明提充海運經費。及例撥京口兵米外。下餘之數。造報候撥。○又議准。浙江省衛嚴

温台四衛所地瘠佃疲兵燹之後益難照額徵完所有衛嚴二所屯田津租按例額銀數以八折數減温台二衛以七折數減自同治五年冬漕為始以減贖之數著為定額永遠革除折減名目按現定之數逐年徵收所徵銀兩除每年奏明提充海運外下餘之數造冊候撥○七年奏准嗣後衛所經徵運費銀兩均按照定額徵收不得任意增減如有私自折徵或私立名目即行從嚴參辦加等治罪○八年覆准浙江省甯波紹興處州海甯各衛所奏准裁汰所有甯波衛每年額解糧道衙門餘租銀十二兩八錢三分三釐責令屯坐之鄞縣經徵完解如有清屯勸墾各事宜亦令該縣就近兼辦其紹興處州海甯三衛所每年額徵餉租並屯丁銀兩及清屯勸墾各事宜即責成嘉湖衛辦理○光緒九年奏准蘇浙漕糧不藉丁運所有江蘇金山幫屯租津貼及浙江餘杭縣屯租均應停給歸入漕項款內解部

欽定大清會典事例卷二百七

戶部

漕運 優恤運軍 徵收例禁 重運例禁

優恤運軍○康熙二十年議准漕船凍阻將通濟庫銀借給仍令總漕將應給漕贈銀照數扣解補還原項○三十五年題准江淮興武二衛漕船凍阻不能回南動支通濟庫銀每船給銀二十兩速催回次仍令總漕於漕贈銀內扣解還款○四十六年議准各省領運運軍限內過淮抵通照數全完者令總漕賞給花紅以示鼓勵如抵通交糧於額糧之外有領運三年陸續多交米至百石者倉場咨部註冊領運六年多交米至二百石者給以九品頂戴榮身如有運軍運米至二十年雖無多交之米並無挂欠及過犯事故者倉場侍郎咨部亦給以九品頂戴榮身○六十年議准漕船回空凍阻暫動東省藩庫銀每船借給八兩於六十一年各該糧道應給運軍月糧內坐扣移解東省還項○又議准到淮各幫漕船因雇募民船諸費浩繁借給河庫帑銀作民船口糧水腳之用江安漕船每

船借銀五十兩。蘇松漕白船每船借銀四十兩。江西漕船每船借銀三十兩。浙江漕白船每船借銀五十兩。均於次年運軍應領行月銀米內扣還。○雍正元年議准各省完糧各軍並守凍完糧軍船每船正軍一名賞給銀二兩。又山東張秋臨清一帶地方浙江江西江南等省幫船運軍頭舵工等守凍不能回次量支藩庫銀四千兩。每船給銀六兩。○六年奏准回空漕船過淮安關頭工舵工水手人等零星捎帶梨棗六十石以下者免其報稅其餘貨物仍照例釐量。按貨納稅經許墅關所帶梨棗及應上稅之物仍令輸稅。○七年

諭運軍駕運辛苦若就糧艘之便順帶貨物至京貿易以獲利益亦情理可行之事著於舊例六十石之外加增四十石永著為例。○八年題准各船頭工舵工二人每人帶土宜三石水手無論人數每船帶土宜二十石合算每船帶土宜共百二十六石。○九年議准河東二省截留存贖漕米三十萬石議令原船運通輓輸上下倍為勞苦按道里之遠近時日之多寡酌議在德州往返者每船

給銀二十八兩三錢八分在臨清往返者每船給銀三十九兩三錢五分有奇共四百十有九船給銀萬四千九百四十二兩一錢有奇再在德州往返各船先經兩次借給每船共銀三十八兩今每船多給銀九兩六錢二分有奇共多給銀千三百五十六兩一錢六分免其扣追。○十三年

諭湖南明歲應運漕糧已經截留為黔省賑濟之用定例漕船停運之年給運軍一半月糧以為養贍朕思各船水手均由運軍雇募多係別省貧民今湖南漕運既停各水手等在異鄉乏業未免歸費無資著湖南巡撫於本年回空漕船抵次之日就近驗明各水手內有別處民人即量給盤費資助令回原籍毋令逗遛滋事。○乾隆元年題准湖南湖北二省截留漕船因灣泊岳次濱臨洞庭風波不測與各省不同於支給一半月糧之外酌留頭舵二名水手二名每名日給米一升其餘水手資助回籍每名每站給盤費銀三分米一升照時價折給。○四年題准各省重運漕船例帶土宜百二十六石向因各項貨物麤細不同按石計算漫無一

定嗣後分別貨物麤細酌量捆束大小定數作石於過淮處立榜曉諭如有違例裝載以及書役人等稽延勒索嚴加究處○七年奏准安徽蘇松浙江三省截留漕船於定例停給一半月糧項內再照浙例減半賞給○又

諭今年漕船北上時值河水淺涸各船盤剝加緯繫費實多借支庫項以作歸途使用江西南昌等幫借銀四千四百兩江南興武等幫借銀千七百四兩揚州等幫借銀千七百九十二兩均著加恩賞給免其扣還○十年奏准首進幫船每年五六月間回空之時

尚無梨棗可帶以致不能均霑利澤嗣後回空糧船行至山東如無梨棗可帶即將核桃瓜子柿餅等物攜帶六十石以抵梨棗之數僅逾六十石者按例徵收稅銀○十一年

諭停運漕船例給一半月糧以資苦蓋上年兩江被水朕降旨蠲緩並截留漕糧以備賑恤之用其減歇軍船自應照例支給但念該地方被災之後軍力未免艱難一半月糧慮不敷用著加恩於常例五分之一增給二分俾窮軍不致拮据○十三年

諭本年四月初間湖南江西運船於桃源宿遷地方遭

風沈溺重船五十隻所有虧折米數例應運軍買補其船亦應賠造但念窮軍力量艱難若令一時賠補難免拮据著加恩軫恤其船已滿年限者照例給價成造未滿年限者於道庫內借給令其及早成造限以三年陸續還款以紓軍力○二十年議准運軍出

運二十年並無挂欠過犯例應請給頂戴但有由糧道詳咨者有赴坐糧廳呈報倉場覈咨者事不畫一嗣後俱令呈報糧道確查詳報總漕衙門移咨戶部倉場覈咨○二十五年議准漕船回空經過山東如逢梨棗核桃瓜子四項尚

未貨賣之時即買帶黃豆瓜果等食物總以六十石抵數如有多帶即行徵稅○三十六年

諭本年後進各幫糧船沿途節次稽阻抵壩較遲回空食用不無稍有拮据向例有三升八合餘米應隨正交倉暫行緩交俟下運照數搭解俾旗丁等飯食有資以示體恤○五十年覆准河南省後幫停減船隻共領過三修銀九十兩領銀修脩船在先奉文停減在後免其追繳○五十二年奏准浙江省台州前等九幫回空船在山東省陽穀東阿等處凍阻不能歸次每船借給銀二十兩○五十四

年奏准山東河南江南浙江四省船隻行走迅速較上年抵通日期早至數十日不等舵丁人等酌量加賞每正丁一名給銀一兩舵工一名給銀五錢其失風拆板糧米灑帶之丁舵概行扣除又例不回空之雇募買補及留通變賣各船扣除舵工止賞正丁以歸覈實○五十八年

諭向來各省漕運船隻遲緩貽誤者俱交部議處示懲今行走迅速其運弁旗丁等交該撫查明分別賞賚以示鼓勵○又議准漕船抵通迅速領運千總每員賞銀二兩不給議敘軍船正丁每名賞銀一兩

○嘉慶二年覆准鳳中二幫旗丁應追行月銀米因原裝米石灑帶各丁已經全完所支銀米亦經分給各丁照案免其追繳○四年

諭向來漕船准帶土宜一百二十六石例不報稅原為恤丁起見今著加恩准其多帶土宜二十四石共足一百五十石之數俾旗丁等沿途更資需潤○五年

諭江西各幫旗丁向於額領公款之外每向糧道衙門借領銀兩以資辦公現在按款清查歷年共欠銀八千六百六十兩零俱係歷任糧道自行挪借以該丁等積年拖欠追繳無著歷任糧道本有應得之咎惟

閱年已久官非一任姑免深究所有各幫船積欠銀兩俱著加恩豁免○又奏准各省回空船隻例帶土宜六十石外照重運多帶土宜二十四石以資運費○六年

諭金山等四幫各丁有挂欠漕糧分別杖責著追運弁議處本屬照例辦理但念本年天津一帶水勢過大丁船守水日久未免多費食米其挂欠尚屬有因著加恩將該丁等挂欠米二千三百六十一石准其以本年應交三升八合餘米暫抵欠項下年全數搭運此外再有不敷即買補本色交納其旗丁杖責運弁

議處並著加恩寬免○十一年

諭湖北襄陽衛回空軍船於乾隆五十六年因民船失火延燒官給料價並照例在於積存款內津貼銀一千兩支給成造經該部以並非大造之期不應支給津貼節次查追因屬按例辦理但念該軍船前次延燒已屬意外被累現經查明該旗丁實係赤貧事經十餘年無力措完著加恩將前項津貼銀一千兩免其追繳○十二年定漕船被火延燒斃命之副丁應得卹賞銀兩查照原題照數給發

徵收例禁○順治九年題准運軍行糧應給本

色有違例折銀者。縣官與運弁皆嚴提究擬。○十二年題准兵道知府職不司漕。有借驗糧名色苛索者。官即指參。胥役究治。○十三年奏准漕糧開徵之時。如有州縣蠹役包攬代完。及飛派無辜者。即行指參。○十五年議准州縣拖欠漕項錢糧。該管監兌糧道等官。嚴檄行催。不得差役致滋勒索。違者指參。○又題准運軍子弟及積年舊役。有謀充有漕各衙門書承者。令總漕及督撫嚴查。從重治罪。如本官失於覺察。及徇庇容隱者。分別參處。○十六年題准州縣徵收漕米。浮派雜費。及僕役經承需索小民常例者。嚴行禁止。犯者題參究治。○康熙元年題准徵收糧米。責成印官稽察。不許顆粒囤存私家。如紳衿大戶。仍因私家不行交倉者。管糧官詳報總漕題參。○四年題准各州縣徵收漕米。如有淋尖踢斛。剗削斛底。改換斛面。及別取樣米。並斛面餘米者。總漕各督撫嚴查題參。○三十年題准州縣官侵隱漕項銀。捏稱民欠。冒請蠲除者。題參治罪。其失察之該管上司。交部議處。○又題准州縣經承盜賣漕糧。依律治罪。失察

之本管官。照例議處。○三十三年題准漕糧耗米。例應徵收本色給軍。如有私自改徵折色者。各該督撫題參。照私折漕糧例議處。○五十一年題准州縣兌糧。責令監兌官坐守。糧道親到水次稽察。儻有折收情弊。發覺將該管州縣及領運官皆革職。監兌官降二級調用。糧道降二級留任。所折之米。照數追賠。○乾隆十二年議准各省收漕時。漁利之徒。每借米色為詞。暗地講串。或裏折。或外加。甚至度量倉有餘米。即以銀錢折色。令總漕嚴飭各糧道。加意訪查。儻有前項情弊。嚴行懲辦。○四十一年議准。令有漕省分各督撫。於收漕之時。嚴行訪查。明示曉諭。一切細碎潮溼之米。經管官不得濫收。如本屬好米。承辦官吏藉端勒捐留難。查參治罪。○四十八年議准。浙江省各州縣糧多之處。每日完納花戶。多以萬計。小民爭先湧集。每易滋事。嗣後照江蘇之例。飭令各屬查明各該處區圖形勢。編立次第。先期明白曉諭。按次依限赴倉交納。仍遵定例。於十月內。即行開倉交收。其收割較遲之處。令地方官查明分別辦理。○又議准

辦漕地方官。往往瞻徇鄉紳情面。遇有巨戶子弟家人完糧。或米色不純。或代人交納。每多有通融。復慮交兌折耗。於民戶又多浮加。以致被人挾制。劣衿地棍。廣為包攬。甚有虛掣串票。並不交米。姦胥臺役。勾結分肥。指稱耗費。向馴良花戶勒索重值。復買交醜米。賤價折乾。並有豫先買米存倉。以為折收地步。迨至糶米納糧。又復講論價值。又有不肖官吏。浮收贏餘。改令折色。嗣後令將指紳巨戶名下應完額糧。於糧冊內逐一註明。以杜包攬。並飭令印官親駐倉廩。秉公監兌。責成該管道府稽查。儻有前項等弊。從重究辦。如道府瞻徇一併查參。並將舊充漕總記書。查明禁革。毋令復充。其營求收漕幕友。長隨。概行屏絕。儻上司囑薦。許州縣據實揭報。每年收漕。務須另選妥實書吏及親信之人。取結通詳備案。再州縣辦漕。有派令漕書承應修倉鋪墊之事。及地方豪棍從中把持。不肖官吏畏其滋擾。分給規例。並各衙門承辦書吏。亦有規例。甚至上司亦勒索分肥。弁丁到次受兌。多方刁難。希冀陋規。令該撫董率司道實力稽查。

並於兌糧之時。飭令糧道往來查察。以清積弊。○五十七年定。縣官於開倉之後。糧戶輸納漸多。並不親身臨倉。以致書役斗級等。任意拋撒。埽集餘米。不復給還糧戶。將該縣革職拏問。查出之糧道知府。交部議敘。○嘉慶四年。論漕務積弊。浮收折價。及旗丁挾制需索。幫船費用。出運隨規。並南帳北帳名目。按款清釐。逐條嚴禁。可期漕務肅清。惟尚有每年開倉之先。即有本地紳衿。包攬同姓花戶。附入己產上倉交納。圖占便宜。或有以曾任職官品級等項。分別坐得漕規。即舉監生員之刁劣者。亦於中取利。州縣等懼其挾制。不得不從而於良善小民。則肆意浮收。無所顧忌。此當嚴行飭禁。有漕督撫俱當一律查辦。但各省浮收之弊。雖同而費用之條不一。應澈底清查。將各幫應領應用。及沿途抵通經費。隨規各行開列清單具奏。不得有蒙混遺漏。總漕當實力整頓。糧艘過淮。籤盤途次。派員催趨。從前皆有使費。該督務須明查暗訪。永絕弊端。至倉場侍郎於倉場諸弊。亦素有所聞。其應行嚴查禁止者。俱當悉心察覈。毋任胥吏經紀等。仍前滋事。然不可操之過急。有意苛求。若於事有難行。必勉強於

一時其法亦不能經久。將來又成具文。總之州縣既向百姓浮收。旗丁自必向州縣加增兌費。總漕巡漕倉場各向旗丁層層索取。其實無窮之苦累。則我百姓當之。今將諸費禁絕。則旗丁用度不致竭蹶。何得復向州縣需索。而州縣既省兌費。又何得仍向百姓浮收。以收漕為彌補虧空者。亦不過州縣借此藉口。恐亦有名無實。現當整飭漕務之時。必須清其源。以絕其流。使閭閻實受其惠。而於旗丁運費。仍當籌畫周詳。不使稍形拮据。○又

諭有漕州縣惟利改收折色。藉以分肥。往往於開徵時

先將低潮米石。搬貯倉廩。名為鋪倉。以便藉詞。嚴滿折收錢文。其糧米之不能一律純潔。亦由於此。又民戶完納。惟望早為收納。從無躲避不前之事。皆由官吏多方勒指。有意刁難。以致民戶守候需時。不得不聽從出費。此與地方詞訟赴訴到官。不肯速為審理。控延時日。以為吏胥說合需索地步者。情事相同。地方官得受漕規。以為賄賂權要。逢迎上司。甚至幕友長隨。藉此肥囊。運弁以挑剔米色為詞。刁難勒指。及催漕運弁沿途俱有需索。而抵通後。倉場衙門。又向弁丁等勒取使費。層層剝削。錙銖皆取於民。最為漕

務之害。不可不嚴行查禁。著通諭有漕各督撫。嚴飭經徵監兌各員。務將積弊革除。妥為經理。此後有仍前浮折。得受漕規。致正供米色。攪雜不純。惟該督撫等是問。必當重治其罪。其漕運總督及倉場衙門。亦須一體嚴行禁止。此次通諭之後。若仍復蹈前轍。一經發覺。惟有執法從事。決不姑貸。○又奏准旗丁兌費。徵之於民。地方官既無賠累。應令糧戶自攬交納。並責成該管道府。巡歷各倉。嚴禁踢斛淋尖折銀等弊。儻經訪聞。或被首告。官吏一併治罪。道府徇隱。並予題叅。上司收受陋規。照枉法

贓科罪。○五年

諭米色為糧運最重。州縣開倉收米。自應一律乾潔。方可受兌。若水次米色不純。到壩焉有好米。向來各州縣多有折色浮收情弊。而不肖丁弁。又樂於從中需潤。以致米色參差。又江浙百姓。每以上等之米。留為自食。中等糶賣。下等完糧。此係向來積習。朕所稔知。近當漕務肅清之際。各糧戶得免浮收。所省已多。自應踴躍急公。將上等米色完納。何得尚將潮米充數。不以國家漕務為急。殊失尊君親上之道。著傳諭各督撫等。徧行嚴切曉諭。各糧戶交倉米色。務令一律

乾潔毋稍有潮雜。儻各州縣弁役有心挑斥勒捐。藉此需索。該督撫務當嚴叅治罪。不可姑容。○七年

諭近聞有漕省分尚不免有浮收。及得受漕規者。是積習仍未悛改。並聞各州縣往往於開倉時逾額浮收。迨米數既足。遂私行折色。竟公然設局定價。並有於開倉之始。即先行折色。虛報滿廩。自用賤價買補於兌糧時。兼有折兌之弊。而運員旗丁之勒捐。姦胥蠹吏之舞弊。劣衿刁民之把持。皆由此而起。其受累者。惟在安分良民。以天庾正供。徒為不肖官吏紳士等牟利之途。蠹國病民。莫此為甚。著傳諭有漕省分各

督撫督率司道等官。嚴行查禁。嗣後州縣官徵收漕糧。概以本色兌收。毋得仍前私收折色。儻敢仍前弊混。一經查出。即照枉法贓治罪。再聞州縣官於徵收本色。往往以米色平常。藉詞挑斥。即實係乾圓潔淨者。亦必多方勒捐。使花戶等守候需時。百端苦累。自不得不以折色改交。此次申諭之後。伊等或有陽奉陰違。於本色收倉時。故意留難刁頓。以為需索地步。此風尤不可長。並著該督撫等嚴行查察。既不得改收折色。亦不得於本色過事苛求。違者嚴叅治罪。若該督撫不能實力訪查。甚或有意瞻徇。經朕查出。或

被人叅奏。必將該督撫等一併懲治。決不姑貸。○又諭州縣徵收漕賦。原應遵照定例。令糧戶封銀投櫃。開有零星小戶。聽從交錢者。亦以使民。若額定糧銀。概行改折錢文。則州縣以錢無定額。任意加增。朘削小民。伊於何底。著通諭各直省督撫。嚴行禁革。○道光

元年

諭浙省漕額較多。其徵漕之杭嘉湖三府州縣。與江蘇接壤。其漕弊大約相似。今欲返積重之勢。先當去其已甚。乃可徐議革除。如該漕督等所奏幫費。未能盡裁。沿途陋規。未能盡革。浮收未能盡去。在此時亦止能如此辦理。均即照所議旗丁幫費。准其津貼銀三錢四錢。不得有逾四錢之數。其從前調劑錢米兌費。加兌峯尖樣米各名目。俱永遠裁革。沿途陋規。總須照舊有之數。實加刪減。至少亦須裁去十之三四。州縣收漕。每石餘米二斗五升。無分紳士農民。概以八折交收。此外不得浮加顆粒。此緣積弊已深。一時不能驟革。不得已且示以限制。該漕督等當飭令實力遵行。不可陽奉陰違。仍期遞年量減。漸復舊制。在州縣責成。該督撫督率糧道知府等認真稽察。在途責成。該漕督董率糧道運官等嚴飭遵辦。如有例外多索。

之事各據實嚴參懲辦毋稍瞻徇○八年

諭漕糧為天庾正供州縣辦理不善往往為刁劣監
挾制始而包攬極交繼而砌詞控告州縣因其刁健
給予漕規藉以調停消弭該生監等視為故常止知
索之於官殊不知官仍取之於民矜監多一人分肥
即閭閻多一分苦累蘇州太倉松江常州等處積弊
尤甚竟有勒索漕規至盈千累百之多並有一人兼
索數州縣漕規者此而不嚴行懲辦何以甦民困而
戢刁風著江蘇巡撫並有漕直省各督撫一體查察
盡法懲治務期弊絕風清以肅漕政○二十六年

諭江蘇向來完漕紳富謂之大戶庶民謂之小戶以大
戶之短交取償於小戶因而刁劣紳衿挾制官吏索
取白規大戶包攬小戶小戶附託大戶又有包戶之
名以致畸輕畸重眾怨沸騰紛紛滋事又旗丁津貼
原有定額近來總以米色為詞多方挑斥逐漸加增
是幫船多取一分於官州縣即多取一分於民種種
弊端關繫匪輕若不及早整頓貽患何所底止著兩
江總督江蘇巡撫認真查察所有前項大戶小戶包
戶各名目概行禁絕一律均收尤不准旗丁額外多
索幫費儻敢抗違不遵或州縣中竟有浮收入己情

事即行據實嚴參從重治罪毋稍瞻徇以肅漕務而
清弊源○二十九年

諭漕糧為天庾正供不容顆粒短絀封疆大吏尤當激
發天良隨時整頓嗣後務須實力徵收全漕兌運儻
各屬有捏災註荒及官吏私徵中飽州縣浮收勒折
等弊必應嚴加釐剔其不肖州縣肆無忌憚如敢浮
收勒折病民肥己一經查出即著指名嚴參治罪毋
稍姑容該管上司儻有意存徇庇者著一併從嚴參
辦○同治四年

諭前因江蘇蘇松常鎮太等府州屬額賦太重經該省
督撫等奏請裁減按照全額計減去制錢四十萬餘
千當經降旨允行惟江蘇積習已久各州縣徵收漕
糧之時每有大戶藉詞抗欠任意短交致各州縣有
所藉口而裁減之惠徒以供不肖官紳之朘削而無
益於民嗣後江蘇各州縣開徵漕米漕折不准復立
大小戶名目其包漕索規等弊著一併永遠禁革如
有京外職官舉貢生監仍藉大戶為名與各州縣為
難營私抗玩即著該省督撫奏請褫革從嚴懲辦該
督撫務當督飭各屬秉公徵收不准於例定折價之
外稍有浮冒抑勒違則從嚴參辦此旨即著勒石遵

諭山東有漕州縣按章徵收者絕少往往於官斗之外倍蓰加收並立樣盤名目縱容蠹役格外剝削民間視以為苦止得折價完納其浮收之數與完米增至數倍者無異即或經該管上司查明減成完價出示申禁該州縣並不張貼浮收如故東省如此他省亦在所不免是浮收之弊例禁雖嚴而不肖州縣仍敢視若具文誅求無厭以有限之脂膏充難盈之豁壑積習相沿殊堪痛恨即著各直省督撫嚴飭所屬各州縣滿除積弊各按漕糧定額一律徵收不准於正額之外任意加增妄取儻敢故違即著各該督撫等查明嚴參懲辦

重運例禁○順治五年題准運官奉單領運赴次遠限者革職戴罪交糧覈其完欠奏請定奪僉運退避者嚴拏究擬○十年題准領運弁軍中途侵盜漕糧按律治罪所欠漕米照數嚴催追賠○十二年題准衛軍水次承運有衛官隨幫官常例書識管家抽豐名色州縣官知府同知通判及糧道漕院各衙門吏胥班役勒索陋規並過淮攤派使費沿途需索土儀及抵通過

壩交倉船規常例倉場坐糧廳書吏苛索使費飭令各該衙門盡行禁革在外責成總漕總河各該督撫在內責成倉場侍郎巡倉科道協同釐剔儻有前項弊端立即題參究處以肅漕政○又題准監兌漕糧事竣之日監兌官將有無需索等弊具結投送督撫存驗事發以溺職坐罪○又定重運盜賣漕糧拏獲日賣主買主照偷盜漕糧例從重處治○十三年題准水次將米折銀罪在經徵有司並監兌官如過淮盤驗短少將監兌官照例參處其嚴禁盜賣令沿河各官具結呈報如糧船到通挂欠審係某地方盜賣者即將該地方官參處賠補○十五年題准運弁領運漕船各有定數如中途歸併帶運冒支行月水脚等銀按照缺船數目嚴追從重究處○又定運弁領運漕糧有攪雜黑腐米石者令倉場變價充賠其挂欠者照數嚴行追比仍將運弁題參重處○十六年定押運官串通旗丁盜賣漕糧令總漕提究追賠旗丁一體追究買主從重懲處○康熙二年奏准運船交兌之初專責糧道曉諭商牙禁約運軍不許夾帶

私貨漕糧兌畢未開之先。專責監兌官逐船按檢糧道隨取監兌官查明並無夾帶甘結送總漕總河倉場侍郎三處稽考。如有犯者拏解糧道呈報總漕題參照律治罪。○又題准沿途城市鎮店貨物輻輳之所。專責押運通判極力催行。不許停泊。通幫前後不時稽察。如稽察不嚴。即將通判題參照例議處。○又題准運軍包攬客貨私載船內。運官隨幫官嚴加稽察。許於司漕衙門據實出首免罪。如隱匿不報。一經查出。運官隨幫官加倍究擬。運軍依律治罪。○又議准糧船經由地方。自水次至淮安總漕同淮揚道盤詰一次。至濟甯總河同濟甯道盤詰一次。○三年題准官軍赴兌漕糧。爭索斛面酒席。恥辱糧官者。運官以故縱議處。運軍俟船糧抵通之日。嚴行究治。○五年題准運弁侵蝕各軍月糧銀米。俟抵通交盤之日。倉場嚴審究擬。○又題准運軍多收斛面入己。並運官知而不舉。皆從重擬罪。勒索之米。照追入官。○又題准領運官弁勒索運軍飯米。擅扣行月公費等銀。及縱容親僕需索常例者。俟抵通交糧完日。令倉場

侍郎嚴提審追。按律究擬。○又題准舊例弁軍爭告。在未兌糧之先。責令糧道嚴查。不許領運。如在領運之後。俟完糧回南日。聽該衙門審理。嗣後有擅准運蠹呈詞。拘繫新運幫官。稽誤新漕者。照誤漕例議處。運蠹嚴審究擬。○六年題准運弁自誤限期捏詞卸罪。誣告官吏糧里者。依律擬杖。○又定弁丁領運漕糧。交納短少。買補全完。查明或係水次折乾。或係中途盜賣。倉場題參議處。○又定兌載漕糧。如有水次折乾。並過淮不行查出。及沿途盜賣。將該管各官。俱照失察例議處。○七年定弁丁中途侵盜漕糧。水次折乾銀兩。並侵蝕席木等項。均按律遣戍。○又定運丁盜賣漕糧者。發邊衛充軍。以子弟代運者。遣戍。欠米著追。○八年題准運弁領運全單。不填註支領糧銀月日。照疏忽例議處。○十一年題准運弁私載客貨與己貨。及裝載私鹽者。皆革職。運軍私攬客貨私載己貨。及裝載私鹽。運官失於覺察者。降一級調用。該管糧道不嚴禁者。罰俸一年。○二十一年題准收兌漕糧。多攙糠粃砂土者。該管官革職。監兌官降一

級調用其抵通兌漕糧米多糠粃及有砂土者押運官革職糧道降一級調用○二十三年定水手夾帶私鹽隨幫失察者降一級調用沿途各官並不盤查照例議處○二十五年題准紅剝船分運漕米如有用石灰泡水及藥水灌漲糧米者領運弁軍呈報倉場侍郎究審將運船人夫發甯古塔等處兵丁為奴其短少之米勒限著落正身船戶家產賠完如剝運米好弁軍勒索不收亦交刑部從重治罪○二十六年題准沿途催漕將弁縱兵索詐漕船以致運軍畏避船米撞沈者革職嚴拏究擬○二十七年題准運弁需索運軍未遂不顧風浪逼船渡江以致漂沒漕糧淹斃人口照例治罪追埋葬銀給死者之家漂沒漕米仍著落該弁賠補○二十八年題准運官縱軍捉船剝淺漫無約束者題參照溺職例革職○二十九年題准運官縱令運軍搭臺演戲停泊不行貽誤漕運者照例革職○三十年題准運官不親運者將承委衙備及押運通判等官交部議處○又題准押運官沿途耗費漕糧妄稱同押官折收者勒追全

完仍照誣告律治罪○四十一年題准運軍沿途盜賣漕糧押運官弁失察者各降一級調用○四十三年題准漕船重運入境責令沿河該管道府州縣往來巡察嚴緝盜賣失察盜賣一起者州縣官罰俸六月道府罰俸三月四起以上者州縣官降一級調用道府降一級留任若道府州縣能查實拏獲將賣糧買糧之人各枷一月示眾滿日責三十板糧米追交本船米價入官充餉運弁俟回南聽總漕捆打四十○四十八年題准各省漕船除帶運鋪墊倉廩枋木松板及每船土產貨物外如有民船雜於糧船幫內及將剝船改造大船夾帶私貨並船上堆置木植船尾拴縛木筏過關又違例多載私貨者總漕總河及糧道嚴查將該運弁題參治罪○四十九年定漕糧在水次受兌上船之時糧道監兌官務必眼同照數兌足上船抵淮時總漕親身嚴行盤查過淮後沿河文武各官嚴催出境如不嚴行速催致弁丁有任意盜賣等弊將該地方各官交部嚴加議處○五十一年奏准每幫十船令各軍連環保結互相稽察如

有折收盜賣等弊。事發之日。本軍照例治罪。其餘九軍一同責懲。○五十七年題准。浙江省幫船令分夾江南幫內。湖廣省幫船分夾江西幫內。使彼此勢孤力薄。免致爭鬪。○五十八年奏准。江西湖廣兩省糧船。該督撫責令糧道押運等官。並地方文武官。於上流漢口吳城集貨馬頭。嚴加查禁。不許商民貨物私上糧船。亦不許運軍包攬私貨。取具糧道押運等官弁。並地方官甘結。報明總漕。如違例私帶。過淮盤糧時。查出貨物。照例入官。軍商皆從重治罪。糧道及押運等官。皆嚴加議處。○雍正元年覆准。運弁管押重運。擅自離幫。及本軍在南。託別軍包運。並隨幫與副軍不親在幫押空。以致遺棄漕船。有誤新運者。將弁軍從重治罪。糧道指名題參。○又題准。失風船到壩。舊例驗其米色不堪起卸者。准其賣銀買補。嗣後如有不肖運軍乘機夾帶好米。私行盜賣者。令倉場坐糧廳不時巡察究治。若在南串通州縣倉役。將米折銀。或將原米盜賣。掩飾過淮。故買爛米充數者。令總漕密加訪察。將弁軍胥役。從重究處。該管官題參。○

又題准。漕糧不許顆粒上岸。如遇過淺。加夫止許。照常給錢。不得索米。違者以盜賣盜買從重治罪。地方官照失察偷盜例題參。○二年諭。朕惟漕運關係甚大。經費本無不敷。運軍恣行不法。皆由官弁剝削所致。如開兌之時。糧道發給錢糧。任意剋扣。運軍所得十止八九。而僉軍之都司。監兌之通判。又多誅求。及至開行。沿途武弁借催趲為名。百計需索。又過淮盤查私貨。徒滋擾累。究屬無益。運軍浮費既多。力不能支。因而盜賣漕糧。偷竊為非。無所不至矣。嗣後各省糧道。給發錢糧。不許剋扣分釐。沿途武弁不許藉端需索。運軍除包攬抗違外。所帶些須貨物。亦毋容苛刻盤查。爾部行文各督撫。不時稽察。如有仍前需索等弊。立即指參。從重治罪。○三年題准。運軍南北往返。必須食鹽。每船於受兌上船處。帶鹽四十斤。交卸回空處。帶鹽四十斤。此外多帶者。同私鹽治罪。○又題准。糧船攜帶火礮鳥槍。一經查出。本犯照私藏鳥槍例處治。糧道衛守備運弁。照失察例參處。○四年題准。領運弁軍。不諳漕務。封閉船門。以致倉米微變。弁軍按律究擬。虧折漕米。勒限著落運軍賠補。不

完從重治罪。○又題准運弁兌漕勒索各屬經承者斤革究擬所得銀物追取入官。○五年題准漕米到淮盤驗潮溼微變將經徽州縣官照例革職監兌官照溺職例議處糧道不先揭叅照徇庇例議處運弁混行收兌照例革職留任俟船糧抵通令倉場侍郎按數稽察如有虧折勒限賠補限內不完題叅革任追賠。○六年奏准運軍用水攪和漕糧運弁徇隱不報者革職枷示河岸俟漕竣日釋放運軍用大枷枷示漕竣日僉妻發黑龍江給兵丁為奴押運官弁漫無覺察照例革職。○八年題准漕船到淮向有給管糧經承津貼飯食陋規嗣後定例大幫給銀六兩小幫四兩呈繳給發不許私相授受違者提究重處。○又題准漕船到淮飭各幫字識繕造米數軍舵姓名等冊不許總漕冊房攬造科派使費犯者嚴加究治。○又題准江浙兩省糧艘由鎮江出口方豎蓬桅舊例委催漕官就便查看不免需索嗣後俟過淮時總漕親加點驗至各省糧船總匯於揚州之三汊河例委幹員彈壓分幫如委官及跟隨人役需索盤費一

例叅究。○又題准漕船渡黃汛弁不顧風色水勢妄行催趨藉端需索者照失於防範例議處致有疏虞加倍治罪。○又題准漕船渡黃河後提溜打牖內有弁兵串同人夫勒索運軍倍出工價陋規於重運北上時責令委駐營將約束禁止儻有縱容徇庇一併會叅議處。○又題准漕船應領修船銀例應照數給發運軍有需索使費陋規致運軍以朽腐船撞觸民船藉端索詐者即將該幫弁軍究處。○又題准運軍攬載客貨船重難行強奪民船剝載糧米者照水手搶奪例治罪其攬貨私得稅銀並商民通同聽攬者皆照違制例治罪。○又題准正副二軍赴次交兌如有革軍矜監攬身入幫即拏交地方官究治若運弁不查拏一併究治。○十年覆准淮安府乃各省糧艘總匯之區一應陋規久經裁革恐日久生弊照通州石土二壩建碑之例於盤糧廳後立碑一座將裁革陋規刻石永遠遵行。○又定糧船偷買硝磺多係沿河鎮集姦徒豫為收囤暗運入船應於糧船將過山東時該督撫豫於晉省私礮入境之處令地方官弁

分路巡查本省炤硝亦實力稽查毋許囤戶偷販河干暗送入船並令揆查私鹽之文武官帶查炤硝如查出私貨炤硝亦照私鹽例究明查叅押運官弁失察照糧船夾帶私鹽例議處○十一年奏准各省漕船不許裝運無引私茶如違禁攜帶於過關時查出即照私鹽例治罪○乾隆元年奏准糧船夾帶私鹽多由土豪豫買私鹽窩囤河干句通售買嗣後天津地方令巡漕御史^後會同運使實力緝拏其沿河地方令各督撫提鎮嚴飭沿河文武官弁凡糧船經過時差兵役實力稽查如有水手人等私帶貨賣以及土豪頂買窩囤情弊一面嚴拏按律究治一面催船前進毋得留難誤漕儻徇縱失察一經發覺將督運押運官弁以及前途失察之地方官弁並失察豪強之地方州縣皆照例叅處其鹽除留食鹽外餘皆入官○三年奏准運軍盜賣漕糧頭舵工不舉照不應重律治罪受財者計贓從重論○又奏准重運入境道府州縣往來巡查失察盜賣者照例議處沿河營弁失察盜賣漕糧專汛千把照州縣例議處兼轄遊

守照道府例議處如專汛千把及文職州縣一年內能拏獲二次者紀錄一次兼轄遊守及文職道府一年內於所管內拏獲至四次者紀錄一次再有多獲照此遞加至汛兵疏縱失察者革役照不應重律杖八十知情賄縱者計贓以枉法從重論若能拏獲報官審實將米仍歸本船其應入官之米價追賞兵丁○又奏准盜賣漕糧定例賣買之人枷一月責三十板糧交本船價追入官至運軍食米向無禁賣之條有將漕米舂熟假稱食米盜賣者嗣後運軍多餘食米於抵通交米之後方准變價如重運漕船沿途賣米不論糙熟皆照漕糧治罪○又奏准運軍不拘回空重運如有無故潛逃棄船中途不顧者照守禦官軍在逃律治罪外仍於面上刺逃丁二字示儆○四年奏准如有重運盜賣漕米回空之船代為承認者該管官察出將賣買軍民一併照例治罪○又奏准失察盜賣漕糧合算米數不至五十石者仍照失察次數處分其失察一二次米數至五十石以上者將該地方官降一級留任道府等官罰俸一年失察一

起至三起合算米數至百石以上者地方官降一級調用道府等官降一級留任。○又奏准各省受兌開兌之時令總漕密加察訪如押運官弁以及糧道等衙門吏役有科斂陋規幫規之弊即嚴叅究處並飭該管官不時嚴查有陽奉陰違者將與受之官軍等照例詳揭儻該管官徇隱不為揭報一併題叅。○又題准各省重運糧船例帶土宜一百二十六石分別貨物粗細酌量捆束大小定數作石於過淮處所立榜曉諭如有違例裝載以及書役人等勒捐需索嚴

加議處。○五年題准江廣等幫漕船多帶土產竹木沿途貨賣其竹木於天蓬上裝載毋得過高二尺如有多裝令押運官弁勒令起卸嚴加責懲竹木入官。○六年奏准糧道催米催船督押運船凡差役滋擾之弊定例皆經禁革惟豫省提幫出運時先發一牌繼差一役至衛提催不無滋擾嗣後嚴行禁革並飭各省一例遵行。○八年題准漕船如有失風事故以致米色黴黯不純驗明米色稍減尚屬堅實可以久存者交倉受收其所減成色米責丁賠補於次年搭

運交納。○十七年奏准各幫漕船嗣後務須多用蘆席鋪墊艙底如有仍用石灰墊底無論米色是否潮溼查出即將運軍從重治罪該管各官一併議處每年過淮時總漕查驗取具各軍甘結存案。○又覆准南漕除文武員弁陋規悉行裁革外其餘辦漕衙門無公項可動者酌量繁簡存留飯銀以資辦公鑄立石碑仍刊布各船通行曉諭押運丞倅不時稽察儻有不肖員役私行婪索者即行揭報漕督及所在督撫查叅治罪其餘所減數目書役人等毋許額外需索旗丁亦不許私行多給違者一併革處失察之押運丞倅及各上司交部分別察議。○十七年定旗丁沿途盜賣米石若係正項漕糧照監守本條從重治罪如將行月糧米零星盜賣盜買者仍照舊例各枷號一月其有一人盜賣及一幫盜賣數至百石以上者盜買及盜賣為首之人各枷號兩月折責四十板米交本船價追入官失察之運弁不及五十石者即令倉場捆打四十其五十石以上者降一級調用一百石以上者降二級調用二百石以上者革職。○又

定漕糧潮溼微變致有虧折者押領官弁照例革職限一年賠補完日送部引

見請

旨開復不完革任追賠漕運總督失於查察照不應重公罪降二級留任例議處○十八年定旗丁短少漕糧米石沿途私行買補拏獲後將所買米石變價同鋪戶賣價一併解部短少米石咨南勒追搭運○十九年定漕糧雖非微變而質嫩色暗不能一律純潔致難久存者押運員弁照例革職該管糧道不能豫先查出照豫先不

行查出例降一級調用○二十三年議准糧船例帶貨物一百二十六石向來每多逾額致令船重難行嗣後行抵北運之時即雇船先儘貨物起卸不得稍有存留○二十四年奏准湖南省運軍向係包給舵工近年皆親身出運然事例未諳仍聽舵工指揮旗丁有更換而舵工為世業偷盜米石侵蝕錢糧及至抵通交納不前運軍揭債完公舵工脫身事外嗣後運軍抵通交糧有少米五石以上累眾軍通挪代完者將舵工拏究審出實情咨部發遣○又

諭聞各省糧艘北上每遇過牯過壩及急流淺阻必需

人力輓拽者沿河兵丁頗有把持包雇之弊不獨旗丁深為苦累而重運濡滯未必不由於此著傳諭漕河各督臣嚴行查禁嗣後雇募絳夫應聽運弁自為酌辦如有兵丁藉端抑勒以老弱充數而橫索雇值者即時拏究並將失察之該管將弁題參議處○二十九年奏准漕船重運回空例帶食鹽各四十斤經過查鹽處所秤出僅止多二三斤者不坐仍將餘鹽變價充公如再有多帶照私鹽律科罪○三十一年議准漕船沿途遇有淺閘例應

先將所帶貨物卸載如仍虞重閘方許剝運米石儘於貨物未經卸載之前先將漕米剝載即照旗丁盜賣漕糧例分別治罪○三十六年定江廣兩省重運漕船交漕運總督於過淮時照例實力查驗其山東河南兩省各船交該撫轉飭該糧道一體察驗以杜幫丁私帶之弊仍令直隸總督每年遴派明幹同知一員屆漕船入北河時前往楊村會同總漕所派守備千總及運員等官嚴密稽查一抵楊村如遇淺阻令各幫丁先將貨物儘數起卸如尚阻滯酌量起剝

糧石毋致有誤回空。○又定漕船入北運河時遇水淺阻即將所帶貨物全行起卸不得俟起卸後再令停泊挨查。至各船所帶貨物查明如在一百二十六石之外仍有多餘即為私貨照例納稅。如在一百二十六石以內者仍照例免稅。○三十七年定漕船例帶土宜於河西務查驗起卸貨物時定以應免一百二十六石數內覈計細貨粗貨各免六十三石。如有逾額多帶之貨照漏稅例加倍徵收。旗丁治罪運員參處。○四十一年定頭船尖下不許科派各船沿途使費銀兩包攬侵蝕違者究處。如運弁有串通頭船科派各船銀兩者分別究議。○五十一年定守備圖受旗丁規禮欲令漕船起卸不行查報之該管上司糧道照失於覺察例降一級留任。○嘉慶十三年定運糧旗丁因正項虧短買米回漕照漕運糧米監守自盜律數至六十石者發邊遠充軍。數滿六百石者擬斬監候不及六十石者量減滿徒賣米之人發極邊煙瘴充軍。旗丁所買回漕米石及賣米之人所得米價照追入官。○十四年定船戶將領運漕糧偷食

偷賣攪和沙土在一百石以下依竊盜漕糧本例問擬發極邊煙瘴充軍聽從主使偷食偷賣者減一等杖一百徒三年。知情盜買杖一百徒三年。飯食錢文照追入官。○十五年定偷竊漕米六次在一百石以下發極邊煙瘴充軍為從杖一百徒五年。○十九年

諭糧船准帶土宜本有一定斤重原為恤丁起見其例外多帶貨物自應嚴行查禁本年運河蓄水較淺著漕運總督及巡漕御史嚴行曉諭各運丁不准例外私帶客貨如有違例攜帶者即於沿途起卸仍將該運丁照例治罪務俾重運進行不致稽滯。○二十年奏准各省起運漕船裝帶土宜如遇水勢通暢船身喫水按照加裝米數止增重四五寸者即加緯行走毋許脫空。○道光二十六年

諭各省總運官及各幫運弁皆以押運為美差需索旗丁以致旗丁刁難州縣任意搭帶貨物運官等受其餽送即不能不聽其遷延又沿途分段稽察之員向來派至數十人之多在上司既藉以調劑若輩遂任意貪婪更有沿途插官於糧艘過船時按幫索費俾旗丁日益疲累漕行日難迅速實於運務大有關係

著通諭漕運河道各總督及有漕地方各督撫隨時
密訪認真嚴查如有前項弊端立即指名參辦毋得
稍涉瞻徇

欽定大清會典事例卷二百八

戶部

漕運 回空禁令 漕運雜禁 倉漕奏銷

回空禁令○順治十六年題准押空官串通運
軍盜賣漕船提究追賠買主從重懲處○康熙
三十七年題准江廣糧船回空之時總漕差委
官弁在揚州儀徵會同鹽政後委員查驗私鹽
如有夾帶即將押運官弁並失察各官一併題
參○五十一年題准漕船回空至德州桑園地
方總漕選委能員協同德州衛弁按索私鹽並
飭地方文武官弁嚴拏窩囤如有夾帶私鹽事
發將專委漕員德州衛弁押運官弁並該地方
官題參嚴加議處○雍正元年奏准回空船過
天津關長蘆巡鹽御史後會同天津鎮總兵官
親往驗放至山東河南交界地方總漕巡撫鎮
將差委知府遊擊等官按檢如有夾帶私鹽盡
拋入河失察各官照例議處○二年題准回空
糧船夾帶私鹽不服盤查持械拒捕者分別十
人上下及傷人不傷人各按首從依律治罪其
雖無私鹽但闖關闖船者亦分別首從依律治

罪若未聞關牘但夾帶私鹽者照販私律加一等治罪○又題准糧船夾帶私鹽將販私地方之專管官降三級調用兼轄官降一級罰俸一年押空之運官照徇庇例議處隨幫革退其恃眾闖關關牘及販私拒捕傷人者押運等官革職隨幫照例責革○三年題准糧船回空凡經由產鹽處所地方文武官弁晝夜催行前進不許逗遛並嚴拏囤戶串通運軍販賣私鹽該管鹽務運司等官巡察各場竈不許夾帶餘鹽出場如有徇隱疏縱者叅處○又題准回空糧船

至揚州府儀徵縣向例總漕委官協同揚儀營汛並地方官按檢嗣後改於瓜洲江口令瓜洲營協會同江防同知按檢如有私鹽事發究明場竈地方並裝運上船日期將各該地方官失察職名題叅○又題准押運官弁一年之內該管幫船並無私鹽事故紀錄一次隨幫能拏獲首明私鹽三次及該幫三次回空並無私鹽事故者該管上司出具印結咨部以千總推用○四年題准漕船抵通完糧回日所餘行月等米向聽其沿途買賣嗣後全糧過壩之幫遇有賸

米必赴坐糧廳批照然後准賣若未經給照擅行私賣私買者照例議處○十年奏准回空糧船過山東時該撫豫於晉省私礮入境之處令地方官弁分路巡查本省焰礮亦實力稽查毋許囤戶偷販河干暗送入船並令按檢私鹽之文武官帶檢礮礮如查出私帶礮礮亦照私鹽例究明叅處押運官弁失察照糧船夾帶私鹽例議處○乾隆元年奏准漕船回空押運官弁多不隨船南下頭舵水手人等往往欺壓行船嗣後如遇回空糧船行兇爭鬪藉端將來往行

船阻留捆毆商民等事許沿河汛弁查明情由及幫次船號運軍姓名一面速令進行一面詳報總河咨明總漕究治○又題准回空軍船所帶煤米向無定數嗣後江西省每船留食米四十五石煤四十石湖南省每船留食米三十六石煤三十二石湖北省每船留食米三十三石七斗五升煤三十石江浙每船留食米三十石煤二十五石自通州至宿遷淮揚等處逐關查驗扣除免稅放行不得越數多帶巡役人等亦不得勒索留難○三年定糧船回空令沿河督

撫總漕倉場轉飭天津河道押運員弁嚴查除
日用盤費錢文准其攜帶外如有將制錢裝載
數十串捏稱壓船希圖販賣者即行拏究儻胥
役人等藉端需索亦即究治○六年奏准押空
隨幫一年之內並無私鹽事故者於補官日紀
錄一次○七年奏准前運回空行令直督轉飭
薊州文武官弁俟糧船抵薊卸糧之後即催回
空不許在該地方創取白土裝載上船並令出
示曉諭沿河各市鎮鋪戶人等不許將白土賣
與糧船致滋攙和情弊嗣後如經關口汛地查
出前運回空帶有白土並兵役人等遇有糧船
偷買白土拏獲審出實情將該運弁與押運千
總皆照運軍攙和水米違官不行稽察例革職
其該船軍船照運軍使水攙和發遣例減一等
杖一百徒三年偷賣白土之軍舵同罪將白土
攙入漕糧至百石以上者即照攙和水米例發
遣黑龍江與兵丁為奴知情買賣之鋪戶照違
制例杖一百枷號一月發落不行查禁之薊州文武
官弁照出洋商船私帶軍器地方官不嚴行禁
止例罰俸一年○十四年定天津淮安儀徵等

處產鹽之鄉貧難老幼遇漕船經過充塞河干
負鹽售賣令督撫轉飭地方營汛官弁嚴行稽
查毋許老幼男婦隨船貨賣其舵工水手應需
食鹽止許向官鋪購買每船不許出定例四十
斤之外如多帶私鹽即嚴拏究治若不實力稽
查照例議處○十六年覆准各省回空漕船不
許夾帶鹽斤是以淮安揚州地方委員按查至
鳳中長淮等幫回空船隻並不經過淮揚有在
夏鎮兌運亦有由黃河洪澤湖赴次受兌者應
令大河衛守備駐紮黃河北岸俟不過淮之徐
州江北輪兌徐漕之長淮三四兩幫回空到日
按查冊報其在夏鎮阜河等處受兌之淮安三
幫船隻委濟甯衛守備就近按查冊報○二十
年覆准同知通判管押回空漕船果係親身在
幫協同營員按查並無夾帶私鹽者照例議敘
若未經在幫協查者不得請敘並令於造送按
鹽文冊時將總押廳員姓名曾否在幫據實登
註以憑考覈○二十四年定領運千總交糧後
領到完呈私自回家並不趕幫協同督丁南下
又扣留回空身工飯米並任匪舵偷竊食米盜

賣什物照溺職例革職○二十九年議准揚州查鹽處所每年總督鹽政委員實力辦理糧船一到隨即按查大幫一日一幫小幫一日兩幫查畢即促開行其淮揚道揚儀營及江甘二縣兵役按查一概停止○三十一年定回空漕船俱有帶回土宜貨物如船隻無多隨時驗放儻幫船到關號數繁多挨次覈實稽查以重稅課亦不得故為留難以致漕船歸次遲延仍令將糧船到關過關日期知會各該督撫以備查覈○四十二年議准回空漕船除不須打造者行抵插外停讓重運不准過插其有滿號打造船隻必須趕廠所興工者責令糧道查明確數先期造冊詳明漕臣轉飭河員於每幫出口後乘空分塘照料進插每起進船不得過五隻於船尾粉書赴廠打造字樣重運尾幫出口後即令先行赴幫進插如河內重運連插行走回空船隻即於河面寬處暫行停讓至重運盛行向空將到之際仍責令該管廳員駐宿河干專司彈壓道員往來稽查儻有搶插等事並插官故意留難勒掇該督撫立即據實指參○道光七年

奏准產鹽之區向有跟幫積匪勾串地棍土梟先期販運豫圍水次候回空過境沿河上載等弊嗣後令直隸山東江南督撫鹽政嚴飭查拏以杜收買漕運雜禁○順治十二年定旗丁挂欠漕糧坐糧廳必究其根由如係本地折乾並追折乾之人監兌官一同治罪如係途次盜賣並追水手及盜賣之人該地方官一同治罪○十四年題准領運弁軍如有藉端擾害過往官商船及恣橫生事者督撫鎮道等官嚴拏照營兵鼓譟例先從重懲治一面題參送刑部究處○康熙元年

諭糧船經由漕河領運官軍依限抵通回空方為盡職無罪乃有姦頑官役不守成法多有夾帶私販貨物隱匿犯法人口倚勢恃力行兇害人借名阻礙河道毆打平人託言按尋失物搶劫民船且有盜賣漕糧中途故致船壞以圖賄累地方種種姦惡督漕各官並該地方官一有見聞即行參奏務將官員嚴提治以重罪若知而徇隱不奏亦從重處治○四十一年定京城私錢皆別處買來偷載運糧船內帶至

京城發賣。有漕督撫務嚴飭該管官於開幫時
確查。過淮時總漕確查。其不過淮之山東河南
糧船該撫飭該管官確查。如不確查或被拏獲
或被首告。將該管督撫總漕糧道押運等官俱
交部嚴加議處。○六十一年題准糧船頭舵水
手有砍伐官柳。拆毀緯橋。拔椿掘埽者。嚴提治
罪。估價追賠。押運官弁及地方文武各官並加
叅處。○又題准水手夥衆搶奪十人以上。執持
器械者。首犯照強盜律治罪。為從減一等。十人
以下無器械者。照搶奪律治罪。出結之運軍及
頭工舵工。容隱不首。照強盜窩主律分別治罪。
○又題准押運領運各官弁例。應嚴押漕船毋
許運軍舵工水手登岸生事。如有不法。即會同
地方催糧各官協拏究治。儻平時漫不約束。臨
時又復容隱者。總漕指名題叅。照例革職。○雍
正元年

諭江南浙江江西湖廣山東河南各省總督巡撫漕船
關繫緊要。除本船正副運軍外。其頭舵工水手皆應
擇用本軍。庶各知守法。不敢誤漕生事。近聞多雇募
無籍之徒。朋比為姦。不服運軍彈壓。當漕糧兌足之

後。仍挨延時日。包攬貨物。以致載重稽遲。易於阻淺。
不能如期抵通。及回空經產鹽之地。又串通姦頑。收
帶私鹽。此其弊端之彰著者。聞尤有不法之事。凡各
省漕船水手。多崇尚邪教。聚眾行兇。一呼百應。通年
以來。或因爭鬪傷害多人。或行劫鹽店。搶奪居民。種
種兇惡。漸不可長。亟宜懲治。爾該督撫即嚴飭所屬
各衛所。嗣後糧船務於本軍內擇其能撐駕者充當。
頭舵工水手。不許雇募無籍之人。更嚴禁邪教。諭令
歸業。務為良民。如仍怙惡不悛。該地方官不時查拏。
從重治罪。如奉行不力。即將該管官弁指名題叅。○

五年題准姦徒專放糧船私債。舊例許運官並
運軍自首。照私放官債加等治罪。嗣後有違禁
取利盤剝運軍者。責令地方文武各官及坐糧
廳立拏究治。如地方官坐糧廳不即嚴拏。及該
管運弁縱軍私自借債者。一經發覺。皆交部嚴
加議處。○八年定運弁需索旗丁運稅銀兩。又
需索各船裝帶土宜銀兩。及旗丁銀米銀兩者。
革職。僉妻發邊衛充軍。○十年覆准漕船損壞。
皆因運河水道舊址積年淘卸衝激。日就窪下。
舊存石塊木椿淹沒水底。糧船過此。一經抵觸。

多致損壞。應嚴飭沿河鎮道等官。於水落之時。沿途細勘。凡有阻礙。悉行起除。儻起除不淨。抵觸漕船。總漕並巡漕御史。將該管河道等官。題參議處。○又定運弁藉書役飯食。額外多索旗丁飯米。照因公科斂例。革職決杖一百。○十三年

諭朕聞南方濱江兩岸。多係蘆洲。民間將蘆葦堆貯洲上。賣以度日。而江楚及上江各幫漕船。由江經回。竟有不法水手。每遇蘆柴堆積之處。輒糾集多人。蜂擁上岸。恃強奪取。洲民攔阻。動輒毆詈。甚至有強取雞鴨等物者。小民畏勢。莫敢與較。水手肆行如此。運弁即坐本幫糧船之內。安得推為不知。至督運之糧道。押運之府佐。雖云統轄眾幫。亦當留心稽察。何得任其多事。著漕運總督通行曉諭。儻有仍蹈前轍者。經朕訪聞。必將大小文武運官。分別嚴加議處。○乾隆元年。覆准糧船水手。遇有事犯。如已經離船。以及未經上船之先者。不得拖累運軍。如有棄差逃走者。令在押運通判處。十日一次呈報。○三年。定小船受雇裝載盜賣漕糧。拏獲之日。照賣糧買糧加責例。減二等發落。○四年。奏准催漕

弁兵需索運軍銀錢土物者。經該管上司及巡漕御史查出。係兵將該管千把。照失察衙役犯贓例議處。係汛弁將該管上司。照不揭報劣員例。分別議處。需索之弁兵。計贓以枉法論。土宜禮物。照挾勢豪強之人。接受所部餽送土宜禮物。受者笞四十。與者減一等律。分別治罪。贓物給還。如兵弁需索運軍。或運軍行賄。而押運官不即申報。照應申報上司而不申報例處分。如知情故縱。照以財行求律。受財者與以財行求之運軍。一同治罪。追贓入官。如運軍被索。即時首告免罪。追贓給主。其贓少首多。或因催行挾私誣首。照誣告律。分別治罪。如不行首告。仍照以財行求律。與受同科。贓物入官。催漕兵弁。遇有運軍行賄。據實呈首。免其治罪。追贓入官。運軍照以財行求律治罪。○五年。覆准糧船沿途提溜趕幫。雇用短絳。每夫每里。給制錢一文。打牓每船用夫一名。給制錢一文。如牓壩水急難過。夫役守候臨時酌增。催漕兵役。毋得藉端需索。至夫雇價。給予現錢。毋得以貨抵給。如有兵役夫頭。派加短絳。多索夫價。從中取利。貽害

運軍者照霸占損擡分外多取雇值不容本家雇人者枷兩月杖一百例治罪該管官弁自行查出懲究者免其叅處如漫無覺察照失察衙役犯贓例議處其扶同徇隱者照縱役犯贓例革職○又奏准各幫頭船運軍有借沿途使費名色科派各船包攬侵蝕之弊應專責運弁稽查如運弁串通頭船運軍科派各船者照因公科斂律杖六十贓重者坐贓論若分肥入己者計贓以枉法論如運弁知情徇庇者照縱容衙役犯贓例革職其失於覺察者照失察衙役例

分別議處○七年奏准漕規諸弊均有嚴禁之例惟恐日久弛玩刊刻木榜列於瓜洲牯口儀徵江口淮安盤糧廳濟甯臨清天津通州各口俾往來弁兵觸目儆心仍令該管官不時稽查如有干犯照例提叅究處○八年奏准運軍正身不押運者將承派運軍之衛守備罰俸一年領運守千徇私不稽查者降一級留任惟隨幫武舉向無責成嗣後領運官弁徇私縱容代運隨幫知而不報者照應申上而不申上律議處○二十三年

諭各省糧船抵通除交倉全完外所餘食米俱由坐糧

廳衙門給予照票俟回空時於天津一帶沿途售賣而通州水次則例應嚴禁私糶蓋因通倉為兌米之地恐夾雜影射致滋弊端若漕米均已不致挂欠其餘贖食米自可聽其在通出糶不必過為苛禁在各運丁等既可免領照驗票之煩而通州米石充裕於京師民食亦屬有益○又議准糧船空重千總各准帶烏槍一桿以備巡守漕督編列字號責令空重千總自行收存如有私行夾帶者照例議處○又定旗丁盜賣餘米雖各出己資自買自賣

非正耗糧米該運弁仍照失於查察例罰俸一年○四十一年議准糧艘過淮總漕眼同弁丁逐船比對務期米色一律純潔方准過淮安徽江西湖廣等省監兌官例在水次驗兌如係糧道親身督押及押運廳員千總等官督率照料查係原兌本屬好米中途不勤加風瞭甚至舞弊攙和皆非監兌官所能查察止即將在幫各員叅處追賠其江浙浙江二省係監兌之員押運抵通僅查係原兌米色本屬平常即將經管各員及監兌押領各員弁一併嚴叅議處仍分

別立限追賍其過准以後已屬驗明好米如有以微暗之米交倉則係弁丁等不勤加風瞭所致除將該員弁參處外並將不堪之米石著落追賍○四十五年定旗丁沿途盜賣漕糧正米及盜賣餘米俱從重改發黑龍江給披甲人為奴知情不舉之領運十總發邊遠充軍失察盜賣之運弁革職糧道總運等官交部議處○四十九年

諭漕運旗丁官給席耗折色等銀兩原為各該旗丁歲修及各項雜費之用乃全行扣存並將每丁行月糧違例扣賣重利盤剝又私扣各丁銀兩餽送運官於漕務大有關係此等情弊各省幫丁俱所不免著漕運總督嚴飭各省糧道一體實力嚴行查禁○又奏准旗丁應領津貼銀錢每幫每船係銀足兌實封鈐貼印花係錢足數捆紮令各該糧道親身放給運弁旗丁眼同支領不得假手家人書役儻有需索剋扣許旗丁赴督撫衙門首告按法叅辦○嘉慶五年

諭漕船經過地方向有無賴棍徒向串漕船水手沿途滋事著沿途文武地方官於漕船經過時多派兵役

認真查拏務令棍徒知所畏懼豫為斂迹儻以後仍行疏縱致棍徒水手再有向串滋事之處著漕運總督即將該處文武地方官嚴叅治罪○二十年奏准運糧漕船如有姦商借給銀兩重利盤剝致累運丁由糧道督率運弁隨時查察立即嚴拏懲辦○道光五年奏准各省幫船水手有拜師授徒聯結夥黨情弊務於各幫盤驗時詳加察訪並令每年於開行時出具本幫弁丁不敢容留匪徒鈐甘各結呈送察覈○八年奏准各幫老官師傅責成糧道督同運弁及地方官根查確實無論曾否滋事按名拏獲解交原籍地方官取具鄉約地方保結嚴加管束不准外出仍以水手老官四字刺面按月點驗並責成重空運弁隨時查訪如再有老官師傅名目把持一幫水手入教聽從指揮者即行嚴拏送官其老官師傅以教首本例論其拜師入教者以習教本例論儻幫弁姑容查明嚴叅○又奏准水手每指防夜為名藏匿兇器務嚴飭幫弁於出運前按船按查淨盡仍飭令丁舵時時防範如有藏匿即時稟報究明未歷嚴行懲辦若知而不舉

丁舵一併從重究辦幫弁姑容即行嚴參○又
 奏准每年各幫船於開行後向有無藉匪徒隨
 幫播弄是非名為放散風每於昏夜向串各幫
 水手朋比為姦嗣後責成各船舵水手如遇此
 等匪徒到幫即潛稟本官嚴拏究辦儻姑為容
 隱即係意圖向串滋事本船旗丁即時稟報幫
 官一併查拏懲治仍嚴飭地方官隨時訪獲嚴
 辦○十六年奏准漕船水手不准私藏刀械開
 行以前糧道幫弁及地方文武在水次查拏重
 運過淮漕運總督查拏抵津回空直隸總督轉
 飭天津道督率地方文武及總運幫弁查拏儻
 有私藏刀械嚴行究辦如拏查不力指名參處
 差役徇庇從重治罪○又奏准漕船隨帶鐵匠
 如代水手打造兇器該管幫弁密稟糧道及總
 運官會同地方文武將鐵匠水手一併拏獲治
 罪儻幫弁徇隱從重參處○又奏准各省軍船
 如有議定包費將船隻託人運通交卸情弊將
 該丁按律治罪衛弁從重參處○二十二年奏
 准漕船抵壩後不准水手人等一名留住通州
 由漕運總督派把總一員前往通州會同各該

欽定大清會典事例 卷二〇八

衛千總認真稽查責成該衛千總等及地方官
 查明出結詳報直隸總督順天府查覈
 倉漕奏銷○順治十二年題准輕齋由牘席片
 板竹行月等項一應隨漕錢糧經管各官逐款
 備造舊管新收開除實在清冊在糧道者總漕
 按年奏銷在坐糧廳大通橋者總督倉場侍郎
 按年奏銷○又題准漕糧徵兌總漕派發全單
 取造軍衛有司額漕數目報部如有未完即行
 指參○康熙二年題准輕齋席片松板楞木本
 折錢糧出運減存行月銀糧漕贈銀米過湖淺
 船倉米副米並修造漕船淺貢運官廩工民七
 料價六升米折及蘇松常鎮四府協濟壽淮揚
 鎮等倉米麥銀此等漕項錢糧均取在地畝銀
 米內支用備辦舊例各作分數考成嗣後總作
 十分總漕每年造冊奏銷○十五年題准江南
 江淮興武等幫水手銀總歸江安糧道催徵給
 發造冊呈送巡撫奏銷○又奏准江甯衛本折
 行月總歸江安糧道管理○十八年題准德州
 倉額徵本折米麥歸併糧道專管報銷○二十
 三年奏准奏銷冊籍將支用款項總散數目分

四二一

析開造如有款項不符。混行造冊題報。該管督撫照蒙混例處分。二十四年題准。臨清倉應徵米麥各屬相距甚遠。解送維艱。嗣後折徵解倉支給報銷。二十六年奏准。存留項下錢糧。在本省支用。並支贖者。不作分數。隨起運數內造冊奏銷。二十七年題准。江南省減存行月廩工備料小料等項銀。照江西湖廣之例。停其解淮。徑解江安。蘇松糧道。歸漕項奏銷案內題報。二十九年題准。河南省額解臨清。德州。二倉錢糧。歸驛鹽道兼理。其奏銷考成。該撫於年終具題。三十一年題准。德州倉奏銷考成。於次年五月內依限奏銷。三十二年題准。蘇松所屬州縣額徵加漕裁扣六升等銀。原係供支蘇松漕糧運軍行月之需。舊例解交江安糧道給發報銷。今酌定解交蘇松糧道。總作完欠支給奏銷。又覆准。淮安。徐州。鳳陽等三倉徵收米麥豆各州縣。離倉路遠。往返盤剝。官民受累。嗣後照漕折定例折徵。徑解糧道支給。三十年題准。各省漕項錢糧。向係總督隔年奏銷。嗣後照地丁錢糧之例。於次年五月奏銷。三

十五年題准。漕糧十月開徵。至次年九月方滿。與地丁不同。嗣後仍照舊例。隔年三月奏銷。又題准。臨德。江甯。淮徐。鳳陽等倉。編徵行月銀。及米麥原為供支運軍廩糧之需。江甯。德州。二倉。統入漕項奏銷。其臨清倉月糧。淮徐。鳳。三倉。行月錢糧。總漕照例於隔年三月。別案題銷。五十三年定。臨清倉交與山東巡撫專管。其倉項錢糧。照監督例。扣算一年任滿奏銷。六十年題准。奏銷本年錢糧。將上年存贖錢糧。作為舊管。本年已完錢糧。作為新收。仍將舊管收除。別造簡明清冊送部。雍正七年題准。漕白二糧奏銷。及通濟庫錢糧奏銷。向未定有定期。今酌定於次年五月內造冊具題。十一年題准。江甯。淮安。徐州。鳳陽。四倉錢糧。奏銷考成。舊例該管督撫於次年五月具題。今展限一月。江甯。淮安。鳳陽。三倉。均於次年六月內題報。徐州一倉。江督仍照原限奏銷。十二年奏准。漕項奏銷。部覆駁問數項。向例扣限四月。按款咨覆。未完錢糧。扣滿年限咨參。雍正十年部議。將漕項登答。改為一年一次具題。未完銀內續完數目。

令其歲終彙報。並造入下次奏銷。新收春秋季冊之內。案牘紛繁。彼此牽混。轉難查覆。嗣後仍照舊例。其節年未完錢糧。續完若干。仍未完若干。並動用存儲各數。該省分別造冊。別繕題本。隨本年奏銷。一併題報。乾隆五年。覆准浙江省漕項奏銷。向將本折月糧。廩工永減淺貢。及本色行糧。漕截等款。列為一冊奏報。漕糧改折灰石等款。單列一冊奏報。輕齋行折等款。列為一冊奏報。嗣因月廩淺貢。永減漕截灰石。及漕糧項下本色月糧支贖本折銀兩。同灰石等款。統改每年二月開徵。因將向附月廩等款冊內之本色行糧一款。改入輕齋行折冊內。統算考成。六年。覆准各項錢糧未完。續完銀米支解數目。例應造入隨本節年奏銷案內。惟漕項續完支解數目。或於道府年限案內造報。或於州縣年限案內造報。未免錯綜無定。嗣後本年奏銷行查各款。仍令於本年奏銷案內。聲敘歸結。其歷年未完項下。續完支解數目。照例造入隨本節年奏銷案內。具題。毋庸造入年限案內。報部。十五年。議准蘇松漕項奏銷。向止係將起

運數目題報。未將額徵漕糧造入。嗣後照江廣之例。另造一冊。彙入漕項奏銷內。具題查覈。十六年。議准地丁漕項。原屬兩事。各省遇有地丁展限。其漕項自應冊報。候撥。僅因地丁展限。漕項清冊。有礙難造報之處。即於展限文內。聲敘緣由。註明漕項一體展限字樣。豫期報部。以便於撥冊聲敘。若咨部展限文內。並不聲敘。及清冊逾限不到者。戶部照例題參。十九年。議准搭運緩漕。給丁漕贈銀米。務於隨奏案內。按年造報。毋得於奏銷案內。開除。致滋重複支銷之弊。二十年。議准漕項隨奏年限各冊。將上屆冊報某州縣衛某某等款。共銀若干。彙結一總。內已完若干。未完若干。併列一條。米豆麥石亦各結一總。登報完欠。又議准向來漕項錢糧造報奏銷。係按照原額。將節年升增。並州縣完欠。以及裁減官丁。應扣行月俸廩各數。逐款臚列。甚屬繁冗。嗣後奏銷案內。以上年實增之確數。即為下年之定額。再將本年升增各數。隨款登明。至各項款目。止開列奏銷冊首銀米各彙結總數。統收統除。應扣行月俸廩等項。歸入

實存項下不必每款分列。即州縣實徵冊內凡銀未完欠亦止各列一條。府總道總一律如是。又隨案年限案內州縣完欠亦仿照辦理。以歸簡易。又議准奏銷案內動用錢糧有應俟別案題銷之日報部查覈者。僅別案或因他故駁查。每致奏銷案內屢次登覆。嗣後應歸別案完結之項。若動款數目既已相符。此案即予銷結。○二十二年議准糧道帶印公出不能依限奏銷。例得展限。仍將不能依限奏銷緣由附疏聲明。○二十四年議准山東省各幫行月半折銀兩俱由糧道支發。獨山東前幫等四幫派令臨清倉給領。每年由臨清倉鈔送底冊。糧道彙數造報。殊多牽掣。嗣後該倉每年支給山東前幫等幫行月銀兩。歸併糧道與通省幫船畫一支。放仍將收支銀兩數目同臨清州造報收支米石數目繕造黃冊。由山東巡撫彙奏銷。又議准山東糧道庫大使兼德倉事務。向令經管漕項及德常二倉銀兩。嗣將臨倉錢糧歸併糧道經管。亦須該庫大使支放。勢難兼顧。所有德倉本色米石併歸常豐倉大使經管收放。仍令

該道循例各歸各款辦理。分析該二倉名目造報奏銷。毋致牽混。○二十六年定江西省應徵加增餘租分給幫船造運銀兩報冊照漕項錢糧隔年奏銷之例造冊送部覈銷。○二十八年議准山東省東昌府屬之聊城堂邑等十八州縣漕糧項下額徵鹽鈔銀一千四百三十七兩一錢一分零。內堂邑博平莘縣冠縣館陶高唐邱縣恩縣等八縣係徵解糧道給軍。由糧道報銷。其聊城在平清平臨清夏津武城濮州范縣觀城朝城等十州縣向解東昌府支給軍丁。嗣經部議將聊城等十屬額徵鹽鈔裁充兵餉。俱由府轉詳解部。銀數無多。專委人員。甚費周折。所有聊城等州縣解部鹽鈔一項。即照堂邑等屬解交糧道湊支軍丁各項錢糧之用。彙入漕糧項下。一併造冊報銷。○三十一年議准各州縣衛應徵錢糧銀數尾零以釐為斷。米麥奇零數目以勺為斷。五毫以上者准為一釐。不及五毫者悉行減除。米麥豆石尾零五抄以上者准為一勺。不及五抄概行刪除。其州縣由單前列細款。仍存其舊。以符賦役全書魚鱗冊籍之款。如官吏

借歸併之名浮收滋弊者查出從重參處○三十二年定浙江省漕項錢糧係地漕統徵同時分解令各州縣將徵有地漕若干於起解藩司糧道文內一併報明銀數司道衙門互相查考○三十五年議准豫東三省留儲薊糧動撥米穀及出借徵還各數每年年底清查造具管收除在清冊送部查覈統歸糧道一處實力稽查造冊該撫覈實奏銷仍將存倉米穀數目移送藩司以備急需動撥藩司衙門毋庸重複奏銷○四十一年定山東省實徵漕糧並改徵黑豆係春兌春開河南江南浙江江西湖廣等省實徵起運漕白二糧並改徵小麥黑豆係冬兌冬開每年各糧道將兌收各數出運日期造冊呈報漕督彙總具題○四十八年議准江西省餘漕銀兩照正項錢糧之例改為題銷○五十二年定各省耗羨銀兩與正項錢糧同時造報並於耗羨冊內載具正項銀數如有未完聲明是否隨正未完及正項錢糧內有不徵耗羨者亦於正項錢糧冊內逐款登明以便考覈○又定江西省漕項耗羨銀兩向係年清年款並不隔

年奏銷今改歸總漕題銷自應詳報總漕覈題並於奏銷時將應徵正銀若干隨正徵收耗銀若干細數造冊附送備查○五十四年定江西省隨漕屯糧並正副米石例係隔年三月奏銷所有耗羨冊籍於奏銷時隨同正項造冊詳報總漕覈銷○嘉慶二年定漕項奏銷初參案件向係具題嗣後復參之案亦應具題以昭慎重○十一年覆准山東省臨清倉項下支給臨清東平二衛所本折月糧銀米向係專案造冊題銷又造入漕項奏銷冊內係屬重複嗣後仍照向例專案題報漕項冊內毋庸造入○十四年定漕項奏銷各屬應造清冊如屆限期有造冊遲延者即隨案題參○光緒十一年奏准江蘇省阜甯清河桃源宿遷海州沭陽贛榆等七州縣徵收漕價銀兩既係漕糧改折每屆冊造仍按照各省漕糧一律辦理嗣後遵照例限造具完欠四柱清冊其歷年未完項下續完支解緩徵各數目照例另造冊籍入於隨本奏銷內題報查覈○十二年奏准嗣後漕項奏銷務於隔年三月到部即奏請展限亦不得過三箇月逾

限者由戶部專案奏參。○十三年奏准江西省
餘租奏銷向係隔年六月內造冊具題。兵發以
後未能依限造送。嗣後比照漕項奏銷之例於
隔年三月具題。毋得率請展限。

欽定大清會典事例卷二百九

戶部

漕運

漕運考成 白糧考成 倉庫監查
起運完欠 糧船事故 試科河運

漕運考成。○順治十三年題准。各省漕糧。經徵
州縣衛所各官。初參未完不及一分者免議。一
分以上。罰俸六月。二分以上。住俸。三分以上。降
二級。四分以上。降三級。五分六分以上。革職。並
戴罪督催。完日開復。○又定。州縣衛所各官。參
後漕糧違限不完者。加倍議處。應罰俸者住俸。
應住俸者降二級。應降二級者降四級。應降三

級者革職。戴罪督催。完日開復。應革職戴罪者。
實降二級調用。○十八年題准。州縣各官。初參
淮徐等六倉糧銀未完不及一分者。停其升轉。
一分罰俸六月。二分罰俸一年。三分降俸一級。
四分降俸二級。五分降職一級。六分降職二級。
七分降職三級。八分降職四級。以上皆戴罪徵
收。停其升轉。完日開復。九分十分革職。布政使
知府直隸州知州。初參各倉糧銀未完不及一
分者。停其升轉。一分罰俸三月。二分罰俸六月。
三分罰俸一年。四分降俸一級。五分降俸二級。

六分降職一級。七分降職二級。八分降職三級。九分降職四級。以上皆戴罪督催。停其升轉。完日開復。十分革職。巡撫初參各倉糧銀未完不及一分者。停其升轉。一分二分罰俸三月。三分罰俸六月。四分罰俸一年。五分降職一級。六分降職二級。七分降職一級。八分以上降職二級。皆戴罪督催。停其升轉。完日開復。署印官初參各倉糧銀未完不及一分者。停升。一分二分罰俸三月。三分四分罰俸六月。五分六分罰俸九月。七分八分罰俸一年。九分十分降一級調用。不及一月者免議。州縣各官。參後各倉糧銀限一年內全完。如限內不能全完。原參不及一分者。罰俸一年。一分二分降三級調用。三分四分降四級調用。五分六分降五級調用。七分八分革職。布政使。糧道。知府。直隸州知州。參後各倉糧銀限半年全完。如限內不能全完。皆照州縣官例處分。巡撫。參後各倉糧銀限二年內全完。如限內不能全完。原參不及一分者。罰俸一年。一分二分降二級調用。三分四分降三級調用。五分六分降四級調用。七分八分降五級調用。

九分十分革職。○康熙二年題准。現年額徵漕項錢糧。或一官經管。或數官經管。總作十分計算。不必各作十分。接徵接催之官。皆照經徵督催例議處。○又題准。漕項倉項錢糧。參後各立年限。州縣各官限一年。糧道。知府。均限一年半。巡撫限二年。催追全完。不完不復作分數。皆照原參分數處分。○又定。各省糧道。不必分別正官。署官。功罪皆一例行。○又題准。臨德江甯淮徐鳳陽等倉銀糧。經徵督催官。與隨漕項下錢糧。各作十分考成。○又題准。巡撫等官催徵錢糧。參後年限已滿。該撫將自欠原參分數。及糧道等官分數。不於參本聲明。查出照原參分數加等治罪。○又題准。各省隨漕輕齋等項錢糧。經徽州縣衛所各官。初參未完不及一分者。停其升轉。罰俸一年。一分降職一級。二分降職二級。三分降職三級。四分降職四級。皆戴罪徵收。五分以上革職。督催糧道。知府。各官。初參未完不及一分者。停其升轉。罰俸六月。一分罰俸一年。二分降職一級。三分降職二級。四分降職三級。五分降職四級。皆戴罪督催。六分以上革職。

巡撫初參未完一分二分者罰俸三月。三分罰俸六月。四分罰俸一年。五分降俸一級。六分降俸二級。七分降職一級。八分降職二級。皆戴罪督催完日開復。州縣衛所各官隨漕輕齋等項錢糧。參後年限內不能全完。原參不及一分者降一級調用。一分降三級調用。二分降四級調用。三分降五級調用。四分以上革職。巡撫糧道知府等官。參後年限內不能全完。原參不及一分者降一級。仍戴罪督催。其餘均依州縣例處分。署任各官未完不及一分者罰俸三月。一分罰俸六月。二分罰俸九月。三分罰俸一年。四分五分降一級調用。六分七分降二級調用。八分以上革職。不及一月免議。○又題准山東糧道專管漕糧。自開兌開幫以及抵通交倉。皆親身尾押。臨德二倉改折徵銀。免其考成。○四年定江南浙江江西三省漕糧。隨漕數多。催徵州縣等官。本任年內全完者紀錄一次。山東河南湖廣三省催徵漕糧。隨漕等項州縣等官。二年全完者紀錄一次。○六年定直隸州知州。經徵本州錢糧。參後未完。照州縣官一年限例議處。督

催各縣錢糧。參後未完。照道府年半限例議處。○八年題准。向例各省巡撫經營漕糧。完欠均照糧道例議敘。嗣後停止議敘。如有未完。仍照糧道例處分。○十年議准。督催糧道知府等官。初參未完不及一分免議。一分以上罰俸三月。二分以上罰俸六月。三分以上住俸。四分以上降二級。五分以上降三級。六分以上革職。皆戴罪督催。完日開復。糧道知府等官。參後漕糧。違限不完。加倍議處。應罰俸三月者罰俸六月。應罰俸六月者住俸。應住俸者降二級。應降二級者降四級。應降三級者革職。戴罪督催。完日開復。應革職戴罪者實降二級調用。其署印各官未完漕糧。照雜項錢糧署印官未完例議處。一分二分罰俸三月。三分四分罰俸六月。五分六分罰俸九月。七分八分罰俸一年。九分十分降一級調用。不及一月者免議。○又定催徵錢糧大小各官。或因事故離任。按其所欠分數。應虛降虛革者。俱照離任官例罰俸一年。至革職者仍行革職。○十四年題准。漕糧改折銀。與隨漕項下錢糧。各作分數題參。○又題准州縣

衛所官原參不及一分年限內不完者降一級留任再限一年內催完如又不完照所降一級調用○又題准署印官初參各倉銀糧在任不久其欠不及一分者毋庸停升○三十四年題准凡有分數錢糧俱將接徵接催之官已完分數扣除照現在未完分數議處○四十四年定蘇松常鎮四府屬賦稅繁重州縣官經徵現年漕項錢糧於奏銷時完至九分以上者其接徵未完舊欠錢糧於年限案內復參降級調用之例改為降級留任再限一年催徵如仍不完照所降之級調用督催各官亦照此例議處○又定經催經徵官原欠不及一分限內不完者降一級留任再限一年催徵如又不能完降一級調用原欠一分者限內不完降三級調用如年限內能催完至八九釐者降三級留任再限一年催徵如仍不全完降三級調用原欠二分年限內不全完者降四級調用原欠三分年限內不全完者降五級調用原欠四分年限內不全完者革職○雍正五年定各官應徵錢糧民欠未清該督撫題請革職留任者勒限一年

催完准其開復不完革任按其未完分數照收糧違限律擬罪督催各官照例議處本員留於該處與新任接徵之員再限一年催完如有不完將該員照所擬治罪接徵官照例議處○十二年定本年奏銷錢糧參後咨報全完部議未經題覆即於奏銷案內扣除免議其已經題覆尚未行文者該部據咨改繕題本開復若部議已經覆准行文原參議處各官俱令該管督撫具題開復○乾隆五年議准浙江省漕項奏銷本折月糧廩工永減淺貢等款列為一冊漕截灰石等款列為一冊輕齋行折等款列為一冊其向附月廩等款冊內之本色月糧一款改入輕齋行折冊內統算考成○又題准道庫州縣應解應給銀米任意遲延或移催衛幫不即支領即於各本案內將道縣衛遲延職名確查附參○又覆准嗣後浙江省漕糧未完統歸巡撫辦理漕項錢糧仍聽總漕奏銷考成○七年奏准漕白二糧未完各官初參二參考成均照隨漕輕齋等項錢糧分別議處○二十二年議准地丁錢糧緩徵漕項一體邀緩若屆奏銷之期

所有漕項未完銀兩。於奏銷冊內聲註。另歸年限扣算。補報考成。○三十二年議准。浙江省漕項錢糧。係地漕。統徵。同時分解。令各州縣將徵有地漕若干。於起解藩司糧道文內。一併報明銀數。司道衙門。均得互相查考。○四十八年議准。江西湖北二省。應徵津貼餘租。經徵各官。並不實力催徵。照正項錢糧。經徵不力分數。分別議處。其各該藩司。照正項錢糧。按年催解糧道。濟運。並將經徵已未完各州縣。造冊送查。○四十九年議准。江蘇省長淮三四兩幫運田。坐落

壽州鳳臺霍邱三州縣境內。每年應徵津貼銀兩。歸於州縣編徵。如有拖欠。照正項錢糧分數議處。○五十一年議准。江蘇省清河等九州縣民折官辦漕糧。借領司道庫銀兩。定限於次年二月以前徵完。分解歸款。如逾限未解。將經徵接徵未完各職名。覈明分數。隨同地丁正項錢糧。於奏銷時另造一冊。開奏議處。○五十二年奏准。江興二衛快丁應繳運費。經徵各州縣向無考成。嗣後照江西湖廣等省。餘租津貼之例。責成該管州縣實力催徵。如有未完。將經徵州

縣。按照未完分數開參。其未完銀兩。不得墊解滋弊。○五十三年奏准。各省耗羨已未完解數目。隨同正項錢糧統計分數。一疏具題。以定考成。如正耗全完。方准議敘。正耗欠數相符。合計分數議處。其參後仍未完解者。歸於正項年限。案內報參。僅有正耗完。報解不符。嚴參查辦。○五十四年定。江南省上元等州縣。應徵快丁節年舊欠。江興二衛貼費銀兩。各屬未完銀數。在一千五百兩以上者。分限二年。五百兩至一千兩以上者。分限一年半。五百兩以下者。分限一年完繳。如首限期滿。未經完足。即照首限銀數。以十分計算報參。所欠首限銀兩。加入二限銀內。一併催追。僅二限期滿。再有未完。即將二限應徵。同首限未完銀兩。共作十分計考。其止分一年帶徵者。限滿無完。亦照十分計考。完不足數。即按未完分數計參。如有參後續完。詳請開復。均以分限銀數覈計。不分年款。○五十六年定。江蘇省嘉定寶山二縣。民折官辦漕白等米。借動道庫銀兩。定限次年二月以前分解還款。如逾限不解。將經徵接徵各官。覈明已未完

分數。由道造具考成清冊。隨同漕項奏銷送部。
○嘉慶三年議准。浙江省餘杭縣徵解杭嚴衛屯田折租錢文。每年於蠶畢後趕徵三分。秋收後再徵五分。其餘二分。至次年三月徵完。移衛散給。如有未完。照未完地丁分數。列揭開參。○八年議准。浙江省每年額徵漕截銀兩。照地丁錢糧奏銷之例。扣限一年。覈明分數。於次年春開造冊揭題。如屆復參限滿。再有未完。亦照該省地丁奏銷二參之限辦理。至漕截項下應徵耗羨銀兩。隨同正銀報解。合計考成。將已未完解各數。造入漕項奏銷題報。○又議准。湖北省漕糧項下耗米。撥供兵食。即與南糧無異。應統歸南糧奏銷案內造報。正耗合計考成。如有未完。照例開參。○十七年覆准。浙江省溫台衢嚴四衛所。徵解津租銀兩。經徵之員。未完四分以上。罰俸六月。參後續報全完。其原參職名。業經罰俸議結者。止將議罰俸銀完繳銷案。毋庸具題開復。○道光十六年議准。江安糧道所屬應徵緩漕。並歷年帶徵漕項銀米。均覈明完欠分數。造報年限考成題參。其江蘇糧道所屬未完

緩漕米石。並巡撫督催未完。統令查明完欠分數。造報年限考成。一律題參。○同治五年奏准。湖南省二耗米折銀款。與正耗銀兩一律計考。○十三年覆准。湖南省未完二耗銀兩。歷年既久。經徵接徵礙難分析。從寬免議。自同治十一年奏銷為始。將二耗一款。歸併正耗銀兩覈計分數。一疏揭參。○光緒十二年議准。嗣後糧道開報職名。凡例限隔年三月奏銷之漕項等款。應於二月內詳到。其例限次年十月奏銷之安徵增津一款。應於九月內詳到。如各州縣衛承辦遲延。即令糧道將職名附詳。以嚴考覈。白糧考成。○順治十一年題准。白糧與由牘銀總屬正項。其完欠分數。應以銀米總計合算。如有未完。照例議處。○康熙六年題准。經徵督催白糧各官完欠考成。照題定漕糧考成例議處。其交兌過淮抵通限期。以及議敘議處條例。皆照漕糧例。○十七年題准。白糧改折經費銀。原係白糧項下應徵之款。與白糧一例考成。○三十三年題准。白糧項下減存經費銀。乃解部之項。如不豫行詳請。擅自動用。將擅動之官題參。

著令賠完。○乾隆二十九年議准。浙江省白糧項下各款錢糧。照上下兩江徵解之例。於十月內完解六分。如徵解不足六分之數。罰俸六月。再限三箇月。如仍不足六分。罰俸一年。

倉庫盤查。○康熙六年題准。漕項錢糧。乃輓運急需。司府州縣等官。如將徵完之銀。挪動給發別項支用者。糧道詳報總漕題參。○二十八年題准。各省糧道存儲錢糧。於年終及離任之日。責成藩司親身盤查出結。如有虧空。立即揭報該撫題參。○雍正四年議准。道庫實在錢糧。自

雍正五年為始。照司庫例。每年春秋二季造冊報部。聽候撥解京餉。○又題准。江安。蘇。松。江西。湖南。湖北。山東等省糧道衙門。各增庫大使一人。凡倉庫收放錢糧。責成稽查。其浙省道庫。即令布政使司理問兼管。○六年題准。江甯布政使司衙門。徵收上下兩江應解南屯米麥豆。舊有倉廩。皆係吏役經手支放。今增設倉大使一人管理。以專責成。○十年題准。德州原設常豐德州二倉。臨清州原設臨清廣濟常盈三倉。年久坍塌。應於臨清德州各增建新廩六座。責成

糧道督率臨德二州。加謹蓋藏。年終盤驗。出具實存印結送部。並令常豐臨清二倉大使巡查看守。○十一年奏准。各省道庫。一應收支錢糧。隨時知會藩司備案。奏銷時將支銷存積各款造冊移司盤查出結送部。○又題准。各省糧道。新舊交代。任內收支錢糧。均照布政使司交盤例。該管督撫造冊具題。○乾隆二十年議准。漕項實存銀兩。春秋二季撥冊。儘因地丁展限。漕項有礙造報之處。即於展限咨內聲明。一體展限。豫行報部。若不聲明。逾限不到者。照例參處。

○又議准。漕項實存銀兩。春秋二季撥冊。江安。蘇。松。湖北。山東。河南。五省。俱係詳送各該撫咨部派撥。惟湖南。浙江。江西。三省。各撫與漕督並行咨部。事屬重複。嗣後照江蘇等省之例。造報各該撫咨部。仍造送總漕備查。以歸畫一。○二十四年題准。臨清倉庫大使裁汰。倉務交與臨清州兼管。給丁本色米石。仍照舊赴倉支給。折色銀兩。各州縣徵解糧道支放。○二十七年議准。各省糧驛道庫。遇有新舊交代。照年終奏銷之例。令各督撫親往盤查。所有收支數目。仍令

藩司於未經盤查之先。出結詳送督撫。彙結報
之後。查有侵虧等弊。督撫題參。照例分賠議處。
○又議准。湖北湖南二省。道庫漕項錢糧奏銷。
嗣後令總督就近盤查。咨會漕督具題。○二十
八年議准。督撫接任。應行盤查藩庫之時。糧驛
二道。如係駐紮同城者。一體親往盤查。將有無
挪移虧缺之處。一併附摺具奏。○五十八年定。
有漕各省春秋撥冊。收儲銀兩。逐一登造。將年
分縣分詳細聲明。以憑稽覈。

起運完欠。○順治五年題准。漕欠無論多寡。均
發各糧道嚴追。○九年奏准。挂欠漕糧弁兵。發
南追比。承追各官。嚴查本弁本軍產業。估計變
賣。儘數完糧。不得聽其株連攀害。○十二年題
准。挂欠弁軍。先在通州追比。勒限一年。如不能
完。倉場題明發南追比。再限一年追完。○又題
准。官欠追官。軍欠追軍。每年發准追比之時。分
別欠數。研審明確。官軍一例嚴追。變產完賠。如
運軍侵糧脫逃。報明戶部。行總督衙門提究追
擬。○十四年題准。運官到通糧米全完。緣事註
誤。非貪贓失守大計。隱匿逃人重罪。該部酌量

分別。以示鼓勵。○十七年題准。總漕以通漕論
糧道。以本省論。凡欠二分者。罰俸一年。再運又
欠一分者。降一級調用。欠二分者。降二級調用。
欠三分者。革職。○又題准。運官領運漕糧。交納
銷算買補。以及隨幫帶運全完者。不准議敘。○
康熙元年題准。搭解舊欠漕糧。復有挂欠倉場
開列分數題參。照例處分。挂欠之米。仍照數追
賠。○二年題准。總漕巡撫糧道。如通漕及本省
衛所漕糧。盡行開兌開幫北上。運務一官經手
者。前官雖有事故離任。功罪應歸前官。後官免

議。其總漕有一二省巡撫糧道有一二衛所未
經兌完開幫。前官事故。後官接管。功罪應歸後
官。前官免議。○八年題准。糧船阻凍天津。漕糧
收受進倉。非本年內全完。至隔年始行運竣者。
糧道押運等官。不准議敘。○十年題准。漕糧開
兌過淮違限者。其到通糧米雖已全完。糧道等
官。不准議敘。○二十五年題准。搭運欠舊米。與
原欠米色不符者。糧道知府罰俸一年。領運千
總革職。○四十三年議准。運官挂欠糧米。以通
幫糧米計算。如挂欠不及一分者。責二十革職

追比。追完。違職免罪。不完杖一百。革職一分。責三十。革職追比。追完免罪。不完杖一百。徒一年。二分責四十。革職追比。追完免罪。不完杖一百。徒三年。三分責六十。革職追比。追完免罪。不完發附近衛所充軍。四分責八十。革職追比。追完杖一百。不完發邊遠衛所充軍。五分責一百。革職追比。追完。徒一年。不完者絞。六分以上者斬。照例籍沒家產抵償。○又議准。運軍挂欠漕糧。以一船糧米計算。如挂欠不及一分者。責二十。革運追比。追完免罪。不完杖一百。一分責三十。革運追比。追完免罪。不完杖一百。徒一年。二分責四十。革運追比。追完免罪。不完杖一百。徒三年。三分責六十。革運追比。追完免罪。不完發附近衛所充軍。四分責八十。革運追比。追完杖一百。不完發邊遠衛所充軍。五分責一百。革運追比。追完。徒一年。不完者絞。六分以上者斬。照例籍沒家產妻子抵償。○四十九年題准。漕糧挂欠。皆由糧道監兌押運等官不親詣水次面同兌足。糧船抵淮。總漕亦不嚴行盤查。以致弁軍任意折銀。沿途盜賣。嗣後將挂欠不及一分至

六分之弁軍。照例分別治罪。其總漕糧道等官。照例按所欠分數議處。並將所欠漕糧。算作十分分賠。總漕半分。糧道一分。監兌官半分。總押運官半分。運官一分半。僉丁衛所官半分。運軍五分半。按此分數。令總漕等官於限內賠完。不完。總漕糧道各官。交部議處。運官運軍。照例治罪。仍將弁軍不能賠完之米。著落總漕糧道等官賠償。至挂欠糧米。既令總漕糧道分賠。全完者。應加倍議敘。山東河南湖廣三省糧道。改為加升一級。江南江北江西浙江三省糧道。改為加升二級。總漕議敘之例。於康熙八年停止。嗣後各省漕糧十分全完者。仍將總漕照例加升二級。○又議准。弁軍挂欠漕糧。承追督催等官。皆照經徵督催淮徐等倉糧銀例議處。○五十二年題准。同幫運官。連名互結。如將赤貧之軍出結僉運。以致挂欠不能賠補。將本軍應賠五分半之內。令互結各軍攤賠一分。○又題准。嗣後一幫挂欠。府廳等官罰俸一年。糧道罰俸半年。數幫挂欠。照此遞加罰俸。○又題准。押運同知通判。一次挂欠。降一級留任。二次降二級留

任。三次降三級調用。○又題准。押運同知通判。一次無欠。加一級。二次無欠。加二級。三次無欠。不論俸滿即升。○又題准。江浙積欠之幫。一運全完。其次挂欠之幫。三運全完。餘幫五運全完。均准其即升。○五十四年題准。弁軍挂欠。嗣後免其留通。追比一年。令倉場侍郎將欠糧運軍。等交運官。即行發南追賠。挂欠之米。限次年搭運赴通交納。如次年不搭運。總漕照例題參。○六十年題准。欠糧運官。有於倉場未題之先。已升任他職者。革職發追。俟完糧開復之日。照例補用。○雍正元年題准。領運千總一運全完。加銜一等。二運全完。加升二等。三運全完。毫無事故者。從優議敘。即升。其江浙積欠之幫。仍照舊例。二運全完。准其即升。○二年議准。搭解舊欠漕米。必以本色交兌。搭運過淮之時。總漕盤驗足數。方許開行北上。如有麥豆雜糧等項。抵充漕欠。或過淮之後。用小船趕送者。總漕查明題參。○三年題准。欠糧運官。倉場即咨兵部開缺。俟限內全完。題請開復。別行補用。○五年題准。弁軍挂欠漕糧。向照失風挂欠之例。止收平米。

免其曠颺折耗。嗣後非失風而挂欠者。照起運之數。搭運抵通。○十三年奏准。運弁領運漕白船糧。如有過淮違限。而抵通全完者。俟總漕將原參過淮違限題准開復之後。始准議敘加銜。○乾隆二年奏准。領運守千。江浙等遠省。一二運准按運加銜。三運全完。議敘即升。不得復請加銜。至三運以後。再能全完。仍准按運加銜。山東河南二省官弁。一三五運全完。均紀錄二次。二四運全完。均加銜一等。至六運全完。方議敘即升。亦不得重複加銜。至六運以後。均照前相開紀錄加銜。○又奏准。重運效力武舉。領運江浙等遠省。每運全完。補官日紀錄二次。領運山東河南近省。每運全完。補官日紀錄一次。三運運滿。咨部註冊推用。○三年奏准。各省糧船抵通起卸漕米。如有不足。例買別幫餘米抵補。但各省收兌。如果足數。抵通何至不敷。嗣後如有不足。即參處著賠。不准買補別幫餘米。其各船運軍日用餘米。坐糧廳給予驗票。准其售賣。其餘各色漕米粟米。一概不許買賣。交通水道通州知州實力稽察。如有不遵。即行拏究。儻稽察

不力。被倉場及御史訪聞。將該道該州題參議處。○四年題准。山東河南二省遞年輪運薊糧。此後停督運通判押運全完。照例議敘。○五年題准。輪運薊糧千總。照山東河南近省運通全完例議敘。○八年題准。嗣後漕運各官。因公註誤。應降調者。如本運議敘。准其抵銷。其前運應加之銜。概不准抵。○十八年議准。武職加銜。既經刪除。嗣後領運官議敘。遠省者。一運全完。加一級。二運全完。加二級。三運全完。即升。近省。一運全完。紀錄一次。二運全完。加一級。三運五運。與初運同。四運與二運同。六運全完。即升。所加之級。准其隨帶。○二十三年奏准。糧船抵通兌米。該運丁如無故挂欠。坐糧廳勒限追完。仍行捆打。其領運千總。及總運同知通判督運糧道等官。所管幫內一丁挂欠。即限內全完。亦不准議敘。令倉場將各省到通漕糧挂欠丁名幫分。年底彙冊查考。○五十五年定。旗丁欠交失風米麥豆石。不即責丁交納。遲至幫船南下。始請下年採買搭運。領運千總。咨部斥革。委署千總。照採買遲延例。罰俸一年。○嘉慶五年定。失風挂

欠米石。並不完交。官弁旗丁。徑自離通潛回。除欠交米石。咨南買補好米附搭運通外。將押運同知領運千總。交部分別議處。○道光二年定。押運官三次運通。全完無欠。例得送部引見。如查有買補米石。未經運完。即將所得議敘註銷。並將詳請給咨之坐糧廳。給咨送部之倉場侍郎。分別交部議處。○糧船事故。○順治十五年定。漕糧改解兵米。大江漂流。准照漂沒糧數開銷。○又題准。糧船在江洋。黃河漂流者。地方官查明。給有印照。總漕及各該撫。覆勘明確。據實具題。即予豁免。如無題報。於本軍名下追賠。若本軍無力補完。將本幫餘米。蠲羨扣抵。務足原數。○康熙二十一年題准。大江黃河。漂沒搶救者。將搶獲米灑帶各船運送。其漂沒米。即予豁免。若坐視不救。該督題參。從重治罪。○又題准。漂流船糧。令沿途催趨各官。及汎地文武官。親臨確勘。各出保結。取具運官結狀。該督撫具題豁免。如未經漂沒船糧。運糧官軍。詐報漂沒。並故將船放失。及雖漂沒損失不多。乘機侵盜。至六百石者。照律擬斬。

不及六百石者。照律發邊衛永遠充軍。漕米照數賠補。其沿途催趨各官。及汎地文武各官。不親臨確勘。遽出保結者。並行革職。該督撫不嚴查確實。遽行題豁。將具題督撫降二級調用。○又題准。文武官凡遇漕船沈溺。不將情由申報者。降一級調用。○又題准。押運官弁巡查不謹。以致失火燒毀漕船者。降一級調用。地方官不行協救。延燒別船者。罰俸一年。○三十六年題准。漕船失風沈溺。船未抵通。而糧已搭運到通。全完者。坐糧廳呈報戶部。運軍領過行月錢糧。

免其追繳。○四十二年奉

旨。洪澤湖水勢更甚於大江黃河之水。其失風漂沒船糧。從寬豁免。嗣後洪澤湖有漂沒船糧。亦照大江黃河漂沒之例議奏。○雍正元年題准。漕船在內河失風。將押運官弁照失於防範例。罰俸一年。仍取具押運官弁並地方文武官弁並無假捏印結送部。倘有假捏情弊。即將弁軍嚴加治罪。出結官弁從重議處。○又題准。糧船在內河漂流者。不准豁免。將該幫進倉米免其曬颺。以所騰曬颺折耗餘米。抵補漂流之數。如抵補不敷。將該

幫羨餘銀扣抵。該幫不足。將該衛羨銀數總扣除。務足原額。○四年議准。失風漂流之米。除將本幫餘米抵補外。下騰米限次年搭運抵通。正兌改兌均照平米收受。仍免其曬颺折耗之米。以示軫恤。○又題准。漕船在江洋黃河洪澤湖漂沒片板粒米無存者。即予豁免。○六年題准。領運弁軍。凡遇海洋大江黃河危險地方。遭風漂沒幸獲生全者。照軍功保守在事有功之例。官加一級。運軍照軍功一等傷例賞給。其漂沒身故者。官不論銜級大小。照軍功陣亡例。皆以

現在職任分別准廕加贈。給予祭葬銀。運軍亦照軍功陣亡例。給予祭葬銀。其無妻子親屬者。照例給銀。該督撫提鎮委官致祭。至船內頭舵水手被淹身故者。照軍功二等傷例賞給。○十年定。糧船在大江等處漂沒。旗丁淹斃。賞卹銀兩無親屬可領者。令地方官尋覓屍骨。料理埋葬。無從覓獲者。即於淹斃處所。量予祭奠。○十二年議准。海洋大江黃河及洞庭洪澤等湖。領運弁軍被溺身故。照軍功例賞卹。其在內洋內河及停泊海口島嶼等處。修造漕船遭風

漂沒幸獲生全者。照軍功例減等。官給予紀錄。二次。運軍人等。照二等傷例減半賞給。其漂沒身故者。亦各減一等。分別廕贈給祭葬銀。無妻子親屬收受者。仍照例給銀二兩。委官致祭。再內洋等處遭風溺故之千總。量減一等。廕子弟一人。以把總補用。○十三年定。漕船經運五六年。及未至五六年。而有風火等事之失。責令賠造。經運七八年。而有事故。責令買補。經運九年。而有事故。以及腐朽不堪者。責令雇募。均至十年限滿。准其給價配造。○乾隆三年題准。漕糧內河失風漂流。運軍賠累艱難。應交茶果銀概行免交。其糧已漂失。臨倉買補。無藉經紀車戶轉運者。箇兒錢一併免交。若船無破損。米無虧缺。到通轉運進倉者。箇兒錢照舊交納。○又題准。失風之船。能岸救修船。通糧無虧折。或買補全完者。領押守千丞倅。皆免議處。仍照例議敘。儻船非滿號。不能岸救。米有挂欠。雖買補全完。亦仍照例議處。至地方文武官弁協同岸救。船糧均無虧者。免其議處。○又題准。押運丞倅。遇有幫船失風事故。向例與領運守千一例議

處。但丞倅統轄十餘幫。較之守千專管一幫者。有間。嗣後量為輕減。原例罰俸三月者。改為一月。罰俸六月者。改為三月。罰俸一年者。改為六月。降一級留任者。改為罰俸一年。降一級調用者。改為降一級留任。降二級調用者。改為降一級調用。革職者。改為降三級調用。○四年題准。糧船停泊處所。他船失火。該軍在船不即設法開放。地方官不行星飛撲救。以至延燒者。將火毀之船。責令官軍名下分賠造運。○五年題准。漕船遇有事故。各失防職名。照例開送。如有應行免議之處。於咨內聲明。聽吏兵二部察覈。○又題准。副軍有在大江黃河被淹身故者。照軍功二等傷例賞給。○又奏准。漕船遇有風火事故。押運官弁。即速報明沿河地方各官。協同救護。並將各情由。申明各上司。聽漕運總督查明報部。○又定。各省漕船遇有事故。例應賠造者。回次之時。即行遵例賠造。儻有藉詞減歇。遲至次年興造者。將督催衛員。照例題參。○六年題准。各省出運船糧。凡有失風漂流之米。照例報部分別易換扣抵。儻有徇隱捏報等弊。照例題

參。○七年議准。糧船失風火燎。其船不致被沈者。無論已未過淮。即令修固原船復載抵通。如已被沈難岸者。即雇民船載運。隨幫過淮。盤驗抵通。倘過淮時未經雇募。將米已分通幫帶運者。不許中途再雇民船裝運。以杜盜賣。攪和之端。若過淮後失事。或在黃河中流。及該地方無民船雇募者。仍令先分通幫帶運開行。一面前途雇覓民船裝運。總著通幫眾丁。出具互報各結。抵通交納。稍有虧欠。責令賠補。○九年議准。留通變賣船隻。沿途遇有失風事故。旋已修脩堅固。將米灑帶通幫運通。其船即在途次變賣者。將千總查參。罰俸九月。○十二年定。漕船減歇在塢。被行船撞損。該管千總隱匿不報者。照失風漂沒不行申報例。降一級調用。○又定。漕船在大江。黃河等處遭風漂沒。如有撈救乾溼米石者。其虧折之糧。例不豁免。若虧折過多。數在八九百石以上。一時買補。丁力艱難。總漕據實具奏。即將買補銀兩解通。於下年本倉餘米內買補報部。其漂沒船隻。仍照例辦理。○十四年議准。漕船回次。雖交與地方官收管。仍著隨

幫官弁約束稽查。遇有風火事故。即將該隨幫職名報參。如新運千總。既經接收幫船。即將新運千總職名報參。或漕船減存在次。遇有事故。隨幫二弁均不能兼顧。即開收管之地方官職名報參。至押運同知等官。如遇回空到次。後風火事故。免其參處。○又議准。江廣漕船失風沈溺。如果不堪岸修。無論已未滿號。地方官驗明拆板堆存出結。仍報總漕衙門。所拆板片。就近變價。地方官將所賣價銀鈐印封固。交運弁帶回。呈明糧道驗封給發。至回空漕艘遇有失事。亦照此例辦理。○二十一年定。漕船如在大江。黃河漂沒。例應題豁者。該督撫一面具題請豁。一面責丁成造。毋任遲延。致誤下運。○二十四年議准。各幫旗丁以船為家。至遭沈溺。其沈失米石。既責之本丁賠補。而沈溺漕船。如運至五六年者。又例應本丁賠造。是該丁業已傾家。而賠米賠船。總責之數月之內。甚屬拮据。嗣後凡旗丁應賠之船。本年新漕暫准其雇募一次。俟次年賠造兌運。○二十五年議准。黃河兩岸捕魚小船。令清河縣開具姓名造冊編號。責令管

河縣丞。河標把總。經管約束。遇有糧船失風。即令各駕小船先行救米。或行救貨。米聽押運之員分散本幫各船。貨物聽該管縣丞把總查明交還失風之運軍。酌量出給飯錢。儻有小船乘機搶掠。或被旗丁呈首。或經催漕之員稟報。即將該縣丞把總查參。照約束不嚴例降一級調用。其搶貨各犯。俱照白日搶奪例問擬。○二十七年定。漕船如遇民船失火延燒。丁民各半分賠。○又定。失風船隻。如係自備民船。原裝米石顆粒無虧。失防職名。免其開報。○二十九年議

准。江蘇浙江山東河南等省買補船隻。如已滿號。遇有失風事故。即就近折變。飭地方官將變價銀兩。封交員弁攜帶回次。呈繳糧道驗給各軍。以補新造。○三十年定。受兌漕船。如被木簰碰壞。其沈溺米石。令木商照數賠補。損壞船隻。修脩齊全。○三十一年

諭。漕船遭風失火。延及鄰艘。究係防範不慎。應令其照數買補。分兩年完倉。至因別舟火起倉猝延燒。並非疏於防護所致。著免其賠補。○三十二年

諭。漕船偶遇冰凌迅下。船身磕破。人力難施。非該丁等

防護不慎所致。所有沈失米石。著免其賠補。○三十四年定。九運漕船回空。於黃河漂沒。業經派減一載者。准其給料成造。○三十五年

諭。漕船焚失糧石。自應按數著賠。若船糧粹遇雷火焚毀。非人力所能豫防。所有應賠糧石。漕船俱加恩寬免。其總押領運員弁。亦非救護不力。一併免其查議。○又定。漕船內河失風。押運官罰俸六月。能岸救船隻。修脩抵通。糧無虧折。並買補全完。均免議處。船非十運不能岸救。米有挂欠。雖買補全完。仍照例議處。○又定。漕船內河失風。捏報大

江黃河領運地方各官。各降一級調用。若遭風水不順。地方官與押領員弁。公同申報守候日時。儻不顧風色水勢。催趨前進。致有疏虞。地方官罰俸一年。押運官罰俸六月。如有捏稱風水不順。逗遛脫幫。總漕並督撫查參。將不實力催趨之地方官。降三級調用。押運官降一級調用。若汎水漲發失風。漕船地方官能協同岸救。修脩船抵通。糧無虧折。免其議處。不能協同岸救。以致漂沒。仍照例議處。如雇募民船。遇有風火事。故聽其換船裝運。米無虧折。失防領運地方各

官免其議處。○三十九年定。六七運漕船回空。於洪澤湖漂沒者。雖經派減一次。係屬七八運。仍令買補足運。○又定。漕船上年插河漂沒。下年一半應行搭運米石。准其買餘抵補。免其搭運。○四十一年奉

旨。宿州二幫漕船。行至清河縣極險湖心。陡遇暴風。船經漂沒。淹斃多人。自屬人力難施。沈溺米石。加恩豁免。○又定。漕船在次失風。該管衛守備不行詳報。照承辦錯誤例。降一級留任。○又定。白糧幫剝載米石。被空船碰翻。押運官失於防範。仍照例議處。領運千總。照防範不嚴例。降一級留任。其行船碰住船之領押職名。查叅送部。○四十二年奉

旨。湖北三幫漕船。在內河失事。例固應賠。但念幫船猝遇暴風漂溺。人力難施。情尚可原。加恩令其各買本幫餘米三百石。其餘米石同隨糧席竹。緩俟下年搭運全完。○又奉

旨。宿州二幫漕船。在洪澤湖漂沒。賞借銀兩。原定分作五年歸款。丁力未免拮据。著再於原定五年之限。加展三年。以示體恤。○又定。漕船住泊失火被焚。並延

燒尾接之船。其應賠船隻。准其暫行雇募一次。至應雇船隻。與賠造新船。責令弁丁各半分賠。其銀兩令衛守備催追。勒限賠造。○又定。回空漕船遭風覆溺。押領員弁不行呈報。降一級調用。○又定。漕船除在大江黃河洪澤等處及插河內失風。查無情弊者。仍照向例辦理外。其在內河失風。或止一二隻。及船米無虧者。均照例議處。三隻以上。運弁降一級調用。押運廳罰俸一年。五隻以上。運弁革職。押運廳降一級留任。旗丁杖一百。枷號一月。如有捏報失風。從重議

處。儻盛夏之時。在內河遇雨。被水衝壞數隻。由該督及巡漕御史。查明實在情形。奏明分別辦理。○四十五年定。漕船被火燒毀。被燒米石。於各丁餘米內。分作兩年抵補。○四十七年議准。買補船隻。如歷九運。遇有事故。即照軍前之例。雇募寬大民船一次。以足十運。○四十八年定。漂沒船糧業經豁免。其隨船席竹一體豁免。撈獲漚米。以食米易換。如有不敷。准由臨倉買餘抵補。○又定。滿號雇募船隻。及起利民船。在內河失風沈溺。如所載糧米有虧。即應計隻扣

算。若船米無虧。及回空船隻本無糧米。無弊可作者。均毋庸計算隻數。至牘河失風。果在險要處所。免其計算。○四十九年定。重運漕船。在黃河中心漂沒。辦理遲延。違限一年以上之地方官。降一級留任。○五十二年定。減歇船隻。於上年沈溺之後。不卽及時賠造。藉稱江水漸漲。勢難拆板。遽請雇募。將辦理錯誤職名。送部議處。○又定。客船內失火。延燒空重漕船。及官利船隻。燒毀船隻米石。押令照數賠交。失火之雇工。嚴拏治罪。○五十五年定。回空失風船隻。文內不將險要處所聲明。其隨幫武舉。照遺漏聲敘例。罰俸六月。○又定。失風漕船。該幫千總匿不具報。率請改造。將該幫千總照隱匿不報例。降二級留任。衛備罰俸一年。地方守備。照漕船失風例。罰俸一年。○又定。幫船因雇募窄小。將帶運麥豆。另雇利船裝運。以致遭風沈溺。衛備照失於查察例。罰俸一年。○五十六年定。漕船已歷七八運。該道衛並不隨時詳報加修。率將應運漕糧。於各船灑帶之外。仍令原船減載跟幫。以致被冰撞沈。糧道衛備。照失於查察例。罰俸

一年。○五十七年奏准。漕船在牘河內河失風。及冰凌擦損沈溺。領運之弁。每隻罰俸一年。至一運內失防漕船。先後接算。在三隻以上者。運弁降一級調用。五隻以上者革職。既經併案議處。所有一運內逐案罰俸之案。應予查銷。○嘉慶六年定。漕船因風火燃。領運千總。照例降一級調用。銷去任內尋常加一級。抵免降調。○七年定。一運漕船回空失風。因賠造不及。又無合式船隻雇募。該丁應兌之米。准其將因災派減幫船。赴次受兌。仍歸該幫行走。其船仍令賠造。派入減存。下年接運。○八年定。失風拆板漕船。已歷五運。例應賠造。因丁力艱難。派入輪減。俟下年賠造接運。○又定。回空漕船因風失火。押運通判降一級留任。地方文職照例。罰俸一年。○十一年奏准。失風事故船隻滿號之年。照並無事故軍船之例。一體免其雇募補運。○道光八年議准。嗣後漕船遭風。除天津關以南。仍由漕運總督照例覈辦外。天津關以北。無論軍利船隻。如有失風事故。概令報明地方官查實。結報。一面將溼米帶壩呈驗。方准買餘抵補。如旗

丁捏報。或地方官扶同徇隱。一併查參。若僅據營汛運弁呈報。並無正印官加結。亦未呈驗漕米者。仍照挂欠之例辦理。並勒限購米運交。儻有不完。照例治罪。○又定。各省幫船。在大江大湖黃河。遭風漂沒。如係應行豁免者。該督撫照案先行奏明。一面確勘會題請豁。○咸豐七年定。江安。江蘇。浙江。江西。湖北。湖南等省漕船。停泊在各州縣地方境內。嚴飭各該州縣。協同該幫官弁認真稽查。毋許該丁攬載漁利。私行盜賣。捏報風火損壞。希圖改造。遇有滿號及風火事故。由地方官及該幫看減千總會勘明確。出具切結。移送該管守備加結。詳由糧道叢明。轉詳報部。○又定。各省漕船。停泊在各州縣地方官境內。如有官丁私行拆變。捏報損壞。希圖改造。地方官不親詣勘驗的實。扶同蒙混。遽為加結呈報者。革職。如無蒙混。不即會勘。經該管上司查參。或別經發覺。船數在一隻以上。降一級調用。五隻以上。降二級調用。十隻以上。降三級調用。若勘驗明確。僅止失於查察。罰俸一年。如正犯丁役潛逃。限百日拿獲。逾限。降一級留任。

再限一年緝獲。准其開復。限滿無獲。照所降之級調用。○又定。旗丁私行拆變漕船。捏報損壞。該幫看減千總。並不申報勘驗。扶同蒙混。均革職。其並非扶同蒙混。而因循怠玩。不即申報勘驗。數在一隻以上。降一級調用。五隻以上。降二級調用。十隻以上。降三級調用。若勘驗明確。僅止失於查察。每隻罰俸一年。船隻照失火燒毀例著落弁丁賠補。

試辦河運。○咸豐八年

諭。彭蘊章等奏會議海口米石分成仍歸河運。請飭有漕各督撫籌畫試行一摺。海運漕糧。本屬一時權宜之計。現在瓜鎮克復。江路已通。運河設法挑濬。人力可施。黃河一帶。商船停泊不少。自應將糧石酌分成數。河海並運。以圖經久之規。著何桂清。庚長。李鈞。邵燦。趙德。轍。晏。端。書。崇。恩。按照所奏。各就地方情形。通盤籌畫。本屆如何試行。即於海運漕糧內分定成數。改歸河運。儻因趕辦不及。須俟來年。亦應豫為籌定。惟所稱以三成試歸河運。以七成仍由海運。河運米數。未免太少。能酌加成數。更為妥善。○同治三年

諭。吳棠奏東南軍務大定。擬試辦河運等語。據稱江北

各屬均以河運為便。惟停運有年。漕艘久廢。若設法雇用民船。慮難鈐束。並沿河一路。緯隄插壩。浮送能否無虞。亦難逆料。現擬於清淮軍需捐款內。動銀購米三萬石。解赴通倉。試行河運。著照所請。即行採買米石。雇備民船。由河道運送通倉。所有轉運事宜。並江省應行經過河道。均著飭令該地方官妥速經理。一俟議定章程。即行具奏。並著鄭敦謹將糧艘經過河路之緯隄插壩。有無應行修整挑濬。即飭沿途管河官弁一體迅籌備辦。用利運行。如能執行無滯。來歲江北新漕。即由吳棠等仿照辦理。以復河運成規。

○四年奏准。江北一帶。出產秬米無多。應紅白兼收。秬和並運。○又奏准。民船耗米。按漕斛每石給予一升。員役船戶食米。另行寬為備帶。其倉耗二升。照案隨正交倉。○又奏准。河運民船。非沙船可比。應委員分幫押運。掣取上兌回批。並添派大員赴通照料。仍按船各封樣米三分。加貼印花。帶通呈驗。以憑查覈。○又奏准。米船酌帶貨物二成。免其納稅。惟洋藥一項。仍不准私自攜帶。如查有夾帶者。照章捐釐報稅。以示限制。○又奏准。兌交斛收。均以漕斛。應將淮安

府鐵斛。攜帶赴通較對。○又奏准。江北漕糧。每石折收銀二兩四錢。全數解司。以一半按部價。每石銀一兩四錢解京。其餘一半。採買秬和。約計米價需銀二兩有餘。以解部例價外之節存銀一兩。又益以例支漕項。行月贈給丁等銀。作為一半河運之費。計尚不敷。再由外籌補。事竣分別報銷。○又奏准。試行河運。事屬創始。買米按照市價開報。水脚按照石數給發。所有插壩緯輓席片等項。未能豫計。統俟事竣後。彙同米價報部。○又奏准。船戶水脚及神福犒賞。每石給銀六錢。為數較多。惟係初次試行。不得不稍寬雇價。暫以六錢給發。嗣後不得援以為例。○又奏准。河運民船。係徑運通州。其剝費雜費兩款。自可毋庸批解。惟經紀箇兒錢一項。前經倉場奏准。每石給銀二分。今解交倉場衙門彙收覈辦。○五年

論 東省河道。乃行漕最要關鍵。上屆東省所挑加運兩屬各工。不無多費。而米船仍係繞湖而行。本屆糧艘自應入湖行走。現在江省已遣員分投購米雇船。漸有頭緒。亟宜將運道豫籌濬築。不得畏難推諉。致誤

漕行。○又奏准。河運途長日久。日食較多。兼之盤剝折耗。實有不敷。嗣後船戶食耗等米。每運米一石。給耗米二升。○又奏准。漕船過清江後。沿途水勢深淺不一。遇有淺處。即在途酌雇利船起運。以利進行。一面分咨各該督撫。轉飭守河營員地方官弁。按站防護。趨運抵通。○又奏准。漕船所帶貨物。應以裝米輕重價值科算。如裝米三百石。帶二成土宜六十石。其貨物價值。不過銀一百二十兩。回空之船。帶成本銀五百兩之貨。均以置貨發票為憑。由糧道飭委查明。按船開單黏發護照。經過關卡。查明免稅。驗照放行。○又奏准。河運漕船到東。業經立秋。恐難回空。即在臨清雇船接運。轉送通州。令南船趕早回空。免誤受兌。○九年

論。江北漕船。行抵八里廟一帶。節節阻滯。現在水勢消涸。抽溝剝運。業已無及。擬籌雇民車。改由陸路運至臨清。再行接運。自應如此變通辦理。即著分飭江安糧道運河道等。趕將已到臨清之米一萬餘石。立即裝載開行。其未到漕米。務當星速催齊。一律轉運。並籌備船隻。隨到隨裝。不得再有遲延。○又

論。本年江北河運。始因出口處天旱河涸。裝兌較遲。至

行抵清江。輒運尚速。惟入山東境內。因大泛都山兩口及微山獨山等湖。節節淺阻。而鄆城縣之江船口隄埝潰決。安山張秋一帶。輒運艱難。加以今年黃水消落較早。以致守候月餘。並無卸貨逗遛之事。該糧道於東境河道情形。未能熟悉。漕船阻滯。事出有因。尚非遷延貽誤。即著免其查議。嗣後江北河運事宜。該督撫等仍當飭令經手各員。迅速辦理。毋得再有遲誤。○又奏准。雇船裝運。換船接運。神福犒賞等項。每裝米一石。開支銀七錢。近年銀價日見昂貴。

改支錢八百文。分別酌給。○又奏准。解通輕齋席木銀兩。廳倉茶果及箇兒錢。仍照章批解倉場衙門兌收。此外一切陋規雜費。概行禁革。所有剝價等項。照案毋庸批解。○十年

論。張秋築隄束水。查勘情形。礙難辦理。現擬將沮河頭車家樓民埝堵塞。添築攔壩圍隄。並將鄆城屬之七里舖民圩隄埝。加築堅厚。添鑲護埝。其八里廟臨河民埝。及王家垓兩處。分別添築內隄大壩。所籌尚屬周妥。惟黃流變遷靡常。必須就目前水勢地形。熟籌審辦。方不至虛糜工費。徒託空言。即著飭令派出各

員實力興辦。總期於漕船未到之先。一律修濬妥協。免致臨事張皇。以重漕務。○又

諭

現在黃水挾汶東下。安山以北。毫無來源。擬導衛水。濟運於臨清。衛河入運。及張秋。清黃將接之處。各建一插。俟漕船將屆渡黃。蓄高衛水。使之南行。並擬於張秋淤高之處。挑深丈餘。增培兩岸。以為運河口門。將安山以南運河。一律挑濬深通。黃水盛漲。即由安山入鹽河。至漁山上駛。以達張秋。可免繞坡渡黃之險。漕運關繫京倉要需。亟宜設法迅辦。即著派員前往詳細查勘。妥速辦理。至侯家林決口。現當水涸之時。及早堵築。尚易為力。仍當趕緊籌辦。務於年前興工。將該處決口迅速堵塞。並將淤墊運道。一律疏濬。俾來歲江北漕糧過境。得以暢行。毋得畏難遷延。致干重咎。○又奏准。漕船未渡黃以前。嶧縣境內之大泛口。為山水經由之所。一遇暴漲。則迅流急湍。水退之後。則沙淤停積。水深不及二尺。河底碎石縱橫。最礙舟行。必須由山東認真挑挖。深四五尺。並將近灘石堆剷除。與河底配平。方利行駛。自大泛口而北。則有滕縣境內之郝山口。為入湖要道。淺而且窄。又有微山湖內之王家樓

滿家口。安家口。獨山湖內之利建插。南陽湖以北之新店插。華家淺佛插。南旺插。分水龍王廟。以北之劉老口袁口插。處處淤淺。或數十丈。或百餘丈。亦須逐段勘明。一律挑濬。方可無阻。○又奏准。黃水穿運之處。漸從而南。自安山至戴家廟三十里。自戴家廟至八里廟二十二里。運河舊有之隄。盡被黃水衝破。缺口極多。需用剷船下旋。以立之根。然後漕船繳關。步步上移。十里鋪姜家莊道人橋等處。又極淤淺。須由山東設法。一面於淤阻處極力疏濬。一面於運隄各缺口排釘木椿。貫以巨索。俾漕船經過有所依傍。牽輓不至失事。○又奏准。渡黃以後。張秋至臨清二百餘里。河身有高有下。其疏導之法。須量河身高下。一律深通。再於黃流已長未落之時。即下插板蓄水。以免消耗。或就平水南插。迤東築一挑水壩。引黃入運。○又奏准。漕船經由東境一千數百里。向歸嶧縣。魚臺。濟甯。東平。東阿各州縣封雇船隻。以備起剷之用。而地方官相距甚遠。兼顧不遑。嗣後責成管河廳員。雇備剷船。小者裝米三十石。大者至百石為止。一遇

1. 續修四庫全書 史部 政書類 四四六

漕船淺阻。斟酌起剝。由糧道按石給發飯錢。至
插夫亦改由河員招集。一併由糧道給予工食。
○又奏准。東平州運河之西。有一鹽河。倚山為
障。為東省鹽船所經要道。漕船若由安山左近
繞入鹽河至八里廟。仍歸運道。計程二百餘里。
較之徑渡黃河。難易懸殊。如漕船行抵安山。適
遇黃流迅猛。止宜變通改道。應自安山三里堡
入鹽河之路。豫先勘明何處平順。先立標竿為
誌。○又奏准。漕船經行河道。或遇水小載重。偶
有阻滯。必須先期籌備剝運。所有滕縣嶧縣魚
臺沛縣四處。責令滕嶧二縣會辦。濟甯東平汶
上嘉祥四處。責令濟甯州專辦。八里廟以下。責
令東昌府專辦。由司籌撥船價銀兩。先期雇備。
候漕船到時。由該府縣帶領同行。遇淺即剝。分
定地段。嶧滕送至濟甯。濟甯送至八里廟。其八
里廟以下。由東昌府送至臨清。板橋為止。各
專責成。○又奏准。蘇松等各府州屬冬漕米石。
前均由河運赴通。自道光初年。及咸豐同治等
年。俱係由海運津。惟權宜之策。不如規復舊章。
現在試辦河運。已有江北成法可循。所有鎮江

府屬丹陽金壇二縣錢漕。仍折收抵徵。錢文易
銀解司。約可採買米二萬石。分辦河運。責成糧
道趕赴天津。俟海運事竣。即至通州交兌。河運
米石。○又奏准。重運經臨。泇河同知於曹家水
工微山湖蒲村內昭陽湖華家莊迤北止。計程
八十七里。安設水站三撥。派令弁兵導行。每撥
大船一隻。每隻水手六名。行緯船十八隻。每隻
水手四名。共九十名。每名日給飯食銀六分。又
黃水穿運。糧船繞坡行走。捕河廳通判於東平
汛迤北之三里堡起。至水南插對過入運止。安
設十撥。派令弁兵導行。每撥大船一隻。水手六
名。行緯船六隻。每隻水手四名。共三百名。日給
飯食銀六分。所需經費。均由該同知等捐辦。毋
庸另行籌款。○十一年奏准。民船承運江北漕
糧。賠累過甚。於例給耗米二升外。加給二升。○
又奏准。東省運河。安山三里堡乾運河淤河。必
須挑挖。二道撥缺口。尤須堵閉。漕船繞過戴廟
橋至五空橋行走。至下十里堡淤河。亟應興挑。
姜家莊乾河淤灘。必須開通。馬家陸家單薄缺
口。亦須堵閉。沈家口乾運河淤灘。均應挑深。由

諭

積水插繞入西坡。至八里廟入張秋口門。攔黃壩淤河至高家林缺口。及官隄大小缺口。並須挑堵補築。方可束黃入運。堵挑各工銀二萬九千餘兩。籌款撥發。嚴飭挑濬修築。以利漕行。○又奏准。河運每石酌帶餘米七升。隨正交倉。以備虧折抵補之用。本屆米數較多。經費難籌。僅帶餘米一千石。如有餘存。仍行交倉。虧折不敷。即以上屆存倉餘米作抵。以重正供。○十二年。本年江北漕糧。仍辦河運。東境河道阻塞。所有漕船經由戴家廟馬家口一帶。及張秋至臨清等處淤塞地方。又荷澤臨濮菓汎各口民堰衝缺處所。亟應分別疏濬堵合。著將漕船經行河道。趕緊豫籌修理。以利轉運。毋稍延誤。○又奏准。山東省豫籌來年南漕。經行河道。勘估戴廟插舊運河及十里堡等處淤墊。並隄埝殘缺各工程。亟應挑築。又東阿陽穀聊城堂邑博平清平六縣。量挑長河工段。切實估計。需銀四萬四千餘兩。籌款發給委員。會同地方官切實辦理。○十三年。江北漕糧。停辦河運一年。○光緒元年。奏准。江南省江甯淮安揚州徐州通州四府一州起運漕米。仍行河運。

共米十萬五百十三石九升九勺。分派委員雇齊船隻。照章分作前中後三幫。各州縣將米運赴寶汜水次。驗兌開行。○三年。奏准。本年江北回空漕船。由衛河行抵臨清。天氣嚴寒。河流枯絕。不能入運。即在衛河停候。汎漲。任各船戶載貨謀生。經過地方。暫免徵收船料。至船內貨物稅釐。仍照常徵抽。俟來春汎漲南旋。即行停止。○七年。奏准。山東省八里廟黃運口門。因上游水勢南趨。來源微弱。酌在陶城埠地方開挑新河。漕船由十里堡出。插入黃。順流至陶城埠。徑達阿城插進口。○十二年。奏准。江蘇省酌提漕米五萬石。試行河運。一切章程。參仿江北辦理。開支運費。不得過部定每石一兩二錢七分。數。即將海運案內向給沙船水腳暨節省耗米等款。為河運經費之用。如有不敷。由漕項內通融湊抵。以期無誤漕行。○又奏准。江蘇省歷辦海運。俱係起運杭米。此次試辦河運。因江陰丹徒等處河水淺涸。瓜洲至揚州一帶。亦難行駛。飭屬在寶應設立水次。採買私米。紅白兼收。責成河運局員詳加驗兌。不得撓和潮溼。○又奏

准本年蘇屬漕糧四起。江北漕糧十起。需船七百號有奇。運道綿長。船多水缺。實已大費周章。來年即照案制運五萬石。能否足資浮送。尚無把握。惟河運本行漕舊制。現又奉旨逐漸擴充。明年蘇省河運。擬增米五萬石。合之本屆試辦之五萬石。共成十萬石。

欽定大清會典事例卷二百十

戶部

海運分或等運

食耗等米

封雇船隻 驗收並兌 改折雜費 籌備賠補

分成籌運○道光五年

諭。上年江南高堰漫口。清水宣洩過多。高寶至清江浦一帶。河道節節淺阻。於本年重運漕船。大有妨礙。屢經諭令欽差尚書文孚等。會同兩江總督及河漕諸臣。妥商籌辦。均以清水來源本緩。一時難期暢注。而重運瞬即前進。未便停待。懇請引黃入運。藉其浮送。此固不得已權宜之計。雖添築插壩。鉗束盛漲。自可無虞。泛溢第黃水挾沙而行。過後必致淤墊。恐目前偶資濟運。日久貽患滋深。終非善策。從前海運之說。愚據臣工條議。有謂可以試行者。亦有謂斷不可行者。迄無定見。朕思江蘇之蘇松常鎮。浙江之杭嘉湖。等府屬。濱臨大海。商船裝載貨物。駛至北洋。在山東直隸奉天各口岸。卸運售賣。一歲中乘風開放。每每往來數次。似海運尚非必不可行。朕意欲將各該府屬應納漕米。照常徵兌。改雇大號沙船。分起裝運。嚴飭舵水人等。小心管駕。伊等熟悉水性。定能履險如夷。所有風濤之警。盜賊之事。亦可無慮。惟事係創始。

辦理不易然不可畏難坐視漠不相關著魏元煜顏
檢張師誠黃鳴傑各就所屬地方情形廣諮博採通
盤經畫悉心計議毋存成見務將如何津貼沙船旗
丁不致苦累雇用船隻有無騷擾閭閻抑或隨船均
須派委員弁照料護押及各該屬由何處水次兌運
開行抵北時灣泊何所以便起卸運通之處一一熟
籌據實具奏候朕裁酌施行至江廣幫船應否同江
浙漕糧一體轉運海口俟江浙等幫海運著有成效
再行歸併籌辦亦著一併議奏○二十六年

諭漕糧為天庾正供支放攸賴每歲京倉應放俸米甲

米各項共需漕糧三百數十萬石顆粒不容短少亦
不能暫緩時日太倉舊時積蓄因歷年漕糧短額均
已動放無存覈計各倉現存糧數僅可放至新漕抵
通之時是明年漕糧必需四百萬石至少亦須三百
七八十萬石方足以敷支放近年以來各省歲運額
漕逐年短少江南一省江安蘇松兩糧道所屬緩缺
尤多似此有減無增年復一年伊於胡底且以京師
官兵俸餉立等發給之款儻因漕糧缺額以致發領
不能足數彼時即將該督等加以重懲亦豈能補救
萬一朕軫念民隱凡各省奏請蠲緩無不立沛恩施

江南地方近年即有偏災朕亦不必遽疑為捏報惟
本年懇請蠲緩者竟至五十餘州縣之多或因辦理
漕務冗費繁重藉此為體恤地方之計豈竟置京倉
於不顧耶因思海運章程道光六年辦有成案現當
整頓漕務清釐幫費之時著該督撫通盤籌畫如可
仿照前章確有把握即統覈漕糧實數每歲酌分幾
成改由海運於道光二十八年為始庶漕費可以節
省而州縣等亦不致藉此捏報災荒致虧倉貯○二
十七年

諭所有道光二十八年蘇州松江太倉二府一州漕白

糧米准其改由海運○三十年奏准江蘇省蘇松常
太三府一州應徵白糧正耗米七萬二千石零
援照二十六年成案由海運津○咸豐元年
諭所有來年蘇州松江常州鎮江太倉五府州漕白糧
米著准其一律改由海運○二年

諭黃宗漢奏籌議新漕懇請試行海運一摺本年浙江

漕船開兌過遲最後各幫延至九月下旬甫經輓運
出境即使截剩回空斷難如期歸次受兌所有來歲
新漕亟應變通辦理以免貽誤著照該撫所請改由
海運以期迅速並准將原辦河運各費併歸海運支

銷一切章程。即由該撫督飭司道慎重籌議。妥速奏辦。○三年覆准。白糧米質柔嫩。最易發熱變色。此次先撥寬大沙船。於第一次全數裝運。各該商船務將白糧全裝麻袋。堆架船艙。毋得散放在艙。致令氣鬱不宣。蒸潮微敗。儻有疏率。惟承辦之員是問。○六年議准。江蘇省應運五年漕糧。已截留二十萬石。供支兵餉。其實在應運漕白正耗及支贖給丁餘耗米石。共計七十五萬五千餘石。令即如數起運。不得短少。其歉緩南漕等米。並令各該州縣。於本年秋成後。按限徵完。搭運。○七年奏准。京倉開放。杭米一項。不敷甚鉅。應令江浙二省漕糧。提前趕辦。明歲及早抵津。並嗣後漕糧。不准以撫恤為名。率請截留。○同治二年奏准。江蘇省新復地方。減成酌徵。冬漕統共起運漕白正耗等米十二萬二百餘石。隨給沙船耗米九千八百三十餘石。一律由海運。○十二年咨准。輪船協運江浙漕糧。自應分別先後。挨次裝運。嗣後滬局派給糧米時。即將某日兌收某項糧掣給兌米收單。其裝運之次序。即按兌收之先後為準。仍於米袋之上。籤用

某省漕白糧米字樣竹牌。以示區別。○又咨准江浙兩省派裝輪船糧米。為數既多。寡不同起運。亦遲早不一。自應於上棧時。由滬局派員認真監兌。兌竣。即由輪船商局製給收米回文。滬局即為嚴事。至以後如何裝船。如何起運。俱由商局隨時覈辦。滬局不再與聞。庶免牽制。封雇船隻。○道光五年

諭琦善等奏請將蘇松常鎮太四府一州應徵道光五年分漕糧。全由海運。並議定運送兌收各章程。一摺。海運事宜。前據琦善於抵任後。飭令藩司賀長齡赴上海查看情形。會同妥議。茲據奏現雇有沙船一千餘隻。三不像船數十隻。計春夏兩次。可以運米一百五十餘萬石。著照所請。將蘇松常鎮太四府一州新漕。並緩帶漕糧。由海運抵津。○又覆准。封雇民船。大小多寡。總期裝運適用。毋得概行封禁。致累商民。○咸豐元年覆准。上屆海運漕白各糧。上海沙船不敷運送。開雇外省登船。及三不像等船。一併裝載。今屆僅運白糧。需船無多。全用上海結實寬大船隻。並照案取具該船戶船行承攬保狀。存案備查。○二年

諭來年浙漕海運係屬創始。豫雇船隻最為緊要。除由該省自雇北運商船外。其不敷船隻。應由上海添雇。著兩江總督江蘇巡撫派委妥員。幫同辦理。○三年議准。本屆浙江漕糧海運所需船隻。除甯波船三不係船。由浙省自行封雇外。其上海之沙船。及直隸之衛船。山東之登由子船。由浙省派員赴滬。設立總局。會同蘇省委員。不分畛域。一律封雇。以資裝運。○又

諭著直隸山東各督撫。速派幹員。封備衛船。並著奉天府府尹及各督撫。確查各處海口。如有甯波商船停泊。押令迅速回浙。聽候封雇。裝運漕糧。不准胥役人等需索滋擾。致生事端。○五年議准。江浙兩省運送漕糧。應需船隻若干。趕緊多雇沙船。如甯衛各船未經進口以前。浙糧到滬。即將所雇沙船隨時移送。毋得稍分畛域。致有停兌之虞。○同治五年

諭浙江本屆新漕米數較增。尤須多備船隻。俾敷裝運。著直隸總督山東巡撫。即飭產船各地方官。儘數挑選堅實東衛等船。趕緊駛赴上海。協運俾免貽誤。○又奏准。浙江省海運封雇商船。於例給水腳之

外。每石酌增銀一錢五分。以資津貼。○十一年奏准。嗣後海運白糧抵津。由各該糧道自雇民船。剝運赴通。毋庸在津候驗。

諭海船押運到津。經紀人等難免需索刁難。著軍機大臣屆期奏請。欽派一二員。前往驗收監兌。○又

諭海船到津。為日甚速。著兩江總督於初次兌竣。沙船將次開行時。由四百里馳奏到日。即請欽派大員前往天津查辦。○又覆准。沙船進口日期。無論何處奏報總以奏報先到之時。即奏請

欽派大員前往天津。庶起卸從容。不致遲誤。○又覆准。由天津轉運通壩之米麥豆石。並北倉截卸之漕糧。或係地方官兌收。或係坐糧廳督率經紀兌收。均由地方官派委佐貳等員。帶同兵役押送到壩。查驗起卸。庶船戶夫役人等有所畏懼。不致有偷漏攪水等弊。○又議准。商船裝運蘇松常鎮太四府一州屬漕糧一百五十餘萬石。分作兩次運津。計每次運米七十餘萬石。運抵天津東門承辦。各員多備剝船。增添人夫。斗斛由驗米大臣察看情形。督令剝期兌收完竣。

不得遲滯。又奏准海運漕糧上海為總匯之地。屆驗收兌裝之時。派委道府丞倅四員。先於各州縣剝船到次時。會同蘇松太道逐一盤驗。必須乾圓潔淨。升合無虧。秉公斛量兌收。又諭著於兌運時。派委道府大員等逐一盤驗。將米樣貯筒。黏貼印袍。交沙船帶津。以備欽派驗米大臣查對。又

諭江蘇現屆新漕啟徵商船陸續歸次。來年二三月間即可次第兌運開行。著責成蘇松督糧道會同蘇松太道查驗米色。兌交商船。並封貯樣米。隨船帶赴天津。由交米委員送交欽派大臣比對米色。按冊交收。其到津以後過剝事宜。責成坐糧廳帶同經紀人等一手經理。押運赴通。所有江省交米委員在津將漕糧兌給剝船。即已交卸竣事。毋庸再至通倉。以免推諉。又奏准每船於正米內提出樣米一斗。裝儲木筒。黏貼印袍。即交沙船帶津。所派道府於驗米後。各帶佐雜一員。由陸路趕赴天津。俟沙船一到。將原封米樣稟請驗米大臣。在於沙船比驗。一經交兌剝船。即與沙船無涉。又覆准海船運米到津。起剝後即與沙船無涉。惟既經查驗

如係微變。應由海船賠補外。如僅靠幫挨底。或受蒸潮。尚不至於微敗之米。難以一概挑換。即記明數目。分別挑收。儲入倉或先行搭放。亦可。此項潮潤未經微變之米。不可與乾潔好米夾雜混淆。應於海船起卸時。由在津驗米各員將起剝米石。分別乾潔潮潤數目。另行書立冊檔二分。以一分存於驗米各員之手。以一分移送在壩收米之坐糧廳。並將裝運剝船編立字號。由驗米委員給予該船米色數目。船戶姓名印票。轉令該船將所裝米石。按照印票米色數目。自行書寫旗號籤識。以便沿途查催押運各員一目了然。到壩時。由坐糧廳查檔對票。以憑收受。其乾潔米石。如受潮潤及潮潤米石。如再微變。或另有偷漏攙和等弊。以致米色米數不符。嚴究懲治。並令經紀船戶分賠。又奏准剝運到壩。由駐通之倉場侍郎督同坐糧廳大通橋監督會同大通橋抽查御史親詣查照存記。米樣比對。如米色不符。及查有攙和偷漏積壓等弊。立將押運之經紀。拏送刑部嚴懲。著賠並將督辦沿途稽查不力之文武員弁一體查參。

○六年

諭海運沙船已陸續開出十漉地方候過二月初八日風信即可開行著派穆彰阿於海運沙船進口後前赴天津會同倉場侍郎驗收隨帶司員即自行酌派隨往○又奏准每船另裝樣米一筒蓋貼印花帶赴天津照驗兌竣一船即將司道會印三聯執照截給一張所有船戶者舵姓名以及縣分米數詳細註明以憑稽覈至領給水腳之後即令船戶給州縣米結一紙委員亦給兌單一紙存照○二十八年奏准各船樣米原備收兌時考較之資惟木筒裝盛米色易至受罨轉不足為查驗比對之據應仿照白糧辦法以麻袋裝儲黏貼印花交沙船自行攜帶俟到津日由江蘇委員呈送驗米大臣查對○又

諭米石潮溼用藥使水其弊不可勝言前經倉場侍郎查出潮溼米船業將該船戶代役等分起咨送刑部著該部即嚴行審究加等治罪此後如再有潮溼米石之船並著即行送部一律懲辦○咸豐元年覆准上屆海運一百九萬餘石係在省城及上海兩處分設總局今屆海運白糧七萬餘石不及上

屆十分之一毋庸設立省局其上海雇船交兌等事照案設局委辦以專責成○二年奏准本年浙江省杭嘉湖等府所屬有漕州縣均被災歉其成熟田地因禾苗缺雨米質未能純潔所有熟田漕米俱令紅白兼收私稅並納○又奏准明年海運應由駐通倉場於五日奏報摺內聲明每日起運米均符三萬石之數並轉飭駐通坐糧廳將每日起米若干石卸船若干隻按日開報驗米大臣以便查催而免積壓○又

諭定例漕糧抵通坐糧廳驗收起卸每日應起米三萬石本年海運剝船通壩驗收每日僅一萬餘石或二萬餘石以致剝船停泊待驗積壓至二十餘里之遙該坐糧廳並未遵照例限如數斛收致令航海沙船不得及早回空辦理殊未妥協著交部議處仍著倉場侍郎嚴飭該廳員等隨到隨驗以速補遞儻仍復遷延或縱容經紀人等故意刁難為需索地步即著據實嚴參其大通橋各官亦飭一體遵照迅速轉運毋任再有稽延○又奏准嗣後令駐津坐糧廳將所取經紀各甘結按日申報驗米大臣以憑查覈並令駐通坐糧廳臨時切實查究如有偷漏攬

和等弊。係由經紀拏獲。則責令剝船獨賠。治剝船以應得之罪。若經紀並未查出稟究。或通同作弊分肥。則責令經紀剝船分賠。並各治以應得之罪。此後由壩運橋由橋交倉。如有短少潮溼。均惟經紀車戶是問。不得牽涉外河剝船。更不得牽涉原裝沙船入倉以後。如有灰黯微變。則責令該倉賠補。治花戶以應得之罪。不得牽涉經紀。更不得牽涉剝船。應由駐通倉場於五日奏報摺內。將米色米數。切實聲明。以免日後牽混。○四年奏准。海運米石。自剝船起運以後。乘閒使水。應令駐通倉場侍郎。於剝船抵通時。嚴飭坐糧廳認真查驗。遇有潮溼米石。該侍郎刻即親赴剝船。驗係實有使水情弊。訊明經紀拏獲者。酌量情形輕重。分別奏咨。即將剝船送交刑部。照例加等治罪。如係經紀故縱使水。通同舞弊。即將經紀一併送交刑部。並令大通橋御史照例抽查。一有潮溼米石。即行駁回。仍將經紀送交刑部。均照例加等治罪。毋稍寬縱。○六年議准。江蘇省海運。向於省城上海天津三處設局。各委司道守丞等員分任其事。而以縣

佐裏理一切。惟漕白糧米。均須乾圓潔淨。應令司事各員認真查驗。不得稍有攙雜。以昭慎重。○九年議准。江蘇省漕運。向係杭米。今屆節候。尚早。秬米漸熟。秬米尚未登場。應仿照浙江成案。秬米並納。惟米色米質。必須認真挑選。毋許濫收濫交。並嚴防攙雜。秬等弊。仍令將實在起運秬米若干。秬米若干。先行咨部。並飛咨天津驗米大臣。以憑稽覈。○又議准。向來沙船到津。隨驗隨起。按數給照。不令稽留。此時已屆深秋。商人趕運到津。尤宜迅速。兌收。如江蘇委員尚未抵津。頭批米船業已進口。即由天津驗米大臣督飭司事各員。先行驗收。俾得及早回滬。憑照領價。○十一年議准。今屆蘇省起運米數無多。非往屆正運可比。應援照歷年正漕完竣後。續到漕白米石。由天津道驗收。運通成案辦理。毋庸奏請。欽派驗米大臣。其天津驗收事宜。責成天津道認真經理。通州驗收事宜。由倉場侍郎照章辦理。○同治九年

諭。明春江浙海運漕船抵津。著戶部先期奏派倉場侍

郎一員。早日赴津。會同直隸總督安籌辦理。其通州驗收轉運事宜。即由留通倉場侍郎一手經理。毋庸另請派員以專責成。○十二年奏准。嗣後海運江浙漕糧。改由該糧道自行運通。交納毋庸在津驗收。○又咨准。漕糧派裝輪船。應由滬局先期酌派縣分候各縣運米到後。即填單知照輪船商局酌派執事。至南馬頭會同詳驗。如米色一律乾潔。方准收兌。再由輪船局押赴浦江東棧斛收。儻米涉潮雜。即由海運局監兌委員押令分別風晾更換。○又咨准。輪船裝運之米抵津。即飭知津局各員。董於二月十五日以前。提前驗收。以免壅滯。○又咨准。沙甯等船承運糧米。向由滬局填給三聯印單。以備抵津後憑單交米。此次輪船裝運之米。以三千石作為一船。即填給聯單一紙。由津局稽覈。惟沙甯等船向有領銀領米各結。而輪船即以收到銀米回文為憑。毋庸再行具結。庶為簡便。○又咨准。輪船裝運漕米。俱用麻袋。以便易於起卸。抵津驗收米石後。仍將麻袋交輪船帶回。以備下次裝盛之用。食耗等米。○道光五年

諭酌給沙船耗米一款。著即於例給旗丁耗米十八萬餘石內動放。所有節省耗米六萬餘石。並令隨同起運正耗米石一體運送抵津。○又奏准。沙船食用折耗。每白糧一石給耗米一斗。糙米一石給耗米八升。又諭。剝船自津赴通。盤量不無折耗。有例應給丁耗米十八萬餘石。業經奏准撥給商船十二萬餘石。尚有節省耗米六萬餘石。除此項搭運節省耗米內。應劃給商船外實存米五萬九千六百餘石。隨正起運赴津。所有天津剝船盤耗飯米等項。即於此項節省耗米內酌量撥給。著倉場侍郎會同直隸總督安議辦理。○又覆准。明年海運到津起卸。議將漕糧折耗於每石一升外添給五合。至白糧米質鮮嫩。折耗較重。應每石給耗米一升八合。○六年奏准。官剝船戶食米。按其水程。每百石給予本色食米一石一斗五升。○咸豐元年。覆准。貼給沙船耗米。係豫備交卸折耗。抵補正米之用。應由各屬自行購備白米。隨正兌交。至節省給丁餘耗。盤耗等米。係撥補災缺兵恤等糧。毋庸春辦。即將此項米石與節省春耗米及運船水手飯米。

概以糙米存儲候撥。所有前項各款米石細數。除於交兌正糧時。開造實存冊結。專案報部外。仍令於白糧奏銷案內。逐款分析題報。○又覆准。沙船耗米。原備交兌折耗之用。儻有贏餘。俟於抵津交足正項後。再行變賣。如有在本地售賣者。即將賣戶買戶。均行責懲。如州縣折給錢文。立予參辦。○二年覆准。剝船食米。係給船戶飯食之用。每漕米一石。給食米一升一合五勺。每石折給銀一兩四錢。通倉經紀耗米。係備赴通折耗之需。每漕糧一石。給耗米一升五合。白糧一石。給耗米一升八合。均以洪斛合計。此二項本係米款。准其備帶本色。以免周折。計本年海運漕白二糧一百四萬六千二百餘石。共需食耗等米二萬七千九百餘石。隨正兌交沙船一律運津。按交倉米數。分別兌交給發。○三年議准。向來江省海運沙船。貼耗經紀暨貼耗剝船食米。均於旗丁應得耗米內劃給。此次浙省海運。所有前項耗食等米。亦在旗丁耗米內開支。覈計本年漕糧給丁耗米。共七萬九千三百四十九石三斗一升九合三勺。內除給商船貼

耗四萬六千一百十八石八斗七升六合四勺。經紀貼耗八千六百二十三石八斗六升八勺。天津剝船食米六千五百三十九石七斗七升八合七勺。外計賸漕白耗米一萬八千六十六石八斗三合四勺。內白糧賸耗。應將春耗歸糙。該申米二千四百五十四石七升一合四勺。共賸耗米二萬五百二十石八斗七升四合八勺。令一併由海運津。毋庸糶變。以重倉儲而供支放。○四年奏准。現在採買米石。由天津道雇人斛收。經紀既不承運。毋庸撥給耗米。應同新增剝船食米一併作正交倉。○又咨准。江蘇省金山等縣截漕等米。雖係正供。然並無經紀在津斛收。與採買事同一律。所有各船備帶經耗米石。令一併作正交倉。仍將正米若干。耗米若干。分析報部備查。○五年議准。沙船食米一項。抵津之後。除有虧短。徵變飭令賠補外。如有贏餘。應由驗米大臣給價收買。務使沙船得露餘潤。概不假手胥吏。致有剋扣。該省於米船裝兌之時。務飭委員認真查驗。毋許折價。並嚴禁水手人等沿途售買。○九年議准。所有本年餘賸耗

米一萬九千二十七石零。即令留撥兵米造冊報銷。○又議准江蘇省每年起運白糧七萬二千餘石。現飭該商董於採買數內慎選好米照額春辦白糧全數附運。例支春耗。即令合作糙米統算。○同治七年奏准在南省來年漕項內籌添剝船耗米。無論正漕籌備。每百石照經紀耗數酌減。即按食米之數。給予一石一斗五升。隨船配帶。並仍照經紀之耗米。隨正交倉。設有短欠。仍照定章賠補。先在船戶名下比追。如實在無力賠補。再由該道查明短欠數目。詳明倉

場。即將交倉之耗米劃抵彌補。其贏餘之米。仍行儲倉。○八年議准商船應得耗米。務令全給本色。行抵津次後。嚴禁該船私糶分剝。仍照案由津局按照市價收買三成。不准短缺。○又奏准此項剝船耗米。按照戶部添撥耗米之數。購辦一半。每百石籌備添撥贖耗米五斗七升五合。按正漕備帶米數。籌款購足。隨正抵津交納。○十二年咨准向來沙甯各船承運漕糧。每石給耗米八升。白糧每石給耗米一斗。飭令運津以補正米之不足。仍將漕糧商耗覈出二成。白

糧覈出三成。由津局給價收買。隨正交運。此次輪船裝運之米。仿照一律辦理。如正米或有虧短。即由輪船商局照數賠補。

改折糶變。○道光六年

諭江蘇省各年緩帶米石。前經該督等請隨同新漕一併搭運。惟該省本年起運全漕米數甚多。民間蓋藏未裕。現值青黃不接之際。自應量加調劑。以恤民艱。著加恩將該省海運應行搭解緩漕米石。即飭藩司按照時價出糶。俾民食有資。所糶銀兩。剋期提解。司庫報撥。儻倉米未能一律糶不足數。即責成收儲之

員照價賠補。○又奏准蘇屬徵存積年緩帶漕米。已留本省糶濟民食。所有此項贈五等米九萬八千七百餘石。本係節省所餘。並非正米。應一併留省。按照時價每石銀二兩二錢五分。出糶提銀解歸道庫。另行報撥。○咸豐三年奏准江蘇省漕白糧米。由海運津。已驗收八十萬五千四百餘石。其未到漕米一萬八千四百餘石。照京倉折放米石。杭米每石一兩四錢之數。飭糧道折價交納。派員解部。○又議准浙江省本屆海運餘贖耗米。前令一併由海運津。毋庸糶變。原

為籌備倉儲起見。今據該撫奏稱。浙省自上年災歉以後。民食不敷。請將前項餘賸耗米。照每石價銀一兩。由浙糶變報部候撥。自係實在情形。所有該省餘賸耗米二萬五百二十石零。仍照前奏。每石價銀一兩。糶變。即將價銀趕緊報部。○四年議准。現據兩江總督等議。將交倉白糧正耗米五萬五千三百二十五石五斗九升。與漕糧一律折徵。仍採買足數。由海運津。應如所奏辦理。務須慎選乾潔好米。兌交沙船。限三個月內全數抵津。所請將盤春二耗及給丁餘耗等米三萬二千九百六十二石一斗七升九合二勺。照河運作正開銷之處。查與河運定例相符。其應行節省漕項銀兩。及隨漕費錢。並調劑旗丁各項。均即歸入改折案內彙辦。分析報部查覈。○六年議准。江蘇省兵恤等米。均係計口授食。礙難短少。所有短缺米七萬餘石。應照成案。按每米一石。作銀一兩。改折本色。即以漕費儘數抵支。並於節省給丁餘耗等米內。照數撥足。糶變折給。○七年覆准。江蘇省節省給丁餘耗。同贈五盤春二耗等米。除支銷外。為數有限。

即抵補被災被兵案內缺額兵糧。並飭屬糶變為籌補災缺南糧之用。免其隨正起運。○同治二年奏准。江蘇省松太等屬減價折徵。每石收足制錢六千四百五十文。一切公費均在其內。由官買米。由海運津。○四年議准。浙江省白糧向係照額起運。今歲田禾被淹受傷。經該撫奏明。將白糧一項。剔荒徵熟。蠲緩之數。以漕糧抵額。辦理。應令其就數起運。此後不得援以為例。○五年奏准。江蘇省收漕折價。議定完本色者。每石加收餘耗。以三斗為率。折色者。年內每石以四千五百文為率。年外以五千文為率。如遇銀米昂貴。不得不與時變通者。於應徵時。奏明辦理。本年蘇松各屬收成中稔。米價較上年稍為平減。所有折色米價。及本色應加餘耗。即照市價酌量變通。今屆冬漕。完折色者。每石制錢三千二百文。加公費錢一千文。計較上年減收錢三百文。其完本色者。裁去應餘耗三斗。亦改交公費錢一千文。如遲至年外。仍無分本。折加收錢五百文。以為辦公之用。○八年議准。隨徵節省給丁餘耗。及贈五盤春運食等米。除開支。

白糧春辦米石及漕白項下隨運沙剝經紀耗食並籌備二升餘米外所贖無幾即照章糶變撥抵沙船水腳及神福犒賞等項之用至糶變米價向係每石提銀二兩同治六年奏明提銀一兩九錢七年奏明提銀一兩八錢本屆與七年市價不甚懸殊仍提糶價銀一兩八錢飭屬就近全數糶變以抵運腳等項

籌備賠補○道光五年

諭海運漕糧無故短少徵變如有所梳鬆船傷斃人口情事自應奏明免其賠繳並照例優卹如無故短少

徵變即令於備帶耗米內補足如再不敷勒令買補

○又覆准剝船受兌後向立承攬甘結開明米數若干並無潮溼短少到壩後如數交收並將船戶腳價飯米折色並津貼等銀共計應得若干先於受兌後發給七成其餘三成包封彙交押運員弁領帶俟到壩後查驗並無偷漏短少及攙水潮溼等弊再行發給如有短少潮溼即將包封三成銀兩扣抵賠補米石及挑涼之費仍按律懲處再各縣剝船每十隻有船頭一名每百隻有總船頭一名船戶作弊均由船頭主

使勾串如各船有前項情弊其三成銀兩扣抵之外再有不敷即責令船頭賠補仍飭押運員弁沿途稽查如有前項情弊詳明究辦儻毫無覺察致船戶作弊一併叅處如該員弁等因有酌留腳價在手任意扣抵及給發時有絲毫剋扣情弊查明嚴辦○二十八年

諭李星沅等奏海運未到船隻請先行收買餘米交兌

等語海運沙船進口八百餘隻其未到各船當亦接踵而至惟現在南糧將次到津自未便因守候海運尾數致令剝船擁擠所有海運未到米石該督等擬

令查明籌買補額交兌著委員等照數辦齊顆粒無虧即責成朱鳳標德誠如數驗收奏報○又

諭剝船虧短米石請旨查辦當交朱鳳標德誠確切查

覈茲據該侍郎等奏請分別賠補並另片奏籌防弊端各等語該剝船虧短米石雖訊無經紀串通情事究屬承運不慎著即查照成案責令經紀剝船分別賠補其經紀應賠之米即於耗米內扣除再將餘米留抵掣欠至剝船應賠之米著責成海運總局清河天津兩道即行追繳總於沙船卸米未經竣事以前一律搭運不准稍有遲延短缺所有各船戶虧短至

六石及六石以上者。除按數追賠外。仍行枷示河干。以示懲儆。惟剝船由津運通。數日之中。輒敢虧短米石多寡不等。其積弊已可概見。儻不嚴行防範。則乾潔必藉口於收縮足數。又不免使水攙和弊端迭為乘除。實屬可惡。嗣後著駐通倉場侍郎。於剝船起卸米石。如稍有折耗。即照前案。責令經紀剝船各半分賠。若每船短至四石及四石以上。並查有潮溼攙雜等弊。即將短絀潮溼米石最多之船戶。先行送交刑部。嚴究懲辦。一面咨行天津。迅速賠補。○咸豐二年。覆准運米船隻。如在洋遭風。除斫桅鬆艙驗明。

糧貨俱損。仍奏明豁免外。如貨物並未拋棄。獨棄官糧者。雖鬆艙屬實。短少米石。仍令賠補。○三年。

諭。此次江蘇省海運漕糧。除起運正耗米石外。尚有應行剝運米二十餘萬石。節省銀三十餘萬兩。借領司庫銀十五萬兩。該省實徵確數。業經奏報在先。截漕米石。亦係留作軍食。何以遲延至今。諉稱民欠。所有此項銀米。著怡良許乃釗查明經手各員及辦漕各州縣實欠數目。按成分賠。即照部定期限。嚴催交納。如再延宕。即著該部嚴參懲辦。○四年。議准江蘇省。

各屬未完漕米二十餘萬石。節省銀三十餘萬兩。借領司庫銀十五萬兩。前經奏請責成。該督撫等查明各州縣實欠數目。按成分賠。勒限嚴催。米則一律運倉。銀則報部候撥。現經該督等查明實數。除震澤等縣已運米一萬一千餘石。長洲等縣已將節省糶變米價及借領水脚銀七萬餘兩。湊解軍餉。並歸還司庫外。尚有陽湖等縣已報未解銀二千九百兩。華亭等縣徵解不符銀三萬五千六百餘兩。勒限一月。埽數解清。如逾限不完。即行奏請革職監追。查抄備抵。

此外各屬欠解銀米實欠在民。例得帶徵。並非無著之款。亦不在應蠲應緩之例。概自咸豐四年新漕為始。分作兩年帶徵。嗣後再有拖欠。稽延。即將各州縣從嚴參辦。○又奏准。應屆海運到津。短缺米石。俱由津局委員。於給商耗米內。買補足額上倉。乃該商船耗米。往往沿途食用。到津總不足額。上年浙省商耗已無可買。當向蘇省商耗買補。今屆蘇省漕糧稀少。恐浙省有需買米。現飭局員籌備正米五千石。給商耗米四百石。另雇衛船一隻承運。其餘分交原運漕。

糧各船加裝帶運各填給三聯單一紙註明米數令其一律開行赴津交兌以備抵補缺米之需如海運順風穩速米數毫無缺少或抵補缺少之外尚有贏餘即一併交倉以實儲備○又議准船戶裝運金山縣續運截漕在洋遭風並未折桅傷人應令全數賠繳以每石一兩六錢迅速勒限繳足買米運通交納○五年奏准官剝船戶並無身家遇有賠補之處恐致稽延現將當堂所給剝價等銀每船十四兩餘內酌留四兩黏貼印花封交委員帶通呈由駐通驗米大臣倉場侍郎查無弊端即行當面找給儻有偷漏使水等情即將該船戶及承管十船之船頭應找之銀一併扣抵以為賠補米石之用仍將船戶經紀代役照例加等治罪○八年議准此次起運米數較之上屆已屬加多所有緩缺之米若再令籌補足額未免民力拮据應毋庸另議籌補○九年奏准海運米內籌備一項係該省自行添辦以為彌補商船失風缺斛之用如有贏餘向由該省自行變價歸款或酌量存倉留抵來年短缺本年浙江冊報有籌備米一

萬石飭令先行抵正運通俟續到商船再行撥歸原款存倉至各商船應有餘米除抵正運通外江蘇尚餘糯米七十石六斗八升四合五勺浙江尚餘糯米一百三十四石此項餘米應歸入籌備項下存倉留抵各該省缺斛即由戶部倉場另檔存記以為來年抵補之用○同治六年奏准江蘇省商船五號共計拋棄糧米六千六百九十餘石均應於蘇省本屆籌備餘米項下如數補足不准顆粒短少其另船受溼漕米俟抵津後由驗米大臣認真驗收儻米質受傷不堪儲備亦即於該省餘米項下一律撥補足數如餘米不敷撥補即責成該省委員買補足額○又議准江蘇省沈元茂商船領運吳江縣米石有水手沿途盜賣捏報遭風之事該船戶等承運官糧於優加水腳後仍敢肆意偷竊應由該督撫飭屬認真研訊按律奏明懲辦至辦運各員以督不畏法之船戶率行雇覓保領牙行率行出結實屬不成事體應即查取職名從嚴參處○七年奏准浙江省補運上年採買賑米同時抵津此項米石應歸天津道驗收運通

惟值正漕喫緊之時。剝船不敷分派。因一併飭令抵正兌收。統俟正供交足之後。將後到之米分別撥還歸款。○又奏准籌備抵正米石。其應解隨漕銀兩。照海運正漕之例一律批解。○八年議准。所有加給經紀津貼銀兩。仿照從前扣留剝價由通給發之例。由天津道將每起津貼經紀銀六十兩零。按起包封黏貼印花。發交駐壩委員收存。每起米石驗畢。如果乾潔無虧。即由駐壩委員呈交通州驗米大臣倉場侍郎當堂發給。如米色不佳。米數短少。即由驗米大臣等酌量扣留備抵。○十二年咨准各口貿易。向由洋行保險。此次商局置備輪船。堅固精良。毋庸保險。途中如有鬆船等事。即按照沙甯各船章程辦理。

欽定大清會典事例卷二百十一

戶部

海運收買捐辦沿途採辦漕糧受兌放洋期

飭回空稽查催趕剝船斛袋

收買捐辦○道光六年

諭海運現已陸續到津。沙船餘米不下十萬餘石。前經降旨。照南糧餘米例。聽天津民人照市價收買。茲據英和奏。沙船宜令速歸。趕運二次米石。恐該商等希圖賤價售買。觀望不前。請由部動用銀二十萬兩。官為收買。著順天府即派委委員赴部領銀。分起解往天津暫存道庫。並著穆彰阿等於正米收竣後。即傳諭江南委員。如有船戶願賣餘米。聽該處民人照市價收買。償該處不能銷售。即動項照市價官為收買。其價銀由江南委員轉發船戶。毋得假手吏胥。致啟勒捐短發諸弊。俾沙船得以早歸。毋誤二次接運。○又奏准收買餘米。即由江南委員按船將收買餘米數。印單報坐糧廳。兌竣正米之後。即斛收此項餘米。仍將實收若干。知會江南委員照數發價。以歸簡速。如有情願賣與民人者。仍聽其便。其剝價及津通一切經費。悉照海運章程辦理。

理事竣分別報銷。○二十九年覆准此次請辦捐米原為籌備京倉儲積之需。秬米一項較各米質地堅實堪以久儲。自不容秬稂攙雜致滋流弊。惟專收秬米誠恐市價騰貴不得不量為變通。並收秬秠查漕糧秬米向抵作秬米支放。應照秬米酌加二成以一石二斗抵秬米一石。作銀四兩。務令揀選乾潔堅實之米。方准報捐。即於各捐生名下分析註明捐何項米色若干。合銀若干。並造送船號米數各冊內亦須註明某船裝運某捐生何項米色若干。以憑查覈。

咸豐二年覆准餘米一項。道光六年係官為收買。二十八年係令商船自行變賣。此次沙船抵津交兌時。應由江蘇派出駐津糧道察看有無應須賠補。覈明米數稟請驗米大臣隨時酌辦。○三年議准沙船餘賸耗米。道光六年係官為收買。二十八年及咸豐二年係自行變賣。此次浙省沙船餘米到津驗收時。除徵變虧短飭令該商等將此項米石賠補外。仍有贏餘。或照道光六年成案。官為收買。或照上兩屆成案。自行變賣。應俟驗收大臣臨時體察米色之能否乾

潔。價值之能否平減。分別奏辦。如大幫已到而尚有尾船未至。即由該省交米委員籌買補足。交兌以速運務而免缺額。其尾船如本未開行。即飭知該船戶由南繳價。如有續行到津船米。是否官為收買。抑或自行變價還款之處。統俟臨時察看情形酌量辦理。○五年議准如各商船能於餘米之外多帶秬米到津售賣。並令驗米大臣秉公定價。務使商有餘利。毋任吏胥剋扣。致令商船畏阻。○六年覆准氣頭船底。歷屆海運均由直隸總局派員收買。原係防商船攙和之弊。本年海運於直隸總局派員收買之外。並飭令該省糧道揀派隨帶委員。將氣頭船底認真起除。秉公收買。仍於直局酌派廉明委員一二人。專司稽查。毋許市僧抑價。亦毋許商船私自攙和。以肅運務而恤商情。○九年議准此次滬商運米赴津。豫抵新漕。首在簡捷迅速。毋庸另設省局滬局。即由司道督率調度。邀集熟悉運務紳董。令各號商措墊資本。分赴產米之區採買乾圓潔淨好米。迅即運回裝兌上船。仍由蘇松太道覆加盤驗。不准稍有攙雜。

採辦漕糧。○同治七年奏准福建省購米十萬石。由輪船運赴天津。經過各關口免徵釐稅。查驗放行。○又奏准江蘇省田捐採買米三萬石。試用夾板船運津。○十三年奏准江西省在滬採辦漕糧八萬石。交招商局由海運津。每石腳價銀二兩七錢。共需銀二十一萬餘兩。不敷之項。於未經辦運漕項各款內酌提支銷。○光緒元年奏准湖南省漕糧採辦正耗米二萬三百四十五石。由海運津。剝兌通倉交收。○又奏准湖北省採買漕米三萬石。交招商局由海運津。

按照起運正漕三萬石之數。在漕糧正米折價款內動支銀三萬九千兩。此內尚有不敷。即於濟運之隨淺水腳兌費項下開支。由該糧道查照江浙成案覈實報銷。

受兌放洋期限。○道光五年

諭初次沙船在上海兌米。著即儘船受兌。不必拘定分勻二次配運。以免遲誤。○咸豐元年覆准各屬運米到滬。至遲不得過二月初十日以前。儘有逾違。或水腳等銀不齊。即將該州縣嚴參。○又覆准沙船駛至山東洋面。不准稽留停泊。仍限於二

月十五日以前。由上海一律開行。勒限於三月內全數到津。儻州縣兌遲。則參州縣船戶開遲。責成船主賠運。○三年

諭江浙海運前有旨。令倪良燿總司其事。疊次飭部飛催。正擬此時。已可開船出洋。何以遲至今日。始奏稱漕米遲滯。勒限嚴催。耶該藩司。如果及早催徵。將延誤之州縣。先行嚴參懲處。亦何致相率效尤。輒以軍書旁午。花戶不前。藉口推諉。現在江浙各屬運米到滬者。為數尚屬無多。似此觀望遷延。必至貽誤正供。各將誰歸。著即嚴飭各州縣。趕緊運米赴滬。勒限二

月內。埽數運到。剋期放洋。儻各屬再敢託詞。有意遲誤。即行嚴參。必當從重拏問治罪。以儆玩延。○又奏准咸豐二年海運報完日期。係在五月十九日。比較道光二十八年。早完一月有餘。辦理甚為妥協。但在津驗收之遲速。總以沙船抵津之早晚。為憑。務須提前趕辦。隨驗隨裝。隨裝隨運。催令連帆北上。能得一次裝運齊全。更為簡捷。儻必須兩次接運。即令第一次儘船裝足。及早放洋。以後絡繹開行。前牽後搭。不必拘定兩運成數。以免守候稽遲。其首先抵津船隻。即飭趕緊

騰空及早回南找裝第二次糧米總期五月以前兩次船米悉數抵津迅速辦理愈早愈妙○四年議准江浙兩省應運本屆漕糧前令統於年內運赴海口派船裝兌一俟開春即行放洋北上務使來歲三月內全數運津及早驗收毋稍遲誤○五年議准海船行駛全賴南風司令若遲至秋後不但行走稍遲且恐洋面失事此次海運務令於三月內放洋抵津儻有遲延查係州縣兌遲即將州縣嚴參船戶開遲即將者舵究處毋任貽誤○九年覆准江蘇省漕米擬先運四五十萬石自中秋後起至十一月陸續放洋赴津交兌惟將來由津抵通時節候漸遲晷刻漸短所有通壩應用口袋車船均須先事備齊免致臨時貽誤

沿途段落道里○第一段海船自上海縣黃浦口岸東行五十里出吳淞口入洋繞行寶山縣之復寶沙迤至崇明縣之新開河計一百一十里又七十里至十澍是為內洋十澍可泊船為候風放洋之所隸崇明縣屬○第二段自十澍開行即屬外洋東迤一百八十里至佘山一名

蛇山又名南槎山係荒礁上無居民不可泊但能寄棹為東出大洋之標準係蘇松鎮所轄○第三段自佘山駛至大洋向正北微偏東行至通州呂泗場對出之洋面約二百餘里水深十丈可寄棹從此以北入黑水大洋至大洋稍對出之洋面約一百四十里係狼山鎮右營所轄又北如皋縣對出之洋面起至黃沙洋港對出之洋面約二百六十里又北泰州對出之洋面起至黃家港對出之洋面約二百二十里係狼山鎮掘港營所轄又北至鬪龍港對出之洋面約二百里又北至射陽湖對出之洋面約一百二十里係鹽城營所轄又北至黃河口對出之洋面約一百二十里係廟灣營所轄黃河口稍南有沙埂五條船行遇東風則慮淺閣宜避之又北至安東縣灌河口對出之洋面約九十里係佃湖營所轄又北至海州贛榆縣鷹游門對出之洋面約一百八十里係東海營所轄計自佘山大洋以北起至鷹游門對出之洋面止約共一千五六百里統歸狼山鎮汛地凡舟行過佘山即四顧汪洋無島嶼可依行船用羅盤格

定方向轉鍼向北略東行如東南風則鍼頭偏東一箇字如西南風則鍼用子午查江南余山與山東鐵槎山南北遙對謂之南槎北槎行船應用子午正鍼因江境雲梯關外迤東有大沙一道自西向東接漲甚遠暗伏海中恐東風過旺船行落西是以鍼頭必須偏東一箇字避過暗沙再換正鍼此沙徑東北積為沙埂舟人呼為沙頭山若船行過於偏東一直上北便見高麗諸山故將至大沙外仍須偏西始能對成山一帶也○第四段行過鷹游門對出之洋面往北即山東日照縣界山東水師南洋汛所轄又北至文登縣之鐵槎山一名北槎山自余山至此始見島嶼又北至文登縣之馬頭嶺入東洋汛界經由蘇山島靖海衛及榮成縣之石島養魚池石島居民稠密可泊惟島門東南向春時乘風易入難出自鷹游門至石島約六百餘里大洋中雖航工以鍼盤定方向猶須常用水托水托者以鉛為墜用繩繫之探水取則也每五尺為一托查十墩開船試水自十托至二十托上下行過余山試水均在三十托上下順風二

日餘均係黑水再試至十托上下即知船到大沙洋面行過大沙試水漸深至五十托上下視水綠色則係山東洋面順風再一日試水二十托上下水仍綠色遙望北槎山及石島一帶山頭隱隱可見再行半日即至石島洋面此商船赴北一定鍼路也○第五段自石島至俚島洋面約一百六十里俚島至成山洋面約一百四十里俱榮成縣地為南北扼要之所可泊水綠色鍼盤仍用子午略偏東從成山轉頭改鍼向西略北入北洋汛界至文登縣之劉公島約一百里又西至威海衛一百餘里又西至福山縣之之罘島一百里又北至蓬萊縣之廟島二百里以上自石島起至廟島止約共九百餘里之罘島西北一帶有暗礁船行偏東以避之又廟島之東有長山頭淺灘宜避試水在十五六托至二十托不等船至廟島以東南風為大順計東省洋面共一百零五島中有二十五島最為海道要地而廟島尤大可以停泊○第六段自廟島過掖縣小石島即入直隸天津海口約九百里鍼對大西偏北沿途試水在十四五托再

試水至六托上下水黃色水底輒泥即可拋錨候潮進口約計天津海口逆流輓緯一百八十里即抵天津東關外總計海運水程共合四千餘里

巡防護送○道光五年

論沿海水師會哨巡防除由該督臨時移行該提鎮將備統巡分巡外著山東直隸各督撫轉飭沿海水師提鎮各按汛地多撥哨船分派將弁兵丁巡防護送並著該督屆期奏派武職大員二人押坐商船赴津以資稽考○又奏准上海交兌之時由該督撫等先

期咨照浙江提鎮水師營出哨招寶陳錢一帶地方江南提鎮水師營出哨大小洋山會於馬迹山山東總鎮出哨成山石島會於鷹游門以資彈壓護送○又奏准江南省商船出吳淞江由寶山崇明至余山東駛繞出五道沙外洋轉東越過東省交界之鷹游門直走東大洋即交山東水師所管南汛洋界大洋中千餘里並無山島可泊直至即墨縣之勞山文登縣之北棧山始見島嶼如無風便暫須收泊則在日照縣之夾倉口膠州之古鎮口均可寄棧膠州之

唐島即墨縣之青島海陽縣之棉花島乳山口等處皆可停泊再至文登縣之馬頭嘴即入東汛洋界經由文登縣之蘇山島靖海衛榮成縣之龍口崖養魚池均可寄棧至榮成縣之石島俚島即可收泊轉過成山頭向西駛即入北汛洋界經由文登縣之劉公島甯海州之崆峒島文登縣之威海衛甯海州之養馬島福山縣之之罘島八角口黃縣之黃河營岬島蓬萊縣之廟島掖縣之小石島皆可收泊即達直隸鹽山縣大沽河出境計東省洋面共一百五島明年漕運經行可寄錨收泊者此二十五處島嶼最為海道要地其間居民叢雜宵小易藏較之洋面巡防尤關緊要自應分派弁兵嚴密巡查以資彈壓○又奏准水師洋面膠州南汛管轄一千六百八十里成山東汛管轄三百九十里登州北汛管轄一千七百七十里內除赴關東洋面三百三十里外實在洋面運道三千五百一十里至水師營額設戰守兵五百三十五名戰船十隻船二隻戰船每隻配兵四十名船每隻配兵三十名向由營員督率官弁管駕

每年三月內出洋巡哨九月內回哨歷年已久
島嶼安靜惟海道與河道不同重運出洋乘風
逐浪四散分馳勢不能銜尾聯幫防護尤為至
要自應責成該管遊擊守備督率弁兵於糧船
入境之先將島嶼險要之處詳細接查迎護糧
船入境小心巡防護送互相稽查偷安怠惰者
隨時參辦仍令登州鎮屆時前往沿海一帶督
查以昭慎重○又奏准南北東三汛額設戰船
十隻糧船二隻內南汛二號戰船一隻北汛八
十兩號戰船二隻均飭令速行修理備或辦理
不及即就近雇覓堅大商船暫時應用以為巡
哨之需沿海礮臺墩臺損壞者作速估修俾防
守兵丁得有棲身之所一切器械逐件查點務
一律整齊適用○又奏定巡防章程一東省戰
船巡哨向係三月出洋九月回哨此次防護糧
船總以接到江南咨會將運漕船隻定於何時
開洋豫先行知所有南北東三汛戰船於明歲
春融後即行配兵出洋巡查不必拘定三月九
月之限一東省洋面南自鷹游門入境北至直
隸鹽山縣大沽河出境所有三汛巡哨戰船俱

派赴各該管洋面梭織巡查遞相護送南米漕
船既由吳淞江出口自必避五道沙繞出大洋
不由鷹游門行走而鷹游門為入東海防要地
仍令該管之南汛戰船照舊巡至鷹游門交界
洋面以昭周密一巡哨船隻分派備弁等官應
立統巡分巡名目並按所管汛地作為專汛兼
轄應由登州鎮派定出巡咨明立案以專責成
其巡哨弁兵如敢任意停泊怠惰偷安從嚴參
究一漕運經行海道凡可以寄旋收泊之島率
多居民雜處難保無宵小匪徒妄生覬覦應令
登州鎮於漕運將到之時擇其最要各島另於
陸路各營就近酌撥千把員弁帶領兵丁數名
或十餘名視島嶼之大小定兵之多寡分駐要
隘嚴密稽查如有匪徒立即拿辦一沿海各島
漁船務遵定例於造船時申報查取漁甲族鄰
保結印烙字號給予執照開明年貌籍貫十船
編為一甲由汛口驗照掛號始准出入一沿海
設立礮臺墩臺各處每相距二三十里且有遠
至六七十者僅撥三五兵丁殊不足以資接
應飭令沿海各州縣於相距較遠礮臺墩臺適

中之地設立卡房一二處酌撥壯役五名就近再由營撥兵三名在彼巡守以期與礮臺墩臺汛兵聲勢聯絡再兗州鎮之武定安東二營亦有沿海口岸向設水師官兵於洋面例無責成應令登州鎮屆期酌派官兵於沿海口岸陸路一體嚴密稽查以歸周而○咸豐四年

諭昨經降旨令怡良等派令狼山鎮總兵泊承陞督帶師船於海運沙船放洋時護送出口惟天津進口時仍須有江浙武職大員會同稽查更為得力著怡良許乃釗黃宗漢於江浙兩省水師內迅速揀派武職

大員酌帶兵丁隨同海運沙船頭起先來天津與所派文員稽查彈壓○五年

諭海船北駛以余山石島為寄棧之所以牛莊為裝卸貨物之地盜艇伺劫多在該三處口岸必須嚴行扼守始能保護新漕前據何桂清奏甯波上海商人各僱用火輪船一隻以一隻駐泊余山以一隻在南洋梭織巡護本日復據邵燦奏由商捐雇網梢船二十隻與浙江商艇合力守駐余山是南洋盜艇當可絕其來源其北洋牛莊石島等處亦應豫籌扼堵著英隆書元崇恩嚴飭水師將弁實力巡哨認真勦捕務

使匪船無從窺伺以利漕行至海運沙船自十激放洋後向派武職大員長途押護據該漕督奏稱徒滋糜費自係實情此次海運即毋庸專派水師大員著怡良吉爾杭阿何桂清崇恩責成沿海水師逐程護何處見有盜艇即將何處水師員弁參辦不得互相推諉致有疏失○六年議准現據甯商滬商各捐

置火輪船一隻在東南洋面巡緝應令該省局員諄飭甯滬各商遇新漕裝兌開行時即將所雇火輪船隻分別扼要巡防並飭網梢船勇會同師船出洋巡護仍嚴飭各鎮將督率員弁認

真防範逐程遞護毋稍鬆懈○八年

諭現在江浙兩省漕船業已開行洋面恐有疏虞必須妥為護送山東師船不敷分布著何桂清趙德轍即飭令前派輪勇各船於漕船北上時跟蹤護送並令到山東洋面巡緝以壯聲威至江省護漕師船著遵照舊章飭令送至石島洋面交替明白方准南旋以重漕運

催飭回空○道光六年

諭販豆係該船商常年本業且海船利於壓重不能駛放空船自應准其照常往販惟尚有二次兌運必應

迅速南下著奉天府尹飭各該地方官俟商船到彼即令置貨開行毋得勒指並飛咨經過直隸山東各省轉飭沿途海口催令南歸毋任逗遛貽誤○又

諭本日據陶澍奏截至二月二十一日止共兌正耗米

一百一十二萬二千餘石惟通計米數有一百六十三萬三千餘石各船不敷裝載不能不分兩運一過春夏之交南風司令北船回滬較難惟恃初運船迅速回權得資趕辦晉昌等接奉此旨即飭各該地方官俟商船一到即令置貨開行毋得刁難勒指並飛咨經過各省轉飭沿途海口催令迅速南回趕辦二

次兌運此為至要○又

諭陶澍奏請飭催沙船以速海運據稱現計存米尚有

三十餘萬石專待前船回權方能全行起運其辦運員役人夫亦須及早竣事方可裁撤以節經費等語穆彰阿接奉此旨即將現到沙船加緊剝運愈速愈妙並迅速收買餘米俾沙船得以早歸無誤二次接運○七年奏准商船交米之後攬載回南即令趕緊南駛其南來商船亦飭迅速卸竣回南免致誤

運

稽查催趲○道光五年

諭剝運米石抵通後轉運京倉仍恐經紀車戶人等尚

有偷漏積壓等弊屆時著派步軍統領衙門文武員弁沿途往來稽查以昭嚴肅○又覆准剝船分起運通沿途文武營汛員弁稽查催趲毋任剝船無故逗遛亦不許將米石顆粒上岸以杜偷漏攙和之弊○二十八年覆准剝船抵通如查有攙和偷漏等弊由倉場衙門將承運之經紀舞弊之船戶分別奏咨送交刑部嚴行懲辦按數追賠其剝船每隻除船戶外尚有水手四名足數撐駕回空接續後運○同治四年奏准剝船受

載後飭令委員蓋用灰印嚴密封卸於沿河地方酌分十段委員晝夜分巡復派楊村通判河西務同知就近實力催查以杜弊端○六年奏准運河東岸地方素為船戶舞弊之所專派文武員弁會同地方官嚴密訪查○八年奏准揀派總理封艙記印委員外復另派職分較大者一員總司稽查受兌一切事宜○又奏准自津至通分作四站派委文職四名按站節節催提俾得迅速轉運○又奏准隨帶司員按日分作四班輪流前往兌撥封艙處所留心考察如該

委員等意存玩忽或有別項情弊即行查究
剝船斛袋○道光五年覆准官剝民船按裝運
米數覈發剝價並於駛抵水次時先行逐船查
驗排幫編號分剝安頓事務紛繁必須在水次
親身經理天津縣有應辦地方事宜僅堪總司
出納未能久駐河干專心管理即仿照楊村起
剝章程在龍王廟設立總局遴委丞倅二員帶
同佐雜數員由天津縣酌派書役專駐局內俟
剝船到日驗收記檔以一百六十隻為一幫製
備旗幟書明第幾幫第幾號船戶姓名令其挨
順停候所有設局派員經理由該督遴委委員
辦理其收發各款銀兩仍責成天津道專轄其
事奏銷時由該藩司天津道詳覈造報不得諉
卸於丞倅佐雜各員俾出納均歸覈實○又奏
准向來每日用斛八十隻起米三萬四五千石
若海船起米仍照每日三萬數千石之數必致
稽遲有誤豆汎此次添製斛一百隻俾敷起卸
並由地方官多雇人夫應用○又奏准例設口
袋十八萬條分撥插壩各處以敷輪轉惟海船
起米勢難敷用現添製口袋五萬條專備天津

起米之用○又覆准直隸省額設官剝船二千
五百隻內分撥故城等處備剝船二百隻又留
給楊村八百隻下餘一千五百隻豫期齊集天
津排列沿河備用仍按照歷年剝運奉米等項
雇用民船數目從寬籌備分飭沿河州縣雇覓
堪裝漕糧二百五十石民船五百隻連官剝船
共成二千隻以備裝用如首次海運抵津之期
已將屆豫東軍船回空之候查明北倉尚有滯
漕未經運兌即暫留剝運滯漕俟剝運完竣即
留津備剝海運漕糧設盤壩南糧軍船連舢入
直約計楊村所存剝船不敷輪用或再添雇民
船或即於所雇五百隻之內抽撥應用仍隨時
察看情形酌辦○又覆准海運白糧仍照向例
備帶麻袋交海船裝運俟到天津查驗米色另
行起卸上岸專用民船裝載責令押運官帶同
白糧經紀並兵役人等照料運通俟起卸後經
紀自行轉運進倉交納至白糧到壩向須掣秤
明年天津起卸若照向年過秤必致遲延應改
用斛收以期迅速○又覆准商船首次抵津是
時清口盤壩之南糧尚未北來無須起剝官剝

船額設二千五百隻。加以添雇民剝海運到津之糧。儘數撥運。商船首次抵津時。先儘最近之天津府縣倉廩廟宇。暫行撥卸。一二十萬石。其餘米石。令剝船徑行運通。隨後將天津府縣倉廩廟宇所儲漕米。即行運通。毋庸轉卸。北倉致多周折。商船更得早日回南。不誤往來裝運。至商船二次抵津時。計盤壩之米。亦應北上。需船剝運。儘不敷用。即將二次到津之米。先行剝儲。天津府縣倉廩廟宇。如不敷卸儲。再行剝儲。北倉。隨令原剝船隻。將所儲米石。儘數運通。如彼時剝船足敷裝運。即照起剝首次商船米石章程辦理。不必分儲北倉。更屬簡便。○又覆准石壩起卸漕糧。每年額製口袋十八萬條。令倉場侍郎轉飭坐糧廳親身點驗。截記不得稍有偷減。亦不得以稀薄者充數。至添置口袋五萬條。木斛一百隻。所需各價。均於通濟庫給發。趕辦。惟添置之袋。應由坐糧廳查驗。截記寫明添置字樣。添置木斛亦眼同較準烙印。以便起卸。用竣時。報部覈辦。○六年奏准。每縣帶解制斛十面。經用道府印烙。到上海時。仍由道府各員將

領頒鐵斛。眼同船戶較準。即令該船戶畫押。再加監兌委員印封為據。○二十八年覆准。本年海運漕糧。併為一次運津。因轉剝不及。援照暫卸北倉章程。辦理自屬可行。惟北倉截卸。由船入倉。復由倉入船。終不如徑行運通之為直捷。現經會議。令於二月內。全數放洋。原期迅速。竣事。剝船裝運。以一百六十隻為一起。約裝米四萬石。抵通交卸。按照海運起米章程。計算每起四萬石。不過一日。即可起卸清完。今官剝民剝兩項船隻。已有二千七百隻之多。誠能於通壩

一到即驗。一驗即收。則輪轉裝載。既無轉剝不及之虞。即不致有入倉出倉。輾轉紛繁之慮。應由倉場侍郎。飭坐糧廳。於剝船抵通之時。趕緊驗收。俾令迅速回空。藉資周轉。不准稽遲。致滋延誤。如果沙船一時併集。實形壅滯。再由驗米大臣。察看情形酌辦。○又奏准。常年河運白糧。係由旗丁自雇民剝運通。現在官剝船恐不敷用。此次海運白米。計共五萬二千餘石。俟運通時。即全數雇用民剝。以示區別。而昭慎重。○又覆准。此次海運期於一起完竣。自應先期寬為

籌備剝船現已調用官剝一千九百隻。雇用民剝八百隻。較之道光六年海運撥雇船隻有贏無絀。將來剝船抵通應令倉場衙門一到即驗。一驗即卸。自足以敷周轉。儻江蘇辦理海運不能如期。而河運南糧已到。計其時天津驗收海運漕糧總可起運過半。如楊村酌留剝船不敷。河運南糧之用。或酌分起剝。海運漕糧之剝船。或再添雇民船。臨時相機辦理。毋庸截留東省軍船。以歸簡易。○又奏准海運漕白糧米。天津斛收最關緊要。上屆用存木斛僅餘十五隻。應照式添造八十五隻。查天津府庫舊存部頒鐵斗。向為豫東小米較斛之用。現飭各屬自備漕斛。用上海縣庫鐵斛較準。由監兌委員驗明印烙。加黏印花。給沙船帶赴天津。並將部頒鐵斛。隨同委員解往。以便與天津鐵斗倉場木斛呈請驗米。大臣督同較驗。用昭畫一。○咸豐元年覆准白糧首重米色。應飭各屬慎選好米。於運送時。籤派親信家丁。妥為照料。先防剝船偷竊。攪水諸弊。每米一石。概用加重麻袋一隻裝儲。並襯黃表紙二層。縛緊袋口。加貼印花。到滬後

責成局員驗明。如有印花破損。黃紙潮溼。以及升合不足者。勒令州縣將米易換。至所需剝船水脚。照案由屬自備。亦於封條之上。註明住日。給錢若干。剝米一石。給錢若干。以免差役擾累。迨米上船之後。責在船戶。今將原袋運送。儻到津查無麻袋。或有潮溼攪和虧短。即令船戶賠償。與州縣無涉。仍於上海交兌時。由委員認真查驗。公同封取樣米。飭交沙船帶津比驗。○又覆准各屬運滬米石。由上海縣先期將奉部頒存鐵斛為式。做成木斛多張。較準後。呈送糧道烙印。留於上海局應用。一面將部頒鐵斛交給天津委員。由旱路帶赴天津。仍由各屬於剝運時。各備烙印木斛。兌米完竣。即交沙船帶往。務須每船各帶一二張。以備到津應用。○二年奏准起米。口袋例定歲製十八萬條。原足敷用。而起米遲延。總藉口於口袋不敷。輪轉推求其弊。一由於經紀侵蝕。偷減致令缺額。一由於橋倉阻滯。周轉不及。致令積壓。明年海運。亟宜各清各弊。隨時嚴懲。如橋有積壓。當參橋監督。倉有積壓。當參倉監督。橋倉均有積壓。一併查參。若

均無積壓而每日起卸不及三萬石之數。是原備之口袋顯有缺額。當參坐糧廳。並令倉場侍郎轉飭坐糧廳。務於辦理先漕事宜時認真檢驗。不得缺少。更嚴飭橋倉各監督迅速轉運。毋許車戶花戶人等故意留難。致滋遲誤。如有前項弊端。立予究辦。○九年議准。江蘇省海運漕糧向俱備帶鐵斛赴津較對。現因上屆運米所用鐵斛尚未解回。飭令頭批起運米船攜帶上海縣較準木斛赴津較準。先行開兌。仍轉飭赴津委員請領糧道衙門之部頒祖斛帶津聽憑較對。俟該委員等帶斛抵津時。即由天津驗米大臣認真較驗兌收。○又覆准。春閒置買新袋八萬條。搭配上一年舊袋縫補湊用。現已起竣。漕米一百六十餘萬石。查看實已虧朽。亟宜添置。惟此項布疋向在保定大莊地方改機定織。刻下趕辦不及。已在附近地方設法購覓。成做新袋三萬條。隨後再由大莊源源購買。其春閒所置及補用新舊口袋。仍令挑選縫補。以備搭用。○同治七年奏准。每剝船十隻。選派頭目一名。每起剝船五十隻內。選派總頭目一名。於每起

剝船起運之先。取其該總頭目切實甘結。遇有舞弊之船。除將本船戶治罪外。並將該總頭目一併嚴辦。○八年奏准。官剝船隻裝米運通。向章以一百隻為一起。同治四年因剝船短少。經駐津驗米大臣奏明。每起剝船一百隻。分作前後兩運。每運五十隻。裝洪斛米八千石。迨次年以後。遂以五十隻為一起。押運員弁銀兩分半支給。此次請將每起津貼經紀銀三十一兩四錢。遵照奏案。按起封交駐壩委員呈送駐通驗米大臣覈辦。○十一年奏准。嗣後海運白糧抵津。由各該糧道自雇民船剝運赴通。毋庸在津候驗。

欽定大清會典事例卷二百十二

戶部

海運經紀夫役 搭載貨物 沙船停泊
分別油船加修費價 截卸暫因口
糧脚價

經紀夫役○道光五年復准通倉經紀一百數十名除留壩收漕外先期分派來津者不過五六十名應添增人夫斗斛儘力多起剝運船隻即陸續開行押運人役亦可輪轉更替所有前到沙船先行起剝米五十萬石分作十起轉運每剝船一百六十隻為一起由經紀自撥親信

安人分起押運開行每起仍由鎮道派委文職武弁各一員隨帶兵役各十名督同船頭彈壓照料俟運抵通壩由該經紀所派之人自行交倉以專責成押運各員役即稟知倉場衙門趕緊馳回接押尾後各起米船其第二次海運到津由上園剝赴北倉至北倉轉運赴通亦照此辦理○又覆准由裏河轉運大通橋如有短少潮溼惟經紀是問務飭該經紀等小心承辦不得推諉至船戶得價受雇承運官糧毋得聽從經紀作弊而經紀以在官人役並得有加增飯

折銀米既令押運自不得仍令船戶作弊如起剝後米色米數不符即令經紀船戶分賠並各治以應得之罪○又覆准經紀由海船起卸兌剝每剝運一次即責令該經紀本身或自雇親信之人隨同押運官沿途照料如有偷漏短少及攙水情事查係經紀之人作弊即責令經紀賠補並治以應得之罪如係船戶作弊即責令船戶並船頭分別賠補仍責成押運官員隨時秉公體察不許經紀人役藉端勒掇○又覆准商船等航海遠來係民運官糧非尋常旗丁轉運漕糧可比斷不可任該經紀書役等稍有勒指留難務於經紀吏役內揀擇誠實之人派令辦剝如有刁難勒索情弊許該商民等指名喊控即行嚴辦○又覆准海運漕糧係由商船領運查驗米樣後該經紀等止須帶領斛手到船起卸並無與該商人船戶交涉之事僅該經紀等有藉端刁難勒索情事一經發覺立時鎖拿交地方官嚴行治罪○又覆准沙船收入天津海口至東關上園地方河程一百八十里係屬逆流每船約用緯夫十五名按沙船一千

六百隻計算約需緯夫二萬四千名。照日行五十里。數計應分四日行走。每名日給制錢八十文。共需錢七千六百餘千文。其出口係屬順流。毋庸加緯。所有雇緯銀兩。由兩江總督。江蘇巡撫。在各州縣水腳項下解直備用。事竣由該督等數銷。如尚不敷。即令蘇省補解。其餘則撥歸天津道庫。節年墊發。剝價。○二十八年覆准天津交兌以後。責成經紀。一手經理。並飭令天津通永二道。督率沿河各員。會同委員。逐程趨運。所撥官兵。按段接催。毋稍玩誤。如經紀剝船人等。查有串通偷漏。用藥使水等弊。該委員弁丁。務即不分畛域。嚴密查拏。毋僅以按段接催了事。○同治八年議准。向來天津每起剝船。派委文武員弁各一員。現據天津道詳稱。該員等備員充數。毫無裨益。應即全行裁汰。將所省薪水役食等項。每起銀六十兩。改給經紀。作為添雇代役之需。准如所請。辦理。儻辦理不善。剝船仍舊舞弊。惟該天津道是問。○又奏准。上年成案。以剝船五十隻為一起。由坐糧廳於原雇代役二名外。再令承運經紀添雇代役三名。每名經

管船十隻。責令互相查察。此次仍行照辦。○又議准。承起承運本條經紀之責。此次天津道既加給津貼銀兩。即由倉場侍郎轉飭各該經紀。於向雇代役之外。多雇數名。認真稽察。儻再虛應故事。任聽剝船舞弊。甚或通同作弊。除將欠米照章責令經紀分賠。並將船戶嚴行懲辦外。仍由倉場侍郎駐通驗米大臣。將該經紀嚴行治罪。查抄備抵。搭載貨物。○道光五年奏准。商運米船。八成載米。酌留二成載貨。並由海關查明免稅放行。○六年奏准。現在漕糧起運。船多貨少。未能一律攬載貨物。若勻出一艙。即多運一艙之米。應於初運船隻。儘數裝載。不必拘定二成裝貨之議。仍每石給運腳銀四錢。耗米八升。其已裝客貨二成。不願加米者。聽並於兌竣時。發給三聯印。照黏單。加註添裝某縣米數。蓋用糧道印信。以便抵津之日。先憑執照。米數兌收。一面由上海公所補造加米另冊。註明船戶某人。原裝某縣正耗米石若干。加裝某縣正耗米石若干。仍另造簡明清冊。將各船裝米執照數目。飛咨倉場

及天津驗米大臣以後隨兌隨報按五日一咨不必拘定初運次運之期○二十八年奏准商船二成載貨由海關查明免稅計數請豁稅額係裝米千石准帶貨物二百石論石而不論價若照時估物價分別成數則貴賤懸殊商船難免賠累仍照舊章以石計算不論價值高低如有二成以外之貨在津銷售則在津納稅在關東銷售則在關東納稅○咸豐六年咨准本屆海運漕糧各口岸遇有商船到口速即驗明護照將二成貨物免稅如二成以外及販豆回南者仍令照例納稅毋任偷漏○九年議准現奏定洋藥釐稅章程凡各關海口每洋藥一百斤納稅銀三十兩與尋常貨物不同嗣後海運沙船進口攜帶洋藥者令照新章納稅並於貨單內註明以免牽混其餘貨物仍照舊章免稅○同治五年議准商船兩旁跨帶竹木係因遠涉重洋防禦風濤之用且係粗笨之物例定稅則無多亦應與二成貨物一律免交關稅所有沿海各關俟海運商船到口均行查照辦理○又議准海運商船二成帶貨向係按米石斤數計

算浙省初行海運曾經酌定以一百二十斤為一石應即查照覈計○又議准漕船到津米石交清後即由津局蘇浙糧道分別填給該船米數某日交清准在天津奉天各口自運回貨全行免稅印照持赴天津牛莊各關呈驗放行交米未清之船概不給照○六年議准如所帶二成貨物在津未能銷完者即照案轉至奉天銷售由津局給予免稅照單以憑查驗○九年議准承運漕糧釐捐五百石以上之沙甯東衛各船原捐較重應將出口雜貨各捐分別酌減二三成以恤商情其原捐較輕各貨並五百石以下之沙甯東衛各船暨閩廣船隻仍各照常收捐統由該督撫等轉飭局員出示曉諭毋得牽混○十二年咨准商局輪船運米由上海道填給免稅執照如帶有洋藥及二成之外另帶餘貨均照沙甯各船例納稅

沙船停泊○道光五年覆准天津東關外龍王廟河身狹窄難容多船迤下六里餘上圍地方河面寬闊沙船到此專靠一岸停泊挨次交兌其兌竣空船即令折回另擇寬處停泊隨潮回

帆以後重船亦即挨次前進交兌不得搶前壓後致啟爭端其受兌剝船亦分定幫數在龍王廟至上圍一帶與沙船對岸排列兌竣一幫即押赴龍王廟以上停候開行空船亦即挨次前進受兌總期魚貫蟬聯不使擁擠亦不令間斷以免稽遲仍由營派委弁兵自海口起沿途分設汛鋪催重趨空並由該地方官雇撥緯夫拉輓前進毋任無故停留○六年奏准沙船苦蓋俱由各縣自備竹木席片鐵釘氣筒等物先行墊艙每裝米一艙上蓋稻草一層以收潮氣○

又奏准凡沙船歸次派定某處米數即懸挂各色旗號排列成行剝船一到各認旗號就幫斛兌○咸豐五年議准來歲海運新漕恐江浙兩省同時起運交米剝船不免擁擠應將泊船處所先期勘定務令兩省剝船各歸應泊處毋稍混雜○九年議准後批米船年內未能交兌即令暫泊海口俟春融時進口交兌○同治四年奏准先期飭令天津鎮道督率員弁於沙船進口查驗器械之時認真盤詰不容匪徒潛迹亦不准水手人等無故上岸閒游滋事其沙船

外雇水手未經列入護照者飭令安置海口俟該船卸空出口時再行帶回○五年奏准紫竹林新關為洋商輪船停泊之所應飭各洋商留心緩行免致沙船磕損○七年議准漕船駛進津沽河面狹窄常有沈船失米之事現於大沽添設海運外局○九年議准商船到津向在紫竹林一帶排幫候驗嗣因該處洋船聚集改於紫竹林以上排幫至風神廟為止惟該處僅容二十四排每排兩船須分作五日驗兌各船守候既涉稽延且米色亦易蒸變現查風神廟以

上水次甚大為向來停泊剝船之所若讓出彼處為各米船排幫將空剝船移泊於上庶米船排數可以多添兌卸即可迅速商船得以及早回帆僅南船不敷裝載尚可接運二批應由直隸總督轉飭天津道縣察看情形妥為籌辦分別油艙加修變價○道光五年覆准剝船裝運米石必須船無滲漏方免潮溼之虞務即派委委員逐一確實查驗分別油艙加修一律堅固俾資剝運僅仍有滲漏處所即將承辦之員嚴行叅處○又覆准油艙一項除民船毋庸扣

繳外所有官剝船隻仍照北倉轉運之例每百石扣繳銀一兩二錢四分四釐毋庸議加仍俟漕竣覈明銀數由坐糧廳移咨蘇省在漕贈等項銀內提扣解交天津道庫分別支給歸款○又覆准各州縣經管剝船每年例給油艙銀五兩三年小修一次例給修費銀二十兩現在續增剝船遠解未久照例油艙堪以撥用惟原額剝船應於今冬漕竣逐一批驗除船身堅固者照例分別油艙小修外其損壞較甚之船非油艙小修所能完固者即覈實估計撥項加修所需修費即於道庫節存油艙項下動撥令該督派委委員逐一確實查覈分別油艙加修務於今冬一律修理堅固俾資剝運○二十八年覆准現在原額剝船已逾十五年滿料之隄續增剝船自排造解直亦有七八九年不等上年雖已批驗興修惟接剝海運往返輪轉倍形喫重其實在虧舊之船修費如果不敷酌量加增仍照舊案統計先後所給加修之費不得逾三十兩之數由天津道籌款動用清河道前往督辦勒限二月十五以前將船身一律修理堅固器

具一律置備齊全覈實驗收並將船銀各數分折報部查覈○同治五年奏准各船商因船身久未修整懇加運米水腳以免誤運所有木屆漕米每石酌加銀一錢五分督令將承運各船購料鳩工大加修艙即東衛各船亦一律支給以示公溥○十三年奏准直隸省沿河各州縣官剝船一千八百隻修艙等事向係天津道督率楊村通判管理今南漕起剝雖改歸糧道自辦而此項剝船斷非南省所能統年經理自應仍於天津設立官剝總局每屆漕前由楊村通判認真修艙按百隻為一起排列水次移會總局交江浙局員收用儻各船修艙不堅歸直省局員究辦○光緒十年議准向給沙甯船修費每石一錢五分覈減一錢每石以五分給領仍按現運米數計算不得先行放給所有八九兩年分沙甯船修費即按減定每石五分之數報部覈銷其八九兩年輪船修費仍令全數追繳嗣後永遠不准給領
截卸暫囤○道光五年覆准天津府縣就近將該處空出各倉並天津東關附近寬大廟宇廣

為豫備。其倉廩廟宇均鋪墊席板。毋令潮溼。屋上均加拘抵。免致滲漏。北倉亦照舊。令天津運使飭商修葺完固。以便收儲。○又覆准天津東關外上圍地方。高阜寬廣。又對面雙廟地方。亦甚高廠。二處約可露囤四五十萬石。來年首次海運抵津。計有漕米八十餘萬石。除一半轉運通壩外。一半即在上圍等處露囤。俟官剝船轉回。再行裝運。惟露囤不便過夏。二次海運抵津。約計米數。先剝赴北倉卸儲數十萬石。下餘五十餘萬石。徑運通倉。俟剝船轉回。再由北倉陸續運通。○又覆准天津北倉。可儲洪斛米四十餘萬石。計平斛米五十餘萬石。本年截卸米石過多。應令倉場侍郎轉飭於明年冰泮時。迅速起運。勒限完竣。以為海運米石截卸之地。如逾限不完。即予叅處。○又覆准來年蘇省漕糧。一時轉運不及。暫於天津東關外上圍雙廟兩處露囤。先期墊治平坦。周圍土築牆垣。各以百丈為率。迎面空留丈餘。安設柵欄。俾資啟閉。四面挑溝宣泄雨水。仍於圍牆內囤米之處。多備秫秸席片。分設鋪墊。苫蓋。並搭蓋席棚。四圍包括。

以蔽風雨。棚外多搭窩鋪。為兵役守護之所。沙船到津。挨次驗收。毋令先後參差。即就剝船先兌米五十萬石。於裝載後。分起開行。下餘米石。即起岸囤儲。俟剝船轉回。裝運赴通。交收。二次運到漕糧。亦照此辦理。○又覆准漕米卸儲倉廩廟宇之時。令天津鎮多派兵弁。嚴密巡邏。毋致偷漏。○又覆准大通橋每年額雇長車一百二十輛。海運暨盤壩南糧。並北倉囤儲滯漕。奉天豫東米麥豆石。均需車拉運。如車輛短少。必致轉運遲滯。添車又須添袋。糜費甚多。莫若於城外四倉及號房暫囤。是不必添車添袋。而運務可期。迅速。囤費所需無多。於公項仍有節省。仍飭大通橋監督。樽節辦理。隨即分運各倉。俾令勻儲。其囤費於通濟庫支發。事竣覈實報銷。並由步軍統領衙門。屆期派員嚴密稽查。毋令車戶人等乘機偷竊。○咸豐二年。奏准大通橋進運各倉米石。例應按日轉運三萬石。俾口袋得以迅速回空。足供通壩起卸之用。惟時值大雨。泥淖難行。所有京通各倉。應運米石。暫行寄囤太平倉二十萬石。俟通壩掃數完竣。再行分

投起運進倉以符原派之數。如果天晴道乾，仍即飭令車戶人等趁時趕運，以期少因多運。○九年

諭天津運米剝船現已陸續抵通。若待上游放水，下注裏河水勢暢旺，挨次轉運，恐停船待驗，不能迅速回空。所有抵通米石，著驗收後暫行截卸，通州中西二倉俾得迅速轉運。所有車腳等項，准其作正開銷。惟經紀船戶人等起卸米石，向有偷漏攙和情弊。今多一番起卸，更恐弊竇叢生。著該侍郎等督同司員坐糧廳嚴密稽查，毋令藉端舞弊。○同治十二年咨准

輪船裝運米石，每月每船可運兩次，而各屬剝船恐難計日而到。如剝船到滬，輪船未回，應將米石先行囤棧，以免守候。又輪船運米抵津，或驗米大臣尚未蒞臨，或津剝轉運不及，一時未能驗卸，亦應起儲津棧，以便該輪船迅速回南。接運所有滬津兩處應需棧費及上下夫力等項，均歸輪船商局自認，與海運局無涉。口糧腳價○道光五年覆准海運到津遲早難定。所有剝船不能不令在津守候，自應給予口糧以資接濟。至雇用民船，亦應給予守候之價。

官剝船以運完滯漕到津之日起，民船以受雇到津之日起，均至受載漕糧之前一日止。約計牽算守候十餘日，以每船船戶一名、舵工水手四名，共五名，每名每日給銀五分計算。每船日需銀二錢五分。民船亦照此數數給，不准逾額。其二次海運到津，不論各船守候與否，均令於所得雇價內自行通融，不准再行支給口糧。以示限制。約共需銀七八千兩，即由兩江總督、江蘇巡撫在各州縣水腳項下解直數實給發。事竣由該督覈銷。如尚不敷，即令蘇省補解。其餘則撥歸天津道庫節年墊發剝價。○六年

諭五桶水腳扛價自道光四五兩年係照三釐舊額支領。本年已屆限滿，應行裁減三毫。惟因海運及盤壩漕糧並銅鉛奉豆等項一時雲集，兼有轉運北倉滯漕豫東粟麥各項，又催令軍船回空，加價添夫趕辦。若遽行裁減三毫，役力未免竭蹶。著自本年起重，准其再展緩二年，照三釐舊額支給。俾紓役力。至道光八年仍應裁減辦理。○同治五年奏准浙江省海運封雇商船於例給水腳之外，每石酌增銀一錢五分，以資津貼。○又議准商船酌加水腳一錢五

分既不在原定八錢之內應令另款開報免致
轉轄○十年

諭李鴻章奏請酌增官剝船脚價及民船守候口糧一
摺江浙海運漕糧由津運通年來剝船苦累弊竇叢
生其民船守候口糧於長蘆鹽捐加貼運費及津沽
各項不裝糧之民船派捐津貼歷年以來商民均屬
困苦擬請自同治十年為始無論海運正供籌備剝
船每裝米一百石加給脚價銀五兩並另籌接運白
糧民船守候口糧銀一萬二千兩此項銀兩先儘蘇
浙糧道庫漕項內撥解如有不敷即由各該省司庫
通融借撥即著妥為籌辦以利轉輸此項銀兩准其
作正開銷○又議准籌增官剝船價及民船守候口
糧自同治十一年為始在續增經費五分項下
每石減銀二分五釐再於奏准折撥扣存給丁
津租及給丁行月等項餘騰款內每石酌提銀
二分五釐抵充新增北船剝價至蘇浙兩省白
糧民剝船守候口糧每屆需銀一萬二千兩應
照浙省白糧米數按石勻撥由津局移解遵照
部議不動司款亦不在原定八錢數內仍將動
用銀數報部查覈並於漕項奏銷冊內詳細註

明以清款印

欽定大清會典事例卷二百十三

戶部

海運劉河口起運夾板船輪船 經雜各款 籌整補解各款 獎敘

劉河口起運。咸豐三年

諭黃宗漢奏稱蘇省寶山縣所屬之蘊草濱及太倉州所屬之劉河口等處地方均堪起運漕糧業經咨商蘇省迅將出運地方及早勘定並咨奉天直隸山東豫備封雇船隻著迅即於劉河口及蘊草濱兩處海口委員勘定起運漕米地方一面奏聞即一面知照浙江會同辦理。四年

諭本年浙江省辦理海運改由劉河口受兌放洋一切經理事宜業經浙江巡撫派員妥辦惟該處海口係江蘇所轄若專令浙江委員催辦尚恐呼應不靈致有貽誤著怡良許乃釗立即派委大員並熟諳海運之員駐紮劉河會同浙江委員設局妥速籌辦不得稍分畛域至海船駛抵天津以後應用剝船著桂良督飭天津道府寬為豫備以濟剝運。又覆准上海尚未收復改由太倉州劉河口受兌出口其太倉州至六渡橋一帶河道淤淺急宜挑挖現由浙江省籌備銀一萬兩分段興工務於正月中

旬一律挑濬深通俟工程將竣即飭各州縣將糧米運往受兌毋稍稽遲。又覆准南省海運向於上海設局均資該處紳商斛手人等幫辦此次口岸雖改仍招徠前項人等幫同照料以資熟手。又奏准沿海各口停泊之上海甯波沙船登船並東衛各項船隻飭即駕赴劉河口裝運新漕。夾板船輪船。同治七年議准試用夾板船裝運採買米石水腳銀數悉照沙衛船之例一律給銀五錢五分其應需麻袋竹篾蘆席氣筒押載通事工食各項人工費用均包括於水腳之內較至紫竹林地方由商董就近寄棧聽候驗米大臣會同三口通商大臣同治八年驗收過剝所需小船剝價棧租挑力每石共給銀七分由該商董承領經理如有未抵紫竹林遽行起棧之米仍令承運號商自行出費將米全數剝至紫竹林聽候驗收其餘轉運通倉剝價雜費均由津局給發運商一經交卸驗收即聽其回南以免藉候又每石加給保險銀三分設有遭風拋失即令全行賠補統計每石水腳挑剝棧費

保險等項共給銀六錢五分至每米千石隨耗八十石備帶餘米二十石剝船食耗米十一石五斗又每米百石給津通剝價銀八兩一錢四釐通倉箇兒錢折銀二兩均照海運正漕採買各案辦理以上各項銀兩惟水腳內續增之一錢五分起棧七分保險三分共銀二錢五分准於海運經費每石七錢之外照數給發仍以田捐之銀充運米之用毋得另行開銷其餘一切費用俱包括於每石七錢之內不准絲毫浮溢所有經紀耗米及廳倉茶果銀兩三項均免籌辦至飯米折色一半津貼兩項銀兩為數無多俱令該省如數籌備以便給發○十一年奏准輪船招商照練餉制錢借給蘇浙典商章程准該商等借領二十萬串以作設局商本示信於眾商仍豫繳息錢助賑所有盈虧全歸商認與官無涉現已購集堅捷輪船三隻所有津滬應需棧房碼頭及保險股分事宜海運米數等項均已辦有頭緒並經咨商江浙督撫飭撥明年海運漕米二十萬石由招商輪船運津其水腳耗米等項悉照沙甯各船定章辦理以免藉口

○又

諭浙省十二年起運十一年分漕白糧米因商船缺乏議以輪船裝載輪船到津一時未能驗卸自應起棧候卸特恐船隻不敷轉運設先批存棧之米尚未驗卸後批之米無處囤卸辦理諸多窒礙著李鴻章飭令天津道縣屆期多備船隻趕緊剝運並查照上屆福建採買米石章程會同倉場侍郎臨棧查驗隨驗隨卸毋稍延緩○十二年奏准此次輪船裝運漕米十五萬餘石擬仿照白糧章程飭令江浙糧道運通交納以免折耗偷漏之弊

經雜各款○道光五年覆准天津縣辦理北倉截漕席片並在倉夫役飯食等項例無開銷每萬石向在溢餘海稅項下動支津貼銀一百兩至辦理露囤所需席片更多曾於嘉慶十五年開詳定每萬石津貼銀一百四十兩來年海運漕糧約計在上園並北倉先後囤卸七八十萬石共需津貼銀一萬兩近年並無溢餘海稅此外又無閒款可撥又搭蓋棚廠築牆挑溝以及兵役飯食並一切雜用約需銀五千餘兩沙船收入天津海口至東關上園地方應雇備緯夫

每船約用緯夫五名。按沙船一千六百隻計算。約需緯夫二萬四千名。天津海口至上園河程一百八十里。照日行五十里。覈計應分四日行走。每名日給制錢八十文。共需錢七千六百餘串。應需各項銀兩。並以錢合銀。統共三萬餘兩。均令覈實給發。由兩江總督江蘇巡撫在各州縣水腳項下解直備用。事竣由該督覈銷。如尚不敷。即令蘇省補解。其餘則撥歸天津道庫節年墊發。剝價。又奏准蘇松常鎮太五府州起運漕糧。應解席片毛竹二項。向由糧道衙門動支銀兩發給幫丁購帶交倉。現在試行海運。已飭各州縣籌辦席片毛竹。為商船襯倉氣筒之用。為數甚多。即以抵補例帶席竹。原屬有贏無絀。第商船形式與糧艘不同。現用席片俱係釘入艙口之內。其毛竹亦已造成氣筒。計高長一丈。圍圓一尺四五寸不等。誠恐到津後拆卸。選抵交倉。未能合用。惟通倉席竹在所必需。所有此項例支席竹銀兩。未便歸於節省。造報仍由蘇省如數解銀交倉場衙門就近酌量購置。庶為兩便。又覆准海運漕糧旗丁雖不北來而

所給經紀箇兒錢飯米折色津貼等銀。仍應照舊支給。所有扛腳窰箒之費。即在經紀所得項下自行酌給。又覆准明年由天津上園地方起卸轉運。所有剝船腳價飯米等項。已酌議照北倉之例。按程增添。其經紀等應得之項。亦照北倉之例辦理。箇兒錢並津貼銀。無論道里遠近。均仍一律辦理。毋庸議增至飯米折色一款。該經紀在津起卸。並分派隨同押運官沿途照料。自應量予加增。查飯米折色。每百石向給銀二兩二錢五分。茲照腳價十成攤算。酌增一成。半覈計。應加給銀三錢三分七釐五毫。共銀二兩五錢八分七釐五毫。並箇兒錢銀二兩七錢。合計每百石共銀五兩二錢八分七釐五毫。計海運漕糧折洪斛一百二十餘萬石。共計銀六萬三千數百餘兩。其津貼銀每百石二兩五錢。共計銀三萬餘兩。應照向例官剝船裝運。令經紀貼併一半。其餘一半。仍歸經紀辦公。如係豫東軍船及民船裝運。即全數貼併軍民各船。臨時由津局覈計各項船隻裝運米數。分別給領。又向來北倉截卸漕糧。每米一石。旗丁應給經

紀耗米一升。此次海運漕糧或對船起卸或囤儲之後復又過斛上載搬扛狼藉未免折耗較多。應酌添耗米每石五合以示體恤。惟耗米亦應以洪斛覈計。即於海船所帶作正耗米內扣除。再此次加給經紀銀米係因天津截卸較北倉稍遠。是以議增。嗣後北倉截卸仍照舊辦理。不得援此為例。至給倉茶果仍照米計算。廳茶果以洪斛五百石一船計算。並分給各項船戶經紀等貼費。共需銀九萬三千餘兩。以多出之。董羨等銀一萬八千餘兩抵補外。尚不敷銀七萬五千有奇。應在天津運道兩庫墊發。仍由兩江解還歸款。其茶果銀兩即於該年通濟庫茶果項下報部覈銷。○六年

諭本年辦理海運事屬創始一切用款均無成例可循。前經該督等兩次籌款解往天津尚不敷絳夫露囤等款銀二萬餘兩。此外恐仍有續增之項。自應酌量籌撥。著在蘇糧道庫節省漕項內再行動撥銀五萬兩。迅速委員解往天津。以資應用。俟全漕完竣。按照前後解過銀數查明在通倉支用者。由倉場衙門覈銷。在天津支用者。由直隸省覈銷。○二十八年覆准

此項耗米既先抵補剝船盤折將來大通橋掣欠之數。或致不敷。扣抵屆時由坐糧廳覈算不敷若干。查照例定價銀。在經紀應領項下坐扣。○二十九年覆准。上屆捐米每石作銀三兩。本年江省災歉全仗鄰省米商販運接濟。程途遠則腳價自多。應每石作銀四兩。內正米一石作銀二兩八錢。其隨交耗米八升作銀二錢二分。四釐。豫籌折耗八升亦作銀二錢二分四釐。係按正米價值計算。其沙船水腳及神福席片犒賞等項。每石銀四錢五分三釐三毫。由津運通

剝船腳價食米折價。每石銀一錢二分六釐四毫。餘銀一錢抵支捐生買米運赴上海之用。其餘銀七分二釐。即令歸入豫籌折耗米價內。共銀二錢九分六釐。作為將來彌補之用。○咸豐二年覆准。上屆海運除輕齋等項照例批解外。其天津剝船之雇價。通倉經紀夫役之口糧等項。均由外籌備。此次令該省按照現籌海運米數。先將約計需用銀兩解交天津道庫。以備應用。仍由該省委員先期到津。會同覈定數目。報部查覈。○又奏准。剝價銀兩係江省解交天津

道庫備用漕糧用官剝船洪斛每石剝價銀九分五釐九毫七絲三忽白糧用民剝船洪斛每石剝價銀一錢一分三毫四絲八忽向係按照時價易換錢文移交直隸局員給發惟以銀易錢一入一出未免參差明年海運應由直隸總督轉飭天津道按米發銀先期將漕白糧洪斛每石剝價銀數及飯食米數並有無守候口糧張貼告示俾剝船戶共見共聞屆期發交局員親給其銀數不及一兩未便零星散給者另行易錢找給毋假胥吏之手如有向剝船戶需索錢文者嚴行懲辦○三年議准旗丁到通向有應領之簞羨餘米價紙劄等銀按米一萬石船二十隻合算應領銀四百餘兩海運之年即以此項銀兩扣抵給經紀津貼箇兒錢飯米折色等項及應交廳倉茶果之用仍有不敷再由南省如數解交此次浙漕海運仍由倉場衙門查照辦理○又議准浙江省向來河運例有給丁漕截負重行糧月糧曬颺米價等項銀米並將餘米留南變價以資調劑現將河運經費併歸海運除將漕截負重等款銀兩歸入海運支銷

外其行糧一項及曬颺米價各丁既不出運毋庸議給留南餘米仍飭將本色如數交通其月糧銀米即援照停運及災減軍船成案辦理○又覆准明年海運所有經紀箇兒錢銀按錢折給每百石可節省銀一兩三錢五分又扛腳完筭每百石銀二錢仍照例令經紀自行酌給不准開銷並令津局於守候口糧一項全行裁革員役薪水及一切雜費覈實酌減其餘例定支銷款目仍照舊章辦理至剝船於剝價之外既給予飯米折銀而每百石又給食米一石自應裁省惟船戶在津受兌後所給食米飭令另存一艙至抵通後漕糧或有短少即將食米抵補是食米尚屬可給而飯銀必須酌減嗣後每百石食米一石一斗五升即在飯米折銀內按南省糶變每石合銀一兩價值減去銀一兩一錢五分其食米仍給本色以備抵欠○八年議准津通經費係轉運要需除扛腳完筭守候口糧全行裁撤剝船飯米折銀每百石減去一兩一錢五分經紀箇兒錢一項每石給銀二分均行照辦外其餘應需各款俱令於節省給丁等款

銀內動支如有不敷即於節省津貼項下湊足分別批解以資應用並令該糧道將各屬應解熟田六分漕項銀兩催解抵用○九年議准本屆商運米四五十萬石均由各處湊買未能豫定確數自應就數先行兌收所有經剩食耗等米即在運到米數內分別動支至津通經費仍照例責成江蘇委員會同直隸委員分別支應○十一年議准本屆由津運通剩價仍照上屆正漕章程官剩每石給剩價雜費銀八兩四錢四分七釐三毫民剩每石給剩價雜費銀九兩八錢八分四釐八毫由蘇省籌備如數解交天津道庫應用○同治四年議准浙西漕米減存正耗米七十餘萬石除支海運商船耗米外所有起運需費之米每石以八錢覈計約需運費五十餘萬兩以額徵漕截正耗銀兩合之減存行月南月各米分別變價銀兩及杭嘉湖等府行月食米折徵三款甯紹等府本折月糧等款共銀四十九萬七千餘兩全漕起運如有不敷再於漕務項下撥補○又議准向來浙江省辦漕止准動用漕截現在議增之款幾至一倍有

餘原恐各州縣藉口津貼重累閭閻故為此破格之舉自此次明定章程後該督撫務宜嚴飭所屬照例徵收永禁津貼名目○又咨准漕額已欽奉

恩旨覈減計該漕糧米二十六萬六千七百六十五石六斗三升二合內除改漕正耗及給丁漕贈行月等款耗米五萬一千四百六十六石五斗九升四合尚不徵收漕截外仍應徵漕糧正耗米共二十一萬五千二百九十九石三升八合按每石三錢四分六絲計算覈減漕項下截漕銀七萬三千二百一十四兩五錢九分一釐緣正漕奉減漕截並未議減其減漕項下漕截銀兩應專列款目歸入海運支銷○又議准浙江省海運經費前經奏令力求撙節不得即以每石八錢作為定額所有漕務項下酌提銀兩原係為全漕米數寬為籌備將來全漕起運必不致不敷應用本年運米較少原提經費除動支外覈計當有贏餘即查明數目報部撥用○五年奏准本屆起運四年分海運漕白糧米所需商船水腳北河剩價以及解給各款並滬津省各

局正雜用款節益求節總酌每石不逾八錢之數。此次共用庫平銀十四萬四千三百二十九兩六錢七分八釐。以起運米數統覈分算。每石支銷庫紋銀七錢九分六釐。○七年議准浙江巡撫請每石加銀八分。合之原定運費八錢。及續增水腳一錢五分。每石共合一兩有奇。未免過多。且減漕項下漕截等銀。本係解部之款。亦未便率行動用。應將八分之數覈減三分。即於原給經費八錢。及加增水腳一錢五分之外。每石再加銀五分。所加運費銀兩。止准在扣存給

丁七成津租。及給丁行月等項內酌提抵支。不准動用。減漕項下漕截等款。仍令該撫轉飭糧道。於明年海運抵津時。樽節動用。如所用不及五分。即按實用之數開報。不得恃有奏准五分成案。任意浮冒。並令該撫於每年報銷冊內。將原定及加增水腳運費。在於漕項何款內動支。及該省漕項銀兩。除提支外。尚存若干。逐款分折聲敘。以憑查覈。○十年議准。向來各省漕運章程。皆係以漕辦漕。止有以贏餘漕項報部候撥之案。從無以司庫存款提辦漕務之案。現在

江浙津貼。奏明革除。惟海運經費。江蘇每石銀八錢五分。浙江每石銀一兩。其開支細數。向不報銷。至江浙一應漕項。以及屯折津租。並隨漕運費錢文。及南米糶變餘銀。均准提充辦漕之用。近年漕項奏銷。未能如期奏報。各州縣不無欠解之款。果能將用款力求節省。入款竭力催徵。則蘇浙兩省糧道庫款。自易籌措。所有酌加天津剝船水腳。以及民船守候口糧銀兩。應由江浙各督撫。督率藩司糧道會商妥議。均於漕項內籌款解支。不得動用司庫銀兩。○十二年

咨准本屆白糧。由南省自行運通。凡兌撥押運各事。既無藉乎經紀。且交壩遇有虧短。又不令其賠償。所有向給經紀耗米。每石一升八合一半。循舊隨正運通。作為經紀運倉折耗。一半改歸南省。作為由津運通折耗。其經紀飯米折色銀兩。自不應再行給予。即全數留作南省運通一切經費。○又咨准甯波海口伏波輪船。駛赴上海承運浙漕。其支銷銀兩。照沙甯各船銀數支給。卸棧一切。由輪船商局經理。○又咨准此次輪船裝運漕糧。仿照沙甯各船用麻袋裝盛。

白糧之例以便抵津易於起卸所需袋價等項均由商局籌備與海運局無涉○又咨准向來沙甯等船承運漕白糧米每石給水腳漕平銀五錢五分內扣公費銀一分實給漕平銀五錢四分此外苫蓋墊艙席竹氣筒鐵釘折價每石漕平銀一分六釐內扣銀一釐六毫實給漕平銀一分四釐四毫又天津海口雇用緯夫每石錢四文內扣錢四毫實給錢三文六毫同空窰泥壓載應用鐵欬土筐每船錢一串神福每船銀四兩者舵每船各一名各賞犒銀一兩副舵每船一名給銀六錢水手每名給銀三錢每裝米百石准開水手一名各款均係隨米支給本屆輪船運米自應一律給予惟輪船裝載米數多寡不一舵水人等亦與沙甯各船不同今定為一船裝運米三千石按數覈計分別開支所有輪船水手辛工並油煤等項即在前項各款內發給又輪船停泊馬頭及到津領港等費並輪船駛進津口或遇閘淺如須起剝等事亦均由商局自行料理與各海運局無涉
籌墊補解各款○道光五年覆准起剝工食及

輕齋等項銀兩由蘇省解赴倉場等衙門分別給發自可如期解到儻或商船先抵天津而此項銀兩尚未解到即暫在天津運道兩庫內先行墊發仍俟前項銀兩解到時歸款○又覆准向來北倉截卸漕糧用官剝船轉運赴通俱由運丁給予船價並飯米折色銀七兩九分五釐五毫又將經紀每百石應得津貼二兩五錢幫貼官剝船一半銀一兩二錢五分計官剝船每百石得銀八兩三錢四分五釐五毫如用豫東同空軍船代運將應給經紀名下每百石津貼銀二兩五錢全數幫貼並令運丁每石分出食米一升計豫東軍船代運每百石得銀九兩五錢九分五釐五毫食米一石此係北倉轉運之雇價也來年兌剝係在天津東關外上圍地方較北倉增水程四十二里其雇價等項自須一體議增且民船與官船不同亦宜量為區別計北倉至通州水程二百八十四里現增水程四十二里按十成攤算應酌增一成半覈計官剝船每百石應增水腳銀一兩二錢五分一釐八毫連北倉至通雇價等項共銀九兩五錢九分

七釐三毫。所雇民剝即援照豫東軍船代運價值給發。再將所增水程加給一成半銀一兩四錢三分九釐三毫。食米一斗五升。連北倉至通雇價等項。每百石共銀十一兩三分四釐八毫。食米一石一斗五升。照部價折銀一兩六錢一分。共須雇價並飯米折價銀十二兩六錢四分四釐八毫。按一百六七十萬石米數折算。共需剝價等銀一十七萬餘兩。此項剝價銀兩應由蘇省籌措。如數解交倉場衙門轉發。一面先由坐糧廳於通濟庫內籌撥。發交該地方官易錢。

按其所載平斛米數。折算洪斛數。給如通濟庫未能墊撥。即先由長蘆運庫天津道庫暫墊。仍豫期由倉場暨坐糧廳檄移照辦。○六年

諭據奏初次海運計可裝米一百二十萬石。緯夫雇價剝船口糧等項約需銀三萬餘兩。商船到津即須動給著轉飭天津縣豫集人夫。由天津運道二庫墊發價值。俟事竣由江省籌還歸款。○咸豐元年覆准常年河運所有帶徵白糧。係由白糧幫船搭載。今屆正項白糧既歸海運。其帶徵白糧自應一併海運。至水脚耗米運費。即統由各該屬津貼款

內支用。其節省給丁漕項銀兩錢文。照案歸補墊放兵糧折價借款。其節省給丁盤耗改糶等米。先就數派抵上年緩缺。蘇省行月不敷米石。辦理並將各款細數。先行開造實儲冊結咨部。仍歸入白糧奏銷題報查覈。○二年覆准本屆海運專籌銀款。查有熟田應徵給丁米二十一萬三千九百九十五石有奇。一律糶變。每石合銀一兩。共該銀二十一萬三千九百九十五兩。又節省給丁津貼銀二十五萬八千三百六十四兩。又節省給丁漕贈等銀一十八萬七千六百三十九兩。三共銀六十六萬餘兩。均令提解司庫。聽候部撥備用。其各屬應給沙船水脚等款。共需銀六千萬一千五百九十餘兩。及南北應用公費。俱於給丁幫費內解給抵用。由外籌措分別辦理。○又覆准道光二十八年江蘇省辦理海運。曾以節省給丁等米交倉。並提給丁等銀買米。補足漕額。本屆實徵熟田漕糧額徵白糧。共正耗米一百四萬六千二百五十五石。一律由海運津。緩缺漕糧米三十九萬八千六百五十二石零。亦已籌補足額。查此次海運專

為籌補銀款。所有該省補足額漕米數，仍歸銀款併計。○五年議准沙船抵津日期參差不一，其應需各項銀兩，令按照起運米數約需銀若干，迅速設法籌款。如數解交天津道庫備用，毋任遲延貽誤。仍由該省委員先期到津會同津局覈實支銷，並將實用銀數報部查覈。○六年咨准浙江省籌備米石，係正漕之外，另行籌備之款。所有由津運通利價，未便仍照正漕支給。應酌照採買米石連利價及津貼不敷，每百石開銷八兩一錢之案辦理。仍以平斛計算。由該省總局查明應需銀兩，如數解交天津道庫，以便剝運。其通壩應需箇兒錢銀，並由該省總局查照海運成案，即行解往。如該局經費或有不敷，即由通濟庫先行籌墊，仍由南省迅速解交歸款。○九年覆准本屆商辦米石，由壩運橋由橋運倉需用經費，前經奏明由倉場侍郎籌款墊辦。所有前項應行歸還部庫銀二萬兩及通庫米折項下收存經紀車戶腳價銀，向提扣二成及六分平餘抵補賠款銀二萬餘兩，先行借動以為橋壩辦公之用。仍飭兩江總督、江蘇巡

撫查照前案，即將節省經費劃撥歸還前項挪借銀兩。委員分批解部以清款目。○又議准明年新漕全數起解，一切經雜各費查照二三年成案，儘提幫費支銷。即以本年及歷年節省銀米給還商運墊款，仍將徵收起運新漕米數及節省銀米給還商墊各數，先行報部查覈。○又議准現辦商運豫抵新漕，令各船商墊項分赴各處採買裝運，以十萬石為一批。從本年中秋節後起，至十一月接續放洋，儘力籌辦。約可起運米四五十萬石。每船起運米數，由蘇松太道衙門刊發印照，交商人齎赴天津聽候驗收。天津道及坐糧廳經紀驗收後，即由蘇省津局委員按數填給收照。該商船憑收照赴上海請領米價，須俟徵解新漕始能陸續歸墊。此時就數起運，無從覈計正耗細數。即飭天津道先為就數兌收運通。○獎敘。○道光五年奏准商船領運漕糧迅速無誤，覈其運米之多寡，以定獎敘之等差。一萬石以下，分別賞給扁額一萬石至五萬石以上，分別給予職銜。若已捐至五品，無可再加，即另行

酌獎。○二十九年覆准。捐生應得議敘。准歸新例一律獎敘。○咸豐二年覆准。所有應募各商。除一萬石以下。由外給獎。其自一萬石以上。至五萬石以上。俱分別給予職銜。若捐至五品。無可再加。俟事竣。奏請辦理。○九年議准。本屆商船墊資購米承運。設有風濤險阻。均惟該商是問。較之向辦海運。尤為急公。即承辦員董。亦當儘力趕辦。果能始終無誤。即擇尤奏請優獎。仍照海運成案辦理。毋稍冒濫。○同治六年奏准。海運保案人數。遞年加多。嗣後保獎各員。應按責任之輕重。差使之勤惰。再定員數之多寡。向於漕竣後。覈明勞績。酌量內獎。外獎。惟覈計津通兩處。通州事務較簡。所保人員。向比天津少至一半。茲既彙案奏獎。大約以一百二三十員之數。作為限制。亦足以昭公允。○又奏准。凡運通米石。顆粒無虧。米色乾潔者。經駐通驗米大臣知照。即將押運委員。移咨直隸總督。給予外獎。○十二年咨准。沙甯等船承運無誤。向於事竣彙案請獎。今商局輪船。亦應於運務完竣後。覈明急公承運各商。彙詳請獎。以昭激勸。

欽定大清會典事例卷二百十四

戶部

錢法 京局鼓鑄 督理錢法 搭放京餉

京局鼓鑄。○順治元年。置戶部寶泉局。設鑪五十座。鑄順治通寶錢。一面鑄寶泉二字。用清文。一面鑄年號。用漢文。頒行天下。每文重一錢。以紅銅七成。白鉛三成。配搭鼓鑄。每銅百斤。准耗十二斤。支給匠工物料等項錢二千六百九十五文。京局每年額鑄錢三十卯。以萬二千八百八十串為一卯。○二年題准。鑄錢每文重一錢二分。○八年議准。寶泉局鼓鑄制錢。每文改重一錢二分五釐。不得輕重違式。○十年題准。鑄造制錢。務令精工。背鑄漢文一釐兩字。戶部增一漢文戶字。鑄不合式者。參究。○十四年題准。寶泉局鑄錢。改重一錢四分。○十八年題准。鑄康熙通寶制錢。頒行天下。○康熙二十三年議准。鼓鑄制錢。每文重一錢。每年額鑄錢四十卯。○四十一年覆准。寶泉局鼓鑄制錢。仍照順治十四年錢式。每文重一錢四分。每銅百斤。准耗九斤。支給匠工物料等項錢一千九百七十四

丈。○六十一年題准。鑄雍正通寶制錢。頒行天下。○雍正四年奏准。寶泉局於舊例四十卯外。加鑄一卯。○五年定。嗣後銅鉛各半配搭鼓鑄。○六年奏准。寶泉局收現存黃銅器皿一百餘萬斤。於原定額鑄卯錢外。陸續加鑄錢九卯。○十二年題准。制錢改鑄一錢二分。頒行開鑄省分。照式鼓鑄。○十三年題准。鑄乾隆通寶制錢。頒行天下。○乾隆四年奏准。寶泉局鑄錢。每錢一萬串。給鑪頭工料錢二千二百串。每一串折銀一兩。於正四七十等月。按季按卯。由部頒發監督。按名分給。○五年議准。嗣後寶泉寶源二局鼓鑄。按銅鉛一百斤內。用紅銅五十斤。白鉛四十一斤八兩。黑鉛六斤八兩。點銅錫二斤。配搭改鑄青錢。與舊鑄黃錢一同行用。○六年奏准。寶泉局加鑄錢二十卯。○又奏准。寶泉局物料。每錢一串。仍給銀一兩。其工價仍照原議。每卯給錢二十三串四百七十六文。鑪頭領錢。照市價易銀。給發匠人。○七年議准。寶泉局增動鑪十座。每年鼓鑄六十一卯。淨餉錢六十九萬二千九十七串五百九十九文。遇閏加鑄四卯。

共淨餉錢七十三萬七千三百九十四串三百九十九文。○十六年奏准。寶泉局每年額解銅四百十餘萬斤。除額鑄錢六十一卯。每年應用銅三百三十八萬餘斤。贖銅七十一萬餘斤。黑鉛錫亦有餘贖。及節年餘存滇銅黑白鉛錫等項。約計七百餘萬斤。應於額鑄之外。每年加鑄十卯。需銅五十五萬五千餘斤。白鉛三十八萬五千餘斤。黑鉛六萬六千餘斤。高錫二萬餘斤。每年可增得錢十一萬三千餘串。如遇京城錢價高昂。發八旗米局。照市價平減零星易換。則錢可通流。與民有益。○十七年覆准。寶泉局歲底鑄供內廷錢文。以紅銅六成。白鉛四成配鑄。每文鑄重一錢六分。○二十五年奏准。寶泉局於額鑄七十一卯之外。添鑄五卯。○三十八年奏准。寶泉局停止一卯。歲鑄七十五卯。每卯鑄錢一萬二千四百八十串。加補串繩分兩錢十八串。○又奏准。寶泉局鑪匠工食。原定每卯給制錢一千一百七十三串。今鑪頭易銀給發。今錢價日就平減。仍舊改給銀兩。按照時價酌中數給。每年

七十五卯。發銀十萬二千三百四十五兩三錢。由局按季赴部支領。存儲局庫。按月給發。其所需鑄錢物料。向於部庫按四季領銀。歲共七萬三千八十兩。令鑪頭備辦。今工錢改給銀兩。將此項工錢改發料錢。每料錢銀一兩。裁給制錢九百文。每年共給制錢六萬五千七百七十二串。○五十九年奏准。寶泉局減鑄錢二十卯。○又奏准。寶泉局裁勤鑪十座。再減鑄錢二十五卯。每年鼓鑄三十卯。以銅六成。白鉛四成。配搭鼓鑄。○六十年奏准。寶泉、寶源二局。自嘉慶元年為始。乾隆嘉慶年號錢文。各半分鑄。各直省衛藏。一律辦理。其新疆等處。照舊遵行。○嘉慶元年。欽奉

敕旨。上年皇帝率同戶工部臣奏請各省開鑄乾隆嘉慶錢文。各半分鑄。業經允准。今思朕臨御六十年。乾隆錢文。各直省流行較多。著有鼓鑄省分各督撫。將嘉慶年號錢文。照例全行開鑄。戶工二局。著將乾隆錢改為二成。嘉慶錢改為八成。鼓鑄。使新式錢文廣為流通。○又奏准。寶泉局加鑄十卯。○四年

諭。前因民間錢價日賤。飭令京局及外省。俱各減卯停

鑄。嗣因各該省所減之卯。多已照舊鼓鑄。惟戶工二局尚未復舊。著戶部將前停鑄之三十五卯。先復十卯。工部停鑄之三十卯。先復十五卯。○又

諭。自增卯以來。錢價仍未甚平。所有戶工二局。俱著全復舊卯。○又議准。寶泉局鼓鑄。每一百斤。用銅五十斤。白鉛四十一斤八兩。黑鉛六斤八兩。三色配鑄。○五年奏准。湖南、貴州二省。黑鉛短絀。配鑄錢文。減用黑鉛三斤四兩。即將所減黑鉛。加添滇銅二斤。白鉛一斤四兩。○又奏准。寶泉局添設俸鑪十三座。每年加鑄十六卯。所鑄錢文。搭放京員俸祿。並復勤鑪十座。○六年奏准。寶泉、寶源二局。全鑄嘉慶通寶錢文。頒行天下。○九年奏准。寶泉局裁俸鑪十三座。減鑄十六卯。○又奏准。寶泉局庫儲銅鉛不敷。本年十一月。二兩月。各暫行減鑄一卯。明年正月。至五月。每月暫減二卯。○十年奏准。寶泉局本年六七八三箇月。明年三四五三箇月。各暫行減鑄半卯。每銅鉛百斤內。減去白鉛五斤。加添洋銅二斤。高錫一斤八兩。黑鉛一斤八兩。暫行通融配鑄。○十一年奏准。寶泉局自本年七月。至十月。各

加鑄年卯。十一月至明年二月。各加鑄一卯。三月至十一月。各加鑄一卯半。停配高錫洋銅。仍照定例。以滇銅白黑鉛三色配鑄。○二十一年奏准。戶工二局所鑄錢文。銖兩較前加重。料錢轉減。鑪頭等辦公拮据。將從前料價增復。所增錢文。在戶局積存錢內撥出十五萬串。作銀十五萬兩。交長蘆發商營運。按月一分生息。每年所得息銀一萬八千兩。遇閏加增。除抵給料銀外。餘銀交部。○又奏准。寶泉局額鑄卯錢。每月分解內務府二千串。以為廣儲司等處辦公之用。下賸錢文。全數解交部庫。○又奏准。寶泉局卯錢。按月解庫。由局派大使一員。帶同鑪頭數人。運送到庫。每錢十串。繫一木牌。填寫鑪頭姓名。以備稽考。如無鑪頭姓名。即行駁回。庫員照官定斤兩。用秤驗收。如有短少。惟局員是問。○又奏准。每月局鑄卯錢。局文到部。廣西司限五日内。辨具印付付庫。銀庫以付庫到日起。限十日内。儘數收完。○二十五年題准。鑄道光通寶制錢。頒行天下。○道光二年奏准。寶泉局庫存銅鉛等項。自道光四年為始。每屆五年。盤查一

次。戶部與錢法衙門。相間輪流經理。○十一年奏准。恭進
內廷大樣錢文。以制錢抵用。用樣錢串穿妥。○三十年題准。鑄咸豐通寶制錢。頒行天下。○咸豐三年奏准。戶工二局之錢。按
國初舊制。改鑄重一錢。○又議准。寶泉局每月鼓鑄制錢六卯內。減鑄一卯。改鑄當十大錢。每文重六錢。按銅七鉛三配鑄。○又議准。試鑄當五十大錢。每文重一兩八錢。將官員捐繳銅斤內。擇精好者。按銅七成。錫一成。半鉛一成。酌量加鑄。用咸豐重寶字樣。○又奏准。寶泉局額鑄六卯。留三卯鑄一錢重制錢。以兩卯鑄六錢重當十大錢。以一卯鑄一兩八錢重當五十大錢。○又議准。添鑄當千當五百當百大錢。當千大錢。鑄重二兩。當五百大錢。鑄重一兩六錢。當百大錢。鑄重一兩四錢。錢面用咸豐元寶字樣。錢背仍用局名清文。及當千當五百當百漢字。用十成淨銅。將當千當五百大錢。鑄成紫色。用滇銅七成。錫鉛三成。將當百大錢。鑄成黃色。三項皆令銼邊。銼磨之後。加以水磨。紋痕俱淨。光潤

如鏡。至當五十大錢。每文減為一兩二錢。當十大錢。每文減為四錢四分。仍用滇銅七成。錫鉛三成。配鑄。○又奏准。鑄當十鐵錢。○四年奏准。寶泉局每月鑄六卯錢。留二卯鑄制錢。以二卯鑄當十大錢。以一卯三分鑄當五十大錢。以半卯二分鑄當百大錢。至當千當五百大錢。於局存銅斤內。酌提十成淨高銅。試鑄二兩重當千大錢二萬九千一百一十四箇。一兩六錢重當五百大錢五萬四千五百八十八箇。二共合抵制錢五萬六千四百餘串。至應領工銀料錢。當千大錢。每文按鑄制錢七十六文工銀數給。當五百大錢。每文按鑄制錢六十六文工銀數給。料錢減半。當百大錢。每文按鑄制錢三十文工銀。二十文料錢之數數給。當五十大錢。每文按鑄制錢十六文工料之數數給。當十大錢。每文按鑄制錢七文工料之數數給。至二卯制錢工銀料錢。仍照舊章辦理。○又奏准。寶泉局每月鼓鑄制錢及各項大錢。該鑪頭匠役等應領工食銀兩。以七成現銀支放。其餘三成。以各項大錢及制錢。每兩按京錢四吊數算搭放。於該局鼓

鑄卯錢內扣存給發。每月節省銀三千餘兩。○又奏准。鑄當五鐵錢。每文重二錢四分。鐵制錢。每文重一錢二分。○又奏准。停鑄當五百當千大錢。將此項銅斤。改鑄當百大錢一千四百一十串五百零。再鑄當五十大錢一千五百五十四串零。○又奏准。鼓鑄兩卯鉛制錢二萬四千九百九十餘串。每文重一錢二分。配用八成白鉛。二成黑鉛。○又鑄當三百三百四百大錢。旋即奏准停鑄。○又奏准。寶泉局每月鼓鑄錢文。按十成計算。鑄當百大錢二成。當五十大錢二成。其餘六成。添鑄當十大錢。並鉛制錢。下短若干。再由鐵錢局提出鐵錢湊足數目。計劃分半卯五釐。按銅七。鉛三。配鑄當百大錢四百三十三串九百九十文。外補串繩分兩當百錢六百二十二文。共抵制錢四萬三千一百六十一串二百文。劃分半卯四分五釐。按銅七。鉛三。配鑄當五十大錢八百六十八串五百九文。外補串繩分兩當五十錢一串二百五十三文。共抵制錢四萬三千四百八十八串一百文。又二卯半。按銅七。鉛三。配鑄當十大錢六千二百三十三串

二百七十文。外補串繩分兩當十錢八串九百九十文。共抵制錢六萬二千四百二十三串六百文。又鑄二卯半鉛制錢三萬一千二百串文。外補串繩分兩制錢四十五串文。共制錢三萬一千二百四十五串文。以上各項大錢及制錢。共合制錢十八萬三千七十九串九百文。○五年奏准。寶泉局停鑄當百當五十大錢。○又奏准。寶泉局因銅鉛短絀。每月改鑄二卯半當十大錢。二卯半制錢。○七年奏准。寶泉局酌減卯額。每月鑄二卯當十大錢。一卯半制錢。○又奏准。寶泉局每月鑄一卯半制錢。均改鑄當十大錢。計每月鑄三卯半當十大錢。○九年奏准。停鑄鐵錢。○同治六年奏准。寶泉局鼓鑄當十大錢。每文改為三錢二分。用同治重寶字樣。○又奏准。寶泉局鼓鑄卯錢。責成大使專司監視。有輕小不如式者。押令回鑪。卯錢運局。先由監督查驗。僅有輕小錢文。當堂捶碎。仍將大使揭參。錢法侍郎臨驗卯錢。如有輕小錢文。即將監督一併參辦。各廠運錢赴局交庫。均令該監督大使先期知會地面。如未經知會。各廠私自運錢。即

由地面官查拏送究。○又奏准。寶泉局四廠。由步軍統領衙門添設兵丁十名梭巡。每名每月部庫津貼口分錢文折給銀一兩二錢。不得截留卯錢。○光緒元年奏准。戶工兩局鼓鑄當十大錢。用光緒重寶字樣。○二年奏准。戶工兩局鼓鑄當十大錢。改為銅六鉛四。每百斤用銅六十斤。配用白黑鉛四十斤。毋庸加給色耗。亦毋庸另除鑪耗。○六年奏准。寶泉局發放各處銅鉛時。先期呈由錢法侍郎派委錢法司員。眼同給發。仍令該監督將收發數目。開具簡明四柱。隨時報部稽覈。○九年奏准。戶工兩局鼓鑄當十大錢。每文銅鉛以二錢九分重發鑪。除去磨銀折耗三分。淨重二錢六分。○十二年奏准。寶泉局停鑄當十大錢。○十三年奏准。寶泉局就現有鑪座。先行鼓鑄制錢。用光緒通寶字樣。○又奏准。寶泉局鼓鑄制錢。按銅六成。鉛四成內。搭黃銅一成。配鑄。督理錢法。○順治元年定。令漢右侍郎一人。督理京省錢法。滿漢司官各一人。監督寶泉局。每年掣差。設大使一人。五年報滿。○三年定。設寶

泉局筆帖式二人。○康熙十八年議准。令滿右侍郎一人。公同督理錢法。○十九年議准。令滿漢科道一人稽查錢局。一年更代。○二十三年議准。督理錢法堂官。及稽查科道監督司官。均開列應差職名。題請

欽命。○又題准。錢法令該部管理。○四十四年題准。寶泉局監督任滿。由部保舉滿漢才能司官引見簡補。向係一年更代。新舊接任時。其中情弊不能即知。應俟三年滿日。具題更代。○四十五年議准。嗣後鑄錢。如輕薄磨鑿不精。將該監督題參

治罪。○雍正元年。停止稽查錢局滿漢科道官。○又定。寶泉局滿漢監督。一年差滿更代。○四年奏准。寶泉局分設四廠鼓鑄。增設漢大使各一人。○七年奏准。寶泉局及四廠大使。均於戶部筆帖式內揀選。令其到局分廠辦理大使事務。移咨吏部註冊。五年之內勤慎無過。由部保奏以應升之官補用。躁懶不謹者。交部議處。○十二年奏准。寶泉局監督。每年一同更代。新任之人。一時不能諳練。嗣後每年新舊滿漢互相更代。○乾隆二十六年奏准。錢法衙門。派滿漢

司官各一員。主稿畫押。監看用印。於戶部司員中選委。二年更換。○三十二年議准。寶泉局監督。由六部司員內。各保一員。引

見簡用。給劄赴局任事。二年差滿更換。○三十四年奏准。寶泉局監督。令專司在局辦事。不兼本衙門事務。若係戶部司員經營。仍留部辦事。○三十八年議准。寶泉局筆帖式添派二員。○又覆准。錢法衙門添派滿漢司員。照六部堂主事例。於主事內選派。○四十七年奏准。錢局大使。改作三年報滿更換。○道光三十年奏准。大使獎

勅章程。以卯錢為準。一次卯錢不如式者。由錢法衙門先行記過。至二次移咨戶部記大過。至三次。移咨吏部停升。俟一年卯錢均各如式。由錢法衙門咨明吏部開復。儻至四次尚不如式。即撤回戶部。仍停升一年。嗣後各項優差。皆停保送。如各廠大使任滿。卯錢均能如式。由錢法衙門出考保奏。帶領引

見請
旨予以升途。或尚須留任。恭俟引見後。即令先換頂戴。○同治九年。以錢法主事事務

較繁。添派滿漢司員幫辦。○光緒五年。添派漢司員幫辦寶泉局監督事務。○六年。添派滿司員幫辦寶泉局監督事務。

搭放京餉。○順治十二年題准。每年二月八月。以制錢半成。搭放兵餉俸銀。○康熙五十八年。議准。八旗兵餉給錢一半。其漢官俸錢及各衙門公費。停其給錢。每錢一串。給銀一兩。○六十年。議准。京城錢價昂貴。八旗月餉。仍以銀錢各半搭放。俟錢價稍平。停止。○雍正元年。覆准。嗣後放餉。每兩用銀八成。錢二成。搭放一次。○

二年奏准。每年雙月銀八成。錢二成。搭放外。二月。增搭錢一十萬串。○四年奏准。停二八月。增搭錢。○七年奏准。八年兵餉。每月均以錢一成搭放。○八年奏准。將八年十月一成餉錢。外加二成搭放。其九年餉錢。單月以一成雙月以二成搭放。嗣後餉錢。以錢數之多寡。酌定一二成。按季具奏搭放。○乾隆四年奏准。嗣後寶泉寶源二局所鑄制錢。全數歸庫。每月加增成數。支放兵餉。○二十五年奏准。每月支食一兩五錢。又一兩餉銀之八旗兵丁。停止搭放制錢。○

二十九年奏准。本年兵餉。每月均以二成搭放。○又奏准。兵丁餉錢。改於下半年放給一成。○

三十年奏准。八旗月餉搭放制錢。正二八十二等月。以三成。其餘各月。均以二成搭放。○四十二年奏准。本年夏季兵餉。均以三成搭放。○五十九年奏准。八旗兵餉。停止搭錢。其兵丁支領甲米。應出箇票錢。前係部庫借銀易錢墊發。仍於兵丁錢糧內坐扣。今將此項改為局錢墊放。並將各工程及各衙門公費。均以每銀一兩。放給制錢一串。○嘉慶四年奏准。八旗官拴馬銀。

隨甲餉銀。均改給制錢。○又奏准。本年十二月。八旗兵餉。以銀錢各半放給。五年正二三等月。每月搭放制錢二成。○又奏准。八旗餉錢。在戶工二局支放。以免轉運車腳。○五年奏准。八旗兵餉。每月均以一成搭放。官拴馬銀。隨甲餉銀。仍放銀兩。○又奏准。京員俸祿。以制錢三成搭放。○又奏准。六年正二三四等月。餉錢。暫停搭放。○六年奏准。兵餉。每月統以制錢二成搭放。其京員俸祿。停其給錢。○又奏准。本年六七八等月。餉錢。以三成搭放。○又

諭近日京師錢價頗昂。兼值雨水連綿。食物甚貴。七月分兵餉。著搭放六成。○又奏准。本年九十十一十二月。七年正月。餉錢均以一成搭放。○又奏准。七年兵餉。每月均以一成俸銀以三成搭放。○七年奏准。本年夏秋兩季兵餉。均以二成搭放。其冬季餉銀。仍搭一成。○又奏准。本年七八兩月兵餉。以銀錢各半搭放。九十十一十二月及八年正月。以二成搭放。○又奏准。八年兵餉。每月均以二成搭放。○九年奏准。八旗兵餉。正月以二成搭放。二三月以四成搭放。四月起至十年三月止。以二成搭放。○十年奏准。八旗兵餉。自四月起至十一年四月止。以一成搭放。○十一年奏准。八旗兵餉。自五月起至十二年三月止。均以二成搭放。○十二年奏准。八旗兵餉。自四月起至十三年四月止。又五月起至十四年春季止。均以二成搭放。○十四年奏准。八旗兵餉。自六月起至八月止。以三成搭放。又九月起至十五年三月止。仍以二成搭放。○十五年奏准。八旗兵餉。自四月起至十六年三月止。均以二成搭放。○十六年奏准。八旗兵餉。自四月起

至十七年三月止。以二成搭放。○十七年奏准。八旗兵餉。自四月起至十八年三月止。以二成搭放。○二十一年奏准。寶泉局卯錢。按月解庫。儲庫內積存卯錢過多。不敷堆儲。即隨時奏明。於兵餉及各項工程。一併增加搭放。○又奏准。所收卯錢。每月搭放兵餉。由庫員會同江南道御史。及戶部監放官支放。如有短少情弊。惟庫員是問。○咸豐四年奏准。寶泉局各役領米。每石折銀一兩三錢。每銀一兩。折給制錢一千五百文。○十年奏准。八旗大臣官員隨甲官票銀一兩。改放寶鈔京錢一千。仍照舊加領寶鈔京錢一千。○又奏准。各旗營辦公錢文。照章每兩加給制錢七十文。按實銀官票數目數給。支放庫存捐銅項下錢票。○十一年奏准。各旗營辦公錢票。照舊放給寶鈔。○又奏准。八旗兵餉內搭放二成制錢。以制錢四串。改折實銀一兩。○又奏准。八旗大臣官員隨甲官票銀。折實鈔。並加領寶鈔。按京錢二十千。折放實銀一兩。○又奏准。各旗營辦公錢文。按京錢二十千。折給實銀一兩。○同治元年奏准。八旗各營應領辦公

錢文。照原定三分五釐之數。每兩酌給六成實銀二分一釐。○光緒十三年奏准。各旗營兵餉。每名搭放制錢一千。扣銀三錢。以示體恤。

辨銅。○順治二年題准。崇文門。天津。臨清。淮安。四關。各動支稅額銀一萬兩。辨銅解部。以供鼓鑄。○四年題准。蕪湖。揚州。潁野。九江。北新。西新。六關。各增辨銅銀一萬兩。○七年題准。臨清。淮安。蕪湖。潁野。九江。北新。六關。各增辨銅銀一萬兩。○九年題准。減西新關辨銅銀五千兩。改增蕪湖關銀二千兩。潁野關銀三千兩。○康熙三年題准。各關額稅銀少。辨銅銀多。不能增買。又崇文門在京難以採買。將蘆課額稅銀十六萬四千五百十兩有奇。撥出採買。○十二年題准。浙江辨銅。每斤給價六分五釐外。增腳價銀五釐。○十八年題准。撥兩淮鹽課銀三萬兩。兩浙長蘆各萬五千兩。河東五千兩。令各巡鹽御史督催各運使。遵部定價值。買銅解部。○十九年題准。各關收買廢銅舊器。准以銅六鉛四折算扣解。不許攙和版塊等銅。○二十年題准。停止鹽差辨銅。○二十二年題准。減臨清關辨銅銀

一萬兩。改令贛關。太平關。各支銀五千兩辨銅。又增蕪湖關辨銅銀三千兩。鳳陽關辨銅銀一萬二千兩。○二十三年覆准。各關辨銅。不拘版塊。及廢銅器皿。以堪用者解送。不堪用者不收。仍行治罪。○二十四年議准。西新關代龍江關辨銅銀五千兩。○二十五年題准。各關辨銅。每一斤增價銀三分五釐。共計每一斤一錢。○二十七年覆准。蘆課辨銅價值。亦照各關例。每一斤增銀三分五釐。共足一錢。均於蘆課內動支。○四十二年題准。長蘆山東。分辦銅數。動支鹽課銀。照定價一錢外。給水腳銀五分。○五十二年覆准。將江蘇。安徽。江西。湖北。湖南等處所辦之銅。交與內務府商人等承辦。每年節省銀五萬兩。再於兩淮鹽差增銅十七萬斤。河東廣東。鹽差增銅各十萬斤。福建鹽差增銅六萬斤。福建海關差增銅四萬斤。交內務府商人照定限全交。如逾限遲延虧欠。錢法侍郎指明題參。將保結之佐領。一併從重治罪。其蘆課銀盡行解部。○五十四年議准。買銅令戶部及錢法衙門專理。停內務府商人採辦。○又議准。每年額辦

銅鉛。以銅六鉛四計算。每年需銅四百四十三萬五千一百九十九斤。以五十五年為始。均分與江蘇安徽江西福建浙江湖北湖南廣東八省督撫遴委賢能官。動正項採辦。每斤定價銀一錢二分五釐。水腳銀三分。其向來各關差並有蘆課地方官。所捐每斤五分水腳銀。節省二分。照數解部。○五十五年覆准。令內務府商人。每年辦舊器廢銅一百三十三萬斤。每斤給價銀一錢。水腳銀五分。由部數給。一面交買。一面納錢局。仍將所辦舊器廢銅。以銅六鉛四計算。所用銅價水腳銀。由辦銅之江蘇等省照數扣除減辦。其減辦銅價水腳銀。彙齊解部。○五十六年覆准。停止錢局收買舊器廢銅。○又覆准。江蘇等省辦銅。各節省二分價銀。仍照一錢五分有奇之數。增買紅銅解京。○五十七年覆准。嗣後買辦次年之銅。本年即豫支銀給發。再銅價既貴。將節省銀二分。增入銅價。一同給發採辦。八省額辦銅內。如紅銅不足。即於十分內。兼買三分舊器廢銅交納。其價及水腳。每斤銀一錢一分九釐九毫有奇。○六十年議准。八省分

辦之銅。歸併江浙巡撫辦解。自六十一年為始。江南辦江蘇安徽江西福建廣東五省銅數。浙江辦本省及湖北湖南三省銅數。○六十一年議准。江浙二省辦銅價銀。督撫務委賢能大員。不時稽查。如有侵挪情弊。據實參奏。○又題准。安南國產銅。由雲貴兩廣督撫行文安南國王。凡客商買銅。務令照常貿易。毋得禁止阻遏。○雍正元年議准。銅政歸併江浙二省總辦。令該督撫選賢能府佐家道殷實者領解。停用雜職微員。○又覆准。浙江省辦銅。動用南新等關稅銀。永以為例。○二年議准。江南洋銅不敷。照浙江之例。承辦江蘇安徽江西三省銅數。其餘二省銅。交福建廣東各巡撫。仍照舊額採辦。其辦銅官。逐年更代。永為定例。○又議准。浙江應辦三省銅。因海關洋銅不敷。暫分出二省銅數。交與湖北湖南承辦。○又覆准。雲南所產銅。除供本省鼓鑄外。聽從商販。毋得禁遏。○又覆准。舊器廢銅。照康熙五十五年之例。收買接濟。撥用除遠僻省分載運維艱。毋庸知照。並不足六成之低銅。不准收買外。令近京省分及原辦銅等

一省出示曉諭。無論旗民。有願將舊器廢銅運送到局者。錢法侍郎豫向銀庫領銀儲局。俟銅運一到。隨到隨收。照所收數目。每一斤。給銀一錢一分九釐九毫三絲。俟外解紅銅足用之日停止。如各省採買額銅之外。收有廢銅。亦准其解部。照廢銅給價。○又覆准。商人自備資本收買廢銅交納。其自外省收買運送至局者。每斤給銀一錢五分。在本京地方收買者。照新定價值給予。如有紅銅。每一斤。給銀一錢七分五釐。○四年覆准。浙江舊欠銅。亦交湖北湖南兩省分辦。上運於四年十月。下運於五年四月起解。○又覆准。八旗各佐領。與五城御史。報有黃銅器皿出售者。令該旗都統。都察院。一面移咨錢法堂。一面即着本人赴錢局交納。按照成色給發價值。其旗人在直隸州縣居住者。令直督轉飭各地方官收買給價。彙行解部。○五年覆准。雲南現產之銅。除本省供鑄外。尚餘二百數十餘萬斤。令委官運至鎮江一百數十萬斤。以備江南承辦二省銅數。運至漢口一百餘萬斤。以備湖廣承辦三省銅數。至各省辦銅定價。每一百

斤及水腳。共銀十七兩五錢。今雲南銅。每一百斤。價銀九兩二錢。加以運至鎮江漢口。再由鎮江漢口。遞運至京。每一百斤。水腳銀三兩。令該督動用鹽務贏餘銀六萬兩。收銅發運。賣價還項。臣將來所辦雲南銅。均作雍正六年額辦。其江南雍正六年銅。既可無藉洋銅。嗣後海口所收洋銅。均抵節年舊欠。儘再遲延推諉。即行題參治罪。再辦銅舊例。均係豫年給價。雲南產銅。贏縮難以懸擬。令該督將雲南所辦之銅。自雍正五年四月起。扣滿一年之期。獲銅若干。即行題明。知照江蘇湖廣二省。以憑豫定。曾否足額。庶辦解額銅。不致有誤。其所運之銅。遴委賢員查驗足色淨銅。不得夾雜低銅。經過關津隘口。毋得抽課。驗明放行。○又覆准。商人辦銅。有外洋照票。方許採買。每張約銀二三千兩。四五千兩不等。今將欠銅商人照票追出。別招殷實者。納銀給照。所獲照銀。即抵所欠銅。如有不敷。於從前承辦官商勒追。如無可追。再於原委上司名下分賠完結。○七年覆准。嗣後凡有銅鉛到關到廠。令該管官查驗批文。如與原解數目相

符。免其輸稅。僅有額銅之外。多出斤數。即係私販。令其照額輸稅。○九年奉

旨。知府等大員。有地方之責。嗣後解銅。不必差委。○又覆准。令江浙督撫。每年除發價採買洋銅外。再撥發銀往雲南採買。如有成色不足。平秤短少者。總以節省之銀補算。不得過十四兩五錢之數。其洋銅亦照定價給銀採買。○十二年覆准。將湖廣廣東應辦雲南銅六十六萬三千一百九十九斤有奇。留於雲南。令貴州辦鉛運至雲南鑄錢解京。○十三年議准。各省捐納貢監職

銜及

封典者。准將生熟銅斤照數交納。熟銅每斤價銀一錢一分九釐九毫。生銅每斤價銀九分五釐九毫四絲四忽。如交銅不敷。許其將銀湊足額數。至州縣收銅彙解之路費。令上捐者。每銅一百斤。旱路加腳費銀一錢。水路加腳費銀三分。由州縣交庫。以備解費之用。

欽定大清會典事例卷二百十五

戶部

錢法 辨銅二

乾隆元年奏准。解京銅以四百萬斤為率。買自雲南及東洋者各二百萬斤。自乾隆三年為始。令分額承辦。又各省採買洋銅。出口收口。均由海關查驗收稅。為辦銅扼要之地。將江浙海關監督官銜內。加監督某處海關兼辦銅務字樣。江南銅。令監督江南海關道員招商承辦。浙閩兩省銅。令監督浙江海關道員招商承辦。將有倭照各商內。確查身家殷實並無挂欠者。調驗倭照。取具連名互結。冊報該撫查覈承辦。○又奏准。令江浙督撫招商辦銅。如有情願自捐資本出洋買銅者。許其呈明該管官。聽其出洋採買。俟各商回日。官為收買。以供鼓鑄。○二年奏准。令江浙督撫將應辦乾隆三年銅。委官前赴雲南採買解京。照依二百萬之數。均勻分辦各省。辦五十萬斤。僅雲南銅偶有不敷。即豫咨海關。仍令採買。以足額數。僅有商人情願自攜資本出洋買銅者。准其報明海關。給予倭

照令該商赴洋採買。俟銅回到關之日。管關官酌量官收。餘聽其自行貨賣。○三年奏准各省商人出洋買銅者。報明江浙督撫。給予執照。令其出洋購買。如在京有家道殷實之商。願赴洋買銅者。取具保結赴部具呈。由部奏明。給予執照。行文江浙督撫。亦令其出洋採買。○又覆准現在雲南產銅頗旺。所有各省每年辦解京銅四百萬斤。自乾隆四年為始。盡歸雲南辦運。○又覆准雲南省辦運京銅。採自湯丹廠。銅質澆薄。自本省至京。程途萬里。令於每正銅百斤外。帶餘銅三斤。如正銅秤少。即將餘銅加足。如有餘贖。即作正銅。交部歸項報銷。○又覆准從前各省承辦雲南銅解部時。多係九成九五。照成色裁減。嗣後於正銅百斤之外。加給耗銅八斤。永為定例。又自廠運至東川。有小江塘至熱水塘五十餘里。兩山壁立。中通狹澗。沿途碎石溜沙。兼以夏秋多雨。煙瘴盛發。一年內止可運銅半年。自東川至威甯。當滇黔蜀三省衝衢。官運銅鉛商馱貨物。皆於威甯換馬。必不能運滇銅四五百萬之多。今查由廠至威甯。別有車路可

通由東川經魯甸。昭通至大關之鹽井渡。上船別有水路。可達川江。其湯丹等廠收買發運。向由糧道經管。今自廠運至東川。皆委該道管理。本任養廉已數支用。毋庸加給。自東川至威甯。委東川府管理。自廠運至魯甸。委魯甸州管理。若由昭通鹽井渡直達川江。委昭通府管理。其鹽井渡雇船至瀘州。委大關同知管理。該府廳州養廉。僅敷本任之用。知府每月酌加養廉銀六十兩。同知知州每月各酌加銀四十兩。至承運之府佐州縣。每月酌給銀六十兩。家人跟役及燈油紙筆雜費銀十五兩。協運雜職一人。每月酌給養廉銀三十兩。雜費十兩。沿途打包換篋。按日登記。回滇之時。據實造報。○又覆准湯丹等廠。每年約辦銅七八百萬斤。每斤需工本銀九分二釐。共需工本廠費等銀五六十萬兩。又腳價官役盤費。約需銀十餘萬兩。又每年應解司庫餘息銀二十餘萬兩。嗣後每年豫撥銀一百萬兩。解存司庫。按年支銷。如有餘贖。歸於餘息項下充公。再有餘贖。留作下年工本腳價。每年於銅務並運銅案內報銷。○四年覆准雲

南省停鑄解京之錢。令辦解正銅一百七十萬四千餘斤。耗銅十八萬六千餘斤。按年運至漢口分撥站船解交京局。加卯鼓鑄。○又覆准雲南省辦運京局銅四百萬斤。分作兩路。各二百萬斤。一自廠由尋甸發運威甯。轉運至永甯。一自廠由東川發運昭通鎮雄。轉運至永甯。○五年覆准雲南省辦銅運解京局。自乾隆四年辦運之初。原分八運。每運委正運官一人。協運官一人。在東川尋甸等處領運。今八運現併為四運。應別設承運收發等官。雇腳運至永甯。其運交京局。每運正運官委府佐或州縣一人。協運官委雜職二人。赴永甯領運。各押銅五十萬斤。挨次起程。正運官月給養廉雜費銀八十兩。協運官各月給養廉雜費銀四十五兩。○七年覆准雲南省辦運正耗銅六百三十三萬一千四百四十斤內。由東川運至永甯銅三百一十六萬餘斤。向來每百斤。每站腳價銀八分五釐。至一錢三釐不等。但東昭一路新開夷疆。食物昂貴。准其每站每百斤。給銀一錢二分九釐二毫。有奇。○九年奏准各省承辦之銅。按成色裁減。

價銀。嚴追各商完項。如商人力不能完。家產全無者。責令辦員如數完補。○又覆准雲南省辦運正耗銅共六百三十三萬一千四百四十斤。採自湯丹廠。向由東川運至永甯。每百斤。每站給腳價銀八分五釐。以及一錢三釐不等。其間小江塘至熱水塘。運道艱難。前於乾隆四年覆准。自廠由威甯至永甯。別有車路可通。應分運三百一十六萬餘斤。但沿途馬匹稀少。草料昂貴。其所需陸路腳價。每百斤。每站暫准給銀一錢二分九釐二毫。俟馬匹足數。應用草料價值平賤。酌量裁減。○又題准雲南省解銅自威甯至永甯。所需陸路腳價銀。暫照每百斤。每站一錢二分九釐二毫之數。支給報銷。○十四年議准雲南省運解京局正耗銅六百三十三萬一千四百四十斤。先經奏明由東川威甯兩處陸路運至永甯。由水路運京。東威二路各半分運。但銅鉛數多。馬匹雇募不前。應將東川一路分運銅三百一十六萬五千七百二十斤內。酌分一半。由鹽井渡水運至瀘州。轉運其東川運鹽井渡。陸路每百斤。每站給腳價銀一錢二分九

釐二毫自鹽井渡抵瀘州水運每百斤給腳價銀七錢二分九釐其餘一半銅斤仍由東川運至永甯又威甯分運銅三百一十六萬五千七百二十斤內酌分一半由羅星渡水運至瀘州其自威甯陸運至羅星渡每百斤每站給腳價銀一錢二分九釐二毫又自羅星渡水運至南廣每百斤給水腳銀二錢又自南廣水運至瀘州每百斤給水腳銀九分事竣覈實報銷○十六年奉

旨滇省辦運銅斤每一百斤給有餘銅三斤以供折耗添秤之用解局既有定額不足者責令賠補則贏餘者即當聽其售賣以濟京師民用但官解之餘而私售漏稅則不可惟令據實納稅隱匿者治以漏稅之罪足矣○十八年覆准雲南省辦運京銅長運各官養廉雜費自雲南至永甯准支二十三日自永甯至通州准支九日在漢口及儀徵換船換隻准支兩月自通打包運局准支兩月自京回滇准支九十九日其守凍日期仍照例減半支給此外如有長支照數著追○十九年議准雲南省辦解京銅由廠發運東川尋甸兩路陸運永甯其由尋甸運者向於威甯永甯二處原設有銅店委員駐紮專司收發稽查月給養廉銀一百兩今改由羅星渡水運瀘州交長運官領運將永甯店裁撤移設瀘州委大關撫夷同知經管月給養廉等項照永甯店事例給發至尋甸轉運銅三百一十六萬五千七百二十斤陸運威甯委尋甸州為承運官月給養廉銀四十兩即交威甯店委員接收轉運羅星渡水運瀘州其由東川運者每年計銅三百一十六萬五千七百二十斤內分運一半銅至豆沙關委大關同知為承運官接收轉運瀘州月給養廉銀三十兩分運一半銅至黃草坪轉運瀘州委永善縣為承運官月給養廉銀三十兩副官村縣丞為協運官月給養廉銀二十兩其承運官養廉照依銅斤開運日起交銅完竣日止按日支給夫役工伙均按照銅斤到站接收起止之日支給委管瀘州店之大關撫夷同知接收東川尋甸兩路運到銅斤秤發長運各官領解京局○二十二年議准運銅委員如有沈失未獲之項將所帶餘銅一併交局以補正額俟正項補足

再准納稅售賣。二十三年奏准雲南辦銅四正運併為三運兩加運合為一運。每歲頭運銅船於七月二運於九月三運於十二月加運於次年正月在瀘州水次開行。以避川江風險。其三正運照舊仍委正協官各一員管解。其加運銅數較多。應裁去正運官一員。仍留協運官二員。前後照應辦理。又覆准解銅正加各運頭正運於頭年十一月詳委。於次年三月到省。四月內自省起程。赴瀘州領銅。二三運以及加運詳委到省起程限期。亦各照上運相隔兩月。挨次辦理。將各運起程並領銅日期。豫行報部。又奏准加運京銅由漢口解京。向係湖廣派撥站船裝運。今兩加運併為一運。令湖北撥站船三十二隻。湖南撥站船十隻。各委府佐或雜職一員。在漢口接運。僱站船不敷。添雇民船裝載。至江甯交替。每銅百斤。給水腳銀六分三釐五毫。江甯撥頭號省塢站船二十六隻。三號省塢站船十三隻。委府佐雜職各一員。協運至通州。交卸。令協運之員督押空船回省。其解局掣批等事。聽滇省委員經理。協運站船委員。府佐給

盤費銀四十兩。雜職給盤費銀二十兩。二十五年議准辦運京銅頭運於八月二運於十月三運於十二月。加運於次年二月。在瀘州水次開行。二十六年奏准運員售賣餘銅。除交納崇文門稅外。其應納沿途關稅。於運員回省之日。在應領養廉等銀內照數扣存。彙解部庫。貴州湖南廣東運官售賣餘勝鉛錫。亦照此辦理。又奏准銅斤運京。向委正協二員合運。責任不專。應將正加四運分作八起運解。每起派委同知通判知州知縣等官一員管解。裁汰協運各官。其養廉雜費。按照從前額數。勻攤給數。計正加各運。每員月給養廉銀五十一兩九分三釐有奇。家人跟役雜費銀十七兩三分一釐有奇。又議准運銅委員。每正運一起。在雲南應領自瀘州至漢口水腳銀二十四十二兩四錢。沿途雜費銀一千六十五兩。湖北司庫應領自漢口至儀徵水腳銀一千七百三十九兩。儀徵縣庫應領儀徵至通州水腳銀二千七百一兩。每運應需水腳銀兩。每年於協撥銅本銀內。以一萬四百三十四兩。劃解湖北武昌司庫。以

一萬六千二百六兩。劃解江南儀徵縣庫收存。按運支領應用。其加運銅斤。每起在雲南請領。自瀘州至漢口水脚銀二千六百一十兩一錢八分七釐有奇。沿途雜費銀一千四百兩。自湖北至京派撥站船裝運。不堆支給運脚。○二十七年奏准。凡銅斤整圓碎小之塊。各令分包。整圓者不拘百斤定數。碎小者務足百斤。然後封包。其塊數斤數。用木牌開明。沿途盤驗時。連包秤兌。止照木牌數對。不許逐處拆動。以杜偷竊而防遺失。○四十年奏准。尋甸州承運京銅。自尋甸至威甯計程十五站。中隔宣威。越境查催。致脚戶停留寄頓。應將尋甸至宣威作六站半。責成尋甸州承運。自宣威至威甯作八站半。改歸宣威州承運。其每年額支養廉役食雜費。均各半支給。○四十一年奏准。銅鉛船隻運抵天津。全數起卸。將自天津至通州。每百斤所需水脚銀三分七釐六忽。照數扣除。○四十二年議准。辦運銅鉛點錫委員。中途病故。在儀徵以南沿途督撫。一面委員照料。一面飛咨本省委員前赴接運。事竣協同前運員家屬回省報銷。如

在儀徵以北。即令沿途督撫。徑行委員接運。事竣將經手事件。交前運員家屬自行回省報銷。○又奏准。四川瀘店。向由滇省派員駐紮收發銅斤。嗣後於丞倅州縣中。專委二員。赴瀘管辦。一年更換。不得委用佐雜。○四十五年。度准滇省各廠解京銅斤。務須加工煎鍊。鎔化純潔。如有低潮。到京時煎鍊兌收。其虧折銅斤。令承辦各員賠補。並嚴行參奏。○四十六年。奏准。滇省鎮雄州承運尋甸宣威銅斤。在威甯設店運瀘。交卸途長站遠。每多竭蹶。應將威甯至鎮雄。改歸威甯州承運。自鎮雄至羅星渡。仍令鎮雄州承運。惟該州銅運全係民夫背負。與贏馬馱運不同。每銅一百六十斤。加給脚價銀四錢八分。至每年額支養廉銀一千二百兩。分給威甯州銀三百兩。鎮雄州歲支銀九百兩。○四十七年。奏准。尋甸宣威三州轉運威甯銅斤。經由雷聲平。奔馱運牛馬。雇募維艱。應改歸曲靖府承運。仍責成迤東道督催稽查。其養廉等項。均由該府支銷。至運銅牛馬車輛。令各該州縣雇募協催。毋許歧視。○四十九年。奏准。銅斤領運時。於

銅面上鑿鑿廠分鑪戶姓名。遇有挑退低銅筋，令改煎補運。仍將鑪戶責懲。儻視雜鐵砂充額，即將廠店各員參奏治罪。○五十年奏准滇省辦運京銅，歲撥銅本銀八十五萬兩。今辦銅較增不敷支放，自五十一年為始，每年撥銀一百萬兩。嗣後丙年銅本於甲年具題，部中即行覈撥。於乙年夏季到滇，俾得及時採辦，以免挪借。○五十四年奏准寶泉局挑出各運鐵砂低銅戶部派滿漢司員會同該監督與運員眼同在局設鑪煎鍊，每百斤需火工銀一兩九錢二分。句砂黑鉛四斤十四兩，計價銀三錢六分五釐。有奇。所獲鉛燥青成運員售賣，交部抵補火工。其煎折銅斤鉛價火工等銀，及提出不足八五成色銅斤，分作十成。令滇省各廠鑪戶賠五成。廠員賠三成。陸路轉輸各員與瀘店委員監兌大員共賠一成。委運京銅各員賠一成。解部歸款如遇無著，照例豁免。毋庸再於各員名下分攤。○五十六年奏准裝載銅鉛每船一隻，以七萬斤為率。但重慶至宜昌寸節皆灘，銅鉛船重轉掉未靈。嗣後每船一隻酌減裝銅鉛五萬斤。

其添船水腳量為加給。至到楚換載，仍以每船七萬斤為限。毋庸酌減。飭令辦銅之司道大員率同地方官協同運員嚴密稽查。如船戶人等有違例裝載營私等事，即行從重究辦。盜賣者照盜賣漕糧例治罪追賠。其每運裝載或有畸零尾數，在二萬五千斤以內者，准其分船灑帶。若在三萬斤以上，另裝一船。各運員雇備船隻不許過小，以致載重多虞。亦不許仍用大船藉滋夾帶。如違參辦。○五十七年奏准解京銅斤挑揀整圓大塊，鑿明廠名斤數，毋得藉稱擠碎。攪雜零星。其間有碎塊，每百斤用木桶裝釘，以免沿途散失。○又覆准辦運京銅減載添船，自重慶至漢口，每正運一起，加給舵水工食銀一百八十二兩四錢。雜費銀一十三兩。加運一起，加給舵水工食銀二百三十四兩四錢。雜費銀一十六兩二錢五分。○五十八年奏准滇省銅斤廠礦旺盛，歷年除額銅之外，共多辦銅一千三百四十餘萬斤。應分給正運六起官搭解運京。每年每起帶解銅二十萬斤。其水腳等項悉照額運銅斤辦理。○六十年覆准威甯鎮雄二

州轉運京銅至羅星渡例給腳價不敷每年加增銀九千餘兩。即於正額節省運腳銀內動支給發。○嘉慶四年奏准雲南省曲靖府承運京銅該府事務較繁仍改歸迤東道承運。○七年諭向來滇銅係由尋甸州起運經過黔省威甯州屬地方交鎮雄州轉運至四川瀘州水次交兌嗣經改由黔省威甯州接運。今該州赴滇省請領運費往返需時諸多不便著改歸滇省迤東道承運徑交鎮雄州接運以昭簡易。○又奏准滇銅運京例係在省鎔鍊純淨方能起運何至到京後尚有低潮顯係承辦之員希圖冒銷火工所致嗣後滇銅運京如有低潮攙雜經部驗出即將廠店各員及查驗道府運員參奏分別治罪其在滇煎鍊火工即在各該員名下罰出。不准造報所有京局煎鍊之例永行停止並令該督撫於出運之時取具廠運各員純淨印結及查驗道府加結先行送部以備按運稽覈。○又奏准雲南省正運六起京銅四百四十一萬七千八百斤自十二年改作正運四起分運節省養廉幫費等銀添給正加六起運員均勻分支正運銅數加增在瀘領

銅每起定限四十日其加運二起仍照原定一月例限。○十三年覆准瀘店兌發京銅先將運員所帶法馬與瀘店兌銅法馬較準即令運員自行敲平彈兌於領銅鈐結內填寫自行敲平並無短少字樣並置連三小票每兌銅百斤填註尖圓塊數一張發交船戶查收點驗一張交運官自行存查一張收存瀘店備查使各有稽考其兌銅敲平時令船戶在旁看視如至裝銅之後沿途盤剝時查有尖圓塊數目不符即將該船戶嚴行懲辦又兌發京銅搬運瀘州河岸裝載先行移知瀘州知州多派吏夫嚴密稽查不許運員家人差役船戶下船上岸禁止一切小船不許接近銅船以杜偷漏。○又奏准滇黔等省運京銅鉛自儀徵至通州每運起剝不得過八次其應需剝費銀兩除天津一次另有覈計外其正運京銅四起每起領解銅一百一十萬四千餘斤所用剝費不得過一千八百兩加運京銅兩起每起領解銅九十四萬餘斤所用剝費不得過一千六百兩京鉛四起每起領解鉛一百二十二萬三千餘斤所用剝費不得過

二千兩。儻有沈溺。即照數扣減。或遇增添帶解。亦按數遞加。○又奏准滇省委員領運京銅。應需水脚等項銀兩。以戊辰年為始。自瀘州至重慶。自重慶至漢口。分作二段。在川支給。○又覆准。每正運一起。應給銀六千四百二兩五錢四分九釐。零內自瀘店至重慶。應給正帶銅斤水脚雜費養廉等銀一千六百四十五兩九錢七分五釐。又應給自重慶至漢口水脚養廉舵水工食等銀三千七百一十九兩五錢一分三釐。零一併在於瀘州給領。其重慶以下。應給雜費剝費等銀一千三十七兩六分一釐。俟運員抵重慶時。照數發給承領應用。每加運一起。應給銀五千六百九十七兩二錢二分九釐。內自瀘店至重慶。應給正帶銅斤水脚雜費養廉等銀一千三百二十兩八錢六釐。又應給自重慶至漢口水脚養廉舵水工食等銀二千九百五十四兩五錢五分。一併在於瀘州給領。其重慶以下。應給雜費剝費等銀一千四百二十一兩八錢七分三釐。俟運員抵重慶時。照數發給承領應用。正加六起。共應給銀三萬七千四兩六錢

五分六釐。內水脚等銀三萬五千九百六十四兩六錢九分六釐。在每年協撥銅本銀內動支。又湖北省歸州新灘剝費銀一千三十九兩九錢六分。在東川威甯搭運銅斤。節省銀內動支。先期封固。由滇委員解交川省藩司衙門。查收責成。該藩司逐運封固。加貼印花。發交瀘州巴縣收存。俟運員到彼。驗明原封。出具鈐領照數。按運給領。滇省於運員起程時。按運發給執照二張。交運員收執。俟抵川。請領應用。○十六年覆准。滇省委員辦運京銅。交收事竣。回滇。部給執照。予限一百一十日。如有逾違。照赴任遲延例議處。○十七年覆准。滇省辦運正加六起。京銅自瀘州至通州。需用船隻。嗣後聽運員相機辦理。所有滇省解川水脚等項銀兩。如在瀘州雇船。即由瀘州全給運員承領。在重慶雇船。仍封送重慶。交川東道查收。轉交運員承領。給發。○十八年奏准。滇省每年題撥銅本銀一百萬兩。除辦運京銅。應需銅本運脚等銀九十五萬餘兩外。尚餘銀四萬餘兩。即於豫撥乙亥年銅本為始。少撥銀四萬兩。以示限制。○十九年

諭向來雲南土貢例進銅鑪浙江歲進嘉鑪湖鏡兩淮歲進銅火盆相沿已久。歷年所積宮内存貯者甚多。朕愛惜物力。思以有用之銅斤。度之無用之地。殊為虛擲。現在錢局官銅未為豐裕。若省此耗費。俾廣為流通於鼓鑄。不為無益。著傳諭該督撫鹽政。此數項銅器。嗣後均毋庸呈進。○二十四年議准。滇銅運抵天津。全行起剝。按正運加運六起。給剝費銀二千八百兩。由直隸藩庫撥解天津道庫。按運給發。滇省仍於題撥銅本銀內聲明扣除。○又奏准。滇省各廠承辦銅斤。責成廠員儘力照額辦解。不准短少。儻遇廠勢衰微。准本管廠員齎領脚價銀兩。前赴四川省甯遠府屬西昌縣烏坡廠收買餘銅。湊充本廠正額。有餘不足。仍按分數入於考成案內。照例分別辦理。○又奏准。滇省採買四川烏坡廠銅價值。每百斤定以九兩二錢。凡滇省買銅若干。應由廠員備文。將銅價銀兩解交四川甯遠府。由該府轉解赴廠。銀兩交。毋得延欠。○又奏准。滇省採買四川烏坡廠銅。自廠運至滇省黃草坪。每百斤給背夫價銀一兩四錢七分五釐。自黃草坪運至四川瀘

店。每百斤。給水脚雜費銀九錢七分三釐。零內有雇獲客船。長運瀘店銅斤。節省水脚。並錫園巖大漢漕二站。節省食米等項。仍照永善縣承運年額京銅。按年解繳。額外節省銀兩。事例。與數起解。○又奏准。滇省採買四川烏坡廠銅。應由四川省甯遠府遴委明幹佐雜一員。督同滇省派來買銅之人。妥為照料。凡滇省買銅若干。由甯遠府填票發交駐廠委員。照數點交。領運。滇省亦派委員駐紮黃草坪。幫同永善縣收銅收票。以杜影射。並由永善縣將印票截角。繳回甯遠府存查。仍令甯遠府暨永善縣。將收發銅數。按月報明川滇兩省督撫藩司。俾有稽覈。○二十五年題准。四川烏坡廠。每出銅百斤。抽課銅十斤。耗銅三斤。所抽課銅。解省供鑄。耗銅作價。以充廠費。餘銅以八成歸滇採買。協供京運。其餘二成。聽商自賣。○又題准。四川省烏坡銅廠。委甯遠府總理。每月給月費銀二十兩。紙筆雜費銀二兩。委官一員。每月給月費銀十六兩。紙筆雜費銀二兩。總理總書一名。書記二名。委官屬下書記一名。每名月給飯食銀二兩。總

理巡役八名。巡役十六名。委官屬下巡役四名。每名月給工食銀一兩五錢。課長一名。月給工食銀一兩。濫木寨尖姑山二處。各設營弁一員。每員月給月費銀八兩。兵丁各二十名。每名月給飯食銀二兩四錢。均於抽收耗銅變價項下動支。如有不敷。責令廠員自行捐貼。不准另行撥補。儻有餘贖。照數存儲充公。○道光元年議准。滇省派駐黃草坪收銅收票委官一員。每月給月費銀十兩。紙筆雜費銀二兩。書記一名。月給飯食銀二兩。巡役四名。每名月給工食銀一兩五錢。均在原定水腳銀九錢七分三釐零數內支用。不准另行動撥。○又議准。滇省採買川銅。應給收存銀銅房租。並發運銅斤。買備筐繩。紙張銀硃牛膠等項價值。以及在廠在坪。照料書巡。沿途押差。口食費用。委員往來稽查盤費。均以廠秤餘頭。無論多寡。隨數貼補。儻遇不敷。由委員自行捐賠。不准另行動撥。○二年奏准。滇省自壬申年起。每年加辦京銅二十二萬斤。帶解運京。現已符原奏十年之限。仍令雲南廠運各員。照舊按年接續辦解運京。以供鼓鑄所

有每年應需戶部飯食銀二千三百一兩八錢四分四釐。於題撥銅本案內聲明扣解。○五年議准。滇省採買烏坡廠銅。自廠至黃草坪。係用人夫背負。與贏馬馱載者不同。所有每百斤應搭運銅五斤之處。毋庸加搭。以示體恤。其自黃草坪至瀘州。仍照永善縣承運額銅事例。一律搭運。數扣節省銀兩。○又議准。四川省烏坡廠銅。自廠運至滇省黃草坪。自黃草坪運至四川瀘店。每百斤。開銷路耗銅半斤。○八年奏准。雲南省領運京銅委員。正運每起增給經費銀二千五百兩。加運每起增給經費銀一千五百兩。即將借支之例停止。每年正加六起。共需銀一萬三千兩。除於鹽課溢餘留半案內。每年動支銀六千兩外。尚不敷銀七千兩。由本省籌捐辦理。此項增給運費。即自本年查照水腳等款之例。由湖北江甯二省藩庫各半撥給。作正開銷。滇省於請撥銅本銀內扣除。並照支領幫費成案。免其入冊報銷。○十二年奏准。雲南省湯丹等四廠。因礮硿深遠。礦路低窪。廠民無力宣洩。以致水淹之處。時誤攻採。每年給湯丹廠水洩

銀六千兩。碌碌廠水洩銀四千兩。大水茂麓二廠各水洩銀一千五百兩。在鑄錢餘息並銅斤餘息項下動支。儻有不敷。商民自行湊辦。嗣後如每年所辦銅額無虧。准其全數給領。儻有虧額。即照少辦之數。覈實減除。按該省節年銅廠奏銷冊造。該四廠支銷水洩銀數。照額辦銅斤數算。湯丹廠每辦銅百斤。給銀二錢。碌碌廠每辦銅百斤。給銀二錢二分二釐。二毫二絲。大水茂麓二廠每辦銅百斤。給銀二錢五分。又大工山廠採挖日深。地泉湧。礦砂被淹。必須開修。安撫逐層向上。提洩積水。方可攻採。每年酌給銀三千兩。按該省節年銅廠奏銷冊造。大功廠水洩銀數。照額辦銅四十萬斤。覈算每百斤。給銀七錢五分。又甯台廠開採年久。礮深。硯遠。地泉內注。浸淹礮窩。必須提洩乾涸。方能進內攻採。每年酌給水洩工費銀五千兩。按該省節年銅廠奏銷冊造。支銷水洩銀數。甯台廠得寶坪廠照額辦銅斤數算。每百斤。給銀一錢六分九釐。四毫九絲一忽五微。二纖零。義都廠照額辦銅斤數算。每百斤。給銀六錢五分二釐一毫七

絲四忽一微四纖。均在鑄錢餘息項下動支。十三年議准。滇省銅本如丙年應撥。定於甲年六月具題。科鈔到部。即為覈履行文。並令所撥省分。作速委員起解。限於乙年春間到滇交兌。俾可及時發廠採辦。十四年覆准。雲南省運銅人員。有壞船沈銅。及守風守水等事。為日較久。實在經費不敷。運員力難墊辦。必須酌借者。由各省確切詳查。覈實借給。至多不得過八百兩。仍隨時專摺奏明。咨滇於報銷。找領銀內扣收歸款。各省作正開銷。如前途業已支借。至下游省分。復行請借。兩省覈計。總不得逾八百兩之數。其前途借支已及八百兩者。不在再借。十五年奏准。滇省銅員沿途借銀八百兩。須有停讓守阻。洗溺等事。方准借給。惟不能拘定何省。但在江省上游全數借完。則到江省必更匱乏。是江南實當借之地。上游各省。應停其借支。即實有不敷。亦止准借銀二三百兩。仍留五六百兩。以為江省借款。又奏准。滇省停買四川烏坡廠銅斤。所有採買章程。一律刪除。十七年奏准。雲南省銅本銀一百萬兩。從前每年減

撥銀四萬兩。自道光十九年己亥起。按年照舊撥給。以數原撥一百萬兩之數。○二十年奏准滇省題撥銅本。改題為奏。○咸豐二年議准五斤以上銅器。均不准製造。其已造成者。限令一年售出。如欲交官收買者。照例每斤給價銀一錢一分九毫三絲。如一年後尚有五斤以上銅器。一經查出。即行入官。並治以應得之罪。○三年議准五斤以上銅器。令步軍統領衙門。順天府五城。再行出示。剴切曉諭。如有願交官收買者。即自行赴局交納領價。並嚴禁胥役人等藉端騷擾。○又議准京城大小官員家。無論候補現任。如有銅器在三斤以上者。均令自行運赴寶泉寶源二局呈繳。毋庸給價。至祖父曾經為官者。雖本身並無官職。身列齊民。而情殷報效。自行呈繳者。亦准赴局交納。毋庸給價。俱不得令胥役往查滋擾。○十年奏准刑部起獲贓物內。凡銅鐵鉛錫。並一切銅器。有關鼓鑄者。均毋庸變價。開單註明件數斤兩。知照戶部。由五城司坊解部交納。以備鼓鑄。○十一年奏准令三口通商大臣。在海關新收洋稅項下。陸續撥銀

十數萬兩。招商採買洋銅。照江浙收買商人日本洋銅成案。每百斤給銀十五兩三錢。解交戶工兩局鼓鑄。○同治十三年奏准滇省試辦京銅。由滇改道運至廣西百色廳。運員自百色領運。取道廣西廣東海運至津。由通州運解京局。○光緒元年奏准招商局輪船。由廣州口岸領銅五十萬斤。運至天津。每銅百斤。定給冰腳保險等項銀一兩。自廣州至上海需銀二千一百五十兩。由廣東省支給。自上海至天津需銀二千八百五十兩。由江蘇省支給。○二年奏准滇省辦運京銅一百萬斤。自滇至廣西百色運腳除例價二萬五千兩外。尚不敷銀一萬九千兩。暫准於銅本項下作正開銷。三年後再照定例辦理。○又議准雲南省東川府屬之茂麓廠銅。每百斤。加給價銀一兩一錢五分。運至省城。腳銀加一錢四分三釐。易門縣屬之萬寶廠銅。每百斤。加給價銀一兩一錢五分。運至省城。腳銀加二錢一分五釐。永北廳屬之得寶坪廠銅。每百斤。加給價銀四錢。運至大理。下關至省城。腳銀照舊支發。順甯府屬之甯台廠銅。質較脆。鑄

錢不能多撓鉛斤。毋庸加增脚銀。各廠銅課暫行停抽。官役薪工等項。試辦三年後。再行發給。○八年奏准。雲南省領辦京銅。運道仍照定制。由大關威甯兩路運至瀘州。再由瀘州運至宜昌。搭輪至漢口。換輪至上海。由上海抵京。至開支運脚。暫照由省運赴百色成案。每百萬斤支銀四萬四千兩。自滇省赴瀘州。仍照例限二十三日。自瀘州領運至京。至遲不得過九箇月二十五日。○十一年奏准。由出使日本大臣購東洋紅銅板。每百斤價銀九兩五錢五分八釐。又購東洋紅銅板。每百斤價銀十兩一錢九分五釐二毫。○又奏准。購定東洋十足銅板一百萬斤。九九五成銅板一百五十萬斤。銅板每百斤價銀十兩六錢五分六釐。銅板每百斤價銀九兩九錢五分四釐。由日本運津水脚保險關稅等費。每百斤需銀一兩三錢零。○十二年奏准。滇省銅務歸商局認辦。自十二年為始。如辦銅一百萬斤。准以一成通商。一百萬以上。准加一成。二百萬以上。再加一成。四百萬以上。始准遞加過五成。○又奏准。購定東洋銅板一百五十

萬斤。每百斤價值運脚需銀十一兩五錢之數。○又奏准。續購銅板一百五十萬斤。每百斤淨銅價合庫平銀九兩八錢四分一釐二毫。由廠運至神戶。運脚合庫平銀二錢九分二毫八絲。○十三年奏准。京銅由瀘州運至宜昌。每百斤給水脚銀二錢九分八釐。歸雲南省支給。由宜昌至上海水脚。每百斤。給庫平銀三錢六分。歸湖北省支給。至由上海至天津。仍照舊支給水脚。○又奏准。購定德商銅一千噸。照每噸一千六百八十斤。計一百六十八萬斤。價值每百斤。行平化寶銀十一兩四錢。

欽定大清會典事例卷二百十六

戶部

錢法 辨鉛錫 收銅

辨鉛錫○康熙五十四年議准額辦鉛每年共需三百九十五萬六千七百九十九斤由部給發價銀向商人鉛礦買用每斤定價銀六分二釐五毫水脚銀三分○五十九年題准湖南省桂陽州五十八年稅鉛十二萬三千三百一十一斤並五十九年以後所收稅鉛停其變價以十分之七解戶部十分之三解工部每斤給水脚銀三分○六十年題准鉛價昂貴每斤增價二分○雍正十二年奏准京局鼓鑄每年額辦鉛三百六十六萬餘斤自雍正十三年為始令貴州巡撫遴委賢員照各廠定價每百斤給價銀一兩三錢依數採買分解寶泉寶源二局每百斤給水脚銀三兩其商辦之鉛停其採買○又奏准令貴州辦運鉛六十六萬三千一百九十餘斤在雲南鑄錢運京○乾隆五年覆准京局改鑄青錢與現在黃錢並行每年應需黑鉛五十萬斤令貴州巡撫於柞子等廠收買其原

白鉛每年減辦五十六萬斤至應需點銅錫十五萬斤令廣東巡撫覈辦均於乾隆六年為始按年解部○六年題准貴州省解京黑鉛每百斤給價銀一兩二錢收買解京以供鼓鑄○七年覆准雲南省局錢停運京局加卯鼓鑄每年加運黑鉛二十萬五百七十一斤點銅錫六萬一千七百一十三斤○八年題准廣東省辦解京局點銅錫除收課錫外不敷之錫採買湊解每百斤給價銀十四兩一錢一釐五毫○又題准貴州省柞子廠收買黑鉛向係每斤一分二釐之價工本不敷每百斤給價銀一兩五錢收買解京○九年題准貴州省辦鉛每百斤每站陸路報銷脚費銀一錢二分九釐二毫○十年題准廣東省採買洋錫照時價每百斤給銀十三兩五錢收買解京供鑄○又題准貴州省辦解京局白鉛照課鉛變價例每百斤以一兩五錢收買解京○十四年題准貴州省黑鉛出產稀少每年辦運京鉛七十萬五百七十一斤改歸湖南省辦解仍分上下兩運解京○又題准廣東省每年額解點錫二十一萬一千七百一

十三斤。每斤給水腳銀一分八釐七毫。○十六年題准。湖南省額辦黑鉛。每百斤。給價銀三兩六錢。自廠運省。給腳費銀一錢七分二釐八毫有奇。自省運京。給水腳銀一兩。○二十四年奏准。貴州省白鉛。自二十六年為始。每年添辦四十萬斤。即令上下兩運正副委員各帶解十萬斤。解部交收。○二十五年題准。貴州省額辦黑鉛。自廠運至永甯。每百斤。腳費銀一兩五錢五釐八毫。由永甯運京。每百斤。水腳銀三兩。○二十七年奏准。貴州省額解白鉛四百二十四萬一千九百一十四斤。上下兩運。每運派府佐州縣二員。分作四起運解。○又覆准。貴州省辦鉛。在重慶鎔化。正運官。月給養廉銀六十兩。跟役工食銀三十兩。副運官。月給養廉銀三十兩。跟役工食銀十五兩。自重慶運京事竣回黔。正運官。養廉銀一千五百兩。副運官。養廉銀七百五十兩。今上下兩運。分作四起領解。所有養廉雜費。均勻攤給。在重慶鎔化。每員養廉。月給銀四十五兩。跟役工食銀二十一兩。自重慶運京事竣回黔。每員養廉。月給銀七十五兩。每起

准支十五月。○二十九年奏准。貴州省白鉛。自三十年為始。每年添辦十五萬斤。運京供鑄。○又奏准。湖南省郴州鉛廠封閉。所有每年額辦黑鉛七十萬五百七十一斤。令貴州湖南兩省各半辦運。○又覆准。貴州省辦運黑鉛。即令每年運解白鉛委員。均分帶解。○又奏准。貴州省水城威甯之福集蓮花二廠。所辦白鉛甚多。向由廠自運永甯水次。嗣後於水城威甯運鉛適中之大定府設立鉛局。將兩廠鉛斤。劃一半交大定府轉運永甯。其餘一半。仍令該廳州長運交永甯局兌收。至沿途長行馱貨馬匹。不得攔截雇募。其短卸貨馬。以一半攬馱客貨。以一半歸局馱鉛。如有不敷。就近在各地地方招雇添用。發過鉛斤。按十日挨查催運。○三十六年奏准。貴州省大定府馱馬稀少。所有分運鉛斤。仍歸威甯水城二處直送永甯。○又奏准。貴州省辦運京楚鉛斤。輸永甯鉛局。派委佐貳一員。駐紮永甯。專司收發。按旬彙報。委員歲給養廉銀六十兩。一年更換。○三十七年奏准。寶泉局需用點錫。令廣東省於每年額辦十四萬一千一百

四十二斤之外。加辦錫一萬八千八百五十八斤。每年共辦解十六萬斤。○四十年奏准。寶源局需用點錫。令廣東省於每年額辦七萬五百七十一斤之外。添辦錫九千四百二十九斤。每年共辦解八萬斤。○又議准。貴州省黑鉛出產短少。每年分辦京局黑鉛三十五萬餘斤。全歸湖南辦解。○四十一年奏准。貴州省辦運京鉛沿途撥費。於題撥鉛本案內。令直隸藩庫撥銀五千兩。同車價一併解存通水道庫。以為起剝之需。○四十二年題准。貴州省新寨廠鉛斤。運至四川省重慶。每百斤。給水陸腳費銀七錢九分二釐有奇。其經過灘河。隨時酌籌。分別起剝。會同地方官驗明屬實。出結報銷。○四十三年奏准。運京鉛錫。由張家灣陸路運局。每百斤需腳費銀一錢二分八釐。照運銅之例。由通州水運至大通橋。車運交局。需腳費銀七分三釐五毫。由坐糧廳大通橋經管承運。以歸節省。○四十六年奏准。貴州省威甯州承辦京鉛。由廠運至畢節縣。交該縣轉運永甯。○四十八年奏准。京局黑鉛。自乾隆四十九年為始。仍令湖南貴

州兩省各半分辦。○四十九年奏准。貴州省柞子廠黑鉛。遞年豫撥五十萬斤。解存永甯。作為底鉛。就近撥供京運及各省採買。○五十年奏准。寶泉局配用黑鉛不敷。於原額之外。令貴州省添辦黑鉛三萬二千九百餘斤。解京供鑄。○又奏准。貴州省水城廳承辦鉛斤。運至畢節。歸該縣轉運永甯。○五十三年奏准。貴州省收買白鉛。每百斤原定價銀一兩五錢。今各廠尚深煤遠。工本不敷。嗣後每百斤。加給價銀三錢。○五十五年覆准。貴州省運鉛委員。在重慶鎔化。每塊鎔足五十斤。僅鉛塊分兩不足。將運員查參。○五十七年奏准。嗣後貴州省辦運京鉛。就近在廠鎔淨。發運永甯起解。毋庸由重慶鎔化。○又覆准。運京鉛斤。自重慶至漢口。減載添船。每起加給舵水工食銀三百四十四兩八錢。○五十八年覆准。貴州省額辦京楚鉛斤。由各廠鎔淨。每白鉛百斤。需煤炭銀四分七釐二毫四絲有奇。每黑鉛百斤。需煤炭銀三分二釐八毫六絲有奇。京鉛火工。於三兩水腳銀內動支。楚鉛火工。於銷售鉛價內支銷。按照鉛數。先給十

分之八。以資鑄辦。兌竣開行。將用過火工銀兩。找足運員。回黔入冊報銷。○又覆准。貴州省運鉛委員。自永甯至重慶。鑄鉛開行。每員例給養廉銀二百一十兩。今鉛斤改由廠地鑄淨發運。運員止有接收轉運之勞。廠員已增提鑄煎鍊之責。嗣後原定養廉。令廠運員各半分支。以昭平允。○又覆准。貴州省鉛斤。由廠陸運永甯。例係一百六十斤為一駝。嗣後帶運十斤。將節省腳價。以二斤彌補運官。八斤報部充公。又帶運七斤。節省運腳。作為本省公費。共計一百七十七斤。方足一駝。若一律鑄足五十斤。輕重不勻。應將鑄辦淨鉛。以四成計算。將三成鑄足五十斤一塊。一成鑄足二十五斤一塊。大小搭配。以一百七十五斤為一駝。運京則以五十斤一塊。兌交。運楚無論五十斤。二十五斤。兼搭兌給。減去彌補運官帶鉛二斤。以符一百七十五斤之數。○五十九年奏准。京局鼓鑄。改為紅銅六成。白鉛四成。配鑄。湖南貴州廣東三省年額運京黑鉛點錫。停止辦解。○嘉慶四年奏准。湖南貴州兩省。向係每年分辦黑鉛七十三萬餘斤。嗣

改銅六鉛四配鑄。均停辦運。今改三色配鑄。應需黑鉛。仍令湖南貴州遵照原額辦解。○五年奏准。戶工二局添鑪加卯。需用黑鉛。令湖南貴州二省。各加辦鉛九萬斤。○又議准。湖南省每年分辦京局黑鉛四十四萬餘斤。今產鉛不旺。酌令每年辦解鉛二十五萬斤。○十一年

諭京運銅鉛。攸關鼓鑄。乾隆年間。曾欽奉

諭旨。特派藩臬大員經理其事。業經定有章程。係指滇

銅而言。其實錢局需用。銅鉛並重。近年以來。各該省辦理拘泥。於滇銅過境之日。尚知照例催趲。而於鉛

船到境時。則不復留意。以致項年京局需用鉛斤。多

有遲滯。殊於鼓鑄有礙。嗣後銅鉛船沿途經過之處。

著責成派出之各該省藩臬等。一體催趲。毋得少有

延誤。○又奏准。貴州省運京鉛斤。由永甯轉運重慶。

灘河冬令水涸。每致停候。嗣後於盛夏水足之

時。趕運二百萬斤。存儲瀘州。以備隨時兌運。○

又奏准。運京銅鉛船隻。經過江河險隘處所。令

地方官會同辦理起卸。正運銅斤。起四存六者。

用銀不得過一百兩。起六存四者。不得過一百

五十兩。加運銅斤。起四存六者。不得過一百二

十兩起六存四者不得過一百八十兩運京鉛斤起四存六者不得過一百三十兩起六存四者不得過二百兩由天津至通州全行起剝銅斤正運以六百兩為率加運以七百兩為率鉛斤以七百三十兩為率僅原船尚可全進或起六存四或起四存六按成扣減長運至京沿途起剝總不得逾八次之數內河一帶雇縴每運不得過一百六十兩地方官將用過銀數出結送部如運員任意多開布圖冒銷由部照例覈減即行著賠○十六年奏准貴州省辦運京鉛每起在節省項下撥給銀三千兩以資津貼○十九年奏准貴州省福集廠鉛斤歸併貴西道經理責令盡心採辦以供正加起運之額○二十一年奏准貴州省三家灣廠距媽姑廠六十五里應領一站加增運腳銀二百兩零黑泥廠距媽姑廠五十里應領一站加增運腳銀三百一十餘兩新發廠白巖廠另有覓獲小徑其程站遠近均與媽姑廠約略相等毋庸加增運腳應將從前加腳全裁採納廠距媽姑廠二百九十里計四站半以每年辦鉛七萬餘斤計算應

領加增四站半運腳銀四百餘兩馬街廠距媽姑廠二百二十里計四站應領加增運腳銀四千三百二十餘兩○道光二年覆准雲南省者海鉛廠事務責成會澤縣管理由東川府統率稽查並令臬司督催辦解○八年定貴州省運鉛委員在途遇有壞船等事借支水腳銀兩各督撫按其程途遠近酌量借給不得過五百兩其有沈溺坐船將原領運腳銀物均被遺失者該督撫一面查明咨部一面覈實酌借亦不得過一千兩並令該地方官出具印結送部由戶部行文黔省將該員所借銀兩於回省報銷時照數扣還歸款知會該省作正開銷如地方官扶同捏報濫行借給以致無著即於濫借之地方官名下分別著賠○十年題准湖南省郴州三元沖上坪鉛廠採獲有銀氣黑鉛砂每石變價銀五錢二分無銀氣上砂每石變價銀二錢八分中砂每石變價銀一錢四分下砂每石變價銀八分白鉛上砂每石變價銀二錢中砂每石變價銀一錢五分下砂每石變價銀四分所變砂價銀兩以五分歸官五分作為廠費○十

一年議准貴州省司庫辦鉛工本銀兩於每年九月底將實存已撥未解銀數按年分析截算報部以便將長餘銀兩隨時酌量撥用。十二年題准湖南省郴州三元沖上坪鉛廠銅鉛運省每百斤給腳價銀一錢八分二釐四毫七絲六忽在砂稅銀內支給。十四年題准湖南省三元沖上坪鉛廠白鉛每百斤給價銀三兩三錢三分黑鉛每百斤給價銀三兩四錢一分七釐五毫二絲四忽。又題准湖南省郴州三元沖上坪鉛廠員役月支辛工飯食等銀一百五十三兩案書卡丁巡役月支飯食銀二十一兩一錢在抽收一半砂稅銀內支給。又題准湖南省郴州三元沖上坪鉛廠每年額辦黑鉛八萬三千餘斤如該廠員不能辦繳足數即令照額賠課。十五年奏准嗣後貴州省運鉛委員遇有沈溺守阻等事借支銀兩者照滇省銅運之例漢口至儀徵儀徵至通州所需水腳銀兩按例定銀數給予該員執照咨明湖北江南二省照數給發。又覆准貴州省運鉛各員每運由黔起程時先酌發銀一萬七千三十二兩

七錢八分三釐按照各員領解鉛一百二十二萬三千七百八十八斤零自湖北漢口運至江南儀徵共應給水腳銀二千七百二十九兩三錢九釐自江南儀徵運至直隸通州共應給水腳銀四千六百八十一兩五錢四釐餘銀九千六百二十一兩九錢七分由黔省給發以題撥戊戌年鉛本為始將應給自漢口至儀徵儀徵至通州水腳按一年四起應給銀數劃撥湖北江南二省存儲俟該運員到彼請領應用。十七年奏准貴州省運鉛委員自重慶至漢口打造船隻需用較多黔省領銀九千六百餘兩實不敷用漢口換船至儀徵以下用費減於川省於劃撥江南應領銀四千六百餘兩數內酌減銀三千兩仍由黔省給發。二十年奏准貴州省題撥鉛本銀兩於道光二十一年應撥癸卯年鉛本時改題為奏。二十四年奏准貴州省每年辦解四起京鉛在湖北省應領自漢口至儀徵水腳銀一萬九百十七兩二錢三分六釐於湖北售存鉛價內給領應用。又奏准貴州省每年額解四運京鉛自湖北省至江甯共需

水脚銀九千八百餘兩改由湖北售存鉛價項下就近支發其應撥水脚銀兩仍全數解黔。二十六年奏准貴州省運鉛自戊申年起將每運由黔發銀一萬二千兩數內劃撥江甯山東省銀各五百兩每年四運共撥銀四千兩一暫存江甯藩庫一由山東藩庫先期撥存濟甯運河道庫以便運員就近領用。二十八年議准貴州省運鉛各員每在川請借銀兩嗣後於該員等在黔領銀四萬四千兩內提出銀三萬二千兩令協撥省分先行委員解赴四川交永甯道衙門查收以便該省運鉛各員抵瀘按起分給承領應用。又覆准貴州省畢節承運鉛斤至永甯向係長程六站今改為短運十站不論人負馬馱每運可節省銀四百三十兩一年四運共節省銀一千七百二十兩內一百二十兩按季添補修換席棚之費餘銀一千六百兩按運解司收入本省公費應用每年將節省銀數專案報部。咸豐五年覆准熱河牛圈子溝銀廠礦灰鎔鍊黑鉛每百斤抽正課十斤耗鉛三斤餘鉛交官置買例定價銀每百斤五兩四錢

五分正課餘耗概運京局鼓鑄自廠至熱河計七站每站每百斤給運脚銀一錢回空減半發給自熱河至京計七站每站每百斤給運脚銀一錢其包繩筐篋卸載夫價等項每鉛百斤自廠至熱河給銀一錢三分六釐自熱河至京給銀一分三釐運京委員給盤費銀三十七兩五錢均於礦廠銀課項下動支按年造冊報銷收銅。康熙十八年題准寶泉局鑪頭局役將各官應解銅包攬買交者照例治罪出差各官知情者議處。雍正六年覆准各省採買銅並未分別成色嗣後除淨銅仍按定價一錢四分五釐如有塊銅及廣條蠟殼等項不足成數者到部即令錢局監督同解官估定成色彈兌交收行文解銅本省照依覈定成數減價報銷。九年奏准各省辦解寶泉局銅皆有高低嗣後收銅設立銅色對牌以八成八五九成九五十分設五牌銅到局令解官監督從公較對除八成以下者不收外八成以上者均照成色秤收定價銷算估定八成以上者准作八五八五以上者准作九成九成以上者准作九五九五

以上者准作十成。其包裹鉛渣及黑暗灰色等項。令承辦官家人。公同解官。鎔化淨銅。照斤數作十成秤收。虧折者補解。○乾隆元年奏准。停止原設銅牌。令辦銅各省巡撫。嚴飭辦銅官。務選足色淨銅交部。以供鼓鑄。仍令寶泉寶源二局監收之官。照依未設銅牌以前。秉公秤收。儻有攙雜低潮不堪鼓鑄者。令該堂官委官會同兩局監督解官。抽驗鎔化。如果低潮。即將承辦之官。嚴加參處。其虧折之銅。仍令補解。至鑪頭秤手。不得任意低昂。如違究治。○二十七年奏

准。雲南省京銅抵通。定限兩月全數運局。錢法侍郎抽驗成色。限兩月全收。如有秤頭短少。勒限十日。令運員赴局補交。兌收足數。即行給發批迴。儻前運甫經交兌。而後運陸續運到。勢不能一律彈兌者。則以前運收完之日。扣限兌收。如逾限不運局交納者。即將該運員查參。其解京鉛錫。亦照此辦理。○四十六年奏准。雲南省辦解京銅。無論鑄版銅。部局兌收。查驗成色不足八五以上者。揀出改煎。其虧折銀兩。責令承辦各員賠補。○五十年奏准。運京銅鉛全數

交局後。限二十日兌收。○五十五年奏准。京局兌收銅鉛。遇運員患病。不能眼同兌交。止許展限一月。如一月限滿。即責令該員家屬。或同省前後到局委員。眼同兌收。勒限完竣。如有遲逾。將該監督及解員等嚴參辦理。○五十九年覆准。戶工二局兌收銅鉛。正額不敷。提取餘銅鉛補交。以收完正項之日起限。該局監督呈報錢法衙門。限三日內行文提取。坐糧廳限二日飭知運官。運官限六日運局。該局限四日收完。總不得逾半月之限。所有起限並收完日期。知照

戶部查覈。○嘉慶九年議准。部局兌收銅斤。令監督坐秤彈兌。運員家人。提包上秤。其拋散銅塊。均令檢起。一律撒手平兌。不得假手吏役秤夫人等任意重輕。○十九年議准。雲南省運京銅斤。額數短少。責成運員。成色低潮。責成廠員。所有部局挑出低銅。照舊煎鍊。其不足成色及火工銀兩。令該省按股分賠。不准提取餘銅抽換。○道光十八年

諭。滇省辦運京銅。准帶餘銅一項。或補短秤。或補沈溺。例文與章程向未畫一。近來各運委員沈溺過多。若

准餘銅先補短秤。俾免短折處分。易啟玩視公務之漸。於京局額鑄大有關礙。嗣後遇有沈溺之運。俱著將所帶餘銅儘先抵補沈溺。抵收有餘。方准添秤。以示節制。○二十七年奏准。雲南省運京正銅。足數折兌。所贖餘銅。多有呈請官局收買者。經戶部奏定。每百斤給京平銀十三兩。嗣後概令交局。官為給價收買。○同治十三年議准。雲南省各廠領辦京銅成色。一概改為蠟殼八五成。係一時權宜之計。嗣後不得援以為例。○光緒二年奏准。滇銅交局。如有未備印冊。及漏整年分姓名者。概不兌收。仍將運員及承辦之員。一併參處。○又奏准。收到滇銅。查驗成色。有不足八五者。有溢出八五者。通融牽算。一概以八五為則。如有虧欠。令其賠補。○五年奏准。滇銅起解時。先由督辦道府親赴各廠。眼同廠運各員。將應解銅斤查驗。如有低潮破碎。及漏整廠名。年月姓名。立即發交該廠鎔鍊補鑿。並查明成色分數。先將該廠員分別記過參處。間有搭配零塊。亦即公同查驗。照例裝盛木桶。將塊數。廠名。年月姓名。註明桶面。黏貼督辦道府印花。俟查驗後。

驗員及廠運各員。均出具並無低潮破碎漏鑿廠名等印鈐各結。申報該督撫專咨報部。並將應解滇銅內提取三塊。均貼驗員印花。註明年月。眼同某起運員查驗字樣。作為樣銅。以一塊存滇備查。以二塊裝匣封固。由該督撫於具報銅斤起程日期摺內聲明。咨送戶工二部。俟銅解到時。發交戶工兩局。照樣比對銅色。其色一概以蠟殼八五成為定。如不足八成。及漏整廠名年月姓名者。先將運員嚴參。並將驗員交部察議。儻有抵換情事。即將該運員治以應得之罪。除將低銅數明成色虧欠斤數。飛咨該省飭令下運如數補解外。並將低銅提取一塊。專咨發回滇省。由該督撫查明參辦。

欽定大清會典事例卷二百十七

戶部

錢法 辦銅鉛考成

辦銅鉛考成。康熙元年題准。關差限滿回京。其額辦銅限兩月全完。如未完五分以下。罰俸半年。辦銅人役及原保並領運商人。各杖八十。六分以上。罰俸一年。人役各杖一百。再限兩月。如未完五分以下。罰俸一年。停其升轉。六分以上。降一級留任。仍罰俸一年。人役各杖一百。該督撫催限一年內完解。如不足。原監督限四月

賠補仍未完。由部題參。解任追補。完日開復。辦役保商。照侵盜錢糧例治罪。十四年議准。辦銅官並未起解。捏報起解者。降二級調用。解送遲延者。照違限例議處。十八年題准。各關解銅。自到任後起限。至八月完解一半。不完者降一級留任。自差滿後起限。至四月完解一半。不完者降二級留任。限一年全完開復。再不完革職。變產追完。商役照前例治罪。十九年覆准。各關解銅。不許在京辦買。違者。辦買人係旗人。枷三月。鞭一百。係民人。枷三月。杖一百。流三千

里。銅價入官。監督知情令辦買者革職。三十年奉

旨。各關差於京城浼人購銅。及令衙役解銅。均著嚴行禁止。務於該差地方。如數辦買。令同差筆帖式依期親解送部。五十四年議准。江南等省委官辦銅。及商人辦鉛。均分上下兩運。上運每年四月完解。下運每年十月完解。五十六年覆准。江南等省。如買紅銅。務於限內解到。如違限者。將承辦官指參。六十年覆准。江浙二省解部銅。每年四月完半。十月全完。儻逾限不完。照例治罪。

如上運於四月不完者。即應初參。再限四月不完。為復參。再限四月。仍未完。為三參。下運照上運扣限糾參。如有徇隱不揭報者。將督撫一併嚴加議處。雍正元年覆准。各省尾欠銅。照江浙辦銅定限。按初參復參三參之例參處。二年覆准。每年辦銅上下兩運。仍於四月十月起運。報文一到。扣算程途。勒限解交。若上運至九月。下運至次年三月。有不到部者。委解各官。並該管上司。皆嚴加處分。又議准。嗣後辦銅。初次逾限。承辦官革職留任。該上司各官降二級

留任。展限四月。如仍未完。承辦官革任。交部從重治罪。別委賢員接辦。如有虧空。著落家產追賠。委辦上司各官降二級調用。並令分賠。如參後六月內買足交還者。准予開復。如二參四月內能完三分之二者。免其革任治罪。再限四月。照數辦足。如仍未完。承辦官革任。交部從重治罪。委辦上司降調分賠。如參後六月之內買足。交部亦准開復。至報解之後。上運准其本年九月下運准其次年三月到部。逾限不到。解官革職。戴罪管解。委辦上司各官降三級留任。沿途官弁照催行糧船不力。例題參所欠銅著落本解官追賠。委辦上司官分賠。如參後三月之內解部完交者。亦准其開復。○五年覆准。辦解雲南銅不必拘定舊例。仍分上下兩運。總以不缺額。不逾六月到部為率。○七年議准。江浙二省採辦洋銅不能依限起解。將上運展限四月。於八月起解。下運展限兩月。於十二月起解。如違限不到。照例參處。○十一年議准。各省辦銅商人。每因限期寬裕。將本年所領帑項。營運射利。新舊挪移。嗣後令該督撫嚴飭辦銅官。秉公發

價。如有該商承領。務查明於何處出洋。取其甘結。知照出口。汎弁並地方官。自該商領銀之日。為始。定限兩月。置貨齊備。報明該汎官。並查明果否是採買易銅貨物。驗放出口。一面報明督撫。並取該員等印結備案。如有逾限。並無貨物出口者。或非採買易銅貨物。即將該商嚴究。並行原籍地方。著落家產。嚴追帑項。至洋船進口之日。亦令該汎弁地方官。查明是某省辦銅商人。載銅若干斤。逐細通報。該督撫定限一月內。將辦銅進口日期及斤數。一面報部。一面委官起解。○十二年奏准。嗣後委官解銅。照解餉之例。按運更換。如有逾年長令管解者。即將解官治罪。原委之上司。交部議處。○又議准。寶泉寶源兩局。額需黑鉛。令貴州巡撫委官採買。照辦銅之例。分上下兩運。上運每年四月起解。十月到部。下運每年十月起解。次年三月到部。如有遲誤。照例題參。○乾隆元年覆准。江浙二省海關額辦之銅。定限於每年六月起解。十二月到部。如逾限不解。承辦官並該管上司各官。分別議處。許其展限四月。戴罪仍辦。如四月限內完

至三分之二者免其議處再寬限四月照數辦
足如限滿仍未完解即將承辦官議罪別委賢
員接辦如有虧空著落家產追賠其該管上司
照例議處並令分賠完結若二叅限滿完不及
三分之二者仍照例議處承辦官能依限全完
並無挂欠者該撫查明報部移咨吏部量加議
敘至辦銅起解之日將所需水腳銀照數全支
毋庸豫扣節省○三年奏准兩江閩浙等省應
辦之銅統赴雲南採買仍分上下兩運按照原
定期限解部如逾限不解照例叅處○又覆准

雲南省額辦銅四百萬斤解交京局分為八運
以五十萬斤為一運每運委該省現任府佐貳
及州縣官一人為承運再委雜職官一人為協
運起運之前豫咨沿途督撫遴委幹員督同地
方官俟滇銅一到即協同運官雇募船馬催運
前進如有遲誤分別叅處所需腳價仍聽雲南
正運協運官給發報銷○四年奏准嗣後承辦
銅未經全完者所有原議之案仍照定例不
開復外其有已將正額銅照數完解者雖銅色
銀未據完繳而議處本案業已完結則原叅之

案准予開復至未完數減銅色銀如逾限無完
仍照例議處○五年題准雲南省辦運京銅四
百萬斤八運合為四運每運委府佐貳或州縣
官一人為正運雜職官二人為協運令正運官
押運五十萬斤協運官二人共運五十萬斤分
撥起運○又題准嗣後雲南省解銅由尋甸東
川兩路分運永甯交收尋甸一路委尋甸州為
承運官自尋甸車運至威甯交威甯駐紮之官
雇腳轉運至永甯東川一路自東川遞運至魯
甸魯甸遞運至奎鄉奎鄉遞運至永甯令東川
府昭通府鎮雄州為承運官雇腳發運又令魯
甸通判奎鄉州同為協運至解交京局之正協
運官令其赴永甯領銅由水路接運遵照題定
限期按限運解如逾限無解及逾期未到即將
遲誤各員分別題叅交部議處○又奏准雲南
省加運銅分委正運協運各官搭解○八年題
准雲南省辦運京銅四百萬斤乾隆四年辦運
之初分為八運自五年起八運合為四運每運
正協運官各領銅五十萬斤分撥起運嗣後每
運遣正運官一人協運官一人照乾隆四年之

例令合領正耗餘銅一百一十一萬斤一同起運水脚雜費照數發支其搬運出廠以九十日為一運每年分作四運各限一年到京至加運銅亦照額銅之例將四運合為二運每運委官二人領運正耗餘銅九十四萬五千七百二十斤該撫委官管解照額銅之例畫一辦理○十年奏准雲南省運銅率多逾限嗣後凡銅到境照催漕例上緊催行儻不實力催行立即參處如運官攜貨逗遛銷售者舉報貨物入官地方官不行舉報查出一併參究○十四年奏准雲南省解運京銅自永甯至漢口定限四月漢口抵通限五月漢口儀徵換船換簔漢口定限四十日儀徵定限二十日通計永甯抵通定限十一月如逾一月照例題參領解官革職戴罪管解委解各上司降三級留任如遇守凍地方官查明咨部仍照例扣除至守風守水日期均不准扣算再每運銅均有正協領運二人沿途或有沈溺打撈患病事故即令一人先運如有藉詞停留亦不准扣算其銅到處令地方官弁按站催行將出境入境日期報部查覈儻無故

逗遛盜賣地方官不實力催行徇隱不報照例降三級調用督撫一併議處至加運銅向係佐雜二人管解未免官卑任重嗣後加運銅委府佐州縣一人為正運佐雜一人為協運該督撫務選幹員管解○又奏准貴州省辦運京鉛嗣後照運銅之例於起解時僉給兵牌沿途逐站黏貼印花如遇守風守凍亦於印花內填註到京投交兵部察覈○十五年奏准雲南貴州兩省沈失銅鉛定限一年撈獲如撈不足數著落運官賠補所沈銅鉛一年限外如居民撈獲報明地方官照廠例給價收買不許私賣至限內有升遷事故仍留沈銅處所打撈俟事竣分別赴任回籍至沈溺銅鉛仍令地方官協同打撈如限內無獲將地方官於一年限內停其升轉該運官題參照例革職一年內賠完准其開復如逾一年賠完免罪不准開復二年不完照例治罪嚴追○十六年奏准嗣後各省銅鉛解京俟交局之後令領運官將實在贏餘數目報明戶工二部行文崇文門監督通計經過各關應交稅課按則輸納如有以多報少隱匿等

弊一經查出。照漏稅例治罪。其銅鉛已抵通州及張家灣。定限兩月。全數交局。如遇陰雨泥淖。或銅鉛並到。車脚雇覓維艱。令轉運之坐糧廳。張家灣巡檢。據實報明。僅有逾限捏飾情弊。將領運及轉運官。皆交部議處。又覆准雲貴二省運京銅鉛。經涉險阻。偶遇風濤覆溺。照原議會同地方官。慎選船戶。水手。限一年撈獲。有正協運官者。留協運官。無協運官。留親屬家人。該管地方文武。協同辦理。如限內無獲。及撈不足數。不在山峽險隘之地。即行參處。僅沈溺實係

瞿塘三峽長江大湖及黃河諸險。在地方官結報該省督撫。移咨雲貴兩省。會疏保題。將沈失之銅。令滇撫照數補解。脚價在銅廠餘息項下動支。辦運沈失之鉛。令黔撫在辦鉛節省水脚銀內動支補解。如運官捏報川江等處沈溺。地方文武官扶同徇隱。該督撫據實題參。督撫蒙混保題。別經發覺。一併嚴加議處。著落分賠。至追賠沈失銅鉛。應合計脚價。照數著賠。收買撈獲銅鉛。亦加入運費。一例覈給。且運官既有正協。著賠宜分多寡。應將沈失銅鉛。照廠地工本

運脚鉛加鎔工。著落正運賠三分之二。協運賠三分之一。各按本人名下應追銀數。已完未完。分別治罪開復。至船戶不諳風色。以致沈溺。將原雇之地方官。照解送匠役。不將良工解送。以不諳之人塞責。例罰俸六月。如實係風水驟發。非人力所能防護。該管官具結申報。將原雇之官免議。該管地方文武官。遇有銅鉛沈溺。照漕船失風例處分。仍於一年限內。停其升轉。責令協同運官。實力打撈。限內獲半者。免議。限滿無獲。與獲不及半者。各罰俸一年。限滿日。著落

運官先行賠補。所失銅鉛。仍聽運官自行撈取。○十八年覆准。嗣後雲南省辦運京銅。運官於交銅之後。即將回滇日期。報部。部給實收。將運官起程日期。填入執照。行知滇撫。並知照吏部。如入京時。在道有沈失之銅。應赴原沈失省分打撈者。亦即知照該省督撫。俟運官到日。驗看執照。飭同打撈。並將運官入境起程日期。先後移咨滇撫。如有遲延。據實參處。○又題准。黃草坪水運瀘州銅斤。路經金江。計水程五百八十里。內稍險次險者五十七灘。最險者十八灘。如

遇銅斤沈溺。按最險次險灘勢。照江湖黃河沈失銅斤之例。分別辦理。僮運官捏報。及地方官扶同徇隱。照例議處著賂。○二十年議准。滇省運銅照黔省運鉛之例。沿途需用船隻。長雇短雇。專責運員隨時辦理。事竣回滇。據實造銷。沿途或遇水淺暴漲。起剝雇繆。該運員具報地方官查明確實。結報本省督撫覈實咨部。俟運員回滇造冊請銷。如有浮捏。即將運員及出結之地方官一併參處。○又議准。貴州省辦解京鉛。自廠陸運至永甯。定限兩月。長運官自永甯領鉛運至瀘州。限三十日。瀘州換船至重慶。限二十日。重慶鎔化鉛斤。限三月。裝載開行。限二十五日。自重慶運至漢口。限四十日。自漢口至張家灣。限五月。至漢口儀徵換船日期。照運銅之例辦理。其永甯瀘州重慶等處。換船裝載。令運員將船隻挨次編號。每船鉛數。同開幫日期。申報沿途護送。該省督撫將入境出境日期。報部查覈。○又議准。湖南貴州廣東三省解交鉛錫各官。交局完竣。自京起程回省限期。貴州限一百日。湖南限七十日。廣東限九十日。部給執照。

行知各該省。並咨明吏部。僮無故逾限。照赴任違限例議處。○二十一年覆准。滇省運銅各員。沿途守風守水守凍。以及起剝雇繆。不會同地方官取結報部者。一概不准報銷扣限。如地方官勒指不轉報者。查出參處。○又諭。船戶偷盜銅斤。每遷延停泊於無人之處。偷拋水中。揚帆而去。別遣小舟潛撈。起賣過多。恐致敗露。故將船板鑿破。作為沈溺。以掩其迹。此等情弊。在所不免。船戶沿途盜賣。必有該處牙行鋪戶。串通購買。始得速售。地方官果留心訪查。何難力除積弊。著傳諭銅鉛經過之直省督撫。責成護送員弁。加意防範。嚴密稽查。仍於奏報時。將所指情弊。據實聲明。○二十二年覆准。委員運銅。如遇剝淺。會同地方官出具印結。照例支給剝費。令該管府州加結送部覈銷。僮有扶同浮冒情弊。即行詳參。其用過銀兩。若與例不符。雖經取結。概不准銷。著落地方官同承運各員名下分賂。○二十三年奏准。凡銅鉛船隻。經過險灘。該地方官會同營汛。帶領兵役。並諳練水手。先在各灘伺候。或有失事。立即防護搶救。並將各運起程日期。先行分移前途。

計程守候不致臨期有誤。○又議准凡遇銅鉛入境由地方官查驗出境時即具出境印結申報如在地境捏報遭風失水情弊該地方官即申報本省督撫題參。○又議准黔省運鉛上運於年前五月委員在省辦理至該年二月自重慶開行十月抵通下運於年前十一月委員在省辦理至該年八月開行次年四月抵通如違限不到將解員題參。○又題准湖南省運京黑鉛涉歷江湖黃河險要處僮沈夫打撈限滿無獲照滇黔銅鉛沈溺之例保題豁免所免鉛斤在存廠稅鉛內撥給補解所需運腳於砂稅銀內動支。○又奏准銅斤運京交局回滇報銷於到省之日起勒限一月造冊申送遲延參處其由道覆覈送司亦定限一月僮有逾限於報銷疏內聲明聽部議處。○又題准湖南省辦運京鉛沿途用過起利銀兩如未先行具結報部概不准銷其廣東運解點錫亦照此辦理。○二十六年奏准沿途沈溺銅斤打撈夫役費用在該地方庫儲雜項錢糧項下暫行借給仍於運員應領銀內扣繳其撈費工價照准銷成例分別平

險覈銷不許地方官任意浮開沈溺全獲准予報銷若無獲及撈不足數其撈費統於運員名下扣還。○又奏准銅斤自瀘上船設立木牌填註斤數船身入水尺寸令沿途地方官查照木牌實力稽查催趨並嚴查船隻是否照例更換以及違例裝貨等弊出結報部如地方官扶同捏飾查出一併指參其守風守水總以三五日為準不得過期如果阻滯有因多需時日據實報明所在督撫查勘確實奏明交部存查。○又議准銅船運抵通州運官開明包數呈報坐糧廳點驗按數覈給腳價飭令經紀轉運由插河利運大通橋大通橋監督點交車戶運局均令運官親自管押銅斤起運時坐糧廳呈報戶工二部倉場總督崇文門大通橋將起運公文給發運員收執親詣崇文門投遞查驗放行。○二十七年覆准銅鉛道經川江凡遇守風守水令運員報明地方官一面據情通報一面即赴該處查勘如果無藉詞捏飾於出境文內出結彙報。○又奏准湖南貴州廣東三省運京鉛錫由張家灣車運至局令各該省覈計一年額需車

價。豫行撥解通永道庫存儲。俟鉛船抵灣。委驗後。即照數發給。○二十八年奏。准嗣後將上色高銅。挑解京局。如在八成以下。即鎔鍊折算。令原辦官減價報銷。至滇省各廠銅。責成瀘店委員揀選。如運京銅斤不足八成。著瀘店委員賠補。僮廠員不實力鍊淨。即將廠員參辦。仍將短色分兩補解足額。○二十九年奏。准滇省運銅各官。沿途如遇封牘封峽起剝等事。令該督撫查明屬實。取結咨部。准其扣除。至守風守水。其平水河道及人力可施者。不得藉端逗遛。如有逾違者。查叅。若在川江大江黃河。遇有守風守水日期。取具地方官印結送部。扣算銅斤運抵北河。因河水淺阻。必需起剝換船。自頭剝抵通州。即上緊陸續撥運。其間有糧船擁擠。沿途阻滯。一時雇剝維艱。令運員先將實在情形。報明地方官。加結報部。准其展限一月。至多亦不得逾兩月之限。如有逾違。將該運官題叅。○又議准。湖南省運鉛自長沙至漢口。定限一月。自漢口運抵張家灣。定限五月。其自長沙運京脚費。每百斤給銀一兩。沿途雇夫起剝。不准再行開

銷。如遇守凍。每百斤給船戶飯食銀五分。○又題。准廣東省辦解點錫。自省起程至張家灣。定限十月。○又覆。准銅鉛遇有沈溺。令運員同地方官。試探打撈。定限十日。將撈獲銅鉛。先行歸幫起運。未獲者。留運員家人。協同地方丁役打撈。免致運限稽遲。○三十二年議。准委員領運銅鉛點錫。自運局交收掣獲實收之日起。如例應帶領引。見及有餘贖銅鉛點錫。應納稅售賣者。限三十日起程。如不應引。見及無餘贖者。俱限十五日起程。倘有託故逗遛。逾限。即交吏部議處。其運員領解銅鉛點錫。於正額交足之外。餘贖數目。令坐糧廳限三日報部。轉行崇文門納稅。以免遲滯。○三十四年議。准銅鉛船隻過境。各派遊擊都司。查催押送。沿途地方官。接遞催趨。如在儀徵牘河。銅漕並至。責令各巡漕御史。後照漕船例催趨。如非行漕之時。責令押送官催趨。○三十七年議。准運員銅鉛過境。守風守水。耽延日期。該督撫聲明奏報。將原奏及地方官印結。一併咨部。俟委員抵通

戶部即行覈對。僮委員逾限規避處分地方官
 濫行出結將該地方官一併參處。○四十年
 諭京局銅鉛各運船隻違限。皆由各督撫不實心辦理
 所致。此次傳諭之後。若委員庸劣。致誤運限者。惟滇
 省督撫是問。若瀘店耽延致逾定限者。惟川督是問。
 若仍前妄報守風守水。聽其任意逗留者。在何省違
 限。即惟該省督撫是問。該部照此覈計。如或違逾程
 限。即覈實參奏。○又議准。嗣後委員運京銅鉛點錫
 如遇正限之外。逾限不及一月者。降一級留任。
 委解之上司。罰俸一年。逾限一月以上者。降一
 級調用。逾限二三月者。遞降至二級三級四
 級。皆調用。五月以上者。革職。戴罪管解。委解上
 司各降三級留任。其沿途催趨之地方官。令該
 督撫將銅鉛船隻所過州縣入境程限日期。逐
 一覈明。送部查覈。如運員已逾統限。沿途催趨
 不力之地方官。各按境內逾限日期多寡。分別
 定議。如原限應行四日。而行至五日以上者。專
 催官罰俸一年。督催官罰俸半年。行至六日以
 上者。專催官降一級調用。督催官罰俸一年。行
 至八日以上者。專催官降二級調用。督催官降

一級調用。九日以上者。專催官革職。督催官降
 二級調用。若能上緊催趨。於未屆正限之先。即
 已出境。並前途州縣所違之限。能代為趨出者。
 均予紀錄一次。○又奏准。運銅自瀘州至儀徵。
 各督撫派委守備以上武職。沿途查催。僮實係
 守風守水。該委員會同出結。報明地方官加結。
 以憑查覈。其儀徵以北。皆係內河。即有守風守
 水。守插起刺等事。定限甚寬。不准扣除。○又奏
 准。滇省辦運京銅。其頭運兩起。例於八月開行。
 扣至次年八九月。已逾正限。儘可抵通。不准守
 凍。僮抵津遇凍。即令委官自出運費。陸運交局。
 若在山東境內遇凍。遲誤更甚。即照逾限例嚴
 參。○又奏准。解運銅鉛點錫各員。如未經實授
 及試用候補者。准令出考咨部。僮運竣後。並無
 短欠逾限。亦令一體引
 見。○四十一年奏准。滇黔辦運銅鉛。由永甯至瀘州。
 責成永甯道。及敘永廳催運。由江津至巫山。責
 成川東道。及江北廳催運。會撥弁兵護送。毋許
 片刻停留。至江湖守風。不得過四日。守水不得
 過八日。僮聞遇江水異漲。有實在不能依八日

之限開行者。令該道府大員查驗情形。據實結報。儻地方官弁徇情捏飾。及道府督催不加扶同出結等弊。一併嚴參議處。○又覆准滇黔銅鉛船隻過關。令沿途各州縣豫期報關。隨即查驗放行。毋許留難阻滯。或因關口船隻擁擠。總不得過一日之限。如運員逗遛。關上留難。確查報參。○又奏准雲貴等省銅鉛運員領足後。逗遛逾限。許交兌委員稟明。照違限例議處。不准扣展。開行定限。儻領兌不足。或廠員給發遲滯。或陸運委員耽延。以致遲逾。許運員詳稟督撫。確查分別參處。○又奏准滇省運銅委員責成。各道保送該管府州出具考語。由道加考移司。如所保之人。經督撫驗係衰庸。即將保舉道府。卅與扶同詳委藩司。一併查參。分別議處。其報委後。非實有事故。不准改委。黔省運鉛亦照此辦理。○又奏准催趨銅鉛之沿途州縣。上緊催趨。先期出境。本屬該地方官分應急公。毋庸予以議敘。○又奏准雲南省運解京銅委員。自瀘州領兌雇船裝載。限三十五日。由瀘州至重慶。限二十日。在重慶換船過載。限二十五日。由重

慶抵漢口。限四十日。漢口抵通州。連換船展限。限七月。統計自瀘抵通。共限九月二十五日。○又議准鉛運委員。自永甯領運至瀘州。定限三十日。自瀘州抵重慶。限二十日。在重慶鎔鉛。照舊限三月。又裝載開行。限二十五日。自重慶開行。運抵漢口。限四十日。由漢口抵張家灣。連換船展限。限七月。統計自重慶至張家灣。限八月十日。○四十二年

諭銅鉛船隻過境。地方官催趨不力。以致逾限。處分固所應得。但各州縣俱有應辦地方事務。如因命盜相驗等案。迅速前往。不能親身督催者。亦屬事所常有。若概予實降實革。未免太重。嗣後運京銅鉛錫斤。運員逾違通限。沿途催趨不力之地方官。應議降調者。改為降級留任。應議革職者。改為革職留任。○又奏准辦運銅鉛委員。在途病故。如有親丁相隨。其經手各項。毋庸盤查。儻有虧缺。惟該家屬是問。如僅係家人書役。在船幫辦。該接運之員。即會同地方官。督率原解員家役。三面盤查。具結申報。如有虧缺。著落前運員家屬名下賠補。若盤查後。復有虧缺。於接運之員名下著賠。○又奏

准江蘇省清河縣四舖六壩水湧溜急銅鉛船隻春冬二季催令前進毋許逗遛如逢夏秋水漲必須阻守風水等事令該縣詳報經管道府親勘加結申報督撫送部准其扣展○又奏准辦運京銅專用解設現在湯丹等廠紫版銅色與解設相同應批出運京責成該道府查驗銅上鑄明廠分發運如將厚黑版銅搪塞運員全混接收一經驗出將廠運各員及經管道府一併嚴叅○四十四年奏准滇省東川等處運銅脚價銀兩按程計日發給如有濫借立即著賠不准於脚戶名下扣銷○又

諭滇省承運京銅該委員等幾視為畏途若遲誤限期僅予革職劣員等或拌棄一官圖免重累轉得脫然事外著戶部將此項劣員另行定議於革職之外擬以發往新疆效力庶將來承辦之員知所儆戒不敢貽誤欽此遵

旨議定陸運委員自廠至瀘州例限三月逾限者隨時奏革嗣後承運京銅各員運瀘逾限者革職發往新疆效力以昭懲創○又奏准滇省承運各廠京銅每百斤例准折耗一斤乃於額折之外

又有逾折雖脚價銀兩照數追賠難保無浮報私賣之弊嗣後上下站秤兌不足嚴行確查儻有營私捏報據實嚴叅其從前准報逾折之例概行停止○四十五年覆准運銅各員遇有病故告病丁憂等事不能親身回省遣屬報銷即照運員回任例限填給執照由京起程不准回籍儻有逗遛遲逾即將該家屬嚴行懲治並查明丁憂告病之員報叅○又覆准各省委員領運銅鉛如在途聞計丁憂俟辦運事竣方准回籍守制○四十七年覆准運京銅鉛委員在途

遇有壞船等事借支水脚銀兩令各督撫按程途遠近酌量借給至請借撈費於所在地方官庫存雜項內動給先令打撈飛報藩司覈數借給如庫無雜項即由司於充公項下暫借給發其借支撈費等項俟回任題銷扣繳報撥咨會借支省分作正開銷○四十九年奏准滇黔二省辦運銅鉛船隻四川瀘州重慶責成永甯道湖北漢口責成漢黃德道江蘇儀徵責成江甯巡道督屬雇辦催趨○又奏准貴州省發運永甯鉛斤令貴西道及大定府沿途稽查督催並

委試用佐雜官四員分段駐紮專司催趨按五日摺報該道府及巡撫查覈其畢節總路另行委員駐紮將收發數目按日報明庶未到期即可隨時指催○五十一年奏准滇黔二省銅鉛由川江轉運自瀘州至湖北湖南江西等省經過著名最險各灘沈溺無獲准其豁免如題豁後或非危險之灘及別項捏報清弊將查勘之員及保題之上司一併嚴議著賠○五十四年

諭

運京銅斤事關鼓鑄沿途自應小心運送不應全行沈沒多至數萬此必係運員虧缺銅斤捏稱遭風沈溺或係船戶水手偷賣故將船底鑿漏沈溺銅斤臨時既可得撈摸之費而事後又可潛取偷賣者傳諭沿途各督撫嚴飭所屬遇有銅鉛運員申報沈溺者務須嚴密查驗毋任稍有捏飾如查係委員船戶裝點舞弊即據實奏嚴辦以示懲儆○又

諭

銅鉛遇有沈溺即令道府大員馳往查勘該督撫等遇有稟報沈溺之事毋任稍有捏報盜賣等弊○又奏准銅鉛運京在直隸省天津縣起剝原定官剝船一百隻但委員到津後會同該縣臨時雇

雇定派役押候河干俟銅鉛一到即行趨運如銅鉛業已到境剝船猶未齊集即將地方官處○五十五年奏准辦運京銅在瀘州裝載所需船隻責成永甯道督令該州縣雇募務須船身穩固堅厚如現行打造者亦令如式成造儻查係板薄釘稀將原辦官參處運至重慶責成江北廳過秤出結將各船裝載斤數移咨下游接護如川省雇募船戶水手中途逃匿者令該地方官拏究其經過險灘令各州縣刊刻險灘名目於兩岸插立標記傳知船戶水手留心趨避俾免冒險行走並派委遊擊都司查催押送儻遇沈溺設法打撈水深四丈以內者每獲銅一百斤給工價銀三錢每水摸一名日給飯食銀四分水深四丈以外者每一百斤加增銀一錢飭令運員親屬在船住宿防守沿江州縣亦差丁役一同查察以杜偷漏○又

諭

運京鉛斤押運委員自應小心謹慎乃攜挈家屬多人並帶有柴米物件等項種種累贅以致連溺船隻迥非遇有險灘風暴失事者可比此等押運事務不過一二年即可差竣原不必攜帶家眷嗣後遇有解

運銅鉛及因公奉派押解官物等事俱不准委員等攜眷同行以昭慎重○又奉

旨滇省辦運京銅八起皆派雲南官員長運到京但所歷之四川湖南湖北江西江蘇安徽山東直隸地方皆非滇員本省如江路經過險灘河道提溜打牯雇覓夫役呼應究恐不靈且遇有沈溺等事亦恐該員藉端影射不可不特派督撫大員經理稽查於銅船到境時各派勤幹道府一員會同滇員照料押送出省境後遞相交替儻有沈溺短少惟派出之該督撫是問嗣後每年滇省奏到銅運開幫時即照此次辦理章程將沿途各省藩臬大員開單候朕每省酌派一員經理其事俾各有專責毋致推諉則盜賣短少之弊自可久除○又

諭各省採買銅鉛等船及滇黔等省運京銅鉛中途沈溺打撈無獲或不能如數全獲者俱令各運員等分別著賠將地方官議處原以杜偷漏而示懲儆打撈不力致銅鉛損失者既定有罰賠議處之例則認真撈獲並無缺少者亦當量予甄敘嗣後遇有銅鉛錫斤等船在途沈溺該員等果能實力設法全數撈獲者著該督撫查明咨部議敘以示獎勵○又覆准貴

州省委員辦運京鉛在永甯接收由永甯縣剝船裝載將鉛條斤數查明設立木牌開明細數至瀘州換船亦照牌載條節斤數查驗一有不對揭報查辦如無情弊即撥役護送仍出具並無偷漏印結送黔○又覆准黔省鉛斤在重慶鎔化每塊五十斤務須准足乃運員持有挂批之例以致仍有短缺嗣後運員遇有沈溺仍照例准其挂批如並無沈溺仍有短缺者即不准挂批並將運員參辦○五十六年奏准各處險難仿照救生船之例酌募灘師四五名按所在州縣捐給工食令其在灘專護銅鉛船隻如有失防沈溺將該灘師革退如示河干嚴飭該管州縣不得濫將未經練習之人挑補充數○又奏准銅鉛遇有沈溺雇募水摸探量水勢設法打撈並於水摸中揀選誠實一人點為水摸頭專司督率如能於一月內全獲者於例給工價之外令該處地方官賞銀五十兩限外十日或半月全獲者以次遞減所賞銀兩捐廉發給三個月內全獲者毋庸獎賞儻限內撈獲稀少或逾限不及一半者即將水摸頭嚴行比責如有捏

報偷摸情弊加倍治罪。○五十七年覆准瀘店
兌給運員銅斤。令永甯道督同瀘州知州瀘店
委員面同運員用部頒法馬監兌秤收。具結覈
轉。並飭川東道俟銅斤到渝。委江北廳過秤出
結。又由夔關查驗結報。自夔關下。令上站開具
船隻銅數。交下站接護查驗。如無缺少。具結放
行。運至漢口儀徵換船過載。令湖廣江南督撫
飭令護送大員。眼同運員盤查過秤。具結聲明。
儻交局仍有虧短。將運員奏交刑部審辦。如沿
途盜賣及沈溺短少。惟沿途派出之員是問。如

係瀘店短發。即將在瀘各員照例辦理。○五十
八年

諭銅鉛沈溺其打撈並無難易之殊。乃向來撈獲數目
往往鉛多於銅。自因銅鉛價值懸殊。水摸等隱匿銅
斤以圖盜賣牟利。節次所降諭旨甚明。此等事總有
治人無治法。惟在該督撫督飭所屬。遇有沈溺實力
嚴查。如有水摸隱匿銅斤及鋪戶私行售賣者。切實
根究。隨案嚴懲。其弊方可逐漸斷絕。○又奏准運京
銅鉛委員。如交局虧短能依限全完者。不議外
其逾限未完者。一面嚴催速繳。仍交部議處。如

查明實係無力賠繳者。將運員革職。所欠銅鉛
等項著落保委之各上司賠補。○又覆准黔省
運京鉛斤。如鉛塊完整。並無扯損形迹。而斤兩
不足者。令廠員賠補。若鉛塊扯損不完。斤兩稍
短。責令運員於備帶餘鉛內補足。如再不敷。而
所少在百分之一二。照例准其挂批回黔買補。
帶解儻鉛數不足。及鉛塊印模參差。暨有蒸煮
形迹。即屬盜賣透漏。臨時根究嚴辦。○又覆准
黔省鉛斤。在黔鎔化。仍由巴縣知縣過秤盤驗。
上載開行。○又奏准辦運銅鉛各員。交局短少
應賠腳價銀兩。數在一千兩以內者。勒限三月
完繳。在一萬兩以上者。勒限一年完繳。若不依
限全完。即在於籤派各上司名下按股攤賠。仍
將該員嚴參治罪。○又覆准貴州省辦解京鉛
自永甯接兌至重慶鎔竣開行。統限一百六十
五日。今鉛斤在廠鎔化。除去鎔鉛九十日。僅限
七十五日轉運。未免太促。應將鎔鉛限期通融
十五日。加入運員接鉛開行限內。以資妥辦。總
不得逾二八月開行定限。如有逾違。照例查參。
○五十九年奏准。嗣後沈溺銅鉛。若在次險處

所除當時撈獲者帶往不計外餘即覈定數目仍以一年定限如撈不足數運員賠七分地方官賠三分限滿查明數目分別著賠○又奏准地方官打撈沈溺銅鉛依限全獲者照例議敘其限未滿即能全獲者量予優敘至內河地方及平水處所設有沈溺自不難全行撈獲毋庸議敘○又

諭督撫遇有銅鉛沈溺固應實力打撈如實係險難難以施力自當酌量情形不必過於勉強以致水摸有涉險輕生之事○嘉慶三年奏准運京銅鉛短少百

分中之一二者准其按限買補帶解免其議處如例外短少將因何致短緣由行查該省俟查覆到日知照吏部即議以革職暫予留任其應賠銀兩數在一千兩內者限六月完繳在一萬兩以上者限一年內完繳如依限全完題請開復逾限不完即行革職若該員革職之後能於半年內將應賠銀兩全數交足該督撫具題開復留於該省補用仍不能完繳在於籤派各上司名下按股攤賠若運員交局並無短少程限亦無遲逾照例引

見後知照吏部在其入於卓異班內照卓異人員一體升用○七年議准銅斤在途遭風沈溺委員匿不具報或捏報全獲查出將沈溺銅斤照例著賠仍將委員及扶同諱匿捏報之地方官一併嚴參治罪委員私將水腳銀兩置買土物沿途餽送者照例查參如沿途地方官及家人書吏索取土儀藉端留難准運員申報該管上司究辦○九年奏准滇黔等省辦運銅鉛委員有於途次病故參革等事沿途督撫即行遴員接運並派道府大員督同接運之員與原運員親丁家屬三面秉公盤查結報原領水腳銀兩按程途找清如盤查數有虧短者落原運之員賠補若盤查接運後抵京交收復有虧短即於接運之員名下著賠接運之員用過水腳等銀於事竣回省後將一切經手事件造冊詳請本省督撫轉咨滇黔等省彙同原運之員用過價腳銀兩併案題銷○又議准銅鉛入境沿途督撫不行派委道府照料押送並經過州縣僅派一二名兵役持文押送希圖出境了事查出即將該督撫及經理銅務之藩臬各員分別議處○

又議准滇員運銅抵通。坐糧廳照例將該員所帶餘銅留儲備補。正銅俱令原包運局。如有改包及額外多留者。照例揭參。並將運員留儲餘銅數目。出具切結。送部稽覈。儻捏報漏稅。照例嚴參辦理。若銅商經紀。有串通指買等弊。斥革治罪。○十一年

諭辦運銅鉛官員。在途丁憂。派員接運。定例將所運銅鉛交收清楚。方准回籍守制。如有虧短。接運之員。原可據實揭報。責令賠補。於公務私情。兩無妨碍。所有丁憂運員。於接運之員。盤驗結收清楚後。即飭令回

籍守制。○又奏准運京銅鉛委員。在途遇有壞船等事。借給水脚銀兩。各督撫按其程途遠近酌量借給。不得過五百兩。如有坐船沈溺。將原領運脚銀物遺失者。一面咨部。一面覈實借給。亦不得過一千兩。地方官扶同捏報。濫行借給。以致無著。即於濫借之地方官名下。分別著賠。○又奏准運京銅鉛例外短少。應賠償銀於該員回省之日起限。○又奏定滇黔二省現任人員。業經實授者。運銅到京。果能依限解交足額。戶部帶領引

見後。入於卓異班內。先儘升用。升署題署人員。俟實授後。先儘升用。其試用人員。如係曾經實授。緣事離任。仍發原省。或起復赴補。揀發之員。吏部歸於雙單月內。如無坐補原缺。並親老告病之員。即行選用。得缺後。卓異應升之案。帶於新任。照例升用。如係委用知縣。曾經題署。尚未實授。仍赴原省。及初任揀發之員。吏部歸於雙單月。無論是否積缺。一併計算。五缺之後。選用一人。如係同知。知州。通判。歸於雙單月。各積各缺。與正班人員。分別開用。如係分發試用同知。知州。

通判。知縣。仍回原省。不拘從前到省先後。無論應題應調。應選之缺。俱准補用。其卓異應升之案。均准於得缺後。改為加一級。帶於新任。○道光五年。覆准滇省辦運京銅。在四川湖北等省。遭風沈溺。由地方官試探沈銅處所。水深丈尺。每百斤。定例准銷撈費若干。按照沈銅數目。覈實借給。不得例外浮多。若銅斤不能全獲。或賠或免。所需撈費銀兩。例不准銷。照火險之灘打撈。無獲分賠。沈銅例。在於運員名下。分賠十分之七。地方官名下。分賠十分之三。儻所報浮多。

查明有運員鈐領者。著落運員賠繳。無運員鈐領者。著落地方官賠繳。○十年覆准。滇黔二省運京銅鉛。中途沈溺。運員自行買補解運者。令其另行裝載。由地方官驗明結報。俟解交京局查驗。如所買銅鉛。並無鐵砂。低潮夾雜。將該運員照依限解交足額之例。帶領引。○見如有鐵砂。低潮夾雜。成色不足。即發還該運員自行改煎。買補交足。仍准引。○見僅不能改煎交足。數明短少數目。仍照沈溺挂欠之例。不准引。

見至所沈銅鉛。運員買補之後。責成地方官認真打撈。遇有撈獲。解抵前運挂欠數內。並將准銷價脚銀兩。發給墊買之員承領。其有運員沈溺銅鉛無力買補者。仍照向例。俟打撈限滿。分別難次平險辦理。○又覆准。滇黔等省。辦運京局銅鉛。如遇中途沈溺短少。運員力能採買商銅。商情願補足解運者。令將所買銅鉛。報明地方官。驗明斤重塊數。另行裝載。不得混入本運數內。致無區別。仍由地方官將買運銅鉛斤數塊數。造具冊結。先期報部立案。以便到京交收時。

分別查驗。其有沈溺銅鉛。運員無力買補者。仍俟打撈限滿。分別難次平險。照例辦理。○又覆准。沈溺銅鉛。運員自行買補以後。應責成該地方官。雇募水摸。認真打撈。遇有撈獲。隨時咨明滇黔等省。委員帶解運京。收抵歷年挂欠數內。仍將准銷價脚銀兩。按數數明。發給墊買之員承領。不得因所沈銅鉛。業經買補。遂致虛擲。○十六年奏准。滇黔二省。運解京局銅鉛。船隻插入漕船行走。如跟接何幫。何船。即歸該幫船之押運總糧道。一體彈壓催趨。如無故停留。以致稽阻漕船。即由漕運員弁。將該船頭舵水手。嚴提責懲。並將該運員照催趨不力例。參處。○十九年奉。

旨。運員沈溺銅斤。應取地方官印結備驗。前經奏准通行。自應永遠遵辦。至在途接運。亦須酌定章程。以備稽覈。著雲貴總督雲南巡撫。並沿途各督撫。嚴飭該解員等。嗣後遇有沈溺銅斤。除由該地方官照例咨報。並取具印結送部外。該運員等。仍須取具地方官印結。齎赴倉場衙門呈驗。儻該運員等在途有接運情事。亦著飭令將應行移交印結。一併移交。如再玩。

忽未取地方官印結暨接運員並未接收原運員並未移交抵通時著倉場衙門奏交戶部傳詢並著該部查取該運員等職名移咨吏部議處以示懲儆○

二十年奏准湖北省漢口接運滇黔二省銅鉛運抵通州均限六箇月○二十一年議准滇黔二省運解京局銅鉛船隻責成管關之員並地方官嚴密稽查如有夾帶鹽斤私販婦女擅藏光器立即究辦如無各項情弊即出具印結於詳報過關過境文內齎送查考至銅鉛在瀘州雇船載運重慶漢口儀徵等處換船或沿途原

船沈溺另雇民船均由運員會同該地方官選雇每船選派頭舵經工一名出具保結管理水手開幫後水手人等不許擅離登岸限定時刻設或作姦犯科由運員送交地方官從重治罪又護送委員兵役俱令隨船行走認真催趲彈壓仍令下站查明出具實係親身護送印結送部如該委員虛應故事兵役短少下站扶同徇隱查出併參處○二十二年定滇黔二省辦解銅鉛各員如途次並無沈溺短少限期亦無逾違應行帶領引

見人員俟頭剝銅鉛抵通投交文批時即將該省原報該運員履歷咨行吏部查明是否相符其有因案降調吏部亦即將該運員係於何時降調並引

見後是否應回原省抑係歸吏部銓選之處詳細知照以憑覈辦○二十三年議准滇黔二省委員運解銅鉛船隻遇有沈溺該地方文武各官務即親詣河干眼同該運員督飭水摸認真打撈如或撈不足數即派妥幹差役緝訪遇有私賣銅鉛查係出於水摸之手立即嚴拏盡法懲治

○又議准滇黔二省委員辦解京局銅鉛運過津關後應需雇船剝運通州抵通後由坐糧廳大通橋分別水陸轉運京局各該處船戶車夫陸續運解恐難免乘機偷賣情弊一俟銅鉛船隻入境由直隸總督順天府府尹通飭各該州縣派役認真嚴查毋稍姑容○二十六年定銅鉛運員如扣去在途各處守風守水等事耽延外實早到兩箇月又銅運除正限外守風守水等事展限不及一月鉛運除正限外守風守水等事展限不及兩月又銅鉛各運抵通如能趲

越過前三四運者。俟交足額數後。於該解員等帶領引見摺內奏請議敘。以昭激勸。○又定銅鉛運員。途次遇有遭風壞船。修船船隻。耽延日期。止准照案於統限期內。准予扣展。毋庸覈計。早到日期。聲請鼓勵。以杜取巧。○咸豐元年。奏准滇省各廠辦運京銅。逐塊整鑿。廠名年分姓氏等字樣。如有無字低銅。責成首店。揀提退還。改煎補鑿。如首店含糊。秤收轉交。即由次店據實稟報。責令首店改煎補鑿。廠員免議。儻次店含糊。秤收轉交。即由下店據實稟報。責令次店改煎補鑿。首店之員免議。以次遞推。至長運委員為止。儻抵京交局。仍有無字低銅。除將該委員職名咨送吏部。於應得低銅處分外。再比照低銅分數議處。○二年。覆准滇省辦運京銅。責令永甯道親赴瀘店。督飭店運各員。用部頒法馬秤。足具結數。轉所過重慶漢口儀徵等處。責令川東道漢黃德道。江甯巡道。眼同運員。認真秤驗。足數具結申報。抵通時。由坐糧廳會同通水道秤兌。後轉運分解。如下站秤兌短少。即將上站驗員及

運員一併參處。○又覆准滇黔二省辦解京局銅鉛。運入直境。由直隸總督順天府府尹。通飭所過州縣。會同營汛。分別水陸。派撥兵役。嚴密稽查。並由步軍統領衙門。派委弁兵。於京營地面。照料防護。儻船戶車夫。偷盜藏匿。立即嚴拏懲辦。○光緒五年。奏准滇銅起運。於府佐州縣中。擇其年壯曉事。練習銅務者。須辦實缺人員。由該管各上司。出具考語。由道加考。移司候補人員。由首府出具考語。首道加考。移司查驗。屬實。再行委派。詳請該督撫。於具報銅運起程摺內。聲敘考語。並將加考各員。專咨報部。儻抵京後。經錢法衙門。查明該運員與原考不符。除將該運員照例查參外。仍將出考加考各員。暨詳委之藩司。失察之督撫。一併參處。○又奏准滇銅由滇至百色。仍照例限二十三日。由百色轉運至京。至遲不得過九箇月二十五日。儻逾限至一月以上者。將該運員專摺奏參。交部嚴加議處。○又奏准滇銅起解時。先由督辦道府。眼同廠運各員。將法馬較准。即令運員自行敲平彈兌。並將法馬交運員收存。備沿途秤驗。及抵

京平兌之用。出具領銅鈐結。填寫自行敲平。並
 無短少字樣。申報該督撫。即於具報運員起程
 摺內聲明。專咨報部。並先行知照下站換船省
 分。其抵粵。抵滬。抵津。抵通。凡有換船裝卸。均由
 上站先期知照下站。由廣西。廣東。江蘇。直隸。各
 督撫。並倉場衙門。俟銅運到時。照例責令道員
 並坐糧廳。眼同運員。照原帶法馬。認真秤驗。將
 有無短少。取具該運員鈐結。加結申報該督撫。
 專咨報部。如下站秤兌短少。照例將上站驗員
 一併參處。十二年奏准。滇省銅務。歸商局認
 辦。自十二年為始。如辦銅一百萬斤。准以一成
 通商。一百萬以上。准加一成。二百萬以上。再加
 一成。四百萬以上。始准遞加過五成。並在仿照
 漕運章程。按等量予獎勵。

欽定大清會典事例卷二百十八

戶部

錢法 直省辦銅鉛錫

直省辦銅鉛錫。○雍正元年題准。雲南省鼓鑄
 收買本省廠銅。每一百斤。給價銀九兩二錢。○
 五年題准。貴州省各廠餘鉛。照例收買。運往永
 甯。聽各省採買。每一百斤。定價銀三兩九錢。○
 乾隆五年奏准。浙江。江蘇。江西。福建。四省收買
 商人自備資本採辦洋銅。每一百斤。給價銀十
 七兩五錢。如洋銅充裕。價值平減。即奏明覈減。
 如京局採買洋銅。豫年發價。每一百斤。給價銀
 十四兩五錢。水腳銀三兩。其江西赴蘇採買。給
 水腳銀三錢七釐。有奇。雜費銀二錢一分。有奇。
 挑腳銀六釐。○六年奏准。雲南省各銅廠。每一
 百斤。定價銀十一兩。金釵廠銅。質色低黑。每一
 百斤。加耗二十三斤。定價銀九兩。咨行各省赴
 滇採買配鑄。○又題准。貴州省銅川河廠銅。運
 供省局鼓鑄。每一百斤。給價銀七兩。運腳銀一
 兩三錢五釐。有奇。○九年題准。雲南省大理局
 配鑄白鉛。於卑浙塊澤兩廠收買。每一百斤。給

價銀二兩。自廠運局給腳價銀二兩七分五釐。有奇。應配點錫在於箇舊廠收買。每一百斤。給價銀二兩九錢二分七釐。有奇。運腳銀二兩八分五釐。有奇。又題准。貴州省配鑄白鉛於本省。福集廠撥給。每一百斤。定價銀一兩五錢。運局腳費銀九錢三分五釐。六毫。所需黑鉛於柞子廠發給。每一百斤。運局腳費銀一兩一錢九分四釐。應配點錫就近在省城採買。每一百斤。價銀五兩七錢八分。十年覆准。浙江配鑄點錫在省城採買。每一百斤。價銀十五兩。運錫至局。給水腳銀一分。十一年覆准。貴州省白鉛運供京局暨本省鼓鑄外。其餘鉛斤。照原定價值。儘數收買。委員轉運漢口。設局發賣。各省供鑄。其黔省鉛斤。工本運費。即以漢口銷售之價。解還鉛廠。以作收買之用。又覆准。貴州省運花廠白鉛。運至永甯。每一百斤。給腳價銀一兩四錢七分五釐。六毫。六絲。六忽。福集廠給腳價銀一兩五錢三分八釐。九毫。九絲。二忽。柞子廠黑鉛。給腳價銀一兩六錢六分五釐。六毫。八忽。永甯廠至漢口。每一百斤。給水腳銀三錢四分。

三釐。新灘撥費銀三分四釐。雜費銀一釐四毫六絲。鎔化火工。白鉛每一百斤。給銀四分九釐六毫。黑鉛給銀三分四釐五毫。均在鉛本銀內動支。年終造冊報部。又議准。貴州省每年運發漢口白鉛二百萬斤。供各省鼓鑄。每一百斤。覈計鉛本腳價及辦員養廉工食各項實需銀三兩六錢五分六釐。零定價售賣。又題准。福建省採買廣東點錫。每一百斤。給價銀十六兩五錢六分。水腳雜費銀二兩三錢八分零。又題准。直隸省赴漢口採買點錫。每一百斤。給價銀十七兩二分四釐。有奇。採買商販黑鉛。每一百斤。給價銀四兩九錢四分四釐。有奇。又覆准。雲南省城。臨安東川等局鼓鑄。配用該省箇舊廠板錫。由廠運省城。計程七站。運臨安。計程二站。運東川。計程十有四站。每站每一百斤。給運腳銀一錢四釐二毫五絲。又題准。雲南省東川局鼓鑄白鉛。在該省者。海廠收買。每一百斤。給價銀二兩。運腳銀三錢。十三年覆准。四川省鼓鑄採買雲南箇舊廠板錫。每一百斤。給價銀二兩九錢二分七釐。有奇。自廠運至四川。

省城給脚費銀二兩八錢八分九釐有奇。○又議准福建省採買洋商黑鉛每一百斤給價銀三兩五錢。○又題准直隸省赴漢口採買鉛錫自漢口運至保定每一百斤給水脚銀四錢八分八釐有奇。山西省赴漢口採買鉛錫自漢口水運至鄭家口每一百斤給水脚銀四錢四分七釐。自鄭家口車運至獲鹿縣給車脚銀五錢二分六釐。自獲鹿縣至太原錢局給駝脚銀七錢八分五釐。沿途雜費銀三分八釐七毫有奇。陝西省赴漢口採買鉛錫自漢口運至西安每一百斤給水陸運脚銀一兩一錢七分有奇。江蘇省每一百斤給水脚銀二錢二分九釐有奇。江西省每一百斤給水脚雜費銀一錢八分四分。浙江省每一百斤給水脚雜費銀三錢六分八釐有奇。福建省每一百斤給水脚銀五錢一分四分。釐有奇。撥費銀一錢三分。雜費銀三錢七分。○十四年題准雲南省普馬廠白鉛運供省城。臨安二局鼓鑄每一百斤給價銀二兩。該廠距臨安三站。距省五站。每站每一百斤給運脚銀九分九毫零。○十五年覆准貴州省運赴漢

口鉛斤。交坐局委員售賣。每一百斤給官役養廉工食銀四分。運員與漢口坐局委員各半開支。○又覆准四川省採買貴州白鉛每一百斤照舊給價銀三兩九錢。自永甯運至成都每一百斤給水脚銀四錢八分。○又覆准廣東採買本省黑鉛每一百斤給價銀三兩五錢。採買點錫給價銀十三兩。○十六年題准雲南省廣西局鼓鑄鉛斤。於該省卑浙塊澤二廠收買白鉛每一百斤給價銀二兩黑鉛給價銀一兩四錢八釐。自廠運局每一百斤給運脚銀五錢用箇舊廠板錫需運脚銀六錢二分五釐有奇。○又題准貴州哈喇河廠銅運省供鑄每一百斤給價銀八兩。運脚銀一兩三錢二分有奇。○十七年覆准各省採買滇銅在尋甸領運由竹園村至刺隘採買金釵廠銅由蒙自領運至刺隘均照辦運京銅之例。每站每一百斤給運脚銀一錢二分九釐二毫。○又覆准浙江江蘇江西湖北山西五省赴漢口採買商販黑鉛每一百斤價銀五兩五錢。○又

諭晉省開鑪鼓鑄銅斤宜設法採辦源源接濟以資民

用其如何定以官價遴選殷實之人具領承辦之處著速行辦理欽此遵

旨議定山西鼓鑄需用銅斤招商承辦按年領價購買

照西安保定商辦洋銅之例每一百斤給價銀十四兩按每年應辦之數先給價銀三分之一餘俟銅斤交足找領○又奏准山西省商人前赴江南湖北採買銅斤每一萬斤帶買餘銅一千斤以補水陸程途折耗如有多餘仍作正銅交收沿途經過各關照例免稅○十八年覆准廣西省採買賀縣富川兩處點錫每一百斤給

價銀十四兩運至省城水腳銀一兩一錢三釐○又覆准福建省採買洋商黑鉛運局每一百斤給腳費銀一錢一釐八毫六絲六忽裝鉛木桶每隻價銀二分四釐○又覆准江蘇江西山西湖北四省在漢口採買點錫每一百斤給價銀十七兩一錢○十九年議准廣東省鼓鑄歲需滇銅十二萬九千六百斤雲南省歲需廣東鹽一百數十萬斤向例將銅鹽互易免致各委專員齎價之煩惟雲南廣東往來路經百色剝隘煙瘴之區夏秋難行而百色剝隘係雲南廣

東適中之地嗣後令廣東雲南於秋間各運鹽銅起程約冬間可抵百色剝隘兩處明年春初

即可分運回省按年輪直各將鹽銅先期備足委員隨到隨運不令守候抵兌事竣造報兩省互為咨明各自題銷以杜牽混○又題准湖北鼓鑄買用貴州銷售白鉛由漢口至武昌省城每一百斤給船價挑腳銀一分七釐五毫有奇○又覆准廣西福建江西浙江陝西等省委員採買滇銅自剝隘運至百色每一百斤水腳銀八分自百色運至廣西省城每一百斤水腳銀

五錢九分七釐有奇沿途雜費銀九分七釐運至福建省城每一百斤水腳銀一兩一錢九分八釐有奇雜費銀六錢一分二釐有奇運至江西省城每一百斤水腳銀六錢六分二釐有奇沿途撥費銀一錢零一釐雜費銀二錢六分有奇運至浙江省城每一百斤水腳銀七錢四分四釐有奇雜費銀二錢八分七釐運至陝西省城每一百斤水陸運腳銀一兩五錢二分一釐有奇雜費銀二錢八分八釐○又覆准江蘇省買運滇銅由剝隘運蘇每一百斤給水腳銀六

錢八分一釐有奇。雜費銀三錢四分。二十年題准湖北省每歲額買湖南廠銅十萬斤。每一百斤。給價銀十三兩。自廠運至長沙。共需腳費銀一百七十二兩八錢七分二釐。自長沙運至武昌。每一百斤。水腳銀四分六釐。雜費銀四分九釐九毫。又題准滇省阿那多廠黑鉛。運供東川鼓鑄。每一百斤。共給鉛價運腳銀二兩二錢。二十一年議准貴州省運鉛至漢口。委員坐局售賣。漢陽同知就近管理。賣獲鉛價。該同知查驗。督令解至漢陽府庫收存。貴州委員將鉛價領解回省時。報明湖北巡撫飭沿途地方官撥兵護送。其存局未售鉛片。責成漢陽府同知。年終赴局盤查。將實存數目。詳明巡撫轉咨貴州查覈。儻貴州委員有將銀鉛私行侵挪虧空情弊。該同知扶同徇隱。不實力稽查。發覺之日。一體議處。又題准雲南省城局配鑄黑鉛。每一百斤。價銀一兩五錢。運腳銀六錢。臨安局價銀一兩四錢八分。運腳銀九分九毫。又議准雲南省卑浙塊澤兩廠白鉛。每一百斤。減價銀一錢八分。以一兩八錢二分。之價收買。又

議准湖南省歲需貴州白鉛二十萬斤。於黔省委運漢口。出售鉛片之便。帶解楚南。舟過巴陵縣時。將鉛片兌交該縣接收。轉運省局。每一百斤。給腳價銀三兩五錢六分有奇。其鉛價銀兩。巴陵縣接收鉛斤之後。即在地丁銀內兌發。交該委員帶赴漢口。轉交坐局之員。寄庫附解回黔。其巴陵縣運至長沙。每一百斤。給水腳銀五分五釐有奇。二十三年題准雲南省北地坪廠黑鉛。每一百斤。給價銀一兩。腳費銀一兩二錢。收買運供大理局鼓鑄。二十五年議准廣東省鼓鑄。自乾隆二十六年為始。每年添買金釵廠銅五萬斤。又議准廣東鼓鑄白鉛。向係本省採買。每一百斤。計價銀四兩八九錢不等。今由廣東鉛廠發價收買。每一百斤。價銀二兩四錢。運腳銀九錢有奇。較本省採買。節省銀一兩四五錢。自乾隆二十五年為始。令廣西收買運省。廣東按兩年一次。委員赴運。以資鼓鑄。又覆准廣西省白鉛。自桂林府運至廣東省城。每一百斤。給水腳銀一錢五分七釐五毫。又奏准貴州省採買滇銅。將大興金釵二廠銅斤

各半搭運大興廠銅每一百斤加耗餘銅十一斤給價銀九兩二錢金銀廠銅每一百斤加耗餘銅二十四斤給價銀九兩○二十七年

諭凡遇鄰省採辦銅鉛經過飭各州縣一體實力稽查

如有偷盜沈溺情弊隨時具摺專奏若查明並無事故者止令於歲底將某省辦運銅鉛若干並入境出境日期彙奏○又覆准各省赴雲南湖北廣東等省採買銅鉛點錫委員起程時本省咨明出產省分俟委員到彼即兌發領運該省咨明經過省分轉飭沿途州縣稽查押護○又題准貴州省

領運雲南大興金銀廠銅自廠運至貴州陸路每站每百斤給腳費銀一錢二分五釐水程四站每百斤給銀八分五厘銀一分一釐運費銀四分○又奏准雲南省甯臺廠銅每百斤加耗銅二斤十兩運省改煎辦殼淨銅每百斤外加餘銅一斤定價十一兩撥供各省鼓鑄○又議准貴州省局鼓鑄銅鉛改由陸運其各廠運省脚價雜費銅川河廠每百斤一兩五錢九分八釐五毫哈喇河廠一兩六錢一分三釐五毫柞子廠運省黑鉛脚價銀一兩四錢四分一釐二

毫○二十八年覆准湖北省採買甯臺廠銅自大理府運至省城銅店計程十三站每站每百斤給運脚銀一錢四釐二毫自省至竹園村每站每百斤給運脚銀一錢竹園村至剝隘每站每百斤給運脚銀一錢二分九釐二毫自剝隘至百色每站每百斤給運脚銀四分自百色運至湖北省城每百斤給水脚銀三錢七分五釐有奇雜費銀三錢一分一釐有奇○又奏准湖北省配鑄買用漢口商銅發價豫交行戶採辦限七月交足每一百斤給價銀十七兩五錢○

二十九年奏准四川省鼓鑄需用滇省箇舊廠板錫該廠產錫漸少不能協濟供售嗣後改買該廠鑪錫每百斤給價銀四兩五分四釐有奇○又議准江西省鼓鑄每年需洋銅二十萬一千六百斤商人不能按額解交查雲南大興廠銅可抵洋銅配鑄每百斤需脚價銀十四兩六錢有奇覈之洋銅價值較為減省將江西每年所需洋銅於雲南大興廠採買一半每年以十萬斤為率開年委員赴雲南採買○又奏准陝西省採買滇銅每年辦解高銅二十萬斤金銀

廠低銅十五萬斤。配搭鼓鑄。又題准雲南省順甯局鼓鑄配用卑浙塊澤兩廠白鉛每百斤給腳價銀四兩二錢六分有奇。黑鉛腳價銀二兩二錢。箇舊廠板鋤腳價銀五兩三錢七分七釐有奇。三十年奏准陝西省採買滇銅自三十一年為始。每年採買四十萬斤。高低各半撥給。三十七年議准雲南省辦獲銅斤。春夏兩季於六月截數。秋冬兩季於十二月截數。將廠存銅數。知會採買各省。赴滇領運。酌撥廠分。隨到隨給。以免守候。四十年奏准各省採買滇銅。將銅少附近之小廠。令廠員運交雲南府接收轉發。其省城上游最遠之得勝白洋日見汛等廠。委員難以領運。日見汛廠銅。廠員運交麗江府接收。得勝坡廠銅。運交永昌府接收。均轉運下關白洋廠銅。廠員徑運下關。統交大理府接收。轉運省城發領。義都青龍兩處。及省城下游各銅廠。程站較近。仍令各省委員赴廠領運。所需運腳。上游銅斤。自廠運省。歸滇報銷。下游銅斤。仍歸各省報銷。又

諭凡採辦滇銅必須選派月令心縣或能事之同知通

判前往。並須擇其身家殷實者充當此差。方為妥協。雜職中。即有勤慎明白。堪任差委者。亦止可令派出之丞倅。知縣帶往。以供奔走查催之役。斷不可專派簿尉微員領辦。致滋貽誤。設差委非人。沿途或有侵蝕虧空等事。惟派委之該督撫藩司是問。欽此。遵

旨議定。各省採辦銅鉛錫斤。動項在一萬兩以上者。於州縣丞倅中。選委妥員辦理。以專責成。四十年覆准貴州連發廠白鉛。運省供鑄。自廠至局。每站每一百斤。給腳價銀一錢二分九釐二毫。運費銀二分。四十四年覆准各省委員赴

滇採辦銅斤。所帶運費。本省務須照數發足。毋得在滇借支。又奏准貴州省委員運漢銷售鉛斤。向係全數賣畢。齋價回省報銷。未免守候需時。嗣後改為前後兩運。鉛抵漢口。即將前運未賣之鉛。交與後運之員代賣。前運委員。即齋已賣之價。回省銷差。並飭後運之員。先儘前運存鉛賣畢。再行接賣。自運之鉛。仍令前員報銷。以清年款。又奏准貴州省委員運漢銷售鉛斤。額給官役養廉等銀一千兩。今既無需守候。酌減銀五百兩。節省充公。每運給銀五百兩。

四十五年奏准山西省鼓鑄每五年一次招商辦銅一百萬斤。今餘銅充裕應每年買銅一十萬斤。僅需添辦。臨時奏明辦理。○四十六年覆准各省採辦滇銅。遇有運脚不敷。按照程站准銷成例。覈實借給。僅任聽運員濫行多借。致有追繳無著者。責令濫借之員賠完。○四十七年奏准貴州省黑鉛。按年撥運十萬斤。帶解漢口。以備各省採買。每一百斤。定價銀三兩七錢九分有奇。○又奏准山西省鼓鑄銅斤。向由各州縣保舉殷商。公同認辦。該商等於例價外。俱湊幫費銀兩。以資貼補。實非經久之計。應將現存幫費銀二十萬九千六百餘兩。內撥出銀二十萬兩。交各商承領營運。按月一分納息。每年取獲息銀。作為辦銅貼費。其幫費概行停止。○又奏准山西省商人年額採辦銅十萬斤。例給價銀一萬四千兩。餘銅一萬斤。例不給價。即照該商等公貼成數。每正銅一斤。貼銀一錢八分。餘銅一斤。補給價銀一錢四分。貼銀一錢八分。按每年額辦正餘銅一十一萬斤。共需貼費銀二萬一千二百兩。於典商生息銀內動支。餘贖息

銀二千八百兩。積存司庫。遇有添鑄加鑄。仍作辦銅貼費之用。○又覆准山西省鼓鑄銅斤。向係各州縣保舉殷商承辦。今將幫費彙交藩庫。分發典商營運。毋庸各州縣商人經理。即遴選身家殷實熟悉銅務商人三名。飭令按期領銀採買。以專責成。○四十八年

諭蘇州官商承辦洋銅。除每年額運正項銅斤。交清其餘銅斤。即准其照舊變賣。以紓民力。○四十九年奏准四川廠銅運省鼓鑄。每月報獲銅斤。俱於次月初旬。儘數解交甯遠府局。該府接收解省。不得過月半之限。○又奏准蘇州民商自備資本採辦洋銅。每年應交蘇州浙江江西三省銅四十八萬斤。每一百斤。例領價銀十七兩五錢。今商力稍裕。每一百斤。給領價銀十五兩三錢。承辦。○五十一年覆准廣東省寶廣局需用白鉛。向赴廣西採買。今以產鉛不敷。於廣西漢口各採買鉛一十四萬四千二百餘斤。開年採買一次。以供配鑄。其廣西白鉛脚價。照舊辦理。至漢口白鉛。每一百斤。定價銀三兩六錢五分六釐。自漢口運至廣東省城。每一百斤。給水脚銀五

錢四分三釐。其自廣東至桂林。自桂林至長沙。自長沙至漢口。每處雇船一隻。給船價銀二十。一兩九錢八分七釐。○五十二年奏准各省委員赴漢口採買鉛斤。向係先交價銀。令漢陽府同知於查驗後解交湖北藩庫收存。但輾轉涉手。不免日久滋弊。嗣後委員齎銀到楚。徑解湖北藩庫彈收。由司飭知鉛局委員兌給鉛斤。俟黔員售鉛回黔。該藩司將原存銀兩放給。咨會黔撫查照。以昭慎重。○又奏准湖北省實武局鼓鑄每年採買漢口銅一十萬九百五十斤。專令鹽道督飭漢陽府公同辦理。如有行戶擡價居奇。即責成漢陽府稽查究辦。○五十五年覆准各省採買滇銅。先將撥銅成色。咨明本省查照。委員回省。按照滇省原定之色驗收。僅以低潮不足之銅兌發。經運員挑退。即將廠員究辦。委員領竣時。取具並無低潮銅斤印結。僅各省收銅驗有不足。令委員賠補。○又覆准貴州省運楚銷售鉛斤。委員在黔領銀。前赴永甯接收鉛斤。運至漢口。鎔化。但每年所運不能一次完竣。頭幫到漢口。該員即坐局銷售。其餘鉛斤均

令家屬在永甯陸續接兌。運至重慶。令委員將家屬姓名。移知永甯局員。並四川重慶巴縣等處。照京鉛之例。於瀘州換船時。將鉛斤條數。知會巴縣。按照木牌查驗。仍將該運鉛斤。已運若干。應存若干。通盤覈計。如有短少。即行究辦。○又覆准委員採買銅斤。在滇請借運腳銀兩。除貴州係接壤之區。毋庸借給。其餘各省。如有實係事在必需。即視其銅數之多寡。程途之遠近。自一千兩至二千兩為度。此外不得多借。○五十六年奏准廣東廣西二省採辦滇銅。及漢口等處銅船回省。並各省採買銅船。經過廣東廣西各州縣。專派各該知府。照依各管地方。親身押送交替。如有守風守水等事。該管道府親身稽查。毋許稍有捏混停滯。僅有貽誤。立即參賠。○五十七年覆准運楚鉛斤。自重慶至漢口。每一百斤。原定水腳銀一錢七分五釐。今減載添船。每一百斤。增給銀二分九釐。共銀二錢四釐。所增水腳銀兩。令各省照數加給採買。○嘉慶二年議准。長蘆官商承辦直隸。江蘇浙江。江西。湖北。陝西。六省洋銅。豫發幣銀。赴洋採辦。每年

額交直隸省銅二十五萬斤。陝西湖北江西浙江等省銅各五萬斤。江蘇省銅五萬五千九百六斤。直隸陝西二省銅每一百斤作價銀十四兩。江蘇浙江江西湖北四省銅每一百斤作價銀十三兩。其民商自備資本辦繳江蘇浙江江西三省洋銅每一百斤給價銀十五兩三錢。至官商額辦洋銅除江蘇浙江二省係銅船必經之處即自行交局。其江西銅斤令該省委員赴蘇領運。由商運送沿途經過各關例不輸稅。今長蘆之商應令江蘇遼商接辦仍照從前十三兩十四兩之例豫給銅本採辦江蘇浙江二省就近由商解交。其直隸陝西湖北江西四省洋銅商人赴洋辦回按額解交寶蘇局庫令各該督撫委員赴蘇兌領商人毋庸送運。經過各關照例納稅。其應給銅本在江蘇藩庫先行動給領辦各省委員齎價赴蘇。如該商有缺額違限等事立即革退另選妥商接辦。或有虧欠銀兩在連名互結各商名下公賠。○又覆准官商辦銅洋船照例歲發七艘辦回洋銅除繳各省年額外餘銅准其銷售以助辦運之費。○又覆准

官商辦運直隸等省洋銅繳存寶蘇局應將直隸額銅儘先繳收。次將江西湖北陝西三省報繳依次行知各省領運。○又覆准官商繳存蘇局各省洋銅直隸按年領運江西湖北陝西三省按兩年領運一次。○三年覆准各省委員採買滇銅本省咨內聲明運腳全數發給如滇省撥銅並無耽延者不准在滇借給運腳其本省未經發足滇省撥銅雖在限內而運腳不敷滇省查明歷運准銷成例覈計找領銀數借給各省於委員報銷時即將在滇所借銀兩照數扣抵。倘有未完照京局短少銅斤之例勒限三月全完逾限查參所借銀兩在各上司名下攤賠。如本省運腳既未發足滇省撥銅又復逾限以致運腳不敷在滇借給遇有無著即令滇省與本省各半分賠。○四年覆准直隸省寶蘇局係按銅六鉛四配鑄除官商額辦洋銅二十五萬斤外每年不敷洋銅五萬斤議將江蘇等五省額銅內各減一萬斤添撥直隸供鑄。倘該五省或有不敷即於採買滇銅時添買。○五年奏准各省應用黑鉛貴州每年額辦一十萬斤運漢

口售供配鑄嗣因各省以金釵廠銅配鑄無需黑鉛惟直隸山西二省全用洋銅必須黑鉛配用令貴州每年改辦五萬斤以供該二省鼓鑄○七年覆准官商運交江蘇浙江二省洋銅每正銅一百斤備帶餘銅二斤八兩隨正交收直隸湖北江西三省每正銅一百斤加耗二斤八兩陝西省每正銅一百斤加補色耗銅十三兩均用蘇庫部頒法馬秤兌繳存蘇局各省委員赴蘇領運○八年題准貴州省運漢售供各省白鉛因採納河新廠程站較遠酌增三站運腳每一百斤合價銀四兩二錢三毫三絲九忽八塵令各省照此齎價採買四川赴永甯採買黔省白鉛每一百斤合價銀四兩五錢五分二釐一毫七絲九忽二微○十年議准貴州省每年運赴湖北漢口銷售鉛斤該省委員至漢口交代湖北委員接收清楚即行起程回黔毋庸在漢口守候銷售其接收鉛斤及兌發各省委員採買事宜令漢陽同知就近坐局管理每屆歲底責成漢陽府盤察結報所有售獲鉛價寄存湖北藩庫黔省下運委員到楚領解回黔歸款

○十三年覆准江蘇省官商承辦洋銅先繳銅斤後領幣項每一百斤無分水陸以十二兩為準○十六年奏准廣東省每年鼓鑄應需高低滇銅由滇省按年委員運至刺隘地方交廣南府設店收存先期咨會粵省委員至刺隘接遞回粵不必俟運鹽之員到百色始行交替以免守候至滇省廣南寶甯二府縣應需粵鹽由粵省按年委員運至百色交廣南寶甯二府縣接收運銷由百色同知具報滇省並知會廣南府寶甯縣前往接收仍先期委員赴百色監收粵省應需高銅一十萬七千三百斤零按照八成色在萬寶廠撥給低銅六萬二千七百六十斤零按照八成色在金釵廠撥給先將該二廠銅斤各提取三塊作為樣銅以二塊存於滇省備查二塊發交廣南府收存比對二塊咨送粵省發局較樣秤收○二十四年奏准湖南省桂陽州綠紫坳銅廠事務責成該州知州管理每年額交銅四萬四千四十八斤湊供本省鼓鑄如能額外多辦儘採儘解儘有偷漏缺額等事即將該州據實嚴參所短銅斤按數追賠○道光

元年奏准福建省寶福局鼓鑄應需銅斤。自本年
 起每屆三年委員赴滇一次。辦買紅銅五十
 二萬一千餘斤。○咸豐三年奏准江西省採買
 料銅每百斤脚價折耗需銀十三兩五錢九分
 ○四年奏准酌撥四川省瀘店運京滇銅一百
 萬斤運往甘肅以供鼓鑄。○五年奏准河南省
 籌運額銅自乙卯年為始雲南省每年帶運滇
 銅五十萬斤。江蘇省每年帶運洋銅五十萬斤
 滇銅交京運委員帶至湖北再由豫省委員赴
 楚領運。洋銅交江蘇銅局按年分兩運帶至蘇
 州再由豫省委員赴蘇領運。應需銅斤運脚銀
 兩即在豫省寶河局鑄出正鑄大錢項下由司
 數提易兌銀兩解運各該省歸款。○七年奏准
 直隸省鼓鑄鐵錢採買山西平鐵每百斤需價
 制錢二千四百文。○同治六年奏准直隸省鼓
 鑄制錢採買白鉛每百斤需價制錢一十一千
 文。○光緒十三年奏准直隸省鼓鑄制錢採買
 銅鉛每洋銅百斤合價銀十兩九錢四分八釐
 白鉛每百斤合價銀四兩一錢五分一釐五毫
 ○十四年奏准湖北鼓鑄制錢銅鉛由洋購辦

紅銅每百斤連運脚合錢一十八千二百六十
 文。白鉛每百斤連運脚合錢七千三百四十文

欽定大清會典事例卷二百十九

戶部

錢法直省辦運銅鉛錫限期 直省鼓鑄

直省辦運銅鉛錫限期○乾隆三十年議准各省赴雲南買銅委員齎價起程至雲南省城江蘇限一百八十二日浙江限一百二十日福建限一百八十八日湖北限九十四日江西限七十七日廣東銅鹽互易限二百四十日廣西限一百五日陝西限九十日貴州限十九日其委員運銅回省限期以銅斤領足之日由廠員報

明起限自雲南省城至剝隘水次運銅一十萬斤限九十日運竣每加運一十萬斤展三十日領運金釵廠銅自蒙自縣至剝隘水次運銅一十萬斤限七十五日加運一十萬斤加展二十五日至買銅數多之省有兩官分運者分別扣算如一官撥領兩廠之銅亦各照定限分扣時遇農忙瘴盛委員同地方官具報雲南督撫咨部准其停運展限自剝隘以下運銅回省江蘇限二百二十五日湖北限一百八十五日江西限一百四十一日廣東限八十二日廣西限一

百五日陝西自剝隘水運至龍駒寨限一百九十八日由龍駒寨陸運回省每運銅二十萬一千六百斤限九十五日加運一十萬斤展限四十七日如領運瀘州銅斤自雲南省城至瀘州限三十一日在瀘州兌領每一十萬斤限五日運至瀘州水次至略陽縣限一百二十五日自略陽運至省城限二百四十日貴州領運滇銅回省限十九日本省廠銅由廠運省限十三日遇雨水泥漳准其報明加展不得過五日之限直隸商辦洋銅於洋船抵江蘇之日起限自蘇州運至保定限一百八日○三十一年議准各省辦運鉛錫直隸齎價至漢口及裝運回省統限二百八十八日山西至漢口往回統限二百七十日江蘇至漢口往回統限八十八日江西至漢口往回統限七十二日福建至漢口往回統限一百三十六日赴廣東辦錫往回統限二百八十八日浙江赴漢口辦鉛往回限九十六日陝西赴漢口限三十五日採買起運限五十日自漢口運至龍駒寨限七十四日龍駒寨至省照運銅之例按數計日四川赴貴州辦鉛往回統限一

百八十日。赴雲南辦銅。往回限二百四十日。廣東赴廣西辦鉛。往回統限一百日。貴州撥本省廠鉛。柞子廠運省。限十一日。樂助廠運省。限五日。○三十五年議准。各省委員赴滇辦銅。在廠領兌。原未定有定期。嗣後於委員到廠之日起。限每日兌領銅一萬四千七百斤。如買一十萬斤。限七日兌足。數多者照此遞加。儻廠員不依限秤發。令解員據實揭報。如解員無故延挨。亦令廠員據實揭報。分別參處。仍將兌領日期報部查覈。○四十一年議准。各省委員赴滇黔等

省採辦銅鉛點錫。起運後。沿途無故遲延。逾限不及一月者。免議。一月以上者。罰俸一年。兩月以上者。降一級留任。三月四月五月者。降一級。二級三級皆調用。半年以上者。革職。其沿途經過地方。不實力催趨。以致逾遠程限者。比照催趨運京銅鉛之例。再為酌減。如原限應四日而行。至五日者。專催官罰俸六月。督催官罰俸三月。行至六日者。專催督催官。分別罰俸九月六月。行至八日以上者。專催官罰俸一年。督催官罰俸九月。九日以上者。專催官降一級留任。督

催官罰俸一年。○四十六年覆准。江蘇官商辦解洋銅。至江西省局。定限五十六日。七時至湖北省局。定限六十四日。七時至陝西省局。定限四箇月。十四日十一時。違限查參。○四十七年覆准。山西省商人採辦銅斤。酌定每年三月起。程扣準一年為限。儻有違限。照文武官犯公罪之例。一月以上。答五十。二月以上。杖六十三。三月以上。杖七十。四月以上。杖八十。五月以上。杖九十。半年以上。杖一百。革退另募。沿途遇有水涸。守風守凍等事。報明地方官。出結咨部。准其扣展。○五十一年覆准。廣東省赴漢口採買白鉛。由桂林長沙至漢口。往回統限二百十八日。如有遲逾。照例查參。○五十四年

論各省錢局所辦銅斤。雖不能如部局之年清年款。但

不定以限制。經歲累年。稽遲守候。恐滇省官員與委員有所厚薄。可以意為先後。將後到者徇情早給。而先到者反致守候。不可不防其弊。自當按省分之遠近。以到滇之日為始。酌定年限。如有逾限。不將銅斤辦給者。即將該廠員議處。其銅斤務令照部定成色。不准攙和。低潮儻有不足。准令該委員稟明另換。如

此庶廠員等不致任意延玩。運員等亦無能藉口。其如何按照道里立定限期。著妥議具奏。欽此。遵

旨。議定各省採買銅斤。如委員先後到滇者。則儘先到

之員給發。其同時並到。仍按各省道里遠近。先給遠省之員。於委員到滇之日。即將應辦銅斤指定廠所。將何廠撥銅若干斤。應限若干日。統計何時可全數交兌發運。先行咨部。俟奏報開行時。將廠員有無逾限。於摺內聲敘。如廠員逾限。不給照。運員在途逾限。例議處。如因銅色低潮。換銅誤限。亦將廠員議處。若委員並未稟換

至本省驗明不足成色。將委員查參。○五十五年題准滇省廠員運交雲南大理等處銅斤。馬運者日行一站。牛運者日行半站。如牛馬倒斃。雨水阻滯。銅數在一萬斤以下。道里在十站以內者。寬限二日。一萬斤以上。十站以外者。寬限四日。五萬斤以上。十站以外者。加限一倍。再加寬限六日。如有逾違。照運員在途逾限例。察議。又各省委員辦銅到雲南省城。俟撥定廠分後。辦理文件。請領運腳咨牌。赴廠領運。每運限三十日。雇募牛馬。如所運銅數一十萬斤者。限三

十日。二十萬斤者。限四十日。三十萬斤者。限五十日。四十萬斤至五十萬斤以上者。限六十日。總不得逾三月之限。其領運甯臺廠銅。須在雲南省城改煎。一切建蓋鑪座。雇覓匠役。買備薪炭。每運限六十日。每改煎銅一萬斤。定限十日。逾限者查參。○五十六年覆准各省委員赴滇買銅。由藩司指廠撥銅。以委員到滇交收銅價之日起。覈計所領高低銅數。於一月限內。籌撥至廠店各員兌撥銅斤。如數在四五千斤以至一萬四五千斤者。定限一日兌竣。其有二三萬斤至一十餘萬斤者。照此遞加。儲廠店各員有逾定限及辦運之員。不依限領運。俱分別查參。○又覆准貴州省運楚銷售鉛斤。委員自永甯兌換鉛斤之後。限三月全到漢口。如有遲逾。照京運定例議處。○又題准貴州省辦運楚鉛。委員以結報到司起限。一月起程。限一月到永甯。在永甯領鉛。限一年兌清。如無故遲延。照辦運京銅遲延之例議處。○嘉慶七年覆准陝西省委員赴蘇領運洋銅。改由水陸運解。自江蘇至湖北漢口。定限六十四日。七時自漢口運至陝

西龍駒寨定限七十四日自龍駒寨陸運至省局定限四十七日無故逗遛照例查叅○道光元年奏准福建省採買滇銅三年一次每次於秋季委定人員限年終到省承領價腳銀兩即行給咨起程毋得藉故遲延致誤鑄務○咸豐元年

諭前因戶工兩局銅斤短絀降旨飭令沿途督撫飛催各銅運已入山東境及已渡黃各起限於九月內趕運到京本日據陳慶偕奏運員吳鴻昌領解已酉年正運四起鄭訓遠領解庚戌年正運一起銅鉛均於

八月內趨入山東境內飛飭提催等語現在京局鼓鑄需銅緊要此兩起銅運入山東境又逾一月著直隸總督山東巡撫各派妥員迎提北上其前次已入山東境之彭克偁趙崑二起銅運一併飛速提趨務於本月內抵通運京以資接濟儻再逾延即著指叅懲辦其在後各起銅運仍著沿途各督撫趕緊嚴催迅速趨行毋任稍有延緩

直省鼓鑄○順治元年定鑄成順治通寶樣錢頒發河南陝西兩省直隸宣府薊州山東臨清陝西延綏等鎮開鑄鼓鑄令布政使司總理就

近道員府同知通判分管○二年題准山西省城及大同密雲二鎮開鑄○三年定湖廣及荊州鎮開鑄○四年題准

盛京河南江西甘肅廣東湖南之常德府各開局鼓鑄○五年議准江南江甯府設廠開鑄停陝西延綏鎮及

盛京局○六年定山東浙江福建各設局鼓鑄移大同局於陽和○七年定湖北之武昌襄陽二府各開鑄鼓鑄○八年議准各布政使司止各開一局餘皆停止○九年停湖廣常德襄陽二

局令荊州鄖陽各設局開鑄○又題准各省鑄錢責成各該衙門按季報部歲終彙冊奏銷○十年題准各省鑄造制錢背鑄一釐兩漢字各增本省一字宣府宣字薊州薊字山東東字臨清臨字太原原字陽和陽字河南河字江甯江字浙江浙字福建福字武昌昌字陝西陝字清漢各一字鑄不合式者叅究○十二年山東萊州府設鑄鼓鑄○十三年議准各省鼓鑄如樣錢頒發而鑄造遲延並季報愆期鑄制錢粗壞者皆罰俸一年○又覆准移山西陽和局於大

同改鑄清漢同字。十四年題准停止各省鑄局。十七年復設各省鼓鑄江南江甯府改鑄甯字。江西南昌府背鑄江字。雲南亦令開鑄背鑄雲字。均清漢文各一。十八年題准鑄成康熙通寶樣錢。頒發省局依式鑄造。康熙元年定停各省鑄錢。止留江甯局。六年復開各省鼓鑄。增設湖南及江南蘇州府陝西鞏昌府鑄局。照式鑄地名各一字。兼清漢文。蘇州蘇字。湖南南字。鞏昌鞏字。廣東廣字。廣西桂字。四川川字。貴州貴字。清漢各一字。九年停山東山西河南江南之蘇州江西福建湖廣陝西甘肅四川廣東廣西雲南貴州廠局。十年停薊密宣三鎮局。十三年停浙江省鑄局。十四年停臨清鑄局。十八年復開廣西省鼓鑄。十九年覆准福建省漳州府設鑪鼓鑄背鑄清漢漳字。二十年設雲南省鑄局。停廣西鼓鑄。二十二年停福建省漳州鼓鑄。二十三年設湖南省鼓鑄。二十五年覆准廣東省肇慶府設鑪鼓鑄。尋停。二十六年開湖北省鑄局。二十八年題准福建臺灣建設郡縣頒發樣錢。就

地開鑪鼓鑄背鑄清漢文臺字。又覆准雲南省暫停鼓鑄。三十一年停廣東及福建臺灣鑄局。三十五年開浙江省鑄局。三十八年停止浙江湖北兩省鑄局。三十九年停湖南省鑄局。六十一年題准鑄成雍正通寶樣錢。令四川雲南兩省設鑪鼓鑄寶泉局頒發樣錢。四川背用寶川二清字。雲南背用寶南二清字。嗣後別省鑄錢皆用寶字為首次。加各本省一字。又題准雲南省城霑益臨安大理四局共設鑪四十七座鼓鑄。雍正元年停止四川省鼓鑄。二年覆准裁雲南省各局鑪七座。四年覆准雲南省裁去大理霑益二鑄局。其省城臨安二局設鑪三十座鼓鑄。制錢除本省搭放流通外。以四萬串發運江南江西湖廣四川廣東廣西等省。令各督撫動藩庫銀。每制錢一串給銀一兩。交雲南解官領回。接濟工本。各省所收錢搭放兵餉流通。如錢輕薄不合式。各該督撫奏聞。將雲南監局官交部議處。又覆准甘肅省暫開鼓鑄。收小錢鑄大錢。小錢收盡。即行停止。錢背

鑄寶鞏二清字。六年覆准甘肅省收買小錢改鑄大錢。種種未協著行停止。又覆准雲南省寶雲錢局每銅鉛千斤外加耗九十斤。令其加鑄。所需工本銀亦照數動給。鑄出制錢造入正額。鼓鑄案內報部所獲息錢增給食米等項之外。如有贏餘據實報部。七年覆准山東山西河南江西浙江湖北湖南等省將收買銅器開局鼓鑄。山東背鑄寶濟。山西背鑄寶晉。河南背鑄寶河。江西背鑄寶昌。浙江背鑄寶浙。湖北背鑄寶武。湖南背鑄寶南。二清字。九年覆准安徽省將收買銅器開鑄鼓鑄。背鑄寶安。二清字。又題准山西河南二省所收銅器無多。暫停鼓鑄。又題准貴州省於畢節縣設鑪開鑄。十年四川省設鑪鼓鑄。十一年題准雲南省增設鑪二十八座。鑄運陝錢十萬串。每錢一串。合工本腳費銀一兩一錢九分一釐有奇。又題准江西省收買銅器皆已用完。暫停鼓鑄。又題准雲南省局鑄運陝省錢。改於東川府建局鑄運。每串合計工本運腳銀一兩一錢一分六釐有奇。又議准湖北湖南廣東三省應

辦雲南銅運解京局。共一百六十六萬三千一百九十九斤有奇。嗣後留於雲南。令貴州辦鉛運至雲南。配搭鼓鑄制錢三十四萬三千六十二串有奇。委官運至漢口。附搭漕船運抵通州。轉運至京。又題准安徽省所收銅器皆已用完。停止鼓鑄。十三年題准陝西省錢價平減。雲南所鑄運陝錢。停止領運。又題准山西省將收買現存銅鉛開局鼓鑄。又題准江蘇省收買銅器。設局鼓鑄。背鑄寶蘇。二清字。又題准改鑄乾隆通寶樣錢。頒發設鑪各省。一式遵照鼓鑄。乾隆二年。江西省復開鼓鑄。又定貴州省鑄錢。銅鉛對搭。不能黃亮。准以銅六鉛四。搭配鼓鑄。三年。山東省寶濟局。停止鼓鑄。四年。雲南省停鑄運京錢。又奏准福建省收買銅器。設局鼓鑄。五年。奏准雲南省局。增設鑪十座。臨安局。增設鑪五座。又題准貴州省錢價昂貴。採買雲南銅。增鑪十座。又議准雲南省改鑄青錢。需用點錫。赴粵採買不易。即以各舊廠板錫。搭配鼓鑄。八年。復開雲南大理局。設鑪十五座。鑄錢搭放兵餉。九年。貴州

省加鑪增鑄。十年題准直隸省保定府開鑪鼓鑄背鑄寶直二清字。又題准廣東省鼓鑄青錢背鑄寶廣二清字。十一年四川省增鑪鼓鑄。十二年覆准四川省鼓鑄照雲南之例配用板錫。又奏准湖北省採買漢口商銅增鑪五座鑄錢搭放兵餉及減價出易以平市價。又題准陝西省設鑪鑄錢背鑄寶陝二清字減價出易以平市價。又題准山西省採買紅銅開鑪配搭鼓鑄頒發制錢式樣令照式鼓鑄。十四年奏准雲南省停運廣西錢改為運銅增鑪鑄錢搭放兵餉並設局售賣以平市價。又議准雲南省城局減鑪十座臨安局減鑪八座。十五年奏准雲南省廣西府州改設鑪十五座鼓鑄以銀七成錢三成搭放曲靖開化廣羅廣南等鎮協營兵餉。又題准直隸省鼓鑄銅不敷用減鑪二座。十六年奏准陝西省向例每年領運四川錢三萬一千二百餘串配充兵餉每串工本計銀一兩有奇若撥川銅二十五萬斤運陝加以鉛錫鼓鑄可得錢四萬八千餘串每串止需用工本銀九錢有奇自十七年

為始歲撥川銅二十五萬斤令陝西委員赴川領運回陝增鑪鼓鑄於四川撤鑪九座停鑄陝錢其從前協陝之錢截至十六年冬季為止。又題准陝西省設鑪二十座每年正鑄二十四卯帶鑄二十四卯搭放兵餉餘贖錢文減價出售。十七年覆准山西省鼓鑄需銅七十萬斤交商分五年辦運先給腳價銀三分之一餘俟交足找給需白鉛五十八萬一千斤黑鉛九萬一千斤點錫二萬八千斤委官赴漢口採買以資鼓鑄每月銀七錢三搭放官兵俸餉。又題准雲南省東川局增鑪五十座每年加鑄錢三十六卯。又題准山西省設鑪六座每年鼓鑄十二卯。又奏准江西省添設鑪四座。又議准湖南省加鑪五座。又題准雲南省東川局新添鑪五十座令東川府知府總理。十九年奏准湖北省每年加鑄二十四卯。又議准四川省寶川局將舊減鑪七座照舊復設以增鼓鑄。二十年奏准四川省加鑪鼓鑄新舊共三十座。又覆准寶川局增鑪十座連舊鑪共四十座每年每鑪分鑄十八卯按期鑄造。又奏

准四川省各鑪每年加鑄一卯餘息銀五千兩。以為土弁番兵操演各項以及巴旺麻書角洛寺三處安設防護弁兵之用。二十一年奏准山西省增鑪五座其新舊各鑪鼓鑄餘錢交地方官設廠平賣按照市價減五分出易。又議准湖南省增鑪十座添放兵餉。又議准雲南省東川局每年加鑄十八卯歲獲餘息銀四萬三千餘兩以備該省急需。二十二年題准山西省新添五鑪每月一卯每卯鑄錢一千八百二十串。二十四年奏准回疆制錢式樣應遵定制其分兩因時制宜每文鑄重二錢一面鑄乾隆通寶漢字一面用清文及回字鑄其地名。又議准貴州錢局移建省城仍設鑪二十座每年額鑄四十六卯之外照定額加鑄二十三卯。二十五年議准四川省每年加鑄二卯動銀一萬四千五百六十餘兩作為成本獲利銀七千七百九十餘兩作為各營賞項之用。又題准貴州省錢局令按察使總理。又奏准雲南省城局二十五鑪臨安八鑪每鑪每旬於正鑄之外加鑄半卯每年計獲加鑄餘息銀二萬

三千三百餘兩以為大興等廠添補銅價之用。二十六年奏准浙江湖北兩省配用金釵廠銅質色黑暗應配黑鉛改易白鉛鼓鑄。又覆准廣東省設鑪六座每年鼓鑄三十二卯因金釵廠銅夾有黑鉛將每鑪每卯原配黑鉛四十六斤有奇儘數改易白鉛發鑄。又題准雲南省東川局於乾隆二十七年為始將每年正鑄卯額酌減一半鼓鑄。二十七年議准廣西省鼓鑄令按察使總理。二十八年議准雲南省順甯府設鑪八座每年鑄錢三十六卯。又題准雲南省順甯府局每年於正額之外加鑄三十六半卯。二十九年題准雲南省順甯府局鑄務令知府就近經理。三十年奏准四川省局前加鑄二卯以備兵丁紅白事件賞項今再行加鑄一卯以為添補賞項之用。又奏准雲南省局每年春季於正額之外加鑄九半卯所獲餘息以為永昌順甯二府屬之土司地方巡防土練歲需之用。又奏准東川局新舊各鑪每年加鑄錢三十六卯所獲餘息作湯丹大礮兩廠加增銅價之需。三十四年廣西省減鑪

七座。○三十五年貴州省減鑪五座。將加鑄二十三卯。暫行裁減。○又奏准雲南留省城局二十五鑪。東川局舊鑪二十座。鼓鑄其東川新鑪。並大理廣西臨安順甯各局均裁減。○三十六年奏准回疆鼓鑄錢文。每文鑄重二錢。今阿克蘇烏什葉爾羌喀什噶爾等處人口增添費用繁多。錢少不能流通。應將烏什鑄錢。每文酌減五分。餘銅以供添補之用。○又奏准江蘇省減鑪八座。減鑄十八卯。江西省減鑪四座。山西省暫減鑪五座。○三十八年雲南省東川局添鑪

五座。○三十九年

論內地鼓鑄錢文。自順治年間以來。俱隨年號字樣鑄造。至葉爾羌等處。向來行使準噶爾騰格錢文。自乾隆二十四年平定回部後。將所有準噶爾舊錢銷毀。另行頒式鑄造乾隆通寶錢文。通行極為利便。回部各城係朕開拓撫定之區。國寶流行。遵奉朕乾隆年號。該回人等所當萬年敬守。及我世世子孫亦當萬世遵行。不便照內地錢文。隨時改鑄。將此諭令各回部辦事大臣。記檔永遠恪遵。並諭戶工二部一體存載。垂為成憲。○又奏准伊犁置寶伊局。設鑪二座。一

面鑄乾隆通寶漢字。一面鑄寶伊二清字。每文重一錢二分。用紅銅七成。黑鉛三成。配搭鼓鑄。○四十年雲南省復設大理臨安保山三局。共建鑪三十五座。鼓鑄。○四十二年雲南省東川局增鑪十五座。曲靖府設鑪十八座。廣西局復鑪十五座。保山局增鑪四座。大理局增鑪三座。省城局增鑪一座。鼓鑄。○四十三年奏准江蘇省鼓鑄。改用洋銅七分。滇銅三分。所用黑鉛全用白鉛配鑄。江西省改用洋銅六分。金釵廠銅四分。浙江湖北兩省所用黑鉛。改易白鉛配鑄。

○四十四年湖南省減鑪五座。○又奏准雲南省裁去東川局。復設各鑪。並從前新增五鑪。大理臨安曲靖廣西等四局。各留鑪八座。保山留鑪十座。鼓鑄。○又題准雲南省城局留鑪二十座。東川舊局留鑪十六座。○又奏准湖北省減鑄三卯。每年鼓鑄二十一卯。一尾卯。○又奏准廣西省裁鑪四座。○又奏准貴州省減鑄十卯。每年鼓鑄三十六卯。○又奏准伊犁置寶伊局。加鑄錢二百餘串。每年共鑄錢一千二百串。○四十五年雲南省裁去大理鑄局。留省城東川二

局設鑪三十八座。○又奏准雲南省東川舊鑪十六座內酌留十鑪裁去鑪六座其大理局八鑪移設省城廣西曲靖臨安保山四局概行裁撤。○又奏准雲南省寶雲局令按察使總理雲南府知府監鑄東川局令該管道員稽查東川府知府監鑄廣西省寶桂局委鹽法道總理其監鑄交盤仍由藩司會詳。○四十八年雲南省寶雲局照舊改歸臬司兼管監鑄。○又覆准湖北省寶武局令鹽法道經管於府廳內酌派一員監鑄貴州省鑪局向委貴陽府貴筑縣按年輪管貴陽府事務繁多即專委貴筑縣管理。○又奏准寶伊局每年向鑪錢一千二百串因銅數不足每年減鑪錢七十八串。○五十年

諭嗣後各省錢局無論藩臬及道員經管者於新舊交卸時俱著前任造冊移交新任並具結造報巡撫儻有款項未清即將前任經管之員參處。○五十二年奏准貴州省城局原設鑪二十座今酌分五鑪移設大定府鼓鑪搭放安籠黔等處兵餉廉俸之用責成大定府經理貴西道稽查。○五十六年奏准寶陝局鼓鑪錢文改歸藩庫收存搭

放兵餉即由司覈明給發。○五十七年奏准寶伊局加鑪錢六百串湊放兵餉。○又奏准西藏鼓鑪銀錢正面鑪漢字乾隆寶藏背鑪唐古特乾隆寶藏字樣邊廓添鑪年分純用紋銀成造重五分者紋銀一兩易錢十八圓重一錢者易錢九圓餘銀一錢作為火工其鑪錢工料俱由商上備辦毋庸動用官項交駐藏大臣派員督同噶布倫等監造驗明成色不許稍有攙雜。○五十八年議准前藏所鑪銀錢專派鑪錢仔琿二名濟仲喇嘛二名由駐藏大臣會同達賴喇

嘛挑補並添設監鑪官一員令四川總督於同知州縣內揀選派往監鑪一年更換令駐藏大臣隨時查驗如銀錢成色低潮即將該員奏明治罪如係勤慎出力奏明保題仍於每年春季輪往邊界時分別嚴查。○又議准前藏新設監鑪官一員自打箭鑪至前藏及期滿換回月支公費銀三十五兩官役口糧七分騎馱烏拉五隻通事一名譯字一名每名月支工食銀一兩口糧一分烏拉一隻該員到藏後月支公費銀三十七兩五錢官役通事譯字在藏工食口糧

仍照往回沿途之例支給。造入西藏臺費案內題銷。五十九年停各省鼓鑄。六十年覆准寶伊局鼓鑄。每文鑄重一錢二分。用紅銅八分四釐。黑鉛三分四釐八毫。點錫一釐二毫。現照京局每百斤改用紅銅六分。白鉛四分。但白鉛一項。買用維艱。仍以本處開挖之黑鉛配鑄。嘉慶元年復開各省鼓鑄。又題准雲南省東川局暫緩開鑄。三年廣西省減鑪七座。五年

論新疆各回城自乾隆二十四年平定後即著造乾隆

通寶錢文通行至今。敬思新疆二萬餘里俱係

皇考開拓撫定之區。國寶流行所當萬年敬守。現在阿克蘇請領祖錢式樣。所有新疆等處地方自應鼓鑄嘉慶錢以資行使。至乾隆錢尤應永遠通行。嗣後新疆地方鼓鑄乾隆錢二成。嘉慶錢八成。一體行用。萬世子孫敬謹遵循毋替。又議准滇省金釵廠低銅內有鉛性。所有辦運金釵廠銅之江蘇江西浙江福建廣東廣西湖北湖南陝西九省毋庸配鑄。黑鉛按額加配。白鉛鼓鑄。其全用商辦洋銅之直隸山西二省及本省出產黑鉛之雲南貴

州四川等省鼓鑄錢文。照京局之例一體三色配鑄。七年議准西藏鼓鑄銀錢。從前內地原派監鑄官。並監鑄關防一顆。一併裁撤。即交西藏糧員管理監鑄。儻糧員事繁。於該處章京司官筆帖式內。遴委一員監鑄。均毋庸另給公費。十一年奏准四川鼓鑄銅斤。向資本省廠銅。間有不敷。按例價十二兩採買商銅。濟鑄。近來工本昂貴。採買商銅不敷額用。今覓得西昌縣屬之挖角山。白果山。二處銅礦。暫行按照例價。官為開採。不抽課耗。俟鼓鑄充裕。仍照例抽課。

二十年定貴州省寶黔二局。設鑪二十座。每年正鑄三十六卯。隨正帶鑄三十六卯。鑄正鑄十分之一。附鑄外耗三十六卯。均自嘉慶二十年卯額為始。用高銅。白鉛。黑鉛。三色配鑄。正鑄每鑪每卯。除耗淨鑄銅鉛七百八十斤。鑄出錢一百四串。帶鑄每鑪每卯。除耗淨鑄銅鉛七十八斤。鑄出錢十串四百文。外耗每鑪每卯。鑄銅鉛七十七斤。有奇。例不折耗。鑄出錢十千二百八十五文。每卯每鑪。正鑄給工食銀十二兩。物料錢五千一百四十二文。帶鑄外耗給物料錢

五百十四文。二十五年各省鼓鑄道光紀元新錢。道光元年定伊犁寶伊局阿克蘇局均鑄造乾隆錢二成道光錢八成一體行用。四年奏准福建省錢價日賤暫停寶福局鑄鼓鑄。十年奏准直隸省錢價日賤暫行停鑄。咸豐元年題准直隸省開鑄新錢用咸豐通寶字樣。又奏准福建省寶福局鼓鑄咸豐紀元新錢。三年奏准福建省寶福局添設兩鑪鼓鑄當十當二十當五十當一百各項大錢當十者重五錢當二十者倍之當五十當百者如數遞增。其原設四鑪仍按卯鼓鑄常錢並准民間繳銅赴局易錢以資鑄造。四年

諭前經戶部奏令各省開設官錢局推行官票添鑄銅鐵錢及各項大錢當經降旨允准原以經費支絀全賴錢法鈔法流通無滯庶足以利民生而濟時艱乃迄今日久僅據福建山西陝西各督撫奏明遵辦其餘各省並未將現辦情形奏報該督撫等如果悉心經理何至遷延一載迄無定章福建素稱瘠區辦理已有成效各省情形雖有不同亦何難設法籌辦總由地方官吏畏難苟安怠玩因循實堪痛恨著各省

督撫將軍都統府尹等查照戶部原奏督飭所屬酌量地方情形迅速設立官錢局並設法籌款開鑄加鑄俾錢法與鈔法相輔而行一面妥議章程奏明辦理如有廉能官吏認真辦有成效准該上司據實保奏以示獎勵。又奏准江西省寶昌局照部頒式樣鼓鑄當十當五十大錢每月二卯以洋銅六成半釵銅二成半白鉛一成配鑄。又奏准河南省建設寶河局委糧鹽道督辦監鑄遵照部章鑄當十當五十當百各種大錢當十重四錢四分當五十重一兩二錢鑄成豐重寶字樣當百

重一兩四錢鑄成豐元寶字樣新建鑪房十座每座安設一鑪計共十鑪按月鼓鑄以七日為一卯除修理鑪座扣除小建每月定為四卯通年可得四十八卯遇閏加四卯每卯十鑪正鑄銅七千五百斤係廢銅照七五折申算合淨銅五千六百二十五斤鑄成當十大錢三萬四千枚當五十大錢二萬八千枚當十大錢二萬枚共合制錢五千串文每卯附鑄外耗銅一千九百六十六斤十兩零係廢銅照七五折申算合淨銅一千四百七十五斤鑄成當十大錢七千

枚當五十大錢八千二百枚。當十大錢九千枚。共合制錢一千二百串。工價按錢之大小。分別覈給。當十錢一枚。給工價錢三丈八毫。當五十錢一枚。給工價錢六丈三毫。當百錢一枚。給工價錢十丈二毫。每月共應工價錢七百五十七千文。料價每卯每鑪煤價錢二十千五百文。罐子價錢五千四百六十文。沙價錢二千九百文。提硝價錢九百文。串繩價錢三百二十文。炭價錢三百二十文。運腳錢二百文。每卯十鑪。共料價錢二百九十七千九百文。○又奏准熱河

設立寶德局。設大銅鑪二座。小銅鑪一座。用七成正銅。一成耗銅。二成白鉛。一成黑鉛。照部頒式樣配鑄。當百當五十當十大錢。每月五卯。大鑪每月每座鑄當百大錢一卯。當五十大錢二卯。當十大錢二卯。小鑪每月鑄當五十大錢二卯。當十大錢三卯。○又奏准直隸省馬蘭鎮鼓鑄當百當五十當十大錢。當百每枚重一兩五錢。當五十每枚重一兩。當十每枚重五錢。正面照部頒式樣。背鑄清文寶齣二字。又添鑪試鑄當十當一鐵錢。○又奏准山西省改鑄當十大

錢。○又奏准雲南省各府分局廣鑄制錢。○又奏准湖北廣西二省截留銅斤。開鑄錢文。○五年奏准河南省寶河局設立四鑪。懷局設立二十鑪。鼓鑄鐵錢。分成搭用。○又奏准熱河設鐵鑪二座。鼓鑄當五當一鐵錢。每月每鑪各鑄五卯。用十成正鐵。二成二耗鐵鑄造。又另設鐵鑪兩座。每月每鑪各鑄四卯。專鑄當十鐵錢。○又奏准山西省平定州地方設立寶泉分局。鼓鑄鐵錢。由戶部委員督辦。○又咨准江西省停鑄當五十大錢。○又奏准河南省停鑄各種大錢。

○七年奏准直隸省寶直局舊設銅鑪四座。改作鐵鑪。又續添鑪一座。並於西關外靈雨寺添鑪二十座。鼓鑄當十當一鐵錢。當十每枚重六錢。當一每文重一錢二分。○九年河南省停鑄鐵錢。○又直隸省停鑄鐵錢。○十年江西省停鑄當十大錢。改鑄制錢。○十一年鑄造同治通寶重寶樣錢。頒發各省一體鼓鑄。○同治六年奏准直隸省寶直局鼓鑄制錢。每文重一錢二分。以銅五成。鉛四成。六配鑄。共鑄三十八卯五分五釐。用銅鉛七萬二千二百九十三斤十

四兩五錢五分。鑄出制錢九千六百三十九串	一百八十八文。每卯支匠役工食錢二十三串	四百七十六文。支料價銀十八兩九錢八分八釐。	月支員役公費工食銀二十四兩六錢六分六釐。	十三年題准各省鼓鑄光緒紀元新錢	○光緒十三年奏准湖北省寶武局開設十鑪	照額鼓鑄每文重庫平一錢。每千文合重六斤	四兩。每卯額鑄錢四千串。以銅五成。鉛五成。配	合勻鑄。每銅鉛一百斤。加耗九斤。用銅鉛二萬	七千二百五十斤。每年二十一卯。一尾卯。共額	鑄錢八萬五千八百五十九串。需銅鉛五十八	萬四千九百十四斤七兩。○又奏准寶武局鼓	鑄制錢。每卯支銷工料錢三百八十九千二百	五十文。監工委員書役人等薪工局用等項。月	支經費銀二百兩。○又奏准直隸省鼓鑄制錢	以銅五成。鉛四成。配鑄制錢五萬串。用	銅二十一萬九百三十七斤八兩。每鑄錢一串	支匠役工食錢一百五十文。焦炭錢五十六文	鎔銅器具繩串錢三十二文。鑄成錢五萬串。共	用錢一萬一千九百串文。支建廠設鑪等費一
---------------------	---------------------	-----------------------	----------------------	-----------------	--------------------	---------------------	------------------------	-----------------------	-----------------------	---------------------	---------------------	---------------------	----------------------	---------------------	--------------------	---------------------	---------------------	----------------------	---------------------

千一百兩。委員司事夫役薪工飯食紙張等項	月支銀二百兩。○又奏准浙江省鼓鑄制錢按	五銅。五鉛。一五折耗。勻鑄每文淨重一錢。每鑄	錢一千文。用銅鉛價腳工火等銀七錢五分五	釐。
---------------------	---------------------	------------------------	---------------------	----

欽定大清會典事例卷二百二十

戶部

錢法 搭放省餉 錢價 錢法禁令

搭放省餉○順治十二年題准制錢搭放兵餉
工食令州縣扣算刊入由單填註收簿○十四
年題准徵收錢糧銀七錢三銀儘數起解其錢
充存留之用○康熙七年覆准存留驛站官役
俸工雜支等項均照銀七錢三例搭放制錢該
督撫取所屬徵收流水底簿歲終將搭放數目
造冊報部如奉行不力指名題參○八年定各

省存留驛站俸工等項均搭放制錢以免壅滯

○十年定各省所有從前之小制錢今民間交
官以抵正貢如地方官有不收小制錢者照例
議處○十一年題准各省存留等項錢糧照舊
銀七錢三搭放○二十七年覆准雲南制錢餘
存甚多將驛站俸工兵餉雜用等項均用制錢
放給○三十七年題准浙江制錢停止搭放兵
餉止於俸工內支給○四十二年議准廣東錢
價日賤暫停鼓鑄其所存之錢照例搭放俸工
○雍正九年覆准雲南昭通一鎮東川鎮雄尋

霑三營每年官兵俸餉馬乾銀以銀七錢三搭
放其錢於東川局內動支○十年奏准四川省
城滿漢兵餉等項銀八錢二搭放離省營汎州
縣近者每銀百兩給銀八十五兩搭錢十五串
稍遠者銀九錢一搭放更遠者每銀百兩給銀
九十五兩搭放錢五串其各官養廉亦照遠近
分別搭放○十一年奏准雲南昭通一鎮東川
鎮雄尋霑三營官兵俸薪餉乾銀錢各半搭放
○又議准雲南昭通一鎮東川鎮雄尋霑三營
每年搭放餉錢每錢千二百文作銀一兩○乾

隆元年

諭朕聞雲南兵餉搭錢給放每制錢一千算餉銀一兩
而千錢之價實不敷銀一兩未免用度拮据其應如
何變通辦理以惠養弁兵著雲南督撫會議具奏欽
此遵

旨議定雲南督撫兩標及雲南城守武定臨元等鎮營
兵餉於乾隆二年為始每錢一千二百文作銀
一兩搭放○二年奏准江西所鑄制錢按年搭
放兵餉○四年奏准福建鑄錢萬餘串運至臺
灣搭放官兵月餉○五年奏准雲南兵餉銀七

錢三搭放。○九年定。江西贛屬兵餉。從乾隆九年為始。每年四季一例搭放一成制錢。○又奏准雲南增鑄錢二萬四千九百三十七串。加放兵餉。○十一年題准四川省城滿漢兵餉。搭錢一成。離省各鎮協營。內除夔協巫山。梁萬忠州。各營領錢不便。停止搭錢外。其餘無論營汛之遠近。概以每一百兩搭錢八千為則。○又奏准四川所鑄制錢。以一半供本省搭放二成兵餉。以一半運至陝省搭放兵餉。○十五年奏准雲南省城臨安二局積存之錢。將在省等標鎮協營兵餉。以銀錢各半搭放。俟積錢完日。仍照例以銀七錢三搭放。○十六年題准陝西滿漢兵餉。搭錢一成。兵丁歲暮需錢。將次年正月餉銀於歲底放給。每銀一兩。以錢二成搭放。○又奏准福建各營兵餉。每兵一名。月搭錢五十文。按額數均勻搭放。○十七年題准山西撫標左右太原三營。暨太原城守尉官兵俸餉等項。銀七錢三搭放。○十九年奏准浙江文職養廉各役工食。及司庫給發工程等項。以銀七錢三搭放。錢文按照市價折給。○又題准湖南各營兵餉。

以錢一成搭放。○又覆准四川省滿漢營兵餉。搭錢二成。離省各鎮協營。除夔協等營在夔關支領。仍不搭放錢外。其餘營汛餉銀。及院司道衙門書役飯食。搭錢一成五釐。總督都統。學政及司道府養廉。搭錢一成。○二十一年覆准浙江滿漢各營兵餉。均搭放一成制錢。○又議准湖南各標鎮協營折色兵糧。每銀一兩。給錢一串。全數放給制錢。○二十二年奏准廣東省城八旗四營督撫提標水師。並廣州肇慶惠州三協兵餉。及左右二翼鎮標俸餉。每銀一百兩。搭錢五串。○二十三年奏准廣東額鑄錢文。除搭放省城各營兵餉外。其順德新塘三水東莞增城英清等六營。將應領俸餉。每銀百兩。亦一律搭錢五串。○又奏准雲南廣西局。每歲額鑄搭放兵餉積存餘錢。以一千二百文作銀一兩。動放。以作大興銅廠工本。○二十四年奏准廣東香山協及四會海防二營俸餉。銀每兩。搭錢五十文。○三十年奏准廣東新會平海廣海三營額餉。每百兩。搭錢五串。○又奏准雲南督撫標城守武定奇兵等營兵餉。以銀錢各半搭放。臨

元鎮營兵餉並廩生餼糧驛堡鋪兵工食及鞭
 春祭祀等項以銀七錢三搭放○三十一年奏
 准山西兵餉夏冬二季及春季之三月秋季之
 九月以錢七成搭放其餘按月搭放三成○三
 十六年奏准貴州各營俸餉每兩搭錢六十文
 其安籠鎮今改興義七營兵餉停止搭錢○又奏准
 山西兵餉每月以錢三成搭放○四十二年奏
 准滇省錢價日賤搭放兵餉市價在一千二百
 文以內准照向例搭放如在一千二百文以外
 照數悉給銀兩不准搭放錢文其餘積錢文將
 銅鉛廠本按銀六錢四搭放銅鉛運腳及運銷
 場鹽並黑鹽井等項均照一千二百文作銀一
 兩之例按三成搭放○五十九年奏准四川錢
 價過賤每銀一兩易錢至一千五六百文所有
 搭放兵餉錢文全行改給銀兩○又議准各直
 省錢賤銀貴兵餉均停止搭錢○又奏准雲南
 局儲積錢以二成半搭放銅鉛廠工本以一成
 半搭放運腳其通省各官養廉搭錢五成○嘉
 慶元年奏准直隸兵餉仍照舊以錢一成搭放
 ○二年覆准福建兵餉每兵一名按月搭給制

錢五十文○又覆准江西兵餉搭錢四釐通省
 役食並各項工程搭錢二成○又覆准湖北各
 營兵餉每銀一兩搭錢六十五文○又覆准湖
 南兵糧米折銀兩以錢一成搭放○又覆准山
 西兵餉仍照舊搭放三分制錢○又覆准浙江
 兵餉搭錢四釐其餘錢搭放各項工程如有水
 路可通者按五成搭放無水路可通者搭錢二
 成○又覆准江蘇兵餉搭錢四釐通省各官養
 廉搭錢一成○三年議准廣西錢賤銀貴每兵
 餉銀一兩搭錢五十文○又覆准浙江兵餉仍
 以錢一成搭放○四年覆准江蘇兵餉搭錢一
 成四釐○五年覆准江蘇兵餉以錢一成搭放
 ○又覆准廣東兵餉仍照舊每餉銀百兩搭錢
 五千○六年議准回疆各城普爾錢文支放官
 兵鹽菜及地基房租接運經費車腳夫馬等項
 每銀一兩折給錢二百一十文官變細緞每兩
 以二百文折收○道光四年

諭趙慎畛等奏請暫停鼓鑄一摺閩省寶福局鼓鑄錢
 文係為搭放兵餉之用據該督等查明現在市價銀
 貴於錢局鑄成本折耗甚多其各州廳縣捐款津貼

需用銅鉛運費。辦理亦多掣肘。且兵丁等領餉後。以錢易銀。費計每兩短錢二百餘文。殊形支絀。自應量為調劑。著照所請。自道光四年夏季起。將局鑄暫行停止。其應搭兵餉。亦自夏季起。停搭餉錢。統以銀兩全支。所有局內現存錢文。並本屆委員所辦及舊存銅鉛。均著存貯局內。該督等察看情形。如錢價稍貴。即行奏明開鑄。各營兵餉。仍照舊例搭放。○又

論。嵩孚奏鼓鑄缺額。請減搭兵餉。並加買滇銅一摺。湖南省寶南錢局。前因缺額過多。奏准減鑄五座。免其補鑄缺卯。並減買滇銅四萬斤。自更定章程以後。委

員赴滇採買。既未能剋期運回。本省桂陽州廠銅斤。又因年久砂竭。近復缺鑄六十八卯。恐致支放不敷。經該撫體察情形。議請調劑。該省局錢除搭放兵餉之外。別無支用。各營領餉。每年例應搭放七成錢三萬一千餘串。現在局錢無多。而市錢價賤。兵餉每錢一千作銀一兩。按照市價得錢較少。兵情亦不願多搭。著照所請。自道光五年春季起。各營餉錢減為二成。搭放所減五成錢文。即作為六七等年兵餉之用。尚餘錢一萬一千餘串。留為貯備之需。俾兵丁可獲餘資。局錢亦無虞短絀。如將來錢價增長。該撫仍隨

時妥籌奏明辦理。○八年

論。那彥成等奏增兵鹽菜錢文不敷搭放。請變通舊制。並籌補不敷銀兩一摺。喀什噶爾等城添設防兵。應支鹽菜錢文。歲徵阿拉板及阿克蘇錢局撥解普爾錢文。不敷搭放。據那彥成等查明各大臣養廉。除庫車阿克蘇烏什全支銀兩。喀什噶爾英吉沙爾葉爾羌和闐。係銀錢各半支給。喀喇沙爾。係按銀八錢二支。給每銀一兩。均折普爾錢一百文。其各城官員鹽菜。除庫車全支銀兩。其餘各城均係按成分別支給。每銀一兩。均折普爾錢一百六十文。請以搭放官員錢文。放給兵丁。其官員請改支銀兩。惟原定錢價。參差不一。應需加增經費銀三千餘兩。請將阿克蘇改鑄當十錢文。以資添撥。著照所請。自道光九年為始。各城官員養廉鹽菜。向係銀錢搭放者。一律准其全支銀兩。阿克蘇錢局。即於春卯開鑄。加鑄當十錢十分之五。除舊額外。改鑄長餘錢文。分別撥解各城搭放兵丁鹽菜。歸入奏銷造報。仍著武隆阿查明各城新增舊設兵額。及歲入普爾錢文確數。並酌定搭放兵丁成數。均勻撥解。咨部查覈。○二十四年

論。前因回疆所用當五當十錢文。行使便利。降旨令富

呢揚阿等體察陝西甘肅情形仿照鑄行茲據該督奏稱普爾錢一項惟南路八城通行北至吐魯番東至哈密即不能行其吐魯番所產棉花亦不能以普爾錢收買民間不能施行在官即難搭放等語回疆普爾錢文藉可疏通圍法惟欲自外而內必須漸推漸近著布彥泰達洪阿體察南北兩路各城情形能否一律行使確加訪覈據實具奏欽此遵

旨議奏普爾錢係淨紅銅鑄造仿鑄反增工費其帶至東北各城每箇止作一文之用不能當五當十行使○咸豐四年奏准搭放之款京外皆以兵

餉為大宗各直省督撫將軍都統俟該省局各項大錢鑄有成數無論督撫提鎮各標發給兵餉均酌量搭配支放○又奏准江西兵餉搭放二成大錢以銀一兩給錢二千以錢一千或給當十大錢百枚或給當五十大錢二十枚隨時酌辦○又奏准河南寶河局鑄出當十當五十當百大錢隨時解交藩庫存撥兵餉○又奏准各省兵餉照京師章程以制錢二千抵銀一兩○又奏准直隸旗營各餉自四年春季起給發半銀半鈔

錢價○順治二年題准改鑄新錢每七錢準銀一分舊鑄錢每十四錢準銀一分官以此徵收民以此輸納聽便行使○三年題准禁用舊錢送部者每斤給價八分○四年定每十錢準銀一分○康熙二十九年議准制錢務照定例每銀一兩不得不足一千之數○四十一年議准改鑄新制錢每千作銀一兩舊制錢每千作銀七錢俟三年滿日將舊錢停其使用○六十年議准京城制錢向來市價每銀一兩易錢八百八十文今每銀一兩易錢七百八十文錢價日

貴民用甚艱嗣後將賣米所收制錢令五城照市價易銀交庫俟錢價稍平即行停止○六十年議准於大宛兩縣設立官牙將錢價議平買賣現鑄雍正通寶制錢並康熙大小制錢攬和使用○雍正三年

諭雲南四川鼓鑄制錢恐各省禁止不許出境著行文該督撫聽其流通各省以便民用○七年

諭錢為國寶固必流通以利民然必權衡輕重使得其平方能便民用而無弊若錢價過賤民間貿易之際物價必致虧損而姦弊從此而起嗣後每銀一兩止

許換大制錢一千。著行文直省一例遵行。○十二年題准太宛三縣額設錢牙。均令分五城地方酌量錢價貴賤。以平時值每十日。令牙戶親身赴部報價一次。務令錢價平減。以便民用。並令步軍統領順天府尹巡視五城御史嚴行稽查。儻有聚集一處。私立罰規。暗中串通。高擡價值者。送部治罪。其牙戶選擇殷實良民承充。○乾隆三年奏准錢行經紀概行革除。凡銀錢交易聽民自相買賣。儻有藉經紀名色。從中阻撓者。所在地方官嚴拏究治。○九年

諭江南搭放餉銀。自乾隆九年為始。仍照定例。每銀一兩給錢一千。其錢局公費運錢水腳。准其動項報銷。不敷成本。准其銷算。至現在鼓鑄省分。如有折扣搭給者。亦一例加恩。照江南之例給發。○又議准嗣後應官發錢者。仍用錢外。其他應支領銀者。即以銀給發。不得復以錢代。如直省興修水利城垣。坐糧廳赴東採買布疋等類。及各省修理城垣。倉庫營房衙署等項。領出帑銀。除雇覓匠夫給發工價外。其一應辦買物料等項。如間有易錢給發者。該管上司即行查禁。至民間日用。自當

用銀。除零星布帛菽粟之類。准其用錢外。至鋪店向行家成總置買貨物。均令用銀交易。不得用錢。行令直省該地方官徧行出示曉諭。○三十六年

諭錢法貴於流通。近日錢價頓平。自由鑄錢日多之故。今各省皆請減鑪座。此後官鑄錢文。即不能如前充裕。設市僧探知其故。難免無藉口居奇。復增錢價。於錢法甚有關礙。不可不豫為籌畫。著傳諭各督撫務須通盤籌計。期使錢值常平。方為妥善。○五十一年覆准各省市換錢價。長落隨時。行令將市換錢價。有無增昂。按月查明。按季報部。以憑查覈。○嘉慶九年

諭戶部等衙門議覆朱桓條奏京城錢價過昂。請嚴察積弊。禁止居奇。以便民生等因。一摺。國家設局鑄錢。原以利用便民。而錢價之昂貴。總不外局中短鑄及姦商私毀二端。京城寶泉寶源二局。按卯兌發銅鉛。鼓鑄錢數。自有定額。該錢法侍郎自應督飭各該監督。釐剔弊竇。實心經理。而姦商私毀之弊。即京師亦所不免。著步軍統領衙門嚴密訪拏。以清弊源。至外省設立錢局。按卯鼓鑄。何以錢價騰貴。更甚於京師。

自由各該督撫及各該地方官不實力督辦或係局中短鑄或有姦徒私毀以致錢文不能充裕價值日昂嗣後各直省督撫當轉飭各地方官一體嚴察如查有短鑄及私毀情弊立即查拏懲辦毋得視為具文○道光八年

諭陶澍奏蘇州銀價昂貴暫借銅鉛工本銀兩發換制錢以平市價一摺蘇州省城因近來商貨未能流通又多匯票往來銀價頓增現值上忙開徵民間易銀納賦較之往時多寡懸殊商民均多未便自係實在情形著准其於司庫現存錢價銀內借撥銀二十萬

兩由蘇州府督同長元吳三縣陸續具領發換制錢解局收貯一俟銀價平減仍飭該府等易銀解還司庫歸款如借撥之項尚未發完而銀價已經平減即行停止發換該撫即責成該府縣認真查察毋任牙行經紀等抑勒擾累據奏寶蘇局庫現存餉錢六萬餘串尚敷數月搭放兵餉之用所有未鑄道光七年五卯錢文亦准其暫停鼓鑄○又

諭楊國楨奏請籌發銀兩易錢暫貯以平市價一摺前因江南銀價昂貴經陶澍奏准撥銀易錢茲據該撫查明現在豫省採辦歲料錢價尚平請屆歲暮各商

賈以錢易銀農民糶賣糧石均係用錢彼時更受錢賤之累似應設法調劑著照所請撥發銀二十萬兩由司庫發給府縣易換制錢貯庫備撥項尚未發完而銀價已減著即停止將來該省例支河工歲修等項易錢應用即照市價銀兩內三成搭放其扣存銀兩以次歸還原款該撫務飭所屬覈實辦理以平市價而裕國課○十年京城錢價每銀一兩合制錢一千一百文○二十一年京城錢價每銀一兩合制錢一千三百文○咸豐三年京城錢價每銀一兩換制錢二串○四年奏准京師兌換銀錢

以錢市為總匯向來銀錢交易均由牙行經紀逐日定價應嚴飭錢市經紀牙行人等於大錢交易之時照錢面數目字樣行使不准折減○又奏准河南錢價制錢一千六百文作銀一兩○十一年奏准京錢二十千折給實銀一兩○同治七年京城錢價每銀一兩合制錢一千二百文○光緒七年京城錢價每庫平銀一兩合制錢一千七百文
錢法禁令○順治四年定各處地方不許私鑄偽錢及用前代舊錢通行嚴禁○八年題准明

李廢錢願送部者量給價值如文到三月仍舊
 行使者枷一月杖一百地方官以溺職論○十
 年題准官鑪夾帶私鑄者計贓以枉法論○十
 三年議准緝獲私鑄三次者紀錄一次○十四
 年議准私鑄為首及匠人皆處斬為從及知情
 買使者擬絞監候經紀鋪戶與販攬和者杖一
 百流徙尚陽堡在京總甲在外十家長知情不
 舉首者照為首例治罪不知情者杖一百徒一
 年告捕者官給賞銀五十兩該管地方官知情
 任其私鑄者照為首例治罪不知情及聽其販
 買攬和者五城坊官州縣每起降一級掌印兵
 馬司知府直隸州知州二起降一級司道三起
 降一級同知通判吏目典史有捕盜之責者各
 照印官例鹽運司照司道例分司照知府例大
 使照典史例副參遊擊照司道例都司守備千
 總照州縣例如五城御史各撫按不參究者一
 併議處○又議准改鑄新錢有攬和廢錢舊錢
 行使者係旗人鞭一百枷一月係民人杖一百
 枷一月○十八年議准私鑄為首及匠人斬決
 家產入官為從及知情買使者絞決總甲十家

長知情不舉首者照為從例治罪不知情者枷
 一月杖一百告捕審實官給賞銀五十兩該管
 地方官知情任其私鑄者斬監候不知失察者
 降三級調用如經紀鋪戶販賣攬和私鑄者枷
 一月流徙尚陽堡在內五城坊官在外州縣官
 失察一起降二級二起降四級皆調用三起革
 職掌印兵馬司知府直隸州知州失察一起降
 一級二起降二級三起降三級皆調用四起革
 職司道失察二起降一級三起降二級四起降
 三級皆調用五起革職府州縣捕盜佐貳鹽場
 武職各官各按職掌照新例處分五城御史該
 撫不參究者以疏忽治罪○康熙三年題准失
 察私鑄該州縣官並吏目典史衛所官各降三
 級調用知府直隸州知州捕盜廳官各降一級
 調用司道都司各罰俸一年督撫罰俸六月運
 司照司道例分司照知府例大使照典史例議
 處○七年題准攬和私錢十文以上照例治罪
 九文以下仍枷責免流徙○九年題准與販私
 錢攬和行使五城御史及各省巡撫不訪參者
 一起罰俸三月二起罰俸六月三起罰俸九月

攬和私錢行使之人。免其枷示流徙。如有拏獲者。不論錢數多寡。係旗人。鞭八十釋放。係民人。杖八十釋放。京城內外。責令司坊官順天府屬之宛平。大興。二縣。直省責令該州縣官。不時嚴行查拏。如仍有攬和私錢者。被督撫科道糾參。或別有發覺。將該管司坊州縣官。每起罰俸一年。京城內外。令五城御史。該部司官。亦不時嚴查。其私錢在內。定限六月。交送戶部。照買銅價。每斤給銀一錢。收取。交錢局鼓鑄制錢。在外。以文到之日為始。亦限六月。各州縣官。動庫銀收。取亦照買銅價。每斤給銀一錢。收取。解交布政使司。限內。交送私錢之人。免其治罪。○三十六年。議准。嗣後。內外文武官。將該管地方。銷毀制錢。私鑄販賣者。自行拏獲。免其治罪。如被戶部。都察院。差官。查出。督撫。差官。拏獲。或被旁人首告者。五城坊官。及直省州縣官。不知情者。一起降三級。調用。二起。革職。兵馬司。掌印。指揮。直省知府。直隸州知州。一起。降二級。二起。降四級。皆調用。三起。革職。司道官。一起。降一級。二起。降二級。三起。降三級。皆調用。四起。革職。五城御史。直

省督撫。一起。降一級。二起。降二級。三起。降三級。皆留任。四起。降四級。調用。五起。革職。知府。下捕盜。同知。通判。州縣。下吏目。典史。照掌印官。鹽場大使。照典史。分司。照知府。運司。照司道。武職守備。都司。照州縣官。遊擊。參將。照知府。副將。照司道。提鎮。照巡撫。各分別處分。以上議處。各官。有因公出境者。免議。至官船。戶夾帶私錢者。杖一百。流三千里。同船人。知情不舉首者。加一月。杖一百。徒二年。押運官。知情。任其夾帶者。革職。不知情者。降三級。調用。其不知情之文武地方官。但能拏獲者。不論年月遠近。皆免其處分。文官拏獲者。並免同城之武弁處分。武弁拏獲者。亦免同城之文職處分。京城地方。該管文武官。拏獲者。如係接壤州縣。此縣拏獲。彼縣亦免處分。再知府以下。若各旗地方。有鑄造私錢。銷毀制錢。攬和私錢。行使者。照康熙十二年。議准。銷毀制錢。例處分。再有自別省買私錢。船車裝載。牲口。馱帶販賣者。或被看守津關之人。拏獲。或被旁人拏獲。申首者。將私錢入官。拏獲之人。照例賞銀十兩。將販賣私錢之人。及未經查出之該

管官仍照例治罪處分。其小錢在京城者限兩月交送戶部免罪。照買銅價值每斤給銀一錢。直省以文到之日為始。限三月交各該地方官送布政使。將小錢亦照買銅價值每斤給銀一錢。咨報戶部。其攙和低鉛所鑄小錢。不便照好銅給予價銀。於所定限內各自銷毀者。免其治罪。在京戶部都察院在外直省督撫差官不時查拏。又覆准湖廣昌字南字錢色紅不堪使用。照小錢例依限收交。行令該督撫鑄造務必精工。如仍攙和鉛多。將司道官以剋減治罪。督撫以徇隱治罪。又覆准收毀小錢鉛多耗重。每斤改給銀八分。鑄時仍令開除九斤折耗。其小錢不必解部。竟交寶泉局戶部官與該監督公同收取。三十七年議准南字昌字錢禁止不准使用。三十八年覆准收取小錢紅色錢每斤給銀六分五釐。又覆准各處小錢紅銅錢悉令銷毀。停其交送寶泉局。在京城以奏准之日為始。外省以文到之日為始。均限兩月自行銷毀。如逾限不銷毀。仍照前存儲使用販賣者。照定例將經紀鋪戶杖一百。枷一月。係旗人

鞭一百。枷一月。將失察該管地方官亦照定例計起數議處。四十一年議准改鑄新制錢。將舊制錢於三年後停其使用。各自銷毀。四十四年題准經紀鋪戶與販私錢攙和行使者。枷兩月。杖一百。應發黑龍江給窮兵丁為奴者。照例改發雲貴川廣煙瘴少輕地方。該管地方文武官不訪拏者。一起降三級調用。二起革職。掌印兵馬司各省知府直隸州知州一起降二級留任。二起降四級調用。三起革職。司道官一起降一級。二起降二級。皆留任。三起降三級調用。四起革職。巡城御史及直省督撫一起罰俸一年。二起降一級。三起降二級。皆留任。四起降三級調用。五起革職。再知府下捕盜同知通判州縣下吏目典史各照掌印官例。鹽運使照司道例。分司照知府例。鹽場大使照典史例。若營伍內有私鑄販賣行使者。千總守備都司各官照州縣例。遊擊參將副將照司道例。總兵提督照巡撫例。再各旗有鑄造私錢銷毀制錢及攙和小錢行使者。驍騎校照知縣例。佐領照知府例。參領照司道例。都統副都統照巡撫例。分別議

處其漕船夾帶者。船戶照與販例。同船人照不知情之總甲。十家長例治罪。押運官知情者革職。不知情者照失察例議處。○又覆准行令直隸。山西。河南。陝西。督撫將水陸衝衢要口。訪拏販賣攬和私錢之人。照例立絞。凡經過地方文武官。皆照失察私鑄例降三級調用。○四十五年議准。新鑄錢尚少。將舊制錢展限五年再行銷毀。○四十七年議准。湖廣武昌舊鑄制錢。俟五年限滿之日。不准使用。即行銷毀。○五十六年覆准。錢局收買廢銅。以致小民圖利。將小制

錢毀壞變賣。通行八旗。步軍統領五城。大宛兩縣嚴拏為首者。於本處枷兩月。杖一百。應發三姓地方給兵丁為奴者。照例改發雲貴川廣煙瘴少輕地方。為從者。枷一月。杖一百。流三千里。該管地方官知情故縱者。與同罪。不知情者降三級調用。房主鄰右。知情不舉首者。照為從例治罪。不知情者杖九十。○又議准寶泉局鑪頭。豫借工料錢。以致虧空。嗣後永行禁止。豫支再寶泉局每年奏銷。照舊例開明。不必別造款項。○六十一年議准。京城現鑄雍正通寶制錢。同

康熙大小制錢攬和使用。○雍正元年覆准雲南省自康熙四十四年設立官銅店。短少價值。加長秤頭。礦民賠累。該督撫嚴行禁革。悉聽商民採買販賣。照市秤市價。出入畫一。依康熙四十四年以前銅廠則例。公平收納。毋得抑勒商民。至所產之銅。除供本省現在鼓鑄之用外。如有餘贖。聽民間販賣流通。不必解運來京。○四十年議准。嗣後鑄造器皿。除紅銅白銅不禁。其黃銅。除樂器軍器天平法馬戩子及五斤以下之圓鏡不禁外。其餘一應器皿。無論大小輕重。皆

不許仍用黃銅製造。儻有犯者。造賣之人。照違例造禁物律治罪。買用之人。照不應例治罪。失察之官。照例議處。其已成銅器有願賣者。作廢銅交官。每斤給價一錢一分九釐九毫三絲。官吏不得勒逼扣剋。江南福建浙江湖廣廣東。現辦銅六省廢銅。交與辦銅之官採買。如紅銅不敷。即以此項銅解部。扣六成。紅銅覈算補額。其四成鉛。准扣出別給價值。應用脚價。照現今銅鉛之例。每斤給算水脚三分。其不足六成之銅器。亦准收買。總照成色遞減。其價於解部時

報明成色如所報不實令承辦官賠補至江西廣西貴州三省與江南湖廣廣東接壤江西廢銅歸江南廣西廢銅歸廣東貴州廢銅歸湖廣著三省上司委官收買雲南現開鼓鑄所收黃銅和入紅銅扣算成色入鑪鼓鑄直隸山東令州縣收買廢銅交布政使司彙齊解部直隸解送每斤給水腳銀一分山東每斤給水腳銀一分五釐山西河南陝西四川所收廢銅暫存本省俟一二年後視所收多寡或本省開鑄或作何解送具題請

旨○又議准嗣後京城內三品以上官准用黃銅器皿民間樂器圓鏡戩子仍照原議外其文武各官軍民人等一應大小器皿均不得仍用黃銅所有舊存黃銅器皿除箱櫃上銅飾件外其餘不論輕重多寡悉交官領價旗人交本旗佐領漢官民人交五城御史各該管處無論多寡隨交隨收按依成色估銅鉛斤兩照部定每斤一錢一分九釐九毫三絲之價給發如有以低銅冒開好銅者照侵蝕錢糧例抑勒扣剋者照剋減官價例治罪其收買之銀八旗都統都察院

堂官酌量於戶部支領所收之銅該管處每季解交錢局以供鼓鑄並將給銀實數造具清冊報部寬以三年之限如過限不交賣者以私藏禁物律治罪其從前小鋪所收奇零銅器限三月內盡交官領價違者即照私藏禁物例治罪打造銅器店鋪如仍將黃銅打造器皿者照銷毀制錢為從例治罪令步軍統領五城御史順天府尹出示徧行曉諭仍不時稽察有犯者即行拏究其直省悉照京城之例均以三年為限令其交收○又覆准晉省小錢寬限三年令該

撫試行收買歲終彙報戶部候文銷解俟大錢流通然後通行收禁儻逾限三年猶有私錢事發者將奉行不力之各該地方官失察一次者降職一級二次者降職二級三次者降職三級四次者降職四級皆准其戴罪限一年內拏獲果能拏獲私錢一次者還職一級二次者還職二級三次者還職三級四次者還職四級如失察五次以上者降一級調用○又

諭昨步軍統領於崇文門外拏獲銷毀制錢之人朕思近在輦轂尚有此違禁射利之徒則鄉邑偏僻之地

可知矣。著直隸總督嚴飭各地方官密行緝拏。毋致潛藏。以為民患。如有怠忽疏縱不行查出者。或被旁人首告。或被京中番捕緝拏。定將該地方官照溺職例革職。至於銅器交官給價。先試行於直隸八府及各處省城。其餘各府州縣。因一時難以通行。故尚准其使用。然將來致滋弊端。著該督撫通行禁飭。嗣後鋪戶人等。不得鑄造黃銅器皿。出賣與人。違者照律治罪。○又

諭。從前曾酌議三品以上官許用黃銅器皿。今猶覺濫用者多。嗣後惟一品官器皿許用黃銅。餘著徧行禁止。如有藏匿私用。不肯交官者。概以違制論。○又議。准將各省未完舊欠錢糧。准其以黃銅器皿抵交。除四川廣西雲南貴州四省並無民欠。西安民欠無多。其餘各省。各該督撫酌量於該省民欠內。以二十萬兩為率。准令欠戶交納銅器。扣抵應完舊欠之數。儻銀數扣完日。該省尚有交納銅器者。該督撫再行請

旨。此次所交銅器。熟銅照頒定價值。每斤一錢一分九釐九毫三絲。生銅價值比熟銅減二。每斤九分五釐九毫有奇。各州縣官於紳民交納時。按

其生熟成色斤兩。以所定價值扣算。如有姦民銷毀制錢。充作廢銅片塊。不成器皿物件者。發覺日。照例治罪。其收銅之州縣官。不得絲毫扣減價值。亦不得以重秤收兌。每季將所收銅器斤兩數目。報明督撫解交公所。該督撫於歲終奏報。其無民欠之省。及無民欠之州縣。與無舊欠之糧戶。並奉天州縣民人。若有以銅器交官者。均按生熟銅色。給予價值。將所收銅器存儲公所。於歲終奏報。如各省地方官有能將已資收買黃銅器皿者。著解交公所。該管官即按生熟銅斤兩。給予價值。儻地方官借捐買名色。以賤價收買民間銅器者。該督撫即指名題參。照例議處。○十三年

諭。國家錢法。關小民日用之需。必使流通充裕。方能足用。阜民乃每年鼓鑄。而錢不加多。京城之中。康熙錢甚少。此必姦徒暗行銷毀之故也。我

皇考惠愛斯民。留心錢法。屢頒

諭旨。嚴飭內外官員查拏盜銷之弊。而目下仍然錢少價昂。則有司奉行不力。顯然可見。將此通行曉諭。凡京城內外各該地方官。務必密緝嚴拏。毋稍疏縱。儻

仍視為具文。發覺之日。必將該管官重加處分。不稍寬貸。○又議准私鑄未成。從來比照偽造印信未成律問擬。向未著有定例。嗣後凡私鑄甫經置造器物。尚未鑄錢。被獲審實者。將起意為首並同夥商謀之人。皆照偽造印信未成為首律杖一百。流三千里。其湊錢入夥並房主鄰右總甲十家長。知情不首者。皆照為從減一等律杖一百。徒三年。不知情者。照不應重律杖八十。該地方官不實力訪拏。經上司查出。或別經發覺。究明實係尚未鑄造者。照豫先不行查出例降一級調用。○又題准。儻有不法姦商。專販私錢。運載至數十百串出京貨賣。及在京鋪戶人等。將錢囤積在家。俟價昂始行出售者。查拏究治。其尋常行旅之盤纏。小販之資本。不得濫行截索。留難。如胥役藉端生事。擾害小民。一經發覺。嚴行重處。該管各官玩忽不行嚴禁。交部議處。○又議准。江西湖北等處。現在行使前邊錢。令各該督撫出示嚴禁。不許攙和行使。其從前收買在家。以文到一月內赴官首明。量給官錢半價。至一月後。經紀鋪戶人家。仍接收買攙和貨賣者。

若照攙和廢錢行使輕例。加一月杖一百治罪。尚不足以止姦。應令嚴加曉諭。凡收買前邊錢攙和貨賣。數至十千以上。發黑龍江給兵丁為奴者。改發雲貴川廣煙瘴少輕地方。不及十千者。杖一百。流三千里。千錢以下者。仍照舊例加責。其並無收買貨賣。一時未及交官。或數止十文五文。難以交官者。令交地方保甲。歲終彙交地方官。毋得行使。如行使者。照不應重律杖八十。該地方官不嚴行禁止。以致仍有行使前邊錢者。將奉行不力之該地方官。照收禁小錢例。失察一次降職一級。二次降職二級。三次降職三級。四次降職四級。皆准其戴罪。限一年內。拏獲私鑄一次者。還職一級。二次者。還職二級。三次者。還職三級。四次者。還職四級。失察五次者。降一級調用。至不法之徒。將錢到薄。小取銅求利者。若仍議以滿杖。亦屬太輕。今以文到日為始。如有拏獲者。不分首從。加三月杖一百。如將大制錢前邊打造器具。審明確有實據。至十千以上者。為首之人。照私鑄原律擬絞。監候。為從杖一百。流三千里。房主鄰右總甲十家長。知情

不首照為從例治罪所翦錢不及十千為首之人照毀化小制錢例加兩月杖一百發黑龍江給兵丁為奴改發雲貴川廣煙瘴少輕地方為從減一等杖一百徒三年房主鄰右總甲十家長知情不首皆照為從律治罪千錢以下者仍加三月杖一百該地方官並各上司不行查拏仍有姦民將制錢翦邊毀化至十千以上者州縣吏目典史等官一起降三級調用二起革職知府直隸州知州同知通判等官一起降二級二起降四級皆調用三起革職司道一起降一級二起降二級三起降三級皆調用四起者革職巡撫一起降一級二起降二級三起降三級皆留任四起降四級調用五起革職如翦邊毀化不及十千者州縣吏目典史等官一起降二級二起降三級皆調用至三起者革職知府直隸州知州同知通判等官一起降一級二起降二級三起降三級皆調用至四起者革職司道一起降一級二起降二級三起降三級皆留任四起降四級調用至五起革職巡撫一起罰俸一年二起降一級三起降二級皆留任四起降

三級五起降四級皆調用至六起革職如數止千錢以下者州縣吏目典史等官降一級留任
 ○又覆准嗣後如有將黃銅充作白銅製造器皿貨賣者一併嚴行禁止其已成者照依生熟黃銅給價交收入官如仍有犯者亦照例治罪
 ○又覆准各鋪古銅器皿除實在遠代銅器及紅銅白銅打造者不禁外其有將黃銅裝飾捏稱古器貨賣者令各鋪戶自行呈首定限一年儘數交官照例給價如限滿隱匿不交查出照私賣黃銅器皿例加等治罪地方官不能查訪別經發覺將失察之官照例議處
 ○乾隆元年奏准停止收銅禁銅之令民間買賣聽從其便
 ○十年奏准湖北行使之錢除翦邊嚴禁外如有砂版捶邊鉛錢古錢俟該省制錢充裕之後再行定議查禁
 ○十四年奏准洋船有將紅黃銅器私販出口圖利者百斤以下為首者杖一百徒三年百斤以上發邊衛充軍為從及船戶各減一等貨物及銅皆入官關汛文武官弁不檢檢查拏者革職知情賄縱者計贓從重論失察者降一級調用
 ○十五年議准凡各省拏獲

私鑄之犯不論砂殼銅錢為首及匠人皆擬斬監候為從及知情買使者皆發遣為奴如受些微雇值挑水打炭燒火及停工散局之後貪其價賤偶為買使以及房主鄰右總甲十家長知而不拏獲舉首者皆照為從發遣罪減一等杖一百徒三年其房主人等並不知情但失於覺察亦皆杖一百或有空房別舍誤借匪人一有見聞立即驅逐未經首捕者果係並未在場亦非受賄容隱仍止照不知情科斷失察各官皆交部分別議處官船戶夾帶私錢應照偶為買使例定擬同船之人知情不舉首者照不應重律治罪押船官交部分別議處若拏獲銷毀制錢之犯審明將為首者擬以斬決家產入官為從者絞決該地方官有能拏獲私銷者地方官交部議敘失察者地方官及該管上司交部分別議處至於房主鄰右總甲人等知情受賄代為隱匿者照為從例治罪如但知情不行首告並未分贓者照為從例減一等杖一百流三十里其並不知情止於失察者皆杖一百旁人首捕審實者官給賞銀五十兩再私鑄之犯有即

係私銷之人該督撫拏獲私鑄案犯必先嚴究有無銷毀儻有私銷確據即照私銷例從重治罪○三十年奏准私鑄不及十千之犯定例係發往雲貴兩廣惟各該省俱產銅鉛安置其地轉令故智復萌嗣後私鑄不及十千人犯俱照免死減等之例發往黑龍江等處給披甲人為奴不准發往雲貴兩廣安置○三十六年奏准前代古錢向因流傳已久且非私鑄可比聽從民便今趨利之徒借古錢名色私鑄私販攙和行使遂致真偽難分嗣後將前代古錢概照小錢之例一體嚴禁責成地方官勒限三月收買淨盡每斤給制錢百文解交錢局鎔化改鑄○三十七年奏准查禁古錢原以防趨利之徒私鑄私販之弊然鄉僻愚民相安已久或數千文中央雜一二未成斤兩不能零星繳換恐吏胥轉得乘機嚇詐且前代古錢質地堅潔字式清楚若私鑄古錢與流傳舊錢迥異不致真偽難分嗣後如有姦徒借古錢名色私鑄私販者同各項私錢一體嚴行查禁外其實係前代舊錢行之已久仍聽民便○五十五年

諭各省設立官局鼓鑄制錢其輕重厚薄原有部頒一定分兩豈容絲毫偷減草率致私鑄得以乘機攪雜今江西省局所鑄工料錢文與正額制錢皆係官為鼓鑄何以斤兩多有參差不齊江西一省如此各省錢局亦難保無此弊著通諭各督撫務須督率道府局員認真稽查並令藩司於解收錢局之時無論正額工料按卯親加提驗如所鑄錢文有偷減銅斤節省火工不能遵照部式立即發回另鑄並將局員鑪匠參處責懲俾官錢一律整齊堅實私鑄自無從攬入矣儻督撫等視為具文並不隨時稽察使官版制錢不能如式私鑄仍未淨絕一經查出必將該督撫治罪○又

諭銅斤為質甚堅鎔鍊時尚費椎鑿何至不耐磕碰即使銅版四邊澆薄之處偶有擦損自在船內尚可隨時檢拾歸數即稍有遺失亦不應多至數千斤此必係解銅委員有盜賣遺失情弊誑報掩飾沿途督撫不加體察即據稟入奏殊屬漫不經心所有此項磕碰短少銅斤即著照數賠補遇便搭解委員交部嚴加議處嗣後俱著照此辦理○五十九年奏准民間小錢節經給價收買仍未免攙和行使顯係有

心藏匿應勒限一年收繳淨盡毋庸給予價值若不依限呈繳一經訪出分別治罪令地方官責成牙行經紀人等查收赴官交納將所收實數按月呈報儻該州縣任聽牙行虛報及通同胥役藉端索擾即行據實嚴參牙行胥役人等照例治罪○又

諭前經戶部奏請各省收繳小錢俱不准給價勒限一年呈繳已令通行各省遵照辦理原因繳出小錢復與易給銀兩小民等惟利是趨轉致私鑄小錢冀圖需潤是以停止給價今思民間日用及商賈貿易所有存留小錢不免有需資本若止令其呈繳入官不稍償以價值小民等或因此裹足不前私相藏匿以致小錢仍不能淨盡著各督撫察看情形或於呈繳小錢時酌量給價俾各聞風踴躍呈繳可期淨盡各就所見據實速奏交部覈議欽此遵

旨議定每小錢一斤給制錢六十文毋拘錢數多少即數文數十百文者均准其赴官呈出易換大錢並予以一年之限收買淨盡儻再有私行藏匿不赴官呈繳者查出比照經紀鋪戶收前邊錢攙和貨賣之例分別錢數若干千以上者照攙

和私錢行使充軍例。量減一等治罪。不及十千者。枷號一月。杖一百。○嘉慶元年

諭。近年以來。各省小錢充斥。節經降旨飭諭。並令各督撫等實力查禁收繳。而小錢仍未淨盡。且不肯吏胥等。往往藉查繳小錢為名。任意訛索。甚至暗中受賄。轉將私鑄私販之人賣放。是欲除弊而反以滋弊。可見官為查辦。仍屬有名無實。况百姓商賈行使之小錢。均係由他處輾轉攙雜而來。並非本人私行鑄用。若不清其源而徒絕其流。於事終屬無益。現在開鑪伊始。正當肅清園法之時。該督撫等務宜實心查察。如式鼓鑄。毋令局員工匠等偷減薄小。其山僻處所有姦民私鑄者。則當督飭所屬嚴拏治罪。俾官無小錢。民無私鑄。弊源可以杜絕。其民間行使。轉可不必查禁。以免擾累。惟舟車裝載成捆小錢。經過各關口。仍應查拏究辦。毋任稍有透漏。並嚴查家人胥役等藉端訛索賣放之弊。○十四年

諭。錢法為國用攸關。原當堅厚明潔。期於通行經久。乃近來京局鼓鑄錢文。其輪郭肉好。即有模糊肥薄之弊。無怪外省往往偷減工本。率為縲薄錢文。不堪使用。甚或姦民嗜利。私鑄小錢。攙和行使。種種弊端。難

以枚舉。自宜申明舊例。加意釐剔。著戶工二部及各省督撫。力除諸弊。鑄局銅鉛。照例配搭。毋任偷減。務期大小輕重適均。其市間小錢。設法收銷。庶國寶流通。私鑄自息。○道光十三年

諭。前因給事中孫蘭枝奏。江浙兩省錢賤銀昂。商民交困。並臚陳受弊除弊各款。當經降旨交陶澍等體察情形。悉心籌議。茲據陶澍林則徐酌籌利民除弊事宜。分析具奏。所稱洋錢平價。民間折耗滋多。惟當設法以截其流。一條洋錢行用內地。既非始自近年。勢難驟禁。要當於聽從民便之中。示以限制。其價值一

以紋銀為準。不得浮於紋銀。庶不致愈行愈廣。所稱紋銀出洋。請明定例禁一條。刑部律例。止有黃金銅鐵銅錢出洋治罪明文。於紋銀未經議及。姦商罔知微畏。著刑部悉心酌定具奏。纂入則例。頒發通行。所稱收繳小錢鉛錢。請不及斤者一併隨時收買一條。私鑄小錢鉛錢。向來設局收繳。惟以斤計算。其不及斤者。恐民間仍私行攙用。嗣後各省收繳小錢及斤者。仍照例給價六十文。不及斤者。小錢二文。抵大錢一文。鉛錢及斤者。亦照例給價二十文。不及斤者。鉛錢五文。抵大錢一文。俾民間隨時收買。繳官。間間市

肆咸知與大錢價值懸殊。小錢鉛錢不能攙混。姦徒本利俱虧。自不肯輕於犯法。庶私鑄可期淨盡。以重錢法。○十六年

諭。有人奏江浙等省錢法敝壞。私錢之源。一為局私。一為民私。江省之寶蘇局。鑪頭工匠。向以私積制錢五萬餘串。分存附近質庫。每屆開鑪運局點驗。驗後仍分存質庫。所有官銅盡鑄私錢。其價較民私稍昂。浙省局私攙和沙土。墮地即碎。不若民私之便用。民間私鑄處處有之。有司衙門得規包庇。其大夥鼓鑄。藏於附近海口島嶼之中。由商船夾帶進口。船底有夾

板。油飾嚴密。查之無迹。抵岸卸貨。挾板出錢。一船所帶八百千之多等語。圍法為經國重務。私錢充斥。百物騰貴。最為閭閻之害。不可不嚴行拏究。著兩江浙閩各督撫。通飭所屬。於開鑪時。嚴密查察。認真究辦。民間所用私錢。務究其販自何人。鑄自何處。其島嶼私鑄。著責成巡洋水師各將備。實力控緝。儻查有得。賄庇縱情弊。即行從嚴懲處。○又

諭。前據給事中鮑文瀾奏。江浙等省錢法敝壞。當降旨著該督撫等嚴密查察。認真究辦。茲據林則徐等查明。江蘇寶蘇局驗收之時。由藩臬兩司及委員人等

抽提棒擲。並無破碎。其尚無攙和沙土。偷竊銅斤。私鑄小錢。似屬可信。惟該鑪頭等。前於道光元年。借款津貼。有發商生息之項。難保不藉端舞弊。至附近海口島嶼一帶。雖查無私鑄。及夾板商船攜帶違禁他物進口之事。其海洋島嶼及人迹罕到之處。小民趨利若鶩。亦難保無私行鼓鑄等弊。著該督撫等督飭所屬。認真稽察。有犯必懲。以絕弊源。儻有得賄徇庇者。即從嚴參辦。○咸豐四年

諭。前據戶部奏請停鑄當千當五百大錢。並慶惠等奏請停鑄當二百三百四百大錢。均經降旨允行。原以折當稍重。恐於民間日用。不無妨礙。是以斟酌時宜。准其停鑄。至當百以下大錢。子母相權。整散互易。通行遠近。尤為便民。乃據戶部奏稱。訪聞近日當百大錢。又有姦商折算等弊。請飭嚴禁等語。錢法損益。朝廷自有權衡。如果於民生稍有不便。不難隨時變通。若法本盡善。而塵市小民。妄肆阻撓。任意折算。實屬目無法紀。此風斷不可長。著戶部步軍統領衙門。順天府五城一體出示嚴禁。嗣後商民行使當百以下大錢。儻敢不遵錢面數目字樣。妄行折減使用。甚至造言煽誘。抗不收使。以致愚民相率猜疑。即行拏交

刑部從重治罪。此等姦商阻撓錢法。必應從嚴加等懲治。著刑部迅速定擬罪名具奏。至私鑄大錢人犯。業經刑部奏定加重罪名。此後私鑄當百以下大錢者。並著刑部再行嚴擬罪名具奏。欽此。遵。

旨議准。私鑄當百以下大錢案內。為首及匠人。如數在十千以上。及雖不及十千。而私鑄不止一次者。應於斬候罪上從重請。

旨即行正法。其私鑄僅止一次。而為數又在十千以下者。例係由輕加重。仍遵前。

旨問擬斬候。入於秋審情實。至姦商折算阻撓錢法。造言煽誘。抗不收使。為首者。於違。

制杖一百罪上從重加三等。擬杖八十徒二年。再加枷號兩箇月。為從者。於違。

制律上加一等。擬杖六十。徒一年。再加枷號一箇月。均先於犯事地方。枷號示眾。以示懲儆。○又。

諭。私鑄人犯。既已嚴刑懲治。官局各項大錢。尤應加工鑄造。磨鏡精工。以期經久無弊。並著各該管錢法堂官。嚴飭該管監督司員。認真查驗。倘有偷工減料。攪雜沙土及模糊破碎等弊。除將鑪頭工匠按律治罪外。並將該管堂司各官。一併懲處。○又。

諭。近來大錢壅滯。皆由私鑄過多。果能嚴禁私鑄。隨地查拏。俾得淨絕根株。則販賣私錢之人。不禁自絕。即

使用私錢之禁。又何必另立章程。若不正本清源。徒以嚴拏私販。紛紛擾累。適足以啟官役訛索之端。於

禁私便民之道。轉多窒礙。嗣後責成步軍統領衙門。順天府五城及各該地方大小員弁。慎遵疊降諭旨。

於私鑄大錢人犯。實力嚴拏。其有拏獲大夥私鑄及私造鑄錢器具。並鄰里軍民首告得實者。應即給予

獎敘。如官役有徇隱包庇受賄賣放挾嫌誣告情事。及姦民知情容隱者。尤應加等懲處。至官號為銀錢

出入總匯。倘有收賣私錢。任意折算等弊。尤須從重懲辦。著戶部嚴飭該管司員。嚴密稽查。一經發覺。即

將該商人等。拏交刑部治罪。不得稍涉瞻徇。致令市肆姦商。相率效尤。阻壞錢法。○又議准。大夥私鑄。無

論有無拒捕傷人。州縣印捕官降二級留任。道員府州。罰俸一年。俱限一年緝拏。限滿不獲。專

管官照所降之級調用。兼轄官降一級留任。私鑄拒捕。州縣官諱匿不報。或將數起報作一起

者。俱革職。兼轄之府州。降二級調用。道員降一級調用。如上司徇庇不參。降三級調用。京外地

級調用。如上司徇庇不參。降三級調用。京外地

方官失察私造鑄錢器具降一級調用如尚未行用即行訪拏與案犯並獲者無論本境鄰境每一起准其加一級私鑄之案如由在籍紳衿稟報係大夥私鑄得實者給予加一級係小夥並私造器具得實者紀錄一次鄰里土民首告得實者由地方官酌給獎賞京內五城地方及外省府州縣衙門吏役如有徇隱包庇受賄賣放等情本管官故縱革職止於失察犯該杖徒者降一級調用犯該軍流者降二級調用犯該絞斬者降三級調用總以首犯之罪名為斷司道失察者每案降一級留任若本管官能自行訪出究辦者免議捕役以查拏私鑄大錢為由肆行搶奪挾嫌誣告失察之該管官照失察捕役誣良為盜例議處已致死者革職未致死者降三級調用係已革捕役已致死者降三級調用未致死者降一級自行訪拏審出未致死者免議已致死者仍照例議處係匪徒冒充差役犯有前項情弊將地方官降一級留任姦民私隱私鑄人犯地方官故縱者革職失於覺察降一級調用凡地方官拏獲大夥私鑄之案能將

案犯全數緝獲者無論本境鄰境准該督撫奏請給咨送部引

見照獲盜人員議敘其並非大夥私鑄地方官訪查破案能將首犯及匠人全獲者亦無論本境鄰境每一起准其加一級如連獲三起以上者准該督撫併案奏請給予升銜其有失察處分並准將拏獲之案分起抵免○八年議准私銷當百當五十當五大錢雖經停用究係國寶於私銷制錢為首斬決為從絞決本例上酌減一等為首者擬發邊遠充軍為從者杖一百流三年里其私銷當十銅錢鐵制錢者仍照銷毀制錢本例定擬不得開脫避就致滋輕縱○同治十三年

論姦民私鑄錢文大干例禁著步軍統領衙門順天府五城一體嚴查即將私鑄人犯拏交刑部按律懲辦該局鼓鑄錢文何以竟有攙和情弊並著戶工兩局認真整頓不准偷工減本致滋弊端○又

論錢鋪攙和私錢本干例禁江南淮揚徐海等處及四川各屬竟有錢鋪攙和私錢情事實屬有礙民生此等弊端他省恐亦不免著各該督撫飭令地方官認

真稽察。嚴行禁止。毋任姦商舞弊。○光緒七年奏准

寶泉局書吏私用銀三百二十兩。合依監守盜

倉庫錢糧入己數在一百兩以上者杖一百流

二千里。例杖一百。流二千里。照例勒限追賠。○

又奏准。此次盤查寶泉局庫。自同治九年七月

起。至光緒五年六月止。虧短當十大錢一萬四

千六百餘串。應作十股攤賠。滿漢監督各分賠

四成。中廠大使分賠二成。按照歷任滿漢監督

大使等在任日期。分成賠補。並照州縣虧空銀

米例。勒限一年全完。儻限滿不完。或完不足數

即將該員等移咨吏部議處。○又奏准。驗收各

鑪卯錢。如有分兩輕小。磨銼粗糙之弊。除將該

鑪匠從嚴懲辦外。並將該鑪即行停鑄。另擇呈

交如式之鑪。令其加鑄。以示儆戒。而昭激勸。

欽定大清會典事例卷二百二十一

戶部

鹽法 鹽課總額 盛京 長蘆一

鹽課總額。○直省鹽課。以光緒十七年計之。共

行四百一十七萬七千二百九十三引。課入七

百三十九萬八千七百九十九兩有奇。謹案乾

隆十八年。共行六百三十八萬四千二百三十一引。課

入五百五十六萬五千四百一十兩有奇。又嘉慶五年。

共行六百五十五萬八千六百五十八引。課入

五百六十五萬二千五百七十五兩有奇。又

咸豐除銀四十二萬八千九百四十二兩有奇。

盛京。○

盛京鹽。行奉天。錦州。二府屬。以奉天府尹兼理。轄

鹽場二十。黃旗場。竹心臺場。大板橋場。小板橋

場。葫蘆套場。甜水河場。天橋場。三道溝場。三道

溝場。四道溝場。柴河溝場。白馬溝場。劉三場。柳

柴場。小鹽場。料河堡場。團山堡場。鐵廠屯場。鐵

廠屯。河西場。芝蔴灣場。均以州縣佐雜官兼司

之。○天聰五年定。令守邊官兵稽查煎鹽。○七

年定。煎鹽人照價每兩納稅三分。帶私鹽者。以

其半入官。○順治元年定。奉錦各屬鹽場。歲辦

供應。

100660 戶部會典事例卷二百二十一 8 五九六

陵寢

長白山祭祀所需白鹽

上用白鹽

皇莊官莊鹽共六萬六千斤。○四年定盜賣鹽者鞭八十。仍追鹽入官。○康熙十八年題准奉錦各屬歲頒引萬三千七百七十四引。每引徵課銀四錢七分三釐有奇。共徵課銀六千五百二十三兩有奇。○十九年題准增三千一百引。加課銀千四百六十八兩有奇。○三十年議准停頒引鹽。仍聽民自行煎賣。○乾隆五十六年議准。

盛京供應

三陵並支給過往官兵各部院衙門匠役當差人夫等

鹽斤例由

盛京戶部支放自

盛京內務府領鹽二萬斤。又於額設鹽莊莊頭三名。每名交鹽一萬二千斤。共三萬六千斤。又於官莊所屬無地丁夫子弟分往鹽場煎鹽。不計丁數。交鹽一萬四千斤。每年通共收鹽七萬斤。嗣因各部院衙門人口食鹽當差丁夫生齒日

繁。而鹽斤限於定額。復因災免缺鹽。准照餘鹽折價之例。每百斤折銀三錢二分。折還補缺。造入奏銷。其每年收鹽七萬斤。不敷需鹽八萬餘斤之數。應將額設莊頭三名。每名原交鹽一萬二千斤之外。各增四千斤。共得鹽四萬八千斤。並將查出官莊所屬無地丁夫現有五百名。亦按丁交鹽四十斤。共得鹽二萬斤。較原額增鹽六千斤。嗣後滋生人丁。按丁增鹽。僅有病故短少。必以二萬斤作為定額。按丁攤交。不准遞減。統計新增舊額。合內務府原領鹽。每年共得鹽

八萬八千斤。以資官用。○同治六年奏准奉天所屬濱海地方所產鹽斤。因添籌本省練兵經費。按每石六百餘斤之數。由出買鋪戶扣收東錢一千文。合制錢一百六十四文。以八成歸公。解充練兵經費。其餘二成。由外支銷。

長蘆。○長蘆鹽行直隸順天府保定府永平府遵化州易州河間府天津府正定府冀州趙州深州定州順德府廣平府大名府宣化府河南開封府彰德府衛輝府許州並所屬之臨潁鄆城長葛三縣陳州府懷慶府南陽府舞陽一縣

統歸直隸總督管理。欽差嘉慶年間係天津兼轄山東一年吏代嗣後專設長蘆鹽政管理兼轄山東河南兩省道光十七年山東鹽務改歸山東巡撫統轄長蘆鹽政兼轄直隸河南兩省咸豐十年裁長蘆鹽政由直隸總督管理仍兼轄長蘆都轉鹽運使司管鹽

法道運使專理。原駐滄州轄鹽場八。豐財場。在滄州

蘆臺場。在寶坻縣隸天津分司運同。駐紮天津舊為青州分司

運同。乾隆四十六年改越支場。在豐潤縣濟民場。在滌州石碑場。在樂亭縣歸化場。在撫甯縣海豐場。在鹽山縣嚴鎮場。在滄州

隸薊永分司運判。駐紮滄州以光緒十七年奏銷冊計之。共銷六十六萬二千四百九十七引。每引行鹽五百五十斤。正課雜銀一百二萬五千八百兩有奇。謹案嘉慶五年共銷九萬引行鹽三百斤。正雜課銀六十八萬一千三百三十三兩四錢有奇。外餘引十八萬。儘銷儘報。並無定額。贏餘銀七萬六千三百四十三兩六錢有奇。○順治元年題准。長蘆正引七十一萬九千五百五十。又包課改引三萬五千四百五十有三。每引徵課銀二錢六分五釐七毫有奇。○十二年題准。增備用四萬五千引。照正引例徵課。○十三年題准。正備改用。每引增銀四分七釐八毫有奇。○又題准。河南省開封府。每引

增補額銀六分六釐六毫有奇。○又題准。增正引十有二萬。照例徵課。○十五年題准。停止備用新增二項引目。每正引攤納課銀七分一釐九毫有奇。○十七年題准。改引附同正掣。增順天永平二府屬三千六百引。照例徵課。○康熙元年覆准。長蘆巡鹽御史題附銷積引。納三引之課。行二引之鹽。每三引統毀一引。存司繳部。以防影射之弊。庶於國課無虧。復於各商有益。○二年題准。開封府所加補課。於正引內均攤。每正引共課銀三錢九分六釐四毫有奇。○五年題准。開封府屬杞通太蘭儀四縣。改掣蘆鹽。增正引萬三千一百八十九。照例徵課。○六年題准。宣鎮改掣蘆鹽。增改千二百引。並保安衛改引三百。照包課改引薊永正河之例。每引納課三錢一分三釐六毫有奇。○十六年題准。長蘆每鹽一包。加鹽二十五斤。每引加課銀七分。○又議准。

京師地方。自十七年為始。照元年覆准。納三引之課。行兩引之鹽。○十七年題准。正定河間永平宣化等府。薊州及大宛之采育營。每引鹽加課

四分。○又題准計丁加五萬七千四百六十七正引。二萬九千四百九十五改引。共徵課銀四萬三千六百四十七兩有奇。○二十四年覆准河南省懷慶府屬。因河東鹽少。改食蘆鹽。增三萬七千二百五十一引。照例增正引課銀萬九千二百九十八兩三錢有奇。○又議准興國場撥給地畝。免徵賦銀。○二十六年題准舊州營汛內黃村等集鎮所行鹽引。歸併太宛二縣完銷。○又題准河南省陳州等六屬。改食蘆鹽。將兩淮課銀照數扣除。自二十七年為始。增入蘆額。共增二萬四百十有九引。增課銀九千五百二十兩八錢有奇。○二十七年題准陳州六屬原納淮課。兩倍於長蘆。今按課計引。將長蘆鹽引。照數遠行給商行鹽。懸秤自賣。毋致按丁派食。○二十八年題准長蘆新增三萬三千二百六十三引。課銀萬五千三百餘兩。原屬軍需暫增。悉行豁免。○二十九年題准將天津衛十七年所加四千引豁免。○又覆准河南省陳州六屬額額二萬四百十有九引。照衛輝輪租例。每引該銀八釐。共銀一百六十三兩三錢有奇。於

奉文之日為始。徵收解部。○又題准直隸省宣化東西兩城深井堡三處。將額引除去。聽民自行煎鹽。包納引課。○三十年題准直隸省懷來等衛六處。改食口外鹽。仍照舊額納課。○三十二年題准直隸省延懷堡等地方。改設州縣。包課銀歸併徵收。永甯衛歸併延慶州。該包課銀九百七十九兩。深井堡改宣化縣。該包課銀四十二兩。懷來衛改懷來縣。保安衛礮山堡亦歸併懷來縣。該包課銀五百八十四兩。西城東城二堡。歸併西甯縣。該包課銀四百六十六兩。保安州。該包課銀五百二十二兩。各有奇。○三十三年議准長蘆加增課銀萬二千兩。○四十一年議准將直隸涿縣營額五百五十引。歸通州知州管理。○又覆准順天府太宛二縣。加增三萬五千三百十有三引。每年應徵課銀。同四十七年引額。造入奏銷冊內。報部察覈。○四十七年議准長蘆增行萬引。課銀四千二百三十六兩有奇。自四十七年為始。照數徵收。○又議准直隸省薊遵等處增行萬引。徵課銀四千二百三十六兩有奇。○又議准直隸省永屬六州縣

增五百七十二引。徵課銀二百四十二兩有奇。○五十四年覆准。長蘆京引十有四萬。向設京館。向薄商鹽。挨次輪銷。今革除京館。令眾商張家灣買鹽。公保老成之商。於廣渠門。張家灣。催科登記。別委員發鹽收課。立循單給商。赴張家灣委員處。驗換環照運鹽。止許從廣渠一門進城。循單環照。月終彙繳。○雍正元年議准。長蘆定例。每引行鹽二百五十斤。今商欠甚多。將現行鹽每包加鹽五十斤。以三百斤為一包。令各商照例運銷。免其加課。徵完日。令該御史將所增鹽作何加賦。並應否裁存之處。題明再議。○又題准。各州縣行鹽銷引。如地近場竈。私鹽充斥。銷不及額者。令各商通融代運銷賣。○四年諭。去年長蘆巡鹽御史奏稱。長蘆竈地。久未清理。以致民竈爭控不已。請將竈戶攤地。從前售與民人者。許其回贖。如無力者。仍許現在耕種之民。收租納糧。俟原業竈戶有力之日。再行回贖等語。比經九卿議覆。准行。近聞當年竈地轉售於民。其年分久遠。有百餘年者。業主售主。多半變更。即有子孫。當時價值多寡。亦皆遺忘。或有逃亡等戶。更無從質問。以致同姓影

響之人。彼此爭贖。紛紛告訐。實滋煩擾。若必俟原業竈戶有力之日。回贖。僅原業之人。始終無力。則此項地畝。久久竟成民地。亦非清理竈地之良法。朕意以為。不若將竈戶賣與民人之地。交易年近。確有實據者。令竈戶備價取贖。其餘年久。迷失之地。所有爭告無憑辭狀。該衙門均行註銷。凡民人所有竈地。嗣後止許賣與竈戶。永遠為業。如有仍轉行典賣與民者。照盜賣官地例治罪。永以為例。如此則數年之後。竈地自漸歸於竈戶。而無不清之弊矣。爾部即行文。著山東巡撫長蘆巡鹽御史遵照。實心奉行。○六年覆准。長蘆竈丁銀。攤入各場竈地徵收。按年完納。至白鹽一項。仍令竈丁辦納。○又覆准。長蘆商人名下。應完鹽課。作為十分著追。永為定例。○八年題准。長蘆掣鹽。令該御史按各商銷售。鹽菜鹽之期。豫於春秋二季。赴東秤掣。驗放。其餘已未春運引鹽。委運同運判督。催春運秤掣。驗放。○十年題准。直隸鹽價。按康熙二十七年原定之數。作為標準。以現今價值稍為變通。每斤酌加銀一釐。令商民兩便。○又題准。增直隸省。蘆。遵。灤。等州縣三萬引。照例徵課。○又題准。

每年頒發餘引五萬。以備額引不敷之州縣領運。儘銷儘報。○又題准。直隸省滄州分司所轄利民等六場。歸併各該州縣管理。其一應竈課銀。令州縣徵收。解交長蘆運司收儲。其六場大使。一併裁汰。再青州分司所轄濟民等五場。將天津府通判一員。移紮五場適中之越支場。專司鹽務。○十二年題准。增直隸省薊遵等州萬四千五百引。照例徵課。○乾隆四年題准。長蘆鹽引。令各商通融代銷。鹽政於批准之後。報部察覈。仍於奏銷冊內聲明。○六年覆准。雍正元年長蘆每引加五十斤。原議俟各商積欠銀帶徵完日。再為加課。今自乾隆二年起。長蘆綱引。並分認儀封縣引。每引加課九分三釐二毫。薊州。永平府。正定府。河間府。采育營。每引加課八分四釐七毫有奇。懷慶府。沙河縣。每引加課九分三釐六毫有奇。每年共加課八萬九千四百四十一兩九錢三分有奇。○十年題准。直隸省灤州。遷安等處。停止老少牌鹽。令商人捐錢。將額定負鹽貧民。每名日給錢二十文。以資養贍。由地方官經理。○十七年

諭前因長蘆各商積欠甚多。令其每引加鹽五十斤。分派行銷。續經部覈。每年應增課銀八萬九千餘兩。但蘆商積困之餘。舊欠甫清。若按斤加課。商力未免拮据。著將所加鹽減半納課。永為定額。其乾隆二年至六年應追未完加斤課銀十四萬餘兩。著一併加恩豁免。○又議准。直隸省天津。靜海。青滄。鹽山。五州縣。因有牌鹽。遂至影射。公行透漏夾帶。官鹽壅滯。應將現在牌鹽盡行裁汰。如實在合例老幼殘疾貧民。查定額數。取具里鄰甘結。加具印結。開造花名年貌清冊。送總督鹽政衙門存案。照灤州等州縣之例。每名日給制錢二十四文。天津縣額引七百。飭商照例行銷。以濟民食。○又奏准。長蘆本年已領餘引。尚有不敷。請量領餘引三萬道。連原領餘引五萬道。共八萬道。給商運銷。僅有餘贖。照例繳部。○十八年奏准。牌鹽既經停止。必須開設官店。以濟民食。既開官店。勢須領引以嚴稽考。但官鹽之價。仍從牌鹽之舊。每斤止賣小制錢五文。覈計成本不敷。商力難以賠墊。惟有將津邑所銷餘引。免其輸課。則商不病而民得永受賤鹽之利。至天津縣額引七

百道。仍照例輸課行銷。並將天津一縣作為公共口岸。選商輪直。一年更換。○二十五年奏准。長蘆山東引課錢糧。向於五月奏銷。嗣後改至十月舉行。長蘆餘引。遞壓一年。於五月奏銷。○二十九年議准。長蘆鹽斤。自康熙二十七年定價之後。至雍正十年題准。每斤酌增制錢一文。近年物價增長。鹽本加重。而鹽價仍照原定數目。致形竭蹶。除天津公共口岸毋庸增加外。餘俱照雍正十年之例。每斤增制錢一文。○又議准。直隸省灤州遷安樂亭三處情形。僅能行銷六分。將三處之引通出四分。於能銷之州縣代銷。其灤州遷安樂亭三處行銷六分。僅再有此贏彼絀。仍於三處內通融行銷。○三十二年諭。朕此次臨幸天津。該商等趨事辦公。頗稱踴躍。因念長蘆通網引課。每年十月內奏銷。正值銷售菜鹽之時。鹽價未及收齊。而奏限已屆。商力未能舒展。著將長蘆通網鹽課。嗣後改至十一月底奏銷。俾得從容完納。以示體恤。○三十五年議准。長蘆鹽斤售賣。所收均係錢文。近年錢賤銀貴。商人易銀完課。多虧成本。嗣後該處鹽斤。照現在定價數目。每斤

增制錢二文。俟錢價稍昂。該鹽政即據實奏明酌辦。○三十六年議准。長蘆行銷鹽引。直隸兩省。共一百八十四州縣兩營。數目多寡不等。大率以地方戶口之繁簡。分別定額行銷。年深日久。今昔情形不同。致有滯銷之區。雍正元年曾經題准。各州縣行銷鹽引。如地近場窰。私鹽充斥。因而銷不及額者。照代銷之例。令各商通融代運銷賣。今滯銷之四十六州縣二營。每歲應銷八分引目。銷售未完。年復一年。壓本包課。積困日深。應照從前代銷之例。於續定八分引內。再勻出一二分。於暢銷之九十七州縣通融銷賣。○又議准。長蘆正引課於次年十一月奏銷。竈課於次年五月奏銷。餘引課再次一年。於十月奏銷。○四十三年覆准。天津薊永通判。改為薊永分司運判。將附近之越支濟民。石碑歸化等四場灘地竈課錢糧等事。舊隸運同者。俱歸運判管理。○四十六年議准。長蘆青州分司運同。改為天津分司運同。○四十七年奏准。長蘆鹽行直隸河南兩省各州縣。俱於現行價值外。每斤酌增制錢二文。以資行運。○五十年覆准。

天津公共口岸。向係選商輪辦。一年更換。惟津邑逼近灘坨。為私梟淵藪。防範難周。該商不能實心經理。漸次廢弛。嗣後定以五年報部更換。○五十三年議准。長蘆各引票。通行直隸河南。鹽價每斤加制錢二文。以資轉運。將來或遇錢價較貴之時。據實奏明。將所增鹽價停止。○嘉慶三年議准。長蘆官商原辦二十州縣引地。共引一十萬六千二百八十六道。全數入官。各商分認引地。每年應交租價銀二萬兩。解交內務府充公。○五年

諭。戶部議覆長蘆鹽政奏請蘆東鹽斤加價一摺。所駁甚是。已依議行矣。現在軍務尚未歲事。一切兵餉供支。皆須發帑接濟。固應寬為籌備。但朕斷不肯因此有累及閭閻之事。教匪何。民也。原因不肖官吏。勒索苦剋。激成此事。至今未能復業。自滋事以來。到處焚掠。裹脅百姓。逼於不得已而從賊。是剋平賊匪。必先使吾民各安生業。民安而賊自可平。多安一民。即少一賊。此事理之必然者。若因軍興需費浩繁。遂思剋削百姓之脂膏。冀補國家之帑項。或致生計不足。別滋事端。所費更多。為害更大。朕躬行節儉。永杜貢獻。

言利之徒。無所施其伎倆。惟近日臣工往往藉軍需為名。在朕前嘗試。巧言利國。實皆利己。此等假公濟私之人。本應加之譴責。但人材不易。豈遂以一眚之失。遽為罷斥。此時亦第存之於心。不肯宣露。早已薄其為人矣。即如長蘆加增鹽價一事。雖計算食鹽之人。每日所費不過一二文。似屬有限。而不知鹽斤為食用所必需。一經議增。則人人均受其累。且私販本因官鹽價昂而起。今再議增加。則私鹽自必更為充斥。官引墮銷愈多。長蘆鹽價加增。已非一次。即該商積欠各款。節經寬免展限者。亦非一次。恩施不為不厚。豈得復行干瀆。為此無厭之求。况鹽價既增之後。即不能復減。累及閭閻。寧有已時。雖據稱此次加增。為清完積欠而設。但加價之後。該商等亦未必清完國課。徒然病民以裕商。更屬不值。朕寧可使帑項有稽。而斷不肯朘民以益帑。况天下山陬海澨。所有財貨。皆朕之財貨。豈必聚於官府。踵瓊林大盈之鄙識哉。為天子者。富有四海。不問有無。藏富於民。周流泉幣。斯得九五福之二曰富大旨矣。朕勤求上理。惟思克己利民。以符損上益下之義。將來軍務完竣。即現開捐例。亦當停止。豈有無故將鹽價加增之理乎。將

此旨與諸王及大學士九卿同看。○十二年奏准長蘆鹽包每三百斤加消耗鹽十三斤十一兩小法一塊。○十四年

諭本年長蘆天津分司所屬豐財場灘副被水成災。所有該場貧窶修理灘一百九十副。共需工本銀二萬八千二百六十四兩。准其在於運庫借給。自嘉慶十八年菜鹽後。分限四年完交。○十六年定直隸省天津縣於額銷納課正引七百道之外。所銷餘引不得過四萬道。免其輸課。○十七年

諭長蘆鹽務。自乾隆五十三年加價以後。迄今已閱二

十餘年。現在各商因虧折成本。日形疲乏。自不能不量為調劑。除天津公共口岸。山東民運票地。例不增價外。所有正餘引票官鹽。著每斤加制錢一文。其所加之價。一半交官以完商欠。一半歸商俾資成本。俟欠項全完。商力漸有起色。再行奏明酌減。以復舊額。○十八年定長蘆所用掣鹽法馬十六兩令工部如式鑄造。會同戶部。眼同委員。照依庫儲祖法。三面較準。給發該委員領回。仍取具領結存查。○又奏准長蘆鹽包每三百斤加包皮耗鹽十斤。河南道遠。又加耗鹽五斤。商人不再加窶

戶價值。○十九年覆准石碑場原額草蕩地及新增草蕩地。每畝徵銀六釐。新淤窶地。每畝徵銀八釐七毫二絲。○二十年議准豐財蘆臺兩場灘副窶戶。無力勘曬。或租給商民。或與商民夥曬。凡停曬未久。修灘工本較少者。限五年准其另租。其停曬日久。修灘工本較多者。限八年准其另租。窶戶收回自曬。亦照此限。仍責成場員實力稽查。儻將鹽斤私行出售。或藉出租名目。將灘副影射典賣。照例嚴辦。

欽定大清會典事例卷二百二十二

戶部

鹽法 長蘆二 山東

道光二年定長蘆正引課仍於次年十一月奏銷... 額定斤數並舊加包索消耗之外再加鹽二十

斤免其交課以補折耗俟商力稍紓即行停止... 其有關係錢糧者俱會同直隸總督題奏

諭天津為運道總匯之區糧船往返每於例准買帶食鹽四十斤外多帶鹽斤以致妨礙蘆網亦且侵占淮引...

最重實亦不獨江廣為然其透漏鹽斤之弊以天津為最甚亦不獨天津為然沿河一帶因梟每於幫船將次抵境先向議定價值...

無實如有差役兵目人等得規徇庇即行從重治罪... 各原籍州縣管轄天津縣歸併富國場原額

止。並天津鎮道知府同知知縣儒學等處。應交各款及商人支項書役工食薪水號禮並一切支銷費用。統共刪減銀四萬六千五百零三兩四錢一分三釐。其引地文武各衙門官役相沿陋規一體裁汰。又奏准長蘆各商每年應完內外各衙門幣利銀三十萬一千兩有奇。按引均攤。無論行引行票。悉同正課一併覈計徵收。分款支解。遇閏照例加增。又奏准長蘆巡緝私鹽。向係商人設汛通網津貼巡費。仍照舊章辦理。至協拏兵役。仿照京營捕盜章程。以所獲人鹽之多寡。立時分別獎賞。毋庸按季發給。以示鼓勵。至所獲之犯。統歸運司審辦。仍報鹽政以昭覈實。又奏准長蘆各商領運引鹽。每引除原額外。准加鹽一百五十斤。應免完課。仍俟稍結即行停止其每斤賣價。均各減去制錢二文。俾商民兩有裨益。至協濟補欠充公等項。加價名目。概行裁撤。二十九年奏准長蘆減十萬引。業已六年限滿。再展五年。以恤商力。咸豐六年奏准蘆網行鹽。遇有運道阻塞。由該商隨時稟明運使。詳請改道。至落廠地方土棍。敢有攔阻

陷害者。該商即稟明地方官嚴拏懲辦。八年覆准長蘆引鹽。每斤復價制錢二文。分別京引外引。按引完銀。所徵銀兩。解充天津海防經費。並本省練兵月餉之用。十年裁長蘆鹽政。鹽務事件。統歸直隸總督題奏。同治元年諭。戶部奏長蘆懸岸。於道光二十八年暨咸豐十年。疊經奏定章程。勒限招商辦理。茲查咸豐九年奏銷冊報。懸岸仍未招商。其間各官商捆運交完。懸岸課款之處。咸豐八年冊報徵補銀八萬四千餘兩。九年僅徵補銀五萬餘兩。逐年遞形短少。再懸岸引地招募商販。捆運向由運使給票。不用部引。每年行銷若干。無從稽考。應令遵照戶部前咨。用部頒之引。加蓋字樣給發。以憑查覈。又長蘆積欠銀二千三百餘萬兩。前經奏定自道光二十九年。起每年按引攤補十七萬餘兩。近查奏銷冊並未完報。嗣後務飭按引攤完。各等語。長蘆懸岸共七十餘處。各官商辦理捆運交課較輕。自必日形踴躍。鹽有銷路。即課有來源。何以懸岸課款。節年遞形短絀。著文煜督飭運司。將現在有人捆運之處。係河口岸。每年運鹽若干。交課若干。有無影射蒙混。以多報少。及無人承辦各岸。有無私

運私銷。確切查明。據實報部。並照該部前咨。將懸岸運銷之鹽。即用部頒之引。由該運司加蓋行銷懸岸引地字樣發給。以歸覈實。仍飭該運司趕緊一律招商認辦。應如何設法招徠之處。即著悉心酌覈。奏明辦理。至長蘆積欠銀二千三百餘萬。並著文煜飭該運司認真查覈。務令各商按引攤完。毋令欠項虛懸。致干叅辦。○五年奏准。河南省行銷蘆鹽。每斤加價制錢二文。作為河防養勇經費。○六年覆准。直隸省永平府盧龍撫甯昌黎臨榆灤州遷安樂亭等七州縣鹽務。由各該州縣安汛設巡官為運銷。應徵課款。按額完交。每屆奏銷。另冊具題報部。○七年議准。河南省河防加價。改為榮工加價。專款徵收。解還部款。○九年奏准。長蘆減停京引二萬道。○十一年奏准。河南省榮工加價。由長蘆徵收。每年以五萬兩解還部庫。○十二年奏准。蘆網連年災歉。運本加重。傷耗過多。商力實不能支。今擬除津武口岸。並永平七屬均近灘坵。不計外。其餘直隸各引岸。並蘆鹽所行引岸。請每包於向定斤兩之外。酌加二十斤。令其彌補傷耗。應免加課。又商人賣鹽得錢。必

須易銀交課。現在銀價逐年增長。而賣價仍係原定錢數。賠累更多。今擬除津武口岸。並永平七屬。向不隨同加價。又豫省蘆鹽。前已加價不計外。其餘直隸各引岸。引鹽每斤酌加賣價制錢二文。以每人日食鹽三錢計之。僅多費一文零。尚不至病民。即自六月初一日起。一律照加。暫以五年為限。如商力稍紓。當分別奏請停止。○又奏准。蘆網引多銷滯。原停引目。推展五年。再請復額。○光緒五年。奏准。蘆網原停引目。再行推展五年。○又奏准。直隸賑款支絀。自本年六月起。將加價展限五年。每年交銀二萬兩。共合十萬兩。彌補不敷之款。○十一年。奏准。京商原停引二萬道。照案推展五年。○又奏准。豫岸蘆商。令每年交銀八萬兩。五年為限。仍每包准加耗二十斤。以資貼補。○十二年。奏准。豫省行銷蘆鹽口岸。共十六州縣。滯銷虧課。歷有年所。自同治十二年。創辦官運。整頓漸有起色。至光緒十一年。一律歸商辦理。按照捆運定數。改為認運。仍逐漸加增。以期規復原額。

山東。○山東鹽行。濟南府兗州府東昌府青州

府泰安府武定府萊州府登州府沂州府曹州府濟甯州臨清州河南歸德府江蘇徐州府所屬之銅山蕭錫山豐沛五縣鳳陽府所屬之宿州以山東巡撫管理山東都轉鹽運使司兼理鹽法道運使專理駐紮濟南府轄鹽場八永利場在臨淄富國場在臨淄王家岡場在樂安永阜場在利津臺場在壽光隸濱樂分司運同駐紮濰縣西由場在掖石河場在膠濟雄場在日照隸膠萊分司運判駐紮濟南以光緒十七年奏銷冊計之共銷四十萬五百引每引行鹽三百二十斤票引十七萬一千七百四十紙每票行鹽二百二十五斤共課銀十三萬一千五百兩有奇餘票八萬三千一百八十紙課銀一錢六分至二錢二分不等謹案嘉慶五年共行正餘鹽五十萬五千引每引行鹽二百二十五斤票引十有七萬一千二百四十紙每票行鹽二百二十五斤共課銀二十四萬三千三百五十四兩有奇餘票八萬三千一百八十紙報並無定額○順治元年題准山東省歲行正鹽四十六萬三千七百三十七引每引課銀二錢五釐有奇又行票鹽九萬四千四十七引每引課銀一錢二分八釐三毫○十一年題准減正引二十三萬三千七百三十有七照額減課

○十二年題准復正引萬五千照例徵課○十三年題准增正引八萬照例徵課○十七年題准停止新增引目課銀按額攤納○康熙五年題准河南省開封府屬杞通太蘭儀五縣改食蘆鹽酌減萬三千八百八十九引○六年覆准復行正引八萬照舊徵課○十六年題准每正引加鹽二十五斤加銀四分每票引加鹽二十五斤加銀三分○十八年題准每票引升課六分○又題准每十引加增一引共加三萬一千一百八十一引每十票加增一票共加九千四百有五票照例徵課○二十五年命豁免竈丁等項額外銀萬四千二百八十四兩五錢一分○三十五年題准加增五萬引照例徵課○五十六年題准加增五萬七千五百五十六引照例徵課○五十七年覆准山東省歲行鹽四十五萬引有餘節次漸增令散派舊商行銷○五十八年裁膠萊分司缺○雍正三年覆准東運行鹽地方因從前節次漸加引目未經分別州縣止按引數派散是以有引多引少之嫌將山東魚臺等三十一州縣減去萬八千四百

六十引。量增於河南鹿邑等二十一州縣行銷。○四年題准山東省永利等十場應徵丁銀將一半三千一百二十六兩有奇攤入各場竈地及歷城等州縣民佃竈課之內一半按丁均攤。遇有升課地畝仍照例加攤丁銀即將丁銀通覈減收。○七年題准山東省十場地方遼闊復設膠萊分司運弁。又覆准東省嗣後部頒引目封儲司庫照長蘆之例設立水程驗單填註商人姓名及引數目並按程途里數限以運到日期到後該州縣查明截角。又覆准增行四萬九千四百五十二引照例徵課。又覆准增行五萬二千九十二票照例徵課。○八年題准河南省商河等縣增八千六十一票山東省淄川等州縣增八千一百二十五票照例徵課。又題准每年頒餘票五萬以備票引不敷之州縣領運有餘繳銷。○乾隆元年題准增行五萬引照例徵課。又題准新設山東省博山縣增餘票千五百紙又將益都縣二千四百四十三票萊蕪縣三十四票淄川縣二百五十二票改撥博山縣運銷定額。○五年題准增餘票一萬

○六年題准增餘票五千。○七年覆准東省行鹽票地認充不一更替靡常豪強者得以鑽營謀奪今分三等按票輸穀給為世業上等每票輸穀二石中等每票輸穀一石五斗下等每票輸穀一石所輸穀歸於社倉內令地方官經理票商遇有事故令新商給還原輸穀價。○三十年覆准山東省增餘票一萬五千道。○三十五年議准山東省近年錢賤銀貴商人以錢易銀完課有虧成本嗣後該處鹽斤照現在定價數目每斤增制錢二文俟錢價稍昂即據實奏明酌辦。又議准山東省引課商運課票於次年十月奏銷民運票課竈課於次年五月奏銷。○四十三年覆准山東省永利濤維二場俱設立老少貧販共三十四名仿照天津等州縣給錢停販之例每老少一名日給制錢二十四文飭該地商人按數捐輸繳存縣庫地方官按月散給以資養贍將舊設牌鹽永行停止。又覆准山東省增餘票一千六百八十道。○四十七年奏准山東省鹽價每斤加增制錢二文以紓商力。○五十三年議准山東省鹽價每斤加增制

錢二文以資轉運。○五十四年議准山東省所屬利津蒲臺莒州日照益都博山臨淄博興高苑樂安壽光昌樂臨朐安邱諸城高密等十六州縣民佃竈地鹽課正銀一千六百八十六兩四錢五分四釐應徵一四耗銀二百三十六兩一錢四釐各州縣統解運司衙門查收其經催經徵應徵處職名均隨同正銀造報至解交正銀於耗銀項下支給解費腳費外餘銀仍由運司移解藩庫充公。○五十六年議准長蘆所屬滄州之譚家莊鹽山縣之高家莊田家莊海豐場之崔家莊劉家莊等五處孤懸村莊共徵白鹽八百五十斤五兩六錢一分一釐共徵折色銀二兩八錢三分四釐又譚家莊高家莊田家莊等三處孤懸村莊共竈地四頃九十畝九釐四毫一絲共徵竈課銀四兩九錢九分九釐遇閏加增銀六分均撥歸山東永利場管轄按數徵收。○又題准山東省沂州府屬之蘭山縣額設鹽票四千二百張內撥出一千二百張以五百張改作兗州府屬嶧縣額引又二百張作為沂州府屬費縣額引又五百張作為濟南府

屬長山縣額票除費縣票價與蘭山同並無增減外嶧縣加增引課銀一十四兩二錢五釐又徵歸公鹽斤銀一十六兩五錢養廉銀二十有八兩三錢三分八釐銅斤河工等銀一十九兩五錢並長山縣加增票價銀三兩二錢四分九釐均歸入各該縣額徵項下按年造報奏銷。○又議准山東省商運引鹽每引一包計重二百二十五斤由永阜場築包按引秤掣自車運直達引地者毋庸盤剝仍循舊例按包起運外其由船運車運至兗州府屬陽穀縣之阿城交卸有由阿城上船發濟甯州之安居者有裝船運濟甯州屬魚臺縣之南陽江南省徐州府屬沛縣之夏鎮者鹽至安居由曹州府屬之劉家口單縣之董家口渡黃鹽至南陽夏鎮盤湖過壩由徐州府屬碭山縣之李家口徐州府之北關渡黃復用車輛分發各引地統自阿城重裝二引合為一包以免耗折而省腳費。○嘉慶五年十一月奏銷民運竈課照長蘆之例改至次年銷。○二十一年覆准山東省濰縣額票三千二

百五十二張酌撥一千五百張歸富國場配運
○道光五年奏准堰工加價山東每鹽一斤加
制錢二文。內山東引票各屬銅山。宿州。蕭縣。碭
山。商邱。甯陵。鹿邑。夏邑。永城。睢州。柘
城。考城。利津。德化。海豐。壽光。樂安。
臨朐。十八州縣加價俱行停免。按三月造報
一次聽候撥用於次年二月彙數奏報如有於
欠照正課未完例辦理。○八年議准東商行運
鹽斤山東鹽每引加包索酒耗鹽二十斤南運
鹽每引加包索酒耗鹽二十五斤以資貼補商
力稍紓即行停止。○十一年

諭訥爾經額奏籌辦緝私一摺東省鹺務官引滯銷總

由私梟充斥沂州府各屬尤甚該府接壤江南現當
南省籌緝私梟之際尤恐此等彼竄闖入東境於該
處票地甚有關礙據該撫議請變通舊章以靖梟私
著照所請於莒州日照沂水蒙陰蘭山郟城等處召
募殷商並委鹽務熟諳人員督率該商於各要隘偏
設巡役稽察用杜疏漏所需巡費由運司籌款支發
其地方營縣亦著按段加派兵役協同堵拏即於各
州縣攤捐緝捕經費項下酌量撥給工食並另行遴
委幹員會同營縣認真嚴緝如能將大夥梟販拏獲
多名及官引暢銷著有成效即分別奏明量予鼓勵

儘有妄拏無辜擾害居民或虛懸巡額鹽引滯銷即
將印委各員分別嚴叅示懲至武定青州兩府屬票
地亦著隨時體察情形仿照辦理。○十七年定山東

巡撫兼轄河南江蘇安徽等處鹽務。謹案河南
三省向歸

長蘆鹽政總理。○二十三年奏准山東省減十萬引以

五年為限。○二十九年奏准山東省前減十萬

引業經限滿再展五年以紓商力。謹案嗣後遞
請推展迄未

額。○又議准。山東省德州冠縣莘縣臨清鄆

城金鄉城武滕縣壽張朝城德州河澤觀城范

縣日照莒州沂水利津濰縣昌樂等二十州縣

衛商力疲乏統改官辦臨朐樂安濱州臨淄蒙

陰壽光博興新泰益都等九州縣向歸官辦仍

照舊章辦理其河南省商邱甯陵睢州永城虞

城夏邑柘城鹿邑考城等九州縣由該撫督同

運司遴委幹員督率妥辦至泰安滋陽陽穀單

縣濮州堂邑博平館陶恩縣長清等十州縣亦

責成運司隨時招商辦理以免懸額。一東商應

完正雜各課自道光二十九年為始無論商辦

官辦均於領引時先將正課加價交庫春運至

雜口即將雜款等項次第交齊其票網內由場

起運向不過關者責成運司於官商請引時亦將正雜各款分別提解運庫統於年終一律奏銷。各商領運引鹽每引除原額外准加鹽七十五斤免其完課商力稍紓即行停止。道光五年堰工加價二文每引向交銀三錢四分今減去一錢定為每引交銀二錢四分其十八年貼補案內加價二文定為減去一文俾商民兩有裨益。又覆准山東省引票兩網每網止准二人承充網總按年輪替。咸豐九年奏定山東省引票歸商錢文提解運庫報部充餉。十一年定山東省每引徵銀二錢二分。同治二年奏准山東省商情疲累加價暫行歸商仍減十萬引以五年為限。四年定嗣後東省加價按年照數提解京餉。數計引地加價每年應徵銀五萬四千六百餘兩。票地加價每年應徵銀二萬餘兩。六年覆准東省南運口岸河南省歸德府屬之商邱甯陵睢州永城虞城夏邑柘城鹿邑及衛輝府屬之考城等九州縣改歸官辦。在商邱縣設立總局鹿邑縣設立分局由藩運兩庫籌解運本銀兩委員經理運本限兩年內歸還其

領引春運悉遵定章先課後引雜課隨引交納州縣督銷處分照例辦理仍留本商引窩以便復舊年例奏銷剔出另案題報。七年奏准東網鹽務疲累仍推展五年減額引十萬道。十一年覆准東省宿州引地改歸官辦由歸德府南運總局撥鹽並支給用款委員經理一切均照商邱等九州縣章程試辦年例奏銷歸併商邱等九州縣題報。十二年議准山東省鄆城濮州觀城范縣壽張朝城莘縣冠縣邱縣武城等十州縣委員設局試辦領引春運完課悉遵定章先課後引雜款隨引完納由運庫先後籌借運本銀九萬兩自同治十三年起分限三年每年完銀三萬兩專案報部不准逾限並不得續行籌借。

欽定大清會典事例卷二百二十三

戶部

鹽法 兩淮

兩淮○兩淮鹽原行江甯府淮安府揚州府徐州府海州通州安慶府甯國府池州府太平府廬州府鳳陽府潁州府六安州泗州和州滁州湖北武昌府漢陽府安陸府襄陽府鄖陽府德安府黃州府荊州府宜昌府荊門州湖南長沙府岳州府寶慶府衡州府常德府辰州府沅州府永州府永順府澧州靖州江西南昌府饒州府南康府九江府建昌府撫州府臨江府吉安府瑞州府袁州府河南汝甯府光州行於湖南者兼行貴州思州府鎮遠府銅仁府黎平府不須引舊有江西南安贛州二府康熙二十五年改食粵鹽河南陳州舞陽等六州縣康熙二十六年以兩淮鹽政總理十年鹽政裁撤歸改食蘆鹽兩淮都轉鹽運使司管鹽法道運使專督管理兩淮都轉鹽運使司管鹽法道運使專理駐紮揚州府知微蘇儀淮北監掣同知駐紮淮安府知微蘇儀轄鹽場二十有三富安場在泰廟灣場在阜伍佑場在鹽劉莊場在泰安豐場在泰梁垛場在泰東臺場在泰新興場在鹽河垛場

欽定大清會典事例 卷二二三

在泰草堰場在泰丁溪場在泰隸泰州分司運判在泰拊茶場在泰餘東場在通餘西場在通呂四場在通金沙場在通石港場在通角斜場在泰振港場在如豐利場在如隸通州分司運判在泰中正場在海板浦場在海臨興場在隸隸海州分司運判在隸乾隆二十九年改以光緒十七年奏銷冊計之淮南共銷四十萬引課入二百八十萬兩有奇淮北係行票鹽並未領引課入三十一萬二千一百八十二兩有奇謹案嘉慶五年共行正鹽三百六十八萬五千四百九十二引每引行鹽三百六十四斤課入二十四萬二千九百九十九兩有奇設餘引如額引不敷印挨年提綱接濟名為豫提引即每年○順治二年題准兩淮綱引一百四十一萬三千六百六十每引徵課銀六錢七分五釐四毫分行淮南一百二十萬九千一百二十三引○九年題准增行甯國食鹽十有六萬七千三百九十八引每引徵課銀五錢二分五釐分淮南十有一萬三千九百七十八引○十年題准增行九萬二千六百九十七引照綱引例徵課○十三年題准增行十有六萬引照綱引例徵課○十四年題准改江都食鹽萬引於甯國行

銷。○十六年題准上江增食鹽九萬六千七百引。照例徵課。○十七年題准停止新增二項綱引。每綱引攤納課銀一錢二分一釐有奇。○康熙元年題准改淮北食鹽萬引於甯國和含等處行銷。○五年題准江西省吉安府改掣淮鹽增行五萬一千三百有二引。照綱引例徵課。○六年題准湖廣省衡州永州寶慶三府改掣淮鹽撥銷淮南額內綱引八萬一千七百有六。其舊額課銀仍於淮南現行引目內。每引攤納銀六分八釐二毫有奇。○八年題准食鹽照綱引例。每引增課銀一錢五分四毫有奇。○又題准停止歸綱引十有三萬八千八百四十七引。於淮南綱引內。每年攤納課銀一錢一分五釐九毫有奇。○十年題准改江都食鹽六千引於甯國和含等處行銷。○十三年題准改淮安食鹽萬一千九百三十引。於綱引地行銷。江都食鹽三萬五千九百八十一引。於甯國和含等處行銷。○十四年題准改山陽等處食鹽三萬二千引於甯國和含等處行銷。淮安食鹽萬二千一百引。於綱引地行銷。○十六年題准增綱食鹽

引。每引加鹽二十五斤。帶課銀二錢五分。○又題准食鹽每引升課銀一錢。○十七年題准增甯國和含等處食鹽五萬六千引。照例徵課。○十八年題准計丁增行二萬七百四十二引。照綱引例徵課。○二十一年題准停甯國和含等處新增鹽引。減除課銀。○二十七年覆准淮南綱引鹽例。有額徵稅。稅封銀原因既掣之後。船中總散難稽。故每船給以印封貼之。稅上吉安復食淮鹽嗣後引印亦照例徵輸。每歲增稅封銀三百七兩八錢一分二釐。於二十六年為始。照例徵解。○又覆准淮南甯國等處增食鹽萬引。太平池州安慶三府增綱鹽二萬引。共增課銀二萬七千九百四十二兩六錢三十六分。為始徵解。○二十八年覆准安慶池州太平等府食鹽所加三萬引。准其除去。仍循舊額行銷。○三十三年議准加課銀十有五萬兩。○四十三年題准兩淮增織造銅斤河工等項銀三十餘萬兩。每引加鹽四十二斤。○四十九年覆准湖南省長沙岳州等八府。與湖北武昌漢陽等八府。均食淮鹽一例。通融行銷。至湖南衡州永州寶

慶三府亦一例通融行銷無分疆界。○雍正元年議准湖廣鹽革除陋規每包減去鹽價六釐。價賤時每包以一錢一分九釐為率。價貴時每包不得過一錢二分四釐。安豐場鹽較梁垛場鹽再減二釐。○又議准兩淮行銷地方如江西湖廣二省及江甯府屬之上元縣等處地方廣大鹽不敷用每引准其加鹽五十斤。其山陽等州縣逼近場竈鹽多反致引壅不必加鹽。其所加鹽以次年為始交與巡鹽御史照數秤掣令其出運。○三年

諭鹽價之貴賤亦如米價之消長。歲歉則成本自重。價亦隨之。歲豐則成本自輕。不待禁而自減。朕意若隨時銷售以便商民均屬有益。欽此。遵

旨議定兩淮南北行銷除積存廩鹽係從前煎辦之額仍照平價運銷外其自雍正二年海潮淹沒以後商本自必倍增令兩淮巡鹽御史將淮南湖廣等處行銷以本年成本之輕重合遠近腳費酌量時價移會該地方官諭令商民公平賣買隨時售銷不得禁定鹽價以虧商亦不得高擡時價以病民務令商民兩有裨益仍令各地方

所賣鹽價數目分析報部。○又覆准兩淮舊例於商人之中擇家道殷實者點三十人為總商。每年開徵之前將一年應徵錢糧數目覈明凡散商分隸三十總商名下令其成管催追嗣後該鹽政運使不時查訪遇有分外科派無故私索者一經發覺從重治罪。○又覆准湖廣省荊州府巴東縣地湧鹽泉增行二千五百二十六引課銀二千八百六兩三錢有奇。○又題准兩淮每引加鹽五十斤。○五年覆准兩淮鹽價務令商民公平買賣該商不得高擡時價如有射

利病民即行題參治罪該御史督撫等通同徇隱交該部議處。○七年題准江西省饒州府增行二萬引照例徵課。○九年題准嗣後准商引鹽抵所查明鹽引鹽包數目該鹽政照例印結梘封標發引皮其引目釘封亦由鹽政鈐印放行毋庸赴儀徵縣印封致滋紛擾。○十年奏准兩淮鹽運至江西湖廣均由大江遇有失風失水該地方官及營弁查明屬實出具印結仍許其裝鹽復運但其中或有實因失風失水而不肖地方官營弁勒索餽禮出結者亦有不肖商

人捏報失風失水厚餽地方官營弁出結者嗣後如有鹽船在大江失風失水報到督撫即飛檄該省鹽道別委廉幹之員會同地方官營弁確查明晰即照例會同出結准其裝鹽復運有假捏情弊亦即據實詳報該督撫將商人以販賣私鹽律治罪如該委員與地方官營弁有鹽船實在失風失水勒索商人餽禮及通同受餽假捏出結者即指名題參分別究治其內河小港止失數引數十引者仍照舊例具詳鹽政運使地方官覈實出結准其補給○十一年題准

湖南省永順水綏增行三千二百七十一引照例徵課○又覆准淮鹽至楚令鹽道於到岸未發之先抽秤不足即將准商究治如轉發水商查出斤兩不足即將水商究處再鹽船至楚向無數目知會無可稽查嗣後定為十日一咨凡鹽船開行裝載引目商人船戶姓名逐一報明鹽政移會行銷省分督撫互相稽查○十三年題准兩淮應行湖南鹽引因江湖險阻商人船到漢口即繳引換領水程分售水販運赴湖南行銷向係湖南鹽道委吏書在省經營遂得從

中舞弊嗣後即委漢陽府同知就近辦理湖南鹽道豫將水程編號封發該同知凡鹽船到漢口繳引即按編號次第填註商人姓名給發仍立循環簿登明次數月日並所收鹽引每季送湖南鹽道察覈鹽道將引目差赴兩淮鹽政投繳○乾隆元年

諭朕聞揚州府儀徵縣江口至江都甘泉二縣所轄三汊河一道向例三年大濬一次疏淺一次共需銀一萬六百兩皆商三民七分派捐輸經管里甲不無苛索滋擾嗣後著將商民捐派之項永行停止所需工費即於運庫一半充公項下動支○又題准淮北增引二萬七千照例徵課○四年題准江西省饒州府增行萬五千引照例徵課○又題准湖南省行銷淮鹽每引例應納稅二分交納藩庫充餉今永順水綏增設引即原議照吉安一例納課行銷吉安口岸並無引稅之例免其輸納稅銀○六年題准江南高寶泰三州縣定額三千引照例徵課○又題准楚省行銷淮鹽飭令淮商於產鹽旺盛水滿易行之時不拘何項船慣走大江者隨便雇募豫為多運沿途催趨毋

許逗遛。又議准淮鹽運楚。鹽價昂貴。查算各商運楚成本。定為貴賤兩價。以便商民。豐年賤價。每引五兩四錢一分三釐。歉年貴價。每引五兩八錢二分八釐。各有奇。又奏准商人運鹽。按本計息。其運楚鹽。每引酌定貴賤兩價。止覈計成本。再量加餘息二三錢。以示鼓勵。又奏准淮南引鹽。產於場竈。原係酒煎。旋煎旋包。火氣未除。易於消滲。時當暑月。尤多折耗。往往斤數不足。商本有虧。酌定於五六兩月。每引加耗十五斤。七月加耗十斤。八月加耗五斤。至九月。則時已秋涼。停止加耗。九年覆准。豫省各屬土鹽。鄉民貧賤。多有買食。止許自行食用。不許煎販貨賣。十一年題准。江西省安福永新二縣。上西礬西二鄉。刑名錢穀。既改歸蓮花廳管。理所有二縣引鹽。應行分銷。安福之上西分銷六百三引四分。永新之礬西分銷千一百三十一引。其分銷鹽引。歸廳督銷。又題准。淮鹽運楚。船大載重。輓運維艱。民食堪虞。統令改作小船。止許裝載四五百引以上。至千二百引之船。定限四十日到漢。儻風大難行。報明地方官轉

報行銷省分督撫稽查。無故逾限十日以外者。即比照起解官物違限律。笞二十。每五日加一等科斷。十三年奏准。淮北引鹽。照淮南引鹽加耗之例。除五月分中河水淺。尚未運掣。毋庸議給。酒耗外。六月每引加耗十五斤。七月加耗十斤。八月加耗五斤。又

諭。近年淮商急公輸課。頗為踴躍。著加恩於引額之外。每引增給十斤。俾商本不致虧折。民食永資利益。又奏准。兩淮每年額引不敷。令該鹽政先期約數奏請。即於次年額引內。提出行銷。至次年正綱。仍照歲額請領引內。註明豫提字樣。以免正綱重複。有餘繳部查銷。又題准。淮鹽運至江西。銷賣酌定貴價。每引成本五兩九錢八分五釐。賤價。每引成本五兩五錢七分九釐。各有奇。十四年奏准。江西鹽價。照楚省之例。每引加餘息二三錢。十五年奏准。嗣後兩淮行運楚鹽。令鹽政每年會同江蘇湖廣督撫。查明該地方年歲豐歉。酌定應貴應賤。飭商運銷。事竣造冊送部存案。以省駁詰。其行運江西引鹽。亦一例辦理。十六年

諭朕省方所至廣沛恩膏前因兩淮商眾踴躍急公業已加恩優獎更念其運綱輸課接濟民食恤商斯足以惠民特再沛殊恩著將兩淮綱鹽食鹽於定額外每引賞加十斤不在原定成本之內俾得永遠霑受實惠商人當體朕博愛敦本至意風俗雖不必驟更近一分返樸之心即遠一分極奢之念殖息毋取其三倍減一分售鹽之價即利一分食鹽之人其有昂值綱利致累閭閻則深負加恩德意矣該鹽政其通示眾商知之○又

諭兩淮各場煎丁本屬窮民每因不能接濟向各竈戶

重利借貸以資食用生計甚為拮据著該鹽政酌量於公項內動銀數萬兩准其赴官借領每年春借冬還不必加息務須妥協經理俾窮丁咸沾實惠○又議准淮北山陽清河桃源鄧宿遷睢甯贛榆流陽八州縣食外壅滯難銷以五分留運食地五分撥運綱地照綱輸課俟食引疏通仍奏聞照定例辦理○十七年議准河南省汝甯府屬皆食淮鹽每斤定價二分惟上蔡西平遂平三縣緊與行銷蘆鹽地方接壤蘆鹽每斤賣錢十有六文較賤於淮小民多食私鹽以致淮鹽引壅

課紕地方官每罹叅處自乾隆三年議將三縣鹽價每斤酌減一釐已與蘆鹽價等而不肖鹽店以銀數作為錢數出售仍不免於食私應將該三縣鹽價每斤再減銀二釐定為一分七釐如有以錢赴買者務按換錢時價折算不得仍行欺誑至所減鹽價水商本小利微難令虧折應令上蔡西平遂平等商赴淮辦鹽之時即將辦運引數報明該縣轉報鹽政飭知淮北綱商酌數應貼銀數自為攤派給發水商歸本如商店藉口虧本有攙和沙土重戥短秤等弊應令地方官不時查究○二十年覆准兩淮新淤草灘按商竈現有埽鐵者均勻派給照則升科如無埽鐵者雖籍係商竈不准給升如有借竈強占按律治罪○二十八年覆准江西省吉安府正引五萬一千五百四道向來僉殷商辦運三年更替因不能如數儘銷新舊套搭額課等項皆辦商按綱應墊商人每多推諉今將吉安府正引自於未綱始分交淮南商人同江廣綱鹽一併運行照綱引升課奏銷其吉安府原額鹽數運至南昌省城令吉安水販赴省埠買運每

網應交高利銀五萬二千四百餘兩。照舊解交內務府。○二十九年奏准兩淮鹽斤行運湖廣。江西銷售價值以甲申綱為始。每綱於綱首鹽船開江之日。即飭運司查取商人成本數目。並餘息統計。每包覈定實應賣銀若干。移明該省督撫。行知鹽道通飭賣商遵照售賣。不得踰越。該鹽政每歲覈定賣價。奏明辦理。○三十一年奏准江西省吉安額鹽聽水販赴省埠買鹽運銷於吉安郡城。公選賣鹽商夥數人。開設公店。以敵鄰私。○三十五年議准江西省吉安所屬一廳九縣幅員遼闊。僅於郡城設立公店。外屬不能遍及。以致食戶憚於遠涉。就近買食私鹽。故設店三載以來。銷鹽不及前次水販之半。嗣後責成省埠賣商。自招股實水販分地售銷。○三十六年

論

兩淮之梁鹽安鹽二種。成本原自不同。價值不應一例。若將淮商之梁鹽每斤增價二釐。安鹽每斤減價二釐。物價衰益。既以適均。民商亦為較便。○四十一年議准兩淮鹽價。湖南省永順府屬永順龍山保靖桑植四縣。河南省汝甯府屬汝陽確山正

陽新蔡羅山。信陽六州縣。上蔡西平遂平三縣。各照定例行銷。其湖北省武昌府屬江夏武昌嘉魚蒲圻咸甯崇陽通城大冶通山興國。一十州縣。漢陽府屬漢陽漢川孝感黃陂沔陽五州縣。安陸府屬鍾祥京山潛江天門四縣。荊門直隸州。並所屬之當陽縣。襄陽府屬襄陽宜城南漳棗陽穀城光化均州七州縣。鄖陽府屬鄖縣房縣竹山竹溪保康鄖西六縣。德安府屬安陸雲夢應城應山隨州五州縣。黃州府屬黃岡黃安蘄水羅田麻城廣濟黃梅蘄州八州縣。荊州府屬江陵公安石首監利松滋枝江宜都遠安。今改屬荊門直隸州。八縣。宜昌府屬東湖長陽興山巴東歸州五州縣。湖南省長沙府屬長沙善化湘潭湘陰甯鄉瀏陽醴陵益陽湘鄉攸縣安化茶陵十二州縣。岳州府屬巴陵臨湘華容平江四縣。澧州直隸州暨所屬石門安鄉慈利安福永定五縣。寶慶府屬邵陽新化城步新甯武岡五州縣。衡州府屬衡陽清泉衡山耒陽常甯安仁六縣。常德府屬武陵桃源龍陽沅江四縣。辰州府屬沅陵瀘溪辰溪溆浦四縣。沅州府屬芷江黔陽麻陽三縣。永州府

屬零陵祁陽東安甯遠永明江華新田道州八
 州縣靖州直隸州暨所屬會同通道綏甯三縣
 江西省南昌府屬南昌新建豐城進賢奉新靖
 安武甯甯州後改名義甯州八州縣饒州府屬鄱陽餘
 干樂平浮梁德興安仁萬年七縣南康府屬星
 子都昌建昌安義四縣九江府屬德化德安瑞
 昌湖口彭澤五縣建昌府屬南城新城南豐廣
 昌瀘溪五縣撫州府屬臨川金谿崇仁宜黃樂
 安東鄉六縣臨江府屬清江新淦新喻峽江四
 縣吉安府屬蓮花廬陵泰和吉水永豐安福龍
 泉萬安永新永甯十廳縣瑞州府屬高安新昌
 上高三縣袁州府屬宜春分宜萍鄉萬載四縣
 各屬鹽價該鹽政每歲奏明行銷其河南省光
 州直隸州暨所屬光山固始息縣商城四縣江
 蘇省江甯府屬上元江甯句容溧水江浦六合
 高淳七縣淮安府屬山陽阜甯鹽城清河安東
 桃源六縣海州直隸州暨所屬贛榆沭陽二縣
 揚州府屬高郵泰州江都甘泉儀徵興化寶應
 東臺八州縣通州直隸州暨所屬如皋泰興二
 縣徐州府屬邳州宿遷睢甯三州縣安徽省安

慶府屬懷甯桐城潛山太湖宿松望江六縣甯
 國府屬宣城甯國涇縣太平旌德南陵六縣池
 州府屬貴池青陽銅陵石埭建德東流六縣太
 平府屬當塗蕪湖繁昌三縣廬州府屬合肥廬
 江舒城巢縣無為五州縣鳳陽府屬鳳陽懷遠
 定遠虹縣今鳳臺靈璧壽州七州縣潁州府屬
 阜陽潁上霍邱太和蒙城亳州六州縣滁州直
 隸州暨所屬全椒來安二縣和州直隸州暨所
 屬含山縣六安州直隸州暨所屬英山霍山二
 縣泗州直隸州暨所屬盱眙天長五河三縣各
 屬價隨時售均無一定。又議准兩淮正引豫
 提引課窳課於次年三月奏銷。四十二年覆
 准兩淮近場窳向不行銷官引之通州海州泰
 州東臺興化鹽城阜甯如皋安東各州縣濱海
 貧民仍照向例赴場買鹽挑負各該處村莊售
 賣將老少鹽斤名目永遠革除。五十一年奉
 旨。豫提鹽斤一事總以正引暢銷為主。如正引實在疏
 銷暢速即每年豫提一次自無不可。儻遇額引滯銷
 原不妨開一二年或三四年再請豫提亦無不可。毋
 庸拘定年限。惟在該鹽政查察情形隨時覈實奏請

辦理。五十二年議准江西湖廣及江南之安池太三府俱係淮南綱鹽地面而課稅相同緣湖廣為暢銷地面江西與浙閩粵三省毗連均有鄰私入境官運銷不足額該鹽政於每綱之首查覈前綱暢滯情形裒益分派額引以期無壅無缺至江南之安池太三府本有定額而該處在在濱江私鹽隨路攔入以致官引積壓日多在淮其以四分融銷楚省酌定應留應融分數俟本岸之引請運過半即給予融引令其運楚其間商力不齊如正鹽未到即以已到之融鹽作為正額仍於每綱全完奏銷時分析報部。又議准湖廣江西水販鋪戶赴省買運從前原按程途遠近給以水腳每包加餘利五釐今腳價倍增原價餘利多有賂貼應每包量增餘利五毫其鋪戶領鹽轉售雖不比水販有船隻運腳之費而岸商不能盡識水販惟責之鋪戶交收鹽價省居貿易房租食用等項在所必需每包亦准加給餘利五毫准鹽行銷湖廣自漢口鎮運至漢陽等一百一十六州縣運腳每包一釐八毫至六分四毫不等又各屬水販每包加餘利

五釐銷戶每包加餘利九釐江西自南昌運至各屬除附省之南昌新建二縣水販每包止加餘利五釐不加運腳亦無新增餘利外其豐城等四十七廳州縣運腳每包二釐至一分六釐五毫不等餘利每包五釐五毫又附省鋪戶每包加餘利五毫自饒州府運至本屬除附府之鄱陽縣水販每包止加餘利五釐不加運腳亦無新增餘利外其餘干等六縣運腳每包二釐三毫至五釐不等又每包加餘利五釐五毫。五十四年議准兩淮行銷湖廣江西引鹽餘息每引於原額三錢之外如成本較輕每引酌加餘息二釐成本較重每引酌加餘息一釐。五十五年議准淮南綱食引鹽每季將銷數具奏一次仍確查各案情形如商鹽短少以致缺銷按額計其缺銷之課著落該商完繳如商鹽充足而地方不銷者落地方官賠出如上季滯銷下季暢售亦許將贏補絀總期四季銷足一年之額不准稍有拖欠其年滿考覈銷數分別降罰之處仍各部照例辦理。嘉慶元年奉旨嗣後兩淮奏銷鹽數目著按年計算不必按季具奏

州。六州縣。潁州府屬阜陽。潁上。霍邱。太和。蒙城。
縣。和州直隸州。暨所屬合山縣。六安州直隸州。
暨所屬英山。霍山。二縣。泗州直隸州。暨所屬盱
眙。天長。五各屬。價隨時售。均無一定。○二十五
年。覆准。准北商鹽。分運安豫兩省。以兩引併為
一包。掣驗時。不得逾七百二十八斤定額。如有
多斤。另配生引。原奏兩引不得逾七百四十八
斤。內每引十斤。係奏明暫增之
數。現應。○道光十年

諭。據王鼎寶興奏。請將兩淮鹽務改歸總督管理一摺。
兩淮官引滯銷。鹽務疲敝。現據王鼎等奏稱。由該鹽
政無管轄地方之責。文武員弁。均非所屬。疏銷緝私。
難期令行禁止。著將兩淮鹽務改歸兩江總督管理。
所有鹽政一缺。著即裁撤。欽此。遵

旨議定。一。兩淮鹽務。改歸兩江總督管理。一。兩淮收鹽
桶秤。由運司衙門遵照定制驗烙頒發。不准場
商私製。其提泰壩批驗所各鹽秤。亦一律烙發。
認真秤驗。並於運河要道之北橋處所。運司親
莅抽秤。如有格外重斤。即將秤驗各官叅撤示
懲。一。兩淮辦事商人。於眾商內擇其公正醇謹。
行鹽最多者數人。作為辦事之高。遇有公事。飭
令覈議經辦。不准再定總商名目。永杜弊端。一。

鹽船遭風失險。淹消引鹽。停其津貼。止准補運。
不准免課。如船戶盜賣。捏報淹消。照例嚴懲治
罪。一。漢口地方。為商船聚集分銷引鹽之所。各
岸商按引捐銀。專為各衙門公費等項之用。每
引止捐銀四錢。由鹽道覈數。之報。永遠不准加
增。一。商課入庫。分別正雜。正項專候部撥。及應
解正款。雜項分款。另儲。不許與正項攙混。挪移。
並不許商人干豫庫儲事宜。以免弊混。一。運鹽
船價。嗣後仍照例定水腳。照實覈發。毋許商廝
埠頭。從中絲毫剋扣。並明定章程。將各船挨次
編號。連環保結。不准船戶買裝帶私。亦不准盜
賣商鹽。查出嚴行懲辦。並將該埠保一併治罪。
一。漢口地方。為鹽船聚集停泊之區。嗣後隨到
隨售。毋許封輪。以免守候。不准再有整輪。一。鹽
務各官。有與商人聯姻換帖。或與商人夥本行
鹽者。應即呈請迴避。如有蒙混。查出嚴行叅辦。
其各省鹽道。除河南引地。歸糧道兼理。仍從其
舊外。至湖北鹽道。督銷功過。歸兼轄鹽務之總
督衙門考覈。會同該省督撫具奏。以專責成。○
十一年

論陶澍奏開綱以來。淮北止捆二萬餘引。較定額不及十分之一。本年將官收竈鹽。督商辦運。均擇暢銷之岸先行運往。以冀早收庫項。而滯岸仍無鹽濟。售民間既無官鹽。不得不買向民販。竈丁積有餘鹽。亦不能不賣與民販等語。著照所請。淮北暢岸仍歸商運。其餘滯岸。即仿照山東浙江票引兼行之法。於海州屬之中正板浦臨興三場。分設行店。聽民投行購買。運往售賣。擇各場要隘之地。設立稅局。給以照票。註明斤數。及運往何處字樣。凡無票及越境者。仍以私論。著陶澍即飭運司妥議條款。酌量試行。○十二年

議准。一。淮北改行票鹽。行銷安徽省鳳陽府屬之鳳陽懷遠壽州鳳臺靈璧定遠潁州府屬之阜陽潁上霍邱亳州太和蒙城六安直隸州及所屬之英山霍山泗州直隸州及所屬之盱眙五河等十八州縣。河南省汝甯府屬之汝陽正陽上蔡新蔡西平遂平確山信陽州羅山光州直隸州及所屬之光山固始息縣商城等十四州縣。江蘇省淮安府屬之山陽清河安東桃源海州直隸州及所屬之贛榆沭陽徐州府屬之邳州宿遷睢寧等十州縣。一。票鹽由運司頒給

印票。交板浦中正臨興三場收儲。民販納稅請票。該大使於票內填註民販姓名籍貫運鹽引數。所銷州縣鹽運出場。由卡驗放。不准越卡及票鹽相離。侵越別岸。違者以私鹽論。如所指之地。鹽壅銷滯。准其就所在地方呈明。轉運他岸售賣。仍不得越出四十二州縣之界。違者照私梟例治罪。其票由民販呈繳。所銷州縣按月申送運司查覈。一。每票行鹽四百斤。徵正課銀一兩五分。一。釐經費銀四錢。鹽價銀六錢。按票徵收。此外不得分毫需索。一。各州縣招徠民販。由

該州縣給予護照。載明姓名年貌籍貫。給本人赴場買鹽。其海州附近居民。及各省客民。在海州貿易者。即就近在海州請領護照。赴場呈照。請票。該大使於護照內用戳登記。其護照准行三年。更換。其在本場居住者。止用手本呈明姓名年貌居址。由局商加具保結。准其一體請票。販運。一。票鹽設局收稅。以便竈戶交鹽。民販納稅。板浦場於西臨潼太平埕各設一局。中正場於花朵垣設一局。臨興場於臨浦富安疇各設一局。每局由運司遴委委員一人。常川駐紮。遇

有民販買鹽由局商帶赴本場衙門納稅請票局員三六九中各照票載引數眼同民販逐包秤驗於票後加用本員銜名戳記聽其出場儻途中查出包內多帶將該員參處。海州所屬之房山堡大伊山吳家集三處係水陸要隘於各該處設卡巡查每年由運司派委委員督查限一年更替遇民販到卡驗票抽秤如包數斤重相符於票內鈐蓋卡員戳記放行儻有夾帶移交地方官究辦其鹽包應以淨鹽一百斤為一包每引四包三場一律照辦運到認銷口岸

繳票時如無卡員戳記以越漏論照不應律治罪。臨興場所屬之唐生興莊柘汪三疇僻在海隅地方遠闊由運司派委委員駐紮青口經理漁船鹽切及贛榆縣本邑食鹽照現定章程給票收稅以杜透漏一私梟渡黃責成沿河廳營文武員弁將渡船水手擊交地方官無論人鹽曾否並獲但審有證據即將渡船水手照窩國私鹽例治罪官船另募管駕私船變價充賞

○咸豐三年
諭淮南引鹽因道路校塞未能銷運而產鹽各場尚屬

完善若任聽私煎私售致自然之利棄之如遺於鹽網全局大有關係著兩江總督飭令運司移駐通泰適中之地督同運判場員就場徵課即照戶部所議章程變通酌辦期於課項實有裨益。同治三年奏准。楚西各岸設立督銷局派委大員經理商販運鹽到岸投局挂號懸牌定價挨次輪銷鹽未到輪不准搶賣。每引定為正鹽六百斤分捆八包另給酒耗七斤半包索三斤半如有重斤夾帶即行嚴懲提鹽充公所收鹽課按上下半年奏報。○七年

諭淮南引地以楚岸為大宗從前因江路梗阻淮鹽未能行銷疊經湖廣總督奏明借撥川鹽並抽收川私釐稅原係一時權宜之計近年江路早經暢通自應規復舊制雖節酌減淮釐以輕成本而鄰私未能盡禁淮鹽總難暢銷曾國藩所陳川私病淮各節自係實在情形著吳棠李鴻章郭柏蔭何璟即將川鹽行楚章程妥籌停止其兩淮應用行鹽引張並著兩江總督查明委員赴部請領不得僅用鹽政大票以符舊例。○十年奏准湖北省襄陽鄖陽安陸荊州宜昌五府及荆門州並湖南省之澧州係川淮二

鹽分界行銷處所。十二年奏准淮南鹽棧前因儀徵難以修復。改由瓜洲開橫河至七河口設棧。上年六河口江岸坍塌。仍應改設儀徵。以復舊制而利商運。○光緒二年奏准荊州鹽課改歸宜昌設局併辦。○六年奏准前因淮南運銷暢旺。引票不能徧給。遂參綱法於票法之中。刊頒淮南循環章程。有票者特循環為恆業。無票者欲攬入而無從行之。近二十年淮南商人獲利較有把握。厥後淮北踵而行之。新商每備本買票。稟請更名。十餘年來。獲利者亦不乏其人。○目前辦運各商。大率出過票本者居多。與初行票時情形迥異。今若令散循環之法。按年加以常捐。是既奪其可操之券。而又竭其不涸之源。恐新商從此裹足。現擬仿照歷次籌捐成案。勸令南北及食岸各商。共捐一次銀一百萬兩。由督銷各局。按引覈收。分批解部。仍令照章將所認引票。永遠循環。以裕餉需。而保釐局。○九年奏准湖北省樊城沙市岳口螺山等處。設立局店。試辦分銷川淮二鹽。

欽定大清會典事例卷二百二十四

戶部

鹽法 河東 花馬池

河東○河東鹽原行山西太原府平定州忻州代州保德州甯武府汾州府遼州沁州平陽府蒲州府解州絳州吉州隰州潞安府澤州府陝西西安府鳳翔府今改食花馬池鹽邠州乾州商州同州府興安府河南河南府陝州南陽府汝州許州之襄城一縣。以山西巡撫兼管。向係河東鹽州之襄城一縣。以山西巡撫兼管。向係河東鹽州之襄城一縣。以山西巡撫兼管。

管鹽法道運使專理。駐紮山鹽池。在解州安邑縣。三場在鹽池之解鹽中場。在安縣解鹽東場。在安縣解鹽西場。

在安縣均隸中分司運同。駐紮運城。乾隆五十七年。光緒十七年。照咸豐六年奏定山西行裁汰。概

陝西河南三省共行六十五萬九百七十一引。課入六十萬兩有奇。謹案乾隆五十六年共行

四十七萬引。每引行鹽二百四十斤。共徵課銀四十六萬八千二百六十六兩八錢四分。共徵課銀四十六萬八千二百六十六兩八錢四分。

西河兩省五錢有奇。又奏准。餘銀四萬五千四百一十兩。西河兩省五錢有奇。又奏准。餘銀四萬五千四百一十兩。

南銀一萬四千六百三十三兩九錢五分。南銀一萬四千六百三十三兩九錢五分。南銀一萬四千六百三十三兩九錢五分。

一釐共攤徵銀五十一萬三千六百八。○順治十三年兩三錢有奇。於五十七年為始。元年題准。河東行正鹽四十萬六千七百三十三引。改引三千二百。每引徵課銀三錢二分。○二年議准。山西太原府汾遼等州。停止票鹽。改行引鹽。○十三年題准。增行十萬引。照正引徵課。○十六年題准。停新增引目。每正改引攤納課銀七分八釐有奇。○康熙十四年題准。正改引。每引加課銀五分。○十六年題准。增正改引。每引加斤銀七分。○十七年題准。計丁加四萬四千七百六十一引。照額徵課。○十九年題准。計丁加四千三百三十二引。照額徵課。○又覆准。鹽池圍牆隄堰。皆係鹽丁責任。除原留二千名外。再酌給二十名。以供修築。其餘鹽丁。盡令納糧。○二十四年覆准。停徵每引加五分課銀。○又題准。河南懷慶府引課。已歸蘆商完納。減河東三萬七千三百五十一引。○二十五年覆准。將河東五小鹽池停止。令仍歸大池澆曬。○二十八年覆准。停徵每引加課七分。○三十三年議准。加課十有五萬三千三百二兩四錢二分有奇。○五十三年題准。山西平陽潞安澤州

三府。陝西西安府。興安府。河南河南南陽二府。汝州及襄城縣。均食河東解鹽。山西太原汾州。遼沁等府州。食本地煎鹽。陝西鳳翔府。食花馬池鹽。○雍正二年題准。河東引分與山西陝西河南三省行銷各州縣。常有不敷。自雍正三年為始。每年頒餘引十萬。如遇額引不敷之處。即令運使填給。照例納課。於奏銷時。將已行餘引。儘數題報。存贖餘引。仍繳內部。其有不能銷額引之州縣。於附近州縣帶銷。○六年題准。每年額引項下。公務內留存銀五千兩。為修築渠堰之用。再於餘引公務內留存銀六千兩。以三千兩為歲修池牆之用。以三千兩存儲運庫。積至五年。以備大修。○又題准。鹽池禁牆築堰。歲修皆有動項。不必責令鹽丁民夫派修。並將丁夫編入民籍輪差。○七年覆准。解州安邑額行八千七百引。仍歸解安行銷。儘商儘辦。餘贖繳部。其山西陝西河南三省領引各商。一名仍增給三引。以足百二十引之數。不必代銷解安額引。其百二十引之外。再頒八千七百引。給發各商。按實數領運。○八年題准。陝西長武縣。向銷河

東之引。而食花馬池鹽。既稱民便。即照鳳翔之例。改食池鹽。增百有四引。發該縣照鳳翔例納課行運。造冊奏銷。至長武縣舊額六百四十五引。歸入餘引項下。令陝西行銷餘引商人領運。每年應輸課銀二百七十五兩。官錢公務輸銀一百九十二兩九錢四分。照數徵收造報。其以額作餘之公費銀。免其歸公。○九年題准。河東額引。如行銷不足。即請領餘引。每引加鹽四十斤。以資耗折。○又題准。猗氏稷山高陵三縣。行銷不足舊額四千百有五引。輪坐加增。令陝西

商人永遠作餘引行銷。○十三年奏准。修理渠堰銀。每年皆有餘贖。停止歲修。禁牆銀三千兩。如有坍塌。即於歲修渠堰銀內動支。儻三年內有坍塌者。令原修之員賠築。○又奏准。河東鹽池隄堰。查明工程平險。分別興修。緩急將姚暹一渠。分為一年。李綽等六堰。分為一年。其餘諸堰。分為一年。次第輪修。立限保固。○乾隆二年。奏准。嗣後河東興修工程。照河工之例。於十月內題估。次年四月內題銷。令承修各官保固。○三年題准。鹽池內外壕地。不便令兵役耕種。有

礙禁牆。每年應徵穀米十有三石。准其豁免。○十一年題准。蒲城縣額行七千三百七引。減千九百二十九引。夏縣額行五千二百四十八引。減千三百一十一引。歸於河南唐縣作餘引行銷。○二十六年奏准。池鹽歉收。減餘引七萬道。○二十八年覆准。河東引課。改於次年十月奏銷。○三十一年奏准。復河東餘引五萬道。○四十一年覆准。河東招充鹽商。雖有准其更換之例。然並未定有年分。原欲杜規避之端。但閱時既久。疲乏日多。若非酌定年限。招商更換。必致虧課誤公。應照晉省運銅之例。招充鹽商。亦以五年為更換之期。令現充各商。先期自行舉報。殷實富戶。巡撫行查各府州縣。詳覈果係殷實之人。取具印甘各結存案。俟應換時。查其五年內引課無虧。許令更換。儻有故意停引欠課情弊。嚴行追繳。毋許貽累新商。○四十二年奉旨。河東鹽斤。陸運易於損耗。又遇夏秋兩水。虧折尤多。著加恩准其仿照兩淮。於五六七八等月。酌半加添。每引量加耗鹽五斤。以示體恤。○又覆准。河東行運商鹽。由巡撫發給運票。運司發給護票引張。該

商等總派一押運之人。給令慎重收藏。其車戶
驢夫。另給連環小票。各令齎投該地方印官查
驗。○又覆准。河東坐商曠鹽畦地。仿照兩淮之
例。令運商關定某坐商。其引鹽一切。即令運商
稽查。毋許坐商私相租課。○四十三年

諭。河東鹽政事務本簡。非兩淮長蘆可比。况直省中如
浙江福建兩廣。俱係督撫兼理鹽政。較為妥協。河東
鹽政。毋庸另行簡放。即著山西巡撫兼管。至一切鹽
務。原有運使專辦。今得該撫統轄。俾事權歸一。呼應
更靈。於商民均屬有益。並著為令。欽此。遵

旨。議准。鹽政原有印信。應照浙江巡撫兼管鹽政之例。
凡鹽務事宜。仍用鹽政印信。毋庸另行改鑄。遇
商民有交涉事件。地方官會同鹽員公議。詳報
巡撫衙門覈實辦理。仍各司其事。毋許干預。○
四十七年議准。河東商人。原定五年更換。近因
富戶趨避充商。情偽百出。且鹽務頭緒紛紜。富
戶初膺其事。首尾茫然。所有五年更換之例。即
行停止。先就現商中擇其殷實者。定為長商。疲
乏者令其歸業。人數不足。即令所留之商。公同
舉報。若所舉不實。即將引地派令舉報之商。公

同認辦。並將引地分為上中下三等。配搭均勻。
鬪分掣認。以杜高下偏枯之弊。○四十九年奏
准。河東每年請領餘引二十四萬道。嗣因池鹽
歉收。減餘引七萬道。又陸續奏復五萬道。近年
池鹽屢獲豐收。從前積滯引地。漸次疏銷。今將
已減未復之餘引二萬道。全數增復。作為乾隆
甲辰年餘引。仍照舊例儘銷儘報。至陸運鹽斤。
例於五、六、七、八等月。每引加耗五斤。惟五月至
八月正屆農忙。必待九月以後天晴路乾。農隙
脚賤之時。方能源源掣運。並將原定加耗月分。

改於九、十、十一、十二等月。儻將來耗鹽充溢。以
致餘引滯銷。統計新舊增復二十四萬之數。有
虧銷至一萬引以上者。即將每引加耗五斤。奏
請革除。○又議准。行銷河東鹽引之陝西興安
直隸州。改設府治。漢陰縣改為安康縣。所有舊
設興安州漢陰縣地方。俱歸新設之安康縣管
理。該二州縣原設額引。統令安康縣併案督銷。
○五十年奉

旨。河東池鹽全係陸運。需費浩繁。今戶口日增。物價日
貴。運鹽之食物脚價。較之往年。自必有增無減。著將

續增二釐鹽價。加恩准作定額。以紓商力。○五十六年奏准。河東鹽務積疲。商屢換則病在殷戶。價屢增則困在貧民。惟有課歸地丁。聽民自運。既無官課雜費。又無兵役盤詰及關津阻留。小民踴躍爭先。斷無販運不前者。國無加賦之名。民無淡食之患。補偏救弊。舍此別無良法。其池鹽向不收稅。聽令各原畦主照舊澆曬發販。官為彈壓。以杜爭端。自乾隆五十七年為始。山西陝西河南三省之鹽課雜項。共銀四十八萬餘兩。在於三省行鹽完課納稅之一百七十二廳州縣地丁項下。統計酌量攤徵。○五十七年議准。河東課歸地丁。撤去運商。鹽聽民運。原設鹽政各官。已無專司之事。所有鹽政運使運同。經歷知事庫大使中東西三場大使。概行裁汰。鹽政印信。係山西巡撫兼管。自本年十月始。題本文案。蓋用巡撫關防。先將鹽政印信繳銷。餘俟十月奏銷後。一切印記。概行繳銷。○又議准。小販赴河東買鹽。與坐商自相交易。毫無憑準。易起爭端。應令仿照舊式。由河東道印烙另製官秤三杆。給發中東西三場斗級收執。凡有商販買

易。以此秤為準。原秤存庫備較。又外來小販。人地生疏。必須牙行代為經理。河東舊有鹽牙。不領牙帖。仍照舊設立。由河東道點充二十四名。○又議准。山西茅津陌底二處渡口。為河南省行鹽必由之路。向係河東運商自置渡船。以便往來。應將現存渡船。即給該處船戶收管。嗣後小販運鹽過渡。由河東道酌定渡錢。以資養贍。船有損壞。責令船戶自行修補。○又議准。行銷河東池鹽之山西河南陝西三省。共一百七十七廳州縣。每歲額引四十二萬六千九百四十七道。餘引二十四萬道。今課歸地丁。無需商運。部引毋庸再領。紙硃銀兩。免其解納。○又議准。河東課歸糧輸。鹽聽人運。兼有就近買食土鹽花馬池鹽蒙古鹽之類。亦不許禁阻。並不許私收稅錢。庶處處有鹽。民食無虞。缺乏。惟池鹽界連湖北之處。恐有販越。應飭地方官留心緝禦。○又議准。河東池鹽歲修渠堰銀五千兩。令坐商照數交納。河東道庫。以備歲修之用。如經理不善。池有損壞。即將河東道參賠治罪。池內中東西三場畦地。飭商照舊管業。責令原設三巡

檢分管稽查巡緝。督飭澆曬。遇有典賣稟明河東道立案。至坐商曬成鹽料。除聽人買販外。許坐商自運山西河南陝西三省出售。如情願收存棧房從緩售賣者。亦聽其便。○嘉慶十一年。奏准河東鹽務已改歸地丁徵課。現在路鹽浸灌鄰界。仍應改還商運。○又覆准晉省商人賠累實緣原議以賤價定為長額。請照乾隆十年成例。令該商等按收鹽豐歉。成本重輕。自定賣價。仍令該撫等將各處售賣鹽斤實價。按月造冊報部。俟試行一年。再行酌中定價。○又

諭河東運使毋庸復設。即以河東道兼辦鹽法道事務。

○十三年

諭戶部議覆山西省奏將鄂爾多斯蘇尼特鹽斤比照老少鹽之例。准令口內行銷。並聲明可否免稅請旨一摺。向來附近場竈孤獨殘疾貧民。報明註冊後。始准每人每日挑負鹽四十斤。售賣易食。並於經過各關。例皆免其納稅。用示體恤。今鄂爾多斯蘇尼特無引蒙古鹽斤。亦比照老少鹽之例。進口銷售。該處人數衆多。非場竈貧民之向有。限制易於查驗者。可比。若聽其自行販賣。漫無稽覈。以一人肩挑背負而計。

為數固屬有限。而每日之內。影射謀利。紛至沓來。正復不少。勢必至鹽斤充斥。於課引不無阻滯。亦有關係。至此項挑負之鹽。經過殺虎口地方。每人應完稅銀。雖止一分五釐。而積少成多。亦不可不統為覈計。著該撫將鄂爾多斯蘇尼特行銷口內鹽斤。每日挑負者。如何酌定人數。設法稽查。其有違犯者。應如何懲處。妥議章程。並將酌定人數後。殺虎口應免鹽斤稅銀。統計一日共有若干。著一併具奏。再降諭旨。○

十五年奏准山西河南陝西三省。自嘉慶十五年為始。照乾隆五十五年以前原價。每斤加銀

五釐二毫。作為河東定價。至暫徵鹽價以濟河

工經費。於奏定例價之外。每斤加增銀一釐。按

引徵收。俟河工告竣。即行停止。○十七年奏准

河東新增由吉蘭泰改引八萬七千五百道。每年

額徵正課公務官錢平餘公費。計原額共銀六

十八兩。每名另加公費銀共四十三兩七錢五

兩。又公費平餘銀一百九兩三錢零。又徵河工

經費銀二萬一千兩。共銀八萬九千七十二兩有奇。○二

十一年議准吉蘭泰池鹽。准該處蒙民自行撈

運。如有興販入口者。由殺虎口照例收稅。止准

車載馱。自陸路販售。不准水運。其販鹽之人

並飭阿拉善王毋許發給執照。○二十四年覆准。一豫省之閩鄉靈寶盧氏內鄉陝州洛陽澠池新安宜陽孟津寶豐鞏縣偃師南陽南召永甯登封郊縣襄城鄧州唐縣新野泌陽伊陽鎮平葉縣嵩縣桐柏裕州汝州魯山浙川三十二州縣統歸會興鎮一處口岸。發票稽查。仍將靈寶口岸運道及閩鄉孟津等縣水運鹽斤。嚴行禁絕。以杜侵越。一商收民販鹽價。每斤酌定銀一分七釐。每銀一兩合錢一千文該民販發運售賣。止許在三十二州縣之內。不得稍有侵越。致妨准蘆網地。一委員駐會興鎮。給予戳記。蓋用照票。給發民販行銷。其銷鹽地方。在四百里內者。以半月為期。八百里內者。以一月為期。逾限照私鹽論。銷竣後。將鹽斤在某州縣行銷註明票內。呈繳委員查銷。十引以上者限三箇月繳銷。另給新票。循環銷售。備有逾限及侵越情事。由委員詳請行文銷鹽州縣查辦。一鹽引由河東道截明某商某縣字樣。由該管大使截引二角。陝州截引二角。即行繳銷。一唐縣裕州澠池歸公銀一萬七千八百七十八兩五錢五分五釐。按引均勻攤解。每年解交豫省專

案報覈。一設立公直。由行商公舉明幹一二人充當。民販應買何商鹽斤。責令按引數多寡。均勻發售。仍令委員隨時稽查。如有暗中減價增秤。以致發售鹽斤多少偏枯者。即按律懲辦。一載鹽出場。每引分為兩袋。遇冬月加耗五斤。每斤加二由河東道按照部頒法馬。各給官秤一杆。另設一杆。存於公所。不時覈對。毋許畸輕畸重。○道光二年議准。河東鹽課。於次年四月奏銷。公務官錢等款。隨同正課徵解造報。○六年覆准。河東鹽經歷。改令兼管批驗所大使事務。移紮河南陝州會興鎮地方。查照民販運鹽數目。填寫印票。發給行銷。其銷鹽地方。在四百里內者。以半月為期。八百里內者。以一月為期。逾限以私鹽論。銷竣後。將鹽斤在某州縣銷售註明票內。呈繳批驗大使查銷。十引以上者限三箇月繳銷。一名以上者限六箇月繳銷。另給新票。循環銷售。備有逾限及侵越情事。由批驗大使詳請行文銷鹽州縣查辦。其十引以下小販未繳之票。查出。如屆半年。即作為廢紙。該地方官仍隨時稽查。毋許重複影射滋弊。○又奏准。河

一第... 冊... 頁...

東鹽池渠堰除商捐歲修銀五千兩按年交納河東道庫外每年復增給銀五千兩在於商捐項下發商生息銀五萬兩之息銀內動支為歲修渠堰各工之用歲底將用過銀數造冊報部有餘存儲道庫備支如經理不善池有損壞即將河東道查察著賠

○十二年

諭長齡奏查明蒲灘鹽地情形詳晰籌議一摺山西省蒲灘產鹽處所民曬官銷挪引分辦不特防範難周更恐易滋流弊自上年查禁私曬鹽引已形暢銷現據該商人等呈請捐輸永遠代賦津貼是以商力之有餘濟小民之生計著照所議准其將代賦銀五百四十三兩零津貼銀九千一百五十兩零由該商人等按年照數呈交道庫轉發永濟縣按戶分給仍責令蒲州府永濟縣實力稽查俟將來收穫有成再將前項銀兩按畝劃除庶民力不致竭蹶而私曬亦可杜絕洵於裕商便民兩有裨益○十七年議准河東池鹽運商掣鹽由東中西三禁門而出每門每日止准出鹽二十五名以杜擁擠夾帶如掣運過多即於次日接續出放其車夫驢夫所執小票註明給發日期按道路之遠近定限期之多

寡先將給票運鹽數目及定限日期飭知行銷之地方官並河南會興鎮鹽經歷按限催繳如有遲延照例治罪儻該地方官並鹽經歷任令遲延致有執票重運情弊一經查出從嚴參辦每年將收鹽數目由河東道造冊申送巡撫該撫於查閱營伍之便順道抽查一次儻非閱伍之年派員抽查如有收多報少情弊立即嚴參

○咸豐二年

諭前因王慶雲聯英會同山西巡撫兆那蘇圖奏通籌河東曬務酌議留商改票先課後鹽章程開單呈覽當交戶部妥議具奏茲據該部逐條覈明分析議奏如永禁僉商以省控累責成改票以期暢銷革浮費禁攤派以杜虧蝕定池價減銷價申明畦地租課舊章以免流弊嚴科則以輕成本立口岸以便發販緝鹽池之透漏堵引地之私售另籌公用酌加鹽斤及潞澤節省銀兩歸於通綱攤完各條既經該部悉心籌度分別准行著即照新定章程妥為辦理整頓曬務總以裁費緝私為剔弊大端裁費務盡不得名去實留緝私本地方官之責現在池價既定恐坐商罔利售私必應認真巡緝不得藉口減費稍存玩泄儻

該官商等敢於阻撓廢格以致辦無成效即著指明
參辦毋稍徇隱。〇三年

諭戶部奏河東鹽務亟籌變通一摺河東鹽務自有食
商之議百弊叢生近年以來酌議章程屢定屢改不
過調停於長商短商之間仍未能經久不弊今據該
部奏請就現在運商一百餘家各按籤地之多寡家
貲之厚薄令其捐免充商永無僉舉之患該商無不
樂從所有鹽課另議就場徵收恤商裕餉誠為兩得
之計據該部約計捐貲可得銀數百萬兩軍餉要需
亦可藉資接濟至就場徵課該部所陳各條果能經

理得人必當日有起色恆春前在山西歷任有年於
該省釐政情形定能洞悉今任巡撫釐政是其兼管
亟應妥籌良法與時變通著即照該部指陳各節體
察情形速議章程奏明辦理並先將捐免銀數覈實
奏報聽候撥用毋得任聽屬員蒙混遷延致滋貽誤
〇四年覆准。河東鹽務由商運改為官運就
池收稅每鹽一斤收稅銀四釐每名三萬斤。一
引二百五十斤。每收稅銀一百二十兩。又領引
加費。豫陝兩省每名酌徵銀六十兩。同治四年
奏。有。暫。減。
銀三兩。山西省分為三等。暢銷八縣。每名四十兩。

中等十九州縣。每名三十二兩。次等十七州縣
每名二十八兩。均先課後鹽。按年清完。入冊報
撥。一山西陝西兩省。官運官銷。責成應銷河東
引鹽各廳州縣。自派安人領運納課。按名清交
道庫。由監掣同知。編明各廳州縣額定引鹽票
據。給領照運。運畢後彙繳查銷。一河南省官運
民銷。責成河東道。督同監掣同知。遴委委員。按
引運至會興鎮。聽民販自行買銷。一鹽池價值
白鹽至貴。每名不得過六十兩。青鹽至貴。每名
不得過四十兩。如有誤贖居奇情弊。照例治罪。

哇地入官。一坐商哇地出售。止准同夥哇商管
業。不許市棍串通佃買。違者鹽入官。授受人照
阻壞鹽法律治罪。〇五年覆准。河東添設靈寶
縣口岸。於額引外加增鹽票。招商領運官鹽。以
三百名為率。每年徵正課銀一萬五千兩。雜課
銀一萬六千五百兩。公費銀四千五百兩。統限
次年六月奏銷前完納。專案另行奏銷。其截角
殘票。隨同殘引造冊送部查銷。〇又定河東正
引三十八萬一千三百二道。續增餘引十四萬
道。又吉蘭泰裁改餘引八萬七千五百道。陽曲

等州縣土鹽引四萬二千一百五十一道。六年奏准山西陝西兩省照河南會興鎮官民並運辦理三省共行引五千名每名三萬斤每引徵稅銀四釐。同治八年

諭李宗羲奏蘆鹽越境侵銷河東豫引壅滯請飭查禁一摺。山西河東引地被蘆鹽越境侵灌以致豫引滯銷封課不旺亟應設法疏通著河南巡撫嚴飭行銷河東引鹽各州縣協同委員實力查緝如有長蘆商鹽天津紅鹽以及汴梁小鹽入境即照私販例從重懲辦並飭蘆鹽總匯之榮澤口及發運之鞏縣長葛襄城周家口朱仙鎮等處各地方官出示曉諭嚴密巡緝毋任偷越以重疆綱。九年

諭李宗羲奏河東豫引積滯請飭禁違章抽釐並嚴緝私鹽一摺。據稱河東豫引滯銷因蘆紅小土各鹽越境侵灌豫省行銷引地各州縣未經會同委員認真協緝所致且河東每年向有津貼河南銀二萬兩不應再抽鹽釐近來南陽府唐縣等處仍復私抽釐金遂致成本愈重引銷愈形壅滯等語著李鶴年嚴禁河南各府州縣毋許違章抽收鹽釐並飭行銷河東之引鹽各地方官會同委員認真巡查遇有蘆紅小

土各私鹽越入引地立即嚴拏私販人犯照例懲辦所獲私鹽一半歸公一半充賞先將獲犯官役隨時鼓勵俟試辦一年如有成效准李宗羲會同李鶴年將委員及地方官等奏請優獎如或虛應故事會緝不嚴任令私鹽撓越並各府州縣仍敢私抽釐金以致滯銷虧課即著李宗羲會同李鶴年查明奏參以示懲儆。光緒四年奏准河東丙子綱三省額引及靈寶加票前請展至本年年底辦理奏銷奈三省行銷地面遭值奇荒徧地鴻嗷豈復能買鹽而食轉瞬屆滿萬難全數銷完應請將丙子綱

陳引俟乙亥綱帶銷之引封運完竣後再分三年帶徵以紓商力。六年議准河東引地自己卯綱為始將豫陝靈寶減贖五成加費並山西本省現准暫減五成仍留五成之三等加費及先後續增羨餘一概暫予裁除。

花馬池。陝西定邊縣大池鹽原行漢中府延安府鄜州綏德州所屬之清澗縣以光緒十七年奏銷冊計之甘肅行七萬二千六百八十八引課入一萬九千八百四十一兩有奇。謹按乾隆八年延安府等處行銷萬一千四百引漢中府行銷二萬五千引共課銀八千九百八十九兩五

錢有奇。每引均行鹽二百斤。以河東鹽政總理。此缺於五十六年裁汰。後就近由司道兼理。五十八年。奉准。鹽課攤入地丁項下徵收。五十九年。為始。甘肅靈州小池。鹽。行平涼府。慶陽府。甯夏府。西和縣。漳縣。鹽。行蘭州府。鞏昌府。秦州。階州。洮州。西固縣。以嘉慶五年奏銷冊計之。小池。六萬四千四百引。每引行鹽二百斤。西和縣。六萬二千六百二十六引。每引行鹽二百斤。奇。漳縣。三千六百二十二引。每引行鹽一百七十斤。有奇。共課銀二萬四千六百七十錢。有奇。以陝甘總督總理。○順治五年定。花馬大池。就近由司道兼理。一萬引。每引徵課一錢五分六釐。漢中府屬二萬五千引。每引徵課銀八分。○八年題准。花馬小池。五萬五千四百引。每引徵課銀一錢一分五釐五毫。○九年題准。西和縣六百五十引。每引徵課銀五錢八分五毫。漳縣二千八百引。每引徵課銀一兩一錢三釐五毫。各有奇。遇開加課銀二百八十。○十三年題准。增小池。六千引。大池。四千四百引。照額徵課。○康熙二年題准。綏德。米脂。魚河。三屬。置票二萬六百六十。有四張。數銷錫稅。○十五年題准。每年加課銀五分。○十九年題准。增每引加斤銀七分。○又題准。陝西西安府屬。照長蘆例。計丁加增二萬六百六十引。每年徵課銀九千一百四十二兩有奇。○又題准。大池。每引增課銀三分。

○又題准。甘肅隴甯。秦。清。禮。洮。靖。撫。民。廳。七。處。計丁加九百四十三引。照例徵課。○二十年題准。階。文。徽。三州縣。計丁加八百四十五引。照額徵課。○二十一年題准。小池。每引增課銀三分。○二十四年覆准。停徵每引加課銀五分。○二十九年覆准。花馬小池。並臨鞏二府。徵收鹽課。令甘肅巡撫管理徵課。○三十九年覆准。陝西三水縣。別招土販。接運官鹽至縣。所需水腳。令肅州。每鹽一斗。幫銀一分八釐。○四十年題准。花馬小池。產鹽在甯夏地方。其平涼。慶陽。三府十五州縣。並固原州。屬四營堡。行鹽辦課。奏銷考成之責。改歸平慶道。其甯夏二十九營堡。仍屬甯夏道管理。○雍正二年題准。陝西漢中府屬。向食花馬大池鹽。自雍正三年為始。改食花馬小池鹽。○十二年覆准。漢中府引鹽。改食花馬小池之後。空截引角。不能實運實銷。今仍食花馬大池之鹽。其小池歲產餘鹽六千石。每歲給六千引。令平涼。慶陽。甯夏。三府所屬州縣商人行鹽辦課。其新增課銀。以十一年為始。造報奏銷。○乾隆十六年議准。河東餘引。自雍正三

年。至乾隆四年。陸續增領至二十萬。全銷有年。乾隆五六兩年。於原引二十萬外。復增領四萬。兩年之後。漸見壅滯。應將續增餘引四萬。暫為酌減。其二十萬餘引。作為定數。照舊銷辦。俟數年後。積鹽疏通。商力充裕。該鹽政酌量情形。仍復二十四萬之數。四十一年。議准。陝西之花馬大池。漢中府。並甘肅鹽價。隨時長落。俱無定價。又議准。甘肅引課。於次年八月奏銷。五十八年。奏准。陝西西安等七府州屬。向食河東池鹽。自五十七年。河東課歸地丁。該七府州屬鹽課銀兩。改歸地丁項下攤徵。鹽聽民運。延安等五府州屬。因不食河東池鹽。未經議及。今河東業已裁改。該五府州屬引課奏銷。未便仍循其舊。將應徵鹽課。一併改歸地丁攤徵。五十九年。議准。陝西延安等屬。向食花馬池鹽。歲額鹽引。共三萬九千四百道。由延榆綏道。並漢中府。赴部領繳。今課歸地丁。鹽聽民運。所有每年行鹽部引。毋庸再領。紙價銀兩。免其交納。又議准。陝西地方。全係民運。無論土鹽蒙古鹽。及花馬河東池鹽。悉聽民人。到處運賣。並無禁私

之地。即間有就近買食土鹽蒙古鹽之類。並有外來鹽販。攔入者。均不許禁阻。亦不准私收稅錢。惟甘肅四川湖廣三省。與陝西之鳳漢商。邠等屬連界之處。飭令各該地方官。留心查緝。毋許越界偷販。又議准。陝西榆林縣所屬之永樂倉馬湖峪。並綏德州屬之三眼泉等處鹽池。均係窳戶祖業相承。其中界址。各有一定。應令照舊管業。不必官為經理。遇有典賣。報明地方官立案查考。至定邊縣屬之花馬大池。係屬官地。由延榆綏道出示。召募坐商。自出工本。雇夫撈曬鹽斤。與商販交易。自運出售。均聽其便。至大雨時行。應行保護。責成該處縣丞。就近督令坐商妥協經理。嘉慶元年。覆准。陝西五部廳。從前冊報定額鹽課銀二十二兩一錢。今應加接徵石泉縣課銀六兩六錢三分七釐。共應徵銀二十八兩七錢三分七釐。石泉縣前報定額鹽課銀一百三十七兩一錢三分六釐。今除改歸五部廳接徵銀六兩六錢三分七釐。應攤徵銀一百三十兩四錢九分九釐。十三年

諭。吉蘭泰鹽斤。令甯夏道兼管鹽法道辦理。並令該督

於各停中酌量一員。在該處輪流駐紮。以資查察。其
 陝西鹽務仍照舊令鳳郿道兼鹽法道管理。○十四
 年奏准。陝西漢中府二廳。一州。八縣。原設土商。
 一概裁撤。額引二萬五千道。毋庸給發。每年應
 徵課銀三千七百五十兩。按丁攤納。○十六年
 奏准。陝西興安府一屬。照鳳翔府例。改食靈州
 花馬池鹽。聽民運銷。所有應徵鹽課紙價餘平
 等銀一千九百七十七兩零。亦照鳳翔府例。在
 於該府七屬地丁銀內攤徵。每年應銷餘引四
 千八百十道。仍赴河東道照舊領繳。應徵公務
 官錢等銀一千六百五十三兩零。一體減免。○
 道光九年。復准。甘肅鞏昌府屬之津縣。改為隴
 西縣丞。所有領引繳殘事宜。均歸隴西縣丞經
 管。○又定。甘肅省歲額正引七萬二千六百八
 十八道。內分銷隴西縣丞引三千六百二十二
 道。每引徵銀一兩一錢七分三釐五毫有奇。又
 分銷西和縣引一千六百二十六道。每引徵銀
 六錢五分五毫有奇。又花馬小池引六萬七千
 四百四十道。每引徵銀二錢一分五釐五毫。○
 又定。甘肅省鹽引。每引配鹽一百七十八斤五

兩。至二百斤二兩不等。鞏昌府屬之西和縣。隴
 州屬之兩當縣。禮縣。等三縣。每引配鹽二百
 斤二兩。蘭州府屬之靖遠。鞏昌府屬之隴西。西
 丞。甯遠。伏羌。安定。會甯。通渭。岷州。洮州。西固州
 同。暨秦州。直隸州。並所屬之清水。秦安。等。一十
 三州縣。廳。每引配鹽一百七十八斤五兩。按地
 平涼。慶陽。甯夏。三府。每引配鹽二百斤。

諭。樂斌奏請將甯夏蒙古地方行銷內地土鹽抽收商
 稅一摺。甘肅甯夏蒙古地方。向產土鹽。各處商民往
 運轉販。並未徵收稅課。茲據樂斌奏委委員查明。並酌
 擬章程。抽收商稅。聲明無礙正課。並不累蒙古生計。
 即著照所擬章程辦理。仍著該督隨時查察。以期經
 久無弊。至此項土鹽行銷內地。向無例禁明文。與夫
 察私販者有聞。所有歷任各官。均著免其查議。欽此
 遵

旨議奏。甘肅甯夏蒙古地方所產土鹽。准其進口。從一
 條山。五方寺。至皋蘭。靖遠。條城。經安定。會甯。隴
 西。甯遠。秦州。轉運漢南一帶銷售。不准私繞小
 路。侵銷別境。違者倍罰。所收稅釐銀兩。每鹽一
 百斤。收
 稅銀八分。由陝甘總督按季報部。

欽定大清會典事例卷二百二十五

戶部

鹽法 兩浙

兩浙○兩浙鹽行杭州府嘉興府湖州府甯波府紹興府金華府衢州府嚴州府溫州府台州府處州府江南蘇州府松江府常州府鎮江府徽州府廣德州太倉州江西廣信府以浙江巡撫兼管設兩浙總巡撫總管杭州織造道光元年改復歸巡兩浙都轉鹽運使司專理舊駐杭州府康熙五十年改為鹽法道乾隆五十八年仍改為運使轄鹽場三十有二仁

和場在仁三江場在山東江場在會曹娥場在稽金山場在錢清場在蕭穿長場在鎮石堰場在餘鳴鶴場在慈雙穗場在瑞龍頭場在鎮大嵩場在許村場在海杜瀆場在海永嘉場在永嘉長林場在清玉泉場在黃巖場在太平亭場在清泉場在海鎮隸甯紹溫台分司運副駐紮杭州府東場在山下沙頭場在黃灣場在海甯西路場在海蘆港場在鮑郎場在海海沙場在海下沙二三場在青村場在奉袁浦場在崇橫浦場在崇明場在崇隸嘉松分司運

欽定大清會典事例 卷二二五

判駐紮杭州府舊有仁和縣場以光緒十七年奏銷冊計之共行鹽三十三萬六千六百引徵課銀六十萬七千二百四十七兩。謹案嘉慶五十七年所銷嘉所每引徵課三錢九分三厘。下則二錢五分。溫所下則一錢九分。台所下則一錢七分。各引徵課一錢九分。有奇。共課銀一萬六千五百五十二兩。有奇。餘引每年。○順治二年題准兩浙行正鹽六十六萬七千一百五十三引。每引徵課銀四錢五分六釐。浙西三十五萬八千五百九十八引。小票改引五萬七千二百九十有五。每引徵課銀一錢一分一釐五毫有奇。○十年覆准增票引萬七千四百五十有五。正引十萬。照例徵課。○十六年題准停止新增引目。課銀於正票引內攤補。○又題准將溫所五百二十引。改嘉所行銷升課。○康熙元年覆准改台所萬引。於嘉松二所行銷升課。○二年題准改紹所六千七百八十四引。於嘉所行銷升課。○七年覆准增松所萬四千九百引。照例徵課。○又題准改紹所二萬五千十有六引。於杭嘉松三所行銷升

六四五

課。○八年。改台所二千六百二十五引。於杭所行銷升課。改紹所下則三千二十四引為上則。照例升課。○十年題准。改溫所六千引。於杭所行銷升課。○十四年題准。正票每引加課銀五分。○又題准。松所下則三千引。改中則升課。○十五年覆准。太倉地窄引多。將新增引目二十。改於常熟縣地方行銷。○十六年題准。正票引。照兩淮例。每引加鹽二十五斤徵課。杭嘉三所及松所中則。每引一錢。紹台及松所下則。下則。每引七分。溫所及紹所下則。並票引。每引四分五毫。○又覆准。票引。每引升課銀三分五毫有奇。○十八年題准。計丁加嘉所九千一百七十五引。松所千三百三十三引。杭所二千四百八十四引。紹所二千六十三引。溫所千五百三十九引。台所二千有二引。照例徵課。○又覆准。崇明縣地居海外。向不行引。亦無包課。今以十三丁派一引。按引包課。共計二千八百五十六引。照溫所課則。徵銀七百四十一兩有奇。○又覆准。靖江縣逼近淮甯。商人不肯挾費蹈險。今照崇明縣例。十三丁派一引。共二千二百六十

九引。徵銀五百八十九兩有奇。○十九年題准。計丁加正引八百八十七引五分。票引萬八千九百四十八引。照例徵課。○二十年題准。計丁加仁錢二縣票引六千。照例徵課。○二十二年題准。加仁錢二縣票引。紹所中則正引各一千。照例徵課。○二十三年覆准。溫台甯各場招徠。竈丁增墾鹽地。及新漲海塗。共升課銀千五百三十五兩八錢一分有奇。○二十四年覆准。增墾鹽地稅銀四百七十三兩五錢有奇。○又覆准。增下沙西興等場升課銀二百三十四兩五錢有奇。○又覆准。停徵每引加五分課銀。○二十五年覆准。兩浙鹽課。每兩加滴珠銀一分。於二十四年起徵。解餉車腳。每兩支給七釐。○二十六年覆准。下沙等場新漲蕩地。共五千六百二十八畝二釐零。計升課銀一百八兩七錢九分九釐有奇。外再加滴珠銀一兩八分七釐有奇。○又題准。兩浙鹽課。於近場府縣照民戶納糧之例。立櫃徵收。竈丁自封投櫃。給票甯家。不許官收民解。○二十七年覆准。永嘉等五場續招竈丁千三百名。認墾地畝。共復課銀一百六

十兩二錢有奇。○又覆准。下沙等場漲墾蕩地共六千八百八十五畝零。共升課銀八十八兩五錢四分三釐有奇。○二十八年覆准。兩浙石堰鮑郎等場新增竈丁六名。蘆薪沙塗沙蕩升課稅銀。於二十七年起徵。○又覆准。玉泉長亭二場。招徠竈丁八十三名。認墾蕩田地。共復課銀七十一兩七錢九分四釐有奇。每兩加滴珠銀一分。○二十九年覆准。穿長玉泉等場。招徠竈丁。認墾蕩田地。共復課銀五十一兩二錢二分有奇。加滴珠銀五錢一分。於二十八年為始徵解。○三十二年覆准。定海縣鹽課銀。照十八年崇明縣例。派引增課。○又覆准。雙穗等五場。招徠竈丁四百十有五名。照例徵課。○又覆准。餘姚縣並錢清石堰等場。漲墾蕩地沙塗共七十一項七十二畝。照例升課。○三十三年覆准。定海縣派行二百有一引。照例起徵。○又議准。加課銀五萬兩。○三十六年覆准。兩浙各場漲墾蕩地共三十項三十一畝一分。於三十五年起徵。○又覆准。竈丁越縣輸課。道路遙遠。嗣後令場員徵收。○又奉。

旨。免加斤銀一半。共三萬一千三百八十九兩有奇。○四十二年覆准。浙省杭州等六府所屬地方竈課。歸入就近之平湖等州縣徵收。○四十六年覆准。浙江雙穗等場。共招復丁地課銀二十五兩五錢有奇。滴珠銀二錢有奇。於四十五年為始。入額徵解。○又題准。浙江慈谿縣並西興等鹽場。共墾過地九項二十六畝。於四十五年入額徵解。○四十八年題准。兩浙三江石堰等鹽場。報升新丁並蕩地二項八十七畝九分。入額徵解。○五十一年覆准。將溫所額行七千九百四十八引。歸入紹所照例徵收。○雍正元年覆准。江南婺源縣分銷休甯引鹽。祁門分銷黟縣引鹽。○又覆准。長林雙穗等場。認墾坍地二十五畝。招徠竈戶三十八名。於本年為始。入額徵解。○又覆准。西興等場新墾沙地等項十項三十四畝零。於本年為始徵課。○二年覆准。將紹屬之西興場裁去。應配鹽引並丁蕩由單。歸併錢清場管理。○三年題准。每引加鹽三十五斤。○五年覆准。江南蘇松二府屬及太倉州所轄之縣。交蘇松道督緝。一切鹽務。令該道承審。定

案詳結。其常鎮二府所屬。責成常鎮道督緝。如有督緝疏縱。該督指名題參。○六年議准。江南蘇松常鎮四府屬縣。為浙引疏銷之區。京口地方。為兩浙行鹽門戶。壤接淮界。而淮北私鹽透越蔓延。嗣後鎮江插口盤查私鹽。責成江常鎮道。督同鎮江府海防同知。並京口將軍標下副將。及鎮江城守參將。就近分班輪流盤驗。無論糧船兵船大小差船。皆親查驗。如有夾帶整包私鹽。即行拏究。照興販律治罪。如有疏縱失察。照例參處。○又覆准。動帑八萬兩。收買竈戶餘鹽。○七年覆准。兩浙頒發額外引目十萬。依河東豫發餘引之例。令商人領配賣鹽完納課費。通融配掣。如有餘贖。即行繳部。○八年題准。每餘引一紙。輸銀四分。以六釐留為紙硃路費。餘抵功績額銀。○又議准。兩浙引課。除江南松所外。杭所每引徵課銀四錢四分有奇。嘉所每引徵課銀四錢二分三釐有奇。紹所每引徵課銀三錢四分有奇。向因地方衝僻。行銷難易。分別等差。酌定課則。今各處私鹽漸少。官引疏通。完課似應畫一。嗣後杭嘉紹三所。每引均勻攤納。

課銀三錢九分七釐有奇。於本年為始。○乾隆元年

諭。浙江濱海地皆斥鹵。向來鹽價甚賤。居民稱便。十餘年來。鹽價增長。近則加至二三倍不等。夫以小民日用必需之物。而昂貴若此。朕屢次切諭該督。令其悉心經理。乃數月以來。雖據奏報鹽價漸平。然較之十數年前。仍屬昂貴。朕再四思維。並留心諮訪。鹽價之貴。固在於場鹽少產。亦由於商本艱難。惟有使商人鹽斤充裕。則鹽價自然平減。今酌定增斤改引之法。將杭嘉紹三所引鹽。循照兩淮舊額。每引加增鹽五十斤。連包索共重三百二十五斤。至松江一所。原屬濱海產鹽之區。向因額設季引九萬有餘。分別上中下三則。徵收正課公費銀五萬四千餘兩。遂使近場州縣。多有鹽貴之苦。今循照淮海温台等處之例。改行票引九萬餘。每引給鹽四百斤。令商本充裕。轉輸便易。商人不受減價之累。百姓多受減價之益。該督再為多方調劑。加意體恤。庶可復還十數年前之原價。以便民用。著該部行文該督。遵照諭旨辦理。○四年題准。浙江松所。改歸紹所。萬引台所二千引。自乾隆二年為始。入額辦銷。其改撥之引。均照

各所課則納課行銷。改紹所萬引。例應完公費。其改台所二千引。例不輸納公費。所出公費銀在於台所贏餘項下撥補清款。○又題准浙江台溫鎮府營場及崇明岱山等處。領帑收鹽支放解存各項。均於歲終截數。責令文武各官調換盤查。以清帑項。○六年題准靖江一邑。原係浙鹽引地。因准鹽引賤。多食准私。應仍歸浙省運銷。將崇明餘鹽撥運。每年行銷三千引。如崇鹽不敷。即撥岱山之鹽接濟。○七年題准兩浙收買餘鹽。原動帑銀八萬兩不敷收買。將贏餘銀增撥四萬兩。以為收買餘鹽資本。○十八年奏准浙江台州温州二府屬所收外輸經費銀。每年准其留銀九千八百二十八兩有奇。以為承辦帑鹽文武各官經費之用。其數減銀二千六十九兩有奇。即造入贏餘奏銷冊內。報部查覈。○二十六年覆准兩浙鹽課。舊例於五月奏報。今改於歲底造冊報銷。○二十九年覆准玉環同知按年於原發帑本內領銀一千五百兩。給竈煎鹽。今所屬塘洋後峻鹽盤三處。每年約可得鹽百餘萬斤。煎鹽帑本不敷。酌加銀五百

兩。以為收鹽帑本。平陽縣之南鹽場。沙塗復漲三十里。計地六十餘畝。安竈三十座。令該處民人報充竈戶。所出鹽斤。交官收買。於温州府收鹽帑本內動銀四千兩。設竈煎鹽。○三十年覆准兩浙原存帑本銀十二萬兩。內除乾隆十二年漂失鹽斤案內。題豁銀一千五百五十兩零。實留銀十一萬八千四百四十九兩零。現在竈鹽有餘。需帑收買。於公費分規銀內。再酌留八萬一千五百五十兩零。共成二十萬兩。為收鹽帑本。○三十五年議准。定海縣三十七澳餘鹽。令定海縣知縣定標中軍遊擊會同分廠收買。於鹽道庫收存公費銀內。動撥銀四萬兩。以為收鹽帑本。○三十七年奏准兩浙每年酌定餘引十五萬道。○又議准松江所行銷壅滯。以松所難銷之引。改撥二萬引。添於紹所行銷。即照紹所科則。按引完課。○三十九年議准兩浙加增餘引五萬道。○四十一年議准兩浙行銷各屬鹽斤。價隨時售。並無一定。○又議准浙江正餘引課竈課。於次年十二月奏銷。○嘉慶二年題准浙江省台州温州松江三所竈丁餘鹽及

定海縣各澳餘鹽。官為給價收買。內溫台松三所並玉環一廳。定海一縣。原給帑本銀二十三萬九千五百九十五兩二錢二分一釐。除嘉慶元二每年風潮案內。豁免帑本銀三萬八千二百三十五兩五錢五分五釐外。計實給帑本銀二十萬一千三百五十九兩六錢六分六釐。賣出價銀。除繳還帑本外。所獲贏餘。奏報充餉。○十八年覆准。南沙官廠。照場竈聚團之例。編列字號。僉派殷商齋本赴廠。與煎戶自相交易。責令錢清。三江二場督察經理。如有私鹽偷漏。知

縣照例議處。同知照州縣之例減半議處。巡檢照捕官例參處。○二十五年題准。浙江省台州。溫州松江三所竈丁餘鹽。及定海縣各澳餘鹽。官為給價收買。原給帑本銀二十三萬九千五百九十五兩二錢二分一釐。除嘉慶元二每年風潮案內題給銀三萬八千二百三十五兩五錢五分五釐。又嘉慶二十五年風潮案內題給銀六千四百七十五兩七錢計實給帑本銀十九萬四千八百八十八兩九錢一分六釐。賣出價銀。除繳還帑本外。所獲贏餘。奏報充餉。○道光元年覆准。每年額頒餘引十五萬道外。另發照改餘引八萬道。在

仁和錢塘海甯餘杭海鹽石門平湖鎮海山陰會稽蕭山奉化嵊縣鄞縣慈谿象山餘姚上虞十八州縣暨溫台二所行銷。遇正引銷完。止准接銷餘引。不得仍前給照配銷。所領餘引。如有存贖。同已銷之引。按年一併解部查銷。其正雜課銀。均照各該地額引科則輸納。每年專案奏銷。另造引課清冊送部查覈。○又覆准。浙江杭紹嘉松四所甲商。每所額定一人。以資辦公。毋許額外增設。○二年議准。兩浙袁浦場滌缺地方所產竈鹽。悉令商人收配。每百斤加耗五斤。價隨時定。舊有墩塗地畝。由官勘丈報升。並編設竈戶門牌。限定煎鹽數目。交不足數。按卯稽比。儻有透漏。嚴行究辦。仍將失察之場員議處。○九年覆准。兩浙石堰場埋上埋下兩團。設立煎竈七座。所產鹽斤。飭令餘姚鄞縣慈谿奉化四縣商人。及紹所各商按數認銷。儘收儘配。每鹽一百斤。加耗五斤。以償滷耗。○十二年奏准。綱引套搭庫款牽混。係浙省向來積弊。欲正綱分。必先疏通積引。請將辛卯秋冬壬辰春夏四季正引。併作一綱。全行統銷。應完正雜錢糧。從

癸巳綱起。分五年賠繳。暫停請領餘引。即將積引作為餘引。俟積引銷完。再領餘引。並革去巡商名目。以節經費。○二十九年奏准。杭嘉紹三所引鹽。於每引例捆三百三十五斤之外。杭所嘉所加鹽四十斤。紹所加鹽二十斤。所加之鹽。止完正課。免輸內外雜款。責令該商隨同額鹽併包捆運。以杜弊竇。松所每引例捆鹽四百斤。為數已重。毋庸再加。○又奏准。嘉興所之丹陽靖江松所之崑山新陽青浦上海南匯等處認配各商。半多停歇。責成運司選商辦運。並於雜款內籌銀二三萬兩。委員赴場收買竈鹽。俟配商捆運時。繳價歸款。免其輸息。○又奏准。巡緝私販。責成官商分辦。並由運司查覈。如兩月不能報獲私鹽。以致銷數短絀。覈其短銷之數。將緝私經費。分別扣成給發。其商人自行巡緝者。亦責令認真辦理。如有獲犯。皆歸運司審究。罪名重大之案。發州縣照例審解。其餘賞罰。悉由運司酌定。務歸覈實。至口岸存鹽。總以按額計算。存有一月鹽數為斷。如所存一月數外。又積一月之鹽。則是銷不足數。應責官以情緝。如後

鹽不繼。銷及一月。應存之鹽。則是運不足數。應責商以情運。務令地方官及該商人等。各自認真辦理。不得互相推諉。○又奏准。緝獲私鹽。應酌量充賞。並令商人補課配銷。如拏獲私鹽數在一千斤以下者。全行變價充賞。其一千斤以上。及數千斤至數萬斤。不論有無奇零。統作十成計算。均以六成變價充賞。四成令商人補課。作正配銷。以昭平允。○同治三年奏准。浙省票鹽。歸牙釐局辦理。○四年奏准。兩浙鹽務。改行票運。課釐並收。無分正雜。各項幣利。一概停徵。

○八年議准。江蘇省蘇松常鎮太四府一州引地。招商認行六萬六千引。仍照票課每斤完課八文。毋庸另議科則。並將各所耗斤名目。即行禁革。○又奏准。浙省票商。不列真名的姓。隨時領運搶銷。設有弊端。難以究詰。現在釐局各員。不能兼顧。另在省城設立督銷總局。專辦浙東各屬鹽務。委運司主政督辦。藩司會局辦理。整綱。覈加額引。招商分地認運。按春秋兩季完課。掣運。以庚午年春綱為始。給予執照。循環轉運。按年領六萬二千引。徵正雜課銀九萬五千六

百八十六兩。並飭各府局將釐捐鹽務分款報解。以清眉目。○九年奏准。蘇松常鎮太五屬鹽務。現改舊商認引完課。係屬參用票章。前部議毋庸另定科則。不論何地。一律每斤完課八文。恐暢地多銷。滯地少銷。課款必致虧短。且兩浙耗鹽。實因水陸拋散私衝銷滯折耗之故。其勢不能不加。若一經革除。則江省五屬舊商。認辦為難。各票商必至裹足。應請將杭紹嘉松四所耗鹽。仍照改票原案。分別給商。以示體恤。○又奏准。浙東引地及浙西引地內之杭嘉湖三屬。招商認領二十四萬八百引。○十年覆准。兩浙鹽務。由票運改辦票綱。每年共認引額三十三萬六千六百引。每引完銀自一兩九錢。以實徵及一兩四錢。一兩不等。實徵銀五十萬七千二百四十七兩。內浙東全衛。廣及諸義。浦。富新。於昌。正減各地。徵銀三十五萬二千四百七兩。杭嘉湖。正減各地。徵銀六萬三千兩。蘇松常鎮太。正減各地。徵銀九萬四千兩。○又覆准。甯紹台處四屬無商可招。仍抽鹽釐。通年約收錢七萬串。杭嘉紹三所肩住引鹽。仍照票章辦理。通年約收錢十萬餘串。以銀覈計。約共徵銀十萬兩。又覆准釐定課銀六十萬七千二百四十七兩。內以銀

三十二萬三千二百兩七錢九釐。提充正課。以銀六萬。提充按引徵收之公費。仍分春秋入冊報撥。再以銀八萬。提充帑息。為海塘修築經費。其餘銀十四萬四千四十六兩零。抵放雜支。分別內銷外銷。逐款隨案聲註。按現時引額尚未復舊。而課額未便將虧。是以釐定科則。仿照票章。從多覈計。○又覆准。織造公費。每年提銀五千兩。藩運兩庫支放各款。每年各提銀三萬兩。其巡費局用。俟奏銷時額課無虧。每年准提銀三萬六千兩。課不足數。即將巡緝費減成。均在十四萬四千餘支款。不敷之款。由商捐墊。

兩雜款銀內提用。餘銀提存運庫。以備緊急款項。及銀價不敷短絀之需。○又覆准。票綱商人認辦引額。概令捐輸海塘經費一次。按引捐銀一兩。至一兩。給予印照執守。逢網驗票運鹽。所捐銀兩。發典生息。作為塘工歲修。每年隨同奏銷。將收支數目。另冊報部。○又覆准。水鄉蠶課額徵銀十一萬兩有零。除荒實徵若干。入冊報撥。○十一年

諭。浙西蘇松等四府一州。為浙鹽引地。自改復商引以來。試辦已逾兩年。迄無成效。所有耗餘加認之數。著

暫行寬免。以恤商力。○又覆准浙東杭嘉湖金衢嚴

徽廣八屬。加耗二萬四千二百引。應完課銀三

萬八千餘兩。○又議准江蘇靖江縣向食浙鹽

自浙省改票運後。暫食准鹽。包完浙課。嗣後仍

將靖江引地歸還兩浙。如有准商藉包課之名

侵銷浙境。由浙江巡撫參辦。○光緒四年奏准

浙東綱引滯銷。所有杭嘉湖金衢嚴徽廣八屬

續加耗引。按照浙西成案。自戊寅綱起。暫予停

運。以恤商艱。○又奏准江蘇靖江縣。每年銷三

千引。徵正課銀八百五十五兩有奇。○八年議

准蘇松常鎮太五屬。於原定六萬六千引外。加

認三萬四千引。照靖江縣止完帑課成案。藉以

減價敵私。其餘雜款。概免輸納。

欽定大清會典事例卷二百二十六

戶部

鹽法福建

福建○福建鹽行西路延平府建甯府之建安

甌甯建陽崇安浦城五縣邵武府東路福州府

之羅源古田屏南三縣建甯府之松溪政和二

縣福甯府南路福州府之閩侯官長樂福清連

江閩清永福七縣興化府泉州府漳州府永春

州龍巖州惟臺灣一府。自雍正元年裁革官商

委臺灣府兼管。官收官賣。以閩浙總督總理。福

建鹽法道專理。謹案舊係鹽驛道雍正十三年

詳律事務歸於糧道管理鹽驛

道改為轄鹽場一十有四。福清場在福清縣江陰西

場在福清縣莆田場在莆田縣下里場在莆田縣前江場在莆田縣

浔美場在晉江縣惠安場在惠安縣浯洲場在同安縣祥豐場

在同安縣蓮河場在同安縣漳浦南場在漳浦縣詔安場在詔安縣

石碼場在龍溪縣福興場在福清縣以光緒十七年奏銷

冊計之。共銷鹽五十四萬五千引有奇。課耗釐

三項共入銀三十七萬七千二百九兩有奇。謹

嘉慶五年共行正鹽五十四萬五千六百二十二引

額餘引四萬一千四百二十有三。西路每引

行鹽六百七十五斤。東南路每引行鹽百斤。課

八十有七萬四千八百三十兩八錢有奇。額餘

課銀十有四萬三千五百八十七兩九錢有奇
 贏餘銀九十五萬五千五百八十八錢有奇
 有額外餘引十有二萬三千
 順治三年題准
 福建行正鹽二萬一千四百四十五引
 外每引課銀一兩一錢三分五釐
 一百九引外每引課銀二兩一錢一分三釐
 路二百引外每引課銀二兩五錢八分一釐
 港五十五引外每引課銀一兩一錢七分三釐
 有各又南路六澳每澳徵銀六十七兩七錢二
 分一釐東路細鹽課銀二百二兩漳屬西溪鹽
 二萬二千二百三十六包每包稅銀二分七釐
 七毫北溪鹽萬九千五百四十八包每包稅銀
 八分六釐九毫各有奇○康熙十六年題准每
 正引加課銀五分○又題准西路增鹽二千引
 照額徵課○又裁黃崎分司一缺○十七年題
 准西路每引加斤銀七分東南二路每引加斤
 銀三分○二十二年題准招回曠丁墾復鹽邱
 每邱加徵銀一錢○二十三年覆准福興泉漳
 等府屬增二萬一千八百十有一引八課銀五
 千八百四十二兩八錢有奇其鹽引斤數與舊
 引不同別鑄銅版刷給辦課○二十四年議准
 新引加斤增課銀六百五十二兩七錢有奇○
 又議准徵續墾鹽邱銀三百二十五兩八錢○

又議准福建依山窰戶墾復田地徵鹽折銀四
 千三百十有六兩有奇附海窰戶墾復田地徵
 收本色鹽聽商支取辦課○又覆准停徵每引
 加五分課銀○三十一年覆准專設鹽差運使
 刊造由單呈該御史報部○又覆准海牛二場
 依山附海一田兩賦田地被海潮衝沒其鹽折
 與本色鹽免其徵收○又題准增閩縣壺江灣
 課銀四十五兩長樂縣石澳課銀三十兩連江
 縣奇達定海北荖依山館頭四澳課銀三百二
 十兩○又題准泉屬七縣及福屬福清閩連江
 三縣認增淹浸鹽額加課銀千二百四十五兩
 興屬莆仙二縣淹浸鹽斤稅銀二百九十二兩
 五錢漳屬鹽包鹽額加增銀千七百四十一兩
 ○三十二年題准將細鹽一半仍為淹浸按東
 路引額減半徵課一半改引照引額徵課○又
 覆准永福詔安二縣加課銀一百二十六兩一
 錢○又覆准各路增行六萬四千三百九十四
 引增課銀萬八千九百兩有奇於三十二年為
 始照數徵收○又題准加引之興泉漳三府屬
 並福清等縣各場地方行令專設捕役責其緝

私鹽以疏官引。○三十七年覆准。涪州一場。墾復鹽邱百五十七邱。照例徵課。○四十七年覆准。福建鹽田徵輸鹽折。總屬民田。將海牛場鹽折銀。歸併福清縣徵收。上里場鹽折銀。歸併莆田縣徵收。其海牛上里二場官悉行裁汰。俸食充餉。其督緝諸務。歸併福清三縣丞管理巡查。鹽折銀三縣徑解運使。仍照例奏銷考成。○雍正元年覆准。將鹽院衙門各官。及商人盡行裁汰。應徵課餉。照廣東瓊州府徵課之例。均攤各場。交與各州縣照數收納。解交司庫。仍令每場選委佐貳官一人。專管鹽務。令買賣人等平買平賣。○五年覆准。令該督等將每年羨餘確數。據實奏聞充餉。○又覆准。閩省鹽暫令水商行銷。試行一二年之後。無誤課入。再為題明。照兩淮等處之例。設引僉商。○六年題准。閩省額徵鹽課公課。仍照實數作為正額。其餘溢行之鹽。將所獲之銀。儘數造入贏餘冊內具題。至起解鹽課。應支水脚等公費銀。俟解京時。豫行題報動支。○又題准。辦理鹽務各官。雍正二年悉已裁汰。嗣後於

通省佐雜內。遴選幹員。令其管理。○又題准。閩省產鹽各場。令場官書役。將鹽票填明。巡查之地務。令截角。並嚴飭該管各官。增設圖長甲長。照保甲之例。互相稽查。○乾隆元年題准。附場貧難老少。向許負鹽易米。度日。閩省福清等場。貧難老少。負鹽甚多。各縣課地。反為貧難負鹽所占。有礙鹽法。今將額定貧難七百九十六名。每名日給錢十文。於錢水項下動給。俾老少殘疾。得資糊口。並杜其影射販私之弊。○七年諭。閩省為濱海之區。百姓多藉魚鹽之利。以為生計。朕聞該省鹽課內。頗有苦累商民之處。蓋有司於應徵課銀外。輒以雜費無出。藉端加派。習以為常。如每鹽百斤。加增錢二十文。至七八十文不等。名之曰長價。又各場肩魚客販買鹽。請領道印結票執照。或每單徵錢三文。或每石徵錢三文。名之曰單錢。又正額每鹽百斤。收銀一錢五分。各場實收錢百五十文。該合銀一錢六分六釐。每百斤申銀一分六釐。亦令入官。名之曰錢水。以上各項。皆巧取陋規。不便於商民者。著該督撫一一確查。通行禁革。如有必不可少之雜費。即於項內存留若干。減去若干。不得仍前多索。永

著為例務期實力奉行俾商民得以寬裕辦課且使肩挑背負之民均霑餘利以餬其口○又題准閩省招商行鹽每年額額正引五十四萬五千六十有二餘引四十萬三千一百六十有二如有銷不及額照例報參又額外餘引十二萬三千不
必註定州縣令各路通融辦銷儘銷儘報不入年限考成之內僅有存積餘引繳部查銷○三十年覆准福建運銷鹽斤一切船價夫脚工伙食物較前昂貴商本不敷除題定官辦之長樂福清晉江同安四縣並惠安縣招商乏人委官辦運並無增價外其餘各幫每斤按一丈之數折半加增其實在舊運維艱不敷成本幫數准其每斤增價一丈以贏商利俟商力充裕臨時再行酌減○又議准福建正引課額課於次年六月奏銷餘引課再次一年於七月奏銷○四
十三年覆准福建溢額贏餘項下撥出銀一十三萬兩分存鹽道庫及興化泉州漳州各府庫飭令各場員按期陸續請領養電收鹽配商轉運收還原價按月造報儘所發帑項電丁不能歸還原款即著落經手場員賠補○又覆准閩

省商辦各幫若遇陰雨過多場鹽少產照粵省之例總埠每斤量增賣價一二釐子埠分別量增○四十四年奏准福建本薄小商酌借帑銀以資接濟所借秋季之帑於夏季底繳還冬季之帑於秋季底繳還以備支發取息一分應於領借時責成衆商出具連環保結一商有說衆商公完所收息銀留為修理鹽倉公用○四十八年議准福建福清詔安莆田下里浯洲洪白赤杞江陰潯美涵洲惠安烈嶼浦東浦南前江等十五場或產鹽數多或緝私緊要俱一例改為實缺以專責成○五十年奏准福建王祥洪白赤杞江陰上里下里前江潯美涵洲惠安浯洲烈嶼浦東浦南詔安計實缺十五場共應配鹽一百二十萬一千四百六十七石一十九斤有奇○五十一年議准福建同安縣轄之祥豐里為新舊鹽埕適中之所便於四面稽查即於該處建設衙署命名祥豐場以資巡查照該省原設十五場收鹽分數一體按年造冊考覈○五十五年議准福建臺灣原定額餘鹽斤之外所有埕底泥鹽帶土刮收每年約可得二萬石

撥臺灣鳳山嘉義新化淡水澎湖等六廳縣銷
售每年應徵課銀一千八百一十八兩一錢八
分二釐按數徵輸入冊奏銷如有缺誤照例叅
處○嘉慶二年覆准閩省烈嶼場產鹽較少裁
歸附近之浯洲總場管理又祥豐場產鹽較原
額增至兩倍於蓮河地方增設大使一員分管
祥豐事務○又覆准福建正引額課於次年十
月奏銷餘引額課再次一年於十二月奏銷○
又

諭閩省商運溢課既據該督奏稱從前場鹽絀產及海

潮衝失等事以致誤運積欠急應量為調劑以紓積
困著加恩准將該省商運各幫年行溢引自嘉慶三
年起應辦元年溢額停徵二年再展至嘉慶五年起
將應徵溢課項下分作三年帶徵共限五年全行完
款庶商力益臻充裕此係朕格外施恩該督等務須
飭令依限全完不得再有懸宕致干咎戾○五年

諭晉江等四縣辦理鹽課最為賠累著加恩將晉江縣

應銷餘引內酌減去五千道南靖縣應銷餘引內酌
減去四千道莆田縣應銷餘引內酌減去二千道福
清縣應銷餘引內酌減去三千道以示格外體恤至

意○十七年奏准福建通省共定產額鹽一百三十

二萬七千八百餘擔飭令悉數歸官並按官商
分析幫地就近分勻坐配○又奏准福建各廳
縣向將課地付之館伴丁胥以致舞弊嗣後館
伴務令慎選妥人每月報銷引張並責收鹽價
責成該管知府隨時稽察並應縣交代舊任官
將已領未用之引繳道查銷其尚未屆期之引
扣明截卸日期交新任官行用○又奏准添設
福興場分管赤杞場三小團原墾中則鹽埕三
千三百九十九坎又巖頭等村新墾下則鹽埕

三萬一千四百四十坎共鹽埕三萬四千八百

三十九坎○又裁漳浦東場歸漳浦南場兼管

○十八年議准福建省福興場幫本銀四千兩

該大使承領發電收鹽年終委員盤查取結造

冊報部查覈如有虧挪嚴揭叅處○十九年議

准閩省官商配運鹽斤並革除團秤砵秤名目

及海耗等項開銷○二十年題准福建省福清

王祥團收鹽一萬擔洪白團收鹽二萬擔赤杞

團收鹽二萬五千擔江陰團收鹽一十三萬二

千四百二十七擔五十斤八兩上里場收鹽七

萬四千六十五擔七十七斤。下里場收鹽一十七萬五千四百八十八擔八十斤。前江場收鹽一十三萬八千八百八十八擔三十一斤。潯美場收鹽五萬二千五百五擔。兩洲場收鹽二萬九千三百七十五擔。惠安場收鹽八萬四千四百九十二擔三十二斤。浯洲場收鹽二萬七千二百六十七擔五十斤。祥豐場收鹽七萬四千八百八十八擔。蓮河場收鹽二十六萬八千八百二十二擔四十斤。漳浦南場收鹽三萬一千七百四擔六十九斤。詔安場收鹽六萬五千九百八十八擔八十三斤二兩九分三釐。福興場收鹽一十三萬擔。又題准福建福清等十六場鹽漏一千三百六十一口半。鹽埕二十四萬一千一百零九坎。鹽邱三萬八千四百九十一邱八分六釐。歲應徵解藩庫漏課鹽菜銀一百三十三兩一錢九分三釐。徵解鹽法道庫邱課鹽菜公費等共銀四千一百三十六兩六錢六分一釐八毫。內福興場應徵鹽折銀五兩二錢二分六釐歸福清縣徵收。又議准福建省官商赴場配鹽遵照部法每百斤為一擔。西路各幫耗電各鹽每擔自十斤至三十斤不等。東南縣澳幫分耗電各鹽每擔自五

斤至二十均准隨同正鹽配運。各場員以年產額鹽全數統計十分為率以定考覈。按年分析造報。又覈准臺灣府噶瑪蘭每年額鹽七千石。由府場撥運。每石徵番廣銀三錢三分。共徵番廣銀二千三百一十兩。折給蘭境兵餉。其贖價即於課本內支銷。責成該通判經理。如銷徵缺額著落賠補。仍將經徵職名造入奏銷冊內報參。二十三年奏准閩省鹽務場員一十六缺。以產鹽之多寡分缺之繁簡。而場產衰旺。今昔不同。應行裁改以歸覈實。定以福清洪白赤杞併為一場。仍為簡缺。潯美兩洲併為一場。改為簡缺。莆田場亦改為簡缺。其浦下一關驗掣西南兩路各幫鹽斤石碼一關。地處漳州龍巖之間。逼近場窰。掣驗漳州龍巖運船。儲倉轉卸。均關緊要。定為繁缺。西河一關。僅司盤吊。定為簡缺。又覆准閩省鹽務商人虧折賠累。一在裁革團秤。從前行用團秤。以中出粗秤。六十斤以三十斤抵價。折耗而又不加耗。鹽。以擔引折運。每百斤僅一在折合蓬擔。而又折給四十一斤有奇。飭收回代額。嗣後官幫收回歷年未銷額引。仍飭西商代銷。以免懸宕。其自代官幫縣澳均免

其折合運播如有澳幫臨奏不及或實在無力
辦運及官幫缺銷課欠款懸令西商代完銷者
一體邀免除縣澳各幫仍照原額勻代外各縣
代額鹽數按照現在情形酌量改撥○道光四
年奏准臺灣府勻銷內地南靖長泰二縣引鹽
○又復准閩商積欠銀兩酌分年限帶徵○十
二年奏准閩商欠完六八帶徵課款分限完繳
○咸豐元年

諭閩鹽東西兩路倒退運額前經劉韻珂奏請改為委
員官運甫屆兩年何以又請將東路官領運本統交
販戶領運著新任總督李芝昌巡撫王懿德確查現
辦官運有無把握如將民捐運本交販戶承領試辦
有無流弊查明據實覆奏欽此遵

旨議奏官運幫銷日絀勢難加辦又無殷實商人可以
招舉惟有力節虛糜務歸實在並將代銷名目
永遠革除○同治四年奏准福建鹽務自本年
閏五月改行票運後約計每年徵收課耗銀
三十七萬九千六百餘兩即作為定額原定課
銀一兩
隨做耗銀一錢
每兩課銀一兩
隨做耗銀五錢
同治六年
所有經做
太減每課銀一兩
隨做耗銀四錢
督做接做各員考成統按額定之數分作十分

覈計全完議敘未完議處其奏銷月日以每年
五月二十一日截數後先行奏報十月題銷○
又

諭前因左宗棠奏閩省鹽綱疲壞請試行票運一年當
交戶部議奏嗣經該部以閩鹽改行票運全議更張
恐虧課病民咨令該督妥籌期於毫無窒礙茲據奏
稱自本年閏五月起試行票運甫及半年所收實解
之款已抵前次一年及一年半之數向之疲滯口岸
自試行新章以來漸有商販認辦各衙門一切陋規
所裁不下七八萬兩羣情翕然且釐隨課出皆取之
買票商販並未沿海散抽數月以來亦無私梟拒捕
之案從前縣澳官幫坐收課費以充私橐今則挈向
時官吏私搜之款涓滴歸公至閩鹽積欠數百萬兩
現雖專顧課釐而舊欠仍未嘗不按期催繳請仍飭
部將試改票運行止速行議覆等語覽其所奏於閩
省鹽綱之積弊及現辦票運之可行實為洞悉原委
總之鹽務為國課大宗亦為姦胥利藪惟在得人而
理斯能力挽頹綱票運之行雖不能保其必無流弊
償承辦之員均能潔己奉公不為私計自足以除從
前積重難返之弊而興為更始該督既稱商情既便

市價無增無加額之名。而有裕課之實。即著照所請。先行試辦一年。俟有成效。即行奏明。著為定章。以肅鹽政。而裕課餉。○七年奏准。閩鹽雜支各款。每年約需銀六萬餘兩。向在長價錢水府稅等項下動用。自改行票運。在額外贏餘款內支銷。初屆報收銀十

九萬八千餘兩。作為額外贏餘。不計考成。嗣後徵收多寡不定。如每年徵收有餘。除抵放雜支外。餘銀報部候撥。如徵收較少。或竟無贏餘。准在鹽耗鹽釐項下借支。每歲仍不得過二三萬兩。以示限制。○十二年奏准。臺灣府屬加徵課釐銀一萬八千五百兩。歸於正課。奏銷冊內另款開列。一併覈計分數考成。其舊額應徵正溢兩課銀一萬五千九百三十九兩零。內正課銀四千五百兩。二錢八分三釐。溢課銀一萬一千八百八十九兩五錢九分。

仍仍查照引章。年清年款。覈計考成。每年分造臺灣正溢兩課清冊。隨同奏銷報部。○又定省西路各幫。東路甯福幫。羅源幫。南路幫。縣澳。閩清水福二幫。連壺幫。平潭幫。仙游幫。漳浦縣。詔安縣。均加耗鹽三配。運每斤南安幫。海澄幫。永春幫。

德化大田二幫。龍巖幫。甯洋幫。漳平縣。龍溪縣。均加耗鹽二五配。運每斤安溪縣。雲霄廳。均加二

加耗鹽。福清縣。縣辦。利橋館。縣辦。高山。又場。辦。牛田。牛宅。城頭。三山。四館。縣辦。嶼頭。館。場。辦。後營館。長樂縣。莆田縣。涵江南門。北門。華亭。黃石。西墩。白沙。平海。青山。黃林。東浦。東珠。江口。後店。黃堡。各埠。平和縣。均加耗鹽一五配。運每斤南靖縣。

霞浦縣。晉江縣。同安縣。惠安縣。福鼎縣。長泰縣。均加耗鹽一十斤。以上每擔覈定一百斤。俱遵用部頒新法。○又定。臺灣府屬。洲南。洲北。賴東。三場。鹽斤。每擔一百斤。加耗鹽十二斤。瀨南。瀨北。兩場。每擔一百斤。加耗鹽二十四斤。俱遵用部頒新法。○又定。臺灣府暨府屬雲澳幫地方。由商認納課銀。不行鹽引。臺灣府。徵鹽課銀三千一百二十五兩。四錢有奇。歲餘銀六千八百七十四兩。五錢有奇。

雲澳幫。額課銀一千九百七十四兩。七錢有奇。歲餘銀三百八十九兩。二錢有奇。共徵鹽課等銀一萬三千九十九兩八錢有奇。○光緒十三年奏准。福建西路邵武等屬所行閩鹽。自光緒八年減釐金二成。續又量減二成。惟廣東潮鹽引地未減。擬請閩省將汀屬各埠鹽釐。援照邵武各埠一律覈減。即由潮埠按照閩省每年原包釐金之數。再減二成。代抽代繳。

欽定大清會典事例卷二百二十七

戶部

鹽法 廣東 廣西

廣東○廣東鹽行廣州府韶州府南雄府惠州府潮州府肇慶府高州府廉州府雷州府均以上均設瓊州府就憲從議連州嘉應州羅定州廣西桂林府柳州府慶遠府思恩府鎮安府平樂府泗城府梧州府鬱林州南甯府太平府潯州府江西南安府贛州府甯都州福建汀州府湖南桂陽州郴州貴州之古州雲南廣南府開化府

以兩廣總督總理以廣東都轉鹽運使司運使

專理駐紮廣轄鹽場二十有一。淡水場在歸善招

收場在潮陽隆井場在惠來東界場在饒平石橋場在陸豐電茂場在電白歸靖場在新安東莞場在莞

在新安海姓場在新安雙恩場在陽江石東西場在合浦乾隆十八年西場分設委

香山場在香山乾隆茂暉場在吳川大洲場在歸善碧甲柵在歸善敬白場在歸善海甲柵在歸善小靖

場內五廠在陸豐小靖場外三廠在陸豐博茂場在陸豐惠來柵在惠來河西柵在潮陽海山隆澳場在饒平

小江場在澄海舊有鹽埠此驗所大使康熙六年裁併為一高廉均隸於惠潮江贛分司運同駐紮潮以光緒十七年奏銷冊計之共銷鹽九十四萬六百三十引課入銀六十三萬九千三百四十兩有奇鹽羨等銀九萬兩有奇謹案五年共行鹽八十一萬四千五百十引內廣西省分銷十六萬二千六百四十一引有奇每引行鹽二百三十五斤至三百二十斤不等課銀六兩四錢有奇。順治十一年題准兩廣正鹽五十四萬四千五百四十二引分行廣東四萬一千八百八引廣西萬八千引除廣西徵解

課銀外各路徵課銀不等分銷廣肇惠三路為每引課銀一兩一錢三釐連認二路八十六引三十引每引課銀一兩二錢三釐南雄路萬八千引每引除廣西徵收軍餉外廣東止徵加餉引日紙價銀六錢三釐懷集縣。十四年題准增六百引在廣西徵收課銀。○龍川縣一百十有二引照惠州路額徵課。○康熙三年題准吉安改行淮鹽減南雄路萬四千三百有一引零並除課銀。○六年題准湖南省衡州永州寶慶三府改行淮鹽減梧州路四千五百九引並除課銀。○十年題准增番禺縣百二十引照廣州路額徵課。○十二年題准減連

州路五千四百九引零。並除課銀。○十五年題准。每引加課銀五分。○十七年題准。每引行鹽十四包。每包百五十斤。每引加鹽二百六十二斤八兩。徵加斤銀每引一兩五分。○二十年題准。計丁加廣韶等路三千二百二十四引零。照額徵課。○二十一年題准。增茂名縣百五十四引。招商辦課。○又題准。兩廣每引增徵引餉銀九錢四分五釐。○二十三年覆准。封川等五埠改行生鹽。增課銀八百八十八兩四錢有奇。○二十四年覆准。徵墾復寬田銀二千二兩四錢有奇。○又覆准。停徵每引所加課銀五分。○二十六年覆准。番禺縣熟引改行生引。加課銀三百四十六兩四錢有奇。○二十七年題准。花縣改行生引。加課銀一百三十八兩一錢有奇。○三十年題准。加潮州廣濟橋課銀萬七千五百兩。海陽等七州縣菜鹽課銀二千五百兩。○三十一年題准。廣東省鹽課一引改為十引。照兩淮之例。給發萬引。其連州樂昌仁化三埠。增行千引。加課銀五千六十一兩八錢。○又諭。廣東寬丁寬地等項。原額外加增銀萬四千二百四

十六兩零。此項加增銀。自今年起。著免一半。○又覆准。沿海各處網魚。別立漁引。共增八千七百引。歸善陽江二埠。增漁引千八百五十。○又覆准。江西省贛州府屬。向食廣鹽。飭就近改食潮鹽。○又題准。潮州廣濟橋並海陽等七州縣。按餉勻配十有四萬二千六百二十引。○又題准。高雷廉三府。配八千一百八十三引。○又覆准。連山等九埠。加三千二十引。照原額徵收。嗣後每引加派。一概禁止。○又題准。廣東省認埠行鹽三年一換。今定大埠招商二名。小埠一名。公平貿易者。令永遠承充。不許私相頂替。○又覆准。廣東省行鹽。生熟二引。各聽民便行銷。毋得照舊生熟三七硬派。致商難於運銷。○又題准。廣東省鹽包。省城盤掣之後。三十里至佛山。停其泊船。○又題准。海潮揭等七縣菜鹽。每引加鹽七十斤。增行四千五十一引。○三十五年題准。廣東省各埠。每引加鹽七十斤。共配十有二萬七千三百八十三引零。○三十六年覆准。江西省南贛二府引課。皆照兩淮例徵收。每引加鹽七十斤。亦一例配引完課。○又覆准。淡水等四

場。加增課銀三十兩。○三十七年題准。設永安縣鹽埠。行鹽百二十引。○四十年題准。設饒平縣海山隆澳場。徵餉銀二百兩。又設漁引三百。徵餉銀四十五兩。○四十一年覆准。兩廣鹽壑積。令通融配銷。○四十六年題准。海晏姓第二場新墾竈丁。徵復課銀五兩四錢六分。照例加增課銀三兩一錢八分。○又題准。海山隆澳場增三百引。每引加課銀七分。○四十七年覆准。順德等各埠漁引配鹽。增五千七百十有二引。○四十八年覆准。連州。昌樂。及湖南衡。郴等八州縣行引額數。作為十分。量地均分。連樂二處。各行銷十分之三。郴州等處。行銷十分之七。○又覆准。將平遠等五縣十萬餘引內。勻銷於龍川等三縣三千八十引。其贛屬十二縣。勻銷二萬五千二百引。至贛屬十二縣內。信豐。龍南。定南。三縣。原食潮鹽。就近改食惠州府場鹽。○又覆准。福建省長汀縣三萬一千八百餘引內。撥出萬六百十有八引。勻於甯化縣行銷。廣西靈川等三縣內。撥出三千四百三十五引。勻於全州等三州縣酌量勻銷。○又覆准。將廣西富賀

二縣額引。於平樂。永安。修仁。荔浦。恭城。昭平。六州縣代銷四千六百二十六引。其宣化等三州縣代銷二千九百四十引。於百色地方。設立一埠銷售。○又覆准。潮州埠二十一萬四千四十六引。共徵銀五萬一千六百六十六兩。今按引均分。每引徵銀二錢四分五釐有奇。○五十四年覆准。江西省贛埠銷引。舊由省運。後改運潮鹽。今仍循舊例。復由省運。○五十六年題准。動帑銀六萬兩。收買竈鹽。○五十七年題准。撤回兩廣巡鹽御史。鹽課事務。令巡撫管理。○雍正元年覆准。裁去廣東省場商。令總督發帑六萬兩。委官監收。責埠商運鹽納課。其有課餉難完。無人充商之地。著落地方官領鹽運銷。如引多壅積。聽各地方官通融銷售。其發帑收鹽散給竈丁等項。每包量行加增。以卹貧民。至賣於埠商。每包量增一二三分。除加給竈丁外。每年所得羨餘七萬兩。俟歲終造冊具題。商人轉賣民間。仍照定價。不許增長。○二年覆准。廣東省發帑收鹽。所給竈價水脚銀。照從前所定數目。每十分之內。加增一分。於羨餘銀內給發。歲終造

冊題報。○又覆准。福建省汀州引課。通歸長汀等八縣協辦。通融銷售。專責知府彙總。照例考成。○三年覆准。廣東省香山縣稅田。近海低陷。鹹潮。改為鹽場。輸課起科。○四年覆准。廣東省海豐縣小堰塌一口。海潮衝湧。浮沙填塞。改築池漏。照例升課。仍納田稅。○五年覆准。福建省汀屬引鹽。照前委官辦理之法。發帑融銷。其運鹽委官。遴選賢員。將姓名報部。仍令各該府縣協同辦理。○八年題准。廣東省商人。於奏銷時。或有未完分數。照州縣帶徵未完地丁錢糧之例。以參後扣限一年通完。僅年限已滿。仍有拖欠。照例治罪。○九年題准。廣東省子鹽一項。原在正鹽之外。遇正鹽遲缺之時。即將所存子鹽。約配商引。及時趨運。以濟民食。○十年題准。廣東運使交盤。於定限兩月外。展限三月。造冊具題。○又覆准。廣東省惠州。淡石二場。專歸大使督守管理。每年節省銀。即以散給通省曬丁。每包加給電價一分五釐。再收鹽正課。酌定成規。秋冬乾燥。每包准收一百六十三斤。生鹽以三斤作油耗。熟鹽以四斤作油耗。春夏熱溼。每包

准作一百六十五斤。生鹽以四斤作油耗。熟鹽以五斤作油耗。潮州小江一場。生鹽亦照熟鹽例折耗。淡石二場。海運沈失。係商人賠補。今既歸官。如有沈失。即撥子鹽補足。○十一年題准。廣東省各商。設立坐標。私收漁戶幫餉。又設立館舍。凡遇擔賣鹽魚等物。勒令納稅。別立行標。苦累貧民。勒石永禁。○又覆准。動支羨餘銀四萬兩。收買電戶餘鹽。○十二年題准。廣東省各場。加價收買生熟餘鹽。所出羨餘。統歸正鹽場羨冊內造報。○又覆准。江西省安遠縣。改食惠鹽。○又覆准。兩廣各商。領運正額之外。餘鹽於該商領程之日。即行知該州縣官查點上倉。其賣出價銀。州縣不時稽察。照依定限。押令將應納價羨。赴道完納。○乾隆元年覆准。廣東省電價。每包加給四分。以資電丁養贍。○二年覆准。廣東省各州縣場。加增課銀八千六百餘兩。自元年為始。一概豁除。○三年覆准。將靖康場歸併歸德場。更名歸靖場。香山場增設大使一員。高州府屬電白茂名二縣之茂名博茂二場。增設大使一員。更名電茂場。○四年覆准。從前原

發帑銀十萬兩。不足以供收買。再於羨餘銀內動支十萬兩。以為收鹽之用。○又題准。廣東省存積鹽包。幾及二十萬包。折耗堪虞。各商於應銷引鹽。及正額餘鹽之外。又能領銷額外餘鹽者。其應納羨銀。准其八折交收。以疏壅積。○七年覆准。裁汰高廉運判。各項事宜。歸高廉二府兼理。○九年議准。廣東省鹽場。遇災傷漂失之鹽。應查勘明確。分別應賠應豁。明立章程。如係圍墾低塌。涵口損壞。不上緊修葺堅固。或天堆露囤。茅扇倉廩。並未苫蓋謹密。該管場大使漫無稽察。遇風潮災異。漂失之鹽。著落場員寬贖。三七分賠。限三年完補。若圍墾堅固。苫蓋謹密。實因異常天災。猝起一時。非人力所能抵禦。防護者。委勘確實。取具地方官印結。題請豁免。○又覆准。廣東省各場產鹽日多。必須帑本寬裕。再於積存場羨銀內。撥給十三萬兩。○又覆准。正餘鹽每小包五十斤。准其照舊加一二貼贈。以為折耗。○十二年覆准。廣東省商力困乏。將八折餘鹽。再減一成。以七折交官。○十四年覆准。廣東省難銷引目。改撥易銷之埠代銷。

即照易銷之埠課則完納。按年造冊報部。改撥不得私自融銷。○十五年題准。潮橋帑本不敷。於餘鹽羨銀內。增給銀萬五千兩。以為收買餘鹽之用。○十九年覆准。廣東省歲需滇銅。滇省歲需粵鹽。請銅鹽互易。滇粵兩省按年輪直。免致各委員齎價之煩。○二十三年覆准。廣東省各項餘鹽。改設額引十七萬六千六百九十五道。併入現行額引之內。又給餘引五萬道。以備接濟。儘收儘報。○又覆准。廣東省收買竈鹽。鹽斤旺產之年。仍照定價。生鹽每包一錢四分至二錢四分不等。熟鹽每包二錢二分至三錢八分不等。收買。儻遇歉收。即按場竈情形。生鹽每包加價二分至五分不等。熟鹽每包加價四分至八分不等。○三十五年議准。廣東省鹽斤。原定額引六十萬五千八十三道零。每年額收鹽一百四十一萬包有奇。今陸續加增額引至八十一萬四千五百一十道零。配鹽一百三十餘萬包。此外尚有餘引五六萬道。增引既多。需鹽自廣。應酌增鹽十一萬包。與原定額鹽一併考覈。○三十八年奏准。廣東省海康遂溪徐聞三

縣場務埠務。統歸商人管理。○四十一年議准。廣東省正餘引課。竈課。於次年十二月奏銷。○四十二年覆准。例食粵鹽之宜章等處。總埠子埠。如遇雨水缺產。量增價值。一俟天氣清明。仍照原定價值。○四十九年奏准。兩廣鹽務設立總商。督催餉課。今因總商有倡議收捐津貼之事。將該處向設總商名目。一併革除。以杜勒索之弊。○五十年議准。兩廣省配引鹽。將東匯關改委廣州府通判就近兼理配兌。其東匯關批驗所大使。移紮省城之西關廠。專司驗放。○五十一年議准。廣東省太平關。每年額徵鹽包稅銀一千二百二十九兩八錢九分九釐。遇閏應加增銀一百二兩四錢九分一釐五毫。歸入運司報撥充餉。○五十四年議准。廣東省河各鹽埠。併為一局。公舉老成諳練者十人。定為局商。總司其事。統以省城河南金家二倉為公局。此外分設子櫃六處。西江在於梧州。北江在於韶州。中江在於三水。東江在於小淡水場。廉州在於平唐江口。高州在於梅萊鎮。每處由局商慎選妥人分管經理。場鹽統責局商按照定額。參

以銷售難易地方。運配各櫃。報明總督衙門。掣驗。開江所有原設埠地。一律召募運商。聽其各照地段。分赴公局。及各櫃領鹽運銷。每年所獲鹽利。儘數彙歸公局。為完課運鹽之用。獲有餘利。即按原出資本之家。均勻分給。仍令各櫃將賣獲之銀。每一月一解公局。由公局截出應完款項。每一季一解運庫。年終照例奏銷。如有短欠。惟局商是問。○又議准。廣東省運商領運各櫃鹽包。均令現銀買運。並詢明籍貫鹽數。行銷地面。切實填註運司所給三聯印票之內。仍蓋某櫃圖記。如船有鹽包而無聯票者。即以私鹽治罪。某處銷鹽若干。局商自報運司存記。仍將銷過鹽票。於下月買運時繳回。俟至奏期。局商將本年繳銷聯票。彙解運司。數對局商月報。是否相符。親赴公局。將存銀存鹽盤查結報。儻有欺隱。將該商詳革治罪。並將運商認銷分數。於年終覈計。以定各地方官督銷考成。○又議准。廣東省河各櫃地段之內。難為定額者。局商與運商量地制宜。易銷之埠。即多批若干引。難銷之埠。即少批若干引。總期通盤會覈。銷足引額。

所有從前臨時酌量難易代銷之例停止。○又議准。廣東省河原發帑本銀三十萬七千餘兩。於完繳內。先行劃出歸款。解存藩庫。永不動用。○又議准。局商於領程赴運時。先期報明運司。給予批文。填註某船若干隻。赴某場配運。照定額應配鹽若干斤。到場將批投驗。該場員即眼同商丁。查明場內共堆存鹽若干。場丁現交鹽若干。毋許攙和短少。覈算包斤。照定價應銀若干。三面彈兌。按名散給場丁分領。○又議准。廣東省收收之白石東西及茂暉三場。年額量為數減。其丹兜東莞香山歸靖四場。即行裁撤。所有量減裁撤鹽額。攤入旺產場分運配督收。通共裁減各場額鹽二十萬八千九百四包。在於旺產之電茂場。加增鹽十三萬二千包。博茂場加增鹽六萬六千九百四包。雙恩場加增鹽一萬包。以符原定額數。○又議准。廣東省各場多餘鹽斤。責成局商收買。准其運赴河南公倉。另款收存。以備陰雨年分缺乏之需。並於年終造冊報部。如公倉存鹽較多。各櫃旺銷年分。能將正改引目。及加增各項餘鹽積引。一概銷完無

欠尚有餘力。即准其由公局報明運司。儘公倉積存之半。撥給運銷。每包照各項溢鹽成例。數出羨銀報撥充餉。毋庸作為年額定款。○又議准。省河鹽額。仿照淮鹽成法。每包加鹽二十斤。以二分歸局商。一分歸運商。均勻配給。所有船戶水脚。由局商照民價給發。其船戶准帶溢鹽之處。永行停止。○嘉慶十五年

諭。粵東鹽斤加價。原為該省捕盜之需。今海洋寧謐。所有有加價銀兩。即著停止。惟東西兩江鹽場。濱臨大洋。由海配載。較之陸路便捷省費。且全洋寧靜。與上年

情形不同。應准海陸兼運。如陸運不便。仍由海運。○

海桂場	原收鹽三千包。分恩開等埠配運。又
九千一百五十八包。	今運商按通網各埠勻銷。
又二萬四千包。	撥歸雙恩電茂博茂等三場入額督收。撥歸細數列後。
三萬二千六百一十七包。	又新增海淡水場。
一十二萬六千二百一十七包。	大洲場兼管大洲柵。
一十四萬六千七百一十七包。	碧甲柵。
七十四萬四千包。	石橋場。
六包七十六斤。	小靖場兼管內五廠。
甲柵。	收鹽五萬五千五百包。
五小靖場兼管外三廠。	收鹽五萬八千五百包。

收鹽一十五萬二千六百包。又新增博茂場。收鹽九萬六千一百五十六包。又新增海茂暉場。收鹽六千一百一十三包。	一萬六千六百包。白石分管東場。收鹽二萬一千四百包。	石分管西場。收鹽一萬七千九百包。招收場。收鹽八千三百包。	七百九十三包。河西柵。收鹽九萬三千五百包。隆井場。收鹽三萬包。	惠來柵。收鹽二萬九千包。東界場。收鹽八萬一千包。	海山隆澳場。收鹽四萬三千包。小江場。收鹽二萬包。	各按場柵額鹽包數煎辦。○二十三年覆准。兩廣各準鹽斤。按包覈計成本。定價售賣。每包額鹽一百五十斤。省河價銀。歸善準。每包一兩九錢二分六釐。	八毫。海豐準。每包一兩一錢八分。陸豐準。每包一兩一分。	八分。連平準。每包二兩六錢一分。	六毫。長甯準。每包二兩五錢八分。	二兩七錢五分。和平準。每包二兩七錢八分。	每包二兩四錢五分。河源準。每包二兩四錢五分。	每包二兩三錢九分。信豐準。每包二兩三錢九分。	安遠準。每包二兩七錢七分。	龍南準。每包二兩七錢七分。	茂明準。每包二兩八錢一分。	吳川準。每包二兩八錢一分。	化州準。每包一兩七錢六分。	電白準。每包一兩七錢六分。	海康準。每包一兩七錢六分。	遂寧準。每包一兩七錢六分。
---	---------------------------	------------------------------	---------------------------------	--------------------------	--------------------------	--	-----------------------------	------------------	------------------	----------------------	------------------------	------------------------	---------------	---------------	---------------	---------------	---------------	---------------	---------------	---------------

溪準。每包一兩八錢九分。徐聞準。每包一兩八錢九分。	宜準。每包一兩八錢九分。北流準。每包一兩八錢九分。	陸川準。每包一兩八錢九分。臨桂準。每包一兩八錢九分。	靈川準。每包一兩八錢九分。興安準。每包一兩八錢九分。	陽朔準。每包一兩八錢九分。永甯準。每包一兩八錢九分。	永福準。每包一兩八錢九分。義甯準。每包一兩八錢九分。	全州準。每包一兩八錢九分。灌陽準。每包一兩八錢九分。	平樂準。每包一兩八錢九分。恭城準。每包一兩八錢九分。	永安州準。每包一兩八錢九分。荔浦準。每包一兩八錢九分。	昭平準。每包一兩八錢九分。蒼梧準。每包一兩八錢九分。	藤縣準。每包一兩八錢九分。容縣準。每包一兩八錢九分。	岑溪準。每包一兩八錢九分。桂平準。每包一兩八錢九分。	平南準。每包一兩八錢九分。貴縣準。每包一兩八錢九分。	武宣準。每包一兩八錢九分。左州準。每包一兩八錢九分。	柳城準。每包一兩八錢九分。羅城準。每包一兩八錢九分。	融縣準。每包一兩八錢九分。象州準。每包一兩八錢九分。	懷遠準。每包一兩八錢九分。龍勝準。每包一兩八錢九分。	來賓準。每包一兩八錢九分。宜山準。每包一兩八錢九分。
---------------------------	---------------------------	----------------------------	----------------------------	----------------------------	----------------------------	----------------------------	----------------------------	-----------------------------	----------------------------	----------------------------	----------------------------	----------------------------	----------------------------	----------------------------	----------------------------	----------------------------	----------------------------

銷粵鹽。應於埠商運鹽齊抵百色後。限半箇月
秤交。又自該府縣接收完竣之日為始。限三箇
月趕運至本管地方。各將運完日期具報。扣限
一年銷竣。接扣四箇月造冊報銷。倘有逾違。將
承督各官查參。照例分別議處。至陸運時。或因
雨水煙瘴。牛馬難行。應須稍展限期。令該府縣
隨時結報。於報銷案內聲敘如有捏飾。亦即據
實參處。○又覆准。雲南省歲需粵鹽。粵省歲需
滇銅。其滇銅由滇省按年委員運至剎隘。交廣
南府設店收儲。先期咨會粵省。委員赴剎隘接
運回粵。至滇省廣南寶甯二府縣。應需粵鹽一
百四十二萬六千七百六斤。交百色埠商按年
帶運。運辦等銀准
照向例支給。自粵開配。運司將鹽樣印封
檄發百色同知查驗監交。如有提雜及成色不
足。責令該省賠補。限尾幫到後半月內交滇員收清。如滇員未到。
即起鹽另備。令該同知驗收加封。移催滇員赴
百色秤收。俟交清由該同知備文給商回繳。仍
責令該商將每年應運滇鹽準鹽。各清各款。毋
許遲誤。如有風水阻滯。呈明地方官結報扣算。
倘無故逾限。及通同地方官捏報。查明究辦。○

咸豐七年奏准。廣東省河各埠引課。應照趨限
於上年九月奏銷。惟引地多與江西。廣西等省
毗連。連年被擾。配運較少。所有省河各商應完
咸豐四年課餉。及帶徵銀兩。均展限八箇月。於
本年五月底奏銷。嗣後仍逐年提早一月。以復
原限。○同治二年奏准。粵省鹽務。向歸總商六
人綜理。認餉納課。責無旁貸。其各埠商販。悉由
總商招徠。雖無行票之名。隱寓行票之法。道光
二十九年以前。正課從無短絀。自軍興後。各埠
糜爛。私販充斥。以致釐網日敝。但使嚴緝梟匪。
官引自可暢銷。若令改引用票。恐零星小販。散
漫難稽。一切帶本息銀。轉致無人專任。於公項
殊多窒礙。○十二年定。廣東省額徵子鹽京羨
銀一萬四千八百六十兩有奇。又場羨銀魚酒
稅銀。歲無定額。以上三款。按年題銷。○又定。雲
南省買運粵鹽羨餘銀。子鹽溢羨銀。缺鹽追價
銀。低色鹽羨銀。工火羨銀。節省蒲包羨銀。秤頭
鹽羨銀。平頭銀。公費銀。場腳銀。雜項銀。歲無定
額。以上各款。按年咨銷。○光緒十二年奏准。潮
橋運同一缺。其引地行銷於廣東之潮州。嘉應

福建之汀州者為大河行銷於江西之贛州甯都者為小河大河官代商辦小河商仍準舊地聯三省路隔千數百里額引八百二十一程場課餉項一十三萬有奇自咸豐同治年間各省匪擾埠商倒歇每年奏銷約在七成以上至光緒年間該運同不請綜覈又多耗累經奏奉勒限後僅將六年分奏銷正餉解足疲累日深即將各任參追無益於課現令潮州府知府兼署運同將以前滯引設法疏銷免致課餉愈久愈誤。

廣西○廣西行銷廣東鹽引以廣西桂平梧鹽道專理除引課銀歸入廣東鹽課奏銷外又於廣西各廠納稅以光緒十七年奏銷冊計之共應入課稅銀四萬七千五百十四兩有奇。五年共入四萬七千六百十四兩有奇。分廠餘銀四千二百十有三兩三錢各有奇。順治十一年題准廣西省分銷廣東鹽至梧州府盤驗繳引換給印票押運行鹽除在廣東納課外廣西每引納軍餉銀九錢盤割五項銀三錢七分八釐五毫有奇又按包押稅經過桂林廠者徵稅銀一錢五分引餉銀七分五釐過平

樂廠者徵稅銀三錢過浮州廠者徵稅銀三分過南甯廠者徵稅銀三錢又富賀二縣照包抽稅每引銀一兩一錢六分二釐懷集縣每引徵軍餉引日等銀一兩一錢三釐○康熙三年題准減梧州引額並除餉稅○九年題准改富賀二縣五百八十八引於太平思恩二府並馬平縣行銷○十一年題准凡廠稅改隸蒼梧驛鹽道經徵○二十一年題准廣西南太柳思四府屬代銷富賀二縣東引歸西商辦運加西餉三千六百二十一兩有奇○又題准富賀二縣所銷東引亦歸西商辦運共加西餉五千四百三十二兩有奇○三十二年題准南太思三府鬱林等七州縣改食廉高二府鹽○又覆准廣西省原額大引及富賀代銷引照兩淮例一引改為十引共計行小引五萬九千六百一十○又奉

旨廣西地瘠民貧鹽課著停其加增○雍正元年定廣西鹽務令官運官銷先動庫銀六萬兩令廣西鹽道委官赴領按引買鹽運至廣西分給各州縣照部定價值行銷將鹽價收儲道庫扣存應

納西稅銀。其東餉委官解東。交鹽道儲庫。令該督將動借藩庫銀六萬兩。照數歸還。此外通計所得餘銀。二年可得九萬三千三百餘兩。內扣存六萬兩。永為每年鹽本。至第三年。照部價每鹽一斤減銀二釐。該督於歲終。將官運銷鹽數目。分析造冊報部。○五年覆准。將廣西雍正四年未拆鹽包。並嗣後額鹽。仍照原定部價一例銷售。○十年題准。廣西省秤頭餘鹽一項。積有萬六千餘兩。即將此項銀於廣東省買鹽二萬四千包。運至梧州上倉存儲。以備西省乏鹽之時。配發行銷。俟引鹽運到。即抵還存儲。○十一年題准。廣西省懷集一埠引鹽。自本年始。歸官辦理。一應行鹽事宜。皆照廣西官運之例辦理。○十二年題准。將廣西省羨餘銀內。以二萬三千兩為臨桂等處官單收買餘鹽之本。○乾隆元年

諭。向來廣西鹽引。因商人無力承辦。以致民間有淡食之苦。於雍正元年。經督臣題請。官運官銷。借動庫銀為鹽本。赴廣東納價配鹽。分給各州縣。照部定價值發賣。行至二年。已有贏餘。遂將通省鹽價。照部定之

數。每斤減去二釐發賣。百姓稱便。雍正五年。又經該督奏稱。廣西鹽自官運官銷以來。已無鹽缺價重之虞。應請仍照原定部價銷售。不必裁減二釐。部議准行。至今因之。朕思食鹽乃小民日用之需。部價既多二釐。則民間所需。必不止於二釐。廣西地瘠民貧。道路遙遠。應令鹽價平減。以惠閭閻。自乾隆元年為始。著照雍正元年原題。每斤減去二釐銷售。該督撫可嚴飭各州縣。不許加增分毫。務使小民均霑實惠。儻有高價病民者。查出嚴行叅處。○二年覆准。懷集一埠。歸商承辦。留原帑本六千兩。歸還原項充餉。

○三年題准。廣西省平樂等二十八州縣。單招商行鹽辦課。原存帑本六萬兩。應收回帑本二萬五千七百兩。存銀三萬四千三百兩。永為臨桂等官單鹽本之用。又原存帑本二萬三千兩。收買餘鹽。內歸還銀九千兩。存銀萬四千兩。○四年覆准。廣西省灘高水急。輓運需時。一遇鹽未到埠。小民不免淡食。將梧州存備鹽二萬四千包酌量分儲。桂林府豫儲七千包。柳州四千包。慶遠三千包。所儲鹽包。交與各府運回經管。尚存鹽萬包。仍儲梧州城以資接濟。○十八年

覆准。粵西續增秤鹽。年額萬二千餘包。自十二年至今。共積存四萬四千餘包。即酌撥於易銷州縣行銷。非數年可以清理。且每年正引之外。尚有正額餘鹽。額外餘鹽。並有本等應銷秤鹽。又額外餘鹽一項。許其八折交價。州縣多樂於領運。其於續增秤鹽。多不赴領。若派令分銷。必多推諉延挨。應照額外餘鹽配定交價之法。量減一成。准其九折起解。○二十三年覆准。廣西省行銷廣東餘鹽。改設額引四萬八千四百三十道。免徵稅銀。○二十四年覆准。廣西省南甯太平思鎮安慶遠等府土民。係土司管轄。每年分撥土司鹽斤。責令該知府轉發土司運銷。徵納鹽價。照各府首邑每斤減去銀四五六釐不等。賣給土民。不得於年額四千三百九十四包之外。多領餘鹽。○三十二年覆准。廣西省臨桂等三十八埠。官運準鹽。改招商辦。所有官辦羨銀三萬六千二百餘兩。數計增銷引三萬二千七百三十二道。交商行運。○四十一年議准。廣西省鹽稅。於次年十二月奏銷。○同治十年奏准。廣西省應徵西稅秤頭鹽羨等款。由廣西

巡撫委員在梧州府河面設廠。按包每包鹽二百二十斤徵收。銀二錢七分五釐。釐公費銀三分。所徵數目。即由廣西巡撫專案奏報。其廣東應徵子鹽京羨等款。仍由兩廣總督造入省河奏銷。按年題報。○十二年議准。廣西省行銷廣東額引六萬五千六百一十道。在廣東按引納課。運鹽至廣西。仍按引納稅。內五萬九千六百一十道。每引徵稅銀七錢八分五釐九毫有奇。又六千道。每引徵稅銀一錢一分三毫有奇。共徵銀四萬七千五百一十四兩有奇。其餘鹽改引四萬八千四百一十三道。免徵稅銀。○又定。廣西省額徵船頭銀一百四兩。運銷土司餘鹽羨餘節省等銀三千五百一十二兩有奇。以上二款。按平起秤。秤頭鹽羨銀二萬七千一百六十三兩有奇。此款按年計銷。

欽定大清會典事例卷二百二十八

戶部

鹽法 四川

四川○四川鹽行成都府茂州甯遠府保甯府
敘州府敘永廳重慶府酉陽州忠州順慶府夔
州府龍安府綏定府潼川府眉州嘉定府邛州
瀘州雅州府資州綿州湖北宜昌府鶴峯州長
樂縣施南府雲南東川府昭通府及曲靖府屬
霑益州南甯平彝二縣以四川總督總理驛鹽
道專理順治年間四川布政使司照部引式刊
票中送巡撫挂號即發鹽法道轉行各

局鑄印支鹽按鹽徵稅康熙二十五年平令寶泉
局鑄印支鹽按鹽徵稅康熙二十五年平令寶泉
雍正五年設驛鹽道轄鹽井八千六百八十有八簡州五
百三十有三井樂山縣二百五十七井榮昌縣
十有四井犍為縣千一百二十井大足縣三井
榮縣三十有三井合州一井威遠縣二井涪州
二井三臺縣二百七十有六井銅梁縣一井射
洪縣三千井忠州三十有四井鹽亭縣百九十
有六井蓬溪縣千二百六十一井閬中縣十井
遂甯縣十有九井南充縣三十六井中江縣百
三十有五井南部縣四百三十有六井樂至縣

百八十有六井西充縣六十井安岳縣三井
州三井江安縣一井大竹縣一井綿州百五十
九井富順縣三百八十二井資州二百三十七
井井研縣百十有三井仁壽縣一井長甯縣一
井內江縣六井大甯縣二井資陽縣五井萬縣
四井太平縣三井雲陽縣百三十五井彭水縣
十有四井開縣三井鹽源縣二井均係各州縣
兼管以光緒十七年奏銷冊計之共銷鹽十六
萬八千四百零七引課入一十五萬一千六百
二十六兩有奇鹽羨等銀一十五萬五千兩有

奇課業嘉慶五年水行二萬八千八百二十三
引每引行鹽五十斤陸行十三萬二千二百八
十八引每引行鹽四十斤課入十有四萬八千
四百八十六兩八錢有奇餘引五千四百八
縣每年開濬鹽井則題額引因各州縣請引
不一題定每年採發餘引存儲巡撫衙門有請
增額引者即將所存餘引給發以作
額引應增課銀歸入額課項下報銷○順治八
年題准四川鹽票四千九百四十紙每票填鹽
水運五十包陸運四包每包稅銀六分八釐一
毫○十一年題准開濬鹽井照開墾例三年後
徵課○康熙六年題准建昌衛開井置電煎鹽
遇閏加課銀二十七兩二錢○六年至二十一
年題准增鹽票共二千二百八十有八均照額

徵課○二十三年議准新收鹽井鍋窰課銀二十三兩六錢遇閏加銀一兩二錢○二十四年議准增鹽井銀十有四萬二錢有奇○二十六年至四十九年議准四川增行鹽萬五千一百二十五引均照例徵課○四十九年題准增邊引八百每引徵稅銀四錢七分二釐○四十九年至五十四年題准增行鹽千四百十有一引均照例徵課○五十五年覆准鎮雄九姓兩土司向無額引令增陸引一百納稅行鹽○五十七年至六十一年題准增水陸千一百四十引均納稅行鹽○雍正元年覆准樂至潼川綿井研資嘉定等州縣增陸引三百有四每引徵銀二錢七分二釐四毫○又覆准潼川府增水引四十二每引徵稅銀三兩四錢五釐每引配鹽五十包每包重百斤外加耗鹽十有五斤○二年覆准井研射洪中江資陽等四縣增水引二百十有六陸引九十四○三年覆准豐玉新舊鹽井四十增水引四十○又覆准邛州增邊引千三百共徵稅銀六百十有三兩六錢永為定額○又覆准中江潼川井研樂至嘉定等州縣

增水引九陸引百有三○又覆准上豐玉增水引六十○四年覆准射洪增水引二百十有五○又覆准中江綿州潼川樂至射洪蓬溪井研資陽富順等九州縣增水引三百九十有一陸引百有八○又覆准資陽縣增水引十○又覆准犍為縣增水引七陸引二百二十七○六年覆准富順等州縣增水陸二千九百二十六引○七年至十三年共增水引二千八百九十四陸引四萬七千一百五十二○乾隆元年覆准四川建始縣改隸湖北民間食鹽照舊行銷川鹽以建始縣為經徵施南府為督催造冊奏銷○又元年至三年題增水引六百九十二陸引八千八百八十八○三年題准湖北改土歸流之鶴峯等七州縣應就近買食川鹽課額赴川省完納府州縣銷引督催考成皆歸川省考覈奏報○四年至十三年題增水引千七百四十九陸引萬八千八百六十五○十四年至二十年題增水引四千六十有二陸引八千三百二十有五○二十三年至二十五年題增水引一千八百九十四陸引二千七百八十五○又

題准南部閬中綿州西充仁壽井研內江威遠長甯榮昌等六州縣鹽井坍塌豁除水引六。陸引九百八十。二十六年至二十九年題增水引一千三百有九。陸引一萬三百四十七。又題准萬縣等十一縣鹽井坍塌豁除水引一百十八。陸引二千一百六十。三十年至三十三年題增水引一千二百十五。陸引二千四百六十九。又題准中江南部綿州榮昌隆昌內江井研等七州縣鹽井坍塌豁除水引十有一。陸引五百三十有五。三十四年至三十七年題增水引一千六百十二。陸引六千四十有一。又題准樂山犍為威遠忠州西充閬中遂甯中江仁壽等九州縣鹽井坍塌豁除水引十有三。陸引一千四百七十八。三十八年至四十年題增水引一千有二。陸引一千三百六十有九。又題准犍為南部閬中西充遂甯五縣鹽井坍塌豁除水引三千九百三十有三。四十年議准四川鹽引行銷貴州省之貴陽安順平越都勻思南石阡大定遵義雲南省之昭通等府州縣四川之酉陽石碚明正木坪瓦寺金川

阿日雜谷九姓司等各土司並黃螂雷皮等處該沿邊州縣於商運到日將部引截角挂驗另用鹽道印頒雙聯引根引紙照部引字號張數逐一填註於引根引紙中縫大書運鹽斤數將引紙給商轉運將引根同已經截角部引申送鹽道查覈繳部所給引紙由前途照例截驗放行免其繳銷。又議准四川鹽價隨時長落並無定價。又議准四川引課井課於次年四月奏銷。四十一年至四十七年題增水引二千三十有五。陸引三千三十有一。又題准南部閬中遂甯中江綿州富順鄆都彭水樂山九州縣鹽井坍塌豁除水引四百五十三。陸引一千五百九十一。四十三年議准四川省富順犍為三縣產鹽較旺配引之外不無餘鹽向有老少貧民易米養贍之例姦販因而零星收買積少成多私行販運在所不免應將餘鹽儘數報官填給照票交商帶銷繳息歸公將老少鹽之例概行停止仍飭該二縣查照舊時報驗註冊老少貧民共有若干名每名酌給銀二分於前項所收息銀內覈實支銷。五十一年至五十

三年題增水引二百有十。陸引三百十有五。○五十二年題准。提為西充三臺南部內江五縣。鹽井坍塌。豁除水引三百有六。陸引一千六百七十有四。○五十四年至五十九年題增水引四百六十。陸引三千五百七十有一。○又題准。三臺遂寧樂至閬中內江西充等六縣。鹽井坍塌。豁除水引三十有一。陸引三百四十有五。○六十年題增水引一百十四。陸引一千七百。○嘉慶元年。至四年題增水引六百八十有九。陸引四千。○又題准。西充縣鹽井坍塌。豁除陸引二百五十有五。○道光六年。奏定。以代銷改配。不宜濫許。至二三十年。嗣後。至遲。不得逾二三年。以滯引銷畢為率。○三十年。議准。川省鹽商。近多疲敝。每將引張。覓代商承認。應納稅羨。向交本商自完。以致私挪濫用。歷來積欠。職此之由。嗣後。該商等。如有覓人代運。應准其飭令地方官。責成代商。自行納課。儻再交給本商。控延稅羨。即責令代商賠繳。以昭公慎。○又奏准。經徵課稅。如地丁錢糧。例為之。剋期。限定分數。期以十月為上忙。以次年三月為下忙。分數則上

忙納六分。下忙全納。惟羨截許。以下忙納七分。年終全納。歲以四月。由總督奏銷。納不中程者。罪之如例。○又奏准。川省鹽法疲滯。積欠羨截。數至三十三萬有奇。外提潼兩商積欠。又幾二十萬。定期十二年。或本商。或他商。分年彌補。○又奏准。改代之法。所以救課便商。從前並無定期。近率以一二年。或二三年。於課於商。兩無所益。今查出實屬無鹽無商之引。定以二三年為期。屆期之先。一年再行查辦。或竟永遠改代。○又奏准。撥代行銷。有仍就本商認銷者。有計邊交相認代行銷者。有實因井衰岸滯。而責令永遠認代者。嗣後。殘引。一年不繳部者。以廢紙論。○又奏准。鹽務積弊。始分別釐定。花鹽顆末質。輕易耗。每包二百斤。巴鹽堅整。少耗。每包百六十斤。○又奏准。嗣後。發給引張。由道查明行銷口岸。蓋用墨戳。並將年月。模糊之引。填註明白。發交地方官。添註本商姓名。詢明何時。可以配銷完竣。即填註繳殘限期。轉給。庶影射。攬越之弊。不禁自除。○咸豐三年。議准。川鹽。沿鹽。接濟。湖北。借運粵鹽。以濟湖南。○又議准。四川總督

委員運赴巫山交楚。以濟民食。楚員接運一切脚費。亦不得濫行開銷。總之節費以輕本。減價以敵私。此次借運。無難源源接濟。以川粵之溢銷。借補准課之不足。應令兩湖兩廣四川各總督。嚴飭該屬認真查拏堵緝。務令私梟斂迹。不致別滋弊端。○又議准川粵鹽斤入楚。無論商民均許自行販鬻。不必由官借運。此次鹽斤既不在本省引地銷售。應令減半完交正課。其商支外款。不得絲毫攤派。以輕成本。○又

諭前因湖北省淮鹽阻滯。准其借銷川鹽。以資接

濟。茲據張亮基奏。川鹽轉運既易。成本亦輕。較之潞鹽更為便利。自係實在情形。著四川總督即飭鹽茶道借撥川鹽二千引。迅速解赴湖北。以濟急需。俟江路廓清。淮鹽通暢。仍照舊章辦理。○四年議准四川夔州府屬之巫山縣。與湖北宜昌府屬之巴東縣壤地相連。凡川私船隻順流而下。勢不能越巫山飛渡。今於此處扼要設卡。專駐道府大員。凡遇私販過卡。但按正引科則收取稅銀。即便給引放行。無論軍民均許自行販鬻。一稅之後。不許胥吏再有絲毫需索。違者以贓論。○又議

准川省原額共八千八百三十三井。按井眼錫口。各分上中下權稅。於井窰旺銷之處。酌加引張。除正課之外。不再加分毫。○又奏准加鹽稅斤增一釐。商人或慮沿為故事。請改稅為捐。一水引捐銀八兩。陸引以次減。鹽盛時。樂山。犍為。榮縣。富順。資州。井研。簡州。綿州。南部。三臺。射洪。蓬溪。中江。樂至。遂寧。鹽亭。商窰。號三分任納。其僻遠州縣。不與。凡捐銀三十一萬一千兩。○又奏准夔州府設關卡。專察濟楚私鹽。○七年議准湖北月銷水引九百道。分二百引歸官運。以道府一人駐川省。就月協楚餉三萬兩作運本。專運富順鹽。其七百引。仍聽商運。官商並行。○又覆准專撥富引。恐礙正額。酌撥各屬滯引。並兼配犍富二廠花鹽巴鹽。按照道光三十年定章。計捆巴鹽八千斤。花鹽一萬斤。富廠例徵正雜課銀九兩六錢。犍廠例徵正雜課銀六兩三錢。廠局每引抽釐銀八兩。其餘外支各款。不准攤入。○九年奏准道光三十年湖北軍興。積課不能完納。咸豐二年。濟楚鹽行八州縣。計岸大絀。課愈無出。嗣後停止墊納。並豁免積欠一萬

八千八百兩有奇。○十年奏准夔巫所權濟楚稅僅議無引之鹽而邊計行商亦有以引鹽濟楚者。率多改配代銷之鹽。請設局重慶府曰渝。釐凡樵富各廠濟楚引鹽。花鹽一包。權釐錢千二百五十。巴鹽一包。權六百五十。各餘鹽一包。權釐千五百。計引則五六斤。權銀一錢。歲率權銀二三十萬兩有奇。○十一年奏准巴鹽斤增一釐五毫。引權十九兩五錢。花鹽斤增一釐。引權二十五兩。○同治七年奏准四川鹽井近年獲利數倍。富順尤為最旺。抽收井釐已有成數。

他處鹽井仿照富順一律抽釐。○八年奏准江南現已戡定。自應規復准岸。令四川湖廣禁止川私。○又議准四川總督封禁井窰以節源。湖廣總督罷除局費以絕流。兩江總督煎鍊鹽色以敵私。整飭鹽岸以平價。○又覆准川淮兼銷。於荆州沙市設配銷局。淮鹽二成。川鹽八成。浙圖規復。○十年奏准配銷局以包論。配銷川鹽包三百餘斤。淮鹽包八十六斤。名為二八。淮鹽實不及一成。宜准七八。川二三。畫地分任。責在湖廣總督。如鄂慮餉絀。則以歲撥江南鹽釐還之。

鄂。○十一年奏准撤去沙市配銷局。就湖北九府一州分武昌漢陽黃州德安四府專銷淮鹽。以安陸襄陽鄖陽荊州宜昌荆門五府一州借銷川引。淮銷之地不許銷川。川銷之地仍兼銷淮。淮銷大暢。仍令收還湖南則岳州常德專行。淮以澧州近荆州仍暫行川。○光緒三年奏准川省官運商銷法。於瀘州居中置官運總局。於井窰所分置廠局。於各岸分置岸局。廠局就井窰雜鹽。授之岸局。岸局受而糶之商人。凡黔邊額引皆令鹽道移交總局。並清查以前各積引。以次代銷配運出納。皆究其權於總局。○又議准於總局置裕濟倉以平價置大盈庫以受各局之轉輸。於廠局外設押運委員以轉運於岸局。外設分卡以查驗。其引課稅釐皆銷納於成本中。商無私估。官無外取。引無留滯。課無責負。利歸公家。市無騰踊之患。○又議准於山東借銀三十萬。湖北借銀十萬。本省籌銀十萬。共五十萬兩作運本。先運黔岸。並帶行近邊飲水。永甯瀘州納谿合江江津綦江南川涪州。又江北巴縣及舊行邊引之酉陽秀山黔江彭水本省

各廳州縣以防侵越。○又議准以貴州徵權無藝請飭罷鹽釐各局卡由四川歲濟銀如其權數。○又奏准行官運法於富廠自流井榮廠貢井數實鍋口大小日出鹽幾何設為十戶一鹽牌五十戶一竈首百戶一鹽甲以備稽查。○又奏准改定花鹽包斤而減其權數富榮花鹽一引鹽萬一千斤權銀十八兩巴鹽如故提樂花鹽一引權銀十七兩五錢射洪廠遠不及前引止權銀七兩五錢五分五釐歲權銀三十餘萬兩。○四年奏准歲支官運局總辦以下各分局子卡委員薪水總辦月二百兩幫辦月一百兩四所及各廠岸分局正委員月五十兩副委員及各子卡並押運聽差各委員月三十兩各所卡司事月人十二兩或八兩經書月人八兩清書月人三兩稱手月人四兩健步巡丁工食並各局卡公費局繁者月百兩簡者五十兩或三十兩歲約十四萬兩不等遇閏照增於發商時由額引內一引攤徵銀五兩給用。○又奏准將軍副都統及道府以下陋規現已裁汰應代各州縣分墊公費銀十九萬五千四百五十六兩。

由總局平餘內扣撥。○五年

諭前因恩承奏川省官運局經竈民呈控多款請飭妥為區畫當諭丁寶楨確查具奏茲據該督奏稱自上年開辦官運後本年奏銷覈計邊計各額引已全數銷清復銷積引一萬餘張所收稅羨截釐及各雜款至一百餘萬兩商人從前一切無名使費悉予刪裁民皆食賤私梟潛蹤實屬商民皆便現經訪聞呈控各節係富廠一二竈捏詞聳聽意在阻撓其提射兩廠及富廠竈戶不下千餘家商人則黔邊近邊十三廳州縣計岸不下一二百家均無異詞等語川省從前鹽務積弊甚深亟應力圖整頓惟裕課仍須便民方可行之永久既據丁寶楨查明官運商銷實為有利無害成效昭然即著該督悉心經理慎始圖終毋以浮言而滋疑懼餘著照所議辦理。○又諭前因恩承奏遵查川省鹽務改辦官運商銷利少弊多與丁寶楨原奏不符當經諭令戶部酌覈具奏茲據奏稱川省自開辦官運後疊據該督奏報邊計額引全數銷完復銷滯引至一萬餘張所收稅羨截釐暨雜款至一百餘萬是該局之有益課

款似尚可憑。滇黔引岸久懸。現在開辦黔邊。甫著成效。未可遽行更改。其改包抽釐一節。統覈鹽價。每斤止在毫釐之間。不致遽妨民食。且該省現在辦法。雖屬官運。仍由商銷。該督摺內既有川鹽旺銷。商添設之語。自亦不致病商。再查該督前奏邊鹽增收銀兩。除本省支留外。尚能肆應有餘。即以抵捐撥款二十五萬餘兩言之。其贏餘之數。當不止八九萬。請仍飭該督妥籌辦理各等語。即著丁寶楨。懍遵前次諭旨。將官運商銷各事宜。悉心區畫。慎始圖終。封疆大吏。整頓地方公事。固不可動於浮言。亦不可操之過蹙。務令裕課恤商。便民均無窒礙。方為不負委任。其在事官員。尤宜隨時督率。毋令日久生懈。設有始勤終怠。或將來徵收漸絀。不能如前。撥款不能按期解足。及不恤商力不便民用等情。則咎有攸歸。必惟該督是問。並著按照戶部先後奏咨各案。迅將徵收雜款開支局用。領收運本及撥還借款數目限期。並新收舊管各款如何分別存局解道。及此次恩承原奏所稱不同情節。各歸各款。詳悉查明具奏。仍一面分造清冊。專案報部覈銷。不得稍涉含混。致滋口實。

又奏准歲支各鹽官籤驗費一萬兩有奇。歲支總督衙門撫兵房書吏承辦奏銷箱物三十六兩八錢四分。飯食錢三十千文。歲支安定五營防勇餉十四萬兩有奇。遇閏照增歲支沿江巡緝礮船九千六百兩有奇。遇閏照增歲支商人引底視銷引多寡約二萬兩有奇。或三萬兩之數。一水引給銀一兩。陸引以十二張半折給銀一兩。由官運成本扣出。年終令坐商按名領取。○又奏准歲備護本銀。為官運鹽船覆溺無力賠償。則撥此款為之補配。內分三分之一作公濟堂孤貧口糧。皆無定額。○六年奏准歲解雲南協餉六萬兩。抵捐二萬五千兩。共八萬五千兩。歲解貴州協餉十二萬六千兩。抵捐四萬兩。代徵稅釐十八萬兩。共三十四萬六千兩。○又奏准湖北八州縣計引積滯。請如黔滇邊岸例。併歸官運商銷。分置岸局於萬縣。置卡於大溪口。上洋平萬戶沱。置湖北萬戶沱委員。帶行巫山萬縣計引。仍統於瀘州總局。是年官運局歲入稅羨截釐正雜各數。凡百二十七萬六千六百有奇。於上網增行引三千四百餘道。○又奏准

川鹽行楚。當時原暫為通融。故於官不計考成。於商不報名姓。漸致邊計套搭混雜難稽。其間重照影射。重斤夾帶。百弊叢生。迄今久假不歸。川鹽之浸灌淮岸者。有增無減。若非停運川鹽。則淮銷終無起色。應飭四川總督。早為禁絕。○又奏准。禁川復淮。如鄂餉一時無著。則濟楚自未可即停。現擬將行楚引張。每月准驗配七八百引。以示限制。俟日後復淮一定。楚鹽既少。因聚淮岸。自可望暢銷。○七年議准。鑄造清漢文銅質關防一顆。文曰四川辦理滇黔邊計鹽務關防。○又奏准。官運鹽務。撥解北洋添購鐵甲輪船銀三十萬兩。○又奏准。舉道光以來遺失及商故無著水陸引凡三十一萬八千有奇。咨部註銷。有著邊計積引凡八十一萬有奇。仍令由官運局歲為代銷。○又奏准。富順縣自流井地方。鹽井甚多。水火並出。即以井內所出之火煎熬井中所汲鹹水。煉成花巴鹽斤。配引運銷。黔滇二省暨本省計岸。近年徵收釐稅。接濟各省軍餉。每歲率以百萬計。○八年議准。歲撥雲南邊防協餉銀二十萬兩。

欽定大清會典事例卷二百二十九

戶部

鹽法 雲南 貴州

雲南。○雲南鹽。行雲南府。大理府。臨安府。楚雄府。潯江府。景東廳。廣西州。曲靖府。順甯府。武定州。麗江府。元江州。普洱府。蒙化廳。永昌府。永北廳。鎮沅州。阿泗井。大使。彌沙井。大使。以雲貴總督總理雲南驛傳鹽法道專理。○駐紮雲南轄鹽井二十有五。黑鹽井。○大提舉。新井。○屬黑鹽白鹽井。○大提舉。沙酒井。○屬黑鹽。安豐井。○大提舉。麗江老姆井。○大提舉。琅鹽井。○大提舉。雲龍井。○大提舉。安甯井。○屬甯州。阿泗井。○大提舉。只舊草溪井。○屬阿泗。彌沙井。○大提舉。按版井。○屬大。抱母井。○屬大。景東井。○屬景東。猛野井。○屬他。郎磨黑井。○屬他。慢磨井。○屬木城井。○屬安樂井。○屬石。膏箐新井。○屬雲南。向不領引。由鹽道發給照票。每大票一百斤。共三十七萬一千一百四十一張。每小票五十斤。共十二萬五千二百九十張。以光緒十七年奏。等冊計之。課入銀二十六萬一千六百四十五兩有奇。○光緒十五年。共課入銀二十七萬三千四百四十七兩。二十

錢。歲餘銀十有一萬八千二百九十六兩二錢。○順治十七年題准。雲南不行部引。按井給票。徵收鹽課。○康熙元年題准。黑鹽井課銀九萬六千兩。琅鹽井九千六百兩。景東井三百二十兩。遇開加課。不除小建。白鹽井二萬八千五百六十兩。安甯井千九百八十兩。雲龍州五井四千七百六十三兩七錢。阿陋井二千九百二十三兩二錢。彌沙井四百兩。只舊草溪井二百六十二兩四錢六分。遇開加課。不除小建。○四年題准。黑鹽井加煎鹽課銀二萬四千七百五十兩。遇開加稅。○十年題准。只舊草溪井。歸併黑鹽井辦課。○十一年題准。減黑鹽井加煎鹽課。○三十四年覆准。黔省普安州等處改食川鹽。將雲南課扣除。○三十五年覆准。仍徵收黑鹽井加增鹽課。○三十八年題准。黑白等井。每年所用柴米役食六萬兩。豫於撥餉內動支。發各井煎鹽辦課。補還撥餉。○五十八年題准。雲南派煙戶銅弊。著勒石永革。○雍正元年覆准。雲南九井行鹽辦課。革去上下一應陋規。不許督撫鹽道等官赴井煎鹽。居積買賣。○又題准。近井之富民。祿豐羅次。祿勸元謀和曲。今六州縣改

食白鹽井沙澆。原銷黑鹽井鹽。統運昆明省店行銷。○二年覆准。黑鹽井產新井二眼。除發竈戶薪本役食器具銀萬兩。尚存銀萬七千兩。將白鹽井撥補黑鹽井課銀四千兩。雲龍井抵補課銀三千二十兩有奇。一併歸公。其黑鹽井缺課。於新井鹽課內撥補。以免互幫。○又覆准。祿豐等州縣改食白鹽井沙澆。定價一錢六分。姚州及大姚。定價遠廣通雲南四縣。仍食沙澆。每斤定價二分。其五州縣額鹽。分發於民多鹽少之楚雄府。蒙化。應趙州。太和縣。鄧川州行銷。昆陽州之三泊。改食安甯井鹽。阿陋舊額。撥開化府行銷。○又覆准。易門縣改食白鹽井多出之沙澆。照定價一兩六錢完解。其原籍阿陋井額鹽。撥開化府增銷。○三年覆准。琅安二井鹽價高昂。量為酌減。將麗江土井息銀二千二百餘兩。抵補。至琅安井額鹽不敷民食。令石屏州就近在威遠地方領銷。按版。抱母等井原銷之鹽。分發甯通海河西新興。四州縣領銷。○四年覆准。普洱地方新開磨黑磨弄井鹽。每年課銀三百六十三兩五錢二分有奇。元江府。今改直隸州。屬猛

野磨鋪井鹽。每年課銀二百三兩。歸入按版抱母等井項下報銷。○五年覆准。黑鹽井正額鹽五百六十餘萬斤。內每百斤加銀四分二釐八毫。該銀二千四百十有三兩九錢二分。又撥給不敷課款鹽二十四萬斤。內每百斤加銀二錢。該銀四百八十兩。於所收沙滷等項贏餘銀內給發。○又覆准。黑鹽發價。於定額三分價內。每斤准其再減二釐。共減銀萬六千一百十有六兩六錢有奇。並黑井所加薪本二千八百九十兩九錢二分。共銀萬九千四兩五錢二分有奇。於多收沙滷等項贏餘內照數抵補。令該管官將每斤減價二釐之處。出示曉諭。其正項並額外贏餘銀六萬一千九百餘兩。照數存庫。如有留抵銀廠虧缺及公用之處。造冊報部。○又覆准。雲南只舊草溪二井。每年升課銀四千二百八十三兩四錢。遇閏加增。至二井應發薪本銀每斤一分五釐。於鹽價內借動發給。輪流解還。其該井官吏養廉工食等項。每月計銀四十兩。於正項內開銷。○九年覆准。雲南各井煎鹽均除小建。惟黑鹽井小建不除。所以累任井司

皆有虧空。將小建六日缺額鹽。於新出沙滷鹽內煎補。○乾隆元年題准。雲南黑鹽井等井鹽運至昆陽等處行銷。鹽價每百斤。遵奉諭旨減至三兩以下。其應減鹽價等項銀六萬一千一百八十三兩一錢三分九釐四毫有奇。即將各井應減贏餘通融抵補。以敷正額。至裁汰贏餘銀。原係留為地方公事之項。今已裁汰。應令俟有需用之處。別請動項報部。○三年題准。東川一府。舊隸四川。今改歸雲南。但滇鹽不敷民食。應由川省招商認引。徵稅配運。其南甯富益平彝三州縣。一併改撥川鹽。○四年題准。由廣東運鹽百萬斤。至廣西百色地方。由百色至雲南羅平。師宗等州。需用鹽價脚銀七千六百八十三兩四錢五分五釐。於司庫收存銅息銀內照數動發。飭令附近粵西之羅平州領運行銷二十萬斤。師宗州今改直隸州運銷二十五萬斤。廣西府今改直隸州運銷二十五萬斤。彌勒州今改直隸州運銷三十萬斤。俟運銷完日。歸還原借銅本外。餘銀解儲藩庫充公。○五年奏准。安甯州地方。有洪源井一區。每年可煎鹽二十一萬六千斤。獲價銀

五千三十二兩八錢。內除煎鹽薪本役食外。餘銀五百八十三兩二錢。麗江府地方。有老姆井二區。每年可煎鹽十有八萬四千一百二十一斤。獲價銀三千四百十有三兩四錢有奇。內除煎鹽薪本役食外。餘銀一百五十三兩五錢六分有奇。統將二井贏餘銀。按年歸入贏餘冊內造報。○七年覆准。姚安新開鹽井。每年煎鹽二百一萬九千六百斤。共賣獲鹽價銀三萬一千九百二十一兩八錢六分。內除應給煎鹽薪本人役工食外。尚餘銀三千九百四十三兩四錢一分有奇。按年歸入贏餘項下造報。但新開酒源。須增大使一員。其琅鹽井大使。業經裁汰。應移紮姚安新井。○十六年覆准。昭通東川二府。逼近金江。開運京銅。係新開苗疆。馱脚裹足不前。必須馱回川鹽接濟。應將南甯等處原食川鹽二百四十餘萬斤。留為昭東二郡行銷。其南甯等處食鹽。仍飭領銷滇鹽。○又覆准。文山縣領銷阿陋井鹽。改撥十三萬斤。增給蒙自縣行銷。其文山縣不敷食鹽。在於每年採買粵鹽數內。增買二十萬斤。撥給該縣領銷。○二十四年

覆准。雲南省店鹽斤。較前多銷。酌添買鹽三十萬斤。○三十年覆准。滇省墾地日廣。生齒日繁。食鹽不敷。應增買鹽五十萬斤。○三十一年覆准。滇省買運粵鹽。歲額二百二十萬斤。以百五斤成包。每包加買耗鹽二十八斤。又每包場丁貼補秤頭鹽二斤。其該省委員。准自備本腳帶買耗鹽八萬九千斤。船戶准帶買耗鹽十二萬六千四百二十二斤。○三十七年議准。雲南裁撤省店。改立鹽倉。責成官運。定額分銷。○四十年議准。雲南鹽課。於次年七月奏銷。○四十七年議准。滇省昆明宜良嵩明晉甯呈貢昆陽河陽江川路南廣西師宗彌勒陸涼羅平馬龍邱北等十六州縣。民食鹽斤。俱責成鹽道。由省倉分發各商鋪。先課後鹽。轉售各小販買運行銷。永為定制。○五十三年議准。雲南他郎通判所轄猛野磨鋪二井。認納鹽課。向由元江徵解。就近歸於他郎通判經徵。以專責成。○五十七年議准。滇省運銷粵鹽。於委員辦鹽齊抵百色。勒限兩月。秤交廣南等府縣接收完竣之日。為始。定限三月。令該府縣多雇牛馬。趕運至本管

地方各將運完日期具報起限行銷扣限一年銷竣。倘有逾違將承督各官查參。照例分別議處。至現在已經運到之鹽。令首先售賣。毋庸拘定年分。以免積壓。再陸運時。或值雨水連綿。或因煙瘴時發。牛馬難行。必須稍為展限之處。令該府縣隨時查報。於報銷案內取結聲敘。如有捏飾。據實參究。○嘉慶五年奏准。雲南各井鹽斤。改為寬煎寬賣。民運民銷。不拘井口地界。賣價聽從民便。於本省之雲南曲靖臨安潯江普洱大理麗江永昌楚雄蒙化永北景東元江武定鎮沅阿陋彌沙等一十七府廳州屬行銷。督飭井員查禁寬私偷漏。並嚴飭迪東之曲靖開化臨安等府文武。派撥兵役。於各要隘認真巡緝。如有私侵入境。即行擒拿報解。儻敢懈縱。嚴參究處。○又議准。滇省商民買鹽運銷。以三百斤定為一引。共需引紙十二萬三千六百八十七張。每引一張。徵正課銀二兩一錢一分五釐三毫六絲八忽。公廉銀四錢五分九釐一毫一絲七忽。經費銀四錢二分三釐三毫二絲。由鹽道刊刷引紙。編號鈐印。發交井官收存。聽商販

完繳課款。領引買鹽。該井官即於引紙內註明商販地方姓名。輓運出井。於要隘設卡。責成大吏等官盤驗。引鹽相符。挂號放行。飭令該商俟鹽斤賣完。將引紙呈繳地方官截角蓋印。按月彙報鹽道查銷。並於照票之外。另設小票。每票准配鹽五十斤。俾肩挑小販乘便販運。均由鹽道刊刷編號。印發井司。填用繳銷。○又奏准。雲南黑鹽井。借給柴本銀二萬兩。白鹽安豐三井。共借給柴本銀七千兩。琅鹽井。借給柴本銀四千兩。每年於秋初全行發給。提舉傳集殷實柴戶。眼同各窰戶按數給領。採辦運井。自次年春季起。分作四季。於窰戶賣獲鹽價內扣收還款。扣收不足。將提舉照例開參。儻有無著。經放之員賠補。○又議准。雲南省年徵正課公廉經費。照年額鹽斤。均勻攤算。每鹽百斤。徵課銀七錢五釐一毫二絲。公廉銀一錢五分三釐三絲九忽。經費銀一錢四分一釐一毫。均於商民領引時。由井員照數徵收。按季彙解鹽道。分別支解。○又議准。雲南琅鹽井。滴質較淡。煎熬費力。每鹽百斤。酌減正課銀三錢九分。止徵課銀六錢。

自嘉慶四年十一月為始。即照減數徵收。○十八年覆准。雲南省開化文山兩府縣。全食石膏。膏井鹽酌增照票一千二百張。每票一張。配鹽三百斤。徵課廉經費銀二兩九錢九分七釐八毫。共配鹽三十六萬斤。共徵課銀三千五百九十七兩三錢八分六釐。較從前行銷專鹽餘息計長餘銀二百三十兩。添設巡役十六名。工食銀兩。於長餘銀內支銷。○十九年奏准。滇省抱香井大使。經營煎銷抱母井鹽一百九十二萬五千八百斤。香鹽井鹽九十九萬一千二百斤。仍責成威遠同知督率銷徵。普洱府。經營煎銷石膏膏井鹽一百二十六萬八千六百斤。○二十五年覆准。雲南省鹽井二十四區。黑井。新井。沙油井。白井。安豐井。麗江。老母二井。琅井。安南。新洪二井。雲龍井。阿施井。單溪井。只舊井。抱母井。香鹽井。按板井。恩耕井。景東井。彌沙。磨黑。木城。安樂。四井。石膏。每年額定煎銷平鹽三千九百六萬八千一百斤。嘉慶十二年。開化文山。增添額鹽三十六萬斤。共徵正課銀二十六萬四千一百八十三兩四錢七分三釐。養廉經費銀五萬八千三百三十二兩七錢六分一釐。井費銀五萬三千七百五十九兩三錢七分六釐。共應徵銀三

十七萬六千二百二十二兩六錢二分。額外應磨鋪認納鹽課銀一百三十八兩。安磨井積餘銀八兩。廣南寶甯二屬專鹽餘息。抵補鹽規銀一千兩。維西通判鹽應徵額課。經徵官能於奏稅銀五十二兩三錢。應徵額課。經徵官能於奏銷前徵解全完及溢額者。照例分別議敘。其有短欠之井員。應照該井短徵課款原數覈實開參。照例議處。至接徵之員。責令將溢銷攤補之外。尚不足該井年額之數。代煎代銷。代為趨補。如三參限滿。不能趨補全完。分別著賠。○又覆准。滇省所屬之黑井。借給柴本銀二萬兩。白井安豐二井。借給柴本銀共七千兩。琅井。借給柴本銀四千兩。每年於春季發給。提舉傳集殷實柴戶。眼同窻戶按數給領採辦。自次年夏季窻戶領柴之時起。分作四季。於窻戶賣獲鹽價內扣收還款。不得絲毫拖欠。如扣收不足。將提舉銀兩責令經徵之員賠補。○道光八年奏准。滇省鹽課溢餘銀兩。不必限以定額。於奏銷時查明徵收實數。一半造收報部撥用。一半存儲藩庫。以備沿邊諸事及銅運鹽務等項之用。仍按年將所留銀數及動用款目。隨同奏銷造冊報部。○十七年議准。滇省井鹽照票。改為每票一百斤。由鹽道刊發鈐

印編號。巡撫加印。交各井官收存。聽商販完繳課款。領引運鹽。仍於要隘設卡。責成大使等盤驗。引鹽相符。挂號放行。該商鹽斤賣完。即將票根繳銷。並於照票之外。另設小票。每票准配五十斤。俾肩挑小販乘便販運。均由鹽道刊刷編號。印發井司填用繳銷。○同治十三年奏准。雲南軍務大定。所有迤西之黑元。永琅阿陋草溪。只舊白井麗江老姆彌沙雲龍景東及新開之喬后喇雜鳴各井。現查明均歸鹽道委提舉大使前往接辦。迤南之抱母香鹽按版恩耕等井。亦歸鹽道委員辦理。尚有石膏磨黑猛野各井。飭該鹽道暨普洱府設法整頓。久無成效。聞有武弁姦商把持包攬情弊。仍飭該道委員認真清理。○光緒五年奏准。川省接辦滇邊鹽務。歸併黔邊官運局經理。計滇岸及近滇之宜賓南溪屏山慶符長寧高縣珙縣筠連興文江安馬邊雷波十二廳縣。計岸每年水陸額引約計二萬數千餘道。於丁丑綱黔邊鹽務。共徵稅羨截釐銀六十四萬九千九百一十七兩。全數截留局中。暫資滇邊購運本銀。照黔岸辦法。自本年

始。分作八年定限清還。以歸畫一。此八年中應徵之稅羨截釐各項正款。除每年原撥部庫仍抵作黔滇兩省協餉。及支撥本省餉項外。所有餘存銀兩。報明儘數存留該局。仍作黔滇兩岸接濟運本。藉資周轉。○又奏准。滇邊自五年正月。初一日起開辦。至十二月十五日止。應行邊額陸引二萬五千一百五十四道。計額陸引一萬三百四十五道。水引一千一百五十一道。俱已銷竣。並帶銷積陸引二百五十一道。○十二年奏准。雲南各井。應徵原額正課銀二十六萬一千六百四十五兩三分。除上年已徵解課銀二十四萬四千一百二十七兩三分三釐外。尚短徵銀一萬七千五百一十七兩九錢九分七釐。現在釐金所收各井鹽釐項下。照數撥補。以符原額。

貴州○貴州素不產鹽。無額銷之引。民間食鹽。由小販擔負四川湖廣引鹽零賣。貴陽府安順府興義府平越州都勻府思南府石阡府大定府遵義府以上九府州食四川鹽。鎮遠府思州府銅仁府黎平府以上四府分食湖南所行之

兩淮鹽。以貴州布政使司糧驛道兼理。光緒五年。改歸四川代權釐稅兩款。歲入銀十七萬九千九百兩有奇。嘉慶五年奏銷冊。共課八千二百五十兩有奇。○順治十七年題准。貴陽思南鎮遠三府。每鹽百斤。徵稅二錢。○康熙二年題准。徵稅府衛。在貴陽思南鎮遠石阡安順平遠大定黔西永甯畢節烏撒鴨池等處。每鹽百斤。徵稅銀二錢四分。普安仍徵三錢。除黎平就近食湖廣鹽。不再徵稅外。共鹽稅銀五千七百三十兩五錢九分四毫。定為額數。每年間有浮缺。據實報解。過閩加稅四百

十有八兩四分九釐二毫。○二十五年覆准。貴陽平越都勻思南石阡大定威甯等府州。安順府屬盤江以下州縣衛所。均食四川鹽。普安等處。仍食雲南鹽。○三十四年覆准。普安等處。自食雲南鹽。商民兩病。將普安等處改食四川鹽。○又覆准。貴陽等處。向食川鹽。徵落地稅銀。每百斤二錢四分。普安等處。亦照例徵收。○雍正十年覆准。黔省發川縣濯水地方。設立稅口。徵收鹽稅。自本年。起按年依額起解。造報。或贏縮不常。據實詳報。○乾隆四年覆准。貴州所屬之古州。係新開

之苗疆。應以古州為總埠。兩妹永從三角壘等處。為子埠。聽古州總埠分撥銷售。其商人應聽古州同知管理。每年銷三千八百引。課銀二千五百十兩一錢四分二釐有奇。○四十一年議准。貴州鹽稅。於次年五月奏銷。○道光三十年。議准。四川犍商行黔水引。一由敘州。一由涪州。一由涪州。分運黔省安順大定興義普安思南石阡鎮遠銅仁思州等府廳銷售。其分給認代之潼水引一千二百三十七張。由涪州轉運至龔灘。轉運思南石阡鎮遠銅仁思州等府銷售。又由婺川之王家沱。轉運婺川縣銷售。富商行黔水引。一由合江。一由綦江。一由涪州。分運黔省貴陽遵義都勻正安等府州銷售。其分給認代之潼水引一千二百八十五張。由涪州白馬鎮陸運正安水車等處銷售。又由彭水縣江口。陸運濯水關。直達平越都勻等府州銷售。至黔商婺川引鹽。由王家沱起運。不得侵富商白馬江口地面。富商由白馬進運正安水車引鹽。止在馬頭山過道。不准設店販賣。又由江口進運濯水關報稅。直達平越都勻引鹽。不准在婺川縣地

面開包挂秤。所有毗連處所。各在要隘設卡互相稽查。至榮縣商人行黔邊引。向與富商共岸。仍循其舊。其據富兩廠煎鹽。責成兩廠嚴飭竈戶。分別形色。以杜撓越。○又奏准。據富兩廠產鹽甚旺。邊岸暢行。其代銷潼引。綽有餘裕。請將本年潼商額行黔邊水引二千四百二十二張。撥交健商一千一百三十七張。給富商一千二百八十五張。代行。各運至現定之黔岸銷售。俟將來據富兩廠鹽不敷配。再行臨時籌酌辦理。

○同治二年

諭。張亮基奏黔省餉需支絀。委員赴川催餉辦鹽。請飭川省迅速籌撥一摺。據稱黔省瘠苦。向賴各省協餉。軍興以來。協濟寥寥。藩糧兩庫。撥括一空。各屬地丁類多蠲免。倉穀動用殆盡。現在通省兵練不下五六萬人。所有餉糧。皆張亮基在川時所集捐款。藉以敷衍而無源之水。易虞其竭。自應及早籌畫。以期源源接濟。川省歷年部撥貴州協餉等銀七十餘萬兩。屢催未解。不得已咨明該督請速撥鹽斤合銀二十萬兩之數。以濟急需。各等語。張亮基恐川省協濟餉需。一時無此鉅款。擬以鹽斤通融抵撥。其需餉情形。實

為緊迫。著駱秉章轉飭司道。速撥約值價銀二十萬兩之鹽。陸續交兌。該省委員承領。不拘川黔地面。聽其變價解繳。經過地方免其納稅。所需脚價。或以鹽運鹽。或以長價作為運費。均著隨時會同酌辦。以期川黔兩省均有裨益。○光緒三年奏准。川省開辦黔邊官運。及近黔十三廳州縣計岸官運鹽務。仿照兩淮辦法。先課後鹽。如購引鹽一張。或用鹽本銀一百兩。即將應徵稅羨截釐各項。按照定章。如數加入。合為一百數十兩。發商銷售。○又奏准。設黔邊鹽務總局。於瀘州置礮船十。沿江扼隘各分地段巡緝。又於兼辦楚計官運後。增設礮船四。上起嘉定。下訖巴東。聯絡相應。一以衛局。一以緝私。○又奏准。行黔邊官運。先舉道光二十八年以來陳陳相因之據富榮三縣行黔積滯水引七萬有奇。仍行黔岸。歲於額引外帶銷六成。其舊定據富永遠認代潼商邊引。率因岸滯不領。積存道庫者凡萬六千有奇。則專改濟楚而設。官引局司領發。期以銷畢。再銷計積。大率先行額引。帶行積引。不使新舊凌雜。畫定邊積行邊。潼積行楚。不使改代無常。官運局

所行殘引悉由局繳部。○四年議准以邊岸最要者為入黔之永仁恭活四岸。由永甯縣前進者為永岸由合江縣前進者為仁岸由恭江縣前進者為恭岸由活州前進者為活岸。峽隘湍激多阻舟行鹽從大江水墮直下自轉江入岸河則溯流而上益形艱險請為鑄漕口除亂石挑積沙修緯路因勢利導轉運較便鹽至又須舍舟而陸或數十里乃復舟運如前搬灘過坳者鑿通之俾一水徑達運省鹽值自賤。○五年奏准四川行黔邊官運局代權貴州釐稅以黔省釐稅無則為代權而納諸黔由黔邊四岸分局於發商鹽時引權稅十兩權釐四兩納於總局由總局轉運黔省稅釐兩款歲可十八萬兩鹽入黔境不得再權。○又奏准黔邊自四年十二月十六日起截至五年十二月十五日止應行邊計額水引一萬四千零三十五道陸引一萬三千一百六十一道均已銷竣並帶銷積水引六千九百二十五道陸引一百二道。○六年議准四川總督與貴州巡撫會奏就官運局一水引稅銀十兩歲解貴州罷各關稅及一切雜徵著為令。○又議准石砭廳忠州直隸州鄧都長

壽二縣計引與黔邊鹽混請併歸官運。

欽定大清會典事例卷二百三十

戶部

鹽法 直省鹽差 貢鹽 考成

直省鹽差○順治初差長蘆兩淮兩浙河東巡鹽御史各一人直隸山東山西河南江南江西浙江湖廣陝西鹽政一年更差其福建四川廣東廣西雲南貴州六省鹽務舊隸巡按後改隸巡撫○康熙七年定長蘆等四處鹽差於六部郎中員外郎及御史內每處選差滿漢官各一人筆帖式各二人○十年題准鹽差御史不拘

滿漢每處止差一人○十六年停止鹽差筆帖式如差滿御史仍帶筆帖式一人○又覆准京城及采育里地方鹽引向由崇文門監督徵收嗣後責成大宛二縣行銷與各州縣一例考成○三十年題准增設福建廣東廣西巡鹽御史○四十六年

命廣東巡撫兼理鹽課○五十九年覆准將兩廣巡鹽御史撤回鹽政交總督管理○雍正元年議准各鹽差筆帖式停其差往○又覆准福建鹽課令各州縣徵收興泉道管轄著總督管理鹽務

○二年覆准令各該御史將鹽法諸書按年纂輯繕呈

御覽並照式送部以備參考○又覆准雲南麗江府改土歸流其鹽井交與知府督令經歷煎鹽於本處行銷○又覆准廣東發帑收鹽如產鹽無幾之小場地方官就近督收淡水等各場皆地勢廣遠產鹽甚多該督遴選廉幹之員分派督收○又覆准廣東運使管理五省鹽政復設經歷一員以供差委○四年覆准福建鹽場大使六員業經裁汰但鹽政必須專官料理方能裕課

請簡同知通判知州知縣等四五人發往福建委任場務仍遇員缺題補應得之官○又奉

旨兩浙鹽政交巡撫管理○十二年題准福建鹽政衙門改為鹽法道專管鹽政○乾隆四十三年奉

旨河東鹽政令山西巡撫兼管○五十八年奉

旨杭州織造改為鹽政兼管織造事務其鹽道本無分巡地方之責著改為運使○道光元年奏准浙江鹽務復歸巡撫兼管長蘆鹽務專設鹽政管理

直隸山東兩淮鹽務專設鹽政管理
河南等處兩浙鹽務浙江巡撫管理
安徽等處兩浙鹽務浙江巡撫管理

建鹽務閩浙總督管理兩廣鹽務兩廣總督管
 理河東鹽務山西巡撫管理兼轄山西陝西四川
 鹽務四川總督管理雲南鹽務雲南巡撫管理
 陝西漢中府鹽務陝西巡撫管理甘肅花馬小
 池鹽務陝甘總督管理貴州鹽務貴州巡撫管
 理○十七年

諭前據御史黃樂之奏請將山東鹽務改歸巡撫統轄
 當降旨交戶部議奏嗣據該部議准請歸巡撫管理
 復諭令經額布妥議具奏本日據該撫奏稱該省鹽
 務現當設法清釐之際非就近督催難期得力鹽政

駐紮天津相隔千里遇有籌議事件稟函往返動須
 月餘實屬鞭長莫及等語山東鹽務著即改歸巡撫
 管理以歸簡易○又奏准長蘆鹽務專設鹽政管理

兼轄直隸河南等處山東鹽務山東巡撫管理兼轄河南安徽
 兩淮鹽務改歸兩江總督管理○咸豐八年
 奏准陝西省華陰縣屬之三河口現派委員行
 銷河東鹽引試辦以來費省事集商販相安嗣
 後該局鹽務即用委員辦理毋庸設官並定為
 三年一換以專責成○十年奏准長蘆鹽務統
 歸直隸總督管理兼轄直隸河南等處

貢鹽○順治初年定供用庫白鹽二十四萬一
 千六百六十六斤內官監白鹽六萬二千斤青
 鹽七萬二千五百斤光祿寺青白鹽十有四萬
 二千斤以上每百斤鹽煎萬斤計六百六鹽酒
 二千四百斤神樂觀鹽六千五百二斤每百斤
 戶部都察院巡鹽御史官吏食鹽二十一萬
 百有六斤每百斤以上均由長蘆興國等場
 辦解遇閏照數加解○又題准部院等衙門鹽
 交戶部收存給發○四年題准給發宗室及官
 員兵匠人役食鹽額數○七年題准光祿寺鹽
 交本寺收○十一年題准諸王各官按俸銀每
 兩給鹽一斤○十二年題准內官監鹽交宣徽
 院收○十五年題准供用庫鹽交宣徽院收○
 十七年題准將各衙門巡鹽御史食鹽均令變
 價解部充餉○康熙元年題准各監庫鹽仍令
 戶部收儲○三年題准光祿寺鹽仍交戶部收
 儲嗣後除
 內府取用外餘令運司變價解部如遇取用仍解
 本色○二十八年題准長蘆運使煎辦貢鹽九
 十餘萬斤內務府光祿寺每年取用三十餘萬

斤自二十八年為始。止令煎辦四十萬斤。其餘五十餘萬斤。停其煎辦。每包折價銀七錢五分。報部。○三十三年。獲准將長蘆三十三年三十四年額解鹽停止。俟用完時。再照例移解。○五十一年。議准長蘆運使解送備用青白鹽十萬斤。甄鹽萬斤。於五十一年起。至五十五年止。停止解送。折價解部。俟五年後。每年止解青白鹽六萬斤。甄鹽四千斤。交光祿寺。仍將應折價銀報部察覈。○雍正六年。題准青白鹽停解四年。○乾隆十二年。題銷光祿寺解青白鹽三萬斤。內務府解白鹽二十萬斤。其甄鹽折價。交與戶部。停其解送。○四十一年。議准長蘆歲徵貢鹽二十萬斤。備內務府調用。所餘按數變價。每斤作銀三釐有奇。按年奏銷。又光祿寺需用鹽斤之年。每白鹽三萬斤。給價銀一百兩。每甄鹽二千斤。給價銀三十七兩三錢五分。有奇。交竈丁煎辦。○光緒五年。奏准光祿寺一年共用甄鹽三千一百餘斤。每年額解三千斤。不敷應用。酌增甄鹽三百斤。仍由長蘆運使於每年夏季一併解送存庫。以備隨時給發。經此次酌增之後。

如庫存積至足數一年之用。即照例停解。考成。○順治初年。定直省鹽課。每年巡鹽御史及兼理鹽法巡撫。開列屬官職名。分數具奏。其州縣原額並完欠細數。運使及管鹽法司道。彙造清冊。送部察覈。○康熙三年。題准州縣衛所官銷引欠一分者。停其升轉。二分者。降俸一級。三分者。降俸二級。四分者。降職一級。五分者。降職二級。六分者。降職三級。七分者。降職四級。皆戴罪催銷。完日開復。○又題准御史差滿交代離任。將經徵帶徵鹽課總作十分。未完不及一分者。罰俸一年。一分以上。降俸二級。二分以上。降職一級。三分以上。降職二級。皆留任。四分以上。降職三級。調用。五分以上。四級。六分以上。五級。皆調用。七分以上。革職。廣東。廣西。福建。四川。雲南。貴州。兼管鹽法巡撫。鹽課初參未完一分者。罰俸三月。二分。六月。三分。九月。四分。一年。五分。降俸一級。六分。二級。七分。降職一級。八分。二級。九分。三級。十分。四級。皆戴罪督催。停其升轉。運提分司大使。未完不及一分者。停升。罰俸六月。一分。罰俸一年。二分。降職一級。三分。二級。四

分三級五分四級皆戴罪催徵六分以上者革職經管鹽法司道府州縣官鹽課初參未完不及一分者停升一分以上降俸一級二分三分降職一級四分五分三級六分七分四級皆戴罪催徵完日開復八分以上革職署運提分司大使未完不及一分者罰俸三月一分六月二分九月三分一年四五分降職一級六七分降職二級皆調用八分以上革職署理不及一月者免議署管鹽法司道府州縣衛所官未完一二分者罰俸三月三四分六月五六分九月七八分一年九十分者降職一級調用署理不及一月者免議接徵接值官不必各作十分以本年鹽課總作十分扣算議處參後大使限一年全完分司限半年全完限內不完照州縣官地丁錢糧例處分運使提舉限半年全完限內不完照布政司地丁錢糧例處分管鹽法州縣衛所官限一年全完限內不完原參不及一分者降職一級一二分三級三四分四級五六分五級皆調用七分以上革職兼管鹽法司道府直隸知州限半年全完限內不完原參不及一分

者降職一級停其升轉一二分降三級三四分四級五六分五級皆調用七分以上革職兼管鹽法巡撫限二年全完限內不完原參不及一分者停升一二分者降一級三四分二級五六分三級七八分四級九十分五級皆戴罪督催凡降俸降級等官均候交代有能於離任之先將鹽課全完者即准開復如年限鹽課接徵接值官原參無名者接算前官總作十分限半年全完如不完照初參分數參處○四年題准經管鹽課官報明巡鹽御史裁今察覈完欠方許離任如有未完准其離任將御史降二級調用○又覆准廣西州縣官咨明廣東巡撫察覈銷引完額方許離任○六年題准凡遇閏年巡鹽御史以十三月差滿○十二年題准各官任內鹽課未完別案降調丁憂離任者罰俸一年鹽池牆垣倒塌行鹽無術商販不行或食鹽不遵舊例藉口不行鹽者皆議罰俸一年○又題准各省銷引未完八分以上者革職其戴罪督銷者限一年銷完如未完一二分者降三級三四分四級五六分五級皆調用七分以上革職○又題

准前官已完銷引責成後官一年內繳部如不行送部及題報鹽引遲延或申報鹽引前後不符者該管官罰俸巡鹽御史兼管鹽法巡撫照例議處○又題准鹽引未經題明私自挪撥者該管官降一級調用巡鹽御史降一級留任兼管鹽法巡撫罰俸一年或將此縣引責與別州縣未經申報者府廳官罰俸一年布政使按察使罰俸六月○十四年題准巡鹽御史鹽課未完二三分者照舊議降級仍留任兼管鹽法巡撫參後不完應降級者皆留任督催完日開復

政文移向由都察院轉行轉送嗣後鹽政一應事宜有關各部者該部徑自行文該差該差亦自行咨呈達部仍具呈都察院存驗○四十五年覆准嗣後有商人告領帑銀者坐商責令巡鹽御史等官運商責令督撫州縣官確查行鹽地方廣狹鹽本家產厚薄出具印結並諸商連名互結送部察覈○五十年覆准運司交代照藩司交代之例造具冊結詳巡鹽御史具題察覈如有遲延徇隱等弊照例題參交該部照藩司交代之例議處至甘肅四川雲南貴州等省未設運使其管理鹽課錢糧官交代之時亦照此例其運同運判提舉等官均有催徵錢糧之責亦照州縣交代之例令該御史備具冊結呈報部科○五十八年議准兩廣課餉考成止列歲內經徵各官職名嗣後兩廣行鹽州縣將歲外接徵之官亦按起止月日未完分數計算考成別冊附參其果能於歲內將引餉徵解全完或前官未解接任官能催徵全完者照地丁經徵例議欽○雍正二年題准河東奏銷例於四月嗣後與地丁錢糧一例總於六月到部○又

題准河東舊例殘引均於三年內通融繳部新引令巡鹽御史親齎赴任自雍正二年為始每年舊引均於奏銷時一次繳部以杜重複影射之弊歲前頒發新引及時行銷○又覆准嗣後各省直隸州督銷鹽引巡緝私鹽原係府同知經管者改歸州同原係通判兼管無州判者交與州同管理如銷引不完及巡緝私鹽不力該撫即照例參處○六年覆准起解鹽課協餉該鹽政督撫巡鹽御史豫先移會前途督撫飭撥官弁護送交代嚴飭解官由大路挨站而行如有疏虞該管督撫即將經過之文武官弁照例題參著落分賠儻該督撫御史不移會督撫解官不知會地方仍潛行小路一有疏失各官照疏防例議處其不移會之督撫御史照僉差不慎例議處私行小路之解官照枉道例處分所失餉銀著落解官名下追賠如不能完即著落原差委之上司賠補至解官欲就小道該地方官詳報題參儻地方官聽其由小路行走者一併題參○又議准鹽課未完經徵各官均按分數議處而欠課商人從未有處分之例是以各

商固結陋習視欠課為泛常嗣後未完鹽課錢糧經徵各官仍按照分數議處外將各商名下應完錢課作為十分未完不及一分者責二十板未完一分者加一月責二十板二分者加四十五日責二十五板三分者加兩月責三十板四分者加七十五日責三十五板五分者加三月責四十板以上欠課各商題參之日扣限一月全完者免處逾限不完即照此例加責如能於加限內照數全完立時釋放免責若加限滿日仍不完納除杖責外即將該商咨參革退所欠課項以引窩變抵未完六分者杖六十徒一年限四月全完七分者杖七十徒一年半限六月全完八分者杖八十徒二年限八月全完九分者杖九十徒二年半限十月全完十分者杖一百徒三年限一年全完以上自六分至十分皆將該商鎖禁能於限內全完革退不許充商免其杖徒之罪儻逾限不完除將該商發配外其名下所欠課項均著落引窩家產變抵如額徵錢糧果能歲終如數全完令鹽政按其課項多寡量給花紅扁額以別優劣○七年覆准兩

浙各場鹽課錢糧令場員就近設櫃徵收原封解交各縣折併是代徵之場員非專管官可比嗣後除兼管專管各官仍照舊例處分外其代徵場員如舊例初參未完不及一分罰俸六月者今應免其處分一分罰俸一年者罰俸三月二分降職一級者罰俸六月三分降職二級者罰俸九月四分五分降職三級四級者罰俸一年皆免其停升催徵再舊例未完六分以上者皆革職今未完六分應降職一級未完七分降職二級仍令戴罪催徵至八分以上者革職再初參處分既已改輕則原參各官亦不便仍照舊例議處嗣後代縣催比之場員舊例原參不及一分年限內不全完降一級留任者罰俸六月原參一分年限內不全完降一級調用者罰俸一年原參二分三分年限內不全完降四級五級調用者皆降一級留任再限一年催徵如再不完照所降之級調用原參四分五年限內不全完革職者降一級調用至原參六分以上年限內不全完者革職若有一場坐落兩縣者其場員兩地未完分數合算併案議處○又

議准山東商人賣鹽完日即令繳銷殘引如過期不繳將該州縣照失察例議處如運使不揭報照徇庇例議處知情者加倍治罪○乾隆三年題准兩淮鹽課於二月奏銷四月考覈嗣後永著為例以歸畫一○四年覆准長蘆河東兩淮兩廣各道庫鹽課遇奏銷交代照閩浙之例令管理鹽政大員盤查○六年題准各省經徵鹽課督銷鹽引催徵各官能於奏銷前催徵全完或前官並未徵解接任官於奏銷前催徵全完總以一官全完一年課引者無論正署均照地丁錢糧全完例議敘其兩浙代徵場員處分本屬減輕不便與經徵官一例議敘嗣後兩浙代徵場員全完五萬兩以上者准其議敘五萬兩以下奏銷前全數通完統計兩年合算若將兩年應徵之數徵收全完亦准其議敘通融銷售地方不准議敘正課雖完本年帶銷之項未完者亦不准議敘○十六年覆准滇省司井各官及行鹽各屬經管鹽課款項交代時不能依限完結多係前任款項未清或窳戶領薪待煎或鋪販轉銷未售煎收不及致後任不肯接受

應將前官任內已發新本流油及鋪販之鹽並一切應行交代之項分別應追應接辦理。又覆准滇省管井提舉大使等官係專司督煎其行銷責成各屬與井員無涉嗣後鹽課奏銷管井督徵職名免其開列至兼管井務之知府同知知州知縣大使等官有本任兼銷鹽者仍照例開列至兼管鹽法之知府直隸州知州定例原有議處議敘之條滇省鹽課奏銷自應遵照定例開列其井官督煎有無墮誤作何議敘議處前例未經定議嗣後滇省井官如按年督煎

足額准照課款全完五萬兩以下議敘之例紀錄一次若鹽井被水以致墮誤數至十萬斤以內限二年五萬兩以內限一年不及三萬斤限半年皆令趨補逾限不完將原督煎之數計作十分按未完分數參劾照鹽課未完分數例議處其督催未完之鹽道亦照此例議處若非被災偶因雨浸滲淡煎辦不數分別多寡勒限趨補如為數無多限兩月三萬斤以上至五萬斤限半年五萬斤以上至十萬斤限一年逾限不完著落井官賠繳課款竈戶追繳新本如課項

延緩不繳即行咨參照本身雜項錢糧不完例議處至於無故墮煎數至十萬斤以內咨參到日照行鹽無術例罰俸一年至二三十萬以上即行題參照溺職例革職著賠課銀追繳新本若隱匿墮煎不按月造報者即照規避例報參其課新皆著落該員追賠至滇省各井款內每年共應借墊新本等銀四十萬兩除原題官本六萬兩外其借墊借發銀三十四萬兩務令於次年奏銷時催完入冊報部未完參劾照雜項錢糧例議處。十七年覆准長蘆商雇巡役飭

令各該州縣詳查實在需役若干定為額數老病者更換病故者選補不必分隸營汛佐雜衙門統歸該州縣管束以專責成以資巡緝不許給票專差以致生事擾民其商雇看守灘坵人役歸各該場員就近管轄。又覆准長蘆州縣如遇水旱災傷鹽引不能行銷經鄰邑代銷者該督及該鹽政據實聲明免其議處外若並非災歉之歲銷引不及分數雖經代銷仍按其未完分數參處於次年詳加察覈以原參分數為準如能比上年多銷一分即准其題請開復不

能多銷或更不及上年分數除不准開復外仍按本年未完分數參處統俟次年比較多則均行開復少則仍令戴罪至本地督銷額引業至八分以上其通融代銷僅止一二分者毋庸加以參處○十八年覆准廣西官辦引鹽皆責成知府督銷凡銷鹽解餉每半月一報本府稽查如鹽引未完州縣官照例議處並將該管知府參劾按其所屬額引彙計分數俟戶部覈明會吏部定議照州縣督銷商人鹽引未完例處分其銷存鹽價即責成知府盤查如有虧空不即

揭報分別徇隱失察議處分賠○二十九年議准湖北宜昌通判巡緝私鹽地方應准其在於宜昌鎮標派撥弁兵東湖縣派撥捕役各就本汛巡查如有川私偷越協力追捕查拿照例給賞儻有怠忽賄縱情事分別查究該管文武員弁照例詳參○三十一年覆准廣東辦運銅鹽委員辦鹽定限八箇月辦銅定限十二箇月其輪值雲南辦運之年俱照此定限辦理儻途中遇有風水耽延准令地方官查明結報扣算無故逾限及通同捏飾情弊照例查議○三十七

年奏准雲南井鹽無故墮煎數至二三十萬斤以上為數較多若仍照墮煎有因十萬斤免參之例辦理未免漫無區別嗣後該省墮煎鹽斤如果事屬有因除數在十萬斤以內者仍照免參之例辦理若數至二三十萬斤以上者雖因雨浸滷淡墮誤有故亦應將該井員比照無故墮煎十萬斤以內行鹽無術例議處仍勒限一年責令官賠課款寬追薪本○又奉

旨地方私鹽承緝不嚴官引必致壅滯在江省各屬文武員弁以所行乃浙省鹽斤未免意存歧視雖有緝私之名不肯實力從事而浙江鹽政又以緝私官弁兵役皆隔省所轄呼應不靈松所鹽務之疲率由於此不知行鹽雖在隔境而銷引同屬辦公司磋商者固不便因鹽務所在之區越俎干預他事其有關鹽政者原可隨時覈計如果江省地方官視緝私為具文不知留心整頓以致梟徒充斥膜視誤公即當指參一二予以應得處分各員弁等自不敢仍前玩忽干咎嗣後松所緝私之事除交江省督撫董飭各該地方文武盡力嚴拏外儻有稍分畛域不肯實心緝私者並准浙江巡撫覈實參奏照例議處該上司等亦

難辭督率不嚴之咎如此則江省有司既無敢膜視卸肩而松所商人亦無由推託藉口方為兩得○四
十一年議准廣東場員收鹽按額分作十分如能額外多收一二分者記功三分以上者題請議敘委署效力之員能額外多收三分以上者准其遇缺題補或因積雨連陰於額內少收三分以下者記過四分以下者咨革至若縱容售私以致缺額不論分數嚴參究擬○又議准商人領運引票在內河失水呈明地方官詳查確實結報鹽政運使鹽政印給照票飭商補運鹽斤在大江失水州縣官會同營員查勘確實限一月內通詳鹽道於州縣詳到日起限半月內覈轉鹽政印給照票飭商補運限三箇月過所運岸若係殘引殘票失火失水所有遺失引票數目由營汛地方官出結鹽道加結申報督撫鹽政覈實送部仍於奏銷冊內聲明題銷至補給印票同殘引一併交部備有姦商捏報查究治罪營汛地方官或有藉端勒索及通同捏報一併查參分別究擬○又覆准雲南經徵各員於盈積各項銀兩有不按年徵完者令該督撫

查參照雜項錢糧未完例議處○四十二年覆准各省墮銷鹽引各官未完在四分以上者仍照舊辦理自五分至七分以上舊例降職者均改為實降止准以軍功錢糧加級紀錄抵銷不准以融銷開復及別項加級紀錄議抵○又覆准淮南各場煎鹽盤鏹准北各場曬鹽煎池飭分司場員查勘冊報由運司給發循環印簿令場員將煎曬鹽數按日登記分別半月一月查覈一次餘鹽儘歸商買如有伏火踰時私添盤鏹及展寬地面偷窰土池等弊即將窰戶照販私例治罪漏報之分司大使等分別參處○又奏准凡有引地方將各卡責成州縣及兼管鹽務佐雜官分段管理即以該處引鹽之銷滯數對私販之有無將該管官役分別勸懲○又覆准拏獲私鹽承審官如仍以買自不知姓名人率混具詳並不究問私鹽來歷及運往何處囤賣實情即照故縱例議處○又奏准凡私鹽要隘處所派委候補千總前往巡緝半年更換如有獲私至四千斤以上者准其留巡一次如半年期內能緝獲大夥私鹽久慣窩頓並積算鹽

諭

斤在一萬斤以上者遇缺先應補用兵役加倍賞給如半年期內疏縱漏私數至四千斤者降一級留任四千斤以上者降一級調用一萬斤以上者革職兵役嚴行究處○四十六年奏准各省鹽務應完雜項應繳殘引如有歷欠陸續並未勒限完解者每屆五年由部彙查一次開單具奏以示清釐○又覆准鹽羨銀兩以四十六年為始依限徵收年清年款僅有短欠將經徵官照雜項錢糧未完例議處○四十七年

應為向得鹽規自應停給至外委兵丁等所得月餉無多難況緝查飯銀盤費等項不無所需自應照舊准其分別支給以示體恤此次定議之後各省不得仍前派委候補千總及額外外委等弁應令均責成專汛員弁經管而弁兵等既有盤費以資辦公更宜加意緝拿以盡職守僅有懈弛誤公及額外需索等弊即著該管鹽務之人嚴查據實奏治罪以示懲儆○四十九年議准長蘆之領費告費山東之雜項公費兩浙之引規耗羨兩淮之耗羨規費廣東潮橋各埠之公費場腳雜項廣西之秤頭鹽羨

土司餘鹽價羨俱係年額應徵之項奏銷時如有未完均照雜項錢糧未完例議處○又議准各省鹽務人員部借養廉銀兩由鹽庫按限扣解藩庫造報酌撥備本任扣不足數及有事故未扣者仍由該管運司鹽道查覈已未完數目年終彙冊報部以憑稽覈○五十一年奏准各省商人領引賣鹽後各該管鹽督撫鹽政將鹽引截角於本年奏銷後解部繳銷如繳引遲延除將經銷州縣送部議處外並將督催運使鹽道各職名一併查叅分別議處○五十四年議

准江西建昌府屬之新城瀘溪並饒州府屬之德興浮梁安仁等五處俱係淮南綱地又為閩浙私販咽喉每處由江西巡撫選派雜職一員飭令各該處地方官撥給鹽快十名並令南昌鎮總兵每處選派千總一員於就近營分撥給兵丁十名飭令會同前往督率該處卡商巡役於水陸兩途分頭巡緝半年一次更換所獲私鹽交商變價分賞兵役人犯交地方官審辦按半年之內較覈私鹽多寡銷引溢缺由巡撫會同鹽政覈實咨部分別議敘議處如該委員於

足額之外多銷引一分以上者紀錄一次二分
以上者紀錄二次三分以上者紀錄三次四分
以上者加一級五分以上者加二級遇有數多
者以次遞加其短銷不及一分者罰俸六月一
分以上者罰俸一年二分三分者降一級留任
四分五分者降一級調用六分以上者降二級
調用七分者降三級調用七分以上未及八分
及八分以上者俱革職○又議准廣東場柵額
收鹽斤俱以業經配運開行者方准作為分數
入於旬月報之內每半年由運司會數一次如

實較定額多配鹽若干即予記功獎賞實較定
額少配鹽若干查照分數參處○五十六年議
准例食淮鹽之江西建昌府屬之新城等縣界
連閩省私販偷越於新城縣之盧家嶺設卡即
在附近之杉關汛兵內添撥十名查緝該縣之
山岡口設卡即委該縣佐雜一員帶領鹽快八
名於建昌營派撥千總或外委一員帶兵八名
守禦南城之水濺架設卡在於就近汛兵內撥
兵五名招募巡兵五名駐守查緝南豐之百丈
嶺設卡由建昌營酌派外委一員撥兵十名由

縣另派鹽快十名協同該處卡巡防守令龍池
司巡檢一體查緝該縣之夫人嶺設卡委該縣
佐雜一員帶領鹽快八名協同原有之盤湖隘
弁兵卡商巡緝瀘溪縣之椒溪盧家嶺東港藍
橋香屯五處設卡令附近之花山汛兵役分駐
巡緝毋庸添撥朱崖藻坪陳坊猶兒嶺脊等四
處卡房令瀘溪金谿二縣會營每處各派兵役
三名駐守查緝所需建蓋卡樓瞭臺房牆酌給
員弁巡防日費俱由淮商捐給派委員弁照例
半年更換按其銷引分數報部覈議○五十八

年議准淮南食鹽口岸及安慶池州太平三府
鹽引滯銷缺額按季將各州縣銷數俟年滿牽
算分別開參如缺銷僅止一二三分以上仍照
舊例辦理其缺銷至四分以上降二級調用五
分以上降三級調用六分以上降四級調用七
分以上革職將缺銷賠課之例停止○又議准
兩浙各場竈地鹽課錢糧由場員徑解運庫兌
收以專責成如場員經徵不力照兩淮之例處
分應以場員為經徵分司為督徵其水鄉鹽課
銀兩本係州縣徵解處分仍歸經徵州縣及督

徵知府。○五十九年覆准各場折價正項即有
一年一官全完若不與應徵規耗同時奏報並
有年額蠲緩分數錢糧未經照額全完者毋庸
附疏聲明議敘以昭覈實。○六十年覆准兩淮
鹽引未完被參之後嗣經奏准停運統銷其初
議處分應照欠課被參續經蠲緩原參官例無
承追之責一律改議完結。○嘉慶十九年議准
湖廣江西二省地方官銷引未完欠一分者停
升欠二分者降俸一級欠三分者降俸二級欠
四分者降職一級俱令戴罪督銷欠四分以上
者降二級調用五分以上者降三級調用六分
以上者降四級調用俟補銷足數再行開復不
准融銷開復。軍功錢糧加級
紀錄准其抵銷七分以上者革職
鹽道統計各屬未完併為分數照地方官未完
分數例處分。○又覆准浙江省正餘引課竈課
例定次年十二月奏銷其應參未完各官先於
十月截數彙造冊籍截數後十一十二兩月內
續有完解之員原冊不及悉改准另立一冊隨
題咨部分別聲請扣除減議其各省引竈課奏
銷應參未完各官凡在造冊以後題限以前續

完者俱准一律辦理若在各該省具題後續行
完解者所有原參處分仍照舊專案分別題咨
扣除減免。○二十年覆准閩省官辦鹽課年徵
年額實欠實參如一年內有兩官交接者將前
官為經徵後官為經接徵各按在任月日覈計
未完分數造報題參吏部照初參例議處奏後
一年限滿無完應行開報二參將原參經徵並
經接徵各官無論在任卸事總將的欠之員據
實開報照二參例分別議處後任人員毋庸開
報職名。○又覆准閩省各場應徵坵折課費銀
兩歸場員專管經徵者如有未完將該場員職
名開報有場縣各半分徵者照勻徵額數分別
開報歸各該縣廳丞經徵者各歸各款分別開
參。○道光四年奏准雲南省鹽井二十四區應
徵課額經徵官於奏銷前全完者議敘逾限不
完者議處三參限滿不能趨補全完即在於經
徵接徵各員名下分別著賠其數在三百兩以
下者限半年完繳三百兩以上者限一年完繳
一千兩至五千兩者限四年完繳五千兩以上
者限五年完繳離滇各員仍咨旗籍著追。○又

奏准雲南省井員短徵課款准將別井溢徵銀兩勻攤撥補所撥之數即於本井原短數內開除免其併計分數開參賠補○五年議准各省鹽課奏銷如有未完除將經徵之運使等官照例議處外並將督徵之鹽政及兼管鹽務之督撫隨案開送職名一併議處○十五年議准閩省官辦鹽務各幫應徵長價錢水鹽規府稅引費普育旗民生息等項銀兩均係報部雜款如奏銷時有不年清年款者即將經徵官照雜項錢糧未完例議處○咸豐元年

諭嗣後揚州府屬八州縣鹽犯問擬軍流以上罪名者著由該府徑解鹽運司勘詳該督分別覈辦其罪僅擬徒者著由臬司會同運司覈轉如有夥梟拒捕殺傷重犯仍著該督提省審辦○同治四年

諭戶部奏東網鹽引請飭查明奏報等語向來各州縣經徵鹽課督銷鹽引分別已未完議敘議處定例本極嚴明此次山東巡撫閻敬銘請將以前未准部覆各年奏銷一併扣除是否專指咸豐九年以前抑九年後各案概行請免聲敘殊未明晰若專指咸豐九年以前則九年以後仍須議處辦理未免兩歧若將

九年後一併免議又覈其例義不符且上年正月該省造報咸豐六年鹽引南運商邱等州縣連年隻引未銷顯係各該州縣督催不力所致儻該管上司仍復任聽含糊奏報曲為開脫處分該各屬恃無考成誰復認真督運尚安望釅政日有起色耶著閻敬銘督同該運司詳細查明某州縣未完若干何年積引若干並該部指駁各情逐一分析查明覈實奏報以杜弊混而重課款○十年奏准廣西通省六十六埠每年額配正餘改增等鹽二十七萬五千六百包八十五斤減釐徵稅應徵銀七萬五千五

百二十兩有奇勻而計之每包應完銀二錢七分五釐以抵西稅缺額所徵之銀分別照例支銷撥充軍餉○十三年議覆粵西徵收西稅歲入有常豈容借彌補名目為規避處分地步一面查開鹽道局卡委員經徵分數職名送部一面仍將短欠銀兩勒限照額徵足充餉○光緒六年奏准廣西前次議減鹽釐徵收西稅係因行鹽地面被擾之後埠歇商逃額徵虛懸無著是以籌議試辦奈地方凋敝水客販運稀少各卡員僅能就運來之鹽按包收稅並無辦運承

課之商可以按額催徵稅項短絀之故委非經
徵不加所有缺額稅銀仍請於鹽釐項下按年
照數撥補以符定額該鹽道及卡員等職名均
免開送

欽定大清會典事例卷二百三十一

戶部

鹽法禁例 引自由單

禁例○順治元年覆准場憲照額煎鹽大使親
驗按月開報運使如有隱匿以通同治罪其商
人不許濫委雜役行鹽水程填明賣銷地方完
日同引繳查不得告改或鹽引焚溺取具地方
官印結查實補買○八年

諭巡鹽御史及運司不許於額課外勒索侵尅如有貪

縱各官許商民首告治罪○十三年題准鹽政衙門

不許商役互充○十四年題准勢豪不許占攬
引窩商舖不許自定價值如有專利害民串通
經紀攬賣勒索等弊該御史嚴行禁飭○十六
年題准商人載鹽不論大小船均用火烙印記
船頭不許濫行封捉○又議准將領衛所官弁
縱兵私販該州縣官緝拏揭報叅處○十七年
題准鹽場設立公垣場官專司啟閉凡竈戶煎
鹽均令堆儲垣中與商交易如藏私室及垣外
者即以私鹽論商人領引赴場亦在垣中買築
場官驗明放行儻有私販夾帶等弊該場官役

一併重處。○又題准鹽船過關止納船料如有藉端盤驗額外苛求者以枉法治罪。○又題准凡獲大夥私鹽必究訊窩家經紀所過地方有無徇縱管鹽司道扶同不舉者一併參究不許以肩擔背負奇零小販塞責。○又議准貧民食鹽四十斤以下者免稅四十斤以上者仍令納課。○又覆准竈丁不許充當衙役。○又覆准口外鹽不許侵入長蘆行鹽之地如有違越照私鹽參處。○康熙五年題准天津大沽鹽船出口巡鹽御史印給號票填明人數地方防汛官弁查驗放行如無印票及人數不符夾帶違禁貨物者拏獲治罪地方文武官弁疏縱者照所定出境例處分。○七年題准州縣衛所官勒令百姓買引私派戶口銷鹽者革職司道府都司不查報巡鹽御史管鹽巡撫失於覺察照例議處。○九年題准凡旗人販賣私鹽照例治罪外其主係官罰俸係平人鞭責佐領內管領驍騎校罰俸領催屯長鞭責其馬廠牧人有犯私鹽者領去之營總參領等皆罰俸領催等各鞭責。○十五年題准各官該管界內有私煎販賣者係

所管衙役革職係軍民人等降調如旗人私煎販賣本主自行拏獲者免議。○十七年題准與販私鹽文武失於緝捕者如不及十人或十人以上不帶軍器仍照例議處十人以上帶有軍器者專管官革職兼轄官降級留任限一年內緝獲一半以上者選職不能緝獲者照例革職該督撫巡鹽御史提督總兵官不題參者照例庇例議處若專管官一年內能獲大夥私販一次至五次者分別議敘兼轄官亦照例議敘。○二十一年題准凡私鹽經沿途官兵捕快盤獲者徇縱場官及失察官一併議處。○二十七年覆准各場折課等銀令竈總分催各竈自封投櫃如劣衿蠹役營充竈總包攬收納照包攬州縣錢糧例治罪。○二十八年議准私梟全獲沿途失察武職免議。○又議准武職拏獲別汎私梟者議敘。○又題准鹽店設立小票私畜鹽丁概行禁止有擅用者照違禁例治罪。○三十年覆准十人以上帶有軍器與販私鹽本汎獲賊一半以上失察各官免其處分本汎未獲別汎全獲者亦免其處分別汎拏獲少一二人者仍

照例處分。又覆准巡緝私鹽係運使專責。令在所轄地方巡緝。毋許差往他方藉端生事。擾害地方。挾制有司。三十三年議准。運丁夾帶私鹽沿途各官失察。誦稱出境者降調。三十四年題准。嗣後與販私鹽事發。該管吏目典史知州知縣守備千把總等官失察一次至三次者。照例議處。道府直隸州副將參將遊擊等官失察一次至四次者。照例議處。運使運同運判鹽場大使均係專管鹽務之員。以後竈丁販賣私鹽。大使失於覺察及知情者。分別處分。運同運判照該管州縣官例處分。運使照府道例處分。至開津過往回空糧船官坐船如有夾帶私鹽在船者。將夾帶私鹽之人。照與販私鹽例治罪。管船同知通判守備千總文武官弁知情不知情。分別處分。三十八年覆准江廣糧艘回空至揚州關令押運官弁於該御史衙門先遞報單。總漕並該御史選委能員。公同盤驗。如有夾帶私鹽。將押運官弁失察各官。一併叅劾。並令龍江等三關。凡遇回空糧船到關。亦一例盤查。如有私鹽。即移報督撫。御史會同題叅。四

欽定大清會典事例 卷二二二

十六年覆准私販致礙官引。皆係積梟巨匪。所致。嗣後鹽法衙門將私販之徒。准其用刑拷訊。除正罪外。其餘不得濫用刑訊。四十七年覆准河南陳州舞陽等屬改食蘆鹽。汝甯一府仍食淮鹽。蘆商各守口岸。毋得紊亂經制。永遠遵行。又議准淮南綱鹽。令該巡鹽御史親行盤查分銷。船至江楚地方。鹽道即給水程。地方官不得藉名盤查。需索挪借。又覆准巡鹽御史到任。差人坐守各場口。名為緝私。實即射利。急行裁革。又覆准私鹽之充斥。皆由總商不革官自為私。各賣己鹽。以圖一時之利。令將總商革去。違者該督撫即行指叅。五十六年題准兩淮河曲江汜湖港海濱地方。皆係私販要隘。嗣後各省棍徒來境私販。地方官失察。照從前九卿所定處分例處分。其地方官有能拏獲私販鹽千斤以上者。將該管官弁覈實題請議敘。○雍正元年

諭國家欲安黎庶。莫先於厚風俗。厚風俗莫要於崇節儉。周禮一書。上下有等。財用有度。所以防僭越。禁驕奢也。孟子亦曰。食時用禮。菽粟足而民無不仁。朕臨

御以來躬行節儉欲使海內之民皆敦本尚實庶康阜登而風俗厚夫節儉之風貴行於閭里而奢靡之習莫甚於商人朕聞各省鹽商內實空虛而外甚奢侈衣服屋宇窮極華靡飲食器具畢求工巧俳優伎樂恆舞酣歌燕會嬉游殆無虛日金錢珠貝視為泥沙甚至悍僕豪奴服食起居同於仕宦越禮犯分罔知自檢驕奢淫佚相習成風各處鹽商皆然而准揚為甚使愚民尤而效之其弊可勝言哉司鹽政者宜約束商人嚴行禁止出示曉諭諄切勸戒使其痛自改悔庶循禮安分不致蹈僭越之愆而省一日之靡

費即可以裕數日之國課且使小民皆知儆惕敦尚儉約於民生亦有裨益庶不負朕維風振俗之意若仍前奢侈不知悔改或經朕訪聞或經督撫參劾商人必從重治罪鹽政各官亦不能辭徇縱之咎○又議准杜絕糧船私販將為首旗丁按法重處○二年議准販賣私鹽交與地方官不時嚴加查緝除奇零肩賣者不必緝拏儻有大夥私梟督撫會同將軍撥旗兵協捕其私販為首之人與裝載私鹽之船戶拏獲一同治罪拏獲及出首之人照鹽數議敘○又議准令京口將軍分撥

兵丁於揚子江之三江口瓜洲揚州口等處巡查私鹽○又議准嗣後如有積梟藉稱貧民將私鹽潛行窩囤興販貿易者令地方官弁及鹽政衙門一同稽查○又覆准令各省管鹽督撫巡鹽御史將商人每年應完錢糧務於奏銷限內照數完納如有拖欠即將該商革退引窩別募殷實商人承頂所欠錢糧著落該商家產追賠其原出結各官交該部嚴加議處如有通同徇隱以欠作完等弊於發覺之日將該管各官一併從重治罪○四年議准回空糧船經過產

鹽所在該地方文武官弁不行力催任其逗遛與游客囤戶等私相交易致有夾帶之事者將該地方文武官弁並押空官弁參劾照例議處運丁游客囤戶等照販賣私鹽人等例加等治罪該管鹽務運使等官掣鹽出場務將餘鹽嚴行巡查不許夾帶如有徇隱疏縱發覺之日將運司等官令該巡鹽御史照失察私鹽例題參議處其竈丁人等亦照販賣私鹽律治罪○又覆准每年糧船回空之時於瓜洲江口分委瓜洲營弁協同廳員實力揆查○又覆准糧船旗

丁水手南北往返必須食鹽准其於受兌上船處每船帶鹽四十斤於交卸回空處亦准其帶鹽四十斤多帶者同私鹽例從重治罪○六年議准拏獲私販本犯脫逃者即將裝帶私鹽之脚夫水手拘獲到案詳究本犯蹤迹勒限務獲照例於私販上加治逃罪售與之人亦照私販例治罪其脚夫水手分別懲治若大夥與販照強盜例勒限嚴緝地方文武官弁照溺職例議處○又議准拏獲私鹽務將人鹽數目據實詳報如有將私鹽入己或與各役分肥不行據實詳報並大夥拒捕之案以多報少者即將該管官弁指名題參計贓治罪其有未經侵匿者照徇隱例處分上司知情故縱及雖不知情未經揭參或於別處發覺者將該上司照失察例分別議處○又題准拏獲私鹽必詳究其買自何地賣與何人一併取具確供照與販私鹽例治罪若買自場窰將該管場司並沿途失察各官題參議處其不行首報之窰下照販賣私鹽例治罪儻承審官不究私鹽之來由草率完結亦照例參處○又議准嗣後拏獲私鹽計其斤數

之多寡定罪名之輕重如三千斤以下者仍照例擬以杖徒三千斤以上者即照越境販鹽例問發邊衛充軍○七年題准山東永阜等場灘廣鹽壘率皆露積應於各場適中設立鹽坵除計口量留食鹽外其餘鹽儘數運入官坵按季造冊出結送運使察覈○乾隆元年

諭私鹽之禁所以除蠹課害民之弊大夥私梟每為盜賊逋藪務宜嚴加緝究然恐其輾轉株連故律載私鹽事發止理人鹽並獲其餘獲人不獲鹽獲鹽不獲人者概勿追坐至於失業窮黎肩擔背負易米度日不上四十斤者本不在查禁之內蓋國家於裕商足課之中而即以寓除姦愛民之道德意如是其周也乃近見地方官辦理私鹽案件每不問人鹽曾否並獲亦竟不問販鹽斤數多寡一經捕役汛兵指拏輒根追嚴究以致挾怨誣攀畏刑迫認干累多人至於官捕業已繁多而商人又增私雇之捕水路又增巡鹽之船州縣毗連之界四路密布此種無賴之徒藐法生事何所不為凡遇姦商夾帶大梟私販公然受賄縱放而窮民擔負無幾輒行拘執或鄉民市買食鹽一二十斤者並以售私拏獲有司即具文通詳照

律杖徒。又因此互相攀染牽連貽害。此弊直省皆然。而浙江尤甚。朕深為憫惻。著各省督撫嚴飭各府州縣文武官弁。督率差捕實拏姦商大梟。毋令疏縱。其有愚民販鹽四十斤以上被獲者。照例逮捕。不得控累平民。至貧窮老少男婦。擔負四十斤以下者。概不許禁捕。所有商人私設鹽捕巡船幫捕汛兵。皆嚴飭停止。毋得滋擾地方。俾良善窮民得以安堵。○又題准。六十歲以上十五歲以下。及少年之有殘疾者。其婦女亦止老年而孤獨無依者。許其背負鹽四十斤。易米度日。如不合例之人。概不許藉端興販。其稽查之法。令於本縣報明驗實註冊。給以印烙腰牌木籌。每日卯辰二時赴場買鹽。擔賣一日。止許一次。並止許行陸路。不許船載。○又覆准。沿河文武官弁。凡糧船經過在於河干。竭力稽查。除留食鹽外。其餘夾帶之鹽。照私鹽例入官。○十七年奏准。長蘆堆鹽之地。梟棍匪竊每肆偷扒。以致商憲不敢多積。令場員照例製造烏槍。上刻場名。編號註冊。每灘坵發一二杆。擇老成謹飭之役。給予收執。遇有匪竊施放。恐嚇。仍令該鹽政不特稽查。如有輕行施放。

者。將該管場員照例參處。其各灘坵增造烏槍之時。仍令冊報兵部察覈。○十九年覆准。兩淮各場。如仍有地棍姦竈。將蕩草私販漁利。除民竈各犯按擬治罪外。其不行查禁之該管場員。分司州縣各官。照例參處。如遇產草極豐之年。供煎有餘。紅草仍聽酌量轉售。白草雖遇豐收。禁止販賣。○二十四年覆准。江蘇范隄內外蓄草蕩地。除乾隆十年以前舊墾地畝。仍留播種外。概行禁止。嗣後如有竈戶圖利私墾。致礙淋煎。照盜耕官田律治罪。該分司場員自行查出。免議。失察之分司場員。照例參處。○二十七年覆准。揚州江都甘泉二縣。拏獲私鹽。分給各食鹽口岸。抵配額引。照依該口岸之例。納課仍交變價銀兩。○二十八年議准。各場商運鹽斤。船戶向通梟販盜賣。爬捨等事。呈報地方官詳報鹽政。詳查確實。准其與淹消鹽斤一例補運。所失鹽斤。於各犯名下追變。解部充餉。如商人自行串賣。捏報搶竊。照私鹽例從重治罪。至商廩呈報地方官。抑勒不行。在理一經查出。指名參處。○二十九年覆准。糧船每隻准帶食鹽四十

卅至經過查鹽處所將食鹽擺列船頭聽官查驗零星秤出餘多之鹽每船不得過二三卅如有多帶入官變價充公不得以私鹽混報致滋擾累○三十四年議准州縣官拏獲私鹽概照本地官鹽價值悉令遵照定例交商一律變價入官毋任胥役領賣滋弊至拏獲牲畜價值今昔不同每等酌加銀二兩如有延挨不報以致倒斃者著落州縣官照現定之中等價值賠補至車船等項務按新舊大小照依時價據實報解○三十五年奏准湖北宜昌設卡處所自東湖縣屬平善壩立卡盤驗又自平善壩至南津關設立巡役巡船專司堵禦又自津關至西壩令宜昌通判分派巡役督率稽查自西壩至白洋河設立巡船巡役稽查○又議准江西吉安府屬阜口等五處凡山僻小徑要隘處所多撥兵役協同卡巡常川巡緝即尋常偷漏小販有犯必懲其獲犯兵役立即獎賞該管員弁能拏獲積窩巨販者奏請議敘或兵役巡緝不周以及賄縱等弊即行分別嚴行究處該管官並即嚴參○三十七年議准雲南井官縱容竈戶

攬和沙土者提舉大使比照白土攬入漕糧運弁與押夫千總不行查禁例竈戶比照丁舵已經攬和例分別議處究治失於覺察井員量減一等知情受賄照枉法贓從重治罪在井查出勒令竈戶照數改煎發運出井者落井官名下追賠如承銷州縣明知鹽斤攬和瞻徇容隱一體著賠參處各井員於每年開煎時將樣鹽送巡撫衙門驗發鹽道收儲如分發各屬行銷仍有夾帶泥沙許各地方官將原鹽呈驗參究○又議准雲南省北連川蜀東抵廣西昭通東川二府屬例食川鹽廣南開化二府屬例食粵鹽鄰私竄入有經由津隘應於匪歸總路分設巡鹽員弁酌帶兵役駐紮專司緝捕至本地私販在井透漏責成提舉大使在途透漏責成經由州縣嚴密稽查如井員地方官緝究玩弛分別失察知情參處至開化蒙自臨安等府州縣南接交趾諸沿邊界一併嚴密巡禁○四十一年議准長蘆行鹽地界不准蒙古鹽斤侵越違者照私鹽例其直隸宣化府屬延慶保安蔚州宣化懷來西甯赤城萬全龍門懷安等十州縣食

蒙古鹽斤不在禁例。四十二年覆准山東沂州府河工通判改為沂郊海贛通判兼管緝私。並於兩省私鹽出入之龐家渡口移紮把總一員。巡查盤詰於大興鎮千總所轄兵丁內撥給十名。以供差巡。又覆准河東鹽地添設總巡一員。巡役二十名。在三禁門總卡路口並運城卸鹽垣店左近稽查以防諸弊。四十三年奏准大夥梟徒拒捕傷差之案一經審究得實將得贓包庇之兵役問擬斬候。私售之竈丁及窩囤之匪犯一體擬發伊犁烏魯木齊為奴。四

十五年奏准山西迤北口外鄂爾多斯阿拉善山一帶產鹽甚多且與內地相近必有匪徒興販嚴飭文武官弁督率兵役於通衢及各要隘實力查拏躡緝務使口外私鹽不許絲毫偷入內地。倘有不實心查禁者嚴叅示儆。四十六年議准四川重慶一帶入楚船隻零星食鹽仿照巴東易食零鹽之例每船不得過十斤以上。倘有任意售賣過數除買鹽越販者照例究擬外其賣給多鹽之鋪即以通同貨賣例治罪。四十七年覆准山西民人販運蒙古口鹽接濟

止許在應食土鹽處所售賣不得侵越商銷池鹽引地嚴飭文武員弁於要隘處所實力稽查以防透漏。倘經發覺嚴叅議處。五十四年議准粵省虎門茶泥廠梘甲柵蕉門四處令局商設立巡船召募巡役由守口員弁兼同晝夜巡緝苦竹派梅萊鎮平塘江口等三處亦令局商自行設卡責成地方官派役巡緝至鹽船入口到關及局商分運各樞均由運司飭知沿途汛口地方官催趕前進。倘有遲逾分別追罰治罪以杜稽延偷賣並將無私可截之三水韶州兩

關概行裁撤。五十六年議准行銷淮鹽之江西湖廣江南河南各省無論巡役兵役但能拏獲梟販者將所獲鹽貨車船頭匹全行賞給其所賞鹽斤許該巡役兵役攜赴就近官商鹽店令商人查照現賣時價八折給領鹽斤由商轉銷所賞車船頭匹獲犯之日准該巡役兵丁自行看管定案後准其自行變賣。倘兵役等仍敢包庇縱私一經民人告捕緝獲將該管官弁嚴行叅處兵役與梟販一體治罪如獲鹽不獲人者將鹽貨車船頭匹概以一半給賞一半變解

兩淮運庫充公。六十年議准河南南陽府屬之南陽唐縣鄧州桐柏內鄉新野浙川等七州縣向食河東池鹽鄰近楚省淮鹽網地池私易於透漏其不與楚毗連南陽縣之賒旗店為池鹽總匯之所瓦店為水陸扼要之區其與楚省毗連及距一二里至十數里者唐縣之倉臺鎮張博士店湖河四莊黑龍鎮鄧州之都司衙劉家集夏莊小孫莊魏家集張家店玉皇閣孟家樓桐柏縣之鍾家岡姚河集出山店固始集月河店內鄉縣之順陽川黨子口高家岡新野縣之趙家橋焦家灣水壘村梅家灣新店鋪文家橋觀音寺黃家集張家集袁家灣大石橋浙川縣之荆子關白亭店李官橋等水陸要隘共三十七處均應督飭地方文武員弁協同兵役在於該處設卡巡防晝夜實力躡緝遇有私梟越楚查拏究辦。嘉慶五年奏准雲南各井鹽斤督飭井員查禁竈私偷漏並嚴飭迤東之曲靖開化臨安等府文武派撥兵役於各要隘認真巡緝如有川粵私販侵越入境即行擒拏報解儻敢懈縱嚴參究處。又議准河東鹽池課歸

地下將河東蒙古鹽斤酌定限制以杜侵越口鹽由河運磧口鎮責成汾州府派委委員輪班駐紮該處彈壓稽查遇口鹽船隻到鎮押令起岸堆儲零星販賣儻委員賣放經下游地方官拏獲或被訪聞嚴參究辦黃河對岸陝西地方令陝撫查禁至河東池鹽由茅津渡上游各渡口過河責成河東道派委委員輪班駐紮會同該管縣丞過商販赴豫鹽斤務須押令對渡登岸陸路轉運毋得順流直下儻有賣放嚴參究辦令豫省一體嚴查免致侵越淮蘆引地。二

十一年奏准江西省准引滯銷由鄰省私鹽侵越所致應於要隘處所分派文武員弁各帶兵役堵緝需用經費在於商捐項下支給

城縣之杉關派武職一員帶兵五十名盤湖派文職一員帶巡役三十名堵緝南豐廣昌一路私販於金谿縣之許灣派武職一員帶兵五十名甯都州之駱口派武職一員帶兵三十名查緝浙省私鹽於石港派文職一員帶兵三十名設巡船二隻於安仁西門之藍橋派武職一員帶兵三十名緝私於水陸分緝粵東私鹽於萬安之五里派武職一員帶兵五十名緝私於白洋坳派武職一員帶兵五十名緝私於江西之地方汛弁督率兵丁常川巡緝本營上司將派緝各弁職名半載比較一次按本州縣銷引溢

缺分數咨部議敘議處又緝私弁兵准攜帶鳥槍編列字號官為給發如無官編字號即屬私帶俟梟賊稍戢即行停止若零星小販及大夥非持械拒捕者該弁兵混行槍斃仍照凡人鳥槍殺傷例問擬○二十三年議准山東省界連江南之大興鎮並私鹽出入之龐家渡口江南省之鎮江海州沭陽之龍首集高郵寶應至甘泉縣境之六插鳳凰壁虎等橋江廣糧船由之地儀徵縣之沙漫洲北新洲老虎頭黃連港船停泊之所鹽湖北省東湖縣之平善壩南津關西壩白洋河私川鹽

出襄陽縣之東石臺湖鄢家埠口蔡新集上泥河正北鄉破碑鋪喬家岡清涼寺北路井西北鄉淨土寺熏龍集棗陽縣之寺莊店應山縣之平靖關吳家店漿溪店花山店許家沖隨州之小林店若子河鄰近河南有新野鄧州信陽等州縣地江西省吉安府之早口等五處南康府之青山入江新城縣之盧家嶺山岡口杉關盤湖隘南城縣之水濺架南豐縣之百丈嶺夫人嶺瀘溪縣之椒溪等五處又朱崖藻坪陳坊貓兒嶺脊鏡州府之德興浮梁二縣安仁縣之藍橋石港長

塘金谿縣之許灣富都州之駱口萬安縣之五里隘泰和縣之白洋墩贛縣之攸鎮磨角地方關浙粵東三省湖口縣之梅家洲北姑塘回空私鹽出入之所河南省南陽縣之賒旗店瓦店河東池過之地張博士店湖河四莊黑龍鎮鄧州之都司衙劉家集夏莊小孫莊魏家集張家店玉皇閣孟家樓桐柏縣之鍾家岡姚河集出山店固始集月河店內鄉縣之順陽川黨子口高家岡新野縣之趙家橋焦家灣水臺村梅家灣新店鋪文家橋觀音寺黃家集張家集袁家灣大石橋浙川縣之荆子關白亭店李官橋水陸要隘三十七處毗連楚省廣東省番禺縣之虎門紫泥廠梳甲柵蕉門惠州高州廉州等府之苦竹派梅萊鎮平塘江口雲南省之曲靖開化臨安等府均於扼要處所由各該督撫飭委文武員弁認真堵緝私鹽毋稍疏縱仍禁止兵役藉端勒索如各員弁不能實力整頓或私販不即查拏或勒索不加懲治該督撫即據實指參照例議處該管各上司一併查明參奏

○又議准江西省建昌饒州二府屬各要隘地

方設卡分巡遴選文武員弁與各本處營汛弁
兵協力堵緝俱以半年考覈一次查明各處獲
私多寡銷引溢缺分數由巡撫會同鹽政覈實
具題分別議敘議處江西省准引滯銷由各縣
私使越所燒凡解私一切
經費俱奏准○又議准凡拏獲私鹽數在三百
斤以上者將買自何人何地及窩頓之人訊明
確據關提審究按律懲治若審出買自場窰將
該管場員並沿途失察各官一併題參窰丁按
私販例治罪承審官率混詳結者並予參處○
又議准引地交界處所鄰商鹽店止在開設數
處餘俱移至三十里外以杜侵越○又議准河
東池鹽皆由茅津渡上游各渡口過河責成河
東道委員輪駐會同地方官巡察遇商販赴豫
鹽斤押令對渡登岸陸路轉運毋得順流直下
僮委員等漫不經心一經下游地方拏獲或被
訪聞該管上司立予嚴參並令豫省一體查禁
以杜侵越准蘆引地○二十四年覆准江南浙
江等省附近場窰地方貧難小民年六十歲以
上十五歲以下及年雖少壯身有殘疾並婦女
年老孤獨無依者報明州縣註冊給予印烙腰

諭
牌赴場販鹽四十斤售賣准行陸路
不許船載每日止許
一次僮有更番疊出積少成多或串雇貧民代
為分拆零售者嚴拏究辦其山西大同朔平甯
武等屬並口外歸化城清水河薩拉齊和林格
爾豐鎮甯遠等廳向食鄂爾多斯蘇尼特兩處
鹽斤亦仿照江浙等省之例准每人肩挑背負
鹽四十斤過此即以私販論○道光十一年
諭
盧坤等奏籌銷楚岸積鹽並查出重斤懇恩從寬罰
令量減售價以便民食一摺楚省額銷准鹽據該督
等查明現報存岸及載運在途鹽數已有六十一萬
餘引之多幾佔一年銷額並查出短少鹽包及重斤
夾帶之弊本應將該商船戶廝夥等分別究懲因人
數過多懇恩寬其既往責令該商減價售賣以溢出
之重斤抵補減售之價值於商本不致大折可以稍
示薄懲所有查出重斤者加恩一體免其究辦罰令
各商每包減價一成售賣以期速銷其辛卯綱到岸
新鹽毋得仍前套搭並著此後查照奏定章程由准
實發水脚嚴禁扣價買裝以杜帶私盜賣諸弊至現
在存岸鹽船有歷一年十月之久尚未開封者雖到
船月分多寡不一儘可酌數開售著照所議上年正

二三四等月。到岸最久之船。計五萬餘。外合為一次。先行儘開。其在後月分。到船數多者。一月一開。到船數少者。併為兩三月一開。總期廣為疏銷。俟新綱運岸。隨到隨售。永除封輪名目。其在揚在楚。洋費現已逐加釐剔。著該督隨時稽查。俾成本永遠輕減。民間無虞食貴。並著督飭所屬嚴緝。鄰私仍於漢岸江船聚集之處。酌派幹員設卡稽查。以杜盜賣。淹消各弊。該督等務當認真整頓。俾積弊悉除。釐務日有起色。不可有名無實。致干咎戾。○又

諭楊國楨奏行銷淮鹽引地籌議章程一摺。前因陶澍

奏准鹽行銷引地。散在各省。請飭一體巡緝。當經降旨。飭令該督撫各就地方情形。妥議章程。明示懲勸。茲據楊國楨覆奏。河南汝甯府。並光州所屬十四州縣。例食淮鹽。該撫於上年親往查辦。水路隘口。添設卡座。責成地方員弁。隨時巡邏。杜絕私販。現在明定懲勸章程。咨會兩江督臣。飭令該商迅速運鹽到岸。俾梟販擒匪。無從乘隙為姦。其毗連楚省地方。並咨明該省督撫。飭屬堵緝。以杜偷越。著照所請。嗣後豫省行銷淮引。如果地方官緝私出力。督銷三年如額。即咨部量予議敘。如督銷不力。或巡緝懈弛。即嚴行

參辦。並著兩江總督嚴飭淮商。辦運迅速。到岸毋蹈從前稽遲懸引積弊。其行銷潞鹽。南陽府屬界連楚省。淮鹽引地。著湖廣總督湖北巡撫一體飭屬堵緝。各該督撫等務當恪遵前次所降諭旨。督飭地方文武員弁。無分畛域。併力緝巡。俾官引暢銷。私販淨絕。毋得日久生懈。致干重咎。○又

諭湖南郴州所屬永興縣地方。例食粵鹽。與淮鹽引地

交界。粵商開設子店。本係行銷生鹽。近來粵商藉海船。船底沙泥。准其煎熬零售。遂至開設熬鍋。至一百數十口之多。將生鹽煎熟。充作淮鹽。越界售賣。以致楚省漸形缺額。必應嚴定章程。各守地界。著李鴻賓即遵派廉明誠實之員。前赴郴州。會同衡州府知府詳勘情形。酌定熬鍋額數。永定限制。毋許私增多設。按年取結報部。以杜侵越。○又

諭盧坤等奏整頓鹽務設立章程一摺。楚岸淮引滯銷

皆由內私外私占塞銷路。而治內私尤亟。於堵外私現經該督等遴選幹員。專駐江船聚集之塘角。設立總卡稽查。並派員幫同巡察。即查出郭漢玉鹽船。船戶盜賣等情。在漢關盤獲李之連私鹽萬餘斤。又續獲劉大富等雇船裝運腳私二起。計重三萬七千餘

斤並查近年鹽船動輒捏故淹消多有划船乘機搶奪現飭員會同總卡委員各派丁役不分晝夜在於各壩口梭織巡邏遇有捏漏淹消搶鹽划船盜賣輕載即分別查拏驗究其江干渡划擺江漁艇等船舊有編號章程業飭各該縣轉飭汛員督率保甲將所管水面船隻分類編號大書姓名各歸各埠造冊報縣送總卡稽查並將存河鹽船按幫取具連環保結俾盜賣者鄰船即行舉報辦理尚屬周密如果各該縣暨委員認真稽查將帶私之船遇案獲究淹消盜賣之風自必斂戢惟所拏必須私梟大夥方准奏請鼓勵該督等務當嚴飭所屬實力巡查使積弊胥除官銷日見暢旺以肅鹺政○又

諭陶澍奏酌定楚西等省鹽船到岸限期並委員巡緝以杜夾帶盜賣一摺楚省商運江船行走限期舊例已為周密惟運鹽至江西省向未定有限期據該督查明程途比較楚省限期酌定著照所議小船定限二十日中船定限三十日大船定限五十日責成淮南監掣同知於商人雇船運鹽前赴楚西視引數之多寡定雇船之大小以裝滿九分為率不許留有空艙致多夾帶至安徽河南各口岸鹽船既分江湖兩

運兼有換船起剝之處其船並無大小著以淮安城北烏沙河開運之日起定限每日行三十里將盈補紕按程途之遠近扣日期之多寡責成淮北監掣查驗開行均不得留艙夾帶仍將開行及到岸限期並喫水尺寸另給催趨限單抵岸報驗由各該鹽道認真查對儻有中途風水阻滯照楚省舊例在其據實呈報如逾限不到即行查辦至夾帶賣私之弊楚西一路為尤甚往往往鹽已賣盡即捏報淹消從前曾委武職員弁巡緝嗣經裁撤著仍復舊規每年酌委參遊守備或文職二員自儀徵大江溯流巡緝至湖口分路一往江西一往漢口仍由原路查回儀徵換員前往接巡責令訪查夾帶賣私捏報淹消等弊並令沿途催趨行運毋任稍有逗遛其所委之員該督仍隨時查察勤惰分別勸懲總須認真辦理杜絕諸弊俾鹽引暢銷鹺務日有起色不可虛行故事日久仍視為具文○咸豐十一年

諭勞崇光奏鹽務緝私緊要請在隘口設立排船一摺廣東鹽務積疲日久私販充斥以致官引滯銷課項徵收短絀北江一帶梟匪聯幫販私持械拒捕大為鹽務之害著照所請所有清遠縣屬白廟地方即添

設排船製備槍礮編立字號發給兵役遇有大夥私匪執持火器軍械抗拒即格殺毋論如零星私販並未拒捕仍照常緝拏不得概行施放槍礮並著勞崇光遴委公正文武大員前往常川駐紮督同緝私員弁兵役嚴密查緝認真辦理以肅疆綱○光緒元年諭御史王立清奏辦理釐鹽各局請明定章程等語各省抽釐分局及江皖兩湖等省督銷兩淮票鹽分局各該州縣往往以本籍紳士經營弊竇叢生亟應嚴行禁止著各該省督撫及鹽政衙門嗣後委辦釐鹽各分局不准用本州本縣紳士其已委者即行裁撤並將委員職名籍貫年終報部以憑查覈

引自由單○順治元年定寶泉局刊鑄銅版刷印鹽引每引納紙硃銀三釐附同正課交都轉鹽運使司按年解部以供刷印○三年差官督理淮浙引務加戶部侍郎銜駐紮揚州○六年鑄戶部鹽引印以鈐鹽引○七年停差督引部院仍令鹽運使司官吏赴部關領○十三年定巡鹽御史先領二季鹽引赴任其二季仍委官赴領○康熙十一年鑄戶部鹽茶銀印二顆鈐

鹽茶各引○十二年定長蘆山東河東南淮南浙每年四季鹽引豫支戶部庫銀刷印交新差御史帶往俟解到紙硃銀補庫○十六年題准將長蘆各場窰戶地丁錢糧自十八年為始刊刻由單分送本部戶科查驗散給各窰戶○二十八年議准場窰向無全書刊刻易知由單易於稽覈不必造賦役全書○三十年覆准鑄戶部山東司鹽引之印二顆鈐各鹽引○三十五年覆准鑄鹽引銅版長蘆十有一塊山東六塊河東六塊兩淮十有四塊花馬大池一塊小池三塊漢中府西和漳縣二塊兩浙八塊四川一塊福建四塊兩廣八塊○六十一年覆准令寶泉局照舊式鑄造新版六十四塊其模糊舊版即交銷毀○乾隆六年題准鑄換鹽引新版六十四塊其舊版即繳銷○十三年定各省由單均解交戶部以備稽查○又題准新鑄鹽引銅版長蘆十有一塊山東六塊河東六塊兩淮十有四塊福建八塊兩浙八塊四川一塊兩廣八塊其花馬大小池西和漳縣毋庸鑄換舊版交與寶泉局銷毀○又定例各省鹽引每於歲終

各該督撫鹽政。差委官役赴部請領。部按其請領之數。刷印發給。五十二年題准。換鑄銅版六十塊。兩淮十有四。長蘆十有一。山東六。河東六。兩浙八。廣東八。福建八。四川二。花馬大池二。花馬小池二。漢中府一。漳縣今改西和一。舊版交寶泉局銷毀。五十八年題准。換鑄山東司鹽引銅印二顆。舊印繳銷。六十年題准。換鑄兩淮。長蘆。山東。兩浙。廣東。福建。四川。花馬小池。漳縣。西和等九處銅版六十塊。其河東。陝西。花馬大池。漢中府三處。課歸地丁。原定銅版八塊。毋庸換鑄。舊版交寶泉局銷毀。嘉慶三年題准。換鑄戶部鹽茶銀印二顆。山東司鹽引銅印二顆。舊印繳銷。又定。商人領運引票。在河內失水。呈明地方官詳查確實。結報鹽政運司。鹽政印給照票。飭商補運鹽斤。在大江失水。州縣官會同營員查勘確實。限一月內通詳鹽道。於州縣詳到日。起限半月內。數轉鹽政印給照票。飭商補運。限三箇月。過所運岸。若係殘引殘票。失火失水。所有遺失引票數目。由營汛地方官出結。鹽道加結。申報督撫鹽政。覈實送部。仍於奏

銷冊內聲明題銷。至補給印票。同殘引一併繳部。倘有姦商捏報。查究治罪。營汛地方官。或有藉端勒索。及通同捏報。一併查參。分別究擬。同治十二年定。運商窩單。即令照窩行運。不必官為定價。止在按網給單。不准據請數網售賣。如本窩力絀。不能運鹽。或不願自行辦運。准其售於新商認運。不准轉賣於不行鹽之人。倘該商於開網後。並不投滾辦運。又不退與新商。即由運司提窩改簽。以杜流弊。附載戶部為鹽法事。山東清吏司案呈。照得。蘇鹽法。題准各項事例。除通行遵奉外。所有引目。除場竈丁人守禦官吏。軍民權豪勢要。官運鹽貨。偷取插和。場戶運鹽。攜帶軍器。諸人買食私鹽。載鹽不用官船七款。另文申飭外。其題定鹽斤繳引二款。惟准鹽行安徽。江西。湖廣。河南等處。春並行鹽地。繳引下添驗引二字。三款。改三款。春並行鹽地方。合行開列。鑄造銅版。印刷引目。給付客商收執。照鹽前去發賣施行。須至引者。一。某處。某凡客商賣鹽。每引行鹽若干斤。為一引。給半印引目。每引完納引價。隨即給引支鹽。一。凡客商與販鹽貨。不許鹽引相離。違者同私鹽追斷。如賣

鹽票十日內不繳退引者。答四十。將舊引影射鹽貨同私鹽論罪。偽造鹽引者處斬。以上二款各省同。一起運官鹽。每引三百六十四斤為一包。經過批驗所。依數掣擊秤盤。但有夾帶私鹽。隨發有司追斷。客商貨賣官鹽。自揚子江至湖北襄陽。俱係經過官司辨驗。如無批驗所掣擊印記者。答五十。押回盤驗。此款止載兩行鹽地方。將所行地名總載一引。若有分載二三引者。均詳列某省某府或某府某縣。右引付客商某收執。照鹽准此。某年月日。

欽定大清會典事例卷二百三十二

戶部

漫務 山場 額課 關汛巡防

山場○原定八旗分山採漫。彼此不得越境。○康熙二十三年奏定。嗣後八旗俱往烏蘇里等處採漫。其分山各入之例。暫行禁止。○四十八年議定。甯古塔瑪彥窩哩別派。綏哈河伊拉莫河等處地方所產之漫。專備

上用。不准常人採挖。○雍正八年奏准。烏蘇里綏芬等處漫山。開採二年。停歇一年。其停歇之年。在

額爾敏哈爾敏地方開採。○又奏准。烏蘇里綏芬等處漫山。招商開採。○十年議准。烏蘇里綏芬甯古塔等處。分年採漫。又甯古塔綏哈河伊拉莫河綿河山雅滿山。自康熙四十八年禁止採取。至今二十餘年。嗣後甯古塔五處分為一年。烏蘇里綏芬分為一年。○乾隆九年議准。烏蘇里等處放票收漫。試開二年。停止一年。或連創三年。歇山一年。○十年奏准。額爾敏哈爾敏地方附近禁山。其二道江即額和訥音。關繫長白山風水。未便令其開採。嚴行飭禁。○二十三年

奏定。向來烏蘇里綏芬地方。創濩二年。歇山一
年。其歇山之年。額爾敏哈爾敏。仍行官票。今額
爾敏哈爾敏官票。禁止已經數載。烏蘇里綏芬
放票事件。暫停一年。次年或令二處並行試放。
仍俟試辦一年後。如有應行增減之處。再行斟
酌定議具奏。○又奏准。二道江創濩處所。距
長白山百有餘里。創夫採濩。不過深至一尺。似與風
水無礙。不必禁止。又

盛京距吉林甚近。二處可同放濩票。○二十四年
奏准。

盛京吉林甯古塔。同放濩票。本年暫就各處給領
如遇額爾敏哈爾敏歇山。僅放烏蘇里綏芬濩
票。再通行曉諭

盛京人等。行令該處由彼領票。○三十五年奏准。
黑龍江之蒙古魯山。亦令試放濩票。由吉林烏
蘇里綏芬濩票內辦給。○四十七年奉

旨。吉林伯都訥等處。著於次年。起歇山一二載。嗣後創
採數年。即歇山一次。○又奏准。

盛京額爾敏哈爾敏濩山。嗣後請創採二年。歇山
一年。○又奏准。吉林所屬大山。烏蘇里綏芬。小

山。羅拉米瑪延英額嶺。自四十九年起。各放票
二載。嗣後大小山林。輪換歇山。○又奏准。綏芬
烏蘇里等山內。有二千餘里。綏芬係甯古塔所
屬。須由陸路前往。烏蘇里係三姓所屬。須由水
路前往。入春以後。令該處副都統分路按查。於
所至之極處。各懸新牌。換回舊牌。嗣後歇山之
年。均照此辦理。○又奏准。黑龍江所屬蒙古魯
山。請將行票之處。暫行多歇數年。令黑龍江將
軍嚴行飭禁。○四十八年奏准。

盛京歇山以後。雖嚴行查拏。尚有偷竄之弊。歇山
實屬無益。請自次年起。照常行放濩票。○五十
八年奏准。黑龍江所屬蒙古魯山。歇山已經數
載。仍應放票。本年即由吉林羅拉米瑪延濩票
內填寫放給。次年再請領票。○五十九年奏准。
烏蘇里綏芬及英額嶺兩路。分年開創。按查看
情形。妥為籌辦。○嘉慶七年奏准。吉林毋庸歇
山。仍照舊開採。

額課。○原定王以下。公以上。許遣壯丁於烏喇
地方採濩。效力勤勞大臣。亦許遣壯丁採濩。○
順治五年議定。停止大臣採濩。○康熙二十三

年奏定。舊例親王壯丁一百四十名。郡王壯丁一百名。貝勒壯丁八十名。貝子壯丁六十名。鎮國公壯丁四十五名。輔國公壯丁二十名。奉國將軍壯丁十八名。奉恩將軍壯丁十五名。每名給票一張。採蕩以護衛為長。無護衛派包衣為長。遣往時由

盛京協尉官兵帶往採取。八旗內有買蕩販賣者。由戶部給票。令買蕩之人前往

盛京開原等處收買。不准於採蕩處買取。每票一張。人不得踰四名。馬牛不得踰十匹。共給票三

千一十九張。○三十六年議准。八旗王貝勒貝子公等領票採蕩。咨送山海關秤量蕩數。計定額之外。所得之蕩。該監督照例收稅。又八旗買蕩販賣者。持該旗印結咨送戶部。戶部給票。持赴稅官記案。出山海關。入關時該監督照數查明收稅。○四十年議定。開採蕩山。創取人蕩。交內務府辦理。○四十八年奉

旨。令烏拉打牲滿洲等採蕩。每年交送一千斤。其餘作價。○又議定。烏拉打牲滿洲壯丁。共派出一千三百名。十人一長。將軍衙門給予印票。註明十人姓

名。烏拉打牲滿洲總管。給予盛京關防印票。亦註明十人姓名。著派協尉等官各督所屬。自備資斧採蕩。○又

諭。採蕩人照鹽引給予蕩引。所得之蕩。分為三分。兩分

交戶部。發崇文門監督變價。一分交盛京將軍衙門。按時價折給採蕩兵丁。其折價之蕩。仍送戶部作價。

○又議定。每引一張。例蕩十兩。滿洲人等初次採蕩。引數難以豫定。待試採一年。酌量各處所得蕩數。再行議定引數。由戶部領予萬斤蕩引。

盛京將軍所屬。發給四千斤蕩引。甯古塔將軍所屬亦如之。烏拉打牲總管所屬。發給二千斤蕩引。所用蕩引。並所得蕩數。俱著奏

聞。○又定。盛京酌派滿洲兵四千。甯古塔滿洲兵四千。烏拉打牲滿洲兵二千。十人一長。四十人為一夥。所得之蕩。分別多寡美惡。折給銀兩。著該將軍選上蕩一百斤。次蕩九百斤。解交內務府。其餘折給銀兩。

盛京滿洲採獲上蕩者。每斤折銀二十二兩。惡者折銀十四兩。甯古塔烏拉滿洲。上蕩。每斤折銀

二十兩。惡者折銀十二兩。收漫之時。由戶部奏派堂官一員。帶幹員四人前往。會同該將軍烏拉總管。公同驗收。其折給銀數。漫數。均開入原執漫引。鈐用將軍總管印信。交派往大臣收納。

○雍正元年奉

旨。採漫雖經嚴禁。盜窺究不能除。與其肆令盜窺。莫如定制收課。欽此。遵

旨。議定。烏蘇里。綏芬等處。有自備資斧採漫者。無論旗民。每票交

上用漫二兩五錢。徵銀十二兩。每漫一斤。徵收稅銀

二兩五錢。汪清等邊外。額爾敏。哈爾敏。額赫諾。殷。薩音諾。殷等附近地方。有願自備羣馬採窺者。每票交

上用漫二兩五錢。亦徵銀十二兩。無力之人不能遠採。免其交漫。仍徵收銀六兩。每漫一斤。仍徵稅銀二兩五錢。十人一長。五十人一領首。互相連保。將領票人數姓名旗分佐領住居註冊。按冊收稅。其印票一萬二千張。

盛京六千張。額爾敏。哈爾敏等處二千張。吉林。烏拉。甯古塔。四千張。○二年議准。每票一張。交銀

四兩。漫二十四兩。額爾敏。哈爾敏附近地方。負

載徒行之人。每票一張。徵銀二兩。漫二兩。○又

定。額爾敏。哈爾敏等處。每票一張。亦照各處交

銀四兩。上等漫二十四兩。○四年議准。烏蘇里

綏芬。向例每票一張。取漫二十四兩。銀四兩。嗣

後免其交銀。俟採還時。每票收漫二十六兩。奉

天免取漫二兩。還時。每票收漫二十四兩。○八

年奏准。烏蘇里。綏芬等處。漫山。招商創採。給票

一萬張。隨身紅票十張。令商人雇夫一萬名。每

票一張。收漫十六兩。十兩交官。六兩給商作本。

所給漫票。如不敷需用。再行添給。餘賸送部查

銷。○又奏准。烏蘇里。綏芬等處。漫山。創採二年。

停歇一年。其停歇之年。刷印漫票二千張。於額

爾敏。哈爾敏。漫山。創採。○乾隆二年奏准。每票

一張。應交官漫十兩。漫商收本漫六兩。餘漫留

給領票之人。如創夫售賣。漫商多收。均著該將

軍。巡查御史指名參處。官漫不敷。著落漫商賠

補。○三年奏准。每票一張。收漫四兩。票銀四兩。

其票銀解交

盛京戶部充餉。如有賸票。送部查銷。○四年奏准。

烏蘇里綏芬等處。因原定漫票一萬張。未能照數放給。嗣後仍照原議。擬定一萬張。以八千張作為定額。二千張以備不敷之用。如放不足數。著落該商賠補。○九年奏准。漫票一萬張內。額票改為六千張。交商辦理。○又奏准。漫票改為官辦。嗣後官雇劄夫。於各項備存銀內。幫給劄夫銀兩。每票交漫十兩外。將所得餘漫六兩。抵還幫給劄夫。以及各項公用款項。其每票所收漫六兩。仍解交內務府。以作抵補之項。除官漫商漫外。所獲餘漫。仍聽劄夫變賣。再支給漫票。仍照舊刷印一萬張。內額票六千張。將三千五百張交

盛京將軍。其一千五百張交吉林將軍。一千張交甯古塔副都統。會同派往各官辦理。其餘四千張。

盛京存儲二千張。吉林存儲一千張。甯古塔存儲一千張備用。○又奏准。

盛京吉林甯古塔等處。行放漫票。因召募商人承辦。私弊較多。官票放不足額。嗣後改官雇劄夫。並選派京員前往幫辦。無論旗民。均准給票劄

採。○又議准烏蘇里等處收漫。改歸官辦。或開二年停止一年。或連開三年。歇山一年。皆令盛京將軍吉林將軍甯古塔副都統。會同商酌辦理。○十年奏准。公用漫與官漫。仍交內務府查收。○又奏准。奉天地方劄夫領票。向係一票一人。交漫十六兩。今請酌改一票三人。收漫十三兩。以十兩交官。二兩作為公用。一兩賞給保人。其餘漫即作為劄夫行裝之用。所有動撥庫銀倉糧官為幫給之處。即行停止。再安設卡倫官兵公用等項。仍應遵照原議。酌量動撥備存銀兩。以資辦公。至公用漫與官漫。仍解交內務府查收。○又議定。

盛京吉林甯古塔三廠商買官票餘漫。前赴漫局呈明。交納紅票銀兩。先令劄夫議定價值。始赴漫廠呈明字號漫數。查對相符。本廠登記。俟其賣完。俾集商人復行查對。收稅票銀。將商人姓名及所買漫斤泡丁蘆鬚數目。填寫紅單。用印包封入櫃。雇車交委解人員。分撥起解。其有未及賣完者。俱在二撥起解。如未經赴廠呈明登記。雖係正票餘漫。查獲亦應入官。免其納稅。○

十一年奏准。打牲處總管。每年派官二員。兵三百名。前往挖取官蕩。○十五年議准。烏拉地方捕牲壯丁採取人蕩。有名無實。嗣後採蜂蜜三百戶。停其採蕩。○二十一年議定。凡採取官蕩之人。各給印票。上三旗人。用戶部內務府印。下五旗人。用戶部印。該管主編號給票。以便稽查。○二十三年奏准。

盛京吉林。二處蕩票。酌中定數。由部刷解四千張。回山照票四千張。引票八張。實力散放。如有餘贖。送部銷毀。○又議定。

盛京吉林。陸路蕩票。三人領票一張。帶馱三分。米六市斗。水路蕩票。亦係三人領票一張。帶小船一隻。米一石八斗。每票俱收蕩六兩。銀六兩。所收銀兩。給予保票之人。所收之蕩。以五兩交官。一兩作為公用。仍將公用蕩與官蕩。全行解交內務府查收。其公用蕩一兩。折銀五兩。由盛京戶部領回還項。○又議准。商人承買刨夫餘蕩。從前由甯古塔至

盛京者。每斤交引票銀四兩。由盛京至山海關。京城者。每斤交引票銀二兩。今

盛京吉林。二處放票收蕩。即在本處徵收。吉林距甯古塔附近。

盛京距吉林附近。由吉林至盛京者。每斤收引票銀二兩。由

盛京至山海關。京城者。照舊每斤收銀二兩。代為納稅雇車。餘贖作為公用。○二十四年奏准。

盛京距吉林甚近。二處可同放蕩票。○又奏准。本年放票收蕩。除派京員外。仍令奉天府尹會同辦理。○三十二年奏准。近因

盛京採蕩。山場漸遠。產蕩稀少。刨夫每票三人。隨帶黑人甚眾。請酌改每票一人一馱。令各交蕩五錢。毋許朋充。並發給蕩票五千張。自三十三年為始。試放一年。果否著有成效。再將實在情形具奏。○又奏准。

盛京蕩票。每票一人一馱。交蕩五錢。以十張蕩票。收官蕩五兩。其扣算公用。以二張蕩票。收蕩一兩。仍照前例折銀五兩。作為公用。○三十五年奏准。烏蘇里綏芬印給蕩票一萬四千張。護牌八張。英額嶺東山二千張。護牌二張。羅拉米瑪延山四千張。護牌二張。由山回票共三萬張。黑

龍江所屬蒙古魯山。試放漫票五百三十九張。俱一票一人。交漫五錢。○四十二年奏准。吉林甯古塔等處行放漫票。向係一票一人。交官漫五錢。今創夫夾帶黑人。放票日少。漫斤不能充裕。改為一票四人。交官漫二兩。或有創夫情願多帶人夫者。即作為餘夫。於票尾註寫姓名。每名交漫五錢。其創夫給保人銀兩。按人數計。每人給銀一兩。○又奏准。吉林頒發官票二千五百張。以二千張暫為正票。以五百張暫為餘票。甯古塔官票一千五百張。以一千張暫為正票。以五百張暫為餘票。於四十三年起。試放三年。如有正票之外。多放餘票者。即予議敘。如正票不能放完者。參奏治罪。至三姓。伯都訥。阿爾楚喀。三處放票。照每年銷票之多寡。以定責成。三處副都統。令其儘力銷放。創夫回山時。實力督催。仍將放票多寡之處。開單具奏。○四十七年議定。

盛京吉林甯古塔三處。每年部發漫票。照各省繳鹽茶殘引之例。俟各處解到之日。隨時捆包秤定。開明斤數。移交內務府。○五十五年奉

旨。每年行放漫票。雖難以豫為定額。亦未便支領過多。去年領票五千張。僅放票二千三百三十餘張。著交該部。嗣後給發漫票。交各該處。每年所需之數。十分之內。多備二三分辦給。毋得餘積過多。欽此。遵旨議准。

盛京等處漫票五千張。酌減二千張。回山照票五千張。亦酌減二千張。吉林等處漫票四千張。酌減一千張。回山照票四千張。亦酌減一千張。○又議准。

盛京吉林二處繳回漫票。解交崇文門變價。其變價銀兩。交內務府查收。○五十八年奏准。黑龍江所屬蒙古魯山。歇山。已經數載。本年仍應放票。由吉林羅拉米瑪延。漫票內。填寫放給。次年再請領票。○五十九年奏准。吉林散放漫票。令該將軍副都統。勸諭招徠。毋任官為勒派。俾領票人等踴躍從事。漫票以五百張為率。定為試放之數。如創夫願多領票。量加增放。其甯古塔放票。查照吉林章程辦理。○嘉慶四年奏准。吉林每年放給創夫票。約二百張。放給燒鍋人等票。約一百五十張。嗣後吉林原放漫票五百張。

酌減五十張。伯都訥原放票三十四張。酌減四張。阿爾楚喀原放票二十九張。酌減四張。三姓原放票三十六張。酌減六張。○又奏准。

盛京行放淺票。近因山路漸遠。創夫無力入山。於原放票一千九百四十六張中。酌減一百九十四張。以一千七百五十二張為額。至燒鍋領票。究非例設。即行查禁。○又奏准。吉林開設燒鍋之人。與創夫熟識。力能幫貼創夫口糧。責成通融辦理。○六年奏准酌減。

盛京吉林二處淺票。自嘉慶七年為始。

盛京等處酌減五百張。發給二千五百張。回山照票二千五百張。護牌四張。吉林等處酌減二千張。發給一千張。回山照票一千張。護牌十二張。酌減四張。發給八張。如行放漸多。報部請添。○又奏准。吉林放票五百張。內減票三十五張。印票三張。甯古塔放票二百一十張。內減票十四張。印票一張。作為定額。○八年奏准。吉林淺票。仍准四人一票。○十年奏准。

盛京寬淺創夫。每票一人。礙難辦理。准其攜帶炊爨人四名。○十四年奏准。吉林餘淺較多。請量

為減收淺餘銀兩。每上淺一兩。收銀十四兩。中淺一兩。收銀十兩。次淺一兩。收銀六兩。如遇餘淺少出之年。仍照舊增收。以二十兩作為定額。

○十五年奏准。吉林淺票。以四百六十五張作為定額。○又奏准。吉林淺票。每創夫四名。領票一張。交淺二兩。或有情願自帶炊爨人者。至多不過五六名。免其按名交淺。此外再有多帶之人。作為餘夫。每名交淺五錢。歸入額淺項內。僅交淺虧缺。即以正身創夫餘淺代交。○又奏准。官淺到局。先令局員認看。將軍副都統府尹侍

郎公同挑選足額。各按各界。分包黏貼印花。派員解京。其餘仍照舊令商人認買。○又奏准。吉林等處淺局。所收商人繳過淺餘銀兩。令於放竣之日。將所收數目報部。並令山海關副都統監督等。於該商進關時。將所報交過淺餘銀數。及餘淺銀兩。係何成色。詳細造冊報部。儻成色銀數不符。由戶部奏明查辦。○又奏准。

盛京包門人等。承領燒鍋淺票。招攬創夫。出邊採挖。嗣後照吉林之例。令局員地方官。取具的保。充作攬頭。革除包門名色。每年放票。仍令燒鍋

承領出銀。屆時攬頭攜帶創夫。入山採漫。儘數封送到局。攬頭交納官漫足額。餘漫令售與商人。不足者。令其賠補。其有經理不善。責令局員會同旗民地方官另行召募。毋庸釐定額數。○又奏准。吉林漫局。協領等官四員。其散放票張。挑選官漫。經手出納錢糧。向係掌關防協領。並領事書吏經手。嗣後令經管各員。共同商辦。每年解漫進京。輪流齎送。屆滿三年。即行更換。仍留曾經解漫者一員。以資熟手。再過一年更換。嗣後書吏設經承二名。貼寫八名。專辦文移稿案。並令該管局員嚴查。經承已滿五年。不得復在局中。包攬各項差使。○又奏准。吉林漫票。令該將軍等設法實放。並廣募創夫。照例接濟。仍著落殷實鋪戶作保。嗣後如官募創夫較多。其燒鍋幫辦票張。及漫餘銀兩買補之項。隨時逐漸議裁。○又奏准。吉林等處栽種秧漫。現經嚴禁。第恐日久懈弛。復又潛藏栽養。責成將軍副都統等。於每年春夏之間。派令幹員帶同兵役。入山嚴切按查。並將派出弁兵花名。按年造冊報部查覈。○十六年

諭。嗣後盛京吉林甯古塔等處。應解官漫。著以人漫七成。泡丁三成。為準。照數收解。該將軍等務覈實督辦。毋任局員等稍滋弊混。致有短缺。○又

諭。向來吉林動用漫餘買補額漫。係為官漫交不足額而設。上年商買餘漫。多至數倍。是所產未嘗不豐。如果廣募創夫。何至官漫短絀。轉向商人購買足額。其中即難保無影射情弊。嗣後該將軍等於官漫額數。務須遵照奏定章程。實心經理。不得恃有漫餘買補。轉致官漫短絀。自干咎戾也。○十七年奏准。嗣後送京漫枝。務令各該局揀選上等好漫解送。其商買餘漫。仍俟官漫解到。選驗成色足額。知照該將軍副都統。後方准將餘漫給商。進關售賣。如漫枝碎小。成數不足。即調取商漫驗看。儻比官漫較優。即將該承辦局員嚴參懲辦。○道光十年

諭。福克精阿奏。酌擬辦理吉林甯古塔臥票漫價銀兩一摺。吉林甯古塔漫票內有臥票。向例令攬頭等於年前先交官漫。俟來春漫商購買餘漫時。抽收銀兩。茲據該將軍查明。道光八年吉林臥票。因無漫商前來購買。攬頭等又不能及時交納。飭令赴蘇售賣。以

致輾轉掙延。始歸原款。本年甯古塔臥票三十六張。漫價銀八千一百三十六兩。已照新改章程。豫為發給。其吉林臥票一百十五張。自未便先行發給。以致再有遲延。著照所請。除甯古塔臥票。業經發給攬頭外。其吉林本年臥票。仍照向例。令攬頭等於年前先交官漫。俟來春漫商起程時。一面發給漫價。即便抽收漫餘歸款。以重庫項。○十六年議准。

盛京每年應放漫票。按照各城燒鍋座數。責令承領。每座五張。毋庸津貼外。其放不足額之票。隨燒鍋座數。均勻承領採辦。每座給票二張。每票

給銀七十五兩。在於船規項下動支給發。以資津貼。按年造冊報銷。○二十六年奏准。

盛京額放漫票一千七百五十二張。內除向有津貼票五百九十一張。全行裁減。毋庸津貼採辦外。其奏定每年額票一千一百六十一張。該將軍等責令採辦漫五百八十兩五錢。內以人漫八成。泡丁二成為準。其人漫八成。揀選貢漫九十六兩。官漫三百六十八兩四錢。二成渣泡。一百十六兩一錢。嚴飭劊夫採取肥壯充足上等山漫。不得以秧漫籽漫充數。儻解到官漫不及

成數。照例將承辦人員議處。並將不及成數之漫。仍令原解官齎回。按照例價勒限追繳。○咸豐九年

諭。戶部奏遵議慶關攤繳漫價一摺。此項攤繳漫價。前經內務府奏請准其作正開銷。茲據該部奏稱慶關稅銀。向為支發兵餉之用。若有動缺。恐不敷支放。是以前議令其繳回正稅。自行籌攤。惟據該督王慶雲奏稱。近年稅務減色。若再令該關繳還。未免賠累。可否免其追繳。請旨遵行等語。所有咸豐五六年等年已繳漫價。准其作正開銷。毋庸追繳。其自八年起。著即照向章二千四百餘兩之數。由該關自行籌解。不得仍動正項。

關汛巡防。○康熙二年奏准。每年四月八月採漫時。應行派兵巡捕。著交鎮守直隸奉天等處將軍。奉天府尹。直隸順天等八府。一體嚴行傳布。○又奏准。採取官漫。由工部將山名人名造冊。給予執照遣往。令邊門章京親身驗放。將人數出何處邊門採取之處。由該部官繕明。豫咨奉天將軍。定日給予執照。照數驗放出邊。○又奏准。三旗包衣採漫人採獲之漫。由

盛京戶部咨送戶部。將斤數繕明印記。咨送山海關城守尉過秤放入。○十年奏准。鳳凰城靉哈

新城

興京等四處。駐有官兵。安設邊界。巡察私窺人漢等弊。鳳凰城章京三員。兵九十六名。

興京章京三員。兵四十七名。兩處相距四百餘里。各駐章京二員。兵五十名。自

興京至開原邊牆盡界。三百餘里。令駐章京二員。兵五十名。將此三處兵丁內。設領催四名。分派地方。照前免其創溝。樹立界木。不時追蹤緝捕。

○十六年議准。奉天出派領催一名。兵十四名。興京出派領催一名。兵十四名。均於八月二十日往夾木產地方巡查。自夾木產至英額。往返緝拏。其至夾木產之日。於樹上編記。鳳凰城官兵亦至夾木產查蹤。各照編記為界。○十七年奏准採護人等行走。

興京英額夾木產。駿陽等四門。設瑪法二員。筆帖式一員。門兵十名。查看執照。計數放出。○四十五年議准。

盛京古河卡倫一座。官一員。兵二十七名。觀音嶺

卡倫一座。官一員。兵十名。永甸卡倫一座。官一員。兵二十名。土門卡倫一座。官一員。兵二十名。

長嶺子卡倫一座。官一員。兵二十名。○又議准

盛京邊外。輝發三桐河口。三桐渡口。坦品河費德

里薩哈連浪土。福爾兼哈達嘉勒圖庫伊米孫

薩哈連費音朱爾和阿師哈東阿看船溝鴨爾

河果河等處。安設卡倫。出派協領。城守尉等。追

蹤緝捕。○五十一年議准。

盛京三桐口卡倫。佐領一員。兵二十名。費德里卡

倫。驍騎校一員。兵二十名。薩哈連浪土卡倫。牛

象章京一員。兵二十名。費德里薩哈連浪土之

間卡倫。驍騎校一員。兵二十名。此四卡倫。由副

協領稽察。○五十二年議准。鳳凰城城守尉。每

年出派官二員。領催二名。兵十八名。於二月初

五日。至靉哈所屬古山子樓房。安設卡倫一座。

遼陽城守尉。每年出派官二員。領催二名。兵十

八名。至

興京書和羅嘉產邊門所屬肥子。玉臺二處。安設

卡倫一座。

興京城守尉。出派官二員。領催二名。兵十八名。至

噶三和羅佛鈕安設卡倫一座。石頭城湯保城。係鳳凰城所屬之地。出派官二員。領催二名。兵十八名。設卡倫一座。稽察出入。俱於七月內更換。○五十四年議准。五圍堡等沿邊安設三十卡倫。火長副長等。於三屯河等分界之內。陸續出派巡查。○六十年議准。開原出派官二員。領催二名。兵十八名。出英額邊門。

興京出派官一員。領催一名。兵九名。出

興京城邊門。遼陽城守尉並隨帶領催一名。兵四名。又出派官三員。領催三名。兵二十七名。出書

嘉木產邊門。熊岳出派官二員。領催二名。兵十八名。復州出派官二員。領催二名。兵十八名。岫巖出派官一員。領催一名。兵九名。鳳凰城出派官一員。領催一名。兵九名。俱出靄哈邊門。每官跟役四名。一卡之領催兵丁作為跟役。均於七月十五日遣往。○又議准。領催一名。兵四名。跟役四名。往土門子坐卡。領催一名。兵九名。跟役五名。往永甸坐卡。領催一名。兵九名。跟役三名。往寬甸坐卡。領催一名。兵九名。跟役二名。往三叉子坐卡。領催一名。兵九名。跟役二名。往八道

河坐卡。領催一名。兵九名。跟役三名。隨甲一名。往長嶺子坐卡。各派領催一名。兵九名。跟役二名。俟坐卡領催到日。由該邊出派知路兵丁。各送往所指之卡。○又奏准。沿邊舊設卡倫三十座。裁去三分之二。令熊岳城佐領作為頭目。○雍正元年奉

旨。著將穴卡議裁。欽此。遵

旨。議定。裁撤輝發三桐口等處所駐卡倫。其柳葉畢勒

根邊臺官兵。仍加嚴肅。並查明烏喇吉林一帶所設卡倫。應駐紮者。令其駐紮。應除者。均行裁

撤。拉林馬匹等處。向來禁止不准窺邊。仍令官兵駐卡。嚴查緝捕。跟蹤獵獸。烏蘇里。綏芬等處。仍由甯古塔官兵駐卡。嚴查緝捕。○又奏准。自山海關東北六十里之綴子山起。至鳳凰城沿邊。共一千八百餘里。隨口十二大門。三小門。每大門派章京一員。筆帖式一員。兵三十名駐守。每小門派門官二員。筆帖式一員。兵十名駐守。臺卡丁夫。一里餘派一名。共臺丁一千五百名。沿邊二十里間可耕之處。分臺丁二三十名不等。兩邊口開安臺二三四五座不等。設寨窰壑

自五原堡南至英額汪清嘉纏愛漢鳳凰城柳條邊口七百餘里。每門派官兵看守。一里餘派臺丁一名。共六百餘丁。兩邊口間安臺二三四五座不等。○又議定。烏蘇里。綏芬。及汪清等邊外。有自備資斧。牽馬。空漫者。無論旗民。每十人一人為長。每五十人一人為領首。互相連保。註冊收稅。○又定。由

盛京甯古塔。遴派協尉各一員。章京各四員。兵各八十名。管理。由額爾敏。哈爾敏等處。遴派協尉一員。章京二員。兵四十名。管理。編隊前行。出武

威邊門。守門。章京會同前往。協尉章京。按冊對照。採漫人文票。逐一照數點放。將冊並送吉林。烏喇將軍。前往辦事。科道照數放過。至甯古塔時。甯古塔副都統會同二處協尉章京。照冊驗票。點放。差往烏蘇里。綏芬。採漫兩處。協尉仍駐下多雍武。哈達。嚴行緝捕。無票盜漫。匿漫。私逃之人。○又議定。墨爾根城。綏楞額山。喀木尼哈達等二處地方。設立臺卡。每臺設官一員。兵九名。○又定。黑龍江城。訥謨爾河地方。設立臺卡。官一員。兵九名。○乾隆元年議定。呼蘭城。綽羅

口。布爾噶。賴峪。白楊樹。努敏河口等四處地方。設立臺卡。官一員。兵九名。○十年議定。三姓地方。空漫人夫。船隻攜帶米糧。由官稽查。驗放。於黑龍江界內。瓦里城。設立臺卡一座。派官一員。兵十名。自四月駐卡。驗放各城水路領票人夫。船隻。俟船隻過完。於七月撤回。○又定。

盛京所屬之威遠堡二十里外。並吉林所屬之鎮北堡大路。常設臺卡。每卡官一員。兵十名。每月更換。○又定。吉林城東。附近漫山額赫木地方。常設臺卡。稽查領票採漫人夫。多挾米糧。官一員。兵十名。每月更換。○又定。吉林城東南。沿松花江岸。附近漫山登灘輝發地方。常設臺卡。稽查驗送盜漫人等糧米。官一員。兵十名。每月更換。○又定。每年十二月。特派協領一員。官三員。兵三十五名。於河道稽查領票。空漫人夫。多挾米糧。至河冰解凍時撤回。○又定。吉林附近漫山之平頂山。白石立。發蘇爾濟。覺哈。舒爾哈等六處。設立臺卡。官一員。兵十名。每年自四月初一日起。派。每兩月更換。至十月初一日撤回。○又定。吉林所屬打牲烏喇地方。附近漫山之四

道梁子喀薩里那木唐阿長嶺子等四處設立
臺卡。每卡官一員。兵十名。每月更換。○又定甯
古塔城西。當衝德林地方。設立臺卡。官一員。兵
十二名。每月更換。○又定甯古塔城東。呼爾哈
河下游通三姓路。烏赫林。伊車地方。設立臺卡
二處。每卡官一員。兵十二名。於河冰凍時撤回。
○又定甯古塔南。通琿春大路。瑪爾胡哩薩齊
庫穆楞等處地方。常設臺卡三處。每卡官一員。
兵十二名。每月更換。○又定甯古塔城西南。阿
布畢爾騰地方。於霍真。松蔭。噶拉庫。三處。設立
臺卡三座。每卡官一員。兵十二名。於冰泮時撤
回。○又定甯古塔城東。通產漫烏蘇里山路。上
西聶赫等處地方。常設臺卡二座。每卡官一員。
兵十名。每月更換。○又定甯古塔所屬附近漫
山之白河。呼什喀爾。倭嫩。倭楞。噶斯。哈花。蘭鄂
勒。渾。噶爾。翰。多。雍。武。呼。蘭。吉。塔。克。通。吉。等。十。處
地方。設立臺卡。每卡官一員。兵六名。每兩月更
換。○又定伯都訥城西北。松阿哩嫩。江厄克沁
舒魯齊。多歡。哈。斯。保。地方。每年冰解時。派官一
員。兵十名。坐卡。每月更換。冰凍撤回。○又定伯

都訥城東北。產漫之烏蘇里。綏芬山。通松阿哩
江路南岸當吉地方。派官一員。兵十名。常川坐
卡。每月更換。○又定伯都訥城東北。鄂齊爾波
口。每遇採挖官漫之年。加派官一員。兵十名。駐
卡。每月更換。俟創漫人夫經過撤回。秋後查拏
逃入偷挖人漫人等。照舊仍派官兵駐卡。○又
定伯都訥城東北。八間房地方。設立臺卡。官一
員。兵十名。稽查盜出官漫。每月更換。○又定伯
都訥城東南。富勒堅雅克薩地方。於每年二月。
派官一員。兵十名。駐卡。每兩月更換。○又定伯
都訥城東南。甯山嶺地方。設立臺卡。官一員。兵
十名。每月更換。○又定三姓路通甯古塔之烏
斯渾河地方。常設臺卡。官一員。兵十名。每月更
換。○又定三姓松阿哩江上游。瑪顏地方。設立
臺卡。官一員。兵十名。每月更換。○十二年奏准。
額赫木驛站。係在甯古塔吉林之間。稽查偷挖
人漫緊要隘口。原設卡倫一座。地方遼闊。添設
卡倫二座。以資防範。○十七年議定。通阿勒楚
喀路之松阿哩河上游北岸。錫北河口。設立臺
卡。緝查偷出官漫。官一員。兵十名。常川駐卡。○

二十年議准。吉林甯古塔伯都訥拉林等處。於緊要隘口安設卡倫。創設之年。出派官兵。早為起程。徹底按查。果無偷避出山過冬人犯。行令俟本年放票收邊事竣後報部。○二十三年議准。

盛京吉林二處出派卡倫官兵。於三屯河羅泉溝教哈祥瑞河等處緊要隘口。俟創夫回山之日。防範監查。不准開包。即將所採之邊封固。各送將軍衙門查收。○二十四年定。阿勒楚喀城西。南。吉林當衝之多歡。墨蘭二處。設立臺卡二座。

每卡派官一員。兵十名。每月更換。○又定。阿勒楚喀城東北。三姓當衝之斐克圖地方。設立臺卡。官一員。兵十名。每月更換。○又定。阿勒楚喀地方。附近。漫山之斐克圖口。佛多和。海溝。鄂勒渾。阿勒楚。庫翰。額木山等處。設臺卡五座。每卡官一員。兵十名。兩月更換。○又奏准。三姓地方。驗放領票。寬漫人夫船隻。於翁薩口設立臺卡一座。官一員。兵十名。駐卡驗放寬漫人夫船隻。過完撤回。○二十五年議定。三姓烏蘇里。綏芬等山。所有相通要路。俱添臺卡。除烏斯渾舊有

一卡外。於斐遙屯河佛勒和烏珠遇蘭法勒圖渾河渡口。及圖雅齊音達木溪音達木厚並路。通羅拉米瑪延山之錫芬河。郭布齊喜吉蘭等九處。添設臺卡。以上九卡。每卡官一員。兵十名。惟音達木厚一卡。不時緝查。松阿哩河下游赫哲色地方盜漫人等。永不撤回。常川駐卡。其餘八卡。自二月起分駐。俟秋後寬漫人夫全行過完時撤回。○三十三年奏准。吉林呼蘭河。直通出漫之大寧山。小寧山。髮山等處。於努敏口呼蘭河之東南。添設卡倫一處。布勒扎木地方。添設卡倫一處。○三十五年奏准。呼蘭蒙古魯等漫山。改歸吉林甯古塔行放漫票以後。將寬漫人犯行走之緊要隘口。再行添設卡倫。嚴行查拏。再舊設卡倫八座。係出青時設立。雪後撤回。嗣後新舊卡倫。俱毋庸撤回。○又議定。三姓地方。松阿哩河下游北岸通蒙古。於圍河口設立臺卡。官一員。兵九名。河凍洋時駐卡。秋後冰凍撤回。○三十九年議准。布勒扎木地方。設立臺卡。官一員。兵九名。○四十二年奏准。吉林等處漫山。除烏蘇里。綏芬。漫山水陸兩路卡倫。毋庸

添設外。惟英額達巴汗羅拉米瑪延漫山。有與小路相通。卡倫寓遠。並有形勢未能聯絡者。再添設卡倫數座。以備稽查。○又奏准。吉林等處黏貼漫包。酌改將軍印花。先時發交各卡倫。以備黏封。餘贖交回。並註明各卡倫名目張數。另立號簿覈對。於交漫時查驗印花。至創夫回山時黏貼印花。俱歸各卡倫辦理。所有臺廬。除押送回山創夫外。概不准黏貼印花。○四十四年議定。吉林所屬鎮北堡臺卡。移紮二道河地方。稽查盜漫。官一員。兵十名。每月更換。○四十七

年奏准。吉林英額嶺小山。西南與

盛京接壤。東北與羅拉米瑪延小山接壤。羅拉米瑪延小山。與三姓所屬烏蘇里等大山接壤。現將吉林甯古塔三姓等處大小山口堵塞。於百里附近要處地方堵閉。永遠安設卡倫。其添設卡倫。原係三月安設。十月撤回。嗣後遇歇山之年。將添設卡倫。照常安設。令吉林甯古塔三姓每處協領章京二員。率兵分路。往返嚴查。並令各處副都統等率領官兵。不時親赴嚴查。○又奏准。專派總統查拏之官兵。與各卡倫官兵。酌

定懲賞。以分功過。○又奏准。歇山之年。嚴飭漫

山附近邊門文武官員。於各邊門設一木牌。開寫本處門名。交與驍緝兵丁。各持照牌。赴至交界。當面畫換。仍將畫換照牌。交該門官員查驗真偽。並令該門官員。不時親赴往返巡查。○又奏准。額爾敏哈爾敏漫山。歇山之年。派員親往山林。率領幹員兵丁。徧行按查。○又奏准。嗣後創採歇山之年。舊有卡倫。照常安設。各該卡倫官兵。果有實力拏獲越邊運糧偷竄之人者。將該犯米糧牲畜等項。即行獎賞原拏官兵。○又

奏准。巡查卡倫。以及坐卡官兵。給發照牌。輪流更換。並令具結呈報各該副都統協領等。每月彙具加結。咨報將軍衙門。○又奏准。歇山之年。秋令出派管轄番役官員。於四柳條邊門。另派官兵。於城牆周圍緊要隘口等處。分往查拏。○嘉慶十五年奉

旨。每年奉天巡查海口。僅由將軍府尹前往。仍恐不免疏漏。著該將軍奏明。請派盛京侍郎一員。帶領協領一二員。前往查緝。如拏獲私漫。即著該侍郎具奏。將獲解京。將該侍郎及協領一併議敘。其山東海口。專

令登州總兵巡緝亦尚未周著添派登萊青道會同稽查如拏獲私漫上岸即報明山東巡撫具奏。漫斤解京將該鎮道議敘並將派查之盛京侍郎協領等官議處。○又

諭福疆阿等奏請派侍郎巡查海口私漫一摺已派崇祿去矣。至另片所稱酌度總會地方請令派出之侍郎前往駐紮等語奉省海口共有二十餘處地面既屬遼闊各處皆可透漏私漫奉派之侍郎挨次查閱固不免顧此失彼之虞若專在總會處所駐紮緝拏則姦徒蹤跡無常更恐巧於趨避殊非嚴密躡捕之法自不若隨時相度緊要地面往來移駐令姦徒無可揣測自然疑懼不前仍分派協領各員於各海口梭緝巡查一有拏獲即嚴行辦理並督飭稽查海口旗民地方各官實力緝拏令將稽查情形具文呈報隨時考覈其有拏獲私漫等項究明係何處偷越即將失察之該管官嚴叅示懲俾各處咸知認真緝查庶足以儆姦商而杜偷漏至該侍郎移駐巡查之期亦不必過於太遠約駐兩三月後便可回任飭令各該處官員毋稍疏懈可也。○又奏准漫山隘口設立卡倫原為稽查出入創夫以杜黑人混雜不准

私減並令守卡各員於創夫進山時查驗腰牌印票按名點放出山時仍造冊呈報以出山進卡之夫與出卡進山之數兩相覈對。○又奏准吉林等處遇拏獲偷竄私漫案犯或並無獲犯山內亦無私裁創竄等弊於查山事竣將經過山地名目查緝情形按年彙奏一次。○道光十三年議准吉林漫局歸副都統總辦每年於漫苗喫緊之時親往山場與各城副都統會哨實力按查如有秧種情弊從嚴懲辦事竣彙奏銷。

欽定大清會典事例卷二百三十三

戶部

漫務公用 考成 禁令

公用○康熙四十八年議定。

盛京採漫滿洲兵。每人豫給盤費銀五兩。甯古塔滿洲兵。烏拉打牲滿洲兵。每人豫給銀四兩。所得之漫。分別美惡折給銀兩。有不獲漫者。將盤費銀兩。交該管官追取。○又議定。滿洲壯丁等採漫。給予漫引。將所得之漫分為三分。二分交送戶部。發崇文門監督訪時價定擬。由戶部奏

聞變價一分交送

盛京將軍衙門。按時價折給採漫之人。○雍正二年議准。額爾敏哈爾敏等處。每票亦照各處交納銀兩漫枝。車輛馬匹。由公給發。○又議准。山海關等關口。採獲人漫加賞銀兩。由戶部給發。○乾隆三年奏准。巡查人等擊獲私漫。應領賞銀。每斤約銀一兩。在

盛京戶部庫內支給。○九年奏准。奉天吉林甯古塔等處行放漫票。酌改官雇劊夫。無論旗民。均准給票。僮劊夫無力。一時未能進山。由各處備

存銀內酌量支給。免其交還。其所需口糧。即由

各屬倉糧內動撥。仍由各劊夫應領幫貼銀內坐扣。買補還倉至一切設立官局。出派官兵巡查。並各衙門紙張飯食等項。亦由備存銀內動給。○又奏准。每票交漫十兩外。將所得餘漫六兩。抵還幫給劊夫。以及各項公用款項。令該將軍俟漫務辦結。將資助劊夫。並公用銀數數明奏

聞。由戶部銀庫照數撥還歸款。其每票所收漫六兩。解交內務府。以作抵補之項。○又奏准。奉天吉

林甯古塔等處。派官員協同將軍副都統等辦理。散給官雇劊夫漫票。每員由戶部存公銀內支給行裝銀三百兩。於商漫項下解部還款。○十二年奏准。南海德克登機等處。出派過冬官兵。動撥備存銀兩。賞給半年俸餉。俟得有紅票銀兩。補還原款。○又奏准。烏蘇里等處。過冬官兵。照南海德克登機等處。過冬官兵之例。支給半年俸餉。在備存銀內動給。將完漫之年徵收紅票銀內。動撥歸款。○十三年奏准。南海德克登機等處。過冬官兵。本年停止派往。仍派官兵

躡迹巡查。於七月內起程前往。俟創夫出山後。徧行躡迹。按獲嚴察。此項所派官兵仍照例賞給半年俸餉。○二十六年奏准。烏蘇里綏芬放票事件。由吉林甯古塔承辦。額爾敏哈爾敏放票事件。由

盛京承辦。自分別辦理後。將各處需用款項。合計各處所得數目。節用辦理。○三十年奏准。商人承買創夫餘糧。自甯古塔至

盛京。仍照舊例。每斤收銀四兩。代為納稅。並支給看糧飯食車價等項需用。如有餘贖。合計數目

多寡。先將辦給官兵各款斟酌辦理。不得越例開銷。如有節省餘贖者。即補還原動款項。○三十八年奏准。

盛京監放糧票司員。例給行裝銀三百兩。其沿途公費等項。共需銀七百餘兩。實屬浮費。嗣後於五部侍郎府尹府丞內。每年

欽點一員。會同將軍辦理。京員停其派往。○四十四年奏准。掣獲私糧。向例每糧一兩。賞給卡倫官兵番役二錢。嗣後照公用糧。每兩折銀五兩之例。分別掣獲多寡。計每糧一錢。折銀五錢。每糧

一兩。亦折銀五兩。所賞銀兩。於辦理糧務銀內動用。○五十四年奏准。吉林水路領票創夫口糧。由公倉額存糧內借給。歲底照數徵收還倉。○五十五年奏准。吉林甯古塔二處。應領公用一成糧。遵照新例。每兩折銀十五兩。由

盛京戶部領取。○又奏准。吉林領票創夫。所帶口糧。在公倉存儲。石內減價糶賣。秋後買補還倉。○五十九年奏准。嗣後吉林散放糧票。每年借創夫銀三萬兩。俟創夫出山之日。即於所得餘糧變價。先行按數扣還借項。如實在交不足

數。在商捐項下補足。於創夫出山兩月限內全行繳還。年清年款。仍於歲底報部。其甯古塔近年放票。不能及數。嗣後查照吉林章程辦理。至商捐名目。應改發餘銀兩。從前每一兩收銀八兩至二十三兩不等。此後總不得過每兩二十兩之數。創夫出山。力不能完官欠者。動發餘銀兩歸補其放出額票。設遇創夫實有事故。不能出山。及官糧交不足數。攬頭無力賠繳者。亦用發餘銀兩量買補足。○嘉慶四年奏准。吉林每年酌減發票。至燒鍋發餘二項。原為辦公而設。

淺票既減。此二項名目。即行革除。○八年奏准。吉林甯古塔。二處淺餘銀兩。量為調劑。擬以上等餘淺。收銀十七兩四錢。中等餘淺。收銀十三兩四錢。下等餘淺。收銀九兩四錢。○十二年奏准。吉林酌增買補官淺價值。近因產淺稀少。時價漸昂。該攬頭原領價值。每淺一兩領銀百兩。泡一兩。領銀三十兩。實不敷採買。嗣後每買補淺一兩。酌增銀四十兩。泡一兩。酌增銀二十兩。此項銀兩。在徵收淺餘銀內增收加給。○又奏准。

盛京辦理淺票。因近年採淺路遠。工本較貴。除殷商保領外。其餘票張。以船規銀兩抵辦。將本年支用幫貼銀數。作為定額。○十五年奏准。吉林淺餘銀兩。酌留名目。應行刪除。令該將軍等量入為出。實用實銷。按年分款報部查覈。○又

諭吉林甯古塔。輝春三姓等界內。所有派出按查小山之官兵。著給兩月俸餉。隨同副都統春季入山官兵。給予三月俸餉。其留住山內過冬官兵。著給予半年俸餉。均於稅課項下動用報銷。○十六年奏准。盛京行放淺票。除燒鍋准麵應領外。餘贖票張。每

張動用船規銀七十五兩。每年共需用津貼銀四萬四千三百七十餘兩。以後作為定額。○十七年

諭。此項淺斤變價銀兩。業據催繳十二萬五千九百兩零。餘欠銀二萬九千二百兩零。准其展至本年十一月十五日以前全數交納。其應解京銀十五萬三千六百八十四兩零。著即就近解交盛京戶部銀庫。該將軍等於今冬請領京餉時。聲明照數扣除。戶部除坐扣之款。照實領銀數給發承領。至淺斤變價銀兩。本係應交內務府款項。近年內庫銀兩積有贏餘。即撥交部庫。此項銀兩。亦毋庸再撥還內務府。○道光十一年

諭。每年盛京等三處進到淺斤。向係將餘淺分交兩淮等處變價。所有本年應發兩淮變價淺斤。著陶澍迅速派員赴京承領。發商變價。毋得遲延。又兩淮歷年欠交淺斤變價銀九十六萬四千餘兩。應飭原領變價淺斤各商。將此項積欠銀兩。作為幫本。按一分生息。每年息銀十一萬五千六百餘兩。遇閏加增。自道光十一年起。應得利銀。即於次年按數解交內務府。以備公用。著該督即飭令各商遵照妥辦。其餘應交

各款積欠銀兩。著該督派員按數解交。以清款項。又內務府三旗舊養育兵錢糧一款。每年係將細小餘。發交兩淮變價。以備支放。所有道光八九十年。兩淮共應交此項餘。變價銀四萬二千九百兩。至今尚未交納。實屬延玩。著陶澍一併趕緊委員按數解交。毋許再有遲逾。致干重咎。○光緒元年奏准。夔關應繳。變價銀兩。自咸豐八年。起。照章每年攤解二千四百七十九兩二錢。

考成○康熙十一年題准。駐紮

盛京官員。拏獲偷竊之人。若同屯居住知而不首

者。降一級。罰俸六月。其創採之物。隱藏私帶者。頭領翼長。守山海關官員。皆罰俸一月。○又奏准。盜竊人等。必有所管之官。旗人以及駐防人等。一次盜竊。將佐領。驍騎校。各城章京等。罰俸一年。協尉。城守尉。印務章京。罰俸半年。二次。佐領。驍騎校。各城章京。降一級。協尉。城守尉。印務章京。罰俸一年。三次。驍騎校。革職。佐領。各城章京。降一級。調用。協尉。城守尉。印務章京。降一級。四次。協尉。城守尉。印務章京。降一級。調用。邊站章京。照各城章京例。將軍。都統。係統轄之員。所

屬旗人。如有盜竊者。均照失察例。每次罰俸三月。若一家三犯盜竊。家主係官。罰俸半年。

陵寢所屬有盜竊者。將總管翼長。掌關防官員。照協尉例。治罪。章京官員。照佐領例。治罪。專管官丁官員。照各城章京例。治罪。部屬衙役官屯。打牲等項官丁。盜竊。將該管官。照驍騎校例。治罪。侍郎。係統轄之員。照將軍。副都統例。治罪。奉天。海城。所屬民人。盜竊。將知州。知縣。照佐領例。治罪。知府。照協尉例。治罪。府尹。照將軍例。治罪。○又奏准。三旗包衣。採獲。竊枝。由

盛京戶部。咨送戶部。將斤數。繕咨。印記。咨送山海關。過秤。放入。官簿。外。偷帶。竊枝。將直年。章京等。均行。革職。○十七年。議准。

盛京所屬各旗。佐領。下人。有偷採人。獲者。將縱放之。佐領。驍騎校。革職。失察者。罰俸一年。府屬。佐領。下人。有偷採人。獲者。將縱放之。府屬。佐領。驍騎校。皆照。旗人。例。處分。外。藩王。公。公主。等。所屬。之人。有偷採人。獲者。交。理藩院。議處。凡。拏獲。偷採人。獲者。其。巡查。官。見。蹤。不。追。徇。情。縱。放。者。革職。門。尉。筆。帖。式。皆。革職。其。山海關。等。邊。門。不

加盤查。縱放偷帶人漫入關者。直日守尉都司
駢騎校等亦皆革職。○二十一年議准。凡採取
官漫之人。各給印票。以便稽查。如無信票。私自
行走。或有信票。越界行走。並不照票內定數。多
帶人畜者。巡查官即拏送部。徇情縱放。並得財
縱放。及將人漫隱匿入己者。革職。官員一年內
拏獲百名以上者。紀錄一次。二百名以上者。紀
錄二次。三百名以上者。紀錄三次。四百名以上
者。准加一級。多者。按數議敘。如誣告無辜之人
革職。○四十一年議定。捕獲盜漫人。十名以上
為一夥。捕獲二夥者。紀錄一次。捕獲四夥者。紀
錄二次。以上准此紀錄。捕獲十夥者。加一級。不
及十名者。弗論。○雍正二年議准。捕獲私挖人
漫之人。過三十名以上者。官員交部議敘。○又
議准。山海關等關口。除拏獲漫鬚漫末。及分兩
無多者。毋庸給賞外。如按獲人漫至二十斤。該
管官紀錄一次。四十斤。紀錄二次。六十斤。紀錄
三次。八十斤。加一級。再有多獲者。照數遞加。儘
按查不力。致私帶人漫至關者。該管官照失察
律降三級。調用明知故縱者。革職受賄賣放者。

計贓以枉法論。其巡查蹤跡官員。應行給賞之
處。仍照舊例行。○十一年定。三姓。琿春等處商
人官兵。領票赴甯古塔船廠地方購買物件。令
其開明數目。有違禁攜帶米石物件。賣與偷創
之人。易換人漫者。巡緝官兵失察。交部議處。○
又定。凡民人潛匿禁山。過冬創漫者。除照例治
罪外。交地方官嚴行管束。如再逃往禁山。將該
管官交部議處。○乾隆十四年議准。領票創漫
人夫。例給烏槍。按人數多寡批給。填明票內。出
口驗放回山稽查。違例私帶者。該管官不能查
出。交部議處。○二十一年定。偷創人漫人犯。潛
匿禁山創漫。被獲遞回旗籍後。復逃往禁山者。
將疏縱之該管官交部議處。○二十四年奏准。
吉林每年查拏偷漫人犯。審辦完結。向於歲底
彙題。嗣後將彙題改於一年徵收官漫商人承
買官漫並餘漫。俱經起身之後。於次年正月內
彙題。○又定。拏獲偷漫賊犯。議處該管官員失
察所屬旗人偷採之處。各罰俸一年。○三十八
年奏准。
盛京監放漫票。於五部侍郎府尹府丞內。每年

欽點一員。會同將軍辦理。京員停其派往。至吉林甯古塔二處。每年仍派戶部司官一員。內務府司官一員。分往。會同該將軍等辦理。○四十一年。奏准。嗣後吉林甯古塔二處會辦之京員。亦照盛京之例。停其派往。所有散票收漫等事。交該處將軍等飭屬籌辦。○四十二年。奏准。刷給吉林等處漫票。向例於每年開印後。委員赴部請領。至三月內始到吉林。四五月後始行放竣。領票後。置辦衣具口糧。為時過迫。多有遲誤。嗣後改於封印前。委員赴部請領。正月可到吉林。二月

內即可放竣。○又奏准。

盛京等三處送到之漫。十成之中。以六成為度。渣末泡丁止。准四成。選至七成。即將該承辦官員等各紀錄一次。選至八成。各紀錄二次。選至九成以上者。各加一級。不及六成。將承辦官員等各罰俸六月。五成者。罰俸一年。四成者。罰俸二年。三成者。降一級留任。二成者。革職留任。其官員等。議至降革者。將該將軍副都統。交部議處。○四十七年。奏准。歇山之年。嚴飭旗民官員。各該界居住人等內。曾經領票創漫者。毋得偷解

米糧。潛入山林。如有被各處邊門卡倫官兵擊獲者。係何界之人。即將何界官員指名題參。○五十九年。奏准。漫局銀庫戶司三處官員互相稽查。如一處滋弊。即將互察各員。以失察議處。○嘉慶十五年。奏准。

盛京漫局辦事將軍副都統。及所派之協領佐領。係專管之員。府尹有地方之責。如有秧漫情弊。應行著賠。侍郎係會辦之員。一併酌減攤賠。其侍郎所派司官及通判。職分較小。止係失於辨認。免其分賠。○又奏准。

盛京漫局辦事侍郎。有會同挑選漫枝之責。揀派本部司員。隨帶入局。與將軍府尹所派之員。一同畫稿辦事。互相查考。至協領佐領等官。向無額數。應以協領一員。佐領一員。作為定額。協領定為三年一換。佐領定為二年一換。互相更代。以資熟悉。其有操守清廉。辦事諳練者。奏明酌留。交戶部內務府存案。○又奏准。如有偷種秧漫。即將地方官實降三級調用。稽查之員。未經查出。與失察地方官一體降調。知情容隱者。革職治罪。該將軍等自行查出。免其處分。僅被告

發降三級調用。官漫到局。先令局員認看。如有
秧漫撓雜。係何界何人所交。將該地方官參處。
稽查官亦如之。解京後。如再有挑出秧漫。不計
多寡。查係何界所種。即將該地方官稽查官及
局員等。革職提問。將軍副都統府尹侍郎降三
級調用。○又奏准。嗣後卡倫官員拏獲私漫一
起。報明將軍記名一次。積至五次。以應升之缺
升用。並令各邊門文武地方官等一體嚴察。如
經地方官拏獲私漫。訊明係何處偷越。即將該
處守卡官參處。○又奏准。吉林派查尋蹤。及坐
卡官弁。如有拏獲私漫。即照

盛京拏獲私漫官弁一律議敘。如有追捕不力。及
得贓故縱者。嚴議治罪。○又奏准。劄夫交納官
漫。責成該將軍等督同局員詳加揀選。儘有玩
忽不辨真偽。解京後。經內務府挑出秧漫者。即
將該將軍等嚴議。其有鉛條鉛塊等弊。奏明交
部議處。○又奏准。吉林放票成數。不及一分者
罰俸六月。一分以上者罰俸一年。二分以上者
降一級留任。三分以上者降二級留任。四分以
上者降三級留任。五分以上者實降一級調用。

若該管大臣不行查催。致各城有短放漫票。三
分以上者。將該將軍副都統等。罰俸六月。四分
以上者。罰俸一年。五分以上者。降一級留任。至
承放官員。如果實心經理。所放票張足額無虧。
分別給予議敘優敘。以示鼓勵。嗣後官員承放
漫票。如一年限內足額。並無短少者。給予紀錄
二次。至次年又能足額者。即從優議敘。給予加
一級。其連年足額。遞至三四年以上者。皆亦按
年加一級。○道光七年議准。山海關住宿官兵
緝獲私漫。儘漫枝較多。由該副都統奏明。將人

犯解交刑部。私漫咨送內務府。若為數無幾。訊
無別情者。人犯就近交臨榆縣審辦。漫枝暫行
存儲關庫。統俟年終彙解內務府。仍按每漫一
兩。以八錢入官。二錢充賞。所有應賞漫枝。即在
關就近撥出。以本色賞給。毋庸折價。其緝獲私
漫在十兩以內者。按數賞給二成。十兩以上。均
照十兩之數賞漫二兩。不得再有加增。以示限
制。

禁令。○原定採漫之人。越界採取者。以偷盜論。
漫還原主。越境採取者。漫與人畜俱入官。其主

罰俸有差。不知情者免議。為首之人鞭一百。餘皆准竊盜論。漫入官。○順治六年題准。王貝勒貝子公等採取官漫。各照分定人數發往。違例差遣者。革去一應賞賚。止給予現獲人漫。差去之人入官。其屬下人不奉差遣。私遣人偷採者。本犯入官。其主治以重罪。○十五年議准。有偷採人漫者。將帶至之頭目斬決。餘眾治罪。○又議准。旗下人偷採人漫者。枷一月鞭三百。牲畜及所得之漫。一併入官。官民家下人有犯。其主知情者。本犯枷一月鞭三百。漫與人畜皆入官。

盛京採漫照

其主問偷盜之罪。不知情者免議。本犯枷兩月鞭一百。牲畜財物入官。若其主知情詐稱不知者。加等治罪。家人入官。奉天等處民人有犯者。枷一月責四十板。人畜財物入官。蒙古錫伯瓜爾察等處人有犯者。交理藩院議處。○十六年議准。順天等八府民人。出山海關禁約處所偷採人漫者。照奉天例。交戶部入官。○康熙二年題准。違禁採漫者。為首之人處死。餘仍照舊例治罪。○三年議准。

盛京披甲人等罰治之處停止。聽其採挖。○四年議准。嗣後仍將私採人漫。嚴行禁止。○五年題准。偷採人漫之鋪頭。擬絞監候。出財招集多人偷採者。照為首例處死。牲畜等物。一併入官。○六年議准。民人附從偷採人漫者。責二十板。其容留貿易不拏送者。加等治罪。○七年題准。舊例。每年四月八月官役巡蹤監緝。今令於春秋二季豫行巡緝。○又題准。偷採人漫之人。未經起發拏獲者。出財之主。並為首之人。各枷一月鞭一百。為從係旗人。鞭一百。係民責四十板。馬牛布疋等物入官。○八年題准。偷採人漫。出財之主。並為首之人。已得漫者。照例擬死。未得漫者。係旗人。枷兩月鞭一百。係民。枷一月責四十板。入官。為從之人。各枷一月。餘照前例。○九年議准。奉天等處招徠之民偷採人漫。為從者照旗人例。雖已得漫。免其入官。枷兩月責四十板。○十一年題准。駐紮盛京官員拏獲偷漫之人。得財私放者。革職交刑部治罪。○又奏准。盜漫之人。必各有所管之人。旗人及駐防人等。一次盜漫。將領催鄉催鞭一

百。二次。領催鄉催。枷一月。鞭一百。三次。領催鄉催。枷兩月。鞭一百。領催革退。如一家三犯盜。家主係旗人。鞭八十。係民。責三十板。

陵寢所屬有盜。將催總。照領催例治罪。部屬衙役。官屯。打牲等項。官丁盜。將該管催總。長吏。均照領催例治罪。奉天海城所屬民人盜。將十家長。百家長。照領催例治罪。○又奏准。

上用珍品。及朝鮮貢賦之進。山海關者。毋庸按查。該管包衣佐領等親視裝載。篋袋各印圖記。造具印文。咨送山海關城守尉查放。其無印文。額外

贏餘者。停卸按查。如按獲人。朝鮮貢人。交禮部酌量議罪。漢主無論旗民。均照例治罪。外藩王公。公主。格格。及喇嘛等所屬人盜。交理藩院議罪。○十二年議准。奴僕偷採人。其主知情者。杖八十。詐供不知者。杖一百。○十五年議准。旗人。民人。越境採。已得者。將出財之。並為首之人。皆擬絞監候。聞拏投部。不准自首。為從係旗人。枷一月。鞭一百。係奉天等處民人。枷兩月。責四十板。物畜入官。內地民人。並妻入官。奴僕偷採。其主知情者。旗人。鞭八十。民責三

十板。偷採之人。枷一月。鞭一百。人與畜俱入官。若其主知情。詐稱不知者。旗人。鞭一百。民。責四十板。不知情。不坐。本犯。枷兩月。鞭一百。物畜入官。若未得。出財之主。並為首之人。係旗人。枷兩月。鞭一百。民。不分奉天內地。皆枷一月。責四十板。同妻一併入官。餘照前例。○十七年議准。偷採人。為從者。不論旗人。民人。皆枷兩月。○又議准。偷採人。已得者。出財之主。為首之人。擬斬監候。為從係旗人。枷三月。鞭一百。物畜入官。民人。不論奉天內地。皆枷三月。責四十板。

妻子物畜皆入官。奴僕偷採。其主知情者。旗人。枷兩月。鞭八十。民人。枷兩月。責四十板。不知情。不坐。本犯。枷三月。旗人。鞭一百。民人。責四十板。未得。出財之主。為首之人。係旗人。枷三月。鞭一百。民人。不分奉天內地。皆枷三月。責四十板。妻子一併入官。為從之人。枷兩月。旗人。鞭一百。民人。責四十板。其藉稱採取官。多帶人數。在界外偷採者。為首之人。照例處死。其餘照為從例治罪。若採取蜂蜜。松子之人。在自界內山上偷採人。率去之。領催頭目。各枷兩月。鞭

一百。餘各枷一月。鞭一百。人謾入官。至

盛京所屬看墳及居住之人。有偷採人謾者。將縱放之領催。枷一月。鞭一百。失察者鞭一百。各旗佐領下人。有偷採人謾者。將縱放之領催革退。枷一月。鞭一百。失察者領催鞭一百。府屬佐領下人。有偷採人謾者。將縱放之府屬領催。照旗人例處分。無品級管領領催。各枷一月。鞭一百。失察者將領催鞭一百。府屬管領鞭八十。民人有偷採人謾者。縱容之百家長責四十板。十家長。枷一月。責四十板。失察者十家長責四十板。百家長責三十板。凡拏獲偷採人謾。皆交戶部變價。一半入官。一半給賞拏獲之人。其巡查官兵見蹤不追。徇情縱放者。領催革退。枷一月。鞭一百。驍騎校鞭一百。門尉筆帖式。皆革職。枷一月。鞭一百。其山海關等邊門。不加盤查。縱放偷帶人謾入關者。直日領催革退。枷一月。鞭一百。驍騎校鞭一百。其私買謾賣謾者。各枷一月。鞭一百。○十九年議准。凡違禁偷採人謾。仍照康熙十五年定例治罪。為從之人。各枷兩月。係旗人。鞭一百。民人。責四十板。其邊外居住山海衛

所屬兵民。及

盛京直隸山東沿海處所。有偷載人謾貿易者。照偷採人謾例治罪。○二十年議准。山海衛所屬城堡兵民偷採人謾者。亦照康熙十五年定例治罪。○二十一年議定。鳳凰城至山海關開原。邊至薩林窩哩。沿邊設有柳條邊牆。不得私入禁山。○又議准。凡採取官謾之人。各給印票。以便稽查。如無信票。私自行走。或有信票。越界行走。並不照票內定數多帶人畜者。巡查官兵。即拏獲送部治罪。徇情縱放者。領催枷一月。鞭一百。驍騎校鞭一百。若得財縱放。及人謾隱匿入己不全送官者。交刑部計贓。照例治罪。有能出首者。財物一半給賞。一半入官。拏獲馬匹。一半入官。一半給賞拏獲之人。人謾盡行入官。如誣告無辜之人。兵丁。枷兩月。鞭一百。拏獲之人。捏情控告。審虛照誣告重律治罪。若毀壞盛京鳳凰城等處邊柵。私自出入。官員領催。兵丁守關門尉。筆帖式。不行查拏。及通同受賄者。照巡查官兵例治罪。○二十三年奏定。嗣後八旗採謾。皆前往烏蘇里等處。擄取遣往時。

盛京上三旗包衣或駢騎校或司庫。下五旗自王以下。奉恩將軍以上。各擇包衣一名為首。額設丁夫。給票採取。若不將該包衣人照數遣往。或雇人齎往。致有盜竄。將本家主管領。交該部從重議罪。○二十八年議定。偷創人。其人其馬匹帳房等物。著給予拏獲兵丁。○三十年議定。偷創人。事發將所出邊口防守官員。一併治罪。○四十年議准。創人。拏獲後如有將無干人讎報者。不論旗民皆枷責。仍照為從例分別發遣。○四十一年議定。捕獲盜人。十人以上為一夥。兵丁捕獲五夥以上者。賞銀三兩。捕獲十夥以上者。賞銀六兩。○四十八年奉旨。令烏拉打牲滿洲等採。其採處如遇漢人。一概緝捕。○雍正二年議准。拏獲私。除賞給所得馬畜外。將賞給十分之四。○又議准。山海關等關口。除按獲。及分兩無多者。毋庸給賞外。如有按獲。較多者。每斤賞銀一兩。照數遞加。儻按查不力。致私帶入。至關者。巡查人等。照不應重律杖八十。明知故縱者。杖一

百枷一月。受賄賣放者。計贓以枉法論。從重治罪。其巡查蹤跡兵丁。應行賞給治罪之處。仍照舊例行。○又定。偷採人。出財之主。並為首之人。其一人所放之人。至百名以上。所收之。至五百兩以上者。仍照舊例擬絞監候。人。不滿百名。不滿五百兩者。出財之主。並為首之人。枷三月。鞭一百。為從。枷兩月。鞭一百。或一二人。創。所得不至十兩者。交與盛京刑部。旗人。鞭一百。民人。責四十板。遞回原籍。○又議准。滿洲人等。於定數跟役一名外。攜帶盜人。嚴加緝捕。○九年奏准。偷採人。財主及為首之人。所放人。至百名以上。所收。至五百兩以上者。仍照舊例擬絞監候。人。不滿百名。不滿五百兩者。杖一百。流三千里。○乾隆二年議准。緝獲持票。採得。斤。越路脫逃者。按律治罪外。將伊等。取。照例。應出。交商。其餘入官。○三年議准。偷創人。不滿百名。不滿五百兩者。首犯既經減流。為從。應再減一等。杖一百。徒三年。旗人及奉天民人。照例枷責發落。仍分別刺字牲畜等物。

給拏獲人充賞。人謾入官。奴僕有犯。其主知而遣去者杖八十。知而詐供不知者杖一百。不知者不坐。若未得謾者。財主及為首之人係旗人。枷兩月。鞭一百。

盛京及內地民人。皆枷一月。鞭一百。並謾送戶部入官。為從。枷一月。杖一百。若一二人創謾。所得不至十兩。交與

盛京刑部。係旗人。鞭一百。民人。杖一百。仍照例刺字。如一二人創謾未得者。減二等。旗人。鞭八十。民人。杖八十。遞回原籍免刺。○又奏准。拏獲販

謾之犯。所販謾至五百兩以上者。擬流。不滿五百兩者。擬徒。不滿十兩者。杖九十。皆免刺字。○四年議准。挖謾夫役。採得謾斤越路脫逃。如有將謾拏獲者。即交官商收存。以免賠補官謾之患。○七年議准。旗人度越禁約處所。偷採人謾。所故人自一二名至十名。所收謾自一二兩至十兩。杖六十。徒一年。人以十名遞加。謾以五十兩遞加。分別擬以徒流。人加至八十名。謾加至三百五十兩以上。仍擬滿流。其並無財主鋪頭。一時烏合。各出資本。謾係自得者。人自十名至

三十名。謾自十兩至不滿百兩。為首比財主鋪頭各減一等。人至三十名以上。謾至百兩以上。為首照財主鋪頭定擬。為從各減一等。未得謾各減二等。皆免刺。仍分別旗民。照例枷責發落外省流民。無論人數謾數已得未得。皆照例遞回原籍。儻有人多謾少。謾多人少者。各從其少者治罪。○十年議准。拏獲隱匿舊票偷挖者。將舊票解部銷毀。○又議准。披甲人等夾帶多人偷挖謾斤者。著落披甲追繳入官。每謾一兩折銀二兩。○十一年奏准。打牲吉林甯古塔三姓

黑龍江等處。出派官兵挖取官謾。並採取樺皮以及催交貂皮。修理船隻等差。各項人等所帶口糧鐵鍋帳房等數目。行令酌量定擬帶往。不得令其多帶。仍將所定數目。嚴交卡倫官兵查驗放行。儻有仍前夾帶物件。接濟私挖人謾等弊。即將不能查出卡倫官兵。照例治罪。○又奏准。七姓赫哲人等。在烏蘇里口附近居住。恐有射利容留偷謾之人。接濟糧米等弊。自當定其實罰。如有拏獲者。即將物件。給予拏獲之人。合計所獲人數。折合銀兩布疋等物獎賞。如仍有

容留等弊。將應給賞物裁汰。仍將容留之人。交該鄉長等責懲。至獎賞應需銀兩。即在紅票銀內動用。○又議定。三姓。琿春等處商人官兵。領票赴甯古塔船廠地方購買物件。令其開明數目。有違禁攜帶米石什物。賣與偷創之人。易換人。獲者。該將軍查明。米不及五十石。什物值銀不及五十兩。俱杖一百。徒三年。若逾前數。俱發附近充軍。旗人及官兵有犯。加凡人一等治罪。其巡緝官兵知情故縱。與本犯同得贓者。以枉法從重論。失察者。兵丁。照山海關接獲。獲珠不力例治罪。其明知偷創姦匪。而容隱在家。不行告捕。減罪人一等治罪。○又定。索倫達呼爾越界至松阿里烏拉地方。私帶米糧等物。賣給創。獲人者。照無引私鹽律。計米數多寡。分別定擬。吉林。烏拉。有越界私帶米糧情事。令吉林。烏拉將軍一體查拏。照例定擬。○又定。凡旗下另戶正身。潛匿禁山。過冬創。獲。照不分已未得。獲杖一百例。加等治罪。其審有人。獲數過於本罪者。照定例。以次遞加。仍免刺字。其民人。旗下家奴人等。除照例治罪外。無論已未得。獲者。俱刺面。

民人。交地方官嚴行管束。如再逃往禁山。亦加一等。係旗下家奴人等。發往拉林。給予移紮種地。滿洲為奴。○十二年。奏准。南海德。克登機等處。應出派官兵防查偷窆人犯。每年八月初間。分路前往。過冬居住。於次年春。令後徧行。按查。草木萌芽時。即行撤回。○十三年。奏准。南海德。克登機等處。過冬官兵。本年停止派往。仍派官兵。躡迹。巡查南海等處。於七月內。起程前往。俟。副都統。率領官兵。於五月間。起程前往。○又定。販。獲人犯。其未至五百兩者。照偷窆。獲斤未至五百兩。杖一百。流三千里。減一等。議。徒之例。杖一百。徒三年。○十四年。議准。領票。創。獲人夫。例。給。烏槍。查明。人數多寡。批。給。烏槍。填。明。票。內。出口。驗。放。回。山。稽查。違。例。私。帶。者。照。商。民。應。帶。烏槍。轉。給。售。賣。偷。創。之。人。比。照。軍。人。將。軍。器。私。賣。與。人。發。邊。遠。充。軍。律。減。一。等。杖。一。百。徒。三。年。○又定。旗。民。偷。窆。人。獲。初。犯。人。數。未。滿。十。名。獲。數。未。滿。十。兩。者。初。一。月。杖。一。百。未。得。獲。及。運。米。石。者。俱。加。二。十。五。日。杖。一。百。遞。回。原。籍。管。束。再。犯。

得漫者杖八十徒二年。未得漫及運米石者。俱杖七十徒一年半。分別旗民發落。○二十年議准。吉林甯古塔。伯都訥。拉林等處。於緊要隘口。安設卡倫。創漫之年。出派官兵徧行按查。○二十一年定。旗民人等偷創人漫。人至一百名以上。漫至五百兩以上者。為首之財主。及率領之頭目。並容留之窩家。俱擬絞監候。為從。係民人。發雲貴兩廣煙瘴地方。旗人。發打牲烏拉。查明正身家僕。分別當差為奴。均照竊盜例。分別刺字。所獲牲畜等物。給拏獲之人充賞。漫入官。擬

絞人犯。遇

赦減等者。亦照為從例發遣。其未得漫者。各減一等。如人自一二名至十名。漫自一二兩至十兩者。財主頭目。係民人杖一百徒三年。旗人枷四十日鞭一百。人數至二十名。漫至五十兩者。財主頭目。係民人。發雲貴兩廣煙瘴少輕地方。係旗人。發打牲烏拉。創漫未得。人自一二名至十名者。杖一百徒三年。係旗人。各照例折枷鞭責發落。為從者各減一等。容留之家罪同。若並無財主。一時烏合各出資本者。按人數漫數。已得未

得照財主例減罪二等科斷。代為運送米石者亦如之。販漫人犯拏獲時。查明漫數。照財主頭目偷創人漫例減一等治罪。至創漫犯內有家奴。訊係伊主知情故縱者。將伊主杖八十。不知者不坐。其潛匿禁山創漫人犯被獲治罪。遞回旗籍後。復逃往禁山者。各於應得本罪上加一等問擬。若係旗下家奴人等。即發往拉林給種地人為奴。○二十四年奏准。烏蘇里。綏芬。漫山。放票創採。領票人等。多有隨往黑人。偷越卡倫。添帶人米等弊。嗣後陸路所放漫票。交三姓副都統按時按檢。添設卡倫嚴察。其水路所放漫票。即由吉林甯古塔。二處查明人米。當時給予腰牌。委派官兵管束。遞送瓦里城地方入山創採。仍照例支給盤費銀兩。○又奏准。三姓接連新設各臺站。驅逐流民。不准棲止。並於甯古塔。三姓。琿春。設立界址。不准蓋房墾地。至各路途無票行走者。嚴行禁止。其種地貿易傭工人等。由該佐領具保註冊。隨文稽查。○又定。拏獲創漫賊犯。如有身充財主。雇人創採。及積年在外。運道已過三冬者。不論漫數多寡。俱發雲貴兩

廣煙瘴地方。若並無財主。一時烏合各出資本。及受雇偷採。或隻身潛往得獲者。均杖一百流三千里。未得獲者。杖一百徒三年。代為運送米石者亦如之。旗人有犯。同民人一體辦理。犯應軍流者銷去旗檔。係旗下家奴。發駐防兵丁為奴。○又定。旗民人等偷創人。至百名以上。獲至五百兩以上者。為從係民人。發雲貴兩廣煙瘴地方。旗人銷去旗檔。同民人一體發遣。家奴。發駐防兵丁為奴。均於面上刺字。販獲人犯。查明獲數。照財主頭目偷創人。獲例減一等治罪。免刺。至創獲人犯。被獲治罪後。復逃往禁山。各加一等問擬。係旗下家奴。即發黑龍江等處。給予披甲人為奴。○二十七年奉

旨。嗣後查拏私行買賣飛獲人等。查出銀兩。如在一百兩以內。毋庸入官。即分賞原捕之人。如在一百兩以上。分作三分。二分入官。一分分賞原捕之人。其出力奮勉人等。作何分別賞賚之處。著將軍自行辦理。永為定例。○又定。拏獲創獲人犯。職官受賄私縱。計贓滿貫者。絞監候。○又議定。收買私獲。照販賣私獲之例。杖一百徒三年。○二十八年定。額票工

人內。如有偷竊領票商人之獲者。照創獲已得例。不論獲數多寡。俱杖一百流三千里。仍於面上刺竊盜字。追贓給主。○三十五年議准。拏獲創獲賊犯。該軍流者銷去旗檔。與民人一體問擬。該擬徒者免其充配。折枷兩月。責令該管官嚴加管束。除八旗另戶正身不准再食錢糧外。其餘壯丁各色人等。仍令各當本身差徭。折枷後如有再犯。不分創獲已得未得。俱銷去旗檔。問擬附近充軍。○三十六年奏准。旗民人等偷創人。獲至四十名以上。獲至五十兩以上。為

首之財主。及率領之頭目。並容留之窩家。俱擬絞監候。餘皆照前例。○四十二年奏准。創夫領票創獲。有不往所指山林創採。有將票張賣放別路飛颺者。除交官獲外。餘獲俱令入官。於杖罪外。枷一月。至收買獲秧栽種。以及偷創獲秧貨賣等弊。即將此等人犯嚴拏究辦。一律治罪。○又奏准。安設卡倫查驗獲包。於兩處卡倫適中之地。安設木椿。令卡倫官兵輪流挂牌。如遇拏獲黑人私獲。訊明由何處出入。即將所放卡倫官兵治罪。儻有賄放故縱者。從重究處。其拏

獲黑漢臺卡官兵及番役人等。量加獎賞。於所獲私漢內。每漢一兩。以八錢入官。二錢充賞。○四十五年奏准。嗣後吉林所屬地方。率領頭目等帶去創夫內。如有事故逗遛山內。除創夫照例治罪外。其率領行走頭目。隱匿不報者。一經查出。照私帶黑人之例。杖八十。如有圖利特留過冬者。即同窳漢人犯治罪。拏獲私藏山內人犯。概不計漢枝獲與不獲。均發往雲貴兩廣煙瘴地方。○四十七年奏准。歇山之年。於邊門內外原有卡倫。派員分路不時往返總統巡查。如有越邊解米偷漢者。即行拏獲。解送將軍衙門辦理。○五十八年

諭。吉林境外。非盛京即黑龍江地方。有偷換人漢者。均著枷號兩月。滿日杖一百。發遣煙瘴地方。以示儆戒。○五十九年定。除按獲藏匿餘漢。按私漢本律嚴辦外。仍將負欠最多之創夫。從重枷一年。滿日。重責四十板。遞回原籍。○又定。創夫出山時。承辦各員嚴行稽查。毋使坐卡窮兵。有賣放併包之弊。如有負欠創夫。攜帶餘漢併包出山。及黑人。創夫夥同滋弊。拏獲照例治罪。○六十年

定。三姓。琿春等處。商人官兵領票赴甯古塔船廠地方。禁攜帶米石什物。易換人漢。於未經交官以前。私行換賣。米逾五十石以上。什物值銀五十兩以上者。發雲貴兩廣煙瘴地方安插。○嘉慶四年奉

旨。私創人漢之案。止係隻身潛往。向例不論漢數多寡。概擬滿流。未免無所區別。此後計贓論罪。以昭平允。欽此。遵

旨。議准。旗民人等偷創人漢。如並無財主。一時烏合各出資本。及受雇偷採。或隻身潛往。得漢者。俱按

其得漢數目。一兩以下。杖六十。徒一年。一兩以上至五兩。杖七十。徒一年半。十兩。杖八十。徒二年。十五兩。杖九十。徒二年半。二十兩。杖一百。徒三年。二十兩以上至三十兩。杖一百。流三千里。每十兩。遞加一等。罪至流三千里。為從。及未得漢者。各減一等。代為運送米石者。杖一百。私販照私創人犯減一等治罪。得漢人犯。首從照例刺字。未得漢及私販人犯。俱免刺。餘皆照前例。○又奏准。山海關巡查人員。如有按獲人漢。將戶部按數給銀之例停止。餘照舊例行。○又定。

領票工人內。如有偷竊領票商人之淺者。照例
淺已得例。按照得淺數目。分別徒流。仍照例刺
字。追贓給主。○七年奏准。吉林毋庸歇山。仍照
舊開採。至夾帶私人。及栽養淺苗各情弊。嚴行
查禁。○十五年

論。盛京吉林甯古塔一帶。環繞長白山。為本朝發祥之
地。產毓人淺。實惟瑞草。二百年來。附近山場創採日
多。必須遠歷深山。方能採獲佳品。亦事理之所有。至
種淺一項。以偽亂真。殊干例禁。乃近年各該處辦解
官淺。竟有攙雜秧淺。形狀雖覺腴潤。而性味實薄。現
據內務府奏。此次驗收官淺。係會同稽查御史。令
各該解員眼同拆封。並添傳經紀鋪戶人等認看。盛
京票淺四十八斤十二兩內。堪用淺十三斤四兩。泡
丁十五斤八兩外。有秧淺十八斤十二兩。及帶鉛泡
丁一斤四兩。吉林票淺五十九斤七兩五錢內。堪用
淺一斤十二兩。泡丁十八斤十五兩三錢外。有秧淺
三十七斤十三兩二錢。帶鉛泡丁十五兩。甯古塔票
淺十七斤十二兩八錢內。堪用淺八斤十二兩。泡丁
六斤十二兩九錢外。有秧淺一斤十四兩九錢。帶鉛
泡丁五兩等語。甯古塔秧淺尚止一斤有餘。盛京已

十居其六。吉林至好淺轉不及一成。又盛京四等以
上淺六斤內。亦有秧淺二斤。吉林四等以上淺三斤
二兩。大枝淺十兩。竟全係秧淺。該將軍等不能認真
查察。均有應得之咎。其挑出之秧淺及帶鉛泡丁。著
交原解官發回。著落該將軍等照數更換補解。如不
能足數。即著照兩淮交價之例。分別四五等及泡丁
定價解銀歸款。○又

論。此項駁回官淺。該處既交商變價。其不敷銀兩。自應
著落分賠。且俟餘淺解到時。有無可以驗收之淺。再
將該處應賠銀數降旨飭交。至秧淺一節。本干例禁。
近詢之曾任奉天大員。俱云移養淺秧。不知起自何
年。不但在本山培養。並有沿及附近山場之處。本日
該將軍奏摺內亦有此語。此等積弊。竟係明目張膽。
毫無畏懼。該將軍等豈得諉為不知。若不嚴行查禁。
則以偽亂真。必至正淺日少。尚復成何事體。嗣後當
隨時查禁。如有移秧培養之處。即行實力嚴拏。毋得
泄泄干咎。○又奏准。吉林每年應進四等淺枝。仍照
舊額五十兩。與各城分攤承辦外。至辦解票淺
泡丁。如有挑揀不慎。成色不足。致奉駁回者。責
令該將軍及經手之局員等。或照時價繳銀。或

令買漫充額。○又

論吉林甯古塔琿春三姓等界內小山。著落各處協領分帶官兵。於本年創夫出山之後。前往按查。其烏蘇里綏芬大山。已於開列副都統單內圈出二員。著於來春創夫未進山之前。各帶本管協領一員。官兵二百名。分往嚴按。至來年秋間。該副都統押同創夫先行出山。仍令隨往之協領各帶兵一百名。留住山內。搭棚防守。並各留兵五十名。沿途安設臺卡。以備擊獲黑人。逐臺遞解。俟次年春季撤回。○又奏准。吉林漫局。如有局員等散票多寡不均。創夫繳漫時

任意高下其手。或加重平兌。肆行侵蝕等弊。令該將軍等嚴察究辦。○又奏准。吉林漫局書吏。儻有與鋪戶攬頭及各衙門家人等交手說事。立即查明嚴辦。○又奏准。吉林領票創夫。儻有夾帶私人。即行嚴察究辦。○又奏准。裁種秧漫。責成將軍副都統。並奉天府尹。派令地方文武官不時嚴密稽查。具結呈報後。分派文武員弁分投往查。如有偷種情弊。將栽漫之人。照例治罪。官漫到局。先令局員認看。將軍副都統府尹侍郎公同挑選解京。到京後。如有挑出秧漫。除

將官員議處種漫人治罪外。其挑出秧漫。按照斤兩。於該攬頭名下追繳解京。如無好漫。遵照本年

欽定之價。責令交出。攬頭如不能交。責令承辦之員代賠。其舊例。每漫一兩。賠銀五十兩之處。應行裁改。○道光三年

論漫山藏匿私人。夾帶私漫。律有明條。總在該將軍等督飭員弁。兵役嚴密巡查。自能立除積弊。茲據松霖等查照舊章。酌加改擬具奏。著即照議辦理。自此次奏定章程後。毋庸奏派副都統二員帶兵入山。其各

路所設卡倫一百六處。巡緝責成。該將軍等派委誠實妥幹員弁。帶同兵役認真訪察。固不可令兵弁等向官派創夫滋擾。尤不可令與各處卡倫通同舞弊。如兵弁等按查不力。及各卡倫有互為徇隱情事。查明立即嚴參懲究。若該將軍等視為具文。仍復有名無實。以致日久弊生。別經發覺。惟該將軍等是問。決不寬貸也。○四年

論吉林漫務。節經定立章程。而攬頭創夫尚形苦累。自應量為調劑。所有綏芬烏蘇里產漫山場。住山過冬。創夫。著准其仍復舊規辦理。並令各攬頭舉熟悉創

丹黃參四庫全書第 8 反E內

夫。今在蘇城蘇子海訥思屯呢滿口等處尋採。按額交上等好蕩。挑贖餘蕩。方准賞給售賣。如有成色蒙混情弊。即著落賠換。重責示懲。其每年留山刨夫。不得過每票人數之半。如有事故。該攬頭於故蕩票前。註冊更換。責成押票章京隨時稽察。儻潛居透漏。從重究治。稍有疏縱。將該員等分別議處。並著守卡弁兵查驗。毋任黑人夾帶私蕩。以昭嚴密。○又

諭。吉林三姓地方額定蕩票。從前因每年故不足數。將額票十三張。移撥輝春試放。以致甯古塔故票情形拮据。辦理本未平允。嗣經富俊奏准。將前票仍歸三姓散放。後復有議給津貼名目。第各城票張不少。若紛紛效尤。成何政體。嗣後著責成承辦蕩務之員。將額票全數散放。不得藉詞接濟。希圖津貼。

欽定大清會典事例卷二百三十四

戶部

關稅 崇文門 左翼右翼 通州分司 張家
 津關 海口 多倫諾爾 奉天牛
 等口 龍泉等關 臨清關 東海關
 馬稅 鳳城 中江 蘇州 鎮
 歸化城 上海關 浙鹽關 淮安關 揚州
 江關 西新關 鳳陽關

崇文門○額稅銀十萬二千一百七十五兩有奇。贏餘無定數。由監督自行奏

聞。凡直省商貨入京。均分地道按數科稅。照部頒現行條例徵收。

左翼右翼○額稅銀各一萬兩。贏餘無定數。由監督自行奏

聞。凡鑲黃正白鑲白正藍四旗官兵人等置買田房。由左翼驗契鈐印。正黃正紅鑲紅鑲藍四旗官兵人等置買田房。由右翼驗契鈐印。計價每兩收稅銀三分。牲畜之陳於街市者。亦計價每兩收稅銀三分。入店則按牲畜之大小徵收。○道光二十四年奏准。西山十六村莊。凡買賣一切牲畜。歸右翼徵收。增額稅銀四十兩。通州分司印生○額稅銀六千三百三十九兩

沙甯等船販運奉天雜糧。每石徵銀一分。同治四年定。
張家等口。張家口。稅銀二萬兩。殺虎口。稅銀一萬六千九百十九兩九錢五分有奇。贏餘數目。由監督自行奏。

聞。潘桃口。稅銀。乾隆三十年。改歸多倫諾爾同知。經徵其六小口。稅。歸通水遠徵收。

千九百二十八兩有奇。胡納胡河。稅銀二千一百四兩有奇。甯古塔輝發穆欽等處。稅銀三千四十九兩有奇。伯都訥等處。稅銀一千二百八十五兩有奇。凡牲畜計價值。每兩收稅銀三分。貨物分地道。照部頒現行條例徵收。

龍泉等關口。龍泉紫荆獨石等關口。額徵銀四千七十五兩有奇。係落地稅。地方官隨時酌收。無定例。

多倫諾爾。額稅銀二萬一千五百三十六兩有奇。係落地稅。地方官隨時酌收。無定例。道光二年定。多倫諾爾陸運木稅。商運克什克騰山場木植。水運進張家口。獨石口。由多倫諾爾同知徵收。每年額解戶部銀五百七

兩六錢二分。如有贏餘。儘收儘解。奉天牛馬稅。額稅銀四千兩。凡旗民貿易牛馬駝。計價一兩。收稅銀三分。驢每頭。收小數錢七百文。以制錢三十文為一百。每半收稅銀五分。積計價每

千錢。收小數錢三十文。邊緒。謂販來者。收小數錢百文。圍豬。謂自畜者。收小數錢九十文。舊例。屠戶餵鋪。別徵湯稅。乾隆四年革除。鳳凰城中江。額稅銀三千三百七兩有奇。凡朝鮮國貢使往還。與內地客商互相貿易。不拘何項貨物。內地商人計價一兩。收稅銀三分。朝鮮人免稅。其監督原由。

盛京五部司員內揀選。按年更換。嗣改歸東邊道督徵。儘徵儘解。將例額稅銀三千三百七兩有奇。劃解。

盛京戶部。抵充俸餉。所徵贏餘銀。儘數留充邊餉。

光緒十年。徵銀四萬四千四百兩有奇。

臨清關。額稅銀三萬七千三百七十六兩有奇。贏餘一萬一千兩。凡商貨按部頒現行條例徵收。船稅正料。七尺。徵銀六分三釐。八尺。九分五釐。九尺。一錢四分三釐。一丈。二錢三分八釐。丈一尺。三錢三分三釐。丈二尺。四錢二分八釐。丈三尺。五錢二分四釐。丈四尺。六錢一分九釐。丈五尺。七錢九分三釐。丈六尺。九錢五分二釐。又有隨單料。梁頭一丈至丈六尺。每單徵銀一兩九分。八尺九尺。每單七錢六分。七尺。每單五錢三分。七尺以下小料。

復舊為詞。照舊展限。於歲入權賦殊有關繫。應請自本年三月起。再行予限二年。儘徵儘解。俟二年限滿。即行照額徵收。以重稅課。○十二年奏准。康熙初年。該關稅課。每年收銀七千餘兩。雍正八年。陝西巡撫題報。該關徵商稅銀一萬七千九百七十四兩有奇。即自雍正十一年為始。作為定額。至同治初年以來。屢經展限。議令再行展限二年。今據該撫奏請展限三年。儘收儘解。似此漫無定數。未便准行。擬將光緒二十三年。該關應徵商稅。限令按七千九百七十四兩一錢七分五釐之數徵收。儘收不足數。照例奏參著賠。如有贏餘。仍令儘數報解。自光緒十五年為始。務照雍正十一年定額徵收。不得率請展限。以符舊制。○又奏准。雍正十三年。議令該關稅銀。於本年年底。將一年收過實數造報。今據報稱收稅數目。係截至二月為止。恐致更張定限。應令仍遵舊制。於年底截數。以免清混。江蘇海關。額稅銀二萬三千九百八十兩有奇。贏餘四萬二千兩。凡商販內地貨物出洋及販外洋貨物進口者。按斤足箇件連副雙隻條把包篋

木按根按圍板按塊科稅。船材每出洋科稅一次。梁頭一丈以外至二丈。每尺徵銀一兩。二丈以外。每尺二兩。貿易捕魚船。每年徵收二次。梁頭一丈以內。每尺徵銀一錢五分。一丈以外。每尺三錢二分五釐。折收分數。安南商船進口出口。均七折徵收。東洋商船進口六折。出口不論貨物。概收銀百二十兩。閩廣商船三月至八月進出。均七折徵收。九月至二月進出。均五折徵收。山東。關東商船。並各口貨稅。均八折徵收。優免分數。安南。關東。山東商船。均優免十分之一。東洋。閩廣商船。均例免五分。優免五分。乾隆二年定。安肅關。稅銀儘收儘解。鎮江關。稅銀儘收儘解。上海關。稅銀儘收儘解。浙墅關。額稅銀十九萬一千一百五十一兩有奇。贏餘二十五萬兩。道光十一年。減贏餘二萬兩。實徵二十三萬兩。凡商船貨物。有籤量作擔科稅者。雍正六年定。大梁頭船。前後量面廣腰廣底廣。與深長因乘加五算。活梁頭江駁船。量兩邊齊釘花。與深長因乘加五算。活梁頭江肥船。量闊搭一邊放一邊。與

深長因乘加五算。活梁頭內江船。量闊兩邊齊釘花。與深長因乘加四算。正江小欄水船。量闊兩邊齊釘花。與深長因乘加四算。小江肥船。量闊搭一邊放一邊。與深長因乘加四算。正江擺江船。量闊兩搭不放。與深長因乘加三算。外江船。量闊頂一邊搭一邊。如焦湖采石。四川三處船。量闊搭一邊放一邊。齊釘花。與深長因乘均加三算。山船前後兩籤。深兩籤。量闊與長乘加三算。邵伯山船前後兩籤。深居中。量闊與長乘加三算。山肥船。在桅前量一寬。與深長因乘加三算。老太湖船。量闊兩搭不放。與深長因乘加三算。新太湖船。量闊在桅門搭一邊放一邊。與深長因乘。隨深加算。三尺起至三尺五寸深。加三算。三尺六寸起至四尺五寸深。加四算。四尺六寸以上。加五算。划灘盪板光福尖頭船。同前籤量。隨深加算。扁淺划灘船。量闊兩搭不放。鹽閘頭船。裝米貨。量闊兩搭不放。與深長因乘加四算。米麥豆每擔徵銀四分。稻穀大麥四折。蕒豆每擔五分。豆餅八折。麻菜餅七折。各貨視其貴賤。自加三至對折籤算。每擔徵銀四分至七

分一錢一分一錢二分。有按擔科稅者。各貨視其貴賤。以包捆箱筒籃篋塊角雙單筒段之多寡。斤數之重輕。合擔每擔徵銀自四分至八分一錢一分一錢二分。布計疋。典衣計包帽。稅帶計箱計盒計斤。合擔每擔徵銀二錢二分。紬緞絲緯絨繭。計斤。合擔每擔徵銀二錢六分。其奇零雜物。計數計斤。徵稅有差。鹽船官鹽無稅止收船料梁頭七尺。徵銀一兩五錢八尺。二兩九尺。二兩五錢一丈。四兩一丈一尺。五兩五錢一丈二尺。七兩一丈三尺。八兩一丈四尺。九兩一丈五尺。十兩一丈六尺。十一兩一丈七尺。十有二兩一丈八尺。十有三兩一丈九尺。額稅銀二十萬五千四百七十九兩有奇。贏餘十二萬一千兩。嘉慶九年增贏餘二萬兩。道光十一年減贏餘二萬一千兩。實徵十一萬兩。光緒八年奉准宿海三關每年額徵銀二十五萬四千三百六十三兩有奇。贏餘銀十一萬兩。凡商貨計擔科稅者。為多有計足塊副件。馱捆者。各因其物。自徵銀一分至三兩。均按部頒現行條例徵收。船稅有整單。分單。二項。整單。按船之大小。梁頭四尺。徵銀六錢四分。五尺。八錢。六尺。一兩六錢。一次輪稅給票。准其往回照驗。以一年為滿。分單。按載貨之多

寡貨足梁頭四尺。徵銀一錢六分。五尺。二錢。	六尺。四錢。六尺有半。八錢。凡過關皆稅。船大	載少者。按貨計算。自北南下者。載貨二三十	石。亦納四尺分單。無貨者免徵。○北鈔。梁頭每	尺。二錢五分。 <small>長山白洋新河後湖四分口為北</small>	尺。 <small>凡船載雜貨雜糧。按梁頭輪稅。</small>	未參豆每石徵銀五分。 <small>小未糕未</small>	分。○廟灣稅。 <small>凡商貨按斤足條件徵收船</small>	稅。 <small>空重船均按梁頭尺寸報納。一年為滿。</small> 梁頭三尺五寸	徵銀四錢五分五釐。四尺。六錢四分。五尺。八錢。	六尺。一兩六錢。七尺。一兩九錢。八尺。二兩四錢。	九尺。二兩八錢五分。一丈。三兩六錢六分七釐。	丈一尺。四兩四錢。丈二尺。六兩。丈三尺。七兩八	錢。丈四尺。九兩三錢三分四釐。丈五尺。十有二	兩五錢。丈六尺。十有四兩九錢三分四釐。丈七	尺。十有七兩。丈八尺。十有八兩。貿易捕魚船。每	年徵收二次。梁頭一丈內。每尺徵銀一錢五分。	一丈以外。每尺徵銀二錢二分五釐。豆每石徵	銀四分。小麥芝麻雜糧每石徵銀二分。大麥蘆	粟蕎麥每石徵銀五釐。○淮倉清江廠。 <small>均准開</small>	商貨亦計擔科稅為多。有計斤足塊件者。自三
-----------------------	------------------------	----------------------	------------------------	--------------------------------------	----------------------------------	--------------------------------	------------------------------------	--	-------------------------	--------------------------	------------------------	-------------------------	------------------------	-----------------------	-------------------------	-----------------------	----------------------	----------------------	--------------------------------------	----------------------

毫九絲至三錢八分六釐。均按部頒現行條例	徵收。	揚州關。額稅銀九萬二千七百九十一兩有	奇。贏餘八萬一千兩。凡商船貨物。按包捆篋箱	箱擔馱分別精麤。合梁頭丈尺科稅。梁頭五尺	徵銀九分二釐。六尺。一錢五分九釐。七尺。二錢	二分九釐。八尺。二錢八分七釐。九尺。四錢二分	一釐。一丈。九錢八分六釐。丈一尺。一兩一錢四	分六釐。丈二尺。一兩三錢六釐。丈三尺。一兩四	錢九分六釐。丈四尺。一兩六錢七分八釐。丈五	尺。一兩八錢六分四釐。丈六尺。二兩四分二釐。	丈七尺。二兩二錢九釐。丈八尺。二兩六錢一分	五釐。加倉每倉二兩。以六倉為滿。糧馬倉。每	倉三兩。以五倉為滿。如貨物應徵銀九分二釐	者。即合糧頭五尺。接算至丈八尺為平料。平料	之外。多一兩為半倉。二兩為一倉。船重貨多照	例外加。鹽船每船徵銀二兩六錢一分五釐。剝	鹽船各接每引徵銀一分。竹木。每甲徵銀一錢。	石竹二帖作一甲。徵銀一錢。餅豆米麥芝麻菜	子。每擔徵銀二分。船重稅輕。又從遠地來者。寬
---------------------	-----	--------------------	-----------------------	----------------------	------------------------	------------------------	------------------------	------------------------	-----------------------	------------------------	-----------------------	-----------------------	----------------------	-----------------------	-----------------------	----------------------	-----------------------	----------------------	------------------------

減二成。瓜洲揚州凡商船貨稅。有由牘過
 壩。操餉撫餉由牘米麥豆各貨。一百七十擔至
 三百擔。三折。四五百擔。四折。六百擔。五折。七百
 擔。六折。八百擔。七折。八百擔以外。均八折。折淨
 五十擔。合五尺梁頭。至一百六十擔。合丈六尺
 梁頭。為滿料。每尺徵操餉銀二分。撫餉銀二分。
 下水魚蛋等貨。七十擔以上。均三折。折淨二十
 五擔。合五尺梁頭。八十擔。合丈六尺梁頭。上水
 糖紙等貨。三十擔以上。均三折。折淨十擔。合五
 尺梁頭。一百二十擔。合丈六尺梁頭。滿料外。凡
 有餘擔。皆免徵。別徵撫餉。增斛扣各稅。裹貨折算
 與米麥同。梁頭擔數與魚蛋同。如不由牘擔運
 過壩。應報入境卸載。天字操撫餉。梁頭自七尺
 起。出境裝載地字操撫餉。梁頭由八尺起。均至
 丈六尺為滿料。其法驗揚關鈔票一丈者。作過
 壩。操撫餉。梁頭卸載七尺。裝載八尺。丈七尺者。
 作卸載丈一尺。裝載丈二尺。按尺科稅。不及丈
 尺免徵。滿料外。凡有餘擔。皆不加尺。米麥豆止
 徵裝載。梁頭卸載免徵。又有由牘撫餉。凡上下
 水貨船。依前折淨。百擔內作梁頭五尺。百擔至

二百擔。六尺。二百至三百九尺內。擔七尺。四百
 至四百九十擔。八尺。五百至九百擔。九尺。九尺
 外。至千擔。滿丈。依此遞加。至千六百擔。作丈六
 尺為滿料。每尺徵銀七分五釐。又照折淨擔數。
 每擔徵銀一釐。滿料外。凡有餘擔。皆不加尺。惟
 每擔徵銀一釐。無貨空船。每尺徵銀二分五釐。
 又有由牘斛脚扣餉。亦依前折淨擔數。每擔徵
 銀六毫。又有由牘增餉。凡貨物折算。有不足前
 操餉撫餉。梁頭五尺者。亦依前折淨擔數。分別
 精麤。按擔科稅。其有關例未載雜貨。聽客商照
 時價作本銀。每本銀一兩。徵銀二分一釐。又有
 三汊河瓜洲由關過壩。河餉由牘上下水貨船。
 依前操撫餉折淨擔數。合梁頭五尺至丈六尺
 滿料。每尺徵銀五分。過壩。凡報卸載。操撫餉。梁
 頭一丈至丈六尺者。均作梁頭五尺。亦每尺徵
 銀五分。不足卸載。操撫餉。梁頭一丈者。免徵。空
 船。梁頭五尺。徵銀七分五釐。六尺。一錢一分三
 釐。七尺。一錢七分五釐。八尺。二錢二分五釐。九
 尺。二錢八分八釐。滿丈。六錢四分八釐。竹木均
 一甲徵銀二錢。又河餉。每銀一兩。加耗八錢。操

撫增斛扣四餉。每銀一兩。加耗五錢。

西新關舊係西新龍江二關。西新隸戶部。龍江隸工部。相隔二十里。康熙二十八年。合為一關。以免商民守候。額稅銀四萬一千三百七十六

兩有奇。贏餘三萬三千兩。凡水陸舟車所載貨物。經由江甯府各城門口岸者。都稅司收出城

稅。龍江。江東。朝陽。聚寶。四司收進城稅。均分別

貴賤。按斤科稅。有按箇件條。把連副箱。篋船擔

者。各因其物。又龍江。江東。二司收進城夏布稅

按足。聚寶。通濟。等六門酒稅。按賦。抽分。廠。太平

神策。等五門。下關。趙溝。王溝。浦口。江浦。烏江。石

磧。等口岸。牛驢。羊豕。稅按數。又茶引。所收進城

茶稅。按細茶。中茶。其茶芽。月鈔。北城。四季。餘四

城。春冬。按月。都稅。等五司。各行經紀。納鈔。按季

皆照部頒。現行條例。徵收。又龍江。司船契稅。造

船。按契價。一兩。收銀三分。折船。照估價。一兩。收

銀二分。五城地租。每年額徵銀千七百十有四

兩。三錢八分。五釐有奇。船鈔。每年額徵銀六十

兩。皇廠。河湯稅。每年額徵銀二十兩四錢。○同

治四年

諭。曾國藩奏請將龍江西新兩關暫停開設一摺。據稱

江甯城外。向設龍江西新兩關。咸豐三年以後。關稅

停徵。近年在大勝關抽釐。復在城中添辦門釐。因地

方元氣過傷。所收亦屬無幾。若遽撤卡設關徵收。斷

難足額。加以衙署開銷。胥吏苛索。恐尚有所徵不能

敵釐卡之數。請援照浙江成案。毋庸開關徵稅等語。

所奏切中地方利弊。江甯蹂躪日久。商民疲困。正宜

休養生息。以培元氣。若開關既於國課無益。而關書

巡役人等。轉得肆意誅求。勢將商民生畏。裹足不前。

於招集流亡之政。殊有闕礙。著松端將龍江工關。西

新戶關。均暫緩設立。俟商賈復業。再由曾國藩奏請

設關。以復舊制。

鳳陽關。額稅銀九萬一百五十九兩有奇。贏

餘一萬七千兩。凡水陸舟車所載貨物。各分陸

路稅徵收。正陽大關水稅。船貨按梁頭丈尺。梁

頭七尺。徵銀三錢七分三釐。七尺五寸。五錢五

分。八尺五寸。七錢四分。九尺二寸。一兩一分。九

尺四寸。二兩一錢二分。九尺五寸。一兩二錢二

分。九尺七寸。一兩三錢二分。丈有二寸。一兩六

錢。丈有四寸。一兩七錢三分。丈有五寸。一兩八

錢。丈有七寸。一兩九錢二分。丈一尺二寸。二兩

二錢丈一尺四寸。二兩二錢九分。丈一尺五寸。
 二兩四錢。丈一尺七寸。二兩五錢二分。丈二尺。
 二寸。二兩七錢七分。丈二尺四寸。二兩九錢。丈
 二尺五寸。二兩九錢六分。丈二尺七寸。三兩一
 錢一分。丈三尺二寸。三兩三錢六分。丈三尺四
 寸。三兩五錢一分。丈三尺五寸。三兩五錢七分。
 丈三尺七寸。三兩六錢七分。丈四尺二寸。四兩
 八分。丈四尺四寸。四兩一錢五分。丈四尺五寸。
 四兩二錢一分。丈四尺七寸。四兩二錢九分。丈
 五尺二寸。四兩六錢三分。丈五尺四寸。四兩六

錢九分。丈五尺五寸。四兩七錢六分。丈五尺七
 寸。四兩八錢八分。丈六尺二寸。五兩一錢六分。
 丈六尺四寸。五兩二錢五分。丈六尺五寸。五兩
 三錢五分。丈六尺七寸。五兩四錢四分。丈七尺
 二寸。五兩七錢二分。丈七尺四寸。五兩八錢六
 分。丈七尺五寸。五兩九錢二分。丈七尺七寸。六
 兩五分。丈八尺六寸。六兩二錢六分。以上各增銅斤
 銀。照前數加五徵收。康熙二十五年定其不滿載參差
 不齊之貨。按包捆青賤。定應納稅銀。謂之關上
 雜貨例。其自光州載來雜貨。因有路統避大關

者。比關上例酌減銀數招商。康熙四十年定均以四
 分合為一擔。三十擔以外六十擔以內者。每擔
 徵銀四分五釐。六十擔以外者。每擔五分。不收
 腳價。竹木按件徵收。每稅銀一兩。加腳價五錢。
 米麥雜糧。船按梁頭合石。梁頭八尺五寸。合糧
 六十石。九尺二寸。七十石。九尺四寸。七十五石。
 九尺五寸。七十七石。九尺七寸。八十石。丈有二
 寸。九十石。丈有四寸。九十五石。丈有五寸。九十
 七石。丈有七寸。百石。丈一尺二寸。一百十石。丈
 一尺四寸。一百十有四石。丈一尺五寸。一百二

十石。丈一尺七寸。一百二十六石。丈二尺二寸。
 一百三十八石。丈二尺四寸。一百四十五石。丈
 二尺五寸。一百四十八石。丈二尺七寸。一百五
 十五石。丈三尺二寸。一百六十八石。丈三尺四
 寸。一百七十五石。丈三尺五寸。一百七十八石。
 丈三尺七寸。一百八十三石。丈四尺二寸。二百
 四石。丈四尺四寸。二百七石。丈四尺五寸。二百
 十石。丈四尺七寸。二百十有四石。丈五尺二寸。
 二百三十一石。丈五尺四寸。二百三十四石。丈
 五尺五寸。二百三十七石。丈五尺七寸。二百四

18550 丹 廣 4 11 11 5 5 9 2 1 1

十四石。丈六尺二寸。二百五十八石。丈六尺四寸。二百六十二石。丈六尺五寸。二百六十七石。丈六尺七寸。二百七十二石。丈七尺二寸。二百八十六石。丈七尺四寸。二百九十三石。丈七尺五寸。二百九十六石。丈七尺七寸。二百九十八石。以豫斛三百石為丈八尺滿料。均照貨船梁頭丈尺徵收。計豫斛三百石。徵原額並銅斤銀九兩三錢九分。每石合三分一釐三毫。 <small>康熙三十四年定</small>	如滿料外多豫斛五十石。加一倉收稅銀二兩。減半者。加半倉。再多者。照倉遞加。其不足梁頭八尺五寸不足六十石者。為小販。每豫斛一石徵銀三分。 <small>正陽客商糧食多販自河南光州固始。故照豫斛徵收。豫斛三百石。即准斛五百石。豫斛五百石。即准斛八百三十石。三斗有奇。各口仿此。康熙三十四年定。</small>	梁頭加倉小販。每稅一兩。外徵腳價銀四錢六分。 <small>康熙四十五年定。</small>	滿料加倉之船。載貨過重。外帶剝船。以防淮河風險者。名為風水剝船。照本船原石數。每石徵銀五釐。其不足一丈八尺之船。因載重願雇剝船。亦同此例。過關已稅之貨。別商轉販者。有關下裝船例。亦按梁頭丈尺徵收。寬其石數。梁頭八尺五寸。合豫斛七十石。九尺二
--	--	--	--

寸八十石。九尺四寸。九十石。九尺五寸。百石。九尺七寸。一百十石。丈有二寸。一百二十七石。丈有四寸。一百三十八石。丈有五寸。一百四十三石。丈有七寸。一百五十二石。丈一尺二寸。一百七十五石。丈一尺四寸。一百八十三石。丈一尺五寸。一百九十一石。丈一尺七寸。二百有一石。丈二尺二寸。二百二十一石。丈二尺四寸。二百三十一石。丈二尺五寸。二百三十六石。丈二尺七寸。二百四十八石。丈三尺二寸。二百六十八石。丈三尺四寸。二百八十石。丈三尺五寸。二百八十五石。丈三尺七寸。二百九十三石。丈四尺二寸。三百二十六石。丈四尺四寸。三百三十一石。丈四尺五寸。三百三十六石。丈四尺七寸。三百四十二石。丈五尺二寸。三百六十九石。丈五尺四寸。三百七十四石。丈五尺五寸。三百八十八石。丈五尺七寸。三百八十九石。丈六尺二寸。四百十有九石。丈六尺四寸。四百二十七石。丈六尺七寸。四百三十四石。丈七尺二寸。四百五十六石。丈七尺四寸。四百六十八石。丈七尺五寸。四百七十三石。丈

七尺七寸四百八十三石。以豫斛五百石為丈八尺。梁頭之滿料原額並銅斤共徵銀九兩三錢九分。如滿料之外多豫斛八十石。加一倉收銀二兩。不足梁頭之小販每石徵銀一分八釐。稅銀一兩。收脚價銀四錢六分。其滿料加倉船外帶刺船亦照原石數。每石徵銀五釐。若糧糴貨賤。划船所載徵本小商。盱眙濶溪已稅之船。壽州河口上水船。有支河繞避。下水船不過正陽。願到關輸稅者。以及蕎麥折麩稻折米之類。按梁頭丈尺。由九折遞減至五折徵收。康熙四十九年

定。早稅。凡車載貨物。視其貴賤。按箱篋擔件及斤數徵收。康熙二十一年定。其按駄徵收者。因正陽西有旱路繞避。減稅招商。驛駄徵銀四錢。驢駄二錢。不足馱者徵半。康熙五十年定。臨淮正陽水稅。按船之稅封。即稅丈尺。自七尺起至一丈八尺止。稅封一丈。徵銀二兩二錢。原額一錢五分。康熙四十五年因銅斤水脚不敷。增至三錢。每增減一尺。各增減銀三分。八尺以外至九尺者。入九尺稅。七尺至八尺者。為小販。自正陽來滿料船。帶有剝船剝貨者。亦照稅封例。報納船料。小販

糧食不足稅封者。論石徵收。豫斛一石。徵銀三分。落地貨已經別口納稅者。每石徵銀八釐。未經別口報稅者。徵銀二分。上流已報船料。至此起卸。由陸路他往。或本地小商裝煙葉蘇木等貨。往亳州報納者。每船止徵船料銀五錢三分。若本地糧食裝載。即照正陽梁頭例徵收。秫黍大麥。照米七折。稻穀五折。不足梁頭之小販。每石徵銀三分。早稅。凡陸路往來貨物。視其貴賤。各按駄擔箱包篋及按斤按件徵收。其零星船貨不足稅封。及米糧等船帶來雜貨竹木。與陸

路貨至此落地發賣者。均照早稅之例徵收。至鳳陽府城落地貨。因非通衢免徵。康熙五十年定。長淮正陽水稅。自亳州裝來不足船料五錢三分。及自正陽懷遠裝來各貨布。按落地卸載。他過載。餘按箱包按斤。竹木按簞按件徵收。康熙三十四年定。本地糧食裝載。照正陽梁頭例。黍秫大麥。稻穀折米。與臨淮同。不足梁頭之小販。每石徵銀二分。早稅。陸路貨止經本口。不往別口報稅。及水路貨載往亳州。稅不足船料五錢三分。並裝往正陽小販。均照臨淮早稅之例。

盱眙正陽水稅貨船照正陽梁頭原額並加五
 銅斤之數糧食船自臨淮以下未經別口報稅
 者照關下裝船梁頭合石之數不徵加倉不足
 梁頭之小販及落地發賣者每石徵銀一分五
 釐已經正陽等處報稅者免徵如下淮船轉販
 徵一過裁每石銀一分若統道由潤溪者盱眙
 照本口梁頭例小販每石徵銀二分從正陽載
 來山麻及油照早稅例有下淮船轉販亦照梁
 頭例小販麻三十捆以內每捆徵銀一分油二
 十簍以內減早稅之半其從正陽等處載來雜
 糧及麻菜餅麵照早稅徵收不徵船料從臨淮
 以下不經別口報稅者並徵船料不准回船載
 貨者亦照早稅之例早稅按箱匣包篋馱擔及
 按斤按數徵收有繞僻路由潤溪者稅同○毫
 州正陽無水稅凡水陸貨物別口止報船料者
 至此按箱匣包捲筒篋馱擔斤件徵收已報細
 稅者免徵本口發賣者徵落地稅○懷遠正陽
 水稅貨物糧食照關下裝船梁頭例徵收滿料
 外有餘石及不足梁頭之小販每石徵銀二分
 本地賣載買載小販每石一分早稅相近集場

未經別口報稅貨物照正陽早稅之例若過往
 商船止於譙察免徵○蚌埠正陽與懷遠例同
 足梁頭者照關下裝船梁頭例滿料外有餘石
 及不足梁頭之小販每石徵銀二分若載往毫
 州報細稅者止徵船料銀八錢八分其南來貨
 物由此雇船往正陽並正陽貨船進此口者因
 正陽止報船頭又按包捲箱篋馱擔及按斤按
 數竹木按簿徵收康熙二十一年起過往商船止於譙
 察免徵○道光十五年裁撤鳳陽關符離集口
 ○光緒二年奏准鳳陽關停徵日久於本年六
 月初一日開關稽徵其徵稅口岸所設釐卡均
 行裁撤

欽定大清會典事例卷二百三十五

戶部

關稅	蕪湖關	九江關	贛關	閩海關
蕪湖關	安慶關	浙海關	北新關	江漢關
武昌關	重慶關	梧州	海關	打箭爐
太平關	梧州	海關	鎮南關	粵
蒙自關				

蕪湖關。額稅銀十五萬六千九百十九兩有奇。贏餘七萬三千兩。凡商船貨物滿載者。分加料平料下料三等。按梁頭丈尺徵收。加料貨物。梁頭六尺。徵銀十有五兩。自六尺至八尺。每五寸。加二兩四錢。每一尺。加四兩。自八尺至一丈。

每五寸。加二兩七錢。每一尺。加四兩五錢。計徵銀三十二兩。丈有五寸。加十一兩七錢。自丈有五寸至丈五尺。每五寸。加二兩七錢。計徵銀六十八兩。丈五尺五寸。加十七兩一錢。丈六尺。又加二兩七錢。自丈六尺至二丈。每五寸。加三兩六錢。每一尺。加六兩三錢。計徵銀一百十有三兩。自二丈至二丈五尺。加數如之。內有應減徵者。六尺。減銀一兩五錢。六尺五寸至八尺。一兩六錢。八尺至一丈。一兩八錢。丈有五寸至二丈。三兩六錢。平料貨物。梁頭六尺。徵銀五兩六錢。

五分。自六尺至七尺五寸。每五寸。加九錢。計徵銀八兩三錢五分。八尺。加一兩三錢五分。自八尺至九尺。每五寸。加九錢。自九尺至一丈。每五寸。加一兩一錢。計徵銀十有三兩七錢。丈有五寸。加四兩九錢五分。丈一尺。又加一兩一錢。計徵銀十有九兩七錢五分。自丈一尺至丈五尺。每五寸。加一兩六錢五分。每一尺。加二兩七錢五分。計徵銀三十兩七錢五分。丈五尺五寸。加九兩九錢。丈五尺五寸至二丈。每五寸。加一兩六錢五分。計徵銀五十五兩五錢。自二丈至二

丈五尺。加數如之。內有應減徵者。六尺。減銀九錢。五分。六尺五寸至九尺。減銀九錢。九尺五寸至滿丈。一兩一錢。丈有五寸至丈一尺。二兩二錢。丈一尺五寸至二丈。二兩二錢。下料貨物。梁頭六尺。徵銀八錢五分。六尺五寸。一兩七尺。一兩二錢。自七尺至滿丈。每五寸。加三錢。計徵銀三兩。丈有五寸。加一兩五錢八分。自丈有五寸至丈二尺五寸。每五寸。加四錢五分。計徵銀六兩三錢八分。丈三尺。加六錢七分。自丈三尺至丈五尺。每五寸。加四錢五分。計徵銀八兩八錢

五分丈五尺五寸。加二兩七錢。丈六尺。加四錢。
五分丈六尺五寸。加六錢八分。丈七尺。加四錢。
五分丈七尺五寸。加六錢七分。丈八尺。加四錢。
五分丈八尺五寸。加六錢八分。丈九尺。加四錢。
五分丈九尺五寸。加六錢七分。二丈。加四錢五
分。計徵銀十有六兩五錢。自二丈五寸至二丈
五尺。加數如之。內有應減徵者。六尺五寸。減一
錢五分七尺。二錢七尺五寸至滿丈。三錢。丈有
五寸至二丈。九錢。又土著土鈔。梁頭六尺。徵銀
四兩二錢七尺。六兩一錢八尺。七兩九錢九尺。
九兩七錢。滿丈。十有一兩五錢。丈一尺。十有三
兩七錢。丈二尺。十有五兩九錢。丈三尺。十有八
兩一錢。丈四尺。二十兩三錢。丈五尺。二十二兩
五錢。若船貨不滿載者。按擔料稅。其細貨零貨。
則按斤件包皮。土著色布絲絨等貨。皆按斤件。
每稅一兩。加銅斤銀一錢六分。不足二百擔者。
為零單。每稅一兩。加銅斤並水腳銀三錢。足二
百擔者。為大單。每稅一兩。加銅斤並水腳銀五
錢四分。若零貨稅銀不及一錢。擔負小販。不由
水路。空船。麥穀。米鹽。柴炭。煤草。糞田。草雞。毛農。

具等船及鮮瓜果丁香土蘇之類。皆免稅。茶船
有引者。歸茶稅。別徵別解。○金柱口。 <small>分。蘇湖</small> 照例
徵收。每稅一兩。加銅斤並水腳銀四錢。○裕溪
<small>分。蘇湖</small> 照例徵收。每稅一兩。加銅斤並水腳銀一
錢六分。○泥汭。 <small>分。蘇湖</small> 江廣上流商貨。就便入此
口輸稅者。其應加銅斤水腳銀。照大關之例。近
地出產之貨。每稅一兩。加銅斤水腳銀四錢。河
南及本省。廬鳳出產之貨。南行入江。可避大關。
如轉至此口輸稅。每稅一兩。加銀一錢六分。○
光緒二年。奏准。蘇湖關停徵日欠。於本年六月
初一日。開關稽徵。其徵稅口岸所設釐卡。均行
裁撤。○八年。奏准。蘇湖關常稅。每年徵收銀一
十三萬六千餘兩。隨徵解飯銀一萬八千餘兩。
本關經費。每年坐支銀二萬七千餘兩。即由隨
徵解飯項下動支。不敷之款。在正稅項下撥補
歸清。
九江關。○額稅銀十七萬二千二百八十一兩
有奇。贏餘三十六萬七千兩。凡官商鹽茶。有徵
客商貨物。除竹木輸稅外。餘皆無徵。惟料船料
船分各類。均量寬深及長。以別號數。以定稅之

重輕將銀數填註印單實貼各船後倉並用火
 印鈐烙船板以備下次過關稽查雍正九年船之
 大者頭號徵銀四十八兩五錢辰船駁船大槳
 船大廣船大襄船竹山船二號減徵銀五錢三
 號以下各減一兩至八號止撫船大斗船大鴨
 子船方稍船大黃船大敞稍船頭號二號又各
 分十號三號又分四號計二十四號二號減五
 錢三號至十九號遞減一兩二十三十一號各
 減五錢二十二號至二十四號又遞減一兩其
 次大座船頭號徵銀四十六兩大扁船頭號徵
 銀四十兩自二號以下遞減一兩至八號止大
 划船頭號分十號二號分八號計十八號第一
 號徵銀四十三兩二號至十三號遞減一兩十
 四號十五號各減五錢十六至十八號又遞減
 一兩柏木船頭號分十號至二號之一計十一
 號第一號徵銀三十六兩自二號至六號遞減
 一兩七號八號各減五錢九號以下又遞減一
 兩湖南船頭號徵銀三十兩五錢二號減五錢
 三號減一兩至五號止大鴉尾船頭號徵銀三
 十兩二號減一兩至四號止以上船有再大於

頭號及帶有小五船者係大船隨帶之均徵銀
 四十八兩五錢不分號數其餘無小五船者各
 按丈尺分定號數編徵稅銀又其次船頭號徵
 銀十有六兩九錢划船色斗船自頭號至十五
 號各分十號十六號分三號計一百五十三號
 鴉尾船十五號中撫船十四號各分十號計一
 百五十號一百四十號鴨子船頭號至十三號
 各分十號十四號分五號計一百三十五號采
 石船臨江船頭號至十三號各分十號十四號
 分四號計一百三十四號桐曹船十三號各分
 十號計一百三十號渡船頭號至十二號各分
 十號十三號分五號計一百二十五號漁船頭
 號至十一號各分十號十二號分五號計一百
 十五號下江黃船頭號至十號各分十號十一
 號分五號計一百有五號三板船頭號至九號
 各分十號十號分四號計九十四號中辰船頭
 號至八號各分十號九號分九號計八十九號
 鎮江沙船焦湖船頭號至八號各分十號九號
 分五號計八十五號鮑船八號各分十號計八
 十號以上均自二號減徵銀四錢三號至五號

遞減五錢五號以下遞減一錢瀨子船頭號至
十一號各分十號十二號分三號計一百十三
號一號徵銀十有六兩二號三號各減五錢四
號以下遞減一錢蕪湖船十四號各分十號計
一百四十號宋埠船十四號各分十號至十五
號之一計一百四十一號搖船扶稍船頭號至
十三號各分十號搖船至十四號之五扶稍至
十四號之一計一百四十五號一百四十一號
江窩船十一號各分十號至十二號之一計一
百十有一號其頭號均徵銀十有五兩三槳船
九號各分十號計九十號巴干船八號各分十
號至九號之一計八十一號其頭號均徵銀十
有四兩車牌船十一號各分十號十二號分八
號計一百十有八號豐城船十一號各分十號
至十二號之一計一百十有一號其頭號均徵
銀十有三兩宣船十號各分十號至十一號之
六計百有六號頭號徵銀十三兩五錢奉新船
九號各分十號至十號之六計九十六號頭號
徵銀十有一兩兩尖船九號各分十號計九十
號頭號徵銀十兩中扁船七號各分十號計七

欽定大清會典事例 卷二三五

十號滿江紅船五號各分十號至六號之一計
五十一號頭號均徵銀八兩本水船二號各分
十號三號分九號計二十九號頭號徵銀三兩
以上均自二號以下遞減銀一錢課船丈尺無
異均徵銀十有三兩五錢帶脚船者正課脚船
徵銀四錢外課脚船五錢鹽船不論丈尺號數
無小五船者徵銀四十八兩五錢有小五船者
五十七兩帶脚船者每船徵銀一兩多者按數
加稅差船有火牌勘合者不徵船料無火牌勘
合者與茶船魚苗船皆量船之丈尺照商船例
徵收鹽稅鹽引按桅封水程開載鹽包數目第
一萬包作二萬包徵銀十有七兩餘每萬包徵
銀八兩五錢每千包徵銀八錢五分茶稅上則
茶每百斤徵銀三錢中則一錢下則三分竹木
稅木筏丈量深闊及長積算三丈六尺納銀十
有七兩五錢分算一丈納銀四兩八錢六分二
釐漲船每船納銀一兩木段板片並脚船均無
徵小木把計根數圍圓一尺以內者每根徵銀
三釐一尺以外者七釐二尺以外者四分竹筏
量深一尺作三根長二丈為一截寬則計根數

七七三

每一根稅銀二釐。小竹把計根數。每一根徵銀二釐。

贛關○額稅銀四萬六千四百七十一兩有奇。贏餘三萬八千兩。凡商船貨物。分上水下水視其貴賤。按斤件擔。其竹木計根。鐵錫計合料。稅又有臨關例。較正稅減則徵收。又稅銀一兩五錢以上者為正稅。係足色平一兩五錢以下者亦為臨關零稅。係九三色市平。

閩海關○額稅銀七萬三千五百四十九兩有奇。贏餘十一萬三千兩。凡商船出洋及進口各

貨。按斤科稅者為多。有按足件條把筒塊各因其物分別貴賤徵收。船稅按梁頭丈尺。梁頭闊七尺以外作五尺二寸。八尺以外作五尺四寸。九尺以外作五尺六寸。一丈以外作五尺八寸。丈一二尺以外作六尺四寸。丈四五尺以外作六尺八寸。丈六七尺以外作七尺五寸。丈八尺以外作八尺。係南臺廈門泉州涵江四口各號海船。每尺料稅銀五錢。一年兩次徵收。至各縣小商漁船。僅在近地貿捕。除照海船梁頭減折丈尺外。每尺徵銀三錢。至五錢內有一年兩次徵收者。

有一年一次徵收者。舊例因海船不除水溝丈。量梁頭五尺以上至一丈。每尺徵銀五錢。一丈以上至二丈。一兩二錢。二丈以上至三丈。一兩四錢。三丈以上至四丈。一兩六錢。四丈以上至五丈。一兩八錢。五丈以上至六丈。二兩。六丈以上至七丈。二兩二錢。七丈以上至八丈。二兩四錢。八丈以上至九丈。二兩六錢。九丈以上至十丈。二兩八錢。十丈以上至十一丈。三兩。十一丈以上至十二丈。三兩二錢。十二丈以上至十三丈。三兩四錢。十三丈以上至十四丈。三兩六錢。十四丈以上至十五丈。三兩八錢。十五丈以上至十六丈。四兩。十六丈以上至十七丈。四兩二錢。十七丈以上至十八丈。四兩四錢。十八丈以上至十九丈。四兩六錢。十九丈以上至二十丈。四兩八錢。二十丈以上至二十一丈。五兩。二十一丈以上至二十二丈。五兩二錢。二十二丈以上至二十三丈。五兩四錢。二十三丈以上至二十四丈。五兩六錢。二十四丈以上至二十五丈。五兩八錢。二十五丈以上至二十六丈。六兩。二十六丈以上至二十七丈。六兩二錢。二十七丈以上至二十八丈。六兩四錢。二十八丈以上至二十九丈。六兩六錢。二十九丈以上至三十丈。六兩八錢。三十丈以上至三十一丈。七兩。三十一丈以上至三十二丈。七兩二錢。三十二丈以上至三十三丈。七兩四錢。三十三丈以上至三十四丈。七兩六錢。三十四丈以上至三十五丈。七兩八錢。三十五丈以上至三十六丈。八兩。三十六丈以上至三十七丈。八兩二錢。三十七丈以上至三十八丈。八兩四錢。三十八丈以上至三十九丈。八兩六錢。三十九丈以上至四十丈。八兩八錢。四十丈以上至四十一丈。九兩。四十一丈以上至四十二丈。九兩二錢。四十二丈以上至四十三丈。九兩四錢。四十三丈以上至四十四丈。九兩六錢。四十四丈以上至四十五丈。九兩八錢。四十五丈以上至四十六丈。十兩。四十六丈以上至四十七丈。十兩二錢。四十七丈以上至四十八丈。十兩四錢。四十八丈以上至四十九丈。十兩六錢。四十九丈以上至五十丈。十兩八錢。五十丈以上至五十一丈。十一兩。五十一丈以上至五十二丈。十一兩二錢。五十二丈以上至五十三丈。十一兩四錢。五十三丈以上至五十四丈。十一兩六錢。五十四丈以上至五十五丈。十一兩八錢。五十五丈以上至五十六丈。十二兩。五十六丈以上至五十七丈。十二兩二錢。五十七丈以上至五十八丈。十二兩四錢。五十八丈以上至五十九丈。十二兩六錢。五十九丈以上至六十丈。十二兩八錢。六十丈以上至六十一丈。十三兩。六十一丈以上至六十二丈。十三兩二錢。六十二丈以上至六十三丈。十三兩四錢。六十三丈以上至六十四丈。十三兩六錢。六十四丈以上至六十五丈。十三兩八錢。六十五丈以上至六十六丈。十四兩。六十六丈以上至六十七丈。十四兩二錢。六十七丈以上至六十八丈。十四兩四錢。六十八丈以上至六十九丈。十四兩六錢。六十九丈以上至七十丈。十四兩八錢。七十丈以上至七十一丈。十五兩。七十一丈以上至七十二丈。十五兩二錢。七十二丈以上至七十三丈。十五兩四錢。七十三丈以上至七十四丈。十五兩六錢。七十四丈以上至七十五丈。十五兩八錢。七十五丈以上至七十六丈。十六兩。七十六丈以上至七十七丈。十六兩二錢。七十七丈以上至七十八丈。十六兩四錢。七十八丈以上至七十九丈。十六兩六錢。七十九丈以上至八十丈。十六兩八錢。八十丈以上至八十一丈。十七兩。八十一丈以上至八十二丈。十七兩二錢。八十二丈以上至八十三丈。十七兩四錢。八十三丈以上至八十四丈。十七兩六錢。八十四丈以上至八十五丈。十七兩八錢。八十五丈以上至八十六丈。十八兩。八十六丈以上至八十七丈。十八兩二錢。八十七丈以上至八十八丈。十八兩四錢。八十八丈以上至八十九丈。十八兩六錢。八十九丈以上至九十丈。十八兩八錢。九十丈以上至九十一丈。十九兩。九十一丈以上至九十二丈。十九兩二錢。九十二丈以上至九十三丈。十九兩四錢。九十三丈以上至九十四丈。十九兩六錢。九十四丈以上至九十五丈。十九兩八錢。九十五丈以上至九十六丈。二十兩。九十六丈以上至九十七丈。二十兩二錢。九十七丈以上至九十八丈。二十兩四錢。九十八丈以上至九十九丈。二十兩六錢。九十九丈以上至一百丈。二十兩八錢。

奇。係落地稅。地方官隨時地酌收。無例。

浙海關○額稅銀三萬五千九百八兩有奇。贏餘四萬四千兩。凡商船出洋及進口各貨。按斤按足科稅者為多。有按箇件副隻條把筒塊者。各按其物分別貴賤徵收。○大關出口入口貨稅例。每百斤作八十斤。凡貨按匹。竹木按塊。同散倉貨物。

丈量深寬及長。因乘加算。計斤科稅。其安南東洋貨稅例。每百斤作六十斤。七十斤科稅。其作八十斤者。與閩廣貨同。均九折徵收。○湖頭渡及象山古窰小港。滬海等口。與大關出口入口例同。散倉貨。丈量計斤。如之。糧食船。按梁頭丈尺。梁頭四尺五尺。每寸徵銀五釐。六尺以上。每寸遞加一釐。至滿丈。每寸徵銀一分一釐。丈一尺以上。每寸又遞加一釐。至丈有五尺。每寸徵銀一分五釐。如糧食進甯波府。照前例八折徵收。○頭圍口稅例。紗羅紬布。每百疋作六十疋。

土絲每百斤作六十斤。又各色雜貨每百斤往甯紹台溫者照本關例。由長江往廣閩者照北新關例。○乍浦稅例。進口貨物有百斤作八十斤者。有連包篋筒八折。至對折者。木稅杉木按船不按根。木枋沙板按塊。銅稅紅銅每百斤作六十斤。熟銅器按斤。東洋貨惟紅銅照本條餘貨七折。安南貨八折。閩廣貨八折。及雙九折。單九折。徵收出口貨物。有計實數徵收者。有按斤八折。按疋七折。八折徵收者。同前件○江埠白橋家子等口稅例。出口貨物每百斤往本省者作九十斤。往閩省者作八十斤。進口貨物每百斤均作八十斤。散倉貨物丈量乘算每百斤亦作八十斤徵收。○温州瑞安平陽等口稅例。進口貨物每百斤作六十斤。出口貨物往本省者每百斤作八十斤。往閩省者每百斤作六十斤。徵收。竹木計根。同惟大杉木十根。作七根。松板十丈。作九丈。木炭千斤。作九百斤。船稅凡出洋貨捕船。梁頭四尺五尺。每寸徵銀一分。六尺以上。每寸遞加二釐。至滿丈。每寸徵銀二分。二釐。丈一尺以上。每寸又遞加二釐。至丈有五尺。每寸徵銀三分。丈六尺。每寸三分四釐。丈

七尺。丈八尺。均每寸四分。採捕漁船。各口岸不同。視其大小。納漁稅銀。自二錢至四兩。四錢八分。免稅例。凡魚鮮類。十有九條。四百斤以上者。徵稅四百斤以下者。免稅。燒柴木炭。炭屑千斤以上者。徵稅千斤以下者。免徵。蠟蝗等十有五條。無論多寡。均免稅。
北新關。○額稅銀十二萬三千五百三兩有奇。贏餘六萬五千兩。凡貨物皆按數按斤。視其貴賤。分別科稅。間有按擔。篋把束者。均照部頒現行條例徵收。船科。長船。駁船。賴船。河船。焦湖船。槳船。沙船。均梁頭五尺。徵銀一錢六分。六尺。二錢九分。六釐。七尺。四錢八分。五錢三分。六釐。九尺。六錢八分。滿丈。八錢五分。六釐。丈一尺。一兩五分。六釐。丈二尺。一兩三錢八釐。丈三尺。一兩五錢八分。八釐。丈四尺。一兩八錢六分。八釐。邊江船。羅子頭船。落腳頭船。王巷船。烏船。艚船。均梁頭五尺。徵銀一錢六分。六釐。六尺。二錢七尺。三錢二分。八尺。四錢五分。六釐。九尺。六錢一分。六釐。滿丈。七錢七分。六釐。丈一尺。九錢九分。二釐。丈二尺。一兩二錢。丈三尺。一兩四錢。一分。六釐。丈

湖船宜興船馬口船划子船扁子船攤船均梁頭五尺徵銀一錢六尺一錢六分七尺二錢八分八尺四錢一分六釐九尺五錢七分六釐滿丈七錢四分八釐丈一尺九錢八釐丈二尺一兩六分八釐搖羅船梁頭五尺徵銀一錢六尺一錢四分八釐七尺三錢二分八尺四錢五分六釐尖船梁頭五尺徵銀一錢六尺一錢四分八釐七尺二錢八尺四錢五分六釐航船脚船搖船划船闊頭船均梁頭五尺徵銀八分六尺一錢二分七尺三錢二分八尺四錢五分六釐九尺六錢一分六釐滿丈七錢七分六釐丈一尺九錢八分四釐丈二尺一兩二錢丈三尺一兩四錢一分六釐○同治四年奉准北新關暫行停徵

江漢關○稅銀儘收儘解

武昌廠○額稅銀三萬三千兩贏餘一萬二千兩凡商船貨物按梁頭丈尺料稅梁頭五尺徵銀三錢六尺三錢八分七尺六錢二分八尺八錢八分九尺九錢六分滿丈一兩二錢四分丈一尺一兩三錢八分丈二尺一兩五錢二分丈

三尺一兩六錢四分丈四尺一兩八錢丈五尺一兩九錢八分丈六尺二兩二錢四分丈七尺二兩四錢二分丈八尺二兩五錢八分丈九尺二兩七錢二分丈二尺三兩八錢二分丈一尺三兩一錢八分丈二尺三兩三錢八分丈三尺三兩五錢二丈四尺三兩七錢二丈五尺四兩空船梁頭五尺徵銀一錢五分六尺一錢九分七尺三錢一分八尺四錢四分九尺四錢八分一丈六錢二分丈一尺六錢九分丈二尺七錢六分丈三尺八錢二分丈四尺九錢丈五尺九錢九分丈六尺一兩一錢二分丈七尺一兩二錢一分丈八尺一兩二錢九分丈九尺一兩三錢六分丈二尺一兩四錢一分丈一尺一兩五錢九分丈二尺一兩六錢九分丈三尺一兩七錢五分丈四尺一兩八錢五分丈五尺二兩鹽船按梁頭丈尺徵銀與空船同其有隨帶小五脚船每隻徵銀一錢三分

重慶關○稅銀儘收儘解

夔關○額稅銀七萬三千七百四十兩有奇贏餘十一萬兩凡商船貨物均分地道照部頒現

行條例徵收米豆雜糧均每石徵銀四分其船之大小照依准關梁頭尺寸科稅

打箭鑪○米糧稅儘收儘解贏餘二萬兩凡商稅一應貨物均分地道按數科稅照部頒現行

條例徵收舊例照地方徵稅之例每兩徵銀三年奉旨打箭鑪關正稅銀二萬兩內徵雜稅銀二千數百兩按年題錄遇閏照上月銀數加增

徵茶稅銀一萬七千三百三十六兩七錢按年題錄遇閏加增銀一千四百三十一兩二錢二分五釐

粵海關○額稅銀四萬三千五百六十四兩贏餘八十五萬五千五百兩凡商船出洋進口貨

物按斤科稅者為多有按丈尺箇件者各因其物分別貴賤徵收外洋貨物有現行條例未盡者按貨值貴賤比例徵收

船稅東洋第一等大夾板船長七丈四五尺闊二丈三四尺長闊相乘得十有八丈徵稅銀千

四百兩第二等夾板船及烏白艚船長七丈餘闊二丈一二尺長闊相乘得十有五丈四尺稅

十一百兩第三等長六丈餘闊二丈餘長闊相乘得十有二丈稅六百兩第四等長五丈餘闊

一丈五六尺長闊相乘得八丈稅四百兩康熙四十年題准

酌減二兩西洋一等二等三等夾板船均照東

洋船例徵收西洋第一等船原徵銀三千五百兩第二等船原徵銀二千五百兩第三等船原徵銀一千五百兩均改照東洋例本省出洋發各外

國等大船分為四等一等闊二丈二尺長七丈三尺以上每丈徵銀十有五兩二等闊二丈長

七丈以上每丈十有三兩三等闊一丈八尺長六丈以上每丈十有一兩四等闊一丈六尺長

五丈以上每丈九兩第二等出海貿易香料艚船以上均長每尺三錢第三等出海鹽船一

年兩次徵收以八尺起科至一丈二尺每尺科銀五錢一丈三尺以上至一丈七尺每尺科銀

八錢一丈八尺以上至二丈二尺每尺科銀一兩一錢均每尺遞加五分第四等沿海貿易柴

船一年兩次徵收五尺至七尺九寸每尺三錢算不加自八尺起比照鹽船例遞加科算沿

海民間日用餬口貿易小船免徵如興販大洋者照例徵收其裝載瓦石灰蠟殼缸罈稻穀柴

炭草料豬牛雜毛等項補半料○同治六年定粵海關常稅正額銀五萬六千五百一十一兩九

錢四分一釐贏餘十萬兩舊例粵海關額徵係

奏准粵海關稅其貨由華船裝運者為常稅由洋船裝運者為洋稅洋稅無定額每年酌徵銀

洋船裝運者為洋稅洋稅無定額每年酌徵銀

一百餘萬兩常稅於是年改為定額此外
再有贏餘儘收儘解銅斤水脚亦在內

太平關 兼太平遇仙二橋 額稅銀五萬二千六

百七十五兩有奇贏餘七萬五千五百兩凡商

船貨物分上水下水視其貴賤按斤件包裏花

器按筭筒科稅內額稅每正稅一兩徵銀二錢

部餉每貨百斤徵銀二釐料銀每貨百斤上水

徵銀四釐下水二釐均歸入正稅支解又膳夫

銀每貨百斤徵銀一釐船料每船上水徵銀八

分下水二分均抵充全書雜稅起解又有遇仙

橋上水稅例不徵額稅部餉料銀又有太平遇

仙兩橋減免實收例亦分上水下水按斤件料

稅又有冷光廠稅例較太平遇仙兩橋正例及

減免實收例互有增減以上各因地宜均照舊

例徵收又太平遇仙兩橋比照額關粵海關徵

收例 向無定則乾隆十三年比照各例權其輕
重量增者四十一條改減者二十九條照
舊徵收者二十五條 木稅枋板計塊木計根視其

大小貴賤徵收鹽稅每一引目徵軍餉九錢包

稅一錢四分每歲過鹽三千六百九十八引五

分

梧廠○額稅銀五萬四千六百二十一兩有奇

贏餘七千五百兩凡商販貨物均分地道計數

科稅照部頒現行條例徵收 乾隆四十一
年定海關 ○光

緒十三年奏准查贏餘一項必須商貨其旺於

徵足正稅外尚有來貨可徵始為贏餘今梧廠

經費係因咸豐年間軍務繁興商人稟請募勇

保衛商船自行捐辦之款與稅課判然兩事同

此一貨既已照則徵收復於額外捐交經費並

非別有貨物可徵贏餘銀兩是經費雖重實與

贏餘無涉惟該廠究有經費一款雖查無入己

確據究屬糜費擬將每年額徵贏餘寬免十分

之六其餘四成責令歷任經徵各員如數賠繳

按照例限分別清完以示區別而重稅課

淨廠○額稅銀三萬八千六百六兩有奇贏餘

五千二百兩○光緒十二年奏准淨廠地較僻

遠伏莽未清徵收稅項尤為短絀且向未另抽

經費與梧廠情形不同其解省公費早經裁免

均撥補正稅足額勢難令其賠繳○十三年奏

准淨廠歷年未徵贏餘查明實係短徵應請概

予豁免惟廣西省每年奏撥餉銀四十二萬兩

係屬急需部議准撥三十六萬兩尚少六萬兩

擬將潯梧兩廠額定贏餘銀六萬兩撥充該省軍餉以足四十二萬之數即責成該撫藩督催稽覈似有裨益

鎮南關○稅銀儘收儘解

蒙自關○稅銀儘收儘解

欽定大清會典事例卷二百三十六

戶部

關稅直省關差

直省關差○順治元年題准專差戶部漢司官一人照例撰給專

敕精微批文○又定左右兩翼守庫官張家口差滿

官收稅○四年題准荆關通惠河中河清江廠

杭州蕪湖西新各關等差歸併戶部差滿洲漢

軍漢官○五年定差滿司官徵贛關稅○七年

定獨石口殺虎口差滿官筆帖式收稅○八年

定各關專差漢官每關一人○九年覆准併西

新關江甯倉為一差停獨石口差○十一年題

准各關兼差戶部滿漢官筆帖式○又題准各

關差令戶部司官食俸三年者掣籤如無滿俸

者方許未滿俸司官掣差○又題准關差向無

迴避原籍之例今定直省人各避本府邊鎮人

各避本鎮京劄差不在此例○十三年題准各

關專差漢官兩翼差筆帖式張家口殺虎口各

差滿官一人漢軍官一人筆帖式一人照例一

年更代○十五年題准荆州關差部員收稅○

十八年題准。凡關差掣籤。令滿司官親寫。堂官驗封公掣。不許書役干預。○康熙元年題准。各關兼差滿漢官筆帖式各一人。六部各咨送滿漢官筆帖式各一人輪掣。蒙古漢軍皆停差遣。○又定。張家口殺虎口專差滿洲蒙古官。○二年題准。滿官差郎中員外郎。漢官專差郎中。○又題准。兩翼張家口殺虎口與各關一例輪差六部司官。○三年題准。各關差令六部滿洲蒙古漢軍漢人各司官及筆帖式同掣籤。其兩翼張家口殺虎口仍差戶部官筆帖式。○又題准。各關差滿漢官。到任未滿四月有事故者補差。同先差官更代。四月以外不准補差。如筆帖式有事故。不論月分補差。同滿漢官更代。○又題准。除已出各項部差不復差外。其差過一次官。以回部月日久者。送戶部輪掣。凡在差六月外有事故撤回者。即作一差。不及六月者仍補差。○又題准。六部各司。留俸淺官一人辦事。餘均送差。如止一人則不准送。○又題准。各關停差筆帖式。兩翼張家口殺虎口仍照舊例。○四年題准。各關稅均交地方官管理。崇文門歸治中。

天津關歸天津道。龍泉各關口歸井陘道。紫荆各關口歸直隸守道。臨清關歸東昌道。押運廳歸通薊道。居庸關歸昌密道。西新關歸江鎮道。蕪湖關歸池太道。揚州關歸驛傳道。游墅關歸蘇常道。淮安關歸淮海道。北新關歸浙江布政使。荆關歸荊州府同知。九江關歸九江道。贛關歸吉南贛道。太平橋歸南雄府知府。遇仙橋。冷光廠歸韶州府知府。徵收稅課。兩翼張家口殺虎口仍差戶部滿官。○七年題准。崇文門兩翼選差各部滿漢官。北新關改隸兩浙鹽運使。○八年覆准。各關仍令六部滿漢官論俸掣差。先差過者不准再差。併臨清倉臨清關為一差。押運廳。居庸龍泉。紫荆。荊州府。贛州府各關。仍交地方官管理。○九年覆准。淮安府兼管淮安倉及工部清江廠。○又題准。兩翼專差滿官筆帖式。○又題准。戶部蕪湖關。兼管工部蕪湖關。工部龍江關。兼管戶部西新關。仍照各部錢糧覈銷。○十四年議准。各關選差賢能官。其筆帖式仍論俸差遣。停其議敘議處。○十六年題准。贛關。太平關。仍差部員。○十八年覆准。各關仍論

俸差遣。○十九年題准。潼關。山海關。照例差六部滿官一人。潼關兼收大慶關龍駒寨二處稅課。○二十一年題准。鳳陽關。照例差六部滿官一人收稅。舊例鳳陽。○又題准。移九江關駐湖口。○又題准。停止差遣。潼關。山海關。部員。仍交地方官分管。○二十三年覆准。福建。廣東二省。設滿漢海稅監督各一人。筆帖式各一人。○又覆准。六部司官。仍照前差遣外。其餘衙門。應均分差遣。宗人府。理事官。副理事官。主事。內閣侍讀。起居注。主事。都察院經歷。都事。共四十二人。作一分。督捕郎中。員外郎。主事。太僕寺。員外郎。共五十人。作一分。理藩院郎中。員外郎。主事。大理寺。寺正。光祿寺。署正。共五十七人。作一分。各照六部司官論俸差遣。其各衙門筆帖式。亦應均差。以吏科。國子監。歸吏部額內。共筆帖式一百一十有三人。太常寺。鴻臚寺。戶科。中書科。登聞鼓院。歸禮部額內。共筆帖式一百一十有六人。鑾儀衛。起居注。歸兵部額內。共筆帖式一百一十有四人。內閣中書。歸宗人府額內。共一百三十人。大理寺。光祿寺。禮科。兵科。詹事府。通政使司。欽天監。

歸理藩院額內。共筆帖式一百五十人。太僕寺。刑科。工科。翰林院。歸督捕額內。共筆帖式一百五十一人。都察院。歸工部額內。共筆帖式一百三十九人。亦按年分差遣。○又題准。張家口。殺虎口二處。停止專差。戶部。照各關例。令各部院官掣差。○二十四年覆准。江南。浙江二省。設滿漢海稅監督各一人。筆帖式各一人。○又覆准。西新龍江二關。各設專官。課稅。仍照各部銷算。○二十六年議准。四省海差。一年更代。○又議准。淮安。沙溝地方。歸併淮關。其滕。龐。軋。東。岔。河等處。不必稽查。○二十八年

諭。嗣後海關著各差一人。○又奉旨。關差所遣中書筆帖式。不必論其捐納升調年月。止以始補筆帖式日計算差遣。○又覆准。沙溝。係滕。龐。軋。東。總匯。若歸淮關稽查。是在海關要地。又增一稅。今將滕。龐。歸海關。軋。東。歸淮關。沙溝。免其稽查。○又覆准。西新龍江二關。相隔二十里。商民兩關稽查。難免守候。嗣後將新關歸併龍江關。專差監督一人。○三十年覆准。在京內外共關差二十六處。左右兩翼。張家口。殺虎口。古北。

口。潘桃口。六處。不差漢官。崇文門等二十差。應差各部院衙門滿漢官。將多寡數目計算勻差。內務府官照前作二分。漢官作二分。各部院衙門滿洲蒙古漢軍司官及筆帖式。按八旗作八分。每次將俸深官各咨取二人。公同掣籤差遣。○三十三年。設立山海關。差官管稅。○又覆准張家口徵稅。在宣化府兼收。殺虎口稅課。在右衛兼收。○三十四年覆准。浙海關於甯波府設立衙門。將沿海巡邏哨船內撥二十船。召募衙役於各口巡查。○又覆准。浙江定海縣設海關衙署。並設紅毛館一所。令監督往來巡視。一年差滿。將所徵稅銀作為定額。○四十六年議准。山海關外。金州牛莊等處。交與監督巡查越關漏稅所得贏餘。據實報部。作為定額。○四十七年定。荆關稅務。工部差官管理。○五十三年。臨清關監督題報缺額。奉旨。俟監督任滿交巡撫監收。○五十四年議准。九官臺清河。松嶺子等處。交與山海關監督巡查收稅。增課銀三千兩。○五十五年。北新。鳳陽。天津三關監督題報缺額。奉

旨。俟監督任滿交巡撫監收。○又覆准。將交與巡撫監收之關稅。均令其歲終彙解。其各關監督所收稅銀。仍照二十五年題定之例報解。至報部簿單。停其四季解送。俟任滿之日。親身投繳。○五十七年議准。江南浙江等五省貿易商船。到廈門就驗。不便增稅。照舊例收泊廈港貿易者。在廈門海關納稅。收泊江浙各省貿易者。在各處海關納稅。○五十八年議准。淮關稅務。於兩河同知內遴選一人管理。○又議准。福建糖船至廈門發賣者。令赴該關納稅。其往浙江江南各省貿易。在廈門停泊者。免其輸稅。○五十九年議准。江海關交與江甯巡撫。浙海關交與浙江巡撫。即令各該撫分辦八處銅。○又議准。橫城地方設口收稅。交與山海關監督兼管。增稅銀千兩。作為定額。○又覆准。淮安版橋。暫交與江蘇巡撫管理。○雍正元年覆准。九江關仍自湖口移歸九江。其不由九江經過之江南江西往來商船。於大孤塘別設口岸。照例徵收。令江西巡撫選賢能官二人。一駐紮九江。一駐紮大孤塘。湖廣往江西船。若在九江納稅。至大孤塘即

驗票放行。江西至湖廣船。在大孤塘納稅。至九江即驗票放行。如有重徵苛勒等弊。該撫不時稽查題參。○又

諭。嗣後稅務。交與地方官監收。於錢糧地方均有裨益。著議奏。欽此。遵

旨。議定。淮安等九關。均交與巡撫委官兼理外。嗣後九江。游擊揚州。西新蕪湖。太平。贛粵海。浙海九關。停其遣官。亦交與該撫令地方官兼管。所收稅銀。照例解部。崇文門無地方官可交。仍差內務府官。山海關差。仍將部員論俸開列。左右兩翼

古北口。潘桃口。殺虎口。

盛京。渾河。即胡納河。等處。均係小差。仍照例差遣部員。○又題准。四川打箭鑪稅差。由部院保送。戶部帶領引

見。恭候差遣。○二年覆准。淮安關。仍差部員。游擊關交蘇州織造官管理。○又覆准。張家口監督應辦貂皮羊皮。免其辦交。其運送游牧處羊毛馬牛等皮。交與地方官運送。每年節省銀四千兩。歸入正額交納。○又奉

旨。收稅小差。著派內務府官一員陪引。見。○四年議准

廣西梧州。二府稅銀。令該撫將實在徵收之數。詳悉查覈。委廉能官監收。每月儘收儘解。一年之後。視收過稅銀於舊定解額外贏餘若干。據實議奏。○五年題准。奉天牛馬稅差。向例於盛京五部。將軍衙門。郎中員外郎主事內俸深者。委用。惟是本地俸深人員。未必盡能稱職。嗣後奉天牛馬稅差。於在京部院衙門俸深官內。各選一人保送開列。引

見差往。令其儘收儘解。如有徵多報少等弊。即題參議處。○又引

見山海關稅差。奉

旨。嗣後內府八旗俸深官。不必論內府旗分。惟論俸開列。○又奉

旨。收稅監督差。於六部官員內操守好者。每部保送一員。內務府保送二員。○六年

諭。鳳凰城中江稅務。向來皆係城守尉等官管理。但此處係外國交易之地。關係緊要。現今盛京五部司官。均係朕簡選補授之人。嗣後著盛京五部侍郎。於五部司官內揀選奏聞。點出管理。一年更代。○又題准。嗣後中江稅差。一年差滿更代。令

盛京戶部照例揀選保舉送部引

見恭候差遣。○又定龍江西新二關稅務歸江甯織

造兼管。○七年題准浙江南北兩關稅務令杭

州織造官就近管理。○十一年

諭奉天牛馬稅差嗣後更換不必派應得小差之俸深

人員著各部通行揀選引見。○又題准天津關稅務

歸長蘆鹽政管理。○十三年

諭嗣後應出小差俸深官不必令其在部掣籤著與保

送官一同引見。○乾隆二年覆准武昌廠務不必專

委武昌府同知照各省之例於就近道府廳官

內遴選經管一年期滿題明更代仍於限滿之

時將徵收正額贏餘數目具題考覈。○三年

諭福建海關稅務著將軍管理。○四年奏准鳳陽關稅

務照崇文門山海關之例於各衙門保舉及俸

深官內開列具題請

旨簡用一年差滿更代其臨清江海蕪湖賴浙海荆

太平等關仍交與巡撫兼管。○又

諭江西九江關稅務著內務府員外郎管理。○十二年

奏准凡崇文門左右兩翼張家口殺虎口山海

關等處稅差例係宗人府六部各保一人內務

府保送二人同八旗內府俸深官一併開列題

請

簡用至用完保送之人再行各衙門咨取惟是稅有

大小各官才具不同嗣後若保送官用至騰二

三人時除所騰人員衙門毋庸咨取外應行文

別衙門令其保送俟各關差滿一併開列引

見。○又題准中江稅銀酌定每年以三千二百九十

四兩作為額徵如朝鮮貿易一年四次之外有

多交次數儘收儘解其貿易貨物令該城守尉

守邊門官造冊報部管理稅務仍就近委

盛京五部司官監收凡所需用歲給銀二百兩於

火耗銀內動支。○十八年奏准

盛京中江稅差令該將軍侍郎於本處及由京補

放司員內各揀一員擬定正陪送部引

見。○二十五年覆准多倫諾爾地方派員徵收皮張

等物落地稅銀。○二十六年覆准歸化城出產

油酒煙三項與皮張雜貨稅銀及土默特牲畜

稅錢歸併殺虎口按則抽收。○又覆准歸化城

適中之地設立總局收稅於東西南北四處各

設柵欄一座派役稽查其綏遠城歸化城和林

等處

格爾托克托城薩拉齊西包頭崑都崙八十家
子等處設立蒙古筆帖式二員。並安設書役。抽
收四項牲畜稅錢。○二十七年

諭。嗣後各關差委筆帖式三年期滿。即送內務府帶領
引見。候朕降旨酌量留京。分別錄用。所需接委人員。
仍由內務府另揀奏明更替。著為令。○二十九年奏
准。開通甯魯邊口。令殺虎口監督稽查徵收稅
課。○三十一年覆准。歸化城稅務。派理藩院司
員徵收。○三十四年覆准。歸化城歸山西巡撫
兼管。選派道府賢員。按年更替。○三十五年

論。向來各省鹽政關差一年任滿。例由該部院題請更
換。而關差內閒有自行奏請。並不經部辦理者。究非
體制。嗣後除將軍督撫鹽政織造兼管各關。仍由該
將軍等照例自行題奏外。其九江粵海等關。將屆一
年期滿。並著一體報部。聽該衙門具題請旨。著為令。
○三十六年覆准。山海關所屬之喜峯口。於附
近地方官內酌委佐雜一員駐紮。稽查徵收。○
三十八年覆准。嗣後關差精微批文。永行停止。
各關監督應給
敕書者。由戶部請給。仍給予劄付。令其赴任。由外調

任之員。止具文請領

敕書。向例不請

敕書者。均一體給劄。○又

論。向來多倫諾爾同知專管水旱木稅。另設監督一員。
管理該處一切落地雜稅。今思該同知既管木稅。則
雜稅亦當歸其兼管。何必另設專員。著自明年正月
為始。將多倫諾爾監督之缺。即行裁汰。其所管一切
雜稅。俱著多倫諾爾同知管理。○四十四年奉

旨。向來左右兩翼稅務。除監督外。並無跟隨辦事之員。
舊例未為盡善。嗣後兩翼監督應行更換時。著總管

內務府大臣選派賢能可信司官一員。奏聞。隨該監
督辦事。照崇文門委員之例。遇有監督出差等事。即
可令該委員代為照料稽查。於權務更昭慎重。○又
殺虎口稅差期滿。奏請更替。奉

旨。蘇楞額除已管五月外。著再接管七月。數計俟滿一
年。即行照例更換。嗣後凡監督有半任接替者。戶部
俱照此奏聞。著為例。○四十五年

論。向來各部院司員保送稅差等項。每有將曾經得差
人員。未隔數年。復行保送。不知在京滿漢司員人數
本多。此等得項較優之差。自應令其均霑普及。若出

差未久。復予保送。則從未得差者。未免多有向隅。嗣後保送此等差使之司員。其已經派過者。著於十年後方准再送。如堂官等違例蒙混保送。經朕查出。及被人參奏。即照徇庇例議處。著為令。○又

諭。打箭鑪徵收稅務。著交該督照臨清等關之例。派委

委員。奏明管理。○四十七年奏准。嗣後各關稅差到

任後。距奏報稅課之期未及半年者。俱另計扣

滿一年。再行更換。○五十八年。改杭州織造為

鹽政。所有南北二關稅務。均歸巡撫管理。○又

覆准。開通得勝口。凡商販經由貨物。歸殺虎口

監督按則稽徵。仍令山西巡撫派撥弁兵。常川

稽查出入。○嘉慶二年奉

旨。左翼右翼。著歸併一人管理。○四年。左右翼稅差期

滿。戶部題請更換。奉

旨。左翼稅務著丹巴多爾濟去。右翼稅務著孟佳去。○

又定。嗣後左右翼稅差。均

簡派二人。○六年

諭。嗣後盛京牛馬稅差屆滿。應行更換時。著該部將盛

京五部侍郎銜名開列。候朕簡派一員管理。○二十

四年

四年

諭。嗣後鳳陽九江兩關監督期滿。俱毋庸題請更換。每

屆該道出缺時。即以新任道員接管。○道光元年。裁

浙江鹽政。改設杭州織造。兼管南北新關稅務。

○十九年奏准。廣東省韶州設立東西二關。歸

南韶連道管理。○二十三年奏准。粵海福州。廈

門甯波。上海五口通商。○咸豐十年。裁撤長蘆

鹽政。改設天津登州牛莊三口通商大臣。○十

一年。浙江省甯波府設新關。歸甯紹台道監督。

○同治元年。沿海五口通商。歸通商大臣兼理。

○二年。山東省登州府煙臺地方。設東海關。移

登萊青道駐紮監督。○三年。福建省臺南地方。

設打狗口海關。歸巡撫管理。○四年奏准。湖北

省設立新關。專收竹木二稅。於該省候補道府

內。奏委一員駐紮督收。一年期滿更換。○又湖

北省設江漢關。歸漢黃德道監督。○又江蘇省

設鎮江關。歸常鎮通海道監督。○五年。裁撤山

海關監督。改設道員徵收稅課。所有奏銷暨收

過稅課。仍按季詳報。

盛京將軍奉天府府尹等報部查覈。○又奏准。山

海關所轄水旱馬頭三十餘處。改歸奉錦山海

關

關道稽徵嗣後常洋兩稅均由三口通商大臣分咨奏報毋庸詳報將軍府尹等衙門。○六年奏准奉錦山海關徵收稅銀即由該關道備具文批委員解部其張家口一關由張家口備具文批就近移交口北道派員解京殺虎口一關由殺虎口備具文批就近移交歸綏道派員解京。○九年

論

三口通商大臣一缺著即裁撤其登萊青道所管東海關奉天奉錦道所管牛莊關均歸直隸總督統轄另設津海關道管理新鈔兩關稅務。○十年廣東省

設北海新關仍歸粵海關監督經理。○十二年廣東省設潮州瓊州各新關仍歸粵海關監督經理。○十三年浙江省温州府設甌海關歸溫處道監督。○光緒二年安徽省設蕪湖新關歸徽甯池太廣道監督。○三年湖北省設宜昌關歸荆宜施道監督。○七年甘肅省嘉峪關設關徵稅歸安肅道監督。○九年中江稅務改歸東邊道徵收。○十三年奏准福建省滬尾打狗兩海關稅務改歸臺灣巡撫監督。○十四年廣西省龍州鎮南關設關徵稅歸太平思順道監督

○十五年雲南省設蒙自關歸臨南開廣道監督。○十七年四川省設重慶關歸川東道監督

欽定大清會典事例卷二百三十七

戶部

關稅考數一

考數○順治五年題准關差考數稱職方准回部有不稱職者該督撫據實題參○十一年題准關差一年為滿凡到任回部均量地遠近限定日期崇文門限前官任滿第二日到任本任滿第二日回部河西務限六日臨清關二十日淮安關五十日揚州關五十五日西新關六十二日蕪湖關鳳陽關六十七日許墅關七十一日北新關九江關八十六日贛關百有十日太平關一百三十五日違者數參○康熙四年覆准地方官徵收關稅以受事日為始扣至一年督撫題報考數○八年題准關稅欠不及半分期者罰俸一年半分至一分以上者降一級二分以上者降二級三分以上者降三級四分以上者降四級皆調用五分以上者革職缺額錢糧免其追賠溢額不准議敘如有事故以離任日為止作分數考數至商稅不令親填簿冊及不給紅單者罰俸一年如將部頒稅簿用關差印

填送或將稅簿紅單不按季報部者罰俸半年收稅單簿報部限期天津關二十日臨清關二十五日淮安關揚州關許墅關三十五日蕪湖關西新關四十五日贛關四十五日北新關六十二日許墅關六十七日○十一年題准關差回京原領專

敕精微批文親繳部科違限一月以內者免議一月以外照例交部議處○十四年題准各關欠不及半分者降職一級留任餘照前例全完者紀錄一次溢額每千兩者加一級至五千兩以上者以應升先用部差官員不令督撫管轄如地方荒歉河道壅塞自行報部移咨督撫查覆考數○十六年題准各關額稅銀二萬兩以上者仍照前例議敘萬兩以上者額稅全完紀錄一次溢額半分以上加一級一分以上加二級一分半以上加三級二分以上加四級三分以上以應升先用數多者遞准加級○十七年定關稅足額者不准議敘○十九年題准山東仍開海禁令該撫查報船戶毋致匿稅○二十五年議准嗣後稅銀四季報解部科簿單候任滿日彙報有溢額者停其議敘○又議准商人親填簿單令各監督任滿親身帶回繳送部科查數

○四十六年題准。蕪湖關粵海關均展限兩月。北新關展限三月。天津關展限二十日。○四十九年。

諭各關請展限者甚多。此皆伊等圖利。並無益於公事。此後將題請展限者。永行停止。如有題請者。該部嚴察議奏。○五十四年覆准。奉天義州所屬沿邊等口。漏稅太多。展限一年。令監督親身赴舊關九關。臺喜峯等口。巡查所得贏餘銀。作為額稅。○五十五年議准。嗣後各省關差一年差滿。缺欠錢糧。題請展限補缺額者。交與該部照溺職例革職。其所欠銀。交與該旗著落家產追賠。如有遲滯。不將任滿回京日期。於兩月前具呈考察。及收稅冊籍不交納者。將出差官暫停升轉。俟考察具題完日。方許照常升用。○五十八年覆准。

浙江南北二關。將任滿一年稅銀。照例按季解部。○雍正二年題准。賴關稅銀。每年呈報內部。就近充餉。○四年議准。游收處應解皮毛。仍令張家口監督運送至京。所需車價。在節省銀內動支。據實覈減。造冊報部。統於考覈案內題銷。○五年議准。嗣後川省米船到夔關時。即令該

府稽查。除夾帶私鹽及違禁等物。按律究擬外。其船之大小。照依准開尺寸。則例科稅。如有別項貨物。仍照夔關舊例收納。統歸正項。○六年。題准。四川省打箭鑪徵收雜稅。照地方徵稅之例。每兩收稅三分。○又題准。回空糧船裝載梨棗等物。滿載者。照重運額載糧米四百石計算。合貨四百八十擔。平倉者。照三百石米算。合貨三百六十擔。半倉者。照二百石米算。合貨二百四十擔。以小擔每擔四分計算。滿載應納銀十有九兩二錢。平倉納銀十有兩四錢。半倉納銀九兩六錢。豆貨滿載。仍以四百石算。納銀十有六兩。平倉以三百石算。納銀十有兩八錢。半倉以二百石算。納銀六兩四錢。○又題准。准關每年首二三季額銀。仍差吏役管解。其第四季額銀。及一年存庫彙解。並贏餘銀。自雍正六年為始。當季滿之時。咨報江蘇巡撫。委官解部。○七年題准。潼關徵收商稅。較之部頒條例。久已加增。照現徵之數。著為定例。勒石關前。仍將現行徵收銀。歸入正額造報。○又奏准。江海關所屬廟灣口稅。歸淮安關管理。其徵收條例。仍

照江海關之例並將廟灣口一年應徵商稅額
徵贏餘數目移咨准關考覈○又題准粵東遇
仙橋洽光廠徵收稅例均照太平橋部頒條例
徵收其蘇木檀香胡椒三項稅銀仍照遇仙橋
條例權徵○八年覆准廣西省梧潯兩廠酌定
歲額每年梧廠徵收銀四萬六千八百二十八
兩有奇潯廠每年徵收銀三萬四千一百三十
一兩三錢有奇除於此二廠徵收額稅內撥給
各官養廉歲終別冊報部外實存銀二萬八百
四十九兩三錢有奇作為正額至此內有每年
兼收米穀稅銀恐歲有豐歉則稅亦有多寡務
令儘收儘解據實具題○又題准嗣後閩海關
徵收海船梁頭稅銀如船戶有抗欠不完於考
數冊內註明報部存案一面行文原籍追完解
交接任監督彙解如該州縣推諉遲延照依督
催雜項錢糧之例參處○十一年覆准鳳陽蕪
湖兩關平法戩子均不畫一交工部成造頒給
該管官如有私造故為輕重情弊令該督撫查
實題參其所收商稅銅斤水腳銀照正稅一例
填入單內給商收執俟早晚放關即驗單截角

放行至年滿考覈時將所收正稅贏餘若干銅
斤水腳若干分造清冊報部○又題准廣東省
瓊州等口所收稅銀俟季滿具文解交粵海關
監督庫內沿途經過地方撥兵護送解役盤費
於羨餘項下按程支銷○十二年題准四川省
夔關徵收商稅以雍正十一年奏報銀七萬三
千七百四十兩九分有奇作為定額其米船稅
銀難以定額令該撫不時稽查飭令監收之官
據實儘收儘解仍於每年題報時取具並無隱
匿印結彙數報題○乾隆元年題准揚州關所
過邵伯船裝載豆稅每石照舊完稅一分其滕
家壩落地稅銀就近歸泰州徵收仍附入揚州
關考覈○又奏准江西省九贛三關鈔課令商
人將應納稅銀自行投櫃收銀之後發三聯單
一給商人一交巡撫衙門一存稅署以免需索
侵隱之弊○又覆准准倉項下徵收商稅等銀
該關官一年差滿將任內徵收解給錢糧造冊
具題考覈○又覆准張家口居庸關向無火耗
其書役飯食等項照崇文門之例車馱貨物過
稅收取飯錢以資養贍○四年

諭上年江安兩省歲旱歉收朕鑄賑兼施多方籌畫並令豁免米糧賦稅俾商販流通源源接濟於地方甚有裨益續經該督奏請將淮安揚州許墅鳳陽等關免徵米稅俟乾隆四年麥熟時停止朕降諭旨允其所請今屆麥熟之期聞各屬雨澤尚有未曾霑足之處且上歲歉收之後米價一時未能平減若商販稀至仍恐民食艱難著將上下江各關口米稅照舊免徵俾商賈踴躍從事則米船眾多價值自平而民食有賴俟本年九月米穀盛行之時再照定例徵收○五年奏准各關任滿但將一年徵收額稅繕本具題其或較上年多寡並因何短少緣由不必敘入本內令該監督等另摺具奏○又定各關需用冊檔照部頒冊式由頭刊刷裝訂成籍鈐蓋關印送部鈐印給發至在京新設監督令該員具呈請領事由冊式自行裝訂呈部印發○六年

諭各省關稅定有正額而儘收儘解自有贏餘此不過社司權者侵蝕之弊並無有累於商民也但各省年歲之豐歉不同貨物之多寡亦異其贏餘原不能每年畫一近見各關報滿之時如贏餘浮於上年則部

中不復置議如減於上年之數即行駁數司權者惟恐部駁必致逐歲加增年復一年將何所底止苦累商民事有必然之勢朕思關稅贏縮相去本不致懸殊若乙年所報贏餘之數稍不及甲年原可不必駁數若過於短少亦必有情由惟應令督撫稽查則地方實在情形自難逃於公論總之查數過嚴則額數日增其害在於眾庶查數稍寬則司權侵蝕其損在於國帑此中輕重固有權衡况清廉之吏斷不肯侵帑肥家而不顧行止者終必敗露亦斷無安享無事之理其如何定例之處著大學士會同該部詳議具奏欽此遵

旨議定嗣後各關贏餘銀如與上年數目相仿者戶部即考覈具題如本年所報贏餘與上年數目懸殊令各該督撫就地地方情形詳細查數如無侵隱等弊即據實聲明覆奏儻該督撫覆奏不實及扶同徇隱別經發覺一併交部議處○又覆准黃豆一項非麥秣可比雖遇歉年不准免稅○七年題准通州戶部分司所屬黃村地方照舊設立稅口稽查漏稅○又

諭國家設關權稅定其則例詳其考覈凡以崇奉抑末

載諸會典者為常經。由來已久。其米豆各項。向因商人販賤鬻貴。是以照例徵輸。第思小民朝餐夕食。惟穀是賴。非他貨物可比。關口徵納米稅。雖每石所收無幾。商人藉口額課。勢必高擡價值。是取之商者。仍出之民也。朕御極以來。直省關稅。屢次加恩減免。又恐權吏額外浮收。刊立科條。多方訓飭。每遇地方歉收。天津臨清許墅蕪湖等關口商販米船。概給票放行。免其上課。皆以為民食計也。但係特恩。開一舉。行未能普徧。夫以養民之物。而權之稅。轉以病民。非朕已溺已飢之懷也。今特降諭旨。將直省各關口所有經過米豆應輸額稅。悉行寬免。永著為例。俾米穀流通。民食充裕。懋遷有無者。不得藉以居奇。小民升斗之給。不致有食貴之虞。以昭朕惠養黎元之至意。至各關口徵收則例不一。有徵商稅者。有徵船料者。有商稅船料並徵者。今既蠲免米稅。其船料一項。若不分析明確。著為條規。恐致混淆滋弊。應如何料理之處。著該部詳查妥議具奏。○又

諭朕愛養黎元。特沛殊恩。將關權米豆等稅。悉行蠲免。以為充裕民食之計。但船料一項。議論不一。現發九卿會議。尚未覆奏。朕思此事。並無難辦之處。向徵船

料者。應照例徵收。向不徵船料者。豈可因免米豆之稅。而轉加徵船料。可即速行文各關知之。欽此。遵

旨議定。將向例徵收空船料銀者。遇有裝載米糧過關。

其應納料銀。照依空船料銀之數。納料如本係空船。及按年抽單納課者。仍照舊例徵收。○又

諭山東臨清關。向徵銅補商補。相沿已久。報部則統名

之為船料。前撫臣改為計石上稅。而將銅補商補歸入石頭徵解。是名革而實存也。今朕既降旨蠲各省米糧之稅。此項亦應一體加恩。概行豁免。○又題准

臨清關所屬之德州魏家灣尖家樊廠等處口

岸。照舊設立。以便巡查。○又覆准閩海關之南山邊一口。免其徵稅。止留巡哨稽查。其客商於

銅山自報不實不盡之貨。統歸石碼口秤驗。照例徵收。○又覆准蕪湖關之東河口。凡兩數以

內之貨稅。就近在該口稽徵。兩數以上之貨稅。仍赴大關完納。○十年奏准。行令免徵米豆稅

銀各關。不得藉免米豆稅銀名色。有虧正額。有藉端缺額者。令其賠補。其免過米豆稅銀虛數。

俾其造報。○又奏准。回空糧船。如無梨棗可帶。准其攜帶核桃瓜子柿餅等物六十擔。以抵梨

棗。

衆之數。如有多帶及帶別項貨物者。仍按例徵收。○十一年定嗣後各關任滿具題。即將銀數冊籍一同起解。仍於題本內將委官起解日期聲明題報。其冊籍到部移送戶科磨對。俟戶科發回之日。由部扣限具題。如該關題本已到而銀冊遲至二十日後未到者。取具該管官職名參處。又各關徵收贏餘較上年短少。有俟督撫查覈覆奏者。仍於題本內聲明未便遽行考覈字樣。並令該督撫以奉

旨之日為始。扣限四月覆奏。逾限未覆者。即行咨催。

又崇文門左右兩翼張家口山海關年滿向不題報。今年滿吳題。各關已經定限考覈。則崇文門等關亦應酌定期滿嗣後以任滿三月之後。即將冊籍送部移科磨對。又嗣後各關年滿具題。而銀冊已到及贏餘並無短少者。雖有經手案件未清。亦應先行考覈。其有應追經費銀。仍於彼案內著追完結。○十二年題准福建省詔安縣溪雅稅館改設懸鐘地方。以免偷漏。○又諭。昨據工部具奏。蕪湖工關較去年短少。行令查覈。業已降旨依議。今日戶部議稱。蕪湖戶關贏餘較去年

有餘。毋庸置議等語。此案工關贏餘雖較上屆不足。其戶關較上年贏餘之數。足敷抵補。如將有餘者。毋庸置議。不足者。再行查覈。於考覈功過之意。未合。即行查覈。亦徒多往返。登答工部再行查覈之處。不必行。嗣後著該部照此辦理。如一人而兼兩關。其比較上年贏餘之處。均有不足。再令該督撫據實查覈。○又題准淮安關之廟灣口船鈔。向係按季僉差赴阜甯等五縣協催。憑差役按戶秤收。難免勒索。嗣後令各州縣就近徵收。按季解關。○十三年

諭。朕降旨蠲免各關米豆稅銀。本以食為民天。關稅優免。則市價可減。是以不惜千萬正課。為小民謀饗。食寬裕計。當時內外臣工。屢有以但利商賈。無益民生為言者。概未允准。朕意欲試行數年。果否於民食有裨。再行酌量。乃數年來。稅免而米豆之價。不惟不減。且昂貴時。或有加。明係姦商。不知免稅之恩。專利自劫。轉以有限之帑項。肥三倍之囊橐。無裨閭閻。允宜仍復原額。且地方偶有偏災。即將該處關口。應徵米豆稅額。加恩寬免。則估舶聞風雲集。市值自平。駟儉不得居奇。窮黎均霑實惠。轉得操權自上。朕意不專

為軍需起見也。如既復之後，姦商藉端長價，弋利妨民。該地方官即應嚴行查明究處。至准關因寬免米稅後，該監督奏准加徵船料。今既徵米稅，仍循舊例。行令各該監督暨地方官明悉出示曉諭，毋令胥役陽奉陰違，致滋弊竇。○又奏准准關裝運米豆等免稅船過關，凡滿二百石以至千石之外，應報納整單者，照例量明梁頭尺寸，每尺科以船契銀二錢五分，分單每尺科船鈔銀三錢三分。照各船實在梁頭權數，概以九折折准尺寸，一律科算徵收。其未滿二百石，僅有二三十石及一百八九十石者，准照渡船並小契半鈔大契半鈔之例數滿二十石為渡二，徵鈔銀二錢三十石為渡三，徵銀三錢四十石為渡四，徵銀四錢五十石為渡五，徵銀五錢六十石至九十石為渡六，皆徵銀六錢。如滿百石，除徵鈔銀六錢外，再報小契一張，納銀六錢。如百有十石至百五十石，除納小契外，納鈔銀八錢。如百六十石至百九十石，契銀按梁頭二錢五分一尺科徵外，納鈔銀一兩。至自上而下之船，有由准關分口之長山、白洋、新河、後湖四處，先徵收北鈔錢糧。

今大關雖改收契鈔，並非重複。其廟灣口例徵梁頭銀，仍照舊徵收。又過關應稅貨船，並無駁運偷漏情弊。未便照米豆等免稅船加徵。應仍照整單分單舊例徵收。准其來回一載年滿再行別納。○十四年奏准各關徵收贏餘銀，除各關監督向由自行奏聞者，仍照舊例辦理。其例應報部者，該監督於年滿時比較上屆若有短少，即報督撫確查。該督撫出結會奏。所有比較上屆短少銀數，即於各該督撫監督名下追賠。○又奏准關稅贏餘，雖與正額有閒，亦宜酌定處分。嗣後比較上屆短少不及一分者免議外，其一分以上者罰俸一年，二分以上者罰俸二年，三分以上者降一級留任，四分以上者降一級調用，五分以上者降二級調用。仍令按照條例徵收，不得藉端滋弊。工部所管各關亦一例辦理。○又諭關稅贏餘一以雍正十三年徵收數目為定額。嗣後正額有缺者，仍照定例處分。其各關贏餘成數視雍正十三年短少者，該部按所定分數議處。永著為例。○又題准鳳陽關於青陽鎮並宿州境之符離

集設口徵稅。蔣家壩河口設口稽查。○十五年奏准各關管理稅務。無論兩任三任。均令扣足一年為滿。其管關一年零數月者。將一年贏餘奏報。零月歸於下屆。統俟扣足一年。再行彙奏。其各任所徵贏餘。較之成數無虧。及此任徵多能抵補彼任短少者。均毋庸議。儻彼任短少。而此任所餘之數不能抵補者。止將短少之員議處。如各任所徵銀數皆少者。皆照例議處。如前任所徵稅課。果係實力稽查。儘收儘解。令接任之員。出具並無捏飾印結送部。其已經出結以後。接任不得復將短少緣由推諉前任。儻接任官員查出前任果有徵多報少侵蝕等弊。即據實參奏。如扶同徇隱。發覺將出結之員一併交部議處。○又奏准廣西省梧州。潯州。二廠徵收稅銀。委員試收一年。除正額外。得贏餘銀一萬七千三百三十四兩有奇。嗣後即以試收之數為衡。○又移福建省甯德縣稅口駐酒嶼。○十八年

諭各省奏報關稅贏餘數較上屆短少。部議皆交督撫查明情由。從未有查出侵蝕情節據實參劾者。章奏

欽定大清會典事例 卷二三七

往返竟成故套。朕思關稅時贏時絀。勢所不免。若無故短少。或任意侵蝕。該督撫自應隨時奏聞治罪。如果無情弊。何必重複聲明。致滋繁牘。嗣後各省奏報關稅贏餘數目。該部覈覆時。毋庸復交督撫查奏。○又奏准關稅贏餘較上屆短少無幾者。本部隨奏數結。較上屆短少大相懸殊者。令該監督將該年情形據實奏報。如無故短少。任意侵蝕。本部即行參奏。仍照數追賠。其工部所管龍江等關。亦一例辦理。○十九年移福建省廈門所轄玉洲稽查舊館。駐石美。就近稽查。○又覆准江海關之任家狼山二港商船。每因沙漲難行。嗣後由大汛港設役分巡。所收稅銀歸任家港報解。○又移安徽省鳳陽關設立稽查之濰河口。駐虹縣。改南關徵收納課之青陽鎮。駐濰河口。○二十年移江蘇省淮安關流均口。駐涇河地方徵稅。○二十一年

諭上年江浙二省歉收。屢經降旨截漕賑恤。令該督撫等多方撫綏。惟是該省收成既歉。米糧市價自必昂貴。全賴商販流通。源源接濟。所有江浙二省各關口應徵米豆額稅。俱着加恩暫行免徵。至秋收後照例

七九五

諭。該部遵諭速行。○二十二年

諭。今歲河南各屬被水成災。已屢降恩旨。籌辦撫綏。但米糧充裕。尤須商販流通。著將江南江西山東湖北等省商販米麥雜糧船隻。查係運往豫省災地。難賣者。經由赴豫各關。加恩免徵糧稅。俟明年麥熟後。仍報明停止。○又

諭。湖北撥運豫省米石。抵豫交卸後。原船回過各關。例應輸納船料。但各船戶回棹時。若僅原船回空。著加恩免其徵收船料。○又奏准。嗣後各關徵收贏餘銀兩。較上屆數目大相懸殊者。令監督按照該年

情形據實奏報。即交替撫委員赴關嚴查。若有徵多報少情弊。立即揭參。若果儘收儘報。出結查明具詳。由督撫確查具奏。其督撫管理各關。亦互相查勘辦理。如戶部覈對稅冊。經徵數目果屬相符。即行准銷。有未符者。再為指駁詳查。至督撫並不實力稽查。及有扶同徇隱情弊。查出參處。仍將短少銀兩。著落按數分賠。○二十三年覆准。江西湖南四川等省撥運豫省米石之回空船隻。一體免其納料。○又

諭。湖北撥運豫米船料。業經降旨免其徵稅。其運東川

米原船回空時。如查無攬載客貨。著一體加恩免其徵收船料。○又議准。免稅一事。於災地實無裨益。嗣後應仍照舊收稅。在各商自屬循例輸納。並非額外增益。而米價翔貴之區。商販聞風雲集。自然源源運糶。於商無阻。而民食亦資接濟。○二十五年覆准。回空糧船。除麥子不准攜帶抵數外。其各項土宜。總以六十石抵數。免其輸稅。如有多帶。按則徵收。○二十六年奏准。淮安關增設石礎稅口。徵收錢糧。仍入海關報解。○二十七年覆准。龍江淮安二關。歸兩江總督稽查。許墅關歸江蘇巡撫稽查。嗣後每月關稅所收數目。應報督撫。及一年期滿。彙報稅銀贏虧數目。監督一面具奏。一面咨會督撫。庶可隨時稽覈。通行各關一體遵照。○又奏准。閩海關之南臺口。所轄地方遼闊。於長樂縣陳唐港水次蓋房。派役駐紮巡查。○二十八年覆准。多倫諾爾雜稅。歲以萬六千八百五十八兩有奇。作為定額。如有贏餘。儘收儘解。○二十九年奏准。各關起解錢糧。俱一體填給勘合火牌兵牌。其節省水脚銀兩。解內務府查收。○三十年覆准。甯古塔

放票之年額稅銀九百十有二兩。木稅額銀百五十八兩。伯都訥額稅銀二百七兩。拉木額稅銀七十二兩。阿爾楚喀額稅銀百三十八兩。三十一年

諭節省水脚銀兩。嗣後各關俱著隨正額贏餘解交戶部。三十一年覆准。岫巖城所屬之鮑家馬頭等七

口岸海船商稅。歸山海關監督設局抽收。三十三年奏准。嗣後京輔稅差。照各省關差之例。扣准一年報滿。該員止將一年限內稅課贏餘自行具奏。如有餘日。歸後任接算。於下年期滿

時彙行奏報。其未及任滿離任者。將所收錢糧報部。交後任監督接徵。扣至一年期滿。分析聲明彙奏。又

諭各省關務及織造兼管者。皆經朕簡派前往。並無管轄大員。若尋常稅口。由各該衙門保送司員引見。派往者。該堂官相隔既遠。無從查察。自應另派所在大員兼管。留心稽覈。以重責成。如該監督有侵蝕情弊。叅處後不能完項者。即著落該管大員代賠。嗣後如何派令大員就近兼管。及設法稽查之處。著各該衙門詳晰定擬具奏。欽此。遵

旨議定。各關稅課除例條。各該將軍督撫鹽政織造管理及

特旨簡派專員前往管理者。毋庸另議。至山海關張家口。八溝塔子溝。三座塔烏蘭哈達。多倫諾爾。交直隸總督兼管稽查。殺虎口。歸化城。交山西巡撫兼管稽查。

盛京牛馬稅中江稅二處。交

盛京戶部侍郎兼管稽查。坐糧廳交倉場侍郎兼管稽查。打箭鑪。交四川總督兼管稽查。荆關。交湖廣總督兼管稽查。三十一年覆准。歸併山

海關之鮑家馬頭等七口岸海船商稅。以一千三百九兩有奇。作為定額。又覆准。歸化城徵收雜稅銀兩。並牲畜稅錢。以銀一萬五千兩。錢九千串。作為正額。其餘銀一千五百四十八兩有奇。錢一百三十七串有奇。作為贏餘。又議准。三姓地方額稅銀二百八十兩。木稅額銀百二十八兩有奇。三十一年議准。奉天商販不由山海關報稅。繞道進古北口者。令八溝塔子溝。三座塔烏蘭哈達等處監督。照山海關則例徵稅。所收稅銀。另款解部。又奏准。游擊關於

白茆設立稅口。凡自蘇販往靖。如通泰之南貨。止許赴福山一路販運。以便稽查。其北來貨物。有收白茆口者。准其納稅進口。○又覆准。梧廠裁減公費。歸入正稅銀一千四百七十三兩有奇。○三十八年覆准。由牐之南壩稅房。移設中牐。凡商船出入。照則輸稅。○四十一年

諭前因各關贏餘參差不齊。恐每年逐漸加增。無所底止。曾經降旨。以雍正十三年成數為準。示以折衷之制。俾不致多寡懸殊。其法最為妥善。乃行之未久。部

臣復因各關奏報贏餘。大概較多於前。謂仍以上屆數目為比較。遂無成式可循。以致遞行短少。此部臣辦理之未善也。嗣後各關考覈。務照雍正十三年之數比較。○四十二年

諭各關稅課贏餘。例與上屆相比較。朕臨御之初。本不知各處所收關稅。多寡之數。因諭部臣。即以雍正十三年為準。使胥吏不敢例外苛求。監督不能徵多報少。且使每年比較。不致歲漸加增。無所底止。實於體恤商民之中。寓司關稅。不致作弊剋減之意。並非因雍正十三年關稅獨多。使各關稅必足其數也。

乃行之未久。部臣因各關奏報贏餘。較雍正十三年有贏者居多。若置上屆於不問。恐監督以比舊已多。即可從中侵隱。易滋流弊。請仍與上屆相比較。又復通行日久。昨歲考覈。准關鳳陽關較上屆屢形短絀。因令復照雍正十三年比較。則所短之數更多。自係辦理不善。今揚關亦復節年短少。且通計短少最甚者。惟此三關。若因此而徧及諸關。未免窒礙。且恐無識之徒。疑朕於關稅。必欲從其多者相覈。實不知朕體恤商民之本意矣。若朕有意於帑項增多。則不三次通免天下錢糧。其所增益。不較此百倍乎。又思乾

隆二十八年。臨清關徵收贏餘。較二十七年短少。朕曾諭戶部。令與二十五六年再行比較。嗣經部臣奏稱。該關贏餘之數。雖較上屆少銀三萬餘兩。而較之二十五六年。尚多銀一萬五千餘兩。即予免議。蓋稅課贏餘。率由於年歲豐歉。固難免參差不齊。而通計三年。即可得其大概。若多寡不甚懸殊。原可毋庸過於拘泥。此法最為平允。嗣後各關徵收贏餘數。即較上屆短少者。俱著與再上兩年復行比較。如能較前無缺。即可覈准。若比上三年均有短少。再責令管關之員。賠補。彼亦無辭。夫朕以雍正十三年為準。

者本屬美意今既有此求全之毀嗣後此例不必行
○四十三年奏准粵海關稅銀總以關期報滿
六箇月內迅速奏解如有遲延即行叅○四
十四年議准甯古塔等處徵收煙酒稅銀令該
將軍入於雜稅項下報部○四十五年

諭粵海關經徵課稅向來原視洋船之多少貨物之粗
細以定贏絀非游墅等關徵收內地貨物者可比嗣
後該部查數粵海關徵收課稅即以該年之船隻貨
物數實考查毋庸照各關例將上三屆比較○又
諭各關缺少贏餘稅額定例令其按數賠繳原所以杜

侵蝕之弊但如游墅海揚長蘆等關監督養廉本優
又多留任接管則以其盈積墊補缺少尚可致賠
累然其中有實因商販稀少並非經徵不力者朕尚
為加恩令其減數著賠至一年報滿之小差養廉本
屬無多所值又豐歉不一若以贏餘短少輒令折變
房產既非所以示體恤將來差員轉不免視為畏途
甚或有豫虞賠墊更別生病商累民之事流弊亦不
可不防既以其經理不善量示懲儆亦止須將其任
內養廉按數追出不准賞給亦足蔽辜嗣後此等一
年稅差俱照此辦理儻監督等恃有此旨輒敢徵多

報少則首撫等具有耳目即當據實嚴叅從重治罪

○又題准山海關黃豆餅稅銀以二萬八千
一百三十三兩有奇作為定額○四十六年覆
准打箭鑪收稅親填簿令四川總督照例委員
送部鈐印給發○四十七年奏准嗣後外夷商
船到閩海關其裝載貨物照粵海關則例徵收
○五十一年奏准商人承買寶泉局渣土每四
百萬斤帶拉棄土三百二十萬斤納崇文門稅
銀百有十兩○五十二年奏准各關需用收稅
冊檔如在京之崇文門左右翼於關期未滿一
月以前飭令書吏赴部印發附近京城之坐糧
廳天津關於關期未滿兩月以前會差赴部印
發其張家殺虎二口歸化城山海關於關期未
滿三月以前會差赴部印發又離京較遠之揚
州江海淮安游墅臨清北新浙海鳳陽蕪湖龍
江九江贛等關統限關期未滿六月以前會差
赴部印發至離京最遠之太平粵海關等關
限關期未滿九月以前差吏赴部請領備有請
印遲延以致搜用本關簿冊登填者照例嚴叅
○五十四年奏准張家口正稅銀兩全數留為

賽爾烏素臺站官兵俸餉等項之用。其不敷銀兩再於贏餘銀內留存一併移交該都統衙門以備支放。○又覆准武昌關贏餘銀兩暫停解部留為湖北省文職養廉之用。將來養廉存款充裕仍解部交收。○五十五年覆准五虎門港淺礁多。到口船隻因距南臺較遠多係駛進閩安口停泊。令閩安鎮稅口徵稅給單由五虎門出口船隻責成南臺稅口稽徵給單。經過閩安鎮口覆驗放行。至進口船隻所置貨物有運往他處者聽商民於納稅時報明數目填註紅單。定限一月以內免其重徵。其有逾限出口或限內將原報貨物搬運別船均徵出口稅銀。即限內出口船隻單外添置之貨仍照例納課。令商登入親填簿送部考覈。○五十六年

諭閩海關贏餘稅銀嗣後不必解部。即著留於福建藩庫以備支放兵餉之用。至各省內如有似此地丁銀兩不敷支放兵餉者。其有關稅省分應解稅銀亦著照此辦理。該部即詳細查明分別應留應解之項。行知各省一體遵照。欽此。遵

旨查明有關稅省分額徵地丁不敷之廣東省每年數

計不敷數目於粵海關贏餘內酌籌撥給。至江西湖北江蘇安徽浙江山東直隸山西等省額徵地丁俱有多餘。所有九江贛西新野野淮安揚州江海蕪湖鳳陽浙海北新臨清天津山海殺虎歸化城等關口贏餘銀兩毋庸留備兵餉。○五十七年

諭嗣後粵海關稅務不必令督撫兼管。其每月到關船數若干所載貨物粗細各若干著責成該督撫詳細查明按月造冊密行咨報戶部俟一年期滿時交該部將該督撫所報清冊與該監督所報清冊彙總覈對如有不符之處即行參辦。○又

諭各省年歲豐登糧價平減商販自然絡繹關稅正當增贏斷無因稅收轉致稅額短絀之理。前次淮揚等關短少贏餘即以豫東等省因旱薄收豆麥南下者少為詞。今荆關贏餘短少又藉詞於糧價平減船隻短少則歲款因絀歲豐亦缺必如何而後可。豈司權務者因關稅短少而轉望款收有是理乎。各省督撫皆受朕厚恩簡任封圻遇有關繫錢糧重務自應各矢天良平日嚴密稽查毋任胥吏舞弊以致虧短或因水旱不齊稍有短絀之處原不妨據實直陳何必

藉詞年歲轉成虛飾。殊非事君以誠之道。嗣後該督撫等於關稅等務。務宜詳慎確數。以實入告。毋任屬員蒙混。稟報率行轉奏。○六十年議准督撫經徵各關稅課。有贏無絀。及節省水腳銀兩。循例具題。毋庸再奏。○又議准孤榆樹地方。徵收馬畜稅銀。以一百三十二兩作為定額。

欽定大清會典事例卷二百三十八

戶部

關稅考異二

嘉慶四年

諭。向來各關徵稅。於正額之外。將贏餘一項。比較上三屆徵收最多年分。如有不敷。即著經徵之員賠補。以致司推各員。藉端苛斂。而賠繳之項。仍未能如數完交。徒屬有名無實。因思各關情形不同。所有贏餘數目。自應酌中定制。以歸覈實。而示體恤。已於戶部所奏各關贏餘銀數清單內。經朕查照往年加多之數。分別覈減。自此次定額之後。僅各關每年贏餘。於新定之數。再有短少。即行著落賠補。如於定數。或有多餘。亦即儘收儘解。其三年比較之例。著永行停止。○

欽定贏餘數目。坐糧廳六千兩。天津關二萬兩。臨清關一

萬一千兩。江海關四萬二千兩。許墅關二十三

萬五千兩。淮安關十一萬一千兩。海關廟灣口

二千二百兩。揚州關兼由六萬八千兩。西新關

二萬九千兩。鳳陽關一萬五千兩。蕪湖關七萬

三千兩。九江關三十四萬七千八百兩。贛關三

萬八千兩。閩海關十一萬三千兩。浙海關三萬九千兩。北新關六萬五千兩。武昌關一萬二千兩。夔關十一萬兩。粵海關八十五萬五千五百兩。太平關七萬五千五百兩。梧州廠七千五百兩。潯州廠五千二百兩。歸化城一千六百兩。打箭鑪儘收儘解。山海關四萬九千四百八十七兩。殺虎口一萬五千四百十四兩。張家口四萬五百六十一兩。○又

諭各省管理關務各員。自贏餘減定不行比較之後。固不得稍有苛收。儘遇徵收豐旺之時。仍當覈實辦理。儘收儘解。亦不得以贏餘業經減額。將多收稅銀隱匿不報。儘經科道覈奏。及朕有所訪聞。必當從重治罪。○又

諭各處關稅贏餘。經上年酌量刪減後。於定額贏餘之外。免其逐年比較。以示體恤。但司推各員。因贏餘定有額數。於足額之外。未必儘收儘解。或任意欺隱。藉肥私橐。實難保其必無。著通諭各處。嗣後所徵關稅贏餘銀兩。如較新定額數實有加增。即當據實報出。朕必加恩甄敘。儘稍有隱匿。徵多報少。一經發覺。必將該管之員。照監守自盜律治罪。○又奏准。打箭鑪

關稅銀。按十二箇月為一年。期滿題銷。○五年奏准。回空糧船。於例帶土宜六十石之外。准其多帶二十四石。過關免稅。○六年

諭四川打箭鑪每年徵收稅銀。著以二萬兩作為定額。如有贏餘。儘收儘解。儘定額數內或有短少。著落管關之員賠補。○七年

諭顏檢奏。密雲縣徵解木稅。不敷定額。懇請覈實辦理。一摺。該縣管理古北口抽分事宜。每年應解木稅。原以一千一十二兩零定為歲額。今據稱該處商販寥寥。無人領票辦課。山場砍伐既久。近年以來。止有小

民在附近各山採取柴薪。照例輸課。每歲不過三四十兩至五六十兩等語。自係實在情形。除嘉慶二年至六年止應解稅銀。仍在歷任之知縣名下照數勒完外。嗣後此項木稅。自嘉慶七年為始。著即照徵收雜稅之例。儘收儘解。不必定以額數。仍著該督責成。該道府等隨時稽查。毋得以多報少。致滋弊混。密雲距京甚近。儘一經查出。必將該令等懲處不貸。其該縣原領監督關防。即著繳銷。○九年

諭浙海關酌減贏餘額數。著定為四萬四千兩。揚州關酌減贏餘額數。著定為七萬一千兩。鳳陽關酌減贏

餘額數。著定為一萬七千兩。西新關酌減贏餘額數。著定為三萬三千兩。九江關酌減贏餘額數。著定為三十六萬七千兩。浙關酌減贏餘額數。著定為二十五萬兩。淮安關酌減贏餘額數。著定為十三萬一千兩。其餘各關。仍照嘉慶四年贏餘定額徵收。○十二年奏准。天津鈔關海稅。向係天津縣徵收。今改委天津道管理。歷年海運糧船。帶貨二成。免其納稅。○十五年奏准。嗣後好漢進崇文門。每兩徵六扣銀二錢七分。中等漢每兩徵六扣銀一錢八分。平常漢每兩徵六扣銀九分。按季造冊報部查覈。○十七年。移江蘇白茆口駐七了港。○十八年覆准。通州泰興縣屬黃家港淤塞。向徵稅銀。改由過船港按例徵收。仍歸黃家港報解。○十九年奏准。嗣後崇文門如孛獲繞道酒車。加倍懲罰。並將姦商枷責。○又奏准。崇文門稅課。嗣後甯緬每疋改徵銀九分。宮緬每疋改徵銀五分四釐。燒酒每十斤改徵銀一分八釐。南酒每小壘改徵銀一分九釐。白機布每百疋改徵銀九錢。色藍平機布每百疋改徵銀一兩二錢。此外貨物紛繁。如經奏准比照者。照舊

辦理。其餘例無明條。又未經奏定比照者。概不准援引徵收。○又奏准。簸箕竹帚。竹篩竹筐布。鞣布襪。皮鞣木屐。香草各項。到務納課。為數甚微。嗣後崇文門均免其納稅。○二十年奏准。南來緬緞等貨。每從江浦六合等處起旱北上。止納潤關一處之稅。偷越淮揚兩關正稅。查六合縣額設贏行八戶。江浦縣額設贏行二十四戶。嗣後嚴禁不准額外多設。並移行淮揚管關官員。選派丁役就近巡查。以杜漏越。○道光二年奏准。崇文門徵收貨稅。每銀三分。加平餘銀一分。俱按市平交納。惟酒稅照舊徵收庫平。○又奏准。京外各關徵收稅銀。管關人員。各按各任計成覈算。儻有缺額。著落本任賠繳。仍分別正項贏餘。照例議處。○又奏准。嗣後易州昌平州煙包。每包仍照定章作為三百二十斤。每包連平餘共徵銀一兩九錢二分。燒酒每車作為六千斤。連平餘徵銀十四兩四錢。黑糖按照白糖之例。每百斤徵銀二錢四分。白糖按照糖霜之例。每百斤徵銀二錢四分。紹興酒大壘按照麻姑酒之例。徵銀四分八釐。○三年

諭延隆奏接徵關稅期滿請將短收贏餘銀兩著落前任監督賠繳一摺各省關差織造例有年節等貢經朕大加裁減並裁汰一切款項該員等覈算徵收贏餘自應有贏無絀乃前任浙野關監督嘉祿任內按日計算竟少收銀十一萬八千九十餘兩之多非辦理不善即係侵蝕入己不可不稍加懲治嘉祿著革去參領銜降為五品頂戴仍留熱河總管之任除延隆任內多收銀五千三百十八兩零業經抵補外所有任內少收贏餘銀十一萬二千七百七十四兩零著嘉祿迅速照數賠繳毋再遲逾干咎○又奏准由牘分口之儀徵牘移設新城鎮其儀徵牘例徵河餉並隨纜銀兩亦准徵收惟不得五餉並徵以符定制○又奏有裁撤儀徵牘舊口於新城鎮設役巡查仍照儀徵牘原設名數覈實報銷其外江赴儀徵銷售及儀邑出沙漫洲貨物為數無多准予免稅並飭該管道員禁止書役人等不得藉滋擾累○四年

諭據戶部奏各省關稅銀兩除本省扣充兵餉及部議准其動撥外餘俱解交部庫以供京營兵餉及一切經費請飭各督撫毋得自行指撥等語國家薄賦輕

徭各項錢糧從不輕加銖黍歲入歲出俱有定額並非務為封殖各省關稅銀兩解存部庫原以備庶政之需若任聽外省自行指撥在各關監督不過節省運費而庫項漸少歲支各款又將何項應用嗣後各省督撫如有迫不及待之項仍准其聲敘實在情形奏明辦理其非迫不及待之款遇有需用或另籌開款或飭部酌撥毋得率行指撥關稅以符定制○又諭監督等應徵額銀既係按在任月日計算盈虧又復令有虧無虧之員一律勻攤賠補嗣後經徵各員恃有各任勻攤之例皆不認真辦理輒藉口於月分淡旺不同以多報少甚至後任因前任既經虧短不肯以多收之數全行奏報留為他日分賠地步必有此等流弊著戶部悉心另行妥議具奏欽此遵

旨議奏嗣後各關徵收稅額無論一任數任俟一年期滿通計全額有無短少即於奏報摺內聲明遵照勻攤之例各按在任月日勻攤分賠其應得處分除經徵足額及前後兩任足以抵補毋庸議外止將短收之員分別正額贏餘照例議處○五年覆准更定浙海關稅則羽毛緞一項上等照哆囉呢例每丈作八尺九折稅一錢八分

次下照囉噤緞例。每丈作八尺。九折稅一錢八釐。粗白布將二丈八尺以上者。均以二丈八尺科計。每十疋作八疋。徵稅二分四釐。二丈八尺以下者。均以一丈四尺科計。每二十疋作八疋。徵稅二分四釐。閩廣粗麻布。每件作四疋。稅八釐。不論單頭連機。總須按疋計算。○又覆有福州琅琦島地方。現有商船收泊。議設巡役一名。哨丁二名。在彼稽查。遇有進口船隻。令閩安鎮口填給清單。前赴南臺口報稅。出口船隻。仍由閩安鎮查驗放行。其在琅琦避風寄碇。應令驗明貨單相符。方准出口。至所設巡役哨丁。在於各口移撥巡查。仍嚴飭止許稽查偷漏。不得設員科稅。並藉端需索。○十年議准。歷年缺額之淮安。浙野。揚州。臨清等關。及間有缺額之九江。南新。鳳陽。蕪湖。西新等關。各按

欽定 贏餘銀數。以六成作為額內贏餘。遇有短少。著落賠繳。仍按額內贏餘短收分數。照例議處。以四成作為額外贏餘。遇有短少。著落賠繳。寬免處分。各關徵收贏餘溢額。即按多收分數。分別給予議敘。以昭平允。○十一年議准。崇文門左翼

欽定大清會典事例 卷二三八

右翼山海關。張家口。殺虎口等六處。正項稅銀。解交部庫。原有例定期限。逾限不解。將監督題參議處。嗣後照例辦理。如有逾限。改為奏參。以昭覈實。○又

諭 戶部奏酌議關稅賠繳限期。以清課額一摺。各關監督徵收稅課。果能潔己奉公。何致累年虧缺。贏餘銀兩。動逾數萬。前經降旨酌減。浙野。淮安。二關稅額。該員等尤當激發天良。覈實辦理。各關徵收之員。任滿時。儻有以多報少。或於虧缺之數。以少報多。即與侵蝕倉庫錢糧無異。著責成各該督撫。於該監督任滿時。就近詳加察訪。如有此等情弊。立即嚴參革職。送部監追。照例治罪。儻該督撫徇隱不奏。或經朕密查。或有人參奏。別經發覺。惟該督撫是問。至賠繳短徵關稅銀兩。嗣後除三百兩以下。定限半年。三百兩以上。定限一年。仍照承追例限辦理外。其銀數自一千兩至五千兩者。予限二年。五千兩以上至二萬兩者。予限三年。二萬兩以上至五萬兩者。予限六年。五萬兩以上至十萬兩者。予限八年。十萬兩以上。亦予限八年。至一任而兩任。三任各有虧缺。如准其接續完交。限期未免過寬。著統計前後所虧銀數之多寡。均

照此次所定期限辦理。經此次酌定期限之後。該監督當共知儆惕。認真經理。不得任意虧缺。致干嚴辦。除許野淮安龍江西新九江南新北新等關五處。照此限期辦理。其餘京外各關。及嘉慶四年贏餘定額之夔關等處。如有虧缺關稅之員。均於關滿奏報及題咨到部之日起。各按銀數多寡。分別限期。久暫以歸畫一。並著該部纂入則例。永遠遵行。○又

諭內務府奏遵旨酌定賠繳關稅短徵銀兩章程一摺。各關監督徵收稅課虧缺銀兩。上年曾經戶部等衙門議定章程。奏准遵行。所有稅課贏絀。均由該監督

自行奏報。統歸戶部查覈。惟許野淮安龍江西新九江南新北新等五處。向由內務府司員簡放。遇有短絀。照例報部辦理。迨該員回京到旗。往往以欠項較多。不能依限赴部完繳。輒在本旗具呈。懇請代奏繳銀扣俸。各關稅課。無論正額贏餘。均關經費。豈容絲毫短絀。近來各關雖頻年奏報虧短。總不至如許野淮安兩關。動輒虧短至數萬及十餘萬兩之多。皆由該監督等並不實心經理。迨有虧項。又復延宕。希冀以俸扣抵。徒有賠繳之名。並無完交之實。此而不嚴加整頓。何以防流弊而重稅課。嗣後許野關淮安關

龍江西新關九江關南新北新關等五處。遇有虧缺關稅之員。回旗具呈繳銀扣俸。一概不准。均令依限完納。限滿不完。即著革職監追。如監追後仍敢任意延宕。不行完交。即著永遠監追。其子孫代賠之項。亦令依限完納。不完照例監追。如係赤貧。取具參領佐領家產盡絕印甘各結。仍查明並無寄頓屬實。方准據呈奏明以俸扣抵。其監督升任。不依限完繳者。亦著一體照例監追。○又奏准崇文門左翼右翼山海關張家口殺虎口等六處監督期滿。奏交贏餘等款銀兩。勒限一月交清。儻逾限不交。由內務府奏參後。勒限二十日。如再不完。奏請革職送部監追。○又

諭前因各關監督徵收稅課。累年虧缺銀兩。降旨嚴定章程。不准於回旗後呈請繳銀扣俸。均令依限完納。限滿不完。革職監追。如監追後仍延宕不交。即著永遠監追。茲閱戶部單開嘉慶道光年間。許野淮安兩關。歷任監督徵收數目。雖間有奏報多收。甚屬寥寥。而虧缺者甚多。似此任意短少。年復一年。伊于胡底。溯查嘉慶四年。

欽定許野關贏餘銀二十三萬五千兩。嗣於嘉慶九年。

加增銀一萬五千兩。共銀二十五萬兩。淮安關贏餘銀十一萬一千兩。嘉慶九年加增銀二萬兩。共銀十三萬一千兩。今朕酌量裁減。著將許野間贏餘銀減去二萬兩。每年徵收銀二十三萬兩。淮安關贏餘銀減去二萬一千兩。每年徵收銀十一萬兩。自此裁減之後。不特將嘉慶九年加增之數。全行減去。並較嘉慶四年原定之數。格外減少。該監督等各宜感激朕恩。共發天良。認真徵收。總期於新定數目。有贏無絀。方為不負委任。儻或仍前玩視。以致額外虧缺。必將該監督等照前定章程。分別革職監追及永遠監追。嚴行懲辦。決不稍有寬貸。懍之慎之。○十三年奏准。崇文門在密雲縣所屬之穆家峪地方。設立稅局。派委員役稽查。所有進口牛稅。即在穆家峪稅局交納。給發照票。其有至京售賣者。准其持票換引。不再收稅。○又議准。嗣後穆家峪進口牛隻。奶牛收稅一錢五分。使牛收稅三分。豬收稅三分。羊收稅一分。即在穆家峪稅局就近交納。○十四年議准。各關虧缺正額處分。改為欠不及半分者降二級調用。欠半分至一分以上者降三級調用。欠二分以上者降四級調用。欠

三分以上者降五級調用。欠四分以上者革職。仍照舊不計贏餘處分。○十六年奏准。殺虎口錢糧。仿照各關一年一解之例。每年可節省部科飯食經費。及解役往返腳價銀三千兩零。所有節省銀兩。即歸入贏餘項內解交。以歸畫一。○二十五年奏准。各省起解關稅。應交加平銀兩。批文內聲明隨解交納。如稅銀充餉外撥。其加平銀兩。扣存解交部庫。○又奏准。許野間稅銀。或遇外撥。其加平銀兩。應照舊解交部庫。由戶部知照造辦處。赴部領回。以昭畫一。○二十六年議准。粵海關解交內務府等處款項。兵牌勘合。由該督臬司填給。○咸豐二年奏准。淮安關向有飯食罰賠二款。留為充賞公用之需。儘收儘放。如有墊用正項之員。即由接任監督查明奏。○又議准。淮安關委員養廉。如提存辦公無款。即在正項內支銷。○三年

諭。向來稅務贏餘。有賞給該監督若干兩者。均係特旨酌賞。從無該監督自行隨摺聲明之例。和潤於差滿回京摺內。附列上三屆贏餘清單。似有比較請旨給賞之意。殊屬不合。所有贏餘銀兩。若毋庸賞給和潤

仍著傳旨申飭。○又

諭戶部奏關稅情形。請照常辦理。以裕課稅而杜弊端等語。各關課稅。向例俱按正額贏餘額定銀數徵收。自本年二月逆匪竄擾江南。游擊淮安九江蕪湖鳳陽等關。紛紛奏請儘徵儘解。繼而崇文門臨清關亦援案奏請。業經降旨允准。惟各關距賊氛遠近不一。情形亦各不同。若概以儘徵儘解為詞。漫無限制。必致任意侵虧。弊端百出。著照部議。嗣後各關均宜設法整頓。仍遵額定稅數。照常徵收。不准以儘徵儘解違例奏請。致滋流弊。如將來虧短實屬有因。著俟一

年期滿奏報到時。由戶部酌量情形。分別奏明。請旨覈辦。○四年覆准。歸化城口岸。西包頭鎮薩拉齊托克托城三處。嗣後從口內販來一切貨物。並從口外販入土產等貨。飭令就近在西包頭等處稅廳照例完納。赴歸化城入柵時。即驗明放行。毋庸再徵。○五年奏准。夔關徵稅。從五年正月。起按年題報。遇閏加增。正月至六月所收稅銀。限八月內批解司庫。七月至年底所收稅銀。限次年二月內批解司庫。渝關稅務。亦改為按年報滿。○又奏准。夔關攤繳淺價。由該關稅銀內

作正開銷。○六年

諭前因張家口監督慶文奏請將朝陽村商貨。先行照例納稅一摺。當交戶部查議具奏。茲據該部奏稱。道光二十九年都統雙德等奏請將朝陽村貨物歸入市圍一體納稅。經該部議駁有案。應仍遵照舊章。俟貨物進口時。嚴密稽查。照例收稅。所有該監督請將朝陽村鋪戶販貨到村時。先行納稅之處。應毋庸議等語。張家口市圍商人。由恰克圖販貨進口時。先行納稅。係道光五年定例。並無朝陽村收稅之事。自未容輕議更張。惟該監督原奏內稱朝陽村鋪戶開設至二十餘家。半係市圍分設。若不令其納稅。則將來市圍鋪戶。紛紛遷至該處開設。恐有稅之處。俱成無稅。張家口歷任鉅虧。未必不由於此等情。該監督所奏。是否因該商人等在朝陽村囤貨。即可繞越他處銷售。偷漏稅課。抑或向通口內胥役。私行進口。致有漏稅。著穆隆阿慶昫秉公查訪。應如何變通辦理。或應仍照舊章設法稽查。力除偷漏之弊。著即據實奏聞。○又奏准。打箭鑪雜稅。並照夔渝兩關稅務章程。○又奏准。打箭鑪雜稅。照現徵茶稅改為按年題報。遇閏即照上月銀數加增。○又奏准。酌

定張家口稅則。回絨每疋徵稅五分。錦布每疋徵稅二分。回子布每疋徵稅七釐。狐毳皮每百箇徵稅二分。玻璃鏡每百斤徵稅五錢。香臍每斤徵稅五分。○八年

諭。何桂清等奏請將關稅暫增額外贏餘銀兩儘收儘解一摺。前經何桂清等奏江海關稅。每年於正額贏餘外。約可加增額外贏餘銀十二萬兩。撥充軍餉。不作永遠定額。茲據奏稱此項額外贏餘。自七年六月起。至本年五月底止。一年期滿。共收銀十萬餘兩。覈與奏明約定數目。計有短絀。委因地方用兵。貨乏來源。路多阻滯。尚非稽徵不力。此項額外贏餘銀兩。著准其儘收儘解。以昭覈實。○九年奏准。洋藥一項。前奏推行各關。照上海稅則。每百斤收銀三十兩。各省均已遵照辦理。何獨江蘇各關。僅徵稅銀數兩。應令江海關監督。設立印票。填註商名。並洋藥若干斤。應交關稅銀若干兩。給該商持赴經過稅關。驗票納稅後。換票放行。即將原票繳回。仍令各關查照上海科則。一樣輸課。即將所徵稅銀。按三箇月造冊報部。以重稅課。而昭覈實。至洋藥徵收釐捐。本與關稅有別。原定銀二

十兩。既於軍餉有裨。應毋庸再加銀十兩。以免該商藉口。此後洋稅啟徵時。仍飭令該商照常釐捐。不得以洋稅抵作捐釐。以杜牽混。○又奏准崇文門徵收洋藥稅銀。嗣後專款解交部庫。遇有姦商私運。按律罰懲。所罰一半洋藥。變價入官。歸於罰款項下存公備用。查向來繳收商稅。例有加平銀兩。惟洋藥稅課。係專款徵收。且走私居多。必須添派書役。嚴密巡查。所徵此項加平銀兩。即作為交部隨解飯銀。暨一切工食等項之用。毋庸開銷報部。○又議准。廈門應繳

淺價二千四百餘兩。令該關自行籌解。不准擅動正項。○十年覆准。山海關每年於正額贏餘四萬九千四百八十七兩零之外。加增銀八萬兩。按季解部。如有虧短。責令該監督照例賠補。○又奏准。奉天載貨船規太輕。且無定額。茲將大船原徵銀十七兩。改徵三十四兩。未逾式船原徵銀八兩五錢。改徵十七兩。照咸豐八年報部船規銀九萬九百十六兩之數。作為正額。再加一倍。作為贏餘。解部充餉。其漁船照未逾式船。原徵八兩五錢外。再加一倍。每隻徵銀十

諭

七兩。大中船每隻原徵銀一兩五錢。改徵銀三兩。小中船每隻原徵銀一兩。改徵銀二兩。○又前因劉焜等會議奉天海口變通收稅章程。當交戶部議奏。茲據戶部奏稱酌擬加增稅額四條。著照所請。所有奉天所產黃豆豆餅。照例收稅。此外包頭油。糞稅銀。由行棧交該關各口稅書承收。除該關每年正額贏餘之外。加銀八萬兩。作為贏餘解部。即責成該監督於本年八月新關期起。按季解京。如有虧短。勒令照數賠補。再有多餘。儘收儘報。其船規一項。原定稅銀太輕。著將各船隻照原徵銀數各加一倍。以咸豐八年報部稅數作為正額。此外再加一倍。作為贏餘。由各口岸造冊詳報盛京將軍等彙總奏報。除留支各項外。其餘悉數解部。如有虧短。著落經徵之旗民地方官賠補。至各項貨物經過內河各口岸。定為每石徵銀四分。以咸豐八年歸公銀數作為正額。再加一倍。作為贏餘。此項銀兩。以錢一串抵銀一兩。搭放盛京官兵俸餉。如徵收不能足數。亦著落經徵之員賠補。其內河漁字號小船。著照未逾式船。使一體報店交納船規十七兩。除牛莊一口辦理商捐。其餘各海口。均著盛京將軍飭旗民地方官查照辦理。

其大小牛船。亦照漁船一律加倍收稅。並另委委員常川在彼實力稽查。如有無票私船。即行拏辦。經此次明定章程之後。著該將軍等隨時認真查察。嚴拿偷漏。並責成該監督及旗民地方官。務照新章如數徵收。如有短絀。即照開稅定例。勒限追賠。儘徵收足數外。再有贏餘。即行報部。由部奏請獎敘。如有額外私自加增。擾及商民。立即從嚴參辦。以副朕裕課恤商至意。○十一年

諭

江蘇上海關代徵甯波關稅鈔。原因浙海關徵收各國稅鈔。向歸舊關與內地商稅分別稽徵。書舍人等無從得其要領。從權辦理。由江海關代為徵收。現在甯波既仿照上海設立新關。且有外國人日意格司理稅務。自應照王有齡所奏。各歸各口徵收。以清界限。著薛煥查明嗣後外國貿易商船。如由上海等處出口之貨。江海等關。止收本關出口稅鈔。毋庸另給印單。代收浙海關進口稅鈔。儘稅已交納。貨未銷售。仍赴別口銷賣。所收稅銀。或即行發還。或給予票據。留抵本關下次之稅。所有免單認單。即著停止。其浙海關徵收稅鈔。亦即照此辦理。以清界限。而杜影射。○同治元年奏准。直隸永平府屬海稅。分別議

增。灤州屬劉家河口。每歲徵銀一百二十兩。昌黎屬蒲河口。撫甯屬洋河口。每歲徵銀一百兩。樂亭屬清河口。每歲徵銀六百兩。甯河屬北塘海口米糧。每歲徵銀一千六百兩。均作為定額。如徵不足數。令各該經徵官補足報解。○二年奏准。太平關贏餘七萬五千五百兩。又木稅贏餘六千餘兩。照案辦理。○又奏准。各海關洋稅收支數目。均以咸豐十年八月十七日為始。按三箇月奏報一次。扣足四結。專摺奏銷一次。仍從第一結起。造具每結四柱清冊。送部查覈。毋庸按照關期題銷。以清界畫而免稽延。其各關應徵常稅。仍令各按關期照常題銷。以符舊制。○三年奏准。直省各關徵收正稅贏餘。除山海關。張家口。殺虎口三處。前後任各按在任月日。覈計本任短徵銀數。各賠各任。毋庸統算外。其餘各關徵收。責令該監督按月咨明督撫。無論兩任三任。俱扣足一年。一面奏報。一面咨會督撫。其所收贏餘。並無虧少。及彼此兩任能抵補者。均毋庸議。其不能抵補者。將短少之員議處。俱不足者。均分別議處。○又

諭。前因英元奏山海關監督任內短徵銀兩。與鳳安無涉。請將部議令鳳安攤賠之款。仍由英元賠繳。諭令戶部查議具奏。茲據該部奏稱。各關管關人員。向例無論兩任數任。統以一年為期。倘有短少。各按在任月日攤賠。惟嘉慶二十四年。崇文門左右兩翼。遇有前任未經缺額。後任始行虧短。即著落後任賠繳。奉有

諭旨。咸豐四年。殺虎口短徵銀兩。亦係按日覈計。並不將前後任牽算。亦經辦有成案。查英元接收交代摺內。曾經奏明鳳安代徵一百三十五日。移交均屬數額。是短收新增贏餘銀兩。係英元接徵後始行虧短。自應援照成案。准如所請辦理等語。各關短徵稅銀。如第按任期攤繳。恐後任恃有前任分賠。轉滋弊竇。所有英元在山海關監督任內。短徵新增贏餘銀一萬八千三百八十三兩內。議令鳳安攤賠之六千餘兩。著照部議。責令英元於限內照數完繳。毋庸令鳳安分賠。嗣後山海關及張家口。殺虎口。關期任期。暨代徵名目。悉仍其舊。惟應徵稅課。凡在此次奉旨以後。交議者。無論經徵代徵。均按在任月日覈計。毋庸按年統算。以歸畫一。而杜牽混。並著纂入則例。永遠

遵行。此外各關仍不得援照辦理。○四年奏准收稅之多寡不在單簿之有無。嗣後各關常稅商填等簿以及紅單各件概行裁撤。毋庸再赴戶部戶科請領以歸畫一。○又奏准東海關常稅自同治元年六月開辦起按照天津關稅則徵收。二年六月先由煙臺舉辦其餘大小各口均於七月一體照辦。迨奉部議更正稅則已在三年五月間此兩年中徵收稅銀數目多寡懸殊現關稅日見暢旺若遽請定額轉不足以昭覈實請自同治三年五月十八日遵辦更正稅則之日為始連閏扣至六年四月十七日三年期滿再行定額以計考成如有贏餘據實報明短少著落賠補以杜侵欺而重課稅。○六年

諭倉場侍郎鍾岱奏查明通關稅課歷年動缺銀兩請分別追賠開單呈覽一摺。通關稅課每年例徵正額贏餘銀一萬二千三百餘兩為通惠河歲修及汎弁俸糧之用乃自道光十九年以後歷年短徵及書吏認交追交挪移墊用各款共計銀二萬二千七百餘兩之多。歷任監督挪新掩舊前後彌縫積習相沿幾至虛懸無著若不明定章程分別賠繳何以清

庫款而重稅課。此項銀兩著照所擬分作十成責令該關書吏賠繳四成銀九千九十兩零分作十五年繳清。儻有逾玩即行送部監追其六成銀一萬三千六百餘兩著照單開按各監督在任月日均勻攤賠分限追繳如限滿不完即由吏部照例叅辦。嗣後通關稅課務須年清年款不准前後牽混致滋流弊。○又奏准太平粵海等關季飯考覈等銀令該關委員一併附解所解銀兩及一切文批自行當堂投遞並親身赴庫交納儻有包攬勒索情事照例分別嚴懲。○又奏准張家口等三關解京各款除各監督任滿親齋來京者仍照向章不計外其餘解京各款概令委員解京不得仍前再委差吏其太平粵海等關解部正稅贏餘等項銀兩均照章委員批解其季飯考覈等銀即由該關道委員一併附解來京。○又奏准嗣後各關商稅一律復用紅單隨同日徵細數清冊送部考覈。○又議准粵海關常稅正額銀五萬六千五百一十一兩九錢四分一釐贏餘銀十萬兩。又北海關稽徵貨稅均經奏明歸入常稅關期報滿摺內分別具奏。○七年奏准閩海關徵

收常稅裁撤親填等簿。仿照洋稅成案。飭造日徵細冊。以備查考。紅單一項。係由關發給之單。商人完稅後。執以為憑。儻或單貨不符。即屬偷漏夾帶。勢難裁撤。仍照舊填給紅單。以憑考覈。並令各關將逐日徵收稅數細冊。於關期滿後。遵照例定期限。隨同紅單。及支用經費等冊。送部考覈。其餘各關。一律復用紅單。以昭畫一。○又奏准。殺虎口監督應行解部正項各款。並飯食等項銀兩。均於任滿後。親齎到京交納。○又奏准。張家口監督應解款項。數在一千兩以上者。即移交口北道委員管解。其應解飯銀等款。於任滿後。親齎到京交納。不得仍委差吏。○八年議准。伯都訥廳新增稅額。徵收虧短。於長春廳包稅土稅之外。每歲加包稅一萬二千串。遇閏再增。即於所增稅錢內。以五千串市錢。劃抵伯都訥廳額稅。其伯都訥廳額稅。自同治八年。起。以一萬五千串作為定額。○十二年奏准。近年雷廉各口稅收日絀。皆因北海地方無所稽查。易於繞漏。嗣後。以北海為總匯。設關徵稅。如有進出口貨物。按大關稅則徵收。所徵稅銀。按

月具報。廉州府屬之欽州。與北海最為切近。其次則高州府電白縣屬之水東。高州府石城縣屬之暗鋪。雷州府遂溪縣屬之赤坎。高州府吳川縣石城縣雷州府遂溪縣交界之石門頭。雷州府海康縣屬之雷州等六處。設立北海分卡稽徵。並發給圖記。如有進出口貨物。照大關稅則一律徵收。所徵稅銀。隨同北海按月具報。此外尚有廉州府欽州所屬之平銀長墩防城三處。均設立北海稽查子卡。以昭嚴密。○十三年奏准。新添浙江温州等四處通商口岸。按照瓊州開辦成案。將所收各項稅銀。按三箇月奏報一次。並將收支數目造冊報查。○又奏准。甌海關歲需經費銀五千六百七十兩九錢。作為定額。現需經費。除就所收稅項開支外。尚有不敷。暫由浙海關洋稅項下撥用。造報覈銷。○又奏准。各海關洋稅奏銷。辦理未能盡一。應令將結數起止。改歸一律至一百八結止。甌海關仍從第一百一結起。至一百四結止。又自第一百五結起。至一百八結止。分作兩屆。依限辦理。○又奏准。洋藥每百斤。徵收稅銀三十兩。每三箇月

將徵數報部。一面埽數起解。○光緒七年奏准九江蕪湖等處所設新關。俱每月支關道薪水銀二百四十兩。惟甌海關開辦之初。因洋稅寥寥。一年收數不敷之款。暫由甯波關撥補。是以監督薪水亦未議及。現在逐年整理。稅務日有起色。監督辦公經費。亦較前倍蓰。應援照成案提給。以資辦公。○又奏准甘肅嘉峪新設洋關。事尚簡少。一切經費。比照宜昌關章程辦理。每月急需用款。計銀一千一百五十六兩四錢。請於他關分撥。以資辦公。○八年奏准廣東肇慶府黃江廠。向係徵收下水商稅。遞年額徵銀一萬二千八百餘兩。耗銀三百餘兩。贏餘銀一萬五千九百餘兩。遇閏增銀一千七百餘兩。嗣又額外加徵贏餘銀二萬兩。又提橋羨銀一萬兩。為撥支本省緝捕師船弁兵口糧之用。自咸豐四年粵匪滋擾。道路梗阻。所有雲貴等處貨物。皆由廣西橫州支河繞道航海。運赴香港澳門。發售不由西江大河經過。以致收項短絀。近雖地方平靖。而商人因內河均設釐卡。仍多繞道航海者。計歷年所收廠稅。除正額贏餘僅數批

解外。其額外加增贏餘及橋羨二款。竟難如數徵解。嗣後飭令認真稽覈。如於正額贏餘外稍有溢收。即當據實報明。悉數完解。○十年奏准現在餉項支絀。擬自本年九月十六日以前。凡應賠關稅各員。無論多寡。悉按原欠數目。減免五成。著賠五成。統限至十一年九月十六日為止。如依限將五成繳清。下短五成。悉予寬免。在外各員。照此次定限。定數交納。由藩司專批解部。不准移作別用。○又奏准江漢關徵收洋稅。按結提解部庫四成。嗣於四成銀內酌留二成。以備機器局用款。其餘二成內。除額撥黔餉。並提解加放俸餉外。餘騰銀兩。同招商局四成稅銀。一併分解南北洋。充作海防經費。○又奏准江漢關第九十五結期滿清單。僅有收支款目。以致各結總數。未能聯貫。嗣後令將舊管新收開除實存分為四柱。逐款開列。以昭明晰。○又奏准臨清工關短徵稅銀。准以戶關之溢額撥補免賠。撥騰溢收之項。照章彙給獎敘。○十一年奏准中江稅課。每年約徵收正耗銀三千三百餘兩。自改歸東達道徵收以來。一年零一箇

月共收正耗銀四萬四千餘兩較前多收十倍緣於九連城關卡之外擇其要路近在長甸河口沙河子三道浪頭遠在孤山莊河沿江一帶分別酌設局卡認真稽徵之故所有委員書手薪水工食銀兩擬提贏餘稅銀以八成歸公充餉其餘二成作為稅局經費以資稽查而裕稅課○十三年奏准各海關洋稅收支數目辦理未能畫一以致無從稽覈應飭通商大臣暨管關督撫將軍監督一體遵照前次奏案即將徵收洋稅及收支數目按照開列清單奏報一次仍按四結開單奏銷一次概不得以收支數目竄入原摺致令混雜仍一面造具四柱清冊暨支銷經費銀兩清冊分送戶部暨總理各國事務衙門以憑覈銷○又奏准嗣後實存銀兩務須列入次結舊管跟接奏報毋得遺漏○十六年咨准嗣後東海關收支各款如有不敷開支之處應即歸入次結支款項下開除不得於應存項下列一借墊名目前後轉轄致涉牽混

欽定大清會典事例卷二百三十九

戶部

關稅禁令一

禁令○順治九年題准各關差不許留用保家委官等項名色其額設巡攔各製號衣腰牌以杜冒充○十年題准令各關差刊示定例設櫃收稅不得勒扣火耗需索陋規並禁關役包攬報單○十一年覆准各關納銀數多給票數少者許商民首告議處○十三年題准過關船如有指稱內外官及旗下人夾帶私貨者該關官查明分別叅辦○又奏准各關當堂設櫃設梁頭貨物條例商民親自填簿輸銀投櫃驗明放行隱漏者治罪如有濫委差役苛索民間小船往來衣服食物者該撫查實叅處○十四年題准關稅照部頒條例刊榜豎立關口便商輸納○康熙二年題准外國人帶進貨物崇文門不必收稅○四年題准各關不許復用舊役○五年題准嗣後崇文門貨物出門者免稅○八年議准各關刊榜除去鈔貫字樣明載徵銀數目收稅單一様填寫三紙一留商人一送部查覈

○九年題准各關召募書吏不許舊役更名復
充○十一年題准裁各關典史攢典○十八年
諭各關額外橫徵差役四出擾害商民者該部嚴禁訪

○二十三年覆准福建廣東兩省許用載五百石
以下船出海貿易地方官登記人數船頭烙號
給發印票令防守海口官弁驗票放行撥船巡
哨如有雙桅八槳載五百石以上大船出洋夾
帶禁物及文武官弁藉端需索者皆從重治罪
其進海口內橋津地方貿易舟車等物停止徵
稅○二十四年議准江浙二省亦許出海貿易

其禁例與閩廣同○又覆准福建省沿海無蓬
桅捕魚船稅仍聽地方官徵收其有蓬桅船聽
監督照例徵收梁頭稅課沿海要口均撥哨船
衙役巡查○二十五年議准州縣官隱匿海口
之船至五船者罰俸六月十船以下罰俸一年
十五船以下降一級留任二十船以下降一級
調用二十五船以下降二級調用三十船以下
降三級調用三十船以上革職仍計所隱之船
應徵稅銀照數賠補○又

諭橋道渡口處所概行收稅於朕恤商之意不符著九

卿詹事科道會議具奏欽此遵

旨議定止收出海入海船稅進口內橋津地方貿易船
車等物仍停其徵收○二十八年

諭採捕魚蝦船及民間日用之物並餉口貿易悉免其
收稅○三十二年覆准設關原以通商便民近多違
例濫徵甚至小河小港以及近關之地旱路均
行攔截擔負之民盡行檢索嗣後令各該督撫
不時訪叅如別經發覺將該督撫一併處分○
三十四年覆准各關監督所給商人印單不許
撤回如有撤回多徵等弊該撫題叅議處○三

十六年議准關差赴任均照各衙門事例聽舊
官籤點經制書吏如有自京私帶積蠹及年滿
復充舊役謀占總科庫頭名色者嚴加議處○
五十年覆准閩廣江西等省客商從長江直下
蘇松者不許出鼈子門令赴北關納稅蘇松等
處客商往閩廣者任其行走若從海關激浦納
稅過鼈子門從長江行走北新關不收稅如姦
商偷過應行之路被獲治罪○五十二年議准
嗣後出差官攜家口赴任與不酌量關口足用
多帶家人及任滿回京不照題定兩月限內具

呈考覈。擅買田宅者。發覺之日。交與該部治罪。至衙役除解餉公事。仍赴京長接監督。在任買優置妾。及以缺額藉口。題請展限者。皆交部治罪。○五十三年。題准湖廣桂陽等四縣行銷引鹽。鹽壘串通太平關。權蠹阻留勒索。又太平關統轄三關。每過關船勒索銀橋錢。行令督撫嚴行禁止。○五十五年。議准瓜洲稅課司。每年額徵稅銀。向徵貿易小民。此後停其徵收。令揚州府同知代為捐解。並造入該同知經徵由。插額稅內。別款清解。如該同知再於商民私徵。該撫即行題參。其稅課大使。既無徵收之責。即令裁去。○雍正元年。

諭各關差除正額錢糧外。加增贏餘銀。作何減除之處。該部酌議具奏。欽此。遵。

旨議定。將淮安。北新。南新。鳳陽。天津。臨清。江。海。浙。海。荆。州。等九關。加增贏餘銀。悉行裁去。○二年。

諭國家之設關稅。所以通商而非累商。所以便民而非病民也。朕撫御寰區。加惠黎庶。惟恐民隱不能上達。近聞權關者。往往寄耳目於胥役。不實驗客貨之多寡。而止憑胥役之報單。胥役於中。未免高下其手。任

意勒索。飽其欲者。雖貨多稅重。而蒙蔽不報者有之。或從輕報者有之。不遂其欲。雖貨少稅輕。而停滯關口。至數日不得過。是以國家之額稅。聽猾吏之侵漁。以小民之脂膏。飽姦胥之谿壑。司其事者。竟若罔聞。又聞放關。或有一日止一次者。江濤險急。河路窄隘。停舟候關。於商民亦甚不便。嗣後權關者。務須秉公除弊。過關之船。隨到隨驗。應收稅者。納稅即放。不得任胥役作姦勒索。阻滯。以副朕通商便民之意。至於崇文門收稅。及分委各口收稅之人。亦有多方勒索。分外苛求之弊。京師為四方輻輳之地。行李絡繹。豈宜苛刻滋擾。監收者尤當不時稽察。杜絕弊端。各省關差。若不遵諭旨。經朕訪聞。定從重治罪。○又。

諭凡商賈貿易之人。往來關津。宜加恩恤。故將關差歸之巡撫。以巡撫為封疆大吏。必能仰承德意。加惠商旅也。但各關皆有遠處口岸。所委看管之家。人賢愚不一。難免額外苛求。及索取飯錢等弊。稍不如意。則縛送有司。有司礙巡撫之面。徇情枉法。則商民無所控訴矣。嗣後著將應上稅課之貨物。遵照條例。逐件刊刻詳單。印刷多張。各貨店均給一紙。使眾人知悉。其關上所有刊刻條例之木榜。務令豎立街市。使人

人共見不得隱匿屋內或用他紙掩蓋以便高下其
手任意苛索立法如此自能剔除弊端各省兼管關
稅之巡撫受朕委任之重尤當仰體朕心遴選誠實
可信之人以任稽察之責必期商民有益方為稱職
○又議准崇文門查驗緞紗等物令該商將各
物丈尺報明隨手抽一二尺驗看若以多報少
將該商照例治罪○五年覆准許墅關豆稅舊
例丈八梁頭納銀六十七兩三錢小販每石七
分近來丈八梁頭有改造深寬者令循例籤量
多者依數每石二分六釐遞加其過船倉限槽
餘豆亦每石二分六釐小販改每石四分○又
題准糧船於裝卸馬頭產貨地方令押運官及
沿途催運文武官弁親身查驗如有不法姦丁
舵工水手人等沿途停泊攬載多貨立即申報
題參將運丁照漏稅例治罪貨物入官拏獲之
兵役量加賞給如有明知故縱及漫無覺察者
將該管運弁並地方官皆嚴加議處○又奏准
各商船戶不許私走支河務須直赴關口按例
輸課如有包送漏稅及隨帶軍器恃眾拒捕等
弊姦徒姦商船戶按律究治地方官議處至於

近關土豪或係無賴或係革役成羣冒充巡攔
撐駕白船橫截汊港要路攔阻鄉民柴米食用
器具不應納稅之物勒索銀錢者許監督地方
官弁協拏究治○又奏准回空糧船許帶土宜
六十擔免其輸稅伊等勢必將貨分散各船侵
欺稅課嗣後回空糧船所載梨棗等物仍令輸
稅○又奏准許墅關嗣後徵收大梁頭船裝載
豆貨活梁頭船裝載米貨均令籤量計石收銀
四分其細緞每擔輸稅銀二錢六分以七十五
斤為一擔布每擔輸稅銀二錢五分以百二十
斤為一擔桐油一擔輸稅銀一錢二分至各色
貨各樣船應徵條例並令刊刻木榜曉諭商民
其各關徵收稅銀亦令各關監督將各處現行
徵收條例據實陳奏刊榜曉諭毋得陽奉陰違
儻經接任官查出從重治罪○又題准臨清關
徵收米參稅銀照許墅關之例籤量計石每擔
納銀二分二釐雜糧照原額每擔一分一釐船
戶應納正糧仍照舊徵輸○六年覆准民間耕
馱需用騾馬匹往歸化城換買准由殺虎口
經過納稅如有違例禁阻即行題參○七年

論各關開放商船。向例有部頒號簿。近聞各關別設私簿。徵收惟於報部之時。始將號簿挨日填造。其意以水路船往來多寡不齊。若據實填簿。則不能逐日有徵收數目。恐干部駁。是以設法勾派填造。如此則簿內全非實在數目。與商船過稅串票。毫不相符。殊非政體。且凡事據實。則可以無弊。作偽則弊竇叢生。今既任意勾派填造。則號簿亦為虛設矣。嗣後各關於部頒號簿。務須據實填寫。儻無船過稅之日。亦即註明。不得仍蹈前轍。如敢故違。定嚴加議處。該部亦不得濫行指駁。致滋弊端。○又奏准浙省南北兩關。及

浙海關稅。徵收稅銀事宜。均令刊立木榜。以便商旅。其嘉湖兩府南糧。並民間完納漕糧租米等項進關。原非商販。其船稅一概免徵。○又奏准鳳陽關所轄之正陽關商船。以豫斛三百石為滿料。關下裝船。以五百石為滿料。多餘者為加倉。不足梁頭者為小販。光州雜貨。以擔計稅。簷蓬竹木。以件計稅。臨淮長淮。照梁頭例。盱眙等本處裝載。照關下例。臨淮梔封船鈔。每丈納銀二兩二錢。每增減一尺。各增減稅銀三分。並令將各口條例刊榜曉示。○又覆准各省解送

官銅及辦公一切物料。到關到廠。查與本省批文數目相符。免其權課。儻有多帶。俱令按例輸稅。○又覆准崇文門乃五方輻輳之地。商販多於外省。凡有貨到。而本客未至者。令店鋪代報納課。儻有不肖店鋪。漏課指商。按例究治。○八年題准天津關向來收稅一兩。加戥耗一分八釐。船料一兩。加戥耗五分八釐。著永行禁革。○又題准嗣後有黃金販賣出洋者。照鐵貨銅錢等物。私出外境。下海律治罪。其監督守口文武官弁受賄故縱。與犯人同罪。失察者。照律參處。

○又題准採捕魚船。夾帶米穀。皆由私牙代買。圍戶豫積。小船搬運。停泊游移之故。嗣後米牙必擇身家殷實。取鄰甲同行保結。如串商代買。本人並濫保者。一例治罪。其海口居民。多行囤積私糶者。鄰甲舉首免罪。止究本人。容隱發覺。並行連坐。外來船均令進口停泊。其各澳小船。令地方官按數查明。編號入冊。取具互結。令各營縣汛口官弁。兵役實力稽查。如有盤出私米。及首報者。准其賞給十分之三。在洋拏獲者。給半。餘入官充公。仍飭巡查兵役。不得將海口居

民食米指稱私積詐害。違者按律治罪。○又題准福建沿海各屬。給照通糶米穀。令各營縣官弁查驗。照內買米地方。准其買足。即於照內註明數目。移知原籍查對。如逾地偷買者。拏究該地方官弁。或故縱奉行不力者。指名題參。○九年題准山海關之西北石門寨等處。梨稅准其每包減稅一半。止納三分。以恤窮民。將各稅徵收火耗酌定。以每兩扣耗二錢。其二錢二分者。減去二分。二錢五分者。減去五分。○又議准廢鐵潛入邊境及海洋販賣者。一百斤以下。杖一百。徒三年。一百斤以上。發邊衛充軍。若賣與外國。及明知海寇賣與者。絞監候。沿口近邊關隘官弁。有徇私故縱。該管上司題參。○又定鐵鍋出洋。照廢鐵之例。一體嚴禁。○十年議准徵收商稅條例。令管關者刊刻散給。未免隱匿。由已應行。令各督撫轉飭附近關口之地方官。將題定現行條例。刊刷小本。頒發各行戶散賣。每本定價銀二分。以為刊刷之資。仍委官不時訪察。如各關木榜。有黏貼掩蓋。及書役苛索等弊。即詳報上司題參。至地方官刊發條例。有不詳晰。

校定遺漏錯誤。或扶同徇隱者。一併參處。○十二年

論直省關稅監督。於地方官原不相統轄。一切呼應不靈。而大小口岸甚多。監督一人。勢難分身兼顧。雖選委書吏巡役。共同親信家人稽查收放。而地方文武官弁。以為無與己事。並不協力。或轉挾私。則姦商之隱漏。土豪之把持。督撫或不關心。監督動則掣肘。不獨於稅務無補。即於地方亦難免擾累。嗣後凡有監督各關。著該督撫監管。所屬口岸。飭令該地方文武各官。不時巡查。如有縱容滋擾情弊。聽督撫參處。至監督徵收稅課。及凡應行事宜。仍照舊例遵行。不必聽督撫節制。如此既有專司。仍無敢歧視於稅課商民。似均有裨益。○十三年

論聞江南淮安板橋地方。有土豪人等。開立寫船包載等行。由該縣濫請司帖。合夥冒充。為客商之擾累。曾經該關差追帖禁止。而土豪等仍改易姓名。盤踞准關上下。凡有南河北河。西河三路。豆米貨船。內有重載。在於關口雇覓小船起剝者。輒恃強代雇。任意勒索。使用不廢不休。客商甚為苦累。每致觀望不前。朕得之傳聞者。著該督撫再行確查。儻果有此等情弊。

即嚴懲禁止。毋得視為具文。嗣後布政使司衙門亦不得濫給牙帖。若他處關口有似此作弊者。著該督撫一例查禁。又題准山東青白二豆。素資江省民食。雖不在例禁之內。但沿海載運商船出入。理宜設法稽查。以杜偷賣。應令山東海口各州縣衙門設立兩聯印票。凡有豆船出口。將商客船戶年貌籍貫。本船字號。梁頭尺寸。二豆數目。出口月日。逐一填註票內。一給商船。一留該處存查。該船到次。由海關進口上稅者。該關驗明人船豆數相符。即於來票內填明到口日期。鈐用關印。仍將船票交商進口。俟賣完回東。呈送原給衙門驗票查銷。其由劉河收口者。亦令該關別設豆船印票。發存口岸。俟豆船進口上稅之時。即將印票驗填進口日期。將山東來票截角一併交與本商回東呈繳。其有江南客商在東買豆回省者。亦由山東給予印票。俟回省將票繳存關口。一月彙移覈銷。仍令山東州縣衙門每月將給過豆船票號造冊申請咨送江南稽察江南關口。亦將每月到關驗過豆數造冊申齋咨送山東較對。至前次已經出口之船。於下次出

口船票內。令山東各州縣衙門照數開載。聽江南海關體察前船曾否到省。如有未到。即關會確查。嗣後山東豆船。僅無印票而載運出口。及有匿票私賣。並與原票不符之處。一經查出。根究明確。將無印票而載運出口。及匿票私賣者。船豆皆入官。販豆人等。照偷運米穀出洋例治罪。其與原票不符者。果有私賣外洋情事。將船豆亦皆入官。販豆人等。亦照偷運米穀出洋例治罪。如無私賣外洋情事。或因出口之時。二豆數目未經覈准。有與原數短少無多者。將販豆之人。照違制律杖一百。船豆免其入官。如該管官不行詳查。致有偷漏私越。照失察偷運米穀出洋例。罰俸一年。又議准各關將徵收稅條刊書大字。立於關口。不得書寫小字。懸立僻處。違者該督撫題參。又近關前後數里內。有設巡役者。悉行革除。以安商旅。又議准各省督撫兼管關口。於委員之外。又派家人巡查關務。應令所委管關之員。不時查察。毋任該家人等苛索侵漁。又各關巡役。每於商賈未行納稅之時。先索飯錢。應通

行嚴禁。至近關前後濫設之役悉令撤除。違者
叅劾治罪。○又覆准嗣後貨船到關即令商人
將貨物艙口據實開具清單赴關查驗果無遺
漏算明稅銀填具單簿將單給商收執每日早
晚兩次放關隨即驗單截角再於單尾填明到
關放關時日以便稽查。○又議准甯古塔地方
商人換得貂皮等物報明該處大臣回來起票
時俱填入票內所過關口查驗課稅如不報明
偷藏越過查出從重治罪物件入官。○乾隆元
年

諭朕聞外洋紅毛夾板船到廣時泊於黃埔地方起其
所帶礮位然後交易俟交易事竣再行給還至輸稅
之法每船按梁頭徵銀二千兩左右再照則徵其貨
物之稅此向來之例也乃近來夷人所帶之礮聽其
安放船中而於額稅之外將所攜置貨現銀別徵加
一之稅名曰繳送亦與舊例不符朕思從前洋船到
廣既有起礮之例此時仍當遵行何得改易至於加
增繳送稅銀尤非朕加惠遠人之意著該督查照舊
例按數裁減並將朕旨宣諭各夷人知之。○又議准
嗣後如有姦徒偷運米穀接濟外洋者照出洋

船隻多帶米糧接濟外洋例擬絞立決其有希
圖厚利但將米穀偷運出口販賣並無接濟姦
匪情弊者計算米一百石以上穀二百石以上
照將鐵貨潛出海洋貨賣一百斤以上例發邊
衛充軍米一百石以下穀二百石以下照越渡
關津律杖一百徒三年至米不及十石穀不及
二十石照違
制律杖一百仍枷號一月示儆為從及船戶知情者
各減一等米穀船隻照例變價入官其在內地
河港販運接濟民食並不出口過海者不在違

禁之例地方官弁不得藉詞攔阻至偷運米穀
出口及在洋接濟姦匪該管之文武各官除知
情故縱仍照違禁貨物出口律治罪外如失察
偷運米一百石以上穀二百石以上將各員弁
均降一級留任米一百石以下穀二百石以下
罰俸一年米不及十石穀不及二十石者罰俸
六月。○又覆准邊海居民採捕魚蝦單桅船隻
概免納稅如有違例徵收即行題參。○二年奏
准殺虎口肩擔背負攜帶箕筐筥帚鞋襪麥麩
等物免其輸稅其與販積成車馱捆擔者仍照

例輸納。○又覆准各省米穀稅例。龍江。西新。山海。贛。殺虎口。張家口。閩海。江海。太平。南新。廟灣。成都府等處。皆稱向來並不徵收米穀之稅。崇文門。打箭鑪。與揚州之滕壩。均收酒米之稅。其餘豆麥雜糧。概不徵收。均應遵循舊例。毋庸議外。至九江。粵海。蕪湖。鳳陽。清江。廠。北新。天津。浙海等關。並廣西之桂林。平樂。梧州。潯州。富川。賀懷集等府縣。皆稱徵收船料。揚州。由牘。淮安。宿遷。臨清。濟寧。慶關等處。皆稱籤量計石。按例徵稅。未便遽行更張。但米穀為民食所資。與百貨不同。若不分別豐歉。概行徵收。恐歉歲省分。致增米價。有妨民食。嗣後舊徵米稅。船料各關。除豐登之年。遵照舊例。按則徵收外。儻地方偶遇旱澇。其附近省分各關。令該督撫。即將被災情形具奏。請旨寬免。凡米穀船一到。即便放行。俟該地方秋收成熟。方准按照舊例徵收。再廣東開建。恩平。三縣。米船稅銀。均屬奇零。商販不同。外省大商巨艦。永停徵收。○又議准沿海地方。內商出洋。暨洋商入市。每船覈計人口。及往返程期。每人糴米。

日以升半為率。毋許逾數。奉天省貿易商船。往天津者。每名准帶食米三市斗。往山東者。准帶五市斗。往江南者。准帶一市石。往福建。廣東者。路程雖遠。然經由浙之甯波。江南。劉河等處。可逐程買補。亦准帶食米一市石。令各船戶出口時。呈明驗放。如定數之外。再有多餘。以私販治罪。○三年奏准。回空糧船。捎帶零星。梨。棗。六十石以下。免其權課。○又覆准。凡裝載米糧船。查明實係販往。款收地方者。免稅放行。仍給印照。至款收地方。關口查驗。填明到關月日。鈐印發票。令其回關查照。如回船載有他貨。止徵貨稅。免其船料。儻販米船。不往款收地方。卸賣者。仍照例輸稅。如有捏稱。販往款收處。給有過關免稅印票。而竟往他處販賣者。查出。照漏稅例罰懲。○又

諭。今春因直隸米價昂貴。朕特頒諭旨。將天津。臨清。二關及通州。張家灣。馬頭等處米稅。寬免徵收。商賈聞風踴躍。往來販運。民食無缺。已有成效。嗣因二麥有收。經管理天津。關報部。行直督。察覈。隨經督臣覆奏。照例開徵在案。近因沿河地方。被水較重。附京一帶。

米價加昂現在又開海運商販必多仍應免輸稅銀以示鼓舞著將內河前項米糧各稅一併暫停徵收俾商賈爭趨雲集於畿輔民食自有裨益即速行文督臣等知之○又題准出海樵採船每船准帶食鍋一口每名止許攜斧一把在船人數不得過十人令地方官俱於照內註明出入查驗有夾帶出口及進口缺少者即行嚴究○又覆准松江等屬給有印照出洋樵採小船按海道遠近人數多寡每人日准帶食米一升餘米一升○四年奏准許墅關續設蠡口港等十三處王莊等十處顧二房廊下等五處口岸巡攔稽查偷漏暫為存留毋庸裁汰仍不作報部經制其附近鎮集船載米不及十石及農民交租辦糧質當米麥並本地土貨概不得徵收稅銀○五年奏准嗣後在京在外官員家眷船過關除無貨物照常驗放如有姦牙土豪假捏京官名帖討關等弊該管官即行拏究或京官子弟執持父兄名帖討關夾帶貨物希圖免稅者照例叅處如該管關官不行詳查及明知瞻徇者一併議處○又覆准贛榆縣雜糧黃豆照東省之例許令

運往劉河糶賣○又定各處差船並裝載官物給有勘合火牌者合計程站人口每名日需帶食米一升煤一斤儻有多帶及夾帶別項貨物船戶究處差官查叅○六年奏准嗣後各關領帑委官採辦錫銅鉛經過關口查驗文批數目相符立即放行不得收納稅課其有額外多帶餘銅及夾帶別項貨物則照例徵收如有偷漏情弊令該監督報叅其運載船既照時價給發水脚仍輸納船料○又題准嗣後各省發帑委官採買賑濟及糶三補倉米穀經過各關口免

其納稅止徵船料○又

論外省關課皆久經該督撫就近稽查除現設口岸報部有案者照舊設立外其有私行增添之口岸逐一詳查報部應留者留應革者革此番清查之後司權之員若再有違例苛索者胥役嚴處官吏嚴叅該督撫不行查叅經朕訪聞必於該督撫是問○又覆准裁撤許墅關之黃埠墩○又覆准北新關之大嶺一處裁革至姚石陡門松木古蕩南北中塘獨松關千秋嶺四處嗣後五六兩月絲期該關派出差役報明督撫備案止許在額定地方巡

查外來私售窩固絲斤不許越境將民間原不
售賣絲斤指為漏稅並於查絲之外藉端擾累
如違將巡役究處○七年覆准北新關經過米
船照舊徵收梁頭課銀不必計石科稅其空船
過口亦照舊免其納料○又

諭朕惟惠養萬民之道以輕徭薄斂為先自御極以來
於蠲租減賦外豁除各省關稅不下百萬又令將稅
課規條刊刻木板徧行曉諭不許額外徵收宜其商
民均霑惠澤行旅各安牧圉乃近聞各關過往商旅
尚不能普被恩惠怨聲嘖嘖究其由來皆因司權之

家人胥役巧立名色重斂徵收勒指需索弊端百出
不飽其欲則逗遛不肯放行大為行旅之害是國家
徒有減稅損上之德而商民未受減稅益下之恩無
知者尚嘵嘵於稅課之重所謂不揣其本而齊其末
即使再減數百萬額稅用是以往朕知其於商民仍
屬無益也夫司權官員一任家人胥役肆橫無忌漫
無覺察商旅其何以堪朕思督撫有稽查通省之責
凡屬地方利弊何一不當留心釐剔而關稅弊竇若
此朕在京尚有所聞督撫身在本省豈竟一無聞見
乎總因視非己事故爾漠不關心耳嗣後著該督撫

嚴行訪察遇有此等弊端立即嚴拏重究如司權官
員瞻徇袒護亦即據實奏聞不得視為具文以奉旨
之後一查即可了事務期實力稽查俾商民永無苦
累朕再有所聞或被科道指實奏朕惟該督撫
是問○八年奏准江蘇省起運賑糶米穀非同客商
米穀是以給發水腳止能計站數給而經由關
口難於豫定不能包算船料在內其從前酌定
腳費每米穀一石每百里給銀八釐之例既無
應輸船料在內而較之民間雇募腳價實屬短
少每遇撥運雇覓之時船戶率多畏避若再令

其完納船料勢難賠累應將在官撥運米穀免
徵船料○又覆准凡產米之地令各海口文武
官每月出具並無粟米出洋印結呈送督撫提
鎮存查○九年奏准嗣後福建如遇歉收之年
委官於米賤省分購買海運接濟不得招商販
運以滋弊竇○又奏准凡來京之蒙古除進貢
物件乾糧茶葉自京帶去俸祿

恩賞緞布照例查看放過若隱漏不交稅課或替商
人偷運物件過關將蒙古及希圖傲幸之姦商
一併治罪○十年題准福建省臺灣一府產米

素饒泉漳諸府多仰給於臺粟今商漁船搬運過多以致漳泉諸府失所援濟嗣後商船每船止許帶食米六十石於出鹿耳門之先令臺防同知查驗有多帶者分別責懲餘米就地起賣儻不能驗明致有夾帶至入口盤出或別處發覺者將該同知照例分別米穀多寡議處其沿海港汊紛歧難免偷漏令地方文武官弁實力巡查拏禁○十二年覆准福建省舳仔頭船桅高蓬大利於走風未便任其置造以致偷漏永行禁止以重海防○十三年覆准偷運麥豆雜糧出洋者照偷運米穀之例科斷○十四年覆准將紅黃銅器銅斤私販各洋貨賣者分別治罪貨物船隻入官其關汛員弁不行按拏知情故縱者革職如係賣放照例治罪若止失察降一級調用○又覆准麥豆雜糧到關輸稅時稅單填明數目並發賣地方出口時守口員弁驗明關照稅單加戳掛號放行入口時守口員弁查驗若領單出口遲久不到及入口查驗無糧石者追拘訊究○又奏准商人自奉天省回時大船帶黃豆二百石小船帶一百石儻有額外

多帶分別治罪歛收之年隨時禁止○十六年覆准領運銅鉛各員俟交局之後將贏餘數目報明戶工二部行令崇文門照經過各關應交稅課通盤覈算照例納稅如有以多報少照漏稅律治罪○十七年定恰克圖庫倫等地方商販牛羊駝馬令由張家口進關納稅應進古北口者止帶馬數匹羊數隻查明實非商販聽其自便○二十二年覆准商販赴豫米石經過鳳陽九江等關照例免徵稅料但各關距豫遠近不同不無姦商藉赴豫蒙混過關等弊令各該關凡遇商販米船經過查有本地方官印票開明赴豫者暫給免稅照票聽其過關仍令於運往之災地取具州縣官回文俟回船抵關時呈驗方免其追繳如回船時並無災地回文或不回過該關即以漏稅論照例緝拏追繳○二十四年議准各省絲斤綉緞違例出洋分別治罪船隻貨物入官失察之文武各官議處○二十五年覆准粵海關一切陋規名色俱行刪除統作歸公字樣將更定條款刊榜曉示如吏胥格外需索照例嚴懲○又奏准出洋採買官銅額

商每船配搭紬緞三十三卷每卷照向例計重一百二十斤。責成乍浦上海二處照例秤驗。並將該商裝載糖藥紬緞各數及所收稅銀出口日期報戶部查覈。○二十六年覆准鐵器一項殺虎口於商販出口時詳細查明如係農具及民間日用器物按則徵稅將名色件數註於票內。今商持票赴口驗放仍令監督將應行禁止與毋庸禁止之物刊榜曉諭。○又奏准運員餘贖銅鉛點錫應納沿途各關稅課差竣回省之日於應領養廉等銀扣存解部。○二十七年覆准嗣後一應官民船隻過關均應查驗輸稅至各省貢船將貢物開單用印文知會關口查驗此外凡有貨物均令納稅如監督意存容隱該督撫即行題參。○又議准南自閩浙北自錦州登萊來江南船隻並通州土貨經渡劉河等口者歸海關收稅其湖廣江甯自江而下及北來由淮揚之船盡收京口由許墅關收稅外海船不許私入江口以重洋禁。○又覆准許墅關向由鋪戶代客完稅包攬居奇舞弊無窮盡行禁革聽商自納如書役苛索聽其稟究至貨船到

關應先行查驗籤量明白令其赴關納稅過關後不得稽留並委佐雜四員督同籤驗貨物稽查鋪戶書役等弊半年一換儻不能稱職即行撤回如有地棍盤踞串通舞弊等事該督撫查出嚴行究治並將坐關委員監督奏請議處通行各關一體嚴禁。○又覆准許墅關貨船到關先聽本商報稅於過關後逐一籤量若有少報照例示罰。○又奏准天津關有偷漏者按稅加罰三倍一半賞給巡獲人役一半充公。淮安關每貨百石籤多十石以上者除正稅外仍罰一倍多二罰二多三罰三。北新關匿漏稅貨查獲量罰一二倍。○又

論英吉利夷商伯蘭等以絲斤禁止出洋夷貨艱於成造願懇代奏酌量准其配買情詞迫切前因出洋絲斤過多內地市值翔踴是以申明限制俾裕官民織絀然自禁止出洋以來並未見絲斤價平亦猶朕施恩特免米豆稅而米豆仍然價踴也此蓋由於生齒日繁物價不得不貴有司恪守成規不敢通融調劑致遠夷生計無資亦堪軫念著照該督撫等所請循照東洋辦銅商船搭配紬緞之例每船准其配買土

絲五千斤。二蠶湖絲三千斤。以示加惠。外洋至意。其頭蠶湖絲及紬綾緞疋。仍禁止如舊。不得影射取戾。

○又奏准夷商配帶絲斤。內准絲織紬緞斤數。照八折計算。統在八千斤數內。不許額外多帶。

○二十八年覆准古北口設立稅局。交張家口監督稽徵。嚴防繞漏。如進口牲畜。在多倫諾爾等處報明納稅者。毋庸重徵。若未納稅。照例收課。其外藩蒙古王公台吉等來京。所帶騎馱馬駝口食羊隻。例應進口之項。毋令關役藉端滋擾。至張家口商販到關鐵器。照殺虎口之例。納稅出口。○又覆准山東省豆石。聽商由海販運。江省內地發賣。久經奏定章程。江省之上海劉河。與浙省之甯波各海口。同屬內地。照運赴江南之例。聽商由海販運來浙。以資接濟。至各汛口稽查之法。悉照運江成例辦理。○又覆准天津關苑口等十三處過往貨物。俱按部頒則例稽徵。不得仍前減收。曉諭商民。遵例完納。○又覆准各關陋規。現據查明。應留應革。款即會同各該省督撫。分析奏報。除武元城殺虎口。贛關荆關。九江關。打箭鑪。慶關。渝關。八溝。多倫諾爾。

潘桃口。涿州。梧州。辰關。崇文門左翼右翼中江等處。並無陋規。外其應留款內。如西新關之飯食一款。浙海關之件頭飯食一款。閩海關之平餘罰料。截曠三款。粵海關之規禮擔銀。併平罰料。截曠。以及舟車飯費等六款。太平關之併封平餘一款。淮安關之飯食罰倍二款。坐糧廳之飯銀。單錢。票錢三款。山海關之飯銀一款。張家口之飯錢一款。實因各該關口公用浩繁。勢所必需。商民日久相安。並無苛累。准其照舊存留。至鳳陽關經牙一款。係從前奏明之項。准其留關充用。仍嚴行查察。毋令經牙潛行包攬。以清弊竇。又臨清關之米麥雜貨徵收。貼併飯銀二款。天津關之罰倍。捆馱船隻銀錢三款。武昌廠之順風錢。文輸金銀兩二款。南新關之算單寫單鈔號蓋戳。並各口書總錢文五款。北新關之大關查驗各口查驗船書。掛號單書。寫單各錢文。及罰倍銀兩五款。揚關由牖之看艙規費一款。鳳關之起票驗照看艙三款。胡納胡河之印戳制錢一款。奉天牛馬稅之火耗飯錢二款。皆係經費必需。勢難裁減。且數目零星。不為苛擾。

准其存留。但其中銀錢數目。各有參差。恐關役人等藉端影射。漸滋他弊。令各管關督撫監督。指定徵收款目。刊刻木榜。豎立各關口岸。俾來往商民咸知遵守。又蕪湖關戶工幫貼飯費二款。與應革款內。江海關之駁票給單掛號油燭飯費看艙錢文五款。揚關由插之給串票錢一款。應按款裁革。以免滋弊。至報出銀兩於收稅款內。均改充公字樣。以昭遵守。儻此次清釐之後。各關仍有未經報出銀款。及陽奉陰違。格外多取情弊。一經查出。除該關人役從重治罪外。

並將失察之督撫監督等。嚴加議處。○又奉

旨。琉球國疏請配買絲斤。情辭懇切。著加恩准其歲買土絲五千斤。二蠶湖絲三千斤。餘悉飭禁如舊。○又奉

旨。將古北口稅局撤去。嗣後張家口商貨繞越私行者。仍准派役稽查。○二十九年覆准。浙江省往東洋辦銅商船。每船准帶細緞三十三卷。廣東省外洋商船。每船准加帶粗絲二千斤。至本港商船。每船配帶土絲二蠶絲共一千六百斤。細緞八折扣算。○又覆准。江蘇省往閩粵安南等處商船。

每船准帶糙絲三百斤。浙江省內地商船。往東洋辦銅。及南洋等處貿易者。每船准配土絲一千斤。二蠶糙絲一千斤。福建省海洋內外商船。每船許配帶土絲一千斤。二蠶糙絲一千斤。○三十年奏准。琉球國歲買絲八千斤。內改配細緞二千斤。照夷商配買之例。每細緞一千斤。抵絲一千二百斤。○三十一年奏准。許墅關漏稅照稅倍罰。○三十三年覆准。歸化城出產油酒煙皮張等項。及關東等處發來商貨。從草地行走。未經殺虎口徵稅者。俱為口外土產。歸化城

按則抽收。其內地一切雜貨販運出口。經由殺虎口納過稅銀。到歸化城入鋪零星發賣者。不再重徵。若貨物運抵歸化城以後。商販車載駝運。又販往他處售賣者。則無論土產與外來貨物。均於出柵時。按則收稅。至民間零星日用物件。如布止一二尺。煙僅兩三包者。不在收稅之例。嚴查家人胥役。毋許苛擾。○又奏准。嗣後押送官辦貢品。俱令開單。行文各關照數查驗。按例稅課。如有隱匿夾帶。立即拏究。將押運員役治罪。仍將到關日期。並驗放數目。具文交該差

來京呈報各該處查對。儻有贗徇致蒙混脫漏者。查出照徇庇例議處。○三十四年議准九江關木牌到關。向由保家引領完稅。全行禁革。令商自納。以杜串通滋弊。仍派員督看商人親填印簿。設立兩聯串票。一給商人。一存本關。以便查對。並飭該監督毋許於經制書役之外。濫用白役。○又覆准九江關每正稅一兩。徵平餘銀一分。以為添補飯食巡役賞需之用。毋得於一分之外。藉名多索。○三十六年覆准北新關屬之滬口城南務二處。各設巡船二隻。查察偷出籠子門貨物。其上江船隻。驗有海關稅單者。不得重徵。千秋嶺一處。派撥單書巡役常川住守。查驗貨物絲斤。押赴大關查辦。仍不准徵本處土貨。○三十七年奏准商人船隻出洋。務須查明各商真實姓名。何處人氏。居住何地。及往何洋貿易。今地方官給照至口呈驗。方准放行。其從外洋販貨進口者。亦必詳查人貨。訊明經由何洋。概行註冊。○又覆准嗣後奉天省黃豆。歉收之年。仍隨時禁止。如歲屬豐收。各海船於到奉天之時。任商販運。毋庸限以成數。所有海運

黃豆。豆餅。經由山海關。著照臨清關科則。每石徵銀一分一釐。○又覆准河西務查驗重運漕船。起剝粗細貨物。數計在例帶土宜一百二十六石數內。免其權課。其額外多帶之貨。仍照例徵稅。○四十一年奏准各省撥運米穀。督撫原俱給有委牌。嗣後令於委牌內。填明撥運米穀數目。經過關口。驗實放行。其所雇船隻。應納過關船料。責成撥運各原省之布政司。於給發船戶雇價內。照則扣除。知會各關。免其重納。○又奏准客商漏稅。照例治罪。若所漏之稅無多。分別議罰。免其究治。又閩海關漏稅數錢至一兩者。倍罰其稅。一兩以上至三兩者。三倍。三兩至五兩五倍。粵海關漏稅五錢以上。加罰一倍。一兩以上。兩倍。二兩以上。三倍。三兩以上。四倍。四兩以上。五倍。五兩以上。貨物一半入官。○又奏准海洋商船。令報明海關監督及地方官。確查取結成造。將船身烙號刊名。查明在船人口。填給執照。出口時呈官驗放。舵水人等遇有事故。許船戶召募。請照頂替。如有詭名頂替。及多帶舵水人等。汎口官盤查不實。或有勒指情弊。分

別議處其在洋商民因風屆期不能回籍該管海關廳縣給照行知該地方官俟回日報銷○又奏准山海等關一年之內控獲人獲至二十斤珠子至四兩者巡查人等賞銀二十兩每獲二十斤珠子四兩遞加賞二十兩該管官議敘若搭查不致私帶過關者官查議役責處○又覆准歸化城徵收稅銀四冊之外商販多有繞道偷越責成該處營弁於巡防之便在和林格爾東白塔兒二處查察如有偷漏拏送管稅道員查辦○又覆准綏遠城所開麵舖在本城發賣兵民零星食用者不准收稅如有車載馱運他處售銷者照歸化城之例一體收稅○四十二年奏准緬匪需用之黃絲等貨不許販至潞江緬甯隘口該處刊刻木牌榜示路口有私販出關者查出貨物入官本犯究處○四十五年奏准琉球國貢船來閩及事竣回國所帶貨物概免徵稅○又覆准九江關之西二十里有漢河一處名二套河即大江之支流向有土埂二條阻截舟楫如夏月水漲漫溢土埂細小木把從此偷越自宜臨時相機設法稽查如非水漫

之時仍從其舊毋許藉此添派官役多設一口致滋紛擾○四十六年覆准旗人賣買房地如有赴大興宛平二縣私稅民契照違制論仍令赴左右兩翼補稅換照如大興宛平二縣知情私准納稅亦照違制律議處○四十七年覆准嗣後外洋夷船進口貨物應納粵海關稅銀照舊於回帆時輸納出口貨物稅銀令保商代置貨物時隨貨扣清先行完納○四十九年奉

旨嗣後粵海關珍珠寶石概不准徵收稅課著為令○

又奏准福建省蚶江口原屬海關泉州稅口管轄商民出入販運船經泉州既已徵輸蚶江一口止設員役稽查不復科稅○又覆准福建省泉州府晉江縣屬之蚶江口臺灣府彰化縣屬之鹿仔港設口開渡其廈門商運船隻仍照舊編記冊檔出入挂驗不許越赴蚶江渡載蚶江商漁船隻出口責令蚶江通判驗明編號挂驗放行如有違例偷渡人照不符及夾帶禁物等項查拏究治若文武官員故縱失察分別參處至鹿仔港海口出入船隻令鹿仔港同知查察

○又覆准山東奉天二省豆石商民運到浙江甯波鄞港銷售有餘准福建商船購運回閩令鄞縣驗明豆數填給印票並於船照內註明裝豆數目運回何處貿易字樣赴浙海關納稅出口時防守汛口員弁印戳掛驗放行仍按月造冊關會福建進口處所稽查如有遲久不到及到口查驗無豆石者即行查究○五十年定福建省商人在浙江購運豆石鄞縣填給印票每票不得逾一百石守口員弁查驗如無鄞縣印信即係私運雖有別衙門鈐印概不准放○五十一年定台州温州二府商民在鄞港販買豆石海運回籍照轉運福建省之例每票以百石為率令鄞縣驗明豆數填給印票赴海關納稅並於船照內註明裝豆數目運回何處字樣汛口員弁蓋戳掛驗放行仍按月造冊移知往賣之縣查察如遲久不到及到口無豆石者嚴行追究○又定崇文門向來每月初一十五二日因天津引鹽入城俱由崇文門驗放車輛過多恐有夾帶偷漏是以停止過務今引鹽陸續進城兩無妨礙令其初一十五日照常投單過務

以便商民○五十四年

論安南向通貿易自設禁以來罕有內地貨物民用所需諒必短絀今該國王輸誠效悃以就藩封其境內黎元皆吾赤子著該督撫將水口等關即令照常貿易以副朕胞與為懷一視同仁至意○五十五年奏准緬甸所需絲絀鐵紙等物開關通市所有內地商民販貨出關責令永昌府騰越州順甯府收稅給照運至騰越州所轄之杉木籠暮福二處及順甯府所轄之南河口驗照放行內地商民販貨回關並緬夷運貨進關即由杉木籠暮福南河口收稅給照運至騰越州順甯府查驗其普洱府所轄路通緬境之車里各土司內地小販挑負往來貨物無多不須設口令思茅同知於南關地方撥役稽查○又覆准臺灣府屬淡水八里坌對渡五虎門設口開渡所有渡往臺灣商民在福建省置貨貿易不能赴原籍領照者令行保查明具結報福防同知就近給照移明淡水互相稽覈其由淡水內渡免其給照今取具行鋪認保開明姓名年貌籍貫由船戶持交管口員弁驗戳放行儻商民不由行保出

結報明該管同知衙門給照私自偷渡者以私渡關津論行保人等知情故縱與偷渡之人一體治罪至沿海小港如福甯府屬之南鎮等汛興化府屬之涵江等汛廈門之大擔小擔等汛漳州府屬之島嶼等汛均可直達臺灣而淡水之八尺門彰化縣之海豐港嘉義之虎尾溪鳳山之竹仔港皆可容小船出入責成沿海各屬及守口員弁實力查禁如拏獲無照船隻私渡者船戶照越渡緣邊關塞律治罪船隻入官若文武官員有故縱失察情弊分別叅處其有照商船因風漂泊收岸者驗明牌照放行○五十六年覆准內地赴安南貿易商民先由本籍報明地方官填給姓名年貌籍貫並貨物人數印照如貨少人多不得濫給其從平而水口兩關出口者將印照呈報龍州通判查驗給予腰牌從由村隘旱路出口者呈報甯明州驗明給票行至明江再由該同知換給腰牌至南甯府流寓商民置貨赴安南貿易者赴宣化縣呈報就近給照其各處商民行抵南甯府將原貨出售另置南甯之貨出口者由宣化縣查驗換給印

照前往仍令關隘營弁驗明人貨與牌照相符立即放行不得留難自安南進口商民驗明牌照立時放入不得指阻違者分別嚴叅倘有出口商民年貌人數貨物與牌照不符經關隘營弁查出即行逐回並將濫給照票之原籍地方官叅處○五十七年覆准赴安南貿易商民所置之貨由潯州梧州兩廠收稅龍州隘口免其徵收

欽定大清會典事例卷二百四十

戶部

關稅 禁令二

嘉慶四年

諭向來漕船准帶土宜一百二十六石例不報稅者再加恩准其多帶土宜二十四石共足一百五十石之數○五年

諭上年將關稅贏餘酌加裁減原以體恤行旅加惠商民在各關監督等自當仰體朕恤商惠民之意不敢於正稅之外復有勒索擾累之事而所派之巡役家人等難保無肆意苛求藉稽查稅務之名妄行勒索情弊現在盧溝橋彰儀門經管稅局人役竟有訛索過往行人銀錢等事業經分別懲治輦轂之下尚敢如此其餘各省關稅種種情弊不問可知該監督等所管稅口不止一處於稽查稅務一節不能不另派胥役家人等分任其事務當諄切曉諭不許例外訛索仍時加查訪嚴行管束以絕弊端嗣後京外各關稅局除隨時密訪外或別經告發或被入指叅如再有訛索飯錢擾累商旅等事不獨將所派之巡役家人等從重治罪並將各關監督一體嚴辦示懲不稍

寬貨○六年復准閩海關徵收二八添平銀兩永行革除○十四年奏准各國貨船所帶護貨兵船不許擅入十字門及虎門各海口如敢擅進守口員弁報明驅逐停止貿易至夷船到口即令先報澳門同知給予印照註明船戶姓名守口員弁驗照放行仍將印照移回繳銷如無印照不准進口所有夷商買辦之人由澳門同知選擇取具保結承充給予印照在澳門者由該同知稽查在黃埔者由番禺縣就近稽查如代買違禁貨物及勾通代雇民人服役查出治罪失

察地方官查叅○十七年

諭崇文門稽查課稅地面多係京營所轄即著該管營汛官員分任巡查如有私收私放訛索並冒充白役情弊一併嚴拏懲辦○十八年

諭據德慶奏查辦關務情形一摺粵東洋商承保稅餉向來僅憑一二商人保舉准充旋因虧折疲乏拖欠通逃弊竇叢滋著照該監督所請准於各行商中擇身家殷實居心誠篤者選派一二人令其總辦洋行事務率領眾商公平整頓其所選總商先行報部存案遇有選充新商時即責令通關總散各商公同聯

名保結專案咨部如有黜退報明註銷並於每年滿
關日將商名通行造冊送部以備稽考○十九年議
准內地銀兩毋許商船偷運出洋責令地方文
武監督各口員弁丁役人等實力稽查如有洋
商人等將銀兩私運夷船出洋者照例治罪儻
各口員弁丁役人等扶同隱漏者查出從嚴究
辦○又

諭關市之設所以通商便民成法極為詳備近日該管
官奉行不實日漸廢弛各關口應立之稅課木榜並
詳單小本均不豎立刊刻商賈不知稅例多寡任聽
家人吏役額外押派多收少報虧課病商叢滋弊竇
至各省才行亦不按年清查率多頂冒朋充甚或假
託官差多方苛索俱應隨時查禁著通飭管理稅務
衙門及直省地方官申明例禁實力奉行毋任姦胥
市僧句串欺蒙以除積蠹○二十年議准海州流陽
贛榆一路凡應赴淮關投稅之豆餅等貨概不
許從青口行走繞由海運責令海州流陽文武
員弁輪赴青口同淮關監督派役巡查○又議
准鳳陽潁州一帶所出豆餅應由洪澤湖載運
南來赴淮關投稅毋許徑走臨淮關鈔路南下

淮關監督仍遠派妥役渡湖巡查以杜偷越○
又議准丹陽常州無錫等處路通太湖南北往
來雜貨多從此處偷越飭地方官幫同許墅關
監督查禁等獲究治○又議准豫東豆石運赴
蘇松例由許墅關納稅其有繞至滕家壩分剝
出江並從任家港黃田港出口直至上海者均
令各該地方官稽查嚴禁並於黃田港添設巡
船駐守巡查○又議准重運糧船抵許墅關運
弁齎帶印票赴關挂驗若於照票之外包攬客
貨一經查出官叅丁處○道光元年議准徐關
雜糧無論外來土產數至七石以上稅過二分
者按石收稅其數不及七石稅不足二分者免
其徵收○二年

諭御史許乃濟奏請嚴禁崇文門稅局需索蠹弊一摺
所奏甚是各關徵稅科則責令該管官詳刊木榜豎
立關口街市並令地方官將稅則刊刷頒發定例本
為詳備即崇文門有商人漏稅議罰之條亦自有一
定章程豈容意為高下若如該御史所奏崇文門稅
局於尋常行李往來不論有無貨物每衣箱一隻勒
索銀二兩四兩至八兩之多或偶然攜帶常用物件

不知應稅料則一經查出輒以二十倍議罰。即有照例開報納稅者。又以輸課無多。仍百計刁難。否則押赴官店守候。不准放行。京師為萬方輻輳之區。乃任書役恣意婪索。苛及行旅。若此。不可不嚴申禁令。著該監督遵照定例。於崇文門及分口巡查之盧溝橋東壩板橋海淀等處。一律添設木榜。仍著順天府刊刷科則定例。每年頒發。俾眾咸知。並責成巡視五城御史。隨時前往認真稽察。如有濫行需索。擾及行旅情事。即行據實參奏。不得日久視為具文。務期革除積弊。以懲闖蕩。而使商旅。○三年

諭各關正額贏餘。例有常數。近年徵收虧短。緣積弊未能悉除。凡關津市鎮地方。往往有惡棍把持。蠹役盤踞。及牙行鋪戶人等。相緣為姦。包攬商賈。串屬在關家人書吏。以重報輕。以多報少。通同掩飾。漁利分肥。甚至納賄私放。偷漏隱匿。皆所不免。嗣後各關務須實力整頓。訪懲姦蠹。包攬等弊。嚴行約束。家人書吏。毋得稍有徇縱。俾權務胥歸覈實。以裕課項。○四年

諭阮元等奏請定洋米易貨之例。一摺。廣東粵海關向准洋米進口。糶賣免輸船鈔。糶竣回國。不准裝載貨物。近年以來。該夷等因回空時無貨壓艙。難禦風濤。

且無多利可圖。是以米船來粵者少。自應將成例量為變通。著照所請。嗣後各國夷船來粵。如有專運米石。並無夾帶別項貨物者。進口時照舊免其丈輪船鈔。所運米穀。由洋商報明起儲。糶賣。糶竣准其原船裝載貨物出口。與別項夷船一體徵收稅課。彙冊報部。以示體恤。○六年

諭晉昌等奏驗放海口運糧小船章程。一摺。天津沿海州縣漁船。前經直隸奏定章程。准其請領船票。糧照前赴奉天販糧。茲據晉昌等奏。奉天海口各船。請照直隸章程一律辦理。著照所請。所有奉天漁船。准其報明各該旗民地方官。查取保結。編號烙印。造冊報部。發給船票。飭令照例納稅。其願領糧照載運糧石者。即與天津漁船均照商船每隻徵銀二十兩之例。減半徵銀十兩。仍照部議以八兩五錢解部。一兩五錢作為兵役飯食紙張之需。仍嚴飭行店人等。毋許格外多索。行用飯錢。其在海口停泊上載。責成該旗民地方官。各於要隘處所實力巡查。毋任偷漏。亦不得索擾滋弊。天津奉天互相查驗。換給回照。彼此稽察。儻有棍徒把持。私充經紀。擾累商民。即著嚴拏。照例懲辦。其岫巖鳳凰城等處。恐有偷運等弊。仍照成

案。不准存留船隻。○九年奏准。凡夷船來粵貿易。停泊黃埔。即令夷商寫立並無夾帶鴉片字據。交洋行保商加結。復由洋商輪查無異。方准開船起貨。如夾帶鴉片。即將該夷船驅逐出口。永遠不准來粵貿易。僅有任令夷人夾帶鴉片入口。即將該洋商等照例治罪。並嚴飭巡洋舟師及地方文武派撥巡船。於夷船來粵灣泊之時。嚴密巡查。如有民船攙近夷船。立即拿辦。以防代運鴉片。及違禁貨物。至夷船進口。仍飭守口員弁逐一嚴查。僅有鴉片等物。即時飛稟查辦。如有隱匿。從重懲處。○又議准。夷商與內地行商交易。除以貨抵貨外。價銀不敷。彼此均以番銀找給。嗣後行商找與夷人貨價。有撓用官銀者。除充公外。仍照私運例治罪。各口員弁丁役人等。查獲船載赴洋官銀。先交地方官訊明。在何處起獲。即將該船經過上游各口員弁丁役。照扶同隱漏例。嚴行究治。僅有行中小夥及地方不法匪徒。將官銀偷載小艇。暗運出口。責成大關總巡。並佛山虎門等處關口員弁。巡船並巡洋舟師。及地方文武派撥巡船。於各夷船將次

回國時。嚴密巡查。遇有私載官銀。立即拿辦。並究明官銀來歷。如係由銀店茶葉雜貨等行發出。分別知情不知情。照例懲治。僅係洋行中發出。將該商加等治罪。○又議准。夷船來粵貿易。以貨易貨。勢不能價適相符。嗣後如有數行洋商。找給一夷商銀兩。必先同赴粵海關監督衙門。聯名出具並無撓和官銀甘結。再行找給。夷人收銀後。僅經員役查出。官銀將找付官銀之行商。嚴行治罪。並將聯名各行商一體治罪。○又議准。澳門地方。向許內地民人在彼與夷商交易。責成澳門同知就近稽查。凡民人向夷人買物。不許使用官銀。亦不許將官銀換給夷人。如有前項情弊。拘拿治罪。該同知漫無查察。別經發覺。將該同知嚴參。○又議准。番銀成色低潮。不及九成者。不准在內地使用。僅夷商以此勒買貨物。許內地賣貨商人呈報。由官送交該國大班。從重究治。內地商人隱忍收受。一經查出。或被首告。即將所收低色番銀。無論多寡。概行充公。仍將該商照例治罪。○又

諭。廷隆奏請變通召募新商章程一摺。粵省開設洋行

向來止憑一二商保結即准承充自嘉慶年間奏請設立總商經理其選充新商責令總散各商聯名保結該總商等往任意存推諉以致新商格於成例不使著充數年以來夷船日多行戶日少照料難周易滋弊竇自應量為變通著照所請嗣後如有身家殷實呈請充商者該監督察訪得實准其暫行試辦一二年果能貿易公平夷商信服交納餉項不致虧短即照舊例一二商取保著充其總散各商聯名保結之例著即停止○又奏准崇文門擊獲燒酒私販計其匿報稅銀多寡分別治罪所獲之酒照例入官仍將追罰銀兩一半存公一半充賞其罪至流徒無罰項可追者於崇文門追罰存公項下動支賞給其失察官弁兵役議處責革知情故縱者與犯同罪受賄者計贓從重治罪○又諭吏部奏嚴議御史安豐奏嚴禁京外各關書吏頂替朋充著責成各關監督嚴行飭禁有犯必懲並不准於監督任滿時通情保舉任意留充盤踞儻該監督有瞻徇情事著各該督撫查明奏照例議處自此次申諭之後各該管官務當隨時認真查察實力奉行儻日久懈生仍致該書吏有朋充隱役之弊或被

人告發或別經奏除將該吏按律治罪外定將失察之該管官一併懲處不貸○十年奏准粵海關進口貨物於夷船清倉之日責令保商報明某貨某行買受某貨夷人尚未賣出已賣之貨由行商完納未賣之貨由夷商交餉保商代納凡有一船回帆即將一船進口餉銀完交方准請牌出口其出口稍遲者以驗貨後三月為限責成保商完納不得緩至請牌之時○又

諭御史寅德奏崇文門稅務請仿照倉庫等例特派御史專司查察一摺崇文門設立稅局原以稽察行商盤詰姦宄應稅貨物固不容稍有偷漏而往來行旅尤不可任令胥吏等恣意婪索若如該御史所奏近來稅局巡役過多該役等所有親戚及熟識閒雜人等每向該管委員請討論帖因此藉端影射輒用白役多人需索訛詐以致來往官民人等視為畏途且聞各門稅局遇有裝載行李車輛到門每一衣箱索取銀四兩至八兩十兩不等其姦商私販違禁等物夾帶進城胥吏等轉得受錢文私行賣放京師為萬方輻輳之區似此滋擾舞弊不可不嚴行查禁嗣後著都察院堂官揀選滿漢御史擬定正陪帶領引見

候旨派往該處專司查察其更換之期以一年為滿如胥役人等於不應盤查之人故事勒指遲留而於例應訪拏違禁貨物執行受賄賣放該御史等一經查出即行指名參奏懲辦所有該處稅務不准該御史等干預僅該御史等有心撓越或受人請託有授意免稅及縱容家丁需索滋擾情事即著該管大臣等據實參奏務須各循職守互相稽覈於國課民生兩有裨益不可日久視為具文○十四年

諭明倫奏淮安漏課惟青口易於繞越查禁難行該處並無關口來往稽查不能得力等語關稅為國用攸

關均係久經酌定數目相沿徵解豈容以今昔情形不同藉詞繞漏病榷不思設法查禁輕議變通舊章上年慶琛以淮關稅課惟青口繞漏病榷最大奏請試行設口徵收補還漏課當經戶部議駁現在該監督以淮關漏課幾成積重難返之勢雖據稱水荒災歉南北商貨滯銷總在該監督體察情形設法整頓實力稽查將各種弊端逐一剔除總期便民順商於榷稅自大有裨益並著陶澍林則徐會同明倫熟商妥辦嚴密稽查以期關稅日有起色毋許藉詞漏課辦理稍有不善致干咎戾○十七年

諭鄭廷楨等奏請復承商舊例一摺粵東洋商自嘉慶

年間設立總商經理其選充新商責令總散各商聯名保結後因夷船日多行戶日少照料難周易滋弊竇是以量為變通准以殷戶自請充商暫行試辦停止聯名保結之例茲據該督等查明現在招補缺商已復舊額足數辦公自應仍復舊例以示限制嗣後該商遇有歇業或緣事黜退者方准隨時招補此外不得無故添設一商亦不必限年試辦以歸覈實其承商之時責令通關總散各商公同慎選殷實公正之人聯名保結專案咨部著充並著該督等隨時查察毋許該總商等仍蹈從前推諉壟斷惡習俾保充者務求覈實而走私漏稅諸弊亦責有攸歸以裕課餉而杜姦私○又

諭給事中沈鏞奏請嚴禁各門稅口藉端需索擾累一摺各城門稅口應稅貨物自有一定則例此外不准絲毫藉端需索若如該給事中所奏近來各門稅口於尋常行李任意勒索錢文更有不肖營兵及無賴匪徒冒充差役攔阻訛詐實為行旅之害而右安門為尤甚似此擾累不可不嚴行查辦若僅交該監督及步軍統領衙門查究並責成該都司查拏恐層層

蒙蔽仍不免有名無實。崇文門總局本派有御史二員專司稽查。其內外十三門稅口。巡城各科道本有稽查之責。嗣後著即責成該城科道分段認真密訪。嚴查儻有前項情弊。即時參奏。嚴加懲辦。以肅門禁。而安行旅。○咸豐二年

諭崇文門徵收貨稅。向以茶酒煙布為大宗。近來酒稅日見虧短。總因姦商雇覓貧民私運私背。囤積隱賣。漏稅日多。則正稅日少。著步軍統領衙門順天府將販運私酒各匪犯隨時一體查拏。奏明德辦。至崇文門徵稅口岸。向例在盧溝橋東壩板橋海淀設役巡查。道光十三年並二十三年復於密雲縣之穆家峪石匣順義縣之半壁店各地方添設稅局。派員稽查。既有定例口岸。該商等自不容繞道巧避。差役人等亦不得越境私拏。致滋流弊。著崇文門監督遵照定例實力整頓。隨時稽查。○九年

諭鶴祖奏拏獲漏稅洋藥。請旨懲辦。一摺。據稱二月十九日有草船夾帶洋藥過關。起獲三千八百餘斤。按每百斤徵稅銀三十兩。覈計該銀一千一百餘兩。等語。洋藥甫經定章徵稅。該商販等即敢公然偷漏。若不嚴行究治。無以儆姦商而重國課。所有拏獲之成

開楊維忠二名。著何桂清等飭令淮安府知府嚴行訊究。查明各商販按名拏辦。所獲洋藥暫存淮安關庫。此項洋藥係由蘇州販運而來。其經過許墅由牘揚州等關。何以該監督毫無覺察。任令偷漏。難保無丁役得賄私縱情弊。著該督撫查明參奏。○十年

諭杭州北新關為商賈往來要道。稅課有常。豈容胥役家下恣意訛詐。著該關監督嚴密稽查。將過關五日十日之限一概刪除。其零星貨物仍照定例。不過三分者概予免稅。以便商民。經此次明定章程之後。如有再有重徵併計藉端訛索等弊。除書役家人從重治罪外。朕必將該監督嚴加懲處。○同治三年

諭左宗棠奏請將北新關暫緩開設。按月由釐捐酌撥以抵關稅。一摺。據稱浙省疊遭兵燹。彫敝不堪。北新關試辦已逾三月。徵數寥寥。實因關書巡役等向來視為利藪。一經設關。故態復萌。藉端刁索。以致商民視為畏途。裹足不前。請將關稅暫停。以順輿情。等語。所奏切中地方利弊。浙省蹂躪已深。正宜休養生息。以培元氣。若任令關書巡役人等擅作威福。肆意誅求。於國課毫無裨益。而閭閻苦累甚深。殊非體恤商賈之道。著恆延將北新關暫緩開設。關口各稅一概

暫停抽收。毋得任聽開書等。恣憑別生枝節。○四年
議准。登州牛莊兩處豆貨。並奉天等處雜糧米
穀。准內地商船。與北洋油豆餅。一律販運。○五
年

諭。蔣益澧奏。查明太平關稅務積弊。請裁撤書吏家丁。
派員幫辦。並將巡撫衙門陋規全數革除。一摺。所
辦甚屬認真。著照該撫所請。所有經徵太平關稅務
之家丁書吏。永遠裁革。由該撫派委廉能之員。幫同
南韶連道管理。其巡撫衙門月費等項。並文武各衙
門規費。南韶連鎮總兵薪水。均著一併裁撤歸公。試
辦一年。再由該撫察看情形。酌定章程。奏明辦理。經
此次整頓之後。僅有巧立名目。暗中侵蝕等弊。並著
該撫嚴行查辦。此外各省關務。均著該管督撫監督
等。實心清釐。務令積弊悉除。稅課日有起色。毋得復
蹈故轍。任意虧短。致干重咎。○又

諭。前據戶部議覆。左宗棠奏。粵海關收稅銀數。與該關
奏報懸殊。請飭該督撫查明辦理。一摺。當經諭令瑞
麟等。查議具奏。茲據瑞麟。將益澧奏稱。粵海關收稅
事宜。從前曾改隸將軍督撫等官經理。自乾隆十五
年以後。始專設監督。著為成例。未易輕議更張。至該

關額徵總數。從前貨物歸併一口。不及九十萬兩。近
來五口通商。每年徵稅總及百萬兩。但能嚴查偷漏
隱匿等弊。稅務自可日有起色。體察目前事勢。似不
必改由督撫辦理等語。所奏自係實在情形。粵海關
稅務較繁。該監督持庸簡任。宜如何激發天良。力圖
報效。乃家丁叢蔽。書役侵吞。積弊相沿。較他處為尤
甚。若不極力整頓。涓滴歸公。稅課安有起色。著該監
督嚴行鈐束。力禁侵漁。查明各口收數。覈實清釐。不
得稍有隱漏。並著該省督撫隨時明查暗訪。如仍有
書吏家丁。通同舞弊。該監督以多報少情事。即著據
實嚴參。從重懲辦。此外各關監督及兼管關稅之督
撫。均須認真稽覈。釐剔弊竇。毋得仍蹈從前積習。稍
涉含混。○六年

諭。候補內閣侍讀學士鍾佩賢。奏請嚴禁崇文門稅局
需索一摺。崇文門設立稅局。該監督等自應督飭委
員。按例徵收。不准絲毫妄取。若如鍾佩賢所奏。近年
以來。每於稅課之外。需索銀兩。近日會試士子進京
亦有勒索銀十餘兩。及四五兩不等。並各城門官役
先索多金。方許送務等情。是稅局需索。例禁雖嚴。該
官役人等。仍敢任意妄取。苛及行旅。朝廷培養士子。

體恤惟恐不周該官役竟敢違例婪索尤屬可惡不可不嚴行禁止著該監督等申明定例嚴飭官吏巡役人等凡遇送務車輛止有行李並無貨物者立予查驗放行如有留難勒捐情弊即著查明懲辦並嚴禁報效名目各城門官役訛索銀兩即著一體禁止毋稍徇縱○八年

諭嗣後解京貢物及承解官物者著戶部傳知各關差織造等遵照舊章報明崇文門稅務衙門放行毋許稍有留難僅查有吏胥差役人等藉端勒索即著該監督從嚴懲辦管解委員亦不得藉貢差為名夾帶

私貨希圖偷漏以重稅課○九年

諭丁日昌奏本年夏秋間江蘇各屬應試諸生多有包帶私貨聯檣闖關請旨嚴禁等語私貨本干例禁闖關抗稅尤為法所必懲且三載賓興輸才大典該士子身列膠庠即備他日賢良之選宜如何束身自愛整飭廉隅若如所奏向串牙商包攬客貨恃眾抗稅惟利是圖非特稅課有虧實為士林之玷著該督撫剴切曉諭嚴行禁止嗣後鄉會試文武舉貢生監人等赴京赴省應試概不准包攬客貨私鹽等項儻仍敢故違例禁闖關抗稅即著嚴密查拏先將士子扣

考船戶嚴懲照例分別究辦以端士習而重國課該督撫即將此諭勒石河干永為定例○又

諭御史劉國光奏請飭嚴禁各關稅衙門留難需索等語前據丁日昌奏本年江蘇應試諸生闖關抗稅當降旨嗣後鄉會試文武舉貢生監人等赴京赴省應試概不准包攬客貨私鹽等項原因不肖士子藉考漁利不得不嚴行查禁但恐該吏役等假公濟私於該士子所過關津釐卡皆以查稅為名藉端訛詐指無為有需索不遂任意留難致令各士子沿途節節阻滯貽誤場期殊失朝廷優待士林之意著各省督撫嚴諭各關卡官員凡鄉會試文武舉貢生監人等除有向串牙商包攬客貨恃眾抗稅情事仍應查辦外其照例隨帶衣箱食物等件該吏役等不得任意留難如有需索情弊准該士子赴該管衙門呈訴將該吏役等從重懲辦如該管官有意袒護並著該督撫一併查參其尋常來往之人如無夾帶貨物亦應迅速放行不得藉端留難以安行旅○又

諭御史馬相如奏請嚴禁巡役藉端訛索等弊一摺右翼監督徵收西山牲稅自應遵照定章辦理若如該御史所奏巡役橫徵苛索於起票銷票換票肆行勒

費。甚至徵多報少。種種弊端。不可枚舉。亟應嚴行禁革。著該監督除將此項巡役從嚴約束外。將稅則定章出示曉諭。並刊刻新票。以及換票銷票。明定期限。不准官役勒索使費。以安商民。而除積弊。○十年

諭。淮安關監督舒麟奏。運鈔委員欠繳銀兩。請飭追繳等語。江蘇解運京鉛行抵淮安大關。經舒麟照例查驗。該委員抗不遵照。其單開木植等貨。應納淮宿二關正稅及船料等銀七百十四兩零。亦未完交。稅課自有定章。豈容任意延宕。著兩江總督督飭藩司。勒令該委員等將欠繳稅銀如數完繳。毋許抗欠。嗣後

各省運解官物。若有多餘及別項貨物。務令遵例即時納稅。船料一項。並令船戶完納。倘再違抗。即由監督查明奏參。以重稅課。而儆效尤。○光緒三年

諭。鄉會試士子入都。如有夾帶私貨。原應查察。若止隨帶行李。並無貨物者。自當隨時驗明放行。不得稍有留難。第恐各門差役。於車輛進城。或故意攔阻。藉端勒索。及至到務後。又不立時查驗。致受延阻之累。種種弊端。不可不嚴行禁止。著崇文門監督嚴飭該官役等。凡遇應試士子車輛送務後。隨到隨驗。迅速放行。如查有需索留難等弊。即行從

重懲辦。毋稍寬縱。倘該士子等不知自愛。夾帶私貨。一經驗出。仍著照例辦理。

欽定大清會典事例卷二百四十一

戶部

釐稅 直省釐局 考成 禁例

直省釐局。咸豐三年金陵失陷。餉源枯竭。太常寺卿雷以誠治軍揚州。始於仙女鎮倡辦釐捐。是年蘇常疊陷。僅存上海一隅。丁漕絲毫無收。僅資滬關稅項。實不足以贍軍。乃設立釐局。藉資接濟。又設立江北釐捐。歸大營糧臺經理。四年

諭雷以誠奏防守東路以來軍餉各項皆取給於裏下

河十數州縣之捐輸。上年秋冬及本年二月間。曾疊次撥解琦善等營軍餉等語。著即將裏下河一帶商民。諄切曉諭。俾該商民等咸知捐輸接濟軍需。即所以保衛身家。又

諭雷以誠所奏捐釐章程。係於勸諭捐輸之中。設法變通。以冀眾擎易舉。據稱裏下河一帶。辦有成效。其餘各州縣情形。想復不甚相遠。著怡良許乃釗楊以增。各就江南北地方情形。妥速商酌。如事屬可行。即督飭所屬。勸諭紳董籌辦。又奏准長江梗阻。淮南引岸廢弛。就場徵稅。五年奏准江西省以軍事

方殷。抽收釐金濟用。南昌府屬九卡。曰省城外市。汊滌。榭埠。生米。吳城。上兼老鶴。背吳城下。樵舍。義甯州。瑞州府屬二卡。曰高郵市。上高縣。袁州府屬五卡。曰秀江。昌山。湘東。盧溪。九子石。臨江府屬三卡。曰樟樹鎮。三湖。新喻縣。吉安府屬六卡。曰神岡山。橫江渡。沿溪渡。良口。三曲灘。住岐。撫州府屬四卡。曰黃江口。臨城。李家渡。許灣。建昌府屬三卡。曰萬年橋。硝石。河背。廣信府屬十卡。曰河口。洋林港。大航渡。石塘車盤。弋陽縣。洋口。浮橋。玉山縣。貴溪縣。饒州府屬八卡。曰都陽縣。高北門。古縣渡。角山。康山。石鎮。街樂平縣。景德鎮。九江府屬五卡。曰德化縣。姑塘。小池口。六套口。烏石門。南康府屬三卡。曰都昌縣。左。桑洽家埠。贛州府屬五卡。曰東關。西關。白口塘。信豐縣。江口。南安府屬二卡。曰大庾縣。塘口。共局卡六十五處。又奏准湖北省軍興以來。餉需支絀。請頒發部帖。勸商捐換。並咨取江蘇。抽釐章程。設局試辦。省外局卡。共四百八十餘處。又奏准湖南省設創辦省城內外釐金總分各局。百貨與鹽茶釐金。分局舉辦。又奏准

江蘇省揚常鎮屬接壤地方。設有小河口。普安新港。三江營荷花池。五局抽釐。○六年奏准。

盛京兵餉支絀。現令店商於買貨之家。照所買價值。每東錢百千。抽捐東錢一千。每糧十石。捐東錢一千。不及者。以次遞減。兩月以來。辦理已有成效。請飭吉林一體照辦。○又奏准。烏魯木齊吐魯番地方。抽收棉花釐金。○七年奏准。淮南之鹽。改為設局徵稅。令水販就棧採買。○又奏准。湖北省城設立牙帖釐金總局。○八年

諭。嗣後豫省釐捐。著專收水煙藥材茶葉三大宗。其餘如紬布皮貨等。一概不必抽收。並將陝州荆子關等局。及沿河各卡委員丁役等。悉行裁撤。其抽釐事務。即歸該各地方官經理。試行一年。如果實有成效。准俟軍務完竣後停止。○又

諭。安徽盱眙縣將壩釐捐。前經邵燦庚長奏請為該處防堵經費。現在江北一帶漸次肅清。此項釐捐。准其改歸安徽。由福濟委員接辦。以助廬州軍餉。○又奏准。福建省抽收百貨釐金。由司督屬徵解充餉。○又奏准。廣西省軍餉支絀。現於桂林平樂梧州鬱林潯州柳州慶遠南甯泗城百色各府廳

州出入要口。設卡抽收貨釐。○九年奏准。山東省在登萊青三府屬海口。舉辦抽釐。○又奏准。山東省煙臺海口徵稅。協濟直隸天津府海防經費。○又奏准。山西省城設立籌餉局。辦行商藥稅及百貨釐捐。於四路各隘口。共設總卡七處。委員經收。其偏僻小徑。添設分卡。以杜偷漏。○十年

諭。兩江總督曾國藩。現在督兵進剿。江西通省牙釐稅金。准其照湖南章程。另設一局。由該署督自行經收。以充餉需。○又奏准。湘軍赴援鄂省。在長沙設立東征局。克復一處。即酌添卡局。以濟軍儲。凡鹽茶貨物。皆於本省釐金外。加抽半釐。每貨至卡。如本省抽一兩者。另抽東局五錢。本省抽百文者。另抽東局五十文。○又奏准。廣東省韶關暨肇慶府河俱設卡。○十一年。山西省將行商藥料。改釐為稅。○又安徽省抽收釐金。省城釐局所屬懷甯縣境。曰鹽河正卡。分卡青帝。麻步。河。黃姑。臨。係。望江縣境。曰華陽正卡。分卡石。中。梅。河。係。分。巡。含山縣境。曰運漕正卡。分卡三。漢。河。白。茅。背。口。鎮。黃。泥。港。北。漢。河。湯。池。晚。天。桃。城。抗。埠。係。分。巡。三。河。和。州。鳳。凰。頭。下。係。分。卡。陳。家。灣。烏。江。渡。家。卡。

欽定大清會典事例 卷二四一

集。土橋。王家套。新河。銅陵縣境曰大通正卡。波
 口。上山。感。係分巡。
 分。皖南釐局所屬休甯縣境曰屯溪正卡。街
 太白。倒湖。係分卡。萬。宣城縣境曰灣沚正卡。門
 安街。漁亭。係分巡。
 渡。馬頭。烏。係分卡。建平縣境曰定埠正卡。梅
 三里。埭。花。津。係分巡。
 係分。淮北釐局所屬六安州境曰六安正卡。河
 集。霍山。兩河口。係分卡。三。流。集。霍邱縣境曰三
 金家。岩。孫家。溝。河。口。集。係分巡。
 河尖正卡。穎上。三里。灣。界。首。係分卡。五河縣境
 舊縣集。洪河口。係分巡。
 曰五河正卡。合。肥。定。遠。係分巡。○又
 卡。天。長。係分巡。○又
 諭。釐捐雖為兵餉起見。然窮民受累日深。且恐猾吏姦
 胥。藉端抑勒。侵吞舞弊。除各省奏明通衢要口。設立
 釐卡。其偏僻地面。小商零販。經過處所。從前設有釐
 局。著概行裁撤。並著各該督撫。查明分別應留應撤
 各釐局。咨報戶部。以杜擾累。而嚴稽覈。欽此。遵
 旨。議。准。咨。行。各。省。督。撫。暨。各。路。統。兵。大。臣。體。察。情。形。於
 商賈雲集之區。設卡抽釐。其鄉村小鎮。貧民小
 戶。及肩挑貿易。小本營生者。概不准其抽釐。並
 令督撫等。將某處應留釐卡若干。應裁撤若干。
 暨辦理抽釐委員定數若干。造冊報部。○又奏
 准貴州省於川楚鄰近鹽貨往來之區。試設釐
 局。抽收鹽斤貨釐。以充軍餉。○同治元年。

欽派三品京堂晏端書駐紮韶關。辦理廣東通省釐金
 ○又奏准江甯大勝關設卡抽釐。○又奏准河
 南省禹州地面。每年向有藥材大會。商販雲集。
 設立釐金分局。抽收百貨。○又奏准河南省陝
 州暨河內縣清化鎮。設藥材釐金分局。○又奏
 准四川省南部蓬溪二縣。本有額定并鹽額行
 引。張定例。係以本縣額煎井鹽。銷本縣額行鹽
 引。自咸豐年間。各窰戶私開井窰。遂將私鹽到
 處灑賣。以致各口岸額引滯銷。現在餉需孔急。
 將該二縣釐局。改為委員抽收。以杜中飽。○又
 浙江省移衢州府牙釐總局。設於省城。除杭州
 金華嚴州三府。不設府局外。餘八府均設府局。
 隸於省城。分卡隸於各府。○又
 諭。周口三河尖兩處釐稅。著即遴選廉潔誠實之員。文
 為經理。仍將徵收數目。按兩月一次報部覈銷。作為
 軍需正款。○二年。江北設立釐捐總局。派委道府經
 理。裁併各卡。留存二十六處。曰大勝關六合大
 河口。口岸荷花池。任家港。靖江海門。通州。如皋
 車邏寶應。仙女鎮。吳淞口。灣頭。駐蘇鎮貨捐分
 巡。曰下關。周圩。港力。發橋。丁堰。泰無。姜堰。東臺。

樊漢昭關渠大橋孔海。又江蘇省設立牙釐總局。除裁併各卡外。留存十四處。曰蘇城。木瀆。車坊。同里。盛澤。常昭海口。常昭內河。錫金。奔牛。宜荆。江陰。溧陽。南渡。鎮江。上游。鎮江。下游。又奏准浙江省浙東地方。百貨釐捐。值百抽九分。為兩起兩驗。勻配道里遠近。開卡抽收。如貨值千文者。起卡抽三十文。驗卡減半。捐足兩起兩驗者。不復重徵。浙西地方。一起一驗。由經過之頭卡併收。餘均驗票放行。又奏准浙江省淨茶。以百斤為一引。箱茶每引抽茶捐九錢。釐銀一兩四錢。葉茶袋茶每引抽茶捐銀四錢。釐銀六錢。由頭卡總抽。餘卡驗票。外省已捐經由浙省者。每引抽釐銀八錢。不收茶捐。又安徽省設立牙釐總局。除裁併各卡外。留存十處。曰鹽河。華陽。連漕。大通。屯溪。灣沚。定埠。六安。三河尖。五河。又

諭嚴樹森奏湖北省辦理釐金。經前任巡撫胡林翼仿照唐臣劉晏用士類不用胥吏之法。歷年舉行。著有成效。今若改歸地方官經理。諸多窒礙。就該省情形。臚陳八弊。所奏甚是。州縣有地方之責。事務殷繁。若

責以釐事。勢不能親歷鄉鎮。必至假手吏胥。從中舞弊。其州縣之不肖者。又或視為利藪。藉飽私囊。甚至門印狼狽。為姦紳衿扶同掩飾。縱有弊端。無從舉發。且交代挪移。侵漁虧空。諸弊從此而起。所有湖北省釐捐。著仍照舊章。毋庸改歸地方官辦理。三年。直隸省天津縣。於適中之地。添設雙廟。早卡一處。專驗車運貨物。又奏准淮南抽收鄰私釐金。○又准北設立總局。專充淮北水陸各餉。○又奏准河南省。捻匪肆擾。停止禹州釐金分局。○又奏准浙江省。絲斤一項。定為先捐後售。凡鄉絲到行銷賣。先由行戶扣繳捐款。填給捐票。每絲一斤。捐洋二角。捐出賣戶。不涉行商。俟商販起運。再將零星捐票。倒換護照。沿途查驗。不再收捐。○四年。裁撤湖南省東征局。○又改江北釐捐總局。為金陵釐捐總局。管轄江甯揚州通州。海門各屬。所設巡卡。○又奏准蘇省善後工程緊要。委員赴楚。購買木料。沿途經過關卡。免抽釐稅。○又奏准福建省。另設稅釐總局。徵收茶葉釐金。所有百貨釐金。亦歸局徵收。○五年。浙江省。因茶葉銷路不暢。改為箱茶。每引收銀

卡。照章完釐一次。以示限制。○又奏准山東省天氣亢旱。招商赴奉天。江南等省。購運米麥雜糧。以濟民食。沿途關卡。一律寬免釐稅。○三年奏准山西省大稔。行商裹足。坐賈滯銷。所有各路添設分卡。均即裁併。以節浮糜。○又吉林所屬雙城堡。農安城。均抽收七釐貨捐。○又奉天府創辦斗捐。儘收儘解。○四年奏准貴州省引鹽官運鹽釐停徵。由川包解。本省僅抽土藥百貨釐金。每土千兩。抽銀八兩。其餘百貨。亦一律減抽二成。○五年奏准河南省清化鎮藥材釐金。向由行戶包交。謂之板釐。近來商賈多赴禹州貿易。以致清化釐金無出。擬酌量減免。復於禹州立局。專收藥釐。○又奏准各省抽收釐金。無論總局分局。概照一成給發。各分局支銷八分。以二分為總局開支。○七年諭給事中劉瑞祺奏各省抽釐設卡。請飭權衡出入酌量撤留。一摺。各省抽收釐金。疊經諭令覈實辦理。若如該給事中所奏情形。實屬無裨國計。著各該督撫將各釐卡出入數目。悉心綜覈。酌量撤留。報部備查。不得以空言塞責。○又奏准山西省節

年釐金收數。歲僅六七萬兩。實緣山徑叢雜。偷漏太多。又將各卡一律分設。○八年奏准奉天局卡。西自甯遠州。東至東邊之沙河子。大東溝。山鹽釐加倍徵收。○又奏准江蘇省釐局裁撤常昭內河之西庵分巡。李涇分卡。宜荆之鳳溝河分巡。滬釐局裁併布貨捐局。閩廣三幫雜貨捐局。暨東溝釐卡四處。並撤古山水橋巡卡。○九年。江蘇省滬釐局裁東溝華涇兩處巡卡。○十年奏准陝西省城東關。廊門三巡卡。郃陽屬之坊鎮一查卡。並西安府屬之咸陽縣渭南之上漲渡。興安府屬紫陽縣韓城之西石坡。四釐卡。共八處。先行裁撤。通省存留巡查釐金各卡二十八處。○又奏准江南餉緹。仿兩湖鹽斤加價成案。在萬戶沱設局。加抽川鹽釐金三文。○又奏准浙江省釐局。自同治二年。至光緒十年。通省總分各局委員薪水書役工食。照收數八分造銷。概以洋元數給。不及八分之數。○十一年奏准陝西省岐山。郿縣。蒲城。韓城。四卡。岐山專收酒釐。郿縣於酒釐外。兼收百貨土釐。蒲城專收皮釐。就近歸併大慶關卡。韓城專收土釐。

就近歸併芝川卡。毋庸由縣抽收。又武功興平。藍屋扶風。耀州鄠縣。淳化澄城。永壽略陽。定遠藍田。商南。乾州。佛坪。邠州。富平。十七廳州縣土釐。前已裁撤。至鄠縣等處。均截至九年底止。所留武功。興平。藍屋。扶風。耀州。五處。專收土釐。與百貨行商無涉。毋庸議裁。又奏准蘇釐局分設之落地捐。暨附郭各卡。並錫金之黃埠墩卡。滬局抽收落地捐之貨捐布捐。二局暨沿海吳淞。釣船。劉河。落地。二局。並嚴家橋。吳淞。江。二卡。皆地處衝要。照舊徵收。又咨准浙江省洋藥釐金。前在甯波設立專局。每箱抽收銀四十兩。除土行勞金外。實收銀三十四兩。現照部章。每箱收銀八十六兩。十三年

諭。前經疊次諭令各省。將各局嚴加裁汰。節省糜費。鹽務係運司專責。本不必另設局員。轉多弊混。該省所設網鹽局。自應及時裁撤。並著體察情形。據實具奏。欽此。遵

旨。議准。同治初年。浙江省克復各城。隨處招徠商販。試辦票鹽。按斤抽釐。接濟軍餉。嗣因釐金一項。按年造報。事甚煩雜。不克兼管鹽務。乃詳請另

設網鹽總局。責成運司督辦。藩司會辦。另派道員駐局總辦。現將網鹽局裁撤。一應收課支發。造銷各事宜。統由運司督辦。所有會辦提調等名目。概行裁撤。以節經費。又浙江省裁撤洋藥釐金局。由海關釐稅併徵。又咨准貴州省設釐金局二十五處。貴陽府安順府均城內。大定府永岸赤水畢節濫泥溝威甯普安廳城內。興義府黃草壩白層河。遵義府城內。松坎。正安。平越直隸州永興場。仁懷廳仁岸。鎮遠府瓊洞。筍洞。黎平府丙妹流塘。思南府涪岸。思州府龍溪口。玉屏。銅仁。查局。漾頭。司。松桃。廳。五官壩。考成。咸豐七年

諭。湖北署漢川縣知縣張祥泰。接管該縣釐金局。半年之內。抽錢二萬五千餘串。報解其屬家寨。張祥泰著即革職。照數追繳。按律懲辦。九年

諭。鄧瀛奏甯國出納各款。請援照徽州章程。均由浙江糧臺委員經理一摺。甯國所屬地方。自疊經被擾。被災後。不能就地協濟。餉需所有甯郡釐卡。已俱歸浙江糧臺候補道許煨試辦充餉。一切用款。自應悉由該員籌畫支放。著准其援照徽州章程。統歸糧臺覈

發。惟據奏該員許煨經營糧臺。每遇甯防告警。輒置身事外。若罔聞知。並藉詞請餉。赴浙回籍。任意逗遛。在臺之日。歲不及半。上年鄧紹良失事時。許煨即逗遛蘇浙。不顧潰卒飢寒大局。幾至決裂。著何桂清胡興仁悉心察看。該員果有此种情弊。即著據實參處。如無別項劣蹟。而於辦理糧臺不能勝任。亦將該員撤退。另派妥員接辦。以免貽誤。所有甯國各卡釐金。著即照徽郡章程。將浙勇食米。皖勇銀米。委員鹽折。各項雜支。統交該糧臺委員一手經理。並令補完積欠米價勇糧。以專責成。仍嚴飭該員專駐甯國府城。毋許間警遠離。至甯太兩府現辦鹽捐。係屬民捐民辦。並非添設新卡。亦不由官收存。准其留為撫恤災民之用。不得提充軍餉。以順輿情。○又

諭。樂斌奏酌議抽收棉花釐金。辦有成效。並請飭下烏魯木齊都統認真抽稅一摺。吐魯番廳地方棉花出產甚旺。樂斌前在烏魯木齊都統任內。曾經奏明抽稅藉資餉捐。原議試收二年後。察看情形。再行定額。茲據奏稱自倭什罕布奏請展限以來。徵收數目遞年減少。若非經理不善。即顯有侵蝕之弊。等語。棉花進口。抽收釐金。甘省辦理已有起色。其口外徵收稅

銀亦當切實查辦。以裕經費。况近來種植愈多。銷路較前倍廣。豈得將籌餉要需。任令視為營私利藪。著圖加布督同鎮迪道崇保。查照原案。體察商情。力籌整頓。並著查明歷年徵收銀兩確數。酌定稅額。妥議章程具奏。儘有贏餘。儘數報解。分別奏請獎敘。如徵不足數。即責令吐魯番廳照額賠補。○十一年九月

諭。廣東省自咸豐八年四月起。至九年十二月止。共收釐銀五十一萬三千六百餘兩。前因該督等並未奏明擅行動用。奉

旨勒限分賠。現已逾限。著兩廣總督廣東巡撫嚴飭收

釐軍需各局員。將限內已否按成全繳。覈實造報。至十年正月。起新收釐銀七十二萬餘兩。並著籌還歸款。專存候撥。毋得再行擅動。其延未詳報之釐局各員。著查取職名。交部議處。○又奏准辦理釐捐。不使吏胥經手。則弊端較少。現在湖南湖北釐捐。分濟本省及各省征勒之餉。無論本籍外籍。但求廉勤不苟者。延請入局。不專令候補人員及地方州縣經辦。以收實效。○同治四年奏准自蘇杭金陵克復後。東南腹地肅清。商賈四散。不盡聚於上海。亦不盡在蘇境。釐金日以減色。各局

始兼用候補人員。現在袁旺章算每月不過二十萬兩左右。若各委員等一有弊竇。立予參撤。決不姑容。○又奏准湖南省洪江釐局收釐總簿內造報鹽數與鹽行簿據不符至五萬餘斤。所有委員等均予革職。○又奏准陝西省榆林府知府劉廷鑑抽收釐稅。輒以銀作錢。以錢作銀。並巧立火耗解費。票錢各名目。請革職查辦。○光緒五年奏准四川省南部縣抽收鹽釐。向不論井竈興衰。一概虛擬定數。井少之戶與井多之戶。一律完釐。未免偏枯。現仿照富捷二縣

就竈抽釐之法。令釐從鹽出。竈戶有鹽賣出。則抽收釐金。鹽未賣出。即不抽收。毫無偏私抑勒之弊。蓬溪縣私販太多。定為每販買鹽一批。給票一張。設卡驗收。以杜弊混。派出委員驗有無票之鹽。驟行查拏。以致各私販恃眾滋鬧。當將委員撤回。更換派兵彈壓。各私販現均納釐。驗票。甚為安靜。○十年奏准金陵釐局。自近年洋票盛行。計五箇月。僅收銀十三萬八千餘兩。不獨添撥各款無可籌撥。即額供之餉亦恐未能按期應付。擬請於撥款內權其緩急。分別措解。

一面督同局員認真稽收。實力整頓。以期稍有起色。○又奏准嘉峪關通商經費。既由該監督列收。應飭分析造報。○又奏准甘肅省支銷局。自同治八年。至光緒八年。開報五十餘萬兩。未免籠統。應令分款報銷。並將某係總局。某係分局。某係分卡。抽收係何章程。局費如何開支。各局卡派委何項人員。徵收贏絀。如何分別勸懲。先行報部查覈。至一切經費。不得逾奏案一成之數。每年三月以前。將上年收支數目。造具細冊。報銷一次。冊內並將委員銜名造入。以備稽考。倘有任意虧短者。即當指名嚴參。以重款項。○十一年奏准陝西省自光緒二年起。至九年止。共收釐金銀二百七十一萬餘兩。所提留支經費存留辦公兩款。共銀五十八萬餘兩。除存銀十六萬餘兩。已用銀四十一萬餘兩。所有此項餘存銀兩。應如該撫原議。以資公用。倘有侵蝕弊混。查明參辦。○又奏准山西省冊造未完釐稅銀兩。皆係歷年經徵各員。從中虧挪。應令該撫自此次奉到部文之日起。將欠解各員勒限五箇月。如數解清。倘逾限不完。或完不足。

數即行從嚴參辦。儻該撫逾限不參，即由戶部徑行奏參，以儆虧挪。○十三年奏准嗣後山西省徵收釐稅務當嚴定比較，隨時稽查，毋任徵多報少，捏完作欠。儻再查有捏報未完情事，無論數之多寡，即將該員照侵欺錢糧例奏參革職勒追，即參後全完，不得隨案奏請開復。儻繳不足數，即行拏問，照例治罪。

禁例○咸豐五年

諭御史宗稷辰奏大江南北設卡抽釐收捐太雜出入總數毫無稽覈，並有常鎮散勇與江面土豪在江濱距圖山關相近地方樹幟攔船肆行盤踞，與營卡比列莫辨，公私請將釐捐事宜責成江督經理等語。江南省捐釐濟餉，雷以誠創議於前，文煜接辦於後，原期集餉安民，兩無窒礙。其揚通一帶設立各卡，均有章程可稽，豈容任意添設？若如所奏官收捐項已極繁瑣，復有匪徒冒名勒索，擾累行旅，更屬大干法紀。著托明阿等確切訪查，如有姦徒把持漁利，即著從嚴拏究，以靖地方。○九年

諭近年用兵省分需餉浩繁，勸辦捐輸設卡抽釐藉以接濟軍需，原屬一時權宜之計。若各省勸捐及委辦

釐卡各員率多虐取侵蝕，以飽私橐，是贍軍之舉轉為病民之事。亟應嚴定章程，以清弊竇。著各省督撫帶兵大員將委辦勸捐抽釐各官紳職名造冊報部，以憑查覈。如有前項弊端，著即嚴參懲辦。○十年

諭江北釐局林立，若再於口岸鎮設局與泰州江都如皋之處相去甚近，商民之情不協。所有泰興口岸鎮設卡抽釐之處，即著停止。○同治元年議准限文到一月內將應留應撤處所及辦捐各員名據實奏報。如有私行設卡者，立即嚴參懲辦。○二年

諭國家愛育黎元，體恤商民，從無苛刻之事。近因軍餉浩繁，設局抽釐，乃朝廷萬不得已之舉。疊經明降諭旨，嚴禁擾累，並因御史丁紹周條陳江北釐捐積弊，復經通諭各直省督撫於釐捐委員概行裁革，統歸地方官經理。按月申報實數，由該管督撫按照例限報部，並照部定章程酌定簡明條款，分析開載，榜示通衢，以昭覈實。乃昨據富明阿奏稱親赴裏下河一帶，南北糧臺設立捐卡，大小約有百餘處，有一處而設數卡者，有一卡而分數局者。委員既繁，局費尤濫。每月局用少者二百金，多者至千餘金。委員嚴邀等貪鄙不職，因降旨將嚴邀等革職，以示懲儆。而吳崇

於奉旨後迄今數月並未遵照辦理著傳旨嚴行申飭即著歸併裁革以清積弊因思江北如此他省可知聞地方不肖紳士往往夤緣入局百端侵漁商賈不勝其擾而軍餉仍無裨益是以朝廷不得已之舉為不肖委員紳士分肥之地利歸於下怨斂於上亦安用此釐局為耶著再行通諭各直省督撫恪遵前旨將各釐局酌量歸併裁革劣員派委賢能地方官經理毋得以不肖官紳充數儻仍前賄徇濫行派委別經發覺或經科道奏必將該督撫等從嚴懲處毋謂不戒視成也○三年奏准現在皖北肅清江蘇

省境內亦將剋期底定應將從前糧捐畝捐草捐花布捐等項概行禁止○十年

諭御史黃槐森奏廣東釐局繁擾請旨飭查裁減一摺抽釐助餉原屬朝廷不得已之舉全在地方官吏認真辦理方不至弊竇叢生困累商民若如該御史所奏廣東惠州各廠均於起廠之初抽釐一次驗照之處又抽釐一次且增幫費名目東江如此則西北兩江釐廠恐亦在所不免著瑞麟認真查覈務將應裁釐廠應禁幫費酌量情形妥為辦理○十一年

諭嗣後除地方荒歉委員採買米穀賑濟仍准免釐稅

外其餘無論何省何營採辦一切物料概不得發給免完釐稅印照該委員等經過各處關卡均著照章完納稅釐不准請免各卡委員亦不得徇私放行以杜流弊而裕餉源○十三年

諭各省設局抽收釐金係屬萬不得已借資民力豈容私自添設苛斂民財亟應嚴行禁止著各直省督撫於所屬應設釐卡嚴密稽察儻有私設卡局情弊即行從嚴參辦○光緒元年

諭各省抽釐分局及江皖兩湖等省督銷兩淮票鹽分局各該州縣往往以本籍紳士經營弊竇叢生亟宜嚴行禁止著各該督撫及鹽政衙門嗣後委辦釐鹽各分局不准用本州本縣紳士其已委者即行裁撤並將委員職名籍貫年終報部以憑查覈○十年

諭各省抽收釐金疊經諭令各督撫等據實報部力杜中飽乃近來釐局委員往往徇情濫委任用匪人以致貪婪侵蝕百弊叢生殊堪痛恨當此庫款支絀之時自應涓滴歸公實徵實解若非認真稽察將使億萬釐金半歸私橐實屬不成事體嗣後該督撫等務當激發天良明查暗訪設法整頓尤

以擇任委員為第一要義。並將各該省釐局徵收數目隨時稽覈。嚴杜弊端。該委員等如有侵漁及擾累情事。立即嚴參懲辦。儻敢瞻徇情面。袒護屬員。或被人參奏。或別經發覺。定將該督撫等嚴懲。決不寬貸。○又奏准陝西省土藥釐金。向係每百斤收銀四十兩。未免過多。今酌中定擬。不分洋藥土藥。俱按十六兩一斤計算。不准再有雙秤名目。以杜取巧。○又奏准陝西省近年報部收釐數目。僅二十餘萬兩。而光緒九年。查出該省二年至七年未經報部之款。尚有存留銀二十九萬二千六百三十六兩。應將此項聽候部撥。不准擅行動用。至七年以後存留若干。應據實悉數報部。毋任蒙混侵挪。以昭覈實。○又奏准陝西省釐金冊報。岐山蒲城郿縣韓城等四縣。每年收數。或數百兩。或僅數十兩。又冊開武功等州縣。共收釐金銀二千餘兩。並未分析指明。係何州縣。未免籠統含混。嗣後務將抽收數目零星微少各處。概行裁撤。以恤高艱。而杜中飽。○又奏准甘肅省軍需第一案開單報銷收惠安堡鹽釐銀九千九百七十九兩有奇。此次釐

金開除項下。並無此款。應令詳查登覆。毋任局員弊混。○十一年

諭鳳陽蕪湖各關准北皖南釐金各局動支公費。及開銷款項。為數甚多。釐稅皆關國帑。豈得任意開支。即著該署撫將各關局動支各款。詳加體察。何者可減。何者可裁。覈實籌計。提出若干。奏明報部備撥。○又奏准嗣後陝西省釐金外銷。應將留支經費存留辦分。合為一款。共提一成。以示限制。而杜濫支。○十二年奏准陝西省釐金。於一成外。暫加一半。統計一成五分之數。本年餉項。即按一百零五萬五千有奇撥給。毋得濫支。○又奏准嗣後山西省釐稅兩宗。如收數在十八萬兩至二十一萬兩以上者。准於舊章一成外。由正款提出銀一萬兩。彌補一成公費不敷之用。如收數在十七萬左右。仍照舊章提用一成。不准多支。以示限制。○又奏准山西省咨送光緒三年至八年釐金銷冊。列有未完款項。恐有挪用情弊。應令該撫不時訪察。經收各員。如係欠解。即行撤委勒追。逾限不完。從嚴參辦。不准再列委員欠款。以杜侵挪。

欽定大清會典事例卷二百四十二

戶部

雜賦 蘆課 茶課

蘆課。江蘇蘆地科銀。草麥蘆籽粒等地。每畝五釐至一錢五分。一釐不等。籽粒蕩灘熟低等田。每畝一分至一錢五分。一釐不等。密蘆每畝三分至六分不等。稀蘆每畝一分五釐至四分不等。埭划塘每畝一分至二分不等。草泥水光籽粒水影荒白塗水窪等灘。每畝一釐至三分八釐不等。計蘆地四萬四千七百九十七頃九

十八畝六分零。課銀十五萬三千二百兩八錢有奇。安徽蘆地科銀。基草荻草麥市熟等地。每畝一分至三錢三釐七毫不等。上中下等熟田。每畝一分至一錢不等。密蘆每畝三分五釐至六分六釐不等。稀蘆每畝二分五釐至五分二釐不等。水低等蕩。每畝一釐至二分九釐不等。草泥水等灘。每畝一釐至一分不等。蘆墩每畝五分七釐。埭划每畝一分。水套每畝四分。白沙每畝四釐。計蘆地二萬七千七百六十二頃五十六畝四分零。課銀五萬三百四十七兩四錢

二分有奇。江西蘆地科銀。上地每畝三分至三分五釐。中地每畝二分至二分五釐。下地每畝一分五釐。密蘆每畝三分。稀蘆每畝二分。上草地每畝二分。中草地每畝一分五釐。下草地每畝一分。魚塘每畝一分。草塌地每畝六釐。計蘆地四千四百十六頃九十七畝零。課銀六千五百十三兩八錢九分有奇。湖北蘆地科銀。密蘆每畝三分二釐至三分四釐。稀蘆每畝自六釐至二分二釐不等。中蘆田每畝二分五釐。下蘆田每畝七釐。上則麥地每畝一分八釐至二分三釐。中則麥地每畝一分八釐。下則麥地每畝一分三釐。中地並中熟地每畝二分五釐。熟地每畝二分三釐及二分五釐。基地每畝一分二釐至三分二釐五毫不等。草塌葫荻湖塌中草塌下草等地每畝各六釐。草塌下草塌每畝各三釐。計蘆地一萬七十一頃三十一畝零。課銀一萬六百六十三兩三錢有奇。湖南蘆地科銀。上熟地每畝九釐至一分九釐。下熟地每畝八釐三毫至一分。密蘆地每畝五釐。稀蘆地每畝二釐及三釐。成熟地每畝八釐三毫至一分四

釐八毫六絲七忽不等。籽種地每畝九釐六毫八絲九忽。基地每丈科銀五分。其按畝科徵者。每畝一分至一分九釐不等。計蘆地二千四百五十七頃十畝一分零。基地四百六十七丈五尺。課銀一千五百九十四兩二錢八分有奇。

茶課。凡茶課。江蘇等十省茶引。各限豫年請領。年辦年銷。若壅積遲滯者。該管官及商人一併處分。江蘇額行茶一萬五千引。分發江甯茶引所大使茶引八千。其餘七千。分發產茶之荆溪縣張渚巡檢司湖汊巡檢司。凡有商販入山製茶。貨不論麻細。每擔給一引。每引額徵紙價銀三釐三毫。其徵收課稅。例於經過各關按照則例。驗引徵收。彙入關稅項下報銷。安徽額行茶原額六萬九千九百八十引。新增一萬七千一百引。共八萬七千八十引。又餘引一萬五千一百引。分發產茶之潛山太湖歙縣休甯黟縣宣城甯國太平貴池青陽銅陵建德蕪湖六安霍山廣德建平十七州縣。凡有客商入山製茶。每擔給一引。每引徵紙價銀三釐三毫。其徵收茶課。例於經過各關按照則例。驗引徵收。彙入

關稅項下解部。又歙縣街口司。有每年茶牙完納茶稅銀四錢三分二釐。彙歸地丁奏報。江西額行茶二千六百三十八引。分發徽商一千二百三十五引。本省州縣小販一千四百三引。每引徵紙價銀三釐三毫三絲。徵課銀一錢五分。額徵課銀三百六十五兩七錢。行茶到關。仍行報稅。浙江額行茶十四萬引。由布政司委員給商。每引徵紙價銀三釐三毫。買價銀一錢。北新關每引徵茶稅銀二分九釐三毫八絲。彙入關稅報解。又歲額恭辦

上用黃茶二十八萬。恭辦

陵寢黃茶

內廷黃茶共九十三萬。由辦引委員於所收茶引買價內辦解。湖北額行茶二百四十八引。係咸甯嘉魚蒲圻崇陽通城興國通山七州縣請領。各州縣產茶無幾。不足供本地日用。所有茶引無商可給。向種茶園戶經紀坐銷二百三十引。建始縣給商行銷十八引。每引額徵紙價銀三釐三毫。坐銷者徵稅銀一兩。行銷者稅銀二錢五分。課銀一錢二分五釐。共額徵稅銀二百三

十四兩五錢課銀二兩二錢五分。行茶到關仍行報稅。又均州荊門州鍾祥縣本地鋪戶肩販小萸麻茶。每引報稅銀一釐八毫。名落地稅。儘收儘解。湖南額行茶二百四十引。向例茶商皆自陝帶引赴楚採買。本省所頒茶引。並無客領。給發產茶之善化。相陰。瀏陽。湘潭。益陽。攸縣。安化。邵陽。新化。武岡。巴陵。平江。臨湘。武陵。桃源。龍陽。沅江。十七州縣行戶。以為一年護帖。每一引徵紙價銀三釐三毫。納稅銀一兩。共額徵稅銀二百四十兩。甘肅額行茶二萬八千七百六十六引。西甯茶司商銷九千七百十二引。甘州茶司商銷八千一百五十引。莊浪茶司商銷九千三百二引。陝西省西安鳳翔漢中同州四府商銷一百三十二引。甯夏府商銷二百七十引。陝西省榆林府九百引。延安府屬靖邊縣一百引。定邊縣一百引。陝省神木同知一百引。每引徵紙價銀三釐三毫。甯夏榆林神木每引徵價銀三兩九錢。共額徵銀五千七百三十三兩。每引行茶一百斤。內交官茶五十斤。餘五十斤。即為商運茶。令其售賣作本。每茶百斤。作為十篋。每

篋二封。每封五斤。共徵本色茶十三萬六千四百八十篋。其西甯甘州莊浪三茶司。陝西省西安鳳翔漢中同州四府商交官茶。改折之年。每封折徵銀三錢。又陝西省漢中府屬西鄉興安漢陰紫陽石泉五州縣所產之茶。向不設引。止許本地行銷。由各園戶每年共徵課銀五百三十三兩三錢二分有奇。歸入地丁案內。奏銷四川額行茶十一萬四千七百四十八引。餘引五千引。本省州縣行腹引一萬四千二百二十七引。打箭鑪松潘廳行邊引八萬四千二十七引。打箭鑪行土引一萬六千四百九十四引。其餘引值正引額外暢銷。即以抵行。每引徵紙價銀三釐。腹引邊引土引。每引各徵課銀一錢二分五釐。腹引每引徵稅銀二錢五分。邊引每引徵稅銀四錢七分二釐。土引每引徵稅銀三錢六分一釐。共額徵課銀一萬四千三百四十三兩五錢。稅銀四萬九千一百七十一兩八錢二分八釐。餘引課稅。隨年報解。雲南額行茶三千引。由麗江府給商。赴鶴慶州中甸等地方行銷。每引徵紙價銀三釐。稅銀三錢二分。共額徵稅銀

九百六十兩。按年彙入地丁冊內造報。貴州額行茶二百五十引。由懷仁縣分里給商。赤水里載一百十八引。二郎里載十九引。吼灘里載十五引。小溪里載五十八引。土城里載四十引。赴四川永甯縣行銷。每引徵紙價銀三釐。稅銀二錢五分。赤水等五里。共額徵課銀一兩六錢九分三釐。有奇。額徵稅銀六十二兩五錢。直隸河南均無茶課。向不頒引。惟茶商到境。各由經過關口輸稅。不科引課。

盛京向不頒引。亦無茶稅。民間食茶。係各處商販運往。在蓋平縣並海城縣之牛莊錦縣之天橋廠。螞蟻屯。各海口完納茶課。山東向不頒引。惟濟南府額徵茶稅銀八兩。係牙行赴司領帖。每茶一駄。收稅銀三分。歷城縣額徵銀一兩四錢。壽張縣茶行經紀一名。每年納稅銀三兩六錢。又濟甯州有商運茶到州。每茶百斤。收稅銀一錢。蘇茶百斤。收稅銀五分。均彙入雜稅項下報解。山西向不頒引。惟鋪戶外販經關納稅運至省城。每百斤抽稅銀二錢。作為商稅報解。汾陽縣食茶商稅項下。每年額徵茶馬稅銀十六兩。

二錢四分。福建向不頒引。並無徵收茶課。惟崇安之武夷山產茶。聽商販運。於經過關口。照例納稅。多寡不一。彙入商稅項下。奏銷。廣東地不產茶。向不頒引。民間日用。或藉江閩商販。或採野茶自食。所徵茶稅。惟樂昌縣十兩五錢。長甯縣六兩。每年附入雜稅。又潮州廣濟橋。每歲茶百斤。稅銀五分。細茶百斤。稅銀三錢四分。彙入橋稅內報解。廣西亦無茶課。向不頒引。惟興安義甯二縣。瑤人種植麤茶。土商前往收買。運至桂林平樂梧州慶遠各處售賣。經過關廠。照

例報稅。於關稅雜項造銷。凡造作假茶售賣至五百斤以上。店戶窩頓至一千斤以上。計數科罪。其與販私茶潛與外國人交易。及在內地賣與同程外國人者。甘肅西甯河州洮州四川雅州私販未經入番。數在一百斤以上及三百斤者。均計數科罪。凡興販私茶。論如私鹽法。凡茶引鑄鑄銅版。每十年題交寶泉局換鑄。謹案茶戶部為茶法事。陝西清吏司案呈。照得各省茶法題准各項事例。已經通行遵奉。所有引目條款。合行開列。鑄造銅版。印刷引目。給付茶商收執。照茶前發去發賣施行。須至引者。茶引每引無論精麤。連包照茶百斤為一引。給半印引目。引價納完。隨即發引。照例不許溢額。客商

口外蒙古在殺虎口就近易鹽以致黃甫堡茶引不行嗣後停其頒發額引。○又覆准甘肅省蘭州城無馬可中將甘州司積存茶篋在五鎮俸餉之內銀七茶三每銀一兩搭放直三錢茶一封。○四十一年定四川省天全土司增行五千六百引。○又題准四川省雅州增行二千七十九引。邛州三百引。榮經縣三千五百有四引。○四十二年題准陝西省額行茶二萬七百九十六引。發西甯莊浪洮岷河州四司通番易馬內有八百餘小引。售西安鳳翔漢中三府人民供食。後因大引漸次裁減現今止留小引百餘三府地方人民不足食用。今於小引原額內頒五百引給商行茶。每引徵茶五篋。每篋折銀四錢。共徵銀一千兩。○四十四年題准陝西省西甯等處所徵茶篋停止中馬。將茶變價折銀。每新茶一篋折銀四錢。陳茶一篋折銀六錢充餉。○又議准四川省名山縣增邊引三千三百一十道。○又題准四川省雅州腹引難銷改為邊引行茶。○四十五年題准四川省新繁大邑灌縣增行一千九百引。○四十八年覆准四川省

天全土司增行五百一十引。○四十九年覆准四川省天全土司增行七百二十引。○又覆准四川省雅州增邊引一千九百八十道。○五十二年奏准四川省打箭鑪地方番人藉茶度生嗣後一體貿易。○五十五年覆准浙江省每年例銷茶十四萬引。商人有願備本銀及水腳銀兩將每年應辦黃茶解交內庫者。給予執照領引置茶。過關投稅均如舊例。其存贖餘引按年赴部繳銷。○五十七年議准陝西省西甯地方原額九千二百四十八引。每引照例徵茶五篋。折銀四錢。徵銀四千兩。○五十九年議准四川省茶課合邊引土引共六萬四千九十八引。向與松潘打箭鑪行銷。嗣均行飭禁。將引繳部。應徵稅銀暫行停止。茲該二處土司相繼歸誠。仍發邊土二引行銷。○六十一年覆准陝西省西甯莊浪岷州河州界連口外增茶引四千道。交與總督辦理。一年定例後仍交巡撫辦理。乾隆二十九年裁甘肅巡撫。光緒十年設甘肅新疆巡撫。○又議准陝西省西甯等處舊茶悉行變賣以充兵餉。○雍正三年覆准甘肅省四司茶篋自康熙

六十一年為始。五年內總收本色。五年後即將五年以前之茶。發出變價。挨次出陳存新。將變價銀按年造報。總以五年為率。○又覆准。四川省邛州。增邊引一千三百道。○四年覆准。四川省雅州。成都。大邑。榮經。灌縣。等五州縣。額引不敷行銷。增邊引八千六百三十五道。○又覆准。四川省天全。土司。增土引七百七十道。○又覆准。四川省安縣。增邊引二百道。○五年題准。浙江省產茶獨多。銷引數倍他省。專設商人二名。每年自備紙價銀四百六十二兩。於藩司衙門詳給咨批。赴部交納。請頒額引。到浙呈送布政使司。挂驗。轉給收存。俟各商販置齊全。赴北新關輸納稅銀。管引商人。每年辦解各陵寢需用黃茶。及供應

上用黃茶。

內廷需用黃茶。又每銷一引。應解茶果銀並贏餘銀四分二釐八毫。計十四萬引。每年共解內務府銀六千兩。○又覆准。四川省邛州。增邊引一千一百道。○六年覆准。四川省遵義府。改屬貴州。其仁懷縣額徵茶稅銀六十二兩五錢。茶課

銀一兩六錢九分三釐。又正安州額徵茶課銀二兩。自七年為始。歸貴州交納。又因四川仁懷縣改隸貴州。隨帶二百五十引。○七年題准。四川省洪雅。嘉定。二州縣。共增腹引三百道。又天全。土民。增土引二千三百五道。○八年奏准。陝西省行茶定例。每引一道。運茶百斤。帶附茶十四斤。今又加耗茶十四斤。如有多帶。照私鹽例治罪。○又覆准。甘肅省收存茶封。照依時價發出變賣。飭令各司半月一報。僅有驟長驟落。亦即據實報明。並責成各道員稽查。七監所費。仍將所報市價。按季具結報部。變價銀造冊奏銷。○又題准。四川省天全。土民。增土引三千九百四十道。○又題准。四川省雅州。榮經。縣。茶引。節年於打箭爐地方行銷。今因無力行茶。改撥新繁。峨眉。等縣。招商認銷。邊引二千二百三十三道。○又覆准。四川省茶引。按舊志。每茶一斤。徵課銀二釐五毫。現徵權課。每斤止徵銀四絲九忽。有奇。前後輕重懸殊。嗣後酌減舊志之半。無論邊引。土引。腹引。俱每斤徵銀一釐二毫五絲為額。○又奉

旨。川茶皆論圍論樹以定稅額。夫茶樹有大小不同。圍地有廣狹不一。若概以圍樹之數為額。未為允當。應將茶稅照斤兩收納。方得其平。著該撫詳議。欽此。遵旨議定。川茶每斤納銀一釐二毫五絲。令各商人在茶價銀內扣存。即隨引稅赴地方官照數完解。九年奏准。甘肅省洮岷河州西甯莊浪甘肅五司。復行額茶中馬之法。其按馬易筭。悉照順治初年定例辦理。又題准。四川省成都等六州縣。增行三百六十九引。通江縣增行六百七十八引。又題准。四川省灌縣等九縣。共增邊腹引六百五十二道。又題准。四川省羅江等四州縣。增腹引五十一道。新都等四州縣。增腹引二百二十道。邛州。增邊引一千一百道。天全州。增土引四千二百七十一道。又題准。江西省甯州。今改義甯州。武甯縣額引不敷。共增一百五十引。增課銀三十二兩五錢。十年奏准。甘肅省額茶中馬之法。應見馬給茶。又題准。四川省漢州銅梁綿竹眉州丹棱等五州縣。共增腹引三百二十五道。崇甯鄰水雅安汶川邛州等五州縣。增邊引三千六百三道。又奏准。四川省

於額頒茶引外。豫頒茶引五千張。收存巡撫署。如有請增州縣。一面題報。一面將部引給發。又題准。四川省保甯府屬之巴州通江南江。原額邊引二百道。向係灌縣商人代領。買茶配引行銷。今改撥灌縣。自九年為始。按年行銷。又題准。安徽省歙縣休甯黟縣甯國建德霍山六縣。茶引不敷行銷。應增一萬八千三百八十八引。又覆准。安徽省六安霍山黟縣建德甯國五州縣。共增一萬五千五百引。又懷甯桐城宿松望江南陵涇縣旌德石埭東流當塗等十縣。地不產茶。開除八千九百引。十一年題准。四川省名山等十六州縣。共增邊腹引五千七百六十一道。十二年覆准。四川省什邡合縣南川銅梁太平等五州縣。共增腹引四百道。又覆准。四川省邛州。增邊引一千三百道。十三年奏准。甘肅省停止以茶中馬。又題准。安徽省六安歙縣休甯霍山等四州縣。原頒茶引。不敷行運。嗣後於額引外。豫頒餘引一萬道。遇額引不敷。即給行運。每年所頒餘引。同額引一併發儲布政使司庫。遇有動用。按數給發。將給發

存贖數目。於歲終造冊具題。○又題准雲南省商販茶。係每七圓為一筒。重四十九兩。徵收稅銀一分。今每百斤給一引。應以茶三十二筒為一引。每引收稅銀三錢二分。於十三年為始。頒給茶引三千。飭發各商行銷辦課。作為定額。造冊題銷。○乾隆元年題准甘肅省應徵新茶。自乾隆元年為始。每茶一篋。折交銀五錢。照數徵收。俟陳茶銷至八分之後。應否改折本色。再行酌議具題。又新茶雖經改折。陳茶銷售猶難。將西甯莊浪洮岷河州甘州五司庫存陳茶。每封減價銀二錢。嚴飭司茶各官上緊變賣。取結送部。○又題准四川省洪雅縣增行腹引二百五十道。○二年覆准江西省額銷茶引三千紙。今南昌等三十二縣。地不產茶。並無商販領引辦課。應停給茶引七百十二紙。豁除課銀一百六兩八錢。紙價銀二兩三錢七分九毫。○又題准甘肅省商人承辦茶引。例由地方官稽查驗放。今榆林神木額設茶引。赴陝西潼關查驗。路途紆遠。腳價太昂。嗣後商茶入陝之後。將榆林茶令綏德州查驗。神木茶令府谷縣查驗。○六年

題准四川省成都彭縣灌縣積引難銷。酌減四千四十九引。○七年覆准甘肅省應徵新茶。仍徵本色。○八年

諭前因四川省松潘引多茶壅。將天全州之積引。改撥成都彭灌等縣行銷。每年空繳引張。賠納稅課。官商交累。惟是乾隆七年以前之羨餘截角。尚屬於欠。成都彭灌等縣。均有未完銀兩。著將所有三縣舊欠。悉行豁免。○又奏准四川省建始縣改隸湖北施南府。舊行茶十八引。隨帶湖北。每引徵稅銀二錢五分。課銀一錢二分五釐。共六兩七錢五分。○十三年議准湖北省建始縣茶引。由本縣截角。給商在本地行銷。至行過殘引。由商呈繳。申司送部。○又議准湖南省原頒茶引。於奏銷後將殘引按數催繳送部。○又奏准甘肅省應徵茶引。嗣後每年以二成徵收本色。八成徵收折色。○又議准甘肅省商人領引照茶。每茶百斤。附茶十四斤。以五十斤為官茶。交甘省官庫。以五十斤為商茶。商人運甘自行發賣。其附茶亦聽商人自賣。○又議准甘肅省各商行銷引張。於領引後。前赴湖南收買茶斤。運回甘肅。由陸路者。自

河南陝州驗引移送潼關秤盤截角給單發運鞏昌由水路者自襄陽府驗引截角經過新安白河紫陽等州縣驗引由漢中軍糧同知按引秤盤每封截用關防將茶引截角發給由單催本商運至甘肅交與鞏昌茶廳盤驗明白將引截角給單照拈定司分行銷其引或交官茶或交折色各該司照收後將引仍各截一角其殘引隨奏銷交部又甯夏商人由浙江買茶運至潼關亦照例驗畢直運本地行銷榆林府商人販湖廣安化茶由水路至襄陽府驗截引角由陸路入山西境至汾州府河西驛由陝西綏德州查驗茶封轉運榆林府赴葭榆道今改延衙門秤驗給商行銷其運過殘引由葭榆道繳銷又神木同知衙門額引二百道係歸官辦銷差人赴湖廣襄陽府買茶驗引截角運回本地行銷每年請領新引即將舊引投葭榆道衙門轉繳○又議准江西省額領茶引內徽商領引一千三十五道赴饒州餘干縣販往湖廣行銷每於赴司兌課給引之後知照九江關驗明截角鈐蓋墨記仍給該商收執俟次年請領新引時

呈繳殘引彙行解部其餘引張分發各屬聽本地小販赴各本籍州縣領引兌課就近行銷貴坡將引繳本州縣截角鈐記呈司彙繳○又議准四川茶引由本省經過州縣盤驗截角至行打箭鑪之邊引土引由榮經縣屬之小關山天全州之禁門關盤驗截角行松潘廳之邊引由茂州汶川縣盤驗截角所有行殘各引均於奏銷時附繳○又議准雲南茶引頒發到省轉發麗江府由該府按月給商赴普洱府販買運往鶴慶州之中甸各番夷地方行銷其稽查盤驗由邱塘關並金沙江渡口照引查點按則抽稅其填給部引赴中甸通判衙門呈繳分季彙報未填殘引由麗江府年終繳司○又議准貴州省仁懷縣之赤水里載引一百十八道二郎里載引十九道吼灘里載引十五道小溪里載引五十八道土城里載引四十道由縣給商於該五里配茶由猿猴地方設役挂驗再令合江縣盤查由合江水路赴敘永廳報稅至永甯縣行銷其銷過殘引仍令各商繳縣彙齊送部○十六年題准四川省丹棱縣增腹引一百四十道

洪雅縣增腹引六百八十八道。○十八年題准四川省南溪縣增腹引四十道。丹棱縣增腹引二百四十道。○十九年題准四川省通行增腹引三百七十一道。此項增腹引張隨時酌量配給產茶之各州縣其課徵收。○二十年題准四川省增腹引四百道。增頒邊引三百道。○二十一年題准四川省增頒邊引三千三百道。增頒腹引三百道。○二十五年議准浙江省行銷口外蒙古地方殘引。一概免其追繳。其行銷內地各省者。將茶商姓名籍貫。詳咨運賣省分。俱由行茶處所就近收繳。再行銷蒙古茶引。令各關口驗明。實係截角截去中間者。方准放行。○又議准甘肅省分銷西甯司引九千七百十二道。河州司五千一百三十二道。莊浪司五千一百五十二道。甘州司四千道。洮岷司地處偏僻。茶引壅滯。將額頒茶引三千三百道。改歸甘州莊浪二司。各一千六百五十道。給商行銷。○二十七年奏准裁撤河州茶司。其額引五千一百三十二道。改歸甘州莊浪二司。分給商人行銷。○又奏准甘肅省庫存官茶。遇儲積過多。則改徵折色。如庫存無幾。則

復徵本色。自乾隆七年至二十七年。茶封壅積。所有商人應交二成官茶。每封徵收折價銀三錢。俟陳茶銷完。再收本色。其每引八成改折茶四十斤。其附茶五斤九兩零。並無課項。若仍按年如數配運。愈積愈多。難免停本虧折。將每引一道。止配茶十五封。原額茶課。照舊交納。至應交二成本色官茶。已改議折價。毋庸再運。俟茶斤疏通。再照舊額增復。○又議准甘肅省庫存茶封。每封作價銀三錢。仍以一二三成按季搭放滿漢各營俸餉。至新疆地方。每年共需茶二萬七百餘封。雇覓牲畜運解。除自各司至甘肅沿途設有官車輓運。毋庸攤算腳費外。其自肅州運至各處。將腳費攤入茶本之內。在於領茶官兵月支鹽菜銀內扣還。○二十九年議准。商販引茶行銷江蘇地面者。各屬於茶市畢後。將商運到境。查明茶引相符。驗對過關墨記。收引截角。送司繳部。其赴外省行銷引張。徑聽各關截驗。毋庸咨送殘引。○又議准安徽省商販引茶。各州縣於茶春時。印給茶牙循環號簿。將茶商姓名籍貫。引茶數目。經由關津。住賣處所。逐

一註明該州縣於本境要隘地方。委員盤驗。每茶市畢。該茶牙將原發印簿呈縣。造冊同原簿送司查覈。其行銷已殘引張。無論本省外省。概予免追。○又題准。四川省增頒腹引五百十六道。○又奏准。浙江省行銷內地殘引。概行免追。至行銷京城殘引。於崇文門截去中間繳部。其賣茶已畢之殘引。亦免其查繳。○三十年題准。四川省增頒腹引八百四十二道。○三十一年題准。四川省增頒腹引六百一十道。○又奏准。浙江省每引一道。商交買價銀一錢。額解茶課等銀。照舊辦理。○又奏准。浙江省裁除引商名目。所有應辦黃茶。即令承辦委員親身解部。順領新引。○三十二年題准。安徽省黟縣增頒引一千三百道。○又題准。四川省增頒腹引八十九道。○三十三年題准。四川省增頒腹引六百二十道。○三十四年奏准。甘肅省官茶。前經議令全行折價。今庫存陳茶無幾。復徵一成本色茶封。以供本省並新疆各營官兵俸餉之用。○又題准。四川省增頒腹引一十二道。○三十五年題准。四川省增頒腹引二百八十六道。○三

十六年題准。四川省增頒腹引九百道。○又議准。甘肅省所收一成本色茶封。除各營官兵並新疆應用外。所餘無幾。又有伊犁等處安插投誠土爾扈特等眾。奉

旨賞給茶封。應仍照舊以二成本色徵收。○三十七年議准。四川省南川縣增頒腹引一百道。○三十八年題准。安徽省黟縣增頒引一千二百道。○四十年題准。安徽省婺源縣增頒餘引二千六百道。○又題准。四川省通行增頒腹引三十五道。○四十一年題准。四川省增頒腹引四十道。

○五十二年議准。陝西省榆林府每年領茶引一千道。官商赴湖廣買茶。在所屬之榆林懷遠各縣。並蒙古鄂爾多斯等六旗行銷。嗣因蒙古各旗與晉省歸化城壤地相接。該省民人製茶出口。蒙古人等就近買茶。榆林官引壅滯。自乾隆五十一年為始。將榆林引張內撥出五百道。歸於甘省甘州司入額行銷。照甘納課。其榆商應徵引課。即於原額內扣除。○又議准。四川省灌縣增頒腹引一千道。於縣屬配茶。運赴新疆各屯售銷。由懋功廳領引納課。○五十四年題

准四川省天全州增頒土引二千五百道。於州屬配茶運打箭鑪發賣。由該州領引納課。○十五年題准四川省天全州額徵茶引外。仍不敷配銷。增頒土引二千道。運打箭鑪發賣。由該州領引納課。○五十六年題准四川省天全州增頒土引三千五百道。○五十七年題准四川省榮經縣增頒邊引二千五百道。邛州增頒邊引三千五百道。○五十八年題准四川省邛州增頒邊引二千五百道。天全州增頒土引七百。峨眉縣增頒腹引三百八十道。○六十年題准四川省榮經縣增頒邊引八百道。天全州增頒土引八百二十六道。○嘉慶三年題准安徽省徽州府屬之婺源縣黟縣池州府屬之建德縣。續增頒引一萬二千道。○又題准四川省天全州增頒土引四千一百道。○五年題准陝西省榆林府茶引。自改撥五百道歸入甘省甘州司行銷後。鄂爾多斯等旗。並無一人買食官茶。原留額引五百道。仍屬壅滯。自嘉慶二年為始。再撥出四百道。歸入甘省行銷。仍留一百道。在榆林募商承領辦課。○六年咨准安徽省六安

州增餘引二千道。○七年題准陝西省神木廳官銷茶引。久經撥歸甘省交商行銷。至課銀亦照甘省之例完納。神木既無行銷茶引。其羨餘名目亦應豁除。○十年

諭倭什布奏詳議茶商定籍章程一摺。據稱招商承引。總以行銷辦課為重。近年茶課既無貽誤。請仍照舊章辦理等語。商人承領引張。向由地方官出結。嗣因承充乏人。由州縣查明出結。再由各衙門覈轉詳報。層層滋擾。守候需時。致有停引誤課之事。自應仍照舊章。責成總商稽查。該眾商等有無頂冒。令其造具確實籍貫引數清冊。取具親供甘結。由蘭州道行文該原籍地方官查明詳覆。移知布政司衙門存案。毋許一人跨占兩籍。方足以杜假冒蒙混之弊。此次商人馬起鳳既經查明無捏報頂充情事。伊現寄籍西甯。即令改入西甯籍貫。其各茶商如有似此遷移跨籍者。均著令一體改正。○十一年議准甘州原額茶引。不敷行銷。自嘉慶十年為始。增引八百道。每歲加增課銀三千三百五十一兩有奇。○十二年議准四川省長甯縣地方。向食合江茶斤。近年以來。民食不敷。增茶腹引三百張。每張權課

銀一錢二分五釐。共權課銀三十七兩五錢。每張徵稅銀二錢五分。共徵稅銀七十五兩。自嘉慶十二年為始。於仁懷縣配茶運回長甯。並於永甯慶符珙縣等處行銷。十六年題准。浙江省每年額銷茶引十四萬道。銷引壯盛。額額引目不敷配給。每年添頒七萬道。俟額引銷完。接銷餘引。或有存騰。次年再銷。其解支各款。均按向辦章程。至起解黃茶及茶果等銀。於年內委員起解運京。十七年議准。甘肅省交納官茶。從前酌定一成本色。九成折色。今庫存茶封贏餘。自十七年為始。全徵折色。按年造冊奏銷。二十一年奏准。甘肅省茶引。每道應交官茶五十斤。徵一成本色。其餘九成。俱改為折交銀兩。

謹案西甯莊浪甘肅三茶司承辦原額改撥等引二萬八千九百九十六道。甯夏道延榆綏道額引五百七十九道。每道徵銀三兩九錢。又陝西省興安漢中二府屬內西鄉縣圍戶茶課銀二百七十九兩七錢六分。一釐有奇。興安州圍戶茶課銀四十九兩九錢七分。一釐有奇。漢陰縣圍戶茶課銀五十九兩九錢七分。一釐有奇。紫陽縣圍戶茶課銀一百二十九兩三錢四分。六釐。有奇。石泉縣圍戶茶課銀二十七兩三錢四分。六釐。有奇。每歲另款徵解。不在按引徵額之內。

○道光元年

諭將攸鈺奏茶息不敷支放。請仍循舊例。並分別改款。

欽定大清會典事例 卷二四二

動支一摺。川省餘茶息銀。近因滯銷虧課。每年支用不敷。收息更復遲滯。兼以歷年借墊款項。益形軫軫。該督所奏。自係實在情形。著照所請。准其將川省茶息項下。每年應支廣法勝因二寺經費。屯弁俸銀。官兵巡閱盤費。修理口外塘房四款。改歸鹽茶耗羨項下。成都將軍公費一款。改歸兵馬建曠項下。動支所有茶息內。應支前款。及未經報銷各案。即行改款入冊開除。此後茶息一項。仍照舊例。專為辦理夷務之用。並將歷年辦理夷務未經開除銀兩。及將來遇有夷務動用。均於此內陸續開支。以清庫款。六年奏准。古城地方設立稅局。抽收茶稅。試行三年後。再定稅額。七年奏准。於打箭鑪關稅內。將按引應徵茶稅一項。銀一萬七千三百三十六兩七錢。劃出自本年為始。另行按年題銷。遇閏之年。按引酌添附茶九斤半。數計每引增閏稅銀一分五釐。應增閏稅銀一千四百三十一兩二錢二分五釐。八年奏准。回疆軍興。商販裹足不前。兩年以來。並未試收茶稅。現在行銷章程已定。於八年十月為始。試收三年。再行定額。其抽收稅則一切事宜。詳覈咨部。九年奏准。甘

肅省茶務。責成鎮迪道總司稽查。奇臺縣就近
經管。分別茶色。麤細。納稅多寡。如白毫武彝珠
蘭香片。大葉普洱。六種。每百斤納稅銀一兩。安
化斤。靛廣。金千兩。百兩。質色較麤。每百斤納稅
銀六錢。大靛一種。質色更麤。每百斤納稅銀三
錢。令商照則交納。隨時稅訖。給發稅票。立即放
行。由奇臺縣將商販姓名。茶色斤重。稅銀數目。
按月按季。造具總散清冊。申送轉咨。年底彙冊
報部稽查。仍將收獲稅銀。按月批解道庫。年終
撥歸甘肅。抵充烏魯木齊經費之用。○咸豐五
年議准。閩省崇安等州縣。為產茶盛旺之區。自
閩省暫開海禁。運道便捷。各商赴閩愈多。凡附
省扼要處所。及界連粵東浙江等處。一律分設
關卡。徵收茶稅。專款存儲。至三箇月。奏報一次。
聽候部撥。試辦一二年後。奏明定額。永遠遵行。
○六年奏准。伊犁地方出產茶斤。官為設局抽
稅。委員經理。由伊犁將軍督察。經理各官認真
稽查。以杜偷漏。繞越商民報稅。填給印票。立
即放行。聽其各處販賣。嚴禁吏胥需索。攔留。凡
商販無印票者。以私茶論。商民運茶到局。報明

斤重數目。即抽茶作稅。每茶十分。由局抽取一
分五釐。所抽茶斤。照搭放茶斤例價。每斤合銀
三釐。搭放該處官兵俸餉。每年冬季。該將軍將
抽取茶斤數目。豫咨陝甘總督。於次年應解伊
犁歲需茶斤內。如數扣除。報部查覈。內地販至
伊犁各色茶斤。赴局報稅。不論麤細。每百斤概
徵稅銀一兩。每年收稅銀若干兩。存儲該將軍
署庫。至次年春季。彙咨陝甘總督。於應解伊犁
兵餉內。照數劃扣。其茶稅歸入伊犁經費項下。
分析報部覈銷。○同治四年奏准。將甘省咸豐
八年欠課。分三年帶徵。其咸豐九年十一年茶
引。仍令照舊行銷完課。同治元年後茶引。暫緩
發商。○五年奏准。甘省引滯課懸。議於陝西省
城設官茶總店。潼關商州漢中。分設茶店。商販
無引之茶到陝。開具色樣斤數。呈報總店。上色
茶百斤。收協濟茶課銀一兩。中色六錢。下色四
錢。所收銀解甘彌補欠課。○七年議准。歸化城
商人販茶至恰克圖。假道俄邊。前赴西洋諸國
通商。請領部票。比照張家口減半。令交銀二十
五兩。每票不得過一萬二千斤之數。○十一年

議准甘省積欠之舊課仍追舊商召募之新商試辦新課其雜課捐助養廉充公官禮四項暫准緩徵。○十三年議准甘省仿准鹽之例以票代引不分各省商販均令先納正課始准給票其雜課歸併釐稅項下徵收各項名色概予刪除行銷內地者照納正課銀三兩外於行銷地面仿釐局章程均各一起一驗完納釐稅每引以收銀一兩數錢為度多不得過二兩出口之茶則另於邊境所設局卡加完釐一次以示區別。又於東西兩櫃外添設南櫃以招徠商人。

光緒十二年奏准晉商在理藩院領票詭稱販貨運銷蒙古地方其實私販胡茶侵銷新疆南北兩路到處濫賣一票數年循環轉運漫無限制。逃釐漏稅取巧營私以後領票註明不准販運私茶字樣如欲辦官茶即赴甘肅領票繳課完釐與甘商一律辦理僅復運銷私茶查出將貨充公。

欽定大清會典事例卷二百四十三

戶部

雜賦 金銀礦課

金銀礦課。原定雲南永北府屬金沙江金礦每年額課金七兩二錢六分。遇閏加金一兩二錢一分。永昌府屬上路江金廠額課金二十五兩五錢六分。遇閏不加。開化府屬版錫金廠額課金三十四兩。遇閏加金二兩四錢。鶴慶府屬北衙蒲草金廠額課金七兩二錢。其開化府屬麻姑廠。建水州屬慢校廠。騰越州後改廳屬冷水

菁黃草壩金龍菁魁向等金廠。儘收儘解。不定年額。貴州思南府屬天慶寺金廠。每兩收課金三錢三分。鎮遠府屬天柱縣中峯嶺金廠。每兩收課金四錢。甘肅大通縣屬扎馬圖金廠。每夫日交課金五釐。敦煌縣屬沙州金廠。每夫每月交課金三分。烏魯木齊迪化州屬奎屯河呼圖壁瑪納斯庫爾喀喇烏蘇等金廠。每夫每月交課金三分。以上雲南開化府屬馬脂底銀礦。額課銀七百六兩八錢六分。遇閏不加。中甸屬古學銀廠。額課銀五百六十八兩五錢三分六釐。

三毫遇閏不加建水縣屬黃泥坡銀廠額課銀
六百六十一兩一錢一釐遇閏不加雲南府屬
興隆銀廠額課銀三千一百三十二兩六錢五
釐有奇遇閏不加永昌府屬募迺銀廠額課銀
三百兩遇閏不加係孟連土司自行抽收按年
交納南安州屬石羊銀廠額課銀二萬二千三
百九十兩三錢二分遇閏加銀二十九兩又馬
龍銀廠額課銀六百九十八兩五錢二分有奇
又土革喇銀廠額課銀六十兩八錢四分有奇
均遇閏不加楚雄縣屬永盛銀廠額課銀三千
三百七十五兩九錢六分遇閏不加鶴慶府屬
蒲草塘銀廠額課銀四百二十一兩八錢一分
七釐有奇遇閏加銀二十四兩三錢鄧川州屬
沙澗銀廠額課銀一千三百二兩六錢七分遇
閏加銀一百六兩三錢三分四釐臨安府屬箇
舊銀廠額課銀三萬六千六百十三兩七錢八
分遇閏加銀三十八兩新平縣屬方丈銀廠額
課銀六十八兩八分遇閏加銀四兩七分四釐
永昌府屬茂隆銀廠收課多寡無定額
<small>嘉慶十七年雲南新舊各廠文山縣屬馬龍廠永盛廠南安州屬石羊廠土革喇廠均屬</small>

慶府屬沙澗廠額課銀一萬二千五百兩
建水縣屬黃泥坡廠額課銀六百六十一兩一錢一釐
興隆銀廠額課銀三千一百三十二兩六錢五釐
募迺銀廠額課銀三百兩
石羊銀廠額課銀二萬二千三百九十兩三錢二分
馬龍銀廠額課銀六百九十八兩五錢二分有奇
土革喇銀廠額課銀六十兩八錢四分有奇
永盛銀廠額課銀三千三百七十五兩九錢六分
蒲草塘銀廠額課銀四百二十一兩八錢一分七釐
鄧川州屬沙澗銀廠額課銀一千三百二兩六錢七分
臨安府屬箇舊銀廠額課銀三萬六千六百十三兩七錢八分
新平縣屬方丈銀廠額課銀六十八兩八分
茂隆銀廠收課多寡無定額
嘉慶十七年雲南新舊各廠文山縣屬馬龍廠永盛廠南安州屬石羊廠土革喇廠均屬
潮州府屬豐順縣雙山嶼李樹灣嘉應縣大禾坪
鎮平縣屬新山坳香山縣屬桑枝林均每銀一
兩收課四錢五分廣西賀縣蕉木山河池州南
丹桂紅等銀廠二八抽課又水塘老磧水溝淘
洗等廠每銀一兩課銀一錢五分貴州威甯州
屬柞子廠平遠州屬達磨廠每銀一兩抽課四
錢四川鹽源縣屬甲子今豹子溝廠銀銅二八
抽課銀以上○順治元年山東省開採臨朐招遠
等處銀礦○八年禁止臨朐招遠等處開採○
康熙十五年差部員至山西省應州邊耀山監
視煎鍊礦銀○十九年覆准各省開採所得金
銀四分解部六分抵還工本按月報銷○又差
官往陝西省臨潼等處試採銀礦○二十年差
官往山東省萊陽縣試採銀礦○二十一年定
雲南省屬銀礦招民開採官收四分給民六分

○二十二年停止山東山西陝西等省開採。
四十三年

諭聞開採之事甚無益於地方嗣後有請開採者悉不

准行。○五十一年開採雲南省大姚縣惠隆銀廠。

五十二年題准湖南省郴州黑鉛礦產有銀母

除商人工本外收稅一半。○五十三年題准雲

南省惠隆廠照郴州例收稅。○五十七年題准

雲南省楚雄府石羊等廠臨安府箇舊等廠徵

收不足照地丁雜項銀例題參。○又覆准雲南

省霑益州貴州省威甯府接壤地方出產銀礦

令候補知府知州各一人協理廠務。三年內果

有成效照調補煙瘴例升補並准開廠人衆先

發米糧豫備以平米價歲歉時暫行停止。○又

開採雲南省金龍銀廠。○又開採貴州省威甯

府屬猴子廠銀礦二八收課。○五十八年題准

雲南省建水州屬華祝菁廠並雲南縣屬水木

支山金龍廠照惠隆廠事例收稅飭令儘收儘

解。○五十九年開採貴州省威甯府觀音山銀

鉛礦廠二八收課。○六十年題准雲南省華祝

菁廠洞門荆棘不便開採永行禁止。○雍正元

年開採雲南省馬腊底銀廠。○又停止貴州省

觀音山等廠。○三年開採雲南省古學銀廠。

四年開採貴州省新開水城等銀礦二八收課

。○五年開採雲南省黃泥坡銀廠。○又開採貴

州省威甯府屬白蠟柞子二廠。○六年開採湖

南省靖州屬墓坪山金砂每淨金一兩收課四

錢以五分作解供耗費及官役養廉以三錢五

分作商民工本。○又開採廣西省蒼梧縣屬茅

茨山金砂每兩收課二錢。○又開採廣西省臨

桂縣屬水槽野雞二礦廠銀鉛銅砂二八收課

。○又開採雲南省永昌府屬募迺銀廠。○又封

閉貴州省威甯府屬猴子廠銀礦。○八年封閉

湖南省墓坪山金礦。○又封閉貴州省新開水

城等銀礦。○九年封閉廣西省蒼梧縣茅茨山

金礦。○又議准廣西省南丹廠每出銀一兩抽

課二錢撒散四分每鍊出錫百斤抽課二十斤

撒散四斤。○十年開採雲南省阿發銀廠。○十

一年開採廣西省賀縣媽甥山銀礦每兩收課

三錢。○十二年開採廣西省懷集縣汶塘山銀

鉛礦廠二八收課。○十三年封閉湖南省郴州

九架夾黑白銀鉛各礦。○乾隆二年開採廣西省懷集縣屬荔支山礦廠銀鉛所收課稅按季報部歲終彙題。○又開採廣西省梧州府屬金盤嶺金礦二八收課。○又封閉廣西省懷集縣汶塘山銀鉛礦廠暨臨桂縣出產銀鉛銅砂之水槽野雞二礦廠。○三年封閉廣西省賀縣之媽甥山銀礦。○五年封閉貴州省威甯府屬白蠟廠銀礦暨廣西省蒼梧縣金盤嶺金礦。○七年封閉廣西省銀鉛並產之荔支山礦。○又題准雲南省金雞廠每出銀一兩抽正課一錢五分。○撤散三分。儘收儘解。不定年額。○八年開採貴州省天柱縣屬相公塘東海洞等處金礦。每金一兩收課三錢。火工等項銀於課金內變銀給發。○九年復准廣東省廣州府番禺等縣出產銅礦十二處。鉛礦二十二處。銅鉛礦砂三處。韶州府屬曲江等縣出產銅礦五處。鉛礦二十七處。又銅鉛礦砂三處。惠州府博羅等縣出產銅礦十六處。鉛礦十處。有鉛礦兼有銀砂五處。潮州府屬海陽等縣出產銅礦六處。鉛礦七處。銅鉛礦砂十五處。又銅鉛礦砂兼有夾雜金銀

砂十四處。肇慶府屬鶴山等縣出產銅礦二處。鉛礦五處。又銅鉛礦砂九處。羅定州屬西甯縣出產銅鉛礦砂五處。連州州屬及連山縣出產銅鉛等礦十七處。銅礦一處。嘉應州州屬及長樂等縣出產銅礦四處。鉛礦六處。詳加查數。如於民田廬舍實無妨礙。即行招商開採。照定例二八徵收。按季造報。歲終具題。○又復准廣東省開礦事宜。於廣州肇慶二府近處山場擇其礦砂旺盛無礙民田廬墓者酌量二三處先行試採。如果有成效。再定議漸次舉行。照原定章程辦理。至金銀礦於鼓鑄無涉。應停止開採。照舊封閉。其銅鉛礦有夾帶金銀屑者。仍准開採。照例收課。○又開採廣東省潮州府海陽縣水尾白墳珂山廠銀鉛。○十年開採廣東省惠州府永安縣粗石坑肇慶府陽春縣莫村那輓瓦壩等廠銀鉛暨韶州府曲江縣黃崗山銀銅。○又封閉雲南省大姚縣惠隆銀廠暨金龍銀廠。○十一年開採貴州省水城所屬法都銀礦暨思南府屬天慶寺金礦。○又開採廣東省惠州府河源縣藍溪約銅鑛灣凹下坦薑凹銀銅鉛

暨潮州府豐順縣李樹灣風吹礮雙山嶼嘉應
州大禾坪銀鉛。○又封閉貴州省天柱縣相公
塘東海洞金礦。○又封閉廣東省海陽縣水尾
白墳河豐順縣李樹灣風吹礮陽春縣莫村那
輾瓦埕等礦。○十二年開採貴州省威甯州屬
大化里新寨地方銀鉛礦砂。每煎銀一兩。收課
四錢。○十三年封閉廣東省曲江縣黃崗山河
源縣藍溪約銅鑛灣凹下坦薑凹等礦。○十四
年封閉貴州省新寨銀鉛礦。○又封閉雲南省
阿發銀廠。○十七年開採廣東省豐順縣地脚
下鉛山。又山焦窩鉛山銀鉛。照例收課。按季冊
報。歲終具題。○又覆准雲南省臨安府屬箇舊
廠南安州屬石羊廠。課銀不能敷額。嗣後據實
造報。毋庸另敘額課。○又封閉雲南省新平縣
屬方丈銀廠。○十九年議准四川省甲子夸豹
子溝銅廠。每銅百斤。可煎出銀八九兩。照例抽
課。每銅百斤。加收耗銅五斤。並開採附近月花
樓鉛礦。以資軍銀之用。○又議准廣東省李樹
灣銀鉛廠。每出銀一兩。抽公費銀一錢。其餘九
錢。一半抽課。一半歸商。○二十年議准四川省

沙溝紫古列等處礦廠。出產銀砂。每銀一兩。抽
正課銀二錢。耗銀四分五釐。○二十二年議准
廣東省大禾坪鉛山煎出銀兩。照例抽收。○二
十四年開採廣東省扛豬排牛角袋二處銀鉛
礦砂。○又封閉雲南省興隆銀廠。○又開採廣
西省盧架山鉛礦。○又封閉廣東省粗石坑銀
鉛廠。○二十五年議准廣東省東邊角廠煎出
銀鉛。照李樹灣廠抽課。○二十六年封閉廣東
省大埔縣屬打禾坪鉛山豐順縣屬地脚山
鉛礦廠。○二十七年議准廣東省新山坳鉛山
煎出銀鉛。亦照李樹灣廠抽課。○又封閉貴州
省天慶寺金廠。朱家等七硎。仍攻採胡家長峪
子荆木樹等三硎。○又封閉廣東省扛豬排牛
角袋二處銀鉛礦廠。○二十九年封閉貴州省
天慶寺金廠。荆木樹長峪子二硎。仍採辦胡家
一硎。○三十年題准雲南省各廠。凡遇硎老砂
稀課銀缺額。即於各子廠抽收課銀。並錫斤票
稅。贏餘銀內通融抵補。○三十二年封閉廣東
省東邊角銀鉛山。○三十四年開採廣東省桑
枝林銀鉛礦。○三十五年封閉雲南省建水州

屬黃泥坡銀廠。三十六年奏准。烏魯木齊所屬奎屯河呼圖壁二處。淘有金沙。派撥兵弁暫行試看。又封閉廣東省大禾坪銀鉛廠。開採時際寶興二壠銀鉛礦。三十七年封閉烏魯木齊奎屯河呼圖壁二處金礦。三十八年議准陝西省哈布塔海哈拉山等處開採麩金。每商一名許帶夫五十名。日抽課金二錢五分。每抽課金一兩外抽撒散金三分。數給價值。以作廠費。如有餘贖。解司充公。三十九年奏准甘肅省扎馬圖金廠。設額夫五百名開採。每名每日交正課金五釐。每正課金一兩外抽撒散金三分。每兩變價銀一十二兩。為在廠官役盤費之用。四十一年開採貴州省鎮遠府天柱縣屬中峯嶺地方金礦。每金一兩抽課金四錢。外抽撒散金三分。每兩照八兩二錢變價。支給廠費。又奏准雲南省麗江府屬迴龍銀廠。及昭通府屬樂馬銀廠。附近天財。開泰。裕豐。元龍。礮硎。四口。試採有效。照例抽課。又開採伊犁所屬皮里沁山古內。雙樹子地方金砂。四十二年奏准雲南省蒙自縣箇舊廠。維西河墩子地

方紅坡吉咱廠。建水縣摸黑廠。昭通府金沙廠。樂馬廠。又三道溝子廠。南安州石羊廠。照例抽課。儘收儘解。牻犴地方茂隆廠。每銀一兩抽課銀九分。以四分五釐作課。起解以四分五釐賞給牻犴酋長。蒙自縣金釵廠。銅礦內微有銀氣。每煎銅百斤。抽課銀一錢。又開採貴州省平遠州屬達磨山廠銀砂。又封閉雲南省金雞銀廠。又停採陝西省哈拉山等金廠礦砂。四十二年停採伊犁所屬皮里沁山古內雙樹子地方金苗。又封閉貴州省天慶寺胡家硎金廠。四十五年奏准甘肅省扎馬圖金廠減夫一百五十名。四十七年

諭烏什開採金銀礦。現需熟諳工匠。著選派熟悉鎔化分金之匠各一名。攜帶器具。前往烏什採試。又覆准甘肅省並無開採銀廠。調派熟識銅苗匠役。每名口內日支口食銀一錢。口外日支口食銀三錢。口糧粟米八合三勺。或麵一斤。自肅州出口前往供應。又奏准烏魯木齊迪化州南山一帶。並奎屯河呼圖壁瑪納斯。庫爾喀喇烏蘇等處。舊產金廠。仍令該處民人出資淘洗。並設

立檔房。派員專司其事。定為司全局名目。刻與圖記。以便文移稽查。每課長領客民五十名。發給照票。每名每月交課金三分。每至月底。令課長彙齊交納。全砂傾銷成錠。交司全局兌收。移交滿營公庫收存候解。其課長所得餘金。呈驗給票。方可售賣。如無照票。照私金治罪。至庫爾喀喇烏蘇地方。金廠較遠。所有照票金簿。由都統衙門鈐印飭發。該處駐紮大臣就近稽查。司全局所收課金。按三月一次。將各處收過數目。據實具奏。每年春秋二季。有滿營赴京引

見官員。帶解內務府查收。○四十八年

諭。回部地方採取金兩。所得無幾。且開礦聚集人等太多。未免遺累地方。著將停止採取之處。詳議具奏。欽此。遵

旨。議定。將烏什地方採取金兩一事。盡行禁止。○又奏准。烏魯木齊迪化州綏來縣等處開採金砂。原派司員佐領兼管。勢難兼顧。改歸鎮迪道總理。庫爾喀喇烏蘇等處。仍令駐紮大臣兼管。一切給照稽查。均由該道會同駐紮大臣查辦。所抽課金。一體移交道庫。遇便彙解。○四十九年奏

准雲南省順甯府屬悉宜銀廠照募迺廠之例。令耿馬土司就近管理。年納課銀。令順甯府管解完納。○又封閉四川省沙溝紫古別等廠。○五十一年奏准。甘肅省敦煌縣沙洲南北兩山。出產金砂。採金人夫。以二千名為率。如有多帶。照例治罪。每五十名。設夫頭一名。夫頭給予照票。散夫給予腰牌。照票由安西州填號鈐印。送廠員給發。腰牌即由廠員製造。逐日課金。責成夫頭收繳。按夫抽取。每夫每月交納課金三分。於正課之外。另抽撒散金三釐。如遇風雪不能

採挖之日。亦不准扣除。所收課金。逐月交存安西州庫。統俟秋停廠。傾鎔成錠。遇有便員解交內務府查收。○五十二年奏准。甘肅省扎馬圖金廠。增夫五十名。○又開採雲南省三嘉銀廠。○五十五年開採烏魯木齊條金溝地方金砂礦廠。○又封閉烏魯木齊條金溝金廠。○又開採直隸省延慶州屬黃土梁地方銀鉛礦廠。照黔省銀鉛礦廠抽課之例辦理。餘銀全行給商。餘鉛照川省之例。一半官為收買。○又停採直隸省黃土梁地方銀礦。○五十七年封閉雲

南省三嘉銀廠。○嘉慶元年。封閉廣西省盧架山銀鉛廠。○三年。奏准雲南省樂馬銀廠額課短縮。附近金牛菁綿華地。出有銀礦。堪以試採。作為樂馬子廠。以補缺額。○五年。

諭雲南永昌府屬之茂隆銀廠。近年以來。並無分釐報解。自係開採年久。硎老山空。礦砂無出。若仍照舊採辦。不特虛費工力。課項終歸無著。而聚集丁夫。亦恐滋生事端。所有永昌府屬茂隆銀廠。著即封閉。其四年分應交課銀七百五兩零。亦加恩豁免。○六年。奏准雲南省現在各銀廠。不論新舊子廠。據實報

解。通融撥補。以此廠之有餘。補彼廠之不足。務數年額總數。○又開採雲南省騰越州後改屬冷水菁黃草壩金龍菁魁甸等金廠。現尚未定年額。令其儘收儘解。○又奏准雲南省湧金銅廠坡白沙地。白羊等銀礦。撥補樂馬永盛二廠缺額。一併報銷。○七年。

諭甘省扎馬圖金廠。開採年久。金苗微弱。額設廠夫四百名。現因不敷課本。多有逃散。既經該督委員勘明。該廠實在情形。自應將廠夫酌減。以歸敦實。著照所請。減夫二百名。仍留二百名。○八年。封閉雲南省冷

水菁金龍菁二金廠。○十一年。封閉雲南省魁甸廠金礦。永興廠銀礦。○十三年。開採雲南省太和銀廠。○十五年。封閉雲南省慢校廠金礦。募迤銀礦。開採邦發銀礦。○十六年。封閉雲南省馬腊底銀礦。○十八年。封閉雲南省白沙地銀礦。○二十年。開採雲南省鎮沅州青龍銀廠。封閉邦發銀礦。北衙蒲草廠金礦。○二十四年。開採雲南省永北礦山廠銀礦。○道光元年。封閉甘肅省大通縣屬扎馬圖金廠。停交正撤課金二十八兩零。○二十八年。

諭開礦之舉。以天地自然之利。還之天下。仍是藏富於民。如果地方官辦理得宜。何至藉口於人眾難散。因噎而廢食。著四川雲貴兩廣江西各督撫。於所屬境內。確切查勘。廣為曉諭。其餘各省督撫。亦著留心訪查。如有苗旺之區。酌量開採。斷不准畏難苟安。託詞觀望。儻游移不辦。朕不難派員前往履勘。如果不便於民。或開採之後。弊多利少。亦准奏明停止。至於官辦民辦商辦。其應如何統轄彈治稽查之處。朕亦不為遙制。惟在該督撫等各就地方情形。熟商妥議。定立章程具奏。○咸豐三年。開採熱河偏山綫銀礦。每

兩收正課銀三錢。耗銀三分。○四年議准。熱河
偏山綫銀礦稅課。每百兩。加收正課銀三十五
兩。耗銀三兩五錢。○六年議准。熱河偏山綫銀
礦。每兩。交正課銀四錢。耗銀四分。○八年開採
和闐金砂六處。每年交課金二百兩。產金之噶
爾等六處。每年交課金三百兩。遇閏不加。抵作
和闐經費。其新場每金百兩。抽徵金三兩。作為
該處修補卡房書吏工食費用。○九年

諭

戶部奏徵收課金。疊報減少。請飭查辦等語。熱河熱
水塘金礦徵收課金。自八年開採以來。各季徵報之

數。有減無增。恐該商等有完多報少情弊。或係廠員
未能督飭商人實力開採。以致課額愈形短絀。著常
清即揀派妥員認真督辦。以資整頓。而裕經費。○十
一年議准。熱河土槽子銀礦。每兩收正課銀二
錢五分。耗銀三分五釐。解費銀一分五釐。○同
治二年覆准。熱河土槽子銀礦。每兩加收正課
銀三錢。耗解各費照舊。○四年覆准。熱河偏山
綫銀礦。每兩收正稅銀三錢五分。耗銀三分五
釐。○十三年開採喀拉沁王旗地方羅圍溝銀
礦。○光緒二年開採熱河窩溝銀礦。○五年封

閉熱河窩溝銀礦。○七年封閉喀拉沁王旗地
方羅圍溝銀礦。○十年奏准。雲南省城設開採
五金總局。遇有呈請開採者。由藩司發給開山
牌票。○十一年奏准。甘肅省大通縣舊有金廠
取金以牀。亂後廢弛。光緒八年委員招商試辦
五十牀。九年裁撤委員。改令總商包課。所繳金
色極低。且欠課甚多。追比亦未足額。嗣另招股
商試辦三十牀。十年課金六十兩。如數徵足。此
後金苗若旺。漸推漸廣。牀多則課增。地方官但
令稽查牀數。隨時報明西甯道。課金由商徑繳
道署。不假胥吏之手。庶無流弊。○十二年奏准
黑龍江漠河地方開設金廠。官督商辦。

欽定大清會典事例卷二百四十四

戶部

雜賦 銅鐵錫鉛礦課 水銀硃砂雄黃礦課

銅鐵錫鉛礦課。嘉慶十七年。雲南省永平縣

青陽銅廠。羅次縣三才銅廠。宜良縣大石崗銅

廠。和曲州江今改。芹菜菁銅廠。會澤縣湯丹大

水溝硃砂多那銅廠。東川府壩祖銅廠。鎮雄州

長發坡銅廠。元江州青龍銅廠。甯洱縣白龍銅

廠。蒙自縣金釵銅廠。易門縣寨子山銅廠。昆陽

州子母銅廠。趙州二郎銅廠。永平縣銅礦菁銅

廠。文山縣者囊銅廠。順甯府甯臺山銅廠。路南

州鳳凰坡。紅石巖銅廠。宣威州龍寶大山銅廠。

騰越州後改。安庫山銅廠。平彝縣白石巖銅廠。

南安州香樹坡銅廠。麗江府日見汎銅廠。廣通

縣雙象銅廠。平彝縣半箇山銅廠。新平縣太和

銅廠。以上各廠年額共課銀一萬八百二十五

兩七錢九釐有奇。雲南省定遠縣媽泰茂密白

銅廠。每年課無定額。業入銅息冊內造報。貴州

省威甯州屬銅川河銅廠。照例二八收課。四川

省樂山縣屬老洞溝。梅子凹銅礦。二八收課。又

建昌鎮興隆銅廠。甯番屬紫古喇銅廠。三分收

課。又榮經縣呂家溝銅廠。屏山縣龍門溪。細沙

溪。銅廠。西昌縣金馬銅廠。會理州金獅銅廠。冕

甯縣金牛銅廠。馬邊廳銅大銅廠。俱二八收課

又黎溪銅廠。每雙鑪一座。月收課銅五斤。單鑪

減半。貴州有大定府屬格得正廠。八地子廠。陳

家溝廠。每銅百斤收課十斤。廣西省恭城縣屬

山斗岡銅礦。每百斤抽課十五斤。湖南省郴州

桂陽州銅鉛各廠。及廣東省惠潮韶肇等府銅

錫礦廠。廣西省恭城縣屬上陡岡蓮花石銅鉛

礦廠。俱二八抽課。以上各廠同治十三年至光

緒十五年。雲南省陸續開辦銅廠。茂麓湯丹。江

外得寶坪甯台萬寶大寶今封。茨營今封。多樂

今封。秀春今封。青龍大風嶺今封。碌碌紅坡今封。

捷滿九龍菁杉木菁迴龍碌硤硤今封。大水

溝寶源今封。龍寶今封。普呼今封。二台坡今封。

大哄山鐵廠沙平今封。大功今封。雙龍潭普洱

宣威今封。永隆今封。核桃坪今封。松林坪今封。

銅川河中興會理今封。楠塘今封。金沙江今封。

天寶寶泉。以上各廠均辦銅百斤抽課十斤。以上

嘉慶十七年四川省江油縣木通溪和合崗
 鐵廠屏山縣利店茨黎榮丁李村石堰鳳村鐵
 廠洪雅縣山梯黨老林溝鐵廠奉節縣石耳關
 黃連壩鐵廠峨眉縣跳金河建昌鎮黃鐵山各
 鐵廠每百斤收課二十斤每稅鐵一斤變價銀
 二分廣東省從化縣古田花縣車頭墩翁源縣
 老珠塘龍眼崗曲江縣左坑中崗零溪坑龍川
 縣青龍約長甯縣魯古永安縣黃河約九了樹
 河源縣大小二江大埔縣九曲信宜縣梅子坪
 嘉應州金坑約螺子塘興甯縣大坑尾柿花園
 冬瓜葦平遠縣東石鄉長樂縣龍玉湖鎮平縣
 豐田鄉福益畬等處鐵鑪共二十座每年納稅
 銀一千三十六兩七錢五分廣西省桂林等府
 州縣鐵鑪共四十二座每座年收鐵稅銀十兩
 福建省延平府州縣屬每年輸鐵稅銀二百二
 十八兩五錢五分九釐五毫有奇湖北省宜都
 縣橫嶺漢洋二鐵礦二八收課雲南省建水縣
 普馬山鐵鑪十五座年額課銀三百一兩六錢
 九分江西省南康府上猶縣每年徵鐵稅銀一
 千二百三十兩有奇贛州府長甯縣每年應徵

鐵稅銀一千二百三十兩有奇興國縣每年應
 徵鐵稅銀四百六十兩有奇同治十一年至光
 緒十二年廣西省陸續開辦鐵廠桂平縣田水
 邊千子嶺大潤嶺各山場永甯州响水弄礦山
 岸各山場貴州省青谿縣地方鐵廠均每年辦
 鐵百斤抽課二十斤以上嘉慶十七年雲南省
 蒙自縣箇舊錫廠每年額課銀三千一百八十
 六兩廣西省賀縣擦米冰錫礦竹籠一條每月
 抽稅錫八斤水溝一條月抽稅錫五斤湖口每
 月抽稅錫三斤以上嘉慶十七年貴州省水城
 屬法都福集鉛廠威甯州屬蓮花塘鉛廠又標
 納河鉛廠都勻府屬濟川鉛廠思南府屬天星
 扒泥洞白鉛廠凱里永興寨鉛廠大定府水洞
 帕興發等鉛廠均二八收課雲南省麗江府北
 地坪鉛廠東川府者海鉛廠建水縣普馬山鉛
 廠羅平州屬卑浙鉛廠平彝縣屬塊澤鉛廠每
 百斤抽課鉛十斤廣西省永康州漾泅漾谷漾
 旺柳州府四頂山上林縣大羅山羅城縣冷崗
 山等鉛廠二八收課又恭城縣屬大有朋山鉛
 廠每百斤收課十五斤山西省交城縣馬葦山

鉛廠又交城縣屬新開子洞金溝鉛廠平定州屬銅題山鉛廠湖南省郴州桂陽二鉛廠陝西省同州府屬華陽川鉛廠均二八收課再四川省迤北建昌鎮會川屬沙溝嶺廠出產黃礦青礦黃礦燒鍊點化紅銅青礦燒鍊點化黑鉛雷波麻龍頭山分水嶺石砭廳白沙嶺盤龍山各鉛廠俱二八抽課以上鉛廠今多封閉○康熙二年題准四川省黎漢紅卜其二洞白銅舊廠令民間採輸稅○十九年題准浙江省富陽等縣任民採取銅鉛照例收稅○又覆准湖廣衛水二府產銅鐵錫鉛處招民間採輸稅○二十年停止浙江省富陽等縣開採○二十四年議准四川省邛州蒲江縣黃鐵山開鐵礦六座招民間採十分收稅二分○又奏准雲南省各鐵廠照例收課以佐邊餉○二十七年覆准四川省自康熙二十三年起至二十五年止共收稅鐵萬一千六百餘斤照每斤二分之時價變賣報部充餉○四十九年開採雲南省昆陽州子母銅廠易門縣寨子山銅廠○五十年題准湖南省產鉛地方苗徠雜處開採不便永行封閉○五十二

年題准湖南省大湊山黃沙等處於一年內開採獲稅鉛三十六萬二千一百餘斤○五十三年覆准四川省鹿子廠獲有黑鉛開採納課○五十七年覆准四川省各廠通行停止○雍正元年覆准雲南省廠課將元年正月起至十二月止徵收課項於二年五月內造冊題報嗣後永為定例○二年開採貴州省大定府屬馬鬃嶺鉛廠又威甯州屬齊家灣又普安縣屬丁頭山鉛廠均二八收課○三年開採湖南省九架夾地方白鉛二八收課○五年覆准貴州省大定府猴子鉛廠尚老砂場別有水城等礦煎試有效許其開採令該撫據實收課造冊題報○又開採貴州省威甯州屬膩書阿都二鉛廠二八收課○六年開採廣西省臨桂縣潯江煙竹枝二銅廠懷集縣上富銅廠二八收課○又題准廣西省恭城縣屬申家採木木嶺銅鉛等廠二八收課○七年開採湖南省桂陽州大湊山白銅礦廠二八收課按季造報○又封閉貴州省威甯州屬齊家灣鉛廠○又開採貴州省畢節縣大雞廠倭鉛威甯州屬採木果地方銅礦

二八收課。○又開採廣西省宣化縣屬鏡鉢山鉛廠。臨桂縣屬水槽野雞二礦。廠銀鉛銅砂均二八收課。○八年。開採四川省建昌所屬會川之迪北興隆三廠。甯番之紫古喇沙基三廠。並九龍廠紅白銅礦。所出紅銅三分收課。又會川沙溝嶺廠黃礦青礦。黃礦燒鍊點化紅銅青礦。燒鍊點化黑鉛公母廠出產紅銅。黎溪廠出產白銅。均准開採收課。○又開採貴州省威甯州所屬砂硃廠大興廠銅礦。二八收課。○又停止貴州省威甯州屬阿都賦書二廠。○又覆准雲南省羅平州之卑浙塊澤二廠。產在深山。凡米糧什物器具較他廠甚貴。又二廠每鉛百斤約費工本銀一兩七錢九分。交官僅得價銀二兩。恐致虧本。嗣後每百斤收課十斤。毋庸按二八例數。○又覆准廣西省河池州屬响水銅廠所抽課稅。照滇省之例辦理。○又開採湖南省桂陽州屬馬家嶺長富坪等處黑白鉛廠。○九年。開採貴州省遵義縣屬小洪關地方倭鉛。委遵義縣管理。所出鉛照例每百斤收課二十斤。每百斤定價銀一兩五錢。變解存庫候撥。○十年。

開採貴州省大定府格得八地二廠銅礦。每百斤收課十斤。○又封閉貴州省大定府屬大興鉛廠。畢節縣大雞鉛廠。○又封閉四川省沙碛九龍公母黎溪等銅廠。○又封閉四川省沙溝嶺銅鉛廠。○十一年。封閉貴州省威甯州屬猓木果銅廠。○又覆准廣西省桂林等府州開燒鐵礦。照例收課。○十二年。停止湖南省大溱山白鉛礦廠。○又開採廣西省懷集縣屬汶塘山礦廠。二八收課。○十三年。

諭廣東近年以來年穀順成。米價平減。盜賊漸少。地方寧謐。與從前風景迥異。今若舉行開採之事。不免聚集多人。其中良頑不一。難於稽查管束。恐為閭閻之擾累。况本地有司。現在勸民開墾。彼謀生務本之良民。正可用力於南畝。何必為此傲幸貪得之計。以長喧囂爭訟之風。著該部即行文該省督撫。令其遵諭停止。○又封閉湖南省九架夾地方鉛礦。○又封閉廣西省宣化縣屬鏡鉢山鉛廠。○又開採貴州省威甯州蓮花塘地方鉛礦。二八收課。每百斤以一兩五錢變價解庫。○又封閉廣西省臨桂縣潯江煙竹枝二廠。懷集縣之上富廠。○乾隆

元年。封閉貴州省遵義縣屬之小洪關鉛廠。○又封閉廣西省恭城縣屬之申家獨木木嶺等礦廠。○二年。封閉廣西省懷集縣屬汶塘山礦廠。臨桂縣屬之水槽野雞二處礦廠。○又封閉貴州省大定府屬之馬鬃嶺鉛廠。普安縣屬之丁頭山鉛廠。○又開採廣西省宣化縣屬之漆生嶺鉛礦。○三年。題准廣東省產銅山礦。准其開採金銀等礦。悉行封閉。至黑鉛即係銀母。未便蒙混開採。應嚴行禁止。其各州縣礦山。多寡不等。所收銅鉛。除照例二八收課外。仍將所餘

銅鉛。每百斤別收三釐。又加收三斤。以備搬運折耗。及在廠官役養廉工食之用。每年所收課餘銅鉛。並動用工本等項。照例造冊題銷。○又議准廣西省回頭山銅砂。照例抽課。○四年。開採山西省絳州垣曲縣毛家灣銅礦。照例收課。○又開採廣東省英德縣屬長岡嶺等山。陽春縣鸚鵡等山。歸善縣屬石門仔等山。永安縣屬慶牛窩等山。曲江縣屬礮崗蘆溪等山。大埔縣屬東山下坑等山。博羅縣屬分水凹等山。銅礦照例收課。○又開採貴州省綏陽縣月亮巖地

方鉛礦。照例收課。○又開採廣西省漾泓漾谷漾旺鉛廠。○五年。題准廣東省原有錫山。酌開三四處。令辦銅各商自備工資。分任開採。凡得錫百斤。照例二八收課。以二十斤交官起解。以八十斤歸商作本。○又題准暫行封閉雲南省羅平州屬卑浙塊澤二廠。○六年。封閉山西省垣曲縣毛家灣銅礦。○又開採貴州省威甯州屬銅川河廠銅礦。二八收課。○又開採雲南省羅平州之卑浙塊澤二鉛廠。○七年。開採四川省建昌道所屬之沙溝銅廠。川東道所轄雲陽界連奉節縣之銅鉛礦廠。永甯道所轄長甯縣之茶山溝鉛山。暨會川所屬之沙溝嶺銅鉛各礦。○又題准貴州省威甯州屬銅川河銅礦。每銅百斤收課十斤。○又開採貴州省思州府屬楓香廠黑鉛礦砂。○又封閉廣東省曲江英德歸善博羅永安大埔陽春等縣之銅山。○又開採廣西省恭城縣山斗岡銅礦。每百斤收課十斤。○九年。開採廣東省廣州府增城縣大竹坳井底鉛礦。○又封閉四川省長甯縣茶山溝鉛礦。○十年。開採湖廣省宜都縣橫嶺漢洋二處

鐵礦二八收課變價解司。又封閉四川省黎
溪白銅一廠。俟各廠紅銅盛旺。鼓鑄有餘時。再
請開採。又題准福建省延平府屬州縣所轄
山場均產鐵砂。由鑪戶設鑪開扇。照例收課。
又題准廣西省開採各屬銅廠。除二八收課外。
停止動帑收買餘銅。其各屬銅廠改為三七收
課。餘銅聽商民自行售賣。試行一年。如果敷用。
即永遠辦理。償或不敷。再為設法變通。又封
閉四川省川東道屬雲陽界連奉節各銅鉛礦
廠。永甯道屬之長甯鉛廠。又題准貴州省各
廠除收課外。每餘鉛百斤。鑪民所得收買價銀
一兩三錢。不敷工本食用之費。將蓮花砂硃二
廠餘鉛於向定官價一兩三錢外。酌增銀二錢。
每百斤以一兩五錢收買。又題准貴州省水
城通判所屬之標木底地方。產有鉛礦。照蓮花
廠之例抽課變價充公。又開採貴州省普安
縣屬之羅朋地方鉛礦。暨都勻府丹江屬之濟
川地方鉛礦。均二八抽課。變價解庫。辦事人役
工食。於變價項內開支。又開採廣西省平樂
府恭城縣屬豬頭嶺鉛礦。鉛內所分出銀及蜜

陀僧。照例每鍊鉛百斤。收正課二十斤。撒散三
斤。每銀一兩收正課銀一錢五分。撒散三分。蜜
陀僧每百斤。收正課二十斤。撒散三斤。又開
採廣東省韶州府英德縣洪礫山銅礦。又覆
准廣西省擦米冰等處錫廠。按每竹籠一條。每
月抽稅錫八斤。水溝一條。每月抽錫五斤。湖口
每箇。每月抽錫三斤。計毛錫百斤。鎔淨錫七十
五斤。課錫俱令鎔淨。交官供鑄。又議准四川
省老洞溝銅礦。委員抽課。十一年題准四川
省開採沙溝紫古喇銅廠。長甯鉛廠內煎獲銀
委官煎驗。分析銀銅鉛計算。有虧商本。仍以二
八收課。俟將來礦砂旺盛。仍照四六收課。又
題准。除福建省尤溪縣鐵鑪戶歲納課銀十
有四兩三錢有奇。又奏准廣西省銅廠開採
年久。礮路深遠。工費浩繁。若照原定二八收課
實在不敷商本。嗣後以十三兩之價。作為定價
收買。俟將來礦廠旺盛。銅鉛充裕之日。據實覈
減題報。並將餘銅收買一半。其一半給商自行
售賣。又開採貴州省水城所屬法都地方鉛
礦。又奏准廣東省開採銅鉛礦廠。每鉛百斤。

除徵收課鉛公費外。餘鉛七十斤。以一半交官給價收買。以一半聽商售賣。以濟商本。○又封閉貴州省思州府屬之楓香黑鉛礦廠。○又封閉廣東省增城縣大行坊井底鉛礦。○又議准貴州省福集地方鉛礦照例抽課。○十二年開採貴州省威甯州屬大化里新寨地方銀鉛礦。每出鉛百斤。收課二十斤。餘鉛歸官收買。每百斤給價銀一兩五錢。○又封閉貴州省綏陽縣月亮巖坪鉛廠。○又開採貴州省思南府屬之天星扒泥洞白鉛礦砂。○又開採雲南省祿勸州接壤之多那廠照湯丹廠例收課。每餘銅百斤。給銀六兩。作湯丹廠子廠報銷。○又封閉廣東省英德縣洪礫山銅礦。○十四年開採廣西省賀縣所屬百應山銅廠抽收課餘之銅。按年造報。○又封閉貴州省大化新寨地方礦廠。○又封閉廣西省恭城縣豬頭嶺鉛礦。○又覆准廣東省白馬塘廠岡中心岡等廠。每鍊錫百斤。抽課錫二十斤。抽公費錫十斤。餘錫官買一半。運費銀兩。於公費錫內開報。○又開採雲南省普馬山白鉛礦廠。○十五年封閉貴州省普

安州屬羅朋鉛廠暨天星扒鉛廠。○又奏准浙江省處州府屬之雲和松陽遂昌青田温州府屬之永嘉平陽以及附近平邑洵洗之泰順等縣。向有產鐵砂坑。今查明坑戶十有五。鑪戶五十有九。坑課酌分三則。上則徵銀一兩六錢。中則一兩二錢。下則八錢。鑪餉酌分二則。上則徵銀六錢。下則三錢。歲徵銀共五十八兩。令地方官造入奏銷冊報部。至洗鐵溪河易於淤塞。每坑歲繳銀四錢。以為疏濬之用。又每鐵百斤。輸銀一釐。以供給票紙張之費。○十六年封閉貴州省水城通判所屬之標木底鉛廠。其附近之茨沖地方。產鉛甚旺。開採後二八收課。每百斤以一兩五錢變價解庫。○又開採貴州省威甯州屬勺泉地方銅礦。一九收課。餘銅每百斤給價銀八兩。官為收買。以供鼓鑄之用。○又議准雲南省卑浙塊澤二廠煎出倭鉛。每百斤抽正課十斤。報部充餉。又抽餘課十斤。以五斤給為管廠官役廉食。以五斤變價解司充公。○十七年封閉廣西省賀縣所屬之百應山砂礦。○又開採四川省威遠縣屬之大山嶺鐵鑪溝二礦。

每十斤收課二斤。每斤變價銀二分。○又覆准浙江省永嘉平陽坑鑛等戶。及泰順鑛戶。因產鐵無多。不能徵輸上中課餉。照原定下則徵收。其雲邑課餉科則。仍照原報徵收。至永嘉平陽二縣淘沙坑戶。與河道無涉。免其輸納。其松陽遂昌各坑戶。應徵課銀及濬河銀。每年於奏銷課餉冊內分析造報。○又開採湖南省郴州所屬之東沖柿竹園錫砂。每鍊錫百斤。收課二十斤。撒散四斤。餘錫儘數收買。同正課撒散一併解交省局。以備鼓鑄。○又開採四川省榮經縣之呂家溝銅砂。每淨銅百斤。收課二十斤。餘銅半給商賣。半歸官買。每百斤照依商本給價銀九兩八錢。○又題准廣西省思恩縣幹崗山黑鉛礦。每百斤收課二十斤。撒散三斤。近又產白鉛礦。照例收課撒散。至本省鼓鑄需用白鉛。將商人所得餘鉛。以一半歸官收買。同課鉛隨時解司。以供鼓鑄。一半聽商自賣歸本。○十八年。開採四川省天全州屬之大川廠銅礦。每銅百斤。照例收課二十斤。耗四斤八兩。餘銅半歸官買。以供鼓鑄。○又議准四川省冕甯縣沙雞鉛

廠。每淨鉛百斤。收正課二十斤。收耗鉛四斤八兩。餘鉛盡歸官買。每百斤給銀一兩六錢。○又開採雲南省祿勸等州縣黑鉛。每百斤收課二十斤。以十斤變價充餉。五斤變價解司充公。五斤為管廠官役養廉工食。其收買價值多寶發。咱妥妥等三廠。每百斤給銀一兩八錢。金雞廠一兩六錢二分。○十九年。開採四川省鉛旺蓋白鉛廠。○又開採雲南省阿那多黑鉛廠。○又題准雲南省甸尾黑鉛廠。照例抽課收買供鑄。○二十年。開採四川省茂絲羅銅廠。○又議准四川省黎溪白銅廠。每雙鑪一座。月抽小課白銅五斤。又每銅一百一十斤。另收大課白銅十斤。每斤折價銀三錢六分。又青礦砂價。每銀一兩。抽課二錢。○又議准貴州省銅川河銅廠。每百斤抽課十斤。官價收買八十斤。餘十斤。給鑪戶易換鹽米。○又開採四川省天臺山黑鉛廠。照例抽課。○又開採四川省碑牌口等處鐵礦。○又封閉四川省大川銅廠。○又封閉貴州省砂硃茨沖二鉛廠。○二十一年。奏准開採湖南省銅坪嶺停砂礮銅礦。其抽課收買。照桂陽州

銅廠例辦理。○二十二年奏准雲南省宜良縣大銅山新開礮崗。作為大礮子廠。收交銅斤工本價值等項。附入大礮廠報銷。○又覆准雲南省茂密白銅廠。每礮每月抽課銅二斤八兩。每銅一斤。折收銀三錢。○又封閉貴州省濟川鉛廠。○二十三年。開採雲南省麗江府北地坪鉛廠。運供大理局配鑄。○又覆准湖南省開採楓仙嶺鉛礦。照例二八抽收。餘鉛照官價三兩六錢收買。其餘聽客販售。以歸工本。至桂陽州綠紫坳停砂礮銅坪嶺等處銅礦。歸專員管理。馬

家嶺等處鉛礦。歸州經營。○又封閉雲南省彌勒州屬發咱鉛廠。○二十四年。開採四川省盤隴山黑鉛廠。○又奏准雲南省路南州大興山銅礦。作為大礮子廠。畫一造報。○又題准雲南省東川府所屬者海鉛廠採辦鉛斤。每百斤抽正課十斤。外收餘鉛五斤。為管廠官役廉食之用。○又封閉廣西省漾生嶺鉛廠。○二十五年。封閉貴州省勻汞銅廠。其哈喇河子廠向附勻汞廠報銷。嗣後以哈喇河作為正廠。抽課造報。○又封閉四川省碑牌口等處鐵礦。○又開採

貴州省都勻縣屬樂助堡凱里所屬永勝坡等處鉛廠二八抽課。餘鉛一半官買。一半通商。每百斤給價銀一兩五錢。○二十六年。奏准四川省呂家溝銅廠。天臺山鉛廠。耗銅耗鉛變價。如不敷支給廠費。於各廠耗銅耗鉛變價餘存銀內撥補。○二十七年。封閉貴州省都勻縣屬永勝坡鉛廠。○又開採四川省上羅墓洪春壩二處鐵礦。二八抽課。每稅鐵一斤。變價銀二分。報部充餉。○又封閉雲南省甸尾鉛廠。○二十八年。開採廣西省金雞頭山銅廠。二八抽課。餘銅

一半官買。每百斤給價銀十三兩。○又開採四川省龍門溪細沙溪銅廠。○又封閉四川省天臺山黑鉛廠。○二十九年。題准四川省利店茨黎黎丁三處鐵礦。設礮四座。照上羅墓抽課之例開採。○又題准四川省李村石堰鳳村三處鐵礦。設礮四座。○又封閉湖南省楓仙嶺各鉛礮。○又開採雲南省獅子山白鉛廠。每百斤抽正課十斤。變價充餉。餘課十斤。以五斤變價充公。五斤為管廠官役廉食之用。餘鉛給價銀二兩。收買供鑄。○又開採雲南省逢里山黑鉛廠。

其抽收正餘課照獅子山廠辦理餘鉛每百斤給廠本銀一兩八錢收買。又開採雲南省野豬明白鉛廠其抽課收買照逢里山廠辦理。三十年題准四川省木通溪和合崗等處鐵礦設鑪四座。又封閉廣西省河池州响水銅廠。三十一年題准四川省濫壩等處鐵礦設鑪二座。又題准貴州省柞子黑鉛廠每抽課百斤外收稱頭鉛八斤其撥運各營操演每百斤伸稱頭鉛四斤八兩每斤變價銀一分五釐留為本省公費之用。又題准開採廣西省四項山白鉛廠。又封閉四川省上羅慕洪春壩二處鐵礦。又封閉雲南省祿勸州屬多寶鉛廠。三十二年封閉貴州省銅川河銅廠並試採茨灣子廠鍊出黑鉛銀兩照柞子廠成例辦理。又開採湖南省郴州屬五馬壩錫礦照例抽課。又開採湖南省舊壩銅坑沖沙裝新壩東坑湖石仙嶺白沙壩金川塘杉樹杭等處各礦廠煎鍊銅鉛照例抽收造報。三十三年奏准江西省上猶縣營前地方鐵礦設鑪二座鎔沙納課。又封閉廣東省英德縣白馬塘錫廠。

三十四年封閉雲南省逢里山黑鉛廠。又開採湖南省萬景富錫廠其東邊壩右眼裏作為子廠。三十五年開採湖南省大腴山白泥塘等處銅銀鉛礦每獲砂價十分內先歸官稅五分其餘五分為商人廠費每出銅鉛百斤抽稅二十斤餘銅每百斤給價銀十三兩收買供鑄。又開採四川省石砭廳屬白砂嶺鉛廠照例抽收課耗。又封閉雲南省獅子山白鉛廠。又江西省上猶縣鐵礦添鑪二座。三十六年封閉貴州省哈喇河茨灣子二廠其陳家溝廠照哈喇河抽買。又開採廣西省大羅山鉛礦。又封閉廣西省回頭山山斗岡銅廠附近茅塘石口潭江等處銅鉛礦准其開採。又封閉雲南省野豬明白鉛廠。又封閉廣西省幹崗山白鉛廠。三十七年奏准粵西礦地頗多凡有礦砂地方經督撫批准試採均以二年為限果有成效即行詳題抽課如逾限不報照例指參。又題准廣西省四項山白鉛礦運赴馬鞏地方螺塘嶺煙地墩新塘等山就煤煎鍊。又開採貴州省標布夏鉛礦暨凱里所屬永興寨

黑鉛廠。○又封閉湖南省大腴山白泥塘等處銅鉛礦廠。○三十八年開採四川省葛藤山斗屯巖等處鐵礦。照溢壩鐵廠十分抽二之例辦理。○又封閉廣西省茅塘石口潭江等處銅礦。○三十九年覆准湖南省萬景窩錫廠久被水淹無人承辦。嗣後於該廠子壠嶺背灣永興壠砂內創採以續稅課。○又開採湖北省東豐西豐宣裕三廠銅鉛礱硯。○又封閉四川省黃鐵山等處鐵礦。○又覆准江西省鐵鑪。照川省十分抽二之例。每鐵百斤抽課二十斤。每斤折銀一分。○四十年奏准陝西省清賜溝銅礦抽課。照川省之例辦理。其一半餘銅照九兩之價收買。○又奏准廣西省馬鞏鉛廠由四頂山運砂就煤煎鍊。程途遙遠。餘鉛照例暫行分辦官買。○又奏准江西省上猶縣水广墟地方南有烏藥壩梅子壩梁壩裏金牛壩大壩頭琴江口和尚壩烏稍灣等八處。北有絲茅坳螃壩童屋灣等三處。俱產鐵砂。另設鐵鑪四座。照營前之例抽課。○又奏准江西省長甯縣八付南橋二堡。出有鐵砂。於園子凹地方添設鐵鑪四座。

又封閉廣東省廠岡中心岡錫廠。○四十一年奏准江西省興國縣畝南龍江頭天年古龍岡梅窖東村等六處。及花橋陽村龍頭齊岸秦嶺城岡等六處。出產鐵砂。在大侍太平墟城岡等三處。設立鐵鑪三座。照上猶長甯二縣之例辦理。○又開採湖南省旱窩嶺貓兒坑羊牯池等壠錫砂。每獲錫百斤。抽正稅上錫二十斤。撒散上錫四斤。撒散每斤變價銀一錢六分。作為廠費。○又封閉湖南省五馬壠錫礦。○又封閉湖北省東豐西豐宣裕銅鉛各廠。○四十二年奏准雲南省各廠出產銅斤。照舊例一分通商。○又開採湖南省宜章縣屬嶺脚坪錫廠。附八旱窩嶺廠題報。○又開採貴州省普安縣屬連發山白鉛。照樂助廠之例抽課收買。○又開採雲南省建水州屬大黑山鉛廠。照普馬廠之例抽課收買。○又封閉湖南嶺背灣錫廠。○又開採貴州省大定府屬水洞帕興發等廠白鉛。照福集廠之例收買。○又題准貴州省遵義縣屬新寨綏陽縣屬月亮巖鉛廠。仍行開採。○又奏准雲南省銅廠衰旺靡常。僅酌定月額之後。日久

短少。查明或請減額或請封閉。如有子廠可以採挖。即令開採以補不足。○四十三年。封閉雲南省定遠縣屬媽泰白銅廠。○四十四年。題准雲南省建水縣普馬廠白鉛。改撥省城局供鑄。○又封閉湖南省常甯縣屬銅坪嶺銅礦。○四十五年。開採江西省長甯縣屬大磴楊梅坑鐵絲壘雲屯尖等處鉛苗。旋於四十六年封閉。○又封閉湖南省宜章縣屬嶺脚坪錫廠。○四十七年。開採廣西省臨桂縣屬寶岡嶺銅礦。陽朔縣屬折山鉛礦。○四十九年。開採四川省西昌縣屬金馬會理州屬金獅等銅廠。○又封閉四川省茂絲羅銅廠。○又封閉廣西省臨桂縣屬寶岡嶺銅礦。陽朔縣屬折山鉛礦。○又奏准雲南省各屬報獲新廠。曲靖府之雙龍廠。昭通府之松漢林。控海廠。東川府裕源子廠。甯州之他腊廠。平彝縣之後所山廠。每年辦獲銅斤。以裕源係湯丹子廠。所有抽收銅斤價脚等銀。俱歸湯丹廠造報。其控海廠。每出銅百斤。抽課銅十斤。照新廠例。通商銅十斤。官買餘銅八十斤。松漢林雙龍他腊後所山等廠。每出銅百斤。抽課

銅十斤。照不拘一成例。通商銅二十斤。官買餘銅七十斤。每百斤均給價銀六兩九錢八分七釐。五十年。開採四川省冕甯縣屬金牛銅廠。又試採直隸省昌平。延慶。三州屬白羊城等處鉛苗。○五十一年。題准廣西省羅成縣屬長安山煤礦。准其採運四頂山鉛砂煎鍊。所出鉛斤。照例抽課。○又議准江西省上猶縣鐵鑪。封閉二座。○五十二年。封閉四川省酉陽州屬鉛旺蓋白鉛廠。○五十三年。封閉四川省宜賓縣屬濫壩大灣等處鐵礦。○又奏准貴州省福集蓮花二廠。每鉛百斤。照原價銀一兩四五錢之數。加價三錢收買。○五十五年。開採四川省馬邊廳屬銅大廠。雷波廳屬分水嶺廠銅斤。○又停採直隸省昌平。延慶。三州屬白羊城等處鉛廠鉛苗。○五十六年。題准四川省洪雅縣屬山梯黨老林溝鐵礦。開設鐵鑪二座。○又封閉四川省葛藤山斗屯巖等處鐵鑪。○又封閉湖南省羊牯泡錫廠。○五十七年。試採陝西省略陽縣屬興隆灣銅廠。○五十八年。題准四川省奉節縣屬石耳關黃連壩等處鐵礦。設鑪收稅。○

又封閉廣西省蒼梧縣屬金雞頭銅廠。又開採雲南省得寶坪廠銅斤。五十九年

諭雲貴四川等省。現在正需籌辦停鑛。及收繳小錢各事宜。頭緒紛繁。若復封閉礦廠。地方官何暇常川前往查驗。且封廠之後。姦民惟利是趨。勢必有潛往採挖等事。是所謂封廠仍屬有名無實。况廠徒人數眾多。礦廠一經封閉。此等無業貧民。餬口無資。更恐滋生事端。著雲貴四川各督撫。將是否可採。如何設法稽查。以防透漏。悉心妥議具奏。六十年

諭四川湖廣等省銅鉛各廠。均請照舊開採。今滇省採

辦銅斤。年額仍須照舊辦運。且廠民尋苗躉獲一廠。費本開挖。始能成礦。獲礦若封閉停採。即成廢崗。將來開挖。更為費力。况每廠沙丁不下千計。一旦失業。無歸必致流而為匪。甚或潛蹤私挖。又圖私鑄。是杜弊轉足啟弊。此事朕早慮及。於事斷不可行。所有滇省各銅廠。自應照舊開採。毋庸封閉。又開採四川省雷波廳所屬龍頭山黑鉛廠。又封閉貴州省普安縣所屬連發山白鉛廠。又封閉陝西省略陽縣屬興隆灣銅廠。又封閉湖南省郴州境內石仙嶺白沙壠等處鉛廠。又議准江

西省長甯縣添鐵鑛四座。嘉慶元年奏准。湖南省桂陽州屬綠紫坳銅廠。改歸知州管理。又封閉貴州省都勻縣屬樂助白鉛廠。又封閉貴州省遵義縣屬新寨綏陽縣屬月亮巖等處鉛廠。四年題准。貴州省威甯州屬蓮花白鉛廠。出鉛缺額。採納河等處礦脈綿厚。准其開採。所出鉛斤。歸入蓮花廠一併題銷。又議准江西省上猶縣添鐵鑛二座。六年開採四川省峨眉縣屬跳金河鐵廠。七年封閉廣西省長安馬翠等廠。又覆准廣西省懷集縣額設

鐵鑛開採年久。炭礦就衰。嗣後減鑛十座。免納稅餉。九年封閉雲南省易得嶺等銅礦。十三年封閉雲南省普馬白鉛廠。道光二十三年開採廣西省永甯州崇慶鐵廠。二十四年開採廣西省北流縣鐵礦。二十五年開採廣西省恭城縣鉛礦。咸豐元年

諭張亮基奏滇省銅務現辦情形一摺。據稱近年鑛少質劣。鑛銅愈深。高路愈遠。且附近炭山。砍伐殆盡。工費益繁。以致額銅不能依期到店。往往停脚待運。廠員店員均極疲累。廠店交疲。則運員之遲逾。銅質之

低潮皆所難免。所奏自係目前實在情形。惟地不愛寶。亦賴人力相機籌辦。該撫現已遴選委員設法攻採。麗江東川所管各廠。或據報獲礦。或覓得子廠。較上年漸有起色。現在京局鼓鑄。需銅孔亟。著吳文鎔到任後。會同張亮基。督率藩臬兩司。嚴飭廠店各員。認真經理。務於循守舊章之中。寓力求整頓之意。即使量為變通。亦應斟酌盡善。慎毋輕議紛更。總之廠員須善矚引。嚴督砂丁。不得聽其以硎老山。空一報塞責。而店員之承運遲滯。運員之沿途逗遛。甚至恣意偷竊。捏報遺風。均應節節嚴防。以杜積弊。庶期

於銅務漸有裨益。○六年

諭業布冲額奏試鍊鉛礦設局鼓鑄一摺。甘肅迪化州福壽山地方。經訪獲鉛礦。煎鍊得銀。著即准其設立籌裕局。運鉛分鑄。仍督飭該委員等悉心籌辦。○同治十一年題准。廣西省桂平縣吉一里界田水邊地方山場。產有鐵礦。設鐵鑪一座。每年納鑪稅銀二十兩。自同治九年為始。按年由縣徵收。○十二年議准。廣西省桂平縣屬千子嶺接壤大潤嶺一帶山場鐵礦。招商開採。設鐵鑪一座。每年輸納稅銀二十兩。○光緒元年議准。廣西

省永甯州屬安甯里响水弄山場鐵礦。招商開採。設鐵鑪二座。每年共輸稅銀二十兩。○三年議准。廣西省永甯州屬安甯里上團土名礦山弄山場鐵礦。招商開採。設鐵鑪二座。每年共納稅銀二十兩。○又奏准直隸省之灤州開平礦局。招集商賈。試採煤鐵。並參用西法開辦。近年以來。煤產甚旺。現在附近之遷安縣屬清涼山。灤州屬之馬子溝陳家嶺一帶。勘驗均有鐵苗。形質甚佳。業已取得百擔。寄往外洋試鍊。如果合用。即設法逐漸開採。○十年

諭雲南素產五金。乃天地自然之利。銅政關繫錢法。運京鼓鑄。具有成規。此外金銀鉛錫各礦。均應廣為開採。以裕利源。上年疊據岑毓英等奏定章程。並擬招集商本。次第興辦。節經飭令實心經理。該督撫籌畫有年。當已漸有起色。現在岑毓英駐紮邊關。一切應辦事宜。張凱嵩責無旁貸。著即遴選廉幹之員。廣集商力。及時開採。力杜因循。侵漁積習。以期無弊不革。有利必興。國家度支有常。從不輕於言利。此乃因地之利。以為民用。惟不棄貨於地。庶可藏富於民。該督撫當仰體朝廷實事求是

之意。大加開拓。實力奉行。並將近來採辦情形。先行據實具奏。○又奏准雲南省迤東屬之湯丹。茂麓。六正廠。及十一子廠。迤西屬之回龍。得寶等八正廠。及九小廠。並楚雄。永北。暨雲武屬之萬寶。雙龍等廠。現已委派官紳分認承辦。此外永昌。順甯。臨安。開化。曲靖等府礦務。亦經招股廣行開採。至蒙自。縣箇。舊錫廠。向係本省鑛戶採辦。因比歲滯銷。尚多觀望。現於招商項下。籌本發給。俾得努力開煎。冀收實效。○十一年題准四川省甯遠府屬金馬廠。自乾隆五十四年改歸西昌縣管理開採。已歷九十餘年。實係年久。峒老山空。無礦可採。准其封閉。開除課額。○十二年。開採貴州省思州府青谿縣鐵礦。二八收課。○十四年。開採江西省永新縣西鄉四十三都之烏石山鐵礦。

五斤。遇閏加十斤。各有奇。又普安縣橋廠。招民開採。徵水銀三百三十三斤。○七年題准貴州省開州斗甫。婺川。普安。四廠。連閏徵收水銀。變價撥充本省兵餉。○九年覆准貴州省黔西州屬新開。黃土坎廠。徵水銀百斤。○三十八年覆准貴州省開州斗甫。三廠。山顏砂。盡改於修文縣紅白巖地方開採。辦課。○雍正元年覆准貴州省普安縣濫水橋水銀廠。委修文。普安。二縣協同管理。其修文縣屬水銀廠。年久砂淡。額課銀六百五十餘兩。丁逃難。辦將普安縣報解水銀價銀一百六十兩。移解修文額課。○又覆准貴州省板橋水銀額課八十兩七錢。在濫水廠徵收贏餘銀內抵補。其板廠原額。即行豁除。○五年覆准貴州省濫水廠水銀稅羨銀。自本年五月起。儘數報部充餉。○八年題准貴州省大定府屬開採硃砂。雄黃。二廠。均照例二八收課。○又題准廣西省恩城土州開採硃砂。礦廠。照例收課。○又開採廣西省南甯府屬果化土州雄黃。○十一年。封閉貴州省濫水廠。並豁除改歸該廠抵補修文等縣水銀額課。○十三年。開

株貴州省普安縣屬迴龍灣水銀廠。○乾隆二	年。封閉廣西省恩城土州硃砂礦廠。○五年。封	閉廣西省南甯府屬果化土州雄黃礦廠。○七	年。題准貴州省修文縣紅白二巖出產水銀。每	百斤抽課三十斤。餘聽廠民自賣。○八年。開採	貴州省興義府屬冊亨州同管轄之坡坳板楮	二處硃砂雄黃。每百斤抽課二十斤。照時價變	賣充公。餘聽廠民自售。以資工本。○十二年。覆	准廣西省鎮安府屬天寶縣孟村溪。因礦廠被	水。難以前熟。移於天寶縣屬之那岐山開採。○	二十二年。開採貴州省安化婺川二縣打炭溝	巖峯脚等處水銀硃砂。水銀照例三七抽課。硃	砂二八抽課。內每硃砂一斤。變紋銀四錢。餘聽	鑛戶自賣。以作工本。○三十二年。開採湖南省	永順保靖龍山桑植石門。慈利永定等七縣硝	磺。○三十六年。開採貴州省八寨廳屬羊伍加	河二廠水銀。照例抽課。○又開採廣西省天寶	縣屬黃泥坡雄黃。○三十八年。戶部具奏黔省	普安縣之迴龍灣。修文縣之紅白二巖。安化婺	川二縣打炭溝。巖峯脚各廠抽課稅銀一摺奉
---------------------	-----------------------	---------------------	----------------------	-----------------------	--------------------	----------------------	------------------------	---------------------	-----------------------	---------------------	----------------------	-----------------------	-----------------------	---------------------	----------------------	----------------------	----------------------	----------------------	---------------------

欽定大清會典事例 卷二四四

旨。此項水銀。從前每百斤。自三十六兩。漸加至五十四	兩。後復遞減。至三十九兩。是前後售價長落。本無一	定。而今年漢口及蘇州時價。僅止三十一二兩。經各	該督撫確查。自不至尚有虛做。若以所定四十兩之	價而計。每百斤較時價短至八兩。非累及商人。即官	為賠補。名為酌中。而實乖平允。著交該部另議具奏。	欽此。遵	旨議定。嗣後折收課價。總以漢口市價為準。令貴州巡	撫。咨查漢口時價。照數折收。加結造報。仍令湖	北巡撫。按季將漢口時價。據實報部。以便稽覈。	俟有不肖官商。短報價值。串通漁利等弊。即行	據實嚴參。○四十年。封閉廣西省天寶縣屬黃	泥坡雄黃礦。○四十一年。停採湖南省永順保	靖龍山桑植石門。慈利永定等縣硝磺。○四十	四年。封閉貴州省婺川縣屬打炭溝廠。○嘉慶	七年。奏准貴州省迴龍灣水銀廠。向隸普安縣	屬。歷委貞豐縣經管抽課。但該縣並無管轄地	方之責。呼應不靈。嗣後改歸興義府知府管理	查收稅課。
---------------------------	--------------------------	-------------------------	------------------------	-------------------------	--------------------------	------	--------------------------	------------------------	------------------------	-----------------------	----------------------	----------------------	----------------------	----------------------	----------------------	----------------------	----------------------	-------

欽定大清會典事例卷二百四十五

戶部

雜賦 魚課 落地 田房稅契 牙帖商 行當舖稅

魚課

盛京額徵魚課銀一百六十一兩。江蘇額徵魚課

銀千七百七十五兩七錢六分有奇。遇閏加銀

七十二兩四錢八分有奇。安徽額徵魚課銀六

千九百十有二兩一錢八分有奇。錢萬二千七

十五文。遇閏加銀三百八十三兩六錢四分有

奇。錢七百五十六文。江西額徵魚課銀三十一

兩五錢八分有奇。舊設楊村鶴岡寨 福建額徵

魚課銀八百六十二兩六錢四分有奇。浙江額

徵魚課銀千三百六十五兩七錢七分有奇。遇

閏加銀一百一十有一兩五錢五分有奇。湖北額

徵魚課銀九百六十八兩九錢二分有奇。遇閏

加銀九十五兩九錢六分有奇。湖南額徵魚課

銀二千一百九十四兩二錢有奇。遇閏加銀一

百三兩五錢三分有奇。四川額徵魚課銀八十

四兩九錢有奇。遇閏加銀一兩五錢有奇。廣東

南海縣設官窩河泊所。今番禺縣設湖河泊

所。額徵魚課銀七千七百四十兩一錢四分有

奇。舊有東盤河 雲南額徵魚課銀千七百八十

四兩四錢有奇。遇閏加銀一百二十三兩一錢

四分有奇。貴州額徵魚課銀二十一兩八錢。

乾隆元年

諭將廣東加增魚稅。歸善縣千餘兩。海豐縣四千餘兩。

惠來縣五百兩。潮陽縣七百兩。悉予豁免。又廣肇埤

租一項。亦著免徵。○六年。豁免直隸省任邱大陸澤

水泊地畝魚稅銀。○二十七年議准。

盛京金州城額徵漁票四百九十四張。每張每年

稅銀五錢。內有缺額漁票一百七十二張。召募

無人充補。開除銀八十六兩。實設漁票三百二

十二張。額徵魚課一百六十一兩。○二十九年

議准。吉林伯都訥地方魚網十八張。每網一張。

徵稅銀二十兩。拉林地方魚網十張。蒙古等魚

網十二張。作為閒散滿洲並蒙古乾糧。不收稅

銀。俱立定界限。不得逾越打魚。違者治罪。魚網

入官變價。

田房稅契。○順治四年覆准。凡買田地房屋。必

用契尾。每兩輸銀三分。○康熙十六年。增江南

浙江湖廣等省各府契稅。每年蘇、松、常、鎮、四府
百兩。安微十府州。分列州縣大小。自五百兩至
 百兩不等。揚州府照賦役全書額徵。淮安徐州
 府屬及寶應、霍山、宿遷、臨淮、五河、懷遠、定遠、靈
 璧、虹、於九州縣均無定額。值收值解。杭、嘉、湖、甯
 紹、金、嚴、七府。大縣三百兩。中縣二百兩。小縣百
 兩。台、衛、溫、處、四府。仍照現徵進解。湖北大縣百
 五十兩。中縣百兩。小縣五十兩。○十七年。增山東等省
 田房契稅。大縣百八十兩。中縣百四十兩。小縣
 八十兩。○二十年。增浙江省台、衛、溫、處、四府契稅。大
 縣百兩。中縣六十兩。小縣三十兩。○二十一年。增江西省萍、龍、永
 瀘、上、定、六縣契稅。○四十三年。覆准。田房稅銀。
 用司頒契尾。立簿頒發。令州縣登填。將徵收實
 數。按季造冊報部查覈。○雍正四年。覆准。凡典
 當田土。均用布政使司契尾。該地方印契過戶。
 一應贏餘稅銀。儘收儘解。○七年。題准。廣東省
 文武開辦試所需各項經費。除照例動撥正項
 外。尚有不敷之數。向在各州縣業戶買產每兩
 例徵契稅銀三分之外。又徵一分充用。每年約
 徵銀二千五百餘兩。自雍正七年。起。准為科場
 經費。造入奏銷冊內。同正額一例報銷。○十二
 年。奏准。廣東省田房二項溢額稅羨。自雍正七
 年至雍正十一年。歲終。存銀二十萬兩。有奇。報

欽定大清會典事例 卷二四五

明戶部。以備酌撥。嗣後逐年造冊報部。○乾隆
 元年。覆准。民間置買田地房產投稅。仍照舊例
 行使契尾。由布政使司編給各屬。黏連民契之
 後。鈐印給發。每奏銷時。將用過契尾數目。申報
 藩司考覈。○十二年。奏准。民間置買田房產業。
 令布政使司多頒契尾。編刻字號。於騎縫處鈐
 蓋印信。仍發各州縣。俟民間投稅之時。填註業
 戶姓名契價契銀數目。一存州縣備案。一同奉
 冊申送布政使司查覈。如有不請黏契尾者。經
 人首報。照漏稅之例治罪。○十四年。議准。嗣後
 布政使司發給民間契尾格式。編列號數。前半
 幅照常細書業戶等姓名。買賣田房數目。價銀
 稅銀若干。後半幅於空白處。豫鈐司印。將契價
 契銀數目。大字填寫鈐印之處。令業戶看明。當
 面騎字截開。前幅給業戶收執。後幅同季冊彙
 送藩司查覈。其從前州縣布政使司備查契尾
 應行停止。○三十一年。議准。直隸省州縣給發
 契尾。如田房契價在千兩以下者。照舊辦理。其
 契價在千兩以上者。令各該州縣將所填契尾
 黏連業戶原契。按月申送知府直隸州。及道查

八九七

驗相符。即將契尾裁截兩半。定限十日發還州縣。一給業戶收領。一存俟彙送藩司稽覈。○五十四年奏准。民間置買田房。於立契之後。限一年內呈明納稅。倘有逾限不報者。照例究追。令直省各督撫刊刻告示。飭發所屬州縣。偏貼城鄉。使愚民咸知例禁。有所遵循。○嘉慶十一年奏准。八旗人等置買有糧民地。其地畝坐落何州何縣。即在該州縣對冊推收。過割稅契。以憑稽覈。至旗人置買民人房間。其坐落外城及城外。並各州縣者。均照民地一律在州縣過稅。其坐落城內。有隨地糧銀房間。亦仍在縣過稅。惟城內無糧房間。令各按旗分赴左右翼過稅。其在翼過稅者。即以跟隨紅契為憑。毋庸取具置主佐領圖記。所有跟隨民契。亦不得銷毀。即於該翼執照後黏連給發。其房間數目。坐落地方。賣主買主姓名。跟隨印契幾張。該翼詳細登記。以備查考。至旗人典買有州縣印契跟隨之民地民房。或轉轉典賣與民人。仍從其便。庶旗產民業不致混淆。○又定。直隸省房地稅契銀三萬一千五百二十三兩三錢二分八釐。○光緒

四年奏准。東邊外升科各地。准照各州縣屬地一律辦理。聽民間互買互賣。隨時報稅立契。以昭畫一。

牙帖商行當舖稅。○京城牙稅銀千五百三十兩。直隸稅銀二萬七千八百八十一兩五錢。有奇。內當稅銀九千八百三十五兩。承德府五行稅銀五千六百九十八兩五錢。有奇。各行牙帖銀萬二千。奉天牙稅銀千九百二十八兩。

盛京二千五百八十九兩五錢二分。內當稅銀二千七百五錢。斗科帖張稅銀三百九十二兩二分。舊做舖戶行戶煙稅等稅。今裁。查入雜稅項下。

吉林牙當稅銀四百五十六兩五錢。山東二萬二千七百九十二兩一錢五分有奇。內當稅銀二千七百九十二兩一錢五分有奇。山西三萬二千六百二十五兩五錢八分有奇。內當稅銀二千七百九十二兩一錢五分有奇。河南六萬三千一百八十八兩一錢一分有奇。內當稅銀二千七百九十二兩一錢一分有奇。江蘇萬八千二百二十三兩六錢一分有奇。內當稅銀一千五百五十八兩六錢三分有奇。安徽萬二千八百七十九兩一錢。內當稅銀一千四百四十四兩一錢。江西六千八百八十一

兩。內當稅銀千六百七十五兩。福建萬一千三百	五十兩五錢五分有奇。內當稅銀七千八百九	百三十五兩。牙帖銀二千七百七十五兩。浙江九千八百七	十七兩九錢。內當稅銀五千三百六十九兩。湖	北八千六百六十六兩八錢。內當稅銀二千七百	五千九百三十三兩。湖南千七百三十四兩八錢九分	有奇。內當稅銀六百九十九兩。牙帖銀	一百七十四兩七錢九分有奇。內當稅銀七千	兩千七百六十四兩。甘肅八千八百七十七兩六	分有奇。內當稅銀八十一兩。牙帖銀	四川	各行牙帖當稅。共銀千四百八十五兩八錢。廣	東當稅銀萬三千四百四十兩。舊徵牙帖銀萬	六兩七錢七分有奇。廣西千三十五兩。內當稅	今裁。內當稅項下。雲南二千三百九十七兩五錢。內	帖銀五千五百兩。貴州八千五百七十	兩。內當稅銀八千一百一十五兩。牙帖銀	二兩五分有奇。內當稅銀八千一百一十五兩。牙帖銀	康熙三年題准。當鋪每年納銀五兩。大宛二縣	上等行店鋪。照當稅例。每年徵銀五兩。○十五	年覆准。京城上等行鋪。每年徵稅銀五兩。中等	行鋪。每年徵稅銀二兩五錢。○雍正六年題准。
-----------------------	---------------------	---------------------------	----------------------	----------------------	------------------------	-------------------	---------------------	----------------------	------------------	----	----------------------	---------------------	----------------------	-------------------------	------------------	--------------------	-------------------------	----------------------	-----------------------	-----------------------	-----------------------

直省各屬典當。均令布政使司鈐印頒帖。交各州縣轉給輸稅。如有新開典當。報司給帖。於開設時增稅。無力停開者。即交帖免輸。○十一年覆准。閩省領帖五穀牙行。仍照定例按帖輸稅。○乾隆二十二年議准。熱河廳徵收五行稅銀。每年以五千六百九十八兩五錢有奇。作為定額。如有贏餘。儘收儘解。按年造報。○四十一年議准。各省民間開設典當。呈明地方官。轉詳布政司請帖。按年納稅報部。其有無力停止者。繳帖免稅。直隸江蘇安徽江西浙江福建湖北湖南河南山東山西陝西甘肅四川廣東廣西等省。每年每座稅銀五兩。雲南每年每座稅銀四兩。貴州每年每座稅銀三兩。奉天每年每座稅銀二兩五錢。○又議准。河南省各屬額徵老稅牙帖稅銀。其有行戶歇業者。即行開除。○五十七年覆准。安南開關通市。遠近商民踴躍趨赴廣西南甯府客商。係兩廣浙江兩湖江西山西等省為多。自應設立牙行。為貿易者平其市價。於宣化縣設立牙行十家。足資經理。名為安南通市牙行。由藩司給帖承充。應納牙稅。照當稅

之例。每年每行徵銀五兩。解司報撥。○光緒十一年奏准。湖北自軍興以後。各當舖蕩然無存。嗣經紳富湊集資本。開設質當。均未照章領帖納稅。應令各州縣查明境內質當若干座。無論城鄉市鎮。資本大小。一律捐銀一百兩。遇閏加增銀八兩。從本年春季起。按季呈繳。報解藩庫。另儲充餉。僅有情願領帖納稅者。即予免捐。以示區別。

落地牛馬豬羊等項雜稅。○直隸雜稅銀十有二萬六千四百九十六兩七錢八分有奇。錢千

七百四十四千一百三十文。內牛驢稅銀五千

錢。花布銀一百三十一兩九錢。燒紅銀六百

有。一兩七錢。海稅銀萬一千二百八十五兩

錢。八分。河利銀五百三十一兩四錢。柴

兩。七錢。棧東三。十六石。內解光。棧。八

六。轉。交。內。務。府。丁。字。沽。稅。銀。三。十。兩。雜。貨。稅。銀。九

萬。石。口。稅。銀。四。百。四。十。兩。八。錢。八。分。奇。吉。北。口。平。稅。銀。四

銀千九百十有奇。兩。山東三萬八百五十六兩

一錢六分有奇。內牛驢等稅銀二千五百三十

九。十五。兩。落地商稅銀萬七。山西二萬七千

四十九兩五錢有奇。內海關商稅銀萬九千一

百。稅。銀。四。千。七。百。九。十。五。兩。五。錢。八。分。奇。吉。北。口。平。稅。銀。四

百。稅。銀。四。千。七。百。九。十。五。兩。五。錢。八。分。奇。吉。北。口。平。稅。銀。四

百。稅。銀。四。千。七。百。九。十。五。兩。五。錢。八。分。奇。吉。北。口。平。稅。銀。四

百。稅。銀。四。千。七。百。九。十。五。兩。五。錢。八。分。奇。吉。北。口。平。稅。銀。四

百。稅。銀。四。千。七。百。九。十。五。兩。五。錢。八。分。奇。吉。北。口。平。稅。銀。四

奇。內武昌新料銀三萬三千兩。漢陽新料銀二萬六千九百九十四兩。商稅銀三萬三千五百七十四兩。分雜稅銀四萬一千八百九十九兩。各奇。	湖南萬五千四百九十二兩五錢二分有奇。內稅銀萬一千四百一十有八兩一錢二分。商稅銀三千九百三十五兩六錢六分。牛鹽馬稅銀一錢四分。各奇。	陝西四萬六千十有兩一錢五分有奇。內探程銀千八百六十三兩四錢二分。每材折價等銀一百一十三兩四錢二分。商稅銀九千三百二十七兩九錢。駐防徵收。各奇。	甘肅萬五千八百三十五兩九錢八分有奇。內探程銀四十八兩八錢六分。年例鹽費脚價銀二千二百六十四兩六錢。各奇。	銀五千二百七十一兩二錢六分。馬畜等稅銀四千五百四十七兩一分。商稅銀三千六百九十六兩八錢。各奇。	羊舖整銀三百七十九兩一錢八分。各奇。	兩六錢三分。各奇。	分。下站銀一兩五錢六分。四川二萬九千五百七十二兩五錢九分有奇。內黃城折價銀十有兩。各奇。	五百三十八兩五錢五分。秋糧銀七百二十七兩九錢。各奇。	九錢。各奇。	八錢。各奇。	八萬一千七百七十四兩二錢四分有奇。內地稅銀一千三百三十九兩八錢七分。商稅銀三千六百五十六兩七錢。各奇。	廣西雜稅小稅銀萬九千六百三十分。各奇。
--	---	---	--	---	--------------------	-----------	--	----------------------------	--------	--------	---	---------------------

欽定大清會典事例 卷二四五

百八十七兩八錢有奇。雲南十有萬七千六百六十五兩八錢二分有奇。內花班竹。四錢地。五百三十二兩四錢一分。商稅銀五萬六千七百七十一兩七錢。民辦站銀八百四十七兩二錢一分。紙箔銀三兩六錢。子花銀二百三十四兩四錢九分。麻課銀八萬四千二百七十六兩。各奇。	貴州萬三千六百十有五兩九錢一分有奇。內雜稅銀萬二千五百三十三兩五錢。水課銀一萬一千五百三十三兩九錢一分。各奇。	順治元年定。凡貿易牲畜。按價值每兩納銀三分。康熙三十二年題准。江南省邳州每年額稅銀六百十有一兩二錢。近來商賈流散。關額將闕。額銀豁除。嗣後儘收儘解。四十八年題准。四川省成都府邛州所屬州縣。新立水碾水磨二十二座。課銀五兩三錢三分。於四十九年起徵。五十一年題准。坐糧廳衙門督理通州張家灣等處落地稅務。今統道避稅者多。於黃村地方。設夫役稽查商賈貨物。照例徵稅。雍正三年覆准。雲南府額徵商稅四千三百三十五兩四錢有奇。曲靖府額徵商稅千五百兩六錢有奇。大理府額徵商稅五百六十三兩五錢有奇。楚雄府額徵商稅三百四十三兩五錢有奇。元江府額徵商稅
--	---	---

千一百兩。額外餘賸銀。除存留養廉外。共歸正項銀五千九百兩。又巡撫衙門舊有各府稅規銀八千九百兩。除賞兵等費外。歸正項銀六千一百兩。共歸正項銀萬二千兩。解交司庫措餉。○五年題准。滇省雲南大理。楚雄。曲靖。元江。永昌等六府商稅。又安甯。昆明等四十七府州縣。廢土稅。自雍正六年為始。解司充餉。○又覆准。州縣徵收稅課。凡係巨鄉大堡。載在誌內各集各行。每年實在收數若干。盡行報出。造冊送部。○六年奏准。天津大沽口販賣雜糧商船。飭令天津縣查明取結。一例給予照票。其海口稅務。即交與知縣管理。並令大沽營遊擊驗票放行。將每季所放之船。造冊報部。所給照票。或有破爛。令船戶呈請更換。其實抵北塘海口大小商漁船。一應挂號給票使費。亦令嚴行禁革。交該縣給發照票。按額徵稅。儘收儘解。○七年覆准。甘肅省各府稅務。向令經歷大使等官經收。嗣後將經歷經收之甯夏涼州平涼慶陽等四府稅課。大使經收之鞏昌一府稅務。均改歸知府管理。即令該管道員就近稽查。其河州州判吏

目經收之稅務。亦改歸知州管理。令知府稽查所收稅銀。造入奏銷冊報部。○又覆准。甘肅省靖遠縣之鎖橋。中衛縣之閘門。各設稅口。令靖遠同知中衛知縣稽查徵收。按季造報。○八年題准。雲南省開化府屬馬白地方。與交趾都竜銀銅各廠接壤。商販往來。設立收稅所一處。令同知管理。俟一年後。將所收實數。作為定額。其都竜廠需用底母。照收買餘鹽之例。官為收存。聽商領買。巡查人役工食。於公項銀內動給。○十年題准。貴州省婺川縣濯水地方。設立稅口。徵收鹽稅。每年定額九百十有五兩九錢一分六釐。遇閏加增銀七十六兩三錢二分六釐。如有贏餘。儘數報解。儘徵不足數。據實開報。所有書役工食等費。銀百有二兩六錢七分七釐。照數動支。○十一年題准。陝西省潼關咸陽鳳翔等處商筏書馬等稅。委官監收一年。共收過正餘銀四萬三千八百八十六兩一錢有奇。自雍正十年為始。統以定則正稅報解。仍於年終將一年收過實數。並有無增減之處。先行據實造冊報部。以便於次年奏銷案內覈對。至各屬所

收落地稅銀數。亦今年終一併於雜稅案內造冊題報。○乾隆元年奏准。甘肅省商膏二稅。徵收不一。輕重各別。嗣後逐條刊刻木榜。曉諭往來商販。以免濫收脫漏。仍將刊刻各稅款項細數。造冊送部。○十二年

諭古北口斗稅一項。從前原係營員兌收。今仍著營員管理。所收稅銀。除營中公用外。餘著抵充驛站工料之用。其作何定額之處。交總督會同提督定議具奏。欽此。遵

旨議定。令再試收一年。以所收之數。作為定額。○十五年覆准。直隸省古北口斗稅一項。節年徵收在二千兩上下之數。嗣後每年以二千兩為定額。如有贏餘。儘數報解。管理收稅弁兵。量給錢文。按年造報。○十九年議准。八溝額徵稅銀。每年萬一千五百十二兩有奇。塔子溝額徵稅銀。每年五千九百八十二兩有奇。如有贏餘。儘收儘解。稅員一年任滿。造冊送部考覈。所收稅銀。報理藩院請

旨分賞蒙古札薩克等外。餘騰解部。○二十四年議准。八溝附近之龍鬚門。每年額徵稅銀百十七

兩有奇。大城子每年二百三十五兩一錢有奇。小子溝每年百七十五兩八錢有奇。烏蘭哈達每年千八百三十七兩九錢有奇。固爾板蘇巴爾漢每年千四百四十七兩有奇。木頭城子每年三百七十四兩三錢有奇。如有贏餘。儘收儘解。稅員一年任滿。造冊送部考覈。所收稅銀。報理藩院請

旨分賞蒙古札薩克外。餘騰解部。○二十七年

諭旌額里等奏烏魯木齊安設民人帶戶口兵丁商民陸續前來。所開舖面五百餘間。開墾菜園地三百餘畝。看買賣大小作為三等。每月房租銀三錢二錢一錢。菜園地租。每年每畝收銀一錢。入於公用等因。辦理甚好。伊犁喀什噶爾葉爾羌阿克蘇等處。現俱有商民。伊等所開舖面。墾種菜園。亦俱係官地。當照烏魯木齊一體收租。○二十八年奏准。多倫諾爾稅銀。照八溝定額之例。以兩年所收之數。均勻覈算。每年以萬六千八百五十八兩八錢有奇。作為定額。如有贏餘。儘收儘解。按年造報。○二十九年議准。直隸省龍泉。茨溝。固關。倒馬。插箭峯。荆奇。峰。五虎嶺。白石。馬水等關口稅銀。均委營員

徵收。每年正額銀千一百三十四兩七錢。遇閏加徵銀九十二兩四錢七分有奇。贏餘銀兩。比較上年彙冊解部。永平府屬州縣徵收商稅。每年額徵銀千六十三兩八錢有奇。永平府理事同知。灤州甯河。樂亭。天津。等州縣。每年徵收海稅銀萬一千二百八十五兩四錢八分有奇。均比較上年所收之數。按季解部。又丁字沽稅銀三千兩。窩稅銀三十九兩。獨石口稅銀四百四兩八錢八分。均解司庫歸公動用。古北口斗稅銀折制錢千七百四十四千一百三十文。除本

關零星開銷外。餘錢易銀解司。抵充驛站工料。○又議准。湖北省鍾祥。京山。荊門。三州縣商稅。正額銀三千八十四兩一錢三分有奇。襄陽府額外商稅銀二百九十兩四錢九分有奇。贏餘銀比較上年。其正稅贏餘。一併解交藩庫。於部頒循環簿內。按日填記。送部考覈。○又議准。湖南省常德府商稅銀二百五兩五錢三分有奇。寶慶府每年商稅正額銀三千七百三十兩一錢三分有奇。遇閏加徵銀四兩二錢有奇。所收贏餘銀兩。比較上年。解交藩庫充餉。造冊報部

考覈。○又題准。雲南省府廳州縣。每年商稅正額銀萬四千八百六十二兩九錢有奇。遇閏加徵銀六百八十五兩四錢有奇。雲南府稅課司商稅。春冬遇閏加徵銀三百三十三兩三錢有奇。夏秋遇閏加徵銀百六十六兩六錢有奇。稅規歸公銀萬二千兩。稅餘銀二萬七千九百九十五兩五錢有奇。遇閏加徵銀二千二百七十七兩五錢有奇。剝溢稅口商稅銀二百五十五兩二錢有奇。白馬稅口商稅正額銀千一百九十六兩三錢有奇。解交藩庫充餉。按年造報。○

三十年題准。江蘇省各州縣商稅。每年額徵銀萬四千二百二十七兩二錢有奇。○又題准。福建省各州縣商稅。額徵銀萬六千六十三兩有奇。遇閏照額勻加。○又題准。山西省各州縣。額徵商稅銀萬二千七百三十九兩八錢有奇。溢商稅銀三千八百二十八兩四錢有奇。無額商稅銀二千三百七十一兩六錢有奇。大同縣加徵銀二百三十五兩六錢。○又題准。江西省各州縣。每年額編費稅商稅。正腳並新增共銀五千二百五十六兩八錢有奇。遇閏加徵銀二

百十有八兩三錢有奇。○又題准。廣東省額徵
商稅銀二千二十五兩。過閩加徵銀一百兩。○
四十一年議准。直隸省雜貨稅銀六萬三千七
百四十七兩二分有奇。○又議准。直隸省徵收
落地稅銀。在府城州縣內者。照例徵收。其在鄉
鎮村落者。全行禁革。○又議准。直省徵收落地
稅銀。均令將應徵稅則條款。於收稅處所刊刻
木榜。懸示通衢。並將已革之稅。概行刊榜曉諭。
○又議准。奉天省

盛京各城雜稅。每年額徵銀四千八百十有六兩

五錢五分。吉林雜稅額徵銀千七百八十兩。木
稅額徵銀三百七十兩。甯古塔雜稅額徵銀九
百十有二兩。木稅額徵銀百五十兩。伯都訥雜
稅額徵銀二百七十兩。拉林雜稅額徵銀七十二
兩。阿勒楚喀雜稅額徵銀百三十八兩。奉天各
州縣雜稅齊齊哈爾城牛馬稅儘收儘解。○又
議准。湖北省應城縣石膏稅。每年額徵銀四千
十有八兩九錢八分有奇。船稅黃柏稅牛馬歲
驢稅銀一百四十兩九錢四分。又安陸府市及
大鄉鎮等處。荊州府城內外沙市草市襄陽府

樊城。鄖陽府西關。徵收落地稅銀。儘收儘解。又
武昌廠船料正額銀三萬三千兩。漢陽府船稅
銀二百六十九兩四錢有奇。○又議准。湖南省
雜稅儘收儘解。牛驢馬稅銀一百三十八兩七
錢四分有奇。○又議准。江蘇省蘇州藩司所屬
牛豬稅。每年額徵銀四百二兩八錢有奇。京口
歲稅銀一兩九錢一分有奇。江甯藩司所屬牛
豬花布煙包等正額。並課程軍餉等項贏餘銀。
共千七百八十二兩五錢有奇。碾餉贏餘銀三
百五十兩。陸稅額徵銀二百九十八兩。趙稅銀

三兩。船稅較花雜稅儘收儘解。○又議准。福建
省雜稅。每年額徵銀二千七百二十兩五錢有
奇。牛豬門攤稅銀六百九十八兩四錢七分有
奇。上杭縣河稅。每年額徵銀三千二十二兩有
奇。○又議准。山西省每年畜稅額徵銀四千五
百九十五兩九錢有奇。大同縣加徵畜稅銀四
十九兩九錢有奇。煙稅額徵銀三百三十七兩
九錢有奇。雜稅額徵銀十有八兩二錢有奇。油
樑躉缸鹽課等戶課銀二千二百九十九兩二錢
大同縣加徵油樑等稅銀二百十二兩五錢有

奇。酒課銀一百三兩二錢。河津縣木筏額徵銀九十八兩三錢。贏餘稅銀八十一兩二錢。各有奇。馬牙稅銀八十六兩八錢。壽陽縣張淨鎮段王村下鍊村段照村。定襄縣芳蘭鎮。紬緞布疋棉花木板油斤鐵斤。及在城貨物。照例抽收。又議准。江西省每年額徵牛稅銀三百九兩六錢有奇。酒稅夫船等編徵銀三百七十四兩三錢有奇。礮稅銀三十二兩。又豐城。餘干。建昌。德化。四縣。均徵牙行牛稅。新建。都陽。餘干。浮梁。德化。五縣。均徵牙稅。吉安等處贏餘銀。除裁減外。其餘照舊徵收。牙行鋪戶消乏。隨時減除。又議准。廣東省雜稅。每年額徵銀四萬九百三十一兩三錢有奇。又議准。安徽省商稅雜稅。儘收儘解。牛豬稅銀二千一百六十八兩八錢二分。花布商魚船稅等銀二千三百七十七兩八分有奇。又議准。陝西省潼關道。西安。延安。鳳翔。漢中。榆林。同州。六府。商州。咸陽。隴西等州縣商雜稅。每年額徵銀三萬四千五百五十八兩二錢有奇。贏餘儘收儘解。又每年額徵牲畜稅銀九千三百二十七兩九錢有奇。磨課銀九十

一兩九錢有奇。過閘加徵銀七兩三錢有奇。礮課銀二兩四錢。課程銀千八百六十三兩四錢二分有奇。藥材折價銀五十兩八錢一分有奇。解藥腳價盤銀六十一兩七錢六分有奇。又議准。甘肅省每年徵收藥味。苗草折價鋪墊銀三百七十九兩一錢八分有奇。課程稅銀千四百八十八兩八錢六分有奇。年例料價盤價脚銀二十二兩四錢六分有奇。丁站銀二兩五錢。農桑銀三兩六錢三分有奇。磨課銀三千六百九十六兩八錢八分有奇。架稅銀十有一兩五錢六分。房租銀一百三十兩一錢有奇。煙稅銀八兩。山貨稅銀七兩三錢五分。褐毯稅銀四十八兩四錢八分。馬畜等稅銀四千五百四錢七分有奇。商稅銀五千二百七十一兩二錢六分有奇。又議准。浙江省雜稅。儘收儘解。每年馬稅銀三百二十六兩。牛稅銀四百三十三兩四錢三分有奇。温州府屬每年額徵落地稅銀二百七十六兩一錢有奇。處州府屬額徵落地稅銀百十有二兩五錢有奇。龍泉縣下河口額徵銀四百兩。清橋額徵銀二百三十兩。温州郡

城關廂徵收青枝紅糖明礬香姑紅花柏油釘
鐵煙茶緞花布板木稅銀均儘徵儘解。○又
議准。河南省老稅。每年額徵銀三千五百九兩
九錢有奇。贏餘正額銀六萬五千四百九十五
兩三錢有奇。新增額稅銀萬六千五百九兩三
錢有奇。活稅銀四千五十兩八錢九分有奇。○
又議准。山東省每年徵收雜稅銀六千四百八
十三兩有奇。牛驢馬等稅銀二千五百三十八
兩四錢六分有奇。船稅銀萬七百九十三兩有
奇。落地商稅銀萬一千四十一兩七錢有奇。○

又議准。四川省雜稅。每年額徵銀三千四百四
十七兩六錢有奇。過閘加徵銀三百七兩九錢
有奇。碾榨磨課銀千三百十有四兩九錢有奇。
秋糧銀七百二十七兩九錢有奇。青片生番認
納黃蠟折價銀十有四兩六錢四分。草籽秋糧
馬折銀五百三十八兩五錢五分有奇。落地過
道稅銀二萬三千五百二十九兩有奇。○又議
准。廣西省雜小稅。每年額徵銀九千九十七兩
七錢有奇。過閘加徵銀四百九十六兩三錢有
奇。桂林府正稅銀一百六兩。平樂府正稅銀五

百兩。舊額贏餘銀九千九百八十四兩一錢有
奇。過閘加徵銀二百八十二兩六錢有奇。馬稅
儘收儘解。○又議准。貴州省每年額徵雜稅銀
萬二千五百三十三兩五錢有奇。過閘加徵銀
千二兩八錢有奇。水銀稅課銀一百六十六兩
五錢。遵義府仁懷縣二處雜稅。儘收儘解。貴陽
南籠後改名各府州屬茶煙黑香木耳花椒藤
篾。數至百斤者。照例徵收。遵義府過關牲畜。仍
行抽稅。較稅儘收儘解。遵義修文過渡抽稅不
得兩岸重徵。○又議准。喀什噶爾葉爾羌回民

自外販回牲畜貨物。以二十分抽稅一分。外部
落前來貿易貨物。以三十分抽稅一分。內地商
民帶來貨物牲畜。照此例抽稅。自巴爾替爾克
什米兒前來者。以四十分抽稅一分。烏什回民
自外販回牲畜。以二十分抽稅一分。緞布皮張
各物。以十分抽稅一分。外部落前來貿易牲畜。
以三十分抽稅一分。緞布皮張等物。以二十分
抽稅一分。其不及分數之零星雜貨。按估原本
價值。折收騰格錢文。所抽本色貨物。變價充公。
年底奏銷。巴里坤關展吐魯番烏魯木齊阿克

蘇伊犁等處兵民商賈人等買賣牲畜房產等項。每銀一兩收稅銀三分。每錢一百文收稅錢三文。喀什噶爾伊犁烏魯木齊喀喇沙爾開展阿克蘇等城商舖。每間租銀三錢至二錢一錢不等。開展院內房。每間租銀五分。菜園每畝秋後收租銀一錢。開展臨城圍地。每畝租銀三錢五分。塔爾巴哈台商舖。每間月收租銀一兩。有地基者加收三錢。民人自蓋舖房。每間月收租銀七錢。舖後空院並搭蓋窩棚空地。月收租銀五錢。烏什商舖。每間月收租銀一錢。院內房每間租銀五分。菜園每畝秋後收租銀二錢。庫車商舖租銀二錢至一錢五分。一錢不等。北路烏里雅蘇台商舖。每間租銀四錢至三錢。二錢一錢不等。科布多商舖。每間租銀三錢至二錢。一錢五分。一錢不等。塔密爾商舖。每間租銀三錢至二錢。一錢不等。均交派出部員按月徵收。作雜費之用。年終報部查覈。○四十六年奏准。陝西省榆林府額徵畜稅銀三千三百十五兩有奇。因節年徵解不足。於靖邊縣添設稅局。每年徵解銀八百五十兩。神木廳添設稅局。每年

徵解銀六百六兩有奇。以補榆林稅項之不足。如有贏餘。儘收儘解。正額短少。著落監收之員賠補。按年造冊報部。○又奏准。盛京牛莊。蓋州。熊岳。復州。金州。岫巖等六城界內養蠶之人。每人納官山稅課小數錢三千文。每兩一千箇。商人納小數錢一百五十文。以四十六年徵收稅銀六千六百九十三兩八錢八分有奇之數。作為定額。按年存儲。旗民各庫。搭放兵餉造報。如有多餘。儘數報解。○五十七年覆准。廣西省商民赴安南貿易。一切檳榔。煙茶等貨物。出口入口各稅。俱由潯州。梧州。兩廠照則徵收。毋庸再徵龍州。隘口商稅。○六十年奏准。雲南省順甯府城及南河口。二處稅口商稅。以乾隆五十九年分順甯府城抽獲稅銀八十七兩六錢有奇。南河口抽獲稅銀三百七十四兩二錢有奇。作為定額。如有贏餘。歸入稅餘項下報部。○又覆准。吉林伯都訥所屬孤榆樹地方。設立稅務。售賣牲畜等稅。每年徵收銀三十二兩。作為定額。○嘉慶四年議准。葉爾羌和闐等處出產玉石。無論已未成者。聽商販運。經過關

隘科稅。白玉器每斤銀二分。白玉料每百斤銀一兩七錢五分有奇。綠玉器每斤銀八釐。綠玉料每斤銀七釐有奇。○又議准。嘉峪關新設玉稅。綠白玉石玉器。應稅銀數。刊刻木榜。懸挂關口通衢。玉商到關。按則投稅。○又議准。嘉峪關玉稅。儘收儘解。按季解交肅州。解司報部。○又議准。口外大小官員。自帶玉石進嘉峪關者。概令按則納稅。如遇官為辦解。免其科稅。○五年議准。黑龍江所屬各處。徵收牛馬雜稅房租等銀千四百八兩六錢二分。吉林每年額徵牛馬雜稅等銀三千八百三兩五錢三分有奇。煙酒稅銀千九百十有四兩五錢八分有奇。○又議准。雲南省各屬。每年徵收廠課銀八萬四千二百七十六兩四錢九分有奇。站民認耕銀八百四十七兩二錢一分有奇。紙筋銀三兩六錢。子花銀二百三十四兩四錢一分有奇。地租戶口等銀五千五百三十二兩四錢一分。○又議准。江西省各屬。每年額徵雜辦商賈茶酒租課鈔等銀九萬一千二百八十一兩五錢八分有奇。過關加徵銀三千四百九十四兩七錢有奇。○

又議准。廣東省各屬。每年徵收商稅銀三萬六千四百五十六兩七錢三分有奇。過關加徵銀一百五十五兩八錢五分有奇。落地雜稅銀萬三千九百八十七兩一錢有奇。廠餉銀三萬一千三百三十兩四錢一分有奇。○九年議准。雲南省順甯府城及南河口二處商稅。過關加徵銀三十八兩四錢有奇。○又議准。吉林果爾羅斯所屬長春堡通判。經徵牲畜煙酒等稅。每年額徵銀三百六兩。如有多收。儘收儘解。○十年議准。烏里雅蘇台科布多塔密爾三處鋪房。如有開閉。及租銀增減。按月報部備查。○十一年議准。山西省額徵畜稅銀。每年四千六百兩七錢有奇。大同縣加徵畜稅銀四十九兩九錢有奇。煙稅額徵銀三百三十七兩九錢有奇。雜稅額徵銀十八兩二錢有奇。油樑鹽缸鹽課等戶課銀二千四百三十三兩六錢。大同縣加增油樑等稅銀一百九十九兩三錢有奇。酒課銀七十三兩八錢。河津縣木筏額徵銀九十八兩三錢有奇。○又覆准。甘肅省隆德縣永安堡呂慶甫地方。新設集場所立斗行。應納稅銀。自嘉慶十一

年為始。入額徵解。○道光元年定。呼倫貝爾牛馬稅課。每年正額銀二千三百兩。○二年議准。多倫諾爾陸運木稅。每年額解戶部銀五百七兩六錢二分。○九年

諭嗣後多倫諾爾同知經徵水旱木稅雜稅。飭令該員按季造冊。報明藩司暨總督衙門查考。俟一年期滿。將徵收銀兩。統限一月內詳由藩司一律請給咨批。勒令全數解部。掣批備查。仍由藩司詳請覈題報銷。俾年清年款。不致積壓虛懸。儻有遲延虧缺。隨時查明參辦。○咸豐四年議准。吐魯番徵收棉花稅課。熟

花每百斤稅銀三錢。生花每百斤稅銀二錢四分。其南路回疆出產棉花。由商民運至吐魯番者。除本地軍民零星購買及抵折帳債。均准免稅外。凡由吐魯番經過分販各處行銷之花。一體徵稅。均由鎮迪道給發印票。以利行銷。一切徵收稽查。即責成吐魯番同知經理。所徵稅銀除協濟該處采買兵糧外。如有贏餘。即令該同知批解鎮迪道庫另充經費。年底造冊報部。○七年奏准。吉林燒膏文納票錢。飭令減歸原額十萬八千串。就現在三十九家勻攤。續添新商。

每添一家。照應攤二千七百六十九串之數完納。○八年奏准。阿克蘇茶稅布稅。均歸併牲畜稅局承辦。茶稅每年額徵錢六千串。布稅每年額徵錢三千串。該局員徵有短少。照侵吞公項例。嚴參。所做稅錢。批充該處官兵鹽菜經費。年底咨明陝甘總督。於解阿克蘇經費內扣留。仍將牲畜商稅。分款造報覈銷。○十年

諭直隸省燒鍋稅銀。前經戶部奏明。令該商戶在部呈交。迄今日久。仍有在該州縣交納。已領印收。而稅銀並未解部者。並有商戶等在部完交。該州縣仍復縱差需索者。節經該部據商戶控告。咨交直隸總督等衙門。親提訊究。延不咨覆。實屬不成事體。著直隸總督順天府府尹。迅將此等侵匿稅課。擾累商賈各員。確切查明。嚴行參辦。並著轉飭直隸藩司。通飭各屬。將燒鍋商戶清冊。限一月內先行造報。並令每年六箇月造報一次。倘再遲延。即將該藩司參處。嗣後此項稅課。不准在各州縣交納。即令赴部兌收。其地方稍違者。責齊赴部交代。如該州縣再有私收商稅。侵匿需索等弊。即著該部從嚴參辦。以重稅課。而安商賈。○又議准。山海關貨稅。於正額贏餘之外。加銀八

萬兩。作為贏餘。解部充餉。如有虧短。責成照數賠補。再有多餘。儘收儘報。○又議准。奉天船規一項。以咸豐八年徵收九萬九千六百十六兩收數最旺之年。作為正額。再加一倍。作為贏餘。除留支外。悉數解部。如有虧短。著落經徵之旗民地方官賠補。○又議准。奉天內河各口岸各項貨物。於例徵每石銀二分之外。加徵二分。以咸豐八年徵收三萬七百八十七兩零。作為正額。再加一倍。作為贏餘。如徵不足數。著落經徵之員賠補。○又議准。奉天漁船船規。原徵銀八兩五錢。再加一倍。共徵稅銀十七兩。○又議准。奉天各河口行駛載運糧貨船隻。大牛船原徵銀一兩五錢。再加一兩五錢。共徵稅銀三兩。小牛船原徵銀一兩。再加一兩。共徵稅銀二兩。在往來必經之三岔河口驗票。如有無票私船。即行拏辦。○又奏准。喀喇沙爾收獲牲畜普爾錢雜貨稅課銀兩。每歲額抵本處經費銀三千一百六兩二錢四分二釐。如數交糧餉局收庫。入冊造報。○同治元年奏准。直隸省灤州劉家河口大莊窠地方海稅。額徵銀一百二十兩。昌黎縣蒲

河口。撫甯縣洋河口海稅。額徵銀一百兩。樂亭縣清河口海稅。額徵銀六百兩。甯河縣北塘海口米糧稅。額徵銀一千六百兩。每歲如數徵解。儘有贏餘。儘徵儘解。如徵不足數。亦令補足報解。○四年奏准。吉林廳煙酒稅。每年二萬八千兩。木稅。每年三千七百兩。土稅。每年二萬八千串。均作為定額。自同治三年為始。照數徵解。○又議准。長春伯都訥兩廳煙酒雜稅。長春廳歲以京錢二萬八千串為額。伯都訥廳歲以二萬串為額。贏餘儘收儘解。○又議准。山海關徵收內地商船及沙甯等船。販運奉天雜糧。每石納稅銀一分。謹案奉天米穀雜糧。向止東衛船裝運。後奉天直東二省民食。嗣江蘇巡撫奏准內地商船與北洋豆貨。並行販運。經山海關監督奏請稅則。由部議定。○五年奏准。湖北省應城縣石膏井。改歸委員駐關試辦。仍由縣按季造報。以昭覈實。每年正額贏餘共銀三十八兩。○又奏准。廣州府所徵落地稅。向例每年額徵銀二千五十二兩。遇閏增一百兩。由廠書包徵包解。嗣將正稅暨耗羨贏餘。加至二萬一千六十餘兩。復於本年查明。約可徵銀五萬二千兩有奇。應請自同治六年起。委員赴府會辦。永



ZW 21101000692648

不准書役包徵。除提溢餘銀一萬兩。作為到省
 新任各官衙署辦公之用。計每年應解銀四萬
 二千餘兩。○七年議准。吉林省燒鍋稅銀。加阿
 勒楚喀等三城額票十三張。每張交銀五百兩。
 按年徵銀六千五百兩。五常堡新開燒鍋五家。
 每家交銀二百兩。按年徵銀一千兩。自同治七
 年為始。按額加徵。○又議准。甯古塔燒鍋。原額
 徵錢一萬二千串。量減二千串。每年以一萬串
 為額。○八年議准。長春廳經徵牲畜煙酒等稅
 於額徵京錢二萬八千串外。每歲加增包稅錢
 一萬二千串。遇閏加增。內以五千串市錢。到
 抵伯都訥廳額稅。○
 光緒四年奏准。吉林各稅。改歸將軍委員試辦。
 ○八年奏准。廣東省廣州佛山等廠。自改歸官
 辦以來。裁長補短。尚無虧欠。近則外洋輪船日
 多。內地行販日少。商人計圖便捷。大半舍內地
 而就外洋。現復議行子口稅單。洋貨運入內地。
 一經完納半稅。領有海關稅單者。沿途查驗放
 行。均不重徵。以致落地稅漸形短絀。嗣後仍飭
 令認真稽覈。以裕稅課。○九年議准。吉林煙酒
 稅銀仍以二萬八千兩。木稅仍以三千七百兩。

作為定額。如遇歉歲。先期查明具奏。不准無故
 虧額。○十一年議准。奉天船規。每年以十二萬
 兩。作為定額。僅十二萬兩之外。徵有贏餘。儘收
 儘解。如徵不足額。即著落經徵之旗民地方官
 賠補。